





50459 B

Axxx Syd

THOMÆ SYDENHAM

MED. DOCT.

AC PRACTICI LONDINENSIS

Bridault Celeberrimi medicum

OPERA MEDICA;

in Tomos duos divisa.

EDITIO NOVISSIMA aliis omnibus quæ præcesserunt multò
emaculatio, & novis Additamentis ditior. Imò Indice Al-
phabeticò locupletissimò in locum ELENCHI RERUM
suffectò, utilissimè ornata.

TOMUS SECUNDUS.



GENEVÆ,
Apud FRATRES DE TOURNES.

M. DCC. XLIX.

J. H. O. H. V.
MAHONEY

MAHONEY
MAHONEY

MAHONEY

MAHONEY

MAHONEY

MAHONEY

MAHONEY



MAHONEY



CATALOGUS CONSTITUTIONUM EPIDEMICARUM

hòc Tomò Secundò contentarum, cum GUILHELMI MUSGRAVE
de Arthritide Symptomaticâ & Anomalâ Tractatibus.

- B**ernardini Ramazzini, in Mutinensi Lycæo Medicinæ Professoris,
*Dissertationes tres, de Constitutionibus annorum 1690. 1691. 1692. 1693.
1694. in Mutinensi Civitate & illius Ditione.*
- Lucæ Schroeckii, Academ. Cæsar. Leopold. Natur. Curiosor. Præsidis,
Historia Constitutionis Epidemicæ Augustanæ, anni 1695.
- Michaelis Bernardi Valentini, *Constitutio Epidemica Hassiaca, anni 1693.
& 1694.*
- Johannis Jacobi Harderi, *Constitutio Epidemica Basileensis, anni 1695.*
- Gustavi Casimiri Garhliep, *Constitutio Epidemica Berolinensis, anni 1695.*
- Michaelis Bernardini Valentini, *Constitutio Epidemica Hassiaca, anni 1695.*
- Lucæ Schroeckii, *Constitutio Epidemica Augustana, anni 1696.*
- Gustavi Casimiri Garhliep, *Constitutio Epidemica Berolinensis, anni 1696.*
- Conradi Bertholdi Behrens, *Constitutio Epidemica Hildesiensis, anni 1695.
& 1696.*
- Lucæ Schroeckii, *Constit. Epidem. Augustana, annorum 1697. & 1698.*
- Gustavi Casimiri Garhliep, *Constitutio Epidemica Berolinensis, anni 1697. &
1698.*
- Sylvestri Samuelis Anhornii, *Constit. Epidem. Sangallensis, anni 1697.*
- Caroli Raygeri, *Constit. Epidem. Poseniensis, annorum 1695. 1696. & 1697.*
- Lucæ Schroeckii, *Constitutio Epidemica Augustana, anni 1699. & 1700.*
- Gustavi Casimiri Garhliep, *Constitutio Epidemica Berolinensis, anni 1699.*
- Joh. Jacobi Harderi, *Constitutio Epidemica Basileensis, anni 1699.*
- Rudolphi Jacobi Camerarii, *Constitutio Epidemica Tubingensis &c. anni 1699.
& 1700.*
- Ambrosii Stegmanni, *Constit. Epidem. Mansfeldiaca, anni 1697. & 1698.*
- Gustavi Casimiri Garhliep, *Constitutio Epidemica Berolinensis, anni 1700.*
- Constitutio Epidemica Uratislaviensis, annorum 1699. 1700. 1701.*
- Constitutio Epidemica Berolinensis, anni 1702.*
- Lucæ Schroeckii, *Constit. Epidem. Augustana, anni 1701. & sequentium.*
- Joh. Jacobi Harderi, *Constit. Epidem. Basileensis, anni 1700. & 1701.*
- Gustavi Casimiri Garhliep, *Constitutio Epidemica Berolinensis, anni 1701.*
- Ejusdem *Constitutio Epidemica Berolinensis, anni 1703.*

CATALOGUS CONSTIT. EPIDEM.

- Ejusdem *Constitutio Epidemica Berolinensis*, anni 1704.
 Guntheri Christophori Schelhameri, *Constitutio Epidemica Holsatica*, anni 1706.
 Marci Gerbezii, *Constitutio Epidemica Labacensis*, anni 1709.
 Ejusdem *Constitutio Epidemica Labacensis*, anni 1710.
 Joh. Georgii Hoyerii, *Constitutio Epidemica Mulhusina*, anni 1700.
 Rudolphi Jacobi Camerarii, *Constitutio Epidemica Tubingensis* anni 1701.
 Ejusdem, *Schediasma ad Historiam Epidemicam*, anni 1702.
 Johannes Guilhelmus Baierus *de frigore Hyemali*, anni 1709.
 Bernardinus Ramazzinus *de frigore Hyemali*, anni 1709.
 Joh. Adami Genselii, *Constitutio Epidemica Inferioris Hungariæ* anni 1711.
 1712. & 1713.
 Lucæ Schroeckii, *Constitutio Epidemica Augustana*, anni 1711. 1712. 1713.
 1715. 1716. & 1717.
 Marci Gerbezii *Constitutio Epidemica Labacensis* anni 1712.
 Ejusdem *Constitutio Epidemica Labacensis* anni 1713.
 Ejusdem *Constitutio Epidemica Labacensis* anni 1714.
 Ejusdem *Constitutio Epidemica Labacensis* anni 1715.
 Ejusdem *Constitutio Epidemica Labacensis* anni 1716.
 Ejusdem *Constitutio Epidemica Labacensis* anni 1717.
 Josephi Lanzonii *Constitutio Epidemica Ferrariensis* anni 1715.
 Ejusdem *Constitutio Epidemica Ferrariensis* anni 1716. & 1717.
 Dn. D. Caroli Friderici Loew, *de Febre Petechiali* ann. 1683. Posonii grassatâ,
 & cujus descriptionem in Adversariis Paternis repererat, Epistola ad Clariss.
 Dn. Francisc. Frider. Possinger, Archiatrum Cæsareum.
 Dn. D. Andreae Loew *Historia Epidemica Hungariæ*, annorum 1688. 1697.
 1699. 1700. 1701. 1702. 1703. 1704. 1705. 1706. 1707. 1708. 1709.
 ab ejusdem filiô Dn. D. Carolô Frider. Loew, Perillustri Lucæ Schroeckio,
 Academ. Natur. Curios. Præsidi, &c. annô 1726. communicata.
 Dn. D. Josephi Lanzoni *Constitutio Epidemica Ferrariensis*, ann. 1729.
 Dn. D. Caroli Frider. Low, *Historia Febris Catarrhalis*, quæ ann. 1729.
Mense Novembri & Decembri, per Europam Epidemicè grassata est; cui
accedit Constitutio Epidemica anni 1730.
 Dn. D. Caroli Richa *Constitutio Epidemica Taurinensis* annorum 1720. 1721.
 1722.
 Dn. D. Guilhelmi Musgrave *de Arthritide Symptomatica; Dissertatio.*
 Ejusdem *de Arthritide Anomalâ, sive Internâ, Dissertatio.*



THOMÆ SYDENHAM

OP E R U M

TOMUS SECUNDUS.



N primò horum Operum Tomò vidimus, Clarissimum Autorem nostrum Constitutiones Epidemicas Londinenses Annor. 1661. 1662. 1663. 1664. 1665. 1666. 1667. 1668. 1669. 1670. 1671. 1672. 1673. 1674. 1675. 1676. 1677. 1678. 1679. 1680. imò ex parte usque ad annu 1685. magnâ curâ describentem. Utinam alii plures eidem studio incubuissent! Historia morborum sic minùs manca foret, & iisdem recurrentibus constitutionibus, in subsequentibus annis, apertior, ac multò faciliior daretur via ad morborum per ea tempora vigentium medelam. Verùm pauci admodum diligentioris observationis negotium, non parùm sanè difficile, in se suscipere dignati sunt; inter quos si insigniores aliquot seligeremus, atque hìc insertos traderemus, ut sic aliquatenus plenior fieret Constitutionum Epidemicarum Historia, Docto Lectori perutile quid nos facturos opinati sumus. Sunt autem Præclarissimi illi. Observatores quos in Scenam jam producimus, Bernardinus Ramazzini; Lucas Schröckius; Michael Bernardus Valentinus; Johann. Jacob. Harderus; Gustavus Casimirus Gahrlied; Conradus Bertholdus Behrens; Rudolphus Jacobus Camerarius; Ambrosius Stegmannus; Medici Uratislavienses; & aliorum, tum Germanorum, tum Hungarorum, tum Italicorum &c. non mediocris numerus.



BERNARDINI RAMAZZINI

in Mutinensi Lyceo Medicinæ Professoris

DISSERTATIONES TRES

De CONSTITUTIONIBUS Annorum 1690. 1691. 1692.
1693. 1694. in Mutinensi Civitate & illius Ditione.

Dissertatio Prima.

De CONSTITUTIONE Anni 1690.

Solemnis Astrologorum, quos Judiciarios appellant, ferè ubique est Consuetudo, ut cum Annus extremo senio confectus est, & ad sui finem properat, illicò successuri Anni genesim in antecessum describant, & ex Astorum positu illius Indolem, genium, mores, num salubris, an insalubris, num frugifer, an sterilis futurus sit, suas Ephemerides evulgando prænuntient. Contraria quidem, sed tutiori methodo mihi visum est incedere, siquidem Anni jam exacti naturam, ac temperiem, qui Morbi grassati fuerint, quæ remedia Praxis salutaria deprehenderit; quæ noxia, compendiosè enarrare constitui, quod Institutum posthac singulis Annis prosequi mihi in animo est, donec Operis filum abrumpat

— *Mors ultima linea rerum.*

Id autem Ingenuis Professoribus nec injucundum, nec Praxi prorsus

inutile futurum credidi, quando Ars Medica solis Observationibus ortum suum, ac progressum debet, majorem quoque in dies habitura, si ea quæ in morborum Curationibus nova, & insolita quotidie accidunt, accuratiùs observarentur. Erit tamen, non secus ac in Astrologorum Ephemeridibus, hic quoque Divinationi locus; non enim ea solum quæ hoc Anno apud Nostrates acciderint, referre satis duxi, sed pensum meum existimavi, ulterius causas disquirere, undenam tam copiosa morborum seges in agris nostris prodierit, ac si non philosophari, saltem divinare, quem exitum habitura sit hæc Epidemica Affectio. In rebus autem abstrusis, & alta caligine involutis vaticinari quoque humanam imbecillitatem pudere non debet, multoque minus in Arte Medica, quando ipse Divinus Præceptor tradidit, *Medicinam, & Vaticina-*

tionem esse valde cognatas, cum ambarum Artium unus sit Apollo Progenitor.

II. Exactè perdiscendam Temporum Constitutionem & quemque morbum, & qui morbus sit bonus, & qui periculosus, aut in Constitutione aut in morbo, verba sunt, immo Oraculum Hippocratis in libro de diebus Judicatoriis; nam ut ibidem ait, *Plerumque Hominis Natura Universi potestatem non superat.* Nomine autem Universi procul dubio Divinus Senex Aëris potestatem nobis designavit, ex cujus vitio omnes ferè Epidemiales affectus ortum ducunt. Plurimum autem momenti, tum ad prænocendos futuros morbos, tum ad eosdem profligandos, & rectam victus rationem instituendam, quæ à morbis vulgaribus Optima Præservatrix dicitur, plurimum inquam momenti habere, non solum præsentem temporum Constitutionem, sed etiam antea actas diligenter observare, nemo non videt, cum ex iis, tanquam ex sua radice, variæ, & insolentes Aëris alterationes progerminent, quæ modò hanc, modò illam morbi popularis speciem quandoque inferant. Antequam ergò Epidemici Affectus, qui Colonos nostros, & Cispadanæ Regionis humiliorem partem afflixit, descriptionem aggrediar, operæ pretium duxi, prægressas Constitutiones paululum perpendere.

III. Quatuor, aut quinque Annos non vulgaris siccitatis in tota penè Italia præcessisse jam satis constat, quo tempore uberrimus fuit frugum omnium proventus, & satis prospera valetudine in universum uti concessum fuit; adeò verum deprehen-

sum est vulgatum illud, quòd in siccitatibus omnia sint salubriora. Anno verò huic præcedenti circa Vernale Aequinoctium ingentes pluviae cecidere, quæ identidem repetentes totum Veris tempus horridum, & ignavum reddidere. Æstas subsecuta, & ipsa fuit magna ex parte pluviosa. Circa Solstitium signa Rubiginis in frugibus observari coepta, quæ Rubigo sensim augescens triticeam segetem maximè corripuit, frumenti culmos usque ad aristam maculis veluti sanguineis adspargens. Eadem pestis fabas quoque, ac reliqua legumina obsedit, adeò ut spem præconceptam de Anni fertilitate pauci dies eluserint; solabatur tamen Annorum antecendentium foelix ubertas, ut venturis temporibus provisa sufficerent. Sub initium Septembris, ac multò magis sub Æquinoctium ipsum largiores pluviae delapsæ, quæ per totum Octobris mensem perseverarunt, ut Flumina immensam aquarum vim intra suos aggeres non nisi improbo labore continuerint. Postremi duo menses ferè impluvii fuerunt, & annum 1689. satis placidè clausere. In prædictis Constitutionibus non nisi morbi Sporadici observati sunt, nec multa funera Annum infestarunt.

IV. Ineunte autem Anno 1690. (quem Rubigalis lues, fruges & quodcunque fructuum genus depascendo, & Febrium Ilias primò Rusticanam gentem, mox Urbanam quoque corripiendo, nefastum reddidere) Constitutio pluvialis postliminiò, sed gravior recurrens, ac ferè continua, omnium animos obnubilavit. Sic hyemem humidam, nimbosam cum exiguo frigore, nivibus vix delapsis illicò tabescenti-

bus, ægrè transegimus. Martius mensis porro sine pluviis præter morem, & magna aëris tranquillitate usque ad Aequinoctium exactus, animos erexerat, cum Cœlum denuò omnes quas in sinu suo contineret aquas visum est super nos effudisse. Unius Nycthemeri spatium aquis oppleta sunt omnia, ut hæc Civitas Insulæ specimen præferret. Horret animus Agricolarum calamitates in hac magna eluvione referre, qui

Ducebant remos illic ubi nuper arârât.

Neque id solum visum est in Mutinensi agro, sed etiam in Finalensi, Mirandulano, & Ferrariensi, qui situs pars olim fuit antiquæ Vallis Padusæ, in quâ omnia Flumina ex Appennino descendencia, à Placentina Urbe usq; ad Adriaticum Mare, Strabone teste exonerabantur, antequam structis aggeribus Padum subire cogerentur; quare in his locis ad longum tempus stagnârunt aquæ, non admittente Pado ad satietatem pleno, non solum circumjacentes aquas, sed per Scultennam, & Gabellum proprias aquas in agros nostros eruçant. Perstitit deinde eadem pluviosa Constitutio non solum toto Veris tempore, sed per totam ferè Æstatem, ut nulla penè dies sine pluvia visa fuerit. Hinc factum, quod unâ cum pluviis flante ut plurimum Boreâ, nulla unquam Æstas nostro in hoc Climate extiterit, in qua remissior fuerit caliditas, ut patuit ex Thermometris; unde nunquam serior fuit frugum maturitas, mæsse Julio mense peracta. In Barometris quoque observatum est multò clariorem quàm aliàs fuisse Mercurium, Aëre crasso, & nebuloso existente. Cicadæ hoc anno ut plurimum aphonæ observatæ sunt, illarum

loco per totam ferè Æstatem coaxantibus Ranis; sic pro Vere hyemem, & pro Æstate Ver sortiti fuimus.

V. Nullus Annus in his Regionibus pisculentior unquam fuit, quare cum Pisces ubique pretio vilissimo proflarent, plebs Urbana hoc alimenti genere familiariter usa est, multoq; magis plebs Agrestis, quæ facili negotio propriis in agris, & in ipsis laribus pisces captabat. *Neptuno pro Cerere victum subministrante*, ut de Ichthyophagis scripsit Diodorus Siculus, donec super cibo isto levissimo nauseante rusticano stomacho, sicut olim gens Hebræa in Deserto, Allia, & Cœpas appeterent. Ab amico Mercatore fide digno, qui Mantuanum agrum hisce temporibus peragravit, ut Sericum emeret, accepi, Rusticos illos ægrotis suis febricitantibus, & nauseabundis Allia, & Cœpas coctas pro ferculo præbuisse, quod cum in aliquibus foeliciter cessisset, passim exinde hoc remedii genus, tanquam Elixir proprietatis, quo mirificè recreabantur, valdè ex usu fuit.

VI. Sub initium Junii denuò, sicut Anno ante acto, apparuere signa Rubiginis. Vim Rubigalis morbi prima persensit Morus, nec illi quicquam profuit ipsius Prudentia, cujus Symbolum in censu Plantarum audit. Mox eadem Rubigo, pessimus omnium frugum morbus, & paulatim augescens, Frumenta, & omnium legumina, sed præsertim Fabas, occupavit, neque solum in locis humilioribus, ubi computruerant aquæ, sed etiam in editioribus, ut supra Viam Æmiliam, & in ipsis Collibus. Luctuosum sanè, ac deplorandum spectaculum omnium oculis fuit, campos circumquaque non

virentes , sed atratos , & fuliginosos intueri ; sicut enim Anno huic præcedenti hæc lues rubro colore fruges infecerat , ita hoc Anno , non Creta , sed Carbone notando , easdem magna atredine resperferat. Sic frumentatio pessum ivit , Frumento partim à Rubigine absumpto , partim ob aquarum colluviem in Lolium converso. Sed neque Plantarum fructibus , qui Æstatis principio , vel sub Opora maturescunt , pestis hæc pepercit. Nunquam in tota Estensi Ditione Uvarum , sicuti rerum omnium maximè ferace , parcius fuit Vindemia , botris ab eadem peste paulatim exesis. Nucibus tantum , quarum præter morem ante actis annis magna penuria fuerat , hæc Rubigalis lues non nocuit. At neque hortensis familia vim hujus morbi cuncta depascentis effugit , nam Olera ferè omnia sydereo veluti afflatu uflulata sunt , adjecta quoque altera clades , nam Erucae , & Bruchi hortos omnes depopulati sunt , nudis Stolonibus relictis. Melonum , sicuti & reliquorum fructuum , magna fatuitas , ut & ipsa Animalia illorum esum quandoque respuerent.

VII. Vix risum forsan tenebit aliquis , quòd res tam minutas adeò curiosè persequar ; at is sciat quòd magnarum calamitatum non rarò exigua sunt signa , &

Sæpe exiguus mus

Augurium tibi triste dabit.

Quemadmodum in re Nauticâ ex levi nebula magnæ tempestatis signa captantur , ita & in re Medicâ ab exilibus indiciis magni morbi impendentes non rarò prævidentur , quare Hippocrates : *Nihil negligere*. Sic non immeritò Cleombrotus apud Plutar-

chum , Demetriū dicentem , ridiculum esse ex rebus minutis de grandibus facere indicium , arguebat his verbis. *Artem Medicam pestilentem æstatem ex araneorum frequentia prænunciare , atque ex foliis ficulneis , quando Vere Cornicis pedem referunt , quis confitebitur qui res pusillas statuatur vestigia non esse magnarum ?*

VIII. Pluviosam Constitutionem quæ ab anni principio usque ad totum Julii mensem obstinatè perstiterat , magna postmodum siccitas per duos ferè integros menses excepit ; hujusmodi tamen siccitatem non multa caliditas comitata est , & qualis cæteris Annis apud nos persentiri solet , præsertim cum *Procyon furit* ,

Sole dies referente siccos.

Post æquinoctium verò cœperunt denuò apparere pluviae , ad quarum primum adspectum nemo non expavit , fuere tamen valdè moderatæ , & quantum sufficerent ad terram strigosam , ac veluti faxeam ob prægressam siccitatem emolliendam , adeò ut Colonorum votis pro desiderata frumenti satione responderit. Ultimi duo menses , sicuti priori anno cum perpetua ferè serenitate , & modico frigore , quantum prima pars hyemis postulabat , Anni cursum absolverunt.

IX. Hæc itaque fuit hujus Anni Constitutio , omnium non solum Vegetabilium , sed etiam Animantium naturæ , ut modò videbimus , valdè infesta. Quamvis ergo hyems adeò intempestiva fuerit , nihil tamen contigisse scio , quod ad Medicam lancem trutinari debeat , neque id mirum , nam tunc temporis cudebantur morbi suo tempore , & loco erupturi. Epi-

demicos Affectus, non præsentium Constitutionum, sed præcedentium esse productum, & sobolem scitè annotant Montanus, & Vallesius, duo clarissima Medicinæ lumina, idque apertis verbis ipse quoque Hippocrates asseruit. *Cum fieret autem, inquit ille, totus annus humidus, & frigidus, & Borealis, per hyemem quidem salubriter degebant maxima ex parte, ante Ver autem multi quidem degebant morbidè.* Succedente itaque Verno tempore, ac circa medium Aprilis mensem magna febrium seges in Mutinensi agro intrà Viam Æmiliam, aliisque proximis locis, ubi diù stagnarant aquæ, ex improvviso caput extulit. Tertianæ omnes intermittentes ab initio fuerunt, & neminem novi, qui in principio hujus Epidemici affectus alio febris genere tentatus fuerit. Indiscriminatim Ruricolæ omnes, cujuscunque sexus, ætatis, temperamenti, vitæ generis, corripiebantur, cum magno horrore, frigore, & tremore, interdum quoque vomitione accedebant hæ Febres; copiosi quidem sudores in principio hujus Epidemici Affectus ipsas comitabantur, qui postea in morbi progressu remittebant; pauci integrè judicati sunt, sed omnes ferè, qui evasisse videbantur, experti sunt recidivas; neminem tamen hujusmodi Febrium genus licet tam populariter grassatæ fuerint, quod sciam, sustulit. Multoties accidit, ut cum in die intermissionis celebraretur phlebotomia, eadem die Febris corripere, & de simplici Tertiana duplex fieret. Nec id solum Ruri observatum est, sed etiam in Oppidis, & in hac Civitate, cum eodem tempore Oppidani quoque &

Plebs Urbana iisdem Tertianis febribus intermittibus exercerentur, sed longè inferiori numero, ac gens Rusticana.

X. Perseverarunt itaque hujusmodi Febres per totum Veris tempus, cum ejusmodi typo; accedente verò Æstate, in duplices Tertianas omnes conversæ, & quæ de novo accesserunt, hujusmodi typum servarunt. Duplici Tertiana igitur omnes fere Agricolaë eodem tempore laborarunt, quæ quidem ut plurimum intermittens erat, sed valdè protracta, ut paucæ horæ pro apyrexia numerarentur. Vespere ut plurimum exacerbabantur, illas stipante magno Symptomatum satellitio, veluti vomitione, anxietate, capitis dolore, vertigine, in nonnullis stupiditate, in aliis mentis emotione; quod autem non raro mihi observatum est, magna erat virium nocturna prostratio, ac interdum cum asphyxia, ut proximi Silicernio viderentur, manè cuncta hæc remittebant oriente Sole, ad cuius matutinos radios, è lectulis exsurgentes se exponebant, ac vitales spiritus ex inexhausto illo luminis, & caloris Fonte veluti potabant. Cùm hōc Annō curiosius rusticatione, quamvis parum tuta, oblectatus fuërim, non semel admiratus sum, quomodo Aegri, qui tota nocte cum Morte luctabant, manè sub Porticibus, velut Angues ad Solem cutem curantes, erecti starent, ac tantum virium iis superfuisset, ut campos etiam peragrarent; perstitit tamen in omnibus satis commoda cibi appetentia, quin persæpè non paucos audivi de nimis parca alimonia conquerentes,

tes ; ac revera hujusmodi Febres , quantum observare licuit , fuere magis famelicæ , quàm siticulosæ.

XI. Verminatio nunquam aliàs major fuit , nec solum in Pueris , sed etiam in provectioris ætatis hominibus. Memini me vidisse Rusticum quendam annorum circiter 40. sub Porticu ad Solem ex Febris accessu rigentem , atque unà valdè singultientem , à quo cum sciscitatus essem , num Vermes rejecisset , ac ille respondisset , se aliquot Vermes inferius , ac superius dejecisse , Singultum , à cujus molestia se potissimum liberari instabat , à Vermibus stomachum lacerantibus fieri asserui ; cum autem fortè pulverem Chinæ-Chinæ sibi à Medico Forensi præscriptum in promptu haberet , permisi ut illum assumeret. Siluit pertinax Singultus unà cum febre , quæ tamen paucis post diebus rediit , sed sine tam molesto Symptomate. Aliàs postea expertus sum hujusmodi remedii genus in lumbricis puerorum enecandis , quod mihi feliciter cessit.

XII. Sanguis , qui in hac Constitutione secta Vena educebatur , ut plurimum crassus , & subpallidus apparuit ; in non nullis etiam Ictærodes observabatur , quamvis exterius in Corpore similis color non floreret. Alvi excrementa in omnibus ferè febricitantibus crassa erant , & compacta. Quæ per os rejiciebantur subacida potius erant , quàm amara. Urinæ ut plurimum crassæ , ac turbidæ multumque lateritii sedimenti habentes reddebantur , ac persæpè in febribus , in quibus nulla erat cacoethiæ suspicio ; Hypochondria in omnibus dura , ac distenta.

XIII. Quibusdam , postquam illos hujusmodi tertianæ febres diù exercuissent , apparuere Parotides , quæ ut plurimum suppurabant , at neque hoc pacto contumacissimæ febres summovebantur. Curavi Mulierem utero gerentem , quæ , cum per integrum Septembris Mensem febricitasset , oborta Parotide , ac feliciter suppurata , & ad longum tempus perpurgata , nondum tamen , cum jam Anni finis imminet , à febre immunis est ; adeò contumax , ac penè indomabilis erat fomes , cui hærebant hæ febres. Cæterum nunquam visæ contumaciores febres ad recidivandum magis pronæ , & quæ magis Medicorum industriam eluderent ; siquidem nec repetitæ phlebotomiæ , nec purgationes , nec mille alexipharmaca , quæ pleno gutture tanquam manus Deorum Receptoriorum Chorus adeò celebrat , quicquam profuere. Immo observatum , citius ac tutius restitutos , quibus nec sanguis ductus , nec purgantia exhibita , nec ullum aliud remedii genus administratum , toto salutis negotio Naturæ morborum Medicatrici commissio. Felicius tamen cessit , quibus purgationes , & vomitiones præscriptæ , quàm quibus pluries secta est Vena ; ii namque in deterius semper labebantur. Vidi pauperem Agricola à duplici tertiana ad longum tempus conflictatum , & jam in magno discrimine versantem , cui nec detractus fuerat sanguis , nec ullum aliud remedii genus adhibitum , solo Vini generosi potu , meo consilio propinati , feliciter convaluisse ; sic multos alios novi hoc solo cardiaco restitutos , aquæ usu , ac cæteris remediis ablegatis.

XIV. Cum

XIV. Cum autem hujusmodi Tertianæ febres non solum Colonos, sed etiam Oppidorum majorum, & Urbium Incolas, si non tam populariter, saltem eadem contumacia fatigaret, ac usu potius remediorum exasperarentur, quàm mitescerent, mihi visum est hoc Anno apud nos contigisse id quod apud Plutarchum legimus in libro de Oraculorum defectu, quod nempe in hac Constitutione, quædam Medicæ Artis Oracula obmutuerint, dum causam ignorarent, quare præconceptæ opinioni de magna medicamentorum supra morbos quocumque potestate, Tertianæ febres intermittentes, ut plurimum citra malignitatis suspicionem, minimè auscultarent; quare locum habuit Virgilianum illud

— cessere Magistri,
Phillyrides Chiron, Amptaoniusque Melampus.

XV. Major itaque pars Medentium apud Nostrates, ut vulgi calumniis, & assiduis ægrorum querimoniis se subducerent, in hac Tempestate ad Peruviani Corticis sacram Anchoram confugere, at parum prospere; nam in periculosiores scopulos ægrotantes suos persæpè deduxere. Usu febrifugi per aliquot dies equidem sub dolo cinere latebat ignis, verum postliminiò violentior recandescebat. Qui tamen peritiores erant, ac rebus ægrotantium magis, quàm propriæ ambitioni consultum volebant, *Nabant sine Cortice*.

XVI. Hoc itaque tempore processit Febrilis acies per totam Æstatem, ac totum Autumnum, Rura, & Oppida infestando, frustra *Quartanam sperantibus agris*, & intervallum ali-

quod à quotidianis paroxysmis expectantibus; nam pauci hoc Anno visi sunt Quartanarii; sicuti nec observare contigit Synochas ullas, vel Febres ardentes, sed solum Tertianas, quæ quidem sub finem Autumni, & prima parte Hyemis rariores fuere, sed graviores, intermittentes quidem in principio, sed quæ tandem in continuas, & lentas migrarent, ut plurimum cum solita periodo circa Vesperas Ægris horrescentibus.

XVII. Febrili huic Exercitui, qui stativa castra posuerat inter Padum, & Viam Aemiliam, quam transgredi ausus non est, (cum in toto illo tractu, qui Colles, & hanc Viam interjacet, inculcata Valetudine, & secura rusticatione uti concessum fuerit) multi alii Morbi junxere se comites, qui sporadicè vagantes multas prædas agebant ut Alvi profluvia, Icteri, Apoplexiæ, Hydropes, Catarrhi præfocativi, aliique Affectus. Qui Dysenteria hoc Anno laborârunt citius, ac foelicius evasere, quàm qui Diarrhœa.

XVIII. Vim hujus Constitutionis Viri robustiores, & adulti facilius tolerarunt, minùs Foeminæ, ac Pueri, quorum qui infra trimatum erant, ferè omnes periire. In solo Finalis Oppido plus quàm tercentum Pueros referunt extinctos, ut ex ejusdem Oppidi Necrologio constat. Magna quoque fuit Infantilis strages in Mirandulano agro, & Novellariensi. Ad dies aliquot febriles paroxysmos tolerabant, postmodum fiebant Icterici, ac paulò post Epileptici insultibus correpti occumbebant. Cæterum præ multitudine hominum decumbentium pauci sunt extincti,

ac potius ex diuturnitate morbi, & frequentibus recidivis, quàm ex Febris vehementia succubuerunt; qui tamen fuere superstites magna ex parte facti sunt IctERICI, LIENOSI, & CACHECTICI.

XIX. Vim hujus malè moratæ Constitutionis experta quoque sunt cujuscunque generis Animalia, quæ in magno numero interiire; sicut autem in ea quam describit Silius Italicus, quæ sicca fuit, & præservida, Vim primi sensere Canes, ita in hac frigida, & præhumida clades Pecudum fuit, quibus, postquam per dies aliquot ægrotassent, veluti per crism apparebant Variolæ in capite, & collo, ac plerumque ab iisdem excoecabantur; sic quæ ex vehementia morbi non perierant, tandem ex inedia contabescebant. Sues quoque turmatim suffocati moriebantur. Vidit etiam persæpe infoelix Arator concidere

*Inter opus Tauros, medioque
recumbere sulco.*

Nunquam parcius nobis mellificarunt Apes, vel propriis in sedibus extinctæ, vel aliò migrantes; Bombyces quoque initio quidem catervatim peribant, qui verò superstites fuere in ipso Opificio semianimes, & ignavi concidebant. Nimius essem si cuncta singillatim recensere vellem. Extispicium aliquod, Pecudum præcipuè, quarum major fuit strages, identidem celebrare, ac hariolari quænam esset talium morborum causa, non abs re fuisset, si per tempus licuisset.

XX. Scio non defuturos qui me coarguant, quòd ad Veterinariam transgrediar; oblatrent quantum velint,

Tom. II.

quòd talia observare Medicam Artem profitenti indecorum nequaquam crediderim. Egit id Medicorum Maximus, quem non puduit scrutari, quare Bobus facilius quàm cæteris Animalibus excidant femora, hæc autem sunt illius verba, nemini, quod sciam, observata. *Bobus tunc magis excidunt femora, cum tenuissimi existunt, sunt autem tenuissimi Boves ad finem hyemis. Tunc etiam maximè luxantur, si tamen, & hujusmodi quiddam in Medicina scribere convenit. Verum convenit utique.* Atqui si celebriores Anatomici tot sectiones, tot experimenta per mortes Brutorum agunt, ut Anatomiam in hoc genere comparatam, quam in Medicina desiderari dictum erat Sapientissimi Baconis, jam habeamus, cur non licebit quoque illorum morbosos affectus observare? Quin Medico Chirurgico licere interdum absque Artis dedecore Bestiis mederi, ostendit Eruditissimus Vir Carolus Patinus in sua elegantissima Oratione in Archi-Lycæo Patavino Anno 1682. habita.

XXI. Atque hæc sunt quæ in morbida hujus Anni Constitutione magna ex parte ipsemet observavi, & quæ ab ingenuis Professoribus, & fidis Amicis mihi communicata sunt, quæ quidem referre prout obvenerint, non magni negotii est, at illorum causas rimari, ac in medium proferre, quæ Jatrofophorum, & Eruditorum hominum palato sapiant, hoc opus; audendum tamen pro viribus, ac

— *Tentanda via est, quâ me quoque possim*

Tollere humo. —

XXII. Communes morbos, quos Populares, & Epidemicos appellant, à

B

Com-

Communibus causis progigni extra omnem controversiæ aleam est; Communes autem causæ sunt potissimum Aër nobis circumfluus, [aliundè tamen, sive ex superioribus, sive ex inferioribus infectus] Communia Alimenta mali succi, & Aquæ corruptæ. Ex his omnibus, sed promptius ab Aëre, tanquam è communissimo Fonte è quo nemo non potare cogitur, Morbos quosdam derivari, qui multos eodem tempore afficiant, omnium pariter est consensus. Ad hanc verò nostram Ruralem Epidemiam excitandam in unum convenisse & Aërem vitiatum, & prava Alimenta ingesta, fas est arbitrari. Primum quidem locum Aëri à sua naturali temperie non solum secundum Anni tempora recedendi, sed particulis humanæ naturæ incongruis ad satietatem pleno, concedendum putârim; secundum autem locum pravis Alimentis, & Aquis vitiatis. Quamvis autem de Miasmate Contagioso aliqua posset esse suspicio, dum uno in aliqua familia à Febre correpto, cæteri paulò post ex eadem Febre decumberent, id tamen potius in communem Diathesim ad maturitatem eodem tempore evectam, non secus ac cum Autumno fructus eodem tempore maturescunt, referendum duxerim, quàm in effluvium aliquod contagiosum, quod è primo ægrotante expirans cæteros afficeret.

XXIII. Quanti autem referat ad bonam Valetudinem in Aëre puro & à foedis exhalationibus maximè remoto degere, nemo non novit; nam sicuti Pisces foelicius degunt, ac esca salubrior sunt, si in aqua pura, ac sincera vivant, secus verò si in aqua

foeda, & corrupta; ita homines foeliciorem vitam, ac longæviorē ducunt, si Aër sincerus sit, secus autem si crassus, & nebulosus; Nec abs re vulgatum dictum illud, quod tales sint Corporis nostri humores, ac spiritus, qualis sit Aër; hinc iis in locis ubi Aër tenuior est ac defæcator, vividiora, & acutiora ingenia florere solent, ubi verò crassior, hebetiora, ac stolidiora, quare Bæotii, & Baravi antiquitus malè audiebant, unde Horatius.

Bæotum in crasso jurares aëre natum.

XXIV. Non vacat hîc disquirere, quare ad Vitam perennandam adeò necessarius sit Aëris usus, quomodò in Vascula Pulmonum se insinuet, quid in massa sanguinea efficiat, dum illi permiscetur; circa id insudârunt Doctissimi Viri, ac ultimò Ettmullerus in elegantissima sua Dissertatione de Abstruso Respirationis negotio; solummodò circa illa examinanda immorabor, quæ insignem Aëri mutationem inferre possunt, ac illum à sua naturali mediocritate dejicere. Certum est enim, quod si Aër Respirationi idoneus esse debet, & consequenter ad vitalia munera, necesse est, ut quandam servet mediocritatem, ut neque supra modum crassus sit, nec nimis tenuis, nam si tenuior sit, ac rarior quàm par est, Respirationi inidoneus evadit, ut Machina Boyliana satis evincit, ac testantur qui in editissimis Montibus difficiliorem experti sunt Respirationem, quàm in imis Vallibus, id annotante Thomâ Corneliô; si verò crassior sit, & ad saturitatem Vaporibus, & exhalationibus oppletus, ad

ad Respirationis munus obeundum minimè aptus est, immò suffocationis periculum infert, ut ex eadem Machina Pneumatica patet; & Metallorum fossiles in fodinis sæpenu-mero experiuntur, qua de causa Hippocrates *Somnum in frigore cooperto*, ut ipse ait, commendabat, nimium, ut Valesius, & Ballonius interpretantur, dormiendum esse in amplo Conclavi, sed corpore stragulis benè coniecto, qua ratione facili-ior est anhelitus, nec à frigido Aëre partes sentientes pungente interturbatur somnus.

XXV. Notabiles autem in Aëre alterationes, (non de iis loquor, quæ secundum Naturæ leges, & varia Anni tempora ex necessitate fiunt, sed de intempestivis) Venti potissimum, & imbres copiosi efficiunt: Solares enim radii, ob æqualem Solis ad nostrum Verticem accessum, Aërem semper æqualiter calefacient, si is aliunde alterationem non susciperet. Haud secus Terræ exhalationes, ex paludibus, & stagnis, seu nimis uliginoso solo eundem non rarò contaminant. In nostro verò Aërem à copiosis imbribus, & lutulenta Constitutione vitiatum fuisse existimandum est, sicuti etiam à Ventis Borealibus intempestivum redditum, qui cum Verno tempore, ac per totam ferè Æstatem nunquam siluissent, Solarium radiorum vim hebetando, Vaporum à leni calore elevatorum discussionem prohibuerint, & volatiles Spiritus, quos in suo ad nostrum Verticem accessu soliquaquaversum diffundit, versus Australem plagam retro pulerint. Ex quo factum, ut iis in locis, ubi istatarie fuerant Aquæ, Aër circa Veris prin-

cipium tepescens, multos vapores, & tetras exhalationes in sinu suo exceperit; Aër verò sic pollutus, ac partibus volatilibus, quæ à Sole promanant, ulterius destitutus, dum intra Corpora eorum qui his in locis degabant admitteretur, totius massæ sanguineæ crasim, & cæterorum fluidorum systasim naturalem perturbavit.

XXVI. Reor itaque à naturali suæ dulcedinis, & fluiditatis statu, massam sanguineam descivisse, & crassiores consistentiam, quam par est, acquisivisse; sicuti, & proportionem ablatam inter Bilem, & succum Pancreaticum, illa quidem languidiori, hoc fortiori reddito. E Cœlo potissimum Volatiles Spiritus in Terram defluere, è Terra verò utpotè succis mineralibus referta continuò acidas particulas fursum efferri, ingeniosum est clarissimi Sylvii excogitatum, sed rationibus, & experimentis confirmatum. Quare cum in hujus Anni pluviosa, & frigida Constitutione Aër partium volatilium, & spirituosarum magna penuria laboraret, aliæque ex parte acidis particulis è terra lutulenta, ac veluti fermentata elevatis maximè abundaret, mirum non est, si postmodum intra Vitæ hospitia exceptus talem diathesim induxerit, è qua tam magna febrium propagò emanavit. Acidam verò dyscrasiam potius, quam biliosam, & alcalinam in universum prævaluisse, duo potissimum evincunt, primum, quòd hoc Anno in tam ampla Febrium segete nullam Synochum, nullam Febrem ardentem observare contigerit, alterum, quòd hujusmodi Febres, ut plurimum, veluti superius annotavimus,

potius famelicæ fuerint, quàm siticulæ.

Nec miretur quispiam, quòd Tertianæ febris naturam ex prædominio Acidæ Mineræ potiùs deducam, quàm Alcalinæ, qualis censetur Biliosus humor, nam ex quam materia, quæso, in hac Constitutione tam horrida, procellosa, ac media Æstate frigida, post usum ciborum pituitosi succi, ex quam materia, inquam, tanta bilis copia gigni debuit, quæ sufficeret ad procreandam tam numerosam Febrium sobolem, ac illam tandiù alendam? Nec desunt Professores celeberrimi, qui ab hoc non multum dissentiunt, inter quos Ettmullerus, qui pro causa proxima Tertianæ febris intermittentis statuit fermentum salino-acidum, in legitimis quidem magis volatile, & activum, minus autem volatile, & subjecto viscido irretitum in nothis.

XXVII. Præter Aëris malam Constitutionem, tanquam hujus Epidemici Affectus communissimam causam, aliæ quoque, nec parvi momenti in idem conspirarunt, scilicet ut humores ad acidam dyscrasiam disponent; nimirum prava alimenta ingesta, ut fructus horæi à rubigali lue vitiiati, nimia Piscium ingurgitatio, edulii genus nostris Agriculis insolens, in quorum stomacho cibus fortioribus assueto facilè putrescebat, hoc est facilè aciescebat, cum nullo evidentiori signo putrescentia se prodatur, quàm per acorem; his addi possunt Puteales aquæ ex nimia illuvione coenosa, & semiputridæ, ac denique Boreales Venti, qui Acidi nitrosi Promuscondus appellantur. Ex his itaque Communibus Causis, ceteris

Fontibus, harum Febrium originem probabilius, quàm à quacumque alia deduxerim; neque enim ad cœlestes influxus recurrendum, quasi Astra maligniori lumine Rusticanam gentem potiùs, quàm Urbanam, veluti innocentiores adspicerent, cum præter id, improbable sit, quòd cœlestes influxus tam arcto spatio potuerint circumscribi, sicuti neque subterraneæ exhalationes culpari poterant, cum Terræ motus nullus præcesserit, neque in hac nostra magna Planitie Cispadana, & Transpadana extent Antra, & Terræ hiatus Charonei, à quibus perniciofa effluvia possent erumpere, & Aërem inquinare.

XXVIII. Quod spectat ad Causam internam, quam Conjunctam appellant, hæc non nisi ad crassam, & viscidam pituitam, cui acidum fermentum hæreret, referenda erat, vel stabulantem in stomacho, ut placet Ettmullero, vel ductus laterales Pancreatis obstruentem, ut statuit Sylvius, quæ materia in Venas transfusa, & partibus spirituosus sanguinis permixta febrilem effervescentiam excitaret; ut ut enim cruoris massa effœta sit, & vapida, semper tamen aliquid oleosi, & sulphurei continet, quod ad flammulam vitalem alendam sufficiat. Focus itaque febrilis hospitabatur extra Vasa sanguinea, quemadmodum in febribus omnibus periodicis, cum alioquin perdifficile sit Intermittentes febres ab iis quæ verè Continuæ sunt distinguere, cujusmodi Febres Ignis nomine Divinus Præceptor insignire consuevit, ut ex variis historiis in libris Epidemicorum videre est. Non enim concipi potest, aiebat scientificus

simus Cartesius, quænam possit esse Circuitus causa, nisi materia quædam quæ maturatione indigeat, antequam massæ sanguineæ misceatur, quæ per venas ad Cor delata potis est tot excitare turbas, & febrilem tempestatem ciere, quæ non alio pacto sedetur, quàm eadem hostili materia sub forma sudoris per corporis ambitum discussa, vel per Urinarias vias ablegata.

XXIX. Rarum quidem esse, quòd Tertianæ febres Epidemicè ex Aëris vitio observentur, ait Doctissimus Ettmullerus, ac revera Febres, quæ alicujus pravi Seminii in Aëre latentis soboles sunt, nullum certum ordinem servare solent, multòque rarius est, quod sint de genere Intermittentium: hoc Anno tamen hujusmodi febrium genus in hisce Regionibus populariter grassatum fuisse, tam Ruri, quàm in Oppidis (quamvis postea ob diuturnitatem in continuas, & lentas migrarent) sat perspectum est. Haud absimilem Constitutionem, quæ in Anglia Anno 1658. ac magis per Rura, & Pagos, quàm per Oppida, & Urbes defæviit, Doctissimus Vuilllis in suo Tractatu de Febribus describit; suæ tamen Febrilis Epidemiæ originem, & causam procatarcticam non Aëris vitium Vir ille Peritissimus refert, sed potius in prægressam Constitutionem nimis æstuosam, & illi Climati insolentem; Febrem Tertianam intermittentem Epidemiam observavit quoque Celeberrimus Bartholinus Hafniæ, anno 1652. sed & ipse illius causam calidissimæ, & siccissimæ Æstati, præter morem, & consuetudinem illius Coeli adscribit; hanc verò nostram Ruralem Epide-

miam lubet referre in Constitutionem præhumidam, ac frigidam, huic Coelo insolitam, ac simul in Aërem ob coenosam colluviem vitiatum. Si enim hujus Epidemici Affectus causa esset ex totius Anni intempestiva Constitutione, quæ frigida, & procellosa toti penè Italiæ communis fuit, non satis constat, quare hic popularis morbus, in humilioribus tantum locis, ac ubi stagnarint aquæ, sedem fixerit, & non ampliora spatia occuparit; cùm tamen Incolæ cæterarum regionum quæ ab hujusmodi atmosphæra remotiores erant, [ut totus tractus supra Viam Æmiliam versus Colles] nunquam aliàs à Febris magis securos se vixisse meminerint.

XXX. Qua de causa porrò, à Constitutionibus tantæ siccitatis, quales, ut dixi, ad plures Annos experti fuimus, ad Constitutionem imbrium adeò feracem talis factus fuerit transitus, certè hìc mihi hæret aqua, ut dici solet, & ad hanc Veritatem eruendam *Delio natatore* opus esset. Nullus profectò Astrologorum, qui ex imaginariis Astrorum configurationibus futuros rerum eventus prædici posse existimant, tam magnam illuvionem prædixit, neque postquam facta est, rationem ullam attulit, cur ita fieri deberet. Sint utique Astrorum in hæc inferiora Influxus, quos velle negare magnæ dementiæ esset, at modus quo agant, id omninò indeprehensibile est. Rectè quidem Ptolomæus in libro qui *Aliarba* inscribitur, Stellarum effectus incertos esse, & varios pronunciavit, quoniam incertum est qua ratione materia subiecta influxum recipiat. Obser-

vandas quidem magnas Temporum mutationes, Æquinoctia scilicet, & Solstitia, ut in illis *neque medicamenta exhibeam, neque uramus, neque secemus*, pluribus in locis monuit Hipp. sicuti etiam considerandos exortus Canis, Arcturi, & Pleiadum occasum, nam ut idem ait, *morbi his maximè diebus judicantur, alii perimunt, aut in speciem aliam transmutantur*; quare verò tam magnæ alterationes, tum in magno, tum in parvo Mundo dictis temporibus fiant, scrutari velle, id esset merè divinare. Satis sit igitur quoad rem nostram, quòd hoc Anno tam magna, & insolita aquarum inundatio morbosam hanc Constitutionem invexerit, contrario prorsus modo, quo in Ægypto votiva Nili inundatio, miraculi ad instar, solet pestem abigere, quamvis Alpinus mutationem illam Aëris in salubriorem flatum ad Nili incrementum subsequenter in Etesias videatur potius referre, quæ tunc temporis, Sole signum Cancri subeunte, & septentrionali plaga fumigante, flare incipiant, & Campsinos Ventos pestis Vectores repellant. Quæcunque ea causa sit ob quam Nilus, Ægypti Pincerna, salubritatem invehat, certum est tamen, ad illius incrementum Morbos populariter grassantes decrescere, & in magna illa inundatione demergi, adeo verum est illud Celsi; *Differre pro natura locorum genera Medicinæ, & aliud opus esse Romæ, aliud in Ægypto, aliud in Gallia*. Annus jam agitur centesimus, ex quo haud ab-
 similis inundatio Cispadanam, & Transpadanam Regionem occupavit, undè postea subsecuta est summa An-

nonæ caritas, tritico in lolium converso, ut refert Paulus Crassus Corrigiensis in doctissimo suo libello de Lolio; Inchoarunt autem tunc temporis circa Maii principium pluviae, quæ postea per totam Æstatem obstinatissimè perdurarunt. Observantur itaque per intervalla quædam eadem Temporum Constitutiones recurrere, sive in Astrorum vim nobis ignotam id referamus, sive in justam Dei vindictam, qui sicut olim Universali Diluvio totum Orbem puniit, ita particularibus eluvionibus quasdam particulares Regiones aliquando plectit.

XXXI. Rubigalem luem non exiguum operam ad Morbosam hanc Constitutionem contulisse superius dixi; at ne id gratis, ac veluti Dictatoriè pronunciasse videar, libeat in disquirenda, & examinanda Rubiginis natura paululum immorari. De Rubigine multa quidem Veteres scripsere, at de illa secundum suæ Philosophiæ Systemata ratiocinati sunt; In sacris quoque Codicibus Rubiginis fit mentio, cum aliquando hac, veluti iræ suæ ministra, Deus populo suo fruges, & fructus omnes ademert, ut illum ad bonam frugem perduceret, non nulli verò ex Recentioribus de hac peste aliquid scripsere, ut Ruvelius, Levinus Lemnius, Ludovicus Vives, Langius, sed ea quæ à veteribus scripta fuerant recocere. Vegetabilem itaque Familiam suis Morbis laborare, iisque diversi generis, multosque gravissimos Auctores de iis scripsisse, ut Varronem, Plinium, Columellam, aliosque jam satis perspectum est. Rubiginem verò, frugum omnium, & fructuum

communem morbum, ut illam Theophrastus appellat, adeò exhorruerunt antiqui, ut ad avertendam hanc pestem sibi Deum finxerint, quem Rubigum, teste Varrone, appellabant, unde Rubigalia festa emanarunt, quæ à Numa Pompilio Regni sui Anno XI. referente Plinio, instituta sunt, & ad 7. Cal. Maii celebrabantur. Matabant autem lactentem Catulum in hujusmodi sacrificio, undè Columella.

*Hinc mala Rubigo virides ne
torreat herbas,*

*Sanguine lactentis Catuli placatur,
& extis.*

Litabant autem lactentem Catulum eò quòd à Rubigali Numine, mediante maligno Canis Syderis influxu, putarent hanc labem in terras immitti; quare cœca superstitione, ac non nisi habita ratione nominis, id agebatur sacrificium, ut ingenuè Ovidius.

Pro Cane sydereo Canis hic imponitur Aræ.

*Et quare id fiat, nil nisi nomen
habet.*

XXXII. Rubigalia itaque sacra, sicut & Floralia, ut cuncta benè deflorescerent, instituta sunt, ac celebrari solita, sub finem Aprilis, propterea, quòd hujusmodi tempore à Rubigine frugibus, & fructibus valdè metuerent, occidente tunc temporis Cane, Sydere per se vehementissimo, qui occasus ex Plinii observatione tunc in 4. Cal. Maii incidebat. Observabant autem Veteres multa attentione Canis Occasum, ubi nos vix Ortum, qui persæpè credimus eodem tempore ubique inchoare dies Caniculares, veluti non rarò doctos alioquin, & celebres Professores, ita

quidem, sed turpiter sentientes, audire contigit, cum tamen juxtà diversam latitudinem, quam variæ regiones habent, varii ac diversi sint Astrorum Ortus & Occasus, quod non ignotum Galeno, qui tradidit, eodem quidem tempore omnibus in plagis fieri tum Æquinoctia, tum Solstitia, Astrorum verò Ortus, & Occasus communes esse iis solum qui sub eodem vertice habitant.

XXXIII. Hanc pestem Græci *Ερυσίβη*, Latini Rubiginis nomine appellavere, sive à rodendo, ut Varro ni placet, seu quod rubro colore fruges inficiat, Uredinem quoque seu Carbuncularem morbum vocavit Plinius, quod fruges exurat, veluti hoc Anno contigit, cum fruges, & plantæ omnes carbuncularent, ut Pliniano vocabulo utamur. Hos equidem Rubiginis noxios effectus observare, & contemplari licuit; at quænam sit hujus pestis natura, & indoles, non tam facile est decernere. Sapere ignis naturam, seu acrimoniam lixiviam, & Alcalinam ex Sale acri, & volatili, proclive quidem esset asserere; at multa obstant, ne in hanc sententiam eam. Gigni Rubiginem ex Rore, sed vitiatò, serenis noctibus, vel in plenilunio, vel interlunio, quibus temporibus Luna frigidius lumen ad nos reflectit, (cum in Plenilunio, Æstivo tempore à nostro vertice multum absit, in interlunio verò totum lumen, quod à Sole recipit eidem regerat) antiquorum fuit opinio; cui recentiorum quoque non pauci subscribere, inter quos Ludovicus Vives, in doctissimis suis Commentariis in librum D. Augustini de Civitate Dei, ubi scripsit, *Rubiginem*

nem esse Rorem putrefactum, fruges tenues corrumpentem, & friantem. Generari utique Rubiginem ex Rore, serenis noctibus, (cum Ros non decidat nisi sereno Cœlo) & silente Luna, veritati valdè congruum videtur, nam re vera sub initium Junii, propè Interlunium, signa Rubiginis observari coepta in frugibus, & plantarum foliis, quæ parvis maculis nigricantibus distincta, puncticulari morbo laborare videbantur; argumentum evidens hujusmodi stygmata à Roris guttulis, ubi diù hæserant, fuisse inusta.

In Rore [quem Lunæ, & Aëris filium Alcmon dixit, & à raritate ita appellatum Isidorus tradidit, eò quòd non sit crassus ut pluvia) multum liquoris volatilis Salini, ratione cujus abstergit, & alvum solvit, omnes docent Chymici, qui pro egregio menstruo ipsum commendant ad extrahendas omnium Vegetabilium Tincturas: ex eòdem quoque tradunt elici spiritum qui ad metalla dissolvenda efficax sit, quo spiritu utebatur Cnôselius ad parandam Coralliorum Tincturam, ignita Corallia in Roris spiritum projiciendo. Vim hujus Salis sentiunt, qui manibus rorem tractant, aut nudis pedibus per campos, & prata rorulenta incedunt; nam manus, & pedes scabræ fiunt, idque ob salinas, & nitrosas particulas, quæ cutim arrodunt. Vi quoque pollere graciliora reddendi corpora tradit Plutarchus, ac propterea Mulieres habitiores illius usu nimiam polysarciam emendare. Sale saccharino pariter divitem esse Rorem, ut multis morbis opituletur per analy-

sim, & ignis examen se deprehendisse testatur Helmontius. Multa de Roris viribus scripsit in doctissimis suis Animadversionibus Excellentissimus D. Ioseph Lanzonus, Medicus Ferrariensis, cui non parum debeo, quòd ea quæ in hac Constitutione ipsè observavit, mihi per literas benignè communicarit.

XXXV. Hæ sunt nativæ dotes matutini Roris, ac præsertim Maiialis, in salubri tamen Constitutione, ac solo minimè uliginoso, nec palustri; at si ex malis temporum Constitutionibus, & noxiis afflatibus, seu pravis è Terra exhalationibus Ros vitietur, in Rubiginem degenerat, malum, quo nullum noxius est, & cui, ut ait Plinius, *non comparantur grandines, neque procellæ, quæ nunquam Annonæ intulere caritatem.* Gigni Rubiginem itaque ex Rore existimo, dum multa nitrola, & acida corpuscula è solo elata, & per aërem undequaque dispersa, salinis particulis, quibus naturaliter Ros abundat, sociantur, quæ simul in magno Aëris Receptaculo fermentata, & exaltata, modo nobis imperceptibili, in liquorem coeant, qui postea sub forma Roris deciduus & plantis inhærens, easdem maculis diversi coloris sugillet, uti apud nos factum his duobus annis, cum in priori, Plantæ omnes, & fructus rubris veluti peti- culis, hōc Annō verò nigris laborare viderentur. Præpollere aquæ in Rubigine acrimoniam acidam, & corrosivam, haud ab similem Aquis stygiis, & Spiritibus Nitri, & Vitrioli, longè verisimilius, quàm Alcalinam ex sale Acridi, & caustico, quando nulla causa animo fingi possit quæ
in

in tam remissis caloribus hujus Constitutionis ustionem, & acredinem accersere potuerit.

XXXVI. Neque huic meæ opinioni quicquam refragari S. Scripturæ auctoritatem crediderim, dum apud Amos Prophetam fit mentio Rubiginis his verbis. *Percussi vos in Vento urente, & in Æruginē, multitudinem fructuum vestrorum, & Vinearum vestrarum, Oliveta vestra & ficeta comedit Eruca.* Cùm non magis Austrini flatus sua caliditate, quàm

—— *Boreæ penetrabile frigus adurat.*

XXXVII. Displicet quidem, quòd eo tempore quo sæviit Rubigalis lues, aliquo experimento non pertentārim, ut certius illius naturam explorarem; siquidem nimis serò animum subiit cogitatio de hac Rurali Epidemia, & Rubigali peste describenda. Non destiti tamen, quin postmodum variis experimentis pervestigarim, nùm ea quæ mente excogitāram Veritati congruerent; expertus itaque sum variis liquoribus modò acidis, modò alcalicis, & lixivialibus, plantarum folia, flores, & fructus adspergendo, attentè observans, quis inde color emergeret; folia itaque recentia Fabarum, quæ apud nos circa finem Octobris seri solent, Spiritu Vitrioli irroravi, & non multò post flaventes maculæ, ubi guttullæ liquoris hæserant, apparuere; placuit autem magis in Fabis experiri, tum quia in hoc leguminis genere, vim suam magis exercuit Rubigo, tum quia Theophrastus testatur, *Fabam inter legumina magis æruginem sentire.* Fabarum itidem folia liquore

Tom. II.

alcalico, & urinoso, ac lixivio acerrimo adsperfi, neque notam ullam alicujus coloris inuri deprehendi. In aliis quoque Plantis, ac variis Oleribus, ut foliis Lactucæ, Brassicæ idem pertentavi, & ab acidis Spiritibus seu Vitrioli, seu Nitri, flavas maculas prodire, nunquam tamen nigras, observare contigit. Rubiginis itaque Naturam in Acida potius acrimonia quàm Alcalica lubet statuere. Congruunt autem huic meæ opinioni ea quæ in strage Animalium evenere; nam, præter malam Aëris diathesim Brutis quoque noxiam, ob pascua rubiginosa Sanguine acidiori reddito, ac in motu suo præpedito, vel subitæ mortes integros greges Pecorum sustulere, vel obortæ sunt Variolæ, quas ex sanguinis stagnatione fieri, dum in orbem agitur, communis est recentiorum Opinio. Tubercula autem illa quæ in capite, collo, & cruribus pecudum viscebantur, revera Variolas fuisse, licet profectò asserere, quando nec figura, nec colore, nec liquore in illis contento, nec magnitudine, nec modo quo solvebantur, post suppurationem nigra crusta superstite, quicquam à Puerorum Variolis discrepabant. Nihilo seciùs eadem pascua infecta cæteris Animalibus cladem intulere. Sic Apes haud amplius ex florum Calicibus nectareum laticem, sed acidum stigma delibantes, partim extinctæ sunt, vel aliò suas Colonias transfulerunt. Pariter neque mirum, quod hoc Anno Cicadæ ut plurimum taciturnæ fuerint, cum, præter remissum Æstatis calorem, qui illas ad cantum nequaquam cie-
ret, vel nutritium Rorem nactæ non

C

fue-

fuerint, [si tamen verum quod Rore pascantur] vel quod majori ex parte perierint. A Cicadarum obmutescencia malas Temporum Constitutiones prænunciari, scripsit Doctissimus Mercurialis, qui Anno 1577. observavit in Agro Patavino, aut nullas, aut rarissimas Cicadas cecinisse, undè postea gravis subsecuta est Epidemia. Cicadas autem re ipsa Rore nutriri fabulosum non esse reor, etenim non in Arboribus pernoctare, sed super solum ipsum, & in aprico loco ad Rorem facilius excipiendum, manè autem ad Solis ortum super Arbores evolare ex Agricola quodam didici; à quò cum sciscitatus essem, quare in Villa quadam, quæ Roboretum dicitur, penes Gabellum flumen, tanta sit Æstate Cicadarum copia, ut illic huiusmodi Insecti genus suum habere videatur Emporium, id fieri dixit ille, quia solum illud arenosum sit; in quo facilius quàm in solo argilloso parva foramina efficiant, in quibus deponant Ova pro foetura in secuturam Æstatem.

XXXVIII. Hæc omnia itaque Rubiginis naturam satis in propatulo statuere videntur, luem meherclè, & Animalibus, & Plantis valdè perniciosam. Quare autem solæ Noces Rubiginis noxam non senserint, id fortasse in causa fuit, vel quòd huiusmodi fructus gemino operimento sit munitus, vel quòd Corticalis substantia multo Sale Volatili abundet, qui diversam indolem ab Acido possidet. Succum è viridi cortice Nucis Juglandis, tanquam remedium à se repertum, & magnæ virtutis ad faucium phlegmonas tol-

lendas, multis laudibus extollit Galenus; putabat autem ille, talem effectum præstare hunc succum, eò quòd vi adstrictoria polleret; & simul tenuium esset partium, ex tinctura penè ineluibili, quâ manus tractantis inficit, partium tenuitatem deducens, vim autem adstringendi à salubri effectu, quem observabat, dum inflammationi inderetur; pro rato enim, ac veluti lege habebatur, quòd in principio Phlegmonis utendum esset repellentibus, & adstringentibus, ne pars ob laxitatem fluentem humorem tam faciliè reciperet, quod etiamnum apud non paucos Professores frequenti in usu est, quod num rectè, an perperam fiat, non est huius loci disquirere. Hujus succi efficaciam ad inflammationes sanandas agnoscunt quoque Recentiores, vim autem adstrictoriam prorsus negant, immò vim dissolventem ipsi adscribunt, inter quos Leonardus è Capua, qui Corticem Nucum viridium multo Sale volatili divitem esse ait, & qui potis sit grumos Sanguinis dissolvere: & illius acetositatem emendare, quo pacto non sanguinis fluxum in partem adstringendo prohibet, sed sanguinis refluxum per Venas ad Cor referendo promovet. Sicuti autem priscis ignoscendum, si ob ignoratum sanguinis circularem motum, non aptas interdum naturalium effectuum ætiologias afferebant, ita nostro huic seculo gratulandum, de quo veriùs pronunciare libeat id quod de suo ævo scripsit Plinius, scilicet: *Non minus ingeniosam fuisse antiquitus observationem, quàm nunc rationem.* Ex Nucum viridi Cortice parari Decoctum in Anglia exper-

expertæ virtutis ad luem Gallicam perdomandam, quam Recentiores omnes in Acidi prædominio statuunt, nuper accepi à Cl. D. Nathan Lacy Medico Anglo, & insigni Anatomico. Cum itaque Nucum putamen multo Sale volatili abundet, mirum non est, si Rubigini obstitit, & inclusum nucleum à communi lue præservarit. Atque hæc de Rubiginis natura, & indole.

XXXIX. Modò superest, ut Symptomatum, & quarundam observationum perquirantur causæ; Adnotatum, vespertinis horis has Febres exacerbari consuevisse, unà cum Virium nocturna prostratione, ut ægri morituri viderentur, manè verò oriente Sole, veluti redivivos tantum virium habuisse, ut è lectulis exurgentes deambulant. *Quale est vesperti exacerbari, tale ipsius morbi, & cujuscunque constitutionis ad se mutuò agebat Hipp.* Vespertinæ itaque exacerbationes morbi naturam superiùs descriptam, & causas morbificas satis indicabant. Virium autem dejectionem noctu factam, & matutinam earum veluti redintegrationem in Solis recessum & accessum, & acidæ Dyscrasiæ prædominium referendam putarim; Sole namque occumbente, & volatiles spiritus per Aërem dispersos secum trahente, Spiritus Vitales Sanguinis ab Acido coagulante figebantur, unde Facultatum omnium torpor, qui porro ab iisdem Solaribus radiis matutinis discutiebatur, non secus, ac quando è brumali frigore fluentium aquarum cursus noctu intercipitur, qui postea à Sole novo lumine Terras lustrante, restituitur. In hac rerum

Universitate nihil esse utilius Sale, & Sole scripsit Plinius; sic Celsus Leucophlegmatia laborantes Soli subjici oportere aiebat, utendumque frictione manibus aqua madefactis, cui sal, & nitrum, & olei paulum esset adjectum. Mirum itaque non erat si in casu nostro à blando Solis calore liquato veluti pituitæ gelu, Cruor solitum cursum per sua Vasa repeteret, & consopitæ Facultates ad consueta munia exercenda revocarentur.

XXXX. Præ cæteris notatu dignis observavimus inexpugnabilem harum febrium contumaciam, ut non solum omnem Medicorum industriam eluderent, (cum neque Venæ-sectionibus, neque Purgationibus, neque Cardiacis quicquam ausculta- rent) sed usu remediorum magis exasperarentur; quod factum existimo ob malam Aëris diathesim, quæ Morbum aleret; quare licet etiam opportuna remedia quandoque adhiberentur, nihil remittebat morbus, immò sæviebat magis, ac satius profectò fuisset multis hanc Camarinam non movere; tanti est Oraculum illud Hippocratis, quod initio hujus Dissertationis attuli, nempe quòd *Hominis Natura interdum universi potestatem non superat*, quæ Hippocratis verba si Medentes attentè perpenderent, tot Medicamentis ægros non fatigarent, in Epidemicis præsertim Affectibus, quorum vera Curatio non innotescit, nisi cum Busta plena fuerint.

XXXXI. Venæsectio profectò in his Febribus non fuit saluberrimum remedium, nec quengquam novi, de quo dici potuerit cum Galeno, quòd

illius Febris sanguinis missione jugulata fuerit, quin ubi pluries celebrata est phlebotomia, magis attritæ sunt Vires, & Febres magis protractæ ægros vel ad Mortem, vel ad Cachexiam deduxere. Cur autem in his Febribus tam improspere cesserit Sanguinis detractio, obviam est arbitrari, Massam sanguineam sale volatili & particulis Spirituosis, ob malam aëris diathesin, & Diætæ errores effatam, per Venæ sectionem pauperiorem redditam, unde major Acidi præpollentia, & Bilis depressio consequeretur, Febrisque exinde protractior fieret. Venæ sectionem Febribus intermittentibus non esse per se aptum remedium, cum de foco febrili, qui extra Vasa sanguiflua larem habet, nihil detrahat, commune est recentiorum Assertum, sed solummodo per accidens convenire ajunt, quatenus obviam iri possit multis symptomatibus, ac periculis quæ in Corpore præsertim plethorico nimiam effervescentiam subsequi possent, scilicet inflammationes, & Væforum disruptiones, qualis fuit casus à Ballonio memoratus, de quodam nobili Viro, cui Tertianæ Febre laboranti ob neglectam sanguinis detractioem ruptæ sunt Venæ in quarto paroxysmo, & tanta foras sanguinis excretio est consecuta, ut eo ipso die illi obeundum fuerit. In hac verò nostra Rurali Epidemia sanguinis effervescentia non adeo magna fuit, ut de ejusmodi periculo metuendum esset, immò potius lenta, ex Acidi prædominio, & propter bilem enervatam, quæ in confluxu cum succo pancreatico, & cum lymphâ minus effervesceret: propterea V. S. non

adeo proficuum fuit remedium, ut in prægressis præcedentium Annorum Constitutionibus, quas valde siccas, & æstuosas esse diximus, quare cum in iis valde turgeret bilis & sanguis facile exardesceret, mirum non erat si tunc adeo conferret V. S. & à periculis præcaveret, quæ nimiam sanguinis effervescentiam, & rarefactionem comitantur; assueti autem Professores Venam facile tundere ubi constaret esse febrem, ac nullum alium scopum sibi præfigentes, quàm solam caloris febrilis attemperationem, in hac Constitutione, à cæteris toto Cœlo diversa, repetita Venæ sectione utentes, ægros persæpe in extremam perniciem præcipitarunt. Nollem equidem quod quis me inter hæmatophobos recenseat, sed nec inter hæmatochitas numerari velim. Est ubi liberaliter sanguinem demamus, est ubi parcè, est ubi nihil, licet sit eadem affectus species. In Stymargi famula usque ad animi defectum sanguinem detraxit Hipp. licet frigido Affectu laboraret; rationem autem addidit. *Oportet enim, inquit ille, devenire ad Occasionem, & Occasionis initium.* Causa morbi nimirum est attendenda, ex qua potissimæ desumuntur indicationes. *Similitudines parere errores etiam bonis Medicis, contrarium autem facere Causam,* monitum est ejusdem Hippocratis, nam re vera cognita causa, non tam facile à recto tramite, & legitima curatione deflectitur.

XXXXII. Quærit idem Ballonius, Practicus olim Celeberrimus Parisiensis, cur phlebotomia febres quasdam miraculi ad instar tollat, alias potius exasperet; paucis quidem

respondet, at illius verba ponderanda sunt, non numeranda. *Febres*, ait ille, *aliæ sunt Venosæ, aliæ Gastricæ, id est quædam phlogosim sequuntur potius Venosi generis, quàm vitium humorum in præcordiis contentorum; quæ Venosi sunt generis, hæ primo quoque tempore per phlebotomiam cessant, quæ aliûs sunt generis non facile phlebotomia solvuntur, contrà potius cathartico egent.* Tales erant *Tertianæ* istæ intermittentes hujus nostræ Constitutionis, erant enim potius *Gastricæ*, quàm *Venosæ*, ac propterea ad *Venæ* sectionem magis exacerbabantur, & contumaciores fiebant, magis autem prosperè cesserunt purgationes, & Vomitiones usu Emeticorum, quibus non rarò penitus avulsus est febrilis fomes. Claudam hunc locum digna animadversione ejusdem Ballonii in eos, qui ut nil non agant, ex quacunque re occasionem captant mittendi sanguinis. *Nam si induxerint in animum [inquit ille] Venam reserare, & id cunctanter faciunt, si guttula sanguinis è nare fluat, tunc quasi trophæum reportantes, clamant oblatam legitimæ phlebotomiæ occasionem; si luculenta sit hæmorrhagia audacius secant, quia naturam copia gravari aiunt, si infra modum sanguis fluat, compensandum istum defectum apertione Venæ contendunt.*

XXXXIII. Non minus disquisitione dignum est, cur in hac Constitutione tam sæpè contigerit, quod *Tertianæ* simplex in duplicem migrarit ea ipsa die, qua secta est Vena. Id olim observarunt Amatus Lusitanus, & B. Castellus, nec quemquam scio,

qui præter hos hujusmodi phænomeni, quod aliquando in praxi observatur, mentionem habeat; refert autem Amatus cuiquam juveni 25. Annorum *Tertianæ* febre laboranti, cum Venam die intermissionis secuisset, vespere febrem ex simplici factam fuisse duplicem, hujusce rei rationem reddit his verbis. *Nec enim credere est, ob sanguinis extractionem, ex simplici duplicem factam fuisse, quum dubio procul nisi sanguis extractus esset, in Tertianam continuam futurus erat morbus; hujusmodi excusationis genus plerique Medicorum nostris etiam temporibus in promptu habent, quotiescunque ex aliquo malè administrato remedio pejùs Æger se habeat; statim enim obtrudunt, quòd multò deterius se haberet, nisi tali remedio usus fuisset; meliorem itaque Ætiologiam, & ævo nostro accommodam perquiramus; putò ergo in illo casu, (sicuti & in nostra Constitutione) culpandam potius Venæ sectionem, quàm Febrem, quæ ex sui natura proclivis esset, ut in Tertianam continuam migraret. Refert Amatus Juvenem illum vigente Autumno ægrotasse, sanguinem in prima pelvicula exceptum atrum fuisse, in secunda rubicundum sine ulla aquositate; rationi congruum est igitur in illo Juvene ob prægressos æstatis calores, partes magis spirituosas, & volatiles sanguinis absumptas, ac postea massam sanguineam Autumnali tempore in acidam dyscrasiam degenerasse, eo prorsus modo, quo Vina postquam per æstivos calores ebullierint, Autumno facilè acescunt, (ut ex atro sanguine primæ pelviculæ) nam sanguis*

guis secundæ rubicundior erat, quia arteriosus) secta itaque Vena, & Syntasi cruoris magis debilitata, ac depauperata, mirum non fuit si Acidum prævalens, ac veluti sine Adversario licentius insultaret, ex quo Tertianæ simplex in duplicem transferit. Convaluit autem Juvenis ille post bonam purgationem ex pharmaco, nam Febris illa fortasse fuit potius *Gastrica*, quàm *Venosa*. In hac verò Constitutione non ab exhausto spirituum ob nimium æstum massam sanguineam acorem contraxisse arbitror, sed potius ob frigidam Anni Constitutionem ac Diætæ errores, obruta Bile, & concentratis partibus cruoris magis spirituosus, Acidum Stomachi fermentum, & succum Pancreaticum magis viguisse, & post celebratam phlebotomiam vim majorem acquisivisse, unde Febris simplicis in duplicem Tertianam fieret conversio.

XXXXIV. Culpanda itaque potius in his casibus est Venæ sectio tamquam non aptum remedium, quàm quicquam aliud, quod idem sensisse existimo B. Castellum, (si rectè memini, & in Adversariis meis benè adnotavi) in aureo suo libello de Abusu Venæ sectionis, quem libellum mihi olim Romæ ostendit D. Antonius Maria Rubeus, Præceptor meus, Vir Doctissimus, & immensæ Eruditionis, aderatque Excellentissimus D. Hieronymus Brasavola nunc Romæ Professor celeberrimus, & mihi conjunctissimus, cum tunc in Urbe ageretur, quare interdum contingat, quod Tertianæ simplices, sanguine die intermissionis detracto, duplices evadant. Opponet, scio, aliquis harum Februm propensionem ut in

duplices transirent, cum spontè, ut superius dictum, sub initium Æstatis Tertianæ omnes simplices duplices factæ fuerint; at regeram ego, nullas ferè duplices Tertianas toto Veris tempore visas esse, tum Ruri, tum in hac Urbe, nisi eas quas Venæ sectio geminârit, quare non video, quomodo ab hoc crimine Phlebotomia tanquam innocens possit absolvi.

XXXXV. Eandem ob causam, nihilo fecius quàm Venæ sectio, noxius fuit in hac Constitutione Aquæ usus, etenim in frigida, & humida tempestate, Bile valdè refracta, & Acido exuberante, quid opis expectandum erat in his Febris ab aquæ potu? non nisi meherclè, ut Aqualiculo infracto, & distento, Caco-chylia cumlaretur, sanguis pigriori lapsu per sua Vasa flueret, ac tandem Cachexiæ, & Hydropes succederent. Novi juvenem in hac Civitate, qui in Hydropem ascitem incidit, cum illi Tertianæ Febre laboranti suasset Medicus, ut biberet quantum vellet, immo interdum coëgisset. Succurrit mihi in hanc rem Terentianum illud, ubi Medicus in Scenam inducitur.

Quod jussi ei date bibere, & quantum imperavi date,

Mox huc revertar.

Multòque magis noxius fuit hoc Anno aquæ usus, ac Ruri præsertim, quod ob pluviarum assiduitatem, aquæ coenosa, & graveolentes essent; in hac verò Urbe non adeò gravem noxam intulit aquæ usus; hæc enim Civitas purissimos habet Fontes, & admirandæ originis, quorum Fontium historiam brevi editurum me spero. Invaluit autem apud Nostrates Opinio,

nio, quòd Venæ sectioni, & Aquæ potui, tanquàm duabus solidissimis Columnis, tota curandarum Februm Moles innitatur. At nùm id rectè? Profectò in hac Constitutione neutrum ex usu fuit. Haud sum nescius scripsisse Hippocratem, *Aquam non præstare bonum alimentum igni*; at nomine ignis intellexit Hippocrates Febres continuas, & essentialiter tales, non verò intermittentes, summam *Venosas, non Gastricas*. At forsàn aliquando si otium suppetet, de Aquæ abusu in Febris aliquid conscribam.

XLVI. Verùm quali potu, inquiet aliquis, utendum erat in his Febris? Ego certè Vini usum rarò, quod sciam, interdixi, immò suasi, ut modico Vino uterentur, eoque non olygophoro, sed mediocriter generoso, multosque ab Orci faucibus hoc solum Cardiacum eripuit; Bilis enim erat potiùs acueda, quàm sufflaminanda; & partes sanguinis spirituosæ in motum ciendæ, quod præstare poterat Vini usus, & ea remedia quorum vis in Alkali volatili sita est, quod solo naturæ ductu in agro Mantuano fecere Agricola, qui suis febricitantibus Allia, & Cepas cum salubri eventu præbuere. Morbos quosdam Chronicos, parvis eduliis [sed quæ verè in censu Medicamentorum, casu potiùs, quàm arte repertorum reponi debeant) aliquando sanari compertum est; sic diuturnas Quartanas Allii usu cum multo meraco sanatas observarunt Anconius Benivenius, & Amatus Lusitanus. Vino autem generoso, potiùs quàm tenui, utendum duxi, nihil metuens à febrili effervescentia;

in hoc enim sæpiùs peccatur, quod rem agi sine periculo creditur, si Vinum tenue in diuturnis Febris, & chronicis morbis permittatur; at hujusmodi Vina ut plurimum acidiuscula sunt, & acorem sanguinis exaltando, morbi causam deteriore efficiunt; quem errorem notavit olim Crato, qui in Podagra sicuti Vinum meracum, sed in modica quantitate commendat, ità Vina tenuia improbat, quæ Venas multa serositate impleant, quod idem sentit Willis; sicut enim à Vini spiritu dulcificantur Spiritus salis acitri; ita quoque à Vini generosioris temperato usu Sanguis ad acorem vergens dulcescit. Variantibus itaque Temporum Constitutionibus varianda est methodus, & ut ait Sulmonensis Poëta.

*Nam quoniam variant morbi,
variabimus artes,
Mille mali species, mille salutis erunt.*

XLVII. Sic neque Peruviani Corticis usus hoc Anno, ut superius adnotavimus, admodum salubris fuit, immò in extremum Vitæ discrimen Ægros non rarò deduxit. Id ego in non paucis observavi, sed præcipuè in nobili Virgine, quæ cum ad 40. dies duplici Tertianæ conflictata fuisset, & post solita remedia administrata, ex meo consilio, assentiente quoque Excellentissimo D. Antonio Abbate Serenissimi Ducis Nostri Archiatro, Chinam Chinam sub forma boli assumpsisset, cum in Vino infusam respueret, postmodum stupida, & comatosa evasit, cum pulsu adeò exili, ut vix perciperetur, ac trium dierum spatio in tali statu perstitit; donec

donec soliti paroxyismi redeuntēs stuporem discusserint. Insalubrem autem fuisse hujus remedii usum crediderim, eò quia, cum massa Sanguinea multis cruditatibus scateret, ac crassiorem haberet consistentiam (ut ex sanguine per Venam sectam educto satis patebat) ideòque segnis esset ad motum, quotidiana illa febrilis effervescencia esset loco remedii, quæ cessante, fieret quædam veluti in Vasis stagnatio, & congelatio, unde functionum Animalium torpor, & Vitalium quoque interceptio; adeò verum est illud Celsi, quòd febrem lentam interdum augere oporteat, *fortasse enim, ait ille, curationi opportunior fiet.*

Scio equidem hujusmodi doctrinam non solum plerisque Medicorum, sed etiam aliis, qui Artem Medicam non profitentur, esse suspectam, ut ipsi Senecæ, qui beneficium sanationis levioris morbi factæ à graviore morbo exprobrat his verbis. *Multi quos auxerant morbos, & irritaverant, ut majori gloria sanarent, non potuerunt discutere, aut cum magna agrorum vexatione vicerunt.* In hac tamen Constitutione experientia ipsa satis evicit, febrilem effervescenciam stimulandam potius fuisse, quàm frænandam, & usum calidorum magis profuisse, quàm frigidorum; sicuti in historia Polycratis, vice versa, frigida magis, quàm calida juvisse scripsit Hippocrates, innuens hoc dicto Divinus Præceptor, non tanti faciendum præconceptum de natura morbi iudicium, ut illud ipsemet Experientiæ in contrarium reclamanti velimus præferre. Observatum est

tamen foeliciori eventu exhibitam Chinam Chinam Agrestibus, quàm Oppidanis, & Urbium Incolis; Gens enim rusticana ubi tantillum à morbi fasce levata est, illicò laboribus, & exercitiis se dedit, quare non erat metuendum, ut tam perniciosi effectus in iis consequerentur, quales in Urbanis observabantur. Sic Doctissimus Etmullerus tradidit, non tam facile pati recidivas post assumptum hoc febrifugum homines exercitiis, ac laboribus deditos, sicuti desidiosos, & otio innutritos. De hac nostra itaque Constitutione libet proferre id quod olim de quadam simili scripsit Hippocrates, ingenua certè confessione, more tamen magnorum Virorum, & magnam rerum fiduciam habentium. *Nihil memorabile proderat, non Ventris turbatio, non Venæ-sectio, neque quacumque alia tentavi.*

XLVIII. Nullas Febres Synochas, vel Arduas hoc Anno, quod sciam, observatas diximus, sicuti paucas Quartanas: de prioribus quidem non est quòd miremur, nam partibus spirituosissimis, & ad conflagrationem aptis non adeò turgebat massa Sanguinea, immò crassis, & frigidis succis abundabat: sic Vina tenuia, & acidiuscula non tam facile fervorem concipiunt, veluti Vina generosa, ubi Æstivum calorem senserint; magis quidem mirum est, quod in tanta Febricitantium frequentia tam pauci visi Quartanarii, idque magis, si verum esset quod non nulli asserunt, non nisi ex majori visciditate materiæ differre Quartanas à Tertianis. Consuetam itaque Febris Quartanæ genesim animadvertens, & hujusmodi

di Febrem, tanquam fructum Autumno maturescentem, considerans, cujus uberior est proventus, cum Æstas magis fervida ac torrida præcesserit, prætereà rationi congruum est, quod in hac Constitutione frigida, & humida, in qua non multa fieret partium serosarum per Cutis poros diffusio, succum Pancreaticum ad eum fixitatis gradum, qui ad quartanarium circuitum requiritur, evehi non potuisse, seu quidquam aliud defuisse, quod humana imbecillitas assequi nequit, cum nihil sit quod ipsos Medicinæ Proceres magis transversos agat, quàm pervestigatio causæ, cur statis horis recurrant febriles paroxysmi, ac tam exactè, ut ipsa Automata aliquando superent.

XXXXIX. Verminationem in his Febris fatis familiarem, & præsertim in Rusticana gente superius recensuimus, cujus rei causam fuisse reor, tum prava Alimenta putrefactioni obnoxia, qualia fuere Pisces, & fructus horæi; tum Ventriculi fermentum ex mala constitutione vitiatum, & improportionatum ad cibum rectè subigendum: quare Vermium seminibus, seu ut lubet Ovulis, quæ in alimentis ipsis laterent, integris manentibus, & à tenui calore fotis, mirum non fuit, si facilè in magna copia prodiderit Verminosa soboles. Usus Chinæ Chinæ valdè proficuum ad necandos Vermes expertus sum, quod præstare ob insignem amarorem quem possidet hic Cortex, non abs re crediderim, tamen tutior est Praxis, quæ Verminosos Affectus curat per aloëtica potius quàm per saccharata, & mellita. Haud sum nescius apud Nostrates quoque facta fuisse experi-

Tom. II.

menta, & observatum, quod Lumbrici in aqua ubi dissolutum fuerit Mel, vel Saccharum, citissimè moriantur, in amarissimis verò liquoribus ad integros dies vixerint; at ab iis quæ extrinsecus apparent, medicamentorum vires metiri velle, non adeò tutum existimo, quin errandi periculum subsit. Suspiciari enim licet, quòd medicamenta propinata, quæcumque ea sint, iis quibus armantur viribus citò spolientur, dum primò cum stomachico fermento, cujus vim transmutativam nemo non novit, mox in Intestinis cum Bile, qui humor suapte natura ferox est, & cum succo Pancreatico spiculis armato congregi debent; quod si ulterius pervadant, cum lymphâ quoque in communi Receptaculo iisdem sit concertandum. Sic Crocus Martis, qui aperitivus dicitur, ut notat Junchen, nisi acidum superfluum reperiatur in Ventriculo à quo solvatur, Adstringens evadit. Id ipsum quoque testatur Chirurgia Infusoria, qua constat, quod liquor purgans in venas Canis infusus magnam excitat purgationem, nullam verò, vel paucam si per os idem liquor, vel in majori dosi, injiciatur, idque ob Acidî copiam quo Caninus stomachus abundat, quod Acidum vim catharticam, & emeticam potenter infringit. Hanc ob causam venena quædam, ut ait Celsus, non gustu, sed vulnere nocent, & Psylli è Serpentum moribus venenum innoxie exugebant. Quot verò, & quantas subeant mutationes medicamenta per os assumpta, dum varias corporis regiones præterlabantur, ingeniosissimè explicat Bellinus, ut nihil præstantius. Reor

D

itaque

itaque ex medicamento assumpto, & succis quibus commiscetur, gigni novum concretum, è quo illæ operationes, quæ postea consequuntur, promanant, & quæ solius medicamento efficaciæ solent adscribi.

L. Postquam hujusmodi Febres miseros ægrotantes diu fatigassent, diximus non nullis apparuisse Parotides, quibus licet suppuratis, eadem tamen pervicacia Febres perstabant. Id equidem magnam humorum cruditatem in toto Venoso genere significabat, sed hanc non esse potissimam harum Febrium causam, & fomitem satis demonstrabant, qui Fomes, in Ventriculo, & Pancreate præcipuè sedem fixerat. In non nullis pariter post multos Febriles paroxysmos, supervenerunt Diarrhœæ, ac Dysenteria, irritata ad expulsionem Natura, tum à copia, tum à pravitate succorum; neque enim hæsitati locus, quin etiam aliquando malignum quid subesset in his Febribus, quamvis intermitterent; plures tamen sustulit Diarrhœa, quàm Dysenteria, eò quòd forsan in iis qui Diarrhœa laborarent communicata esset labes massæ sanguineæ, quæ serum acre per glandulas intestinales excerneret, in iis verò qui Dysenteria vexarentur, mali fomes esset extra Venas, viscida nempe, & acida pituita Intestina abradente, & excoriante. Frequentes porrò fuere Recidivæ non solum ob diætæ errata, sed ob communem causam, Aërem nempe vitiatum, qui febrile Miasma ad aliquod tempus consopitum in novos motus, & exorbitantias cieret; eandem quoque ob causam adeò contumaces fuerunt hæc Febres, cum nihil sufficeret ad abster-

gendam labem illam, quam Aër continuò inspiratus ferè ineluibilem redderet; adeò gravis est Morbus, quem Coelum fecerit. Sic pacari non visa est affectio, nisi cum sub Anni finem humidæ, & nebulosæ tempestati sicca, & serena successit: quare sicuti ex Hippocrate: *Quicunque Morbi Æstate augeantur, Hyeme desinere solent*, idque non nisi ob naturalem Temporum mutationem; ita in hoc Epidemico Affectu optimi remedii loco esse coepit Aëris in vitalem temperiem restitutio.

LI. Præ multitudine ægrotantium tam ex genere Agresti, quàm Urbano paucos interiisse superius monuimus, quod sanè præter opinionem Medentium contigit, qui majorem stragem pertimescebant. Duas potissimum ob causas in Epidemiis Affectibus perirent homines, vel ob humorum διαχυσιν vel στασιν ut ipsis vocibus Hippocraticis utar, id est vel ob Massæ Sanguineæ diffusionem à Sale acri, & Alcalico factam, vel ob ejusdem concretionem, ab Acido exuperante, frequentiora tamen funera sanguinis διαχυσιν, quam στασιν solet inferre: propterea, grassante pestilentia, ut plurimum Acida primas tenent. Cum ergo in hac nostra Constitutione Acidum quidem præpolleret, sed non earum esset virium, reluctante præsertim Febrili effervescentia, ut potis esset lethalem stagnationem inducere, ac fluxum, & refluxum Sanguinis prohibere, hinc est quòd, licet hominum myriades eodem tempore decumberent, pauci in Libitinæ censum venerint. Sic mirum non est, quòd Foeminæ, & Pueri ob molliorem habitum, & vitam mi-

nus actuosam, hujus Epidemiæ vim magis senserint, ac multò magis lactentes Pueri, in quorum venis, ob lac vitiatum, & ad coagulationem aptum, facilius sanguinis statio succederet, sic narrat Hippocrates in quadam Constitutione, *ex laborantibus mortuos esse maximè Pueros, Adolescentes, vigentes ætate, glabros, subalbidos, & qui in socordia vixerint.* Fiebant autem Pueri Ictericæ ob Hepar obstructum à viscida pituita redundante, ac à febrili calore in motum concita, quæ in Hepatis substantia defixa, Bilis secretionem prohiberet, cujus signum erat, quod in omnibus tensum, ac durum Hepar persentiretur; sero autem acri, & acido in Cerebri membranas transfuso, convulsi moriebantur, morbo alioquin Pueris familiari, sed huic Constitutioni magis proprio, ut potè valdè aptæ ad acorem massæ sanguineæ conciliandum.

LII. Si verò quærat aliquis, cur hæc mala Constitutio Agricolas magis, quàm Oppidanos, & Urbium Incolas vexarit, videtur satisfieri posse dicendo, potissimam causam fuisse Aërem à foedis exhalationibus vitiatum ob nimiam illuvionem, quæ campos, & Agricolarum domos inundarit, non sic Urbes, & Oppida in editioribus locis posita; huic causæ addi poterit Victus pravus, & insalubris, ac præsertim nimia Piscium ingurgitatio, alimenti genus Colonis nostris insuetum, & quod in illorum stomacho facilè putresceret. Scio equidem à non vulgaribus Medicis Pisces ægris quoque exhiberi solitos, tamquam laudabile alimentum, ac multò magis sanis corporibus, ve-

rum, ut ait doctissimus Plempius, illorum usus *Athletis non convenit, non castra sequentibus*, non Agricolis addam ego, quibus utilior est caro bubula, & suilla. Id ipsum testatur Galenus, qui Piscium usum in hominibus otiosis, Senibus, & ægrotis commendat, non sic verò in iis qui corpus exercent; his ad lendum, quid sicuti Pisces, qui in rapidissimis fluviis capiuntur, ex Athenæi sententia, omnium sunt optimi, ita hi essent omnium pessimi, quòd in aquis stagnantibus fieret illorum captura.

LIII. His quoque causis accenseri possunt labores, & exercitia sub assiduis imbris, unde pororum Cutis constrictio, sudoris parcitas, ob frigidam, & humidam Anni intemperiem, cum alias per Æstatem sub assiduis laboribus copiosissimè sudare consuevissent, quas causas in Oppidanis, & Civibus, qui meliori victu utuntur, nec Aëris injuriis sunt ita expositi, non tam facilè quis reperiat. Sedes prætereà hujus Ruralis Epidemiæ à Civitatibus, & Oppidis majoribus circumscribi videbatur; quare Mutina, & Regium, eò quòd essent veluti in circumferentia, & Apennino proximiores, minus hanc labem sensere, magis autem Ferraria, & Oppida Mantuanæ Ditionis, Pado proximiora, ubi major fuit infantilis clades, quem ad modum à variis Professoribus, ac aliis per literas accepi. Magna verò hæc Planities his locis circumscripta, & tota Colonis oppleta, in cujus sinu ad longum tempus stagnarunt aquæ, hujus Epidemii Affectus Sedes, ac Domicilium fuit.

LIV. Circà cæterorum Affectuum examen, qui has Febres comitati sunt, quales fuerunt Apoplexiæ, Epilepsiæ, Catarrhi præfocativi, Cachexiæ, & Hydropes, non multum immorabor; ejusdem enim Constitutionis soboles fuerunt, & Acidi prædominium significabant, vel sanguinem, & reliqua fluida coagulantis, vel nervosum Systema occupantis; hæc omnia itaque verissimum esse Divini Senis Oraculum comprobant, quòd *Morbi in pluviarum multitudine magna ex parte fiunt, febres longæ, alvi profluvia, putredines, morbi comitiales, apoplexiæ, & anginae.*

LV. Ut autem circa res venturas Conjectoris quoque partes agamus, superest videndum, num sperare liceat, postquam pacata est non parum hæc Affectio, an in totum ea desitura sit, an potius hæc eadem, vel deterior exsuscitari possit. Sperare licet utique, malam hanc Constitutionem emendandam, cum postremi hi duo Menses cum perpetua ferè serenitate, & Aëris tranquillo statu Annum jam clauferint, nam ut ait Montanus, *Tempora consequentia secundum naturam existentia corrigunt vitia præcedentium præter naturam existentium;*

at metus subest, ne ob aliquam Annonæ caritatem infoelices Coloni, qui ad sedandam latrantis stomachi rabiem atro pane, & confusaneo uti cogentur;

(*Nam tener, & niveus, mollique siligine factus*

Servatur Dominis,)

Metus inquam subest, ne proximo Vere, & æstate novis calamitatibus vexentur. Sic in Æno Civitate Thraciæ, ex Hippocrate, *usu leguminum continenter utentes Fœminæ, & Viri, crurum impotentes fiebant*, quam historiam citat Galenus, aitque sæpe evenire, ut ob caritatem Annonæ exitiales morbi oriantur. Vox *Λιμός*, quæ famem significat, non nisi per solam diphthongum discrepat ab ea quæ perniciosam Epidemiam denotat, unde effluxit dictum illud *Εκ Λιμῶ Λοιμῶ*. Quamvis enim Edulia mali succi videantur aliquando sat benè concoqui, attamen ut egregiè monet Galenus, *Nobis non advertentibus, pravus succus ex ipsis post longum tempus in Venis colligitur, qui postea exiguum ad putredinem occasionem nactus febres malignas accendit.* Quodcunque malum avertat Divina Clementia, & priorem salubritatem huic Cœlo restituat.

T Alis fuit Anni M. DC. XC. apud nos Constitutio, atque hæc indoles Epidemii Affectus, qui Colonos nostros, & Urbanos quoque afflixit, divinarint jam Astrologi pro suo lubitu, & ex syderalibus schematismis Anni, qui modo successit, præsagia deduxerint, quòd ego ejusdem, postquam cursum suum absolverit, si fata dabunt, medicam historiam conscribam.

B E R N A R D I N I R A M A Z Z I N I

Dissertatio Secunda.

De C O N S T I T U T I O N E Anni 1691.

Ruralem Epidemiam, quæ præcedenti Anno Mutinensis Agri, & proximarum Regionum Colonos graviter afflixit, Urbana Epidemia hoc Anno excepit, quæ nihil urbanitatis, imò insolentiæ plurimum in infœlicem plebeculam potissimum exercuit. Instituto itaque meo inhærens prægressam Constitutionem, qualiscunque ea fuerit, in fine cujuslibet Anni describendi, eò libentiùs id exequar, quòd hæc Constitutio ab ea, quam superiori Anno experti fuimus, toto Cœlo differens satis uberem materiam suggerat mentem exercendi, quando in re medica nil foret utilius, quàm succedentes sibi ad invicem Constitutiones conferre, ut recta medendi methodus institui posset, quoties eadem tempora, ac iidem morbi recurrerent. Quæ si attentius à Professoribus observarentur, non esset forsitan, quod Medicina comparata desideraretur, sicuti Anatomiam comparatam desiderari aiebat Sapientissimus Verulamius, quæ si haberetur, ut ille ait, & Individuorum interiores Structuræ ad invicem componerentur, non tam pro morborum causis culparentur humores, quàm mechanicum viscerum artificium, quod cum ut plurimum inemendabile sit, omnem medicam opem, & magnos Promissores sæpissimè eludit.

II. Superioris Anni Constitutio, ut in mea Dissertatione super illam edita, ob assiduos, & copiosos imbres

impensè humida, & lutulenta in universum extitit, unde gravis Epidemia unà cum Annonæ Caritate effluxit; hujus Anni verò Constitutio ex opposito maximè ficca, & pulverulenta, primò quidem ob Aquilonares Ventos, postmodum verò ob continuum, & flagrantem æstum meritò audiit. Sicuti autem prima pars hyemis, quæ antecedentem Annum clausit, statum satis placidum, ac serenum, ut diximus, sortita est, ita pars altera, quæ huic Anno fores aperuit, eandem serenitatem, ac tranquillitatem secum invexit, donec Januario mense ad finem vergente, flantibus Ventis Septentrionalibus, frigora adeò intensa fieri cœpta, ut illicò conglaciatis fluminibus cuncta præ nimio gelu horrescerent. Cum autem nullæ prorsus nives decidissent, hyemem non solum algidissimam, sed siccissimam exegimus, ita ut in tota Cispadana, & Transpadana Regione pulverulentæ essent Viæ, non secus ac Augusto mense, cum insana Canicula campos torret, quod apud nos prorsus insolens est, ex quo factum, ut Boreæ penetrabile frigus fata consueto nivali vellere destituta mirum in modum exureret.

III. Morbi qui hisce temporibus vagabantur, erant Apoplexiæ, Pleuritides, Peripneumoniæ, Catarrhi suffocativi, Anginæ, Erysipelata; præ cæteris tamen affectibus, morbi pectoris grassabantur magis, ac busta implebant. Sanguis qui secta

Vena educebatur multum pituitæ, & polyposæ concretionis præferebat. In nostro hoc Nosocomio variis Cadaveribus dissectis, præcipuè in Cachecticis, ac demortuis ex morbo pectoris, reperti sunt Polypi, non solum intra Cordis sinus, sed etiam intra ipsam Aortam. Remedia quæ magis ex usu erant, & quibus promptius morbus auscultaret, ea fuere, quæ vi pollerent crasim Sanguinis compactam referandi, & fluxibilitatem reddendi, ut Spiritus Salis Armoniaci, Sal volatile Cornu Cervi, Sperma Ceti, & similia. Non deerant tamen qui cum alioquin scirent, quod Sulphur Balsamum Pulmonum passim audiat, in hujusmodi Affectibus spiritum Sulphuris exhiberent cum suis aquis Pectoralibus; at num rectè & ex arte id agerent, ipsi viderint; indubium tamen est, quod partes integrales Concreti longè diversas possident qualitates ac ipsum Concretum, sicuti verò verius, Spiritum Sulphuris alterius esse indolis ac ipsum Sulphur. Repetita sanguinis missio non adeò foelicem fortiebatur eventum, ut aliàs. In hac tam rigida, ac horrida Constitutione magis exercebatur Plebs Urbana, quàm Agrestis, ac Senes valdè periclitabantur, quare Medicis sæpenumerò nil tale cogitantibus, Morbus plus habens in recessu quàm in fronte facile imponebat; nam ex improvise, cum prius satis commodè cœnassent, tanquam confectò Silicerniò, paulò post occumbebant, ac citius quibus detractus fuisset sanguis.

IV. Horum Affectuum tam multiplex, ac discolor Sylva ab eadem prorsus radice succreverat, ac prop-

tereà eodem modo averruncanda: omnium itaque unam, ac eandem esse Theoriam, ac Praxim dictabat ratio; veram autem, ac potissimam causam fas erat referre in pravam diathesim quam sanguis haberet ad concrendum. Cum enim ex præcedentis Annæ frigidâ, & lutulentâ Constitutione, nec non ex pravo victu ob rei Annonariæ angustiam, talis esset in universum massæ sanguineæ dispositio, mirum non fuit, si succedente postea hyeme tam rigidâ, ac summè Aquilonari, majorem promptitudinem ad grumescendum adsciverit, unde pulularint morbi, qui ex sanguinis stagnatione variis partibus, ob retardatum illius circularem motum, generis suam deduxerint.

V. Apoplexias autem, Pleuritides, Peripneumonias, Catarrhos suffocativos, Erysipelata, ac reliquos memoratos Affectus à sanguinis stagnatione, ob prædictam ad concrendum dispositionem generari, unanimis est Recentiorum omnium consensus, quidquid circa hõrum Affectuum Theoriam in contrarium senserint antiquiores Medici, qui in hujusmodi Affectibus partem aliquam Mittentem robustam, & aliam Recipientem imbecilliorē imaginabantur. Duplicem Fluxionum causam commentus est Galenus, unam in qua Pars ipsa humorem ad se traheret, aliam in qua humor à parte robustiori ad debiliorem transmitteretur. Hujusmodi doctrinam primus forsan cœpit convellere Helmontius; nullam enim in fluxionibus partem Mandantem, Dirigentem, nec Sagittarium, aut Scopum agnoscit hic Auctor; qui tamen exemplo spinæ digito infixæ, & in-

indignantis Archei, non satis exposuit ob ignoratum Sanguinis circum, quomodo fiant humorum decubitus, quod solum accidit eò quia præpedito, & intercepto Sanguinis per Venas refluxu, vel propter fibrarum crispaturam (ut in vehementi dolore) vel propter massæ sanguineæ nimis crassam ac densam texturam, humores circa Vasorum extremitates, vel in carniū porositatibus detineantur; quare si congruè loqui velimus, Detentiones potius, quàm Fluxiones sunt appellandæ.

VI. Neque interdum exiguus labor mihi impendendus fuit, ut aliquibus à præjudiciis occupatis persuaderem erroneum prorsus esse comminisci, quòd cum pars aliqua inflammatur, ac in tumorem assurgit, tunc humores majori impetu ad eam partem ferantur, quàm ad alias, si vera est, non commentitia lex Circularis motus sanguinis, qua stante, stant ac stabunt perpetuò tot clarissima Recentiorum excogitata, quot in dies intercidunt Antiquiorum placita; nam revera si mentis aciem intendamus, pigriori lapsu sanguis movetur ad partem quæ inflammatione tentatur, quàm ad alias ubi expeditæ sunt Viæ, ac nullum repagulum, quod sanguinis cursum remoretur. Quidam autem res in cute solum, non intus reputantes, cum vident partem brevi temporis intervallo in tumorem attolli, ut in Phlegmone, putant sanguinem pleno fluente eò confluere, quod sanè locum habet cum Vas aliquod sanguiferum disruptum est, & in aliquam cavitatem sanguis decidit, vel

extra Corpus effunditur, non ita verò in Phlegmonum, & aliorum tumorum generatione, qui non aliam ob causam fiunt, quàm quòd præpedito circulari sanguinis motu, plus sit quod Arteriæ ad partem deferant, quàm quòd Venæ referant, sive id fiat ob lutulentam sanguinis crassam, sive ob fibrarum motricium crispaturam ex vi dolorificæ passionis, ut in vulneribus, ac Nervorum puncturis. Huic autem Veritati fortasse manus darent, si cum brachio vinculum injicitur ad celebrandam phlebotomiam, veram causam perpendere, quare infra nexum tumeant Venæ unà cum mole carnea, quod non sit, quia tunc temporis sanguis eò rapidius moveatur, (multo enim velocius ante eò propellebatur, ubi nullus erat obex, ac minor resistantia superanda, sed quia ibi detinetur ob interceptum ejusdem per Venas ad Cor refluxum.

VII. Haud absimilis quoque est Catarrhi generatio, de cujus natura ac ortu inter Medicos non satis convenit. Popularis, ac vetus opinio est, Caput Catarrhi Fontem, ac Scaturiginem esse, unde frequens proluvium in fauces, & pectus, ac etiam usque ad extremos artus. Opinionem hanc de Catarrhi ortu, ac descensu, ex quo Etymon desumpsit, (cum non nisi descensum, ac refluxum hæc vox sonet, unde voces *κατάρρῳ* & *ἀναρρῳ* à Galeno usurpatæ, ut humorum descensum, vel ascensum innueret,) hanc inquam opinionem eliminarunt è Scholis recentiores omnes Anatomici ut Willisius, Richardus Louver, Stenon, Rolfinkius, Ettmullerus, Blancardus, ac inter

inter Italos nostros Doctissimus Bel-
linus. Hi omnes ad Anatomicum
Tribunal, omnibus indiciis, quibus
Caput hujus criminis Auctor insimu-
latur, diligenti examine perpen-
dit, nullaque apparente via per quam Ca-
put sordes suas in fauces, ac Tho-
racem expuat, ipsum plenis suffra-
giis absolvunt; Non desunt tamen
adhuc qui

*Obstipo capite, & figentes lumine
terram,*

Antiquorum placitum veluti mor-
dicus tueri, nec desinant in morbis
pectoris Caput non solum pharma-
cis, sed ferro, & igne tamquam
reum plectere. Per quos porro du-
ctus Cerebrum superfluitates suas
quibus procul dubio, diffluit, pos-
sit excernere, inter quærenda esse
ait Celeberrimus Stenon, nisi tamen
per observatos à Blancardo ductus in
jugulares Venas fiat hujusmodi ex-
cretio.

VIII. Catarrhi Fontem non ve-
riti sunt alii astringere esse ipsum Vitæ
Fontem, Cor scilicet, quod per arte-
riarum ductus circumquaque Catarrhi
materiam deferat; hinc Rheumatismi
& tumores, & quidquid nomine flu-
xionum venit; quod Assertum est
Rolfinckii cui consentiunt Schneide-
rus, Wedelius, & alii, qui Catar-
rhum à massæ sanguineæ sero prodire
variis observationibus testantur. Sat
celebre est experimentum Richardi
Louver de Cane, cui cum arctè Venas
Jugulares vinxisset, partes omnes su-
pra ligaturam tumescere, nec non co-
piosas lacrimas ex oculis, & pluri-
mam salivam ex ore profluere obser-
vavit, quo tandem tanquam ex Angi-
na suffocato ac dissecto, nullæ partes

sanguine perfusæ repertæ sunt, sed
solum musculi omnes, & glandulæ
sero limbo distentæ apparere. Ab
hac opinione non multum dissentien-
tes alii Glandulas Catarrhi Fontes
statuunt, ut Stenon, Ettmullerus,
& alii; si enim Glandularum stru-
cturam accuratius perpendamus,
constabit eas esse fasciculum Arte-
riarum, Venarum, Nervorum, &
Vasorum excretoriorum; ideòque in
illarum sinum deponi serum ab Ar-
teriis, & superflui aliquid à Nervis,
quæ opinio valdè probabilis est, &
usibus Glandulis à Natura destinatis
magis congrua.

IX. Hanc tamen doctrinam de Ca-
tarrhi origine ex sanguinis latice in
Glandularum substantiam rejecto ex
Helmontio habemus, qui primus for-
san Caput infans à Catarrhi infamia
vindica vit, ob quam tam sæpè inu-
rebatur. Hic enim Auctor licet mo-
tum sanguinis circularem ignoraret,
mente tamen concepit, id quod cre-
debatur è Cerebro depluere, nil aliud
esse quàm laticem serosum huc,
& illuc delatum à *Spiritu impetum
faciente, ac initio Vitali*, ut ipse
ait, nimirum è Corde, tanquam
primo Impulfore, quin & ad Glandu-
las ipsas ablegari, quas non ut Va-
sorum Pulvinaria essent, à Natura
constructas fuisse astringit, sed ad emun-
ctionem laticis è massa Cruoris; Ac
re vera hic latex serosus Helmontii,
præter alios usus hunc habet potissi-
mum, quod sanguini socius, ac totum
corpus pervadens ad variarum partium
culinas everrendas inserviat, & fa-
les dissolutos combibendos, ut exin-
de per Glandulas excretrices ex-
tradatur, & sic tota cruoris massa de-

defæcator evadat. In hunc finem in palato, lingua, faucibus, & naribus copiosas Glandulas Natura construxit, ut sanguis arteriosus, qui per Carotides ad Cerebrum deferri debet pro nervosi succi, & Spirituum Animalium elaboratione, sincerior reddatur, mucosa parte per has Glandulas repurgata in statu etiam naturali, quando alia ex parte constat eos qui sunt emunctæ naris, nec multum Desputores, lubricæ sanitatis esse, ut referunt de Francisco Galliarum Rege, qui cum esset ἀποξωδὸς, aurium ulceri obnoxius fuit dum vixit.

XI. Atque hæc quidem quotidiana per nares, & ex faucibus mucæ excretio iis etiam qui satis commoda Valetudine fruuntur familiaris esse solet; cæterum ubi Corpus cacochymum sit, ac serosus latex luxuriat, qui suoptè genio promptus est ad concrendum, mirum non est si accedente Boreali Constitutione, qualis fuit de qua hîc sermo, tunc temporis grassentur populariter Tussès, Rheumatismi, & quodcunque aliud morbi genus, quod in fluxionum censu reponitur, detenta in Glandulis vitiata, ac superexcedente lymphæ, non ex Naturæ providentia, quæ se hoc fasce levare satagens noxium humorem ad extrema detrudat, sed ex mechanico partium artificio, ac particulari humorum textura, juxta varias Aëris alterationes, ea lege, ut decubitus ibi fiant, ubi major est dispositio ut humores detineantur. Neque id fieri in nostris Corporibus magis miremur, quàm in Automato aliquoquin benè constructo, quod interdum ad quasdam Aëris alterationes à solito suo munere aberrat, & ab

ignaro popello tanquam insanum ridetur. Mira est autem, ac penè divina vis Ventorum in Aëre alterando; talem enim Affectionem Aër possidet, qualem Ventus qui perflat, ac talis est Sanguinis dispositio, qualis est Aër quem inspiramus. Sic ut refert Vitruvius, apud Mitylenem (quæ Urbs in Lesbo erat quidem magnificenter extructa, sed non prudenter posita) cùm flabat Auster, homines ægrotabant, quando Corus, tussiebant, cum Septentrio, restituebantur in salutem. M. Varro quoque cum Romana Classis Corcyrae esset ac tota penè ægrotaret, immisso fenestris novis Aquilone, & obstructis pestilentibus, suos incolumes reduxit.

XII. At quorsum tot speculationes, inquiet aliquis? Ut juxta veram horum Affectuum Theoriam congrua medendi methodus instituat, regeram ego; Ubi enim ingruunt hi morbi qui non è capite decidui, sed ab humorum stagnatione pendent, illicò ad vehementia Cathartica, Inustiones, Phænigmos, Cucurbitulas, ad Narcotica quoque, ac mille alia remedia ad materiam fluentem revellendam, intercipiendam, derivandam, suspendendam quoque, ut putant, Cæcis capitalibus, confugiunt; Interim neglecta manet vera morbi causa, ad quam oppugnandam seriò, ac omnibus nervis esset incumbendum, ut postquam sufficiens evacuatio est facta, usu alterantium, ac naturalem sanguinis texturam restituentium, fluidæ substantiæ æquabili tenore per suos ductus cursum repeterent. Quot verò modis per Venæ sectionem peccatur? Jam Phlebotomus veluti

gladius Delphicus passim tam in magnis, quam in levibus morbis stringitur ad innocentes Victimæ sæpius mactandas, quam graves affectus jugulandos.

XIII. Postquam Mundo innotuit circularis sanguinis motus, Scopi equidem quos in morbis, qui ab humorum fluxione pendere supponuntur, sibi proposuerant Medici, non tanti sunt ponderis ut creditur. Certè Intercipientia locum nullum habent, quomodo enim quis intercipiat materiam ad partem per Arteriam fluentem nisi Arteriam ipsam vinciat? neque enim jure postliminii, aut redhibitionis actione redire potest humor unde est egressus nisi per circulum. Revulsio verò per V. S. de Throno suo jam decidit; imò si strictè loquamur, ferè nulla est, qui enim fiat, ut humor per Arteriam fluens per eandem possit revelli? Profectò si qua fit per V. S. Revulsio, per id solum tempus fit quo Vena est aperta, tunc enim Sanguis per Venam sectam, ac pariter per proximam Arteriam quæ illi humorem suggerit, majori velocitate movetur quam per alia Vasa, illà verò clausa, cessat hæc in velocitate inæqualitas, ut ingeniosissimè ad demonstrationem usque explicat Bellinus. Non ibo tamen inficias, quin diminutà sanguinis copià minor humoris portio ad partem laborantem deferatur, & minus sit sanguinis stagnantis incrementum. Quanti autem sit facienda per V. S. Revulsio, & quam facilè quibusdam imponat, qui hoc nomine inficiæ suæ velum prætendunt, explicat egregiè Andreas Cnössellius in quâdam suâ Consultatione pro Jo. Casimiro Poloniæ Rege, cui ob immodicum hæ-

morrhoidalis sanguinis fluxum laboranti, cum magni nominis Medici frequentem sanguinis missionem è brachio suaderent ad revellendum sanguinem fluentem, ac ipse acriter renueret, hæc scripsit verba, quæ ut potè elegantissima, & magni ponderis hic libuit apponere. *Et quomodo sanguini ad peremptoriam medicæ Revulsionis citationem, dicam, & locum, scribere possumus, qui privilegio speciali vitalitatis in circulum, & in se ipsum rediens cum spiritu suo hospite nullius loci, & temporis leges respicit, neque locum standi ullum in universo corporis foro agnoscit?*

XIV. Revellenda itaque esset ex quorundam animis, quibus altè infedit hæc de vi Revulsionis per V. S. opinio, cum revera non nisi ad demendam plenitudinem conferat Venæ sectio. Condonandum quidem aliquid Æmilio Parisano, & Primirofio, qui non aliam ob causam, ut ait Leonardus è Capua, in Harvæum Stylum acuerunt, nisi quia flante Sanguinis Circuitu viderent Revulsionem, per tot sæcula adeò celebre præsidium, ferè penitus corruere, non ità verò nostrorum temporum Professores in tam clara luce cæcutientibus. Multum profectò Hippocrates Revulsioni in fluxionibus detulit, ut passim in illius Operibus videre est; locus tamen insignis apud eundem extat qui Revulsioni videtur parum favere. Ad sistendum immodicum mensium fluxum jubet ille ut vincula injiciantur supra genua, verum quidem est, quòd præcipit quoque ut eodem tempore vinciantur brachia; nodum hunc solve-

re annisi sunt Rorarius, & Fonseca, sed non planè satisfaciunt; meum fanè non est hujusmodi scrupulos dissolvere, meliori enim vindice dignus est hic nodus, proferam tamen quod sentio. Quidquid sit de efficacia hujus remedii, & num eventui respondeat, videtur *Hippocrates* mente attigisse motum sanguinis perennem per suos ductus, multis enim in locis mentionem habet de sanguinis stasi, & interceptione Venarum, quam φλεβῶν ἀπόλειπσιν appellat; ut ergo fluxum catameniorum cohiberet, sanguinis stationem, seu saltem remoram aliquam humoribus impetrandam curabat, tam in partibus supra, quàm infra Cor, vinculis ad brachia, & femora injectis, nihil veritus quod ligaturæ supra genua ad Uterum quicquam traherent. Ac re vera quid magis ex improvise hæmorrhagias sistit, quàm superveniens animi deliquium, cui necessariò consecutaria est Cordis à motu feriatio, ac eodem tempore sanguinis stasis?

XV. Sic autem ratiocinari nos cogit Divinum prorsus Inventum Circularis motus sanguinis, quod unicuique φαινόμενον innumeras discussit errorum tenebras, effecitque ut humani Corporis, cæterorumque Animalium, quibus præcordia finxit Divinus Opifex, vera, ac genuina Oeconomia innotuerit. Cor enim nectaris vivifici, quod Corpus universum sustentatur, Promus, & Condus est, habens ad latera Arterias, & Venas administras; Arteriæ à sinistro penu alimoniam depromunt, ac partibus omnibus, vel remotissimis dispensant. Venæ affidentes quod à nutritione reliquum fuit suis radicibus,

tanquam manibus, recolligunt, & ad dexterum Cordis Condom comportant. Iisdem Venis medio in itinere succenturiant Venæ lacteæ, quæ novum com meatum sanguini sub forma candidi laticis refundunt, qui postea in Pulmonibus admirando artificio purpurascit. Hæc est Vitalis Facultatis vera, & naturalis Oeconomia, cui non parvas suppetias fert Animalis Potestas, quæ pro beneficio purioris sanguinis ad Cerebrum delati uberem spirituum influxum per nervos Cordi suppeditat ad illius motum perennandum. Sic binæ istæ Potentiæ, licet sedibus, & regimine distinctæ, tanquam foederatæ Provinciæ, sibi invicem collata beneficia rependunt. Sicuti autem in Civitate benè constituta, quousque legibus suis vigor perstat, summa tranquillitate degitur, iis autem perfundatis, turbarum plena sunt omnia, ita in humano corpore Circularis motus sanguinis legem servata, facta tecta Valetudo est; ea verò infracta, fusque adeque aguntur omnia, illac intestinæ seditiones subsequuntur.

XVI. Quamvis autem Lex ista, quam primus tulit Harvæus, vel cujus primæ fundamenta jecere Itali nostri, ut Andreas Cæsalpinus, Realduus Columbus Cremonensis, pro rata, imò sacra habeatur, non defuit tamen qui nuper legem hanc abrogaret contenderit; is fuit Homobonus Pisò Medicus Cremonensis, qui edito libello sub titulo *Ultionis Antiquitatis* Circularem sanguinis motum tanquam Recentiorum Commentum traduxit. Hic mihi non vacat ejusdem rationes, ac fundamenta

expendere, solum hoc innuam, quod illius primum argumentum ab hujus legis inobservantia petitur, (eò quod Medicorum quotidiana praxis, præcipue circa usum V. S. suppositæ doctrinæ de sanguinis circuitu quicquam non respondeat) Professoribus incuriam exprobrat, quod equidem verum est, ac maximè dolendum, cum innumeri penè sint, qui passim crepent hunc circularem sanguinis motum, sed postmodum, vel ob inscientiam, vel oscitantiam, non benè pensitatis iis, quæ ex tali principio consequuntur, operibus tollant quod magnifico verborum apparatu statuerant. Verum cum huic malo medelam aliquam apponere sit necesse, Professor in hac Civitate mihi jam dudum conjunctissimus, Opus jam molitur, cui hunc vult esse titulum. *Rationarium Medicum Sæculare, quo summam, ac veluti facta supputatione apparet quid lucri ex celebrioribus Inventis Anatomicis hujus Sæculi Artis Medicæ, tam quoad Theoriam, quàm quoad Praxim accesserit.* Habent Mercatores sua Rationaria, sicuti & diligentes Oeconomi, habent & Principes, ut olim Augustus, qui diuturnæ valetudinis tædio Rationarium Imperii Senatui tradidit; non abs re forsan erit si Medica Respublica Rationarium suum habeat, quod monstret quantum Medicinæ pomeria ampliavit hoc nostrum fortunatissimum Sæculum, & quod simul pro saniori medendi methodo inserviat. Hujus operis editionem usque ad finem hujus Sæculi animus illi esset differre, spe forsan quod novo aliquo Invento Sæculum hoc coronetur, cum adhuc vivant multi egregii Viri novarum

rerum Repertores, inter quos Celeberrimus Malpighius, qui Romæ nunc degit ad Pontificiæ Valetudinis custodiam; verum ego non desino Collegam hunc meum urgere, ut ad meditata seriò incumbat, ad utinam eo usque illi fata Vitæ lineam protendant, ut Opus hujusmodi ad umbilicum deducat. Verum è Diverticulis in viam.

XVII. In iis ergo Affectibus, qui ab humorum fluxione fieri supponuntur, iterata V. S. ad tot scopos implendos totum corpus depeculatur, & morbi causam persæpè deteriore efficit. Ubi enim Vasorum plenitudini quæ vires premit factum fuerit satis, seu ad humorum Orgasum sufflaminandum si adsit, sanguinis sufficiens copia detracta fuerit, satius profectò esset iis hæere remediis quæ sanguini debitam crasin restituere nata sint. Certè in hac hyemali Constitutione Catarrhis obnoxia repetita V. S. non adeò salubriter cessit. Multos Pleuriticos certò scio inopinatò periisse, postquam bis, vel ter secta fuisset Vena. Præ cæteris pius Sacerdos firmi alioquin habitus ex Pleuritide laborans, postquam tertia vice detractus est sanguis, eadem die interiit. Non solum autem turpis est calamitas, ægrum epoto medicamento occidere, ut aiebat Hippocrates, sed etiam si detracto sanguine paulò post intereat. Seniores verò in hac tam rigida tempestate periculosum fuit Sanguinem etiam semel detrahare. Nobilis mulier nonagenaria, ex Pleuritide spuria decumbens, cum instaret ut sibi tunderetur Vena, ac ego renuerem, alter Medicus accersitus

fitus illi morem gessit, & citissimè eam sustulit.

XVIII. Ut constet quali cautione in Senum regimine sit procedendum quotiescunque ab aliquo Rheumatico Affectu premantur, in Boreali præsertim Constitutione, insignem oppidò, ac notatu dignam *Hippocratis* historiam hìc lubet apponere. *Halicarnassensis qui in domo Xantippi diversabatur aurem hyeme dolebat, & caput non mediocriter; erat autem Annorum circiter 50. Vena secta est juxta Mneximachum, læsum est caput evacuatum, ac perfrigeratum, non enim facta est suppuratio. Phreneticus factus est, & mortuus.* Tot circumstantias hìc apposuit *Divinus Præceptor*, ut credi possit historiam hanc plus continere in recessu, quàm in fronte; rarò fit, nec scio quod alibi in ullo ægrotante annorum numerum definierit *Hippocrates*; consideranda igitur erant ætas ad senectutem vergens, Anni tempus hyemale, humor peccans crassus nempe, ac frigidus, ætati ac tempori congruens, qui obstructionem faceret, ac tensionem in parte, atque hinc dolor; ex alieno præscripto (mentionem enim facit curantis Medici, quod illi non adeò familiare) missus est sanguis, at quonam eventu? perfrigeratum est cerebrum, subsequente caloris nativi necrosi, ac prohibita est suppuratio; neque enim tanquam parergon, ut ait Vallesius, adjecit *Hippocrates* illa verba, *non facta est suppuratio*; perniciosum enim effectum ex intempestiva V. S. sequutum innuere voluit, prohibitam scilicet humoris maturitatem. *Lethargicum* autem potius, quàm ye-

rè Phreneticum factum fuisse interpretatur Vallesius, cum in libris Epidemiorum quoscumque delirantes Phreneticos Senex Cous appellare consueverit.

XIX. Sæpiùs quoque mihi advertere obtigit, quòd in hac Rheumatica Constitutione, si febre superveniente missus fuerit sanguis, deterior factus fuerit affectus, ac etiam quandoque cum funesto eventu. Ut plurimum ubi Catharri urgent, vel in pectore, vel quacumque alia parte, si febris superaccesserit, multis ex Professoribus solenne est ad Phlebotomiam, tanquam ad sacram Anchoram, confugere. An tùm Navis securior? Periti Nautæ ventis etiam adversis aliquando utuntur ut Portum fortiter occupent: Febris autem non tam horrendum est Monstrum, quod etiam à perito Artifice sub jugum mitti nequeat, nec sine aliquo emolumento. Est ubi Febris sanguinis missionem hortetur, est etiam ubi dehortetur; sed opus est Diorisino. Si nimis densam compagem sanguis adsciverit, & ad stasim aptus vel in pectore, vel in capite restagnet, si febris postmodum accendatur, vel parcè, vel nullo modo sanguis mittendus; sæpè etenim Naturæ ipsi manu gladium abripimus quo morbum se sola potuisset conficere; si verò contrariam diathesim sanguis habeat, & ob orgasmum aliquem ad *σταχυον* seu diffusionem promptior sit, febris superaccedens V. S. hortatur. Locus est insignis apud *Hippocratem* quem hìc referre non abs re fuerit. *Quicumque derepente obmutescunt, si sine febre fuerint, ipsis Venam secato.* Solenne est *Hippocrati* in libris Epidemio-

rum illud verum adjicere ἀνδρῶν; magni enim ponderis ad rectam curationem est hæc consideratio, num Affectus sit cum febre, vel sine febre, non solum enim à febris præsentia, sed etiam ab ejusdem carentia desumendæ sunt Indicationes, ut in hoc loco *Hippocrates*, qui tamen interpretandus, ubi crassi humores Naturam onerent, ac periculum sit ne calor innatus suffocetur. Videant ergo quantum à Via quam trivit *Hippocrates* deflectant qui à Febre alicui Affectui superveniente illicò oblatum sibi scopum tundendæ Venæ ad ravim usque conclamant.

XX. Præ oculis itaque semper habenda Anni Conditio; etenim sicuti in maxima frugum abundantia, *Anus est, non Terra quæ fructificat*, ut ait *Theophrastus*, ita in quibusdam temporibus non particularis Corporum dispositio, sed Anni Constitutio ea est quæ morbos progerminat; attentè idcirco observandum quam Diathesim sanguis asciscat, sive id in sensibiles qualitates, sive in insolita effluvia è Terra expirantia referre placeat, & quænam remedia prosperum fortiantur eventum; sæpè etenim fit, quemadmodum scitè advertit *Thom. Sydenham*, Morborum Epidemicorum accuratissimus Scriptor, ut qua methodo quis morborum quasdam species foeliciter curaverit, vertente Anno, eadem methodo deteriores reddat, quare idem Auctor ingenuè fatetur, se nunquam satis cavisse, ne qui primi se illius curæ commisissent, vita periclitarentur, donec multiplici observatione, ac perspecto morbi genio, ad veram Curationem recto pede procederet. Sic

Phlebotomia, quæ aliàs in memoratis Affectibus salubris esse consueverat, in hac Constitutione non insignem operam præstitit, quod procul dubio referendum erat in prægressam antecedentis Anni Constitutionem frigidam, ac nimbosam, & subsequenter hyemem nimis horridam, ob quam adeò crassam compagem, sanguis contraxerat, ut si plus æquo detraheretur sanguis, & calor innatus labefactaretur, humores ad motum ineptiores redderentur, ac faciliùs concreverent. Talem autem fuisse sanguinis texturam ejusdem sanguinis conditio multam pulsem in superficie præ se ferentis, nec non multi Polypi in dissectis Cadaveribus, ac denatis ex Catarrho intra cordis sinus, & ipsa Vasa sanguifera reperti satis demonstrarunt.

XXI. Frequens autem hisce temporibus in demortuis ex repentino casu Polyporum observatio, si non aliud, id saltem præstat, quòd vera quorundam Affectuum causa innotescat, & culpa vacare credatur Medicus, si monstret quàm mala Bestia cubet in Præcordiis. Id prætereà consequimur, ne diversa morborum nomina nobis imponant; Syncope enim Cardiaca, Catarrhus suffocativus, & Apoplexiæ species quædam non aliam persæpè agnoscunt causam, quàm polyposas concretiones in Corde, vel in Vasis sanguiferis stabulantes. P. Alius particulare caput de Syncopè Cardiaca instituit, aitque illam fieri ex sanguine in Venis, & Arteriis coalescente, sic casum refert Puellæ subitâ mortè extinctæ, cujus Cadavere dissecto, ex Arteria magna sanguis concretus eductus est, non aliter

aliter quàm gladius è vagina extrahi solet. Refert quoque Riverius Puerum 5. annos natum ex catarrho decumbentem, postmodum lypothymia correptum subitò interiisse; aperto verò Cadavere, in sinistra Cordis auricula materiam crassam, & compactam repertam fuisse, quæ, ut ipse ait, laridum coctum referret, cui Polypi nomen non indidit hic Auctor, cum nondum in Microcosmico Erythræo Polypos expiscata esset Anatomicorum solertia. Nuper apud nos Vir sexagenarius, præpinguis habitus, subitâ morte oppetiit, dissecto Cadavere ad explorandam mortis causam, ex Pericardio ferè duæ libræ concreti sanguinis extractæ sunt, ac in Trunco Arteriæ magnæ ascendentis inventus Polypus lacertulæ longitudinem & magnitudinem referens. Intercepto itaque ob huiusmodi extranea Corpora sanguinis in orbem itu, ac reditu, & mutuo inter Cor, & Cerebrum interrupto commercio, non suggerente Corde sanguinem Cerebro per Arterias pro spirituum Animalium generatione, nec Cerebro Cordi spiritus Animales ad perennandum illius motum, [quando Cordi à motu nullæ sunt feriæ] necesse est, ut subitus subsequatur interitus. Casus autem huiusmodi vel à Syncope cardiaca, vel à Catarrho suffocativo, vel etiam ab Apoplexia fieri dicamus, parùm refert. Binas Apoplexiæ species statuit Heurnius, unam quam parvam appellat, ac ait fieri ob φλεβίων ἀπόλειψιν, id est ob prohibitum sanguinis in Cerebrum influxum, alteram magnam ob interceptum spirituum Animalium è Cerebro effluxum. Tres verò Apoplexiæ species ex Hip-

pocratis doctrina tradit Martianus, quas tamen in essentia convenire, & à sanguinis στάσι pendere autumat, quæ quidem sanguinis stasio à Polypofo crassamento induci potest, cuius generatio, ut ut non sit momentanea, accedente tamen aliqua causa, quæ sanguinem in motum rapidiorem cieat, & præexistente prava totius massæ sanguineæ dispositione ad grumescendum, mirum non est si sanguinis stagnationes ex improvviso contingant, ac interrupto spirituum vitalium radio, qui à Corde jugiter influunt, Cerebrum, Lunare Sydus Microcosmi, Eclypsim patiat. De hac Apoplexiæ specie, in qua morbi causa est extra Cerebrum, pluribus in locis agens *Divinus Præceptor*, in libro de Morbis hæc habet ipsa verba, quæ ut potè notatu digna, & sanguinis circuitum adumbrantia ex nativo fonte huc transferre placuit: αἱ φλέβες ἐπὶ τὴν ἐαυτῶν ἐρύσσει φλέγμα, ἀνάγκη ἐπὶ ψυχρότητος τῆ φλέγματος τὸ αἷμα εἶσθαι μᾶλλον ὥν μὴ κινεῖν ὃ τῆ αἵματος ἔχ ὅοιτε μὴ ἔχι, καὶ τὸ σῶμα ἀπρεμίζειν, καὶ κεκοφῶσθαι. id est; postquam Venæ pituitam in se ipsas traxerint, necesse est præ pituitæ frigidityte sanguinem tunc magis sisti dum autem sanguis non movetur, fieri non potest ut non etiam corpus quiescat, ac torpeat.

XXII. In Apoplexia, ac præsertim ubi in Paralyfin degenerat, sæpius observavi, modò loquelam amitti voce superflite, modò utrumque, quod quidem observatione dignum, tum ad prognosim, tum ad curationem; non enim idem sunt destitui loquela, ac voce destitui. ἀὐδὴν loquelam significat, φωνήν vocem, quæ duo diversis

diversis organis perficiuntur, sermo-
nis enim Lingua est dædala, vocis
autem Larynx, & Trachea. Obser-
vatio Doctissimi Willisii est, ad
gravis vocis efformationem truncum
asperæ arteriæ deprimi, ad vocem
autem acutam efformandam sursum
attolli; quem motum alternum præ-
stari ait à ramulo nervi recurrentis
cartilagineos annulos deorsum tra-
hente, & à nervo altero à plexu
pari vagi eisdem sursum attollente;
sic exolutis nervis ad linguam per-
tingentibus ἀναυδία subsequitur, ἀφωνία
verò si exolvantur qui ad Laryn-
gem, & Tracheam dimittuntur; po-
terit ergo aliquis esse ἀναυδός, &
non ἀφώνος, ut muti, ac infantes
recens nati, qui sonos edunt licet
non articulatos, non tamen è con-
verso potest esse quis ἀφώνος, & non
ἀναυδός. Quare Hippocrates in hi-
storia Pythionis, qui postea die 10.
mortuus est, scripsit hæc verba. Cir-
ca vesperam omnia exacerbatà sunt,
ἀναυδός, ἀφώνος. Loquela destitui ma-
lum quidem signum est, perniciosius
verò etiam voce privari, idcirco Di-
vinus Præceptor ut pessimum Pythio-
nis statum indicaret, has binas voces
apposuit. Æquè verò tamen Aphonia,
quàm Anaudia fieri possunt, tum ob
exolutionem, tum ob convulsionem;
procul dubio in Pythione aphonia
convulsiva erat, nam die 6. dolores
vehementes ipsum tenebant; in hoc
itaque distinguuntur, quòd Aphonia
quæ in tensione consistit, fatalis est
ad crudelissimam mortem, quæ ve-
rò in exolutione, moriendi sensum
adimit, ut ait Doctissimus Duretus.
Cum itaque tam ob nervorum, &
musculorum vocalium tensionem,

quàm ob laxitatem, fieri possit
aphonia, quotiescumque illa appa-
reat, diligenter advertendum num
convulsoria sit, vel exolutoria, ut
apta remedia præscribantur, τὰς
enim, & λύσις contrarii sunt Affe-
ctus. Sæpè autem fit, ut si in ma-
ligna febre aphonia superveniat, ad
aliquam excusationem apud vul-
gus aucupandam soleant nonnulli ma-
gna utique confidentia pronunciare,
ægrum apoplecticò insultu correp-
tum fuisse, cum tamen aphonia illa
convulsiva sit; perrarò enim in acu-
ta febre aphonia apoplectica succedit,
quod tamen aliquando observatur,
& qualem casum nuper habui præ-
manibus. Vir enim robusti alio-
quin habitus, post 12. paroxysmum
Tertianæ fabris factus est ἀναυδός,
καὶ ἀφώνος, resolutò eòdem tempo-
re brachiò, & crure dextrò; ac jam
vocem ex integro recuperavit, sed
nondum perfectum sermonem. Nar-
rat Forestus Textorem quendam ob
leve vulnus in extremitate pollicis
in dextra manu obmutuisse, quem
veluti linguæ paralyfi affectum à se
curatum ait, ego autem pace hujus
Celeberrimi Viri, crediderim ob-
mutescentiam illam ortam fuisse po-
tius ex convulsione linguæ, nam æger
ille, & nutu, & scripto, ut idem Au-
ctor refert, indicabat sibi linguam tan-
quam filo constringi.

XXIII. Atque hi quidem vagaban-
tur affectus ob superius memoratas
causas, quibus addendum, quòd cum
Anni prava Constitutione conspira-
verat rei Annonariæ penuria, quæ
sola potis est crassis humoribus cor-
pora infarcire, ob prava alimenta,
ac præcipuè ob usum leguminum,
quæ

quæ suapta natura ægrè coquuntur ; unde Cacochymia ; propterea urgente frugum inopia , cautè usurpanda magna remedia , præsertim in Popularibus , quod in Praxi diligenter observandum. Sicuti enim ex *Hippocrate* difficulter ferunt purgationes qui pravo utuntur cibo , eò quòd illorum Corpora , ut Galenus interpretatur , citò exolvantur , vel ob Syncopem Stomachicam , in quam facilè incidunt Cacochymici ubi purgantur , ut Heurnius , haud secus per V. S. quoque in summum discrimen adducuntur , uti frequenti observatione mihi compertum. In quibusdam Oppidis hujus Ditionis , ac præcipuè Castrovitri , & Scandiani , idem accidisse accepi , quod apud Ænum Civitatem Thraciæ ob Annonæ caritatem evenisse scripsit *Hippocrates* , ut multi ob usum leguminum , ac Ervi præsertim , in Crurum exolutionem inciderint. In hujusmodi ergo Calamitatibus cautum esse oportet Medicum , nec adeò liberalem in profundendo humano sanguine , uti quibusdam aliis temporibus. Ad has itaque Circumstantias , & præcipuè ad anni Constitutionem , tanquam ad Verforiam , mentis acies potiùs convertenda , quàm ad decerpendum ex libris , generales morborum Curationes , ne vetus Parcemia obtrudatur , *Nauta ex libro.*

XXIV. Quare autem Plebs Urbana in hac Constitutione prædictis Affectibus magis obnoxia fuerit , quàm Agrestis , id forsan factum crediderim , quòd Rusticana gens vitam actuosiore degens , sanguinem magis fluxilem haberet , ac minùs aptum ad stagnationem , seu

Tom. II.

quòd in Rurali Epidemiâ in alterâ meâ Dissertatione descriptâ , febres diuturnæ , quæ agrestem populum exercuerunt , vicem Criseos supplerint , sanguinis fæculentias sensim repurgando , ac ad meliorem crassim totam massam humoralem perducendo.

XXV. Circà Æquinoctium coepit frigus mitescere , ac tam subita facta est permutatio ab intenso frigore ad immoderatum æstum , ut ab Æquinoctio usque ad Martii finem calor haud multum distaret ab æstivo , Sole in occasu flammeo apparente , non secus ac Augusto mense ; subsequuta quidem postmodum Aprilis mense aliqua caloris remissio , sed firma semper , & constans persistit siccitas , sereno , ac præfudo Cœlo ; cùm itaque nulli prorsus imbres per totum Aprilis mensem decidissent , non lenis timor omnes corripuit de Anno parum frugifero ; non modici tamen solaminis erant Plantæ omnes fructiferæ floribus passim albescentes , quæ fructus tum præcoces , tum horæos abundè pollicebantur , uti re vera contigit , hoc Anno laboranti Cereri succenturiant Pomona. His addebatur quòd calor non proportionatè ad Solis accessum augescens , siccitatem in dies auctiorem reddebat , quare toto Vernali tempore Terra non minùs arida , ac dehiscens visebatur , quàm cum *findit Canis æstifer arva*. Perseverante pariter Majo mense hâc aridâ Constitutione , nisi identidem , ac sporadicè modicis imbribus delapsis , magna herbarum inopia hoc Annò laboratum est , fabis quoque ac omnibus ferè leguminibus , ob humidi

F

defe-

defectum arefactis, exigua quoque spe superstitie, quod eandem ob causam triticea messis ad bonam frugem perducere posset.

XXVI. In hac Vernali tempestate, ac præcipuè in prima Veris parte, iidem pectoris morbi, non adeò tamen graves, ut hyeme, perseverarunt. Sub finem autem Veris Tertianæ febres, tanquam spicilegium prægressæ messis, caput denuò extulerunt. Nunquam apud nos Annus Scabiosior visus est, omnibus ferè Urbanis, ac Ruricolis quoque, fœda scabie laborantibus, quæ nequæ ad iteratas purgationes, neque ad repetitas Phlebotomias quicquam mitescebat; Sanguis qui secta vena educabatur multum feri flavi præferebat, ac Urinæ valdè coloratæ apparebant. Haud secus quàm Annò elapsò magna fuit Animalium strages, ac Pecudum præcipuè, ita ut Ovillus grex totus penè deletus fuerit.

XXVII. Quoniam nullus Morbus adeò popularis est ac Scabies (si tamen illam in Morborum Classe licet reponere, quando Hippocrates scabiem turpitudinem potius quàm morbum appellat, & Plato malum vocat mixtum ex dolore, & voluptate, ac propterea græcè dicitur *πᾶσι γλυνόμενον*) quoniam inquam, nullus affectus adeò familiaris est, & qui medicos conatus magis eludat, ut hinc ansam captarit Helmontius vulgarem Medicorum praxim traducendi sub titulo *Scabiei, & Ulceris Scholarum*, perfricemus paululùm, si licet, hoc Ulcus. Ingenuo pudore profectò fateri licet, nihil ferè laudis Medicinæ professoribus ex Scabiei curatione accedere, imò non rarò

illis palmam præripi à superveniente Vetula, quæ solo linimento interdum præstat, quod magna remedium supellectile præstitisse non potuerunt qui morbos Herculeos se perdomuisse deprædicant, quin interdum, ut ait Poëta,

*Inque ipsos sæva medentes
Erumpit clades, obsuntque Au-
ctoribus Artes.*

Quam labem omni studio ac juxta omnes Politicæ regulas à se debet arcere ex Galeni consilio quisquis Medicus, nam Scabies, ut idem ait, cum deformes reddat quoscumque tenet, multò magis Medicum Clinicum deformem, & horrendum efficit, cui hac fœditate laborante obtrudi possit dictum illud Poëtæ Tragœdi, quod affert Plutarchus.

Ἄλλων ἰατρός αὐτῷ ἑλκεσι βρώων,
id est, *Aliis medens, at ipse ulceribus scatens.*

XXVIII. Scabiei curationem solis topicis esse perficiendam, ablegatis omnibus internis remediis, quæ Corpora in cassum fatigant, vult Helmontius; observans enim quàm facili negotio Corpus exactè sanum ex solo contactu alicujus Scabiosi infici possit, credidit Scabiem pendere à pravo Cutis fermento, quod ejusdem alimentum corrumpat, nequaquam verò ab interno Viscerum vitio, quare solis topicis suadet abigendam; ast hujusmodi opus periculosæ plenum aleæ meritò censetur. Ballonii itaque celeberrimi Practici consilio hæere placet, qui cum diorismo procedens explicat ex mente Hippocratis, quando Scabies sit morbus, & quando abscessus, hoc est rectam semitam indicat, qua Medicus certo pede ad

Scabiei curationem procedat, lubet autem hîc ipsum Hippocratis locum afferre. *Impetigines, & lepræ, & vitiligines albæ, quibus quidem Juvenibus horum factum est, aut paulatim conspectum multo tempore augetur, his non putare oportet abscessum esse, eam papularum eruptionem, sed morbum; quibus verò horum aliquid est factum multum, & derepentè, hoc sanè fuerit abscessus.* Hunc locum pariter observans doctissimus Mercurialis, *Quid sit*, ait, *abscessum esse, & non morbum, atque è controverso, non omnes intelligunt.* Scabies itaque, aliique cutanei affectus in morborum classe sunt recensendi quando paulatim fiunt; quando verò conferatim, ac præcipuè post gravem aliquam ægritudinem, non morbi nomine, sed *ἄσθος δόσως* insigniri debent, est ergo in Scabie, ubi liceat solis topicis incumbere, ait Ballonius, cum nimirum Scabies est solius Cutis morbus, est etiam ubi necesse sit internis partibus prospicere usu purgantium, & alterantium, ac nefas sit solis topicis Scabiem exterminare velle, hoc est cum Scabies est alterius morbi foboles, ut in Cachexia.

XXIX. Chronicorum affectuum eam esse naturam, ut qui *hyeme augetur æstate desinere soleant, qui verò æstate hyeme finire debeant*, scripsit Hippocrates. Hanc autem esse Scabiei indolem, ut hyeme luxuriat, ac magis sæviat, æstate verò evanescat, vel saltem mitescat, jam norunt omnes. Quando igitur Scabiosus aliquis curandus suscipitur, liberè protestandum esset, non institui curationem nisi ut faciliùs æstivo

tempore tam foedus morbus extirpetur, atque hanc esse hujus pestis naturam, apud nos saltem, (de lepra non loquor morbo Ægyptiis endemio, ut refert P. Alpinus, ob aquam cœnosam, & salitos pisces, quorum usus apud illos valdè familiaris est) ut æstivi caloris beneficio faciliùs, quàm cichoraceis abigatur; satis abundè testante experientia, quòd nulla prævia purgatione, vel Phlebotomia, ulloque alio remedio, quotquot agrestes per hyemem scabie laborarint, superveniente æstate, non secus ac Angues, pforæ exuvias deponant, ac illis niteat *assiduo curata cuticula Sole*. Verùm hujusmodi protestatio ad avertendam calumniam quandoque non satis est. Laborabat olim F. Petrarcha sicca scabie, ut ipse refert, ac postquam à medicamentorum diuturno usu se frustra exhaustum videret, Medicos, quibus ex sua natura infensus erat, objurgare cœpit, ac iis respondentibus, expectandam esse Æstatem, ira percitus eosdem dimisit his verbis. *Ego autem neque Medicis credo, neque ab Æstate spero quicquam, sed ab illo de quo scriptum est. Æstatem, & Ver tu plasmasti.* Pforæ itaque potissimum remedium ab æstivo calore pendet, qui potis est novam crasim in massam sanguineam invehere, ac illam particulis spirituosiss saturare, quo pacto Acidum illud luxurians, quod cutem exarabat, infringitur. Purgationes itaque ut ut repetitæ, iteratæ V. S. illitiones, Balnea, & omnis Medicus apparatus persæpè præstare nequeunt quod solus Aër æstivus. Cùm hoc Vere cuidam Docto Amico meo levem

purgationem ad sanandam Scabiem , quâ vexabatur , præscripsissem , nec ideò melius haberet , ac illo urgente quid agendum superesset , per jocum remedii loco dictum illud Satyrici adduxissem.

Durate , atque expectate Cicadas , ille ad me conversus , & Tu quoque , inquit , ad græcas Calendas honorarium expecta.

XXX. Utriusque casus duo habemus notatu digna exempla apud *Hippocratem* in libris Epidemiorum , quæ hîc lubet afferre. *Latae pustulae non valdè pruriginosæ , quales Simon habebat hyeme , qui ubi ad ignem inungeretur , aut calida lavaretur , opem sentiebat. Vomitus non proderat.* Manifestum specimen hîc habemus Scabiei cum morbus est ; nam ex facta inunctione , vel in ipsa hyeme , opem sentiebat ; si enim Scabies illa fuisset abscessus , ac alterius morbi productum , non solùm ex intempestiva unctione nil opis sensisset , sed gravem noxam expertus fuisset. Observanda quoque illa verba. *Vomitus non proderat* ; signum evidens , Corpus illud fuisse sanum , ac totum vitium in externis corporis partibus extitisse. Corpora sana difficulter ferre purgationes effatum est ejusdem *Hippocratis* , qui pariter ubi fauces ægrotant , aut tubercula in corpore nascuntur , præcipit ut dejectiones inspiciantur , quæ si sint similes sanis , ait tutum esse corpus alere , sin minùs purgationem instituendam ; fieri enim potest , ac sæpenumero contingit , ut Corpore sano intus existente , tubercula in cute progerminent.

XXXI. Exemplum aliud Sca-

biei , prout Abscessus dici meretur , sequens est. *Homo quidam Athenis prurigine toto corpore vexabatur , & Cutis crassa erat & velut lepra aspectu ; huic nemo opitulari potuit ; transgressus ad Melum , ubi sunt calide Balneæ , à pruritu quidem , & Cutis crassitudine liberatus est , sed hydropicus factus mortuus est.* In hoc casu certè affectio illa pruriginosa abscessus erat , ac fructus morbosæ radicis in Visceribus implantatæ ; vel immoderatè , ut putat Vallesius in Commento , aquis illis thermalibus usus fuerit homo ille , ut suffocato innato calore cessarit illa peccantium humorum excretio ad cutem ablegari solita , vel ut verisimiliùs interpretatur *Martianus noster* , aquæ illæ sulphuratæ essent , ac propterea , ut idem ait , *densata à balneo cute humores pruritum excitantes ad Hepar retrocedentes scyrrhum induxerint* , ex quo factus fuerit hydropicus , satis sit quòd illi magis consultum fuisset , prospexisse ad id quod latebat intus , quàm quod in cute apparebat.

XXXII. Ut ad rem nostram hactenus dicta applicemus , popularis hæc Scabies in Classe abscessuum perfectò erat collocanda , utpotè productum præcedentis Constitutionis nimis pluviosæ , nec non & pravi victus ob Annonæ caritatem ; sic refert *Galenus* sua ætate cùm plurimas , Romano imperio subditas gentes vexaret fames , ac frugibus omnibus in Urbem asportatis , Agrestes , quibus relicta fuerant solùm *ὄσων καὶ χέσπονα* , ac etiam in exigua copia , ut fruticum germinibus , & bulbis vesci cogerentur , omnes sub Veris finem

à variis cutaneis affectibus conflictatos fuisse ; quorum alii Erysipelas referrent , alii herpetem , & alii pso-ram , impetiginem , & lepram. In hac itaque nostra populari Scabie solis topicis fidere tutum negotium non erat , & quotquot sive spontè , sive alieno consilio , Scabiem Unguentis antipforicis abigere tentarunt , id suo periculo sunt experti. Rem oppidò notatu dignam hac occasione mihi observare obtigit. Novi multos , qui tædio hujus foedi morbi Unguentis Scabiem exterminare etiam in ipso Vere tentarunt , sed postmodum Scabie retropulsa febre correptos , Urinas nigras , & fuliginosas illicò reddidisse ; cùm autem usu remediorum humores ad cutem propellentium reproduceretur Scabies , Urinæ sanis similes reddebantur ; denuò autem retrocedente Scabie , vel rursus erumpente , hæc reciproca in Urinis apparebat mutatio ; quamvis autem hujusmodi Urinæ cum parva febre , quæ malignitatis speciem aliquam præferret , me suspectum non parum haberent , sollicitus tamen circa Scabiei reproductionem semper bonam spem alui , & quotquot habui præ manibus vidi tandem à morbo superstites. Animo autem versans quare ad Scabiei retrocessionem Urinæ redderentur fuliginosæ , id fieri posse credidi , quòd Acidum in Cute luxurians , & Pforam efficiens , ob factas illitiones haud amplius expirans , à Venis resorptum , & cum Alkali sanguineo permixtum serum sanguinis atredine infuscarit , non secus ac quando limpida Vitrioli solutione cum infusione gallæ permixta , atramentum conficitur. Pro regeneranda verò

Scabie non semel , nec sine prospero eventu usus sum remedio à Zacuto Lusitano proposito , & ab Etmullero commendato , jubendo , ut æger , cui retrocessisset Scabies , decumberet in linteis ab aliquo Scabioso infectis. Remedia porrò quæ magis ex usu fuere , si non ad Scabiem extirpandam , saltem ad eam moderandam , ut superveniente æstate facilius aboleri posset , fuere præsertim ea quæ ex Viperis parantur , quibus multos vidi foeliciter sanatos. Ubi liceat igitur internis remediis uti ad Scabiem radicitus extirpandam , nihil profectò consultius quàm ad diaphoretica confugere , non secus ac fit in lue gallica ; sicuti enim inter hos duos Affectus magna est cognatio , ita eadem ferè methodo curandi. Sic Heurnius ad Pforam debellandam , purgatis prius noxiis humoribus , ligni indici , ac Salsæ decoctum valdè commendat ; ait enim quòd hoc remedio facilè expirat concepta in habitu Corporis contaminatio.

XXXIII. Horrent non nulli in Scabie , aliisque cutaneis affectibus , cane pejus & angue Viperina remedia , veriti ne excedens caliditas & ustionis nota Hepati , & toti massæ sanguineæ imprimatur ; ast ego magis horreo nimium refrigerantium usum , nec quemquam novi , qui exhaustis integris Ptisanis , seu post diuturnum Seri , & Cichoraceorum usum à Scabie , ut ut sicca , & arente , liber evaserit ; scio equidem penè assiduas esse Scabiosorum querelas de nimio calore tum interna tum externa perurente , at iis præbendæ non sunt aures ; graviter quoque Pueri , quibus Perniones ob violentum frigus oborti

sunt , de nimio calore in pedibus conqueruntur , nec sine ratione , ob subsequutam aliquam inflammationem , an ideò in Pernionibus applicanda refrigerantia ? Cordati Medici ergo erit morbi causam animosè aggredi , sanguinis vitiosam crasim emendando , remediis potissimum quæ illius acorem temperent , qualia sunt ex Viperis parata , quæ Sale volatili abundant. Quidquid sit de Viperæ temperie , de quo consulatur Jo. Baptista Spontonus in sua Echidnologia , experientia satis planum facit nihil esse ad pforam , ac lepram quoque perdomandam efficacius , quàm Viperina medicamenta , (quando tamen id agere liceat , nec satius sit hunc hostem inquilinum alere) nec adeò nos sollicitos esse debere ne plus æquo incalescant Viscera , dummodò tam fædi morbi seminium penitus restringatur. At nunquam cessaret scalpendi libido , tam ferax est observationum hæc materia , nisi ad alia festinaret Calamus.

XXXIV. Exacto Vere Ætas successit adeò fervens , ut nunquam huic similis visa fuerit , idque præsertim Canicularibus diebus , quo tempore præter modum Aër excanduit caliditatis excessu suprà reliquos Annos , ut Thermometri loquebantur , ad multos gradus ascendente. In hisce ardoribus identidem cecidere pluviae , sed nihilo fecius remittebatur æstus , qui constans perstitit per totum ferè Septembris Mensem ; hac Æstate nullatenus spirarunt Etesiae , unde è continuo æstu nullum levamen , hanc ob causam multa Animalia , ac præsertim Canes , agebantur in rabiem. Nunquam alias ceci-

dere crebriora fulmina , à quorum uno ictus est agricola , indumentis omnibus perustis , præter lora coriacea ; is ad non nullos dies attonitus jacuit , sed postea sine ullo remedio in se rediit , & adhuc superstes est : hisce temporibus febrium Cohors de repente incubuit , ac passim per vulgus grassabatur , ut integræ familiæ eodem tempore febricitarent , densiorque erat ægrotantium numerus ea in parte Civitatis , ubi magis patulæ sunt viæ , ac humiliora tecta. Quotquot milites in Arce reperti sunt , simul ex febre decumbebant , ut rusticanam militiam accersere oportuerit ad illius custodiam. In Septo Hebræorum , ubi Vici angusti , ac Ædes altissimæ , caligantesque fenestras , nulli ferè hoc saltem tempore ægrotarunt , cum tamen cæteris Annis primi sint Recutiti , qui æstivarum ægritudinum impetum sustineant. Ruricolæ licet diurnis laboribus ad Solis radios ferè in sudores solverentur , cum tamen sub dio suis in plaustris per noctem somnum captare soleant , immunes ut plurimum degabant ; sola itaque Plebs Urbana , & omnes , quibus & domus , & res angusta domi esset , exercebantur ; salubris tamen erat morbus , nam febres istæ Tertianæ Intermittentes erant , ac ut plurimum exquisitæ , & quæ die septima , ac etiam citius , post unam vel alteram phlebotomiam per sudores judicarentur. Nullus Annus Medicis quæstuosior , & gloriosior unquam fuit , cum ægri omnes ferè incolumes evaderent : medicum factum tamen parumper temperavit Autumnus *Ἰαριστητός* ; nam protractiores erant febres , & ali-

quan-

quando in malignas degenerabant. Remedia cordatis Medicis erant Venæ sectio, & frigidaë usus; hæc enim utramque paginam, ut dici solet, implebant; qui verò parva attollentes, ut plura videntur præstitisse, vel ut Seplasiarios benevolos haberent, Cardiacis calidioribus usi sunt, tanquam camino oleum addentes, ægros in extremam perniciem præcipitarunt. Limonum succus, spiritus Vitrioli, Sulphuris, & similia erant egregia Cardiacæ; diversis itaque artibus, ac diverso telorum genere, cum hoc febrili exercitu congregiendum fuit; Anno superiori hostis irritandus erat ad pugnam, hoc verò illius impetus parumper sustinendus, & acutis telis frangendus, qualia sunt Acida omnia. Sanguis qui secta Vena educabatur spumeus erat, & croceus, Urinæ similiter multa bile saturatæ. Multis ex febricitantibus papulæ apparebant in cute, ac præsertim Pueris, quales efflorescentiæ Variolarum erant veluti Prodromi. Variolæ quidem per æstatem paucos sustulerunt, æst autumno, & in prima parte hyemis paucis pepercerunt, ac minus iis quibus detractus fuisset sanguis. Multis Tertianæ febres in quartanas migrabant; sicuti autem præcedenti Anno Peruviani Corticis usus in Quartanis, ac diuturnis febribus improspere cessit, ita hoc Anno saluberrimus fuit, & ii qui passi sunt recidivas, febres mitiores postmodum experti sunt, ac antequam Hyems accederet perfecte convaluerunt. Ubi primum æstus coepit mitescere, quod circa Æquinoctium contingit, visa est pacari febrilis tempestas, quæ sensim in summam tranquillitatem cessit,

adeò ut duobus postremis decedentis Anni Mensibus in Foro Medico penè continuè essent feriæ.

XXXV. Hujus febrilis tempestatis causam saltem occasionalem in immodicum Aëris æstum referre placuit, qui potis fuerit Bili nimiam acrimoniam adsciscere, ut cum succo pancreatico, minus aptè quàm par est, ebulliret, & in massa sanguinea febrilem effervescentiam ciceret. Neque mirum sit quòd exiguo tempore adeò permutata fuerit sanguinis, & omnium fluidorum crasis; magna est enim vis caloris, quidquid Helmontius dixerit, Calorem Qualitatem Rerollæam appellans. Multa quæ suapte natura dulcia sunt ad ignem amarescere, alia verò magis dulcescere quotidie observamus; sic ut ait Gal. Lac coctione eam dulcedinem acquirit, quam mel deperdit. Vinum quoque per totam hyemem, ac etiam Verum tempus, nativam dulcedinem fervans ubi Æstatem senserit austerum fit, nisi in Hypogæis, & frigidioribus locis asservetur. Calor itaque ac frigus, sive sint causæ immediatæ, sive excitantes, & occasionales, subitas mutationes, in nostris Corporibus parere possunt & humorum texturam, citius quàm quis putet, invertere. Narrationem oppido curiosam apud Lucianum habemus de febre quadam Tragoëda [sic enim illam appellare liceat] quæ Abderitas temporis ferè momento invasit. Egerat Archelaus Poëta Tragicus media Æstate, multoque æstu, apud Abderitas, Euripidis Andromedam, ex quo factum ut multi ex Theatro febricitantes exierint, ac universi postmodum febre gravissima correpti fuerint,

rint, quæ die septima plurimo sudore erumpente, nec non sanguine è naribus profluente, solvebatur, superfluite tamen ridicula quadam mentis perturbatione; nam ut refert Auctor, omnes quasi ad Tragœdias agendas impellebantur, & Jambica personabant, multumque vociferabantur, maxime autem Euripidis *Andromedam canticis referebant*, plenaeque adeò Civitas erat pallidis, ac mæcilentis illis Tragœdis septimanis. Haud aliter apud nos immodicus æstus Plebem Urbanam inter angustias suarum ædicularum conclusum in febres agebat, adspectu quidem terribiles, nec sine mentis emotione, sed quæ postea die septima, oborto sudore post celebratam liberali manu phlebotomiam solverentur. Hac de causa eos qui circa Urbis pomœria lares habebant, seu ubi magis patula, & ampla sunt Viarum strata, ut in ea parte quæ *Herculea Additio* appellatur, facilius febres adoriebantur; ubi verò Urbs magis conferta est, & Vici angusti, & anfractuosi, minus à febribus populares exercebantur. Neque fortuitò Urbium Conditores, angustas, & anfractuosas vias esse voluisse censendum est, ut in iis Urbibus, quæ adhuc aliquid antiquitatis retinent, qualis est Mutina, ut nempè magis salubritati, quam pulchritudini consulerent. Sic Nero postquam flammis Romam absumpsit, intentus postmodum illius reparationi, dimensis viarum ordinibus, ac latis spatiis, splendidiorum quidem Urbem pro Imperii maiestate, sed minus salubrem reddidit; nam, ut ait Tacitus, compertum est *veterem*

illam formam salubritati magis conduxisse, quoniam angustiae itinerum, & altitudo tectorum non perinde Solis vapore perrumperentur. Hanc ob causam opulentiores Cives, qui in amplis Conclavibus à tecto remotioribus degebant, sicuti etiam populus Apella, vim febrilis hujus tempestatis minus sensere. Magni profectò momenti est ad præsertionem à morbis æstivis in amplo, ac frigido Conclavi degere, ac somnum capere, ut à diurno calore attritæ vires per nocturnum somnum reparentur. *Somnum in frigore cooperto commendat Hippocrates*, quem locum in altera mea Dissertatione exposui; si ergo vel in ipsa hyeme præstat quiescere in loco ubi sit aura frigidior, idque in gratiam Respirationis, dum modò totum Corpus stragulis sit coopertum, ne à frigore carnes pungente interturbetur sopor, multò magis æstate præstabit in frigido Conclavi somno indulgere.

XXXVI. Hic autem immoderatus Aëris fervor si febrem hanc popularem excitavit; viam quoque aperuit ut citius reseratis poris; per sudorem febrilis materia evanesceret, idque beneficii sequutum, ut exterminata radicitus Scabie, Plebs nitidior, ac vegetior apparuerit. Ac profectò gravis hæc morborum Tempestas omninò desisset, ni Variolæ, quò magis ambientis calor tepescebat, eò ferocius sæviissent, cum non solum puellarem ætatem demeterent, sed etiam grandævos, ac præcipuè Utero gerentes, quotquot hoc morbo laborarent. De Variolarum natura, & causis, cum tot extent doctissimorum hominum scripta,

ta, nil addam, nisi quòd in hac Variolosa Constitutione, quæ circa Autumni finem vim suam magis exercuit, facilius evaserint ii quibus nec detractus fuit sanguis, nec ullum administratum remedium, toto curationis negotio Naturæ commissio. Neque mirum quòd V. S. noxia fuerit; si enim ex Hippocrate *Autumno paucissimus sanguis sit in homine* ob prægressam Æstatem, quæ Corpora exhaurit, id certè apud nos hoc Anno locum habuit, quare Virtus jam debilis ab exhaustu ob præcedentem æstivum fervorem, secta Vena illicò labascere videbatur, ac fieri minùs apta ut noxium humorem ad Cutim protruderet.

XXXVII. Sicuti in superioris Anni Constitutione noxius fuit Chinæ Chinæ usus, ut adnotatum, ita in hac ab illa toto Cœlo diversa, valdè salubris compertus est; & multi quidem Quartanarii hoc autumno per Urbem vagari visebantur, sed quotquot ad hoc remedium confugere, vel integrè sunt restituti, vel si non nulli recidivas passi sunt, paulò post convalescere; hinc practicam Cautionem, ulteriori tamen observatione confirmandam, elicio, securiorem esse

Chinæ Chinæ usum, quando humores fræno potius egeant, quàm stimulo. Anno elapso ob frigidam, & humidam Constitutionem tota humoralis massa, ut pote crassa, ac segniùs fluens stimulanda erat, ac ad motum cienda, hac Æstate verò, ad orgasmum prona, ac nesciens stare loco, erat potius sufflaminanda, quod mirè præstabat Peruvianus Cortex, humorum impetum compescendo. Eandem ob causam aquæ usus in altera Constitutione adeò noxius in hac saluberrimus fuit, sicuti pariter Acida omnia, quæ celebrioribus Cardiacis palmam præripuere, ut quæ partium Alchalarum vim frangerent. Hermeticorum enim effatum est, Alchalia per Acida, & Acida per Alchalia emendari.

Atque hæc pauca de hujus Anni Constitutione, tumultuariè fateor, ac inter armorum strepitus, visum est conscribere, hyemantibus apud nos Germanorum copiis, quæ hac Æstate in Pedemontana Regione adversus Gallos militarunt; cæterum, urgente adhuc rei Annonariæ angustia, vererilicet, ne venturo quoque Anno popularium morborum nova seges succrescat, quod omen despuo.

BERNARDINI RAMAZZINI

Dissertatio Tertia.

De CONSTITUTIONE Annorum 1692. 1693. 1694.

INtermittam varias quidem ob causas, sed potissimùm ob parùm prosperam Valetudinem, Operis incoëpti texturam resumens, Morbos qui

Tom. II.

hisce tribus Annis apud Nostrates populariter vagati sunt, nec non rario-ra quædam quæ peculiari observatione digna credidi, compendiosè referam,

G

ram, haud dubiâ spe quòd apud cordatiores Medicos veniam sim impetraturus, si minùs aptè quàm par est res exponatur, modò fideliter (quod in historicâ narratione potissimùm expetitur) id fiat, quod me præstiturum sanctè polliceor. Horum verò trium Annorum Constitutiones non sejunctim, ut priores duas, exponere, sed unico fasce simul complecti libuit, ne eadem chordâ, cum risu oberrans, res easdem repetere deberem, quando unica & eadem ferè morbosa Tragœdia totum hoc triennale spatium absumpsit, nec exodium obtinuit, donec Cœli temperies in statum Cœlo diversum permutata novos morbos in Scenam produxerit.

II. Ut ergo à Constitutione Anni 1692. extraordinaria, Hyems satis regularis fuit, ac legitima, nec quid insolens habuit quod nostro huic Clima non congrueret; primò quidem Boreales Venti ad aliquot dies satis validè perflarunt, Terrâ nondum nivali vellere adopertâ, unde metus erat ne Sata exurerentur, sed Ventis postmodum silentibus, ac modicis nivibus delapsis, Hyems propriam temperiem, & eas condiciones obtinuit, quas in libro de Aëre, Aq. & Loc. *num.* 25. recensuit Hippocrates, nimirum ut sit *moderata, neque valdè clemens, neque frigiditate excedat.* Morbi itaque hyemales observati sunt, ut Tusses, Pleuritides, Erysipelata, Apoplexiæ, ac in iis præcipuè qui præcedenti Anno à gravi aliquo Morbo conflictati fuerant; major tamen pars eorum qui ægrota runt evasit, demptis paucis quibusdam è Senioribus, & Siliernio jam proximis. Nihil itaque

hyemali tempore observare licuit quod τὸν ἐπιδήμιον redoleret.

III. Neque verò à sibi debitâ temperie multum descivit Vernale tempus; satis enim moderatæ fuerunt pluvix, ac interpolatæ, quales Agricolarum votis responderent, sicuti Æstas quæ successit non admodum fervida, ut præcedenti Anno, neque nimis sicca extitit, sed pluviis identidem labentibus, ac Etesis suo tempore flantibus, talis fuit qualis nostro Cœlo congrueret; quare messem si non planè frugiferam, qualem publica necessitas optabat, non improbam tamen exhibuit. Haud secus Autumnus stadium suum regulariter percurrens, cum primâ parte hyemis non admodum rigidâ, Annum clausit. Sic totum Annum satis placidum, ac Austrinum quoad primam Qualitatem temperiem exegimus.

IV. Non eâ verò moderatione sequens Annus processit, illum enim totum intemperatum, ac prorsus ex legem experti fuimus, Hyemem totam cum perpetuâ Cœli serenitate, & mitissimis frigoribus transegimus sine pluviis, ac sine nivibus, neque solum in hac planitie nostrâ, ubi sedet Mutina, sed neque in editissimis Appennini jugis, quæ aliàs per totam hyemem, & vernum quoque tempus albescunt, Mari supero, & infero canum verticem ostentantes; sic neque Gabellis, & Scultena (inter quæ flumina Urbs hæc posita est) glaciem, ut cæteris Annis, sensere, quod multum contulit ad Annonæ caritatem levandam, cum totâ hyeme per hæc flumina Frumentatores è proximis regionibus commeatus ad nos abundè conveherent, ad plebem nostram,

fram, & Germanos Milites alendos, qui hoc Anno quoque apud nos hybernarunt. Sic Veris speciem Hyems tota Austrina exhibuit, cui postmodum Ver successit hyemis naturam, veluti mutatis vicibus, referens; ab Æquinoctio verno etenim usque ferè ad Solstitium perpetua ferè fuerunt frigora cum Ventis Aquilonaribus, ac perennes fuere pluviae, eaque adeò ingentes, ut passim flumina ruptis aggeribus campos inundarint.

V. Jam nefastum Annum, & insalubrem nemo non praevidebat, tum ob pluviarum vim magnam, quæ morborum sunt seminarium, tum ob apparentia in Mororum foliis signa Rubiginis, quæ sterilitatis prodroma est, ut Annis superioribus summâ totius Cispadanæ, & Transpadanæ regionis calamitate experti fuimus. Eodem modo subsequuta Æstas usque ad Caniculares dies Veris speciem exhibuit, quo tempore satis curiosum fuit, apud nos saltem, Luscinias audire pro Cicadis arbuta rumpentes. Sic ventum est ad Æstatem cum mitissimâ Aëris temperie, nobis tamen impropiam, pluviis identidem magno impetu delabentibus; hinc ob solum valdè uliginosum, & satis blandam caloris temperiem ad tantam altitudinem, ac densitatem omne frugum genus excrevit, ut metus Anni parùm frugiferi ex omnium animis ferè exciderit; at improvisa Rubigo, cujus non obscura indicia, ut dixi, apparuerant, spem omnium repente elusit; illicò enim frumenta, fabæ, & quæcunque leguminum genera sydereo afflatu veluti percussa exaruerunt. Inopinus itaque casus cum Agricolas, tum Urbanos quoque perculit: sum-

mam enim frugum penuriam non ante visam impendere præsentiebant omnes, quando ex præcedentium Annorum sterilitate exhausta essent tum publica tum privata horrea, nec aliundè commeatus, ut ex Mantuano, & Ferrariensi agro, possent suppetere, cum eadem Rubigalis contagio totam Cispadanam, ac Transpadanam Regionem pervasisset.

VI. At non solum Cereales opes absumpsit hæc pestis, sed omne etiam subsidium, quod Pomifer Autumnus solet suggerere, eodem tempore sustulit; solum enim acerbis adhuc fructibus passim respersum spectabatur, quin & Plantæ ipsæ honore frondium orbatae mediâ æstate visabantur. Uvarum quoque proventus, qui ab initio aureus sperabatur, ob eandem causam non nisi parcissimus praevidebatur. Mœrore itaque cuncta plena erant, dum Agricolaë in agris non tererent nisi leves culmos, stipulasque volantes, quare sine Cereris, & Bachi muneribus in omnium præcordiis frigeat sanguis. Harum calamitatum causa potissima frigida, & pluviosa Constitutio passim culpabatur, quoties enim in hisce Regionibus Æstas sicca, & fervens præcessit, numquam frumenti inopiâ laboratum est, ut apud nos Oraculi loco Virgilianum *Geor. 1.* illud coli possit.

*Magnaque cum magno veniet
tritura calore.*

VII. Autumnus porrò Æstatis vicem supplens summis fervoribus & obstinatissimâ siccitate totam humiditatem quam Terra post tam ingentes pluvias ad satietatem hauserat, absumpsit, nec calor remisit nisi circa

primam partem adventantis hyemis, quæ & ipsa leges suas nullatenus servans, verum satis placida, & mitis decedenti Anno Vale dixit. Sic in hujus Anni 1693. Constitutione nulla ex illius partibus legitimam, ac propriam temperiem servavit, sed una alterius vices subeunte, omnes extemporaneæ fuerunt.

VIII. Sicuti autem prima pars hyemis, quæ præcedentem Annum clausit, satis placida, ut modò dixi, extitit, ita pars altera quæ An. 1694. fores aperuit, asperrimâ, ac rigidissimâ facie apparuit, per totum enim ferè Januarii mensem flarunt Boreales Venti cum perpetuâ Cœli serenitate, ut squalidum, ac pulverulentum solum undequaque viseretur, non secus ac æstivis mensibus, quod apud nos prorsus insolens est, sic totam hyemem serenam sine aquæ guttulâ è Cœlo deciduâ traduximus; apparente autem Verno Æquinoctio Cœlum Votis communibus respondit largis imbribus effusis, qui usque ad Aprilis initium perdurarunt, quibus postea, flante Austro, ingens caliditas successit, ut die quintâ Aprilis in meo Thermometro liquor 70. gradum pertigerit, quò interdum neque Junio mense devenire consuevit. Reliquum porrò Veris, ac totam Æstatem cum pertinacissimâ siccitate, & immoderato calore transegimus, Autumno quoque eundem tenorem, quod siccitatem spectat, servante: quare Annum signare licuit præ cæteris valdè siccum, & squalidum, Colonis tamen non prorsus ingratum, cum frugum, & Vini proventum non improbandum suppeditarit.

IX. Fusiùs forsàn quàm res ipsa

videatur exigere horum trium Annorum Constitutiones me profecutum fuisse putabit aliquis, cum in cujuscunque Anni Constitutionibus sigillatim nihil eorum, quæ ad rem medicam spectant, & quod meum institutum est, attigerim, quasi *πάρεργον ἔργον* præmiserim; verum id consultò egisse me fateor, siquidem, cum ex superiùs memoratis pateat quàm dissimilis, & discolor fuerit harum trium Constitutionum facies, & aliâ ex parte cum eadem prorsus Epidemia per totum hoc tempus, plus minus, grassata fuerit, satis liquere potest, quàm parum firmo talo stet illorum Opinio qui ex manifestis Aëris Qualitatibus, Caloris scilicet, Frigoris &c. putant satis explicari posse Epidemicorum Affectuum genesim, ac indolem, ut etiam ex prægressis Constitutionibus prænuntiari possint ægritudines, quæ populariter vagari debeant.

X. Egit id equidem Divinus Præceptor, ut ex Sectione tertiâ Aphorismorum, *Aph. 11.* & libro de Aëre, Aq. & Locis satis liquet, nam ex prægressâ Hyeme siccâ, & Aquilonia, & Vere pluvioso, & Australi pronunciavit *necessum esse*, ut Æstate acutæ febres fierent, lippitudines, & Intestinorum difficultates; sicuti ex hyeme Australi pluviosa (& serena) Vere autem sicco, & Aquilonio, Mulieres gravidas abortivos fœtus edituras, cæteros verò Mortales difficultatibus Intestinorum, & siccis lippitudinibus obnoxios fore: Verum Galenus, 3. *de diff. Resp. c. 1.* licèt Hippocraticæ doctrinæ ita addictus, ut Hippocratis libris etiam spuris usurum se scripserit, asserere non est

veritus in citati Aphorismi commentario, Hippocratem usum potius fuisse rationali methodo quàm observatione, & experienciâ. Huic Galeni interpretationi nullatenus assentiens doctissimus Mercurialis ait, nil tale de Sapientissimo Viro, qualis fuit Hippocrates, credendum, qui non tam audacter pronunciaffet *necessum esse*, ut positâ tali Constitutione temporum tales ægitudines emergere debeant, nisi ratione, & multiplici experienciâ fuisset abundè instructus. Celeberrimus Lucas Tozzius in nuperis suis Commentariis in Hippocratis Aphorismos asserit observationibus potius, & iteratis experimentis, quàm confictis argumentis, Hippocratem ita pronunciaffe, nullâ ratione apparente quæ suadeat isthæc eventura; ingenuè enim fatetur Vir egregius sibi observatum quòd post hybernâ tempestatem siccam, & Ver pluviosum subsequutæ non fuerint acutæ ægitudines.

XI. Quot porrò disceptationes inter ipsos Medicinæ Proceres pro genuinâ Aph. 13. tertiæ sect. *Si verò hyems Austrina, & pluviosa, & serena fuerit. &c.* [cum tot sint interpretationes quot interpretes] jam satis constat: Manardus etiam l.9. Ep. 1. vocem illam *ὑδα* volebat expungendam, tanquam supposititiam, cum intelligi nequeat quomodò vox illa *ὑδα*, quæ Serenitatem ex illius interpretatione significat, aliis cohæreat quæ hyemem pluviosam, & Australem repræsentant; Leonicens verò in omnibus antiquis Codicibus vocem illam reperiri ait, ac pro placiditate, & clementiâ interpretatur. Hinc inter illos celeberrimos Viros

pro simplici voculâ talia orta sunt diffidia, adeò ut, referente Brasavolâ in citati Aphorismi commento, *Seniores illi, alioqui reverendi, apud multos pro re tam levi præliantes inderisum venerint, cum à rationibus ad jurgia devenerint.*

XII. Abundet quisquis in suo sensu ut lubet, & ex Anni temporum in manifestis qualitatibus exorbitantiis tanquam ex fonte morbosas Constitutiones derivet, ego sanè ex quo ad Epidemicorum Affectuum naturâ contemplandam animum adverti, his quæ tam confidenter, & magnificè proferuntur experientiam respondere non video, & quod me angit, in hac Provinciâ quotannis Hospitem me agnosco; licet enim videam quò passim itur, non satis tamen video quâ sit eundum, nisi postquam à viâ longè aberraverim. Profectò si rem accuratiùs perpendamus, quilibet Annus semper Affectus aliquos secum infert, qui τὸν ἐπισήμιον sapiunt, nec tales putantur, quia aliquando leves sunt, licet propterea epidemicam naturam non exuant; demiror autem non parùm, quomodò insurgente aliquâ populari tempestate Medentium plerique nullatenus Affectûs ingenium perpendentes, nec quâ methodo Natura ipsum sponte expugnet, illicò totis viribus, & vulgari Methodo ob analogiam quam habeat ad congenerem morbum, ad illius oppugnationem insurgant, & remediorum multitudine indiscretâ, & frequenti visitatione muneri suo satisfactum existiment. Mundus autem, qui vult decipi, intempestivam hujusmodi sollicitudinem magis commendat, quàm prudentem cunctationem,

nem, magnisque muneribus, & encomiis eos cumulat, qui, ut ait Sidorius, *parum docti, satis seduli, multos egros officiosissime occidunt.*

XIII. Affectus ergo Epidemicus, qui tribus hisce Annis in suis Constitutionibus inter se tam dissimilibus cum Urbem, tum Villas, & vicina Oppida multis funeribus infestavit, fuit Febris Purpurata, seu Petechialis, ut appellant, quæ aliquando quidem post multam stragem editam, visa est velle receptui canere, sed postmodum auctis veluti viribus violentior irruebat, ac populariter grassabatur. Circa Æquinoctium Vernale Anni 1692. hæc Febris primò caput extulit, ac sub initium levi quadam velitatione discurrens, mox per totum Veris tempus, & partem Æstatis usque ad Canis exortum sub peticulari larva sævitiem suam exercuit. Ubi ergo Æstas incanduit, Febris hæc Purpuram deposuit, nec illam resumpsit donec calor æstivus coeperit remittere, circa nimirum Arcturi exortum, quem morem Annis quoque sequentibus ritè servavit, vestem quidem, sed mores, ac genium haud quaquam mutans. Febres enim quæ in summo æstu sine Peticulis visebantur, haud secus malignæ erant indolis, quam Vibices post mortem apparentes satis demonstrabant.

XIV. Observatione verò dignum fuit, quòd post plenilunium, ac multò magis silente Lunâ ferociebat hæc Febris, quæ postea ad novum ejusdem lumen mitescebat, nec mea tantum, sed aliorum quoque Professorum constans fuit Observatio, quod non parùm contulit ad hujus

Febris Prognosim, & Curationem; num verò super Epidemicos Affectus peculiare jus aliquod habeat Lunare Sydus, ut illius mutationibus, & variis phasibus auscultent, non indignum est observatione.

XV. Admirandum certè fuit id quod die 21. Jan. 1693. contigit; facta enim per noctem Lunari Eclypsi major pars ægrotantium obiit, ac eadem penè hora, qua nimirum Luna laborabat; quin & non nulli repentina morte occubuerunt, unde per totam sequentem diem magno strepitu, ut hîc vetus consuetudo obtinuit, personantibus Campanis, non levis horror omnes perculit. Tunc mecum ipse novitatem hanc perpendens admirari cœpi, quomodo Hippocrates tam diligens rerum omnium ac præsertim cœlestium Observator, qui in libro de Aëre, Aqu. & Loc. num. 30. periculosissima ambo Solstitia pronuntiavit, maximè verò æstivum, sicuti & utrumque Æquinoctium, edicto veluti cavens ne hujusmodi temporibus medicamenta exhibeamus, neque curemus, neque secemus, sicuti Astrorum ortus, & occasus, ut Canis, Plejadum, Arcturi observandos esse præcepit, ut ex pluribus locis illius Operum *De Med. Purg. num. 5. 1. in 6. Epid. de Diæt. num. 2. 4. Epid. num. 11.* videre est, & Cometis à se observati mentionem facit, quem subsequutus est Terræ motus, Luminarium porò defectus altò silentiò transfegerit. Quia & Practici ferè omnes Solis, vel Lunæ defectus non pluris faciunt, quàm eorundem Syderum oppositiones, & ordinarias coitiones. Unus, quod sciam, Gulielmus Ballonius lib. pri-

primo suorum Epidemiorum insignem casum refert ; ait enim Parisiis accidisse , quòd dum plures Medici apud illustrem Mulierem ægotantem consulturi simul convenissent , ac tunc temporis Solis defectus contigisset , illique ad contemplandum Solis defectum in Vase aquâ pleno, ut solet fieri , sublimiorem Ædium partem conscendissent , illicò ad ægram decumbentem revocati fuerint , quæ dum Solis defectus perduravit animam agere visa est , neque è gravi periculo evasit , nisi postquam Sol in apertum erupit , clarâque in luce refulsit.

XVI. Alterationem in Aëre oppido insignem in Solis defectu observare mihi licuit Anno 1694. die 27. Junii , ut in Ephemeridibus meis Barometricis eodem Anno editis annotavi ; nam in ipso Solaris Eclypsis tempore Mercurius ad duas lineas in meo Barometro se extulit , hoc est Aër temporis ferè momento gravior est redditus , ac idoneus propterea ad subitas in Microcosmo alterationes producendas ; quare si ex Divini Præceptoris sententiâ ad Æquinoctia , & Solstitia advertere oportet , ne quid magnum in illis circa ægros moliamur , non incongruum quoque erit , si Medentes Clinici ad Luminarium defectus , oculos non solum , sed mentis aciem intendant. Nollem tamen quis crederet velle me quòd rerum agenda- rum scopi ex corporum Cœlestium vario situ , & configuratione desumi debeant , nam ubi morbi sævities urget , Lotium potius quàm Astra contemplari necessum est , ut ajebat Manardus , & opportuna remedia

vel reclamante Cœlo , sunt adhibenda , quando *omnis dilatio est Animæ periculum* ; in morbis tamen popularibus , qui non rarò à causis superioribus natales suos deducunt , & in quorum curatione non tam facilis , ac certa methodus habetur , non prorsus alienum est talia respicere ; nam ubi agitur de humano corio , *Nihil temerè , nihil negligere* , ex Divini Præceptoris 2. in 6. Epid. Oraculo.

XVII. Verùm è diverticulis in viam ; Symptomata quæ Febrem hanc malignam comitabantur , antequam Peticulæ apparerent , erant ingens totius Dorfi lassitudo , Capitis dolor , Aurium surditas , Faucium ardor , Mentis stupiditas , Præcordiorum anxietas , & totius corporis segnities ; Dorfi verò , & regionis lumbaris lassitudo adeò certum erat Febris peticularis signum , ut rarò falleret : quin sub initium hujus prævæ Constitutionis , antequam Febres istæ palàm grassarentur , Mulieres quæ ad morborum Symptomata aliquando attentiores sunt quàm Medentes ipsi , ex hujusmodi suorum ægrorum querelâ Febris naturam prænunciabant , & Medicos monebant , cauto opus esse , nec temerè celebrandam phlebotomiam , quarum dictis , ac præfagitionibus cum persæpè Medentes non auscultarent , apparentibus postea maculis , multa probra ab iisdem cum Artis dedecore perferre cogeabantur. Si verò faucium ardor cum genarum rubore accessisset , hostem detectum clamabant , nec amplius hæsitandum de febris naturâ , jam in faucibus prodentibus se Peticulis. Profectò in hac maligna-

rum Februm pertinaci Constitutione quæ per triennium sæviit, Medicis non minus cum Mulierculis, quàm cum Febre luctandum fuit, adeò ut (quod fateri non pudet) necesse fuerit, sicuti inferius exponam, illarum consiliis, & monitis morem gerere, non tam ad illarum importunitatem declinandam, quàm quòd re vera Experientiæ rerum magistræ esset obsecundandum.

XVIII. Pulsus parvi erant, & valde compressi, unà cum magnâ virium prostratione, primis etiam diebus, quæ morbo augescere languidiores fiebant, adeò ut ægrotantes veluti Statuæ in Lectulis decumbentes jacerent, integro ferè carniū, & totius corporis habitu, quodque admiratione dignum fuit, quotquot hujus Febris violentiæ succumbebant, pleni, ac succulenti veluti pingues Mortis Victimæ Libitinariis tradebantur; fortiores autem, ac robustiores cum Fœminas, tum Viros adortæ sunt hæ Febres, non ita verò Seniores, nec eos qui vitam degebant valetudinariam. Urinæ verò vel in ipso hujus Febris principio perturbatæ, plus minùs, apparebant, prout major, vel minor morbi esset sævities, nec nisi in fine morbi in iis qui evasere ad naturalem statum redibant.

XIX. Peticulæ verò, ut plurimum quartâ die, & septimâ erumpebant, & ii quibus primis diebus apparuerent, omnes ferè sublatis sunt, primùm autem in Collo, Dorso, & Pectore visendas se præbebant; observatumque neminem evasisse, nisi tandem ad extremos pedum ungues maculæ illæ se expandissent, in superioribus

partibus paulatim evanescendo, quibus autem Pectoris, & Dorso fines non transilierunt Peticulæ, mortem obtigisse: variæ autem, ac diversicolores erant, prout varii, ac diversi erant ægrotantium habitus; aliæ erant rubræ, aliæ pallidæ, aliæ fusci coloris, aliæ parvæ, aliæ latæ, aliæ in summo, aliæ in profundo, & quas non nisi oculis transversa truentibus liceret inspicere: quod genus Peticularum fuit valdè ominosum.

XX. Faucium inflammationem comitem hæ Febres ut plurimum sibi junxere, quæ inflammatio in Morbi vigore in crustam albam, & ulcerosam degenerabat, quod non minus negotium Medicis facefiebat, quàm Febris ipsa, cum ægri ob id omnem cùm cibum, tum medicamentum averfarentur, & multi, qui cæteroque pacatâ aliorum Symptomatum tempestate evasuri credebantur, in ipso veluti Portu naufragium perpessi fuerint. Sitis porro in his Febris non adeò ingens erat, ut in aliis acutis Febribus affolet, nec multæ querelæ exaudiebantur, sive non sitirent, sive mens obscurè ægrotaret.

XXI. Quicumque ex hac febrili incurfione Fati ope, vel Medici evasere, nulli excretioni vel per sudorem, vel per Urinam, vel alias vias, per quas Natura crises suas moliri solet, salutem acceptam referre poterant, sed solum Peticularum suo loco, & tempore apparitioni, & earundem per totum corpus expansioni, lentæque evanescentiæ, salutis beneficium debebant: quin iis quibus alvi fluxus supervenire funestum fuit; Alvi fluxus autem Anno præcipuè 1693. hisce Febribus Peticularibus per Autum-

tumnum supervenere ; quo tempore Dysenteriae graves Hebræos potissimum exercuerunt ; culpabantur Fructus horæi , quibus Gens Recutita nunquam satis impletur, sed aliæ causæ altiores subesse poterant.

XXII. Satis frequens fuit in his Febribus Singultus , quamvis parvæ Febres viderentur , Symptoma quidem non minus molestum , quàm ferale , & funestum ; quotquot enim in hac febre Singultuosi comperti sunt , omnes in Libitinæ censum devenere. Vix obtinui , ut Singultuosi Cadaver diffecaretur , ac Ventriculus nigris notis sparsim compunctus repertus est. Verminatio quoque multa passim extitit , & ii quibus ab initio Vermes per Os prodire , omnes ferè extincti sunt.

XXIII. Non nullis suppressa est Urina, vacuâ prorsus existente Vesicâ, præcipuè verò id observatum in iis quibus pulsus erant parvi , ac penè oblitterati , ut contigit in Juvene quodam Hebræo , qui cum asphyxiâ , ac totus gelidus vixit ad quatuor dies , nec Urinæ quicquam reddidit ; antequam autem infelix iste obiret, quamvis toto corpore perfrigefactus, [nullibi Arteriis micantibus] adeò robustus erat, & ad motum expeditus, ut etiam ipsâ die, qua è vivorum statione decessit, à lectulo surrexerit, & suas Vestes induerit.

XXIV. Non pauci post exantlatum Morbum veternosi fiebant , ac stupidi , rerumque peractarum prorsus immemores , nec nisi post multos dies sibi reddebantur ; idem infortunium iis obtigit qui in his Febribus gravem furditatem perpeffi fuerant. Mercator quidam cum ex Peticulari

Febre præter omnium opinionem convalescisset , surdus omninò ad 40. dies perstitit , ac postmodum paulatim ex asse restitutus est.

XXV. Frequentiora in Urbe quàm in proximis Agris fuere funera, ac felicius plebs Ruralis sine ullo ut plurimum remedii genere vim morbi eludebat, sive quòd in Aëre salubri degerent, sive quòd Medicis carerent; non semel idcirco mentem subiit Virgilianum illud , l. 2. *Geor.*

O fortunatos nimium sua si bonanorint

Agricolas.

Ac utinam Medentes , cùm aliquis popularis morbus deabachatur, curiosius scrutarentur à rusticana gente , quæ magis fudit Parocho, quàm Medico , quali methodo Natura usa fuerit in sanandis morbis eorum qui evaserint ; sic enim Naturam tanquam optimum Ducem sequentes , minùs à recto tramite aberrarent, ac tutiori methodo ad curandos ægros sibi commissos procederent. Cùm autem in his casibus sibi quisque pro ingenii sui modulo Regulam confingat , secundum quam Opus suum moliatur, & in communi morbo tot , ac tam diversa remediorum genera in usum revocentur , meritò cum Celso l. 7. in *Prooem.* cum quis convalescit, dubitare potest *secunda Valetudo Medicinæ, an corporis beneficio contigerit.* Indubium tamen est , quòd in communi morbo , sicuti communis est causa , ità communia , & eadem ferè deberent esse præsidia. Quotquot autem ex Viris Agrestibus , quos è Peticulari Febre evasisse novi , & interrogare potui , non alio modo convalescisse referebant , quàm macularum

larum circa septimam diem per totum corpus, & usque ad extremos artus expansione, & earundem lentâ evanescencia sine ullâ sensibili humorum excretionem.

XXVI. Quo tempore in hac Urbe, & in totâ campestri regione quæ circumjacet, ferociebat hæc Febris, in vicinis Collibus, ut in Saxolensi, & Scandianensi ditione, nulli ferè ægrotantes visebantur, neque eò pervasit maculosa hæc Febris, quæ tantum in editioribus locis, & in ipsis Apennini jugis (veluti saltu quodam exiliens) vim suam pariter ac in nostrâ planitie exercuit.

XXVII. Sanguis porrò qui sectâ Venâ, vel Cucurbitulis scarificatis, sive Venis sedalibus apertis, educabatur in universum satis laudabiles notas præferebat, quantum oculorum acie licebat assequi, satis enim floridus, ac rubicundus apparebat, multoque magis qui à Naturâ per narium hæmorrhagiam profundeabatur, neque in ullo ægrotante cujuscunque temperamenti sanguinem extractum videre datum est, qui glutinis speciem aliquam præferret.

XXVIII. Profectò mihi fateri necesse est in hac Peticularium Februm Constitutione, adeò improspere Venæ sectionem cessisse, ut omnes ægri exhorrescerent quoties sanguinis missio per Venæ Sectionem proponeretur, eam verò fuisse popularem confidentiam in usu Cucurbitularum scarificatarum, ut ægros interdum decipere oportuerit, quoties urgeret necessitas sanguinem ex Vasis majoribus ob plethoricam dispositionem educendi, sinendo ut ægris Cucurbitulæ Dorso, & Scapulis applica-

rentur modicum sanguinem extrahendo, deinde paucas post horas sanguine ex Venâ largiori manu educto; Ea enim hæserat opinio, nec solum apud Vulgus imperitum, sed etiam apud Sapientiores, quòd ubi præmissæ fuissent Cucurbitulæ scarificatæ, nullus amplius esset timor de Peticularum retrocessione, quamvis post modum non semel ex Venâ mitteretur sanguis; sic curiosum erat Chirurgos passim videre cum Sacculis Cucurbitularum plenis per Urbem cursitantes; dum inconsultis Medicis Plebeculæ hoc remedii genus administrarent. Suspectam itaque, ne dicam infamem, ut Scopulos Acroceraunia, Venæ sectionem in hisce Febribus fuisse fateri lubet, sicuti ex adverso gloriosam Cucurbitularum tum scarificatarum, tum siccarum appositionem, sive id fieret ob confirmatam in omnium animis opinionem de hujus remedii efficacità, sive quòd re vera in illo aliquid abditum esset quod Medicos lateret.

XXIX. Reliqua porrò remedia quibus hujus Febris oppugnatio tentabatur eò collimabant, ut humorum motum ad Corporis ambitum promoverent, qualia sunt quæ Sale volatili abundant; sic nullum non ex Diaphoreticis in usum revocatum, nihilo felicius tamen prodibant maculæ, ni forsan hoc pacto, Oleum Camino addendo, ut dici solet, febrilis incandescencia augebatur, (quæ sibi relicta humorum fugam maturasset) & distrahebatur Natura, quæ non tam properè depingebat in cute quod intus moliebatur. Ego meherclè parùm profici observans, per

Alcalica, ad Acida confugi, monente Hippocrate, *De loc. in hom. num.* 20. quod si quis non profuerit ad contraria se convertat, nec inprospere succedat ex illorum usu adverti, sufflaminato aliquantisper humorum Orgasmo. Non ausim tamen asserere, vi hujus, vel illius remedii evasisse, vel periisse quemquam, cum Andabatarum ritu necesse fuerit cum hac Febre dimicare, neque magis felices in suis Curationibus fuisse Medicos Seniores, & longo usu expertos, quam Juniores, ac e Scholis nuper egressos, cum in tenebris tam videant Coeci, quam Oculati.

XXX. Ad sollicitandam Peticularum eruptionem passim frictiones humidæ ex Unctione Aëtii ex usu erant, sicuti & Vesicantia Brachiis, & Cruribus apposita; sed hæc magis Medicorum existimationi apud Vulgus, ne quid inausum, aut intentatum fuisset, conducere visa sunt, quam ægrotantium saluti, quibus acuebatur Febris, nec propterea facilius contingebat Peticularum eruptio, nisi forsitan ob id retardabantur; factâ serosæ materiæ per vias Urinæ profusione. Sic in hac febrili incurfione omnibus remediis tum internis, tum externis parum proficientibus satius erat lentè festinare, & humorum maturefcentiam opperiri, sprete querelis adstantium, qui urgebant, velis, & remis, ut dici solet, ingruenti tempestatu occurrendum, & prolatando magnas corrumpi opportunitates, quibus adversis clamoribus Medentes non ausi obfistere, intempestiva, & incerta remedia præscribendo, sibi è manibus vi-

ctoriam eripi viderunt, non secus ac Pompejus M. qui cum tergiversando hostem commeatum inopiâ laborantem facile vinci posse cognosceret, militibus tamen, & sociis moram increpantibus, prælium miserabili eventu commisit, oblitus solitum se laudare eos Medicos, qui nihil unquam ægroti cupiditatibus quicquam indulgissent.

XXXI. Cum primùm grassari cœpit Peticularis hæc Febris, nec dum suspicio esset de populari Affectu, (Febribus diversæ indolis intercurrentibus) purgationes, ut hinc fieri assolet, in morborum principio, per medicamenta Minorativa dicta instituebantur, sed paulò post proidentibus se Peticulis, sudabant Medico tacitâ præcordia culpâ, ob metum ne hujusmodi purgatio Exanthematum eruptioni impedimento foret, humoribus ad interna retractis, Peticulis tamen postmodum feliciter erumpentibus, & stadium suum absolventibus, Professores qui attentius res observabant, experientiâ edocti, à blandâ purgatione non abhorrebant; Ego sanè ubi tempestivè accersitus fui, & Stomachum impuritatibus oneratum esse conjectavi, quamvis certus de Peticulari Febre, levem purgationem præscripsi, neque non solum ullam noxam exinde proficisci, sed facilius Exanthemata apparere observavi. Similem casum refert Ballonius, qui l. 1. & 2. *Epid.* ingenuè fatetur, in Febribus, quas de genere Peticularium non putarat, Medicamentum purgans, & Venæ sectionem præscripsisse, & innocuum utrumque remedium reperisse. Id est quod monebat Di-

vinus Præceptor, l. i. de Morb. num. 1. & 7. observandum esse quæ bona per fortuitum successum Medici ægrotos curantes faciunt.

XXXII. Ad oppugnandam verò tam infensi hostis pervicaciam in subsidium quoque accitus est Peruvianus Cortex, qui cæteris remediis succenturiaret; præcipuus autem illius usus fuit in iis qui evaserant ex morbo non benè, ut par fuisset, iudicato per debitam suo locò, & tempore peticularum eruptionem, & evanescentiam, iis enim diuturnis Febris vexatis, Febrifugum istud exhibebatur, cujus usus non multum contulit, ægris subinde in stupiditatem, & soporem delapsis.

XXXIII. Dysenteriiis porrò, quas Anno 1693. per Autumnum Peticulari Febri supervenisse superius dixi, egregiè contulisse Opiatorum usum observavi; nec forsan ulla est Affectio in quâ securiùs, & liberaliori dosi exhiberi possit hoc remedii genus, quàm in huiusmodi morbo, fractis licet, ac penè attritis viribus. Cui-dam acerrimâ Dysenteriâ laboranti, pluries exhibui Laudanum Opiatum ad 3. & 4. grana, sed parvo levamine; vixerat hic ad plures dies omninò gelidus, ac sine pulsu, vires tamen non erant adeò languidæ, ut huc, & illuc se jactare non posset; verebar ne largiori dosi exhibitum Laudanum, reliquum flammæ Vitalis quæ supererat, restingueret; Laudanum rursus ad grana 5. exhibui, ex quo æger placidè dormivit, & excalefactus est, quod non tam doloris, qui Dysenterias comitatur, sedatione factum crediderim, quàm propter virtutem Opii Diaphoreti-

cam. Cum satis obvium esset in hac Constitutione [ac præsertim grassantibus Dysenteriiis, & Verminosâ Affectione] huiusmodi in toto Corpore perfrigerationem, unâ cum Pulsus abolitione, observare, non semel subiit admiratio quare in Ventriculi, & intestinorum Affectibus, tam frequens sit talis perfrigeratio, ac pulsus obscuratio, non ita verò in morbis Pectoris ut in Pleuritide, cum tamen hæ partes, & ipsæ membranosæ sint, & Cordi proximiores, ni forsan id fiat, quòd numerosior nervorum soboles in Intestinis, & Ventriculo implantetur quàm in Pleurâ, & pulmonum membranâ, & ob doloris sensum acutiorem, tracto in consensum Cerebro, Spirituum Animalium ad Cor influxus intercipiatur, unde postea silente Pulsu totum Corpus perfrigeretur.

XXXIV. Talis fuit hujus Purpuratæ Febris Indoles, ac talia Symptomata, quæ multam habent convenientiam cum iis, quæ apud Fracastorium *De morb. Contag. l. 2. c. 6.* leguntur descripta, qui Auctor caput particulare instituens de Lenticulari Febre, quæ Anno 1528. in Italiâ primùm grassata est, mentionem expressam habet de lassitudine, & fractione, ut ipse ait, in toto corpore, sensuum hebetudine, oculorum rubore, pulsu humili, Urinæ suppressione (quod pessimum signum fuisse ait) macularum circa quartam, & septimam eruptione, siti paucâ, ac ferè nullâ, hocque præcipuè annotat, Senes paucissimos Febre hac laborasse, sed Pueros multos, ac Juvenes robustos. Mihi sanè dum caput illud

illud perlegerem, non parvæ admirationi fuit, quòd Febris Lenticularis à Fracastorio descriptæ, & Petechialis nostræ (ut communi utar vocabulo) tam similis fuerit facies, ac ingenium, ut hanc esse veluti sobolem alterius, vel priorem illam redivivam caput extulisse arbitrari quodammodò liceat. Advertens tamen Febrem illam easdem penè Regionibus, & Populos eodem ferè victu utentes infestasse, multaque alia perpendens, quæ refert Vir ille doctissimus, circa illius Febris causas, ut Padi, & Athesis inundationes, fructus, & olera à rubigine exusta, mirari desii; si enim major diligentia in conscribendis Morborum Annalibus à Medicis adhiberetur, iisdem temporum vicissitudinibus recurrentibus, eosdem penè morbos recurrere, & Naturam eundem morem in illis abigendis servare facili negotio observaremus; nam sicut in Politicis, ut ait Tacitus, *potius alii homines, quàm alii mores*, ita in re medica potius aliud hominum, quàm aliud morborum genus.

XXXV. Sicuti autem magnæ tunc temporis fuerunt inter Medicos Disceptationes circa causas illius Febris, & rectum curationis modum, ut penè ludibrio haberentur, veluti ipse Fracastorius refert, cum non solum circa præsidia Chirurgica, & Pharmaceutica administranda, sed etiam circa victus regimen dissiderent, ut apud eundem Auctorem, non sine risu primò, sed postea non sine commiseratione legi potest; sic pariter inter Nostrates Professores non minores fuerunt controversiæ, publicis ob id disputationibus habitis, & quod ma-

gis dolendum est inter celeberrimos nostri ævi Scriptores magnæ sunt disensiones circa Febris Purpuratæ causam, & genuinum curationis modum, ex quo satis constat quàm parum post tot gloriosa Inventà à Fracastorii avo usque ad nostra tempora Ars Medica profecerit, cum nondum quicquam certi constet de Malignarum causis, & illarum rationali curatione.

XXXVI. Verùm his omissis, quæ Medicæ Artis infirmitatem satis in propatulo ponunt, experiamur num detur conjectare saltem, si non statuere, quæ fuerint hujus Febris germanæ Causæ, & qualis esset in febrientium Corporibus sanguinis, & aliorum liquidorum status, & conditio, quod ex habitis observationibus, & morborum eventu elici posse arbitror, quidquid Poëta dixerit, successus improsperos iis ominando, qui ab eventu facta notanda putant. Etenim cum in re Medicâ à juvantibus, & nocentibus securius quàm aliundè potiores petantur Indicationes, Eventum & Experientiam, tanquam Optimos Duces, sequi oportet, siquidem illorum vestigiis inhærendo, tutiori, & compendiosiori viâ Veritatem attingimus.

Quid norunt homines, nisi quantum lumina possunt

Tendere?

XXXVII. Cum ergo isthæc Maligna Febris promiscuè cujuscunque sortis homines adorta fuerit, tam egenos, quàm divites, otiosos pariter, ac negotiosos, & in omnibus idem penè Drama luserit, communem fuisse illius causam, procul dubio statuendum est, eamque ex aliqua ex sex rebus non naturalibus licet

deducere. Alimenta quæ Terra suggerit, ut Cereales fruges, Olera, Plantarum fructus, Carnes Animalium (cum ex Herbis, & Terræ fructibus alantur) à rubiginosa lue vitari potuisse, & hoc pacto in massam sanguineam pravos succos invhere, ut exindè malignis Febribus primus fomes succreverit, non prorsus à ratione alienum videtur; at cum in Constitutione An. 1690. undè labor hic meus Exordium sumpsit, sævissima Rubigo fruges omnes, & fructus pestifero afflatu absumpserit, neque per totum Annum illum, ne unam quidem malignam Febrem, sive Peticularem, sive sine Peticulis, mihi saltem, observare licuerit, sed tantum Ruralis Epidemia Tertianarum Febrium Intermittentium per totam Estensem Ditionem, & proximas Regiones oberrarit, ac talis, ut nullus ex Ruricolis penè fuerit qui Tertianâ Febri Intermittenti non litarit, ego non satis video quomodo corrupta Alimenta à rubigali peste pro potissimâ causâ culpari debeant; neque pariter caritatem Annonæ, quæ ad multos Annos Regiones istas exerceret, incusare licet; quamvis enim ex Hippocrate 4. in 2. *Epid.* in Æno ob esum leguminum Crura, & Genua multis vitata fuerint, penes nos tamen tam qui pane optimo, quàm qui confusaneo vescebantur eâdem peticulari Febre cum iisdem Symptomatibus premebantur.

XXXVIII. Multò minùs aquas (quarum usus tam necessarius est ad hominum Vitam sustentandam) causari licet: quamvis enim aliquando Aquæ corruptæ, & vitatæ populares morbos invexerint, hoc tamen

de Aquis nostris suspicari nequaquam licet; Regiones enim istæ Aquis salubribus abundant, ac præsertim Urbs ista, quæ Divino munere non aliis dato, Fontes habet, qui purissimam aquam, non temporariam, sed perennem æquo semper tenore profundunt, ut in Tractatu meo de admirandâ Fontium Mutinensium Scaturigine satis exposui.

XXXIX. Cum ergo inter sex res non naturales nullam aliam communiorē causam reperire sit præter Aërem, quo nihil communius, & æquè necessarium; (cum unum, & eundem locum incolentibus diversa esse possint Ciborum, & potionum genera) Aër verò ejusdem ferè sit naturæ, ad occultam aliquam Aëris labem, & inquinamentum recurrendum est, quòd in massam sanguineam tales invexerit dispositiones, ut ad excitandam hanc malignam Febrem satis virium habuerint. Quænam verò, & quales essent hujusmodi Aëris dispositiones non adeò obvium est exponere; profectò in solas Qualitates elementares pravam illius diathesim referre non adeò tutum est, nec animus Veritatis avidus tam facile acquiescit, multòque minùs cum per totum hoc triennium, ut superius annotavi, tam dissimiles fuerint cujusque Anni Constitutiones, ac nihilo secius Purpurata Febris eodem ferè tenore tyrannidem suam exercuerit. Pro re indubiâ tamen habendum, Aërem hunc quem inspiramus, ac totam Atmosphæram varias, ac diversi generis particulas, tum ex superioribus, tum inferioribus Corporibus in sinum suum suscipere, Coelum nempe, seu Astra, ut

ut Solem, Lunam, & reliqua Sydera, lumine suo potissimum, quod inficiari non possumus, in Aëre profundere, & ejaculari, ut ex Solarium macularum evanescencia licet conjicere, ac Globum Terraqueum eodem modo in ejusdem gremium omnigenas substantias eructare, non tam vi Solaris lumine quod illum plus minus modò in hac, modò in illa parte calefacit, quàm vi caloris centralis, & Ignium quos ipsa Terra intra sua Viscera recondit, ex quo conjicere est (quamvis oculorum acie id percipi nequeat) nihil esse in hac rerum Universitate quod sit magis heterogeneum, utpotè particeps terrestrium impuritatum, & coelestium effluviorum, quàm Aëreus Oceanus.

XL. Hinc ergò expiscari licet hujus nostræ Epidemiæ causam, ex Aëre nimirum ab heterogeneis, ac omnigenis particulis hinc inde, ac præcipuè ab Australi plagâ susceptis vitiato, cum hisce Annis Austrini flatus dominatum obtinuerint, silentibus ut plurimum Borealibus Ventis, qui nubila detegunt, & Aëris impuritates eò repellunt, unde decesserant, ad Australes scilicet plagas, ex quibus omne malum ad nos profectum suspicari fas est. Quòd verò in hac Tragoediâ præcipui Actores fuerint Australes flatus hinc conjectare licet, quòd dum in hac Urbè, & in campestri regione grassaretur hæc Febris, Villæ, & Oppida ad Collium radices posita satis salubriter degerent, ac veluti in portu aliorum spectarent naufragium, utpotè ab Apennini jugis protecta ne ab Austrinis flatibus adeò infestaren-

tur, non ita verò loca in sublimiori parte Apennini sita, sicut & Urbs nostra cum totâ planitie iisdem flatibus magis exposita.

XLI. Quam malè autem apud nos, ac ferè ubique Auster audire soleat, nemo non novit, cum non solum Medici, sed Populares quoque, tanquam morborum pestilentium Parentem Austum deprædicent. Quid verò secum ad nos comportet Ventus iste, num gravis sit, ac noxius ob nimiam humiditatem, unde nomen sumpsit, (Auster enim Νότος græcè dicitur.) an quia Lybiæ deserta venenatis animalibus infecta transgrediens, ut putat Langius l. i. Ep. 19. collectum virus ad nos deferat, non tam facile est decernere, id certum tamen, ac ipsis sensibus obvium, nihil magis, ac temporis penè momento Aëris statum immutare posse, quàm flantem Austum, ut Aër ex ponderoso levior reddatur, ac ob id forsan nobis infensus, & vitalibus muniis minùs idoneus, veluti fat manifestis notis testatur Barometer; nam, ut in Ephemeridibus meis Barometris hoc Anno 1694. editis annotavi, quoties ex Australi plagâ flant Venti, illicò Mercurius è sua sublimitate ad infimam usque stationem decidit, quâ minor in Barometro non observatur. Cur autem Austrina Constitutio Aërem leviolem efficiat, dum cuncta tunc temporis nimia humiditate diffuunt, quæsitum quidem mihi est ratio, num verò reperta fuerit, ut verum fatear, mihi hæret aqua, ut dici consuevit.

XLII. Austrinam ergo Constitutionem Aërem vitiantem, magis quàm

quàm quicumque aliud culpae licet, ita tamen ut à causis procatarteticis hujus peticularis Febris non excludam Alimenta à Rubigali lue vitata, tanquam communem causam cuicumque hominum generi, illegitimas Anni temporum vicissitudines, ac intemperantias, pluviarum multitudines, verbo, complurium causarum Syndromem, unde humoralis massa à naturali sua temperie degenerans, talem dispositionem nacta fuerit, ut hæc maligna Febris emerferit, quæ eò usque perduravit, donec Aëre in contrarium statum migrante, Sanguis, ac Spiritus crasim priori contrariam adsciverint.

XLIII. Qualis porrò grassante hac Febre fuerit Sanguinis, & aliorum liquidorum status, num ad fluorem, vel ad concretionem potius vergerent, mihi quidem non satis constare visum est. Reverà, si tum recentiorum, tum antiquorum Medicorum Oracula consulamus, tam varia, ac dissidentia inter se responsa pro statuenda genuinâ, ac vera Februm malignarum causâ referentur, ut quilibet ex librorum lectione animo potius distractus, quàm instructus abscedat. Hic mihi non vacat, nec multum refert, longâ nomenclaturâ nostri ævi Scriptores in binas Acies divisos, tanquam ex adverso dimicantes recensere, quorum alii proximam, & immediatam malignitatis causam in sanguinis promptitudine, ob Acidum præpollentiam, & Gorgonios Spiritus, ut ajunt, ad concrendum constituunt, alii in sanguine nimis dissoluto, & ad fluorem evecto ob Sal Volatile, & Alcali acerrimum illi permixtum, adeò ut in hoc

bivio, in quam partem quis se dedat magnos habiturus sit Patronos, quibus causam suam tueatur non ex voto res successerit. Sic in re tanti momenti qualis est maligni morbi cognitio, tam parum inter ipsos Medicinæ Antesignanos convenit, ut post tot gloriosa Anatomica, & Chymica Inventa adhuc nesciatur quid sit sentiendum, nec quâ sit eundum.

XLIV. Despiciatui tamen nequaquam duxerim notionem illam malignitatis, quam experimenta ex Medicinâ Infusoriâ desumpta nobis suggerunt; siquidem acidis liquoribus in Venas Animalium vivorum injectis, & iisdem Animalibus post mortem dissectis, sanguis in Venis, & in ipso Corde concretus, & grumefactus, sat manifestè conspicitur, sicuti liquoribus lixivialibus, & Alcalicis similiter infusis sanguis sine fibris, ac totus dissolutus observatur, adeò, ut ex hujusmodi observatione omnia Venena tam externa, quàm intus genita ad alterutram ex his Classibus satis commodè referri possint. Debemus hoc sanè Medicorum nostræ ætatis solertiæ, qui hujusmodi experimentis, & sensuum ministerio, lucem aliquam mentibus nostris affundunt, quomodo scilicet, & quibus spiculis armentur in nostris corporibus humores alibiles, cum venenatam naturam accersunt, & malignas Febres accendunt, ut potius sint modò sanguinem coagulare, modò fundere, atque dissolvere, quod non parvi momenti est, ut in morbis malignis (acri judicio re prius pensatâ) recta Curatio institui possit, nec indiscriminatim Alexipharmaca exhibeantur, Alcalicis stimulis Equum currentem in-

interdum incitando, cum Acidorum fræno opus esset.

XLV. Quamvis autem Venenorum naturam, tum eorum quæ propinantur, seu ab Animalibus per morsum, vel alio modo inferuntur, tum illorum quæ in Corporibus nostris progigni solent, & malignos morbos excitant, revera felicius explicent recentiores Medici, quàm priores qui ad publicum occultarum Qualitatum Asylum provocabant, ac meliori methodo credantur curari maligni morbi quàm olim, corrigendo nimirum per Acida enormitates ab Alkali productas, & per Alcalica quæ ab Acido ortum duxerint, id tamen antiquiores Medicos non prorsus latuisse censendum est. Ab hisce duabus oppositis in sanguine dispositionibus, nimiam scilicet laxitate, & adstrictione Morbos omnes deduci, opinio fuit Asclepiadis, ut pluribus in locis refert Galenus, 2. de Elem. c. 3. quod idem sensisse visus est Vegetius in Arte Veterinariâ l. 1. c. 28. pro medelâ sanguinis nimis adstricti Venæ-sectionem commendans. Extat apud Hippocratem 7. Epid. nu. 39. sat insignis historia, verè memoratu digna, ex quâ satis liquet, priscos illos in malignis morbis, non quæcumque Antidoti nomine insignita essent præscripsisse, ut etiamnum à non nullis factitari video, qui ubi constiterit Febrem esse malignantis naturæ, Cælum Terræ miscent, nullum non Alexipharmaci genus præscribendo. Malignâ Febre laboravit Nicoxenus, lingua ardebat, ait Hippocrates, calor forinsecus non valde fortis, exolutio Corporis vehemens, vox fracta, ut operosum esset exaudire, clara tamen, tempora

Tom. II.

collapsa, oculi cavi, pedes molles, ac tepidi, juxta splenem distensio, Urina clara, decubitus supinus, crura diducta, ac disparata ob exolutionem, penitus vigil. Et quid non ut malignissimæ Febris Ideam quis concipiat? Superstes tamen evasit; at quonam remediorum apparatu, ac molimine? Domitor ille Morborum Febrem hanc adeò mortiferam subegit? Potus erat aqua de Farina crassa in ipsa macerata, sed, & de pomis simulque mali punici succus, & lentis torrefactæ, & farinæ lotura cocta. Verba sunt Divini Senis; quibus autem remediis nostrâ hac ætate tentaretur hujusmodi Febris curatio novit Deus; certè timendum esset, ne id contingeret quod apud Plutarchum reprehendebat Erasistratus, ut scilicet ὁμῶς μεταλλικὰ, καὶ βοτανικὰ, καὶ θηριακὰ, καὶ τὰ ὀπο γῆς, καὶ θαλάσσης ἐκ τοῦ αὐτοῦ συγκεκρανόντας. At quæso Vallesii egregii Commentatoris expositionem audiamus, Animadvertendum, ait ille, aliquando Febrem malignam cum Exanthematis pituitosam, aliquando biliosam, aliquando etiam atrabilariam, & curationem ita variare; huic non tam crassorum, quàm acrium, & tenuium humorum fuisse redundantiam indicavit ustio, & pervigilium. Ob id contulerunt illæ potiones, quæ aliis fuissent adversissimæ; fuisset tamen huic adversissimum, Theriaca uti, aut decoctis, & herbis calidis, quamvis essent Alexipharmacæ, ut Dictami, & Scabiosæ, & Cardui benedicti, quod aliis talia solent esse usui.

XLVI. Sicuti autem in determinandâ

nandâ Malignarum causâ in genere adeò inter se dissentientes sunt Medicinæ Proceres, sic multò minus in explicanda Febris Peticularis Naturâ & causis consentiunt; neque recentes ac nostrorum temporum tantummodò sunt Controversiæ, etenim An. 1528. grassante per Italiam Lenticulari Febre, ut Clariss. Fracastorius l. 2. de *Contag. Morb. c. 6.* refert, tanta fuit pro hujus Febris curatione inter Medicos discordia, ut penè ludibrio haberentur, cum ob ignoratam Febris Causam, & morem, neque in victu instituendo, neque in alio remedium genere administrando convenirent, adeò, ut eodem referente, inter has Controversias *magna Mortalium pars, & Nobilitas perierit.* Nostrâ hac ætate, tanquam in binas acies oppositas, medicinæ Scriptores divisos observo Peticularis Febris naturam, vel per sanguinis coagulationem, vel per ejusdem dissolutionem exponentes. Celeberrimus Willis, Simon Pauli, Auctores *Zod. Med. Gallici*, aliique plausibili sanè ratiocinio putant in hujusmodi Febre naturalem Syntesin Sanguinis in crassam, ac nimis lentam secedere ob Acidi pædominium, adeò ut, dum Sanguis in Orbem agitur, illius particulæ fixiores à Venarum extremitatibus haud ritè absorbeantur, & captivæ detentæ picturatam cutim efficiant. Ettmullerus, Sylvius, Menjotius, aliique hujus Febris naturam, & Peticularum generationem à fibris Sanguinis dissolutis è suâ statione dimotis, ob Sal acre, & volatile Sanguinem ad fusionem disponens deducunt, quo pacto similiter cruore ab arteriolarum osculis effuso

illius partes tenuiores, tanquam transfugæ, à circulari motu exorbitant, ac sui erroris notas in cute designant.

XLVII. Ne verò in recensendis aliarum placitis ulteriùs immorer, arbitrari licet in hac Febre nostrâ Peticulari Cruoris massam ad fluorem potius quàm ad concretionem pronam fuisse, cujus asserti præcipuam conjecturam stabilire licet super manifestas notas quas sanguis eductus præferebat, semper enim roseus ac purpureus, nihilque glutinosi præfens, mihi aliisque Professoribus apparuit, tam æstivo tempore quàm hyemali. Cum Sanguis ergo emissus toto Cœlo differret ab eo qui solet educi in quibusdam Morbis, ut Pleuritide, Peripneumoniâ, Erysipelate, aliisque Affectibus interdum Popularibus, in quibus sanguis colore, & lentore vitium suum prodit, mihi visum est, *Oculis magis quàm Opinioni credendum* (ut ipsius Hippocratis l. de *Dietâ n. 5.* verbis utar) & accensionem quandam partium tenuiorum Sanguinis, & præcipuè feri è Vasis diffusionem, ex quâ tot symptomatum enarratorum diritas ortum duceret. Talem autem Massæ Sanguineæ adfuisse dispositionem multa alia attestabantur, ut primò quidem quòd truculenta hæc Febris Juvenes habitiores, & succulentos corripere, ut superiùs annotavimus, Valetudinarios verò, & Seniores præteriret, non secus ac *Præterit imbelles ira Leonis oves.* Seminium enim illud intus per inspiratum, vel quomodocunque ab Aëre susceptum, & quod multum Alcalicæ acrimoniæ occuleret promptius dynamini suam exerebat in iis in quibus

quibus Sanguis optimus esset ac particulis spirituosus refertus, quàm in Valetudinariis, & Senibus quibus Sanguis est effoetus, ideoque aptior ad retundenda acuta spicula, quibus armatum erat malignum miasma, quæ forsan est ratio, cur Senes *Pestilentiam minimè sentiant*, ut scripsit Plinius, l. 7. H. N. c. 50. seu Pesti minùs sint obnoxii quàm Juvenes, de quo Zarotus in Martialem. Sicuti enim Vina generosa æstivo tempore faciliùs putrescunt quàm dilutiora, (saltem in hac Urbe, quæ ob aquarum subterranearum copiam Hypogæis caret) cum Vina ineraca, & generosa sub Aëre æstuante ob copiosos spiritus quibus turgent facillimè in Zymosin corruptivam urgeantur, non ità verò Vina Olygophora ob partes aquosas quibus abundè scatent. Talem quoque Sanguinis Diathesim testabantur Virium subita prostratio, Pulsus parvi, quæ duo satis constant, ac vigent in iis morbis, (ut in Affectibus Pectoris) in quibus Sanguis per venam Sectam emissus manifestam præbet concrecentiam. Usus prætereà Acidorum salubrior compertus quàm Alcalium, sicuti, & Vesicantium applicatio minùs prospera, ut quæ Sanguini ad fluorem prono stimulos adjicerent, idem confirmare videbantur, quibus accenferi poterat V. S. parùm salutaris, à quâ agrotantes Cane pejus, & Angue abhorrebant.

XLVIII. Nec mirum improspere cellisse Venæ Sectionem superstitite hujus modi humorum dispositione, quod ut plurimùm in Epidemicis, & Pestilentibus Constitutionibus evenit, in quibus Phlebotomia non admodum

benè audit, cum perrarò contingat ut ejusmodi temporibus ad fixitatem humores vergant, ni potius ad liquationem tendant ob aëreum Venenum satis tenue, partibus Sanguinis spirituosioribus nimis hostile. Eandem ob causam in omnibus malignis Febribus suspenso pede ad Venæ Sectionem progredi solet ob metum ne unà cum Sanguine collabascant Vires; idcirco Celsus de Febris Pestilentis curâ l. 3. c. 7. ajebat, *Sanguinem non facile mittere, Alvum non facile ducere*, ac valdè rationabiliter Doctissimus Vir Jo. Baptista Scaramuccius, Urbini Medicus Primarius, in Theorematis suis Physico-Medicis Theo. I. Sanguinis missionem improbat ubi Sales lixiviales præpolleant, à quibus aliqua dissolutio possit emergere.

XLIX. At cur talia è Cucurbitulis scacrificatis vereri non licebat, inquiet aliquis, quasi Sanguis per eas emissus non ex eodem fonte prodiret, ac is qui per Venam Sectam educitur, ni forsan floridior etiam sit is, qui per Cucurbitulas extrahitur sectis multis arteriis? Non ibo certè inficias Sanguinem per Cucurbitulas ductum vividiorē esse, fuisse tamen magis proficuum Cucurbitularū usum, quàm Phlebotomiam, non popularis confidentia, sed Experientia quæ ratiociniis nostris persæpè illudit, satis evicit. Neque suarum rationum fulcimento carebat hoc præsidii genus. In hac enim Febre in quâ humores à Naturâ ab intimis ad extima propellebantur, hoc pacto magis promovebatur ad Corporis ambitum illorum motus, ac variis in locis incisa Cute expirabat ali-

quantisper occultum illud Venenum quod ad Cutem protrusum inibi hærebat ab Aëre ambiente repercussum.

L. Huic præpostero, ut rebar, Cucurbitularum usui & ipse sub initium hujusce Popularis Morbi non parùm obstiti, urgebamque levandam prius per Venæ sectionem Naturam eo quo premebatur fasce, nec intempestivâ Cucurbitularum appositione sollicitandum humorum motum, tempore præsertim ebullitionis; reclamabam Sanguinis missionem nullatenus trahere à circumferentiâ ad centrum, imo toto eo tempore quo aperta sit Vena, majori nisu ad eam partem quàm ad reliquas Sanguinem moveri, fidendumque potius Rationi quàm Eventui, quem Stultorum Magistrum esse aiebat Q. Fabius M. apud Livium l.22. At fors melior eorum qui hoc Præsidii genere, vel in ipso Morbi principio, utebantur, vellebat Aurem, monebatque vertendum Stylum, nec tanti faciendas esse rationes confictas, quanti Experientiam ipsam. Extant fanè multa apud Auctores de Cucurbitularum usu, ac si placet etiam de abusu, (ut Hippolytus Obicius in suo libro de multiplici in Medicinâ abusu c.7.) ac revera omnes ferè in acutorum Morborum principio (nisi prius per V. S. plenitudini provisum fuerit) illarum usum improbant. Fracastorius tamen in Febre Lenticulari, quæ ipsius ætate, ut superius memoravimus, pervagata est, Venæ Sectioni parcendum volebat, ubi præsertim valdè sparsa contagio esset, & Cucurbitularum appositionem commendabat, nisi magna adesset plenitudo. Quanti porrò faceret in hac

Febre Cucurbitularum usum P. Alpinus ex solo capite quod in libro de Medicinâ Ægyptiorum l. 2. c.16. instituit, dignosci potest; disquirat enim, *An errent Ægyptii Medici utentes Cucurbitulis pro adjuvanda Exanthematum eruptione*; ex recentioribus verò P. Borellus annotavit Anno 1648. Febres malignas Epidemicas purpuratas cum magnâ clade grassatas fuisse, & frequentem Cucurbitularum usum valdè profuisse.

LI. Hinc mihi visum est considerandas non esse Peticulas ut simplex Malignæ Febris signum, veluti communis fert opinio, nec à Criticarum excretionum censu excludendas, quod ex Clar. Diemerbroechii observatione, qui Peticularum historiam egregiè absolvit, confirmari potest; refert enim hic Auctor sibi observatum in denatis ex Purpuratâ Febre partes omnes internas Peticulis obsitas esse, quod tamen multò ante, si non oculorum, saltem mentis acie, pertigerant Vallesius in historiâ Simonis, Ballonius in suis Epidemiis, Fernelius in libro de Febribus. Mihi quidem Cadaver ullum disseccare non licuit, ut ex autopsiâ peticularis hujusce diffusionis per interiora Corporis certior fierem, (quando apud nos nullo pretio quisquam ex Plebeculâ Cadaver aliquod ex suis domesticis pro simplici inspectione permetteret) constans tamen observatio, quòd ii qui ex hâc tempestate evaserunt per nullam sensibilem humorum excretionem convalescerint, ut superius annotavi, sed per solam Peticularum suo loco, & tempore apparitionem, ac per totum corpus expansionem, lentamque earum-

rundem evanescentiam, ad credendum compellit, Naturam post factam primis diebus justam humorum ebullitionem virulorum illum ichorem deſumpſiſſe, ac illum primò quidem in partibus internis, mox in externis quoque depoſuiſſe, ut hoc pacto per mille Arteriarum oſcula tetro illo miasmate exantlato tota maſſa ſanguinea priſtino ſuo nitore redderetur. Curioſum autem eſt id quod Diemerbrœchius refert ſibi in Cadavere ex hac Febre extincto obſervatum; nimirum, maculas hæſce ab ipſo Perioſtio initium ducere, & latâ baſi inſtar fumi Lampadis recenter extinctæ.

LII. Non tam modicum igitur eſſe illud quod in Peticulari Febre è ſanguineo penu ſecernitur cenſendum eſt, imo toto eo tempore quo hujus morbi hiſtoria abſolvitur, talem eſſe diacriſim, quæ in Criticarum cenſu reponi poſſit, quamvis non adeò ſenſibilis ſit, ut reliquæ evacuationes criticae, tum ob materiæ tenuitatem, quæ inſenſibiliter expirat, tum quòd illius pars major per interiora Corporis diffundatur, in cute Pyramidis tantum apice apparente: Sic non ineptè explicari poſſe crediderim ſuperius enarrata Symptomata, quæ Febrim hanc comitabantur, ſicuti & modum quo Natura harum Februm curationem moliebatur: Dorſi enim, ac totius Corporis laſſitudo, qualis in Febris, quæ *κοπιδες* dicuntur, non aliunde quàm ab ichore illo ab Arteriarum oſculis in membranas, & muſculorum fibras reſuſo ortum ducebat, ſicuti & Præcordiorum Anxietas, Faucium ardor, Aurium ſurditas, Mentis ſtupor, ab eadem ma-

teria pendebant ad partes tranſmiſſâ ubi functiones Animales, & Vitales exercentur. Cum enim Natura totum Venoſum genus à pravo illo miasmate expurgare vellet, non unam ſibi viam eligebat, quò noxios humores eliminaret, [ut aliquando per Vomitum, Alvi fluxum, Urinarias vias, Cutis poros ſolet efficere] ſed tot ſibi fores aperuit quot ſunt Arteriarum oſcula, idcirco omnes ferè Corporis partes noxam ſentiebant, donec rejectamentis illis diſcuſſis priorem tonum recuperarent. Cum hoc modo itaque in hac Febre expugnandâ Natura procederet, mirum non eſt ſi ſuſpenſo pede ad Venæ ſectionem, aliaque remedia adinſtranda procedendum erat, ne diſtraheretur Natura, & cur feliciùs res ceſſerit Medicis ſanguinis abſtemiis quàm Phlebotomicis, quam ob cauſam Pagani faciliùs evadebant, quàm Urbani qui perſæpè medendo ægreſcebant.

LIII. Ubi verò malignum illud Virus præpollebat ad internecionem uſque ſpirituum Animalium, & Vitalium cuncta in pejus citiſſimè ruebant, Peticulis ſeu vix ſe prodeſſentibus, ſeu ſubito evanefcentibus, quibus præſtò aderant ſumma virium proſtratio, Aſphyxiæ, totius corporis perfrigerationes, Singultus, & Iſchuriæ ſpuria, quæ ſatis frequentes fuerunt; ceſſante enim Spirituum Animalium influxu, & feriente Corde à naturali motu, nullus fiebat arterioſi ſanguinis ad Renes appuſſus, & conſequenter nulla ſeri ſecretio; qui autem ex hac Febre occumbebant pleni, & ſucculenti, ut diximus, efferiebantur, eò quòd non ingens eſſet

calor, qui Febres istas comitaretur, (quam ob causam non admodum fitterent) & quia pertenuis esset quod per transpiratum exhalaret. Cur verò decrescere Lunâ, ac eâdem silente, magis sæviret hæc Febris [si in re tam abstrusâ licet aliquid conjicere] id fieri potuisse crediderim eò quòd sicuti in Macrocosmo dicitur Luna Gubernatrix tenebrarum, & mobilis undæ, cum illi uni Æquor obtemperet, sic super Microcosmi lympham dominatum obtineat, & quemadmodum omnia in Plenilunio Maria purgantur, ut ait Plinius l. 2. H.N. c. 98. ita in hac Febre, dum Luna pleno lumine vigeret, sanguineum serum in motum ciceret, unde promptius macularum eruptio, & totius massæ humoralis repurgatio contingeret, ejus verò lumine deficiente, ac per totum tempus illud, segnius moverentur humores, ideoque minus apti ad exitum, & sic conclusi Febrem augerent.

LIV. Quoad reliqua Symptomata, quæ hisce Febribus in progressu superveniebant, ut Singultus, Alvi fluxus, Verminosa soboles, hæc non solum morbi sævitiam prodebant, sed primam regionem crudis humoribus oneratam fuisse demonstrabant, propterea blanda purgatio, non Mochlica, in principio harum Febrium Peticularium non prorsus fuit incommoda, quamvis casu instituta, nec credita Febribus hujus profapiæ inultum conferre: leniter enim eductâ humorum Saburrâ in stomacho contentâ, Natura exinde ad perficiendum opus suum pro massæ sanguineæ à pravo miasmate expurgatione per macularum diffusionem ad cutem usque faci-

lius procedebat. Hoc documentum blandæ purgationis in principio vel neglectum, vel parum salutare creditum non levi damno ægrotantibus fuisse crediderim, præpeditis enim, ac conspurcatis primis viis, Cardiacis remediis, quibus oppugnanda erat Febris, præcludebantur fores, vel iis non licebat Cruoris sedem, & Cordis penetralia nonnisi deturpatâ facie subire. Hanc ob causam suspecta sunt Alexipharmaca in Malignarum principiis nisi ab obstructionibus expeditæ sint viæ, ut apud Galenum 5. de San. tu. cap. 6. Septalium, Caut. Med. l. 5. n. 47. l. 2. c. 13. & alios videre est, quidquid in contrarium sentiat Manelphus in libro suo de Febribus.

LV. Haud me latet non adeò probari à multis in principio harum Febrium purgationem hanc per Medicamenta Syrmefina dicta, ut P. à Castro in aureo suo Opusculo de Peticulari Febre, ubi in specie Electuarium Lenitivum improbat, Antonio Ponce à S. Cruce, Vallesio in commento historiæ Simonis apud Hippocratem, ac inter recentiores Ettmullero, qui suspectos habet in Purpuratis Febribus Clysteres ipsos, nedum Purgantia; non desunt tamen qui levem purgationem admittant, ut Septalius qui Galenum l. 5. Anim. n. 47. ipsum testem adducit in famosâ historiâ Simonis, cui lata Exanthemata erant, purgationem aliquandò commendantem.

LVI. Usus porro Peruviani Corticis parum salutaris compertus est, vel quòd tunc temporis exhiberetur cum stimulo opus esset non fræno, dum Remedium istud, ut diximus, præ-

præscriberetur in Febre lenta Peticulari Febri non benè judicatæ superstitæ, vel quòd tale præsidii genus Febribus hujus profapiæ non conveniret. Variè profectò audit, ac variam experitur sortem, vel in iisdem locis, ac regionibus, famosum istud Febrifugum, ut eodem tempore laudetur ab his, culpetur ab illis, & modò probrosis, modò magnificis titulis vocetur. Medicinam dolosam Peruvianum Corticem vocat willisus *de Febr. c.7.* Richardus verò Mortonus Medicus Anglicus in *Pyrethologia*, Plantam è quâ detrahitur Cortex iste, Arborem Vitæ appellat, num id contingat ob remediî inefficaciam, quòd non omnibus Febribus, nec in quolibet temperamento conveniat, an ob Medentium incuriam; qui non ritè suo loco, & tempore illud exhibeant, meritò ambigi potest. Meherclè omne Febrium genus tam magnas, quàm parvas, intermittentes pariter, ac continuas gladio hoc Delphico jugulare velle summa dementia est, & funesti casus ubique memorantur, in quibus China China inauspicatò assumpta Ægrotantes, vel inopinatò sustulit, vel ad insanabiles Ægritudines sensim deduxit. Cautiones certè notatu dignas pro recto Chinæ Chinæ usu videre est apud Celeberrimum Ettmullerum in Dissertatione de usu, & abusu Præcipitantium, ubi Spiritum Salis Armoniaci proponit ad excitandam Febrem à Chinâ Chinâ sopitam, quotiescunque, Abdominis dolores, Artuum ostocops, Alvi occlusio, nocturni sudores, aliæque mala supervenerint; refert enim observatum Spiritum Salis Armoniaci Febres ab hoc Cortice fugatas prom-

ptè revocasse. Non est hujus loci in usum, & Naturam tam celebris Febrifugi altiùs inquirere, solum hac occasione memorare libeat, annotasse me in primâ meâ Dissertatione de Constitutione Anni 1690. (quod ulteriori observatione confirmatum comperi) in frigidis & humidis Constitutionibus, quæ Corpora nostra crassis humoribus infarciunt, parùm salutarem esse Corticis Peruviani usum, in calidis verò, & siccis Constitutionibus, in quibus humores aliquo egent sufflamine, Remedium istud egregiam operam præstasse.

LVII. Quamvis autem in hac meâ Dissertatione præcipuam curam impenderim, ut hujus malignæ Febris, quæ tandiù pervagata est, indolem, ac genium explorarem, & exponerem quibus præsidii illius oppugnatio tentata fuerit, non ideò tamen inficias ibo multas alias graves Ægritudines sporadicas eodem tempore hunc vel illum afflixisse, ac etiam sustulisse, quales sunt morbi particulares secundum varia Anni tempora, ut Æstate Cholerae, Autumno Febres erraticæ, & Quartanæ, & modò morbi Hyemales, & Vernales, sed quia in iis nil Epidemici annotare licuit, eos propterea silentio transigere volui, quando illorum Theoria, & Therapœia apud Practicos Scriptores satis vulgata est, nec illorum curatione quicquam magis desideratur quàm Medentis judicium, & prudentia. Quia verò in morbis vulgaribus [qui ut plurimum satis vulgari diligentia tractari solent] memorandum illud τὸ Δείον Hippocratis delitescere video, in illorum in-

dagine potissimum mihi desudandum fuit, nec unquam desistam quin Professores exhorter, ut in hunc Campum pedem immittant ubi non spicilegium, sed segetem amplissimam contemplationum semper invenient, & quæ ipsis decori, & ægris salutis futuræ sint.

LVIII. Ad duos fines nos militare scripsit Divinus Senex, in *Epist. ad Cratenam*, unum *Hominis*, alterum *Artis*; nostrâ verò hac ætate nescio quo genio, Medentum Primores in rebus quæ decus quidem aliquod Arti, sed nullum pænè Ægrotantibus præsidium possint inferre sunt occupatissimi; cum enim toti sint in minimis explorandis, ac tanquam in haruspici-nâ ad extispicia intenti, ex Viscerum fibris Naturæ opera, ac magisteria alioquin deprehensibilia divinare præsumant, ad gloriam, & nominis celebritatem aucupandam solum incumbunt, quasi eò res deducta fuerit, ut in re Medicâ non nisi Professores, exercendi ingenii, & famæ comparandæ locus relictus fuerit. Quid si Aristophanes hodiè viveret? quibus Salibus, curiosam hanc diligentiam non perfricaret? liceat referre illius Versiculos, qui in sua puritate plus habebunt leporis, & energiae; interrogatus ergo Socratis Discipu-

lus à Therpsiade per quamnam viam canerent Culices, num per superiora, an per inferiora.

ἔφασκεν εἶναι τονύτερον τῆς ἐμπύ-
σης διὰ λέπτου δόντος αὐτῆς τὴν πνοὴν
βία βαδίζειν ἐνδὺ τὸ ὑπρόσφυον.
ἔπειτα τακοίλον πρὸς σενῶ προσκείμενον,
τὸν βρωκτὸν ἡχεῖν ὑπὸ βίας τῆς πνέ-
ματος.

Id est ex versione Andreæ Divi Justinopolitani.

*Dixit esse Intestinum Culicis
Angustum, per parvi autem exi-
stentis ipsius spiritum
Ut ire recta in podicem,
Posteà concavum ad angustum ad-
jacentem*

Podicem sonare à vi spiritus.

LIX. Absit tamen quòd Anatomicam indaginem tanquam laborem improbum traducam, solum dolendum videtur, quòd cum Spartam hanc satis ornatam, & excultam esse pateat quantum Praxis Medica exigit, omnes ferè qui ingenio magis præstant in id usque ad temporis dispendium incumbant, cum ad alia magis usui futura mentem ac vires possent intendere, inter quæ non possemus sanè locum meretur Epidemicorum Affectuum Historia, quâ nihil in re medicâ forsan magis desideratur, & minus excolitur.



HISTORIA EPIDEMICA

GERMANIÆ.

Constitutio Epidemica Augustana An. 1695.

Dn. D. Lucae Schröckii,

Academiæ Cæsareo - Leopoldinæ Naturæ Curiosorum Præsidis.

PRæclarum institutum, quo singulorum Annorum Epidemias erudito calamo conscribere nuper incepit Italiæ suæ ornamentum, Illustr. D. Bernardinus Ramazzinus, Archiater & Professor Mutinensis meritissimus, insigni utilitate cum sese commendet, simile quid etiam in Germania nostra moliri, & breviores de epidemica Annorum constitutione Relationes exhibere dum intendimus, idem circa dilectam Patriam meam, Augustam, vicinumque districtum, quantum observare mihi datum fuit, simplici historia fideliter tentare, simulque Nobilissimos meos Dn. Collegas Naturæ Curiosos ad similem, observatâ possibili brevitate, præstandam operam humaniter invitare libuit. Eò majorem autem ad hoc persensi stimulum, cum nostri quondam Nestoris I. celeb. Dn. Georgii Hieronymi Welschii manuscriptus libellus, quem *Epidemica Vindelica* inscripsit, ab Anno Chr. usque ad 1677. in manus meas devenerit; quem laborem mihi huc usque continuare placuit. Quamvis autem hæc in publicum emit-

Tom. II.

tère nunquam animus mihi fuerit, Welschianis illis partim nimis succinctis, partim & imperfectis existentibus, meis autem Collectaneis in propriæ solùm memoriæ subsidium destinatis, si tamen vel tantillum utilitatis in Rem medicam ac Posteritatem inde resultare posset, publico, qualecunque demum fuerit, haud denegabo.

Ut autem Anni 1695. statum exordiar; postquam Solstitium hyemale frigore intenso Annum 1694. terminavit, non minus insequens Annus, multis nebulis comitatus, frigore molestus intravit; & quamvis paulò post temperatior aura, Zephyro flante, quin & pluvias adducente, redderetur, Euro tamen & Austro circa finem Januarii St. Greg. nives spargentibus, insignes frigoris molestias denuò persensimus, easque, licet post Bacchanalia mitior aura per aliquot dies spirasset, usque ad Æquinoctium vernale perferre coacti fuimus. Unde in hac aëris anomalia non potuit non insignis in sanguine mutatio contingere, & cum primis lymphæ non tantum ab intromissis ex pluviosa constitutione copiosioribus aqueis mole-

K

moleculis multum augeri, sed calidiorē etiam ob auram magis rarefieri, quam tamen frigidior superveniens denuò condensare, inque liberiorē transpiratione impedire, ac passim stagnationem inducere valuit: quo in statu cum nec digestionēs aut debitæ secretionēs sufficienter celebrari, nec sanguinis motus placidè promoveri, spirituumve puritas aut vigor conservari queat, facilè colligere datur, quàm variæ in œconomia animali & vitali turbæ excitentur, eò graviores futuræ, si unà impuriore, falsæ sulphuræque lateant particulæ, quæ hinc fermentatione conceptâ malignam vel venenatam quasi naturam induant, aut etiam latentem antea malignam auram suscitant. Cum verò aliquot jam per annos tale quid in urbe nostra sedem fixisse comperiamus, ut, licet cessare non nunquam per unam alteramve septimanam videatur, mox tamen exserere se denuò incipiat, quin & contagio se haud obscurè propagare nitatur, experientia nos edocuit, toto hoc tempore febres continuas fuisse obortas, quæ majori ex parte malignitatis notas, tum consuetis symptomatibus, tum maculis peticularibus ostendebant, quibus aquosæ pustulæ, ut plurimum dum morbus ad declinationem vergeret, cum nova caloris symptomatumque exacerbatione, in multis superveniebant: paucissimi erant, qui per morbum delirabant; in plurimis pleuritidem primò, vel catarrhum mentiebatur morbus; quamvis etiam tum temporis, præter arthritides vagas, pleuritis non infrequens esset, & aliquos graviter, quin & pustulis illis milia-

ribus malignis simul affligeret. Dira etiam intermittentium febrium, quotidianarum, erraticarum, & tertianarum cohors urbi incubuit. Quæ morborum facies, remissior equidem in vere, frigidâ cum mitiore aura semper reciprocante, continuabat; quibus, ex ejusdem feri hîc ibi stagnantis, & glandulas inundantis ad coagulum pronitate, catarrhi pectori infesti, & non nullos cum febrili effervescentia occupantes, accedebant, quotidianæ verò & erraticæ febres, hecticarum ferè æmulæ, magis magisque se diffundebant, atque ægrotos in juvenili ac teneriori ætate constitutos graviter affligebant, Medicisque ob mali pertinaciam multum negotii, ferè usque ad autumnale Æquinoctium faciebant: aderat in omnibus circa orificium ventriculi superius præcordiorum compressio, appetitus prostratus, virium lassitudo, corporis extenuatio, caloris incertò, vespertinò tamen utplurimum tempore exacerbatio; in quibusdam exiguus hujus, in aliis ferè continuus sensus, sudoris rara eruptio, ardor verò & dolor tensivus manuum ac pedum ægros admodum torquebant: nec pauci erant, quos perseverante adhuc morbo, loquela, sine deperdito tamen linguæ motu, destituerat, aliquibus etiam surditas, & aliqualis sensuum interiorum stupor, per plures dies, vel duas tresve hebdomadas accesserant; malo hoc postea, recedente febre, sponte quasi iterum cessante. Medicamenta autem quæ acorem præternaturalem atque lentorem lymphæ, non negligendo ea, quæ genus nervosum ac spiritus confortare &c. poterant, ex. gr. specificum

cificum antihecticum Poterii, gammarorum lapillos, elixirium proprietatis beat. nostri Clauderi, essentiam corticis Peruviani &c. proficua deprehendi; sicut Tincturam bezoardicam D. Mich. sal cornu cervini volatile, essentiam mumiae Clauderianam, Diascordium Fracastorii, Theriacam coelestem Greiffianam, pulverem Sabaudicum, rubeum Panonicum, cum antimonio diaphoretico, unicornu fossili & marino, pro subjectorum & symptomatum varietate, in tempore & providè propinata, non inefficacia in malignis fuisse, experientia docuit.

Cum Sol Gemellorum signum ingrederetur, & crebrioribus pluviis perfunderemur, Catarrhi frequentes esse cœperant, tonsillarum imprimis intumescientiam inducentes, (consuetisque feri coagulum externè & internè solventibus medicamentis obtemperantes) præcipuè cum frigus insolitum, de quo alibi locorum non minus passim conquerebantur, æstatem subinde odiosam reddidisset.

Circa Æquinoctium autumnale, itidem frigore molestum, humorosum convulsivum asthma in puerilem ætatem sæviebat, aliquos etiam trucidabat. Postea tamen, licet haud clementior esset aëris, pluviosa nempe & frigidiuscula ut plurimum tempestas, imò post medium Octobrem, totum insequentem mensem, nec non dimidium Decembrem frequentissimæ nebulæ, ac per plures sæpè dies continuæ aërem occuparent, Morbo attamen magnas dabat inducias; quæ verò collectâ interea ex vaporosis istis halitibus novo infirmitatum adparatu & ferosâ colluvie, eò acrius in-

furgebat, & Sole Scorpionis signum egressuro, arthritides vagas, rheumatismos, in quibusdam intenso dolore nucham, frequentissimè autem pectus tussi graviori excruciantes, in senibus quoque apoplexias fortes lethales accersebat; quin & febres denudò malignæ, petechiis & pustulis stipatæ, hætenus rariores observatæ, majori jam impetu pluribus insultabant, cephalalgia in principio morbi vehementi, brevi tamen recedente, intensis dorsi doloribus, præcordiorum compressione, tussi, alvi constipatione molestæ; cum interea urinæ color non multum à statu naturali recederet, vel justo dilutior compareret, nec pulsus admodum irregularis esset. Frigore autem ultimum Anni mensem, satisque intenso ejusdem exitum comitante, pacatiora rursus tempora, atque populariter grassantibus morbis liberiora sequebantur, postquam febrium malignitas supra dictis remediis, rheumatismi autem infusi thee, aut analogi veronicæ, betonicæ &c. succinatorum, saliumque volatiliurum urinosorum, non neglecto, ubi opus erat, moderato opiatorum, imprimis pilularum de cynoglossa Nic. usu; arthritides denique cinnabarinis, antimoniatibus, lumbricatis, quin & cum in quibusdam febrilem aliquem insultum alternis diebus deprehenderem, kin-kina, quibus subinde blandior ex paucis scammonii sulphurati & antimonii martialis fixi pulvere alvi laxatio interponebatur, atque dolorum sævitia per demulcentia imprimis cataplasmata, (spirituosius & oleosis eam magis exasperantibus) mitigabatur, essent devicta.

Cum etiam Excellentissimorum Do-
minorum Collegarum Curiosorum
aliqui petito meo, in simili materia sub-

mittenda, benevolè subscripserint, eo-
rundem historias subnectere, & ordine,
quo fuere transmissæ, adducere lubet.

Constitutio Epidemica Hassiaca Anni 1693. & 1694.

Dn. D. MICHAELIS BERNARDI VALENTINI,
Missæ d. 5. Aprilis An. 1695. Gissæ Augustam Vindelicorum.

Præcedente Hyeme pluvioso, sed
in fine gelidissimo, sub primo Vere &
insolitus aëris fervor ingruerat, qua-
lis & per omnem æstatis cursum ob-
servabatur: quæ mutatio subitanea
non poterat non inæqualem & præ-
ternaturalem humorum & spirituum
motum causare, quem & hominum
& brutorum strages infecuta est. Bo-
ves sanè & vaccæ catervatim succum-
bebant, cujus rei causa statuebatur
inter alia ros corrosivus, lintea ma-
culis plus minus luteis conspurcans, &
omnino corrodens, de cujus ætiolo-
gia elegantissimè D. Ramazzini. Ex
carnificum observatione plerunque
phtisi pulmonali necabantur, ad quam
sine dubio haustus frigidæ copiosi-
or post æstum intensissimum multum
contribuere poterat. Hominibus præ-
ter dysenteriam & febres malignas sub
finem Junii & initium Augusti hæc
locorum infensa erat febris quædam
intermittens, ut plurimum tertiana,
sive simplex sive duplex, solo ferè
calore molesta, ut à plurimis ab acu-
tis vix distingui potuerit. Præceden-
ti enim levi friguscule calor intensis-
simus, virium summa prostratio, ano-
rexia &c. accedebant, quæ præmissio
vomitorio, corticis Peruviani usu ple-
runque curabantur, cui regulus anti-
monii medicinalis quandoque præ-
mittebatur, Venæ sectio, quam vel
ipsi urgebant aliquando ægri, nun-

quam non noxia erat, morbumque
protrahebat, aut ad minimum sum-
mam, fugatâ licet febris, virium de-
bilitatem inducebat.

Hanc sequebatur paulò alia

Constitutio Anni 1694.

in qua Hyemem satis inclementem
calor Veris extraordinarius excipie-
bat, ut arbores brevi admodum in
flores se induerent, qui tamen om-
nem, quam primùm injecerant, spem
eludebant, postquam frigore subito
superveniente prorsus emarcuerant.
Sequebatur Æstas summè calida, quâ
ultra hominum memoriam vix ficior
observata fuit, sub cujus cursu mor-
billi, sed benigni ferè moris grassa-
bantur, aut sponte aut bezoardicis
& expellentibus solitis cedentes, in
quibus tussis & asthma præprimis erat
molesta, quæ spiritu salis armoniaci
anisato, seu ut hæc locorum audit,
spiritu pectorali anisato optimè siste-
bantur. Annonæ summa fertilitas,
duplicato modium infarciens, quæ
frumentorum caritas heic subitò sub-
lata fuit. Autumnus & Hyemis ini-
tium pluviis crebrioribus madebant,
variisque catarrhis, pleuro-pneumo-
niis & febribus malignis à milite è ca-
stris ad hyberna redeunte fere allatis,
plurimisque funestis, erant molesta,
quæ omnia frigus horrendum sub cœ-
pti modo anni 1695. initia excepit.

Consi-

Constitutio Epidemica Basileensis Anni 1695.

Dn. D. JOHANNIS JACOBI HARDERI,

Missæ die 20. April. Ann. 1695. Basileâ Augustam Vindelicorum.

Morbi, qui cum hyemali tempore, tum eodem jam finito, epidemicè ferè grassabantur, sunt colicæ passionès pertinaces: apud infantes vomitus, ceu variolæ essent erupturæ, præcedente horrore, inde icterus cum dejectionibus verminosis: apud adul-

tos quoque febres verminosæ: jam verò præter febres continuas ac intermittentes, pleuritides & pleuropneumoniæ: singuli aëris variam constitutionem, & subitanæ immutationem, pro secunda matre agnoscences.

Constitutio Epidemica Berolinensis Anni 1695.

Dn. D. GUSTAVI CASIMIRI GARLIEP

von der Mühlen,

Missæ die 5. Januarii Ann. 1696. Berolino Augustam Vindelicorum.

Dn. Præside me ad id excitante, 1. Januar. 1695. [22. Decembr. 1694.] coepi dietim mutationem aëris ac tempestatum notare, ac observavi à plenilunio die proximè præcedenti 31. [21.] Decembr. illucescente frigus, quod hætenus satis temperatum fuerat, paulatim invalescere, nivibus subinde permixtum. 8. Januarii [29. Decembr.] autem, sub ultima quadra aëre nimbofo rursus parumper remittere. Sequentibus verò diebus denuò ingravescere, moderato tamen adhuc ad usque novilunium 14. [4.] Januarii ingruens. Quod subitam gelu remissionem cum nivium ac ventorum copiâ; postea nubilo cœlo gelu iterum moderatum biduum circiter durans ad meridiem usque 18. [8.] induxit. A quo solutâ rursus glacie vix medii diei inducias dedit; Nam redintegratis viribus revertens primam Lunæ quadram in 22. [12.] incidentem cum pertinentibus illuc diebus, rigoroso gelu transe-

git, ut & plenilunium 30. [20.] lucens, sicque primum hunc mensem finiit.

Alterum eodem vigore inchoans ultimamque quadram 7. Febr. [28. Jan.] orientem ad 13. (3.) usque transiens, atque remissionem sic unius, viginti quatuor dierum, nonnunquam tamen paululum mitigato, rigore pensans duravit. Tum verò accedente eodem die 13. (3.) novilunio, rursus aliquantulum remittens pluviis glaciem quam tot diebus gelu pepererat, unica die liquans, ac parum quod ejus restabat, copiosâ nive intermixti, quoque procellis tegens, mox insequenti mane ad ingenium rediit, perque biduum gelando continuavit. Mox verò 17. (7.) rursus remisit; Ast sequenti die denuò redintegrato vigore, prima quadrâ 20. (10.) apparente, nec quicquam obstante ad 23. (13.) usque perrexit. Quo die remisso paululum rigore pluvias nivibus succenturiavit

unicâ tantum die : Graviori enim impetu interpolatis subinde sereno cœlo nivibus ac quandoque ventis irruens, quatrimum ad 28. (18.) usque hujus secundi mensis adeoque ultimum perstitit.

Quo die à violentia priori defciscens nivibus ac grandini pluvias intersperfit, sed sequenti 1. Martii (19. Febr.) cum plenilunio denuo vim pristinam induens non modo pristinum exeruit robur, sed & auxit. Verum vix biduum fervavit, ab illa sævitia 3. Martii (21. Febr.) deficiens, ac nocturnum frigus & quandoque gelu diurnis pluviis ac nivibus temperans, reliquum illius quadræ & sequentis postremæ 8. Martii (26. Febr.) apparentis ad novilunium usque 15. (5.) accedens vario & mutabili cœlo transiit. Tum priorem indolem Borea flante induit, sereno cœlo gelu, nocturnum præcipuè, satis validum reducens ad post primam quadram 22. (12.) radiantem ad 24. (14.) usque continuando. Inde variam cœlo faciem sumente, nunc serenam nunc nubilam, nunc undosam, nunc siccam, nunc tranquillam; nunc turbidam cum plenilunio 30. (20.) lucente & sequenti die 31. (21.) Martium cum trimestri primo terminante, ad ultimam usque quadram etiam 6. Aprilis (26. Martii) subsequenter, die noctuque alternando frigus moderatum calore temperavit.

Morbi hujus primi trimestris initio reliquiæ fuere præcedentis varii & inconstantis autumni, diarrhœæ, dysentericæ, febres variæ, & quartanæ præsertim & duplices tertianæ, erraticæ non nullæ. Quibus sese junxere

pleuritides, peripneumoniæ sed raræ, tussis sicca & humidæ, harumque soboles phthisis ut & hæctica, sed paucæ, malignæ item febres variolis præcipuè, morbillis, purpura, nonnunquam, rarius tamen petechiis, sic satis adhuc benignis, intermixtis. Tertio mense accessere prioribus etiam apoplexiæ subito quosdam perimentes, & paralyses quandoque reparabiles, catarrhi contumaces, ac tussis implacabiles, arthritides vagæ valde contumaces, & dolores ac defluxiones aliæ scorbuticæ pertinaces, plerique tamen horum morborum præter variolas sporadici fuerunt non Epidemici.

Secundi trimestris exordium à primâ Aprilis (22. Martii) ad prædictam ultimam quadram 6. Aprilis (27. Martii) accedentium usque de amœnitate præcedentis mensis participans ac veris verum initium exhibens, cum prædicto ultima quadra degeneravit, ac ingratum denuo frigus nocturnum, aërem tempestuosum, nives, grandines, pruinas, similesque inacceptos Veri hospites advexit, ad 10. Aprilis, (31. Martii) usque, qui Æthere mitius paulò aspirante pluvias lenes, frigidas tamen adhuc, sparfit. Sequentes duo pluvias vento impetuoso ac frigori haud usque quaque grato miscuere, atque aëri turbulento, non tamen planè gelido, ac novilunio 13. (3.) Aprilis tranquilliori cœlo, moderatiorique frigore placidè ingruenti præmiserunt. Verum 14. (4.) ad pristinum statum tetricum, turbidum, frigidum & immitem rediens 15. (5.) gelu nocturnum ac serenius paulò cœlum induxit. Cui mox gravius gelu nocturno

Æturnum sudo interdiu mitigatum per biduum, huicque rursus aër temperatus ac serenus alterum biduum durans successit. Quod nubilum rursus & frigidum excepit, succedentibus nocte sequenti nivibus, quas primæ quadræ 21. [11.] appropinquantis prodromos mane pluviae sunt subsequutæ, à meridie cœlum relinquentes nubilum, in pruinosam noctem declinans inque temperatum insequens manè ac vernum tandem de die aërem definens. Qui post noctem placidam ac manè ventos non nullos pluviolis madentes, amœnum postera die produxit 24. [14.] per biduum durans, tandemque tertiâ 26. [16.] die in æstivum ferè Solis ardorem, pluviae admodum fertilis prænuntium transiens. Cui gratum successit sequentibus diebus sudum pluviis nonnullis irrigatum ad 29. [19.] usque plenilunio tum lucente, ac ventorum aliquid blandorum, etefias dixisses, intercalante. Sequens dies serenus tonitru pomeridie inexpectato & maturè nimis pluvia copiosa stipatum, primâ hoc anno vice submit, sicque finem primo huic secundi trimestris mensi imposuit.

Sequens 1. Maii (21. April.) amœnâ serenitate inclytus, successorem habuit sui ferè similem, paulò tamen magis nubilum & frigidum, perinde ut & reliquos temperato & verno cœlo Soleque calente abblandientes ad 5. Maii (15. Aprilis) ultimæ quadræ dicatum. Cui nubiloso & sparsis subinde pluviis ab amœnitate illâ degeneranti, procellosum & frigore pluviis ac nivibus inacceptum accessit biduum. Illique rursus ad 10. Maii [30. Aprilis] ingratum frigidum,

udum ac pluviosum cœlum. Donec 13. [3.] Maii appropinquans novilunium post temperatum sereno magis aëre unicum diem inconstantem & variam, pluviis, ventis, frigore, moderato tamen intermixtam tempestatem induxisset, nubilum Æther rariis solariis radiis pervium ad 17. (7.) usque continuavit, sudo tandem semet rursus & calore moderato biduum durante commendantem. Quem pluviae demum ingrata triduum continuantes & in grave tandem tonitru definentes 21. [11.] ipso primæ quadræ die, fecutæ. Hasque rursus sudum in pluvias ac tonitru à meridie terminans. Atque istas denuò sequenti manè sereno aëre, frigus, hoc pluviae lenes, clementiori paulò cœlo exceptæ, illud denique sereni aliquot rursus dies aëris clementiæ ac vernæ amœnitatis postliminio quasi cum plenilunio 28. (18.) radiante reducis, ac ad 31. [21.] usque mensis hujus Maii terminum perdurantis, mox tamen in pluvias denuò ac ventos fatifcentis quasi præcursores.

A primo enim Junii (22. Maii) ingrata pluviis ac nimbis tempestas, noctes gelidæ ac pruinosæ, venti Boreales, dies à nocturno gelu rigidi, nec nisi à meridie paulum à Sole luminante degelantes successère, ad ultimam usque quadram 5. Junii [26. Maii] apparentem sævientes. Hæc commodiori rursus tempestati locum dedit, cœlo sereno & amœno, calore grato, pluviolis lenibus ac foecundis ad 7. Junii (28. Maii) usque durantibus; Mox verò ab illo, vario & turbulento, frigido & pluvioso, ad novilunium usque 11. [1.] accedens perseverantibus permutatæ. Hoc infe-

insequens dies Solis radios serenior coelo, frigore tamen molesto admisit 13. (3.) denuo in pluviosum pristinum ac nubilum statum transiit. 14. [4] Nubilum sudo temperavit, subsequenter hunc aliquot ad primam usque quadram 19. [9] illucescentem & comites ejus 25. (15.) solo, qui frigidior, nubilus ac pluviosus, excepto, serenis ac paulò mitioribus. Ipso etiam plenilunio his accensendo ut & reliquis, præter 30. [20.] quiensem hunc, simulque trimestre secundum tonitru ac imbre clausit.

Cujus trimestris primus mensis catarrhis, rheumatismis, tussibus, febribus catarrhalibus, aliisque diversorum generum, tertianis simplicibus ac duplicibus satis frequentibus, paucis quartanis, affectibus scorbuticis, hinc endemiis, variis varios variè affligentibus infestus.

Alter, quàm morbos, priori ferè affinis, nisi quod in hoc variolæ nonnullæ & purpureæ febres, pleuritides veræ & spuria, petechiæ febrium ardentium malignarum non nullarum comites, colicæ & hystericae passionnes, hypochondriaci affectus, anginae sese quandoque parcius tamen offerrent.

Tertius præter præcedentium non nullos, menstrua inordinata, cachexias, ventriculi imbecillitates & cruditates, hypochondriorum dolores, colicas, diarrhoeas &c. tulit.

Mensis Julii, qui tertii trimestris primus, initium præcedentis Junii fini postremum si exceperis diem, ultimam quoque quadram 3. Julii (23. Junii) lucente, computatâ ad 7. Julii (27. Junii) usque aëris serenitate &

sic satis jucunda tempestate respondit. Hic verò nubilus fuit ac turbidus, cujus morem sequentes ex parte imitati manè sereno coelo, pomeridie turbidum nubilum ac pluviosum subjunxerunt. Excepto 10. Julii (30. Junii) qui rursus totus turbidus, frigidus, nubilus, & pluviosus adeoque extremè ingratus fuit, subsequenti 11. (1.) Julii novilunium nubilum coelum sudo correxit, hâcque ratione reliquis quatuor ad 16. (6.) usque commodâ satis tempestate exemplo quasi præivit. Ille autem à præcedentium more desciscens nubilus frigidus ac pluviosus successores habuit se ipso meliores ac mitiores, æstivo calore, ac sæpius de die sudo, noctu quandoque pluviam moderatâ commendabiles, ad primam quadram 19. (9.) lucentem, ut & plenilunium 25. (15.) fulgens, perseverantes & usque 29. (19.) qui, insolito hoc tempore, frigore, pluviis, ac circa vesperam tonitru varius, similes sui sequaces habuit, præsertim 31. [21.] frigidum valde, breveque sudum imbre copioso pensantem, sicqueensem hunc ingrato epiphonemate terminantem.

Successit eodem ferè tenore 1. Augusti [22. Julii] primam quadram advehens, simulque aërem instabilem, frigidum, ventosum, tonitru & pluviis quibusdam mixtum; Huic æqualis ferè 2. Aug. [23. Jul.] sudum, frigidum, pluviis ac ventis subinde varians 3. Aug. [24. Jul.] ad meridiem usque 4. Aug. [25. Jul.] amoenam reduxit serenitatem, sed instabilem ac imbre pomeridiano dilutam. 5. Aug. [26. Jul.] turbidus manè & imbribus udus, à meridie quidem ficcior, sed frigore horridus. 6. Aug. [27. Jul.] totus

totus pluviosus & imbris madens, perinde uti & sequens 7. Aug. (28. Jul.) ingrato turbido & pluvioso aëre foedus. Omnes hi & præcedentes non nulli, quod Julii potiore partem, & Augusti initium insolito hoc anni tempore frigore, sereno licet non nunquam intercedente cœlo, æstivam aliàs his temporibus debitam amœnitatem, deturparint, simulque factorum proventum, incrementum, & maturitatem impediverint, sicque annonæ caritatem induxerint, infames meritò audiunt & infauti dies, 8. Aug. (29. Jul.) novilunii 9. Aug. (30. Julii) apparentis antesignanus, & sequentes gratam ac æstate dignam, sed heu! serò nimis reduxerunt tempestatem, præter 13. (3.) qui eam à meridie pluviam, vento ac tonitru paululum turbavit, stabilem aliquando, ac nisi quod amœnitati pluviolam quandoque interspargerent, ad ultimam usque quadram, simulque terminum hujus mensis 31. (21.) nempe ejus, paululo prioribus frigidiorum diem percurabilem.

Septembris exordium 1. Sept. (22. Aug.) præcedentis tempestatem æmulatum, cum tonitru pluviam admisit, sic temperato aëre ac sereno ut plurimum cœlo lenibus non nunquam pluviis à meridie præsertim alterato, reliqui subsequentes ad novilunium 8. Sept. (29. Aug.) incidens, quod temperatum aliàs udam imbris junxit vesperam, hâcque ratione 15. (5) addendo etiam procellam ad primam quadram 16. (6) orientem paulò præcedentibus frigidiorum procedendo, varioque sequentibus diebus, cœlo 20. (10) temperando nubila serenis, moderato quandoque quoque frigore &

pluviis ad plenilunium 22. (12. radians, imò ipsam ultimam quadram exiguo discrimine à præcedaneis discrepantes perrexerunt, sic simul 30. (20.) & hunc tertium tertii trimestris mensem absolverunt.

Morbi hujus trimestris primo mense, Julio nimirum præter scorbuticos affectus & hypochondriacos, alii non adeò frequentes fuerunt, febres fortassis non nullæ, tertianæ & continuæ, pleuritide quandoque tam verâ quàm spuriam stipatæ, colicæ passionis, hemicranie, catharri.

Secundi, Augusti nimirum febres variæ ardentes præsertim acutæ & continuæ cum & sine delirio, cephalæa enormi, & similibus febrium symptomatis comitatæ, non nunquam & diarrhoeâ contumaci, quædam etiam cum exanthematis variis, purpurâ, petechiis, rarò tamen nec usque quaque malignis. Nec defuerunt scotomiæ, lipothymiis non nunquam complicatæ.

Tertii, Septembris febres rursus variæ, catarrhales præsertim vario typo luxuriantes, tertianæ tamen pleræque, continuis quandoque combinatæ, rheumata, leucophlegmatie, vertigines, cephalææ graves & continuæ febrium præcedentis mensis ardentium & continuarum affectu & pedissequæ, pleuritici dolores spurii.

Primordium ultimi trimestris mensis Octobris triste fuit 1. Oct. (21. Sept.) cœlo existente frigido, turbido, ac pluvioso. Sequentes & quidem 2. Oct. [22. Sept.] frigida ac serena, 3. Oct. [23. Sept.] manè frigida & pluviosa, à meridie siccior & mitior, 4. Oct. [24. Sept.] manè nebulosa & frigidula, à meridie serena &

& amœna 5. Octob. (25. Sept.) cum primâ quadrâ constantem ad 10. Oct. (30. Sept.) usque tempestatis amœnæ serenitatem induxit. Hæc decima nebulosa ac turbida tota fuit 11. (1.) & 12. (2.) plenilunio insignis ; manè nebulosæ , à meridie serenitate aërem temperaverunt , quas sequentes ad 26. (16.) imitatae. Hæc verò à præcedentibus turbidiore paulò calidiore ac udo aëre diversa , socias sibi sequentes duas ascivit , 29. (19.) à meridie serena , 30. 20.) ultimæ quadræ dicata , tota nubilosa. Sequens 31. (21.) sicque mensis huius postrema manè præcedenti similis , à meridie undosa fuit.

Morbos hic mensis paucos habuit, eosque scorbuto ut plurimum & hypochondriis originem debentes , præter febres non nullas tam intermittentes , quàm continuas , malignas rarius , diarrhoeas , haud tamen frequentes , dysenterias paucissimas , epilepsias infantum quasdam , dentitioni plurimum imputandas , arthritides vagas , sed & has scorbuticas , hystericas passiones.

November secundus quarti trimestris mensis à 1. Nov. (22. Oct.) ad 4. Nov. (25. Oct.) à pluviam immunis nubilos tamen dies præbuit , quarta serena quidem magis , ac frigida quoque magis fuit. Eam nebulosi , turbidi , frigidi & ingrati excepere dies , quos inter & 6. Nov. (27. Octobr.) Nova Lunâ distinctus , tempestatis cæteris æqualis , ad 8. Nov. (29.) Oct. ejusdem tenoris , 10. Nov. (31. Oct.) nebulosum , turbidum & frigidum tulit aërem , sic & sequentes ad primam usque quadram 13. (3.) lucentem continuarunt , 14.

(4.) præter nebulam , quam dedit matutinam , prioribus similis fuit. Cujus defectum sequens 15. (5.) pluvia pensavit. 16. (6.) & 17. (7.) prioribus incommodis ventus addidere frigidos & immites. 18. (8.) à pluvia immunis , frigidus tamen adhuc & turbidus fuit. 19. (9.) ad ingenium undosum rediit. 20. (10.) cum plenilunio initio paulò reduxit , sed turbidum etiamnum aërem ad noctem usque Lunæ radiis illustrem , quam frigidus , pluviosus ac procellosus secutus. 21. (11.) in gelu primum hoc anno desinens , ac 22. (12.) ut & 23. (13.) continuans. 24. (14.) à Serenitate præcedentium duorum deficiens pluvias turbido frigori miscuit. A quo dissimilis 25. (15.) gelidus fuit atque serenus. 26. (16.) perinde cœpit , sed in pluviam desinit. 27. (17.) amœnâ & serenâ tempestate , 28. (18.) ultimæ Lunæ quadræ , sudo , miti ac sereno cœlo , exemplo admodum hoc hyberno tempore ut raro , sic grato præivit. Sed æmulum nullum nec imitorem invenit. 29. (19.) à serenitate illa mox descendit , temperatus tamen adhuc & ficcus noctem habuit pluviosam , à sequente 30. (20.) ac hætenus ultimo huius mensis die sicciore , mitiore , paululum tamen turbido hac in parte diversam.

Morbi , quos hic mensis aluit , haud frequentes fuerunt scorbutici plerique , defluxiones nimirum , externas potissimum partes passim invadentes , febribus catarrhalibus complicatæ , catarrhi quoque alii , ac tussis , eæque valde contumaces , arthritides vagæ , cephalææ , quartanæ non nullæ , colicæ passiones & nephriti-

phriticæ, ut & pleuritides, tam veræ quàm spuria, paucæ tamen. Cardialgiæ, anginæ, diarrhœæ, sed parvæ, dysenteria adhuc parciore. Id quod hic annus peculiare his locis habuit ob fructuum proventum valdè concisum; frigus enim ab ineunte vere calore frequentius, arborum floribus infestum, ne in fructus erumpere possent, obfuit, ac quidquid etiam hujus offensam effugerat, à frigore æstatis insolito & autumnii, ne vel adolesceret, vel maturesceret impeditum fuit; hinc sublata causâ sublatus quoque fuit effectus.

Postremus hujus ut quarti trimestris, hic anni mensis December primâ die (21. Nov.) turbidus fuit, procellosus ac frigidus. 2. Dec. (22. Nov.) serenior cum frigore gelu reduxit, sequentibus diebus ad novilunium 6. Dec. (26. Nov.) apparens & sequentes etiam usque ad 9. Dec. (29. Nov.) continuans. Qui glacialis initio in pluviam subito liquecens, pluvias lenes per biduum durantes addidit, donec 11. [1.] primæ quadræ 12. (2.) lucentis anteambulo, cum serenitate gelu moderatum reddidit, ac eodem tenore ad 15. (5.) vespèram usque perdurans, 16. (6.) gelu mitiori aère turbido temperavit. Hanc vespèrò insequens 17. [7.] manè gelu rigidus, à meridie austro satis austerè flante degelavit. 18. (8.) primas hoc anno nives plenilunii 19. (9. appro-

pinquantis præcones sparsit, respirante simul aliquatenus gelu. Cui tamen rursus dies noctesque gelidæ & quidem non nullæ satis intensæ successere, nivibus quandoque 21. (11.) & 22. (12.) præsertim, qui densam manè adjecit nebulam, in aërem tamen elevatam, ac nivis raræ speciem stellularum ad instar recidentem, nec non 25. [15.] & præcipue 26. (16.) ubere illarum proventu foecunda, ut & 27. (7.) ultimæ quadræ præcursor gelu moderatum nivibus intertexens. Ultima quadra 28. (18.) splendens copiosas nives primum leni cum gelu tulit, mox flante circa vespèram Favonio planè eas colliquans: Quas tamen nox sequens rursus gelida quadantenus confirinxit; Sol verò 29. (19.) denuò solvit ac leniter degelavit. 30. (20.) gelu pristinum recuperavit vigorem, ac satis intenso rigore 31. (21.) mensem hunc simul Annum ipsum terminavit.

Morbos hic ultimus mensis genuit ad instar præcedentis febres sporadicæ, primum varias intermittentes & continuas, & ex his quoque mixtas, catarrhales, malignas etiam, purpurâ, morbillis, variolis quoque variegatas, defluxiones, catarrhøs, erysipelata, cephalæas, anginæ, ophthalmias graves, diarrhœas non nullas, & tussès contumaces.

Constitutio Epidemica Hassiaca Anni 1695.

Dn. D. MICHAELIS BERNARDINI VALENTINI.

Missa d. 27. Aprilis An. 1696. Gissâ Augustam Vindelicorum.

Constitutionem epidemicam Anni 1695. quod attinet, illa hæc lo-

corum tolerabilis, & quæ DEI est clementia, benigna, ferè fuit, ita

quidem ut plures, qui ob tempestatum varietatem, & Proteiformes temporum mutationes morbos nobis fonticos prædixerant, in admirationem rapuerit. Licet enim Hyemem habuerimus variam & inconstantem, mox frigore, mox pluviis molestatam, succedente Vere præmaturo quidem, sed pariter inconstante: Licet quoque Æstas cum Autumno pluvia ut plurimum & uliginosa fuerit, interpositis æstibus quibusdam Solis subitaneis, affectus tamen leviuscule, sensibus magis, quàm vitæ incommodantes observavimus. Si enim ullus, hic anni cursus sensoriis externis summo opere infensus erat. Sub Æquinoctio enim verno ophthalmiæ epidemicæ grassabantur, interpositis verò Martio

& Aprili pleuræ collique inflammationibus, à ventis inclementioribus præmaturum Veris calorem suffocantibus & humorum stases promoventibus, sine dubio exortis, quæ tamen sœtis medicamentis diaphoreticis & discutientibus facillè cedebant. Post Solstitium æstivale mense Julio ulcera aurium quamplures infestabant, suppurata plerumque, quæ vel spontè, vel sudoriferis & balsamicis curabantur. Tandem sub Æquinoctiò autumnali Augustò decrepitò, inflammatio gingivarum, linguæ & oris in hominibus, in brutis verò pedum inflammationes observavi hinc inde, quarum priores præmissis præmittendis, Tinctura ligni sancti felicissimè sustuli, posterioribus Veterinariis relictis.

Constitutio Epidemica Augustana An. 1696.

Dn. D. Lucæ Schröckii,

Academiæ Cæsareo-Leopoldinæ Naturæ Curiosorum Præsidis.

QUAMVIS Anni hujus ingressus aërem serenum, nebulis tamen matutinis & vespertinis ut plurimum comitatum, cum acri frigore ostenderit, mox tamen temperatior ac serenior, quàm subinde frigidiusculus, ut & mutabili sub Euri Zephyrique flatu pluviosus, rariùs nivosus intercedebat, fuit subsecutus; à Solis præcipuè in Pisces ingressu, usque dum Arietis signum attingeret, blanda adeò spirabat aura, ut arbores consueto citius gemmas protrudere inciperent, ac præmaturum Ver adesse videretur. Quæ tamen constitutio varias in corpore alterationes produxerat, atque latentia in eo morborum

femina suscitaverat; unde ineunte mox anno feri in faucibus stagnationes catarrhosæ, tussessque pertinaces, ultra æquinoctium vernale plures civium infestantes, ut & postea febres purpureæ, variolæ, intermittentesque febres oboriebantur. Quas tussess, præter Pilulas de cynoglossa, vel styrace, nocturnum quietem, serum acrius contemperando, spiritusque agitados sopiendo, parvâ dosi sumptas, feliciter conciliantes, variis temperatioribus pectoralibus, Aquis, sirupis, Pulveribus, Electuariis, Tincturis, fibras partium spiritualium irritatas demulcentibus, pungentia acris lymphæ spicula obtundentibus, ejus-

ve visciditatem resolventibus, interpositis blandissimis laxativis, præsertim Infusio theæ vel veronicæ, aut hydromelite, foliis sennæ imprægnatis, profligare datum fuit. Phthisicos tamen aliquot citatiori gradu ad sepulchrum deductos vidimus. Febres purpureæ in adultum usque Ver non puerilem saltem ætatem, sed provectiorem quoque, adolescentes æquæ ac seniores, passim invadebant; aliquos mitissimè habebant, ut nec lecto se committere opus haberent, neque etiam liberiori aëri expositi læderentur, ac sine ullo medicamento, intra biduum vel triduum convalescerent; in non nullis verò gravius insurgebant, & cum notabili calore, debilitate, ac præcordiorum compressione, vigiliisque, lecto per octiduum, vel longius affigebant; temperatioribus tamen diaphoreticis, antimoniatibus, cinnabarinis &c. effervescentiam impuriorum massæ sanguineæ particularum refrænantibus, coagulationem ejus inhibentibus, illarumque per cutis poros eliminationem promoventibus, cedebant: nec deerat in quibusdam contagium, quod uxori à marito, & vice versâ communicatum observavimus: oriebantur, præcedaneo ut plurimum horrore, primò per universum corpus parvæ, rubræ maculæ, sensim dein majorem in amplitudinem se dilatantes, ac tandem aliquibus in locis, dorso imprimis, squamularum instar cuticula decidebat; aderatque in omnibus oculorum pruritus: in non nullis rubedo, tussis molesta, corporisque pruritus. Quibusdam erysipelatis nomine donabatur, mihi febris purpureæ benignæ species, quæ D. Thomæ Sydenhamio in

obs. med. circa morbos acut. sect. 6. c. 2. febris scarlatina audit, commodissimè appellari posse videbatur, quamvis hanc ipsam commodè quoque ad morbillos referri potuisse, cum D. Richardo Mortono, Pyretolog. part. 2. exerc. 3. c. 5. non negaverim; quo etiam nomine Vulgo nostro communiter appellabatur. Variolæ puerili saltem ætati infestæ, primò mitissimæ comparuerunt; quamvis enim pro more suo ante eruptionem calore præternaturali, capitis, oculorum, ventrisque dolore, vomitu, levioribus convulsionibus, atque deliriis, timorem in quibusdam incuterent, ubi tamen prodire inceperant, cuncta pacatiora fuerunt redita, atque inter paucorum medicamentorum, v. gr. antimonii diaphoretici, cornu cervini philosophicè præparati, lapillorum gammarorum &c. vitiosæ lymphæ turgescientiam moderantium, & acriores ejus particulas absorbentium, usum, tempus suum absque insigni molestia decurrerunt: inprimis ubi primæ corporis viæ prius lenioribus laxativis fuerunt mundatæ, à qua lustratione vidi, qui, signa imminentium variolarum, cephalalgia, dolor ventris, & calor febrilis, licet jam comparerent, ipsique in eodem cum aliis variolosis loco decumberent, sine iis convaluerunt. Postea tamen, vere adulto, quosdam vehementius, & non sine malignitatis nota, adfligere ceperunt, quin & trucidarunt; quos inter puellâ septennis facilè earum eruptionem ferens, erat, in qua tamen, præsertim in facie, die quinto, post iteratos aquæ frigidæ potus, quasi subsistentes, crustâ saltem

quasi aliquâ depreffione, eandem obducebant, sanguis alvò crebrior exercebatur, & hinc inde, in faucibus potiffimum, nigræ pustulæ comparabant; cæterum mente sibi confans, nec aliàs malè se habere adstantibus visa, die septimo obiit; postquam ejusdem sororcula, paucis ante diebus, sine ulla ferè cura medica decumbens, depreffionibus etiam variolaceis crustis ubique obducta, itidem esset demortua. Febres intermittentes non quidem in adeo multis observabantur; quos tamen invadebant, in iis sine intenso calore, aut siti, nulloque, ut plurimum cum horrore, alternis, aut singulis diebus recurrebant: in omnibus, paroxysmo præfente, maxima de præcordiorum compressione, atque in regione dorsi his opposita, usque ad nucham se extendente dolore, querelæ audiebantur, ab austeriori lymphæ, quæ in glandulis stomachicis & œsophagi colligebatur, spasmodicasque fibrarum nervearum corrugationes excitabat, inductæ; pro varia etiam ægri constitutione, varia alia symptomata concurrebant: virum consistentis ætatis curandum habui, qui post superatam feliciter febrem continuam, paulò post alterâ illâ, non tantum die recurrentem, & tertio paroxysmo terminatam, intensissima cum pectoris & præcordiorum compressione, pulsu debili, respiratione tamen liberâ, correptus fuit; cujus etiam uxor, septimo mense gravida, post unicum talem eodem tempore perpeffum vehementem paroxysmum, immediatè partus doloribus prehensa, sævissimisque totius corporis convulsionibus exagitata, foetum

vivum, pauculos post dies demortuum, inscia excluserat, sensimque denuò convaluerat. Cæterum pro morbofo austero viscidoque humore attenuando & enervando, præter urinosa volatilia, cortex Peruvianus suo hîc egregiè fungebatur officio; ita tamen ut alvus simul esset sollicitanda, partitisque vicibus excrementitii humores lenioribus pharmacis educendi.

Nec hysterici adfectus non multum diversa à causa oborti, atque loco tantum, in quo sedem fixerat illa, fortasse discrepantes, hîc reticendi erunt, qui hoc tempore aliquo maritatas foeminas, non gravidas, tum quæ menstruæ sanguinis evacuationi erant expositæ, tum quæ per ætatem eâdem desituebantur, vehementer excruciarunt, dolores nempe in lumbis ardore molestissimi, versusque pubem se extendentes, ac incertis periodis quotidie ferè affligentes, quos tepidæ, & uterinis herbis alteratæ aquæ balnea, multum demulcere, essentiaque castorii volatilis opio immixto, profligare poterant.

Post Æquinoctium vernum horridior magis constitutio amoenitatem priorem exceperat, mutabilisque primò aëris temperies, mox frigore & Euri inclementiâ molestior fuerat; quam Sole in Tauro versante, calidior, pluviis tamen subinde comitata, exceperat; & postquam die 11. (21.) Maii horâ decimâ vespertinâ levior terræ motus, quem post quinquehorium vehementior subsequēbatur, Urbem concussisset, atque manè densior nebula, (utrùm à vaporibus motu illo ex terra in auram emissis elevata? nescio; quamvis per integros

gros duos menses , neque ante , neque post hanc terræ conquassationem ulla alia Urbem nostram ambierit) à sole tamen orto facile discussa , successisset , frigidiorum subinde Jovem , & ubi sereno calore mitiorem quandoque se præberet , mox à tempestate ingruente denuò defervescentem , crebrisque pluviis terram madefacientem , persensimus ; iterea verò , præter dictas purpuras , tusses , variolasque , pleuritides etiam veræ , cum deliriis , febre , cæterisque consuetis symptomatibus , exserere se cœperunt , à venæ - sectione , ubi dolor urgebat , diaphoreticisque absorbentibus dictis , & expectorantibus auxilium expertæ.

Nec deerant , cum Sol ad Gemellos accederet , (præter tertianas & leviores ad guttur catarrhos ac uvulæ prolapsus) febres petechiales , in superiori ferè Civitatis parte tantum , quâ meridiem spectat , imprimis etiam in Xenodochio publico , stragem multorum è plebe edentes ; quarum contagium ex vicinia à famulatio Xenodochii allatum credibile erat. Mihi quamvis paucissimi talium ægrorum tractandi occurrerint , deprehendi tamen , hos , qui in morbi principio alvum adstrictam Antimonii diaphoretici largiori dosi , paucissimis Diacrydii sulfurati granis permixti , multis inde excretionibus subsequenter , expurgarant , evasisse ; aliis duabus foeminis , quæ sine tali medicamento fuerant , mortuis ; quamvis utramque diu morbum celasse , & non nisi extremè ab eo coactas , lecto ac medicamentis se commisisse , sicque morbi periculosi principia neglexisse , fatendum sit.

Toto ferè Mense Junio , & Julii principio , Zephyri ferè semper inclementiam experti fuimus ; qui præterquam quòd terram , pluviis equidem multoties madefactam , plurimum exsiccaret , frigore etiam ingrattissimo corpora nostra offendeat , sicque à natura sua planè descivisse videbatur , cum aliàs humidam calidiorumque temperiem nobis conciliare soleat ; Euro è contra , serenitatis aliàs & siccitatis nobis indice non fallaci , in mensis Junii initio pluvias præter morem accumulante. Sed ante solis in Leonis signum ingressum , posteaque ad ejusdem usque inde egressum , calores huic tempori convenientes satis insignes persensimus ; quos tamen continua ferè ventorum , Zephyri imprimis spiratio , pluviis subinde intermissis , nunquam diuturnos esse permittebat. Interea Morbona magnas dabat inducias , nisi quòd circa Caniculæ occasum variolæ & morbilli (qui posteriores per reliquam subsequentem anni partem in aliquibus paucioribus sparsim efflorescere pergebant) denuò puerilem ætatem majori numero , admodum tamen benignè invaderent , ut major ægrotorum pars levioribus remediis , sine Medici opera convalesceret.

Et quamvis , à lymphæ , ob turbatam insensibilem transpirationem , viscidioris coacervatione , & hinc in varias stagnationes pronitate , atque ex admixtis heterogeneis particulis aliis depravatione , quatuor postremis mensibus , vagi articulorum dolores , primâ in aliquibus invasione coxæ tantum infesti ; Mense Septembri insuper , post frigidos siccosque

cosque Zephyri impetus, diarrhœæ & dysenteriæ; Octobri, tolerabiliorē aëris temperiem usque ad Decembris finem, qui frigore intenso nivibusque stipato comparuit, educēte, præter febres petechiales, immaturæ æquē ac provectiori virginum ætati, nescio quo fato, imprimis infestas, catarrhi, qui tussis molestiam excitabant, aut etiam in apoplexiam fortem, leviorēve definebant, observarentur; quin & adultus Autumnus indolentes genarum tumores Oedematofos, tussē humidam, asthma, in

quibusdam febre intensâ comitatum, & catarrhos suffocativos produceret, non adeò multi tamen hisce epidemicè, morbisvè aliis sporadicè ægrotare deprehendebantur, tamque otiosa alcyonia nobis notabantur, ut non leves ad nauseam usque, aliquorum, quibus ex morbofo aliorum infortunio lucrum capere volupe est, querelæ subinde exaudirentur, cū interea, quæ lymphæ stagnanti debitam fluiditatem conciliare, abundantemque ex corpore eliminare volebant, medicamenta salutarem operam navarent.

Constitutio Epidemica Berolinensis An. 1696.

Dn. D. Gustavi Casimiri Gahrlied missa d. 25. Februarii

An. 1697. Berolino Augustam Vindelicorum.

A Nni 1695. mensis ultimus vario variatus Æthere, temperatū rigido miscuerat gelu. Hoc ipso tenore, in gelu tamen adhuc quā calorem magis propenso, Januarius sequentis Millefimi, Sexcentesimi nongefimi sexti anni initium, stylum Gregorianum si sequareis, ad 10. ejusdem usque perseveravit, à 1. 10. st. Juliano ad ultimum ejusdem seu 22. 31. aëri udo, pluviis ac nivibus quandoque intermixtis, paucis tantum sparsim intercalatis diebus gelidis, ac paucioribus adhuc serenis, remisso ferè penè penitus frigore delens, hyemis, aliàs ordinariæ hoc mense, loco veris primordia substituens, integrum sui dimensum absolvit.

Succedit hinc Veris quasi prænuncius Februarius, quem, si paucas no-

ctes exceperis, aliquatenus gelidas, nonnullosque dies nubilos ac pluviosos, serenitate atque amœnitate, prolectis etiam in hortis, meo quoque, floribus, Colchico, Croco vernali, & similibus præcocibus, cum vere certantem, Majum potius, quā Februarium dixisses.

Quem Martius excepit frigus, noctibus præsertim gelu rigentibus, ac diurnis nivibus, pluviis, & grandine quandoque, cum solis splendore sed rariori alternantibus, florum ulteriorem proventum intercipientibus ad 17.27. usque qui cum sequentibus verno sudo ac tepore gratus hunc primum anni quadrantem terminavit.

Venti uti in hoc, sic in sequentibus fuerunt pro Ætheris varietate varii, nec ullo ordine enumerandi.

Januarii morbi fuerunt præcipui, Febres ardentes ac malignæ diversis symptomatis stipatæ, ac malignitatem, nunc hujus, nunc alterius generis exanthematis prodentes, præsertim variolis, epidernicè grassantibus, partim malignis, & confluentibus, partim benignis, quæ à subsequen- tibus postea morbillis exceptæ non nunquam & petechiis mixtæ.

Februarii febres variæ, catarrhales, ardentes, malignæ etiam, petechiis & morbillis suspectæ, ut & pleuritides non nullæ fuerunt.

Martio mense rariores fuere febres, molestæ tamen ac quædam malignitatis non expertes: præterea & intermittentes non nullæ, tertianæ potissimum, raræ quartanæ. Ophthalmiæ denique & oculorum inflammationes, tam hoc, quàm præcedentibus & sequentibus mensibus frequentes, contumaces valdè, ac quædam etiam periculosæ. Defluxiones ut plurimum à capite ad partes subiacentes, pro causa agnoscentes.

Febrium illarum epidemiarum occasionem præter ætheris & aëris perpetuâ varietate turbati, varia contenta cum aëre hæstia, ac in corporibus continuâ illâ aëris mutatione, accedente diætæ non nunquam inordinatæ vitiis, sic vel aliter prædispositis, humores fermentando moventia, & in orgasmum illum præternaturalem cientia, sicque nunc hâc nunc aliâ ratione exagitantia, atque ad separationem & expulsionem particularum noxiarum ipsis communicatarum, sed iisdem infestarum stimulantia. Qualia autem sint illa miasmata, cujus naturæ, substantiæ, materiæ, formæ, quarumve

Tom. II.

qualitatum & accidentium, aut, ut cum modernis loquar, cujus configurationis, texturæ, motus, activitatis &c. determinare meam transcendit, ut ipsum *Æther*, ingenii mediocris, & ob ætatem quodammodo jam torpentis, sphaeram, hujusmodi subtilitatibus neutiquam quadrantem.

Aprilis à primo die styli Gregoriani aut 22. Martii Juliani, paucissimis sparsim intercedentibus diebus pluviis uti 31. 10. Martii hujus circa vesperam, ac quibusdam ventosis uti 5. 15. 8. 18. 9. 19. 10. 20. 13. 23. & sequenti ad meridiem usque, omnes ferè à frigore nocturno, diurno verò tepore remittentes, ad æstivum calorem paulatim & serenitatem transeuntes, æstatem penè loco veris induxit.

Quo prope tenore Majus etiam, variato licet non nihil & aucto dierum ab æstiva amœnitate deflectentium, frigidorum, turbidorum, & pluviosorum numero & ordine, processit ac transiit.

Junius magis fuit Majo & quotidie ferè, serenitate tamen nonnunquam sed transitoria intercedente, pluviosus & quandoque nimbosus.

Morbi mense Aprili parci fuerunt, paucisque funesti, præter enim continuantes adhuc oculorum inflammationes illas contumaces, sparsasque hinc inde febres, tam intermittentes, & inter eas & quartanas simplices & duplices, sed raras, quàm continuas, imo & quasdam malignas erysipelatodes, pleuriticas, & morbillosas, vix alii occurrerunt hoc mense morbi.

Majus paulò copiosiores morbos tulit,

M

tulit,

tulit, sed Epidemium nullum, nisi prædictas sæpius ophthalmias & inflammationes oculorum, febresque quas cum Aprili ferè communes ac convenientes habuit.

Junio Mense, pauciores adhuc, scorbutum, præcedentibus quoque mensibus non rarum, & veneream luem, fororios illos, illam malignitatis pravæ, hunc pravitatis spurcæ, sed sub illius larvâ sæpius latentis, fligmate notatos, nimis hic, proh! omni tempore frequentes, si demeris, fuerunt.

Cum pauci hi, qui hoc trimestri fuerunt morbi, cum prioris trimestris morbis genio & moribus ferè convenerint, causæ quoque eadem aut parum diversæ procul dubio eos produxerunt, insolitus præsertim his locis hoc anni tempore calor æstivus ferè; Quod verò rariores fuerint, aëris æquabilitas & perpetua fere calori moderato juncta temperies, serenitas & amoenitas. Talis enim cum fuisset Aprilis, nec Majus ab eâ admodum deflecteret, paulò quidem plures, sed ejusdem ferè farinæ morbos aluit: Prædictos si exceperis, qui omnium hîc temporum dici merentur, sicque ex parte endemii. Qui etiam Junio mense magis, ob aëris majores turbas, frigusque cum cœlo pluvioso quandoque recrudescent, illis affectibus præcipuè infestum malitiæ suæ & infamiæ notas exseruerunt, ac Medicis proinde plus atque Chirurgis negotii facefferunt.

Julii initium turbido primâ die cœlo, tonitru secunda superaddidit. Succedente æstivo unius alteriusve diei æstu, pluvias tandem sudo ac

tranquillo temperatoque aëri nonnunquam intersparsit ad Caniculæ usque ortum, qui aliam aëri faciem frigidam procellosam ac nimbosam induit, sudo tamen sequentibus diebus interpolatam, ac æstu gratis subinde Etesiiis, ac pluviolis suavibus temperato emendatam.

Augustus Julio, vario tamen non nihil mutationum tam aëris quam æstus ordine, amoenitate ac temperamento respondit.

September 22. Aug. st. v. Imo die mox procelloso & nimbofo ab æstivo aliquatenus calore, simulque amoenitate præcedentium mensium gratia recessit, atque frequentiores aëris turbas, ventos, pluvias, temperamento præcedentium addidit.

Morbi mense Julio, præteriti Junii morbos tam paucitate quam motibus æquarunt, propter affinitatem forte temperiei aëris. Nisi quod Catarrhi ac tusses ob repentinam cum Caniculâ ingruentem caloris æstivi præcedentis in frigus, pluvias & nimbos mutationem, ac effectus alii scorbutici paulò frequentiores hoc mense, quam præcedenti fuerint, pleuritides quoque non nullæ, & anginæ satis frequentes, à defluxionibus scorbuticis ortæ, valdè contumaces ac periculosæ, eo præsertim symptomate, quod ut plurimum in tumorem grandem ac apostema tandem juncturam ac processus maxillæ inferioris occupans, idque cum cruciatibus insignibus, donec nimirum maturuerit ac internè spontè crepuerit, maxillam immobilem reddens, sicque oris apertionem ac cibi assumptionem plures dies præcluderent, fame ferè pereundum fuerit affectis, desierint.

Quod

Quod tamen incommodum & periculum non nulli imposito maturè emplastro resolvente & discutiente, sicque discusso tumore evaserunt.

Causam hujus symptomatis sanè peculiaris, si quis præter communem omnium phlegmonum ac tumorum, affluxum nimirum & stagnationem incrassati aëre prædicto, frigidò ac uvidò sanguinis, desideraverit, ac cur juncturam illam potius quàm illam faciei aut colli partem affecerit? quæsierit & flagitarit è principiis mechanicis eruendam juxta hodiernam Medicinæ theoriam, hunc ad perspicaciores me, nondum in his apicibus satis exercitato, & veterum adhuc placitis quadantenus inhærente remittere cogor.

Augustus, ut & ex parte September sequens, quasdam adhuc affectus fervavit reliquias, in cæteris quoque Julio mensi morborum varietate ac febrium præter catarrhales non nullas, raritate conformis.

September prædictis febres quasdam, etiam ardentes, asthmata, anginas, rariores tamen, inflammationes oculorum, aliaque similia symptomata superaddidit, aëris procul dubio ab æstivo fervore in autumnale frigus & udum ætheris temperamentum jam degenerantis, soboles.

Octobris primum biduum Septembris æquavit exordium frigore, aëre turbido, ac pluviis. Alterum biduum sudo ac temperatè calido Æthere acceptum, sequens triduum pluviis, vento frigido, ac aëre turbido incommodum, quatrduo tandem amœniori rursus pensatum. Cæteri ad 10. 20. usque, vario cœlo, si frigus autumnale, moderatum tamen

exceperis, temperati, pruinâ nocturnâ sequentis gelu nocturni, prænuntiâ, hyemem præcocem minatâ, dubiam reliquis diebus serenitate satis stabili ventis rariùs pluviisque interpellatâ, cœli faciem, ac frigoris intensioris aliqualem tandem metum fecerunt.

November à primo, excepto solum 27. 7. Octobris, qui totus undosus, ad 5. 15. usque serenitate ac amœnitate aëris, Verni ferè commendabilis, frigore postea auctiori & intercalatis diebus nubilis, ventosis atque pluviosis paulò inamœnior, temperatus tamen adhuc, hyemis exordium satis tolerabile, ad ipsum usque sui finem effecit.

A Decembri non minus, quâ initium tolerabili, exceptus, ad 30. 10. Novembris usque serenum ac gelidum. Qui mutatâ facie nivem primam pluviis non nullis intermixtam, sequenti mane tulit, cui gelu postea, ad ipsum usque sui ipsius & anni finem, remissius quidem non nunquam, ac nivibus paucis interpolatum continuans successit.

Morbos October præter prædictam in guttur & Maxillæ juncturas febris catarrhali junctam, defluxionem, nondum planè defævientem, Arthritidem vagam scorbuticam, Nephritim, Hypochondriacos quosdam affectus & scorbuticos aluit. Præterea diarrhoeas non nullas, parcas tamen, choleram: Dysenteria verò, utut proventus hoc anno fructuum arboreorum satis fuerit, gulâ adhuc non otiantè, oppidò raræ, id quod admiratione non indignum.

November Pleuritides frequentiores, ut & affectus non nullos hystericos

ricos, colicos, scorbuticos, oculorum inflammationes, catarrhos, tusses, & id genus alios, autumnno frigido & pluvioso, nimbofo & aliàs variato Ætheri debitos; Febres præterea catarrhales, continuas initio, mox accessionibus & paroxysmis interpellatas, in arduas quoque quandoque easque malignas degenerantes induxit.

Decembris præter enumeratos Hæmoptoën quandoque, etiam non præfente aut præcedente pleuritide, Rheumatismos, aliasque defluxiones varias, scorbutis non nunquam mixtas prodidit.

Causas horum morborum, & symptomatum eos stipantium, præter

diætæ vitia, & obnoxiam hinc fortè aut ob nativitatis stigma, corporum ad recipiendas varias tum ab aëre frigido & humido autumnali, frigido vero & sicco hyberno injurias, tum ab exorbitantibus animi pathematis molestias ac vicissitudines prædispositorum diathesin, indeque nascentes humorum alterationes, fermentationes, ebullitiones, alias assignare aut determinare vix aſim; Quod si verò quis certa quædam, sed vix præcognita aut dignoscenda, nedum definienda Ætheris miasmata, occultis, sed nunc in exilium actis, qualitatibus valde affinia, accusare velit, huic haud difficulter astipulabor.

Cæsareo-Leopoldinæ Naturæ Curiosorum Academiæ Præsidi, Per Illustri ac Generoso Domino Dn. LUCÆ SCHROCKIO, Sac. Cæsareæ Majestatis Archiatro, ejusque Personæ Imperialis Medico, S. R. I. Nobili, Aulæ Cæsareæ, Palatii Lateranensis, & Consistorii Imperialis Comiti, Academiæ Patavinæ Recuperatorum Collegæ, ac Reip. Augustanæ physico ordinario, Patrono ac Fautori Magno,

Salutem Officiosam

Conradus Bertholdus BEHRENS.

CUM nullas unquam ab Illustri Generositate Tua literas accipiam, in quibus non subinde, continuationem historiæ Epidemicæ semel coeptæ, hortaris: Tum imprimis singulare illud Societatem nostram exornandi, ac medicam rem promovendi studium, ex proximis luculenter apparet. Ego verò, quamvis hætenus urgentibus viris magnis, & quorum jussa capeſſere fas est, Genea-

logicis edendis occupatus sim, non tamen parerga hæc, tanto apud me loco sunt, ut res, quibus totum me dedicavi, artis scilicet nostræ, sive apud ægros faciendæ, sive scriptis illustrandæ iis postponam; Ac propterea multo citius Generosa Tua magnificentia me officio meo defunctum vidisset, modò materia historiæ Epidemicæ consignandæ apta se obtulisset.

2. Post solstitium enim vernum anni elapsi, & luctuosissimam patriæ nostræ variolarum luem, vix cum media æstate defervescentem, quin adhuc sporadicè grassantem, parum dein ea æstate circa morbos accidit, quod quidem Epidemici nomen mereri, aut scriptioni ansam suppeditare posset; Neque enim quod unus atque alter inordinatæ diætæ usus, animique affectibus abreptus, tertiana seu duplici, seu simplici, colico dolore, vel si sexum attendas hysterico corripiatur, hic sanguinem sputat, istum calculus torqueat, hypochondriaci aëre nubilo, & circa solstitia magis angantur, alius alio modo laboret, Epidemium statim est; si quidem nec adeo multi eodem tempore, & ex causa communi uno dictorum morborum affligebantur. Pleuritides quidem nothæ, & peripneumonix pituitosæ uti apud nos omnium temporum morbi sunt, ita & subinde iis quidam tam adultæ, quàm minoris ætatis decumbunt, verum nec illæ singulari aliquo symptomate, ceu vulgo in constitutionibus Epidemiis fieri solet, stipatæ erant, nec causæ aliqujus universalitas accusari poterat, inter sporadicos affectus tum potius numerandæ.

3. Illud verò forte huc referri posset, quod mulieribus, quales ego intra duorum circiter mensium spatium non paucas novi, circa æstatis declinationem frequentes effluxus essent; cum mensibus per duos trefve circuitus subsistentibus, & nausea quadam comitante, ut & aliquali ventris intumescencia superveniente, gravidas se arbitrarentur, postea verò obortis derepenè dorso lumbo-

rumque doloribus, parturientium haud absimilibus, cum maximâ anxietate, hystericaque syncope, grumi sanguinis enormes, massula informis, substantiam modò vesicalem, modò pinguedinem membranofam referens, in medio tamen cava, humoremque mephitin olentem continens, excideret, ac sanguis primò foetidus, grumosus, dein verò floridus in magna copia excerneretur, & ægræ, veluti puerperæ, per aliquot septimanas lecto affixæ decumberent, donec sensim restitutæ, pristinae sanitati redderentur. Forte autem quis dubitaret, an circa generationis & pariendi negotium epidemici quippiam accidere posset, egoque ipse primò anceps hæsi: Cum verò annum hujus seculi octuagesimum quintum gravidis valde noxium & perniciosum exstitisse, & haud absimiles abortus provenisse diversis in locis, Excellentissimi Viri *Hannæus* & *Müllerus*, in *Decuria secunda*, anno quarto & sexto *Miscellaneorum* nostrorum, notarint, expedita res est, nec video quo pacto & effluxus ejusmodi Epidemicè contingere posse quispiam negare posset; Ab aëre verò sanguineam massam concitante eisdem dependisse non arbitror, namque eo modo & alios ejusmodi fermentativos effectus, diarrhœas scilicet contagiosas & dysenterias habuissimus, de quibus tamen illo autumno vix quippiam apud nos auditum, siquidem unum atque alterum junioris ætatis viridia dejicientem, aut colicas quasdam adultorum excretiones exceperis. Nec malum cibum potumque, quamvis alias ad constitutiones morborum

epidemias suum symbolum conferant, hic quippiam attulisse opiner, alterius enim sexus tantum labes erat, & personarum in statu certo constitutarum. Arbitror verò ejusmodi mulieres, individuali, si ita loqui liceat, sua corporis massæque sanguineæ constitutione ad effectus hujusmodi concurrisse. Cum enim pleuræque illarum circa tempus vernum febriles insultus perpessæ fuissent, ac ab eo tempore ventriculi imbecillitate laborarent, hinc massa sanguinea nondum debite restaurata, nec spiritus animales vigorosos suppeditante, ovula quoque muliebria debite constituta esse non potuerunt, ut ea propter, quamvis à semine virili fecundata, & ad uterum promota, tamen contentorum staminumque expansionem pro corpusculo foetus sensim effigurando, adipisci non potuerint, sed in informes massulas excreverint, ac mora putredinem contrahentia partes uterinas ad excretionem ejusmodi & effluxus stimularint, conferente symbolum suum sanguine matris ichoroso & acriori. Rem certè ita se habuisse, vel inde palam evadit, quod quædam eo malo affectarum in cachexias lethales delaberentur, aliis cum tempore ad statum naturalem devenientibus. Cum verò debilis ejusmodi constitutio à causa communi, febribus scilicet vernalibus dependerit, hinc quoque ratio epidemia effluxuum magis patescit. Uti enim rectè observat Illustris *Ramazzinus* in Dissertatione prima, Epidemii morbi non constitutionum præsentium, sed præcedentium producta sunt.

4. Et hæc quidem ante solstiti-

um hyemale; Illo verò ingruente, ac aëre magis boreali existente, juniores, qui circa æquinoctium vernale variolis laboraverant, maximè infestabant tusses acres & convulsivæ, peripneumonix, febresque forte eandem ob rationem, quod digestionem scilicet ab eo tempore imbecilliori existente, sensim sensimque exhalantibus scilicet per æstatem partibus tenuioribus, multa viscida ac acris pituita in præcordiis se accumularit, & superveniente aëre boreali, acorem contraxerit, similique modo sanguinem infecerit, ut dein cuncta hæc quasi in peripneumonias & pleuritides nothas, aut quoque simplices diaphragmatis irritationes, quarum producta convulsivæ tusses sunt, collimarent. Atque uti in tussi nihil magis conducebat ac lenientia, acrimoniamque demulcentia, ita quoque plurimi, laxativorum imprimis beneficio, in integrum restituebantur, non pauci tamen convulsionibus supervenientibus, ante primum septendium suffocabantur.

5. In Adultis verò eo tempore præ cæteris quoque affligebant peripneumonix, pleuritides, phthises, arthritides vagæ. Peripneumonix, pleuritidesque, post solstitium hybernum in majori copia, pituitosæ magis, ac tunc quidem senibus maximè lethales. Incipiebant cum dolore ventriculi tensivo, dorsi quoque ac cordis angustis. In quibusdam pleuritide notha decumbentibus, & quibus alias hypochondrii sinistri dolores molesti erant, diarrhœa quædam serosa, ramentis interdum sanguineis comitata, cum levamine superveniebat.

6. Phthi-

6. Phthises quidem omnium annorum circa autumnum morbi sunt, tum tamen vitio magis præcordiorum existere videbantur, cum eorundem, hypochondriique imprimis sinistri dolores frequenter concurrerent, flatulentiæ vomitusque æruginosi, nec sputum cruentum esset, quod ipsum tamen, siquidem phthises hæ primario à pulmonum ulcere dependissent, continuo cruentum esse debuisset. Non autem novum, dari phthisicos toto morbi decursu nihil omnino cruoris ejicientes, notavitque post alios id anno nono Decuriæ primæ *Miscellaneorum nostrum Excellentiss. Dn. D. Scharfius*, in juvene phthisi ex sputo sensim post nimium opiatorum usum suppresso, exemplo licet huc non admodum quadrante, illud tamen, quod volo, abundè probante. *Zacutus Lusitanus* ejusmodi phthises incruentas Asthmaticas vocat, quæ ipsa tamen denotatio apud ægros nostros locum non invenit, non enim memini quosdam ex iis Asthmate simul laborasse, nec in iis qui forte obierunt, Vomitas simul adfuisse suspicor. Phthises enim nostræ pleræque vel ex catarrhis existebant, vel ab humoribus in præcordiis corrosivam ferè aciditatem contrahentibus, similique qualitate serum sanguinis, sputi materiam imbuentibus, dependebant. Hinc etiam in non uno sputa æruginosa notabantur, in aliis etiam biliosa; Non tamen adeò semper lethales erant, quin aliquot ab omnibus pro deploratis habitos, solo lactis caprilli potu, utpote optimo & nunquam satis laudato, corrosivam ejusmodi succorum sanguinisque acrimoniam cor-

rigente, partim restitui, partim adhuc Servo, cum reliqua auxilia accuri opposita, modò ignea suâ volatilitate febrem comitem augerent, modò salinis spiculis tussim magis irritarent, decocta autem pectoralia tonum ventriculi admodum laxarent, & ægris appetitum omnem auferrent. Lac verò ipsum, methodicè tamen usurpatum, notante id simul *Illustri Wepfero*, Medico quondam nulli secundo, in Epistola ad Verzascham, hypochondria emendet, feбри lentæ resistat, habitum firmiorem, colorem nitidiorem, viresque robustiores conciliet, quin novos planè homines efformet, methodicè dico usurpatum; namque in biliosis complexionibus, aut ructibus jam existentibus acidis assumptum, per Vomitus instar materiæ caseosæ rejectum vidi, quique in prandio pisces, aut alios cibos inconvenientes subjungebant, iis febris de nocte augebatur.

7. In febribus tertianis quartanisque, quæ tamen admodum paucæ, magis ac aliàs insignis dorsi dolor notabatur, & vomitus in paroxysmis molesti erant. Quartanæ tamen non admodum rebelles existebant; & aliquot vulgatissima methodo, & remediis fere domesticis absque corticis Peruviani usu fugavi.

8. Arthritides autem vagæ præludia erant scorbuti cum novo anno secuturi. Dolores modo totum corpus corripiebant, de membro in membrum, aura citius, desilientes, in quibusdam etiam tubercula subito erumpebant, mox iterum evanescencia, cum subsequente leviori paralyfi. Inter consueta contra hunc morbum remedia mixturam simplicem fa-

tis laudare nequeo; quæ uti aliàs divinum remedium in plurimis morbis existit, ita & hîc debita cum circumspeditione usurpata, nunquam me quod sciam refellit.

9. Cum novo verò anno aër, rarissimo valde, nec senibus observato exemplo, planè æstivus, tepidus ac humidus, ultra duos menses constanter perstitit, ita ut ne pruina quidem noctu terras obtegeret, & ranæ coaxare inciperent. Sub ipsum æquinoctii tempus nix iterum & hyems per aliquot septimanas valde aspera, unde & morbum majori numero ingruebant, ceu fieri consuevit temporibus anni debitam suam constitutionem non servantibus. Ex iis verò erant Apoplexiæ, defluxiones, Febres varii generis, cachexiæ, scorbutus.

10. Apoplexiæ, non senibus tantum, quorum aliàs morbus est, sed & iis, qui vegetæ adhuc ætatis, contingebant; Ægri subito animo linqvi videbantur, quibusdam per somnum obveniebat malum. Non tamen adeo lethales erant, sed lymphæ nervosarum partium obstructionem extravasatione sua causante, seu ope sudoriferorum volatiliū, seu quoque propter febriū interdum unā supervenientem resoluta, inque motum iterum comitata, circa diem octavum plerumque terminabantur, absque remanente paralyfi. Quibusdam rubedo in parte quāpiam externa, altero ab insultu die superveniebat, quæ tamen topicis resolventibus facile cedebat. Nec tamen omnes qui subito ita interibant apoplexiā propriè dictā extinctos opiner. Quidam non infimæ for is vix trigesimum ætatis annum excedens, & ex frequen-

tiori erysipelate sinistrum pedem tumidiorem gerens, per octiduum de gravitate cordis ac oppressione ejusdem, ut & punctione in latere dextro querebatur, cui ut levamen daret, venam in brachio aperit, sanguine nimis largiter educto. Altero vesperi inter choreas subito animo defecit, stertit & dicto citius exstinguitur, cadaver mane apertum, & quantum in tumultuario isto casu licuit, pervestigatum, viscera partefque omnes, præterquam pulmones sanas retulit. Ex his enim lobus dexter undique annatus, & parenchyma ejusdem per transversum dissectum, abscessibus sinuosis obfessum se præbuit, haud absimilem in modum, quem notarunt in Miscellaneis nostris Excellentissimi Viri, & quidem Decade prima, Anno secundo *Dn. Wincclerus*, Decade secunda, Anno octavo, *Dn. Dolæus* & Anno decimo, *Dn. Hartmannus*. Præterea attactu diffinuebat pulmo, nigriorque erat, ut adeo sanguis per choreas ejusmodi concitator redditus, per illum pulmonis lobum, juxta proportionem motus acquisitam, moveri non potuerit, atque hinc in dextro cordis ventriculo, in quo magna ejus grumescens copia existeret, sufflaminatus fuerit, illeque quasi syncope correptus, momento citius expirârit. Nulla interim in cute livoris macula, aut sanguinis ex naribus, ore vel auribus eruptio, eoque modo plerosque extinctos arbitror, qui circa æquinoctium illud passim subitanea morte obibant; Vix octiduo post, alius subito inter eundem in platea expirabat, vesperi; sexagenarius fere, & colicis doloribus obnoxius,

xius. Animo sensim defecisse, & se deficientem de momento in momentum percepisse supervenientes notarunt. Post mortem pars illa sinistri lateris, à collo ad costarum notharum extremitatem livida deprehensa, quod etiam sanguinis in corde & vicina regione grumescentiam arguit.

11. Febres varii generis erant sine dubio juxta temperamentorum, constitutionumque in individuis varietates ita discrepantes. Aliquibus ephemerae, sed adhuc semel post unum alterumve diem repetentes. Quaedam primis diebus intermittentes erant, & remittere videbantur, dein verò evadebant continuæ. Vere verò intermittentes, quò magis vernum tempus appropinquabat, eo minori numero. Quæ verò primo statim insultu continuæ apparebant, in iis modò calor, modò frigus, de cætero acutæ valde, cum dolore nuchæ invadentes, & levi delirio primis statim diebus, circa diem nonum pleræque seu ad salutem, seu ad mortem terminabantur. In quibusdam petechiæ apparebant, quas à malignitate scorbutica haut erroneè quispiam deduxerit. Aliis vermes in principio, præcedentibus magnis cordis angustiiis, & comitante delirio proveniebant, quorum tamen aliquot, quamvis ætate provectos, servatos meminimus, cum aliàs in malignis pro pessimo signo vermium in principio excretio habeatur. Quorum verò sanguis per venam sectam eductus in superficie instar pultis albæ concresecbat, iis quamvis in principio nulla pleuritica, aliave pectoris affecti symptomata adessent, tamen circa

septimum calore remittente tussis, & phlegmatum expectoratio superveniebat. Malignitas verò major, quo magis ad æquinoctium accedebant. Quibusdam in locis adeo acutæ & contagiosæ, ut ægros altero die obivisse, superveniente pustula magna & nigra in femoribus altero fama referret. Alia in loco junioribus bubonum in inguinibus tumor superveniebat. Quidam circa diem octavum melius habentes, & sanorum similimi, imprimis quibus urina post quartum diem apparebat citrina, circa duodecimum malignè relabebantur, maximo cum delirio, & generis nervosi symptomatibus, in quibus desperata res erat. Video hoc ipsum ab Excellentissimo *Ridlingo*, Anno primo Linearum medicarum, vocari Febrium malignarum inducias, nec ineleganter, nostri tamen ægri in medicamentorum usu continuabant, & nihilo minus cum foetore redibat malignitas. Alii, qui videbantur restituti, levi circa res non naturales commisso errore recidebant. Certà verò methodò omnes ii, qui continuo ægrotabant, tractari non poterant, citius verò evadebant, qui temperato tam medicamentorum, quam aliarum rerum regimine tractabantur, imprimis verò acidorum medicamentorum usui, si quidem pectoris constitutio eadem concedat, facile cedebant.

12. Defluxiones, neque enim vox adeo absurda semper, ut non interdum retineri queat, cum catarrhorum in externis partibus descensus omnino accidat, & evidenti exemplo à Generosa T. Magnif. anno tertio, decuriæ secundæ Miscellaneorum no-

strorum probatus, & à me quoque circa initium Februarii, in quodam Societatis Jesu Professore observatus, cui post acerbum scapulæ sinistræ dolorem juxta tractum spinæ dorsi humor sensibilibiter deorsum ruebat, ad os sacrum usque, ubi per aliquot dies subsistit. Exin tam diaphoreticis internis quàm topicis resolutus quasi, seu potius mobilis factus, per femur istius lateris & pedem ad plantam usque descendit, de nocte magis affligens, donec tandem remediis convenientibus planè discuteretur. De fluxiones inquam, magno numero circa id tempus occurrebant, ad oculos, aures, maxillas, uvulam, cum ejusdem & faucium erosione interdum, ad pectus, scapulas, & quorsum non. Interdum subitò, ut ita loquar recedebant, calore aliquo febrili & lassitudine per octiduum subsequente, in quibusdam verò membrorum contractura, aliisque latentis scorbuti symptomatibus. Imprimis quoque frequens humorum ferroforum ad sinistrum scrotum decubitus, præcedente quadam quasi horripilatione, sinistri hypochondrii dolore, & in inguine tensione. Ad hydroceles verò pertinebant, hydragogisque internis, & topicis his in casibus consuetis curabantur.

13. Cachexiæ pedumque tumores imprimis circa æquinocetium venum notabantur, præsertim in iis, qui Asthmati & catarrhis obnoxii erant: In plerisque cum diminuta urinæ excretionem, eaque modò viscidum & album, modò rubrum sedimentum referente. Etiam in puerperis quibusdam observatum hoc malum, quibus aliàs nihilo minus lochia rite flue-

bant. Causa verò imminutæ hujus excretionis, cum nulla circa vesicæ regionem gravitas deprehenderetur, hinc in massa potius sero-sanguinea nimis viscosa, tenaciori quærenda, cui etiam curatio consentit: namque ægri à nullis remediis melius habebant, quàm ab attenuantibus incidentibusque, salibus scilicet diureticis fixis cum volatilibus combinatis.

14. Restat scorbutus qui ipse quamvis Endemium apud nos malum sit, non memini tamen intra aliquot annorum spatium, adeo frequentem extitisse, ac post solstitium hyemale. Non quidem me fugit, prudentes medicos interdum ejusmodi affectus, quorum genuinas appellationes ac causas ægri aut horrent, aut propter terminorum artis subtilitatem capere nequeunt, scorbuti nomine efferre, nec minus & illud commune dictæ me latet, scorbutum esse asylum ignorantie medicæ, plurimosque affectus, quorum nomine eum inculamus, vel morborum fientium nullumque adhuc certum typum adeptorum effecta esse, vel etiam infelices reliquias existere morbi alicujus nondum penitus destructi, à quibus sanguis & cæteri humores contaminentur, ceu utrumque rectè animadvertit *Sydenhamius*. Cum tamen superioris ævi medicis placuerit ejusmodi dyscrasie massæ sero-sanguineæ, in qua partes nitro-sulphureæ cum quadam viscositate, præ cæteris magis exaltatæ, & spiritus vitales (utor termino communi) simul depressi existant, scorbuti nomen imponere, & verba usu valeant, ceu nummi, hinc quoque præ-

præsente ejusmodi sanguinis statu, ac symptomatibus ab eodem dependentibus, voce hac uti nolle, nescio quæ animi singularis opinio existeret. Et certè non apud adultos solum, sed & qui junioris adhuc ætatis erant, & in infantia constituti, frequentia ejus generis symptomata notabantur. Morbillorum enim radices haud incommode quis in diathesi scorbutica quæssiverit, in aliis lassitudines, hæmorrhagiæ, qualem insignem in puella octo annorum deprehendi, quam suppressam maculæ magnæ sanguineæ in pectore & pedibus sequebantur, cum vermium excretionem. Supervenit dein brachiorum pedumque contractura, & horum circa vesperam intumescuntia; In Adultis verò, non modò morbis supra enumeratis comitem se adjungebat scorbutus, sed & insuper aliis symptomatibus molestus erat. Hinc frequentes de lassitudine cum appetitu prostrato, sudoribus nimis, ptyalismo, doloribus membrorum nocturnis, immobilitate & contracturis querelæ, alii tuberculis infestabantur, maculisque, quidam verò tantum, quando in lecto incalescerent, gingivæ plurimis sanguinolentæ, & in iis qui alias per totam vitam nec quicquam de scorbuto perceperant, quique diætæ malum hoc causanti non assueti erant. Aliis phlogoses erysipelatosæ in facie partibusque externis, quibus cessantibus punctiones in præcordiis cum febre erratica superveniebant, phthisim minantes, nisi præventum fuisset. Singulare in vitriario quodam, alias arthritidi scorbuticæ obnoxio, linguæ symptoma initio hujus men-

sis deprehendi. Huic cum per aliquot dies ptyalismus præcessisset, subito palpitatio tremula apicis linguæ cum aphonía supervenit, sectione venæ raninæ sublata. Exemplo *Augustini Thonneri* symptoma hoc ad scorbutum refero, qui haut absimilem linguæ convulsionem, in quodam arthritide scorbutica laborante observavit. Ex sola certè lingua exoriata, pustulisque in eadem valde dolentibus latentis scorbuti indicia desumpsit Excellentiss. *Ridlinus*, *Linearum* medicarum Anno primo, medela opinionem comprobante. Ad scorbuticam quoque classem symptomata à spirituum defectu existentia referas, uti vertigines, oculorum caligines, lipothymias, melancholias, sive illis inordinatæ diætæ, animique alterationes prægressæ, sive in altero sexu menses suppressi & graviditas ansam darent. Denique nec illius obliviscendum arbitror, nullo anno majores de ventriculi imbecillitate querelas apud illos fuisse, quibus ex sui coetus instituto tempore quadragesimæ piscium esus incumbit, quam digestionis debilitatem, an ad spirituum propter diathesin scorbuticam defectum, & fermentum ventriculi proin non satis exaltatum rectè referam, penes alios judicium esto. In curatione verò symptomatum scorbuticorum illud imprimis magni momenti deprehendi, cujus etiam in aureis suis observationibus meminit Illustris *Pechlinus*, acidiusculos liquores, amaritudine balsamica delibutos palmam obtinere. Siquidem si quopiam in morbo, certè in scorbutico ebullitionis tempora, à reliquo ejus motu, massæ-

que fero - sanguineæ statu probè dignoscenda, & medicamenta juxta varianda.

15. Et hæc quidem de constitutione morborum apud nos à solstitio æstivo anni superioris communicare potui; Non quidem talia sunt, quæ ab aliis consignari non potuissent, sed quorum continuationem à me fieri posse Illustri T. Magnif. censuit, ego verò maximè vellem. Quod superest, neque enim ulterius progredi termini Epistolares patiuntur, Te, Magnifice Domine Præses, ut in præsidium ac incrementum artis societatisque nostræ, quin & totius Reip. literariæ in

multos annos quàm felicissimè supersitem Deus servet, ex animo voveo, & nemo non ex societate mecum, quo summas ingenii dotes, atque elegans imprimis maximeque subactum judicium practicum in lectissimis scholiis ulterius demirari liceat. Ipse ego profectò tota vita mihi gratulabor, quòd ILLUSTRIS SCHROECKIO PRÆSIDE, eam felicitatem nactus sim, quâ in SOCIETATEM LEOPOLDINAM recepto, impofterum cum Exercitatissimis in arte viris conferendi occasio mihi suppeditetur. Scripsi Hildesii d. xxviii. Aprilis Anni MDCC LXXXVI.



Constitutio Epidemica Augustana Anni 1697.

Dn. D. LUCÆ SCHROECKII,

Academ. Cæsar. Leopold. Naturæ Curiosorum Præsidis.

Quam Morbona Anno elapso ad finem vergente quietem Medicis Augustanis concesserat, multam hoc quoque continuaverat, ita ut licet morbi aliqui epidemicè Urbem infestarent, rarò tamen multos invadere deprehenderentur. Morbilli imprimis & Variolæ, tum benigniores, tum confluentes, gravibusque symptomatibus stipatæ, puerilem æquè ac juvenilem ætatem invadebant, & cladem iisdem inferebant. Dn. G. mercatoris filiolus novem annorum, cum Variolas feliciter superasset,

paulo post mense April. in tres etiã sorores fratremque octo annos natum contagium derivaverat; inter quas sororcula triennis, ad medicamenta sumenda difficilis, atque pustulis non adeo multis licèt laboraret, ob crassæ lymphæ bronchia obviscantis abundantiam gravius respirans, nec non cephalalgia intensa, cum subsequo ex aure dextra purulenti humoris, pariori tamen effluxu tentata, accedentibus convulsionibus sensim defecit; in altera autem sorore, decimum ætatis annum agente, non admodum ægro-

ægrotare visa, variolæ quidem pluri-
rimæ, nec difficulter prodierunt, ulla
tamen arte, in iustas pustulas extolli
atque suppurari recusarunt, ut & ipsa
tertia hebdomade obierit; tertia ve-
rò soror sedecim annos nata, atque
confluentibus Variolis obsita, de in-
tenso totius corporis ardore, quem
& ipse rubens cutis color testaba-
tur, potissimum conquesta, feliciter
emerfit; cumque ipse frater, qui Va-
riolas discretas mediocri numero ef-
florescentes, nec symptomatum alio-
rum concursu graves licet pateretur,
decimo tamen à decubitu die, ma-
gnam narium hæmorrhagiam subiit,
quæ per quatrimum subinde recur-
rens, Variolarum tamen neque ad in-
teriora ingressum, neque mortem in-
duxit, sed temperationum emulsio-
num post usum cessavit, quam Va-
riolis jam exsiccatis, icterus plurium
dierum excepit, à quo jusculis, her-
bis recentibus bellidis &c. medicatis
sensim convaluit.

Pleuritides etiam veræ, & Peri-
pneumoniæ, in principio si negligeban-
tur, senibus imprimis funestæ; quin
& Catarrhi graviores faucibus mo-
lesti, ac ferè suffocativi, Tussesque
humidæ notabantur: in illustrissimo
quodam Barone fauces constringeban-
tur, ut suffocationis in periculo ver-
saretur, cui Elixir proprietatis Claud.
cum spiritu cornu cervini mixtum
præsentaneam opem præstitit, & re-
currentem aliquoties insultum potiun-
cula laxativa, subductis serosis viscosi-
tatibus, penitus abegit. In aliis decocta
herbæ veronicæ, radicis liquiritiæ, se-
minis anisi &c. aliaque serum stagnans
dissolvendi vi pollentia, & quæ illius

abundantiam blandè eliminabant, la-
xativa se commendarunt. Non nullis
facta serosæ materiæ in ventrem infe-
riorem metastasi, cum subsequa diar-
rhœa, aut febre tertiana, morbus fuit
solutus; quidam virili in ætate con-
stitutus, cum faciei intumescuntiam,
intenso calori, cephalalgia & virium
debilitati junctam incidisset, paulo
post, à propinata bis sudorifera po-
tione, cessante tumore atque dolore,
serum peccans inde per anteriorem
corporis partem defluere, scrotum-
que in molem insignem extendere
sensit, eodem tamen tumore, post
propinatum binis solum vicibus dia-
scordium Fracastorii, alvumve sic-
ciorem per folia sennæ prunorum Da-
mascenorum decocto infusa referatam,
à cataplasmate ex resolventibus & dis-
cutientibus pulveribus cum lacte coctis
parato, facile iterum evanescente.

Ut porrò Arthritides vagas, Is-
chiadicos dolores in Anni præceden-
tis exitu memoratos, & huc usque ur-
bem infestantes taceam, Febres etiam
ardentes in pustulosas sæpe & macu-
losas efflorescentias, non absque ma-
lignitatis aut contagii nota, & cum
dorsi præcipuè ac capitis magno dō-
lore in principio conjunctas, abeun-
tes; præcipuè autem, præter errati-
cas, quotidianæ ac tertianæ notaban-
tur; quæ cum primum invaderent,
continuarum in aliquibus metum,
vehementi suo calore, cephalalgia,
deliriis ac virium debilitate, incus-
serant, brevi autem tempore, à pro-
pinato, varia sub forma, chinchinæ
cortice, & sine quo difficilis ac ferè
frustranea reddebatur cura interpo-
sito quandoque blandiorum evacuan-

tium usu, absque recidivæ metu, nî gravis in diætâ error committeretur, recesserant; prout nec continuæ febres, bezoardicis & diaphoreticis continuatis haut immorigeræ, perfectam sanitatem semper admittebant, nisi superstitem vitiosæ lymphæ abundantiam, ventriculo inprimis atque intestinis molestant, in fine morbi Lenitivis commodè educere studuissent. Nobil. Matrona, floridæ ætatis, sanguineæque constitutionis, in fine secundi mensis gravis, post cibos concoctu difficiliores ingestos, in tertianam incidit, cum permolesto tensivo dolore, à quo, post biduanum specifici stomachici Poteriani usum, pulveris Peruviani scrupulum unum in tantillo vini Neccarini rubri subadstringentis, mane & vespere per duos dies sumpsisset, libera quidem evasit, insignem verò uteri hæmorrhagiam, cum abortus periculo incurrit, quæ tamen à coralliorum rubrorum pulvere tum solitario, tum lapidi hæmatiti ac terræ sigillatæ commixto, successivè exhibito, imperata simul quiete, sensim cessavit, alvo interea sicciori & flatibus gravata, cibis lubricantibus minimè, foliolis autem sennæ parva quantitate decocto prunorum Damasc. infusis, obsecundante, partu verò filiolum iusto tempore sanum & vegetum excludente.

Pluribus Ophthalmiæ, & genarum non tantum oedematofos tumores, modo indolentes, modo odontalgia, in ulcuscula buccarum interna aliquibus terminatæ, juncti, molestiam magis quàm periculum creaverunt, sed Parotides etiam glandulas, modò in

uno, modo utroque latere, cum præcedanea febrili effervescentia, in pueris quandoque ad delirium usque spiritus magis mobiles exagitante, lymphæ lentescens stagnatio, M. Maio occupaverat; nec catarrhosæ capitis & pectoris gravedines M. Junio omnino aberant. Ophthalmiæ ardorem nihil felicius quàm vini spiritus lin-teolo exceptus & impositus compescebat. Parotides autem, juxta cum diaphoreticorum usu, emplastrum malacticum August. simplex discutiebat.

Infirmis hisce, quæ à feri stagnationibus ac coacervationibus, nec non ob sufflaminatam insensibilem transpirationem, variarum impuriorum particularum iniquationibus commodè derivari amant, producendis frigidi aëris inclementia, & postea inæqualitas plurimum contulisse videbatur; cum enim primus Anni mensis frigore, admodum quandoque intenso, crebrisque comitato nebulis, infestus esset, quas M. Februario frequentes nives, præter frigoris continuationem, vespertinis autem horis remissionem excipiebant, Martius & Aprilis principium inconstantia sua modò nebulas, pluvias, nives, modò serenitates, aëris teporem frigorisve produxerant; usque dum sol ad Tauri signum propius accedens, amœnioris Veris spem faceret, inque Maio calores æstivis ferè æquales primo excitaret, quos tempestates non infrequentes, nobis equidem per DEI gratiam clementiores, viciniæ autem nostræ, atque remotissimis etiam in locis, inprimis d. 21. st. n. grandine insolita [nobis equidem è longinquo saltem comparente] admodum damno-

nosæ sequebantur ; quam intemperiem succedens Zephyri vehementia d.27. nivem copiosam adduxerat , aëremque postea ad pruinas matutinas usque , in fine Maii , sub crebriori Euri flatu, ac cœli serenitate refrigeraverat ; cum cæteroquin temperatior aëris status & grata caloris variatio M. Junio nihil in consueti corporibus nostris inferret ; accedente præterea crebriori ventorum alternatione , qui modò ab orientali , modò occidentali imprimis plaga , Urbem huc usque perflaverant , terramque à pluviis licet multoties madefactam iterum exsiccaverant , quin & simul continuo isto aëris motu plurima morborum miasmata , discusserant.

Nec aliam Æstas faciem induerat. Sole autem Leonis signum percurrente , frigidiusculam frequenter auram, & crebriores pluvias, messis collectioni multum damnosas, Zephyrus adduxerat ; quæ ipsa temporis constitutio , præsertim horæorum fructuum abundantia cum daretur , Diarrhœas non paucas, minus tamen periculosas aut refractarias pariebat ; usque dum Sol Virginem tenebat , ubi meridionalis ventus nubila discutiens , serenius ; vespertina tamen & matutino frigore horridiusculum cœlum reddiderat. Cum Æquinoctio tamen autumnali crebriores Zephyri impetus plurimas denuo pluvias , frigore comitatas , adduxerant : quæ pluviosa , ventosa & frigida facies, usque ad Solis in Scorpionem adventum continuaverat ; ubi sub ulteriori varia ventorum alternatione , frigida aëris intemperies , quam Sole sagittarii signum ingressu, diuturnæ nebulæ & postea crebriores nives comitabantur ,

nec non circa hyemale Solstitium pluviae ac temperatior aura exceperant ; finem autem Anni frigidus ac nebulosus aër clauserat.

Interea Variolæ, quamvis malignitate carere visæ , atque Odontalgiae nunquam recesserant ; ante Æquinoctium autumnale Febres etiam quotidianæ & tertianæ , nec non Tussis humidæ æquè ac convulsivi quid habentes , contumaciore , in puerili præcipuè , sed adulta quoque ætate , nec non post Æquinoctium Rheumatismi ad brachia , atque senescente Autumno Febres petechiales notabantur ; quin & Ischiatica passio , cum præcedaneo vel comitante circa os sacrum dolore , haud infrequenter occurrebat ; quæ etiam extra Urbem infesta erat, quin multis in Sueviæ locis plurimos excruciare ferebatur.

Odontalgiae quidem majorem pene incolarum partem affligebant, ut ratæ in Civitate domus essent, in quibus malum hoc non inveniret hospitium ; à medicamentis verò serum ex corpore subducentibus , ac præterea spiritus ferocientes demulcentibus opiatibus , noctu parva dosi successivè exhibitis , certius , quàm aliis artificijs , expelli aptum : qui verò dentium ab evulsione lenimentum speraverant, pertinaciorē ut plurimum dolorem experti fuerunt.

Rheumatismos ad brachia , in quibus hæc rubedo nec tumor notabatur , capitis dolor, aut gravedo prægressa , à feri ex cerebro in nervos decurru , productos fuisse indicabat ; quorum difficilis erat cura ; quæ etiam reiterato laxantium ab usu profutius, quàm sudoriferorum successerat ; externe autem crebriori spiritus vini camphorati

rati aut similium inunctione symbolum conferente.

Qua ipsa etiam methodo coxarum dolor tractari volebat, à simili in nervos feri abundantis translatione dubio procul ortus, præcipuè cum illum ab ossis sacri regione potissimum principium sumfisse, ex ægrotorum relatione confiterit.

Febres petechialas minùs erant letiferæ, pleuritides ut plurimum in principio mentiebantur, dolore capitis semper, deliriis tamen nunquam, vel rarioribus infestæ. Sic Vir quadragenario major, J. C. S. melancholici temperamenti, d. 22. Novemb. st. n. subito horrore cum calore alternante, intensa cephalalgia, vigiliis, virium prostratione, lateris sinistri dolore punctorio, & appetitu prostrato prehensus, Tincturam bezoardiacam sumfit, sine ullo levamine. Die morbi tertio vocatus, potionem diaphoreticam ex diascordio Fracast. sale cornu cervi volatili, & pulvere rubeo Pannonico duabus vicibus sumendam præscripsi; nox inquieta; d. quarto horror & dolor lateris remittere, capitis verò erat tolerabilior, urina paulo minus tincta quàm præcedenti die, idem medicamentum mane continuavit, vesperi ad alia nauseabundus, Tinctura bezoardicam solam admisit, nocte quietiore subsequente; d. 5. eadem, sitis adaucta, quam aqua pomis citris medicata, demulcebat; Tincturam continuavit; quam tamen postea sibi nocere imaginatus est; successit tussis sicca, molestæ, fortasse à potu frigidior; nox inquieta; d. 6. dolor in capitis tantum dextra parte recruduit, tantus, ut nec manus attactum ferret, ab

imposita verò herba recenti rutæ, cum baccis juniperi contusis, atque inter sudandum (quæ continua diaphoresis, sub temperato aëris regimine per Bolum ex diascordio, sale C.C. vol. & antimonio diaphoretico, quavis sexta hora exhibitum, sensum promovebatur) cum halitum quasi aliquem ex aure dextra erupisse sensisset, remisit; d. 7. in meliori statu versabatur, urina minus tincta & petechiales maculæ cum intermissis plurimis pustulis aqueis in collo, pectore, & dorso erumpebant, sicque successive alias etiam partes, d. 8. 9. 10. occupabant; quas, earum ante ignarus, d. 11. in manibus etiam obortas cum conspiceret, valde contristatus inde & perterritus fuit; urina quoad colorem naturali similis, noctu largiori rivo effluxit; d. 12. tussicula continuavit, sitis intensa, urina maxima in quantitate, & longè ultra potus sumti mensuram excernebatur, aquea prorsus, cum summa virium prostratione: unde vinum sive succum cydoniorum saccharatum aqua dilutum bibere vesperi iussus est: cuncta mala inde mitigari visa, nocte etiam quieta succedente, calori interea adhuc gliscenti moderato bezoardicorum, & tandem unicornu marini matutino ac vespertino usu, obviam ibatur; d. 16. noctu sudor magnus cum totali morbi cessatione erupit.

Mulierem juvenculam, J. L. tertio mense gravidam, eadem symptomata d. 21. Novembr. invaserant, altero die meam opem domi tantum desideravit; d. 4. ut ipse accederem rogatus, magnum sanguinis æstum & præcordiorum angustiam adesse observavi, dolor lateris erat remissior, urina

na tincta, sed copioso viscido sedimento referta, vesperi & noctu aliquoties narium hæmorrhagiam moderatam patiebatur; d. 5. dolor capitis tolerabilior, cor liberum, vesperi dolor colicus; qui d. 6. à sumto amygdalorum dulcium o'leo, & bino subsecuto vomitu cessavit, remanente tamen stomachi ardore; petechiæ adparent; nox insomnis, sed alvus soluta; d. 9. stomachus pacatior, noctu parum deliravit; d. 8. somno, quamvis interrupto non nunquam fruebatur; d. 9. non nihil cibi sumpsit, sicque continuans, d. 13. vesperi cibo se replevit, unde appetitus denuo prostratus; cæterum d. 14. satis commodè vixit, sumptaque tinctura bezoardica, (quam aliquoties per morbi decursum, juxta cum temperationum diaphoreticorum, alexipharmacorum uti pulveris rub. Pannon. specier. diacret. Myns. &c. usu adhibuerat) noctu alvus cum torminibus soluta est; petechiæ sensim disparuerunt; è contra febris quotidiana, vesperi calore infesta successit: quam chinchinæ in-

fusum, cum aqua cichorii factum, post colaturam paulatim ebibitum, brevi profligavit; ipsâ ægrotâ postea debito tempore puerperâ feliciter redditâ.

Virginem N.J. unum supra viginti annum natam, eadem febris, similibus symptomatibus stipata, d. 24. Novembr. occupaverat, præterquam quod dolor pleuritico similis non adesset, hypochondrium verò sinistrum doluerat; sumpsit ex matris consilio purgans, quæ d. 3. meam operam domi imploravit, cui potionem diaphoreticam bis sumendam ordinavi; d. 4. ipse eam visitans, petechiis & pustulis totam maculatam, cæterum melius se habentem deprehendi; & cum diebus sequentibus quatuor, tincturam bezoardicam, reliquis medicamentis fastiditis, diligenter sumisset, d. 9. ob alvum constipatam supra memoratum infusum sennatum bibit, à cujus usu circa vespèram ingentem quantitatem excrementorum pituitosorum, sanguini & puri permixtorum, unica dejectione emisit, sicque protinus convaluit.

Constitutio Epidemica Augustana Anni 1698.

Laudatissimi Dn. D. LUCÆ SCHROECKII.

Anni principium equidem aurâ temperationi, pluviis stipatâ illuxit, paulò post tamen nivolum & frigore horridum comparuit; & quamvis mitiorem interdum temperiem, atque post Februarii initium Zephyrus pluvias adduceret, mox tamen Eurus nives & arigus intensius reduxerat, usque dum circa Æquinoctium vernale, Zephyrus vehementer spirans crebriores pluvias

concitaret, alternante subinde cum ipso Euri impetu, utroque autem terra imbribus sæpius irrigante, sicque ad finem usque Maii, qui ideo, ut passim alibi in remotioribus etiam locis, frigore horridiusculus comparuit, continuante.

Interea pauci ægrotabant; Tusses tamen graviores ac contumaces, nec non pleuritides, non nullis ob vehementiam lethales, Variolæ, Febres

continuae, paucae malignae, Icterus, (cui martialia medicamenta, acidulae Egranæ, essentia mineræ Martis Hass. opitulabantur) ob aëris inæqualitatem sparsim notabantur.

Circa Solis autem in Taurum ingressum Febres tertianæ, intenso circa scrobiculum cordis compressivo, in regione etiam dorsi opposita, molesto dolore, cephalalgia, interdum & vomitu stipatae, plures invaserant, sed à sumpto purgante, & chinchinæ pariori etiam dosi facile curatae: Virgo viginti annorum, eadem prehenso, à frigida potu die morbi sexto, cessante febre, mox sinistri lateris sævum punctorium dolorem cum febre acuta, sputoque cruento incidit, quod in purulentum die octavo morbi mutatum, sumptâ binis vicibus olei amygdalini recenter expressi dimidiâ uncia, copiosè per alvum fuit ejectum, sicque cessante tussis ferocia, & calore præternaturali, (cui Antimonii diaphoretici largâ dosi obviam ivi) ab iterato dicti olei usu, die nono convaleuit.

Post tot tandem pluvias cum jamjam Junius appropinquaret, serenior aura comparuit, caloreque fortiori terram iterum exsiccat, Cereri autem & Floræ Bacchoque vires crescendi attulit, quæ serenitas, à pluviis tamen sæpius interrupta, calorque toto Mense illo continuarunt: Julius verò crebrioribus imbribus & nimbis, Zephyri vehementiâ subinde comitatis, infestus successit; quam humidam aëris constitutionem Augustus etiam mensis induit, frigoreque insolito, sub Euri dominio, austeriorem reddidit, ut ita messis non tantum serius inciperet, sed non exiguo

etiam in periculo corruptionis versaretur, quam tamen blandior cœli facies, post Solis in signum Virginis progressum, satis exoptatam in vicinia nostra reddidit, ut quæ subsecuta fuit annonæ caritas, non tam Cereri deficienti, quam ad commune aliarum regionum exemplum compositæ, impiæ institorum avaritiæ imputari debuerit. Inclementior autem September, præter multiplicem ventorum variationem, diversam etiam aëris temperiem, ut plurimum tamen humidam & frigidam produxerat, donec d. 5. Octobr. st. n. Sol discussis nubibus, decendio sereno nos reficeret; postea tamen austerior Favonius cum aëri pluviis iterantibus multum frigoris impressisset, November præmaturum hyemis adventum dabat, crebrioresque nives spargebat, ita tamen ut varia tempestas subinde intercurreret, nebulis, pluviis, serenitate, ventisque modò ab occidentali, modò orientali aut meridionali plaga spirantibus molesta, atque hyemale usque ad Solstitium continuans; quo præterlapso, Zephyrus vehemens, pluviis stipatus temperatiorem aërem effecerat.

Interea, mense nempe Junio & præsertim Julio, Morbilli puerilem ætatem invaserant; per plurimosque lecto adfixerant, non adeo difficulter tamen, temperationi sub regimine, & absorbentium dictorum ac diaphoreticorum blandorum, Pulveris rubei Pannon. Oculor. cancr. &c. usu curabiles; donec sub Æquinoctium autumnale planè disparerent. In non paucis quidem hecticâ dispositione, tussique pertinaci, sive ob diætæ errores, sive præexistentem acriorem san-

sanguinis constitutionem superflite , diligentiori tamen sanguinem contemperantium usu , non neglectis , ubi opus , laxantibus , & quæ veribus , quorum vestigia non rarò notabantur , resistunt , tandem devictæ. Licet crebriora quoque funera puerilia numerare tum temporis datum fuerit , non tam morti , nostrorum Medicorum artem haud adeo eludentis , malignitati , quàm incuriæ potius , vel perversæ muliebri sapientiæ , aut medicastrorum imperitiæ adscribenda.

Cæterùm rariores apud nos hoc tempore ægrotabant alii , nec epidemicorum morborum tyrannis major notabatur. Julius quidem Febres quotidianas , tertianas , Catarrhos pectoris molestos ; Augustus Colicas , Dysenterias ; September præter cruentos hos fluxus , Variolas majores , ulcerosas , (*Schafblattern* nostratibus dictas) Octobris initium stragurias seniles ; adultus , cum subsequis Mensibus , Pleuritides veras ac spurias ; December Catarrhos ad fauces ruentes , (Morbos omnes ex coacervata in sanguine sensim per tot aëris anomalias , frigidas præsertim & humidas , viscidiori lymphæ ortos , quæ tandem per varios in diætâ errores hîc vel ibi stagnabat , aut etiam eandem ob causam , vel sponte in orgasmum concitabatur) alebat , non

adeo multi tamen eorum impetum experiebantur. Febres interdum præcipitantibus sic appellatis , chinchinæ autem pariori etiam dosi sumptæ facilius ; Catarrhi continuato expectorantium usui , non posthabita , quæ sæpe conjungebatur , febris intermittens cura , & corpore semper blande evacuato , cedebant ; Colicæ , quæ flatuosa quidem dici merebatur , non sine convulsiva tamen labe erat , atque ideo lumborum conjuncto dolore , & urinæ suppressione , nephritidem simulabat , demulcentia & potissimum laxantia , sive ore sumpta , sive clysteris formâ adhibita ; Dysentericæ , tormentillæ , vel catechu essentia aut extractum , cum paucò opiò maritatum , & parca dosi sæpius adsumptum , medebatur ; Variolæ benignissimæ , cum febrili tamen calore , vehementiori quandoque , paucarum tamen horarum spatio finito , invadentes , ulla ferè sine medicinæ ope , sensim sponte exsiccabantur ; Stranguriæ illæ , quæ visciditatem lymphæ imprimis corrigunt , perque urinarios meatus educunt , uti essentia carminativa Wedeliana , spiritus nitri , tincturæ cortic. aurantior. mixtus &c. Pleuritidi verò nostris in pharmacopoliis usualis pulvis , cum antimonio diaphoretico , lapillis gammarorum &c. medelam conferebant.



Constitutio Epidemica Augustana An. 1699. & 1700.

Dn. D. LUCÆ SCHROECKII,

Academiæ Cæsareo - Leopoldinæ Naturæ Curiosorum Præsidis.

UTI Anni proximè præcedentis exitum Zephyri, pluviosi & tepidi, vehementia comitata fuit, ita præsens Annus 1699. simili cum austrina temperie incepit, atque tam constans venti hujus, cum Austro tamen & Africo subinde reciprocantis, ferocia usque ad Solis in Aquarii signum accessum notabatur, ut Incolarum nemo tam diu horum impetum continuasse recordaretur, & rariora ac breviora hyemis indicia intercurrerent. Et quamvis austrina constitutio aliàs pessimè Medicis, ipsi etiam Hippocrati Sect. 3. aph. 5. non bene audire soleat, hic tamen vires exserere suas non valuit, ventorum potentia atomos morbificos, quæ in putredinem proclives, & aërem inquinare aptæ fuerant, feliciter ubique discutiente; impedire tamen eadem non prorsus poterat, quò minùs ex collectis jam antea, & porrò huc usque coacervatis lymphæ superfluitatibus, aëreque interdum frigido insensibilem transpirationem retardante, Pleuritide aliqui corriperebantur; Catarrhi autem in prægresso Decembri faucibus infesti, nunc magnam Incolarum partem, gravius mitiusve, & modò fauces solas, sed rariùs modò, simul

& frequentius pectus, sive glandulosam asperæ arteriæ texturam ex improvviso, cum horrore occuparent, concomitante ut plurimum capitis dolore, & febrili intenso calore subsequente, (sed diaphoretico sumto paucas intra horas denuò recedente) nec non diuturniore, dum reconvalescentes aëri citius quàm decebat se exponebant, tussi humida superfluite, quâ multum crassi sputi expellebatur. Et hæc anginæ nothæ species hyemali tempore, quòd epidemica evaserit, quæ aliàs inter vernaes morbos ab Hippocrate Sect. 3. aph. 20. refertur, minùs mirari licuit, cum præsens hyems naturam primi veris induerit, sicque prægressum mensibus prioribus frigus viscosi feri collectioni ansam cum dedisset, mitior illa succedens temperies fluxionem ejusdem, sive liquationem promoverit. In ipsa morbi invasione, quæ suffocationis metum sæpe incutiebat, aliquot olei amygdalarum dulcium, aut olivarum cochlearia, præsentaneo cum emolumento fuere propinata, reliquum autem curæ blandis diaphoreticis, cephalicis temperatis, expectorationem promoventibus, aliisque pro circumstantiarum & symptomatum diversitate, externis etiam,

etiam, emplastro de meliloto, malactico simplici, & Officinis nostris dicto filii Zachariæ, non inanes suppetias ferentibus, absolutum fuit. Qui ipsi Catarrhi, faucibus, pectori, dentibus infensi, in vernum usque tempus, mitiores tamen ut plurimum, epidemicè grassari continuarunt. Præter hos Morbilli quoque plurimos in puerili imprimis ætate, licet nec adultioribus parcerent, invaserant, & per aliquot, vernaes etiam, menses se exseruerant; benigni tamen & facilè iterum dissipati, quamvis intenso ut plurimum calore incipientes, quin & capitis Erysipelas in multis notabatur, molesta quidem febrili incalescentia, tumore & pruritu periodum suam decurrens, ast cum cuticulæ desquamatione, moderatoque sub caloris externi regimine non difficulter admodum iterum evanescens.

Erant eodem, & subsequo tempore, quibus febricula, hæctica ferè æmula, & quotidie calore quodam præternaturali, vel præcordiorum, circa ventriculi superius orificium compressione, incerta periodo recurrens, cum appetitu imminuto, siti vel nulla, vel tolerabili, & virium lassitudine, infesta fuerat. Tinctura autem bezoardica bis in die, sine sudoris coactione, sumta, interpositoque pilularum nostratibus Immanuelis nomine venientium usu, citiori vel tardiori circuitu, prout causa morbifica, viscosa, in glandulis fortasse minoribus ventriculi vicinarumque partium hærens, incuneata magis vel minus erat, sine periculo finita. Licet & hæctica febriculæ puerili ætate infestæ essent, à collectis viscidis acidisque in

sanguine particulis, & glandulosas in primis viis partes obstruentibus oriri à me creditæ, Essentiisque alcalicis, & absorbentibus terrestribus medicamentis, post laxativorum usum, maturè propinatis, non admodum difficulter abigendæ.

Dehinc Euris penetrante quidem frigore, serenos tamen dies comitante, nos aliquamdiu infestabat, cum sol in Aquarii signo esset constitutus; quo tamen dimidio emenso, novas Zephyri, ab Africo sæpius intercurrente adjuti, impetus ingruerat, ac nives plures spargebat, quæ verò brevi, cum aëris temperies ut plurimum ad temperatiorem statum inclinaret, iterum liquecebant; usque dum aër non multum amplius à ventis agitato, aliquot ante Æquinoctium vernale diebus copiosam nivem demitteret, atque exin frigoris inclementia per longum tempus nos afficeret, sub potiori Zephyri dominio, qui post Calendas Majales vehementia sua vernalium deliciarum proventum tardabat, tandemque in longiores pluvias resolvebatur; cui cum circa Solis in Geminos ingressum Euris succedens serenitate, grataque calidiore temperie nos refecisset; lætior terræ facies vernantes suas amœnitates eò liberalius protruserat. Sub vario deinde, modò pluvioso, modò sereno Jove, præter reliquorum ventorum reciprocationes, Zephyri potissimum nova violentia cœcuti aër cœpit, usque dum Euro leniori spirante, calor æstivus mense Julio cōstantior ingrueret, Siriusque campos exficcaret, messem quidem ita maturiorem, nec illaudabilem reddens, succum tamen graminis cerealibus, ut justò macriora existerent

flerent, subduceret. Interea febres continuæ petechiales, quandoque insuper pustulis miliaribus aquosis stipatæ, interdum verò malignitate equidem non carentes, sine tamen istiusmodi efflorescentiis periodum suam absolventes, cum horrore, virium prostratione, cephalalgia, dorsi dolore quandoque & siti non admodum molesta, nec appetitu prorsus prostrato incipientes, per urbem, usque dum Virginem sol accederet, notabantur: non paucis, inter succedentia in morbi progressu deliria & faucium ariditates, exitiales factæ, ubi vel ab imperitis tractatæ, vel per initia neglectæ, aut etiam decubentes immorigeri monitis Medicorum fuerant; quam ipsam ob causam habitantibus in pagis viciniæ nostræ Hebræis non levem cladem in Majo attulerant, Laniorum etiam familias in Urbe, quas præ aliis invaserant, crebris funeribus contristaverant; ast in principio ubi ex arte tractabantur, non admodum refractarias eas notare licuit, ita ut etiam in prima, quod dicitur, herba oppressas, paucoque alexipharmacorum, tincturæ bezoardicæ, theriacæ coelestis, cum chinchinæ extracto &c. usu abactas non una vice notaverim; sicut etiam reliqui sub tepidiori per morbi decursum corporis custodia, per continuatum diaphoreticorum usum, haud difficulter evaserant. Alvus in nonnullis obstructa per plures dies nullum incommodum attulisse, nec somnolentia in morbi decremento diutius instans nocuisse observabatur.

Sole in Virgine versante, cælum, Eurô crebrius perflatum, humidius & frigidiusculum primò, postea constanti radiorum solarium præsentia

animatum, denuò excalefactum cum esset, Diarrhœæ simplices, paucioribus cruentæ, tenellam præsertim puerilem ætatem, imò vix dum in lucem editos foetus, hoc æstivo tempore infestarunt, excretionē aquosa, pituitosa, acidum redolente; quorum ægrotulorum magnam partem, ob parentum & qui curam puerorum agebant, negligentiam, remediorumque intermissionem trucidarunt: quibus enim medicæ manus prudenter adhibitæ, non infelicitè evasisse, atque coralliorum imprimis aut terræ signatæ pulverem, cum theriacæ coelestis tantillo maritatum, aliaque stomachi fibras roborantia conduxisse notavi, causam vix aliam fuisse suspicatus sum, quàm pulmentorum ex farina cum lacte coctorum esum, quæ ipsa farina ex tritico ante annum tempore humido cælo collecto, atque exactam maturitatem non adepto parata, plurimas crudiores particulas absconditas, non infrequenter mucidam, quod sapor odorque testabatur, corruptionem expertas habuit, quæ dein tenero in pusionum ventriculo in liquorem acido viscidum abeuntes, digestionem vitiarunt.

Interea etiam magna illa Solis Eclipsis d. 23. Septemb. comparuit, quam multi nostratum ex plebe, vana persuasionē seducti, licet multum reformidassent, ut sanitatis inde jacturam si fecissent, haud mirari quis potuisset; quamvis nec tunc temporis, nec postea ullos morbosos effectus observare datum fuerit; quæ enim in Octobri & Novembri lymphæ stagnationes in plurimis odontalgias & Catarrhos leviores produxe-

rant,

rant, aëris potius, quæ Eclypsin à d. 27. Sept. usque ad d. 27. Octob. infecuta fuit, inclementiæ, nebulis crebris, pruinis, pluviis, frigore horridæ debebantur. Ipsa Solis obumbratio, quam cœlo prius admodum sereno, nubium sparsarum ob orientali plaga progressus antecesserat, cum sensim incretceret, remissioremque caliginem induceret, Euris subito exorients, non tamen impetuosus horridiusculam auram reddidit, campique, ex non nullorum relatione, quasi rore maduerunt; quæ tamen cuncta tum obnubilatione cessante & ipsa recesserunt.

Sol in Scorpionis signum ubi pervenerat, & Eurus præsertim, ad meridionalem tamen plagam quandoque inclinans spirabat, plures serenos frigidiusculos numeravimus dies, matutinis tamen crebris nebulis turbatos. Novembre autem ineunte Zephyrus (qui altero post Solis in Sagittarium ingressum die vehementissimus erat) temperatiores eos, varieque constitutos, ut plurimum tamen serenos reddidit, & tandem sub multivaria in Decembri aëris alteratione, atque cum reliquis ventis, videlicet primùm cum Euro frigido, circa medium mensem Austro temperato, & tandem Borea frigido alternatione, in nives & frigus despumabat. Nec singulares morbi notabantur, nisi quod in dicto mense ultimo puerilem ætatem, non quidem admodum multos, Variolæ benignissimæ, quas nostrates aureas dicunt, quibus verò majores pustulæ, longiori quàm priores decursu finitæ, in non nullis interspersæ fuerant, occuparent, omnes tamen absque singu-

lari periculo paucis temperatioribus remediis, blando externo regimine facillè abigerentur; insuperque Febres quotidianæ, quales jam circa Anni principium infestæ fuerant, repullulascerent: quæ majori cum calore, sine horroris ut plurimum sensu ingruiebant, & facillè in hecticam declinabant, difficilioremque in multis curam reddebant, tandem tamen, cum interpolato laxativorum usu, pulveribus absorbentibus, nitratis, chinchinatis, martialibus medicamentis cedebant.

Principium Anni 1700. serenitate, frigori junctâ, cum se commendasset, paulò post varia cœli facies, nebulosa, nubila, nivosa, pluviosa, serena, frigida, temperata comparuit, quin & d. 28. Januarii tonitru ac fulgure tempestuosa exstitit, cum per aliquot dies Zephyrus, huc usque semper, nisi quòd ad semimeridionalem plagam sæpius inclinaret, se exferens aërem multum prius concussisset; qui etiam venti M. Februario continuarent, & hyemale frigus constans inter nives sæpius delapsas, induxerunt; quod circa Solis in Pisces ingressum ab Euro incrementum sumpsit, nivesque, in M. Martio sensim liquatas, subinde spargere non intermisit. Interea Januarius febres quotidianas in fine præcedentis Anni memoratas producere non prorsus cessabat; & non nullos Apoplexia, diverso facto terminata, alios Rheumatismo artuum superiorum, qui usque in Aprilem, juxta cum febribus nominatis notabatur, atque à repetitis sudoribus, præcipuè quos Laconicum coriariorum proliciebat, soluto, infestabat;

stabat ; Infantes autem in glandulis faucium ipsisque pulmonum vesiculis , non sine febrili incalescentia invadens , atque grave asthma inducens , stagnatio periculo non levi exposuit , multosque eorum , præsertim aut seriùs , aut negligentius curæ commissos , in sepulchrum præcipitavit , cum reliqui orgasmum istum refrenantium absorbentium , & viscosam colluviem blandè per alvum sputumque educantium usum salutarem experirentur : Quæ cuncta sicut inæqualitati aëris , lympham modò incrassantis , modò in fluorem iterum eliquantis , deberi arbitror , ita ejusdem etiam aëris effectum fuisse non dubito , quòd diversas puerperas abdominis , præcipuè in hypogastrica regione tormina corripere , eaque lochiorum evacuationem non ad votum succedentem , & hinc ex sanguinis stagnatione nervosam fibrarum tensionem inducentem comitem haberent ; quæ ipsa medicamentis castorinis , aliisque fluorem sanguini debitum blandè restituentibus , ac viscosas impuritates unà per alvum eliminantibus ideò cedebant. Ab eadem aëris inæqualitate etiam , antequam Æquinoctium vernum advenisset , Icteri , Martialibus remediis debellati , & Febres petechiales continuæ , cum cephalalgia ingruentes , in quibusdam Pleuritide comitatæ cæterum nihil singulare ostendentes , nec admodum lethales , usque in Aprilem , frigidum & primò quidem ab Euro ferenum , postea succedente Zephyro cum semimeridionali vento alternante pluviosum , sparsim ut vix epidemicos inter morbos referri me-

rerentur , notabantur , sed Majus , crebros Zephyri-flatus expertus gratiori cœli amœnitate illuxit , in fine tamen frigidus evasit , morborumque seminia [præter Variolarum , nunquam uti hætenus , ita per totum reliquum Anni decursum planè cessantium] prorsus suppressisse visus est ; quos nec postea repullulare variorum ventorum , aërea , si quæ ingruerent , inquinamenta ex omni mundi plaga dissipantium vicissitudo , sub grata calidioris , nec non temperationis auræ alternatione , permiserat. Quamvis postea per æstatem Febres quotidianæ & Rheumatismi subinde denuò caput extollere conarentur , inque Mense Augusto Dysenteriae aliqua vestigia notarentur , vix tamen memorari hæc merentur. Post caniculares dies primò frigidiuscula aura spirabat , postea longior aëris serenitas non levem terræ siccitatem inducebat , usque dum post Æquinoctium autumnale Zephyri vehementia , ab aliis ventis sæpe interrupta , crebras pluvias suscitaret , tepidioremque ut plurimum auram redderet , quæ austrina constitutio , paulò post non tantum Variolas in plures infantes diffuderat , sed etiam Tussès contumaces in multis , & Febres petechiales in quibusdam produxerat ; & has quidem non sine contagii nota , ut integræ etiam domus alicubi inficerentur , & non pauci succumberent , quos tamen non tam morbi violentia , quàm quòd negliger & imperitè , præsertim à stupida foedi carnificis temeritate , quæ nescio quo infortunio plures dementerat , tractarentur , mortis prædam

dam fecerat, cum alii ritè & maturè curati, paucis assumptis alexipharmacis, primos morbi impetus prorsus, vel intra biduum retunderent, vel salvi tandem evaderent. Omnes præcedaneo horrore, subitam virium prostrationem & præcordiorum oppressionem patiebantur; non nulli cephalalgia per initia torquebantur, deliria verò & inquietudines interdum subsequebantur, sitis rariùs urgebat, nec caloris præternaturalis externa indicia aderant, urina ut plurimum & pulsus non multùm à naturali statu recedebant. Talia etiam Civis cujusdam uxorem cum filio 17. annorum invaserant, qui empiricæ etiam illius imperitiæ expositi mortui sunt; filia autem 19. annorum eodem malo correpta, in morbi augmento vermem duas spithamas longum mortuum vomitu excreverat, motibusque membrorum convulsivis & continuis deliriis agitata, nil cibi & medicamentorum ulterius assumere voluerat, quin & potum omnem, quamvis fauces aridæ essent, & mucoviscidissimo incrustarentur, per biduum respuerat; quæ tamen, cum utrique humero vesicatoria applicare curassem, tumque ipsa deglutire iterum aliquid inciperet, sicque cephalica alexipharmacis mixta admitteret, mentem paulatim & membrorum tranquillitatem resumserat, & circa tertiæ hebdomadis à decubitu finem, subortâ diarrhoeâ evaserat; altera filia duodecennis tertio & quarto morbi die vomitu crebro agitata, nil cibi, potus vel medicamentorum retinere poterat, datâ verò theriacâ cœlesti cum chinchinæ extracto mo-

tus ille ventriculi perversus sedatus est, die autem decimo caput intumescere, & immensum dolere coepit, sed propinatis ibidem cephalicis & alexipharmacis, nec non vesicatoriis utrique humero impositis, parotidisque sinistrae tumore suborto, postquam ille à cataplasmatibus usû discussus fuisset, atque diarrhoea supervenisset, convaleuit. Filia 14. annos nata, & filius undecennis cum parem morbi insultum passi, intra octiduum sanitatem recuperarunt. In omnibus his sudor ferè nullus prolici poterat: maculæ etiam puncticulares lentè nec satis ad votum prodierant: Pater prima morbi indicia sentiens, sumtâ bis Tincturâ bezoardica ejus violentiam elisit, inter medicamenta etiam Pulveris nostri alexipharmacis officinalis, qui ex terr. sigill. C. C. phil. præp. rad. angel. Zedoar. cort. citr. & myrrh. componitur, repetitum usum imprimis proficuum expertus sum; qui non tantùm lymphæ visciditatem corrigere, ejusque coagulum resolvere, sicque ad diaphoresin disponere, sed etiam balsamicis suis partibus sanguinem à corruptione præservare valuit. Tussés magnâ vehementiâ adultis æquè ac pueris infestæ, convulsivi aliquid alere visæ fuerunt, & magnam humoris viscidii copiam excreverunt; quibus verò, ut alia taceam, continuatum herbæ thee vel veronicæ, cum radice liquiritiæ infusæ usum præcipuam medelam attulisse observavi. Quo sub Morbonæ dominio reliquum anni, varias cœli mutationes, temperatiorem imprimis auram produciens, transegimus.



Constitutio Epidemica Berolinensis Anni 1699.

Dn. D. GUSTAVI CASIMIRI GAHRLIEP

Von der Müllen.

In Anuarii ima dies tota pluviosa, vespertino tonitru sexies satis vehementer roboante, insolito & hoc saltem tempore raro phænomeno, tremendum edidit ostentum. 2da inconstans manè ex parte serena & sicca, reliquo nimbis ingrata. 3tia manè pluviis molesta in Caurum à meridie valdè impetuosum desiit. Sequentes ad decimum varii ut plurimum pluviis, quandoque nivium flocculis mixti, non nunquam frigore temperato, in grave tandem gelu degenerante distincti, succedente demum nive, hisque pluviis, vernam ferè cum sudo temperiem ad 19num usque reducentes. Cœlo nimirum de die sereno, noctu verò gelido, revertente sic paulatim fortiori gelu, triduum durante: tum verò rursus in pluvias ac temperiem aëris leniorem per quatrimum declinante, ac succedente denuò 28vo gelu satis acri, sed ephemero, in nebulosum & pluviosum quatrimum unà cum mense terminante.

Februarius eodem typo coëpit, mox verò 2do, succedente gelu ad 11m usque continuavit, in pluviolam vespери solutum, sed 12mus manè rursus gelidus, cœlo quidem obscuro &

flocculos subinde niveos spargente, octiduum continuavit, 19nus tandem remissior toto biduo pluviosus ac nimbofus. Verum 22do post mane obscurum sequens 23us sereno cœlo pluvias ac grandinem miscuit, succedente post pacatiori 24to, rursusque nimbofo ac nivoso 25to, tandem à modico manè gelu in amœnum triduum 28vo, & ultimo transiit.

Martius à pauca nive, sereno mox rursus cœlo exorsus variis & inter se alternantibus tempestatum vicissitudinibus, Aprilem potius referens, nivibus pluvias, gelu deliquia miscens ad 12m usque perrexit. Constantiori postmodum frigore, sereno ut plurimum cœlo, nivibus, non nunquam parvis interpolato ad 24tum usque continuavit. Inde remittens, post biduum pluviolis quibusdam aspersum, vesperam versùs clarescens, 27mo in amœnam serenitatem, sequenti tamen 28vo turbida tempestate, nimbis, pluviis ac grandine foedâ interceptam, mox verò tolerabiliori biduo redditam, 30mo unà cum trimestri hoc primo in vernam amœnitatem desiit.

Morbi hujus trimestris initio frequen-

quentiores, ac Epidemicæ fuerunt præcipuè febres peculiæ catarrhales, malignitatis non expertes, difficiles, periculosæ & quibusdam exitiosæ, quibus ardentes postea succedere, pleuritide ut plurimum comitatæ, eaque acuta quandoque & maligna, nonnullis lethali, tandem variolæ. His ob varium adeò cælum Februario mense substitutæ febres acutæ ardentes & continuæ intermittentes, aut subinde potius exacerbatae, malignitate ac petechiis infames, aliæque paulò mitiores quidem, sed variis exanthematis, purpura, morbillis, malignitatis latentis indicibus, foetæ, quæ & sequenti Martio, totoque adeo trimestri & ultra durant ac haud paucos ad plures miserunt.

Aprilis primus coeptam sub finem mensis præcedentis amœnitatem vernam, quibusdam 4to præsertim, 6to & 8vo cum æstivis de serenitate & æstu certantibus, nonum usque serie vix interrupta, nisi nubilum, utut rarius, horis potissimum pomeridianis intercedens, cælum variationis insimulaveris, continuavit. Sequens quatrimum à nono ad 13um serenitati pluvias induxit leves ac fecundas. Inde ad 18vum Euro in Aquilonem paulatim deviante, aër quandoque serenus, ut plurimum turbidus, siccus tamen, simulque frigidus, non nunquam ventosus. 18vus serenus ferè totus, circa vespæram fecundam sparsit pluviam. Succedente hinc cum sudo temperato & amœno octiduo, 21mum procellosum & subfrigidum si exceperis, ad vigesimum septimum usque, qui

varius, manè turbidus à meridie tonitru, pluvia ac grandine horridus, circa vespæram demum serenus, tri-duo comitatus, turbido tandem in pluviolam sub ipso mensis exordio delicit.

Majus totâ & amœnâ serenitate ver initiavit, sed à successore paulò asperiore, Aquilone nimirum afflante, destitutus, Zephyro tandem subeunte in pluviosum transiit quatrimum à biduo sereno denuò exceptum, sed 10mo sub vespæra pauca aspersum pluvia. 11mus manè serenus à meridie udus, successore 12mo sereno ac sicco interferto, pluvium & circa vespæram tempestuosum substituit triduum. Cui biduum æquè turbidum, sed præcedenti ternario siccus accessit, donec 18vus serenus & amœnus vernam gratiam ac jucunditatem, quindecim dierum continua serie ad ipsum usque mensis terminum durantem redintegavit.

Junius eodem quidem tenore inchoavit ac biduo ad vespæram usq; sereno continuavit, in pluviam verò satis grandem aut imbrem potius & tonitru circa hanc defecit. 4tus nubilosus & frigidulus, siccus tamen successorem tota die Cauro impetuosius flante nimbosum habuit, triduum tamen serenius & amœnius accersentem, ad nonæ (quæ pentecostes prima erat) usque meridiem in pluvias fatiscentem. 10mo succedenti vario, turbido ac subinde madido, 11mo manè nubiloso à meridie claro 12mo sereno amœno ac temperato toto. Huic 13us manè serenus ac ventosus, à meridie pluviosus, Iride bis apparente, ac biduanam serenitatem nunciante, notabilis successit. Quæ

tamen à biduo inconstante excepta, quatrimum addidit paulò constantius, mox tamen in biduum è sudo & pluviis mixtum descifens, 21^{um} totum pluviosum ad meridiem usque 22^{di}, à meridie clarescentis succedaneum habuit, 23^{tus} sudo & æstivo calore gratus, 24^{tum} ejusdem amœnitatis ad occasum usque solis imbre degenerem, socium sibi ascivit, ut & triduum sequens, & pluviolis tamen quandoque madens, 28^{us} pluviosus, à 29^{no} sicco & à meridie sereno correctus, cum 30^{mo} toto æstu ac sudo acceptissimo ultimum secundæ hujus anni quadræ mensem clausit. Trimestre hoc secundum morbos haud adeò frequentes aluit præter scorbuticos non nullos aliis ut plurimum complicatos, utpote Arthritidi vagæ, Nephritidi, Colicæ. Febres quasdam Catarrhales, quandoque, utut rariùs malignas. Majus scorbuticis prædictis hypochondriacos quosdam, & at rarò maniacos junxit. Hisque Epilepsias infantum præsertim, & puerorum diarrhoeas, subinde & dysenterias, hoc anni tempore aliàs insolitas, febres quasdam cum colica scorbutica aut hysterice passionibus combinatas accensuit. Junius his malignas non nullas cum pleuritide, quandoque & in peripneumoniam degenerante concurrentes, exanthematum quoque miliarium peculiari quodam genere, ut & petechiis, iisque periculosis ac quibusdam lethalibus, infames superaddidit.

Julii primus dies sudum ultimo Junii inchoatum per quatrimum ad 5^{tum} usque propagavit, cujus vespere pluviolam sparsit raram. Sextus manè serenus, rorantibus subinde tamen

pluviarum guttulis aspersus, à meridie imbrem fudit valdè largum, sequentes septem nubilo, aliquando & imbris & nimbis turbato coelo varii fuerunt. 14^{tus} æstivum redintegravit sudum, ac excepto 10^{no} tonitru & pluviis circa vespere turbido, & 21^{mo} pluvia vespertina madente, ad 28^{vum} usque jugi sudo & æstu gavisus est; Hic tandem serenitati huic satis durabili triduum tonitruosum, pluviosum ac quandoque grandinosum succenturiavit, ac 31^{mo} demum sereno & amœno finiit.

Augustus à triduo sic satis sereno, pluviis tamen quandoque interpolato exorsus, 4^{to} sudum produxit amœnum, ad vespere usque sequentis durans, tum verò tonitru horrendo ac imbre valdè largo turbatum, 6^{to} sudo subinde pluvias miscuit, 7^{mo} tonitru superaddidit, subsequente vario quandoque ventoso, turbido ac pluvioso ad 20^{mum} usque coelo, postea verò sereniori ac tranquilliori, non tamen omnino à pluviis immuni ætheri abblandivit ad 28^{vum} usque; una cum triduo sereno toto, ac æstivo calore amœno, mensem hunc claudentem.

September sudum æstivo fervore jucundum primo die continuavit, 2^{do} à meridie pluviolas quasdam miscuit, sequens nubibus id subinde temperavit, 5^{tus} idem reparavit, à meridie pluviolam aspersit, 6^{tus} à pluviis immunis, 7^{mus} & 8^{us} raras sereno pluvias intercalavit; A nono ad 18^{vum} æther æstivum, sudo rursus & temperato calore amœnum affulsit, 18^{us} pluvie paucillò aspersò, 19^{no} & 20^{mo} redintegratum sed frigidulum, 21^{mo} & sub-

& subsequente biduo paulò mitius, 24to nebulosum, sed mox rursus serenum cum successore toto 26to sudum pluvia matutina modica ac nubo postea interpolatum ad 30um usque adeoque postremum reduxit, sicque trimestri huic tertio gratum reddidit terminum.

Tertii hujus trimestris à priori haud multum abludentis Julius hypochondriacas non nullas & scorbuticas affectiones variis comitatus symptomatis, & hæc inter præcordiorum præcipuè oppressionibus & angoribus molestas; febres continuas ardentes, aliasque paroxysmis subinde vehementibus graves, nec omni malignitate vacantes, symptomata periculosa, pleuritides, hæmoptoes, deliria, ad phrenesin durantia, inducentes. Epilepticos insultus, frequentissimè, adeoque epidemicè diarrhœas non nunquam & dysenterias periculosas, à tergo trahentes. Augustus eodem fere tenore transiit, nisi quòd febres continuæ ardentes, malignæ admodum, frequentiores adhuc ac petechiis quoque stipatæ successerint, atque Septembri quoque continuarint, in hæcticam haud rarò, tussiles contumacissimas, colicas quoque passiones, diarrhœas, & dysenterias transeuntes, periculosas, rarò tamen lethales, purpura sæpius, variolis rarò, morbillis frequentius notatas.

October autumnus congener à primo ad 19num usque vario cœlo sæpius pluvio, rarò sereno, semper horridulo transiit; Hic Serenus, præter parum pluviae 23tio sparsæ octiduum adduxit serenum, & 25to præsertim æstivo fudo ferè compari, à biduo paulò nebulosiori exceptum,

29no nebuloso, turbido ac pluviis raris tamen interpolatum, biduo alio sereniori, sed Euro afflante frigidulo surrogata compensavit, tandem postremo biduo in primam glaciem sub ipso exitu dirigit.

Novembris primus, ejusdem cum prædictis postremis genii, serenus nimirum & gelidus, 2dus gelidus adhuc, sed nubilosus ac turbidus sequenti nocte primas sparsit nives, remittente parum gelu, noctu rursus pruina, tum manè nebulam in pluvio lam deliquescentem tulit. Subsequente 5to sicco, mitiori æthere grato, tum pluviosa nocte ad meridiem usque sequentis interserta, inde clarescente rursus aëre post turbidum 7mum, triduum subsecutum sudo temperato valdè amœnum ad vespèram usque 11mi pluvia rorantem, cui quatrimum rursus serenum successit, ac 18vum manè pluviolam spargentem, si exceperis, ad 21. usque à meridie pluvia quoque rara cum sequentibus duobus madentem. 24tus ejusque successor nimborum affeculas habuere turbidos ac pluviosos, solo 30mo mensis nimirum ultimo sereno ac temperato excepto.

Decembris primus & secundus alternatim pluvias serenitati, ille manè, hic vesperi subordinarunt, 3tius in gelu pronus à nocte gelida, meridie nivoso, reliquo sereno in triduum brumali frigore rigens transiit; 7mus mitior, cum 8vo toto nives addidit; 9nus temperato gelu serenus: 10mus totus nivoso, à procellosa nocte in serenum ac temperatum gelu migravit, quod 11mo fortius; 12mo sub turbido cœlo per triduum subsequens satis rigorosum, in

gelicidium tandem desiit, 16to nebuloso cum sequente, coelo etiam sereno paululum remittens, biduum substituit penitus degelascens, sed reintegrato 20mo gelu ad meridiem usque mitiorem, 21mo & 22do nebulosis ac pluviosis, 23. à nocte ferena gelicidium à meridie adduxit ad 24ti usque sequentis meridiem, in pluviam tandem fatiscentem. 25tus nebulosus ac nubilosus totus mite restituit gelu, coelo sereno cum nivibus quandoque alternante; ad 31mum usque & postremum hujus ut trimestris sic anni totius, robur successivè validius acquirens.

Postremum hoc trimestre, perinde uti priora, febres obtulit varias, satis frequentes satisque vehementes, acu-

tas & ardentes non nullas simulque malignas pleuritide, & peripneumonia quandoque, ut plurimum funestis, diarrhoea, cholera, Ictero, Catarrhis cum defluxionibus molestis indentes, tonsillas, guttur, pulmones &c. depluentibus contumacibus, Cephalæa, cardialgia, palpitationibus cordis intensis, purpura subinde, morbillis, variolis & haud rarò petechiis stipatas. Præcipuè autem Colica quædam scorbutica valdè frequens fuit, prima facie levis, ac haud magni momenti visa, mox verò nunc diarrhoeæ, nunc dysenteriae, nunc pluritidis in peripneumoniam sæpè degenerantis, contumacis, periculosæ, & haud rarò lethalis, Protei instar larvas induens.

Constitutio Epidemica Basileensis Anni 1699.

Dn. D. Joh. Jacobi Harderi.

P Rincipium Januarii ferè ad usque hujus medium, varia tempestatis eaque subita dyscrasia ac mutatione, novi anni auspiciis prælusit: imminente paulatim novilunio coelum læta serenitate, aërque desiderato Pruinae incremento ac ficitate ad usque finem hujus mensis favere perrexit: inde verò obscurior aër ingruit, Februariique initium nunc nebulosum fuit, nunc pluviosa cum nive mixtum, ventis per intervalla fortiter spirantibus: Pleuritides & pleuropneumoniæ cum febribus continuis jam frequenter homines invadebant: neque catarrhi ferini iisdem pepercerunt, variolis teneriori infantia subinde infestis.

Martii principium pluvialis nix

ingratum reddidit, quæ instante Plenilunio, magnâ & insolita cohorte, arva montesque adeo obsedit, ut itinerantibus non parvo fuerint obstaculo: inde blandiore accedente aëre, nix paulatim fundi, & fertilis tempestatis spes major affulgere cœpit: usque tamen interpolatæ circa finem hujus, & Aprilis initium nivales pluviae, eandem rursus extinguere cœperunt. 8. 9. & 10. April. interdiu calore blando terræ gremium sufficiente, noctu verò pluvia cum tantilla nive idem irrigante, febres continuæ hoc tempore satis adhuc infestabant.

Die 12. April. calidiussculæ pluviae fugata in arvis, montibusque adhuc dum hospitans nix maxima sui parte, afful-

affulgente deinceps serena tempestate, cum exoptato calore solis, florum fructuumque foecundo parente, tantum non prorsus evanuit.

Maii initium multa pluvia comitabatur, in montibus heic illic nive per intervalla interspersa, inde optata tempestas ingruit, solis desiderato calore singulis terræ fructibus & seminibus, in vitam excitatis, cujusmodi in Junium usque & ultra foecundissimè continuavit: Julius quem canicula promittit fervorem, minus largum sensit frequentibus pluviis præter votum illum attemperantibus: neque ejus defectum Augustus majori calore, quem ab hujus medio ad

finem usque demum experti sumus farcire potuit: unde uvarum maturitas quam Septembri mortales præstolantur, versus finem usque hujus à nobis desiderata fuit, & quamvis dies calidi interpolatè alluxerint, noctes tamen frigidiusculæ, eandem non parum sufflaminarunt; sub finem Octobris nivalis tempestas jam ingruere cœpit, quæ subsequen-
tibus hinc Novembri & Decembri mensibus, imprimis circa medium finemque hujus cum multa Bruinæ sævitia, ingravit; præter febres continuas & in quibusdam locis satis malignas, alii morbi rariùs frequentes erant.

Dn. D. Rudolphi Jacobi Camerarii,

Academici Naturæ Curiosi,

Schediasma Tubingæ missum ad Historiam Epidemicam.

Ann. 1699. & 1700.

LAudabile est institutum historiæ epidemiciæ Germaniæ, in appendicem Ephemeridum ab annis aliquot referri solitæ, quod ex multitudine observationum per diversas provincias collectarum progressu temporis acquirendam spondet notitiam meliorem & plenior de subdolis aliàs & occultè, utut populariter, grassantibus morbis. Hanc ego collectaneorum suppellectilem hac quidem vice non venio locupletatum, nec plenam descriptionem constitutionum utriusque anni hîc inferere necesse duco; Quoniam qui suis temporibus grassari solebant ca-

tarrhi, & inflammatorii pectoris morbi, quæque intercurrebant variolæ, cum aliis levioribus, tanti momenti non videbantur, epidemiarum autem febrium pristina frequentia & malignitas ab aliquot retro annis per Dei gratiam in urbe dominium non obtinebat: Sed ea fata, quæ per tristes olim annos communiter plures experiri solebant, jam paucis & vel uni atque alteri solum obtingere, idque modo quodam sporadico potius quàm epidemico, hoc annotare cum licuerit, communicare etiam operæ pretium visum fuit.

Exemplum quod huic rei fidem faciat

faciat singulare pro anno 1699. suppetit in una domo: Scilicet Aprili mense primus in familia pater, vir robustus, idemque hætenus sanus bibliopegus, febre maligna planè ex improvviso modoque acuto abripitur, hunc post breve tempus, liberis interim etiam correptis, sed evadentibus omnibus, intra mensem ultima sequitur in familia mater; sic viduata domus, cum altum de simili malo in urbe esset silentium, nec per hunc annum antè & post ita acutè abriperetur quisquam. Nihil etiam contagii hinc retulerunt vicini, aut qui alias tristes illas ædes visiterunt. De causa illa manifesta non constabat: Audiebantur quidem tum temporis hinc indè varii pauperum morbi sub annonæ caritate ob diætæ vitia, vertigines, tormina, alvi fluxus, sed hæc in pagis potissimum, minus in urbe; Constitutio autem aëris per istum mensem, utut sæpè blanda, mitis, velut æstiva, hinc & leviter tempestuosa, in principio tamen & fine fuit frigida, humida, cum & vicinis Alpibus diu inhæreret nix, quin nova sub medium & finem ibi caderet.

Pro anno 1700. duo suppetunt exempla, notata in binis ædibus: ubi principium continuæ non communis febris iterum deducendum est à mense Aprili, qua sub ejus finem correptus fuit sartoris filius, absque omni, quantum quidem constat, causa evidenti, nec ab alio quocunque infectus; Hunc sequitur soror major, hanc minor natus; omnes medico nullo consulto vel absque vel cum medicamentis ut aiunt domesticis evadunt, ita tamen ut ad quinque & sex septimanas pro-

tenderetur apud singulos plena convalescentia. Quarta in ordine mater demum die septimo vel octavo Junii (non enim simul tres priores personæ decubuerant, sed una ferè resurgente dejecta fuerat altera) cum malè habere circa præcordia inciperet, sumit purgans, nescio quale aut cujus suavis, & movetur fortiter, sed abhinc statim lecto affigitur, alvum ad tredecim dies habet clausam, tunc suppositoriis & enemate tardè & parcè inotam, jacet soporosa, omnium negligens, excitata & interrogata sibi non malè esse dicit, tandem subdelirans, nullis usæ medicamentis, in tertia demum septimana die vigesimo quarto Junii moritur, lividè post mortem nigricans. Ipso die sepulturæ frater defunctæ, lanio robustus, quinquagenarius, tabellarius, post varios quidem errores diætæ, largos certè in vino excessus, ægrotare incipit, sc. prævio horrore malignè dejicitur die vigesimo sexto Junii; Dicitur autem turbatus & vestibus indutus diu mansisse extra lectum, ludens, garriens, cum pulsus præ spasmodis jam explorari vix posset, & ut ajunt pleuriticus. Quidquid sit de ipso, quem non vidi, moritur satis acutè mane diei secundi Julii, convulsus. Abhinc terrore perculsa alterius fratris uxor etiam dejicitur, sed evadit; Cum verò insuper binæ personæ aliis in ædibus, quibus cum ista familia nihil intercesserat commercii, febre, sed mitiore & remittente, corripirentur, caderetque vir sanus hætenus ex improvviso apoplecticus lethaler, imò de subitanis per patriam casibus tristes hinc inde advolarent nuncii, magna utique tum pavido-

rum commotio. Sed redeundum ad ædes sartoris ; Die altero post sepulturam matris , filia annorum septendecim nondum menstruata, manè circa horam octavam ægrotare incipit , friget , à meridie incalescit , atque ita hinc continenter febricitat , ut extra lectum planè non degere , quin sæpè in eo ne quidem se erigere posset , plerisque tamen diebus horas matutinas experiretur meliores , pomeridianis autem sentiret exacerbationes omnium symptomatum , quorum præcipua erant dolor capitis & ut aiebat cordis , cum levi tussicula , alvo tarda , pauca , siti non nimia , appetitu nunquam plenè abolito , lingua mucosa , molestia quadam deglutitionis , absque maculis , (uti & priores omnes) absque singulari delirio , mittens urinam nunquam rubram , cum nebula post moram crassa albidè pallida : Hæc filia post dies quatuordecim evadit feliciter , usa decocto rasur. corn. cerv. rad. glycyrrhiz. sem. foenicul. pulveribus pannonico , alexipharmaco , cervino , (prout hic in officinis juxta descriptionem B. Parentis in gratiam pauperum prostant minus pretiosi) bis in die aut ter , alternis enim noctibus dabantur grana quatuor extracti bezoardici , descriptionis ejusdem , cum vehiculo & mixturâ aquarum melissæ , card. bened. cerasor. tiliæ , Syr. acetosit. citr. cui addebantur cornu cervi ustum , antimonium diaphoreticum , & tinctura bezoardica , cum pulveres illos porro sumere recusaret. Tandem ultimus in domo pater , die duodecimo Julii langere visus , sibi que metuens , ne ordo jam ipsum tangeret , à deglutitis no-

ctu septem pilulis bezoardicis , & drachma dimidia theriacæ Andromachi mane in vino hausta , largiter sudans præservatur , nilque ultra mali passus , finem ita imponit malæ feбри , inducias hinc iterum urbi nostræ (utinam benè longas) concedenti.

Hæc de hac familia : Interim alibi in urbe lotrix , cum prioribus non communicans , circa idem tempus cum ista muliere , sc. die octavo Julii , post loturam linteorum , sub horam vespertinam septimam horrore gravi correpta , hinc ob æstum , sitim , acutum capitis dolorem , cardialgiam , tussim frustraneam , dolores costarum pleuritidem æmulantes , die decimo Junii manè venam secari jubet in brachio , (unde sanguis extractus mora temporis nullam contraxit crustam , sed mundam servavit superficiem) decursu dierum mane & meridie melius , à vespera in noctem semper pejus habet , tum dyspnoica subindè & subdelira ; Die decimo tertio mensis observantur in collo ipsius & pectore maculæ minutæ rubentes , die decimo octavo per collum efflorescentes vesiculæ miliares ; Alvus die decimo quarto ante meridiem spontè novies non torminosè soluta , per morbi decursum manet lubrica , laxior communiter sub exacerbationibus ; Urina mittitur nunquam tincta , plerumque turbida , cum sedimento post moram laxo , crasso , pallido. Sic afflicta foemina sub usu prædictorum medicamento- rum , quibus hic accesserat decoctum pectorale alexipharmacum , electuarium diascordium , & cortex Peruvianus evasit feliciter ; equidem in sexta septimana jam iterum lotri-

cem agens , notabile adhuc sub declinatione emergens narravit phænomenon , pruritus sc. ferè universalem , valdeque molestum , quo ad fricandum vehementer corpus urgebatur , unde & in squamulas elevata & exsiccata cuticula abscesserat passim. Cæterum hæc non uti prior , infecit quenquam , sive nemo ab ea laboravit similiter , nisi quòd filiola annorum quatuor eam videretur sequi , febricitabat enim per dies quatuordecim continenter , cum exacerbationibus vespertinis , sine maculis , convaluit autem absque medici ope , cum post longam anorexiam & abstinentiam , appetitu ferebatur in lac acidum eoque satiaretur.

Hæc sunt fata familiarum , quas in alta velut pace securas hostis improvisus diversimodè aggressus graviter exercuit , modò unam & alteram in domo eligens personam , reliquis parcens , aliàs nulla prætermissa paucas fataliter abripiens ; Ibi in una domo persistens , decursu intra breve tempus absoluto , hic extra domum ad consanguineos & affines sese extendens , diu tamen protracta successione in eadem , ad mensem sc. usque tertium. Illum aliàs novimus morem talium febrium , quòd cum epidemiam minantur invasionem , accedentes subdolè & sparsim se prodant , & cum finis earum adest , re-

cedentes subindè tamen , cum minimè credis recurrant ; Hic autem neutrum locum habere videtur , sed alia ratione tristem sui memoriam renovasse malignitas ; idque non tam hyberno , quo major olim communiter notabatur , quàm æstivo potius hac vice tempore , quo Mars apud nos (utinam per Dei gratiam diu) quiescit , & qua mediocre fuit annonæ pretium. Addendum hac occasione post hyemem inconstantem , ventosam , lutulentam & gelidam , non minus varium successisse vernum tempus , nive iterum Alpibus diu , ad finem usque Aprilis , inhærente ; Junium in specie sæpe , ipso die septimo fuisse pluviosum , ad exundationem fluviorum in utramque circa urbem valle. Respondebant interim tali constitutioni morbi varii , inter quos præcipuæ hybernæ variolæ , vernæ scabies , pleuritides , peripneumoniarum , sub initium Maii perquam frequentes : Abhinc autem inter benignos nec multos morbos observabatur singularis illa malignitas , ad paucas determinata personas. Quibus sub finem pro declaranda temporum istorum de cætero bonitate addi potest , quòd à quo tempore fama de novo remedio antidynterico percrebuit , nullus observatus inter nos fuerit æger , quocum ejus periculum fieri potuerit.

Seriùs Missa Dn. D. AMBROSII STEGMANNI

Historia Epidemica Mansfeldiaca Anni 1697.

CUM Temporum inæqualitas, Hippocrate & Experientia teste, plurimos pariat morbos, nec minima utilitas, judice Per-Illustri Domino Præside ex Epidemica Annorum constitutione, diligentique illorum observatione resultat in Rempublicam Medicam, operæ pretium duxi & Ego, ut circa Comitatum Mansfeldiacum ex epidemica constitutione propullulantes morbos, quantum mihi observare datum fuit, annotarem & Ephemeridibus adderem. Ab Anno itaque 1697. bono cum DEO, initium faciam: Cujus Mensis JANUARIUS incepit gelu rigorofo congelare aquas, & nive conspergere terram ad 5tum usque diem, quem inconstans ingruente ultima Lunæ quadra, aëris tempestas excepit, & per reliquos hujus mensis dies mox pluviis, mox nive, mox turbinibus continuavit.

MORBI: Per hunc mensem tumores insoliti hominum capita occuparunt, ut tertio majores extiterint, quos tamen sudorifera & vesicatoria optimè dissiparunt. Sic & Pleuritis notha in gravidas nimium quantum sæviit. Nec non catarrhi suffocativi primæ, mediæ & ultimæ ætatis homines invaserunt, qui Affectus tamen appropriatis suis remediis ausculta- runt.

FEBRUARIUS inconstante Aëris temperie, multis comitatus nebulis matutinis & vespertinis ad no-

num usque diem continuavit, quo frigus intensum ingruit & ad 24. duravit, reliquos hujus mensis dies rursus Aër pluviosus, udosus & nebulosus excepit.

MORBI: Mense hoc Morbus Hungaricus, superveniente ut pl. 7tmo die Anginâ, Febresque Petechiales multis exitiales fuere. Petechiæ in plerisque absque ullis datis Medicamentis 2do statim & 3to die maximâ cum virium prostratione & malignitate eruperunt. Et licet multi his laborantes sanis similes viderentur, tamen præter omnium opinionem die 7tmo extincti sunt. Die 5to ut pl. in sexu nobiliori hæmorrhagiæ narium, in sequiori menstrua cum infallibili lethalitatis indicio, erumpebant. Quibus mox ab initio delirium superveniebat, morbo absolvebantur; sic & diversos ex pauperioris fortis hominibus vidi superstites, qui negligentius vivebant, in frigore jacebant nec ullam sui corporis curam habebant. Ex decumbentibus etiam quidam recidivam sunt passi, ita, ut intra mensem bis fuerint petechiis insigniti, qui tamen omnes vitâ privati sunt. In quibusdam febre hac demortuis, facies vivorum simillima & sudore guttatim conspicua, deprehensa est. Admirationem etiam subit, quod bubones pestilentiales, in quibusdam peste, tempore ultimæ contagionis, olim infectis,

hoc mense rursus intumuerint, purulentamque materiam de se dederint. Optima Bezoardica lege Artis & summo studio adhibita respuebat omnia hæc febris; Idemque vomitoria & Venæ sect. in principio etiam administrata erant de nihilo. Sola vesicatoria, quæ tamen plurimi recusabant, primis statim diebus in diversis corporis partibus simul applicata, multos eripiebant è faucibus mortis.

MARTIUS & APRILIS mox pluviis & tonitru, mox nive, mox turbinibus mutarunt suos dies.

MORBI: Catarrhi & tusses nimium quantum infestarunt Homines, in his Pillul. de Succin. Craton. it. de Cynogloss. associatis Elixiriis pectoralibus multum profuerunt.

MAJUS insolito Aëris fervore & tonitru ingruit, & usque ad X. diem continuavit. Reliqui hujus mensis dies pluviosi & ventosi, noctes verò ob flantem Boream summè frigidæ extiterunt, ut & exinde fructus & fruges ob glaciem obductam frigore sint tactæ & læsæ.

MORBI. Hoc mense Pleuritis, Hæmoptysis, Arthritis vaga scorbutica, & imprimis febres Catarrhales multò infestarunt.

JUNIUS intravit rursus insolito Aëris fervore, cujus XI. mum diem Boreas excepit & usque ad XX. diem duravit, quo rursus Aëris fer-

vor cum tonitru ingruit, & mensem finiit.

MORBI. Hoc Mense Melancholia multos utriusque Sexûs homines invasit, qui truculentas manus sibi suisque intulerunt, supervenit & quibusdam Melancholicis Epilepsia paucas post horas lethalis.

JULIUS crebrioribus pluviis, flante Borea, per totum mensem ita molestus fuit, ut Vulcanus tunc temporis superbiret in nostris fornacibus.

MORBI. Hoc mense febres Tertianæ & Quartanæ, it. Partus difficiles sequiori sexui periculosi fuere.

AUGUSTUS, SEPTEMBER & OCTOBER pluviosi & ventosi flante Borea & Euro extiterunt.

MORBI. Catarrhi, Tusses, & Pleuritis vagarunt hinc inde.

NOVEMBER & DECEMBER maximè inæquales fuerunt, & mox pluviis, mox nive, mox frigore mutarunt suos dies.

MORBI. His mensibus Icterus in quibusdam cum diarrhœa, in aliis cum vomitu, in plurimis cum tumore ventris observatus est, & totas familias infecit, paucos tamen intra dies pillulis meis Martialibus & Sale Cachectico Ludovici profligavi hunc morbum. Sic & Arthritis vaga Scorbutica & Podagra multos infestavit.

Epidemia Mansfeldiaca Anni 1698.

JANUARIUS frigore intenso per 4. dies spirante Subsolano continuavit, 5to die Aër nebulosus ingruit. 6to & 7tmo Aqu-

lo nivem, d. 12. 13. 14. Zephyrus pluvias protulit, d. 15. 16. 17. 18. 19. 20. Euro-Notus nivem & intensum frigus reddidit. Reliqui mens-

sis

sis dies , flante Zephyro , rursus plu-
viosi extiterunt.

MORBI. Tussis , Catarrhi &
Pleuritis notha multis molesti fuere.

FEBRUARIUS pluvioso & au-
strali aëre usque ad Sextum continu-
avit diem , 7mo frigus intensum ,
spirante Euronoto , ingruit , & per
reliquos hujus mensis duravit.

MORBI. Pleuritis , tumores sub
axillis , & morbilli admodum familia-
res fuere hoc mense omnis ætatis ho-
minibus.

MARTII primi VI. dies flante
Zephyro , pluvioli extiterunt , VII.
frigus , spirante Euro-noto , inten-
sum rursus ingruit , & usque ad XX.
continuavit , quos reliquos mensis
hujus dies aër meridionalis cum plu-
viis & tonitru absolvit.

APRILIS totus pluviosus , spirante
aëre meridionali extitit.

MAJUS eodem aëre & pluviis us-
que ad 18. diem continuavit , d.19.
Subsolanus radiis Solaribus terram
ficcavit , quam tamen d. 27. pluviae
& grandines rursus humectarunt , &
ad finem usque hujus mensis perdura-
runt.

JUNIUS , JULIUS , AUGUS-
TUS , SEPTEMBER & OCTO-
BER mox pluviis , mox radiis So-
laribus & aëre validiori , mox fri-
gidiori , variante Aquilone & Austro
admodum molesti , extiterunt.

MORBI. Licet maxima Aëris inæ-
qualitas per totum ferme Annum ex-
titerit , minimi tamen morbi has
oras visiterunt. Nam præter Melan-
choliā , Maniam & furorem ute-
rinum , planè nullus alius in Comita-
tu Mansfeldiaco per Mensem Ju-
lium , Junium & Augustum obser-

vatus est morbus. Hi autem affectus
permultis familiares fuerunt. Nam
XV. Melancholiā , VII. mania , & octo-
decim furore uterino laborantes me-
am solummodo implorarunt opem ,
quibus etiam ad unum omnibus ap-
propriatis suis remediis , & imprimis
vesicatoriis , & Venæ Sect. Deo auxi-
liante pristinam reddidi sanitatem.
Nymphamaniacæ imprimis mira pas-
sæ sunt symptomata. Quædam nil
nisi obscœna proferebant verba , ve-
neremque intendebant. Quædam in-
somnia phantastica recitabant , &
modò hunc , modò illum Sanctum ,
l. Principem , l. alium Magnum pro-
sponsis habebant. Aliæ cantabant ,
saltabant & modò in caput , modò
in pedes se conjiciebant , variaque
absurda immiscebant. Aliæ rythmos
componebant , totas paginas è Bi-
bliis recitabant & Chiliastras se pro-
fitebantur. Extitit autem , quod mi-
randum , furor uterinus contagiosus ,
nam iisdem in ædibus sæpè 2.3. &
plures decumbebant mulieres hoc affe-
ctu. Vidi etiam meis oculis : Quòd
præfecti cujusdam uxor in paroxysmo
ejusmodi furente constituta , ex ad-
stantibus mulierculis rusticam quan-
dam virginem ad osculandam mani-
bus arriperet , recusantique cola-
phum impingeret , ex quo terrore
rustica hæc , altero die post , eodem
affectu infecta fuit.

NOVEMBRIS initium frigidum
fuit , reliqui verò ejusdem dies mox
pluviis , mox nive rursus molesti ex-
titerunt.

DECEMBER mox frigore , mox
pluviis , mox nive , mox turbinibus
Annum absolvit.

MORBI. Hisce mensibus vario-

læ suis maculis primæ, mediæ & ultimæ ætatis homines signarunt. Vidi enim vetulam septuagenario propinquiorem, & virum sexagenario majorem, variolis absque vitæ jactura decumbentes. Sic & bruta à variolis non immunia fuere, ex quibus pennata, utpote anseres & gallinæ,

tum domesticæ, tum indicæ, hisce infecta perierunt ferme omnia. Oves & porci verò, quibus expellentia (utpote cineres ex stipitibus fabarum, vel frumento secalino cum urina humana, vel rob. Sambuci &c.) ab Oeconomiis curiosis propinata sunt, ut pl. evaserunt superstites.

Constitutio Epidemica Berolinensis Ann. 1700.

Dn. D. GUSTAVI CASIMIRI GAHRLIEP

Von der Müllen.

J Anuarii imus ft. Greg. gelu quod annum præcedentem finierat, cum degelascete tepore imbribus ac nivibus mixto commutavit, & ad festum Apparitionis s. ut vulgo vocant trium Regum usque continuavit, sequenti festum die gelu cælo sereno vires recuperavit, ac per triduum servavit, 10mo rursus & sequentibus; 12mum gelu aliquali & nivibus diversum, cum 16to, 17mo & 18vo blandum gelu nocturnum cælo nubilofo à meridie pluviis rorantibus, si exceperis ad 25tum usque remittens, 26tus priorem vigorem reassumfit, illique nives superaddidit; eoque tenore sequentibus, 29no excepto, ad 30mum usque duravit, tandem 31mo ac ultimo illius mensis, pluvioso, à meridie vario desit æthere.

Februarius temperato quidem frigore cœpit, sed nivibus, quandoque aliàs pluviis, utut raris, interpolato varius fuit ad 22dum usque, à quo redintegrato per triduum brumali rigore, sereno interdum cælo, 25to sensim remittente, 28vo circa vespe-

ram in pluviam tandem deliquit.

Quam prima Martii serenitas excepit dies, huncque sequentibus gelu nocturnum, subinde & diurnum, nivibus 3tio & 4to opertum, succedentibus à 5to ad 11mum satis rigidum, remittens 12mo ad 25tum usque Cauro impetuosius flante noctu valdè gelidum & hujus sequaces ad finem usque mensis, Cauro licet ab Aquilone repulso ac hinc 30mo succedente Euro eodem ferè tenore perdurantes.

Morbi hoc anni quadrante præter scorbutum ferè endemium ejusque affeclas, ut & cognatum malum hypochondriacum, fuere frequentiores Catarrhi, tussis, febribus, quandoque Catarrhalibus, variis defluxionibus, in genas, dentes, maxillas, guttur, scapulas, ipsum quoque pectus & pulmones, pleuritide item tam verâ, quàm spuria, indeque ut plurimum pullulante hæmoptoë, hancque non nunquam excipiente, aut Phthisi, aut hectica, haud rarò etiam nephriticis doloribus complicatæ. Præterea febres quoque aliæ variæ, inter-

interque illas quædam malignitate non vacantes, morbillis, & variolis, & purpura sese prodentes.

Aprilis primis diebus Euro-noto spirante paulò remissior, 6to Vernæ amœnitatis prænuntio, variantibus subinde ventis & non nunquam satis asperè flantibus, sereno tamen plerumque cœlo, rarius pluvias rorantes spargens, ad extremum usque diem temperatus fuit.

Cui Majus ferè totus respondit, frigidior equidem, paulò præter 12mum & 17mum sudo & tepore verno amœnos, ad 22dum in pluvias comite tonitru circa vesperam cum sequenti toto & 24to manè udo solutum, succedente biduo sereno ac temperato, postque 27mo manè pluvio, tandem ad 31mum adeoque ultimum serenitas & amœnus.

Junius serenitatem & amœnitatem vernam Majo cœptam ad 6ti usque vesperam cum pluvia tonitru advehentem continuavit, 7mus & 8vus præcedentibus nubilosiores, circa vesperam rursus pluvii fuerunt, reliqui ad 12mum obscuri & frigidi, ficti tamen; à 12mo verò, 20mo manè pluvioso, vesperi tonitruoso excepto, ad 22dum & 23. serena & amœna temperie commendabiles, ac hos inter 14tum, 15tum, 16tum & 17mum æstivo ferè æstu graves fuerunt, subsequentes pluviosi, quandoque tota die ac nubili ad 30mum usque & ultimum manè nubilum, postea præcedentibus sereniores.

Morbos hoc trimestre præter prædictum scorbutum & ab illo dependentes Cachexiam, dolores, tumores & id genus alia symptomata, febres genuit omnis generis, commu-

nes, Ephemeræ, intermittentes varias, etiam septiduanam, paroxysmo septimo quoque die recurrente, rarius, si unquam antehac in praxi occurrentem; continuas, arduas, cum & sine exacerbationibus, Catarrhales, malignas haud rarò, pleuritide, arthritide, Catarrhis aliisque variis defluxionibus, tussi, doloribus præcordiorum, & hypochondriorum, asthma, interdum convulsivo infestas, purpura, morbillis, atque variolis, aliisque exanthematis foedas, passiones item hystericas, nephritides, diarrhoeas, hæmorrhagias etiam uteri, &c.

Julii prima dies serenitatem ultima Junii cœptam continuavit; Verùm sequentes mense ferè toto alternis diebus sudum cum pluviis nunc parvioribus, nunc copiosioribus alternando, æstivum sereni cœli æstum sic imbris & pluviis temperarunt.

Augustus à primo ad 7mum ferè pluviosus, triduum ad 10mum usque serenum intercalavit, sequens triduum manè siccum vesperi pluvia maduit; 14tus vento nubes dissipante serenus, 15tum successorem habuit totum udu & imbrosum, 16tum manè pluvium, postea serenum, serenitate triduum continuante, biduum rursus mane nebulosum, post raras spargendo pluvias vidimus. Sudo 22do interfecto 23io nubilo, tonitruoso ac pluvioso in serenitatem tandem declinanti, 24tus successit serenus & amœnus, atque huic frigidulum pluviis subinde madens ad finem usque mensis septendium.

September facie à primo rorante nonnunquam aliàs sereno, in sudum æstu sæpius grave mutata, ad 13ium usque

usque manè serenum, licet à meridie post tonitru grave imbridium, commendabilis, triduum accivit varium pluviis serenitati interspersis, ac frigore, moderato tamen, non usquequaque gratum; triduo alio sudo gratiori exceptum, biduo rursus interpolatum vario, 22do sicco, 23. toto ferè pluvio ac frigido, 24to manè nebuloso ac nubilo, à meridie sereno, substituti triduum ejusdem ferè tenoris, frigidum, tum serenitas bidui postremi; mensem nunc simulque trimestre hoc absolvit.

Quoad morbos id præcedenti ferè compar, nisi quòd frequentiores adhuc fuerint febres præsertim ardentes & malignæ, petechiales quoque, pleuritides in phtisin quandoque declinantes, quædam veræ, quædam etiam nothæ, dysentericiæ & diarrhoea, æstui partim & inordinatæ, in potu præsertim & fructuum horariorum ingurgitatione, diætæ originem debentes, non nunquam lethales variæ, febribus interdum comitatæ defluxiones cum tumoribus artuum, præcipuè genarum valdè contumacibus.

October à primo ad 4tum usque nubilum & à meridie rorantem, indeque ad 8tavi usque vespertinam pluviam serenus, temperatus ac sudo ferè jugi veris instar amœnus; Noctu inter 8vum & 9num Tonitru horrendo terribilis, nono sparsis à meridie pluviis paulò horridior, 10mo sine pluvia nubilus, 11mo sudum redintegavit, biduo succedente vario ac quandoque pluvio, 16to vesperti pluvia madens, cætera cum sequentibus quinque serenus, 21mo nubilus subindeque rorans ac Austro

flante frigidus, 22do manè pluvius ac nubilus cum sequentibus quinque ficcus; 27mo nubilus totus ac imbrofus, 28vo Vulturno aspirante nebulosus manè, postea cum insequentibus ad 31mum, ac mensis hujus postremum, paululum rorantem & frigidum, serenus atque ficcus.

Novembris primus durante adhuc Vulturno gelu induxit, & per biduum continuavit, quod tertio rorante manè parumper cœlo remisit, succedente 4to toto pluvioso; tum biduo turbido sicco tamen, manè præsertim atque huic ad 12mum usque varia, quandoque nubila, aliàs serena, sicca subinde, rursusque pluvia tempestate; tandem Cauro afflante gelu 13tio serenum accessit ac sequenti mane turbido, & à meridie nive prima comitato, usque ad 19num à rigore remittentem & pluviis madentem duravit. Tum post biduum pluvium, biduum successit, gelidum, procellosum & grandinosum; huic demum nix manè pluviis mixta, à meridie ac sequenti 24to in imbres deliquescent, sequenti verò nocte Austro flante rursus gelascens, diurno succedente per quadriduum sudo, vesperti vento paulatim ad Eurum regrediente in nivem resoluta ac biduo subsequente toto pluvioso, nebuloso ac inamœno mensem terminante.

Decembris primus gelu reduxit ac nives, quod ad 5tum usque circa vespertinam pluvia sparsa remittentem duravit, hunc sequens biduum adhuc remissius prima die pluvias vespertinas tulit, altera ficius fuit, 8vus manè nebulosus valdè ac pluvius, postea ficius, 9nus, totus nebulosus &

fus & Zephyro aspirante imbrofus ,
10mus manè paulò serenior , vespere
pluviosus. 11mus mane turbidus ,
post serenior tandem nubilus & udus,
12mus blandum gelu , non nunquam
nivibus non nunquam gelicidio in-
terpolatum reduxit, ad usque 20mum,
qui rigorem majorem addidit ac qua-
triduum continuavit , circa vesperam
24ti remittens ac vario cœlo , ut-
plurimum tamen uvido , ad 31mum
usque perseverans , sicque hoc tri-
mestre simulque annum ipsum tem-
perato , at ingrato frigore clau-
dens.

Ultimum hoc trimestre morbos
produxit prioribus nec frequentia ,
nec varietate nec gravitate cedentes ,
passiones hypochondriacas , Iliacas ,
Colicas , hystericas , nephriticas ,

Febres varias , præsertim acutas , ar-
dentes continuas , catarrhales , pleu-
riticas , malignas quoque variolis &
petechiis infames & quandoque fu-
nestas. Defluxiones & Catarrhos ,
suffocativos quoque, in genas , gut-
tur , pulmones &c. depluentes. Asth-
mata convulsiva quoque non nun-
quam & anginas causantes. Diar-
rhœas & dysenterias , Cephalalgias ,
hemicranias , cardialgias , odontal-
gias , hemiplegias , Apoplexias , Epi-
lepsias , præsertim infantum. Tu-
mores varios & dolores , ut pluri-
mum contumaces , & innumera alia
scorbuto præsertim & Venereæ lui
familiaria symptomata , brumali fri-
gori , cœlique frigiodiri ac humidæ
constitutioni variabili & inconstanti
ex parte tribuenda.

Constitutio Epidemica URATISLAVIENSIS.

Anni 1699. 1700. & 1701.

EXcellentissimi Domini Uratis-
lavienses uti hætenus inter Na-
turæ Curiosos solertiæ & curiosi-
tatis palmam non paucis aliis du-
biam reddere allaborârunt , ita lau-
dabili instituto , circa conscribendam
morborum in Germania epidemico-
rum historiam , & ipsi favere , ac
Patriæ suæ celeberrimæ similem sta-
tum delineare decreverunt ; Cujus
piores tres Anni de Morbis qui Anno
1699. 1700. & 1701. Uratislaviæ graf-
fati sunt , publicis typis jam exscripti
legantur , & cum pro hoc nostro Volu-
mine paulò prolixiores sint , synopsis
eorum hîc dare libuit, omissis iis mor-
bis , qui epidemicorum censum haud
ingrediuntur.

Tom. II.

Cum Anni millesimi , sexcente-
simi , nonagesimi noni Januarium
horridum Uratislaviensibus reddidif-
sent Nebulæ & Venti , variis vi-
cissitudinibus , potissimum intercur-
rente pluvîâ , subinde tamen & fi-
gore , quamvis remissiore , graves ,
initium quoque , imò majorem ferè
partem Februarii sub eadem cœli in-
constantia transegerunt , nisi quod
alterna frigoris vis majori impetu
corpora concuteret , & aër circa
plenilunium serenus languentes ani-
mos excitaret ; quæ cœli inclemen-
tia ineunte mense Martio continua-
vit , non rarò tamen effusis ad ple-
nilunium usque , quæ illicò tabelce-
bant , nivibus , & terra pruinis hor-
rente ,

R

rente; cum è contra melior aër, vergente ad finem mense, ac sudum tellurem foveret. Primus ergo hic anni quadrans ferè decursu excessit in humida constitutione, quam etiam accuratæ tam barometricæ, quam thermometricæ observationes confirmarunt. Quo tempore, cum primis sub Januarii principium, Dolores spasmodici sanguineo-cholericos, & melancholico-phlegmaticos affligebant, frequens erat Arthritis, prædominabatur tamen in subjectis iracundiæ obnoxiiis, & diætæ aromaticæ ac vinosæ deditis, præcipuè liberaliori vini Hungarici, à solo calce vivâ ferè penitus substrato infecti, potui inhiantibus. Plures intempestivo frigidi & humidi aëris accursu admissi, Pleuritis notha occupabat, temperatioribus diureticis magis, quàm diaphoreticis cedens. Multi de dolore lumbos infestante conquesti, pro nephriticis promiscuè à Medicis non satis exercitatis, & vulgo habiti fuerunt, cum tamen non semper renes, sed plurimas etiam alias partes in illa corporis regione latentes, adfici posse, sagaciores Medicos fugere nequeat.

Sub finem ejusdem mensis in scenam prodibat Febris petechialis, quæ licet post 14. Aprilis diem conticesceret, mense tamen Majo iterum ferocire, & quidem cum catarrho suffocativo, præprimis in ætate teneriori incipiebat, ac non æquè in infantes, pueros & senes, sed in foeminas, & frequentius in mares sanguineos & sanguineo-phlegmaticos sæviit, ac præprimis iis gravis ac infesta incubuit, qui vino atque spiritu vini se obruerant, ac

corpus cacochymicum pravâ victus ratione contraxerant; cæterum prævio horrore, cum quadam gravedine, tussi, imò & faucium inflammatione & tumore invadebat, adebat præceps subita virium prostratio, pulsus exilior & imbecillior, frequens tamen & inæqualis; calor qui horrorem sequebatur, in sanguineis intensior totum corpus occupabat, maximè verò caput, undè in fluidioris habitus corporibus, cephalalgia acutior, rubor faciei, oculi scintillantes, vigiliæ, deliria furiosa, jactatio corporis, sitis &c. in sanguineo-phlegmaticis, quorum sanguis sero viscido abundat, color multò mitior apparebat, qui non paucis imponere solet ægris & Medicis, ut parum periculi subesse, cum magno suo discrimine credant; à quo fallaci calore forte febris illa maligna vocari meruit, sumptâ metaphorâ ab hominibus malignis, qui aliud fronte promittunt, aliud in intimiori cordis recessu premunt; in his calori respondebat sitis tolerabilis, & quies corporis sine manifesta jectigatione, sed debilitas gravis ac continua in somnum propensio, ac non consulta antea taciturnitas, cardialgia, lingua modò lento succo obducta, modò fissuris asperis & scabris dehiscens, aut retorrido calore cum vicinis faucibus arebat. In hominibus melancholici temperamenti, quorum tamen non nimis multi hac infirmitate detenti fuerunt, statim ab assumpto alimento vel medicamento, flatus & hypochondriorum murmura. Cholericis loquacitate suâ aliorum aures obtundebant, & calore acriori tangentis manum urebant.

Omnes

Omnes cujuscunque complexionis , graviter nausea cibi & appetitus dejectio infestabat. Sensim deinde æstus invalescebat, ut luculentus calor in partibus externis deprehenderetur. Exerebant se etiam dolores varii , modò pungentes , modò mordicantes. Circa quartum , septimum , imò etiam undecimum diem , in pectore , dorso , brachiis , lumbis , & cruribus , maculæ rubentes , puncturis pulicum similes , sine levamine erumpebant , aliquando etiam majores lenticularum magnitudinem æquantes ; rubræ illæ meliores , deteriores verò citrinæ , lividæ , violaceæ , imprimis si hæmorrhagia gingivarum circa dentes incisivos superioris maxillæ enormior juncta fuerit ; nigræ , præprimis majores , omnium pessimæ. Urina non uno modo comparata erat ; nec alvi excretio ; hæc liberalior salutaris admodum post diem septimum observata , & accedente sudore solutionem morbi promittebat ; cùm è contra siccitatem alvi hæc febris pessimè tulerit. Vermes per alvum cum sedibus aliquoties rejecti. Pejus cum iis agebatur , quos vomitus partim humorum variorum , partim quorumvis assumptorum , aut etiam inanis cum nausea & cardialgia affligebant , præsertim si singultus iis se comitem adjungeret. Sudores primis statim morbi temporibus sine levamine , sed post quartum morbi diem , circa septimum , undecimum &c. felicioris eventus indices erant : cadaverosus erat funestus. Cum hæmorrhagiis quidam evaserunt. Morbus nequaquam intra quatuordecim dies finiebatur , sed ad 21. imò &

ultra ad 40. usque extendebatur. Solvebatur rarissimè per hæmorrhagiam , aliquando per abscessum , frequenter per sudores , sæpissimè autem tum per hos , tum per diarrhœam ; quandoque etiam per tumores in variis corporis partibus , cum primis in ano , per exanthemata miliaria , pedum scabiem , icterum &c. Cura sine V.S. (qua sanguis eductus in superiori parte , crusta albâ spissâ , tenacissimâ obductus , in inferiori verò , modò floridus & fluidus , modò concretus & coagulatus fuit deprehensus) peracta feliciter successit. Quibus statim ab initio mite evacuans datum , facilius morbum superarunt , quale fuit potio Sydenhamiana in dosi aliquantùm minori , pulvis ex Antimon. & Nitro depur. Tart. Vitriolato , ac grano j. vel ij. scam. sulphur. additis apud ditiores granis paucis auri fulminantis , vel etiam quæ simul ad malignitatem habent respectum. Vomitoria in principio hominibus phlegmaticis aut melancholicis robustis & nauseantibus , præsentis conatu vomendi , interdum cum successu data. Cæterùm ferè tota cura per placidum sudorem , seu potiùs madorem , bezoardicis , pulv. Bez. Sennerti , *Rhumbaum* , *Doring*. Pannon. rub. &c. Mist. simpl. Essentia scordii saturatori , myrrhâ , diascordio , absoluta ; fortiora , volatilia salia , bezoardica calida ac spirituosâ omissa , quia obfuerunt : camphora planè præterita , cum vis ejus alexiteria non nisi nuda traditione & opinione hominum nitatur , & internè plus detrimenti quàm auxiliî spondeat. Diarrhœam , nisi esset colliquativa , aut inflammationi in-

testinorum superveniret, nequaquam suppressere studuerunt; quin imo non raro laxans ordinarunt, ac internè per totum morbi cursum nitrosa cum sufficienti potus quantitate eâ intentione ægris propinarunt, ut ventriculus & intestinorum volumina ritè abstergerentur, & materia biliosa acris ac urens è corpore proscriberetur; alvi tamen profluvii modum excedentibus nitro in exigua dosi exhibitio, interpositisque terreis, pulveribus, aut diascordio Fracast. frenum injecerunt; reliquis etiam symptomatibus convenienter obviam ivērunt.

In Januario Odontalgia seu Hemicrania laborabant istæ potissimum mulieres, quibus negotium mensium magis impeditum; non nulli erant, qui Ophthalmia vexarentur; Illis Tinctura odontalgica Myns. & Wedelii &c. his decoctum cort. granator. &c. profuit. Occurrebant etiam, quos Icterus foedabat, & Martialia liquida præcipuè cum salinis, aliisque juvabant.

Mense Februario, præter Variolas & Morbillos, aliæ quoque Maculae cum febre sub noctem ingravescente, & tussi ferina, corpora infantum occuparunt, latæ rubeæque, Morbillis non admodum dissimiles in facie, minutissimæ verò & puniceæ in dorso, lumbis & pectore; non nullæ elevatiores ad naturam Variolarum accedebant, ac pruritu & fervore molestissimæ, tandem per abscissionem epidermidis in squamulas resolvebantur. Grassabantur etiam aliæ mitiores Variolæ, à forma acuminata *die Spitzblattern* vocatæ, nec non quas *Schaafs Blattern*

nominant, pustulæ scil. latiores minusque acuminatæ. Graviore ob intensiorem æstus erant Rubeolæ, diaphoreticis fixis curatæ.

Fuere etiā qui difficulter admodum respirabant, & de gravedine solum quadam ventriculi conquerebantur, paratam in scorbuticis medelam invēnientes, acetosa, acetosella, rad. ari, helenii &c. non in cochlearia, si maculae fervidioris intemperiei indices deformabant.

Infantes Tussis convulsiva fatigabat satis frequenter, in qua Pulvis antepilepticus Ludovicianus utilis.

Alii, lactantes æquè ac ablactati, omni hyeme Atrophia corripuntur, cum febricula circa vesperam ingruente, inquietudine & siti nocturnâ, fame, torpore, abdomineque tumēte; à ductuum lacteorum & glandularum, viscerumque glandulorum lenta ac viscida obstructione, in qua Tinctura & aperitiva vitriolata, arcanum duplicatum &c. profunt.

Erant etiam quidam Hæmoptoici, atque inter hos pauci, qui sine noxa evaserunt, in lentam tabem & phtisin præcipuè prolapsi; V. S. malum hoc cessasse compertum est, nec non largiori nitri exhibitioni.

Non paucos quoque malum hypochondriacum torquebat, solitis stipatum symptomatibus, hypochondriorum distensione, ventriculi concoctione languidâ, ructibus acidis, vomitu, rugitibus, sputatione crebrâ, alvo segni, duritie, tumore in regione lienis, anxietatibus præcordialibus, cordis palpitationibus, vertigine, pavoribus in somno, aurium tinnitu, doloribusque variis.

Cura

Cura eorum in crassis humoribus attenuandis erat, per nodulos aperientes, martialia, urinosa volatil. myrrham, crocum, mixturam simpl. tincturam vitriol. ☉. tart. D. L.

Illucescente Martio turmatim scabiosi occurrerunt curandi; id quod, præter externa, blandis diaphoreticis imprimis fuit præstitum.

Circa idem tempus non paucos tantum non exanimabat molestissimus pruritus, præprimis senibus & cœlibibus gravissimus, ac inter hos hominibus ficcioris constitutionis. Conducebant iis medicamenta nitrosa, & diuretica saponaria, quæ salfos & acres atomos ad vias urinarias deducunt.

Primus Aprilis dies serenus illuxit, & calore suo Veris delicias sperare iussit. Non diuturna tamen hæc felicitas fuit, nam nebulæ & pluviae à meridie primis diebus gratum solis adspectum ad breve tempus ademerunt. Qui secuti dies, vernali tempore ad plenilunium, omnia brumali aurâ quasi rigentia blandè vegetabant. Deinde cœlum varium erat, interdum serenum, interdum nebulis obductum, nimbos ac pluviam effundebat. Majus, quo alias omnia rident, & est formosissimus annus, nebulis, pluviis & ventis, si paucos amœniores dies excipias, rigidus erat.

In Junio iterum amœnior ac serenior aër, cujus jucunditatem etiam vergente ad finem Majo degustare licuit, comparuit; neque tamen ad finem processit sine imbribus, quorum iram proximi Uratislaviæ accolæ, perruptis aggeribus, gravem, cum damno sanitatis & facultatum experti sunt. Grassabantur tum mor-

bi plerique ab Hippocrate enumerati, ubi de vernalibus ei sermo, furores, melancholiæ, epilepsiæ, fluxiones sanguinis, anginae, gravedines, raucedines, exanthemata varia, & articulorum dolores, febres insuper intermittentes: in ætate puerili & adolescentia, sanguinis excretiones è naribus, hæmoptyses juvenibus magis familiariter evenere, quemadmodum vomitus cruenti viris & foeminis, vitæque sedentariæ deditis, hæmorrhoidales autem depletiones paulò annosioribus acciderunt; mictus quoque cruenti exempla notata. Circa loca illa corporis, quibus sanguis erumpit, ingeniosissimum D. Stahlium, Hallersium Practicum, & Professore fecuti, spasmodicas passiones, sanguinis congestionem, vasorum & pororum tensionem, atque turgescentiam, cum sensu ardoris, lancinationis & pulsationis observarunt, quin etiam ferè ad ejus mentem, curam felici cum successu instituerunt: violentioribus vero sanguinis depauperationibus, efficacissimis remediis occurrerunt. Insolita uteri hæmorrhagia septuagenariis proximas, quæ nullo remediorum genere cohiberi potuit, in mortem præcipitavit.

Typus febrium intermittentium non unius generis erat: non nullis paroxysmi omni die, aliis tertio quovis molesti erant; erant, quibus quovis die duo paroxysmi erant superandi. Nec infrequentes tertianæ duplices in quibus paroxysmo primo non respondet secundus, sed tertius, secundo quartus, tertio quintus, quarto sextus &c. ita tamen, ut non tantum tertio die, sed etiam

intercalati febricitarent. Semitertia-
na paulò quidem rarior, at non pror-
fus defuere, qui omni die quidem
febre corripentur, sed tertio quo-
vis die duorum paroxysmorum im-
petum sustinerent. Vigebant quoque
febres erraticæ; quæ incertis recur-
rebant diebus & horis. Ambigeba-
tur, an in censum febrium intermit-
tentium referri debeant etiam illæ,
quæ contra communem intermitten-
tium indolem, tragœdiam à calore
satis intenso auspicabantur; nam utut
ἀνρυγία, quæ initio adesse vide-
tur, genium intermittentis redoleat,
languor tamen magnus, pulsus ali-
qua agitatio, & cætera symptoma-
ta continuitatis opinionem confir-
mabant. Eadem ferè mens erat de il-
lis quibus malignitas conjuncta est,
& tamen remissione quadam non ca-
rent, sc. doloso intermissionis cine-
ri primorum dierum suppositum fuis-
se ignem continuatum, elucet ex eo,
quòd sequentibus exacerbationem
quidem caloris & symptomatum, non
item veram remissionem observare
liceat. V. S. omissa, Vomitoriorum
tempore intermissionis frequentior
usus fuerat; nec purgantia omissa.
Quoniam verò hæ febres focum ha-
bent in primis viis, incidentibus cu-
ra fuit peracta, præsertim tartaro
vitriolato, arcano dupl. fale lixiv.
absinth. centaur. min. card. ben. &c.
quæ cum acria sint, incidunt, dis-
solvunt pituitam, & reluctantur aci-
do, addita iis, præprimis post ali-
quot febrilium paroxysmorum de-
cursum, subinde præcipitantia; in
exanthematica, antiscorbutica; in
contumacioribus cortex Peruvianus,
in pulvere vel electuario, cum ef-

sentia segnior sit; in vino generoso
albo maceratus rarissimè spem expe-
ctationemque implevit: in febribus
cum inflammatione quadam conjun-
ctis nunquam non noxius deprehen-
sus, in febribus etiam aliis calidio-
ribus obscurè remittentibus funestus
fuit; quibus non alia, quàm quæ
malignis debetur, ratione meden-
dum: & eximiæ prudentiæ medicæ
statuitur, etiam verè intermittentes,
epidemicè grassanti aliquâ malignâ
febri, alexipharmacis & bezoardicis
oppugnare, ne ægri in prædominan-
tem epidemicam prolabantur.

Vehementius eodem anni tempo-
re dentientes laborabant, ob tur-
gescentes nutricum, & ipsorum in-
fantium humores.

Sæviebant quoque pathemata spa-
smodica, ac Epilepsia passim pu-
sillorum corpora hoc mense torque-
bat, multosque jugulabat: In sym-
ptomatica, fomitem in pituita vis-
cida & acida habente, resolventia,
incidentia, & modeste evacuantia
omne ferunt punctum; in idiopa-
thica quò te veritas, vix appa-
ret, specificis voto non responden-
tibus.

Multis negotium faceßere visa est
Cardialgia: alii morsus, punctio-
nes & lancements, alii risiones
sepe percipere aiebant: nonnulli de
tensivo & compressivo tantum dolo-
re, ad utrumque latus pertingente,
& cinguli alicujus instar constri-
gente conquerebantur: plurimi ve-
rò gemitibus & altè ductis suspiriis,
anxietatis interpretibus, adstantium
aures obtundebant. Inanes vomitus
ut plurimum cardiagini erant comi-
tes, quos imperiti emetica indicare cre-

credebant; sæpe etiam in foeminis, passionibus hysteriis obnoxiiis, deliquia superveniebant; singultus etiam jungebatur.

Nonnulli Bubonibus infestabantur; alii tumoribus aliis, præprimis Parotidibus, quæ iis, quorum vires violentia morbi fractæ erant, mortem denunciabant; profuerunt autem emollientia, maturantia, discutientia, his verò non satisfacientibus, suppurantia.

Frequens erat illis diebus Coryza, conjuncta cum *ναρσβαγία*, dolore capitis, sternutatione; nec non depravata auditio, modò enim erant, qui sonum talem quod tintinnabulum pulsatum edit, sibi percipere viderentur, modò qui de sibilo quererentur; nec nulli, qualem, qui pulsationem intra aurem sentirent; pulsus autem ille exactè cum pulsu arteriæ convenit, nec aliunde, nisi ab arteria dilata pendere verisimile est; senes nonnulli sonum fluctuum allisioni similem, vel strepitus varios in auribus suis excitari ajebant; ubi sanè aër aliis fæsus corpusculis in ejusmodi sonitu non tantum organum immediatum auditus, sed & partes cerebri, in quibus filamenta nervi auditorii terminantur, concutit, ac eo ipso varios sonos excitat. Varia contumaci huic malo, & aliquando in omnimodam surditatem abeunti opposita, non semper optatum eventum consecuta fuerunt.

Rauco et si hyberno tempore maximopere soleat esse frequens, ac facile curetur, quia fortassis tantum ab exasperatione superficiei glottidis, à frigore aut acris falsisque humoribus inducta, dependet, occurre-

runt tamen aliquot etiam in Major exempla raucedinis omnem artem eludentis.

Mense Junio aliquot Anginæ exempla oblata fuere, i. e. laryngis seu pharyngis inflammationis, in juvenibus potissimum sanguineæ constitutionis, post motus corporis impetuosiores, aut nimias spirituosorum potuum ingurgitationes; horrorem ingens æstus cum siti Tantalea excipiebat, pulsus erat frequens, durus, inæqualis, urina saturatissime rubra, magna aderat respirationis difficultas, apertoque ore anxium ægri spiritum ducebant, & crescente malo strangulationis periculum instabat; deglutitio tantopere impedita, ut potus faucium angustias vix superaret, quin sæpe in nares refunderetur; in faucium isthmo interdum apparebat tumor, interdum autem in externo collo, ubi morbus mitior est, vel oculis cernebatur, vel manibus palpabatur, in iis verò, quorum vita in majori periculo, nullus planè tumor deprehendebatur. Non tantum isthmus ita exurebatur, sed spectabatur simul in ore rubor flammeus, urgebat dolor acutus pulsatorius & punctorius, lingua tumida, obscure rubra canum instar exurebatur, fauces arebant; si ægrotantium os aperias, omnia tensa videbantur; venæ infarctæ, oculi prominentes & sanguine suffusi, præterea aderat jacendi difficultas, ac frequens sedendi cupiditas. Ingens præforibus periculum, cum articuli gelido torpore rigeabant, vultus livebat, vox interceptiebatur, & stridor quasi in gutture & pectore audiebatur; inexorabilis mors instat, deficiente

ficiente pulsu & voce quasi in caninam mutatâ, apparente etiam subinde spumâ oris. Omnia verò symptomata sunt mitiora in notha Angina. In vera, post venæ sectionem, leniorem purgationem, resolventia seu discutientia, & in sanguine viscidiori etiam attenuantia profuere, non neglectis lenissimis adstringentibus; si verò conatus discutiendi essent irriti, & dolor pulsatorius quarto vel quinto die suppurationis admoneret, eadem fuit debite promota. Notha purgantibus mercurialibus, & blandioribus diaphoreticis, post V. Snem in plethoricis, feliciter intra paucos dies fuit sublata.

Occurrerunt etiam eo tempore quidam alii inflammatorii affectus, quorum sedes an in hepate, an in pleura, an in membrana pulmonum quærenda, dubium, signis vulgò traditis fallacibus; cum è contrarij curandi eos methodus una eademque observari tutò possit; quæ in stasi sanguinis discutienda consistit, per V. S. in plethoricis, & diaphoretica fixa, non exclusis in phlegmatico-sanguineis volatilibus in dosi valde mediocri; externè verò per vini spiritum camphoratum.

Julius naturam suam planè exuerat, ac majori ex parte imbris, procellosis aëris agitationibus, ac frigore squalidus erat; benignior Augustus, non tamen absque pluviis cursum absolvit. Æstiva amœnitas verò denuò in Septembri affulsit.

Mense Julio vagabantur iidem propemodum morbi, qui præcedentibus mensibus stragem ediderant, sed præ reliquis ferociebant Catarrhi,

qui difficillimè, medicamentis compescebantur, ac præprimis admodum rebelles erant illi, qui sedem in artubus, & potissimum in superiori brachii parte fixerant, ac ex dolore gravativo motu partis impedito, imò etiam tumore aliquo, sine inflammationis signis, ex decubitu serosæ materiæ oriundo cognoscebantur; Unde lympham stagnantem vel motui suo restituere, vel ex corpore, ac præcipuè partibus laborantibus evacuare decuit.

Catarrhalis quoque prosapiæ alii morbi notati, Otalgia scilicet & Tumores palati; nec non Diarrhœæ frequentiores comparuerunt, quas rhabarbarum tostum, c. nuce mosch. & bolus Tockaviensis ac caryophyllata compescuerunt.

Obvenere etiam quædam melancholicæ fœminæ 30. ætatis annum supergressæ, mœstæ, alta suspiria ducentes, taciturnæ, à communi hominum consortio se subtrahentes, & ad nescio quem strepitum expavescentes, ac mirabilibus suspitionum procellis jactatæ, levique causâ in epilepsiam hystericam devolutæ. Cum verò dyscrasia humorum, ac impeditior eorundem motus in vena portæ, ac excretionis menstruæ morâ adestet, post venæ sectionem, vomitoria, pediluvia, sanguinis attenuatio procurata fuit per volatilia, sudorifera, martialia &c.

Mense Augusto nonnulli laborabant feбри, quam veteres dixerunt biliosam, (quæ subinde in lipyriam abit), cum gravitate & angustia in scrobiculo cordis, conjuncta, non rarò cum nausea incipiens; aderat horripilatio non nimia, sed frequen-

ter recurrens , capitis turbatio , & sanguineo-cholericis etiam dolor. Exacerbabatur quotidie horis matutinis , subsequis vel vomitu vel sedibus; quæ si deessent , æstus gravior , fauces aridæ , & sub finem deliria comatosa , semper ferè funestum minabantur exitum ; hypochondria tendebantur & acerbissimis puncturis infestabantur. Juscula tenuissima, nitrosa, theriaca , optimo cum successu adhibita ; locum etiam habebant acida temperatiora , decoctum hordei &c.

Nonnulli etiam patiebantur febrem , quam synocham Scholæ Medicorum antiquæ , alii causum nominant ; scilicet plethorici hæmorrhagiis vel venæ sectioni assueti , ante solis ortum horrore quodam corripiebantur , subsequente æstu valde gravi , respiratione anhelosâ , & suspiriosâ , lipothymiâ ac ἐφυσάσει ; dolores capitis lancinatorii , ac tintus aurium , ut & vertigines indivulsi comites erant ; tensiones dorsi & artuum non minori molestiâ afficiebant ; sitis premebat maxima , ejus defectus non semper malus , in junioribus circa diem septimam hæmorrhagia narium largior morbum solvebat , in paulò annosioribus die 14. copiosis cessabat sudoribus ; calamitosa autem horum fors , si soporosi supervenirent affectus. Eximius usus V. S. in principio hujus febris , modò illa non ortum trahat à nimis laboribus , aut quòd neopnuptis aliquando accidit , abusu veneris ; Cæterum bezoardica & diaphoretica , analeptica & diaphoretica in usum venerunt.

Spectatæ insuper fuere aliæ febrium species , affodes , elodes , syn-

copales.

Menfe Septembri Ophthalmia frequentius occurrit ; cui interdum venæ sectio , purgantia ferè omnibus aliquod auxilium attulerunt , diaphoretica apprimè juvarunt.

Diarrhœæ satis erant frequentes , neque tamen nisi ad medium mensis durabant , ac locum deinceps cedebant redeuntibus febribus continuis , cum doloribus capitis , nuchæ , faucium , orificii ventriculi , lassitudine ulcerosa &c. quæ bezoardicis fixis & temperatis optimè curabantur.

Plurimæ fœminæ de mensium perturbatione & suppressione conquerebantur , quæ cum ab ingurgitatione ciborum insalubrium proveniat , emetica , in quibus malum nondum egerat radices , cum salutari effectu data sunt ; reliquis verò lenioribus purgantibus , ac incidentibus , & aperientibus subveniendum erat.

Nec nulli erant , quos tum vexabat Dysenteria ; qua de prolixum discursum Excellentiss. Dn. D. Helvichii in ipso tractatu legere licet.

Initia mensis Octobris æstivâ amœnitate abblandiebantur , & à novilunio ad primum Cynthiæ quadrantem demulcebat sudum , quod reliquis hujus mensis diebus , ventis , nebulis , ac pluviis sæpe obscurabatur , donec Luna denuò nasceretur menfe Novembri , ubi iterum benignior aëris temperies : sed ad breve tempus , nam primus Lunæ aspectus ad plenilunium usque , rigido frigore horrescebat , quod quidem iterum minuebatur , ac insigniter remittebat , sed ut tantò major vaporum copia ex terra humida ascenderet , ac

crassiores inde nascerentur nebulae, sæpe propter admixtiones sulphureas, tetrum spirantes odorem, ac nubes huc illuc agitatae, donec in pluviam fatiscerent. Sub exordium Decembris tempestas varia, ac inconstans erat; circa medium mensis, & Anno in finem vergente intensius frigus dominabatur.

In Octobri, præter febres tertianas, etiam quartanæ occurrebant: horis pomeridianis homines melancholici temperamenti, ac segnioris naturæ, qui jam ætatis provecioris erant, adoriebantur, aut etiam febres malè curatas, aut diarrhœas ab Empiricis suppressas sequebantur, in cujusvis temperamenti & ætatis hominibus, ne infantibus quidem & pueris exceptis. Præter vomitoria in robustioribus, aliis verò lenissima evacuantia, aperientia imprimis data; quorum usu cum impetus febris quodammodo fractus esset, cortex Peruvianus (ad quem ab initio nonnulli malo consilio confugiunt) plerumque subjugavit.

Ferax quoque erat Autumnus febrium lentarum & hæcticarum, quæ partim quartanis malè curatis, partim hæmorrhagiis, per adstringentia interna & frigida externa cohibitis, aliisve morbis succedebant; quæ, causam earum per resolventia, mundificantia & balsamica tollendo, & excedentem corporis calorem debite temperando, exturbatis acribus recrementis per absorbentia lenia, diaphoretica, & diuretica, imprimis nitro-sa, nec non corpora vix ossibus hærentia commodè restaurando, curatae fuerunt.

Eodem mense Variolæ infantibus

erant infestæ, quas aphthæ ac tussis pertinacissima comitabatur. Adultos febres continuæ cum levi rigore, æstu mitiori, dolore capitis & pleuræ, lumborum & artuum infestabant, sub finem verò in remittentes mutabantur, ac diarrhœis quasi criticis, non tamen sine omnibus torminibus, finiebantur.

Fœminis solito frequentius hæmorrhagiæ uteri erant molestæ. Longè autem communissima erant apostemata ac ulcera, quæ non tantum callosa, varicosa, & sinuosa, ac cum carie ossium conjuncta, aut quæ circa articulos erant, aut partes glandulosas, membranosas obsidebant, Chirurgis crucem figebant; sed alia benigniora in iis etiam corporibus, quæ cacochymicis humoribus non adeo turgebant, aut ex cachexia languebant, difficulter curabantur. Nam & symptomata, singulis autumnis, plura eaque graviora, curam alio tempore facilem, plerumque reddunt difficiliorem.

In Decembri Tumores circa latus sinistrum (quos antiscorbutica, resolventia, & distentionem ac flacciditatem fibrarum respicientia juvant) in hypochondriacis, ac minime rarò in mulieribus hysterice spectati; molles ii & fungosi; in non paucis ferè universam sinistri abdominis partem obsidebant; ferè sub costis nothis incipiunt, & quando supini jacent ægri, lineam albam aut transcendunt, aut proximè attingunt, & vacuum spatium inter costas & spinam ili implent; tactu interprete non obscure constabat, quod tumefactus lien supra mesenterium, intestina, ventriculi partem,

tem, ac in mulieribus supra uterum emineat.

Phlegmatici & phlegmatico.- melancholici, inter. 20. & 30. ætatis annum, catarrho correpti, quotiescunque prioribus quinque diebus ex bronchiis rejectio non ritè procedebat, in febrem incidebant catarrhalem, seu continuam periodicam quotidianam veterum; scilicet post quartam pomeridianam, horrore & frigore levi tentantur ferè per horam unam, succedit calor acris, & ferè per noctem durat; lingua est albo & lento humore obducta; non urget magnopere sitis, pulsus est frequens, non adeo magnus, urinæ colorem aurantium æmulantur, ac post brevem moram, parietibus vitri inducunt cutem ex albo rubentem; lassitudo artuum gravis est; torquet & anorexia ac agrypnia, cum cephalalgia gravativa, aurium susurro, ut & tussi, quæ tamen nec patientes nec Medicum terrere debent; aliquid tamen monstri alunt pleuritides &

deliria, periculum autem maximum denunciant anginae & aphthæ, si quando cum ea complicantur. In qua medicamenta facultate resolvendi mucum, & salia diuretica commodo tempore exhibita votis ægrotorum satisfecerunt.

Nephriticæ passiones etiam, ferè in sanguineis, & hæmorrhagiis antea assuetis, observatæ, sive renum inflammationes, quas non solum dolor & ardor vehemens comitatur, sed & dysuria, fibrosæ excretiones, arenosæ cum sanguine aliquo, subsequæ ordinariò lithogenesi. In quo affectu imprimis decoctum Foresti, & pulvis famigeratissimi nostri quondam Præsidis Volckameri laudantur.

Nec minus podagrici dolores illo tempore satis erant communes; quibus in paroxysmo, horis matutinis, lenia diapnoica, cum nervinis, sine sudore coacto; pomeridiano aperientia, ac sub noctem pulveres nitrosi, cinnabarini &c. exhibita; externè camphorata omnibus præferri merita fuerant.

Constitutio Epidemica Uratislaviensis,

Anno 1700.

IN Januario frigus usque ad Lunam *καρσίαν* satis erat remissum, quod nec nerveas fibras spasmodicè corrugare, nec glandularum subcutanearum meatus constringere, aut poros cutis coarctare aptum; reliquis verò ejusdem mensis diebus usque ad Interlunium nebulae corporibus infestæ, aërque humidus, & feri copiam accumulare, hujusque inter glandulas laxiores, stagnationi ansam præbere, tonum-

que relaxare, ac enervare potis erat.

Februarium jam gratum Solis jubar illustrabat, jam pluviis & nivibus exposita torporem corpora ægrè declinare poterant; frigus verò per aliquot dierum intervalla quodammodo adurebat, cum Luna tota nocte luceret. Usque ad medium ferè Martii perpetuæ frigidi & tepidi aëris vicissitudines notabantur, quas ad finem mensis usque turbida-

ventis ac pluviis molesta tempestas excipiebat.

Præter morbos superiori Anno enumeratos Variolæ grassabantur, & quidem multò frequentius distinctæ, quàm confluentes. Primis ab invasione diebus, seu tempore ebullitionis, nunquam non febris acuta aderat; cuius exacerbationes satis incertæ, nisi quòd tertio die recurrentes aliquibus tertianæ febris suspicionem moverent; præcedebant ferè lassitudo & gravitas corporis, pandiculationes & oscitationes, dorsi lumborumque dolores, pulsus ad spinam dorsi, & sensus pruritus ac punctio- nis in cute, sed horror & rigor, præsertim recurrens, rariùs vulgò; frequenter vomitus à primo morbi insultu fatigabant, iique interdum immanes, aut si hi abessent, præcordiales anxietates gravissimæ, cum inani vomendi conatu conjunctæ, ægris negotium faciescebant, alvi fluxus rariores observati; in pluribus alvus sine damno ad aliquot dies adstricta; in paucissimis etiam urina suppressa; vix visi qui sæpe se ad reddendam urinam urgeri conquererentur. Urina varia erat, quorundam flammea, & intensè rubra, nonnullorum turbida, & opaca, qualis jumentorum esse solet, quæ post eruptionem variolarum interdum clarior reddebatur; interdum verò per aliquot dies à protrusione adhuc turbida excernebatur; aliorum autem pallida, in uno alterove cruenta; nares frequenter sanguinem stillabant. Propensio in sudorem ingens; nonnulli, præprimis qui erant temperamenti phlegmatici, dormituriabant; alii de turbulentis conquerebantur;

insomniis, ac sæpe expavescebant, ac altos subinde in illis tollebant clamores; capitis dolores, jam gravati- vi, jam punctorii, cum temporum pulsationibus molesti; facies tūme- bat, atque maxillæ rubebant, oculi prurientes, rubentes, ac splendentes, quin imo aquâ suffusi, palpebræ ac nares dolore pruriginoso vexabantur; anhelitus difficultas; vox rauca, tus- sis sicca, cordis palpitationes, & tan- dem etiam deliquia non rarò obser- vabantur; in aliquibus habitu cor- poris densiori præditis, etiam saliva in majori quantitate rejiciebatur; pars magna ægrorum corpus variè jactitabat; in genere musculoso subin- de motitationes; minimè etiam rarò teneriores invaserunt motus convul- sivi, iique vel particulares in labiis, oculis, vel magis universales, in multis deliria. Ordinario die quar- to prorumpabant, in quibusdam tar- dius vel citius, subruptæ pustulæ tenuissimarum acicularum puncta æ- quantes, sensim dein subeunte hu- more agebantur in altum, & eva- debant fastigiata, ac distinctæ, quæ multò erant tutiores, si in basi es- sent rubræ, suprà autem albæ, emi- nentes & molles, quàm illæ quæ in latum exporrigebantur; mali ominis erant, quanquam non adeò frequen- tes, lividæ, violaceæ; certi verò le- thi prænunciæ, quæ maculâ nigrâ in medio deformabantur. In quibus- dam cacochymicis corporibus notatæ fuerunt in interstitiis variolarum pete- chiæ, aliæque maculæ, nonnunquam etiam vesiculæ aqueæ, cum funesti ut plurimum eventus præfagio: Non- nulli etiam post eruptionem nihi- lo minus febri, difficultate spirandi, anxie-

anxietate, cruciatibus insignibus circa lumbos vexabantur; atque hi non erant extra periculum constituti; evasere nihilo minus plerique, modò abessent inexpugnabiles vigilæ, phrenitis, crebra deliquia, palpitatio- nes cordis, motus convulsivi; uri- na nigra, vel hæmorrhagiæ enor- mes, alvi profluvium. In aliquibus admissò frigore, alioque incommo- do regimine, retrocedebant, non sine summo discrimine vitæ. Circa octavum diem in facie intervalla pu- stularum prius alba rubere incipie- bant, in tumorem attolli, & dolo- re tensivo affici; extendebantur pal- pebræ, & ut vesica inflata, haut rarò oculos claudebant; proximè dein intumescebant manus, digiti- que distendebantur. Calamitosum, si pustulæ subitò iterum conciderent. Tandem pus fundebant satis coctum, quod sensim exsiccabatur, variolæ- que circa diem 14. decidebant. Va- riolis exsiccatis, majores tumores & abscessus subinde in artubus observati, pus acerrimum plorantes, & nisi in tempore occurreretur, venas exedentes, carnes consumentes, ac ipsa ossa vitiantes, membrisque om- ne robur adimentes. Omissis cali- dioribus remediis, si motus & agi- tatio sanguinis jam satis magna in corporibus calidioribus deprehende- retur, ut & V. S. ac purgatione, victus refrigerans, & moderatissimè calidus aër fuit commendatus; in effervescentia justò minori lenis & blanda diaphoresis cardiacis modera- tis, matre perlar. coral. ꝯ diaphor. C. C. lap. bezoar. utroque, emul- sionibus; ægris phlegmaticis etiam ca- lidiora, Tinct. bez. El. myrrh. scor-

dii &c. exhibita: appetente exulce- rationis tempore, & pustulis non debite se attollentibus, pulveres be- zoardici tantillo myrrhæ, & croci grano uno alterove remixti, suppe- tias tulere exoptatas: planè matu- ræ & pure acriori turgentes quibus- dam non malè apertæ: dum exares- cerent, pulveribus suprà dictis lapi- des cancr. additi: In Macularum ve- stigiiis certò tutoque sapo Neapolita- nus balsamicus profuit.

Varia morborum spasmodicorum species eodem tempore, ac convul- sionum non unum genus visum. In spasmo cynico topica non tantum in principio nervorum, sed & bono cum successu musculis in latere oppo- sito applicata. Satis communis erat in foeminis hystericeis ac spleneticis il- lud deliquium, quo omnium sensu- um ac motus exercitio privabantur, & concidebant, quod vulgò audit epilepsia uterina, & curabatur me- thodo à Practicis præscripta. E con- trario interdum corpus variis moti- bus concussum, sensusque maximam partem fuisse integros notatum fuit, ita ut omnium, quæ circumstantes egerant, recordarentur, finito pa- roxysmo.

Erat etiam hisce diebus Odontal- gia non paucis molesta, quemad- modum etiam aliis anni temporibus esse solet, quando aër frigidus, humi- dus, & pluviosus existit, quanquam & plurimis aliis à causis eadem aliàs oriebatur. Unde etiam varia opponen- da sunt remedia.

In Aprili terra blando tepebat calore, quæ aliquando etiam calidis fovebatur pluviis, de cætero ferè sem- per grato Solis jubare illustrabatur.

In Majo major aëris inconstantia erat, visus post nubila Phoebus, ac post Phoebum fulgur, & nonnunquam tonitrua audita.

Ineunte Junio calor Solis temperatus refocillabat, qui etiam in procedente mense, non tamen absque intermixtis pluviis, recreabat; circa finem verò turbida fuit tempestas, ac frequentes imbres.

Sub initium hujus trimestris febres petechiales quadantenus remittebant, ac in quotidianas, tertianas, aliquando etiam, ut paulò rariùs, quartanas degenerabant.

Passim verò tum temporis Erysipelate infestabantur, præprimis sanguinei, & sanguineo-cholericici, rariùs sanguineo-Phlegmatici, & tantò magis, si consuetæ sanguinis evacuationes ad tempus suppressæ, aut patientes terroribus, aliisve animi pathematibus concussi fuissent: Præcedit ferè horripilatio, sequitur verò calor præternaturalis totius, æqualis & ferè vaporosus, cum aliqua tamen acredine & morificatione conjunctus, ac cætera adfunt, quæ alias in inflammationibus observantur, rubor, dolor, febris, aliqua partis intumescencia. Cura sine V. S. & purgatione absolvi potest, solis diaphoreticis, & externè discutientibus.

Purpura alba solito frequentius hisce diebus infantes, pueros ac foeminas, & imprimis puerperas cholericico-sanguineas &c. corripiebat. Ultimas quidem omni tempore post lochia suppressa invadere suevit, at verò si hæc causa absit, nec iracundia gravior, ac illa quidem ferè suppressa præcesserit, aliis anni parti-

bus non æquè multis infesta est: Typus morbi sequens est: Initio quidem mediocri corripuntur horripilatione, quam excipit æstus non adeo vehemens; magis molesta est angustia præcordiorum, quam dolor capitis, qui non acutus, sed ferè turbulentus existit; adest enim faucium dolor & ardor; Somnus prope modum omnis cessat, & paucæ sunt quæ sub initium morbi, per unam alteramve noctem somno non interrupto fruuntur, alvus plerumque officio non satisfacit; pulsus celer est & quasi oppressus: urina cruda ineunte morbo, sub exitum satis copiosum deponit sedimentum, appropinquante die quarto, quanquam interdum etiam citius illud fiat, in artubus, collo, pectore, elewantur & extuberant pori cutis cum rubore, instar cutis anserinæ, ac sensim oriuntur numerosissimæ pustulæ magnitudinis exiguæ, pelluentes, aquea quadam humiditate gravidæ, quæ in ficcioribus satis maturè ferè intra 24. horas exsiccantur; In humidioribus & junioribus aliquantò diutius, erosâ cute, aliquid humoris exstillant, non sine aliquo corporis pruritu & ardore, qui ab initio vix observabatur. Conveniunt nitrosa & salina aliquoties per diem exhibita, & præmissis manè diaphoreticis & bezoardicis fixioribus, aut etiam decoctis ex fumaria, sambuco cum sero lactis caprini paratis.

Satis etiam communis erat Fluor albus uterinus in foeminis quibuslibet ultra pubertatem annis, frequentius tamen paulò proVectioribus ætate; cujus mali non ita facilis est cura, quippe in qua & viscerum chyli secre-

cretioni, & feri depurationi infer-
vientium, & lymphæ ratio habenda;
ut nempe abundantia feri excrementitii
ac viscosi ex corpore eliminetur, materiae
fluxum hunc constituentis proventus
impediatur, & uterus corroboretur,
imprimis per nodulos ex stomachicis,
uterinis ac purgantibus, & diuterica,
succinata, terebinthina &c. per diaphoretica,
§. 8. lignorum decocta, Salivatio
generosum illud remedium est, quo
etiam inveterati fluxus debellari possunt
&c.

Qui isto tempore in ætate puerili
fuerant immunes ab exanthematibus,
sub finem Veris, Achoribus & Tineâ
inestabantur; ubi optimè conducunt,
quæ aliàs in scabie profunt: non sine
fundamento Nicotiana laudatur, at
camphoratorum usus noxius, & tantum
excitant dolorem, ac si carbonem vivi
capitibus impositi essent.

In Julio terra per totum mensis
cursum benigno Solis calore animabatur,
ac simul calidis fovebatur pluviis,
subinde tamen etiam tonitrua audiebantur.
Per Augustum eadem gratæ inter Phœbum
& nubila vices durabant. Nec alia
aëris in Septembri constitutio, nisi quod
frigidior aura post benignum Solis
calorem allaberetur corpori ac aliquam
ei afferret molestiam.

Hoc tempore grassabantur febres
continuae intermittentes, cum dolore
hypochondrii dextri, Pleuritides spuriae,
in infantilibus corporibus exeretio
miliaris notabatur. Multos cholerae,
Diarrhoeæ ac Dysenteriaë fatigabant.
Multi Catarrhis obnoxii degebant,
ac pertinacissimis Tussibus

concutiebantur.

Vidimus etiam in æstate motus
quosdam febriles, qui nullum typum
observabant, neque statis exacerbabantur
periodis. Mirabilis in istis vicissitudo
est, eaque satis crebra: qui hac hora
ex angustia cordis gemit & trepidat,
de fatigatione summa conqueritur,
post unius alteriusve horæ spatium,
erecti animi est, & frontis exporrectæ.
Propemodum autem febriles ejusmodi
excandescantias experiuntur homines
scorbuticis maculis modò rubicundis,
modò lividis deformes. Hæ quando
numerosiores in corpore comparent,
ferè abest ejusmodi ebullitio, sed
quando pauciores adsunt præprimis
in loco minùs consueto, tum
ejusmodi alterationes sentiuntur,
præiens quoque est manifesta
coloris macularum mutatio. Non
carent hæ inordinatæ febres suis
symptomatibus; nam & anxietates
gravissimæ præcordia premunt,
languor totius corporis & ossifraga
omnium membrorum lassitudo
invadit, ac interdum alii graves
impetus ac tumultus corpus
affligunt; partes autem maculis
obsideri solitas dolor tensivus,
gravativus, imo & rigor occupat,
adeest vertigo, non rarò æstuantem
calorem sequuntur horripilationes;
pulsus ferè magnus est, interdum
aliquo modo inæqualis & parvus;
urina ferè crassa est, & statim,
postquam reddita est, conturbatur,
ac deponit corpora rotunda,
instar arenularum, & superior
substantia nihilo minus crassa
manet, & quasi pinguedo quædam
vitri parietibus adhæret; vix
post sumpta cathartica, ut aliàs
fieri solet, clarescit, sed turbida
manet. Prodest excretionem
macularum promote-

movere, aut materiam earum subigere & corrigere, cum antifebrilia sola non sufficiant.

Vicissim eodem tempore excruciantur aliqui dolore artuum, flatibus, singulis diebus per aliquot septimanas redeuntibus, sine ullo febris signo. In cortice Peruviano inventum est remedium.

Vir quidam & mulieres fervido coelo de tormentis pruritus, interdum ad lypothymiam usque, interdum certis tantum in partibus, præsertim ano & pudendis, fuerunt conquesti. Quædam gravidæ cum aliquibus exanthematibus tortorem hunc per multas septimanas sustinuerunt. Qui non tam ab humoribus acris, quam à vermium morfu excitatus fuisse videtur, præsertim quod remedia anthelmintica præ cæteris conduxerint, ut topica amara in vino decocta &c.

Coelo sereno & calenti frequentissimæ erant sternutationes, & jungebantur hæ etiam morbis tum grassantibus. Præter hydragoga, suus sudorificis hîc constat honos; eximiè verò præ cæteris juvant frictiones & ligaturæ extremorum, ut V.S. nec non Spiritus retentio.

Octobris initia benigno calore grata, reliqui autem mensis hujus dies turbidiores, & propter pluvias ac frigus inamoeniores erant. In Novembri temperatus erat aër, usque ad plenilunium, postea autem nebulosus ac pluviosus, mense ad finem vergente, inconstans ingruerat frigus, ut plurimum tamen satis remissum. December inter nebulas, ventos & pluvias transactus. Multi sub hac aëris constitutione tussi infestaban-

tur. Regnabant etiam febres cum mordaci calore, doloribus hypochondriorum, dorsi, siti immodicâ, exanthematibus serosis, purpurâ, pleuritide, ictero, & diarrhœâ, singultuque conjunctæ; & bezoardicis fixis & volatilibus, intermixtis anodynis, oppugnatae fuerunt. Jungebantur etiam paralyces linguæ, & insultus apoplectici, sine evidenti periculo. Circa solstitium hybernium etiam Asthma convulsivum, aliquando Parotides supervenerunt.

Parturientes in autumnio experiebantur dolores & spasmodicas velli-cationes ac contorsiones in diversis locis, quas ex fructuum ingurgitatione ortas, suspicio fuit, iisdem autem Essent. carm. D. Mich. D. Wedel. &c. obviam ibatur.

Creber affectus erat inflatio ventriculi, interdum satis enormis, quam ructus, difficultas deglutiendi comitabantur, per evacuantia, & carminantia non nimium calida facile curabilis.

Alii Lienteria corripiebantur, & egregiè stomachicis sublevabantur, præprimis ex mentha & absinthio paratis, nisi quod aliquando eveniebat, cum ictero, hydrope, febribus tertianis lentis eadem complicaretur. Quidam coeliaco laborabant fluxu, atque iisdem remediis sanabantur. Exempla etiam Asthmatis stomachalis offerebantur, sive cruditates in flatus resolutæ diaphragma comprimerent, sive ventriculus à contentis suis in spasmus concitatus, contiguum sibi diaphragma simul afficeret; imò unum alterumve datum fuit exemplum febris anhelosæ & asthmaticæ, quam describit Syl-vius

vius l. i. prax. c. 30. Cura in euemetis, ubi circumstantiæ permittunt, vomitorio expediri potest.

Consilium Medicorum hoc tempore à Chirurgis non minus requisitum fuit, quomodo in ulceribus sinuosis inveteratis internè ortis & oblongis, exterius verò callosis, ritè sese gerere deberent. Hæc enim ulcera tum aliis temporibus Uratislaviæ, tum maximè in Autumno Chirurgis crucem figunt. Ubi totum imprimis ductum discindere, callosam cavita-

tem septicis tollere, consolidationem balsamicis promovere &c. consultum fuit.

Omni quidem etiam tempore gummata Gallica observantur, maxime però tamen circa autumnum sæviunt, quæ post sanguinis depurationem, eorundem per emplastrum diachyl. c. Gum. & mercur. &c. putrefactione, per causticum apertione, unguento basilico, mundificatione, imprimis curata fuerunt.

*Constitutio Epidemica Uratislaviensis.**Anni 1701.*

IN Januario variæ erant ratione frigoris vicissitudines, modò enim aër liquefcere, & quodammodo diffilere, ac in ampliora spatia sese diffundere videbatur, modò autem frigore constipatus in angustum cogeatur; finem verò mensis imponebant nebulae illæ insalubritatum fomites. Februarius tum his, tum etiam nivibus, & variis ventorum mutationibus horridus erat, nonnunquam tamen quodammodo placidus, & æqualis aëris fluxus observabantur. Sub initium Martii frigidiuscula aura subito cum blandiori aëre commutabatur; nec tamen Mensis ad finem sine nimbis, grandine, variis ventorum tumultibus decurrebat, sic tamen ut blandus solis calor in his aëris varietatibus non nunquam Silesiæ incolas exhilararet.

Mense Januario febres continuæ periodicæ, variis stipatæ Symptomatibus præprimis autem cardialgia, vomitu, spasms, hypochondriacis

&c. non paucis erant molestæ. Grassabatur etiam Pleuritis Spuria; erant quos Erysipelas capitis in periculum vitæ conjiciebat. Lumbago quoque iis, qui Baccho & Venere delectabantur, molestiam creabat. Nec minus febres petechiales satis erant frequentes, quæ etiam ad domesticos incautè cum ægris conversantes, præprimis si hi essent meticulosiores, per contagium propagabantur. Tractati fuerunt hi morbi non sine felici successu, methodo superius adumbrata.

Catarrhi, Tusses ferinæ &c. etiam grassatæ sunt; in quibus hoc tempore opiata minimè profuerunt.

Mense Aprili admodum inclemens erat aëris constitutio, & miris ventorum, frigoris, grandinum, nebularum, nivium, pluviarum vicissitudinibus, etsi ad teporem nonnunquam inclinaret, ingrata. Nec in Majo Veris dabatur frui deliciis, sed subturbido, & nebulis obducto, ac plu-

viô cœlô major mensis pars agebatur, eoque gratior erat blandus in Junio Solis calor, qui tamen & ipse pluviis & tonitru subinde turbabatur.

Hoc tempore omnis generis febres grassabantur; præprimis crucem figebat illa, quæ typum talem observabat: primo die horror satis gravis homines catarrho obnoxios & crassiori victui assuetos, aërisque injuriis crebrius expositos, aut ad tabem pronos invadebat, horrorem sequebatur calor valde inæqualis, pulsus autem ferè debilis erat; æstus per horas modò pauciores septem, novem, modò plures, v. g. 12. 14. &c. perseverabat, post quem aliquibus sudores effluebant, quibus manantibus, utut febris remitteret, plenè tamen non cessabat. Erant qui post calorem nondum sopitum, eodem die denuo horrore & frigore concuterentur, ac illis jam dicto die vomitus erant molesti; iis præprimis horis, quibus febris intendebatur, die secundo perseverante adhuc calore, denuo propemodum eadem horâ, quâ primo, miseros opprimebat alius horror, aliudque frigus, & tandem etiam calor, qui sensim augebatur, sed tamen longè adhuc aberat à ferocia ejus, qui primo die ægros exurebat, sed neque tot horis, quàm illic continuabat; tertio die eadem, quæ primo, ludebatur fabula; quartus iterum secundo respondebat; verbo; semper uno die febris erat gravior & quasi composita ex tertiana & quotidiana, altero autem erat levior, typum unius quotidianæ referens. Solvebatur intra 14. aut 20. dies per diarrhœam, mutabatur etiam in tertianam duplicem, in aliquibus sca-

bies succedebat per totum corpus diffusa. Cedunt etiam hæ febres adhibitâ ordinariâ methodo curandi superius adumbratâ. Lenia evacuantia eximiè profuerunt secundo aut quarto die, imò & aliis diebus paribus, etiam repetitis vicibus exhibita. Omnia Symptomata erant leviora, si illis diebus, quibus unus tantum affligit paroxysmus, sub declinationem blanda dabantur alexipharmaca. Ante paroxysmos præcipitantia cum salibus alcalinis & nitro, rectè etiam morbo huic opponuntur omisâ venæ sectione.

Præter has febres occurrebant etiam, quæ itidem tertio quoque die ut priores ingravescebant, sed absque rigore & horrore stata observantes tempora, nisi quòd rigore ἀτάκτως καὶ περιλανημένως inordinatè & erraticè, non unâ cum paroxysmo invaderent. Non mali videbantur esse moris ab initio, sed procedente morbo ferè in pejus ruebant, ac criticis præsertim diebus excandescebant; aderat morsus ventriculi, aliaque symptomata maligna, in his lethargus, in aliis vigiliæ cum deliriis conjunctæ; impeditus erat urinæ fluxus eo tempore, quo rigeabant. Satis erant contumaces, nec nullos interimebant. In cura nihil peculiare observatum, nisi quòd è re fuerit, superato rigore, ad æqualem sanguinis distributionem obtinendam diaphoretica & alexipharmaca propinare.

Cæteræ febres ferè omnes conjunctæ erant cum Ontalgia, quæ certè & ægris & Medicis faceffit negotium. Omissis emeticis, purgantibus, & V. S. fuerunt internè exhibita, quæ aliàs in viscerum & meningum inflam-

mationibus præscribi consueverunt ; externè verò potissimum linimenta spirituosa , & hæc quidem camphorata & crocata sæpius applicata : aliquod etiam in pediluvii solatium , si dolor ille , quod tum temporis observatum , solitariè absque febris affligat.

Primiparæ habitiores lautioris conditionis , imò & aliæ puerperæ partus doloribus defunctæ , hisce diebus ferè omnes conquerebantur de dolore compressivo satis vehementi in dorso , quem nec mulierculæ suis remediis domesticis , nec Medici selectis etiam pharmacis depellere poterant. Acerbiores erant cruciatus earum , quæ iusculis consummatis , ut vocant , lapsas reponere vires gestiebant , præprimis si infantes essent debiliores , & in uberibus sollicitandis negligentiores. Nihil æquè his profuit , quàm victus tenuior , & evacuatio lactis ex mammis liberalior , evidenti certè argumento , dolorem hunc non aliunde pendere , quàm ex vasorum lacteorum , ipsiusque ductus thoracici chylosam materiam pro lactis generatione advehentium repletionem , ac nimia distensione.

Præcipuè autem hoc tempore communes de vertigine , tinnitu aurium comitatæ , querelæ audiebantur. Occurrebant satis multi , quibus caput , & visus objecta circumagi videbantur. Non nulli erant , quorum oculis tenebræ , aut intra tenebras splendida quædam observabantur , & caput in turbinis modum circumduci videbatur. Hoc autem malo vexabantur , qui in otio viventes liberalius subinde se vino invitarunt , aut qui antea hæmorrhagiam narium ,

vel fluxum hæmorrhoidalem experti his evacuationibus per tempus aliquod caruerant ; aut qui aliàs catharsi fuerunt assueti eandemque omiserant. In cura V. S. imprimis , frictiones etiam , ligaturæ & pediluvia fuerunt adhibita , post V. S. purgantia , raro emetica in plethoricis data ; inter sudorifera Tinctura bez. D. M. omnium minimè expectationi satisfecit , ut & spirituosa aromatica , aliaque plura. Aliquantò major virtus fuit in Succin. Spec. de hyacinth. maxima autem inter usitatiora in cinnabari nativa.

Præterea multorum infantum corpora hisce diebus motibus convulsivis concutiebantur , quorum non pauci à parentibus suis per mortem avellebantur ; nec infrequens in illis erat Ranula.

Sub illud tempus , quo fraga & ribium baccæ passim apponebantur , & avidè , ut fit , ingerebantur , alii Diarrhœâ corripiebantur , alii autem Cholera , præprimis si vinum in glacie refrigeratum ingurgitarent. CholERICI non tantum sursum & deorsum magno cum impetu humores biliosos egerebant , sed & ingenti siti torquebantur , & assidua corporis jectigatione fatigabantur : mens eorum percelleretur , aderant vigilæ & partium extremarum refrigerationes ; quæ symptomata , nisi statim ab initio blanda data abstergentia aut levissima evacuantia , ac præcipitantia , cum diaphoreticis & discutientibus , ipsa mors excipiebat.

Varii oculorum affectus tunc etiam occurrebant. Nonnulli laborabant Epiphorâ , & tenuis humor calidus & mordax , lachrymarum spe-

cie in oculos irruebat. Ex his aliqui in febres intermittentes lapsi non modò molestiæ levamen ex febre superveniente non senserunt, sed & dolorem augeri, eo quòd fortè acerrimum remaneret, dissipatis humidis & aquosis particulis, crebro conquesti sunt. Alios acres & falsi humores cum rubore & palpebrarum exulceratione, gravi afficiebant tædio. Inflammationes quoque oculorum aliæ aliis erant pertinaciores. Interdum oculi erant satis squalidi, & vasa supra modum extumescebant, & tamen totum malum remediis debitis facile tollebatur. Nonnunquam verò inflammatio multò minor erat, & tamen quicquid etiam ageretur, frustra tentabatur. Erat autem hoc in casu cum ophthalmia dolor capitis diuturnus indissolubili nexu conjunctus, qui satis ostendit, in consortium mali meninges & intimas cerebri partes trahi, quod etiam subinde in aliis fieri morbis patet ex Cl. Baglivi scripto de Fibra motr. Visus autem eorum, qui ita affecti erant, in dies magis obscurabantur, nec in minimo cœcitatís secuturæ periculo versabantur. Id creberrima docuit experientia, alvi profluvium, sive sponte naturâ motum, sive pharmacis excitatum, ophthalmicis esse admodum utile.

Porro sæviebant maximopere brachiorum dolores, qui omnem remedium applicationem eludebant.

Mulieres etiam sanguineæ constitutionis, quæ paulò liberalius vinum bibunt, dolebant hypochondrium dextrum. Spirandi aderat difficultas sine tussi, quæ in horas increbescebat; accedebat nonnunquam

febricula, quæ dolorem, modò is esset mediocris, ne ad claviculam aut ilia pertingeret, solvebat; de quo ipso dolore loqui videtur Hippocrates l.6. aph.40. Nihil æquè profuit, quàm primo quovis tempore sanguinem liberaliter ex venis in pede detrahere, id quod argumento est, aut hepar phlogosi in hoc dolore corripì, aut sanguinem in trunco venæ portæ vicinisque ramis stagnare. Difficilior est cura, si dolor hic sit conjunctus cum tussicula inani, ex hoc enim non vanè colligi potest, etiam diaphragma in societatem doloris rapi, id quod fit, cum gibba hepatis pars inflammatur, utpote quæ propius diaphragma attingit. Si paulò gravior sit inflammatio, ne digitorum quidem pulsus ægrotantes ferre possunt; jactantur plurimum, lingua arida & scabra est ob ingens in sanguine incendium.

Mensis Julius erat amoenissimus, nam & gratum solis jubar exhilarabat, ac tepidis aliquando pluviiis terra refocillabatur. Major æstus erat in principio Augusti, & crebra audiebantur tonitrua; eoque gratiores erant, quæ subsequiebantur pluviae. Etesiae quoque gratè spirantes nimium temperabant fervorem. Nec minus blanda & grata erat aëris constitutio in Septembri, nisi quòd circa Novilunium rigidior aër corporibus esset molestus.

Præter morbos æstivales in præcedenti enumeratos, scenam hoc tempore ingrediebantur dejectiones dysentericæ, quas in corporibus caco-chymis, tum etiam quando symptomatica remittunt, & scybala minus sunt cruenta, nec sedes adeò tormi-

nosæ, sed ad legem naturæ accedentes, nec non somnus recurrit, & de novo alimenta appetuntur, adeoque in portu ægri sunt, ex improvise sequebatur diarrhœa, quæ corpus variis humoribus repletum deplens, nihil sinistri portendebat, sed, etiamsi vires aliquo modo dejiceret, firmiorem impofterum sanitatem pollicebatur; conf. Hipp. sect. 7. aph. 77.

Post propulsas ejus temporis febres, in diversis hinc inde corporis partibus, præsertim autem in volis manuum & plantis pedum, reconvalescentibus epidermis discedebat, & quasi per squamas abradebatur.

Aliàs iisdem diebus multi ex egenis cacochymi deformabantur Porrigine, præter blandam catharsin, diaphoresin, & diuresin, juxta cum diæta laudabili, topicis abstergentibus circumspectè adhibitis curata.

In hac ipsa æstate passim etiam audiebantur querelæ de doloribus artuum & infimi ventris: crurum dolor potissimum multis infestus erat: hunc alii tensivum, alii obtusum, alii mordicantem, alii autem pungentem & erodentem, in profundo circa os experiebantur, qui in motu corporis graviter efferebatur. Alii dolorem hunc ita describebant, ut dicerent, malleolis sibi quasi crura contundi: Nec minùs brachia gravissimis torquebantur doloribus, qui non secus ac à lue venerea oriundi nocturno tempore ingravescabant. Alii per intervalla luctabantur cum doloribus & lancinationibus intestinorum intolerabilibus, qui exhibitis carminantibus & anticolicis remediis magis intendebantur. His autem aliisque variarum partium cruciatibus obnoxii

illi erant, qui cibis crassis, salitis, pane non benè à furfuribus purgato, cerevisia crassa, turbida & feculenta, aut vino nondum satis benè defecato, vel nescio quibus mangoniis corrupto utebantur. Hic unicè antiscorbutica cum rad. chinæ, falsaparillæ, & lignis exoticis decocta aliquo modo ægris erant solatio; quibus ipsis etiam remediis sublevabantur ii, qui de languore, nullo etiam præsentem morbo, lassitudine totius corporis cum aliqua oris siccitate conquesti fuerunt.

Multi in teneriori ætate constituti, circa dies caniculares, etiamsi nulla dysenteria aut diarrhœa essent correpti, assidua desidendi cupiditate, cum torminibus quibusdam conjuncta vexabantur. Post frustra adhibita enemata, lenia evacuantia, humorem acrem demulcentia, balnea, tandem cum ab ascaridibus malum foveri suspicio esset, majori cum successu anthelmintica enematibus addita atque per os data fuerunt.

Initia mensis Octobris blando calore grata, sed plerique sequentium dierum ventis, pluviis & variis aëris mutationibus horrida erant. In Novembri modò pluviae decidebant, modò nives; & utut aura subinde esset satis temperata, nonnunquam corpora frigore rigeabant; hoc autem in Decembri erat intensius, præprimis circa Plenilunium; at paulò post & intercurrentes nebulæ & pluviae, Solisque jubar violentiam frigoris mitigabant.

Inter varios hujus temporis morbos, non rarò occurrebat Gonorrhœa virulenta, quæ ab omni tempore Veneris amasios mulctat, autumno tamen, qui exulcerationibus omnibus

minus favet, inclementius sævit.

Porro inter communiores morbos erant febres, quæ nec statum tempus fervabant, nec eodem modo semper invadebant, sed modò diebus singulis, diversis tamen horis, modo alternis homines opprimebant; jam diurno, jam nocturno tempore ingravescabant; hoc die cum horrore notabili aut rigore, alio autem sine sensu frigoris paroxysmus ingruerat; hodie immani cardialgia molesta erat; cras ventris tormina affligebant; jam hoc symptoma, jam aliud miseros magis fatigabat. In cura placuit Hippocratis consilium lib. de rat. vict. in acut. *inconstantes & erraticos morbos curare non expedit, priusquam constiterint*, seu certum typum & periodum observaverint, quod circa septimum diem hîc evenire solebat; nam tum vel in tertianas vel in continuas degenerabant, & methodo convenienti curabantur.

Quartanæ quoque autumnalium morborum numerum augebant, in quarum cura plebeiis quibusdam illa non malè cessit temeritas, qua feбри-

citantes subito terrore graviter percellunt, si vel sedes, ut fit, vel deinceps sudores copiosi, aut alia quædam evacuatio largior succederet. Nec methodus illa, quæ has per anodyna, præmissis lenibus evacuantibus, febres tollit, inutilis deprehensa est.

Præterea urinæ stillicidia, vel ab humorum ad renes per arterias delatorum acrimonia, aut, quod verisimilius, à renum ulcere oriunda exasperabantur. Trichiasis in quibusdam notabatur, incidentibus & purgantibus lenioribus curata. Tabici pejus habebant. Grassabantur etiam iterum ischiatici dolores. Multi qui coelo pluvio sub dio laboraverant, aut etiam in aquis ac paludosis locis manuum opera exercuerunt, difficili respiratione & orthopnoea sine conchis vexabantur, quibus non tam expectorantia, quàm evacuantia, diuretica & sudorifera conducebant. Magnus etiam inter egenos epilepticorum numerus erat. Aliquos passio iliaca horrendo modo afflixit.

Constitutio Epidemica Berolinensis.

Anni 1702.

In Anuarius biduo gelido paucis nivibus, ventoque valido turbido, 3tium remissiorem nivibus aspersis degelantem substitutis, 4tus gelu rigidum redintegavit, sed sequente 5to post gelicidium matutinum in deliquium ac pluvias frequentes nunc uberiores, nunc parciore; 19no tantum & 22do moderato gelu ut & 29no post pruina matutinam

sereno exceptis, solutus toto mensis reliquo degeneravit.

Februarius 1mus frigidus præcedentibus paulò serenior, circa vespam in pluviam, 2do toto durante, & 3tio serenitate aliquali interpolatam desiit. 4tus serenus ac frigidus. 5tus totus paucâ intercedente serenitate pluviosus. 6tus & sequentes (11mo & 17mo manè pruinosi exceptis)

exceptis) ad 18vum usque Verna serenitate ferè & temperie amoenum quarto compares. Reliqui ad finem usque mensis varii, alii uti 19nus & 20mus ante meridiem sicci & frigidi, circa vesperam pluvii fereni uti 21mus, alii turbidi & frigidi, uti 22dus, alii uti 23. cum frigore manè fereni, post turbidi, alii uti 24tus manè udi, à meridie fereni, alii uti 25tus post pluviam rorans mane sicci & turbidi. Alii manè nebulosi post fereni, à meridie pluvii, ut 26tus, & 27mus succedente procellâ & 28vo adhuc continuante & admixtâ nive grandine & gelu, redditâ tandem cum meridie serenitate mensẽ terminante.

Martius frigus cum nive continuatum primo biduo, interspersis de die serenitati nivibus interpolavit, 3tio, in pluviam matutinam descivit, recuperatâ tamen à meridie serenitate, 4to quoque continuante ad vespertinam usque pluviam, 5tus serenus quidem sed algidus, grandines nonnunquam Favonio flante sparsit, quatruidi fereni gelidi & pruinosi prodromus, 10. biduum successit, Africo tumultuante turbidum, procellosum grandinosum ac nimbosum. 12mus serenitatem restituit matutinam nivibus à meridie comitatam, atque biduum sequens gelidum & serenum induxit, moxque intercalato 15to remissiori, sereno tamen adhuc, gelu satis hætenus rigidum coelo sereno Boreâ aspirante, ac succedente huic post Euro, ad 23tium usque serenitate vernâ cum sequente biduo commendabilem reduxit. 26tum mane turbidum algidum ac ventosum cum tri-duo succedente turbulento, secutus

pluviolis quidem sparsis à prioribus diversis 30mus 31mo socio manè quidem pruinoso, serenitate tamen commendabili biduo mensẽ hunc simul ac trimestre finiit.

Morbi hoc trimestri præter scorbutum endemium, febres intermittentes nonnullas ardentes quoque & cephalæâ ac hemicraniâ valde molestas continuas, malignas paucas, variolis ac purpurâ notatas, catarrhales & pleuriticæ sporadicæ, Epidemici ferè nulli fuere, nisi catarrhos & tussēs, hæmoptoes quasdam & pleuritides, ut & arthritides, præsertim vagas scorbuticas, ob hybernas aëris varias turbas indeque nascentia sanitatis incommoda, satis frequentes iis annumerare velis.

Aprilis primum biduum frigidulum ceterâ serenum leni gelu cœpit ad tertii meridiem usque nubilum in pluviolas circa vesperam solutum, cui 4tus compar, 5tus noctu pluvius, de die precellolus ac nimbosus. 6tus nivibus sereno coelo mixtis varius & inconstans successit. Huic congener 7timus, Octavus nocte à nivibus foeta frigidulus & potissimam partem turbidus, post noctem gelidam, nonum frigidum & serenum, post quæ nocturnas denuo nives biduum degelascens ac pluviosum induxit. Sequentes, præter 12mum sic satis serenum, vesperi tamen adhuc specade rorantem, eique similem 23tium & 24tum totum serenum omnes ad finem usque mensis genio illius conformes, varii, turbidi, frigidi, nivosi, nimbofi, quandoque & procellosi fuerunt.

Maii primus vernâ serenitate commendabilis, frigidulus tamen adhuc
Euro

Euro noto flante, triduum sequens turbidum paucis aspersis pluviolis udum ac horridum adduxit, succedente vernâ amœnitate integrum mensem reliquum, paucis 11mo nimirum mane turbido à meridie specade grato, 17mo vento, 23io procellâ 25. pluviâ vento mistâ, 27. grandine ac imbre, ut & 31mo seu postremo paululum ventoso exceptis durante.

Junii primus ultimo Maii compar, à biduo sereno ac temperato exceptus, 4tum obscurum in vesperam & noctem pluviâ deficientem, cum subsequente biduo sibi non absimili successorem habuit, quos biduum aliud serenum ac temperatum correxit; successit huic 9nus totus turbidus in pluviâ vespertinâ desinens, quem temperatus ac ficcus 11mus, atque 12mus sudo æstivo insignis secutus. Huic biduum rursus obscurum ac frigidum in pluviâ tandem fatiscens successit, eique quatrimum sudum ac æstivo ardore ferè molestum, subsequente 19no tonitru temperatum, 20mum pluviâ nocturnâ quandoque & diurnâ fœcundum, triduum versus serenum ac temperatum secutum in pluviolâ vesperti 23tio solutum, quod 24to imber nocturnus, tandemque, 27mum manè obscurum à meridie serenum, & 29num frigidulum sed serenum, si exceperis, reliqui vario cœlo aliquando & nimbofo, rarius sereno inamœni, mensi tristem addidere colophonem.

Morbos hoc trimestre epidemios præter morbillos & paucas variolas nullos aluit: Sporadici fuerunt febres varii generis, intermittentes tertianæ nonnullæ, & continuæ ardentes Cephalalgia & Cardialgia in-

festæ, Catarrhales tussi & Asthmate molestæ, quandoque & angina, oculorum & gutturis ac tonsillarum inflammationibus; His hæmorrhagiæ narium, hæmoptoës, Arthritides universales, & vagæ quoque Scorbucicæ, Cachexiæ & Cacochymiciæ passionibus hypochondriacis & Hystericis, pleuritide, imò & paralyfi & apoplexiâ nonnunquam stipatæ, accessere.

Julii dies quinque priores æstivo calore insignes, 3tius præsertim fervore æstuoso molestus; Quibus biduum successit ventosum ac subinde pluviolum, huic 8vus obscurus ac frigidulus, ut & 9nus sudo & temperato calore amœnus. 10mus post pluvias nocturnas cum septem subsequen- tibus sudo ac æstu genium hujus mensis exprimentibus 16to sub vesperam, ac 18vo à meridie, 19no, mane pluvio à meridie tonitru addidit. Sequens triduum sudo pluvias miscuit, succedente quatrimum imbroso. Unde ad finem usque mensis sereni & æstivo sudo grati succedere dies.

Augusti primus sudo æstuoso gravis, vesperti tonitru leve cum pluviâ moderatâ, sequenti verò triduo post pluviâ matutinâ modicâ temperiem amœnam substituit. Quæ triduo alio ob temperatum sudum commendabili succedente, ac octavo ante & post meridiem lene stillicidium intercalante à biduo pluviolo excepta. Cui aliud rursus biduum verè æstivum ac serenum successit atque huic 13tus mane specade rorans, 14tus præter tonitru breve imbre comitatum cætera serenus. 15tus manè serenius, circa vesperam tonitru horrendum procellosum ac nimbofum tulit.

16tus manè serenus post fufas à meridie pluvias frigidior. 17mus serenus ac temperatus, 18mus à pluviamatutinâ septem subfequentes dies serenos, ac non nunquam satis æstuosos, si 25tum exclusèris manè pluviolis madentem, adduxit. 27. cæteroquin serenus pluviam vespertinam in noctem usque intempestam protraxit; 28vum frigidulum, licet sereno; 29num totum pluvium & imbrosum ac subfrigidum, 30mum pluviolis quandoque rorantem, tandemque 21mum & postremum mensis ficcum quidem & serenum, sed frigidum pariter successores habuit.

Septembris primordium 1. & 2dâ die serenâ & amœnâ temperie acceptum, circa vesperam in tonitru horrendum & imbrem degeneravit; à 3tio ad 24tum vario, quandoque subfrigido, quandoque æstivo calore, plerumque sudo pluviis ac specade interpolato, temperatoque æthere continuavit; 25to ventosiori paulo & pluvio biduum successit procellosum & nimbosum, atque huic aliud sedatius, sed ad vesperam usque pluviosum; inde serenitas gratâ comitata temperie, 31mum simulque mensem & trimestre tertium absolvit.

Morbos æstiva Ætheris cum temperie ambiens subinde intemperies, præcedentis æstatis frequens æstus præter endemios penè, scorbutum illicque affinem veneream luem, epidemios genuit varias febres tam intermittentes quàm continuas, causas aliasque ardentes paroxysmis interpolatas, quasdam planè inordinatas nullum typum servantes, catharrales nonnullas malignas quoque ex-

anthematis variis, miliaribus præsertim semet prodentes, pleuriticis insuper, aliàs Cephalæâ, cardialgiâ, colicâ, hæmoptoë, defluxionibus in bucca gulam, dentes, ut & inflammationibus oculorum, indeque ophthalmiis, gutturis tussibus porro variis; quibusdam etiam ex illarum numero, quas convulsivas Willisius appellat; Preterea Epilepsias præsertim infantum, Arthritides tam universales quàm particulares, unus lateris, Ischiadicas, vagas scorbuticas satis frequentes, omnium tamen frequentissimas ob fructuum immaturorum ingluviem intemperatam, & immoderatum aliarum illecebrarum gulæ usum, Choleras, diarrhoeas, Lienterias & dysenterias copiosissimas; easque satis vehementes, pertinaces, periculosas, ac sæpenumero lethales.

October post pluviam 1mo matutinam, triduo sereno ac gratâ temperie amœno æstu, successit triduum nimbosum, subinde grandinosum, tandem & pluviis, nivibus pruina vacuum ac frigidum. Illi rursus quadriduum, autumnalis temporis ratione satis temperatum ac gratum. 14tus manè ad meridiem usque nebulosus, inde serenus fuit. 15mus serenus ac temperatus à meridie paucas sparsit pluvias; A 16to ad 20mum æstivo ferè calore serenum & amœnum quadriduum, à 20mo, 28vo sereno ac temperato excepto, obscuri ac frigiduli, interspersis 23io, 24. 26to, utut rarius pluviis ad 31. adeoque extremum usque mensis, dies secuti mensem terminarunt.

November à ficcitate ac frigore aliquali auspiciatus, ad serenitatem

ac rigorem satis validum, sed ephemerum transiit triduum obscurum ac specade subinde udum inducens. Quod quatrimum à ficcitate ac temperie ad aliqualem algorem, mox & gelu satis rigidum pergens, secutum. Cui gnus nivem copiosam asperfit, perseverante 10mo adhuc gelu atque post densam 11mo nebulam, & subsequenter serenitatem, ad 14m usque paulò mitiorem in perspeadem à meridie fatiscentem continuante. 15tus præcedenti ferè similis specade pariter udus, 16tus ad vesperam usque ficcus, postea pluviosus, 17mum procellosum & nimbosum ascivit. 18vus à pluvia modica matutinâ in serenitatem, 19mo adhuc ad vesperam usque pluviam durantem transiit, succedente 20mo sereno ac temperato, in turbidum temperatum tamen adhuc nunc ficcum ut 21mo & 23tio, nunc pluviis & nivibus quibusdam, ut 22do, 24to & 25to mutato cœlo, succedente biduo paulò gelidior & nebuloso, aspersa tandem quoque nive, alioque rursus biduo pluvioso totæ ad vesperam usque 29mi à pluvia inclarescentem, sicque 30mo Æthere sic satis sereno & frigido mensem simul claudentem.

December subfrigido, vernâ tamen fere temperie præter morem accepto biduo orsus, 3tium manè pluvium, cætera turbidum sed ficcum, posteaque triduum temperatum attulit, sub vesperâ 6ti nive parcâ aspersum. 7timus à gelu nocturno serenus triduum sibi quadantenus excepta serenitate nivibus & nubibus interpolatâ conforme adduxit. 11mo obscuro in pluvias deliquescenti, ac 12mo sereno post specades substitu-

ti, biduum turbidum ac algidum successit, mox post 15tum manè pluviosum, postea triduum, à nive ac gelu moderato & Æthere sereno, in horridum mutatum substituit; sed 19no ac 20mo rursus post gelicidium & nivem cœlo sereno remittente, 21mo manè specade rorante à serenitate Aëris, 22do in gelu satis rigidum abiit, rursusque 23tio post gelicidium matutinum in pluvias, 24to à procellâ, aëre turbido sicco tamen ad vesperam in pluvias, 25tum totum durantes fatiscentem. 27mo nivem noctu diuque spargit, 28vum moderatum gelu, & circa vesperam nix pauca excepit. 29nus totâ die gelu rigidus fuit; 30mus à gelu in nivem, à nive in gelicidium, à gelicidio in pluviam, toto ferè 31mo durantem, sicque Æthere nimbofo, hunc mensem simulque trimestre ultimum adeoque annum hunc 1702. finientem desinit.

Morbi hoc ultimo trimestri occurrerunt satis frequentes, Febres intermittentes variæ, continuæ, hæque sæpius intermittentibus sociatæ, simulque ardentes, malignæ quoque exanthematis varii generis conspicuæ; præterea Catarrhales, pleuritide nonnunquam comitatæ, Erysipelatodes, aliæque diversis & periculosis nonnunquam symptomatis, alia inter Paralyfi linguæ, aliarumque partium, inflammatione gutturis, Rheumatismo, Cardialgiâ, Cephalæâ periodicâ nonnunquam, Hemicraniâ, Hæmorrhagiâ narium vehementi & periculosa comitatæ. Præterque uteri quoque hæmorrhagiæ graves & pertinaces, solitariae, aut aliis morbis sociatæ. Diarrhœæ & Dysenteriae mali-

malignitatis nonnunquam participes
excessuum autumnalium reliquarum,
Colicæ & hystericae passiones scor-
buto sæpius complicatae, tandem &

Epilepsiæ cum primis Infantum, non-
nunquam & adultorum Hemiplegiæ
& Apoplexiæ vehementes & ut plu-
rimum lethales.

Constitutio Epidemica Augustana

Ann. 1701. 1702. 1703. 1704. & 1705.

DN. D. LUCÆ SCHROECKII.

Licet initium Anni 1701. frigidum comparuisset &c. &c. &c.

In hisce quoque deprehensum fuisse animadverto.

QUalem Anni præcedentis exitus habuit aëris constitutionem, talis per biduum etiam primum Anni 1703. continuavit; & quamvis Zephyrus prædominium porro obtineret, ac tolerabiliorem utcunque temperiem redderet, sæpius tamen ab iis diversis ventis excipiebatur, Eurusque inprimis ante Solis in Aquarium ingressum, à die 18. Januarii usque ad d. 26. frigore intenso molestus erat, multis subinde interea nebulis, & nive, paucioribus ferens diebus observatis; à quo dein tempore inconstans admodum aëris ventorumque, Austro tamen prævalente, alternatio, usque dum Sol in Piscium signo versaretur, ubi post nivolum Boream, Zephyrus temperatiorem ut plurimum & pluviosam auram redderet; quæ post Æquinoctium vernale variis mutationibus, præsertim frigidis humidisque obnoxia, vernali amœnitati multum obstitit, ac tardiorē plantarum vegetationem effecit: Quæ eò felicior postea successit, cum grata temperies fertilitatem admodum promo-

veret. Interea morbi, præter Tussis in hyeme non insolitas, & omnibus ferè aliis morbis se complicantes, multas inducias concedebant; Arthriticis tamen doloribus obnoxii novas invasiones contumacioresque patiebantur, nec non Febres quotidianæ, non intermittente calore suo continuas sæpe in principio æmulantes, pauciores etiam tertianæ (post sumtum vel purgans, vel vomitorium, quod solum quandoque febrilem fomitem expellebat) arcano duplicato ubi biliosa impuritas, unicornu fossili ubi acidæ particulæ, chinachina verò dum viscidior pituita prævalebant, utraq; facile curabiles, in primis mensibus deprehendebantur, in pueris potissimum, vermium suspicionem ob victum prægressum, calorem faciei luridum, ventris morificationes, deliria nocturna &c. Sæpe præbentibus, & præter medicamentâ recensita, cinnabaris nativæ, terræ signatæ, mithridatii &c. usum salutarem ideo expertis. Subinde quoque continuæ catarrhales notatæ fuerunt, majori vehementia, post hor-

rores, magno calore circa vesp̄eram
increſcente, nec non cephalalgia &
virium languore periodum ſuam de-
currentes, ſed continuato blandorum
diaphoreticorum & alexipharmaco-
rum uſui cedentes. Intermittentes
illæ præſertim tertianæ, in æſtate ſe
in plures utriuſque ſexus, omniumque
ætatum diffundebant; imò in autum-
num uſque paſſim ſe exſerebant; nec
deerant in diebus canicularibus, calore
non admodum moleſtis, ſed per pri-
mum decendium inprimis frigidiuſcu-
lis & humidis, poſtea ſerenis & cali-
dis, circa finem autem pluviſis, quos
malignæ, puſtulis cryſtallinis ſtipatæ,
& niſi alexipharmacis mox atque ſe-
dulò obviam ipsis iretur, lethales inva-
derent.

Post caniculares varia aëris tempe-
ries, Zephyrique & Euri alternatio,
illo autem circa d. 8. Semptembris
prævalente, plurima pluvia & horri-
diuſcula aura per aliquot dies infeſta
erant; cui fortasſe Dyſenteria tum
ingruens non malè adſcribenda fuerat;
quanquam & metum ex turbis bel-
licis, quæ Urbem ubique cingebant,
& ultimam incolis internecionem
minitabantur, inceſſum, quin &
cereviſiæ recenter coctæ nec ſatis de-
fecatæ potum contuliſſe ſuum ſymbo-
lum, ſit credibile; quibus tonum
ventriculi atque inteſtinorum labefa-
ctati, ſuccoſque naturales viſcidita-
tem & acorem contrahere, non eſt
dubium. Quamvis illa rarò gravio-
ri inſultu noceret, atque ex chyli
acrioris vellicatione potiùs inducta
videretur, cum ſine prævio vel no-
tabili calore aliisve ſymptomatibus,
præter tormina tolerabiliora & ſto-
machi gravitatem, mox in principio

cruentæ dejectiones contingerent;
facile etiam, poſt rhabarbari toſti,
(quod ſolum quandoque curæ ſuffi-
ciebat) & moderatum ſtypticorum
vel traumaticorum, catechu, tor-
mentillæ &c. cum pauculo opii ac-
ceſſu, uſum recederet: in nonnullis,
ubi ſtomachus cruditatibus oneratus
indicabatur unicum lene vomitorium,
quale vel unicum tartari emetici gra-
num ſuppeditabat, opem tuliffe ob-
ſervatum fuit. Præter hunc cruen-
tum fluxum, poſtea Diarrhœa quo-
que frequenter ingruerat, eadem
fere methodo curata. In Autumno
inſuper Morbilli frequentiffimi, &
ſolitis ſymptomatibus febrili nempe,
quandoque ad delirium uſque inten-
ſa ſanguinis efferveſcentia, tuſſi, ocu-
lorum inflammatione ſtipati, cæte-
rum ſine magno discrimine (ita ut
non pauci etiam ſine decubitu, &
pharmacis eaſdem paterentur) ſu-
um decurſum intra breve tempus,
octiduum ut plurimum, ſub pulve-
ris Pannonici, antimonii diaphore-
tici &c. uſu feliciter abſolverant,
adultiores etiam ac juvenilem ætatem
frequenter, pari ſed intenſiori inſultu
tractaverant.

Æquinoctium autumnale cum Ze-
phyro auſtrinam ut plurimum conſti-
tutionem adducebat, uſque ad No-
vembris initium, ubi Euris crebrior
ſerenos ac nebulosos dies aliquandiu
interponebat; quem poſt medium
Novembrem excipiens Auſter plures
ſerenos dies quoque producebat. Tan-
dem verò December multas nebulas
& magnos Zephyri impetus, cum
vario aëris, nebuloso tamen potiſſi-
mum ac nubiloſo ſtatu adferebat; poſt
Solſtitium autem hyemale Euris hor-
ridio-

ridiorem auram ac frigus intensum pariebat, sicque cum anni fine præsentiam hyemis ostendebat. Interea febres malignæ superius indicatæ in plures se diffundebant, multosque trucidabant, præcipuè cum Urbs diuturna quasi è longinquo obsidione cincta, vario infortunio quin & postea hostili insultu, (ubi cives insue- ta continua per aliquot dies sub Jove frigido & humido in excubiis statione plurimum defatigabantur) atque fatali, præcipuè igne gravissimo premeretur, ac subsequa infelici deditione multivaria torqueretur, ac enervaretur: quanta verò ab externa hac aëris & fati iniquitate sanguini labes fuerit impressa, vix opus erit pluribus exprimere: Omnes maligna febris decumbentes, atque ut pyrobolorum periculum evaderent, in tutiorem Urbis partem deportati, quantum scio, perierunt; infantes etiam morbillosi eandem ob causam ignis metui subducti, diuturniori postea tussi & hæcticæ discrimine salutem hanc suam redemerunt.

In Anno 1704. hyemali frigori continuando Eurus multum perrexit, usque dum post Solis in signum Aquarii ingressum Zephyrus, pluviis crebrioribus, cum nive tamen & serenitate alternantibus, gravidus, temperatiorem auram produceret; quæ equidem temperies ita continuavit, ut vernalis constitutio deinde citius, quàm pluribus aliis præcedentibus annis compareret, atque cum aëris ac ventorum non adeò ingrata mutatione diu, usque in mensem Junium perduraret: quamvis circa Solstitium æstivum pluviae frequentiores essent, major tamen serenitas,

silentibus ut plurimum ventis, cum ineunte Julio redibat; quæ ipsa continuans, caniculares dies admodum calidos, grato tamen pluviarum interventu subinde mitigatos efficeret; usque dum occidente Sirio, à d. 19. Augusti ad finem usque ejusdem mensis, Solis nunquam à nubibus interrupti radii fervorem intenderent; sed cum d. 2. Septembris acrior insurgens Zephyrus frigidiusculum ac pluviosum aërem per quintiduum produxisset, & succedens ipsi Eurus quadriduum serenitate ornasset, Zephyrus tamen mox iterum dominio potitus, frigidos ac pluviosos dies (serenitatem tamen quandoque intercurrentibus) reproduxit. Interea Febrium puncticularium malignitas (horrore, virium lapsu, appetitu prostrato, capitisque ac dorsi dolore primò se prodens, in nonnullis amaritie oris, anxietate præcordiorum, fluxu alvi seroso, bilioso, quandoque sanguinolento, tussi &c. concurrente) magnam circa anni principium incolarum stragem dare continuavit, ut quinque primis mensibus ultra mille ducentos homines, (quos inter equidem plures quàm centum & quinquaginta milites Galli fuerant) tum aliis morbis, tum hac febre potissimum demortuos numerare licuerit; cum aliàs per integrum annum tot Urbs non videbat. Ubi quidem tantæ cladis causam non tam morbi atrociam, quàm ægroto- rum in prima morbi invasione ab ipsis parum æstimati negligentiam, atque ob prægressas ac indies renascentes, quin majores subinde ab infensissimo inquilino hoste pertimescenda calamitas, vitalium succorum enervationem ac depravationem accusare possum.

possum. Quæ ipsæ etiam miseriæ aliis morbis, Ictero imprimis, verno tempore multos invadenti, ansam suppeditare, bilemque justo viscidiorē, atque ita ad obstructions excitandas proniorem reddere potuerunt; prout non minus eodem ex fonte Tertianas ac quotidianas febres frequenter tum, & reliquis etiam anni partibus se exerentes, profluxisse credibile est: Unde etiam haud differentibus remediis ut plurimum, & quidem faciliè tolli potuerunt; quæ inter arcanum duplicatum, non saltem vi quâ pollet incidendi & aperiendi, sed quoque correctas hac ratione biliosas impuritates in multis per alvum educendi, egregiè profuisse expertus sum. Cæterum mense Junio Dysenterici in scenam prodire, & usque in Octobrem observari, in Augusto imprimis plures invadere coeperunt, ut non facile domus, quæ immunis ab ea foret, inveniretur; atque licet malignitate carere viderentur, plurimos tamen, minoris æquē ac profectioris ætatis homines trucidarunt, ut defunctorum numerus, qui mense Junio & Julio nonnihil decrescere inceperat, in Augusto & Septembri admodum augetur; quod equidem non morbi truculentia, sed incauto in cura regimini adscribendum arbitror; cum variis domesticis, ut vocant, præter rationem propinatis remediis unicè confidens incauta plebecula, vel etiam multivariè diætā negligendo, aut justo tardius Medici opem implorando, vehementer peccaverit; neque tamen negari potest, aliquot ægrotantes brevi tempore, deglutito ex. gr. cochleari Spiritus vini cum pulvere nucis moscha-

tæ, morbi primordia eluisse; ubi nempe non tam Dysenteria, quàm simplicior Diarrhœa, à ventriculo cruditatibus labefactato, adesset; prout etiam non paucos sumpto mox rhabarbaro nonnihil tosto, vel sibi relicto, immunes esse factos scio. Quod etiam rhabarbarum in principio curæ, vel durante morbo, ubi stomachus gravari sentiretur, profuit. Radice Ipecacoanha non fui usus, neque ejusdem vi emetica opus habui; aliquibus verò, quibus vomendi conatus erat molestus, cum convulsivi quid adesse ostenderet, præter externa calefacientia spirituosa, idem rhabarbarum in pauca quantitate ad gr. xij. xx. cum coralliis rubris, vel terra sig. &c. mixtum, felici cum successu propinavi. Reliquum curæ per absorbentia, & acridinem humorum temperantia potissimum fuit peractum; ubi præter dictam terram sigillatam, corallia, flores ferri, crySTALLUS imprimis montana egregiam opem attulit; quibus ubi nimia dejectiones molestæ erant, adstringentia ex catechu, radice tormentillæ &c. in pulvere, electuario, pilulis, tinctura, dosi non nimis larga, sed sæpius repetita, & quando dolores admodum urgebant, laudanum cydoniatum, extractum opii, vel theriacæ coelestis moderatè addita, profuerunt: potum eadem radix tormentillæ, caro cydoniorum sicca, cum paucis cinnamomo & saccharo in aqua cocta, convenientem præbuit; neque vinum Neccarinum, aut Tyrolense antiquum rubrum noxam attulit, cum rarò febrilis calor jungeretur. Undenam verò origo hujus mali sit deducenda, anceps hæreo.

reo. Fructuum horæorum immoderatum esum multis nocuisse non dubito ; cerevisiæ haud probè defecatæ potum plurimos in hunc morbum præcipitasse, eò magis est credibile, cum non paucos jam convalescentes, vel cum malo adhuc conflictantes, unico etiam haustu cerevisiæ in recidivam lethalem incidisse, aut doloribus auctis, gangrænâ intestinorum obiisse noverim ; contagium insuper non rarò ægrorum numerum auxisse, successiva in una eademque domo invasio suadere posset ; bellicæ vix tolerabiles adversitates, cum foetoribus ex varia militis Galli spurcitie, & excrementis equinis stramini semiputrefacto immixtis, quorum copiam insignis equorum multitudo indies publicè in plateis, nec non in ædibus cumulaverat, quid efficere valuerint, neminem fugere potest ; intensus ille aëris calor, spirituum & sanguinis vigorem minuendo, quantum obesse queat, in me ipso sum expertus, qui nullo in cibo potuve errore commissio, ob continuas tamen per integros dies Sirio urente, ægrotorum visitationes, & sudorum inde largiores effusiones, defatigatus, post biduanam levem diarrhœam, eundem cruentum fluxum pati coactus fui ; qui licet magnopere me non adfligeret, vires tamen mox adeo debilitaverat, ut diuturniori earum recollectione opus habuerim, ad roscidas nempe & balsamicas lymphæ particulas restituendas, ac segnius per vasa circulantes vitales humores ad naturalem motum reducendos, cum lymphæ depauperationem & crassitiem ex variis signis colligere licuerit, unde fa-

linæ acriores in ea particulæ concentratæ per tubulos minimos intestinales segnius moveri, spiculisque suis pungendo nocere potuerunt. Erant quibus inconsueta muscarum multitudini causam adscribere placuit, quarum nempe excrementis cibus potusvè contaminatus turbas hasce in corpore concitaverit, quod suis domesticis ut persuaderet curiosior aliquis pater familias, carnem spurcitie tali imbutam cani devorandam dederat, qui ipse mox foedo isto morbo correptus fuerat. Neque tamen alii etiam morbi per æstatem & autumnum aberant : Ut Variolas pueris æquè ac adolefcētibus magis molestas quàm periculosas, adultiores etiam non paucos in exigua copia & ferè sine morbi sensu invadentes, Febres insuper petechiales, nec non puerorum verminosas, & cum uterinis malis sociatas M. Julio observatas taceam, M. Augusto Arthritis vaga masculinum præsertim sexum satis obstinata, multos etiam Angina notha, promptè remediis cedens, excrucieverant. In adulto autem Septembri, nec non Octobris initio Febres continuæ pustulosæ plurimos in adulta æquè ac puerili ætate constitutos cum præcordiorum angustia, inquietudine, deliriis, angina spuria, pustulis albicantibus, universam corporis peripheriam occupantibus, rarius inferiorem saltem abdominis partem occupantibus, invaserunt, in cuticulæ tandem desquamationem, prævio tædiofo pruritu, abeuntes. Quas (præter Icterus, martiatis remediis, acidulis præsertim & Essentiæ Martis D. Ludovici haud ægrè cedentem) Tertianæ & Quotidianæ irregularibus

bus paroxysmis Medicorum exercentes patientiam, exceperant; ibi alexipharmacis temperatis, hîc pro diversa morbi natura, biliosam tamen intemperiem ut plurimum ostendente, arcano duplicato & cortice Peruviano officium suum egregiè præstantibus.

Reliquum anni, sub moderato aëris & ventorum alternantium statu, tranquillius fuit peractum, morbis epidemicis cessantibus, ac reliquis etiam, quos sporadicos vocamus, rariùs occurrentibus; cum cœli non tantum clementia, sed etiam ob hostes ex Urbe profugos, totaque vicina expulsos, civium animi novo vigore animali, morbosas dispositiones feliciter averterent.

Cum Zephyrus, Anno 1705. il-lucescente, moderatis nivibus terram conspersisset, Eurus succedens, die duodecimo frigus hyemata induxit, aëremque per biduum serenavit, mox tamen iterum nubibus textit; quibus circa finem primi mensis denuò discussis, d. 8. Februarii, post nebulas, cum Zephyro crebriores nives deciderunt; & aliis quandoque ventis, Euro noto inprimis, Austro, & Zephyro borea interpolatus Zephyrus diversas aëri temperies impressit, donec circa finem mensis Eurus serenitati favens, nivium liquationem successivè promoveret; Quæ serenitas ad vernale usque Æquinoctium continuavit rariùs nebulis, & semel nive interrupta, frigore autem comitata.

Post Æquinoctium variæ subinde ventorum mutationes, & frequentiores pluviae vernalem gratiam retardarunt, atque Aprilem potissimum, (cujus dies decimus nonus vesperi, alta,

sed paulò post rursus liquata nive, sine Cereris & Pomonæ noxa, terram oneraverat,) nec non Majum valde inamoenum atque frigidiusculum reddiderant, sicque morbosas corporibus humanis dispositiones, & tertianas præcipuè febres procrearunt; quæ licet jam in Januario sparsim comparerent, in Martio tamen, Aprili & Majo plures invadere cœperunt, gravi cephalalgia & præcordiorum pressione, rariùs præcedaneo horrore, molestæ, sed post cholagogi aut emetici usum, chinchinatis medicamentis ut plurimum non difficulter superari potuerunt; quod observare etiam licuit, cum circa finem Maji vires sumendo, plurimos in Urbe, quin & vicino agro invaderent, post horrorem magno, atque sæpe ad deliria usque intenso calore ægros torquentes. In Martio quoque Pleuritides veræ, non admodum vehementes & exquisitæ, blandioribusque diaphoreticis & pectoralibus, sine venæ sectione, interdum etiam absque suppuratione, curabiles; circa Aprilis autem finem Apoplexiæ lethales passim observatæ fuerunt. Febris porrò scarlatina in Aprili, Majo & Junio in plurimos variæ ætatis, sexus & conditionis homines, quin totas etiam in familias sese diffudit, post exiguum, aut nullum horroris sensum, faciem primò inflans & rubore suffundens, postea universam cutem maculis vel tuberculis rubris, crebrioribus, latioribus, interdum magis, quandoque minus quàm in Morbillis rubentibus, interdum quoque totam cutem unica quasi macula tingens, ad duas tresve potissimum dies persi-

persistens, quin diutius quandoque & per octiduum durans, modò in squamulas abiens, modò insensibiliter discussa. Nullum equidem vidi qui periculosè ex ea ægrotaret, non nullis tamen, ob majorem sanguinis effervescentiam, diaphoreticis temperationibus, antimonio diaphor. terra sigillata, unicornu fossili &c. succurrere opus fuit; aliquibus libero se exposuisse aëri, & sine medicamentorum usu, nunquam decubuisse haud nocuit. Quo in morbo licet Clariss. Thom. Sydenham in *observ. med. circa morb. acut. historiam* sect. 6. cap. 2. omnem medicamentorum usum intermittat, in libello tamen, qui ejus nomen præ se fert, & *Processus integros in morbis curandis* ab eo conscriptos exhibet, atque Londini typis prodiit, medicamenta supra memoratis similia non improbari deprehenditur; cujus eò lubentius mentionem facio, cum Libellus iste in *Ephemeridum nostrar. Dec. 2. Ann. 10. Appendice* recusum censuram acerbiorum cujusdam Anonymi subierit, qui Anno 1693. Londini eundem denuò impressum publicare voluit, nostrum *inepta mole inutilem*, nescio quo jure vocans, cum tamen idem omnino cum Anonymi specimine sit, atque juxta exemplar (cujus viginti circiter tantum Londini primo fuerunt impressa) ab Exc. D. D. Mich. Fausto, Argentorateni, jam Medico Francofurtensi ad Mœnum dexterrimo, Acad. N. Curioso, cum ex Anglia redux Norimbergam transfiret, beato nostro Præsidi, incomparabili D. Volckamero, tunc temporis in edenda prædicta Appendice occupato, communicatum, ingenuè

Tom. II.

recusum fuerat; ut ita quo pacto non irrepsisse, sed accessisse Ephemeridibus nostris dicendus sit, Lector benevolus inde cognoscere valeat.


Mensis Junius multam ventorum omnium vicissitudinem ostendere pergens, serenitate quidem ut plurimum gaudens, cerebriori tamen frigore inamoenus comparuit; elapso autem primo octiduo, constantior Zephyrus, post pluviarum frequentiam, temperatiorem auram reddidit; quam ante Solstitium æstivum, calores, circa finem mensis remissiores facti, insequabantur; cum interea serenos dies pluviosi sæpius interpolarent, ideoque tolerabili sæpius temperiei ac telluris fecunditati faverent; usque dum una cum sirii ortu calores ingravescerent, & usque post ejus occasum continuarent, multamque terræ siccitatem adferrent; nisi quod sextiduum ante occasum caniculæ deciduis cum tonitru & fulgure pluviis eadem refocillarent; quas eò uberiores postea per Septembrem Zephyrus adduxerat, post intensiores illos calores temperiem admodum humidam & frigore horridiusculam reddiderat, simulque catarrhis glandulosas in primis & musculosas colli exterioris partes obnoxias fecerat, temperationi tamen aëris regimini non difficulter cedentibus.

Post æstivum Æquinoctium continuante ventorum varietate, serenos dies plures usque ad Novembris initium vidimus, quos dein multa hyemis indicia sunt secuta, & juxta cum aura frigida, nubibus & nebulis aër turbidus, atque modò in pluvias, modò nives resolutus, humidam admodum constitutionem effecerat, usque

X

que dum tandem post hyemale solstitium, prævalente cæteris ventis Austro, quæ ab eo denominatur, austri-
na temperies succederet. Interea lymphæ viscidæ & falsæ (ab humida aëris post magnos æstivos calores intemperie probabiliter coacervatæ) stagnationes non deerant, Odontalgia præcipuè, sed tolerabilis, in pluribus ob-

conjunctam cephalalgiam magis molestæ; quin & tussis humidæ contumacioris, nec facilè sine absorbentibus abigendæ feraces. A qua etiam Hecticæ febris, quæ non nullis insidiabatur, & non minus medicamentis potissimum acredinem temperantibus haud difficulter cedebant, originem derivare licebat.



Constitutio Epidemica Berolinensis Anni 1697.

Dn. D. GUSTAVI CASIMIRI GAHRLIEP

Von der Müllen.

J *Annuarius* Styli Gregoriani, gelu non nunquam satis rigido, Boreâ ut plurimum flante, paucâ nive quandoque interspersâ coepit, quod ad quintum usque duravit, tunc succedente Causo paululum triduo continuo regelascens, 19no gelu redintegravit, & 21mum si exceperis, tolerabiliorem, ut & 28vum vulturno spirante remittentem, ad ipsum usque finem, ac subsequenti *Februarii* 9num continuavit. A quo tempore rigor ille remisit, atque blandiori æthere, non nunquam apprimè amœno, gelu interpolavit, ad 20mum usque, qui frigore rigidior recrudescente, noctu præsertim, de die verò parum mitescente, ad finem ac porrò quintum usque *Martii* transiit. A quo rigore paulatim desæviente, mitiora tempora veris prodromos, nebulas pluviis & sudo intercalatas tulêre ad 14

tum usque vernâ sed ephemerâ serenitate & amœnitate commendabilem, succedente cum vulturno nubilo & horrido triduo, sed pluribus ad 24tum usque suavioribus pensato. Hic 24tus, repedante vulturno, variam & ingratam, Aprili aliàs familiarem, aëris intemperiem tulit, frigore, pluviis, nive quandoque, & grandine, nocturno quoque gelu non nunquam distinctam, ad 30mum usque, adeoque ultimum durante, sparsâ nocturnive copiosâ, à succedente diurnâ serenitate ac aliquali amœnitate rursus colliquatâ notabilem, primum sic trimestre grato fine terminantem.

Morbi hoc trimestri non adeò frequentes aut populariter grassantes fuerunt, nisi fortè ob variabile gelidum initio & horridum, humidum postea plerumque & tempestuosum cœlum, catarrhos quis aut tussis febribus ut plurimum

plurimum comitatas huc trahere velit, defluxiones in uvulam & tonsillas, præteriti anni defluxionibus molestiâ & pertinaciâ analogas; Prætereaque pleuritides non nullas, variolas interperfas, paucos adultos, plures infantes adorientes, malignas quasdam ac periculosas, benignas plures, paucas lethales. Paralyfes item & Apoplexias quibusdam exitiosas, Arthritides vagas scorbuticas, ut & febres varias, quandoque & acutas & continuas, exanthematis etiam scorbuticam malignitatem testantes.

Aprilis temperato sed pluvioso facto exordio, unico interposito sereniori die, nimirum secundo ad 9num usque nocturno gelu, diurnisque nimbis ac imbribus horridum processit. Postea amœniore paululum cœlo, noctibus tamen adhuc gelidis, quandoque & nivibus, pluviis ac ventis quibusdam variato, ad 19num transiit amœnitate Vernâ & serenitate ferè stabili, cum succedentibus, 23tio solùm frigido ac procelloso excepto, ad 30num usque adeoque ultimum Mensis, abblandientem.

Successit *Maius* frigore moderato, interdum tamen, initio præsertim Boreâ interspirante, rigidiusculo. Postea sereno cœlo admixtis licet sub finem, præcipuè non nullis pluviolis sic satis amœnus & ad fertilitatem, 31mum eumque postremum, grandine nimis asperum & nocivum si demseris, pronus.

Huic rursus *Junius* pari ferè amœnitate ac serenitate, paucis, secundo fortè & quinto blandè rorantibus, 7mo & 8vo, illo turbido, hoc Africo flante nimbofo, 12mo & 24to im-

bre fœcundo arva rigantibus, 26to imbri tonitru jungente, 27mo, Africo rursus pluvias spargente, udo, variantibus diebus exceptis, conformis, totus propè ad finem usque temperatus.

Morbos trimestre perinde non multos genuit. Præter enim febres nonnullas, paucas intermittentes, pauciores continuas, & catarrhales paucissimas, variolas si dempseris & Epilepsias Infantibus quibusdam infestas, rarissimè tamen lethales, pleuritides quasdam & arthritides vagas scorbuticas, cardialgias, Cephalæas, Odontalgias & Asthmaticos affectus parcissimos, parum negotii Medicis fecerunt alii morbi. Id quod aëris clementiæ adeò stabili, Maio præsertim & Junio, humores in laudabili ac moderato statu conservanti, nec nimio æstu exagitantibus tribuendum esse reor.

Julius trimestris tertii initium pari cum præcedentibus amœnitate, clementiâ ac serenitate Cœli, secundum & tertium fœcundis imbribus temperans fecit; Verùm sequenti sexto sudum diurnum circa noctem horrendo tonitruum identidem reboante fragore, & fulgetris ferè continuis animos & oculos immensum perculit. Septimus quoque, octavus & decimus mitius tamen paulò, serenum diei cœlum vesperi tempestuoso tonitru fœdarunt. Reliquum ad finem usque mensis vario, sed non adeo turbulento, udo tamen non nunquam & nimbofo aëre transiit.

Talis quoque *Augusti*, 7mum, 8vum, 10mum, 12mum, 16tum, 17mum, 30mum, & 31mum adeoque postremum, serenos & amœnos

dies, si exceperis, status fuit.

Nec procul ab his ultimis diebus abluit *Septembris* initium, primum nimirum biduum sic satis serenum & amœnum, cui quatrimum successit, autumnii præludium, imbricum ac frigidum. Quod septimus æstivum sudum æmulatus correxit, cui 8vus paulò frigidior, sed adhuc & 9nus, 10mus, 11mus, ad 18vum usque, qui imbris vespertinis aliquod interscenum inseruit, sereni successerunt, sequentes ad 22dum usque, ejusdem quo præcedentis tenoris, temperatâ nimirum serenitate commendabiles; ut & reliqui ad 27mum usque, paulò, cum sequentibus tribus postremis, turbidior, frigidior, & aspersis subinde pluviis ac ventis asperior.

Rari admodum hoc trimestri fuere morbi, nec præter diarrhœas atque dysenterias, utut pro proventu omnis generis fructuum valdè, DEO largiente, uberi, nec gula illecebris suis parcente, admodum paucas, tussis non nullas, parcellissimas febres, pleuriticos quosdam, & Asthmaticos affectus, nec non unum alterumve Paralyseos & Arthritidis scorbuticæ casum, alii ferè nulli occurrerunt.

October mixtâ pluviis frequentibus serenitate paucâ accessit, ac quatrimum hâc ratione processit. Quintum serenum & amœnum totum, sextus totus undosus secutus; Sed septimus & sequentes ad usque mensis finem sexto serenitate penè pares, præter nonum & ejus sequaces cum sudo Borea spirante frigidulos, 13um roridum, 17mum imbre madentem, 24tum, 27mum, & 28vum pluvias non nullas spargentes, 29num verò &

30mum sicque ultimum Cæciam, frigoris intensioris authorem ascendendo horridos, in procellam tandem valdè impetuosam primâ *Novembris* degenerantem; Verum secundo & tertio paululum desævientem. Quartus & quintus tranquilliores fuerunt ac sereniores, rigidi tamen adhuc, sextus manè nebulosus, postea præcedentibus similis, septimus frigidus ac nubilosus, octavus ad sequens usque manè nimbosus, ex quo serenor 9nus 10mus primam tulit glaciem, ad noctem usque 12mi durantem, pluviâ subsequens 13tii & 14tii rursus liquatam. Quos 15to sudum admodum gratum, cum æstivâ amœnitate quasi certans, sed ephemerum excepit. Ab illâ brevi serenitate matutinis & vespertinis pluviis, in procellam 17mo exæstuavit horrendam 18vo quidem desinentem, sed hujus & sequentium antemeridianum cum pomeridiano, pluvias inter & turbidum, ficcum tamen cœlum partiendo, ad 25. usque, si 21mum, serenum totum & amœnum exclusis, & 25tum sequentes duos boreali sudo commendabiles. Tandem 28vus Divo Simoni Judæ dicatus frigidus & turbidus, 29nus pluviis horridus mixtus, 30mus demum serenus denuò totus, sed Borea paulò acrius spirante gelidus agmen dierum *Novembris* clausit. Successit *December* primo die rigorem præcedentis primâ nive sparsâ temperans, at secundo gelu redintegrans, sequentibus cum nive pluvias alternavit ad 11mum usque, qui Cauro aspirante raro gelicidio gelu satis intentum substituit, qui sequens nivem rursus submisit, atque huic, Boreâ
Cau-

Cauro succedente sequentes duo gelu prius moderatum, decimo sexto in rigidum valde degenerans, decimo septimo nive copiosâ paulò temperatius, decimo octavo verò & vigesimo magis, accedente copiosa nive, invalescens, vigesimo primo rursus, vento remittente ac nive repedante, mitescens. Triduum sequens mitius adhuc, vigesimo tertio pluvias immiscuit, ad vesperam usque vigesimi quarti sereniorum at gelidiorum, subsequente quatrduano vehementi gelu, vigesimo nono demum remittente, ac post nebulam toto die trigesimo cœlum obscurantem; trigesimo primo verò discussâ nebulâ sudo redintegrato, simulque gelu reddente, ultimum hoc trimestre sicque totum annum 1697. terminante.

Morbi hoc ultimo trimestri paulò quàm præcedentibus frequentiores fuerunt, ob Ætheris & aëris nunc ferri, nunc turbidi, nunc sicci nunc humidi ac pluviosi, nunc tranquilli nunc turbulenti & procellosi, nunc temperati ac remissi, nunc gelidi ac horridi, variè invicem alternantis, sicque pro diversitate constitutionis suæ, humorum quoque diathesi & crasi,

communicatis tum per inspirationem, tum per ambientes, & poros corporis subeuntes variorum tam Ætheris, quàm aëris miasmatum particulas, diversis fortè ut formis, sic qualitatibus instructas diversimodè moventibus, alterantibus, ac ad varias ebullitiones, orgasmos, metastases, quandoque sed rarò in melius, sæpiùs in pejus disponentibus atomis, mutantis. Hinc exorti diverso tempore diversi morbi Medicorum animos & curas exercuerunt. Inter quos potiores fuerunt febres variæ tum intermittentes, tum continuæ, hæcque inter non nullæ etiam malignæ, exanthematis quoque variis, purpura, morbillis & variolis stipatæ, non tamen adeò frequentes ut Epidemicarum nomen iusto titulo mererentur, præterea Catarrhales, tussi, vertigine, odontalgia, inflammationibus gutturis & tonsillarum, uvulæ laxationibus, anginâ, suffocationibus, hypochondriacas imitantibus, præcordiorum oppressionibus scorbuto familiaribus, comitatæ, arthriticæ, pleuriticæ, nephriticæ, colicæ passiones, Epilepsiæ sed raræ, ut & paralyces tam particulares quàm universales, apoplexiæ & hæc inter quædam funestæ & lethales.

Constitutio Epidemica Berolinensis Ann. 1698.

Dn. D. GUSTAVI CASIMIRI GAHRLIEP

Von der Müllen.

PRimum mensis Januarii st. Greg. biduum serenum ac gelidum remissius, excepit degelascens ac pluviosum sex dierum intervallum. Nono temperato diei, decimus successit frigidus paucâ nive canescens dies, triduo turbido in Boream tandem, satis vehementer exæstuantem, despu-

mante comitatus, ac altero triduo mitiori nivibus, nebula ac pluviis ex parte interpolato exceptus. Inde ingravescens paulatim gelu vulturno Boreæ succedente vigesimo mensis die, octiduum continuavit, postea mitius aliquanto factum, ac nives glaciei deliquescenti interspersæ, donec

repedante unâ cum Aquilone, ultimis hujus primi mensis ac quatuor Februarii diebus graviori gelu serenius coelum illuxit; mox verò rursus remittente, ac in pluvias nivi mixtas fatifcente obscurum æther ad decimum septimum usque penitus degelantem perdurans. Inde gelu, Euro flante paulatim denuo vires resumere coepit, ac succedente Aquilone, & Aquiloni tandem Aparctiâ, huic verò rursus Euro, validè insurgente, paucis tantum intermixtis nivibus, ac paucioribus blandis remissionibus, ad finem usque Februarii & sequentis Martii nonum continuavit. Tunc verna de die amœnitas, sereno æthere ridens, Austro aspirante advecta, abblandiri quatrimum visa est, noctibus interea adhuc gelidis subsecutum, Boreâ pristinam recuperante sedem, gelu minantibus, Euroque Boreæ succedente æther, unico vigesimo septimo sereno ac temperato die excepto, ad trigésimum usque, Primum Paschatis Gregoriani die festum turbantibus, qui ipse à nocte gelidâ, reductâ aliquali temperie, sequentem medium festi ac ultimum mensis ut & trimestris hujus primi diem sudo ac sereno aëre beavit.

Morbos primum hoc trimestre, præter scorbutum indigenam, pro variâ aëris mutatione varios exhibuit, quos inter febres tam intermittentes, quàm continuæ, eæque ardentes satis frequentes, ac quasi epidemicæ, malignæ quoque non nullæ variolis, præfertim confluentibus, uti dicuntur, conspicuæ eminuere, valdè non nullis infestæ ac periculosæ, pleuritides hisque affines affectus, peripneumoniæ, hæmoptoë non nunquam comita-

tæ, & catarrhales, variis defluxionibus molestæ: tussès contumaces, asthmaticæ quandoque & suffocativæ, Arthritides vagæ, hypochondriacæ, Colicæ, Nephriticæ passiones & Hystericæ, sed hæ posteriores prioribus rariores.

Aprilis primus secundi trimestris, festique prædicti Paschatis postremus dies, æstivum manè æmulatus sudum à meridie primo tonitru sat gravis fragore animos amœnitate ac festivitate diei in hortos & campos prolectorum, atque ludis & Genio indulgentium validè perculit, subsequenter hunc primum pluribus ad 28. usque Aprilis continuavit serenis ac amœnis diebus, noctibus interea gelidis intercalatis, prima fronte abblandientibus, mutati verò vigesima octava sparsis tota die pluviolis facie, variam, ut plurimum turbidam, horridam ac inamœnam Aprili genuinam induit.

Quam etiam primus Maii retinuit, & paucis intersertis sudis, ut 2. 5. 10. 17. 23. ad 27um usque continuavit, qui vigesimus septimus vernâ temperie ac serenitate acceptus, cum sequentibus nativam huic mensi gratiam redintegravit.

Eidem sequentem Junium, (octavo solum excepto, Cauro nimirum amœnitatem præcedentium pluviis intersparsis turbante, ac duodecima cum successore decimo quarto in turbidum & undosum degenerante) serenis ac amœnis, nec nisi paucissimis non nunquam ventis ac pluviolis paululum exasperatis, ad ipsum usque finem commendavit.

Secundum hoc trimestre cœli benignioris ac stabilioris favore morborum quoque ratione mitius aliquantò prio-

priori egit: præter enim scorbuticos quosdam affectus, febres, catarrhales quoque non nullas sparsim infestantes, acutas & ardentes paucas, malignas raras morbillis subinde sociatas, hypochondriacas non nullas passiones, pleuritides paucissimas, asthmata, cardialgias ac cephalæas, vix alios produxit.

Julius, præcedentis Junii sudum continuando, huic ad decimum tertium usque duranti, pluviosum & quandoque nimbosum ac subfrigidum triduum succenturiavit, cui triduum rursus serenum ac gratum successit, à biduo turbidiori paulò & inconstanti, vento ac pluviis subinde interpellato, exceptum, recuperatâ tamen pristinâ amœnitate, uno fortè alterove paululùm degenerantibus, ac pluvias non nullas aspergentibus, ad trigessimum primum usque, adeoque ultimum mensis continuavit.

Augustus mox ab ingressu procellâ turbatus, severiorem paulò frontem induit, ac quintò solùm sudo & temperato, ut & decimo inter serenum antemeridianum ac pluviosum & tonitru fragoso, horridum pomeridianum pensum suum partiente, nec non vigesimum octavum æstivum adhuc amœnitatem redolente, paucisque aliis paulò mitioribus exceptis, totus varius, turbidus, frigidus, pluviosus & nimbosus fuit, unico postremo trigesimo primo sereno & amœno, gratiæ pristinæ factam quasi jacturam quodantenus reparante, ac

Subsequenti Septembri conservandam tradente, qui eam septimo, octavo & nono à tonitru nocturno frigidis & plurimùm pluviosis, tanquam triduo degeneri decimo quinto, decimo sex-

to & decimo septimo turbido rursus & frigido triduo, ut & vigesimo primo & vigesimo secundo ejusdem farinæ, biduo exclusis, ad vigesimum quartum usque servavit intemeratam; donec autumnî tempestuosæ & inconstanti indoli cedens horridiorem ac tempestuosam assumpsit larvam.

Morbi hoc tertio trimestri vario & mutabili frequentiores paulò quàm secundo fuerunt, febres præsertim tam benignæ quàm malignæ, symptomatis varii generis stipatæ, rariùs intermittentes, sæpiùs continuæ & ardentes, Catarrhales quoque & pleuriticae in hecticam & phthisin proclives, malignæ quoque, aphthis, quandoque purpurâ, non nunquam morbillis, frequentius variolis, rarò petechiis, sæpiùs infames, lethales quoque & epidemicae grassantes, & has præter Cephalalgia, Cardialgia, asthmata, arthritides statæ & vagæ intercurrentes.

October ultimi trimestris primus detractâ antecessori suo horrida, quam sub exordio sumpserat, larvâ, gratiori vultu scenam ingressus, Sexto die æstivæ amœnitatis personam ad idem usque serenâ & exporrectâ fronte egit. Exinde paulò austerior, nubiloso ut plurimùm ac ventoso cœlo varius, vigesimo sexto & vigesimo septimo, biduo sereno præmissio, vigesimo octavo, primam sparsit nivem, mox in pluviam postea fatiscentem, nocte succedente gelidâ, pruina à sudo gelascente exceptam tulit, cui biduum successit amœnum ac temperatum, subsequente turbido manè cœlo trigesimo primo in pluvias, tonitru hoc tempore insolito comitatas, circa noctem deficiens.

November initio inconstans, mox Euro flante serenior gelu induxit, remissius quidem primò nebulis subinde intermixtis, circa quam tamen Aquilone irruente satis rigidum; Nivem copiosam valdè præter expectationem, Cauro sufflante in horridum & intensum gelu quinque dies durans erupit: decimo sexto tamen desævians noctu remittere ac subsequente decimo septimo sudo penitus degelare cœpit. Inde rursus instabilis, nunc turbido cœlo asperior, nunc sereno temperatior, post nives vigesimo tertio denuo sparsas, vigesimo quarto gelu satis intensum redintegavit, ac ad finem prope mensis continuavit, postremo mensis die Libanoto aspirante, degelascens.

December à primo ad octavum paulo gelidiorem, varius pluviosus ac nimbosus, ab octavo ad decimum quartum gelu, sed interspersis, ut ut raris nivibus mite ac temperatum induxit, à decimo quarto præcedentibus algidiore varium asperum, ventis subinde ac nimbis horridum cœlum ad finem usque mensis continua-

vit, tandemque circa vesperam trigesimali primi, adeoque ultimi hujus mensis & anni diei, senis tonitru, hoc anni tempore planè insoliti ac portentosi, pluribusque funesti fragoribus Anno huic 1689. valedixit.

Morbi hoc trimestri præter febres quasdam continuas ardentes, ab omni malignitate haud vacuas, purpurâ & morbillis eam prodentibus, catarrhales satis frequentes, tussi contumaci & ferina, catarrhis & defluxionibus scorbuticis debitâ, valdè infestæ & molestæ fuerunt, variæ, inconstanti horridæ ac immiti cœli constitutioni natales suos debentes. Præterea arthritides vagæ, præsertim scorbuticæ, pleuritides, diarrhœæ & lientericæ frequentes, dysentericæ tamen raræ, pro proventu prunorum hoc autumno valdè uberi, Cardialgiæ, & hæmoptoës nonnullæ. Sub fine tamen & soporosi ac comatosi nonnulli affectus, quibusdam lethales, eidem frigida ac humida aëris intemperiei hâc hyeme prædominanti, omni procul dubio imputandi.

*Constitutio Epidemica Sangallensis; finis Anni 1696.
& principii 1697.*

Dn. Doct. SYLVESTRI SAMUELIS ANHORNII,
De Hartvifs.

VIX Dysenteria æstiva grassari desuit, autumnus successit, ventis Austrinis die nocteque spirantibus, uvæ fructibusque maturandis coaptatus, infantibus verò in hoc fatalis, dum insolito tepore diurno atque nocturno, ad turgescentiam motus sanguis puerorum tenerior, morbillos variolasque exclusit, quas perpaucis

effugisse datum fuit, fuerunt, qui febre continuâ cum inquietudine, deliriis, & multis deterioris notæ symptomatibus ad septimum diem dubiè agitati, exhibitis ex aq. ulmar. CC. Citrat. ac diaphoreticis temperatis ex Magist. antimon. diaph. CC. ph. ppt. & unicorn. fossili, per sudorem vel hæmorrhagiam subsequuta crisi con-

convaluerunt. Plures vix ac auræ liberiori commissi, insuper morbillis, hosque adhuc excipientibus variolis correpti fuerunt. Declinante autumno, & æstu remittente, mixtim grafari cœperunt febres & Variolæ, plurimum tamen morbilli. Mense Novembri & Decembri initio varia fuit cœli facies, tempestas aquilonia, nebulosa, pluviosa, frigidior, morbillos qui vix superârunt, jam cum variolis colluctavere, febricitantes visi non sunt, & morbilli perpauca, Variolæ solæ, candidâ veste terrâ tectâ, magis magisque propullulârunt. Fuerunt autem optimæ indolis, citò erumpentes, rubræ, molles, fastigiatæ, distinctæ, citò maturæ, nec foveas relinquentes.

Deterior fors fuit illorum, qui serius, non quidem maturâ tempestate, in principio Anni 1697. iisdem decubuere. In plurimis copiosiores ac confluentes visæ sunt. Multi cum febre intensa, convulsionibus, ventris meteorismo & dolore intenso, ac alvo constipatissima, pustulis tandem violaceis, lividis, nigris notati interiêrunt. Id verò est quod notari meretur, non alios præter lanionum infantes, & quidem trinos quandoque, & binos unâ in domo (cei quòd sordibus & squalore ex pellibus ad exsiccandum expositis, cruore & carne præ aliis sordescant illorum domus, vel quòd minus ac alii curam infantum habere possint) hoc ventris meteorismo, petechiisque lividis fuisse correptos, atque sublato. Si quando in aliis etiam domibus variolæ bonæ notæ, tres, quatuorve hujusmodi maculas interspersas habuerunt, mox illæ lanceola parumper scarifica-

tæ, digestivo suppuratæ, & ad separationem escharæ perductæ fuerunt, hæc tandem separatâ, fovea illa nunquam non instar fonticuli, nunc latior nunc profundior relictâ novâ carne expleta atque consolidata fuit.

Inter adultos hoc hyemis decursu, quamvis omnia frigore horruerint, nihil epidemii observatum est.

Ver vario ingruit cœlo, æstum subitaneum pluviae repentinæ cum ventis septentrionalibus exceperunt. Discordiæ accesserunt à Vicinis commotæ, quæ cruentum nonnullis excidium minitari visæ sunt: Inter sexum muliebrem hoc terrore perculsum crebri abortus conspiciebantur. Nonnullis tempestiva Venæ lectio & instituti sudores cum Bezoardicis quæ Sanguinis coagulum tollunt, bono auxilio fuerunt. Nati abhinc infantes multi convulsionibus occubuerunt. Viri verò insuetas horrido imbribus cœlo excubias diu noctuque strenuè agentes, omnem tempestatem innoxie tolerarunt. Perpaucos tussis prævia corripuit.

Æstas & autumnus ex frequentibus quamvis pluviis injucundi, infalubres non adeò fuerunt.

Mense Septembri Apoplexia nonnullos corripuit.

Fœmina provectioris ætatis ex paralyfi lateris dextri, præmissis vomitorio, sudoriferis atque specificis, in & externis apoplecticis usitatis, intra triduum convaluit.

In alia Nobilis Familiæ Matrona, Paralyfis manus dextræ cum interceptâ bihorium loquelâ, aquis ant-apoplecticis, frictionibus, sudoriferis &c. restituta fuit.

Vir Septuagenario major, Reip.

Senator, recidivam passus ex instituto vomitu loquelam statim temperavit, at paralyticus in latere sinistro permanet, dum per phlogoses & stragulas ferendi impotentiam, propter tumorem sensumque hepatis exquisitum, ad sudorem se componere hætenus non voluit: Qui tamen præterito anno, toto latere paralyticus, sudoribus quotidie institutis, integrè convaluit. Interim hepatis inflammationi convenientibus, in & externis prospicitur, inter quæ emplastrum Norimbergense impositum, ceu præsentissimum sibi Paregoricum, summè extollit. Fetus etiam particulares cum decocto herbarum, non sine levamine instituuntur.

Alius Sexagenarius inter pocula sensu motuque privatus concidit, cum stertore Spiritum duxit, in manu nullus, pede verò aliqualis motus restabat, concitato syropo Emetico vomitu, & deinceps in usum vocatis frictionibus, lotionibus, aliisque usitatis ant-apoplecticis, paucas intra hebdomadas in pristinum rediit.

Neogamus dissolutè vivens, dum in templo Sacris interesset, subito expalluit, concidit, & ἀφων® domum deportatur, per hypocaustum tractus, varieque agitatus, ubique elanguidus movere ne digitum valuit, pulsus fuit tardus & debilis, externa frigeabant, jacuit stertens à nona matutina ad primam, sine sensu & motu,

ingesta difficulter deglutiit, ego accersitus ex uno cochleari syrupi Emet. porrexi gr. iij. tart. Emet. Operatio demùm post bihorium successit. Phlegmata porracea frequenti vomitu reddidit; Sudore toto corpore diffluxit, Sanguis è naribus protrusus est, sicque corporis motus, linguæ ac rationis usus paulatim redierunt.

Infeliciores fors fuit Puellæ aliàs præcæteris venustæ, quæ novendecim annos nata menses nunquam vidit. Hinc sensim expalluit, macilentior, tristior, & difficilis ad motum evasit, scabie vexata, unguenta Tartarea cum Mercurio præcipitato adhibuit, tempestate frigidior pluviôsâ, vestibibus malè munita, è domo exiens frigori pluviisque pro expediendis negotiis incautè se credidit, post horam domum deportatur ἀφων® sensu motuque privata, stertens, & Apoplectica, crebroque vomendi tentata Conatu. Vicinus vocatur Chirurgus, qui venam ipsi secat. Sanguis non nisi guttatim prodiit; Dantur spiritus Ceraforum, aqua Vitæ naribus Spirituosa admovetur: Capiti imponitur aq. Reginae Hungariæ, interim ego advocatus Syrupum Emeticum propinari jubeo, quem vix medium deglutiit; dum exspectatur operatio, accedunt convulsiones, quæ miseræ circa vesperam finem vitæ faciunt.

Constitutio Epidemica Posoniensis

Annorum MDCXCV. MDCXCVI. MDCXCVII.

Dn. D. Caroli Raygeri.

Quantum intersit Medico nosse nem ac inde resultantes morbos, jam & observare aëris constitutionem suo tempore agnovit graviterque incul-

culcavit Hippocrates, dum ita librum suum de Aër. Aqu. & Loc. auspica-
tur. *Quicumque artem Medicam in-
tegrè assequi velit, primum quidem
temporum anni rationem habere
debet, quantum potentia quodlibet
eorum valeat. Non enim simile
quicquam in illis existit, verum dif-
ferunt invicem propter varias, quæ
in illis sunt, mutationes.* Hinc
qui morbi singulis anni temporibus
proprii qualesque fiant in illis muta-
tiones, tam prolixè tota describit Se-
ctione III. Aphorismorum. Nec
dubitavit Galenus τὸ ὅλον in morbis
ambientis nos aëris constitutionem
appellare, quam quidem sententiam
fusiùs examinat & pertractat *Cele-
berrimus D. D. Melchior Sebiz.
in Dissertatione sua de eo quod Di-
vinum est in morbis.* Sanè rem tam
salutarem reique medicæ summoperè
proficuum jam pridem mecum animo

revolvens, statim ac manum i raxi ad-
movi, constitui singulas aëris & tem-
porum vices, indeque exortorum mor-
borum generationes & mutationes
diligenter observare, annuatim col-
ligere, ac Endemiis & Epidemiis meis
Hungariæ, cum tempore proditoris
inferere. Id cum etiam à XXV. an-
nis scilicet ad annum usque 1695. pro
meis usibus præstitissem, communica-
tur mihi à Perillustri ac Magnifico
Domino Præsidi laudatissimum suum
institutum, quo voluit, ut, qualis in
diversis Regionibus & provinciis fue-
rit aëris constitutio Epidemica, obser-
varetur, & quotannis Ephemeridi-
bus curiosis infereretur. Quo intelle-
cto substiti in privato studio, & quæ
ab illo tempore hac in materia à me
observata atque annotata in publicum
contribuere decrevi, modò initium
facturus ab

Anno M. DC. XCV.

Cujus constitutio hîc Posonii in Hungaria fuit talis.

HYems rigidissima, nix plurima,
gelu in Martium usque durans.
Frigus immediatè post solstitium in-
cepit, & toto Januario sine remissio-
ne continuavit, nives cecidere supra
nives, gelu supra gelu. Nec mitior
Februarius ipseque Martius adhuc
frigore & gelu horridus.

Mense Jan. plurimos observavi ex
castris redeuntés colica laborasse con-
vulsiva, absque dubio ex febribus au-
tumnalibus, partim non bene curatis;
partim malè circa solstitium hybernum
judicatis. Rarò quartana scilicet fe-
bris ut ut tractetur, recedit, quin vel

hæmorrhagiam narium, vel laterum
duritiem, vel pedum tumorem œde-
matosum, vel languorem & dolorem
artuum, sæpissimè verò Colicam con-
vulsivam post se relinquat. Mense
Februario & Martio grassabatur quod-
dam genus febrium cum latente ma-
lignitate. Imponebat plurimis Ca-
tarrhus cum dolore capitis gravativo,
febricula lenta, tussi sicca, coryza ve-
hementi invadens: mox nona, vel
nonnunquam undecima demum post
primam invasionem die exasperari cœ-
pit morbus, & graviora reddi sym-
ptomata; accessere enim vigiliæ, de-

liria, nonnunquam ipsæ petechiæ, subsequente morte. Servati autem omnes qui non tantum alexipharmaca ab initio adhibuere, sed & ea usque ad nonum vel decimum diem continuavere.

Ab æquinoctio Vernali usque ad solstitium æstivum tempus varium, mox frigidum, mox calidum, modo pluviosum, modo serenum. Initium Aprilis adhuc brumale, circa medium verò & finem calor prope æstivus. Successit Majus pluvius mixtus, cum frigore & calore alternante. Prima & secunda dies Junii ventis turbida, tertia serenari de nocte coepit, cœlum cum pruina matutina valde noxia, id quod apud nos valdè rarum, & vix à seculo observatum. Segetibus nihil nocuit hoc gelu matutinum, nec destructæ vineæ, præterquàm illæ quæ versus plagam occidentalem sitæ; quarta Jun. iterum pruina sed planè innocua. Septima ros mane cecidit purpurei coloris, observatus in foliis arborum & vitium, ut & hominum in vineis lobarantium lintheaminibus, in quibus, (prout ego observavi) exactè referebat colorem macularum ex succo mororum aut cerasorum. Circa id tempus morbi fuisse nulli, ut plerumque fieri solet mense Junio, febres quidem comparabant tertianæ, sed adeò mites, ut etiam in quam plurimis post tertium vel quartum paroxysmum sine medicamentis aut sola purgatione & venæ sectione adhibita cessaverint. Variolis quoque corripiebantur parvuli parvulæque, sed illæ cum nullis feris aut gravioribus symptomatibus, hinc omnes servati, qui non incuria neglecti aut minus rite, prout à plebe quan-

doque fieri solet, tractati fuere.

Successit æstas plus frigida quàm calida, magis humida quàm sicca: Finis tamen Junii & initium Julii gaudebant aliqua serenitate, mox nubibus exasperatum cœlum & largissimam aliquot diebus effudit pluviam, unde intumescens Danubius littora supergressus longe lateque se per prata & agros diffudit cum maximo damno rusticarum, tam fœniscum quàm messorum. Rediit sub initium Augusti calor, isque intensissimus, sed ultra septem vel novem dies non perdurans, insequentibus pluviis usque ad Octobrem. Inter istas tam varias mutationes vix tamen aliquid morborum observatum; nisi quòd in Septembri plurimi infantes, adulti non item, correpti fuerunt Dysenteria, iique fermè omnes lactantes; credo ex lymphâ plus justo acriori ad intestina delata illaque lædente. Errorem quippe illi in esu fructuum horæorum non committere poterant, nec commisere nutrices sedulò examinatæ & observatæ, paucissimi tamen periere, sed omnes convenienter Clysteriis, imprimis ex lacte & decocto capitis vervecini tractati, convalescere.

Post æquinoctium, qui secutus Autumnus, fermè totus fuit pluviosus, October subinde serenus, November inæqualis, jam ad hyemem inclinans, & prout reliquum Decembris usque ad Solstitium, frigidus cum floccis nivium & creberrimis pluviis. Hinc vinum nec quantitate nec qualitate laudabile crevit. Circa initium Octobris frequenter hinc inde in civitate comparuere febres erraticæ nullum typum servantes, invadebant propè omnes cum frigore aliquando

trium horarum, insequente calore ultra horas 15. durante, post apyrexiam aliquot saltem interjectis horis nova febris affligebat. Memini me habuisse quendam in quo calor ultra 48. horas duravit, cum terribili capitis dolore, siti vehementi, squalore linguæ & faucium, summaque virium debilitate, ita ut febrim continuam fore metuerim, tamen post venæ sectionem remisit calor, morbusque in melius mutatus. In alia Illustrissima persona similem protractionem paroxysmi primi notavi, similiter post venæ sectionem remittentem & intermittentem, sed tertia die redeuntem, hinc propinatus cortex Peruvianus in aqua cichorii alvum movit, id quod nunquam in aliis, ausim dicere mil- lenis, cui corticem hunc exhibui, fa-

ctum observavi: Credidi prima vice fortuito factum, turgente forte & ad exitum per se tendente materia vitiosa in corpore, sed & post secundam imò etiam post tertiam exhibitionem idem factum, movit autem alvum semper sexies, septies sine nausea. Alius pariter feбри corripiebatur levi ab initio & cito remittente. Tertia die media nocte in lecto suo dormientem horribile invasit frigus trium vel quatuor horarum spatio, subsequente calore in alteram noctem perdurante, cum pedis dextri ingenti dolore, accepit sudoriferum, unde optimè sudavit, moxque apparuit ingens rubedo & inflammatio in pede dolente, factumque Erysipelas, quod facile, convenientibus remediis tractatum, sublatum est.

Annus M. DC. XCVI.

Jurasset quispiam permutata fuisse tempora; Præteritam æstatem fuisse Brumam; nunc autem æstatis vicem obire hyemem, usque adeò in Bruma nihil brumale, & in frigidissimis aliàs mensibus, nullum frigus, nullum gelu, nullæ nives, breviter hyems fuit clementissima. Januarius aliquo modo ventis turbidus, nebulosus, pluviosus. Februarius quasi totus serenus, ficcus, sine notabili frigore, nisi matutino tempore, ubi aura parum frigidiuscula, mox surgente sole temperata. Huic ad æquinoctium usque planè similis Martius, nisi quod parum ventosior, hinc etiam salubrior. Nam totis hisce mensibus vix præter catarrhos aliquid notabile occurrit in Medicina. Post æquinoctium verò & aer & morbi cœpere

mutari. In fine quippe Martii longè majora frigora, major cœli inclementia, de nocte gelu & nives, minus tamen durabiles, sed in pluvias ferme continuas de die abeuntes. Nec mitior Aprilis sua natura variabilis, sub finem tamen siccior. Meliora tempora sperabantur sub gemellis, sed & Majus ipse cum initio Junii usque ad solstitium valdè inæqualis. Nunc grata & vernalia serenatum pollicebatur cœlum, tempora, mox atris iterum inhorruit nubibus, tempusque reddidit turbato aëre frigidisque pluviis minus vernale, minus majale. Hinc non mirum, cum Ver simile factum fuerit hyemi, non vernaes sed hyemales fuisse exortas ægritudines.

Nam quas in hyemem relegavit pleuritides *Hippocrates III. Aphor.*

23. eas circa hæc tempora deprehendere licuit valde frequentes. Inter has imprimis notabilis fuit illa cujusdam Generalis quartiriorum Magistri (ut communiter vocatur) maligna ferisque comitata symptomatibus. Excefferat ille multum in vino & commestationibus tempore Bacchanaliorum, hinc catharrum acquisivit cum tussi vehementi & lateris puncturis. Aperitâ venâ, suasi purgationem, quam tamen vocatus Medicus dissuasit. Ille autem reluctans consuetum sibi sumpsit laxativum, unde sibi videbatur melius valere; sed mox sequenti nocte omnia in deterius, aucta in summo gradu febris, accessit furibundum delirium, sputum crassum, crudum, sanguineum, idque perpaucum, quæ omnia extrema minabantur; Vocatus ego, exhibui sudoriferum, jussi applicari vesicatoria, dedi oleum lini, sic remisere symptomata, illeque ex lethi faucibus ereptus ad castra perrexit. In Majo notavi in nonnullis febres malignas, cum exanthematibus, minimè tamen funestas, nisi in duabus personis, in seruo quodam qui illa pro morbillis habuit, nec aliud nisi myrrham & semen napi accepit; hinc accedentibus gravioribus symptomatibus expiravit. Altera erat puerpera quæ febrim lacteam aut puerperalem esse credens, neglectis alexipharmacis solum potum aquæ chamæpythios cum saccharo adhibuit, nostris puerperis in hoc casu consuetum, tandem conspectu exanthematum hinc inde erumpentium perterrita, Medicum vocavit quidem, sed nimis tardè, accedente enim diarrhoea, delirio, & tandem convulsione, mortua.

Jam ad æstatem devenio, in qua mense Julio & Augusto subinde calor intensus, nonnunquam, sed raro durans, intermixtis subinde pluviis frigidis usque in medium Septembrem. Notabiles erant mense Augusto Dysenteriae in infantibus lactantibus & ablactatis, planè ut ante annum, valde frequentes, sed ut plurimum funestæ, statim enim post unam vel alteram dejectionem comparuit sanguis, mox extrema debilitas & mors, paucissimi ad decimum diem servati, qui tamen mortui. Adultiores facilius curabantur. Valde insuper contagiosa fuit ista dysenteria, nam facile corripiebat adstantes & infantibus ministrantes, ex quibus tamen nulli obiere. Credo malignitatis hanc luem non fuisse expertem, quæ quidem tenellulis mortem intulit ob nimis teneram constitutionem, in adultis autem ita vim exerere nequivit, sed facile fuit suppressa.

Tandem in Autumno comparuit æstas. Scilicet ab æquinoctio usque ad Decembrem, per totum Octobrem & Nov. serenitas, cum frigidiuscula tamen aura matutina, hinc præter spem etiam melius crevit vinum quàm ante annum, non tamen in abundantia, aut illa bonitate prout aliàs apud nos fieri solet. In Decembri mutatus aër, tempusque redditum turbidum ventis, nebulis atque pluviis, duodecima cecidit nix alta, quam ita solidavit subsequens rigidissimum frigus, ut supercadentibus consequenter aliis nivibus, prima manserit usque in Aprilem sequentis Anni. Morbi circa hoc tempus nulli notabiles. Hinc progredior ad

Annum

Annum M. DC. XCVII.

HUjus initium fuit sicut finis præteriti. Scilicet à solstitio hyemali usque ad æquinoctium vernale, frigus acerrimum sine remissione, congelatus Danubius statim in Januario, mansitque pons iste glacialis ultra octo septimanas firmus & constans, quod alias valdè rarum apud nos. Fuit insuper hoc memorabile, quod sub densissimis pariter ac profundissimis nivibus terra semper manserit aperta, ita ut, remotis illis, hæc non aliter ac in vere fodi potuerit. Periere & computruere sub hac mole nivium, fere omnes segetes & olera hortensia, frigus hyemale aliàs tolerantia, quæ, liquefactis nivibus, non aliter ac mucago quædam viridis terræ incubabant, ac in lutum resolvebantur; non levi insequente impri-
mis frumenti penuria. Cæterum quod *Hippocrates III. Aphor. 7.* dicit, Magnis siccitatibus fieri morbos acutos, hoc vice versa hisce temporibus meliori jure dici potuisset, de magnis frigoribus. Iisdemque durantibus circa finem Februarii, febres acutæ malignæ per totam grassabantur civitatem. Invadebant plerosque levissimo rigore, succedente calore non adeo forti, & quandoque iterum remittente primis diebus, mox circa quartum vel sextum diem augeri cœpit calor, & notæ hinc inde in superficie cutis apparere malignitatis. Pulsus ab initio valde erat sanorum similis, ut & urinæ, sed ubi calor auctus rubicundæ instar sanguinis factæ; Deliria circa nonum vel decimum demum diem comparuere, in quibusdam ve-

hementia & ad decimum septimum usque durantia, in quibusdam remissiora & breviora; Maculæ erant parvæ instar morsus pulicum, obscure purpurascences, circa decimum octavum aut etiam circa vigesimum primum disparentes. Non valde lethales erant hæc febres, sed supra modum contagiosæ, (quod aliàs non semper fieri solet) nam in aliquot ædibus ne unum omisit, quem non corripuisset, rarò in una aut altera persona cessavit. Duravit hæc lues in Majum usque, ubi incalescente aëre remisit.

Hyemem excepit Ver, sed & hujus initia adhuc satis ventis & nivibus turbida. Successit Aprilis totus serenus, siccus, absque pluviis, cum calore pro tempore insolito. Majus variabilis, nunc calidus, nunc frigidus, mox serenus, iterum pluviosus, talis etiam totus Junius. Circa hæc tempora vix ullus notabilis occurrit morbus, cessantibus etiam ut supra dictum febribus malignis.

Æstas fermè prioris anni æstati similis, mediocriter calida, & matutinis horis subinde frigida, vigesima nona Augusti, trigesima & trigesima prima mane pruinae fuerunt, sed plane innocuæ, nostrates appellant *ein Wasser Reiff*, id quod tamen apud nos insolitum, ubi tales pruinae rarò ante festum S. Michaëlis observantur. Hoc tempore frequentes erant Icteri, qui flavedine sua plurimos deformabant. Sentiebant, qui corripiebantur, aliquam cordis compressionem, nauseam, anorexiā, & non rarò vomitum, mox flavo colore toto corpore per-

fundebantur, sed qua velocitate venit, eadem iterum abivit. Post unum vel alterum laxativum disparuit flavedo, rediitque sanitas cum bono appetitu.

Qui subsecutus Autumnus semper erat variabilis & inconstans, usque in Decembrē, cum quo hyems ante hyemem, id est ante solstitium gelu & ni-

vibus suum sumpsit initium. Febres quæ circa hoc tempus grassabantur ut plurimum erant tertianæ duplices, raro quartanæ & præter morem autumnalium nec longæ nec lethales, sed convenienter tractatæ, facile curabantur.

Constitutio Epidemica Augustana Anni 1701. & sequentium.

Dn. D. LUCÆ SCHROECKII.

Licet initium anni 1701. frigidum comparuisset, triduo tamen post mitior aëris temperies, sub mutabili ventorum, Zephyri tamen prævalenti, crebrioresque nives, subinde verò etiam pluvias adducentis flatu, excepit, usque dum ante, & circa Æquinoctium vernale magis constantem serenitatem Eurus largiretur: paulò post ventis priorem inconstantiam resumentibus, hyememque protractiorem, quin & gravem terræ siccitatem circa Solis in Tauri signum ingressum, cum sensibili frigoris molestia, sereno quidem cœlo, producentibus, ut Cereris etiam, Pomonæ & Floræ sinus tardius panderetur, atque Maii principium vernalis amœnitatis parum ostenderet, quæ postea eo largior comparuit; atque, Gemellorum signum cum Sol occupasset, aërem multum delinivit, & in tantum calefecit, ut, ni Zephyrus, Euronotus, & Auster subinde pluvias interspersissent, nimia siccitate, præcipuè quia ventorum perpetuus quasi motus continuabat, terra plurimum laborasset. Interea prior morborum in Anno prægresso observatorum facies continuavit, quam ita-

que depingere superfluum foret, Variolarum puta, Februm petechialium, Tussisque humidæ; in mense Februario insuper, duobusque eum excipientibus, Pleuritides veræ, in suppurationem abeuntes, sed diligentibus pectoralium & diaphoreticorum temperaturarum usu, sine etiam venæ sectione, curabiles accesserunt; quibus in non nullis M. Aprili, cum morbus jam in decrementum vergeret, nova febrilis effervescencia supervenit, cum eruptione per totum corpus pustularum aquearum, majus periculum minitantium, ægrotis tamen per continuatam alexipharmacorum blandiorum adhibitionem intra primum, quandoque secundum octiduum reconvalescentibus. Mense Majo & Junio, præter dictas puncticulares, (quæ jam sine magna præcordiorum oppressione, cum horrore, lassitudine, lumborum, nuchæ, & capitis dolore ut plurimum ingruebant) purpuratæ etiam febres teneriorem inprimis ætatem, non admodum periculosè invaserunt; nec melancholici insultus maritatis foeminis, mensstruis quidem rite se habentibus, infrequentes fuerunt, venæ sectione quidem mi-

mitigati , paulò post tamen recidivi facti , acidularum verò martialium potu curati.

Post Solis ingressum in Cancri signum crebriores primò pluvix, postea cum plurimarum tempestatum graviorum impetu, calores, circa caniculares inprimis dies intensi, & qui ad Æquinoctium autumnale usque, paucis frigidiusculis diebus intervenientibus, continuabant, fuere notati; quo tempore frequentia morborum defuit, nisi quod ibi ob transpirationem fortasse ab aëre humidior & frigidiusculo non nihil cohibitam, Febres quotidianæ, post exiguum horrorem intensiori calore invadentes, & facile curabiles, hinc ob sanguinem aëris calore nimis rarefactum Febriculæ scarlatinæ, sine magno corporis æstu aut gravibus symptomatibus, sed levi saltem præcordiorum compressione præcedente, non minus brevi & sponte quasi cessantes observarentur. Alii autem, quibus probabiliter lymphæ viscidior in sanguine erat, non maculis istis pingebantur, sed pustulis albicantibus, majoribus minoribusve, cum interspersis quandoque vesiculis parvis limpidis, pruritu commite, tandem exsiccatis ac in squamulas secedentibus, per totum corpus, sine vitæ periculo, & prævio non admodum intenso calore, onerabantur. Nec infrequentes erant Diarrhœæ, quibus interdum, sed rarius Dysenterix succedebant, ex negligentiori, ut mihi videbatur, corporis ab aëre externo custodia, & liberaliori potus ingurgitatione, hincque stomachi tono labefactato subortæ, quæ etiam facile, vel solius rhabarbari cum terra

Tom. II.

signata, aut coralliis rubris mixti usu, vel insuper Essentia catechu, lenibusve aliis adstringentibus & stomachicis absorbentibus curabantur. Plurimos etiam Odontalgia correptos licuit conspicere, quæ licet rarius Medicorum consilio exponeretur, quantum tamen dijudicare valui, ex eadem ventriculi imbecillitate, & chyli vel lymphæ crudioris circa dentes stagnatione citabatur. Erant insuper, foeminae præsertim, quas sinistrae axillæ intensus dolor, sine tumoris vel inflammationis indicio excruciat, periodicè ut plurimum & circa vespèram recurrens, cujus radicem circa ventriculum pariter hæerere, tum notatæ ibidem, inprimis sinistro in hypochondrio molestiæ, tum salutaris curandi ratio conjecturari faciebant: credidissimè, chylum viscidior & crudior, per ductum Pecquetianum ad venam subclaviam sinistram delatum, & cum obvio ibi sanguine permixtum, agitationem præternaturalem ibi excitasse, partesque illas dolorificè hac ratione distendisse, nisi dextrum humerum in foemina quadam idem malum tunc occupasse notassem, cum insolitam ductus illius ad partem dextram declinationem sine urgentiori causa hinc fingere non audeam, quamvis in eadem rheumaticum potius affectum subfuisse credere malim, præsertim cum dolor ille dicto modo quidem intensior per intervalla redderetur, nunquam tamen planè intermiserit, ac tandem brachii tumor supervenerit, diaphoreticorum, emplastri oxycrocei, & laconici coriarii usu omninò sublatus. In cæteris repetitus leniter evacuantium &

Z

hu-

humores corrigentium, præsertim acicularum martialium usus proficiuus exstitit; remedia autem externa nullum levamen dederunt.

Eandem chyli & lymphæ vitiosæ in stomacho nidulantis labem Febres quotidianæ epidemicæ, incerto quandoque paroxysmi tempore invadentes testabantur; quæ nullo prævio horrore, magna præcordiorum ad oppositam in dorso regionem se extendente oppressione, & nullo sensibili, vel tolerabili saltem excipiente calore, infestæ erant, atque propinatis, pro exigente necessitate, emeticis, vel repetitis laxantibus & absorbentibus, amaricantibus, absinthio, chinchina &c. curabantur.

Post Æquinoctium autumnale primò aëris serenitas & ficitas continuabant, mox pruinae, nebulae, d. 17. & 18. Octobr. copiosæ nives, pluviae postea, & venti modò ex hac, modò ex alia mundi plaga, imprimis ex septentrione frequentius irruentes comparuerunt; Sol autem ubi ad Scorpionis signum pervenit, denuò per aliquot dies serenitatem, terræque ficitatem conciliavit; variâ dein aëris temperie, ut plurimum tamen austrinâ subsequente; & cum aër parum à ventis jam agigaretur, vapores in eo hospitantes parcè dispellebantur; unde iidem corporibus humanis copiosiores communicati, variis ægritudinibus producendis patrocinebantur; hinc non tantùm Variolæ iterum se exferebant, Pleuritides veræ, atque Febres continuæ, catarrhalès, magno cum æstu, cephalalgia & tussi, pueros æquè ac maturiorem ætatem invadentes, nec, ubi debite tractabantur, lethales sub-

ortæ, sed frequens etiam Catarrhorum cohors, Coryza, Odontalgia, Raucedine, Tussi infesta Urbi incubuit. Muliebris sexus non minus habuit, de quo speciatim conquerebatur, uteri nimirum hæmorrhagia, cui non gravidæ saltem, ultimis præsertim duobus graviditatis mensibus, sed aliæ quoque plures obnoxia erant; quem sanguinis orgasmum non commodius quàm absorbentibus martialibus &c. uti hæmatite, croco Martis adstringente, item bolo armena, coralliis rubris &c. haud neglecto, ubi opus erat, paucò opii additamento, sedatum expertus sum. Memorari etiam merentur Apoplexiæ crebræ, ut plurimum exitiosæ: memini egregiam quendam virum mihi aliquando narrasse, quòd jam olim fuerit observatum, post crebriorem aquilonium flatum Apoplexias frequentes hinc contigisse; neque admodum in dubium id vocare vellem, cum ab illò ventò nescio quæ atomi impuræ nobis inferantur; id quod civem quendam nostratem industrium non latet, qui ceræ dealbandæ in horto suo. Boreæ multum exposito operam navans, eandem, infesta flavedine ab eo infici notavit; unde quamprimum spirare eundem observat, ceram studiosè tegere, mediâ etiam, si is tum ingruat, nocte properat, quem in finem machinulam artificiosam excogitavit, quæ à vento hoc commota somnum excutiat. Ubi in memoriam mihi revoco, quæ noster quondam Æsculapius, Phil. Höchstetterus, in Scholio ad Dec. 4. obs. med. cas. 1. protulit, ubi urbis nostræ descriptionem exhibens, Zephyrum ex depressis & alibi paludosis Marchionatus Burgavien-

viensis locis inquinamenta secum rapere & huc advehere scribit; quæ sanè de Borea quoque nobis, & non minori jure pronunciare licet, qui ex locis humidis Danubio proximis putridas particulas abripere, atque in capita nostra effundere valet.

Tandem cum circa mensis Decembris principium Zephyri impetus major denuo insurrexisset, d. 10. eundem Euris compescuit, frigore, creberrimisque nebulis, quibus præsertim à d. 17. usque ad d. 23. Decembris continuis Civitas obtecta fuit, stipatus, usque dum circa finem anni Zephyro Boreas succedens auram tolerabiliorem redderet, niviumque crebritate colophonem imponereet. Quo tempore, præter memoratas Pleuritides, Variolas, & Febres continuas, in pueris etiam quotidianæ Febres, tussi humida & cephalalgia graves, nec non Icteri, in adultis autem malignæ petechiales, ut plurimum pustulis limpidis miliaribus post macularum eruptionem comitantibus, comitatæ observabantur: hæ in principio post horrorem lassitudinemque, tolerabili calore, intenso capitis dolore (quem paulo post recedentem tussis, non quidem diu durans, & sicca magis quàm humida, atque calor auctior cum deliriis nocturnis insequabantur) se prodebant, contagia quandoque in alios se diffundebant, rariusque, ubi temperationibus alexipharmacis tempestivè obviam itum est, occidebant: in Pleuritide verò continuatus diaphoreticorum, præcipitantium dictorum, usus coagulum sanguinis feliciter resolvebat; qualia medicamenta etiam contra quotidianas Febres, ut & juxta cum martia-

lium usu adversus Icterum, promptum auxilium ferebant.

Eurus in Anni 1702. introitu serenitatem cum frigore molesto induxerat, quarto tamen mox die Zephyrus pluviosam primò constitutionem, postea ventorum frequens mutatio tempestatis etiam varietatem multam subinde attulit, semper tamen humida ex pluviis, & temperatiore paululum, sub dominio Zephyri, post Solis in Pisces ingressum diu impetuosi, prævalente, ut hyems non admodum rigorosa quidem, protractior tamen fieret; præsertim cum post Æquinoctium vernale Euris non solum magis spiraret, & post serenos plures dies circa initium Aprilis rediens Zephyri ferocia crebriores nives spargeret, qua sub eodem sæviante, licet ab aliis ventis sæpe interrumpetur, frequentes pluviae, cum Sol ad Tauri signum adpropinquaret, exceperunt, usque dum post Maii principium Euris serenior & vernæ temperiei magis conformem aërem redderet, siccitate tamen terræ exinde non parva inducta, ut Flora suas amoenitates non nisi serius expromere valuerit. Hoc toto tempore eadem morborum facies, imprimis verò Pleuritides, ut plurimum sine suppuratione curabiles, usque in Aprilen continuabant. In quo & Majomense Febres continuæ, in paucis cum miliarum efflorescentia, semper autem prævio horrore, (sine intenso calore) magno virium debilitate, & cephalalgia gravi, rarò deliriis, aliisque gravioribus symptomatibus comitatæ, atque alexipharmacorum & diaphoreticorum usui cedentes, hæc ibi propullulabant. Majori verò numero

Febres quotidianæ & pauciores tertianæ ingruebant ; illæ tantum non in omnibus , qui se curæ meæ commiserant , insignem capitis dolorem in paroxysmo inducebant , viresque prosternebant ; in multis prima sub invasione , & sæpe aliquot per dies continuarum typum , vix perceptibili caloris & cephalalgiae remissione , referebant ; chinchinatis autem medicamentis , vel arcano duplicato facile curabantur ; quibus non minus tertianæ , post emetici , vel scammonii fulfurati , ubi opus erat , adhibitionem brevissimè abigebantur.

Circa Æquinoctium dictum arthriticis adfectibus obnoxii fere omnes , quotquot mihi noti , insultus ut plurimum non admodum feroces patiebantur , atque ubi post exantlatam periodum justo citius aëri se exposuerunt vel artus delassarunt , recidivas experiebantur. Plurimos etiam infantes Epilepsia è medio sustulit , quæ ex lymphæ acido-viscidæ in cerebro stagnatione , præsertim dentitione difficili accedente , ortum traxisse visa est. Istæ autem lymphæ crassioris collectiones non minus in aliis frequentes admodum fuerunt , ut non tantum crebriores Tussæ , Coryzæ , Odontalgiae exinde obortæ fuerint , sed frequentissimè aliis etiam morbis epidemicè & sporadicè grassantibus , Tussis se adsociaverit.

Cum Junio Zephyrus Euro succedit , pluviarum multarum ferax , paucis diebus serenis intermixtis ; qui in Julio quidem per primum triduum cum calore non mediocri continuabant , ast mox aëre in fulgura & tonitrua despumante , in pluviosos juxta & frigidiusculos , ac postea tempe-

ratos mutabantur , usque dum post Canis exortum Eurus , sæpe ad meridionalem plagam inclinans serenitatem non sine calore reduceret. Magna dehinc ventorum varietas fuit notata , (nisi quod post autumnale Æquinoctium à d.24. Septembr. usque ad d. 5. Octobr. Zephyrus impetuosè admodum dominaretur , à frigido & non minus per triduum vehementi Euro tandem quasi in fugam conjectus) quæ diversam quoque aëris temperiem , potissimum tamen calidam & serenam in Augusto effecit. Ast in Novembri multa hyemis præludia , imo præmaturus adventus ejusdem , crebro , & quandoque intenso frigore , niveque repetita , quam benignior aura & interpolatæ pluviae denuò liquabant , molestus exstitit. Quæ ipsa mutabilis constitutio , tum ningendo , tum præsertim pluendo , frigore modò aucto , modò remisso , Zephyro reliquis ventis prævalente , & circa , nec non post Solstitium hyemale , usque ad finem anni , multum sæviente , nubibus autem continuo ferè Solem obducentibus , integrum præsertim Decembrem fastidiosum admodum reddidit. Morbi interea longiores inducias dederunt , tales tamen , quibus aliqualis epidemicæ luis præsentia non prorsus excluderetur ; uti præsertim in Febribus quotidianis suprâ memoratis , passim per Junium & subsequentes menses usque in Novembrem observari poterat ; quæ tandem in non paucis , cum autumnus adventaret , hæcticæ metum injecerunt , quibus tamen juxta cum aliis coagulum lymphæ acidum destruentibus , specificum inprimis antihecticum Poterii , lapilli gammarrum

rum &c. salutarem opem præstiterunt. Circa Solstitium hyemale Variolæ benignæ in pueris se exseruerunt, cum magno quidem calore ingruentes, à pulvere tamen rubeo Pannonico, antimonio diaphoretico, unicornu marino &c. quin imo quandoque etiam sine medicamentis celeriter periodum suam absolventes, & cum fine anni jam iterum omnino disparentes. Quod tandem de ægritudinibus aliis, quibus semper fere tussis se sociaverat, dictum, in hisce quoque deprehensum fuit.

Quæ Annorum sequentium, videl. 1703. 1704. & 1705. constitutio fuerit, legi potest; cui nempe hypothetæ negligentia antecedentem præfigere intermisit.

Anno 1706. hyemale frigus, ob austrinam aëris temperiem, qualis Anni prægressi in fine observata fuerat, & usque dum Sol Aquarii signum attingeret, continuaverat, hactenus ut plurimum tolerabile, nunc magis se exseruit, præsertim cum orientalis ventus in Februario constanter, interdum ad meridionalem plagam inclinans, spiraret, ac continuæ fere nebulæ usque ad Solis in Pisces ingressum, ubi serenus aër frigus augebat, nos cingerent. Cum interea Hecticæ febris insultui [Coryzas & Tusses humidas, tanquam indivulsos quasi hyemis comites, nec non Odontalgias ut taceam] denuo plures deponerentur, sed facile etiam medicamentis acridinem temperantibus abigerentur.

Circa vernale Æquinoctium Zephyrus potissimum dominio potitus, atque, à reliquis tamen ventis non nunquam interruptus, multum inva-

lescens, diversam etiam temperiem, austrinam præcipuè excitavit, ac vernali amoenitati subinde obstitit. Sub qua constitutione Febres quotidianæ, & plures tertianæ ingruerunt, magno cum impetu, in quibusdam etiam cum deliriis, sine tamen cephalalgia ut plurimum, & quæ post sumptum chologogum, vel emeticum, absorbentibus non difficulter, promptè etiam chinchinatis cesserunt. Plures insuper circa Solis in Gemellos transitum nephriticis doloribus, non admodum refractariis, obnoxii fuerunt.

Postea sub mutabili valde ventorum vicissitudine, ante & post Solstitium æstivum, plures serenos calidosque dies experti fuimus, qui etiam diu continuarunt, multamque ideò terræ siccitatem, præsertim à ventis adjuti, attulerunt; cui interea Febres prædictas, sensim declinantes, neque tamen per reliquum postea annum prorsus silentes, crebræ Odontalgia, (quæ etiam per totum hunc annum fuerunt observatæ) tusses, interdum convulsivi quid habentes, & Coryzæ, adultos æquè ac juniores adfligerent, & cum negligentior diætâ accederet, diu durarent. Quas molestias magnæ illi & totali solari eclipsi, quæ d. 12. Maii contigit, adscribere multis placuit. Et quamvis subita illa aëris calidi, interceptos ob Solis radios, in frigidum, hisque non minus celeriter reditis, in calidum rursus mutatio, juxta cum animorum, ex insperata illa & nulli unquam visa caligine, constellatione, aliquid contribuisse videri posset, cum tamen jam ante eclipsin istæ lymphæ stases contigerint, vix

locum illa opinio inveniet ; negari tamen nequit , frequentiores post illam Solis obscurationem , & circa Solstitium æstivum illas occurriffe ; ideoque non prorsus improbabile est , spiritus à phænomeno isto terrifico labefactatos , (qui sanè terror in nonnullis tantus fuit , ut lipothymiam ipsis induxerit) lymphamque simul crassiorem redditam , quin & à frigore illo insolito magis condensatam , ad catarrales has stagnationes disposuisse.

Mensis Julius quamvis pariter multa serenitate gauderet , nonnunquam tamen pluviis sitientem terram rescillavit ; post Caniculæ verò exortum calores admodum invaluerunt , & usque ad occasum perseverarunt ; quin licet temperatior ob pluvias , parciores equidem , aura per paucos dies succederet ; ad pristinum tamen genium mox reversa est , usque dum d. 7. Septembr. cum Luna inchoante , Zephyrus pluvias sæpius adduceret. Quo tempore Dysenteriaë grassari cœperunt , & infantibus non levem stragem intulerunt , adultis verò nec tam frequenter , nec etiam lethaliter eâ decumbentibus. Ubi quidem hisce fructuum horariorum intemperantiori ab esu , vel liberaliori ob caniculares æstus potu , præsertim cerevisiæ , nobis albæ dictæ , propter tenuitatem suam & imperfectam à parca fermentatione depurationem , in acorem pronæ , illam obtigisse verisimile est ; illis autem , quorum major pars ob tenellam ætatem nihil horum degustaverat , cur adeò fatalis fuerit difficulter determinari potest. Utrum in lacte vaccino aliquod adversi delivuerit , quo cum nempe pulmenta in eorum cibum coqui solent , adfirmare

nequeo ; cum tamen alia causa non suppetat , in vaccarum sanguine , ob aëris fervorem , pratorum siccitatem , & pabuli inde ortam penuriam , temperatas balsamicas particulas multum fuisse immutatas , acrioresque redditas , haud incredibile videtur , quæ lacti communicatæ vim suam in tenerimis infantum corpusculis exserere , eorumque destructioni , quin & epilepsiæ aliis quibusdam tum temporis funestæ , ansam dare valuerunt ; & cum muliebris imperita industria pusionum curæ se sufficere ut plurimum persuasa sit , aut saltem Medicum desperato jam morbo advocet , funerum multiplicatio facile contingere potuit ; præsertim ubi difficilior fortasse progressus partus foetui debilitatem aliquam antea impresserat , cum , incertum quâ de causâ , hoc anno de Dyctokia & præmaturo partu non levibus querelis Urbs perstreperit.

Reliquum anni , unâ cum ventorum continua mutabilitate , nebulas inter & pluvias frequentiores , aërem temperatiorem quoad activam ejus qualitatem , (nisi quod paulo ante Solstitium hybernium Eurus eundem nivibus asperiores per triduum reddiderit) expertum fuit , multasque nobis inducias concessit , si rheumaticas post Solstitium dictum , musculis caput attollentibus fastidiosas , lymphæ stases exceperis , quæ solo tamen tum hypocausti calore , tum suffituum mastichinorum &c. ope , haud difficulter resolvî potuerunt.

Plurimas inter nebulas temperatioremque auram non saltem Annum 1707. inchoavimus , sed porrò etiam clementem , & Sole in Aquario versante , humidam aëris temperiem experti

perti fuimus, rarò, nec diu durabili frigore, ac multo rarius nive comparente; neque etiam multi, humiditas nempe & nocivas aliàs in aëre particulas frequenti ventorum variorum agitatione dispellente, morbi populares aderant, nisi quod Rheumatismi præfati, nec non Febres intermittentes, quamvis pauciores, atque post sumptum lene laxans, essentia corticis Peruviani facile abigendæ, continuarent; quosdam verò Pleuritides veræ, in supurationem ut plurimum terminatæ, nec tamen admodum acutæ, & antimonio diaphoretico, pulveri pleuritico Aug. promptè cedentes, puerilem autem ætatem sparsim Variolæ, nulla malignitate suspectæ, ac per totum postea anni decursum observatæ; alios denique Icteri non adeò contumaces, præsertim sub crebriori essentia Mart. D. Lud. usu, invaderent.

Licet autem circa Martii initium frigus intensum ingruerit, mox tamen post quatrimum temperatiorem in statum denuò fuit mutatum, ut Veris præludia multa comparerent; cuius verò amœnitatem ventorum diversorum, Euri imprimis austeritas, cui nebulae crebrae jungebantur, multum retardavit, aëremque frigore horridiusculum reddidit; quo ipso insensibilis transpiratio admodum sufflaminata, serum in corpore auxisse, atque creberrimas ad stagnationes disposuisse visa est, ut major incolarum pars catarrhosis ægritudinibus, pectus, vel nares, aures, faucesve occupantibus affligeretur; in quibusdam fluxu celerrimè, vehementerque gravium cephalalgia & febrili incallescencia invadente. Quo tempore etiam Febres, tum quotidianæ, tum ter-

tianæ, ex eadem dubio procul causa, multiplicabantur, atque non rarò graviores in principio, magna utpote cum cephalalgia, virium debilitate, & calore, ut continuæ quasi typum referrent, oriebantur, postea verò medicamentis oppugnatae, promptè etiam recedebant; facile tamen ab aëris frigidi admissione, vel cerevisiæ potu recidivam passæ; quæ etiam Febres in autumnum usque continuaverunt; qui humidus admodum & graviori Zephyri vehementia fastidiosus exstitit. Postquam æstas, Sole Cancri signum occupante, magno æstu, rarius à ventis pluviisque temperato, primò sat gravis, ab ingressu autem Solis in Leonem, crebriores propter pluvias, Zephyrique impetus, frigidulus ut plurimum fuerat; & sic (ut crebriores Catarrhos dentibus præcipuè infestos taceam) non saltem in nonnullis quartanæ, longiori horrore & calore multum molestæ, eoque contumaciores, quo minus ii, qui eadem afflicti ex plebe meam opem implorarunt, in diata convenienti, medicamentorumque usu morigeros se præbuerunt, sed etiam Arrhritidis vagæ, pulveribus ex coralliis, spodio foss. lap. gammar. cinnabari, aliisque antimoniatibus fixis, opii tantillo addito, præter interpolatum laxantium usum, haud difficulter cedentis, generationi ansam dederunt. Hyemis præsentiam in Decembris initio præmaturum frigus & nives copiosæ ab Aquilone adductæ, indicaverunt; quæ tamen post decendium à pluviis eliquatæ, quas Zephyrus ante Solstitium hyemale vehementissimus concitaverat; cui cum Caurus, & postea Euronotus successissent, aëre nubilo-

biloso & nebuloso, ac moderare frigido, morbis silentibus, reddito, anni exordium fecerunt.

Anno 1708. dissipatis nubibus, benignior Euronotus per duas primas hebdomadas serenitatem, aliqua tamen nebulosa caligine ut plurimum se immiscente, produxit; quam postea humida ac pluviosa constitutio excepit, præsertim cum quatríduana circa Solis in signum Aquarii ingressum Zephyri vehementia ingruisset; cui sub ventorum mutabilitate prior serenitas circa finem hujus mensis primi, & principium secundi successit, atque temperatam adeò brumam, uti passim alibi locorum, experti fuimus, ut multa Veris indicia ostenderet; donec Euronotus d. 10. Febr. cum nivibus frigus adduceret, humida verò paucos post dies, cum intermixto quandoque frigore, intemperies à Zephyro reduceretur. Quamvis autem hac sub insolita aëris clementia multi graves esse oboriturus morbos vererentur, nihil tamen epidemici, (ut Febres quotidianas & tertianas sparsim & rarius adhuc occurrentes taceam) præter Variolas, usque dum Sol Tauri signum accederet, continuantes, & consueta hoc tempore catarrhalia incommoda, Tussis præsertim humidas, & ab eadem seri stagnatione capitis Erysipelas in sexu muliebri, produxit, quod ex negligentiori fortasse partis istius custodia, præviis in collo tensivis doloribus, cum febrili incalescentia invasit, & moderato lecti calore, præsertim diaphoreticorum terreorū usu accedente, non difficulter discussum fuit.

Humidus autem hic aëris flatus ante & post Æquinoctium vernale

continuabat, ut pauci sereni dies nobis obtingerent, & licet Solis quandoque radii refocillarent, nebulosæ tamen exhalationes ejusdem sæpissimè deturparunt; usque dum austerior Euris d. 27. April. aërem serenaret, atque ab eo, & alternante Cauro molestum frigus terræque siccitas producerentur, quæ in adultum usque Majum, in quo diversæ ventorum ex omni plaga mutationes notatæ, continuabant, donec d. 15. post fulmina & tonitrua in crebras pluvias mutarentur; quæ dein humida facies Zephyro & Borea alternantibus, usque ad principium Augusti perdurabat, ubi Zephyro potissimum dominante, calores magni & multa serenitas, sæpe tamen matutinis nebulosis evaporationibus gravata, usque ad Caniculæ occasum ingruiebant, pluvioso ac frigidiusculo aëre succedente; qui etiam, rara intercurrente serenitate, usque ad Æquinoctium autumnale continuabat. Interea frequentes Febres heceticis similes, tussi præsertim & caloribus lentis inordinatis stipatæ, atque continuato absorbentium fixorum usui obtemperantes, notabantur. Variolas autem circa Maii finem cessantes, Morbilli excipiebant, non tantum in infantibus, qui prius sani fuerant, sed etiam, qui paulo ante Variolis laboraverant, nec non in adultioribus, ut & non paucis morbum hunc jam olim expertis, absque tamen malignitatis nota, & sub blandorum diaphoreticorum usu paucos intra dies periodum suam absolventes; qui tamen in mense Julio iterum cessaverant; quo tempore postea Odontalgia, Ophthalmia, nec non dolores spasmodici uterini in foemi-

foeminis, Ischiadicique præcipuè in viris frequenter occurrebant, ex lymphæ, uti mihi videbatur, ab aëris inclementia viscidioris, atque ideò ad stagnationem proclivioris redditæ vitio generati, præsertim cum cerevitiæ acescentis, quâ de plurimæ passim querelæ fiebant, potus accederet, & nervis ad coxas ac uterum tendentibus spicula sua infingeret, ubi præter lenia eccoprotica, hysteriis medicamenta castorina, cinnabarina &c. & ischiadicis blandam per vices diaphoresin promoventia, non neglecta ut plurimum opiatorum succisâ miscella, profuisse expertus sum.

Circa Æquinoctium autumnale per 16. dies serenitas adfuit, raro nubibus aut pluviae exposita, nebulis tamen crebris matutinis stipata, quibus post multam ventorum varietatem, subsequ. etiam diebus observatam, Boreas per 14. dies nubes adduxit, à Zephyro postea in pluvias resolutas; quin & post Solis in signum Scorpionis ingressum, Euro flante, nix decidua præmaturum quasi hyemale frigus efficiebat. Ineunte Novembri multa quidem usque ad Solis in Sagittarium ingressum serenitas, crebrò tamen nebulosa, præsertim matutina, caligine inquinata; succedente usque ad d. 15. Decembris fastidiosa, frigida, ob nives, nebula, nebulas, intemperie; ubi quidem Sol nubibus discussis, serenitatem non sine multo frigore, crebris etiam nebulis interruptam, reddidit. Interim, præter frequentes Odontalgias, Catarrhi imprimis, capitis & pectori infesti, plurimos in M. Novembri infestarunt, tantumque incrementum sumserunt, ut in M. Decem-

bris paucissimi in Urbe essent, quos molestia illa non tentaverat; multos etiam gravius tractaret, qui nempe prægresso acri horrore, febriles effervescentias, intensas cephalalgias, aut capitis stupores, virium prostrationes, quandoque faucium spasticas strangulationes, vel dolores pleuræ spurios experti fuerunt. Causam continuæ quasi nebulosæ aëris tempestatis potissimum adscripserim, quæ non solum particulas suas humidas, impuras, per inspirationem corpori communicare, sicque serosam colluviem augere, & sanguinem inquinare potuit, sed etiam frigore & gravitate sua poros constringendo, ac transpirationem excrementitiorum humorum impediendo, eosdem cumulare, incrassare, atque in subtilissimis cerebri, narium, tracheæ glandulis, ac tubulis stagnare fecit. Cui itaque præter moderatum aëris regimen, medicamentis solventibus, attenuantibus, absorbentibus, demulcentibus &c. pro subjectorum & symptomatum diversitate, ubi morbi gravitas id deposcebat, succurrendum fuit, eo cum successu, ut nullus, qui Libitinæ censum subiisset, mihi innotuerit.

Principium Anni 1799. spirante Euronoto, nebulosum fuerat, altero autem & subsequentibus diebus Zephyrus vehemens, pluvias, & noctu, inter d. 5. & 6. Januarii plurimam nivem Eurus, versus Aquilonem inclinans, cum intenso frigore adduxerat; quod indies fere, inter matutinas præcipuè nebulas, diesque & noctes serenas, crescendo eâ vehementiâ nos adflixit, quâ de longe lateque querelas multiplicare Eu-

ropæ contigit, donec d. 24. prægressa nivosa, vesperi Auster temperatorem & pluviosam auram induceret. Licet autem ineunte Februario frigus iterum, tolerabilius quidem, intenderetur, ac variis sub ventis aërisque mutationibus, nive quandoque rariore decidente, ad diem usque decimum continuaret, Zephyrus tamen temperatiorem tunc aërem reddidit, usque dum d. 16. orientalis ventus, ad Septentrionem nonnihil denuo deflectens, & præsertim biduo post acriter spirans, novo gelu affligeret; quod incrementa subinde sumens, eo rigore inhorruit, ut d. 27. Febr. intensissimo frigori, d. 21. Januarii observato, (testante id spiritu vini in meo thermometro, utrobique matutino tempore ante Solis ortum, ad gradum usque septimum, vespertino autem post Solis occasum ad nonum gradum depresso) parum cesserit: quod dein multas inter ventorum mutationes, variasque aëris, humidam imprimis, constitutiones, tolerabilius redditum, sed d. 12. Martii, & insequente triduo iterum auctum fuerat, spiritumque vini in thermometro ad gradum nonum cum dimidio, vesperi autem ad undecimum atque dimidium deprefferat: tandem autem remittens, d. 16. dicti mensis spiritum ad gradum undecimum, & sic sensim magis sursum extolli permiserat, ut d. 17. Aprilis gradum decimum quintum mane attingeret. Interea non tantum ventorum mutabilitas, sed aëris etiam, ob crebriores pluvias, humida ac frigidiuscula, interveniente tamen subinde serenitate atque calore, ante & circa Solis in Tauri signum ingressum intensiori, continuarunt,

ut fecunditati terræ non modicè faverent; matutinæ quoque nebulae tenuiores, ubi pluviae aberant coelumque serenum erat, tunc & per totum reliquum annum, semper observabantur. Et quamvis post reaseratos terræ ab insolito frigore profundè constrictos meatus, indeque diu repressas exhalationes, vapores isti liberiores facti multis gravium subsequendarum ægritudinum metum excitarent, contrarium tamen per DEI gratiam evenit, congelata ista terræ crusta sensim resoluta, sicque vaporibus non confertim erumpentibus, sed paulatim exhalantibus, atque ventorum perpetua agitatione particulas istas humiditas impuras dissipante. Tot tamen aquæ in atmosphæra oberantes particulae non poterant non ferri proventum nimium in corpore accumulare; præsertim cum per totum reliquum anni decursum mutabilis subinde, præsertim humida & frigidiuscula temperies (nisi quod Syrius ante & circa sui exortum finemque Zephyro, uti hîc, ita etiam reliquo tempore, potissimum prævalente, quandoque per pauculos dies acrius ureret) & hinc catarrhosarum molestiarum, cum hectici caloris in quibusdam metu, in naribus, bronchiis, dentibus, artubus, per totum anni decursum, & quæ omnibus fere aliis morbis sese jungebant, frequentiam excitaret; præter quas etiam, in vere & æstate, Febres quotidianæ & tertianæ, interdum gravibus symptomatibus, præsertim in morbi principio, uti deliriis, cephalalgis, spastico nuchæ dolore, narium hæmorrhagia, vomitu &c. stipatæ, ex transpiratione insensibili, ob temperiem aëris

aëris sæpius variantem , impedita obortæ , minus tamen refractariæ , non paucae notabantur. Inter remedia , juxta cum eccoproticis , blanda diaphoretica & absorbentia potissimam curæ partem absolverant.

Constitutio Anni 1710. cum humida & moderatè frigida , sub ventorum , Zephyro tamen prævalente, alternatione , primo continuaret , affectus etiam catarrhosi , imprimis Arthritides nondum desierunt , & mense Martio Febres tertianæ , cephalalgia , deliriis , vomituque in prima invasione sæpius molestæ , non paucos invaserunt ; quibus tamen , post pulveris Cornachini , & ubi ventriculus viscido muco obrutus videbatur, lenioris emetici usum , cortex Peruvianus ad ʒß. ʒij. &c. semel vel bis in die sumtus , præsentaneam opem ferebat , ut post secundum, aut quartum paroxysmum , sine recidivæ incommodo , ut plurimum cessarent.

Postquam in Arietis signum Sol pervenit , cum serenitate , (ita tamen , ut hic quoque Annus , coelo sereno , Soleque oriente , nebulosum nonnihil aërem semper experiretur) triduanum quidem intensum calorem , Africo flante , excitaverat, quem tamen Zephyrus pluviosus

creber iterum dissipaverat , qualem etiam sextiduanum calorem, antequam Sol in Tauri signum progressus esset , Euro spirante , sensimus , ab occidendi tamen pluvioso vento iterum temperatum. Et hæc aëris , modo humidi , modo ficci , calidi , frigidiusculi , sæpius nebulosi , ventorum etiam crebra permutatio in posterum usque ad finem Anni perseveravit, prævalente tamen semper humida constitutione ; unde hæc vicissitudo primò terræ fœcunditati multum , postea etiam hyems ut longius abesset, simul tamen variæ catarrhosæ & rheumaticæ invasiones ut frequenter orirentur , effecit. Febres etiam tertianæ , quamvis non frequentes , nec non quotidianæ , hæcticæque per totum annum observabantur ; mense autem Majo & Junio Morbillis plures infantes , cum vehementi tussi, oculorum gravedine , hæmorrhagia sæpe prævia , decumbebant ; Variolæ quoque in multis , non quidem malignitate, sed copia , & symptomatum consuetorum vehementia , & pustularum , rariori tamen , confluxu infestæ notabantur. In cura omnium horum morborum remediis , in præcedentibus historiis memoratis , non infeliciter uti datum fuit.

Constitutio Epidemica Basileensis Anni 1700. & 1701.

Dn. D. JOHANNIS JACOBI HARDERI.

Æstivus calor diebus Canicularibus Anno 1700. temperiem suam non excessit, quin ventis quandoque placidis perflaretur , neque corporis incommodum facefferet: Imò

Augusto mense, pluviis præter votum quandoque infrangebatur ; September insequens siccus & calidus illò inagis fuit, nec tamen sufficiens , qui uvas ad optatam maturitatem undique

perduceret; neque etiam morborum ferax ista anni constitutio fuit: October nebulosa, ut solet, & sæpiusculè pluviosa tempestate, hyemalem brumam antevertit; hæc ipsa autem per Novembrem & Decembrem mitior extitit, & quamvis multâ nive montes & juga altiora integerentur, ingruente tamen pluvioso, & hoc quandoque udoso aëre, ab eadem promptè liberata fuerunt; ista autem aëris διαθεσις, non modo catarrhalibus frebribus, sed Pleuritidi ac Pleuropneumoniæ, etiam sparsim ansam præbuit.

Anno 1701. Januarii initium Boreali vento magis perflabatur, aërisque serenitate animum refecit; imprimis verò sub meridiem propius accedentes solares radii Brumæ matutinæ spicula ex voto pepulerunt, & continuatâ in Februarium usque sua activitate fere inconcussâ, nives Boreamque in arvis campisque tantum non intempestivè fugârunt, siquidem subsequente Martio ac Aprili, quibus blandiorem Solis Calorem, & hinc pluvias amicabili austro mitigatas sperabamus, Brumæ rigorem majorem, nivalisque tempestatis, ac nivis copiosè delabentis spicula, frequenter experti sumus.

Maii delitias, si quas matutinæ auræ fulgor interdum promisit, mox

nebularum crassiorum cohors, nunc calor subsequens intensior, mox irruentes grandinosæ tempestates, omni modo amarulentas reddiderunt. Ante Caniculæ autem exortum, & hac durante, Solis æstus longè intensior & tantum non exurens calor, animantibus brutis non minus, quàm homini, valde molestus fuit, febrium intermittentium ferax mater, & quem neque tempestates horrendæ, crebrius ingruentes, usque attemperare valuerunt.

Post Caniculam increbescens tantisper pluviosa & hinc temperatior aëris constitutio, placidiorem motum videbatur promittere; verum alcyonia hæc non diu durarunt, quin redeunte intensiore aëris ficcitate, sereno cœlo, si nebulas Septembri mense, minus tamen frequentes, manè excipias, in Octobris usque principium, calor insuetus & immoderatiores perstitit, exarescentiæ æquè, si non magis, quàm maioris fructuum maturescentiæ parens, & dysentericiæ satis atrocis apud nos, aliisque in locis fœcundus genitor, cui, num pluviae à diebus aliquot, arva præ ficcitate hiscentia blandè irrigantes, atque hominibus gratissimæ, obicem sint posituræ, horæ subsecuturæ docebunt.

Constitutio Epidemica Berolinensis Anni 1701.

Dn. D. GUSTAVI CASIMIRI GAHRLIEP

Von der Müllen.

ANnum Seculi septimi primum prima Januarii, turbido, sed fido cœlo inchoavit, & in vespertinam pluviosam desit. Sequens secun-

da pluviis nivem ad meridiem usque miscuit, post discussis nubibus serenior gelu moderatum adduxit. Quod sequenti tertiâ continuans ac per quadridu-

triduum ingravescens, rursusque in nives & pluvias procellæ junctas per triduum delicuit. Cui denuò undecimâ cum nive copiosa leve successit gelu, atque octiduum pauciori quandoque, quandoque copiosiori nive adpersum duravit. Vigesima nebulâ densâ mutationis prænuntiâ, sequentibus tribus, interspersis quandoque pluviis, tandemque gelicidio degelavit. Vigesima quarta Iris matutina turbidi atque pluvii ætheris nuntia apparuit, sequente per triduum, gelu moderato ac parcis nonnunquam nivibus stipato, quod quatrimum rursus nocturno ac matutino gelu, à meridie ut plurimum degelante variū ad finem usque mensis excepit. Februarius nebula densa cum gelu moderato, sed mox in pluvias fatiscente cœpit, cui nubilum successit cœlum, remittente gelu, & in imbrem circa vesperam deliquescente. Mox, tertiâ procellosâ, siccâ & clarâ, à nivosa nocte, die verò, licet Boreâ flante remisso, ac egelido, nocte tamen rigidâ succedente, ac die nivosa, sed temperata sequente, à triduo gelido iterum excepta. Nonna tempestuosa cum successore decimo gelu in nives deliquescentes resolvit. Quas sequentes duæ noctes in glaciem rursus densarunt, de die parumper degelantem. Decima tertia nimbosa rursus nives parcas sparsit, mox aëre temperato solutas. Decimam quartam cœlo sereno gratam, gelidum excepit biduum, quod gelu nocturno & matutino temperato, pomeridianum adhuc mitius substituit. Huic aliud successit biduum ventosum, ab octiduo gelido & ut plurimum sereno comitatum, 25tâ qui-

dem turbidâ & uvidâ interruptum, sed triduo rursus gelido, & ex parte obscuro redintegratum, & pluviis nonnullis interpolatum, 28. unâ cum mense desinens.

Martius vernâ temperie initiatus, vario cœlo, nunc placido, nunc turbulento, ventoso, frigido, diversimodè alterato, ad nonum usque & decimum gelidus transiit. Tum remittens, octiduo temperato, ac vernâ amœnitate grato, ad vigesimum pluvium initio, tandem rursus clarescentem duravit, à quatrimum perinde variato exceptum, in noctes gelidas, sexque dies serenos desinit.

Morbos trimestre hoc, præter scorbutum endemium & illius affeclas & affines aluit febres diversarum specierum, malignas quasdam variolis notatas, alias ardentes, continuas ac intermittentes, catarrhales, pleuriticæ nonnullas, alias tussibus vehementibus ac diuturnis, Cephalæa, asthmate affligentes, in phthises quandoque degenerantes; præterea Cardialgias, hypochondriacas & colicas passionibus.

Aprilis, quo Martius tramite desinit, rursus incepit, nisi quod serenitatem præcedentem cum turbido ac ventoso cœlo commutavit, & à sexto per quatrimum, nives quandoque utut raras pluviolis nonnullis interferuerit, tum gelu nocturno dies serenos, & haud inamœnos ad 14tum usque substituerit. Cui cum 15to pluvîâ nivibus mixtâ nimborum, quatrimum successit serenum ac frigidum, huic verò biduum turbidū pluviis subinde & nonnunquam grandine interpolatum. 24to & 25. serenis ac vernâ gratiâ temperatis, reliqui ad tri-

gesimum usque successerunt inconstantes, pluviosi & nimbofi.

Majus turbido, sed mox sereniori inchoavit biduo, subsequente triduo nubilo ac frigido, sparsis quoque nonnunquam pluviis ex parte uvido, ad septimum totum pluviosum & octavum varium, tandemque nonum serenum ac æstivo calore gratum perrexit. Cui triduo quatrimum, intercalato decimo tertio pauca pluvia irrigato, addidit. Tum 6. dierum sudo planè æstivo ad 20. usque continuavit. Cui alii sex non æquè sereni, sed varietate pluviolis nonnunquam temperata, adeoque non inamœnâ distincti successerunt; tandemque reliqui ad finem usque mensis verno temperamento commendabiles.

Junius à principio ad 12mum usque in eâ temperie, pluviolis tamen quandoque interpolata perseveravit. A 13tia verna temperies, in æstum sæpius satis grandem mutata, & præter nocturnas 16ti & 20mi pluvias ferè torridum, ad 22dum usque pluviâ nocturnâ ac tonitru matutino fractum, cui ad 26tum pluviâ moderatâ mudentem, quatrimum temperatum, huic verò 27mus paulo calidior, 28vus cum 29no pluviis modicis irrigui successerunt, tandem 30mus sereno & temperato coelo amœnus, mensem simulque trimestre finiit.

Morbi hujus trimestris præter prædictos endemios, maligni & epidemici, quantum mihi quidem innouit, pauci fuerunt, sporadici plures, febres pleuriticæ, ardentes, continuæ, asthmate, nausea, vomitu, cephalæis molestæ, intermittentes quædam, hemicraniâ, cardiogmo,

coeliaca passione, diarrhœa, dysenteria aliisque symptomatis exacerbata, lipyria quoque, sed unica sola.

Julius sudo ac calore æstivo, quo præcedens recessit, denuò accessit, ac ad 13tium usque serenitate jugi ac æstu indies ingravescente, si 5tum excipias temperatiorem reliquis, ac 6tum pauca pluviâ irriguum, continuavit. Sequentes etesiis nonnunquam & pluviolis alterati, unico 27mo à meridie spargente exempto, ad finem usque mensis serenitate ac temperie laudabili excelluerunt.

Augustus eodem ferè coeli, utut quandoque rorantis inchoans, mox variabilis fuit: Secundus enim fervidior & ficcior. Tertius tonitru imbrem, totâ nocte durantem, addidit. Quartus mane frigidus, sudum diurnum cum æstu substituit. Quintus manè pluviosus, reliquo diei priore temperatior. Septimus sudum nubi-
bus interpolavit, cui cætera similis octavus, in tonitru horrendum vesperti & imbrem desit. Nono sudo antemeridiano pluvias, à meridie copiosas; Decimus antemeridiano sudo vespertinas submisit. Undecimus paucis pluviis matutinis, sudum pomeridianum, huic verò vespertinum tonitru fragosum cum fulgetris fere perpetuis, nimboque densissimo. Duodecimus præcedenti, tonitru si demeris & fulgura, compar. His hætenus variis ad vigesimum usque octiduum æquabile, sudo ac æstu paucissimis pluviis temperato gratum, huicque aliud octiduum nebulosum magis, ventis pluviisque subinde madens, illicque biduum serenum quidem & ficcum, sed vento frigido stante haud
adeo

adeò gratum successit, Tandemque 31mus sudo ac temperato æthere mensẽ terminavit.

September triduo sereno ac moderato sex dies, pluviis serenitati variè interpolatæ mixtos inseruit. Quibus post noctem procellosam, quatrimum serenum & temperatum, quandoque tamen ventosum & pluviis parcè sparsis roscidum successit, sex diebus serenis aliis æstu æstivo fere compari amœnis exceptum. Vigessimus biduum reduxit paucarum pluviarum aspergine, ut & nebulâ roridum, cui triduum serenum quidem, sed algidum & ventosum, illique rursus aliud temperatius successit, & mensẽ simul ac trimestre absolvit.

Morbos præter scorbutum & ejus appendices, ut & ejus affinem ante hîc raram, nunc ab adventu Gallorum exulum, inter Germanos etiam, infantes præsertim, serè endemiam Rachitidem, hoc trimestre tam sporadicos, quàm Epidemicos plures tulit. Et hos inter febres malignas & contagiosas, haud paucis exitiosas, variis ut symptomatis, sic exanthematis miliaribus, purpurâ, morbillis, variolis, petechiis quoque insignitas & distinctas. Præterea arden-tes etiam continuas & intermittentes, catarrhales, erysipelatodes, pleuriticæ, erraticas etiam. Diarrhœas item ac Dysenterias, Lienterias, Colicas, Cardialgias, Tussis ferinas ab æstu præsertim humores colliquante oriundas, Hæmoptoes, Cephalæas, Hemicranias, Colicas & Hypochondriacas passiones cum obstru-ctionibus nonnunquam valde contumacibus, Icteros, Scabies & Psoras.

October serenitatem Septembris, præter pluvias secundi vespertinas, quatrimum satis grato orsus, sexto & septimo frigidulis & pluvia matutina madentibus, interpositis, quatrimum rursus vernâ temperie gratum dedit. Cui 12mus matutina, 13tius vespertinâ, 14tus nocturnâ pluviam madidi successerunt, illisque 15tus totus pluvius ac nimbosus. Quem rursus 16tus cum quatrimum perinde procelloso & subinde nimbofo secutus. Vigessimus primus sparsa circa decimam pluviolâ rorans, quatrimum ficciori & amœniori locum fecit. Subsequens quatrimum, vario, nebuloso ac quandoque rorante cœlo frigidulum, 31mo turbido æthere, geluque moderato mensi finem imposuit.

Decembris primus totus pluvius, secundus à meridie tantum pluvias sparsit. His successit triduum ficcum, sed nubilum & frigidum. Sextus mane nebulosus parcè pluit, à meridie ficcus. Septimus udosus, octavus serenior, procellosus simul & frigidus. Nonus absque procellâ præcedenti similis. Decimus nives addidit ac gelu, sed hætenus moderatum, ab 11mo ad 23um rigidum, sereno ut plurimum cœlo, præter 12. mane ac vesperi, & 17mum vesperi tantum nebulosum. 24to remittens atque circa vespæram pluviolas spargens, noctu gelicidium, 26to subsequente nebulâ liquefcens, à meridie cum serenitate frigus, sed temperatum per biduum stabile reddens, 28vo nives superaddens, 29no ingravesens, 30mo nivolum, 31 absque nive perdurans, sicque cum mensẽ trimestri ipsique anno colophonem imponens.

Morbi hoc ultimo trimestri occurrentes, præter endemios scorbuticos, arthritides præsertim & asthmata scorbutico originem debentia, & venereos, Epidemici fuerunt catarrhales præcipuè febres, gravedine molestâ, & tussi gravi & diuturnâ infestantes, ardentes præterea tam continuæ, quàm inter-

mittentes variæ, malignæ quoque variolis, sæpius confluentibus ac petechiis infames, pleuritides graves & quandoque funestæ, Cephalalgiae, Diarrhoeæ, & Dysenteriae pertinaces, Nephriticae, Colicae & hystericae passionibus.

Constitutio Epidemica aëris Berolinensis Anni 1703.

In Anuarius primo mane coepit gelu, coelo succedente sereno, post obscuro, tandemque pluvioso. Secundus ficcus ventosus & frigidus cum gelu moderato, successores habuit tertium circa vesperam pluviolam spargentem, reliquos ad octavum usque ficcus; hunc verò totum nivofum æthere temperato. Nonus miti coelo pluviolis subinde uvidus. Decimus imbrofus. Undecimus parum gelascens, cætera ficcus. Duodecimus cum decimo tertio coelo turbido gelidiores. Decimus quartus vernâ serenitate ac tempore gratus, vesperi nebulosus. Decimus quintus & Decimus sextus Vernæ ferè amœnitatis æmuli. Decimus septimus nebulosus; tandemque imbrofus. Decimus octavus vicissim ficcus & serenus. Decimus nonus cum sequentibus ad vigesimum sextum usque satis rigidè gelidi. Vigessimus sextus parum nivis addidit. Vigessimus septimus noctu plusculum ejus sparsit æthere temperato. Vigessimus octavus sereno coelo validè gelidus, ut & vigessimus nonus. Trigesimus nubilus pauloque mitior. Tandem trigesimus primus mitiori, sicco tamen coelo, mensem hunc primum clausit.

Februarius temperato gelu, sed tur-

bido siccoque coelo orsus. Secundus gelu satis rigido sereno coelo, nonnunquam tamen parum remittente ad septimum usque cum gelicidio grandinem submittentem, postque degelantem continuavit. Octavus regelascens cum nono ac decimo parum sereno & amœno coelo gelidis. Undecimus gelu paulo intensius coelo obscuro induxit; ac ad decimum quartum cum sequentibus ad vigesimum usque, paulò cum sequenti biduo mitiorem porrexit. Vigessimus tertius densâ nebulâ antemeridianâ remissior. Vigessimus quartus mane turbidus, postea serenus. Vigessimus quintus nebulosus ac ventosus; parum nivis sparsit. Vigessimus sextus intensè gelidus ut & vigessimus septimus, simulque cum vento nivosi. Vigessimus octavus nive copiosa mense coronidem imposuit.

Martius biduano gelu intenso coepit. Tertius noctu gelidus, è meridie remissior, circa vesperam pluviosus ac ventosus. Quartus eodem tenore totâ die continuavit. Quintus gelidus ac nivofus, tandem pluviosus. Sextus totus pluviosus ac ventosus. Septimus manè sparsâ copiosâ nive, mox postea in pluviam delicuit. Octavus perinde continuavit. Nonus satis intensè gelavit, parumque nivis spar-

sparsit. Decimus copiosè noctu nixit, postea remissè cum parcâ nive gelavit. Sic & undecimus, decimo quarto nebulâ matutina diverso, ad decimum quintum usque sereno cœlo continuavit. Hinc manè nivis pauxillum sparsit, post leniter degelavit. Decimus sextus totus fere pluviosus. Decimus septimus noctu gelidus, post sparsâ nive mitior, ut & Decimus octavus cum paucâ nive gelascens. Decimus nonus post pluviam gelidus ac nivofus, post serenior. Vigessimus quoque gelu cum parcâ nive miscuit, in pluviam tandem deliquescens. Vicesimus primus totâ die udosus. Vicesimus secundus manè & circa vesp̄eram pluvius. Vigessimus tertius manè parum pluviae, post vernam temperiem submisit. Vicesimo quarto manè parum nebuloso, æther serenus successit ac ficcus. Vigessimus quintus ventosus, æthere sereno nivium aspergine subinde variato. Vigessimus sextus perinde ventosus nivem cum pluvîâ ac sereno sæpius cambiit. Vicesimus septimus matutino tempore serenus, post turbidus ac ventosus. Vigessimus octavus mane nivofus, à meridie pluviosus. Vigessimus nonus nubilofus, temperatus tamen. Triduo sequente sereno, temperato ac verna amœnitate & tepore grato, mensem simul ac trimestre primum finiit.

Morbi præter scorbutum, Proctum illum plurimorum symptomatû syndromè variatum, ac hîc loci endemium, frequentiores fuerunt febres variæ, continuæ & intermittentes, benignæ & malignæ, catarrhales & causodes, purpureæ, pleuritide ac arthritide quandoque comitatæ, ce-

phalalgiae, vertigines, passiones hystericae, asthmata, cachexiae, & cacochymiae.

Aprilis primus dies vernæ serenitatis ac temperiei particeps, circa vesp̄eram pluviola madidus fuit. Secundus manè obscurus, à meridie serenus ac frigidulus. Tertius, quartus & quintus primo ex affe similes, nisi quod postremus paulò frigidior. Sextus manè turbidus cum aspergine pluviolæ, postea serenus. Septimus serenus, sed frigidulus. Octavus ad decimum tertium usque sudo ac temperie, præter decimum paulo calidior, amœni. Decimus tertius turbidus ac ventosus manè, post serenitatem pluviolis miscuit. Decimus quartus frigidulus ac ventosus cum aspergine pluviarum. Decimus quintus totus pluviosus, ut & decimus sextus, subinde tamen paulò serenior. Decimus septimus manè pluvias sparsit paucò grandine mixtas, à meridie serenus. Decimus octavus serenus, temperatus & amœnus, nec non decimus nonus exceptâ pruinâ nocturnâ talis. Vigessimus cum vigesimo primo & secundo vernâ amœnitate grati, nisi quod postremus unâ cum biduo sequenti pluviolarum aspergine sub vesp̄eram roridi. Vicesimus quintus obscurus ac nubilofus, raroque intercedente sudo ficcus. Vigessimus sextus vernâ temperie ac pluviolæ subinde aspergine, cum sequenti biduo ficcus. Vigessimus nonus variato identidem æthere pluvias sudo miscuit. Trigessimus post pluviam matutinam ficcus mensem hunc absolvit.

Maii primus temperato cœlo ad secundum mane pluviolæ aspergine uvidum post serenum processit. Se-

cutus tertius manè frigidulus, post serenus & amœnus, cui compar ferè quartus aspergine pluviolæ roridus, cui biduum serenum, ficcum & calidum successit, à meridie tamen sexti pluviolam aspergens. Septimus manè serenus, à meridie nubilus. Octavus ad decimum tertium usque sereni ac vernâ varietate accepti, rarâ pluviarum aspergine temperati, præter duodecimum cum vento tonitru adducentem. Decimus quartus à meridie modicè, decimus quintus validè tonuit; quos biduum decimo & septimo excepit sudo ac calore verno gratum. Decimus octavus manè nubilus ac vento, pluviolis quoque subinde sparsis turbidus. Decimus nonus similis, absque tamen pluvia ficcus, ac tandem serenus, à vigesimo sereno ac amœno exceptus temperatus ad vigesimum secundum & sequentes calidiores, vigesimum sextum æstu gravem, & vigesimum nonum vernâ temperie & amœnitate gratum transiit. Reliquum triduum manè serenum, vesperi pluviolis uvidum, trigesimo primo modico fulgurum additamento mensem hunc circumscripsit.

Junii primus nocturno imbre, diurno sudo & æstu orsus; secundum serenum & vesperi pluviolæ aspergine udum comitem habuit. Tertius manè ad meridiem usque pluvius, post temperatus ac ficcus, quartum manè subinde pluentem aliàs amœnum ac temperatum præcessit, sequente biduo sereno ac temperato. Septimus pluvius, post ventis flantibus ficcus. Octavus serenâ temperie amœnus. Nonus pluviolis serenitatem subinde variavit. Decimus manè ad meri-

diem usque imbrofus. Decimus semel à meridie imbre molestus, aliàs serenus. Duodecimus pluviarum aspergine quandoque varius. Decimus tertius serenus ac ficcus, ventosus tamen simul ac frigidus, compares habuit decimum quartum, quintum & sextum, hunc æstuosum simul valde ac procellosum. Decimus septimus nubilus ac ventosus cum aspergine pluviarum nonnunquam mixtus. Decimus octavus amœnâ temperie gratus. Decimus nonus nubilus ac frigidulus pluviolis subinde rorans, cui vigesimus post noctem pluviosam æqualis, temperatâ amœnitate ventis placidis velut Etesiis interpolatus. Vigesimus primus denuò serenus ac calidus. Vigesimus secundus æstu paulò gravior. Vicesimus tertius sudo simul & æstu molestus. Vicesimus quartus æstu, ventis paulò temperatior. Vicesimus quintus pluviola moderatus. Vicesimus sextus totus ferè cum tonitru pluviosus. Vigesimus septimus manè & vesperi parum pluvius. Vigesimus octavus manè nubilus, postea clarescens. Vigesimus nonus manè serenus, à meridie pluviosus. Tricesimus manè ad meridiem usque serenus, à meridie quandoque pluvius, mensem simul & trimestre secundum finiit.

Morbi hoc secundo trimestri inferiores fuere Cacoehymia & Cachexia scorbutica variique alii affectus ejusdem farinae, febres variæ continuæ & intermittentes, tertianæ, catarrhales, ardentes benignæ ac malignæ, variolis quandoque comitatæ & morbillis, pleuritides veræ ut plurimum, nonnunquam spuria, hypochondriacæ affectiones & passiones hyfte-

hystericæ, tusses inveteratæ & graves, phtiseos & hæcticæ comites. Icteri, colicæ passiones, cholerae, diarrhoeæ.

Augusti primus nubilus ac pluviosus. Secundus obscurus & ventosus subinde pluviolas spargens. Tertius manè nubilus ac parçè pluvius à meridie serenus, triduo sudo ac calido acceptus. Septimus post manè aspergine varium, à meridie tonitru terruit. Octavus manè serenus, à meridie modicè pluvius. Nonus sudum, Decimus idem etesiis temperatum, Undecimus sudum æstuosum, æstivum, ut & duodecimus etesiis mixtum induxerunt, reliqui, excepti decimo tertio his destituto, decimo octavo manè semel pluvio, vigesimo quarto vespri cum imbre tonitru inducente, vigesimo quinto manè nubilo, ac ventis turbido, omnes ad finem usque mensis æstivo æstu perseverarunt, præter trigessimum primum, mensẽ hunc cœlo turbido vespri claudentem.

Septembris primum biduum sudo & etesiis gratum. Tertius nubilus & procellosus. Quartus mane frigidus & serenus, à meridie nubilus ac turbidus, triduo pluvioso, frigidus, ac ventoso exceptus. Octavus cum nono paulo temperatiores ac calidiores. Decimus serenus ac temperie amœnus. Undecimus sæpius pluviosus ac tandem imbrofus. Duodecimus, decimus tertius & quartus cum sequentibus ad vigesimum primum usque præter morem æstivo calore & amœnitate grati serenitate pluvias vicerunt. Vigessimus secundus ad meridiem usque manè pluviosus, post serenus, ut & vigessimus tertius & quartus æstivo calore commendabiles. Biduo intercedente pluvioso rursus ad vige-

simum octavum usque nubilum, sereno tepore laudabiles. Vigessimus nonus aspergine vespertina pluviolarum, trigessimus nubilo cœlo à prioribus diversi, tandem serenitate reduce mensẽ hunc ac simul trimestre coronide ornarunt.

Morbi hujus trimestris fuere præter scorbuticas ac hypochondriacas affectiones, colicæ, diarrhoeæ, ac dysenteria, Febres variæ intermittentes & continuæ ardentes, etiam malignæ, variolis, morbillis ac purpurâ nonnunquam suspectæ, pleuritides utriusque generis, athritides vagæ scorbuticæ, paralyses & apoplexiæ, asthmata, dyspnœæ, tusses graves ac diuturnæ, cachexiæ.

Octobris primus nubilus ac ventosus, sudo tamen subinde mixtus. Secundus manè serenus à meridie nubilus. Tertius manè serenus, à meridie turbidus ac pluviosus. Quartus & quintus manè nubili, cum aspergine pluviarum. Sextus vice versa manè serenus, à meridie pluvius. Septimus post nebulam serenus & amœnus. Octavus manè pluviam parum roridus, aliàs amœnus, nono quoque ac decimo sicque ad undecimum nubilum ac subinde pluvium transiit. Duodecimus nubilus & subsequenter imbrofus. Decimus tertius procellosus ac sæpius nimbosus. Decimus quartus frigidulus ac ventosus manè, à meridie serenus, semel tamen imbre madens. Decimus quintus serenus manè ac frigidus, à meridie parum pluviae spargens. Decimus sextus manè nebulosus, post nubilus ac frigidus. Decimus septimus frigidus & pluviiis mixtus. Decimus octavus frigidus cœlo serenus. Decimus

nonus primam nivem sparsit serenante postea cœlo. Vicesimo & vicesimo primo totâ die cum nive pluviae. Vigesimo secundo cum sudo frigus ac gelu moderatum. Vigessimus tertius post manè gelidum pluvias dedit degelascentes. Vigessimus quartus manè turbidus, postea clarescens. Vigessimus quintus manè pluvius, à meridie nubilus cum pluviolarum aspergine. Vigessimus sextus manè pluviosus, postea serenitatis parum subinde miscens. Vigessimus septimus ficcus, sed nubilus, solis splendore paucis interdum interlucente. Vigessimus octavus ad meridiem usque pluviolarum aspergine madens, à meridie nubilus ac ficcus. Vigessimus nonus manè nubilus, postea serenus, sed frigidulus. Trigessimus frigidus & pruinosus. Trigessimus primus temperie autumnali gratâ mensem finiit.

Novembris primus ac secundus frigidi sparsa parumper nive, postque pluviolâ. Tertius & quartus temperati & amœni, ut & quintus, nisi sparsâ sub finem pluviolâ turbidus. Sextus manè nebulosus, post vento frigido molestus. Septimus nubilo mitior. Octavus nubilus ac frigidus. Nono successit simile biduum cum sudo frigidulum. Duodecimus nubilus ac subfrigidus. Decimus tertius satis temperatus. Decimus quartus manè ad meridiem usque nubilus, à meridie pluviosus. Decimus quintus manè pluvius, post turbidus ac humidus. Decimus sextus nubilus, frigidus ac ficcus. Decimus septimus idem, paucis interspersis nivium micis. Decimus octavus perinde sed sine nive gelidus. Decimo nono ut & vigesimo sudum subsequente noctu rigido

gelu. Vigessimus primus nubilus, ut & vigessimus secundus tandem pluviolæ aspergine mitescens. Vigessimus tertius manè nubilus, aspergine pluviolarum modicâ sub vespérâ rorans. Vigessimus quartus totus nubilus ac frigidus, ut & vigessimus quintus vespéri pluvius. Vigessimus sextus cum septimo temperati & amœni. Vigessimus octavus nubilosus ac frigidus, ficcus tamen. Vigessimus nonus, manè nubilus, post serenus ac temperatus. Trigessimus post modicam pruina manè serenus ac temperatus, circa vespéram pluvia mensem terminavit.

Decembris primus post nebulam matutinam, ut & secundus sereni ac temperati, nec non tertius unica pluviolæ aspergine roridus. Quartus post nebulam matutinam serenus. Quintus sudo frigidus. Sextus quarto similis. Septimus totâ die serenus, circa vespéram maduit. Octavus sereno cœlo procellosus, nonô quoque continuante procellâ, & pluviam à meridie interspersa. Decimus manè ad meridiem pluvius, post serenus ac sedatâ procellâ placidus. Undecimus manè serenus, à meridie parum pluvius. Duodecimus totus pluviosus. Decimus tertius manè serenus, à meridie pluviolæ aspergine udus. Decimus quartus totâ ferè die pluviosus & imbrofus, ut & decimus quintus totus nimbosus, & sub vespéram procellosus. Decimus sextus manè gelidus, post totâ die serenus ac frigidus. Decimus septimus manè nubilus, ac mitis tandem in pluviae asperginem desinens. Decimus octavus manè nebulosus, post pluviosus. Decimus nonus gelidus manè, ac seren-

nus. Viceſimus aëre obſcuro gelidus. Vigefimus primus cum ſudo gelafcens. Vigefimus ſecundus rigidè gelans. Vigefimus tertius noctu nivem ſparſit, poſt degelaſcens pluvioſus. Vigefimus quartus nubilus ac humidus. Vigefimus quintus cœlo ſereno gelafcens. Vigefimus ſextus noctu nivofus, poſt nubilus, mox tandem ſerenus ac gelidus, ut & vigefimus oſtavus à meridie ſerenus. Vigefimus nonus cœlo ſereno rigidè gelans. Trigefimus ut & trigefimus primus ex parte, ningentes menſem

hunc ſimul & trimeſtre quartum ut & annum 1703. abſolverunt.

Morbi huic trimeſtri familiares, præter endemios ſæpius indigitatos, fuerunt febres omnis generis ferè, ardentes, malignæ, variolis ſuſpectæ, intermittentes tertianæ, quartanæ, ephemeræ, catarrhales, hæcticæ, phthiſes, tuſſes ferinæ & inveteratæ, Colicæ paſſiones; ſcorbuticæ etiam, diarrhoeæ, Arthritides ſcorbuticæ, vagæ & fixæ, paralyſes, Cephalææ contumaces, hemicrania, paſſiones hypochondriacæ & hyſtericæ &c.

Conſtitutio Epidemica Berolinenſis Anni 1704.

JAnuarii primus paucis nimium flocculis gelu orſus, paululum mox rurfus remiſit. Succedit huic triduum cœlo ſereno gelidum. Quintus cum ſexto noctu totoque ſequenti die nives ſparſit, quorum poſtremus ceſſante nive turbidus ac frigidus. Septimus cum biduo ſequenti cœlo quandoque ſereno gelidus. Decimus paucâ interſperſa nive circa vesperam remiſſior. Undecimus cum ſequenti duodecimo ventofus ac procelloſus. Decimus tertius rigidu gelu horridus. Decimus quartus paululum remiſſior. Decimus quintus rigidum decimi tertii gelu redintegravit. Decimus ſextus manè remiſſior, à meridie robur prioris reſumſit, cum ſequenti decimo ſeptimo paucos nivium flocculos aſpergente. Decimus oſtavus noctu nives parumper auxit. Decimus nonus gelu pauculos denuo nivium flocculos miſcuit, noctu auctiores cum gelu ſatis rigidu. Vigefimo nox cum nive copioſa procelloſa inter vigefimum primum & vigefimum ſecun-

dum ſine nive gelidum ſucceſſit, ut & ſequens vigefimus tertius paucâ nive præmiſſâ ſerenus. Vigefimus quartus ſatis rigidè gelidus circa vesperam nivofus ac ventofus. Vigefimus ſextus noctu cum pluvîâ regelans, tandem ſerenus ac temperatus. Vigefimus ſeptimus eâ temperie ſine pluvia ac nive continuavit. Ut & vigefimus oſtavus circa vesperam cum ſequenti vigefimo nono procelloſus ac parum pluvioſus. Trigefimus poſt gelu modicum à meridie ſerenus, tandem cum nive ventofus. Trigefimus primus, menſis poſtremus, procelloſus admodum ac ſubinde pluvioſus.

Februarii primi nox tempeſtuoſa, ſuccedens dies pluvioſus, grandinoſus ac procelloſus. Secundus illi ex parte ſimilis modicè gelafcens, manè parum ac vesperti ningens. Tertius vento cum pluvîis & pluviolis mixto varius. Quartus noctu gelidus, poſtea ſerenus, ac vernâ quaſi temperie amœnus. Quintus manè parum gelafcens, cætera turbidus, ſiccus,

tandemque temperatus. Sextus absque omni gelu prioris similis. Septimus turbidus ac ventosus, à meridie cum nive nimbosus. Cui triduum successit temperatum, siccum ac tranquillum. Undecimus remissior, sparsis quandoque pluviis udus ac ventosus. Duodecimus demtâ pluviâ priori æqualis. Decimus tertius turbidus, sparsis quandoque pluviis ac pluviolis cum sequenti decimo quarto à priori diversus. Decimus quintus cum decimo sexto noctu gelidi, de die cum serenitate procellosi. Triduum sequens noctu gelidum manè nivolum, tandemque pluviolis aspersis uvidum. Vigessimus noctu gelidus ac nivofus, post paulò serenior. Vigessimus primus cœlo sereno gelidus, paulo grandine niveo interferto. Vigessimus secundus & vigessimus tertius manè cœlo sereno satis gelidi, à meridie remissiores. Triduum subsequens rigidè gelans. Biduum sequens nive admistâ paulò remissius. Vigessimus nonus nive vacuus mensem absolvit hunc intercalarem.

Martii primus manè gelidus, cætera serenus ac remissior, unâ cum sequenti quatrinduo vernâ temperie ac amœnitate commendabilis. Sextus satis gelidus, turbidus ac procellosus, ut & septimus, tandem serenior. Octavus paucâ nive turbidus ac aliquantò remissior, ut & nonus ac decimus totâ die tales, prætereaque turbidi ac ventosi. Undecimus serenus vernaque temperie gratus, cum biduo sequenti, cujus tamen postremus decimus tertius paulò obscurior ac noctu gelidior. Decimus quartus cum undecimo vernâ serenitate certans. Decimus quintus manè pluviâ cum tepore fecundâ

vernâ amœnitate commendabilis. Decimus sextus turbidus ac ventosus, pluviola quandoque riguus. Decimus septimus manè sparsis subinde pluviolis turbidior; serenitate postmodum gratâ amœnus. Decimus octavus toto mane turbidus à meridie pluviolosus. Decimus nonus cum sequenti triduo manè pluvius, post frigidulus, ast siccus. Vigessimus tertius manè gelidus, paulò post serenus, frigidulus ac parum ventosus. Sequens quatrinduum temperatè frigidum, ventosum ac obscurum. 28vus mane paulo obscurior, postea sudo ac serenâ temperie acceptus, ut & sequens 29nus, vento frigidior solum diversus. 30mus nubilofus, frigidulus subindeque pluvius. Postremus 31mus vento austrino frigido serenitati aspirante temperatus, trimestre primum terminavit.

Morbi hac anni quadrâ præter scorbutum endemium, & luem fere epidemicam, febres fuere variæ, cum tertianâ, duplicatâ, continuâ, & ardentes, benignæ, & malignæ, catarrhales, & acutæ variis symptomatis stipatæ, cum & sine tussi, hecticæ, in phthisin declives, pleuritides, asthmata, dispnoæ, arthritides statæ, & vagæ scorbuticæ, icteri, cardialgiæ, hæmorrhagiæ uteri.

Aprilis 1mus nubilofus, pluviolis subinde aspersis frigidus. 2dus manè pluvius post aliquantò serenior, 3tius serenus ac temperatus vesperi pluviolosus. Cui congener 4tus subinde pluviolas spargens. 5tus noctu tonuit, à meridie pluit, cætera serenus ac calidus, 6tus vernâ serenitate ac tepore gratus cum biduo sequenti, 7mus tamen paulò frigidior ac ventosus.

tosus. 9nus manè turbidus ac frigidulus, tandem post pluviam fœcundam serenus. 10mus æthere fœcundâ serenitate, pluviolis interdum interpolatâ, laudabilis. 11mus cum sequentibus duobus verna temperie ac serenitate commendabiles, ut & 13mus circa vesperam paulum pluviae aspergens. 14tus sudum cum nubilo ac pluviis quibusdam miscuit. 15tus cum sequente fœcundo cœlo frigidulo parumper temperati. 17mus exiguum matutinum gelu sudo temperans, sequentibus ad 23tium usque, 19no ac 20mo præsertim æstivo fere calore amœnis, 23io paululum pluviae addidit. Sequens triduum temperatâ serenitate ad vesperam usque postremi paulò obscuriorem continuavit. 17mus manè pluvius, post frigidulus & nubilosus, perinde ut & 28vus absque tamen pluvîâ. 29us temperatus cum 30. mensis postremo, paulò tamen frigidior & ventoso.

Majus eodem tenore cœpit pluvio-
las interdum miscens. 2dus serenior paulo & ficcior. 3tius ut & sequentes ad 7timum usque sparsis quandoque pluviolis udi & subfrigidi, postremus 7timus noctu cum pruinâ grandinosus, manè serenus. 8vus manè frigidus ac ventosus à meridie serenus ac calidus. 9nus vernâ temperie amœnus, ut & 10mus circa vesperam parumper pluvius, 11mus serenus ac calidus. 12mus adhuc calidior subsequente sero pluvio. 13ius absque pluvîâ similis. 14tus manè ad meridiem usque nubilus ac subfrigidus, postea serenus. 15tus & sequentes vernâ serenitate ac spirantibus quandoque etesiis quasi æstiva temperie commendabiles, ad 20mum usque obscurum, pluvîâ moderatâ

subinde interpolatum, 21mus cum sequente triduo serenus, calidus & amœnus, parum ventosus ad 24tum usque post tonitru moderatum à vento impetuoso frigidior. Quatriduum sequens obscurum quandoque, cum, alias sine pluvîâ, ad 29num usque perinde turbidum sæpiusque pluvium. 30mus cum 31mo, mensis hujus postremo, sine pluvîâ nubilosi.

Junii primus temperata serenitate ad vesperam usque parumper pluviam, amœnus. 2dus turbidior ac frigidior manè, à meridie serenitatem aliqualem subinde pluviis miscuit. Sequentes sudo temperati, calidi ac ficii ad 9num usque vesperi parum pluvientem. 10mus cum 11mo frigidi ac ventosi. 12mus cum sequentibus sereni, calidi ac placidi, præter 13m paulò obscuriorem, ad 17mum tota die pluvium. 18vus frigidulus & obscurus, serenitate nonnunquam interpolatus, vesperi pluviosus. 19nus ventosus & à meridie imbrofus. 20mus temperatus, ut 21mus sero parum pluens. 22dus obscurior paulò, ficcus tamen, temperatus. 23ius serenior præcedenti. 24tus cum triduo sequenti serenitatem pluviis intercalavit, ad 28vum usque & 29num serenos, temperatos, ficos & amœnos, 30mus paucis pluviis quandoque intermixtis obscurus, mensem simul cum hoc anni quadrante clausit.

Morbi hœc trimestri priori ferè fuerunt analogi, præter nimirum geminos illos endemios, febres rursus varii generis, intermittentes, tertianæ simplices ac duplices, quartanæ, & continuæ ardentes, benignæ & malignæ, variis symptomatis comi-

tatae, cum & sine exanthematis, catarrhales, pleuriticæ, in hæcticam & phthisin pronæ, variolæ, morbilli, diarrhœæ, colicæ passiones, cholerae, Melancholiæ, hypochondriacæ passiones, Cephalææ, Hemicraniæ, paralyses, Epilepsiæ, Asthmata cum & sine hydrope, Rachitides.

Julii primus serenus atque ficcus. 2dus sudo pluvias miscuit. 3tius serenus ac temperatus, vesperi pluviolas sparsit. 4tus priori ferè similis, nisi quod procellæ semel pluviolam asperfit. 5tus sudo absque pluviis, ventum impetuosum intercalavit. 6tus nubilo coelo serenum absque pluviâ induxit æther. 7mus serenus. 8vus sudo æstivus. 9no manè pluvio, serenitas calorem intensum addidit. 10mus pluvias cum sudo alternavit, perinde & 11mus cum nubilo coelo sudum. 12mus temperatus ac ficcus. 13ius, serenus & æstuosus. 14tus cum biduo sequenti, manè ac vesperi pluvii, cætera ferèni, 17mus toto ferè die pluvius. 18vus manè ad meridiem usq; pluviosus & ventosus. 19nus manè serenus à meridie bis pluit. 20mus pluviam cum sudo campsit, frigidulus & ventosus. 21mus manè obscurus pluviolas post quandoque sparsit. 22dus manè quidem serenus, subfrigidus tamen, à meridie pluviolas disperfit. 23tius temperatus, serenus partim, partim pluvius. 24tus amœnus, calidus ac ficcus, cum quadriduo sequenti æstuoso. 29nus post pluviam matutinam nubilosus, frigidulus ac ventosus. 30mus temperatus & amœnus. 31mus post matutinam pluviam serenitate mensem finiit.

Augusti primus ad meridiem usque

serenus, à meridie parumper pluvius. 2dus manè nubilus, postea serenus & amœnus. 3tius manè parum pluens, postea ficcus & obscurus. 4tus totâ die sine pluviâ nubilus. 5tus manè turbidus, post serenus. 6tus serenus, calidus & amœnus. 7timus nubilus ac calidus, pluviolas subinde spargens. 8vus sine pluviâ serenus ac calidus. 9nus serenus & temperatus in æstum vergens. 10mus huic præcedenti analogus: vesperi tonuit. 11mus nubilum cum sudo alternans vento subinde pluviolas asperfit. Cui 12mus similis semel pluviolâ maduit. 13ius manè nubilus ac frigidulus absque pluviâ. 14tus pluvias nonnunquam addidit. 15tus procellam impetuosam, 16to parum remittentem. 17mus manè nubilus circa vesperam serenus ac calidus. 18vus serenus & ob calorem temperatum amœnus. 19nus æstuosior paulò. 20mus remissior manè ac modicâ pluvia foecundus. 21mus serenus, calidus ac ficcus, præter 23um valde æstuosum, ad 26tum nubilum mane ac subfrigidum. 27mus cum 28vo pluviolarum quandoque aspergine ventosi. Biduum sequens serenum ac calidum. 31mus mensis postremus etesiis æstum præcedentem temperavit.

Septembris primus nubilus manè, post ob ventum frigidulus. 2dus paulo temperatior, 3tius primo ferè similis, subinde pluvius. Triduum sequens manè pluviosum, à meridie serenum. 7mus nubilus, frigidus & ficcus, ad usque vesperam pluviolam spargentem. 8vus perinde frigidus, sed sæpius pluviolis madens. 9nus manè ad meridiem usque 7mo compar, à meridie pluit, tandem serenior

nior. 10mus temperatus ac serenus totus, ut & triduum sequens ad meridiem usque 13ii, à meridie quandoque pluentis. Pariter & 14tus circa meridiem semel pluens. 15tus ventosus subinde ac pluviosus. 16tus cum 17mo sicci, temperati & amœni. 18vo sudum ut plurimum pluviis sparsim mixtum. 19mus temperatus, serenus & amœnus. 20mus manè & à meridie quandoque pluvius, cætera temperatus, serenus & amœnus. 21mus circa primam pomeridianam parum pluit, reliquo temperatus & serenus. Biduum sequens turbidum, frigidum & ventosum, subinde pluens. 24tus nimbosus ac procellosus. 25tus ut & 26tus nonnunquam pluvias fundens. 27mus toto ferè die pluviosus. 28vus post pluviam matutinam subfrigidus & serenus. 29nus temperatus, serenus & amœnus, 30mus æstiva serenitate & calore mensem hunc simulque trimestre anni tertium absolvit.

Morbi hujus trimestris haud multum abludunt à prioribus; gemini nempe illorum Choragi cum affeclis suis in hâc quoque tragoediâ personas suas egerunt, præterque illos Febres omnis ferè generis Ephemeræ, hemitritææ, tertianæ simplices & duplices, erraticæ & exquisitæ, quotidianæ, intermittentes & continuæ, putridæ, ut olim audierunt, & causodes, quartanæ quoque, benignæ pariter & malignæ exanthematis se prodentes, variolæ & morbilli, pleuritica, Erysipelatodes, hæctica & phthifica, Catarrhales tandem, Cephalææ pertinaces & enormes, paralyses, Epilepsiæ, tusses contumaces, asthmata subinde convulsiva, inflammationes gutturis, angina, hæmop-

toës, stranguriæ, hydropes, Hypochondriaci affectus, Hystericae passionēs, Cholera, diarrhœæ & dysenteria, Rheumatismi, Chloroses, Hæmorrhoides cœcæ & cruentæ.

Octobris primus serenus ac temperatus. 2dus manè obscurus, post serenior. 3tius manè nebulosus, mox serenus. 4tus manè pluvius, vesperti serenus & frigidulus. 5tus procellâ pluviis mixta tempestuosus. 6tus de die frigidus & sicci, vesperti pluviosus. 7timus cum pluviâ modicâ procellosus. 8vus serenior, quandoque tamen pluvius. 9nus cum 10mo temperate ferenti. 11mus tempestuosus, frigidus ac pluviosus. 12mus serenus & subfrigidus. 13tius manè serenus, postea impetuosus ac frigidus. 14tus ad 23tium manè pluviosum usque ferenti, sicci ac temperati, præter 16tum, 19num & 22dum manè paulò obscuriores. 24tus manè turbidus ac frigidus, postea serenus. 25tus pruinosus & glacialis, cætera serenus. 26tus valide gelans. 27mus paulò remissior. 28vus cum 29no rigidè gelidi. 30mus cum 31mo postremo hujus mensis manè pluvii, ferenti.

Novembris primus & secundus mane nubili, post subinde pluvii. 3tius serenus & temperatus. 4tus mane gelidus, postea serenus. 5tus cum modicâ nebulâ gelidus. 6tus & 7mus manè gelidi, vesperti remissiores. 8vus coelo sereno remissus. 9nus noctu remisse gelascens, alias cum serenitate amœnè temperatus, cui compar fere 10mus, obscurior tamen paulò, sparsis nonnunquam modicè pluviolis. 11mus huic similis vesperti pluvius, 12mus satis alias serenus, semel parum pluviolæ sparsit. 13tius tota fere

die pluviosus. 14tus siccus ac frigidus. 15tus manè pluviosus cum siccitate postea alternavit. 16tus cum 17mo pluviosus. 18vus vento satis forti aspirante serenior, pluviolam raram ferò spargens. 19nus frigidus sæpiusque pluviosus. 20mus procellosus insuper. 21mus cum 22do grandinosus quoque, 23tius cum 24to perinde, quandoque tamen sereni. 25tus sudum cum nubilo, sicco sufflante vento campsit. 26tus toto fere die imbrofus. 27mus serenus ac subgelidus. 28vus manè gelidus, post nebulosus. 29nus nebulosus ac frigidus. 30mus mensis postremus spirante Aquilone turbidus, humidus ac frigidus.

Decembris primus postremo Novembris ex assè similis, turbidus, humidus ac frigidus, ut & secundus, sed siccior paulò. 3tius sereno cœlo gelidus. 4tus post matutinum gelicidium, cum 5to continuè pluens. 6tus quandoque tantum pluviolas sparfit. 7mus nubilus, siccus tamen. 8vus noctu gelavit, de die serenus. 9nus noctu ninxit, de die sereno cœlo gelavit. 10mus satis rigidè gelans, 11mus regelavit, 12mus renaisè gelidus manè absque pluvîâ, 13tus & 14tus,

ut & 15tus cum sequenti triduo cum pluvîâ remissiores. 18vus manè etiam imbre maduit, à meridie sole eluctante parum inclaruit. 15tus gelidus ac nivofus. 20mus ad 23ium usque sine nive gelidus cœlo sereno. 23ius remissior nubilus & nebulosus. 24tus cum 25to post nebulam matutinam imbrofi, triduum sequens ventosum regelans ac pluviosum. 29nus parum gelascens atque ningens. 30mus & 31mus rigido gelu mensi huic & trimestri, simulque anno 1704. colophonem imposuit.

Morbi, si scorbutum ejusque comites, & sub illius larvâ sæpius latitantem infamem illam luem, cum appendicibus illorum exceperis, morbi hoc trimestri non adeò frequentes fuere ac præcedentibus. Febres nonnullæ ardentes & malignæ, quæ morbillis aut variolis ut plurimum stipatæ, catarrhales, pleuriticæ in tusses & Phthisin declinantes, vagæ quandoque, catarrhis suffocativis sociatæ, melancholiæ hypochondriacæ, & passiones hysteriæ, cephalææ & cachexiæ, tusses contumaces admodum &c.

Constitutio Epidemica Holsatica Anni 1706.

Dn. D. GÜNTHERI CHRISTOPHORI SCHELHAMERI.

Hic jam morbi penitus silent, toto autem hoc anno variolæ confluentes sævissimè sunt grassatæ, multaque propemodum dixerim millia infantum, maximè tum & juvenum & adultorum rapuere, per Holsatiam & Hamburgi. Prorsus autem tales se exhibuere, quales Sydenhamius de-

scribit. In principio mites, mox 2. vel 3. die erumpentes, optimè sibi constantes, neque gravioribus symptomatibus stipatæ, præterquam quòd deliria statim ab initio usque ad finem, levia tamen, adessent. Ubi verò ad statum perveniebant, & suppurabantur, nihil remittebat calor, pul-

pulsus semper frequens & celer, æqualis tamen nec admodum debilis erat, sed die 9. 10. vel 11. ubi ad summum ascendere oportebat, subito, & quasi in momento foveam ostendebant, confluebant, concidebant, pallebant, instar lepræ, in facie præsertim, & tum actum erat. Alexipharmacis & calidis exhibitis, iterum tumebant quidem, sed mox

redibant ad pristinum. V.S. ubi adhiberi poterat initio, optimè cedebat, etiam in infantibus. Non nunquam petechiæ conjungebantur in principio. Ubi verò evadebant ægri, foeditate maximè faciei pulchritudo evertebatur, oculi contorti, imò cœcitas etiam, ingentes furunculi, aut fistulæ ossa etiam exedentes, brevi sequebantur, & sphacelus.

Constitutio Anni 1709. Apud Labacenses in Carniola notata

à Dn. D. MARCO GERBEZIO.

Posteaquã præteriiisset anni 1708. autumnus ferè in meris nivium cum pluviis, nebulisque vicissitudinibus, subingressus erat annus jamjam ad exitum properans 1709. cum eis nivibus, frigoribusque, quantorum ferè non recordamur unquam. Hippocrates 3. *Aph.* 17. quidem laudavit frigidas aëris constitutiones, dum dixit, *aquilonias constitutiones cogere corpora, firma, agilia, beneque colorata, ac auditu valentiora reddere.* Quantam tamen vim eæ ferè universæ naturæ inferre valeant, si frigus suos limites transcendat, quemadmodum factum anno ad finem decurrente 1709. experta est cum maximâ calamitate universa Europa: & propterea quoque nos Labacenses ipsi, quibus planè terra ipsa fuerat à frigoris in Aprilem usque protensi, rarissimisque vicibus ab austris paulisper retusi inclementiâ adeò effoeta, & infœcunda reddita, ut Colonis pro suis laboribus vix satorum semen, & illud ipsum effoetum, & ærugine corrugatum reddiderit. Arbores frugiferae, è quibus persicæ ferè cunctæ

sideratae, aut nullum, aut parcissimum, & eum ferè verminosum, corrugatum, & certis nigris stigmatibus ab ærugine maculatum fructum portavere: Vites similiter usque ad radices emortuæ, omni botrorum opimitate destitutæ, & sic de aliis. Quin saxa ipsa observabantur alicubi præ frigore in arenas comminuta. Et parvi demum æstimari poterat istud, si hujusmodi strages non etiam animata, & inter eâ quoque hominem ipsum contigisset: verum deploravimus, & deploramus etiamnum, quòd (ut reliqua animantia silentio præteream, quorum tamen plurima fuere frigore exanimata) ejus inclementia quoque ex incolis nostris plurimi, & nonnulli singularissimi viri propriæ vitæ internecione luerint. Tot siquidem vix unquam vidimus apoplexiis repentè sublato, tot vertiginosos, arthriticos, catarrhosos, pleuriticos, phtisicos &c. quot hoc ipso anno. Cui alteri autem imputari poterat strages isthæc, quàm rectâ enarratae immensi frigoris immanitati? Cujus, cum juxta à nobis in

Chronologia nostra medica Anni I. §. XXII. & alibi dicta vis sit refrigerare, condensare, incrassare, coagulare, adstringere, & sanguinem cum reliquis corporum succis ob inhærentes sibi magnâ quantitate nitrosas, vitriolicas, & alias salinas atomos acrem reddere; qui aliter fieri potuit, quàm, quòd intolerabilitate illâ frigoris, occlusi cutis pori ingentem aliàs per insensibilem perspirationem excludendam noxiorum humorum saburram in corporibus retinuerint: quæ intus coagulata facilè in cerebri meatibus substitit, desuperque aut repentinâ corporum in excalefactis hypocausti incalescentiâ, aut aliâ quâcunque occasione attenuata, & dissoluta eatenus diffuxit, ut universos, vel saltem potissimos cerebri meatus, & nervorum inde in reliquum corpus protensorum origines inundârit, obstruxeritque; eoque ipso spiritibus animalibus suam circulationem, & consuetum in subjectas partes influxum præpedierit. Unde repentinæ illæ, de quibus supra, apoplexiæ; vel si quâ obstructions tantæ non fuêre, tantæ tamen, ut præ iis spiritus animales cursum suum debito sibi tramite prosequi non potuerint, sed potius in gyrum acti fuerint; vertigines illæ, vel saltem certæ fluctuationes cerebri sæpe sæpius apoplexiarum, vel epilepsiarum prodromi; de quibus hoc anno plurimi non solum fuêre lamentati, sed quipiam planè apoplectici successivè, vel epileptici facti. Quod si autem tales coagulationes, & subsistentiæ, seu stagnationes dictorum humorum simili modo in aliis corporis partibus quandoque accidere, aliæ ibidem evenere

indispositiones: veluti in pulmonibus vomicæ, ad quas postea consecutæ sunt primùm tussitationes inanes, successivè humidæ, & sæpe cruentæ; ultimatim planè purulentæ, cum totius corporis contabescencia phthiseos nomine veniente, & interitu ipso: In collo scrophulæ, alibi alterius generis tumores. Quatenus tales humores autem copiosius ad nares destillabant, ad fauces, aut alias partes, evadebant gravedinum, raucedinum, tussium, & aliarum vulgò dictarum defluxionum causa, sicut arthriticorum, & rheumaticorum dolorum, si ii à frigore justò acriores redditi, inque perioostiis articulorum, vel etiam interjacentium partium depositi, ea suâ acredine rodebant, lancinabantque &c.

Sicut autem reliquus anni decursus erat quoad aëris temperiem ordinatior, ita erat sanitati humanæ conferentior: excepto, quòd vere Aprilis fuerit repentinè à præter morem vigorosis & constantibus Solis radiis adeò excalefactus, ut auræ temperie ferè æstatem præ se ferret: Majus è contra ob prædominantem cum Euro Boream, pluviisque adeò rursus perfrigeratus, ut præ se ferret autumnum, quod ominosum Hippocrati 3. aph. I. quod tempus propterea etiam notabiliter plurimum erat ferax morborum. Æstate è contra & autumnò, utpote quoad auræ temperiem regulatioribus, tantò salubrius videbatur, neque observabantur in eis facilè aliæ indispositiones, (exceptis variolis totius anni communibus) præterquam sporadicæ, & quæ potius erroribus circa victus rationem commissis videbantur esse imputandæ, quàm aëris vitiis;

vitiis ; febres puta potissimum intermittentes , vomitiones , alvi fluxus , colici dolores &c. quamvis & ad hos poterat jam prius aliquod fundamentum jecisse prægressum adeò rigidum hyemale frigus saltem suâ acredine : sicut pariter ad vertigines illas , & apoplexias , quæ quibusdam etiam æstate ipsa , & autumno fuere perniciosæ. Probatum siquidem fuit à nobis in præcitata nostræ *Chronologia Med. Ann. I. §. XLIII.* morbos qui in temporibus accidunt , non tam ex præsentibus , quàm ex præteritis aëris morbidis constitutionibus esse dimetiendos.

Nunc , qui præterit December jam in alteram hebdomadam constantibus zephyris perflatur cœlo nunc núbilo, nunc pluvioso , jugiter autem vaporeoso , existente. Metuo valde , ne cum tempore sinistri quid parturiat ! Curationes denique hæcenus enarratorum , & aliorum brevitas gratiâ præteritorum morborum quod concernit , eæ quidem nihil singulare præ se tulere , utpote remediis nobis familiaribus , & in similibus casibus in *Chronologia nostra Medica* hinc & inde notatis communiter feliciter institutæ ; sicut tamen apoplexiæ communiter fuere fortes , adeoque ex sententia *Hipp. 2. aph. 42. incurabiles* : ita nullam recepere curationem , uti neque confirmatæ phthises. Quæ apoplexiæ autem fuere leviores, eæ quidem demum rursus fuere superatæ, sed valde lentè:quemadmodum in certò arcium præfecto, quamvis ego eum non tam pro apoplectico habuerim , quàm cui memoria adeò erat læsa , ut sui idiomatis omnimode per aliquot hebdomadas

oblitus fuerit. Reliqui siquidem Sensus utcunque sibi constabant , ille se etiam , quantum ex signis colligebatur , super omnia reflectebat : solum (quod quid est planè singulare) nullam prorsus rem significativa aliquâ voce nominare poterat ; verùm quæcunque ad se explicandum loquebatur , vel etiam scribebat , erant articulata quidem , sed nihil significativa , qui nunc demum tamen ad tot usurpata eatenus se recollegit , ut ob defectum vocabulorum significativorum intrâ loquendum rarò tantisper subsistat.

Coxæ dolores fuere etiam plerumque adeò contumaces , ut etiamnum sint , qui eis jam à Vere hoc acerrimè detinentur. Certus Juris Consultus ex eis suppuratis planè interiit. In quo illud admirabar ego , quod priusquam moreretur ille, tussire , pectore dolere , & cruenta rejicere , purulentaque incœperit , ante nunquam pectore indispositus. Procul dubio pus à venis in ulcere absorptum , & circulando ad pulmones delatum , eos adeò corroserat , ut & illi suppurati successivè in tabem abierint ; Sed sic fit , dum Empiricis , sicut in hoc casu , confiditur : ubi prætermiſsa methodo curandi artificiali bonus patiens se totum Empiricis concrediderat.

In Variolis denique , quarum curationes similiter feliciter succedebant remediis à nobis in *Chronologia nostra Medica* descriptis , (nisi eis accesserint vel petechiæ vel alvi fluxus) mirabar ego , quòd quantumvis illæ fuerint satis aliàs malignæ , & propterea multis perniciosæ ; nullas tamen post se relinquere solitæ sint

foveas. Uti &, quòd eas hæcenus nondum consecutæ sint febres petechiales; quod tamen, quantum hæcenus observavi; communiter accidere solet. Nisi id forte primò fiat. Earum siquidem nondum est factus finis.

Quia, quibus accesserant alvi fluxus; communiter obierant, lubet curam pro Coronide adjungere, quam ego cum felici successu peregi in puellula novem annorum. Illa sub principium invasionis per superna aliquoties vermes rejecerat, per decursum autem dejiciebat frequentissimè cum torminibus cruenta, atque adeò versabatur juxta dicta in manifesto vitæ periculo: postquam tamen sequentia ordine usurpâset, convaluit felicissimè. Omnium autem primò ipsi injiciebatur talis clyster abstergens: R. Decoct. hordei, cum rad. torment. ʒij. flor. ros. rub. p.i. facti ʒss. mell. ros. col. ʒss. m. f. clyster. Cui paulò post succedebat talis ad-

stringens: Rec. Lact. vaccin. chalyb. in quo decoctæ fuere rad. torment. ʒij. herb. polygon. flor. hyperic. & verbasco. ana p. i. ʒv. Adde mell. ros. col. ʒss. ter. sigil. pulv. ʒiʒ. m. f. Clyster, qui per decursum etiam sæpius repetebatur.

Secundò per os quotidie assumebatur talis bolus: R. Conserv. menth. Elect. diascord. Frac. troch. de ter. sigil. ana ʒss. unicorn. foss. gr. v. lap. bezoard. or. gr. iij. M. cum Syr. coral. f. bolulus. Cui semper superbibebatur tantillum de vino cydoniorum.

Tertiò externè abdomini admovebantur calidè, à post & ante, sacculi herb. chamæm. absynth. menth. polygon. & ros. rub. referti, & in vino rubro decocti. Potus denique erat decoctum torment. gran. mastic. & crustæ panis. Cibus oryza, panatellæ ex bis cocto, &c.

Constitutio Anni 1710.

QUantum in conservanda, vel lædenda humanorum corporum valetudine valeant salubres, vel insalubres aëris constitutiones, dedimus pluribus in *Chronologia nostra Medica*, & docuit nos proximè valedicturus annus 1710. utpote qui sicut hyeme fuit paucis nivibus perspersus, & propterea toleranter frigidus, ita fuit paucissimis morbis, & eis potius sporadicis, ac ab inordinata victus ratione, quàm epidemicis, ac ab insalubri aëris temperie dependentibus obnoxius, planè aliter, ac postremo præterlapsus annus 1709. quem utpote nivofissimum, frigidis-

simumque ante annum recensueramus, fuisse apoplexiis, epilepsiis, vertiginibus, gravedinibus, cephalæis, pleuritidibus, raucedinibus, tussibus, hæmoptysibus & omnis generis aliis defluxionibus quàm plenissimum. Est verum quidem neque hanc hyemem eis ipsis affectibus omnino caruisse: certum tamen æquè est, eis longissimè minus fuisse obnoxiam. Neque sine ratione: quando enim tempora in sibi connata temperie citra singulares, repentinas, & multum sensibiles de calido in frigidum &c. mutationes (qualiter factum hanc hyemem toleranter boreali, & æquali-

qualiter frigida) decurrunt ; sicut in corporibus non accedunt singulares alterationes , ita neque singulares morbi. *Mutationes* siquidem *temporum* teste Hipp. 3. aph. 1. *potissimum pariunt morbos , & in ipsis temporibus magnæ mutationes aut frigoris aut caloris.* Quales proinde cum non acciderint hâc hyeme , ea non potuit fuisse singulariter morbofa. Quod ea verò interea tamen morbis non caruerit , fecere , uti dixi , potius subinde commissi in victûs ratione errores , quàm aëris morbofa constitutio.

Ver autem sicut erat nonnihil inordinarius, & à septima Aprilis usque ad undecimam ad prægressam mitiorem auram nivoso pluviosum, & ex Borea sensibilius frigidum. In Junio etiam sæpe sæpius tempestuoso grandinosum , consequenter pariter ultra modum asperum ; ita memoratis defluxionibus tantò magis dives. Cæterum verò tamen ob prægressam , uti dictum , mitem , & nivibus ferè expertem hyemem adeò acceptum , ut jam sub dimidio Aprilis omnia essent in virore, & flore : 21. Aprilis etiam præter solitum filigo actu aristas protruderet.

Quod nunc dictum est de Vere , idem planè accipiendum venit de æstate , utpote similiter variâ sæpius pluvioso tonitruosa, & ex potissimum prædominante Boreâ sæpe etiam sub ipsis canicularibus potius frigidâ , quàm more sibi debito æstuosa ; & præterea etiam præterquam satis , vineisque nocivâ , Catarrhorum , tussium , arthritidum , & morborum autumnalium , si quæ alia , ferace. *Per anni siquidem tempestates* teste

Hipp. 3. aph. 4. *quando eodem die , modo calor , modò frigus fit , autumnales morbos expectare oportet.* Teste Valeriolâ etiam de loc. com. lib. 2. cap. 4. *Si vicissitudine quâdam aquilonius flatus austrinum sequatur , fluxionum tum morbi sequentur.*

Autumnus denique non fuit quidem adeò varius , ac communiter esse solet, eò quòd excepto fine Octobris , quo ex diutius protractis pluviis omnia aquis inundabantur , non fuerit admodum pluviosus , neque consueta ventorum alternatione multum inæqualis : in eo tamen erat præ aliis hujus anni temporibus insalubris , quòd ferè incessanter aut prædominarentur Austri , venti teste Hipp. 3. aph. 5. insaluberrimi , aut aura fuisset nebulosa, crassa, humida, vapida , & veluti stagnans diutissimè Solis radiis orbata , ac propterea maximè tetrica , & præsertim melancholicis adversa , merarum obstructionum fabricatrix. Hinc etiam ferè nunquam tot Consilia medica circa affectiones hypochondriacas habita , quàm rectè hoc autumno. Quamvis præterea plurima passi fuerint etiam arthritici , quartanarii , & colicis doloribus torti cum non rarò desuper consecutis epilepticis convulsionibus , aut paresibus. Taceo catarrhos , & omnis generis defluxiones , quorum utinam majores effectus non primò in futurum experiremur , vel etiam pestiferæ luis, cum de ejus sævitia aliàs jam multum spargatur , ulteriorem progressum ! Nulla siquidem aëris constitutio solet esse hujusmodi malignitatis adeò ferax , quàm rectè talis. Quamvis ,
uti

uti in *Vindiciis meis medicis auræ Labacensis* §. XXIX. memini, apud nos non eò usque; ob vicinitatem maris Adriatici, ex quo in transitu flatibus austrinis multum particularum salinarum volatiliùm admiscetur, quibus putridinosa illorum malignitas corrigitur. Plurimùm sunt passæ etiam in uteris gerentes, propterea sæpius vel ante destinatum tempus puerperæ factæ, vel morbosos foetus enixæ ob acetabula uterorum mucore ex tantis aëris humiditatibus contracto referta.

Curabantur autem colicis doloribus torti feliciter lenibus laxativis per intervalla propinatis, anodynis, quale fuit præprimis ol. amygd. dulc.

& carminativis, quale erat decoctum florum chamomil. rom. cum additione succi stercoreis equini avenâ pastî, & Syr. de althæâ Fern. quartanarii præmissis præmittendis tali specifico: Rec. Cort. peruv. alcohol. §ij. flor. Salis Armoniaci, Antimonii diaphor. ana ʒ6. M. f. pulv. detur mane & vesperi, sed methodo tali, ut febris non solum emanet, quod plerumque intra hebdomadam fit, verùm etiam nunquam amplius revertatur, quod etiam facile præcavetur.

Arthritici denique suis specificis, præsertim off. microcos. phil. pp. Antimonio diaph. cinnab. nativ. mixturâ simplici, lumbr. terr. &c.

DISSERTATIO EPISTOLICA

*De Mulhusini Territorii finitimorumque locorum Constitutione Epidemica
Anno 1700. observata,*

Ad DOMINUM LUC. SCHROECKIUM,

Cæsareo - Leopoldinæ Nat. Cur. Academiae Præsidem &c.
Augustam Vindelicorum transmissa

à JOHANNES GEORGIO HOYERO,

Philosopho, Med. Doctore & Cæsareo - Leopoldinæ Nat. Cur.
Academiae Collega Apollodoro dicto.

§. I.

Licet in historia morborum epidemicorum primus vetustissimorum scriptorum Hippocrates desudaverit, & digito quasi filiis artis usus tanti laboris prorsus insignes monstraverit, nescio tamen, quo facto sequentium temporum scriptores negligentius ferme tractaverint Epi-

demica. Postquam autem postliminio exteri Medici, celeberrimus Sydenhamius de Constitutione Londinensi, atque splendidissimum Italiæ fidus excellentissimus Ramazzinus de Constitutione agri Mutinensis scripta divulgaverunt, genus horum scriptorum non solum ab omnibus solide doctis

doctis semper fuit expectatum, sed & eorum vicit opinionem.

§. 2. Enim vero cum non minus Climata, sub quibus laudatissimi Viri suas observationes consignarunt, ut & vitæ genus seu rerum lex non naturalium usus aliaque à nostratibus diversissima sint, ipsique Germani, dum pati videntur idem quod Græci, Angli, vel Itali, idem profecto non sit, quis obsecro non commendet, quæ plures excellentissimi Viri de diversarum Germaniæ nostræ provinciarum Constitutionibus Epidemicis conscribere operæ pretium putarunt? Quibus eruditissimis, si parva magnis componere licet, Epidemicam Territorii patrii Mulhusini Constitutionem superaddere, ac perillustri Tuo nomini inscribere non erubescō. Fateor enim, à singulari gratia Tua erga me, de quâ suavissimè in literis tuis ad me datis scripsisti, magis me affectum fuisse, quàm Herculem Xenophontium illum à Voluptate, ut ea adducar ad hoc suscipiendum amorique tuo plusculum etiam, quàm facultas & copia mea forsā concedit, largiar.

§. 3. Laudatum itaque liberæ hujus, & Imperialis Civitatis territorium sub elevatione poli 51. grad. 20. minut. in Thuringiæ & Hassiæ confiniis situm ampla & amœna planitie conspicuum, soli polique singulari clementia beatum, quamvis præ finitimis locis saluberrimum quidem putatum, nihilo minus tam ab aëris & tempestatum injuriis, quàm ab epidemicis & contagiosis morbis minimè fuit immune. Nam ut à fine lapsi præcedentis sæculi potissimum exordiar, (pluribus aliis, quæ duo-

Tom. II.

bus lustris, licet minus perfectè notaverim, data occasione intermiscendis) hyemale tempus tam finiti 1699. quàm auspicati 1700. anni nobis prorsus inconstans erat: nunc rigido Borea ab axe reunte, mox pluvioso nobis Libanoto (vento inter Ausurum & Favonium medio) spirante; nunc maxima nivis copia defluente, mox nebulosa ac nubilosa, maximam verò partem pluviosa, rarius procellosa intempestate, varias subinde molestias creante.

§. 4. Durabat hæc tempestatum varietas ad æquinoctium usque vernum: & sicut his mensibus varius macrocosmi status, ita microcosmus etiam variis symptomatibus & ægritudinibus erat obnoxius. Tenellorum, qui nutritionis annos nondum excefferant, plures febribus catarrhalibus, non nulli catarrhis suffocativis decumbebant, qui tamen omnes ferme post adhibita pectoralia, balsamica diaphoreticis maritata, laxativis & emeticis pro re nata interpolatis ex voto convalescebant. Sub finem mensis Januarii, Morbillis affligi coeperunt, benignis quidem, adeo ut pluribus, modici caloris temperamento servato, sine medicamento rum usu morbilli copiosi erumperent, ac tempore solito rursus evanescerent. Paucis atrocius afflictis bezoardica fixiora, aquæ destillatæ & papaveracea proderant, quorum nonnullis, qui medicamenta neglexerant prorsus, post exantlatos morbillos tussis cum febre hectica difficiliter curanda eveniebat.

§. 5. Adultorum quidam doloribus Arthriticis, tum vagabundis scorbuticis, tum fixioribus (quales morbi

Dd

nobis

nobis endemii quasi sunt) menses hyemales fere durantibus discruciantur, qui tandem per medicamenta specifica, sudorifera interna, nervina & spirituosæ externa, Venæ sectiones & scarificationes iteratas &c. unguinosis & emplasticis [nodos & affectus chronicos imo prorsus incurabiles causantibus) vitatis, feliciter sopiebantur. Alii febribus ardentibus & malignis, periculosis phænomenis, pleuritide, deliriis, convulsionibus &c. stipatis corripiebantur, non tamen ut annis præcedentibus æquè lethiferis, nisi forsan unus & alter, vel ab empirica manu, vel negligentius tractatus ad plures abierit.

§. 6. Imminente tempore vernali anni 1700. humidiorē tempestatē status aëris temperatior & siccior excipiebat, qui per hos menses Euro subinde spirante continuabatur: Adeo ut pluviae vernaes fertilitatem præfagientes rariones, ipsaque tellus pulverulenta quasi notaretur, & hinc frugum æstivarum spes agricolis dubia redderetur. Id quod eventus ipse pluribus in agris tardius satis comprobabat. Neque enim hordei, avenæ, leguminum, pluriumve æstivorum opimam æque quam hybernorum frumentorum, siliginis & tritici messem vidimus.

§. 7. Jam Morbillos excipiebant Variolæ apud alios interstinctæ, apud alios confluentes: quamvis tam vernalibus hisce, quàm mensibus æstivis, paucis exceptis, qui diætæ limites excefferant liberius, minus funestæ. Neque febres more malignarum decurrentes jam cessabant, nonnullis medicamenta prorsus insuper habenti-

bus in nostro territorio lethales. Vicinorum autem locorum, imprimis septentrionem versus sitorum, Liberræ Imperialis Northusæ & aliorum finitimorum oppidorum & pagorum incolis, & Hercyniæ Sylvæ accolis, tam præterito brumali, quàm hoc vernali tempore magis infensæ & pluribus exitiosæ.

§. 8. His ita contingentibus non potui non ruminari prognosticon, quod anno superiori 1699. grana illa nigricantia majora in filigine copiosissimè reperta, & per magnum Thuringiæ tractum ab Hercyniâ ad Semanam usque sylvata observata (vernaculâ linguâ *Mutter korn* appellata) curiosis subministrabant: videlicet ab usu monstrosum ejusmodi granorum inevitabili, non sanè farina laudabili & altrice, sed inutili, depravata & insalubri protinus materia ipsis etiam brutis nauseam movente refertorum, variis morbis, febribus, variolis, morbillis, aliis, afflictum iri genus humanum.

§. 9. Cui præfagio cum jam responderet eventus, illorum sententiam confirmare videbatur, qui morbos epidemicos non præsentium, sed præcedentium effectus esse persuasum sibi habent. Quamvis à mente mea impetrare nondum potuerim, ut hoc assertum *καὶ πάντως* affirmari posse credam. Certissimum quidem est, prava & depravata alimenta ab annis præcedentibus nobis suppeditata, multo usu continuata, epidemicos affectus sæpe producere: Qualis enim cibus, talis chylus, qualis chylus talis sanguis, qualis sanguis talis valetudinis nostræ status. Enim vero constitutiones præsentēs non solum plures
Epi-

Epidemicos morbos, alimentis etiam sanis existentibus, parere, sed illos etiam, quos vitiosis cibis debemus, quasi modificare seu intendere & remittere cum magno Hippocrate, rerum magistra quotidiana experientia testatur. Ecquis enim dubitavit frigidum, humidum, & cœnosum atmosphæræ statum (qualis supra citata nostra hyemalis erat) ἀδύναμις (quæ illustri *Wedelio* teste *Theorem. Med. part. IV. Sect. 2. th. 3. infinitorum morborum & febrium mater est*) peperisse? De quo pluribus ingeniosissimus *Sanctorius* in *Medicina Statica Sect. 2. aphorism. VI. & VIII. &c.* videndus.

Ecquis negabit aëris nostri verni & mox dicendi æstivi statum sereniorum epidemicos hos affectus benigniores nobis reddidisse? Ut jam ea, quæ superioribus annis, de periculosis affectibus epidemicis à præsentī constitutione unice quasi derivandis notavi, nunc mittam, neque de contagio, de nebulis, de roribus vitiosis & aliis mille malis, (queis atmosphæra nostra in dies & horas obnoxia) machinæ humanæ mediante respiratione, dictum factum exitiosis hîc quicquam memorem.

§. 10. Amplissimus hic aperiretur campus de nebulis, de roribus, imprimis autem de causa dictorum corruptorum filigineorum granorum, rore puta vitioso, mellei saporis & consistentiæ, [nostratibus *Honigthau* nuncupato] differendi: sed ne justo prolixior sim, ea, quæ hîc inferere potuissim, ad observationes anno futuro, DEO volente, Ephemeridibus Germanorum, communicandas reservo.

§. 11. Post Solstitium tempus æstivum calidius & ficius usque ad æquinoctium autumnale permanebat: Pluviis enim non, nisi expectatissimis evenientibus, cœli serenitas constantissima ridebat, lætamque messem & optatam, flantibus suaviter Etesis, nobis reddebat. Exoptatissimus omnibus erat hujus temporis status: Postquam enim caritas annonæ mortalium myriadas partim fame emaciaverat, partim ad incitas redegerat, jam jam sub auspiciū sæculi, velut è cornu copiæ, omnium rerum pro vita sustentanda necessariarum Divina Munificentia largiebatur optimam messem. Horrea frumentorum ad laxiorem annonam redeuntium abundantiam vix capiebant: Conclavia, cellæ, pavimenta, larga rerum copia & opibus Cerealibus quasi scatebant: Neque vini ultra duo lustra desiderati, spes concepta autumno sequente decollabat. Tantæ felicitatis non ultimam sanè causam laudatissimum calorem æstivum putandum esse jam dudum prælagivit Virgilianum veriloquium *Georgic. I. Magnaque cum magno veniet trituræ calore.* Cujus veritatem sicut præcedentium quorundam annorum sterilitas, ita sanè præsentis fertilitas per universam Europam satis confirmabat.

§. 12. Interea temporis non cessabant affectus epidemici, videlicet variolæ continuatæ benigniorum more sua tempora decurrebant, neque malignitas earum jam crescebat. Præter hæc quotidianæ, tertianæ tam continuæ quàm intermittentes & quartanæ febres, minus tamen rebelles & rariores observatæ & post

adhibita probata remedia brevi fugatæ. Febres ardentes autem suo contagio eo latius serpebant, quò intensior his diebus sentiebatur æstus. Mirum profecto febres hæcæ symptomatibus malignis horrendas, minimè tamen lethales, hoc potissimum tempore, quod saluberrimum videbatur, invaluisse. Nec inanem locabo operam si plenius paulo, tam phænomenorum, quàm curationis historiam brevissimis hìc tradam.

§. 13. Corripiebantur hac Febre non solum juvenes, sed mediæ ætatis utriusque sexus homines, quin etiam senes. In plurimis horrorem prævium calor totius summè efferatus subsequēbatur: Hinc sitis, vigiliæ & atroces dolores capitis & aliorum membrorum circa articulos præsertim se exerentes, notabantur. Arthriticis hisce doloribus vexati paralyticorum more decumbabant, adeo ut neque pedes, neque manus suis fungi possent muniis. Nonnullis alvus & urina vel invitis per aliquot dies effluebat. Deliria leviora paucis saltem aderant: Vires autem omnibus pene valde prostratæ. Aliis vomitus biliosi, aliis diarrhœæ satis molestæ. Quibusdam fluxus hæmorrhoidum nimius, ab imperitis pro fluxu dysenterico habitus: Plurimis hæmorrhagiæ narium largissimæ imo prorsus enormes eveniebant. Cumprimis verò quosdam Cardialgiæ summè dolorificæ tantopere discruciabant, ut de salute corporis desperantes sacram Eucharistiam moribundi, velut ultimam ad consequendam æternam salutem medicinam, unicè expeterent, quin imo à Syncoticis & moribundis discerni vix possent.

§. 14. Neque contagii experts erat hoc malum, dum unico decumbente, plerumque reliqui, quotquot aderant, domestici vel unâ vel aliquandiu post eadem febre corripiebantur. Ut enim reliquos tam in civitate & suburbiis, quàm in pagis decumbentes silentio præteream, exempli loco adducam milites à Centurionibus sive Capitaneis quibusdam nutu potentissimi Daniæ atque Norvvegiæ Monarchæ noviter hìc conscriptos, quorum unus & alter hoc febris genere cum forte vexatus fuisset, brevi post eodem malo plures afficiebantur, adeo ut intra duorum vel trium mensium spacium plures quinquaginta curationi meæ traderentur.

§. 15. Ex phænomenis citatis, velut ex ungue leonem, causam febris hujus proximam particulas alcalinas massæ sanguinæ crassæ seu mixtionem nimis rarefaciendo turbantes, facile dijudicare poteram. Ex quo fundamento curationis methodum formare non adeò difficile erat. Scilicet calor æstivus intensior, ætatis vigor, potus cerevisiæ nostratis satis lupulata calidior & copiosior, enormes hæmorrhagiæ, omnia & singula phlebotomiam præprimis postulare videbantur, quam plerisque semel, quibusdam pro indicationis modulo bis administrare suadebam. Sanguine vix evacuato, singulari stratagemate sudorem quem quidem Celeberrimus *Baglivus*, *Medicus Romanus* Prax. med. lib. I. post sanguinis missionem cum levamine patientis statim apparere scribit, medicamentis procurabam. Quo fine pulveres ex bezoardicis fixioribus C. C. phil. præparat. oc. cancr. antimon. diaphoret.

phoret. rad. contrajerv. corall. rubr. terra figillata, nitr. anodyn. vel pulv. bez. Wed. addito camphoræ tantillo loco sudoriferi nonnullis eximio cum successu propinabam, atque febrem in prima quasi herba citius ac felicius quàm Emeticis vel Purgantibus sine singulari successu quibusdam datis, suffocabam. Morbo nihilo minus ingravescente, dolorum capitis mitigandorum, & delirii præcavendi causâ, Vesicatoria optato cum levamine nuchæ applicare suadebam. Morbo durante balsamica & bezoardicare media ex Tinctur. prophylact. m.d. eff. myrrh. simpl. & balsam. Scordii, Mixtur. simpl. Elix. p. p. &c. præscribebam. Ad restinguendam sitim, loco potus ordinarii, vel infusum veronicæ, vel cerevisia secundaria tenuis valde, cui vel Tinct. rosar. vel papav. errat. vel violar. vel ipse spiritus vitrioli sedulò instillatus commendabatur.

§. 16. Interim verò symptomatibus reliquis, vel ex maligna morbi natura, vel errore diætæ individuo contingentibus, aptis remediis obviam ire non neglegebam. Nam ut verum fatear, majorem curam talia *ἐπιτερόμενα* postulare videbantur, quàm ipse febrilis affectus. Sic urgentissimum symptoma Cardialgia, quod nonnullos tantopere discruciat, ut ab agonizantibus discerni vix possent, spirituosis aromaticis carminativis, vel imprimis pulvere absorbente *Wedelii* plerumque curabatur. Dolores Arthritici contumaciores spiritu volatili urinoso bezoardico, eff. anod. nec non pulveribus bezoardicis diaphoreticis cinnabarinis, tar-

dus quidem, feliciter tamen mitigabantur, additis præsertim anodynis. Opiata enim, quæ febre Arthritica epidemica anno 1699. grassante, instar salivæ viperinæ vitanda, jam velut anchora sacra nobis erant. Vomitus spontanei, vel biliosi, vel assumptorum, ut & alvi profluvia, quando diutius durabant, Mixturis ex eff. theriacal. tinct. terræ catechu, & tinct. opii, cum succo cydoniorum per fermentationem parata, nec non pilulis stypticis m. d. pulveribus ex terra figill. bol. armen. C. C. Ust. rad. bistort. pulv. bez. wed. &c. compescebantur. Hæmorrhagiæ narium, aliis quarto, aliis septimo, aliis nono, vel undecimo die contingentes, quæ multum negotii facessere solebant, ultra euphoriam, & ad lipothymiam usque durantes, præter interna refrigerantia & incrassantia, externo probatissimo styptico Anglicano, sive in forma sicca, sive spissa cum aceto & gossypio, applicato: Hæmorrhoides nimis fluentes, præter pulveres è stypticis & bezoardicis conflatos, essent. theriac. traumat. *Wed. à Beato Hagendornio in tr. de terrâ Catechu* descripta, sistebantur. Taceo pleuritidem, tam veram, quàm spuriam, anginam, alvum per multos dies adstrictam, alia remediis aptis aliis curata. Adeò singula phænomena, quamvis periculosa putata, facili negotio tollebantur, & quæ à Practicis infidæ crises passim notatæ, jam fidæ, perfectæ & salutares erant. Hoc apparatu perexiguo, tum laudatus gregarius miles, cum plures vilioris conditionis homines, DEO benedicente, ex voto curabantur.

tur. Delicioribus nonnullis, præter dicta, potiones cordiales confortantes, & pulveres bezoardici pretiosiores proderant.

§. 17. Quod verò admiratione maximè dignum, ne unicum satis periculose licet decumbentium, mensibus quidem æstivis vivere desiisse memini. Neque Lunæ phases notabilem his febribus alterationem attulisse vidi, qualem tamen, cum præcedentibus annis 1698. & 99. febris epidemica, quæ nonnullis petechialis erat, hîc loci grassaretur, multoties mecum plures curiosi, præsertim mensibus hyemalibus & autumnalibus observabant. Mensibus enim his singulis omnibus fere, Luna decrescente vel silente nonnulli febricitantes, tam illi, qui ab experientissimis Medicis summâ industriâ probatis medicamentis curabantur, quàm qui naturæ, morborum medicatricis, ope freti, sine ullo remedii genere decumbebant, celerius opinione Libitinæ tradebantur: convalescentibus plerisque, qui post Novilunium ad crescentem usque Lunam manebant superstites.

§. 18. Vix attentius hæc mentis lance trutinasse, nisi laudatissimum *Ramazzinum*, febre petechiali in civitate & agro Mutinensi grassante, idem illud observasse, dissertationis ejus *decuriæ quartæ*, *Ephemeridum Germanorum anno quarto insertæ paragraphus XVI.* testaretur, aliosque, ut lunæ phases in morbis epidemicis animadverterent, hortaretur. Quam ob rem non desii causam rimari, cur febres continuæ malignæ, non tamen æquè omnes pro mutationibus lunæ, adeo subitaneis

alterationibus, mortem ipsam portendentibus, sint obnoxia? Cujus phænomeni causa quo dilucidius explicetur, suppono

I. Juxta tritum:

Ad lunæ cursum variant animalia corpus, lunarem influxum (reliquis tam superstitiosis quàm sanioribus astrologorum opinionibus juxta recentiorum quorundam hypothèses jam semotis) esse extra ullum dubium statuendum, imprimis in morbida animalium corpora, de quo cum laudatus *Wedelius in theorem. med. part. 3. sect. 6.* tum præprimis philosophorum recentiorum Celeberrimus & accuratissimus *Sturmius in Philosophia Eclectica disp. de siderum influxu p. m. 632. seqq.* legi merentur.

II. Influentialas hæc lunares, quas vel alia sublunaria, vel ipsa præprimis ægrotantium corpora sentiunt, vix aliunde quàm à lumine lunæ dependere, & sicut tempore interlunii nullum lumen, ita neque influentialas habere lunam; videatur *Sturmius loco citato.*

III. Influentialas tales esse subtilissimas & quasi spirituales, ideoque subtilissimum succum nervosum, quem spirituum animalium nomine indignant, potissimum concernere, id quod exempla Epilepticorum &c. toto die manifestum faciunt.

IV. Dari febres, quæ succum nervosum subtilissimum, seu spiritus animales, magis afficiunt & quasi depauperant quàm massam sanguineam. De quibus Celeberrimi *Würdigii Medicina spirituum* pluribus consulenda. Ut jam non laudem quotidianam experientiam, quando Me-

dici

dici clinicam praxin exercentes ingeminant : *Urina bona, pulsus bonus, æger moritur* : præsentē putā malignitate non æquē vitales quā spiritus animales pefundante. Ex his colligere licet, utique ab influxu, lunari tempore lunæ decreſcentis & interlunii debiliori exiſtente, dependere lethiferas ejuſmodi alterationes, in febribus præſertim nervoſum genus ſeu ſpiritus animales potius quā maſſam ſanguineam afficientibus. Nimirum ſpiritus animales ab inimico miaſmate febrili depauperati, tantisper refocillantur ſubinde per influentias lunares lunæ creſcentis & plenilunii tempore fortiores, hiſce verò tanquam aliquali fomento luna decreſcente vel ſilente deficientibus, ſpiritus ipſi magis magiſque deficient, deficientibus ſpiritibus vita deficit, & ægrotus vivere deſinit. Vix opus eſt diſquirere prolixius, num febres petechiales agro Mutinenſi, & malignæ territorio Mulhuſino annis 1698. & 1699. citatiſ moleſtæ, nervoſum genus magis affecerint quā maſſam ſanguineam? cum ipſæ ſpirituum & ſenſuum læſiones variæ, Syncope, lipothymia, convulſiones epilepticæ, deliria phrenitica & alia ſymptomata, quæ febribus illis frequentia fuerunt, id ſatis evincant. E contrario, cujuſ occasione hæc dicta ſunt, æſtivam noſtram in maſſa ſanguinea radicatam, & hinc prophaſibus lunæ tantis alterationibus minus obnoxiam fuiſſe, per ſuprà memorata clariffimum eſt.

§. 19. Sed ut è diverticulo redeam in viam, ex illis ſanè, quæ de morbis æſtivis ſuperius allata, luce meridiana clariuſ eluceſcit veritas eo-

rum, quæ divinus præceptor *Hippocrates de Conſtitutione temporum* paſſim in operibus ſuis commentatur : quicquid alii in contrarium afferre ſuſtinent. Ita ſanè velut è tripode Apolliniſ dicta, quæ libro de aëre, aquis & locis §. III. p. m. 330. rectè divinat : *Siquidem æſtas ſicca fuerit, citiuſ ſedantur morbi : Si verò pluvioſa, diuturni ſunt.* & 3. aphoriſm. 15. *Inter anni ſtatus omnino ſiccitates imbribus aſſiduſ ſunt ſalubriores, minusque funeſtæ.*

§. 20. Quæ quā conſentanea vero ſint, ipſe equidem, qui ſequebatur Autumnuſ ſatis pluvioſuſ etiam contrario exemplo confirmabat. Quippe poſt Æquinoctium autumnale circa Michaëliſ feſtivitatem mira cœli clementia huc uſque continuata pluviis aſſiduſ permutabatur, intercurrentibus nonnunquam ventorum injuriis ; Quibus ad finem menſis Octobriſ perdurantibus, Sole ad ſcorpium accedente, circa vindemiam nebulae pluribus diebus conſtantes cum frigore ſatis acri in ſcenam prodibant. Menſis ſequentiſ Novembris auſpiciuſ auſtrinuſ erat cum pluviis copioſiſſimis. Hiſce poſt novilunium, aliquandiu ceſſantibus frigora nocturna, Sole interdiu ſplendente, ventoque inter Zephyruſ & aquiloniuſ medio ſpirante vix diutiuſ durantia notabantur.

Mox nivem primam vidimus, ſed pluviis ſubſequentibus ad finem menſis durantibus alternantem. Sole medios Sagittarii gradus perambulante furere cœpit Aquiloniſ nive & frigore comitatuſ, phœbo dieſ quodaſ ſerenante : Sed brevi poſt Car-

bas rediit pluviosissimus. Frigore tandem brumali leniori ad solstitium usque perdurante, tempus autumnale finiente.

§. 21. Tempestas itaque pluviosissima per maximam autumnii partem notata, non solum deteriore reddebat recensitum hactenus affectum epidemicum Variolarum, sed novum insuper morbum, Tussim putata contumacissimam, tenellis itidem magis quam adultis exitiosam, chronicam ferme difficulter curandam, & hinc tam medentibus quam ægrotantibus molestissimam, præprimis circa vindemiæ tempus, post nebulam illam dies aliquot durantem, in scenam producebat. Ab hac tussē afflictī, materiam quasi purulentam veluti phthifici consummati, copiosissimam nonnulli ob tussis vehementiam sanguinolentam (ruptis à motus vehementiâ & materiæ acrimonia venis pulmonaribus) exscreabant. His pectoralia, resolventia, balsamica, diaphoretica, nervina, anodyna, diluentia decocta levamen quidem afferebant, quibus verò laxativa subinde superaddita, non nisi post hebdomadam plurium decursum curam tandem figillabant.

§. 22. Delineata interim febris epidemica postquam depontanis quibusdam senibus finem vitæ fecerat, contagio suo plures haud afficiebat, sed cum calore æstivo ferme cessabat. Variolæ verò, quas per menses vernaes & æstivos benignas deprædicavimus, cum mutabili tempestate suum quoque mutasse genium videbantur, ex benignis & distinctis malignæ, confluentes & quasi επιδημια factæ. Existimarem profecto

cœli & tempestatis singularem clementiam, qua tum verno, tum æstivo tempore gavisi eramus, variolas huc usque nobis conservasse benignas, nisi annus præteriti seculi 1689. contrarium me edocuisset. Licet enim annus citatus pari, si non majori, cœli clementia rideret, nihilo minus Variolæ Brunsvigæ & Hafniæ eodem tempore æstivo grassantes, genii malignioris erant, ipsisque Hafniensibus imprimis adeo infensæ, ut plus mille hominibus, atque inter eos pluribus primariis, & ipsis juventutis Principibus, epicedia pararent: Autumnalibus verò mensibus anni citati, præsertim mense Octobri, brumali frigore ingruente, prorsus evanescerent: Ut hinc in aprico sit, neque à temporis & atmosphæræ statu Epidemicam constitutionem unicè derivandam, sed alias circumstantias, de quibus suprâ diximus, semper simul & quasi conjunctim considerandas esse.

§. 23. Nostrarum itaque Variolarum genium, graphicè quasi delineatum, laudatissimus Dn. Sydenhamius in observ. Med. Sect. III. cap. I. exhibet, quando scribit. *Appetente æquinoctio verno, Variolæ caput cœperunt attollere, jamque indies latius grassantes sub autumno επιδημια factæ sunt.* Cujus quidem phænomeni causam, quam silentii peplo involvit, capite subsequente secundo paucis innuere voluisse videtur, quando, *Variolæ, inquit, quibus annis epidemicè grassantur, si regulares etiam sint atque mitiores, circa æquinoctium vernum ingrediuntur: Quibus verò annis non tantum grassantur epidemicè, sed*

sed & irregulares atque periculosioris sunt generis, maturius nonnunquam, mense puta Januario invadunt. Quasi dicere voluisset: pro varietate causæ nunc maturius & maligniores, nunc tardius & benigniores contingunt variolæ. Videlicet Massa sanguinea particulis recrementitiis, serosis, sulphureis, salinis volatilibus & fermentificis copiosioribus inquinata, Variolæ progenerantur maturius & malignæ: iisdem verò in minori quantitate præsentibus, tardius & benignæ fiunt. Peregrinas verò ac morbificas ejusmodi particulas massam sanguineam inquinantes, nostrarum Variolarum causas, partim ob vitiosæ filiginis usum, partim ob fructuum Cerealium esum in tenerioribus imprimis comite *α'δδν-φayia* extitisse facile colligere licet. Quamvis interim non negem, esum carniū ex laudatissimi *Wedelii* sententia, in *Doctrina manuscripta de febribus* cap. 18. videnda, in locis mediterraneis, sicuti piscium in maritimis, hunc morbum non parum vulgare.

§. 24. Inde verò manifestissimum fieri censeo, nodum in scirpo quærere, qui Variolas à sanguine menstruo materno veluti causa accersere laborant. Vellem sanè ac possem falsam ejusmodi hypothesin ab Arabibus, imprimis maximo Arabicæ scholæ Magistro *Ebusina* seu *Avicenna* lib. IV. Fen. I. tract. IV. c. 11. pag. 434. effictam, & adhuc hodie in scholis receptam, & ad ravim usque defensam, pluribus rationibus, phænomenis, observationibus, tam à priori, quàm à posteriori refellere, nisi Celeberrimus *D. Behrens*, Practi-
Tom. II.

cus Hildesienfis, in peculiari Epistola de Variolis epidemicis ad Perillustrem Dn. Frankum de Frankenau, S. R. I. Equitem, Archiatrum Danicum &c. data, *Ephemeridibus Germanorum* Dec. III. ann. 3. inserta, idem satis abunde fecisset.

§. 25. Id saltem nostra ætate vetustæ illius sententiæ Patroni explicent mihi velim, cur ex eadem parente prognatorum unus variolis laboret, reliquis sine exanthematibus vel febricitantibus vel etiam belle valentibus? Cur vice versa plures decumbant Variolis, uno vel febricitante vel bene valente? aut quod magis mirandum foret, cur gemellorum unus variolis laboret, altero salvo permanente? Dicant mihi quæso ex fictitia hypothesi, cur unus, vel unâ, plus unâ, secunda scilicet, & tertia vice, quod multoties observavi, Variolis affligi possit. Dicant denique quomodo nonnulli, qui per totum vitæ decursum à Variolarum contagio liberi permanserunt, in extrema demum senectâ, quod nuper vidi, corripiantur iisdem? In quibus quæso ductibus, tubulis, meatibus, vel venarum & vasorum anfractibus, veluti latibulis delituisse putandum fermentum illud in utero susceptum, & per tantam annorum seriem à nullis febribus, vel aliò morbo, à nulla tempestate, à nullis cibis, à nullis medicamentis etiam fortissimis & volatilibus, per circulationis leges, angustissimos machinæ humanæ ductus & poros permeantibus, extricandum vel eliminandum?

§. 26. Ex causis itaque citatis per menses vernos & æstivos variolæ benignæ cum symptomatibus consuetis

& benignis eveniebant, nisi fortassis error individuus diætæ uni vel alteri maligniores redderet. Quo pacto puella quædam satis bella & sana, dum cerevisiam recentem non satis defecatam largius biberet, variolis malignis & confluentibus correpta & convulsa moriebatur, convalescentibus reliquis omnibus, quotquot eodem tempore decumbebant: adauctâ scilicet causâ morbificâ à fecibus cerevisiæ recenti permixtis.

§. 27. Autumnalibus verò mensibus intempestate tepidâ & humidâ diutius continuata, accedente frugum Cerealium (quarum equidem maximam abundantiam ex hortis suburbanis, queis hæc urbs veluti densâ & ampla quadam sylvâ cingitur, annis fertilioribus colligere solemus) usu abundantiori & iterato, plurimis periculosiores nec paucis lethales eveniebant.

§. 28. Jam præter symptomata ab aliis recensita Diarrhœam, Salivationem, phrenitidem & alia, frequenter notabantur pandiculationes, sternutationes, stridor dentium, angina, vellicationes labiorum & narium. Ex his stridor dentium motibus convulsivis accensendus, periculosus, non tamen omnibus æquè lethalis erat. Sed periculosior angina, ipsi etiam *Avicennæ* loco citato dudum suspecta, à variolis fauces & pectora obsidentibus, tam deglutationem, quàm respirationem ipsam inhibentibus, sæpe sæpius omnimodam quasi suffocationem inferentibus. Ut hinc rectè *Lompius*, in *observationibus Medicalibus* pag. m. 295. *Quisquis huic malo succumbit fere, tanquam ex anginâ*

præfocatus moritur. Ingenuè fateor me huic malo, postquam radices egerat, hætenus nondum inderi potuisse, quanquam à phrenitide, diarrhœâ pluribusque phænomenis [à scriptoribus, pro perniciosis habitis] vexatos, feliciter cum DEO libera verim. Id tamen silentio non prætereundum, me certè habere persuasum, posse tale symptoma potu calido præcaveri: Cum neminem decocta, vel alium potum calidum, nec non juscula avenacea &c. absorbentem, licet linguam & fauces copiosæ variolæ obsiderent, angina correptum vel mortuum fuisse meminerim. Neque assiduæ vellicationes labiorum, & narium, ab ἀπρωσία διαόιας, perinde ut floccorum compilatio in adultis, febribus malignis lethaliter decumbentibus deducendæ, periculo vacabant.

§. 29. Revalescentibus præter moderatum caloris regimen & victum tenuem, pulveres bezoardicos Sennerti, Wedelii, epilepticum Marchionis, vel ex antimonio diaphoretico, Corn. Cerv. philosophicè calcinato, unicornu vero philosophico, perlis, coralliis, conchiis præparatis, nitro anodyno pulv. anod. cordiali, camphorâ, lapide bezoar orientali, occidentali, conflatos, magis quam volatilia spirituosâ &c. proficua fuisse vidi. Præprimis à follo dicti lapidis Bezoar Orientalis usu plurimos sine præsentia Medici ex voto à Variolis liberatos fuisse multoties observavi. Incredibile profecto dictû, quàm cito & quàm bene ab usu lapidis hujus omnia symptomata, convulsiones, anxietates & alii eruptionis prodromi conquieverint,

rint, ipsis variolis egregio ægotantium cum levamine erumpentibus. Hinc non possum non mirari eos, qui pretiosum hunc lapidem, quem factitium putant, infra dignitatem nativorum verbi gratia lapidum cancrorum, concharum, vel aliorum de-jicere frustra laborant. Refragantibus quotidianis experimentis, & Medicorum principum testimoniis. Quorum plures ut jam non laudem, ipsum equidem Perillustrem atque Magnificum Dominum Illmerum de & in Wartemberg, Consiliarium & Archiatrum Cæsareum & Regium &c. lapidem bezoar orientalem magni æstimare, atque agonizantibus & alterum pedem velut in tumultu habentibus, tanquam ultimum remedium non absque pereximio successu cum aliis exhibendum suadere ex *Decurria* III. Ann. I. *Observat.* LXVIII. *Ephemerid. German.* pluribus elucescit. Præterea decoctum euporiston ex Corn. Cerv. raspat. glycyrrhiza, scorzoner. passulis min. hordeo, lentibus, nec non Emulsiones & potiones bezoardicas cordiales, vel expellentibus, vel temperantibus pro re nata variatas, instillatis tenui potui Mixturis ex Tinc. papav. rhoead. non acidulata, clyffo antimon. sulphurat. spiritu nitri dulci &c. multum profuisse notavi. Neque balsamica & bezoardica media, verbi causa Tinctura prophylactica m. d. [quam præservandi fine, tam in Hafniensibus anno 1689. quam nostratibus utilem deprehendi] eff. myrrh. balsam. Mixt. Simpl. successu carebant.

§. 30. Nonnulli denique, postquam à malignitate Variolarum prorsus liberati quidem videbantur, vel à

materia morbificâ non penitus eliminata, vel ab aëris injuriis, vel diætâ neglecta, vel alia causa procatarctica nescio qua levissima, periculosis, imo lethalibus affectibus aliis denuo corripiebantur. Quod licet nonnullis prædicebatur; tantum tamen aberat, ut haberetur fides, donec propriis exemplis confirmarent *Hippocratis lib. 2. aphorism. 12. Morborum reliquias, quæ à crisi supersunt, recidivos morbos parere.* Plurimos hoc pacto tussis contumacissima, vomitu quandoque commitata vexabat, febre lenta simul affictos, qui multis pectoralibus, diluentibus, humectantibus, nervinis, balsamicis & laxativis curari vix poterant. Aliis abdomen intumescibat, facie inflata, infra caput macie conspicua, quasi rachitide laborantibus. Taceo tumorem pedum, scabiem tam siccam quàm humidam, tineam variaque ulcera, quibus affligebantur alii. Quorum quidem plurimis siquidem vires mediocres suppetebant, Laxativa iterata, ex resinâ gialappæ cum spiritu appropriato decenter solutâ, cinnabari nativa, antimonio diaphoretico, confect. al-kermes syrup. rosar. vel violar. &c. & Balnea ex herbis fiderit. conyz. tabac. saponar. organ. serpill. flor. chamæm. ocul. popul. &c. instar anchoræ sacre subveniebant. Reliquos tabes sensim consumebat.

§. 31. Cæterum nec tempore hyemali imminente cessantem Variolarum luem, sed satis licenter vagantem, ne limites epistolaris Dissertationis digrediar, alia occasione plenius delineandam reservo.

§. 32. Has verò Observatio-

nes ad Te deferre persuasit, tam non obscura tua in me benevolentia, quàm peracre tuum in his iudicium. Demonstrasti enim te tritas habere manus notandis ejusmodi observationibus & consuetudine legendi. Singularem verò tuam benevolentiam nisi exoscularer, ferreus essem, dum tot Illustribus atque Excellentissimis Viris in Cæsareo-Leopoldina Naturæ Curiosorum Academia me quoque Collegam forte indignum adscribere non dedignatus. Stabat quidem sententia Cydoniologiam ad normam & formam Academiæ nostræ tractatam publicæ luci nunc exponere; Enim vero postquam Excellentissimum D. D. Georg. Sebast. Jungium,

Aulæ Cæsareæ Medicum, Tractatum de Cydoniis Viennæ impressum [nuspiam à me visum] conscripsisse, honoratissimæ Tuæ literæ d. 9. Decembris anni proximè finiti ad me datæ pluribus dixere, mentem mutavi, ipsasque schedulas, in quibus hujus pomi Virtutes & usus sanè insignes rudi quasi penicillo delineaveram, abjeci, ne fortassis Iliada post Homerum scribere putarer. Interim observantiæ ergo, quam Tuo nomini debeo, hoc quaecunque Praxeos clinicæ specimen gratique animi mei symbolum exhibere volui, debui, quod ut æqui bonique accipere velis est, quod summopere contendo.

Apollodorus.

*Scribebam Mulhusæ Imperialis d. 25.
Januarii, Anno Christi 1701.*

Constitutio Epidemica Tubingensis Anni 1701.

DN. D. RUDOLPHI JACOBI CAMERARII.

Quanquam de raris & epidemiis verum fortè sit illud Galeni, se observandi morbos occasionem præ Hippocrate habuisse commodiorem, cum unus Romæ vicus plures habuerit incolas, quàm integra urbs Græciæ, atque adeò ex tantis urbibus, uti & è castris, historia hujus anni epidemia plurimum sibi promittat, non tamen parva negligenda putem, sed & ex talium particularium collectione formandum aliquid universale, imò juvat nosse, quibus fati diversa loca ex diversis causis in pace aut in bello fuerint exercita, ut pateat, quid universale anni vel particulare loci fuerit. Decimus per Dei gratiam completur

annus, à quo Tubingam liberam reliquit dysenteria, quæ cum per tres annos prioris seculi octuagesimum nonum, nonagesimum, nonagesimum primum, belli injuriis aliàs graves, ab æstate in autumnum epidemiè fuisset grassata, tum more etiam epidemio requievit, ut cum interim fama publicaret ipecacoannam novum antidysentericum, eo hætenus opus nobis non fuerit, nec experimentis ejus laudes comprobatæ; quibus tamen multum derogat, si verum, quod in novellis legi, pro Gallorum exercitu aliud novum remedium antidysentericum in Italiam fuisse mittendum. Nostram pacem sive illas inducias

ducias rupit nupera æstas, & alvi fluxus noviter urbi intulit. Quam prior illa æstas, quæ ante decennium finem dysenterię tulit, sicco calore prævaluit duas præcedaneas, tam ultima hæc nupera omnes hætenus intermedias; quanquam illa nonagesimi tertii æstas, dysenterię apud nos non ferax, æstuosæ siccitatis testimonium habuerit in bonitate sui vini & frumenti. Recordor quoque anni nonagesimi noni, quod mense Junio satis etiam calido & sicco, diarrhœas quasdam concitarit, & metum mali gravius invalituri jam tum incusserit, sed in herbâ velut suffocatum malum brevi evanuit, quanquam & illa æstas tulerit vinum & frumentum bonum, calidæ temperiei fructus. Quæ itaque & qualis fuerit labentis hujus anni æstas, notoria quidem, determinanda tamen: Primò enim frigida veris constitutio, diu nimis durans, & ad finem usque Aprilis se extendens, nec Majus sivit incallescere, sub inconstante adhuc aëre, nisi versus finem; abhinc autem invaluit æstuosa temperies, an potius intemperies, audiebantur passim tristes novellæ de calamitatibus gravissimarum tempestatum, quæ per DEI gratiam super capita nostra transierunt ferè innoxia; raræ parcæque pluviae siccitatem contemperare non valebant, usque dum finis Augusti aliquale frigus ferret, novam autem denuò subsequam æstatem terminaret pruinosus sub finem September, prævalente hætenus siccitate. Astra qui volet, his applicabit & determinabit ex ephemeridibus. Respondit istis, post tardam utique germinationem, contra

spem bona & messis & vindemia, etenim uvas ab immaturâ putredine, quam minabantur plurimum acinorum hospites vermiculi, quò minus latius serperet, cohibuit illa siccitas: Poma autem & pyra verminosa pleraque præcociter ceciderant, nec diu asservari potuerunt, in putredinem nimis proclivia, ne de fagorum foliis, gallarum extraordinariâ copiâ obfritis, de brassicâ ab erucis depastâ, &c. dicam. Prius verò & ex vicino quodam vaccarum grege (salvo nostro) hydrops pectoris multas abstulerat, & anserum juniorum strages aliquibus locis tanta fuerat, ut præ foetore sepeliri debuerint. Hæc igitur æstas iterum inter nos alvum fluere fecit; primi qui laborare cœperunt, erant infantes, mense statim Junio, plures sequenti Julio, quo etiam adultos (non tamen ex illis diætæ erroribus famosos) invasit diarrhœa quædam torminosa, acuta, imò cum vomitibus spasmoque surarum, cholera. Tandem rari in urbe dysenterię, non ita malignæ, casus, frequentiores ex pagis aliisque locis audiebantur, nec tamen ullus illorum fluxuum, uti quidem minitari videbantur, nimis apud nos invaluit, nec stragem edidit, non desideratis nisi paucis infantibus: Insuper autumnò in totum sat cito hîc loci omnis lues requievit. Meæ tum curæ concreditur succurri, præter usum pulverum pannonici, antimonii diaphoretici, gelatinæ cornu cervi siccæ, feminis plantaginis, in congruis vehiculis, methodo imprimis Mortonianâ, succellum secundante Deo, jungens corticem peruvianum cum electuario diascordio

per syrupos in bolos, vel ejus extractum cum nostro bezoardico aut theriacâ cœlesti in pilulas formando. Ultra illos alvi fluxus nil epidemii tulit æstas, nisi quòd eodem tempore puerorum genæ communiter intumuerint, auditi quoque fuerint catarrhi æstivi, sive tussès plerunque siccæ, quibus addi possunt tres fluidiosi unius collegii, quorum unus

hæmorrhagiâ narium enormi, alter hæmoptoe largâ, tertius vomitu cruento subidem tempus laborarunt. Hæc est nostra æstivi fluxûs historia, quam propterea notare volui, ut conferri possit cum aliis, utpote spe fretus, fore vel tandem clariorem causam, cur non omnibus, sed certis annis fiant talium epidemiorum recursus?

Ejusdem Schediasma ad Historiam Epidemicam Anni 1702.

QUANDOQUIDEM adhuc super nos manet DEI benignitas, quam prioribus annis deprædicavi, quod pristinam epidemiorum morborum malitiam Tubingæ gravem represserit, nec sinat huc usque iterum invalescere, idcirco historiæ illorum pro hoc anno per modum appendicis tria solum breviter subjungam, quæ notari poterant.

Ante omnia inconstantia & anomaliam, quæ per ultimam hyemem, uti & per duas priores fuit, non satis videntur respondere morborum effectus; Major illa fuit, & omnino talis, ut sub eâ sanitatem mortaliū adeò benè sibi potuissè constare, sæpè admirationem moverit, dum pauci utique per urbem illo tempore ægrotarent, & malignorum epidemia planè exularet, eorum autem morborum, qui quadranti anni sunt congrui, nec magnus numerus, nec extraordinaria esset ferocia: Hoc est paradoxum, quod vexare possit & soleat practicos, sævire luem eandem sub diverso aère, & filere ipsam sub tali, quem morbiferum accusaveras.

Quia verò morborum effectus non

statim ipso mense vel quadrante erumpere, sed sequenti demùm succedere perhibentur, huc proin referri poterit, quod secundo notari mereatur, scilicet utut interdum propriè epidemicum in urbe nihil sit, sed sporadicè multi ægrotent, certo tamen tempore plures ægros abripi, quàm alio, per morbos diversos & dispersos: Tale fuit tempus vernum hujus anni sub finem Aprilis & principium Maii, quò personæ diu infirmæ, senes, viduæ, infantes, plures quàm aliàs fuerunt abreptæ: Quomodo singulorum ita fata concurrant, vel in quantum debilitas eorum non ferendo conveniat, facilius est determinatu in thesi, quàm hypothesi.

Tertiò, quæ de fluxibus alvi mediocritatem adhuc servantibus per æstatem ad annum præteritum notavi, huc repeti possunt pro hoc anno; nam pariter cum æstate redeuntes non invaluerunt ultra gradum pristinum. Illud modò addam, aliundè ad nos advectum fuisse quid mali gravioris. Inter reduces ex castris ad Landavium, qui febre tertianâ & diarrhœâ laborarunt, unus ex civibus sub finem obsidionis, ibi & Philipsburgi non

non nisi per diem unum & alterum commoratus, vix domum attigerat post medium Septembris, cum dysenteria deiceretur atroci. Hæc uti per contagium hausta fuisse videtur, quia non tam errores in diætâ commissos novit, quàm conceptum inter infectos horrorem ipse accusat, ita domi etiam se diffundit ad plures, observans quidem fatalem illum morem, quo certæ solùm personæ solent corripì, salvis aliis: Nam conjux omnium fordium injuriis exposita mansit intacta, conjugis autem soror ipso die septimo, à decubitu viri completo dejecta fuit, & die sequente filiolus trimulus sedes torminosè cruentas frequentare cœpit; evasit tamen illa triga feliciter, & perstitit hanc intra domum lues. Multo autem gravior fuit hujus viri dysenteria peregrè allata, quàm ulla per urbem spontè oborta, non solùm duratione in tertiam septimanam & dejectionum nimis citatâ frequentiâ, sed & excreti diu sinceri cruoris, dein non muci verum flavo-viridis liquaminis, copiâ perquàm magnâ, stipata etiam symptomatum molestissimâ vehementiâ, præter oppressionem præcordialem, tormina, tenesmum, inprimis, dysuriâ, & tantum non jugi singultu, de quibus ultra decem dies, & præ reliquis majores audiebantur ægri querelæ. Cùm die sextò, quò demùm, post tentata domi varia, consuli cœptum, ut & diebus sequentibus nullæ distingui possent remissionum & exacerbationum vicissitudines, & urina omnis rubedinis experta, flava & clara, sed turbata admodum facilis, offerretur, paucis, cùm non tam febris (nec aph-

thæ unquam nec deliria supervenerunt) quàm fluxus & vires urgere viderentur, æger item à meridie per vesperam fuitas ana duas corticis peruviani & electuarii diascordii drachmas, ut ingratam sibi formulam, porrò nausearet, inde purioris cruoris copiam citari prætendens: Itaque pro nocte primùm modicam narcotici dosin extractis corticis, tormentillæ & bezoardico addere consultum videbatur, & ob bonum effectum continuare alternatim tales pilulas & emulsiones ex semine papaveris albi, plantaginis, amygdalorum, in congruo vehiculo, edulcoratas cum absorbentibus & pulvere anodino, semper ita dosi nocturnæ reservando vim opiatum: Per dies verò suis horis dabantur quater scrupuli pulveris ex unicornu fossili, coralliis, semine plantaginis, priapo cervi, dente hippopotami, pannonico, itidem in consimili vehiculo; Quibus tandem accesserunt datæ subin guttæ balsami peruviani, cum cochleari syruporum papaveris erratici, rosarum rubrarum, symphyti, & electuarium temperatum cordiale stomachicum. Dubia movit potus, cùm ab aquâ cieri alvum, à vino æstum prætenderet æger; Videbatur ergò medium tenendum, concessio modico vino vetere pro pastu, etiam ob languorem & anorexiam perparco, extra id tempus præscripto decocto ex rasurâ cornu cervi, massiche, & cinnamomo: Serum lactis commendatum nescio cur citò nauseavit æger, multum autem gelatinæ cornu cervi hausit solutæ in vario vehiculo calido. Externa scrobiculo cordis, sedi, membro, ro-

bo.

boris & liniimenti ergò admota, & cætera, prolixius recensere opus non fuerit. Illud addendum, dysenteriam foeminæ cruore multo, magnis torminibus, ad usque deliquia, non impediisse tamen, quò minus die quarto, flatu utique tempore, venirent menses, & durarent aliquandiu, citius tamen finiti, quibus etiam id dandum videbatur, ut interim parcius insisteretur usui ischæmorum.

Quam in Ephemeridibus Meteorologicis Tubingensibus olim exhibui Tabulam motuum mercurialium per triennium, eam ulterius ad præsens tempus continuatam, perque annos adeò plusquam octodecim extensam, quia brevis est, publicè hîc propono, dum ephemerides ipsæ tot annorum domi latent prolixiores. Observationes quidem circa Experimentum Torricellianum fuerunt inscriptæ alicubi difficiles Nugæ; habuerunt tamen suos vindices. Transeat, aut maneat liberum, quorumcunque iudicium: meam ego tabulam illis modò destinavi, qui nihil temerè prætermittentes etiam Perpetuo tali Mobili delectantur, utuntur. Horum non modò Curiositas cum propriis conferre alienas amabit observationes, verùm etiam sagacitas per earum sylvam venabitur prædam aut scrutabitur vias, quas in Meteorologiâ non minus ac in Epidemiâ occulit Natura. Ne asymbolos ipse sim, excerpam unum alterumque casum, cui applicari possint, quæ in tabulâ exhibentur stationes: Si prius monuero, sermonem adhuc esse de uno eodemque Barometro illo simplici, cui scalam admotam fuisset

olim monui minutorum decem, quallium palmo Romano dat P. Lana; Illam hâc vice subdivisi in gradus viginti, ut evitarem numerorum fractiones. Sic omnium suprema statio & altitudo mercurii designatur per semiminuta 20. medium scilicet 10. imum 0.

Horum sive decem palmi minutorum sive viginti scilicet graduum varietate absolvuntur motus mercurii intra tubum, quibus extrâ respondent motus aëris tanti & tales, ac per hos annos contigisse meminimus magnâ copiâ & differentiâ. Variant anni, interdum nec ad summum nec ad imum scilicet deducunt mercurium, variant menses, interdum diu quasi in eodem tenent ipsum, sub exiguâ motuum differentiâ; aliàs intra paucos dies fit lapsus à summo ad imum, aut ascensus ab hoc ad illud. Itaque si cui libuerit comparare annos annorumque partes inter se, habebit, in quo se exerceat: occurret autem ipsi communius hyeme gradus supremus, interdum quoque autumno, rarius primo vere, nunquam æstate. Quibus autem mensibus supremus, iisdem quoque infimus: sic æstivis neuter. Adeoque differentia illa motuum maximam decem, novem minutorum est hyberna: autumnalis nunquam minor quinque minutis, sæpe fuit major: His æstiva nunquam major, sæpè minor. Dantur autem menses omnium anni partium, quibus non nisi trium min. est differentia: uti dantur interdum dies, quibus quasi suorum motuum dememinisse videtur mercurius, hærens diu in eodem.

Sed ad ea, quæ promisi, specialia.

lia. *Diluvium tempestuosum* anno 1702. d. 13. Jul. de quo in ENC. 3. 7. 137. non fuit cum illâ mensis statione humili, quam exhibet tabula, sed cum medio scalæ: Præcesserat descensus non nisi per gradum unum; planè non pro ratione talis ac tantæ exonerationis, tam venientis quàm fientis & factæ. Belli fluctus, quorum omen illud tunc metuebatur, irruerunt utique nimis heu graves, transierunt tamen DEI gratiâ; quæ vel tandem plenè ipsos compefcat! Nondum quippe cessant. Nam nupero demum Augusto hujus anni 1710. noviter fuit præceps vallium nostrarum inundatio; iterum non cum humilitate, quanta solet esse cum talibus exonerationibus aëris hybernis, sed cum gradu modò scalæ sexto.

Ominosum quoque inter alia nimis multa tristitia signa videbatur *fulmen extraordinarium*, cum nocte præcisè mediâ inter ultimum Decembris An. 1702. & primum Januarii An. 1703. ad sonum ferè duodecimæ graviter detonaret vetus, aut intonaret novus annus: Utique tristis recordationis. Tulerat serus & ultimus vesper lapsum ad imum illud scalæ, quod in tabulâ, sub austrino, laxo & humido aëre. Mansit diu tunc humilis mercurius, imò quod non aliàs factum, descendit adhuc infra illum scalæ imum: Ut non nisi illâ vice differentia motuum fieret major decem minutis. Citò enim, ejusdem quippe Januarii sub finem, conspicuus iterum fuit in altiore gradu illo, quem tabula exhibet. Nescio, num ad causas vel signa fatorum talium spectet, quod

Tom. II.

singulare tunc videbatur spectaculum: Mars accedens ad vicinos Saturnum & Jovem; hoc subinnuisse modò sufficiat.

Anno 1705. ad gradum scalæ, quem tabula offert, sextum cecidit Majo mense *intempestiva nix*; nobis quidem pluvia, vicinis autem Alpibus utique nix copiosa. Scribebatur tunc ex provinciis Germaniæ septentrionalioribus, gravem pati arbores calamitatem, præ nivis mole avulsos vel grandes tiliarum ramos: Ad Alpes nostras multâ nive tectæ & pressæ segetes & vinearum frondes, manserunt tamen in salvo, post paucos dies resurgebant & lætè virebant; retardata modò, non uti aliàs à pruinis, læsa fuit germinatio. Successit brevi, sc. nivi diei 25. aliud die 29. meteorum, cum jam supremam mensis stationem occupasset mercurius, sub aëre nondum quieto, dejiciebat enim granedulæ copiam, Apriliformis.

Ex An. 1706. *Eclipsis Solis* memorabilis fuit neque cum supremâ neque cum infima Maii mensis statione, sed cum mediâ: Et quod sub Eclipsi solari partiali, magnâ tamen, An. 1699. in ENC. 3. 7. 88. annotavi, de barometri nullâ prorsus factâ mutatione, per omne illud obscurationis tempus, idem sub Totali nobis & Annulari pariter omninò se habuit. Stetit mercurius obscuro illo tempore, quasi crepusculo, fixus, planè invariatus, ne pili latitudine vel demissus vel elevatus, utut thermometri fide aër benè refrigeraretur. Vesperi autem comparuit per quartam minuti partem humilior: Tunc nubes pomeridianas

Ff

qui-

quidem diffilarat eurus, sequens mane tamen tulit pluviam; & ferus vesper signum gratiæ, Iridem, cum altior jam ac ante eclipsin esset mercurius.

Annorum 1707. & 1708. *hyemes austrinæ* non tulerunt consuetam altitudinem. Januarius 1708. vernus potius, quam hybernus; quo in pratis colchicum, mezereon in silvis flourerunt. Et insolita tamen illius temporis lenitas & temperies docente thermometro fuisset nobis per æstatem summa rigiditas. Nunquam illo mense altus mercurius, vix semel, nec diu, venit ac stetit ultra scalæ medium, plerumque multum infra ipsum. Cum in imo hæreret per decimum & sequentes dies, mirum non fuit cum aëre turbulento, sed satis quieto, grato, apud nos, post nebulam aut flavedinem vel rubedinem matutinam, tunc frequentem, non pluviosus, sed vel serenus vel nubibus Solisque radiis alternans. Alibi forsan se exoneravit. Die illius Januarii 20. & seqq. cum perturbaret aërem ventorum vis, & ferret fulgura, irides, pluvias, mercurius quidem descenderat, sed non eo usque. Interim passim quoque scribitur aliundè, visa meteora varia; facta diluvia, delapsos ignes, &c. Communiter autem, ex Septentrione, esse potius ver, quam hyemem. Prægressus December 1707. fuerat non minus & aëris & mercurii motu Apriliformis; differentiam suam quatuor minutorum absolvens, vel viginti quatuor horarum spatio, à nive ad ejus solutionem: Nec ad imum nec ad summum scalæ, ut alias hyeme solet, unquam pertigit.

Anno 1709. Januarii *hyems sine pari*, sive gelu extraordinariè longum & magnum, non obstitit, quò minus caderet mercurius, scilicet ad venturam opportunè nivem, tegmentum segeti. Certè per diem duodecimum & tres sequentes benè humilis, etiam post nivem adhuc, sub aëre sereno, constanter gelido: Atqui mediâ æstate communiter illa statio solet esse tempestuosa. Non nisi uno minuto humilior stetit die quinto, ante gelu illud, qui tamen fuerat toto cœlo diversus, scilicet austrinus, laxus, pluvius, quem rigor venti nocturnus strinxit & mutavit in planè alium; tunc enim nix & gelu hyemis illius acerrimæ principium. Hinc decimo sexto motus per scalam sursum, nondum tamen ad summum: quò pertigit demum die decimo nono serenato post nebulas constanter aëre. Tales tunc dies quatuor, inter quos unus ex frigidissimis totius mensis, & per quos tamen descensus duorum minutorum. Cum verò intra breve tempus per tria minuta fieret ulterior lapsus ad scalæ medium, tunc alia venit nix, & comparuit ad vesperam pruina murorum; Hinc molestissimi rigoris, vel tandem aliqua relaxatio. Fuit, siquidem Astrologos audire lubet, prævia laxitas austrina sub oppositione Martis & Solis. Superveniens oppositio Saturni & Mercurii dedit principium hyemis per stringentem euroboream. Finem fecit oppositio Saturni & Veneris cum PL. & aliis ad diem Pauli. Supremam interim mensis stationem & inclementiam fuisse non sub istis, sed sub quadrato Jovis & Solis, mirum fortè cuipiam videri posset.

Sic utique visum quondam fuit *M. Slutero*, occupato in dextrâ applicatione principiorum *W. Cokii* ad constitutionem meteorologicam anni 1695. ubi tractat inter benè multa notatu digna quæstionem : cur calefaciens alias quadratum Jovis & Solis die sexto Decembris forte gelu tulerit ? Transeat hîc examen rationum, hoc solum addam : Ante seculum *Helis. Roeslinum* in d. navig. Septentr. [laudato Belgis libello] de hoc paradoxo jam monuisse Astrologos. Scilicet hybernum gelu à Saturni configuratione cum aliquo planeta fuisse mitigatum. Contrà, Solem, Jovem, Martem, Mercurium tunc configuratos frigus intendisse. Exemplis annorum 1608. 1609. Quo ipso simul innuitur alterum Sluteri dubium, quòd scilicet conjunctio Saturni & Solis uno anno liquationem, altero gelu tulerit. Ete-

nim d. 18. Dec. 94. sub illa intensum frigus : anno 95. d. 8. Jan. sub conjunctione Martis & Solis liquatio, ad imum scalæ : d. 13. Jan. post conjunctionem Saturni & Mercurii gelu fuit, ad supremam mensis stationem; Et ad analogiam cum aspectibus & meteoris Jan. anno 1709. Cæterum, priores illæ hyemes austrinæ uti videbantur fovere Pestem Polonicam, ita succedens borealis eandem sperabatur extinctura : Et erat utique silentium aliquandiu : verum enim verò tristitia porrò leguntur in novellis publicis. Opponam adhuc illi gelu, æstum, quem sustinuimus per dies Julii anno 1707. quatuor, scilicet d. 19. 20. 21. 22. insolitum ; non tamen cum humili mercurio, nec cum magna motuum differentia, sed à supremô hujus mensis, & communiter æstatis gradu, à nebula per serenitatem extremè calidam ad tempestatem

Ff 2

noc-

T A B U L A
Motuum Mercurialium.

| | 1691 | 1692 | 1693 | 1694 | 1695 | 1696 | 1697 | 1698 | 1699 |
|------------|------|------|-------|-------|-------|------|------|------|------|
| Januarius | — | 20 2 | 20 10 | 19 6 | 16 1 | 20 4 | 18 4 | 14 0 | 20 0 |
| Februarius | — | 14 1 | 19 4 | 19 10 | 18 4 | 18 4 | 16 0 | 16 6 | 16 4 |
| Martius | — | 15 2 | 14 2 | 15 5 | 14 4 | 14 0 | 18 0 | 16 8 | 17 0 |
| Aprilis | — | 14 2 | 12 6 | 15 6 | 10 3 | 14 5 | 14 5 | 12 4 | 14 0 |
| Majus | — | 13 4 | 12 4 | 12 5 | 13 4 | 16 7 | 14 8 | 14 6 | 14 5 |
| Junius | — | 12 5 | 13 6 | 13 8 | 16 6 | 15 5 | 14 4 | 15 8 | 16 4 |
| Julius | 13 7 | 13 5 | 13 8 | 14 7 | 13 8 | 14 6 | 14 7 | 14 8 | 14 6 |
| Augustus | 14 9 | 13 6 | 13 6 | 12 7 | 16 6 | 16 8 | 16 5 | 14 6 | 15 8 |
| September | 16 8 | 16 6 | 15 4 | 15 4 | 12 4 | 17 1 | 14 4 | 14 6 | 16 6 |
| October | 16 9 | 15 6 | 17 4 | 16 0 | 19 6 | 14 4 | 18 5 | 10 0 | 16 5 |
| November | 15 0 | 14 4 | 15 4 | 14 0 | 16 11 | 10 0 | 16 0 | 15 3 | 20 0 |
| December | 18 7 | 20 2 | 18 0 | 19 5 | 14 2 | 18 4 | 14 8 | 18 2 | 20 0 |

nocturnam, sensim facto descensu non nisi per quatuor gradus, nec infra scalæ medium. Interim, qui primo die aspirarat adhuc aër lenis, dispellens nubeculas (quæ quidem solent esse gratia *Etesiarum*, sive euroboreæ & euri, pomeridianum aërem temperantium) emanebat prorsus, ne auræ quidem appulsus sentiebatur, urgebat autem calor, quantum thermometri testimonio ab illo tempore nullus annorum sequentium tulit. Hæc, ut dixi ad tempestatem; cui cum succederent posteriores binis diebus sequentibus, & obtineret insignis temperati jam, imò refrigerati, aëris inconstantia, tunc quod ficcus calor non potuit, procuravit laxa humiditas, scilicet descensum ulteriorem, ut differentia tamen stationum sub tam diverso aëre fieret octo tantum graduum. Si cui libeat recurrere ad Ephemerides illius temporis astro-

logicas, inveniet Jovem apud Martem, & aspectus forsitan pro etesiis quoque & subsequa inconstantia.

Cum reviderem Tabulam, ostendi, quod æstate rarum, *scalæ imum* ipso *Julio* anni 1703. Itaque recurrens ad Ephemerides, deprehendo lapsum per quatuor minuta factum intra 24. horas, & mox reascesum intra horas non plures, per quinque minuta, die mensis sexto, sub aëre non calido, cum pluviae copia ventique impetu: Flabat ille ex plaga à meridie ad occasum, versus quam nobis situs est *Lacus Podamicus*. Atqui hic ipse tum dicebatur intumuisse ultra modum; An perturbatus appulsu hostis viciniae graviter minacis?

Video etiam, quod vix alias factum, *Decembri* non stetisse humilem mercurium, sed tenuisse octavum scalæ gradum anno eodem 1703. Inspicienti autem ephemerides occurrit

five

Stationes Barometri supremæ & infimæ.

| 1700 | 1701 | 1702 | 1703 | 1704 | 1705 | 1706 | 1707 | 1708 | 1709 | 1710 |
|------|-------|------|------|------|------|-------|------|------|------|------|
| 20 0 | 14 2 | 18 0 | 18 0 | 16 0 | 18 6 | 16 10 | 16 8 | 12 0 | 18 2 | 16 0 |
| 14 2 | 16 2 | 20 0 | 10 2 | 18 2 | 19 0 | 16 4 | 14 8 | 16 2 | 16 2 | 16 8 |
| 18 6 | 12 0 | 16 4 | 16 6 | 12 2 | 18 0 | 16 6 | 16 6 | 12 2 | 14 4 | 14 0 |
| 16 2 | 14 4 | — | 14 2 | 14 4 | 16 2 | 14 4 | 14 0 | 12 2 | 14 4 | 14 2 |
| 14 5 | 14 6 | — | 14 4 | 12 5 | 14 6 | 14 6 | 12 6 | 14 4 | 12 4 | 16 6 |
| 14 4 | 16 8 | 11 6 | 14 6 | 14 4 | 14 4 | 14 6 | 14 6 | 12 4 | 14 6 | 14 8 |
| 16 8 | 14 4 | 12 6 | 14 0 | 14 6 | 14 7 | 14 8 | 14 6 | 14 6 | 14 6 | 14 6 |
| 14 8 | 16 6 | 14 4 | 12 6 | 14 8 | 14 6 | 14 8 | 12 2 | 14 6 | 14 8 | 14 6 |
| 14 8 | 16 12 | 14 4 | 14 2 | 13 2 | 16 2 | 16 4 | 14 4 | 14 4 | 16 6 | 16 6 |
| 14 5 | 18 6 | 16 0 | 14 2 | 18 6 | 14 4 | 14 6 | 14 0 | 14 4 | 16 2 | — |
| 20 0 | 18 2 | 16 0 | 18 4 | 16 2 | 16 6 | 14 0 | 18 4 | 18 4 | 18 6 | — |
| 19 6 | 16 6 | 16 0 | 19 8 | 18 2 | 14 0 | 18 0 | 12 4 | 14 2 | 18 0 | — |

rit illa statio die Decembris octavo nubilo, inconstanti, ventoso, *tempestas* horrenda cum fulg. ton. vi venti insolitâ, vix sine terræ motu fuisse credita, quæ in *Angliâ*, *Belgio*, & *ad mare Balticum* valdè sæviit, & ruinam multis intentavit vel intulit, scribebatur tunc nocte inter 7. & 8. Dec. incepisse ex SVV. & durasse ad meridiem octavi; qui turbulentus, ut dictum, apud nos, non tamen tempestuosus, transiit de cætero sine damnis. Cur sub tali aëre non humilior mercurius? An medius inter oppositiones & post conjunctiones trigonus id non permisit? [Illa verò videsis apud Astronomos] Certè à NL. tunc ecliptico properavit ad supremam, quæ in tabulâ ibi stationem intra triduum.

Denique finem his imposituro ad manus venit *la connoissance des temps*, quam Gallica scientiarum

Academia publicari facit, ubi de anno 1708. scribitur, supremam per ipsum elevationem mercurii fuisse observatam d. 17. *Novembr.* 28. poll. 1. lin. $\frac{1}{8}$: *Infimam* d. 10. *Januarii* 26. poll. 9. lin. $\frac{1}{2}$. Hæc planè conveniunt cum observationibus meis: Etenim scalæ meæ gradus decimus octavus, qui in tabulâ ad annum 1708. *Novembri* respondet, etiam non fuit per hunc annum, nisi mane istius diei 17. quo longam nebulam excepit serenitas: Frigidum utique fuit illud mane, minus tamen, quàm sequens, quod habuit mercurium tribus jam gradibus inferiorem. Alterum huic oppositum, ex *Januario* ejusdem anni, est illud ipsum scalæ imum, de quo suprà, ad hyemem austrinam, quod mirabar fuisse sine aëris turbulentiâ. In quo itaque subsisto: Ad occasionem quamcunque aliam reservans plura.

De frigore hyemali Anni MDCCIX.

F Rigoris vehementia, quæ Anni 1709. principium memorabile reddidit, digna est habita, quæ Curiosorum considerationem eruditam subeat, quos inter præcipuè Exc. D. Joh. Guilielmus Bajerus, in Ill. Norricorum Universitate Altdorfina Professor publicus, in dissertatione d. 15. Februarii edita causam ejus exposuit; & celeberrimus D. Bernardinus Ramazzinus in Antenoreo Lyceo pri-

marius practicæ Medicinæ Professor in Oratione die 13. Maii anni prædicti publicè habita, præter causas; in effectus etiam morbiferos algidissimæ hujus constitutionis inquirere voluit. Horum itaque propria verba Lectoris in gratiam, cum paucorum in manus Opuscula devenerint, Historiæ nostræ epidemicæ subjicere libuit.

Dn. Johannes Guilielmus Bajerus.

§. 1. **F** Rigoris illius post hominum memoriam maximi, quod mense proximo per Europam sæviit,

rationes breviter evoluturi, meritò præmittimus recensionem quorundam phænomenorum tam anteceden-

tium, quàm durante ejus vi in aëre terraque nostra observatorum, unde totius rei cognitio facile ducitur.

§. 2. Erant jam tum Decembris dies plurimi gelidi satis ac nivosi, terra frigore tam altè constricta, ut currus onustos superficie sua ferret; neque omnino solvebatur, tametsi per intervalla tepidi venti aërem agitant, & post Calendas Januarias ad Nonas usque pluvia tempestas impenderet.

§. 3. Ipso Nonarum die, cum aquis nivalibus pluviisque telluris facies undique maderet, (latente tamen adhuc subtus glacie) circa vespere demum quam maximè humidam, ventus orientalis spirare primum leniter, sed provecta nocte vehementius, cœpit; post quem sub auroram statim terra omnis nive & pruina visa est obriguisse.

§. 4. Ventum hunc, per sequens biduum & ultra cum assiduo frigoris incremento, sed diverso impetu continuatum, paulo antea Mercurii in Barometro per plures gradus ascensio subito prænunciavit, cum prius ad vespere usque diei V. Jan. multum infra mediocritatem lapsus esset.

§. 5. Thermometrorum ex adverso liquores subinde majores frigoris gradus notabant ad medium usque Januarium; quo cum ad tantam vehementiam gelu processisset, quantam in nostris regionibus vix attingere posse credebatur, circa diem XVIII. observatum esse remisisse paululum, sed non diu neque constanter: quandoquidem & per brevissima intervalla rursus crevit decrevitque, & diei XXIII. tempore matutino majorem quàm antea unquam vim in nostris

Thermoscopiis ostendit, post meridiem autem notabiliter defecit.

§. 6. Mercurius interim in Barometro alterno ascensu descensuque ventorum potius, elaterem aëris variantium, vicissitudines indicabat, quàm frigoris incrementa & decrementa; nobis quidem haud mirantibus, qui pridem noveramus, & calorem & frigus, & serenitatem & perturbationem cœli cum diverso elateris aërii statu per accidens saltem conjungi: tametsi vulgo ista qualitas aëris temperatio, Barometrorum scalaris pro regula consueverit adscribi.

§. 7. Quemadmodum igitur istas Barometri mutationes, utpote parum ad hoc negotium conferentes, sigillatim exponere supersedemus; ita nec operæ pretium fore arbitramur gradus thermometrorum hinc enumerare, qui diversi sine dubio sunt non solum in diversis machinarum generibus, (unde eodem tempore v. g. Hamburgi liquor à gr. 60. ad 86. ascendisse, Francofurti ad gr. 21. descendisse, in diariis publicis memoratur) sed diversi quoque in singulis speciebus, pro diversitate scalarum, liquorum, variaque altitudine & amplitudine vitrorum. Quare facile conjicimus, neminem ex hujusmodi recensione animo percepturum quid res sit, nisi qui vel thermometra nostra oculis usurparit, vel proximam eorum legerit descriptionem.

§. 8. Cætera licet eandem ob rationem, ex observatis Berolinensium, Francofurtensium, Dantiscanorum, Hamburgensium, Rostochiensium, Stetiniensium, aliisque, quorum copiam diaria publica fecerunt, colligi satis tutò non possit, ubi-

ubinam locorum maximè frigus dominatum fuerit, quique gradus diversis locis intercefferint; tamen hæc certa & notatu digna sunt, quod 1. [eadem nocte universam Germaniam invaserit gelu,) 2. eadem proportionem ubivis creverit decreveritque, 3. (ad supremum ubique culmen, pro climatis ratione, & ultra quam putabatur, pervenerit, 4.) calidiores Europæ in tractus, Galliam & Italiam, simili cum rigore penetrarit, quin etiam, incredibile dictu, ipsas Thermas Aquisgranenses congelarit.

§. 9. Nec præterire possum, quin memorem, frigus decrescente Lunari lumine invaluisse, & biduo ante plenilunium maximè remisisse, secus ac vulgo creditur fieri. Quin & cæterorum aspectus Planetarum tanti non erant, ut exinde talem effectum ominarentur Astrologorum regulæ: nisi dicere velis, ☿ ♄ ♀, quæ die VII. Jan. contigit, biduo antequam fieret, istam mutationem aëri intulisse. Sed nec desunt Calendario- rum artifices, qui Jovem beneficum hyemis istius præsidem declararent, & hinc Januario mensi insignem frigoris temperaturam promitterent.

§. 10. Jam verò ut ad causas eventus hujus inexpectati accedamus, è modo dictis patet facile, quàm debile, imo nullum subsidium ab Astrologia sit sperandum: Quare missis ambagibus originem memorati frigoris ducimus à vento orientali præcedente (vid. *Phæn.* III.) hujus autem occasionem ab impedito aëris nostri, per priorum dierum turbulentam tempestatem, elatere, de quo *Phæn.* II. & V. loquuntur. Etenim cum

venti tepidi humidique d. IV. V. Jan. leniter spirantes tenuiorem fecissent: aërem regionum planarum illo, qui silvosis montibus, nive & glacie rigentibus [Bohemicos intelligo Carpathiosque] imminebat, fieri non poterant, quin sublato sic aëris utriusque æquilíbrio, hic in istum gravis irrueret, advectisque secum spiculis glacialibus totum impleret. Ita verò & illi vapores, qui prius atmosphæram nostram confertim occupant, excusso calore modico simul in pruinas abierunt, & aquam in superficie telluris fluentem pariter suo attactu congelarunt. Namque ipsum terræ solum jam tunc priore à frigore jacuisse constrictum, *Phænom.* I. observavimus.

§. 11. Quid verò sic cœlo soloque juxta gravi ad consummatum frigus deerat? quidve poterat impedire, quo minus ille ventus Orientalis, æqualem per Germaniam statum aëris offendens (quod relationes publicæ docebant) eadem nocte eam totam pervaserit, & per aliquot dies continuatus, contiguo nostris tractibus aëri similem rigorem longe lateque induceret? quo facto, etiam venti australes & occidentales, alias calorem humoremque nobis adspirantes, jam non nisi vapores pruinosos dabant, & si quando aër superior modico tempore tangeretur, ille tamen solvendis his inferioribus nimium algentibus haud sufficiebat; usque dum sol, quotidie nobis sublimior factus, primo australiorum terrarum infregit rigorem, & mox inde potentiores ventos calidos ad nos transmissit.

§. 12. Equidem facile prævidemus,

mus, adductas in medium rationes non statim omnibus satis facturas cogitantibus, quod intra seculum proximum haud dubiè sæpius venti orientales supervenerint hyemi liquefcenti, (quam nos hos anno occasionem tali vento fuisse fassi sumus) nec tamen frigoris tantam sævitiam asportarint. Sed hæc objecta dimovere nos de sententia non valebunt, nisi constiterit, omnes, quæ nuper ad effectum conspirabant, causas & circumstantias, etiam alio tempore & crebrius fuisse conjunctas: ut ventus flaverit è regione solido ac diuturno frigore horrente, ut inciderit in aërem tot vaporibus refertum terramque intus jam congelatam, ut contrariis ventis non impeditus per plures dies regnaverit; & quæ huc pertinent alia. Neque verò vel nostra memoria destituitur exemplo simili: quandoquidem anno 1697. circa II.

post Epiphan. Dominic. & Januarium medium, tam subito & acri frigore tellus humida corripiebatur, eodem vento Orientali intercedente, ut parum differret à statu nupero, præterquam diuturnitate, quæ tunc minor, etiam minorem sibi peperit famam.

§. 13. Quando ea inter portentoso huic frigori è natura causas assignamus, haudquaquam exclusam volumus singularem quandam Numinis providentiam, quæ forte naturalium corporum actiones solito firmitus in istum effectum direxit, eo quidem fini, ut homines, heu nimis cito Dei obliti suisque innixi viribus, novum impotentiae suæ caperent documentum, utque armis hostilibus, per hyemem quoque non quieturis necessarias faceret inducias. Huic ergo Numini supremo omnis sapientiae, potentiae, clementiae laus & gloria sempiterna tribuatur.

Dn. D. Bernardinus Ramazzinus.

LUbet in prægressæ hyemis algidam & nivofam tempestatem, quæ frigoris vehementia atque asperitate non solum Italiam, verum universam Europam tanta hominum, ut omnium cujusque generis viventium strage malè mulctavit, philosophica & medica indagine inquirere; quòd si tam portentosi frigoris veram & germanam causam in apricum erui non dabitur, non abs re forsan neque ad sanitatis custodiam infrugiferum erit exquirere, quid mali hac proxima æstate ex hac tam malè morata constitutione timeri possit.

Nolo autem hujus hyberni frigoris, quod annum hunc nefastum fecit, &

ad multa Secula memorandum faciet, inclementiam non dicam, sed insolentiam longo verborum ambitu describere; quotus enim quisque reperiatur est tam denso corio, ac tam forti à natura temperie donatus, qui non in cute solum, sed intus quoque & intra ipsa præcordia, ubi vestalis ignis nativos lares, & focum habet, ab algidissimi aëris inspiratu noxam aliquam non perlenserit? Magna sunt quæ vidimus, majora quæ audivimus; vidimus magna flumina tam arcto, tam alto gelu adstricta, ut armentis, plaustris onustis, & ipsis quoque exercitibus transvehendis sufficerent. Vidimus ad binos & amplius men-

mensēs vim nivium immodicam ē Cœlo non tacitè , ut solet , ad instar velleris labentem , sed magno cum impetu in solum projectam , & quod magis mirere sub Æquinoctium ipsum , quod in hac Civitate prodigio par est. Vidimus in partibus Aedium interioribus , & in ipsis hypogeis fluida quæque congelari solidioribus vasis ex opere figulari disruptis , ac dum cibum capturi mensæ accumberemus , non procul à luculento igne , vidimus fumantes epulas temporis momento gelascere. At vulgaria sunt isthæc , & fidem invenient. Urbem vidimus Adriæ Reginam , cui nullum unquam nisi navigiis cum terra fuit commercium , continenti junctam , marinis aquis in marmoream duritiem solidatis , ut ad septem passuum millia ultrò citroque longo agmine commearent Viatores , Veterinarii , & annonariæ gentes cum armentis , & gregibus , ut laboranti Civitati victuales suppetias ferrent. Quàm admiranda porrò , imò quàm miseranda sunt , quæ alibi facta accepimus , velut in Gallia , Anglia , Germania , ac tota Septentrionali plaga , non solum magnis fluminibus marinum æstus pati solitis , sed Oceano ipso congelato , ut sublatis commerciis centenæ hominum chiliades in civitatibus , in agris inter frigoris rabiem , & famis morsus miserè perierint , ac ex iis , qui militiæ sacramento erant auctorati longè plures in castris hyemando , quàm in acie pugnando in Orci familiam transierint. Profecto si cujusque Regionis , Civitatis , atque Oppidi Necrologiam haberemus , in quibus eorum , qui è vita decesserint nomen-

clatura continetur , ac ratio iniri posset , quot hominum myriades duorum vel trium mensium spatio in Libitinæ censum deduxerit intolerando suo frigore funesta hæc hyems , nulla certè pestis ut ut truculenta & pernicialis , nec ea , quæ apud Historicos , & Poëtas adeò pervulgata , quæ universam Græciam depopulata est , algidissimæ hujus constitutionis pesti , si ita fas loqui , ullo pacto esset conferenda.

Ast undenam quæso tam violenti frigoris petenda est origo ? Si ab Aquilone frigoris Promocondo malum hoc venit , cur hoc Anno tam violentum , tam diuturnum , ut quotquot in viventium numero adhuc extant provectioris ætatis homines , & filicernio jam proximi , tam enorme frigus nunquam se persensisse meminerint , nec scriptorum quisquam prodigium hujusmodi literis prodiderit. Scire optatis , quam proportionem habuerit hujus anni frigus ad præcedentium octo annorum , quos in hac Civitate observare mihi datum , summum frigus ? Psicrometro teste proportionem habuit sesquialteram , hoc est ut ternarium ad binarium. Is fuit hyberni frigoris hoc anno supra cæteros excessus , qui in regnum quoque vegetabile defæviens , non solum plantas , quæ hortorum ornamenta sunt , sed quod dolendum , Oleas & Vites ad internecionem usque absumpsit. Meherclè si in hujusmodi tempora incidisset Cardanus , eam , quam de frigoris natura opinionem mordicè tenuit , dubio procul abjecisset ; non esse frigus quid re vera subsistens , sed simplicem caloris privationem , ventosque omnes plus mi-

nus calidos esse, inter suas subtilitates recensuit Vir ille, quem censoria virgula fugillans, severissimus ille Cardanomaſtyx hiſce verbis ſic eum interpellavit. *Abjice ſoleas, ac pileum, Cardane, ſuo tempore ex Alpibus Rheticis urit vos Boreas, frigidus enim, & ſiccus eſt.* Hic autem mihi haud quaquam mens eſt in frigoris naturam curioſius inquirere, neque quodnam primum ſit frigidorum, num Aqua, ut Ariſtoteles, an Terra, uti Parmenides, & num venti aërem comprimendo frigus efficiant, aut illius Vectores ſint, cujuſmodi quaſtiones Philoſophos tum veteres, tum recentiores exercuere, & adhuc exercent, ſed ſolum in votis mihi eſſet cauſam perſpectam habere, quæ hac hyeme tantum frigoris, ac tam ex improviſo exciverit. Jam præcedens brumale ſolſtitium exegiffe nos, & Annum cum ſatis placido aëris ſtatu clauſiſſe lætabamur, ut ſpes eſſet hyemis reliquum eodem tenore proceſſurum. Aſt tanto impetu naſcenti anno Janus fores aperuit, ut nobis ferale bellum indicere viſus fuerit; illicò enim, ex boreali plaga ventorum turbines bi-duo tanta vi efflarunt, ut omnibus horrore eſſent, illos acerrimo frigore comitante, & continuo nivium deſcenſu ſubſequentē. Grande igitur aliquid in hyperboreis contigiſſe credendum eſt, quod tam ſubitam in aëreo mari magno tempeſtatem excitavit? Anne magnum aliquem terræ hiatus ex improviſo apertum fuiſſe putandum eſt, unde una cum ventis algidiſſimis tanta nitroſi ſpiritus copia eruperit, quæ totam atmophæram frigorificis particulis ad ſaturita-

tem uſque opplerit. Quanta vi polleat nitrum ad ſenſum frigoris inducendum, ſatis commonſtrat experientia, dum nivi & glaciei commixtum illarum activitatem exacuit, ac in earum defectu nitri portionem in aqua diſſolvendo modum habemus, quo media æſtate vino & frigidas portiones nobis comparemus, non aliunde autem quàm è terræ ſinu tam horrendi frigoris cauſam deducendam arbitror; ad tam ſubitam enim & adeo turbulentam ventorum irruptionem locum aliquem in aërea regione intra polarem circulum fingere oporteret, in quo ſpiritus adeò furentes concluſi eſſent, & effraſto carcere ſubitò erumperent, quod tamen Poëtæ, quibus quidlibet audendi data eſt poteſtas, auſi non ſunt, qui ventorum turbam in antris terræ obſcurioribus abditam eſſe voluerunt, ac inſuper Regem illis ſtatuerē, qui imperio premeret, & laxas ſciret dare juſſus habenas. Minus porrò rationi congruum videtur cœleſtia illa corpora culpæ velle, quæ ſuo lumine & afflatu in noſtram perniciem conſpirarint. Quid novi enim in Cœlo à ſyderalis ſcientiæ peritis antea fuerat obſervatum? Num feræ Comætæ viſi ſunt aut alia hujusmodi portenta? Num planetæ in choreis ſuis agendis à præſcriptis ſibi legibus exorbitarunt, ut novis ſyziigiis & inſolitis motionibus Cœleſtem illam harmoniam perturbarint, ut poſtea propter illorum aberrationes nos plectendi eſſemus.

Sit quidem, ut aiunt, multum pollere lunare Sydus ad perfrigerandum, ad illius lumen ad nos reflexum, licet à Sole prodeat actu frigidum

gidum esse, seu ut alii putant vi magnetica calorem terræ & aëris ad se elicere sicque frigefaciendi vim habere, at forsân Luna hoc anno propius ad nos accessit. Haud sum nescius ab Astronomis, à veteribus Agricolis, à Medicis quoque peritioribus, ut olim ab Hippocrate ad prænoscentiam futuræ hyemis indolem observari solitum plejadum occasum, & ortum Arcturi, atque ut monebat Virgilius *Georg. I.*

Frigida Saturni sese quò Stella recepit?

At isthæc singulis annis observantur & adventantis hyemis signa sunt potius quàm causæ. E magnæ Parentis utero itaque monstruosum hoc frigus prodiisse, à vero non prorsus alienum videtur; Terra enim tota intus cavernosa est, & non secus ac animalium corpora suos habet ventres distinctos & magnas cavitates, in quibus non hospitantur tantummodò silentes umbræ, & segnis aër; sed varia & admiranda intercurrente spiritu exercentur opificia. Nusquam certè operosior Natura est quàm in subterraneis officinis ad generationem intenta tot pretiosorum lapidum, fossilium, mineralium, & metallorum, quæ si hominum avaritia potius quàm curiositas, & abditiora quæquæ investigandi cupido surripiat effossis terræ visceribus, non minùs natura sollicita est in illis suo tempore reponendis, & damno resarciendo. Hinc innumeri penè fontes è terræ scatebris erumpunt, non solum aquarum dulcium, sed medicatarum quoque, quales sunt ferratæ, æneæ, sulphureæ, aluminosæ, nitrosæ, aliæque omnigenæ. Cum autem bore-

alis plaga in sinu suo nitri multum recondat, quod satis norunt nitri Collectores pro tormentario pulvere conflando, qui è parietibus & locis boream respicientibus longè plus nitri obtinent quàm ab iis qui Austrum, cur suspicari non liceat in regione illa inhospita, & Solis radiis ad plures menses inaccessa, ex subito & præcipiti montis alicujus in magnas illas cavernas lapsu, ut in Apennino & Alpibus aliquando contigisse legimus, portam ingentem algidissimis ventis & nitrosæ exhalationi apertam fuisse, unde tam horrida tempestas hac hyeme ortum duxerit? In Islandia magnam cavernam esse referunt, ex qua venti frigidissimi expi-
rent, qui glaciei fragmina identidem in altum protrudant. In Hetruria penes lacum Vulsinensium ad radicem cujusdam montis Boream versus antrum extat, in cujus latere rima visitur, ex qua, æstate præcipuè, ventus efflat adeò frigidus, ut sine noxa perferri nequeat, in quo specu si vina reponantur, ad pauca temporis minuta penè gelascunt, & fructus pruinosi educuntur, magnum utique blandimentum ad exhilaranda convivia, quæ ab Indigenis illis cum Procyon surit, celebrari solent. In Peruvia duo Oppida Platam, & Potosam describit Acoſta, quæ non multum inter se distent, ac utraque in montanis locis posita, quorum unum, Potosa scilicet, temperaturam hyemis habeat, Plata verò vernali similem, cujus prodigii in calidissima regione causam in argenti fodinas referunt, & terræ spiracula, unde aura algidissima expiret. Quanto igitur longè probabilius est frigus

ab imis terræ visceribus in aërem efferrī, quàm ab æthereâ regione in hæc inferiora descendere, tam grandis Phænomeni, quod hæc hyems præ se tulit, & cui aliud simile ulla ætas non vidit, nullam aliam causam comminisci possum, quàm magnam terræ scissuram recens factam, paratum tamen me protestans ad expuendum ex animo meum hoc commentum, sicubi aliqui feliciori sorte meliora proferant. Si ergo forte ita evenit uti conjeci, tam horrendi frigoris, ac tantarum nivium descensus causam tenere mihi viderer; Nitrosa enim emanatio illa unâ cum ventis validissimis longè latèque diffusa, tam magnum algorem efficere, & vapores, aquei elementi sobolem, in aëre suspensos arripiens, iisque se consocians nivem conformare potuit, atque illi suis capillamentis sexangularem & stellatam figuram impertiri. Non adspernandam nitri portionem nivibus inesse chymica encheiresis ostendit, qua nitrum in sinu nivis delitescens educitur, & Medicus usus comprobat, dum ex aqua nivis ratione nitri in illa contenti parantur remedia in æstuosissimis febribus exhiberi solita.

Verùm dictum illud è sacris paginis mihi forsan obtrudet aliquis. *Nunquid ingressus es thesauros nivis*, tu, qui adeò fidenter modum tradis, quo in aëre conflentur nives? Ultrò fateor, non esse apud me ipsum tanti ponderis, quas produxi de nivis conformatione, & credito terræ hiatus conjecturas, ut veram & germanam tam inusitati frigoris causam è Democriti puteo hausisse me persuasum habeam; Conjectoris tamen

non prorsus improbandi munus obisse me arbitror, si in negotio tam abstruso ita fieri potuisse naturæ legibus non repugnet, nil enim amplius à rerum naturalium scrutatore in re obscura exigebat Peripateticorum Princeps. Quid ergo in quæstione tam ardua & impervia dicendum? Num ad effugium illud histrioniam exercentibus adeò familiare recurrendum, qui ubi fabulæ negotium ita implexum & involutum est, ut nodo solvendo humani ingenii acies non sit satis, pro more habent, Deum aliquem è machina in Scenam inducere? ita sanè. Ut ergo aliquid proferam, quod pro vero accipi possit, de hac tam horrida Constitutione dicam, quod magnus Hippocrates de morbis populariter grassantibus, ubi Phænomena quædam apparerent, quorum ratio in abdito esset, dicere consueverat: *ἀμα δὲ καὶ εἴ τι θεῖον ἐν εἴν ἐστι τῆσι νόσοις*, *considerandum an sit quid divinum in morbis*, illud itaque θεῖον apud Medicos tam in morbis, quàm in remediis adeò celebre hinc quoque vim habuisse censendum est, ab ipso Deo nimirum tam rigidam tempestatem fuisse excitatam, ut corruptos Seculi mores & vitia novo & inusitato poenæ genere expiaret. Neque enim in suis armamentariis iustissimum illum criminum vindicem solum ignem & fulmina habere credendum est, quæ multorum metu & paucorum periculo jaculetur in terras; in iisdem enim habet, *Glaciem, & Nives*, quæ faciunt verbum ejus. Ille est qui, ut cecinit Regius Vates, de thesauris suis ventos educit, qui temporis momento aërem non minus

nus quàm maria, in magnas tempestates agant, & palam faciant, cui serviant, cui militent. Illud sanè admirationi fuit, quod toto eo tempore, quo à sexta Januarii usque ad Æquinoctium ferè pertinacissimum perstitit frigus, nunquam hiscere ausi fuerunt australes venti, quod in hisce regionibus perrarum est, cum vel media hyeme rigidiori identidem caput efferre soleant ab ora meridionali calidiores flatus, adeò ut ex improvviso liquecant nives & regelent flumina, si quæ prius glacie erant adstricta, ut quandoque campos inundent, quasi Deus borealium ventorum ministerio plectere nos volens australes flatus intra suos lares, unde ortum habent conclusos voluerit, ne blando suo tepore inflictæ poenæ rigorem delinirent. Sic eleganter non minùs quàm ingeniosè Ovidius Jovem, qui totum mortale genus aquarum eluvione perdere statuerat, finxit reposuisse tela manibus fabricata Cyclopum, in antris autem æoliis Aquilonem aliosque ventos nebulas fugare solitos clausisse, emisisse autem Notos, Euronotos, atque Austrum pluviarum pincernam.

Utinam autem malorum hic finis fuerit, & hujusce anni felicius sit exitus, quàm fuit initium. Quàm infesta, quàm pernicialis humano generi fuerit hyemalis hæc constitutio, & quænam morborum genera invexerit, nemo est qui ignoret. Frequentissima fuere in hac Civitate, ut de aliis taceam, funera, ac nulla penè domus visa est, quæ pullam vestem non induerit. Prius quidem teneros infantes, decrepitos senes, &

valetudinarios fere omnes, mox juvenes, & robustiores viros, nec solum minutam plebem, sed non paucos quoque ex Procerum ordinibus hybèrni frigoris violentia in Libitinæ censum deduxit. Tussès, destillationes, pleuritides, peripneumoniæ, dyspnœæ, & morbi id genus dominatum obtinuerunt. Rationi autem consonum fuit, ut hujusmodi affectus populariter grassarentur; sicuti enim austrina tempestas capiti infensa est, ita Aquilonaris spiritalibus organis est maximè infesta. Possumus equidem adscititiis comis, adversus aëris injurias calvariam munire, ac bene chlamydati, & palliolati corporis extrema à frigoris rabie & morfu possumus tutari; at quomodo visceribus in pectoris cavea contentis ab aëre rigidiori prospici potest, si ab indefinente & reciprocante aëris inspiratu & expiratu vitam precariam habemus? Non est ergo quod miremur, si hæc hyems, glaciali aura per ostium patens thoracis penetralia subeunte, tam diram hominum & cujusque generis animantium cladem ediderit.

Verùm anne putandum hanc malè moratam constitutionem totam sævitiam suam explevisse, ut in nostris corporibus labem nullam reliquerit, quæ nova morborum genera hac æstate non possit arcessere? Si Coi Senis, cui futurorum mens divinatricis divini nomen ascivit, oraculum adeamus, responsa referemus, quæ non multum nobis arrideant. *De temporibus*, agebat ille, *si quidem hyems sicca & aquilonia fuerit, ver autem pluviosum & austrinum, necesse est æstate acutas febres fieri,*

lippitudines , & intestinorum difficultates. Observatione profectò dignum est , quomodo Hippocrates, Vir in prædicendo alioquin cautissimus , tam fidenter & absolutè pronunciarit , quòd si hyemem aquilonarem , Ver austrinum & pluviosum exceperit , ex necessitate subsequi debeant æstate acutæ febres , & alvi profluvia. Ast ratio sic fieri oportere satis evincit ; etenim si hyems plus æquo algida & nivosa sit , parum perspirant humana corpora , ac ea præsertim , quæ debiliora sunt , unde ferofam colluviem cumulari necesse est , eamque augescere si ver pluviosum successerit , quâ postea per æstivum calorem diffusâ & in motum concitatâ , acutæ febres & alvi fluxus oriantur necesse est. Nec quis putet Hippocratem nisi experientia prius edoctum tam grande effatum pronunciasse ; in libris enim Epidemiorum Constitutionem habet , in qua pars hyemis posterior , ut in nostra evenit , aquilonaris fuit cum magno frigore & nivibus , cui ver successit pluviosum , unde postea memorati affectus Æstate & Autumno apparuerint.

Ver equidem , quod modò excurrit & cujus medium jam tenemus , atque hyemi algidissimæ successit , sub initium visum est ad pluviosum propendere velle , non paucos tamen Aprilis mense dies habuimus siccos , sine ullis omninò imbribus , sed ita calentes , ut à canicularium dierum æstu parum differrent , sub finem tamen mensis tam magna ac subita facta est à calore ad frigus conversio , ut unica ferè die rariores syntheses & holotERICA deponere necesse fuerit ,

ac è vestiario pannosas vestes reponere , quam mutationem postea subsequutæ sunt ingentes pluviae. Quo tenore veris pars altera processura sit , solus novit , qui fecit tempora , dies , & annos. Id tamen certum est hujusmodi temporum anomalias , & à sua temperie aberrationes ominosas esse , & morborum mali moris , quod Superi avertant , prænuncias. Nam ex eodem Hippocrate , *in legitimis temporibus , & convenientem servantibus temperaturam morbi legitimi & boni judicii fiunt ; in intempestivis autem non legitimi & mali judicii.*

Sed quid frugis ex hujusmodi apparatu datur colligere ad præcautionem & sanitatis custodiam ? Paucis dicam quod sentio. Adversus temporum tam enormes intemperantias magnum erit præsidium Temperantia , neque solum in victu , sed in omnibus , quæ res non naturales vocant Medici. Non inopportunum tamen erit purgationes instituere , & si opus fuerit sanguinem mittere. *Quibuscunque convenit venæ sectio vel purgatio , hos Vere purgare , vel venam secare oportet* , ajebat idem Hippocrates : Magna certè animadversione particula illa disjunctiva digna est ; Practicorum enim non pauci magnum piaculum committere sibi viderentur , si purgationem verno tempore instituentes venam simul non tunderent. Ast quàm longè à divini Præceptoris vestigiis aberrant , nemo non videt. Est ubi tantum sanguinem mittere oporteat , est ubi solum purgare liceat , est ubi utrumque remedium conveniat. Si verò aliquis ex memoratis affectibus hæc æstate

æstate populariter vagari incipiat , boni & periti Medici erit , non tam properè & inauspicatò communibus remediis , ut in morbis sporadicis , curationes aggredi , rectè propterea Celsus de pestilenti febre verba faciens ajebat , *sanguinem non facile mittere , alvum non facile ducere.* Suspenso pede igitur producendum erit , atque attentè observandum , qua methodo Natura morborum medicatrix in iis utatur , qui spontè aut

paucis remediis evadant ; illa enim sibi vias & egressiones invenit , quas prænoscere & divinare non possumus ; fateamur enim necesse est , quando-
cunque aliqua epidemica affectio ex improvîso se prodat , esse nos juvenes ac tyrones , licet medendo ætatem triverimus , ideòque oportere , ut Naturæ quam *αὐτοδιδασκτορ* & doctam sine Magistro Hippocrates dixit , nos erudiendos tradamus.

Constitutio Epidemica inferioris Hungariæ Anni 1711.

Dn. D. JOH. ADAMI GENSELII.

HYems sat rigorosa , Euro dominante , nivibus copiosis , purpura rubra maligna multos , præsertim verò infantes corripuit , secunda & tertia die accedentibus convulsionibus , quinta & septima lethalis. Manus , pedes , dorsum post mortem atra summæ malignitatis signa conspiciebantur , in duobus facta anatome pulmones & hepar lividis conspersa maculis inveni.

Ver nimis siccum , 25. Aprilis hora X. sol duobus stipatus pareliis observatus , quorum unus vividissimi erat coloris , subsequente Majo æstu fervente cum fulminibus & fragore tonitruum.

Junius frigidus in principio ac pluvius , ipidum , scarabæorum , erucarum , aliorumque insectorum ferax , circa finem æstuosus. Variolæ & morbilli invalescebant , aliquibus etiam funestæ , illis præprimis , quos vetulæ curabant , parotides crebræ erant , ast paucæ suppurabantur , vel enim à natura sponte resolvebantur , vel emol-

lientibus & resolventibus discutiebantur , sudoris guttulis in cute & emplastris instar roris conspicuis , in duobus pueris illas induratas vidi , quæ cum ab incauto barbitonsore contra nutum apertæ fuissent , in cacoëthica degenerabant ulcera.

Julii principium calidum , interpersa quandoque pluvia frigida. Augustus in initio serenus & temperatus , circa medium frigidiusculus & pluvius. Septembris major pars serena & calida.

Febres tertianæ absque ullo rigore grassabantur , per 24. horas & ultra durantes , quinque & sex ad summum septem terminabantur paroxysmis : petechiæ quoque sporadicè vagabantur , cum dysenteria septima & nona lethales. Foemina 57. annorum gravida , pro hydropica à medicoastro quodam reputata , cum stupore omnium puellam vegetam ac sanam enixa est. Octobris & Novembris Constitutio pluviosa & nimbosa , flante pluviarum pincerna austro , septem enim fere

fere continuos dies & noctes durabant. Decembris principium itidem pluvium, medium ventosum, at ob austrinam aëris temperiem temperatum. Febres intermittentes increbescabant, diarrhœæ item, rheumatismi ac asthmata ob ἀσυνεσία ab humido cœnoso atmosphæræ flatu causatam, apoplexiæ quoque & para-

lyses frequentes erant, ut & variolæ & morbilli, in infante trium annorum, motibus convulsivis in dentitione difficili mortuo, dentes atros & ob gangrænâ carie infectos sua sponte excidentes observavi. Annus hic utcunque fertilis erat, vinum etiam generosum ac optimæ notæ.

Constitutio Epidemica inferioris Hungariæ Anni 1712.

Cum historicis, & meteorologicis Observationibus,

Dn. D. JOH. ADAMI GENSELII.

P Rincipium Januarii rigido gelu fuit horridum & ventosum cum nivibus copiosissimis, adeo ut in quibusdam locis novem pedes superarent altitudine, circa medium mensis nix coepit liquefieri, flante Zephyro, nubibus in pluviam resolutis, circa finem intensum frigus gravidis imprimis valde perniciosum, abortus quippe epidemicus plurimis lethalis grassabatur, vid. Hipp. aph. 12. sect. 3. ob inæqualitatem & improportionem ætheris, quædam apoplexia tactæ ἀφωγας reddebantur, quædam pleuritide, multæ purpura alba correptæ exspirabant, febres etiam intermittentes invalescebant, vario typo anomalo revirescentes. *Februarius* in principio turbidus, circa medium & finem temperatus. *Martius* circa medium procellosus ac nivosus, cum tonitruis & pluviis circa finem, febres causavit acutas, summa cum vehementia prima & secunda die sævientes, quinta & septima subsequenter deliriis fatales. Ver pluviosum cum terræ motu trematorio sat notabili in nostris parti-

bus, imprimis Neostadii, ubi multæ fornices dirutæ ac domus ruinatæ à motu illo concussorio conspiciebantur. *Majus* itidem pluvius, ut planè diluvium quasi appareret in quibusdam Hungariæ locis, imprimis in Holing, ubi vites è terra evulsi, & domus aqua vix non cooperuit. Hoc mense miræ fuerunt metamorphoses febrium, in principio mentiebantur continuas, calor enim per tres continuas durabat dies, quarta remisit, quinta paroxysmus bis mane scilicet & circa noctem invasit ægros, die sexta etiam bis, tandem octava in tertianas veras degenerarunt, servato ternis vicibus typo ordinario, hinc rursus typo anomalo calor per triiduum continuavit, remittente denuo per 24. horas calore, bis de die paroxysmus affixit ægros, & porro cum in tertianas degenerassent, adhibitis temperantibus, mineram biliosam præcipitantibus, leniterque evacuantibus, cessaverunt, & cum natura eò quò vergit ducenda sit, hic ad sudorem criticè vergebat, ideo diaphoreticis

ticis illam cum *εὐφροῦ* a juvimus : qui verò inscio medico denuo naturam turbarunt, venæ sectione nimirum vel purgantibus, omnes recidivam passi sunt, quæ enim judicantur & judicata sunt integrè, neque movere, neque novare aliquid, sive medicamentis, sive aliter irritando, sed finire oportet : Hipp. Sect. I. aph. 20. Notandum quòd hoc mense temperies quoque aëris proteo mutabilior fuerit, v. g. circa matutinam sextam frigus, circa decimam calor ingens, tertia pomeridiana iterum frigus, & appetente vespera observabatur calor, quæ vicissitudines aëris subitanæ non parum ad hæc generandas contribuerunt febres, juxta Hipp. aph. I. & 4. sect. 3. quo major est aëris inæqualitas, imprimis citiori vicissitudine, eo magis corpus alterat & afficit, motus enim contrarios minus sufferre potest natura, si quidem valde à se differant. Vid. Wedelii Commentar. in h. l. *Mense Junio & Julio* æflus magnus, & copia insectorum, imprimis reptilium, & in specie serpentum, qui ruricolos sæpius infestarunt, morfuque communicatum miasma venenosum, fermento bilioso volatili sulphureo-salino inquinatum, totum peragravit corpus, cujus omnes illico intumuerunt partes, imprimis lingua, ut nec verbum articulatum proferre potuerint cum ingenti cephalalgia; pecora etiam mirum in modum ab illis affligebantur magna subsequente strage, ex hominibus multi, non adhibitis prima statim die remediis, veneno illo extincti sunt. Notatu dignum, quod ex quodam fonte certis horis foetidus ac rubicundus promanaverit liquor, quem superstitiosum

& fatidico-credulum vulgus sanguinem esse dicebat, inductum argumentis ab odore & consistentia illius ad coagulum accedente desumptis, post aliquot dies limpidum iterum acquisivit colorem; per chymiam deprehendi, in illa aqua terram rubram martialem instar boli vel cinnabaris, particulis nitrosis & vitriolicis mixtam, ab æstivo solis calore percoctam, quam in cavernis subterraneis alluebat, illaque tangebatur, foetorem verò attribui materiæ viscidæ bituminosæ asphaltum redolenti, ut adeo non necesse sit ad supernaturalia confugere & mysteria, si naturales prostent causæ & principia, in quæ iterum resolvi possunt mechanice. Vid. Ephemerid. N.C.A. 1712. appendic. p. 193. & 209. Item Nova litteraria German. A. 1705. mens. Mart. p. 103. *Augusto* nimis pluvioso increbuerunt febres erraticæ bis de die ægros invadentes cum deliriis continuis, suspiriis ac ejulationibus, multi attoniti & quasi cataleptici sine usu rationis neminem agnoscentes jacebant, calore per duas durante dies, tertia demum intermittente, in aliquibus quinta & sexta. Eodem mense strages pecorum invalescebat, corripiebantur scilicet certis pustulis albicantibus cum anhelitu difficili, quibus dissectis materia purulenta mephitim spirans effluxit, ex faucibus quoque foetor morticinus intolerabilis, ad aliquot sensibilis passus prodiit, cumque maximis boatibus crepuerunt, in ventriculo reperti fuerunt certi globi magnitudinis nucis majoris, repleti pilis tunica membranosa dura aciem cultri vix non eludente instructi; feræ quoque omnis generis

ad Somogy in copia periere, & in nemoribus passim à rusticis reperi-
tæ fuere, canes ex voratione tam illa-
rum ferarum, quàm pecorum præ-
dictorum rabidi facti, à quorum
morsu homines in phrenitidem inci-
derunt ac hydrophobiam, latratum
etiam & rabiem imitati canum, mor-
sibus in adstantes sævire tristi cum
spectaculo cœperunt, imo aliqui re-
medium laturi, aceto & sale ora rabi-
dorum pecorum lavando, rabiem
contraxerunt ab illo venenato miasma-
te, id quod & Matthiolus Comment.
ad L. 6. C. 36. Diosc. observavit:
multæ nihilo minus bestię rabidæ ser-
vatae fuere, data statim in principio
fuligine cum cupro vel orichalco raso
pulverisato.

Principio autumnii exundationes
fuere maximæ, in unico pago quadra-
ginta & ultra periere personæ, me-
dium autumnii itidem pluviosum cum
tonitruis, assiduisque imbribus, qui
febres, dysenterias, catarrhos, & in
multis apoplexias causerunt, juxta
Hipp. aph. 16. sect. 3. à frequentibus
quippe imbribus, ob insensibilem
prohibitam transpirationem succi cor-

poris redduntur frigidiores, fuligines
coacervantur, spirituumque & feri in-
feruntur morbi. In vineis maxima
sterilitas, generositate vini quadante-
nus eandem compensante, nec agri
adeo erant fertiles. Circa ingressum
solis in signum Capricorni, variolæ
regulares & idcirco mitiores quoque
observabantur, tardius tamen (quàm
ordinariè fieri solet) suam absolve-
runt periodum, licet absque ulla fue-
rint malignitate, nec foveas solitas
post se reliquerunt. Notatu dignum
senem 65. annorum variolis correptum,
feliciter restitutum fuisse, pulsus
in eo observabatur oppido curiosus,
intra momenti spatium ex celeri &
inæquali tardus & æqualis, mox ex
parvo magnus & vice versa. Cum
jam videam institutum hoc anxie huc
usque desideratum, multis probatum
fuisse, imprimis Schelhamero Kilo-
nienfi Machaoni in sua medendi me-
thodo, animus est imposterum quo-
que constitutiones epidemicas inferio-
ris Hungariæ, summo adspirante Nu-
mine continuare, dummodo Acade-
mia nostra Mecœnatum suffulciatur
munificentia.

Constitutio Epidemica inferioris Hungariæ Anni 1713.

Unà cum historicis & meteorologicis observationibus,

Dn. D. JOH. ADAMI GENSELII.

P *Rincipium Januarii* temperatum,
humidum ac nebulosum, circa
medium furente Euro - noto fortiter
gelare cœpit, in omnium dierum
operosa enumeratione non ero multus
& molestus, cum inutile sit & tæ-
diosum verborum inanitate aures de-

fatigare. Vigesima pluvia, sequenti-
bus nimbi cum ventis vehementio-
ribus. Hoc mense febres quartanæ
græssabantur, quæ dato cathartico in
veras degenerarunt tertianas, quatuor
& quinque accessionibus suam absol-
ventes periodum. Variolæ continua-
runt,

runt , ast malignæ & confluentes , illisque funestæ , qui non statim in principio remedia adhibuerunt congrua , temperata nimirum diaphoretica & bezoardica , omiſſis volatilibus generosioribus. Vigevanno fama ad nos deferebatur , intra montes cecidiſſe nivem rubram ad ſpithamæ altitudinem , quæ ab exhalationibus terræ rubræ procul dubio ſuam traxit originem.

Menſe Februario crescente luna ingreſcebat etiam frigus , quod ſexta remiſit , decima pluviæ calidæ , duodecima caligo cum pruina ſubſequenti pluvia per tres dies , circa finem cœlum ſerenum abſque ullis nivibus. Hoc menſe obſervavi digitorum apices duarum puellarum ſine dolore ſua ſponte abſque ulla vulneratione , aut cicatriculæ ſigno ſanguine floridum curioſo ſpectaculo guttatim ſtillare : in alia puella idem obſervavi in facie. vide *Ephem. N.C. An. 1712. p. 72. Act. Erud. Lipſ. An. 1686. Menſ. Auguſt. p. 387.* febres malignæ petechiales inceperunt graſſari , quinta lethales cum ferocibus deliriis : verum pulſu [quod notatu dignum] tardo & æquali , ſanorum pulſui ſimillimo. In adoleſcente 13. annorum loco tibiæ carioſæ , per manus chirurgi fere ad patellam uſque genu forſice excerptæ , cartilago quædam uſque ad oſſa tarſi vices tibiæ obiens ſuccevit , qua etiamnum oſſeſcente nititur , & pedetentim ambulat , provida certo natura defectum oſſis à vicinia ſuperioris proceſſus oſſis tibiæ ſupplevit.

Principium Martii ſerenum & temperatum , octava primæ cecidere nives copioſæ , ſequenti die liquefactæ

pluvia per ſex dies continuos , hinc exundationes damnoſæ fluviorum ac rivorum cum magna hominum , animaliumque ſtrage. Continuarunt febres malignæ multis funeſtæ.

Aprilis uſque ad 15. contra morem ſuum ſerenus , aſt frigidulus , decima octava pluviæ frigidæ furente aquilone in nives hoc anno ſecundas verſæ quatuor geometricorum pedum altitudinis cum turbulentiffimis procellis , maximas campanas ad ſonum impellentibus , ſubſequenti exceſſivo frigore in regnum animale & vegetabile deſæviente cum internecone , gemmarum in arboribus & proh dolor vitibus , alitum quoque ovis incubantium imprimis ciconiarum & cornicum. Vigefima ſeptima grando cum turbine , ne prior calamitas ſola eſſet , admiratione autem dignum , quòd in diverſis grandinis granis vermes ac ſcarabæi inventi fuerint , quos in præſentia multorum oculis meis uſurpavi : utrum è ſeminibus in nubes elevatis , ibidemque excluſis & nutritis oriantur , an aliunde accedant , curioſioribus relinquo ; ex atmophæra ſaltem noſtra ob penuriâ moræ vix abripi poſſunt. Confer de hac materia *Jonſton. taumatograph. claſſ. 3. C. 1. Fromond. libr. 5. meteorolog. C. 6. Scotus phyſic. curioſ. libr. 2. Ephemerid. Germ. D.I. An. IV. & D. II. An. II. III.* Ruſticus quidam calcem vivam clam ſurripiens , cum domum properaret , nimis feſtinans currum evertit , ita ut in aquam caderet , hinc ſubito calcis vivæ ebullitione & impetuoſa efferveſcentia orta , ſtramen adjunctum flammam concepit , quæ aſſeres contiguos accendit curioſo ſpectaculo ,

totusque conflagrasset currus, nisi ei succurrissent.

Principium Maii cum fulgure, tonitru ac imbris frigidum, usque ad 17. ventosum ac nubilosum, vigesima pluviae copiosæ, vigesima quarta calor ingens subsequente fulgure & tonitru horribili, cum imbre frigido ac turbine boreali, vigesima sexta imber, reliquum nubilum. Bruchi & volucrae numerosæ, (de quibus plura hoc loco addere libet) teneros pampinos & uvas præroserunt immenso damno: infausta hæc & damnifica animalcula, vites consumere nata in lingua sancta appellantur *פלי* à radice *פפל* lingere, lambere, [vid. Joël. c. I. v. 4.] quod lambendo quasi virulentia sua uvas inficiant, easque absumant, græcè vocantur *ἵπες* & epides ab *ἵπτειν* lædere, nocere, quod vites summopere ab iis lædantur. Plinio L. 18. c. 18. dicuntur convolvuli, & volvoces, Columellæ volucrae, Tullio butyri, Plauto involvuli (in Cistell. Act. 4. sc. 2. v. 63.) quod in pampini foliis, ovula ponentes se involvant & implicent, illaque proboscide sua virulenta quasi conglutinent. Ipso corpore ceruleo, pedibus obscure lutescentibus, nascitur ex ovis, bombycum ovis similibus magnitudine, colore rubicundis, hic cum parere vult, multa cumulat, volvitque folia & in his sua ova reponit; germani antiphrastice vocant *Weinzedel* vel *Weinzierl*, quod minimè vineas ornent & excolant, sed potius deturpent, & ad incitas redigant summitates palmitum, uvarumque gemmas depascendo. Oriuntur ut plurimum spirante austro, flante verò borea pereunt. Confer Samuel. Bo-

charti hierozoic. p. II. L. IV. C. IV. Ulysses Aldrovand. L. IV. de insect. c. 1. iconisimum tamen ipidis minùs accuratum exhibet. C. V. Italis rusticis est tagliadizzo, Ringavis *Rebstichel*, Hungaris Vinzellir, proprium illarum est in vitibus versari, easque ut & cornua arrodere. Qui serpentis genus esse putant, ab Hermolao redarguuntur, vide Jonston. L. 3. H. N. p. 86. seq. quid quod ex vitis pampinis enascantur vermiculi, qui pubescentes uvas prærodunt. vid. Columella de arboribus c. 15. Theoph. Eresio L. 3. de caus. plant. C. 27. ipsi vitarius bestia nominatur damnifica, quæ in pampini folio intorta implicet se. Tremellius cum nonnullis vocat melolontham, est autem melolontha scarabæi genus, quod alio nomine teste Hesychio χρυσονάνταρ h. e. aureus vocatur, de quo Gesnerus ait: *μυλολόνη* est galleruca insectum pennatum, scarabæo simile χρυσονάνταρ dictum; à quibusdam verò ea animalcula hac voce designari existimantur, quæ Galli Hanetons nominant, (de quo vide Dictionar. Richelet) ea autem ab Anglis appellantur Dors. videatur Liveleus T. III. Critic. Sacr. p. 946. Quomodo differant ipes, ikes, thripes, vide apud Aldrovand. l. c. & Bochartum c. 17. ubi bene monet in Galeni verbis perperam legi *σκήπες* pro *ἵπες* cum dicit: ἀμπελίτιδα γῆν perdere τὰς γεννωμένους ἐπ' αὐτῶν σκέληκας, οὗς σκήπας ὀνομάζουσιν, ubi etiam notandum, quod ipes certam speciem locustarum in vitibus generari idem afferat, cui adstipulatur Theophrastus l. c. de Caus. plant. c. 27. causam hanc subnectit, utpote cum vites humescant, atque aër foetificet, tum ipes

ipes quoque materiem sibi congenere-
rem statim erodunt, addens: vitibus
hoc potissimum evenit, quia natura
præhumidæ sunt, & humor earum
insipidus sit atque aquosus, humor
enim qui talis est, facillime affici
potest, nonnunquam ipes omnino
nequeunt generari, scilicet loco pla-
cidi spiritus, neque humido, neque
succoso. Non solum autem illo an-
no, quo vites infestat & veneno quasi
inficit, colluvies hæc exitiosa exi-
stit, sed etiam futuris, hinc inter se-
culi incommoda & res oibi noxias
numerantur ab Arnobio L. I. adver-
sus gentes, quibus negotia incurfan-
tur humana, aspectu quidem sunt
pulchra, coloribus rutilantia diversis,
ast summè damnifica & maligna. vid.
Salmasius in exercit. Plinianis ad So-
lin. p. 272. Joh. Frischmuth dissert. I.
de hirco emissario. c. I. §. 5. D. Dan.
Henrici dissert. V. de relig. Zwingl.
p. ult. Dan. Guil. Mollerus in medi-
tatione de quibusdam infectis Hunga-
ricis. Francof. 1673. in 12. Bern. Sac-
cus in hist. Ticin. L. 4. inquit: dirum
hoc animal frequentissimum esse pro-
pe Alagniam in Lomellino agro ur-
bem, ubi vitis folia depascunt, qui-
bus ablatis arescunt exiles & imma-
turi racemi sine umbra relictæ, ab
uvarum verò cupidis sturnis postmo-
dum castigari. vide Eph. Nat. Cur.
Decad. II. A. VI. p. 202. seq. Cornar.
in Theolog. Vit. L. I. c. 17 p. 205.
D. Phil. Jac. Sachs. in ampelograph.
L. I. c. 6. p. 47. Moufeti theatr. insect.
L. I. c. 19. p. 142. seq. imprimis D.
Joh. Theod. Moeren Observ. in Decad.
II. Ephem. N. C. A. V. p. 220. passim
per vineta volitat animalculum ma-
gnitudine pisi, scarabæi parvi figuram

corporis referens, variegati plurimū co-
loris &c. Græci duas res æqualiter ma-
las exprimere volentes, dicere solebant:
νανὰ μὲν θείων, νανὰ δὲ ἰπῶν, mala qui-
dem thripes, mala rursum ipes: thripes
culicibus similes, sunt teredines sive cossi
arborum fructus, ipes verò uvarum ger-
mina prærodentes, de quibus *Pruden-
tius in Hamartigen. v. 266. seq. canit:*

*Quamvis maceries florentes ambiat
hortos*

*Sepibus, & densis vallentur vitea
rura,*

*Aut populator edet gemmantia ger-
mina bruchus,*

*Aut avibus discerpta feris lacera-
bitur uva.*

Majores nostri vix observarunt,
quòd horrenda istorum depopulantiū
animalculorum rabies tot annos in
tanta copia duraverit, subque nive
& glacie illæsa tam in limosis quàm
saxosis locis, imprimis intra cortices
arborum permanferit. De hujus in-
secti exstirpatione video sollicitos an-
tiquos pariter & recentiores, operosa
subministrantes remedia, quidam vi-
neta sulphure herbisque graveolenti-
bus suffiebant, alii vites illinebant
terra ampelide, ut docet Galenus
L. 9. simpl. Medic. quam pharmacitin
vocat Dioscorides L. 5. eò quòd vi-
tium morbo medeatur. Laboriosius
exstirpant perniciem hanc Ringavi &
Sempronienfes, assignatis enim tem-
poribus quisque patrum familias mittit
suos homines, qui è vitibus colligant
ipsum animal, & convoluta folia
ovis foeta, urceoque aqua semipleno
injiciant, ut vesperi in unum cumulum
ante Prætoris vel heri ædes, aut in
foro coacerventur, & superstructo
igne comburantur. Vide D. Moeren

l. c. Petr. And. Matthiol. L. 3. Epist. Medic. p. 141. Hohbergii Georgica Curios. P. I. p. 341. & 481. D. Samuel Ledelii relationem in Ephem. Dec. III. A. Ult. p. 368. In libris Geoponicon (qui Imperatori Constantino Porphyrogenetæ adscribuntur) tria grana sinapis juxta vitem implantanda commendantur, verba L. 13. sic sonant : *ὅθεν τὸ σέλεχος τῆς ἀμπελὸς ὄντα τὴν εἶσαν τρεῖς κόκκους σονήπειως χῶσον φυτευόμενα, γὰρ ταῦτα τῇ ἰσχυρίᾳ τὸν βρῆχον ἀναρρεῖ* : cum verò in nostris regionibus semen sinapis nimis tardè procreseat, vix finem suum paterfamilias obtinebit exoptatum. Alii vites aqua, in qua ipides enecati sunt, vel cultros, quibus palmites amputantur illiniunt, ita Plinius Hist. Nat. L. 17. C. ult. ne convolvulus fiat in vinea, amurcæ congios duos decoctos in crassitudinem mellis, rursusque cum bituminis tertia parte, & sulphuris quarta sub dio coqui, usque quo exardescat sub tecto, hoc vites circa capita & sub brachiis ungi, ita non fore convolvulum : quidam contenti sunt fumo hujus mixturæ suffire vineas secundo flatu continuo triduo, plerisque non minus auxilii &imenti arbitrantur in urina, quàm Cato de re Rustica c. 95. in amurca, addita modo aquæ pari portione, quoniam per se noceat : alii falces cum sint exacutæ, fibrina pelle detergunt, atque ita putant, aut sanguine ursino liniri volunt post putationem easdem; ex aliis autoribus Aldrovandus l. c. p. 191. sequentia contra cantharides (forsan & ipides) remedia tradit : Baptista pius in suis ad Plauti comœdias contra animalcula, quæ vitibus nocent, accipit cantharides, quas in

rosis invenire consuevimus, si oleo immergantur, ne in tabem resolvantur, alii non observantes, quo loco, aut qua in herba nascantur, ipsas qualescunque sunt, cantharides in oleo coquunt, ex eoque cotem, in qua falx exacui debet, obducunt; idem præsidium præstabit falx illita cum hircino adipe, aut ranarum sanguine, aut coticulæ cinere, vel oleo illita, quâ falcem exacues : Gaudentius Merula, cantharides vitibus noxias, stercoreis bubuli, cui aliquantulum galbani commixtum sit, suffitu procul abigit, cum spirant auræ. Fabulosum remedium narrat Claudius Ælianus, mulierem scilicet mensibus laborantem erucis & scarabæis perniciem afferre. Ethnici pro poena à Diis immissa, insecta agnoscentes, idolis suis sacrificabant, certaque instituebant festa, de quibus videatur Coelius Rhodiginus Lect. antiqu. L. 4. c. 15. hinc & idolum Ekronis vocatur בעל זכוכ Deus muscarum, vid. Bochart. l. c. P. II. L. 4. c. 9. & p. 1. L. I. c. 5. & Hercules appellatur ἑποκτόνος ipidum occisor. confer Alex. ab Alexandr. Genial. Dier. L. 2. c. 14. Coel. Rhodig. lect. antiqu. L. 6. c. 7. Bochart. P. II. c. 17. 27. Aldrovand. l. c. Optimum, quamvis laboriosum remedium est, illos maturè & indefessè è vitibus colligere, ac unà cum ovulis comburere.

Hoc mense in Austria, imprimis Viennæ, febres malignæ cum atris exanthematibus & bubonibus, (quos benignos appellabant) magna cum hominum mortalitate grassabantur, quidam exsectum bubonem cum carne bubula cani ad devorandum absque ejus noxa dabant, & ex hoc pestem

pestem negabant, cum tamen longè alia sit ratio carbunculi & bubonis in corpore vivo, quàm ex cadavere secti, & juxta Celsum nihil sit ineptius, quàm quale quidque in homine vivo est, tale existimare esse moriente vel mortuo, & vice versa: accidit quod ex bubonibus pestilentialibus & carbunculis nonnulli per chymiam spiritum antipestilentialem & ☉ volatile elicere conentur, quare de re plura dabo in schediasmate de differentia pestis humanæ & brutorum; licet itaque morbum tantum contagiosum vocaverint, pestemque nomine contagii velaverint, vera tamen febris erat pestilentialis, quod & internecio tot hominum, præcipuè verò decem Medicorum comprobatur, vide Francisci Xaverii Bensæ historicam relationem pestis Austriam & conterminas partes infestantis, Viennæ A. 1717. 8.

Junii principium pluviosum, ventosum atque frigidum cum exundationibus torrentum & fluviorum damnosius, octava æstus usque ad duodecimam, 13a pluviae subsequente frigore, medium serenum & calidum cum intermixtis imbribus ac procellis: circa finem pluviae furente Euro, pestis in Austria incrementum sumpsit ut & Posonii in Hungaria.

Julius usque ad 5tum serenius, ventosus & frigidus, sexta calor mediocris, septima pluviae copiosæ cum frigore extraordinario, usque ad finem mensis (paucis exceptis diebus) flante aquilone durantes. Pestis in Austria, & aliquibus partibus inferioris Hungariæ, ut & Posonii valde sæviit; meteora quædam lucida sub forma draconis apparebant, ab ex-

halationibus sulphureo ☉ in sublimem evectis, per continuum attritum incalescentibus, tandem accensis, ac in tonitrua & fulmina fatiscen-
tibus, subsequentibus inundationibus & fragminibus nubium.

Principium Augusti pluviosum & frigidum, à quarta usque ad 9nam calor ingens, undecima tonitrua horrenda cum fulminibus ac pluvia frigida, 16a nubilum insequentibus pluviiis ingentibus, rubigine & uredine vitibus & frugibus summè perniciosius, circa finem nebulae densissimæ quasi hybernæ in altum evectæ, & in pluvias frigidas resolutæ cum tonitru & fulmine: incus fabrilis ab ictu fulminis urentis & concutientis, partim fusus, partim fissus observabatur, globum quoque igneum seu glomerum flammeum in terram delapsum conspexerunt maximo cum fragore dissilientem, tetrumque odorem & fumum spargentem, incrudescente magis magisque tempestate, iteratisque ictibus fulminum horrendis. Pestis tam in Austria quàm Hungaria continuavit sævire, grassabantur etiam variolæ malignæ confluentes cum petechiis intermixtis, illisque qui non statim in principio remedia adhibuerunt, fatales, jamjam suppuratæ, rursus materia ichorosa repletæ conspiciebantur, & secunda vice ad suppurationem pervenere, inque interstitiis suppuratarum novæ subinde ori-
bantur variolæ, in defunctis per nares, aures, & oculos sanguis prorupit copiosus, nonnulli à barbiton-
foribus imperitis malè tractati, tubercula circa artuum juncturas, & his retropulsis per topica, totalem re-
portarunt contracturam, alii cœcita-
tem,

tem, strumososque colli tumores quibus evanescentibus corripiebantur vomitu cruento lethali.

Septembris initium pluvium & caliginosum, octava Euris effluvia humida dissipando serenitatem conciliavit, medium itidem pluvium, circa finem serenum & frigidum. Sempronii quoque morbi contagiosi cœperunt grassari cum vomitu, & ardore in abdomine tertia & quinta lethales, petechiæ item atræ cum dysenteria, pustulis in scapulis, ac bubonibus sub axillis & in inguine, septima & nona funestæ, nec vomitoria, nec purgantia, nec venæ sectio in principio conducebant, nec *Osia* aut acida, sed bezoardica balsamica cum volatilibus refracta dosi mixta, imprimis tinctura nostra antipestilentialis cum spiritu CC. maritata, quæ & in peste Ratisponæ salutaris effectu se probavit. Lanio quidam nomine Lidel dysenteria extinctus, herniam habuit raram, non quippe in scroto, sed intra cutem & musculos ad femur usque intestinum ileon prolapsum observabatur, hanc herniam à casu cum equo ante decennium reportabat: in visitatione medicus pestilentiarius tumorem hunc herniosum, (qualem antea nunquam viderat) pro bubone pestilentiali sat crassè reputabat, domumque ejus ceu infectam, qualis tamen minimè erat, obsignabat. Similem herniam extraordinariam ex prolapsu intestino ad femur observavit Barbette c. 7. chirurg. & B. D. Petermannus in viro septuagenario, ultra triginta annos eadem laborante, & ego in Italia bis talem conspexi: Stalpart van der Wiel quoque in Observat. medico-chirurg. ra-

rior. Observ. 54. Cent. I. similem errorem medici cujusdam & chirurgi rudis detegit, bubonocelen in juvene quodam pro bubone pestilentiali cum læsione ipsius intestini aperientium. vide Rhod. Observ. M. Cent. 2. c. 72. Hœchstetter. Dec. 10. Variolæ confluentes etiam increbuerunt multis fatales, apoplexiæ quoque frequentes erant, qui morbi omnes pluviosæ hujus anni Constitutioni adscribendi, juxta Hipp. Aph. XI. sect. III. *si ver pluviosum & australe fuerit, necesse est febres acutas, & dysenterias fieri.* & aph. 16. morbi in pluviosis constitutionibus plerumque fiunt febres, putredines, siderationes &c.

Principium Octobris serenum & temperatum, quarta æther nimbis cinctus usque ad septimum cum frigore, 14a pluvix cum insolitis nivibus flante vulturno, cæteris fermè omnibus, vel caliginosis, vel pluviosis existentibus diebus. Febres increbuerunt tertianæ duplices gravidis exitiosæ cum vomitu, cardialgia & diarrhœa, febres continuas mentientes, in quibusdam cum deliriis, invitaque fecum excretionem, octo & novem accessionibus periodum suam absolventes, febris quoque pestilentialis continuabat, sed sporadicè tantum cum pulsu tardo & inæquali, frequenter bubonibus, raro carbunculis erumpentibus, chirurgus expositus egregio bubone (ita enim Pestilentiarius ille Medicus appellabat) correptus, quinta obiit, adhibita damnosa & inconsiderata venæ sectione, vix non omnibus illo tempore funesta, prouti & in peste comitatus Castri ferrei agrum depopulante, Anno MDCCX. observavi, de qua peculiarem dissertationem

nem editurus sum. Cæterum erysipelas, atheromata, steatomata, aliique affectus cutanei etiam minimi in quibusdam subjectis pro signis pestilentialibus ex ignorantia invincibili & crassa reputabantur.

Prima Novembris imber atrox sed calidus, tonitrua insolita & terribilia cum fulminibus, aliquibus in locis urentibus, & grandine, à tertia usque ad decimam pluviae, undecima nives secundæ cum frigore extraordinario, furente aquilone, quatuor pedes altæ, circa finem frigus intensum cum sævis turbinibus. Febres acutæ cum petechiis & bubonibus subreptitiæ quasi hinc inde homines invadebant, in autumno enim morbi acutissimi & omnino mortiferi, juxta effatum Hippocratis aph. IX. sect. III.

Circa Neostadium terra dehiscente

agri portio viginti aliquot orgyarum unâ cum arboribus (absque sensibili terræ motu) hiatu vasto aperto sive chasmate periit, relicto post se lacu. *Hoc anno annonæ ubertas erat & vititas, vini autem & fructuum maxima sterilitas & caritas, etiam racematione* (ob vindemiam imprudenter à nonnullis ante nives neglectam) *in maximis nivibus instituta, vinum erat tenue, insipidum ac vappescens.*

Decembris principium horridum cum procellis, nivibus & gelu immani usque ad duodecimam, reliquum temperatum, variabile & pluvium. Bubones adhuc vagabantur, sed benigniores, rigore fortè temporis malo hoc mitigato: febres verò quartanæ mirum quantum invaluerunt, rebelles admodum & contumaces.

Constitutio Epidemica Augustana Anni 1711. & sequentium.

Dn. D. L U C Æ S C H R O E C K I I.

Aëris status, quo Annus prægressus fuit finitus, in principio quoque Anni 1711. perstitit, humidus nempe ac multo frigore molestus, variorumque ventorum agitationi expositus, usque dum d. 7. Eurus serenitatem, & post octiduum Zephyrus pluvias, tandemque nives frequentiores adduceret; circa finem autem mensis hujus primi Eurus denuo prævalens, cum serenitate frigus diuturnum & intensum excitaret, ut mei Thermometri liquor ad gradum 8. (quod etiam d. 3. & 13. Februarii contigit) descenderet, præcipuè postquam Zephyrus d. 4. Febr. & Cauros post quadriduum, nec non

Tom. II.

Eurus quintiduo abhinc nivem admodum copiosam sparserant; quæ sub Africo, comite pluvias & frigoris remissione, d. 18. Febr. liquari cœpit; & quamvis nova subinde nix, occidentali vento (sæpe ad meridionalem, quandoque etiam septentrionalem plagam inclinante, rarius verò ab aliis ventis interpolato) spirante, usque ad d. 10. Martii caderet, eadem tamen pluviis supervenientibus brevi denuo resolvebatur. Interea, præter Febres quotidie vel alternis diebus recurrentes, licet rariores, in vere tamen crebriores, & in principio sæpe continuarum speciem præ se ferentes, primum teneriori

I i

atati,

ætati, in progressu autem adultis magis infestas, ut & catarrhosarum ægritudinum multitudinem, Variolæ benignæ imprimis, usque in Aprilem frequentes, ast circa Solis in signum Cancri ingressum, unâ cum Febribus evanescentes, continuarunt, nec non Pleuritis notha, atque Coxendicum dolor (diaphoreticis, Tinctura præsertim Bezoardica, juxta cum eccoproticis, utrique malo opem ferentibus) multos lecto adfixerunt.

Ver cum ventorum varietate, Zephyro tamen prævalente, aura nebulosa, humida & temperata (catarrhosis ideo morbis, præsertim Odontalgis, Apoplexiis etiam letalibus opportuna) primo erat præditum, quæ circa Aprilis medium in serenitatem mutabatur. Majus frigidiusculus potissimum Euro spirante comparuit, in medio tamen caloris sat acris per decendium participes, paucosque dies serenos per totum reliquum suum decursum numerans, crebrioribus autem tempestatibus grandinosis, è longinquo tamen nobis tantum se ostendentibus, viciniæ aurem admodum damnosus. Cum Junio Eurus, interdum ab aliis diversis ventis interceptus, serenitatem caloresque magnos proferebat, usque dum post solstitium æstivum Zephyrus dominium obtinebat, & mutabilem aëris statum, sæpius verò pluviosum producebat; quæ humida aëris intemperies postea etiam continuabat, diesque caniculares magis temperatos quam fervidos efficiebat. Et licet postmodum cum Sol in Libra versaretur, Eurus serenitatem quandoque redderet, an-

tequam tamen signo hoc excedebat, Zephyrus, aliquoties valde impetuosus, pluviis frigidis denuo molestus exstitit, quin & pluviosa illa intemperies usque ad finem Anni perstitit, nisi quòd in Decembri crebræ nebulæ, & Serenitates quandoque, Euro præcipuè, Austro & Africo intervenientibus, comparerent. Cæterum præter Catarrhos nihil epidemicorum malorum prioribus istis temporibus observabatur; post Canis tamen occasum Variolæ denuò multos infantes invaserunt, confluentium jam specie gravius aliquos affligentes & negligentius habitæ non paucis letiferæ; paulo post tamen, usque ad Anni exitum, & in Januarium usque Anni sequentis, ulteriusque, sed rariores discretæ mitioresque comparentes. Diarrhœæ circa finem Novembris, & per Decembrem in multis, prævio ut plurimum vomitu, torminibusque stipatæ, promptè tamen stomachum roborantibus cedentes, notatæ fuerunt.

Circa finem æstatis, & per autumnum Lues illa, quæ bubulo generi per Germaniam Italiamque tam infesta fuit, postquam ex Hungaria versus Danubium sensim progressa, ubique luctuosa sui vestigia reliquit, nostra quoque confinia attigit, ac insignem stragem, integra etiam numerosa bovia evacuantem, apud nos, ac plurimis vicinis in locis edidit; quam non aëris ex vitio, sed contagio per boves ex regno illo adductos exortam fuisse, vel inde satis nobis notuit, quòd illa primum loca, ubi pascuis frui illis advenis contigit, invaserit, armentis verò omnino

omnino pepercerit, ad quæ illi, vel alii ab his infecti haud pervenerunt, atque ubi consortium illorum, ad quos contagium jam penetraverat, evitatum fuerat. Miasma verò hoc per salivam animalium infectorum, quo gramina inter pascendum conspurcarunt, se primo, postea etiam per exhalantes vitiosas à corruptis humoribus visceribusque particulas ulterius, his in terris, propagasse, atque caustica acredine infestum, fauces, ventriculos ac intestina hostiliter invasisse, inque spasmodicos motus non tantum nervosas partes irritasse, sicque ob constrictos exin vasorum sanguiferorum tubulos inflammationem excitasse, sed ipsam etiam eorum substantiam ad putrilaginem disposuisse, credibile videtur: Id quod lingua in quibusdam inflammata, & vesiculis rubris referta, ventriculi, præsertim omasus, & intestina non minus inflammata, & non tantum sanguineæ, sed foetidæ etiam & purulentæ excretiones, ut Dysenteriae malignæ speciem ut plurimum præ se tulerint, nec non intestina hepatis contigua bile suffusa testabantur. Unde etiam, quæ in prima invasione notata fuerunt symptomata potiora, appetitus nempe dejectus, difficilis respiratio, calorque præternaturalis ortum habuisse videntur. Cæterum caro lue hac demortuorum boum quamvis pluribus, egenis præcipuè in cibum primo venerit, nec sinistri quid ipsis inde accidisse rescitum fuerit, tutius tamen esse iisdem abstinere, tum ratio suadet, qua ex viscerum observata labe promptè etiam eandem carnibus communicari, quia & nauseam, facile exin oriun-

dam, multum nocere posse evincitur, tum exempla confirmant, quibus noxium quandoque existisse carniū contagiosa labe infectorum animalium esum constat: Vid. præter alios Nob. D. Rosini Lentili Miscell. med. pract. part. 2. pag. 519. Liceat etiam memorare exemplum, ab Exc. Dn. D. Johanne Meyero, Arch. Elect. Palat. & Physico Neoburgensi, Anno 1712. d. 16. Julii ad me perscriptum, duobus nempe rusticis, cum bovem ægotantem mactassent, &, quia lienem pulmonesque malè constitutos invenerunt, sepeliissent, carbunculos in brachiis fuisse exortos, cum febre acuta, vomitu & diarrhœa, duos autem canes, qui carnes istas degustaverant, eodem die mortuos fuisse. Ex Hungaria quidem Venetias advectorum boum dysenteria laborantium carnes innoxias quondam Medici aliqui Patavini insignes pronunciarunt, ast tutius esse talibus abstinere, celeberrimi olim Jenenses Medici, Guern. Rolfinckius in Ord. & meth. spec. comm. lib. 2. sect. 3. cap. 60. & Joh. Theodor. Schenckius hist. gener. humor. cap. 2. judicaverunt. Prout etiam Collegium Medicum Augustanum circa Casum hunc ab Illustr. Senatu requisitum, hujusmodi carniū ulteriorem venditionem, ad noxas inde emergendas præcavendas, dissuadere tutius duxit, atque per Senatus Decretum impetravit.

Circa principium Anni 1712. Zephyrus, interdum ad unum alterumve latus declinans, cum frigore nivem, sed rariorem sparserat; & licet sæpius aër serenus postea redderetur, semper tamen nebulosus unà fu-

erat: frigus quidem in Progressu remissius, ast brevi post, flante Euro vel Austro, denuo intensius factum est: usque dum d. 3. Febr. Zephyro redeunte, pluviis, quæ per decendium durarunt, obortis cessarunt. Varius abhinc aëris status, quoad temperiem tolerabile frigus, crebriores autem nives attulit, usque dum circa Æquinoctium vernum Eurus temperatiorem aërem redderet, mox verò diversis sub ventis humida & pluviosa constitutio usque ad Solis in signum Tauri ingressum valde molesta exstitit, quam Euro prædominante, calida & sicca excepit, sæpius tamen postea variando: Sole verò Leonis signum occupante, occidentales venti pluvias multiplicarunt, & d. 6. Augusti cum serenitate calores magni oborti fuerunt; qui etiam, licet circa finem mensis hujus, delapsis pluviis, remiserint, mox tamen denuo comparuerunt. Cæterum huc usque præter consuetos hyemales catarrhosos insultus, in mensibus vernalibus Tussis ferinæ puerilem ætatem admodum adflixerunt, ecco-proticis repetitis, absorbentibusque, nervinis, ac demulcentibus ægrè profligatæ; Febres etiam quotidianæ non valde contumaces, purgantibusque præmissis, per antimoniatas calces, arcanum duplicatum, & corticem Peruvianum &c. devictæ, per æstatem plures occurrerunt; in Augusto autem non paucæ Diarrhœæ, in nonnullis quoque Dysentericæ, ut & Cholæræ, sed benignæ, omnes facile, post rhabarbari nonnihil tosti usum, in primis pulveribus dictis præcipitantibus, coralliis, unicornus fossili, quandoque etiam tor-

mentilla, succo catechu &c. curatæ. Hæc ægritudines in progressu mensis Febris catarrhalis exceperat, sine sexus ætatisve discrimine, magis tamen adultos quàm pueros, cum febrili inhorrescentia, subsequente calore, cum cephalalgia, & hinc productis pervigiliis, quas interdum deliria nocturna comitabantur, oculorum item, dorsi & artuum dolore, ac tussi ut plurimum invadens, & instar ephemeræ, altero, vel tertio, quartove die, sponte; aut impetus ubi vehementior erat, post moderatum sudorem, modo per volatilia, modo fixa medicamenta, pro subsectorum diversitate, excitatum, recedens; nisi quòd tussis quandoque perrinacius insisteret. Qui morbus uti multis, remotis etiam in locis, ita nostra quoque in Urbe plurimos invaserat, ut vix domus esset, ubi eo laborantes non deprehendebantur; atque nobis ex prægressa humida aëris intemperie, similes in corpore nostro particulas augente, ac magnis dein ejusdem caloribus, lympham in corpore fundentibus & agitantibus, subito tamen tempestatis frigidæ aliquoties obortæ interventu, quæ transpirationem ob poros inde occlusos sufflaminabat, condensatam generata mihi videbatur. Nec aliam causam Pleuritides hanc in mense Octobri excipientes, non admodum refractariæ habebant, atque ideo sudoriferis moderatis præcipue, ac satis promptè cedebant. Aliorum morborum minimè ferax erat Autumnus, qui satis temperatus & serenus in principio, in progressu autem, præsertim Zephyro (ut plurimum, & quidem nonnunquam mul-

ta cum vehementia spirante, humidus ac pariter temperatus se habuit: sicque continuavit hæc temperies: ante solstitium tamen quatrduanum frigus, & tale etiam in fine Anni, Euro flante, experti fuimus.

Non prætereunda hîc est Lues admodum gravis & funesta, quæ in Vere equos potissimum extra Urbem & in Vicinia, rarissimos in Urbe invasit, multosque trucidavit, postea etiam bobus, feris, quin & porcis, anseribus atque gallopavonibus, quibusdam in locis, non pepercit, & adultum usque in Julium tragœdiam suam ludere perrexit. Oriebantur fere semper in pectore, aut etiam in inguine, aliisque locis tumores duri, qui paulo post in amplius spatium se diffundebant, & intra breve temporis spatium interimebant. Hos ab ictu crabronum, qui copia & magnitudine insolita præditi observabantur, ortum habuisse mihi credibile videbatur. Uti verò cadavera boum elapso anno demortuorum, nec ubique altè satis in terram defossorum & putrescentium, Insectis hisce pabulum gratum exhibuisse, (in cavernis enim & sub terra nidos ab eis fieri, carnibusque vesci, Aristoteles lib. 5. hist. animal. cap. 23. Plinius lib. 11. hist. nat. cap. 21. aliique testantur) sicque multiplicationi & augmento eorum, humorisque venenati, quem glandula in imo abdominis, cui aculeus nigricans & cavus, juxta nobil. D. Johannis Muralti relationem in Eph. nostr. Dec. 2. Ann. 1. obs. 56. implantatus est, majori acredini velificasse, non improbabile est: ita venenatæ etiam hæ atomi in humoribus animalium

ab eis ictorum sese multiplicare, atque dein alia quoque animalia sic inficere potuerunt: quale exemplum in prædio vicino Illustr. cujusdam Baronis equum hac lue defunctum, & in fovea non alte satis effossa, terra obrutum exhibuisse scio, cujus ideo pes unus extra terram promi-nens à servo cum securi amputaretur, profiliens exin humor in ejus oculum, mox tumorem & inflammationem excitaverat, alterum etiam oculum, & successive totum caput occupan-tem, atque cum ope medica, destitueretur, mortem brevi accelerantem. Salis ex aceto potum adversus crabronum virus præfatus Plinius lib. 32. cap. 9. & Casp. Schwenckfeldius Theriotr. Siles. pag. 526. remedio esse tradunt, eque vestigio fuxisse vehementius, suctuque infixos aculeos, vel potius humorem virulentum revulsisse: Inter alia sanè remedia, theriacam, allium, bolum vulgarem, nitrum &c. cum aceto propinata, quibusdam (uti etiam in superius memorata boum lue) profuisse, ab aliis non infeliciter tumores scarificatos, aut etiam ex incisa cute fuisse extractos, relatum fuit.

Anni 1713. principium, sub variis ventis, potissimum occidentalibus, frigore, quod cum primis in medio Mensis Januarii intensum valde fuerat, & serenitate, usque dum Sol Piscium signo adproximaret, gaudebat: Ubi post plurimas pluvias cœlum nebulosum, versus finem autem Februarii serenum, cæterum valde temperatum reddebatur; quæ temperies, sub mutabili cœli facie etiam usque ad Æquinoctium vernum & ulterius continuabat. Reliquus verna-

lis & æstivus decursus quandoque temperatus, ut plurimum autem pluviosus, & sæpe unà frigidiusculus exstitit. Mensem verò Septembrem, in quo Eurus spirabat, serenitas commendabat; in reliquis autem tribus mensibus crebræ nebulæ pluviæque (quibus in Octobri nives sæpe intermiscebantur) aderant. Humida hæc præpollens aëris constitutio, Zephyro majori ex parte comite, multorum superveniendorum morborum timorem nonnullis pariebat, nihil tamen singulare apud nos inde evenit. Attamen præter varias catarrho-

fas molestias, Variolæ discretæ, rariùs confluentes, nec mali moris, per totum Annum, frequentiores tamen post solstitium æstivum, & per reliquum Anni; præterea etiam Febres tertianæ ac quotidianæ, ut & quandoque Icteri, facilè omnes sanationem admittentes, sparsim, in Majo plures infantes Morbillis benignis laborarunt; in Decembri non pauci Febre petechiali, cujus in pagis vicinis multum grassantis contagium in Urbem delatum fuerat, interierunt, brevi tamen iterum per DEI gratiam malum cessare contigit.

Constitutio Epidemica Augustana Anni 1715.

Dn. D. L U C Æ S C H R O E C K I I.

HYemale frigus uti in fine Anni præteriti, ita jam quoque tolerabile exstitit, & raro, nec diu intensius redditum fuit; interea mutabilem aëris, inprimis autem nebulosam & humidam intemperiem experti fuimus; & quamvis ventorum esset varia mutatio, Zephyrus tamen ut plurimum prævaluit; qui noctu d. 8. Februarii vehemens redditus, postea d. 11. & 12. invaluit, imo d. 2. & 4. Martii, omnium maximè verò d. 3. ejusdem, in magnum furorem erupit, & non ea quidem damnorum multitudine, qua in Angliâ, Hollandia &c. infamis, non tamen planè infons defæviit, cœlo interim nebuloso, cum intervenientibus, parrioribus quidem, nivibus, comparente; temperie autem paulo prius nominata continuante; usque dum d. 5. Aprilis Eurus aërem serenaret & excalesceret, redeunte tamen circa

Solis in signum Tauri ingressum, sub diversa ventorum facie, humida ob pluvias frequentiores intemperie. M. Majo vernalis amœnitas usque in adultum Junium comparuit; & licet Sol quandoque acrius ureret, pluviæ tamen intervenientes, & tempestates, attamen nobis non admodum graves aut damnosæ, calores temperabant. Sol postquam Cancri in signum pervenit, Euro flante, æstivos calores experti fuimus; quos verò, Zephyro succedente, M. Julio temperatior aura excepit, pluviis subinde æstum temperantibus; talique statu usque ad d. 15. Decembris ut plurimum permanente; ubi hyemale frigus, aëre sereno per sextiduum, postea fere semper nebuloso usque ad finem anni durante, admodum penetrans Eurus excitavit. Cæterum humida hæc aëris constitutio catarrhosas infirmitates, leviores tamen, oculis, dentibus, fau-

faucibus & pectori creavit, atque in autumno & hyemis principio, multis infantibus tussi & catarrho suffocativo, præsertim post Morbillos, exitialis fuit: postquam enim Variolæ præteritis duobus annis frequentes fuerunt, hoc anno quoque, & quidem mensibus æstivis vehementiores, confluentium naturam in multis induentes, in pueris continuarunt, & præter eas morbilli benigniores in vere supervenerunt, atque post inducias æstivas, in mense Novembri atque Decembri gravius adfligentes recurrerunt, pluribusque, qui aut gravius, corpore imprimis vitioso ferro laborante, iis infestabantur, aut cura negligentiore tractabantur, mortem accelerarunt; quod aliis etiam infantibus multis ex catarrho suffocativo, aut insultibus epilepticis contigit.

Anni 1716.

F Rigus anno superiore obortum, Anno 1716. quoque continuavit, & imprimis d. 17. 18. & 19. Januarii adeo invaluit, ut frigori Anni 1709. ubi in Thermometro meo spiritus vini ad septimum usque gradum descenderat, æquale comparuerit, imo d. 18. illud dimidio gradu superaverit. Quæ austerior aura etiam usque in adultum Majum, rarius temperationi interveniente, perseveravit; & licet alibi, etiam in vicinia nostra, nives crebriores & copiosæ admodum delapsæ fuerint, in urbe tamen nostra altitudinem alibi observatam non attigerunt. Cæterum multa ventorum mutatio & rarior serenitas semper occurrit, præterquam quod

in Aprili Eurus plures dies serenos efficeret. Unde vernalis amœnitas & rarior, & sera admodum obtigit, ut incrementum Floræ, Cereris & Pomonæ multum retardaverit.

Nec Æstas multo melius se habuit, crebris ventorum alternationibus, pluviisque obnoxia, exceptis diebus canicularibus, qui plures sereni, non tamen calore nimio infensi exstiterunt.

Autumnus non minus, sub Zephyri, præsertim post Æquinoctium, & primis Decembris diebus admodum vehementis, prædominio, frigidus humidusque, & in Novembri crebris nebulis infestus, atque circa finem denuò pluviosus exstitit.

Post Solstitium quoque hyemale crebræ rursus nebulæ comparuerunt.

Ex humida autem hac aëris constitutione catarrhosæ infirmitates fere nunquam non per totum annum fuerunt obortæ; & imprimis circa Anni principium Apoplexiæ adultis, ac Tusses convulsivæ pariter ac humidæ puerili ætati, non sine multorum internecone infestæ: nec deerant Pleuritides veræ, diaphoreticis tamen & pectoralibus non difficulter curabiles; in quinque primis mensibus Febres insuper intermittentes, tertianæ & quartanæ, non paucis molestæ, sed faciliè, chinchinæ, observatis observandis, cedentes.

Nec Variolæ prorsus cessarunt, sparsim subinde comparentes, in Autumno tamen plures invaserunt, & confluentium naturam in quibusdam induendo, malignitatis etiam notas exhibuerunt, ac ita aliquibus funestæ evaserunt.

Anni 1717.

CUm post Anni principium nix crebrior decidisset, cælumque serenum redditum esset, frigus sub Euronoto obortum est, quod usque ad principium Februarii continuavit; ubi à zephro, interdum & Africo, nivis liquatio sensim successit; die autem 9. novum obortum frigus, euro præpollente, per undecim dies duravit; & diebus 18. 19. ac 20. adeo intensum fuit redditum, ut fere frigus Anni 1709. æquaverit, sed zephyro tum oborto mitius cælum evasit. Ubi etiam variolæ sensim disparuerunt, postquam in Anni principio, in pluribus confluentes, non sine malignitatis nota, infantibus, rarius adultis infestæ esse perrexerunt: Erant, in quibus pustulæ nigræ interspersæ notabantur, morte subsequente. Puerulo sexenni, sub temperato regimine, variolæ discretæ rite prodierunt, die verò morbi sexto passim pustulæ sanguine turgidæ sunt redditæ, cum mictu sanguinis, deliriis, magna inquietudine, & letali die 8. morbi eventu: Erant, qui per totum morbi decursum de alterutrius pedis vel genu dolore, sine tumore & inflammatione, conquerebantur, cum variolarum exsiccatione iterum sponte cessante.

Martius, Aprilis & Majus varia constitutione, præsertim autem humida ac frigidiuscula præditi, adventum veris valde retardarunt; sed post solis in Gemellorum signum ingressum temperatius cælum, & sæpius valde calidum, intermissis tamen crebrioribus pluviis, ventis ut plurimum ab

occidente vel septentrione spirantibus, factum est, & imprimis sirius, sub Euri prædominio, magnum æstum excitavit. Ubi, cum hætenus rariores ægrotassent, jam dysenteria multis potissimum ex plebeia gente, & adulta ætate, cum majori malignitatis, quàm caloris sensu, ex magna virium prostratione, contagii labe, breviorique morbi decursu, [infantibus nonnunquam intra triduum succumbentibus] colligenda, usque ad Æquinoctium autumnale infesta esse cepit; quæ postea ulterius progressa, puerili imprimis ætati multam stragem, non tantum ob teneram corporis dispositionem, sed medicamentorum etiam difficiliorem, tardio rem & incongruum usum, intulit. Causa potissima ab aëris varia intemperie, primo frigida & humida, postmodum calida, ibi transpirationem sufflaminate, & collectioni serosarum salfarum particularum favente, hic easdem in orgasmum concitante, imputari potuit; præcipuè cum cerevisiæ minus defæcatæ & acescentis frequentior potus accessisset. Ex medicamentis, quæ non tantum malignitati resistere, sed acres etiam humores edulcare, fibras leniter stringere, & dolores mitigare valent, sub varia forma, provide administrata conduxerunt: qualia erant Unicornu fossile, Corallia rubra, bolus Armena, Terra sigillata, smaragdus, Hæmatites, Tormentilla, succus Catechu &c. cum & sine opiatorum moderato accessu; Balsamum etiam Peruvianum cum vitellis ovorum subactum, in clysteribus aliquoties injectum, egregiam opem in non paucis tulisse observavi. Autumnus, zephyro, cum aquilone,

lone, denuo prævalente, (& illo quidem, sæpe vehementer, præcipuè autem à die 24. Decembris, ubi vesperi impetuosisissimus, sine tamen aliquo, per Dei gratiam, damno, secus ac alibi, in Hollandia, Hamburgo &c. tum temporis contigerat, per quadri-
duum furente (humidus admodum

ob nebulas & pluvias, exstitit; talisque aëris conditio ad finem usque anni, cujus ultima nōx fulguribus illustrabatur, perduravit, nullis aliis morbis epidemicè, paucissimis etiam sporadicè se offerentibus, præter odontalgias & consuetas hoc tempore tusses & coryzas.

Constitutio Anni 1712. Apud Labacenses in Carniolia,

à Dn. D. M A R C O G E R B E Z I O,

Apud eosdem Physico, & Medico ord. medicè considerata, & Augustam Vindelicorum d. 28. Decembris 1712. communicata.

FRigori aliàs Hippocrates non videtur imputare singularem insalubritatem, dum 3. Aph. 17. ab eo corpora firma, agilia, & bene colorata reddi asserit: quàm id tamen insalubre esse soleat, saltem dum modum excedit, docuit nos præterquam hyems Anni 1709. si quæ alia nivosa, & frigida, quoque currentis Anni 1712. hyems ob non multo demissiores nives, & frequentes aquilonares ventos similiter ultra modum frigida. Sub ejus siquidem decursu plurimi à febribus catarrhalibus, tussibus, raucedinibus, pleuritidibus, phthisibus, cephalalgis, gravedinibus, hemiplegiis, cachexiis, hydropibus, & aliis à variis modis peccante lymphâ dependentibus indispositionibus, fuere apprehensi. Quamvis tamen forte per se non tam frigus fuerit causa tantarum indispositionum, quàm prægressa elapsi Anni 1711. austrina, & pluviosa autumnii constitutio, quæ à præsentis anni perrigida hyeme excepta humiditates, elapso autumnio

in corporibus aggregatas, occlusis cutis poris, & per id impedita insensibili transpiratione, in corporibus retinuit, coagulavit, stagnare, & extravasari fecit, præsertim dum subinde tamen etiam intercurrerint austrini flatus, qui eas rursus solverunt, & exundare fecerunt. Si vicissitudine quadam, dicit Valerius lib. 2. cap. 4. locor. com. aquilonius flatus austrinum sequatur, fluxionum tum morbi flunt. Quemadmodum & nos in Chronologiæ nostræ Med. An. I. XX. & XXI.

Sic Ego ipse mox sub anni ingressu cum pluribus aliis à febre catarrhali apprehensus eram, sed brevi liberatus introsumptione mannæ granatæ in jure dissolutæ quantitate unc. trium, & sudatione ad tales pulveres específicos mane cum decocto herbæ theæ assumptos, &c. Spec. diarmarg. frig. diatrag. frig. ℥ ij. diaphor. ana. ℥ss. succin. alb. præp. flor. ☿. ana gr. iij. M. f. pulv. in triplo. Aliis præterea subinde venæ sectione sanguinem imminuebam, & alia pecto-

ralia propinabam, puta decoctum pectorale cum syr. de alth. Fern. de farfara, aut similibus specificis dulcificatum. Item Trochisc. bechicos, ol. amygd. dulc. cum sacch. cando, vel Julapio violato &c.

Certus puellus quinquennis non pridem pro capitis, & reliqui corporis scabie atigenda, nescio quo, perunctus, & præterea ab extra perfrigeratus in eam dyspnœam inciderat, ut suffocandus videretur. In subsidium vocatus fuâseram, ut eum syr. Mannati unc. i. & jalap. pulv. ʒj. expurgarent. Hinc in jure dissolutam spermat. Ceti ʒj. propinarent. Nec non ad sudorem cogèrent his pulvisculis: ℞. Spec. diamarg. frig. ʒ. diaphor. ana ʒss. pulv. March. succin. alb. præp. ana. gr. iij. flor. ʒ. gr. j. sacch. perl. gr. iij. M. F. pulv. in triplo. Et sæpius cochleatim propinarent de tali mixtura appropriata: ℞. Extract. helen. fumar. ana ʒj. croci gr. v. subigantur in Aq. asthmatis. chærefol. ana ʒiſs. syr. de hyssopo ʒss. M. f. potio. Atque, nisi malum remitteret, utrique brachio vesicatoria applicarent. Dictum, factum, & puellus præter parentum expectationem convaleuit.

Hyemem quidem cum majore amoenitate excipere velle videbatur Ver, utpote sub cujus ingressu ex amoenis Solis radiis adhuc residuæ nives successivè optatissimè dissolvebantur. Postquam autem in Aprilis progressu sæpius intercurrere incæpissent pluviae austrinæ, à 20. Aprilis usque ad 25. autem ex Euro pristina hyemalis auræ asperitas, adeo desolati evadere incæperamus, ut adhuc vel tunc nobis non melio-

ra de corporum valetudine, quàm de futura satorum ubertate ominari tristes occæpissimus. Quando enim in nostris oris nives, & hyemale frigus eo usque, & ultra æquinoctium vernum protrahuntur, experientia annua edocti nunquam messem opimam, fructus arborum copiosos, & vindemias lætas nobis adpromittere audemus. Emori siquidem accidit vel in ipsa radice hyemalia fata, flores arborum fructiferarum emarcescere, & primos vitium pampinos à pruinis, & nocturnis auræ asperitatibus exitialiter aduri: quemadmodum id etiam, ut postea dicetur, hoc ipso anno evenit. Nec minorem stragem valetudo humana perpeſsa est. Corpora siquidem hyemali asperitate enervata, & per tot intercurrentes auræ vicissitudines alterata, nec non per tot vernas pluvias nova humorum illuvie repleta, non poterant non solum ab adhuc hyemalibus indispositionibus opprimi, verum & vernis subjacere, potissimum eis, quæ à peccante lymphâ, quales sunt omnis generis vulgo defluxionibus imputari soliti affectus, produci solent. Non minus autem Majus erat inconstans, & inamœnus, quàm Aprilis, utpote fere quotidie versus vespem pluviosus, quin imo subinde & tempestuosus, quemadmodum secunda Maji, qua excussum ex nubibus fulmen arcis horologio adjacentis turris tectum magna parte disjecerat. Junius erat quidem nonnihil ordinatior, & versus exitum utcunque æstivus, aliquoties tamen æque tempestuosus: quin imo ad festum S. Medardi ex aquilone plane frigidus. Ut adeo neque ipse plane

ne inculpate transire potuerit.

Certus archi-hypochondriacus, jam tribus annis consequenter semper circa dimidium Aprilis deterius affectus, & præsertim de capitis gravitate & obfuscatione quadam lamentatus, 13. Aprilis inexpectate factus epilepticus intra bihorium obiit. Obiisse quoque observati sunt alii repente eodem tempore facti epileptici. Memorabile est à jam dicto hypochondriaco notatum discrimen inter auram civicam, seu Urbis arcis subjacentis, & inter auram sublimem arcis ipsius Labacensis. Asserebat is enim, quod quoties adiisset (solebat autem diebus amœnis facere frequentissime) arcem, confedissetque aliquamdiu sub tilia, suppremitatem montis amœne coronante, vel obambulasset; se semper notabiliter melius sensisse, caputque habuisse serenius; quam primum vero redux domum versus subjacenti urbi appropinquasset, se illico rursus deterius sensisse. Ut adeo planè dubitare non liceat de veritate eorum, quæ nos in *vindiciis nostris Medicis de aura Labacensi* §. 37. de discrimine inter salubritatem urbium, & locorum liberæ auræ expositorum, campestriumve docuimus.

Ad-repentinam Junii circa festum S. Medardi perfrigerationem, pleuriticus factus Jacobus Ubez, expertus Chirurgus, corpore ultra modum obesus, & plethoricus, elusis quibuscunque adhibitis remediis quoque intra triduum obiit, cæterum homo apparenter sanissimus. *Obesi videlicet facilius moriuntur, quàm graciles ex Hippocrate.*

Æstas habuit quidem sua interval-

la utcunque connaturalia; quod toties tamen intercurrissent tempestuosæ pluviae cum tonitruis, fulgurationibus, & fulminationibus, subinde etiam cum grandine, cum communiter subsecuta notabili auræ perfrigeratione, quemadmodum 21. Augusti, qua mane hora media septima fulmen in suburbio Tyrnau dicto octo nautarum casas, non obstante densissima pluvia, in cineres redegebat; pro vix temperata, & vernam temperiem affecta haberi poterat. Ob quam causam sata tardius maturata messem tristissimam colonis præbuerant.

Adhuc parum siquidem illud, quod hyemalem rigiditatem, & ultra æquinoctium protractas nives subterfugerat, perque vernas pluvias in lolium conversum non erat, per toties iteratas coruscationes adeo exustum fuit, ut aristæ vel steriles planè evaserint, vel grana macra efflorescunt, & potiore farina orbata progenarint.

Neque humana valetudo interea minimum passa. Vidimus siquidem, quod, quæ per Junii, Juliique decursum ob imminutas successivè per hyemem, & Ver in corporibus aggregatas humiditates, utcunque subsidere inceperat, mox sub Augusto labascere visa sit à febribus tertianis intermittentibus, subinde & quartanis, & tertianis nothis, continuis, diarrhoeis, dysenteriis, vomitionibus &c. impetita. Quæ febres vel in eo fuere singulares, quod non solum raro consuetum typum in paroxysmis observaverint; verum etiam, quod communiter post aliquot paroxysmos in continuas mutari solitæ fuerint,

similiter adeo inordinatas, ut etsi typum tertianarum duplicium præ se ferre viderentur, tamen subinde 24. & plures horæ intercurrerint, quibus in pulsu nulla fere alteratio animadvertebatur, urinis fere crassis, & lateritio sedimento refertis existentibus, desuper verò tamen rursus insistente continua alteratione, persæpe cum maculis petechialibus scarlatinis, saltem per brachia dispersis, sæpe etiam cum diarrhœis & vomitionibus, vel copiosissimis sudoribus: vix tamen aliquando cum ægrorum interitu, etsi semper cum tardissima integræ valetudinis recuperatione. Quod Medici communiter febriliter cum succo pancreatico iusto acidior effervescenti bili, sed multæ pituitæ admixtæ imputabant; & vel propterea non tam ardentes, acutæve febres producenti, quàm potius nothas, minus acutas, & diuturnas. *Quando æstas sit similis veri, sudores in febribus multos expectare oportet. Hipp. 3. Aph. 6.*

Curabantur autem febres illæ, si quandoque persistere intermittentes, pulvere Cornach. diebus à febre liberis iusta dosi assumpto, & sale febrili Myns. una alterave hora ante paroxysmos in aqua card. ben. vel cent. minoris propinato. Si qua verò eas in continuas degenerare accideret, præterea venæsectio celebrabatur in petechialium macularum absentia, aliàs verò scarificatio dorsi cum subjunctis cucurbitulis. Quamvis viderim apud unum alterumve opificem, cui etiam actu prostantibus petechiis, sed pro pulicum morsibus habitis, erat sanguis venæsectione emissus, & qui tamen æquè convaluit, ac alii, quibus san-

guis emissus non erat. Unde conjicere licebat eas solita sibi malignitate non fuisse præditas. Per reliquum morbi decursum autem insiste-batur usui pulverum pan. rub. de gem. frig. CC. phil. præp. ♀ diaph. arcan. dupl. bezoardico min. additis, si diarrhœa symptomatica urgebat, troch. de terr. sigill. unicorn. foss. &c.

Certa filiola, quæ simili febre continua cum maculis petechialibus, & dysenteria detinebatur, convaluit ad subinde pro necessitate injectos clysteres, primum abstergentes, postea adstringentes, & ad quotidianam intro sumptionem pulv. pan. rub. troch. de terr. sigil. CC. phil. præp. unicorn. foss. & smaragd. præp. cum sacch. rosato dulcificatorum. Quodque præterea linguam haberet aridam, eam humectabat mucilagine sem. cydon. aqua prunell. extr. addito Rob. diamor. & lap. prunell. eluebatque frequenter os aqua & aceto invicem commistis, absterfa lingua dentiscalpio, non intermissis externis astringentibus.

Certus nobilis denique planè adhuc pluribus habebat opus. Laborabat is verò hemitritæo, febre ex æstu febrili continuo, & febre intermittente cum rigore & duplicato æstu alternis diebus intercurrente constante, & quod deterius erat, semper cum quadam veluti Cholera seu excretionibus numerosissimis per superna, & inferna materiæ variæ veluti æruginosæ. Hic erat primum purgatus decocto sen. c. rhab. Myns. Hinc ipsi vena secabatur, & pro attemperatione æstus febrilis præter mixturam cordialem ad intro porrigebantur pulv. de gem. frig. CC. phil. præp.

præp. Gum diaphor. arcan. dupl. Ast intercurrebat tertius paroxysmus cum ea violentia, vomitibus, & alvi dejectionibus, ut æger, si sæpius taliter invaderetur, malo succubiturus metueretur. Hinc postridie illius paroxysmi loco arcani duplicati memorato, pulveri Cort. peruviani & troch. de terr. sigill. ana ʒi. erat additus. Vesperis autem ante somnum pridie quarti paroxysmi febris intermittens talis bolus: ℞. Conserv. menth. rosar. Elect. diascord. frac. ana ʒss. cort. peruv. subtil. pulv. ʒij. troch. de terr. sig. gr. vij. M. cum sacch. F. bolus. Et non solum quieverat ea nocte utcunque æger, verum & à vomitionibus illis, aliisque dejectionibus fere liber erat, præterquam totus debilis, & à continuante æstu febris continuæ totus anxiosus. Qui propterea pro possibili cordialibus & caponis jure cum gelatina permisto reficiebatur. Quodque expectaretur accessus quarti paroxysmi mox à meridie, quatuor horis ante eum fuit ægro talis mixtura specifica propinata: ℞. Aq. cord. faxon. secundæ, card. ben. ana ʒss. syr. coral. ʒij. cort. peruv. subtil. pulv. ʒss. ⊖ absint. gr. V. M. f. pot. Et desideratissimè emanserat, quem adeo non minus nos, quam æger ipse metuerat, paroxysmus. Ut adeo nobis nihil superfuerit expugnandum, quam adhuc febris illa continua, viriumque prostratio: quibus proinde diligenti continuatione pulv. de gem. frig. CC. phil. præp. ʒij. diaphor. & ⊖ perlat. nec non mixturis cordialibus opem ferre eo usque conabamur, usque dum successivè & ista feliciter sopita fuere. Certè si in

quo alio, in hoc manifestè periculoso casu se Herculem exhibuit cortex peruvianus, rite ob conjunctam Choleram stomachicis associatus.

Autumnus deniquè usque ad extremum Octobris erat satis commodus, ut adeo Vindemiæ quidem in optata aëris temperie potuerint peragi, sed vel ex eo tristes, quod magna botrorum pars, uti in constitutione verna dictum, aut in primis adhuc pampinis vere emarcuisset, aut æstate à tantis corruscationibus, & rubiginosis pluviis, ipsis etiam arborum foliis, & arboreis fructibus propterea copiosissimis maculis notatis, & ad putredinem pronissimis notanter infensis, adusta penitus arida è vitibus decidissent, postea autem, & toto Novembri, Decembrique Mensibus usque ad 13. Decembris adeo pluviosus, ut fere non intercesserit dies, qua non pluisset, aut saltem nubilum, & ad pluvias proclive non fuisset, & ex Austro jugiter (excepta 20. & 21. Novembris, qua primæ nives ex Euro ceciderant, & 8. Decembr. quâ per quinque continuos dies Aphricus vehementissime furebat) flante veluti tepidum. Hinc non mirandum, quòd interruptis dictis tum continuis, tum intermittentibus febribus, è contra turmatim irruissent febres Catarrhales, hemicranie, vertigines, hemiplegiæ, arthritides, & post 20. Novembris repente perfrigeratam raucedines, gravedines, tussis, pleuritides, obauditiones &c.

A 13. Decembris ex Aphricum excipiente leni Aquilone, demùm saltem à prandiis serenum cum successiva aëris perfrigeratione usque fere ad

anni exitum , nisi quòd postremis diebus constanter obnubilatum cœlum nos Solis radiis privaverit. Atque adeo apparet totum hunc annum, excepta hyeme, quæ saltem frigoris acerbitate excefferat, fuisse valde insalubrem, & ob tot pluvias, coruscationes, & potissimum prævalentes ventos Meridionales, non minus terræ fructibus, quàm hominibus magnoperè infensum. Num verò & animalibus, quæ etiamnum crepare continuant? sub iudice lis est. Interea certum est, tot æuginosas pluvias eorum pascua non reddidisse salubria, quin potius insalubria. Quamvis probabilius videatur, istam interitus animalium continuationem potius contagii semel eis impressi propagationi esse imputandam, quàm pascuorum vitio: eò, quòd & alibi terrarum grassetur tale malum, ubi forte tamen tot corrosivæ pluvix non cecidere, quot apud nos.

Duo hemiplectici fere planè æqualiter affecti, id est uterque cum immobilitate brachii dextri, & loquendi impotentia, fuere fere æqualiter percurati, ita ut etiamnum fere pro lubitu moveant brachia, & loquantur libere. Purgabantur videlicet hac potione: ℞. Mass. pil. cochiar. ʒj. dissolvatur in tantillo aq. apopl. adde syr. de stœchad. ʒij. spir. lil. convall. gutt. VII. M. f. potio. Hinc uni eorum, qui plethoricus erat, mittebantur ex dorso, mediante scarificatione, circiter quatuor uncix sanguinis. Utrique verò erat injunctum, ut pro corroboratione spirituum bis de die assumerent, castaneæ quantitate, de hac opiata: ℞.

conserv. flor. beton. salviæ, anthos, majoran. ana. ʒß. spec. contra apoplex. ʒiß. specific. cephal. Michaël. ʒj. spir. ceras. nigr. lilii convall. ana. parum M. cum syr. flor. tunicæ F. opiata. Cui superbibatur unum vel alterum Cochlear aquæ apoplecticæ.

Item, ut spinam dorsi cum nucha ungerent unguento nervino, & ol. lumbr. terr. utque os frequenter eluerent spiritu lil. convall. cui theriaca esset admista.

Quinta morbi die fuit repetita portio purgans, atque subsequentibus septem diebus sudor procuratus decocto lignorum cum ligno rorismar. & visco querc. Et, uti dixi, successivè convaluit uterque.

Non multo absimilius tractatus fuit etiam certus mercator ex hemiplegia saltem oris torturam, & palpebræ dextri oculi, ita, ut eam citra manus subsidium occludere non posset, resolutionem passus. Purgabatur is nempe his pilulis: ℞. Extr. cephal. ʒß. castor. gr. j. Resin. jalap. pin. sub. gr. VII. spir. mac. gutt. j. M. cum spiritu ceras. nigr. f. pil. No. IX. Nucham calidè unxerat ung. nervino & ol. succini; pro corroboratione utebatur eadem opiata, qua duo illi hemiplectici, & post triduum repetitis pillulis sudabat ad potum decocti sudoriferi per octiduum, prætereaque partem affectam fovebat sacculis speciebus nervinis refertis, & in vino albo decoctis. Et eatenus restitutus fuit successivè, ut vix animadvertatur, quòd aliquando fuisset læsus.

Armamentarii Cæsarei præfectus tamen, postquam jam antehac ter fuisset

fuiſſet à ſimillima hemiplexia ſimil-
limis remediis feliciter reſtitutus , cir-
ca dimidium Novembris brachio ſi-
niſtro , quod alias prioribus vicibus
erat intactum , reſolutus cum omni-
moda loquendi impotentia , fruſtra
adhibitis quibuſcunque , ad initium
Decembris interiit.

Ex quartanariis certus ſexagenarius
ad ſolas has pilulas : \mathcal{R} . pil. tart. Schrœd.
3ſ. extr. gentian. cent. min. ana. gr. IV.
Reſin. jalap. pin. ſubr. gr. V. M.
cum tinct. tart. f. pil. No. IX. Et ad
ſectionem ſalvatellæ manus ſiniſtræ ,
atque ad gr. iij. tart. emet. Nec non
ad continuatum uſum hujus tincturæ
convaleuit : \mathcal{R} . Effent. abſynth. Elix.
propr. parac. tinct. tart. ſpir. \ominus . *ci
ana 3j. M. Doſis gutt. XXX. ex
aqua abſynthii. Alii tres quartanarii
verò priuſquam fuere liberati , præ-
terea uſi ſunt ſuis temporibus his pul-
veribus ſpecificis : \mathcal{R} . cort. peruv.
ſubtiliſſimè pulv. 3ij. \ominus *ci , \ddagger
diaphor. ana gr. x. M. f. pulv. Alio-
rum affectuum curationes , utpote

magis obvias , ſtudio prætermitto ,
excepto ſolo adhuc Materialiſta illo ,
qui 20. currentis Decembris in ædi-
bus Carpentarii ad eccleſiam S. Flo-
riani , ex diuturnis Coli inteſtini do-
loribus , & offis pubis , ilique apo-
ſtemate obiit. In eo ſiquidem illud
erat ſingulare , quòd ex aperto apo-
ſtemate in femore aliquot digitis infra
os pubis , ob commodiorem puris eva-
cuationem , cum pure genuinæ alvi
fæces profluere animadverſæ fuerint.
Propterea demortuo poſt octiduum
circiter ægro , jam pridem penitus ex-
hauſto , erat inquiſitum in dictarum
fæcum tranſitum ; & deprehenſum ,
quod colon inteſtinum , ea , quæ
coxam ſpectat , parte fuerit ad impe-
rialis nummi amplitudinem exeuſum ,
perforatumque , & inde factò ſucceſ-
ſivè cuniculo per pure excavatos
muſculos , partes illas contegentes ,
penetraſſe ex læſo inteſtino fæces illas
alvinas uſque ad inciſum locum. *In-*
duta eſt ſcilicet caro hominis putre-
dine , & ſordibus. Job. cap. 7.

Conſtitutio Anni 1713.

à Dn. D. M A R C O G E R B E Z I O ,

Medico Labacenſi , communicata d. 15. Januarii An. 1714.

A Deo varius erat apud nos Laba-
cenſes , quoad auræ temperi-
em hujus anni 1713. decurſus , ut fe-
re vix præterierit octiduum , quo ob
jugem omnis generis intercurrentium
ventorum viciffitudinem , alia non
fuiſſet introducta aëris conſtitutio.
Solus Januarius ſibi hyeme aliquali-
ter conſtabat , æſtate Auguſtus , &
autumno poſterior Novembris , &

anterior Decembris pars cœlo ex fo-
lito maturius partis nivibus , eaf-
que ſecuto flatu aquilonio ſerenato.
Cæterum verò toto reliquo tempore
varietas , potiſſimum cum pluviis ,
& auræ aſperitate conjuncta : proin-
deque ſicut terræ frugibus maximè
incommoda , (qui propterea excep-
tis montanis locis , ubi ſolum natu-
ra ſuas aridius eſt , non ſolum creve-

re perpauci, verum & impuri, & vicis, zizaniisque plenissimi, arboreis fructibus quidem itidem saltem in montanis existentibus utcunque copiosis, verum & ipsis ob nimias pluvias veluti eviratis, & solita sapiditate destitutis, consequenter minus sanis, plurimisque hominum eis indiscretè vescentium febrium diarrhoearum, dysenteriarum, vomitionum, & ventris corrosionum causa) ita sanitati humanæ maximè importuna. *Mutationes* siquidem *temporum*, teste Hipp. 3. aph. 1. *pariunt morbos*. Quod ea tamen non tulerit singulares aliquas, præter copiosas defluxiones, epidemias, quæ aliàs feraces esse solent similes annorum constitutiones, existimo in singulare nostrum commodum fecisse, quòd dictæ illæ varietates nunquam repente irruerint, sed successive, & veluti inadvertibiliter, neque diu tales perseverarint, neque magnæ fuerint: quod tamen requiritur ad inducendos in corpora ex aëre morbos populares. *Magnas* siquidem, dicit Hipp. citato loco, *mutationes facere morbos*, 3. aph. 7. autem dicit: *si annus magna ex parte talis fuerit*. Quod ipsum sentit & Galenus *Comment. 1. in lib. 1. Hipp. de morbis vulgaribus*. Quandoquidem igitur hic annus, juxta dicta, maxima ex parte fuerit varius, & frequentissimè pluviosus: tales constitutiones verò solent esse defluxionum, seu morborum à peccante lymphâ dependentium feraces, mirum non est, quòd potissimo tempore præ quibuscunque aliis affectibus viguerint defluxionum morbi.

Curationes eorum non adduco, sed

relego benevolam Lectorem ad *Chronologiam meam Med.* elapso Vere Francofurti unà cum Intricato Extricato meo Medico recusam. Ne vacuæ tamen omnino sint hæc paginae, aliorum morborum hoc tempore observatorum, & solum breviter meminisse hinc lubet certæ nobilis Matronæ, elapsa quadragesima à me hydrope ascite feliciter percuratæ, elapso autumno verò ex eodem malo tamen, sed per errorem defunctæ. Hæc tota elapsa æstate citra querelam vixerat: quòd ea verò horariis fructibus nimium indulgisset, & aliàs licentiosius pro ordinario muliercularum more victitasset, sub initium autumnii de novo cruribus intumescere occæperat, successive & abdomine; sed quod cum nescio quo in ventre motu, se concepisse suspicari inceperat, & propterea omnia remedia, ne inde forte abortus periculo sese exponeret, negligere, usque dum exacto, sua opinione, gestationis tempore, dum parituram sese existimaret, vitam cum morte commutarit. Apertum propterea Cadaver, ut foetus eximeretur: ast ejus loco aliud non repertum, quam ingens in abdomine aquarum colluvies. Ut adeo manifestè conicere licuerit, motum illum, quem foetui illa imputabat, aliunde non fuisse, quàm à flatibus, aut colluviei illius aquosæ in abdomine contentæ, & sub corporis motu, aut ventris contractione perceptæ fluctuatione. Si infelix mulier, aliàs tempestivè ad rem fecisset, (quamvis gravidas à similibus generosis remediis indigentibus malis citra abortum liberare, sit ex nostra in Intricato

Extricato nostro medico tradita doctrina , perarduum) forte non minus juvari potuisset , quàm adjuta à me fuit Sutorissa illa , cùjus ut talis curatio proposita fuit in *Chronologia meæ Med. Anno I. §. CXXI.* In simili siquidem peccantium humorum aggregatione remedia etiam valentiora , qualium hydrops præ aliis affectibus indiget , non tam foetum , utpote rem domesticam , & naturæ congenerem , quàm humorem peccantem , utpote quid à natura alienum , citra abortus consecutionem , aggrediuntur. Prouti id pluribus deductum à me fuit in jam allegata *Chronol. meæ Med. Anno I I. §. CXXVII.* & alibi. Ut taceam, quod in tali casu præstare videatur saltem matrem etiam cum aliquo abortus periculo salvare, quàm Matrem & foetum evidenti periculo expositum , relinquare. De imaginariis conceptibus alias si quis plura legere cupit , inspicere potest Sachsum in *Scholio ad observ. I. Anno I. Decuriæ I. Ephem. Nat. Curios.*

Meminisse item lubet duorum febricitantium , quorum uterque in sextum usque mensem intermittenter febricitabat , non obstantibus variis à suis Medicis sibi ordinatis remediis , quos Ego tamen solis sequentibus mox ad anni principium celerrimè liberaveram. *R. Pil. tartarear. Schræd. ʒß. extr. gentian. cent. min. ana gr. iv. Resin. jalap. pin. sub. gr. vii. ol. mac. gutt. ij. M. cum tinctura tartari. F. pil. N. IX.* Sumantur die à paroxysmo libera. Hinc pro ventriculi corroboracione , & cruditatum correctione sumantur quotidie mane ex juscule de sequenti

Tom. II.

tinctura in diuturnis febribus specifica guttæ XXX. *ʒ. Essent. absinth. agrimon. Elix. propriet. parac. f. acido, tinct. tart. spir. sal. * ci ana. ʒj. M.* Atque ab extra lienis regioni applicetur Emplastrum de Cicuta cum ammon.

Sique videretur , memoratæ pilulæ adhuc semel iterentur. Et exactè observata interea victus regula uterque constanter convaleuit.

Ad certum quinquagenarium hypochondriacum sæpe sæpius ventris corrosionibus , & nocturnis vigiliis tortum pro dando consilio vocatus , dum vidissem , quod ei à Medico suo Ord. frequentissimè ad vesperum pilulæ de cynoglossa aliquot granis laud. op. acuatae concederentur ; earundem tam frequentem usum absolutè dissuaseram veritus , ne eæ forte successivè caput ad apoplexiam disponderent. Quod in eo verò mihi non obsequeretur patiens , utpote ab earum usu semper , uti ipse afferebat , alleviari solitus ; ei ultimatim cum suo interitu obtigerat , quod Ego ipsi pridem prædixeram. Sæpe siquidem etiam ea , quæ prodesse videntur , obsunt.

Prosperiore forte sibi è contra procuratum fuisse per sex hebdomadas frustra desideratum in arthritide vaga somnum , mihi eodem tempore fide dignissimus narraverat certus Soc. JESU pater , charta , in qua multo tempore involutus in officina aromataria asservabatur crocus , capiti obvoluta. Ut adeo non vanè suaserit wedelius apud Friccium in singulari suo tractatu *de virtute Venenorum Medica cap. XXIII. de croco*, crocum sacculo inclusum , & infantum , si qua

LI

dormi-

dormire non possunt, capitibus suppositum, cum admonitione tamen, ut, ne is eis forte nimium soporem inducat, postquam obdormivere, is iterum subtrahatur.

Adjicio rarioris illius affectus, quem ob involuntariam, & justo copiosiorē crudæ & factō haustui analogæ urinæ profusionem, Diabetem vocant Medici, succinctam, sed felicissimè peractam curationem. Certus in honorifica dignitate constitutus 52. annorum Sacerdos, temperamento atrabilarius, & ob plurima negotia, vitamque sedentariam factus, uti dicitur, hypochondriacus, inter reliqua hypochondriacis familiaria accidentia successivè demum etiam de urinæ ardore, & multo in urina sabulo lamentari cœperat. Hinc præter referendis obstructionibus dicata plurima remedia etiam abstergentibus, leniter diureticis, & urinæ acrimoniam obtundentibus usus est, quale præ aliis erat decoctum Foresti, & syr. de althæa Fernel. Taceo stomachica, & alia, quæ subinde ab urgentibus circumstantiis exigi videbantur. Inde sublatus quidem fuit molestissimus ille urinæ ardor, sublatum etiam cum urina excerni solitum sabulum; verum ejus loco inducta memorata illa involuntaria, & nimia crudæ, & potui colore planè analogæ urinæ profusio cum ea marasmodica corporis contabescencia, ut venerabilis æger omni prorsus appetentia, & somno destitutus, sine fine sitibundus, proximè interiturus videretur.

Hinc itum in consilium, & conclusum, ut posthac cura tota eò dirigeretur, quo urinæ nimiae illi pro-

fusioni corporis substantiam eatenus depascenti idoneis remediis occurreretur.

Statutum propterea, ut æger ab omni difficulter digestibili abstineret, vitaret vinum, & ejus loco pro siti, quamvis pulsum vix alteratum haberet, biberet jus carnis bubulæ perfri-geratum, & ab omni pinguedine per præviam per pannum lineum colaturam liberatum, subinde autem emulsionem amygdalarum dulcium, exhilarato quandoque sitiente ore cochleari vini cydoniorum, vel granatorum acidorum, quandoque etiam granis ipsis pomorum granatorum. Pro cibo vesceretur juribus caponis, in quibus concussus sit vitellus ovi rec. contusus, amygdalatis, avenatis, hordeatis, & pultibus ex ovis, & pulpa panis triticei paratis, malis cotoneis &c. sique posset, carne vitulina, caponum, pullorum, avicularumque montanarum. Mane etiam & vesperi assumeret bonæ castaneæ magnitudinem de hoc specifico.

℞. *Conserv. ros. rub.* ℥iij.
rad. symphyt. maj. ℥ij.
spec. diatrag. frig. ℥ss.
coral. rub. præp.
terræ sigil. ana ℥j. *M.*
cum syr. cydon. F. electuarium.

Regionem renum ungeret ungu. rosato, refriger. Gal. & Comitissæ. Spinam dorsi autem & pectus ungu. resumptivo. Quibus constanter continuatis rediit successivè tantus appetitus, ut sibi à cibis vix temperare valuerit. Item somnus, vires, & carniū consumptarum recuperatio ad admirationem.

Anni 1714.

SI unquam aliquis annus fuit irregulariter constitutus, fuit apud nos Labacenses annus 1714. cujus constitutionem quoad aëris temperiem in præfenti communicamus: excepta siquidem sola hyeme, quæ fuit cum paucis nivibus aquilonia, & per totum toleranter frigida, & sicca, totum reliquum ejus residuum, Ver videlicet, æstas & autumnus, excepto Novembri mense & dimidio Decembris, quorum dies in accepta aëris amœnitate decurrerant, erat meris varietatibus, & veluti quotidianis pluviis subiectum. Unde tot, tantæque aquarum exundationes, ut nec sata maturefcere, nec gramina defalcari, siccarique, nec semina opportunis temporibus terræ mandari potuerint; quæque terræ mandata fuere, aut prorsus non adoleverant, in semine suffocata, aut adulta à meris viciis, zizaniis, & loliis adeo conspurcabantur, ut usui esse vix potuerint, aut ab uredine adusta grana effæta, & farina fere destituta tulerint. Unde insueta annonæ penuria, & propterea præsertim Croatiam versus, fere communis inter plebejos fames.

Qua stante aëris constitutione qualiter humana valetudo subsisterit? nemini credo difficile fore conjicere, qui ex Hippocratis *lib. tertio aphor.* & aliàs novit, qualium tales annorum constitutiones soleant esse feraces corporum indispositionum; præsertim, si is præterea perpenderit, qualem victus rationem in simili rerum penuria, & caritate fuerit ob-

servare necesse, & quali, quamve insalubri qualitate debuere fuisse præditi non solum terræ, verum & arborum, vitiumque fructus, utpote dicta uredine adeo exesi, adustique, ut vix fuerit reperire pyrum, pomum, vel etiam botrum, qui integer, immaculatus, & connaturali suo sapore præditus fuisset: quamvis & talium parcissimus fuerit questus. Substitit videlicet, si unquam aliquis, lamentabiliter. Eo, quod similes temporum constitutiones, soleant esse ex Hipp. citato loco, & nostra in *Chronologia Medica* tradita doctrina, morborum feracissimæ.

De hyemè quidem nobis non erat, quod adeo quereremur, utpote quæ utcunque tolerabili suo frigore siccitateque corpora potius reddebat *firma, agilia, & bene colorata*, adeoque bene valentia, quosque tulerat morbos, eorum saltem solum accidentalis extitit causa; quatenus videlicet humiditates à prægresso pluvioso anno in corporibus nostris aggregatas altius impresserat, coagularat, & à discussione per insensibilem perspirationem impediverat.

Quod ipsum puta & de Novembri mense, Decembrisque anteriore dimidio, utpote similiter leni aquilone perflatis, & potissimum amœna serenitate illustratis. Ast tanto majores querelæ nobis fuere contra Veris, æstatis, & reliqui autumnii [utpote adeo pluviosorum, ut vix intercurrerit duorum triumve dierum serenitas, Solisve illustratio, quæ à pluviis, aut saltem nubilo cœlo cum planè insueta aëris asperitate non fuisset interrupta] decursum: Qui propterea tantis cum ægrotis nego-

tiis nos oneraverat, ut iis expediendis vix suffecerimus. Quin imo, postquam affinem nobis Styriam ad Judenburgum peste infectam perceperamus, nobis planè de adhuc deterioribus metuere inceperamus. A quibus tamen præservavit nos hæcenus gratiosum Numen.

Morbi autem, à quibus adeo impetebamur, erant præter omnis generis defluxiones similibus temporum constitutionibus semper familiares, arthritides, colici dolores, pleuritides, hydropes, febres tam intermittentes, quàm continuæ, & ex eis multæ planè malignæ, diarrhœæ, dysenterix, vomitiones, lumbrici, variolæ, morbilli, & rubeolæ: nulli tamen funestiores, quàm febres petechiales, & præsertim Decembri Mense variolæ. Quibus propterea etiam multi præsertim Augusto mense, & Septembri planè succubuere. Quamvis, qui victus rationem observarant, riteque curabantur, potissimum reconvalescerent.

Singulare quid duobus fratribus acciderat: Utrumque prævio totius corporis rigore febrilis incalescentia apprehenderat. Hinc planè intolerabiles lumborum Puncturæ. Desuper unum petechiæ scarlatinæ seu purpureæ, alterum petechiæ nigræ, & variolæ purissimo sanguine soliti puris loco suffusæ. Et ille tertia morbi die, hic septima inopinatè succubuit.

Certa etiam 10. annorum herula cortice peruviano vix à febre quartana liberata in variolas confluentes densissimas inciderat, quæ successivè etiam eo perductæ fuere, ut contractis crustis instantaneè ab-

cessuræ crederentur, herulamque pristinæ valetudini more solito restitutura. Ast ecce quàm inexpectatum fatum! præterquam enim, quod crustæ etiam sæpius oleo amygd. dulcium perunctæ nullatenus recessissent, (persistente interea semper febre acuta continua, & tussicula) ultimatim eæ eo deductæ fuere, ut si quàm casu tamen abscedere accideret, ea post se ardentissimum ulcus absque omni pure relinqueret, usque dum miserabili herulæ ultimatim, 21. scilicet morbi die, è vita excedere fuerit necesse. Usque adeo de variolis, nisi cum eis & febris, & reliqua accidentia recedant, nunquam venit triumphandum.

Certus Mercator Goritia Labacum cum intensissima & ea continua febre in maximo frigore delatus, de intensissimis & faucium, & artuum doloribus lamentabatur: à quibus demum etiam idoneis remediis liberatus erat. Sed desuper [persistente adhuc febre] toto corpore minutis, & densissimis hydatidibus, seu vesiculis aqua refertis, adeo fuit perspersus, ut quis eum undique fervidissima aqua fuisse perfusum, perustumve citra dubitationem jurasset. Et non obstantibus quibuscunque remediis quoque ipse 18. morbi die obiit.

Certus Lib. Baro è contra usque ad desperationem asciticus, dum proximè expiraturus crederetur, superveniente tumidissimo scroto, inflammatione, & abscessu, sponteque evacuatis inde aquis, præter omnem expectationem convaluit. Usque adeo desperandum nunquam: sed

sed dum spiramus, speremus.

Carbonum suffocatorum illorum, quibus fabri ferrarii uti consuevere, vapores esse nocentissimos, nemo facile est, qui nesciat: noxios verò æquè esse ordinarios illos ab aperto igne combustis lignis relictos, non facile credo fuisse observatum. Accidit tamen, quòd elapso Decembri ex intenso frigore domum reversus faber ferrarius septuagenarius, eò, quòd sese ad talium carbonum ignem excalefecisset, in eum soporem, cum maximo stertore incidere, ut is ab adstantibus omnibus pro fortissimè apoplectico, adeoque ex sententia Hipp. 2. *aph.* 42. pro omnibus desperato haberetur, successivè quidem clystere acri, frictionibus, sternutatoriis, vesicantibus, & volatilibus antiapoplecticis rursus excitatus, ultimatim verò, decima tertia videlicet morbi die tamen è vivis sublatus.

Simillimum fatum accidisse recorder ante annos Iggenfi rustico in noviter calefacto, & non pridem exstructo fornicato cubili, qui verò libero aëri expositus sese tamen rursus recollegerat. Sed septuagenario illo longè junior erat.

Singularis molis calculum in vesica gestare absque eò, quòd ab eò saltem subinde urinæ excretio interceptiatur, meo iudicio pro raro habendum est. Factum id tamen fuisse detexerat nobis nuperrimè dissectum corpus nostri Labacensis Ecclesiæ Decani. In ejus siquidem vesica ad digiti crassitiem corrugata deprehensus fuit trium unciarum calculus, qui tamen urinam nunquam interceptisse fuit observatus;

quin potius is, postremo præsertim anno, continui urinæ crudissimæ profluvii extitit causa. Sed sciendum venit, calculum hunc ab ægro semper fuisse pro hernia habitum, quem propterea à pluribus annis semper sursum cingulo herniosis consueto religatum gestabat, impediēbatque hoc medio, ne is unquam ad vesicæ orificium devolvi, & urinam omnino præcludere potuerit: quin potius, quatenus totum contractæ vesicæ spatium sua mole occupabat, causa erat, ne à renibus jugiter affluens urina ibidem subsistere potuerit, sed potius veluti guttatim jugiter excerni debuerit. Juva-
ret propterea quoque fortè aliàs (nisi lithotomiæ remedio periculoso & sæpe impossibili sese subjicere mal-
lent) tali medio uti, ut taliter saltem ab eis aliàs consueta urinæ præ-
clusionē liberi viverent.

Anni 1715.

Quem non piget revolvere constitutiones anni 1713. & 1714. à me notatas, & postremo Ephem. Nat. Cur. tomo insertas, is facile conjiciet, qualiter saltem per hyemem currentis anni 1715. subsisterit inter nostrates Labacenses humana valetudo. Ex temporum siquidem salubribus, vel insalubribus aëris constitutionibus potissimum dependere humanorum corporum bonam, vel malam valetudinem, demonstravi luculenter in Chronologia mea Med. Quandoquidem igitur ex dictorum annorum constitutionibus elucescit, eorum tempora potissimum fuisse varia, aspera, & pluviosa; talia autem solere esse fu-

xionum, & omnis generis à putredine, & humorum corruptione oriundarum indispositionum feracia; arguere pronissimum est, saltem hyemem memoratos annos immediate consecutam debuisse fluxionibus, & omnis generis à putredine, & humorum corruptione oriundis indispositionibus fuisse obnoxiam, non obstante, quòd ea de se adeo insalubris non fuerit, utpote potiori ex parte aquilonia, toleranter frigida & sicca, adeoque ex sententia Hippocratis utcunque salubris. Corpora siquidem per antecedentem talem insalubrem aëris constitutionē vitiosis humoribus semel referta, præsertim hyemali tempore, quo cutis pori ab externo frigore occlusi, talium humorum debita per insensibilem perspirationem depurationi obsistunt, per subsequenter, etsi etiam utcunque salubrem aëris constitutionem, sibi adeo restitui vix possunt tam celeriter, ut in affectus à tali putredine, & corruptione oriundos non incidant, eo saltem usque insistentes, donec à salubriori, & ea contraria, calida videlicet aëris temperie in contrarium non alterentur. Hinc etiam observatum fuit, non obstante juxta dicta de se alias utcunque salutari hyemis constitutione, plurimos Labacensium incidisse, præter omnis generis defluxionum morbos, quoque in febres malignas, morbillaceis & varii generis etiam aliis cutis efflorescentiis adeo periculosis, & contagiosis stipatas, ut potissimæ urbis domus eis fuerint coinquinata: magna etiam incolarum pars, præsertim pauperum, utpote & competente victu, & necessariis remediis destitutorum, planè è mediò sub-

lata. Dictum siquidem fuit præterlapsum annum 1714. fuisse adeo sterilem, & insuper fructibus, quos protulerat, vitiatum, ut inde in corporibus ab eis nutritis alii succi progenerari non potuerint, præterquam morbos. Accesserat & mortalitas animalium, quorum, etsi nondum actu ægrotorum, re ipsa verò tamen actu insectorum comestas carnes probabile est, etiam quidpiam ad humanorum corporum insalubritatem contulisse. Item inter plebem famem ipsam, quæ propterea tot mendicos ad urbem compulerat, ut non pauci eorum conquisito ibidem cibo saturati mox animo, & vita etiam in publicis plateis concidere visi fuerint, usque dum eis in publico Lazareto, aliàs pro impestatis destinato, ex collectitia eleemosyna necessaria sustentatio à Magistratu suppeditaretur.

Petechiales, seu scarlatinæ illæ maculæ, quas vulgo petechias nominamus, vix apud ullum ægrum observantur: morbillaceæ verò, aliàs rubolæ dictæ, quales Ego Anno 1699. per æstatem hinc grassatos fuisse *Anno III. meæ Chronolog. Med. §. XL. & sequent.* descripsi, communiter apud omnes, præcipuè in dorso magis conspicuæ: quibus tamen non rarò elevaræ quæpiam pustulæ instar variolarum interspergebantur, sæpe etiam discussis jam illis exanthematibus undecima morbi die, 14. vel etiam tardius superveniebant, miliares quædam pustulæ totum corpus densissimè cum pruritu obsidentes: subinde verò hydatides, seu limpidissimo sero repletæ vesiculæ, eis ex affe simillinæ, quæ perfusione cutis aqua fervidissima excitari solent. Et istæ potissimum post

post se traxere ægri, utpote aliunde jam prius enervati, inevitabilem interitum, sicut illæ non facile.

Variolæ quidem, & morbilli etiamnum quoque adhuc unâ grassabantur inter infantes, & adultos, minori tamen cum sævitie, quàm elapso Decembri, præter unicam Monialem, apud quam variolis densissimè perspersam usque ad duodecimam morbi diem omnia securissimè procedere videbantur; duodecima autem epidermis, seu extrema illa cuticula, quæ veram cutim contegit, adeo elevata conspiciebatur per faciem, & totum reliquum corpus, præcipuè brachia, latentibus subtus variolis, ut ad humerum digitis apprehensa, per totum brachium uno tractu detrahi potuerit, idem puta de facie. Et ista 13. morbi die obiit. Plura hîc mihi essent adhuc de epidemia hac valde multis fatali commemoranda; quod ea verò potissimùm tetigerim in Chronol. mea Med. loco citato describendo febrem morbillarem apud nos Anno 1699. similiter, etsi non adeo ferociter, sævientem, Benevolum Lectorem eò ablego. Interea solum adhuc id hîc adjiciens, quòd Epidemia isthæc malignitate parum à peste ipsa recedens, tota hyeme, & Vere, præcipuè Majo mense, usque in Junium, qui erat amœnissimus, eatenus, in omnem ætatem, & sexum, præsertim in quoad faciem cæterum sanissimos sævierit, ut tale quid nostra memoria hîc Labaci adhuc nunquam fuerit observatum. Neque hoc solum hîc Labaci, sed successivè & per reliquam provinciam, præsertim circa Sitticium in parochia S. Viti, & circa Rudolphsbertum in parochia S. Ru-

perti, ubi maximam subditorum partem è medio sustulit.

Ex sexu Muliebritamen utero gerentes præ aliis impegerant, utpote communiter abortum passæ, & retractis à lochiali fluxu ad interiora exanthematibus. Idem fere puta de eis mulieribus, quibus mox in mali principio, aut sub ipsa exanthematum eruptione menstrua proruperant.

A Junio usque ad exitum Augusti erant fere omnia benigna, de variolis autem, & Morbillis nec auditum quidem: è contra febres tertianæ, præsertim Octobri Mense (quamvis is fuerit unâ cum Septembri, imo & Novembri, præter solitum amœnus) adeo contumaces, & inconstantes, ut post tertium, vel quartum paroxysmum communiter degenerarint in lentas continuas per plures hebdomadas, non obstantibus idoneis remediis, continuantes; ultimatim verò rursus in intermittentes terminatæ: quæ verò erraticè ægros apprehendebant, serius, aut citius in quartanas mutabantur, quas tamen omnes sequenti methodo, & remediis, propterea bene annotandis, feliciter curabam. Primò purgabam corpus ter, quater, vel quinquies (pro exigentia videlicet cacochymia, vel cachexia) communiter pridie paroxysmi (quia ea die tolerantius se habere solent ægri) tali ptissana: R. fol. sen. f. ft. ʒiij. Salis Tartari ʒss. flor. viol. martial. passul. min. mund. ana p. r. f. per noctem infusio in loco calido in f. q. aq. agrimon. vel borrag. vel aq. com. vel etiam in jure pulli pro colaturæ ʒiv. Mane prævia levi ebullitione f. expressio, & potio. Vel talibus pilulis. R. Pil. Tartar. Schroed. ʒss. ext. gen-
tian.

tian. cent. min. ana gr. IV. refin. jalap. pin. sub. gr. V. vel vij. M. cum Tinct. Tart. f. pil. N. IX. Intermediis diebus fiat humorum digestio, & obstructio- num referatio: R. Essent. absynt. agrimoniz, Elixir propr. parac. tinct. tartar. martis aperit. spir. salis ammon. ana ʒj. M. Dosis mane, & vesperi gutt. XXX. ultimatum: ℞. Pulv. patrum ʒiʒ. conf. Alkerm. ʒij. Antimon. diaph. ʒiʒ. arcan. dupl. Salis absynt. cent. min. card. ben. ammon. ana ʒʒ. M. cum conditura cort. citr. f. elect. molle. Dosis diebus apyrexias mane & à prandii tribus horis ante pastum castaneæ magnitudo, superbibendo aliquid aq. card. bened. vel vini melioris: die febrili autem eadem quantitas in declinatione æstus febrilis, continuando id saltem semel de die per 4. circiter hebdomadas etiam post expugnatam febrim, cum exacta diætæ observantia.

Qua ratione autem feliciter cesserit febrium malignarum, & petechialium curatio eis rusticis, de quibus mihi ex Comitatu Cillienfi perscripserat certus Amicus, quòd illi sese in summo febrili æstu frigidæ immergere soliti sint? Ego non capio. Quod verò pedibus, & reliquo corpore tumefacti ad potum cent. min. & immersionem pedum in aquam fimi detumuerint, ejus demùm ratio reddi jam potest.

Anni 1716.

A Tricentio huc recordor, nos quidem varias hyemes ob non minus copiosas nives, quàm asperam auram perdifficulter superasse, imprimis hyemem anni 1709. à me in Ephem. Nat. Cur. Centur. I. & 2. sub titulo: Constitutio anni 1709. descri-

ptam; nullam tamen fere difficilius, quàm cujus Constitutionē nunc comunico; hyemem videlicet currentis anni 1716. Ista siquidem vix aliquando, ab intercurrentibus brevissimis austris aliquantum refracta nivium copia, & frigoris asperitate per totum adeo sævierat, ut æquinoctium verum, quod aliàs apud nos hyemis finis esse solet, longè excesserit, obque indefinenter furentes aquilonares ventos, indeque summa ariditate constrictam terram arbores, non, nisi primo circa dimidium Maji in folia, & flores, idem puta de satis in aristas, erumpere siverit: exemplo aliàs nostra memoria nunquam viso, præterquam ante annos circiter 50. quo recenset certus septuagenarius illius hyemis frigus usque ad Maji exitum adeo institisse, ut passim necesse fuerit sese à frigoris intolerabilitate lignis excalefactis fornacibus tueri. Omnes tunc, addit dictus seniculus, desperaverant de satorum fere emortuorum, & frugum vel tolerabili ubertate; interea verò tamen consecutum fuisse annum adeo fertilem, ut is raros sibi habuerit pares. Quemadmodum idem ipsum inexpectata Dei benedictione factum admiramur & nos currente hoc anno.

A dimidio Maji demum prægressis pluviis tempus vernum, & successivè terræ viror, efflorescentiaque; quam vernam amoenitatem continuarat & Junius, cum Julio, & Augusto Mensibus, terræ frugibus vel propterea opportunis, quod fertilibus, eisque brevibus pluviis sæpius ad colonorum votum interspergerentur. Sique September jam nominatorum mensium temperiem saltem proportionatè secundasset; uberiores annum optare non

non potuiffemus. Quod hic verò per totum fuerit pluviofus & frigidus, maturandoque fagotritico, noſtrorum colonorum pani quotidiano, uviſque planè importunus; factum eſt, quod fagotriticum vix maturatum, uvæ verò planè fere non. Unde vina non minus pauca, quàm ultra modum acerba: procul dubio in futurum Colicorum, & arthriticorum, nec non aliorum ab acido, & aſtero oriundorum, affectuum cauſa extitura. Arborei fructus è contra, præſertim poma, fuere copioſiſſima.

Veluti exhaustis demùm per pluvioſiſſimum Septembrem nubibus autumnus ſubſecutus fuit præter morem, & expectationem acceptus, terra nivibus non niſi 11. Decembris, cum intenſo tamen frigore, cooperta.

Hinc humana corpora ſicut per hyemis decurſum multum fuere ab omnis generis defluxionibus perpeſſa, ita verno tempore præſertim à pectoris affectibus; adeo ut de actu phthiſicis nemo mortem evaſerit, plurimi alii verò eidem obnoxiæ prima ſibi ejuſdem injecta fuiſſe fundamenta etiamnum deplorent. Per reliquum anni decurſum verò demum fere meræ indiſpoſitiones ſporadicæ.

Qualis erat, ut ſaltem unam vel alteram curationem pro uſu medico ſubjungam, heruli illius, qui pridem cachecticus, & ſcabioſus veluti repente fuit à ſcabie per ſe liberatus, inciderat è contra in vehementes hepatis puncturas, febrim acutam continuam, ſitim, tuſſim, vigilias &c. Huic præmiſſo clyſtere fuere ſanguinis ex baſilica brachii dextri emiſſæ uncia V. Hinc pro febris ſufflaminatione talis pulvis bis quotidie intro

ſumendus datus: ℞. Spec. de gem. frigidis, diatrag. frig. antim. diaph. ocul. 69. ana gr. V. nitr. perl. iij. M. f. pulv. Et ab extra præmiſſa unctiōe ungu. de althæ. anodyn. & ol. viol. iterato ſuperpoſitum tale cataplaſma. ℞. Herb. malv. althæ. melil. flor. roſ. rub. ana Mj. herb. hyoſc. M. ſ. farin. ſem. lini, fœnugr. ana ʒj. M. dentur minut. concifa pro ſacculo in lacte decoquendo. Et intra novem dies abortis interea ſæpius ſudoribus habuimus levamen deſideratiſſimum, adeo, ut aliis ulterius non indiguerimus, quàm corporis expurgatione, & quibuſdam levibus becchicis.

Item certæ Comitiffæ dyſuria cum intolerabili regionis veſicæ ſive à ſimplici urinæ acrimonia, ſive à viſcoſitatibus (de arena ſiquidem nihil fuit animadverſum) oriundo dolore: quæ tamen intra 12. horas ceſſerat (fruſtra prius applicatis quatuor Clyſteribus, tot unctiōibus, & cataplaſmatibus ex parietaria. &c. combinatis) ad ab extra applicatam dolenti regioni theriacam ol. ſcorpion. Matth. perſperſam, & ab intro ſumptam ex vino ʒj. radicis parreiræ bravæ ante biennium per Germaniam à D. Locknero, Illuſt. noſtræ Academiæ Directore, divulgatam. Poſt trium circiter hebdomadarum intervallum in idem malum reciderat eadem Comitiffa cum urinæ cruentæ excretionē: & eadem ipſa remedia experta fuit ſibi fuiſſe ſicut prius, maximè proficua. Suaviſſimè ſiquidem urinam promovet laudata radix quomodocunque intro ſumpta, per ſe, vel cum aliquot granis ſalis geniftæ, & ejus acrimoniam cum admiratione temperat. Quemadmodum id expertus fui quoque in memet ipſo,

& primò his diebus apud nephriticis doloribus detentum Jesuitam.

Et denique, ut alias præteream, Arthritis illa, quam vehementem patiebatur certa puella, intra paucos dies his solis liberata: primò purgabatur hoc bolo specifico, & propterea mihi in arthritide familiari: \mathcal{L} . Elect. Caryocost. ʒiij . spec. diatereb. Mynf. ʒj . M. cum sacch. f. bolus. Hinc ex Ischiatica pedis emiserat unc. V. sanguinis, & sudabat quotidie ad hunc pulverem itidem specificum: \mathcal{L} . Pulv. March. off. Microcos. phil. præpar. antimon. diaphoret. ana \mathfrak{ss} . cinnab. nat. præpar. gr. iiij . M. f. pulv. qui mane sumatur ex decocto Theæ cum decocto ligni sassafr. visc. querc. & rad. liquir. facto, vesperi verò ex aqua beton. Et convaluerat intra dies duodecim.

His ipsissimis remediis recordor me pluries curasse quoque dolorosissimas Ischiaticas, solis adhuc subinde in subsidium vocatis Cataplasmatibus, seu fomentis anodynis. Est cura compendiosa, commoda, & tamen, si continuantur, magis, quàm quis sibi persuadere possit, efficax.

Anni 1717.

Quam ad annorum salubritatem, & humanorum corporum valetudinem conferat regulata suis temporibus proportionata aëris temperies, jam toties à nobis dictum est, præsertim in Chronol. nostra Med. Id quod equidem etiam manifestè comprobavit ad finem decurrens annus 1717. Is siquidem, quod hyeme fuerit competenter frigidus, præterquàm circa Februarii dimidium, quo

frigore eatenus exhorrescebat, ut inde vel arbores ipsæ fuerint notabile damnum perpeßæ, præsertim molliores, quales sunt persicæ; Vere temperatus: æstate saltem Junio, & Julio mensibus æstuosus; quamvis, quantum publica nova peregre retulerant, alibi insolenter tempestuosus: autumno fere veris instar amœnus; humana corpora totum adeo bene valere, ut Medicis fere nullum negotium facerent, nisi circa sporadicè patientes. Unicum occurrerat, quod videbatur quibuspiam quid ex aëre forte ab astris taliter infecto suam originem traxisse, epilepticæ nimirum convulsiones, quæ Septembri mense intra eclipsim lunarem, & solarem plures homines unis iisdemque diebus præter omnem expectationem adortæ fuerant. Duorum talium cura mihi obtigerat: tertii alteri meo collegæ. Duo mei ope divina fuere feliciter ad sanitatem perducti: tertius ille, qui puella septennis erat, è medio sublatus. Duo illi mei non nisi primo exacto integro triduo aliquantum ad se redire & titubanter ferre incipere fuere observati: tertiam illam autem, uti dixi, quarta morbi die succumbere oportuit; num tamen revera, uti multis credebatur, ad eorum interuersionem quid contulerint memoratæ eclipses? Astronomiæ cultores certius dijudicare noverint. Interea mihi remedia, quæ meos duos pristinæ valetudini restituisse videbantur, breviter specificare lubet, forte in simili casu quoque aliis servitura. Primum autem, à quo curam auspicandam esse judicaveram, erat applicatio ex acrioribus, specificisque confecti clysteris. Secundum, & priusquam
Clyster

Clyster præpararetur, cochleatim propinandum mixtura hæc antiepileptica : ℞. Aq. hirund. comp. cum castor. epilepticæ Langii, ceras. nigr. flor. tiliaæ aa. ꝯss. liquor. CC. succin. ʒj. Essent. anodyn. gr. IX. m.f. potio. Tertium & seqq. frictiones crurum deorsum versus, perunctio verticis ungu. alabastrino cum ol. rutæ, cran. hum. & succin. commisto. Quartum columbarum, & pullorum vivorum recens per dimidium discerptorum vertici raso iterata applicatio. ʒmum naribus ⊖ volatil. succini admotio, nec non pulv. sternutatorii per penam in nares inflatio, successivè verò, & postquam ægri jam nonnihil sese recollegerant, faciliusque quid intro sumere poterant, pulvis March. spec. diacinnab. Myns. & ⊖ volat. succin. Ultimum etiam corporis expurgatio. Quæ singula quidem etiam sæpius iterare oportuerat, quin & alteri eorum, quæ puella 17. annorum erat, & mensstruis deficiebat, venam in talo secare, priusquam plenè convaluerant.

Puellula illa septennis à 4. hebdomadis prius febricitans, erat post mortem cultro anatomico subjecta, & deprehensum, quod ejus cerebrum quoad piam matrem fuerit undique multa viscositate obductum, quoad ventriculos autem plurimo, eoque procul dubio acri sero, seu lymphâ repletum; unde vellicatum nervorum principium conjecturabatur convulsionum illarum immediata extitisse causa, meatuum cerebri à sero illo inundatio autem mortis ipsius. Prouti ea de re perspicaciter D. Anton. Pacchionus Regienfis Medicus Romanus in *epist. de glandulis conglobatis duræ Meningis* ad

Magnif. D. D. Lucam Schroëckium data in *Ephem. Nat. Curios. Dec. 4. An. I. & II. App.*

Hinc mihi, uti reor, non vanè persuadebam quoque meos duos ægrotos ex simillima causa idem ipsum malum primitus contraxisse. Primus siquidem, qui vir obesus erat valde, bibulus, & pridem quoad memoriam defectuosus ad fauces tantas à capite defluxiones patiebatur, ut nisi ei injectionibus per os (postquam is jam aliquantulum sese recollegerat, & os aperire poterat) tempestivè succursum fuisset, ei infallibiliter vel ex solo hoc accidente intereundum fuisset. Adhærebant siquidem frustatim utrinque circa uvulam & fauces ab aëre, qui ob obstructas nares inspirando saltem per os attrahebatur, indurata phlegmata nonnisi dictis injectionibus, & gargarismatis inde avellenda. Frequenter etiam simillima sputa eiciebat. In puella quidem ista causa sese non adeo clarè manifestabat, conquerebatur tamen, postquam ad se redierat, de gravitate quadam oculorum, obturatione aurium, & narium, ac si eo ipsi aliquid defluxisset, qui oculi etiam ipsi diu postea debiles, & vacillantes, præque fibrarum muscularium à sero relaxatione veluti confluentes permanferant. Communiter forte & apud alios similium convulsionum causa est similis cerebri à nimia, eaque acri lymphâ inundatio, & propterea ei revellendæ, & discutendæ nihil æquè prodesse solet, quàm tempestivè nuchæ, brachiis, cruribusque, vel ipsi etiam raso vertici adhibita vesicantia, quæ causa forte etiam Florentinis est, quòd infantibus suis vix natis, ut eos ab epilepticis insul-

tibus, quibus illi endemicè obnoxii esse solent, præservent, nucham actuali igne adurant.

Recordor etiam in aula Averspergica ante annos ex epilepsia defunctum infantem, & postea anatomico cultro in mea præsentia subiectum cerebrum simillimè habuisse constitutum.

Reliquos affectus, qui mihi aliàs per anni decursum occurrebant curandi, tractabam feliciter Methodo, & remediis in Chronolog. mea medica notatis: puta febres, arthritides, colicas, hæmoptyses &c. Rarius tamen quid observaveram in duobus subiectis circa pulsum: nimirum quod unus eorum melancholico-hypochondriacus qui sanus communiter habuerit pulsum adeo tardum, ut priusquam subsequens pulsus consequabatur antecedentem, facilè apud alium sanum tres pulsationes præterierint: qui tamen postquam elapso Augusto in febrim malignam incidisset, pulsum habuit adeo frequentem, & per omnes vitiosas differentias varium, ut talem nunquam observaverim. Propterea mox adhuc in principio morbi malum morbi exitum prædixeram. Tam notabiles siquidem naturæ à connaturali

statu recessus non possunt, nisi pessima quæque ominari. Vir aliàs erat robustus, & in actionibus suis accuratus, sed tardissimus, sæpius vertiginosus, & subinde leviter insultibus epilepticis obnoxius.

Alter verò similiter robustus cum in febrim similem incidisset, in decimum usque diem pulsum, & urinam præ se tulerat adeo ordinatum, & naturalem, ut nisi contrarium suassissent pessima quæque, quibus unà detinebatur, symptomata, virium nimirum ingens prostratio, linguæ ariditas, inquietus somnus, delirium, tendinum subsultationes &c. eum quis nullatenus febricitasse, neque singulari periculo fuisse subiectum credidisset: qui 13. morbi die supervenientibus convulsionibus tamen succubuit.

Adeo parum subinde fidere licet etiam optimo pulsui, & urinae, nisi reliqua ei bonitate corresponsdeant, parum etiam de præsentia, vel absentia febris edicere: quantumcunque februm præsentia vulgo communiter arguatur, vel ex sola pulsus frequentia, & inæqualitate; ubi verò hæc duo non animadvertuntur, ibi hoc ipso non censeatur adesse febris.

Constitutio Epidemica Ferrariensis Anni 1715.

Dn. D. JOSEPHI LANZONI.

Postquam Annis proximè elapsis lues pessima boves miserabiliter invasit, atque copiosissimi imbres tellurem inquinaverunt nostram, totumque agrum Ferrariensem stagnantibus aquis pessimè vitiatum vidimus, ita ut semina futuræ messis pro majori parte deperdita fuerint, unde caritas,

ac inopia anni 1715. surrexit; facta est etiam sanitatis jactura.

Martio mense vix inchoato, magnus bufonum & ranarum numerus observatus est, & crescente vere innumerabilis culicum, vermium, serpentum, muscarum, papilionum, locustarum, erucarum, aliorumque in-

insectorum copia super terræ faciem apparuit, & liberum aëris campum occupavit, ex quo nonnulli multas ægri- tudines in humano genere prædixerunt; Verno etiã tempore adhuc currente maximi Solis æstus in Maji fine corpora nostra vexarunt, mox aura nebulosa & humida, dolorum dentium, capitis, & rheumatis parens surrexit, quæ tamen brevi in multam est mutata serenitatem. Accessit Junius, & summis caloribus corpora nostra affecit, hinc exordium habere febres quædam, quæ prima facie tertianæ simplicis notam præferebant, mox duplicatæ pertinaciter utrumque sexum omnesque ætates invadebant: primò enim rigor incipiebat, qui ad plures horas durabat, vomitus amari succi aderat, cardialgia, dolor capitis, & eximia succedebat sitis; in multis tormina, & ventris fluxus, in aliis summa alvi stypticitas, inappetentia in omnibus, ac vigiliæ aderant; in tali, ac tanto autem numero febres istæ invadebant, ut nulla Religiosorum tam marium, quàm foeminarum Monasteria, nullus denique in urbe locus fuerit ab hoc febrili incendio immunis; miserandum erat videre unum vix in domo ægrotare, dein paucos post dies totam febricitare familiam, sic Cœnobia, xenodochia videbantur, & rura repleta febricitantibus, in timidis nonnullis ac effeminatis contagionis timorem creant, ægrotantes crescebant in dies, & sine salute primorum, numerum augebant secundi, ut vix sufficerent Medici ad tantas ægrotorum visitationes, dies enim licet æstivus ad tale ministerium brevis erat. In curatione talium febrium primo lenitiva pro-

ponebantur ad educendas pravas materias in primis viis hærentes, & hoc die pari, & vacua fiebat; elapsa autem impari, in qua febris redibat, Venæsectio celebrabatur; sed hinc notavi, die talis remedii, quo febris, quia tertiana, abesse debuerat, accessionem reduplicatam, & ex simplici, duplicem factam fuisse, & continuam, sicque majus minari periculum; qua experientia edoctus, posterum nunquam in talibus curandis febribus venam secari jussi, sed ubi opus erat, cucurbitulas scarificatas tantummodo applicari mandavi; Alterantia, Cordialia, Clysteria, Narcotica, Diuretica, & Sudorifica incassum semper fuere administrata, imo summum illud remedium, nempe cortex Chinæ Chinæ, per plures dies exhibitum parum aut nihil præstabat auxilii; sive cum vino generoso, sive in bolo cum Syr. absint. confecto in decoctione, tinctura, Extracto, Syrupis, in Rotulis, aliisque modis exhiberetur: Medicorum aliqui istum pulverem cum Rhabarbaro, Zedoaria, Gentiana & centauro min. mixtum dederunt, aliique pulverem corticum Fraxini, & corticum Aurantiorum, baccarum Juniperi similiter experti sunt. Si in aliquibus cessabat febris, brevi redibat, ac ter & quater recidivam patiebantur ægrotantes. Ego & uxor mea dilectissima, sub Augusti finem ab hac febre correpti, usque ad Novembr. ea laboravimus. Sic inter alios sub festo Paschatis Clariss. Dn. Hieronymus Baruffaldos Philosophiæ Doctor Excellentiss. atque Amicus meus suavissimus, pertinacissimam hanc febrem, pravis stipatam symptomatis,

usque ad æquinoctium autumnale fuit passus; ego optima instituta victus ratione, & ad plures dies assumpto vino generoso, in quo china chinæ infusa fuerat, tandem convalui; uxor verò mea, quia purgata, & aliis pharmaceuticis remediis usa est, sanguine etiam è vena pedis emisso ad febrem cicurandam, semper in pejus ruebat, & majores patiebatur febriles insultus. Modo quartanæ duplices apparebant, modo simplices, hinc tertianæ redibant, inde duplices fiebant, iterum quartana, imo in aliquibus de septima in septimam diem revertebantur febres, pertinacem, & malignam semper servando naturam. Observatum est, non nullos aërem mutavisse, aliaque loca petiisse, ibique morantes sanitatem recuperasse: Reversi verò Ferrariam, illico à nova febre vexati sunt.

Pauca fuere funera, sed longissimæ convalescentiæ, hinc in multis obstructions abortæ, in aliis crurum, & pedum intumescencia; in aliquibus ictæritia, surditas, tremor, ac scabies, signa erant infirmitatis elapsæ. Notatum fuit in pejus semper ruere ægrotos, atque recidivare faciliter, spirante Euro, qui ventus pertinaciter ad plures dies perseverabat. Causam inquirentes nonnulli, nimium sideribus tribuentes, putaverunt, stellarum influxum malignum, primò boves, inde homines affecisse; alii calorem æstatis nimis intensum, longum, atque molestum accusabant, quatenus extenuando corpora, & humores fundendo, nec non ipsos spiritus dissipando, hujusce naturæ febres excitaret; Multi in vino causam horum morborum latitare autumabant, eo quia anno elapso 1714.

ob cæli inclementiam ex uvis fere immaturis vinum aciditate abundans cōfectum fuerit, quod assumptum crasim humorum, ac fermentorum vitiando tales febres excitaret; Non pauci cadavera boum, lue pessima anno elapso denatorum, & hinc inde passim sepulta, causam istarum calamitatū agnovere: dicebant enim, particulas nobis infensas, ac mortiferas, à cadaverum corruptione elevatas, atque per porositates terræ ad aërem inquinandum sublevatas, infectionē in humoribus nostris peperisse: nec defuerunt, qui nimis creduli hanc pessimam constitutionē à fascino & maleficarum artibus diabolicè provenire crediderunt. Aliqui, cum quibus ego facio, cogitaverunt causam harum febrium internam fuisse humores viscidos atque tenaces, concoctu difficiles ac vix separabiles, nec sine longo tempore consumi aptos; externam autem causam in vitio terræ constitutam esse, cum enim annis elapsis, ex copiosis imbribus, & fluminum diluvie, tota facies nostræ telluris tecta apparuerit, & per consequens viscera ejus coinquinata à stagnantibus aquis fuissent, unde infectæ ex pravis humoribus herbæ pascua nociva exhibuerint; Ex hoc morbi animalium, arborum multarum obitus, rubigo segetum orta, particulæ enim nitro-sulphuræ assidue elevabantur, & fructus adhuc tenellos, & uvas nondū maturas adurendo, spem colligendi alimenta furabantur; quin puteorum nostrorum aquæ, quibus juscula, pulles &c. conficiuntur, particulis istis imbutæ, vitium cum alimento præstabant. Qui exactam vivendi normam observabant, sæpe pejus vexabantur, quàm illi, qui diatæ regulas aspernati, omnis generis cibaria pro libitu ac voluntate assumebant; Aliqui

Aliqui intemperantes, ante accessio-
nem largam vini generosi quantitatem
potabant, ac inde se ad somnum &
sudorem componebant, & non nulli
tali modo sanitati sunt restituti. Alii
omnimode se abdicarunt à vino, absque
ullo fructu: febres enim pari pertina-
cia procedebant, atque diætam, quan-
tumvis regulis propriis exercitam, elu-
debant. Ad effugiendam pessimā hanc
constitutionem ad rura ibant non pau-
ci, verum quia agri nobis vicini, ea-
dem valetudine afficiebantur, parum
utilitatis experti sunt; qui verò extra
nostra confinia proficiscebantur, atque
vel Bononiam, Mantuam, Patavium,
Veronam, Venetias, atque Romandio-
læ urbes pergebant, ii sanitatem facile
recuperabant. Non minus accidit
non nullis, qui tædio affecti ad exterarum
urbes se contulerunt adhuc febrici-
tantes, ut absque alio remedio pristinam
recuperaverint sanitatem, & bene-
valentes in Patriam redierint. In puel-
lis passim observabatur in præsentis
constitutione magna lumbricorum co-
pia, per vomitum enim & per seces-
sum vermes in febrium exordio pro-
dibant, & multi pueri ex hac peste
denati sunt. Hystericas insuper affe-
ctiones in fæminis, talibus febribus
conjunctas præter modum notavi, ea-
rumque insultus fortiores, atque fre-
quentiores maximè in febris princi-
pio, & augmento. Fructus pene om-
nes verminosi, ac ingrati saporis, ita
ut bonæ substantiæ fuerint illi soli,
qui ab exteris ad nos mittebantur, &
præsertim illi optimi succi erant, qui
à Patavinis montibus veniebant. Pos-
tremò tandem observavi per publicas
nostras vias, per vicos, & plateas, si
quid aquæ, aut alterius humiditatis,

ad paucos dies permaneret, viridem
colorem, ac foetorem emittere, quod
non tam facile annis transactis eve-
niebat. Faxit Deus, ut hæc termi-
nante Anno 1715. finem habeant, at-
que meliorem anni venturi 1716. Con-
stitutionem possimus sani describere.

Annorum 1716. & 1717.

F Rigus hyemale, quod 1715. men-
se Decembri incepit, anno etiam
1716. usque ad mensem Martii per-
duravit; multæ nives, cum ventis bo-
realibus super faciem terræ glaciem ad
multas hebdomodas conservarunt, &
licet remissum sub Martii finem vide-
retur frigus, attamen recrudit mense
Aprili, & usque ad Majum non cessa-
vit. Itaque hoc durante frigore, Gra-
vedines multæ, ac Pleuritides obser-
vatæ sunt; quin imo oculorum in-
flammationes passim abortæ & perti-
naces adeo extiterunt, ut non nullæ ad
mensem usque protractæ, patientes
vexarint. Ver accessit, & imbres fre-
quentes tellurem infestabant nostram,
flumina augebant, & segetes nimio
madore irrigabant, si verò mutatis ven-
tis serenitas apparebat, vix sol igne suo
terram fovebat, statim elevatis aqueis
vaporibus nebulae densissimæ abortæ
sunt, hinc natæ in hominibus surdi-
tates, apostemata, & vagi dolores
cum flatibus. Æstas calidissima ineunte
Junio derepente invaluit, unde multæ
tertianæ febres, tam simplices, quàm
duplices abortæ sunt, cum nausea,
vomitu materiæ amaricantis, capitis
dolore, ac immodica siti, quin imo
non nullos tertiana perniciose vexavit,
quæ omnes ope chinæ sanatæ sunt;
prius tamen leviter alvo exonerata.

In autumnni primordiis pluvia multa, qua cessante, serenitas, usque ad kalendas Decembris continuavit, ita ut semina terræ bono omine tradita, & magna uvarum copia feliciter collecta, vinaque optima reposita fuerint. Hoc autem tempore, salubritas aëris, corporibus humanis bonam valetudinem impertita est, ita ut præter aliquas leves quartanas, & placidas erraticas febres, nil aliud mali quoad salutem Ferrariensibus acciderit; solummodo notatu dignum fuerit, autumnni tempore, multas gravidas abortum passas fuisse sine ulla causa manifesta. Decem-ber sanus extitit.

Terminato Decembri, mensis Januarii ingreditur anni 1717. & frigus primo remissum apparuit; ast die hujus mensis undecima, aura septentrionalis rigida advenit, & tam fortiter agitavit auras, ut quædam arbores, quidam muri ab ejus impetu, erutæ, ac collapsi ruerint, quatuor dierum spatium borealis hic ventus dominatus fuit, quo cessante illico magna nivis copia descendit, inde frigida serenitate favente, usque ad secundum anni mensem nives perduraverunt, mox aura dulciori reddita, dissolutisque nivibus, sub finem Februarii frigoris sævities evanuit. Hoc verò tempore, anginae multæ, colici dolores, ac febres catarrhales ubique debaccharunt, imo epidemia in infantibus tali hyeme incepit variolarum, quæ postea toto anno 1717. miserrimè perseverans puerorum stragem multiplicavit, & quod notabile fuit, hujus anni hyems, quoad morbos, plus juvenes, quàm senes affecit; horum enim vix unum aut alterum curandum habui. Ineunte vere multæ nebulæ densiores observa-

bantur, quæ tandem in pluvias terminabant, sequebatur, imo semper major fiebat epidemia variolarum in puellis, ac nonnullæ malignæ febres abortæ sunt, quæ in principio leves apparebant, progressu tamen temporis funestæ, ac mortales manifestabantur, ex quibus febribus quatuor nostri medicinæ Doctores, præter alios denati sunt, primus Dn. Andreas Zuffi, alter Dn. Joseph Vaccarius, juvenis optimæ spei, tertius Dn. Cæsar Lollius discipulus meus, & quartus tandem Dn. Franciscus Salmius, ætatis annor. 56. compater meus honoratissimus, & omni scientiarum genere instructus. Partus difficiles multi, & multæ pariter icteritiæ. Accessit æstas, cujus mensibus magna siccitas, & austrini venti calorem augebant; sequebantur malignæ febres, atque nonnullos vexabant tertianæ duplices melioris notæ, cum vomitibus in principio accessionis, ac dolore capitis sævo, qui non nisi declinante febre mitescebat. Mense Augusti nonnullæ occurrerunt dysentericiæ, quæ tamen Deo adjuvante sanatæ omnes fuere. Erat miserandum cernere quotidie infantū cadavera variolis enecata ad tumulum deferri. In principio septembris cælum mutavit faciem, & calore remisso, aquas dedit salutares ad terram irrigandam, sic maligna febrium constitutio mitigata fuit, & tantummodo subortæ vertigines, tussis, ac gravedines. Increcente autumnno iterum serenitas rediit, atque aureis solis radiis toto Octobris mense gavisi sumus: Cereris, Bacchi, ac Pomonæ dona hoc anno non modica fuere collecta, & invaletudines paucæ homines malè habuerunt, non ita tamen in bobus, ac suis bus accidit, in illa quippe animalia mors falcem

falcem immisit; unde timor colonos invasit, ne epidemica lues in bovino genere anni 1713. resurgeret, & lacrymas iterum excitaret.

Cæterum præter dictas febres, & magnam variolarum copiam cum lumbricis in puellis, annus 1717. salubris dici potuit, nullæ enim Apoplexiæ, paucae quartanæ, in minima copia scabies, ac articulorum dolores. Mense Decembri hyems apparuit, sed parum ab autumno differebat, frigus enim tolerabile, ac mi-te observabatur. Quod verò notabile fuit hoc anno, extitit ventorū frequens copia, unde pericula multa, imo naufragia in mari Adriatico ad nostra ora, & Pado, aliisque nostris fluminibus acciderunt, subversis enim navigiis merces non tantum, sed homines etiam miserabiliter deperditi fuere. Æstivo tempore magis insectorum copia segetes infestabat, ac hominibus ruri præsertim degentibus molestiam inferebat. Arthriticos annus præsens modicè infestavit, & leviter tantum tacti, cito ad consueta exercenda munia redibant. Ardente sirio multi canes in rabiem perciti fuere, quod aliis annis mitius evenire observatum fuit. Parturientibus, ac puerperis Lucina favit, ita ut vix una puerperii vel partus tempore obierit; hystericas affectiones, ut plurimum mites, & magis in juvenibus, quam senibus tusses, & gravedines in Autumni principio, hypochondriacis, ac melancholicis præsens annus, nec profuit, nec nocuit, eorum enim ordo, parum consilia Medicorum imploravit, unusque ex illis tantummodo gradum fecit ad maniam, non nullæ observatæ fuerunt icteritiæ flavæ, absque præviis morbis, vel doloribus ortæ, quæ tamen adeo leves fuerunt, ut absque læsione actionum

non solum apparuerint, verum sine ullo prorsus remedio evanuerint sponte; istæ autem potius in juvenibus, quam in senibus observatæ sunt; Lue venerea affectos pessimè vexatos vidimus, & multos ex hac peste mortuos, licet multa tentaverint remedia, & ad usum ipsius mercurii desperati confugerint; sic postremò Andreas Pareschius Ferrariens. gallica lue affectus post decocta salsæparil. Ligni Guajac. & sudoribus tentatis, tandem ad mercurialem unctionem desperatus advenit, qua admissa gingivæ, linguæ, aliarumque oris partium gangræna suborta miserabile veneris sectatoribus exemplum, ultimam clausit diem; in Sanctimonialibus paucissimi morbi, & Regularium Religiosorum sacerdotum non nulla tantum funera; nosterque Antistes Cardinalis de Verme ætatis ann. 77. febris maligna correptus sanctè obdormivit in Domino, in cujus cadavere reperta sunt pene omnia viscera sana. In aliquibus nostri suburbii locis non nullæ febres malignæ peticulares, & contagiosæ naturæ, uno enim ægrotante, brevi temporis intervallo tota simul ægrotavit familia; hæc tamen influenza trium tantummodo mensium spatio perduravit: accedente enim Autumno omnino evanuit; impetigines multæ in fine Novembris adultos affecerunt, quæ usque ad anni finem pertinaciter duraverunt. In principio Decembris ophthalmiæ multæ, pertinaces tam in maribus quam in foeminis. Observavi tandem in multis pauperibus sola diæta multas febres sanatas, sicque cum Joh. Damasceno in ultimo aphorismo concludendum, *Diæticam medic. nam præstantiorem esse pharmaceutica, & chirurgica.*

Dn. D. Caroli Friderici Læw , de Febre Petechiali ann. 1683. Posonii grassatâ , & cùjus descriptionem in Adversariis Paternis repererat , Epistola ad Clariss. D. Francisc. Frideric. Possinger Archiatrum Cæsareum.

VEniam dabit audaciæ meæ , qua *ardua negotia* turbare non sum veritus , par *fastigio Tuo humanitas* : tanto facilius , quo majori fide Tibi affirmare possum , non alia causa , quàm *pietatis lege* impulsus me ad hoc scriptionis genus accessisse , ut extaret aliquando gratæ mentis documentum , pro illo insigni *favore Tuo* , quo Tibi me dudum tam in *publicis* , quàm *privatis consiliis* reddidisti obstrictissimum. Non facile succurrebat , qua ratione Tibi grati animi pietatem probarem : nihil ex propria suppellectile , quamvis plurima sese offerrent , ad dandam erga Te mei significationem , dignum esse censeui : urgebat interim , quia relaturum me gratiam affirmare non audeo , habendæ saltem , & quavis ratione declarandæ gratiæ officium. Malui proinde ex re , non tamen prorsus aliena , nempe beati parentis , *Virtutum Tuarum* veneratoris , laboribus , aliquid depromere , quod *Magnifico Tuo Nomini* sacrum simul animi , referendæ gratiæ cupidissimi publicum esset documentum. Suscipe igitur serena fronte *historiam morbi petechialis* , qui anno 1683. *Posonii epidemicè* grassatus est , à *Parente* meo piè defuncto , sollicitè conscriptam , *Illustrique Nomini Tuo* inscriptam in lucem publicam emit-

tendam. Si quantum per *occupationes Tuas gravissimas* licuerit , hanc qualemunque publico bono destinatam opellam perlustrare volueris , invenies forte non planè contemnenda , & digna , quæ in publicum emittantur. Fiet autem hoc eo felicius , si , pace Tua , *Perillustri Nomine Tuo* sese hoc opusculum multis probaverit. Hujus summa , ut suprà monui , est *expositio morbi petechialis* , qui *Posonii epidemicè* grassatus est , ad fidem scripti , à beato parente relictî. Initium hujus historicæ expositionis ducitur ab anno 1683. quo per Dei gratiam soluta obsidione Viennensi , regno *Hungariæ* , misero fatalique bello miserimè afflicto , sigillatim mense Septembr. pax restituta fuit. Tunc vero *copiis militaribus* hyberne dimissis , & *Posonii* etiam per suburbia dispositis mali semina sparsa sunt. *Milites* enim , quod *gregatim* in contuberniis *arctius* collocati erant , omnia *squalore* , *tetra immunditie* , & *foedis odoribus* compleverunt , ipsumque quasi aerem inquinantes , *catervatim* , & veluti per manipulos in *febrem malignam petechialem* inciderunt. Morbus brevi invalescens , quam plurimos ex illis consumens , in malum tandem *epidemiū* degeneravit , & in *incolas* plerosque , sine *ætatis* discrimine , maxime vero

in juvenes, maturæ & robustæ ætatis homines, non modo plebejos, verum etiam nobiles & divites, vehementer grassari cæpit, ita, ut ferme nullam domum intactam reliquerit. Incepit morbus hic epidemius mense Novemb. anni supra citati, qui statim horrore artus corripuit, interdum intensiore, interdum remissiore, non nunquam per intervalla recurrente, quem pressio pede exceperit calor in principio levis, qui ægrum primis adhuc diebus vix à negotiis solius detinuit, interiora tamen occupans sensim auctus est. Ob sanguinis ergo rarefactionem majorem, & noxam visceribus impressam multa statim oriebantur periculosa symptomata, nausea, anorexia, vomitus, cordialgia, sitis, non nunquam remittens, dolor capitis, vigilie, lassitudo spontanea, quæ symptomata ad IV. diem sensim aucta perdurabant, tanta interea nonnunquam lenitate, ut quamplurimi vim morbi laxatam crediderint, ejusque causam in errorem externum commissum rejecerint. Verum progressu temporis morbus malignitatem suam prodidit, intensissimi caloris sui effluvia per totum corpus diffundens, horrendaque produciens symptomata. In unico saltem homine mitior vis morbi observata fuit: in blandissimo per totum morbi decursum calore nulla sitis, nullum oriebatur delirium, de solo capitis dolore, & prostratis viribus querela fuit. Cæterorum fere omnium, hoc morbo laborantium corpora quasi incendio fumare, insolito calore gravari ac corripui visa sunt. Hinc observabatur lassitudo & jactatio totius corporis, subita virium prostratio, in non nullis vigilie diurnæ, quas statim exceperit delirium, non nunquam in incremento, non nunquam in statu

morbi, aliquando mitius, & per unum saltem diem durans, aliquando ferocius, non nunquam mussitando proditum, non nunquam nullum fuit observatum, ut in pistoris cujusdam uxore, nunquam delirio correpta, & tamen die VIII. prægressis convulsionibus mortua. Sed præstabat delirium ante nonnum accessisse diem, quàm post nonnum; quoscunque enim post hunc invasit, omnes ferè mortui sunt. Horum delirium non nunquam degeneravit in furorem, quo agitati surrexerunt, & robustissimorum alioqui hominum actiones ediderunt. In declinatione morbi non nunquam somnus obrepserat continuus, ita, ut ægroti & cibum & potum neglexerint. Sic & mentis emotiones taciturnæ in eo, qui alioqui facultate loquendi pollebat, ut plurimum erant periculose, quale exemplum in saponario quodam habui. Porro somnum ægrotorum plerumque turbabat inquietas nocturna: hinc delirare cœperunt, & absurda loqui. Tinnitus & susurrus aurium ut plurimum in incremento jam huic morbo accedebat, quibus sese auditus difficultas, modo salutaris, modo funesta, collatis nempe reliquis symptomatibus periculosis, adjunxit, ut & oculorum dolor & ardor. Sæpiissimè & illis coruscationes variique coloris figuræ observabantur. Vultus, inprimis apud moribundos, ferox fuit. Tremor manuum frequens, sed labiorum continuus, & semper exitialis, & intra XXIV. horas imminentis mortis nunciis, quod videre licuit in duobus Viris illustribus, ut aliorum exempla prætereamus. Tremorem autem statim vel sequebantur, vel præcedebant convulsiones, non tamen adeo funestæ, ut ut periculoso satis indicio floccos le-

gere coeperint decumbentes. Quorum aliqui *motibus* tandem *convulsivis* & ipsa *epilepsia* correpti, violentia morbi consumpti sunt, cujus exemplum præbuit quidam *juvenis* *xxi. annorum*, qui post *convulsiones* incidit in *motus convulsivos*, & ipsam *epilepsiam* *Lv. horas* durantem. Curatæ tamen *epilepsie* huic morbo *die xii.* supervenientis, & *per integrum diem* observatæ exemplum habui in *juvene* quodam pannifice. Ad unum fere omnes *caput rotari*, seque *vertigine* laborare dixerunt. *Vertiginis* inseparabilis comes erat *dolor capitis*, qui & in *artus* & *lumbos* non nunquam sese diffudit, ut ingentes *nephritides*, *uterique affectus* adesse crediderint, quod in *virgine* quadam observavi, *causam* tamen semper à *miasmate maligno* infestante sanguinem, quod in majoribus venis & arteriis ad illas partes devolvebatur, deducendam esse duxi. *Gustus* sæpissime planè fuit *depravatus* ac perversus in hoc morbo, ut ægroti non nunquam *aquam* pro *vino* biberint, *poma citrina* pro *uvīs recentibus*, quod meo exemplo testari possum, comederint. *Aphonia* quoque, non semper tamen *lethalis*, observabatur, cujus *per integrum* ferme *diem* durantis, & tamen *curatæ* exemplum præbebat quidam *juvenis* *viginti* aliquot *annorum*. *Respiratio* sæpenumero *difficilis* fuit, & *frequens*, *expiratio* verò non nunquam quasi *flammea*, quæ semper *mala*, uti videre licuit in quodam *saponario*. *Pulsus* non nunquam, in primis in *principio*, *sanorum* fuit quàm simillimus, non nunquam *celer*, *frequens*, *intermittens*, *debilis*, *inæqualis*, ut sæpissime *judicium de signis morbi prognosticis* fefellerit. Erat tamen quod-

dam genus *pulsuum*, quo præsentem *mortem* certo prælagire potuimus, si nempe decumbentes ad *contrectationem pulsus* aut *manus* retraxerint *tremulas*, easque *introrsum* duxerint, vitæ quasi suæ timentes, aut si *tremens*, *palpitans* & *caprizans* observatus fuerit *pulsus*. *Anxietates*, *lipothymia*, *syncope*, in hoc morbo maximum cordi faceffivere negotium, ut non nunquam *per tres dies* iteratis vicibus continuaverint. *Tussis* non nunquam in *principio*, ut plurimum in *incremento* & *statu*, aliquando *humida*, aliquando *sicca*, sese exerebat, quarum *posterior* pejor, & semper *malignitatis* arguebat præsentiam. *Cardialgia* correpti, præ dolore ingenti, solum de *dolore* & *gravissima mole pectoris* conquesti sunt, existimantes, hoc sublato se *pristinam* recuperaturos *sanitatem*. Morbi *principium* semper erat cum *anorexia*, *nausea*, interdum *vomitum*, qui *per aliquot dies* duravit, nullisque *medicamentis* mitigari potuit, neque *macularum* eruptione superveniente cessavit, *funesti* semper exitus erat signum: aliquando *die septimo* aut *octavo* demum oboriebatur. *Sitis* in his symptomatibus cum morbo *incrementum* sumebat; non nunquam tamen ferme *nulla*, præsentem licet *ingenti* & totum corpus quasi corripiente *calore*, observata fuit, quod *pestimum* erat signum. *Singultu*, huic morbo ut plurimum in *statu* superveniente, plerique, quos sub mea habui cura, sunt *mortui*, quidam tamen etiam *servati*, ut adeo *singultus* non semper signum imminenti *mortis* in *febris* *acutis* infallibile sit; ut refert *Epiphan. Ferdinandus*. *Hæmorrhagia* quoque sæpillime hunc morbum secuta, *periculosa*

culosa primis diebus, & in ipso morbi statu, quod multis exemplis probare possemus, aliquando tamen *critica*, & sibi relicta, *salutaris*; sed imperitia *chirurgorum die septimo suppressa*, funesta. Sequiorem *sexum* morbus iste duplo gravius affligebat. Pleræque enim hoc tempore *mensæ* erant expertæ, aliæ *primis statim diebus*, aliæ *nono demum die*, qui semper exacerbabant *symptomata*, ut paucissimæ evaserint; *benignior* verò fuit morbi vis in *mensium fluxu* destitutis. Sed nec *puerperæ*, & *gravida* ab hoc morbo fuere immunes, licet non omnibus *exitioso*. Soror enim mea hac *febre epidemiali* correpta per Dei gratiam convaluit, & robustum suo tempore enixa est puerum. *Alvus* quamplurimis per aliquot dies fuit *obstructa*, ut eam tandem *suppositorio* referare debuerimus. Non nulli ægrotorum jam in principio *diarrhæam* perpeffi sunt, quæ si nullis *medicamentis*, ejusmodi affectibus alioqui maximè accommodatis, cedere voluit, *res desperata* fuit; sæpissime tamen & in principio, *incremento*, & statu, remediis rite adhibitis, optimo cum successu *sedata* fuit, imo *diarrhæa critica*, die VII. cum ægri levamine, quæ sequentibus diebus sua sponte cessavit, oborta est. Et fateri quoque debemus, fluxum alvi *moderatum* sæpissime non fuisse attendendum. Sic *vermes* tam in principio, quàm statu *ἀνω & κάτω* sat longos rejectos in duabus personis, quæ tamen evasere, vidi. *Sudores* sæpenumero sua sponte apparebant, interdum *critici*, qui omnes boni, interdum verò *resolutivi*, imminente inprimis morte, qui pessimi; totum enim corpus tunc temporis in vaporem & madorem re-

solvi videbatur. *Parotides* permultis oboriebantur ut plurimum *die XIV.* & per XIV. ferme *dies* durabant, nunquam tamen *lethales*. Adhibitis enim mox *sudoriferis* per insensibilem transpirationem discussæ sunt, sine omni metu *recidivæ*. *Lingua* sæpissime erat fissa, non nunquam *mucò albicante indurato*, inprimis adulto, jam morbo, quasi *crusta* quadam obducta, ut etiam *potulentorum*, ob *membræarum oesophagi fibrarum* à calore ingenti *exsiccatarum* difficilem *constriktionem*, *laboriosa* fuerit *deglutitio*; aliquando *nigra*, quæ & *faucibus* peregrinum huncce suum impressit *characterem*, ut tandem *sphacelo* correptæ & *exesæ* fuerint, quale exemplum in *puero VII. annorum*, hoc *symptomate* affecto, & propterea metu *dolorum viginti* ferme *dies* neque *cibum*, neque *potum*, neque *medicamentum* assumente, habuimus. *Exanthemata* tandem aliis jam II. quod meo exemplo testari possum, aliis & ut plurimum IV. aliis VII. erupere *die*, in aliis non *una vice* exiere, sed *tractu quorundam dierum*; alii *secundam* quoque *eruptionem die XIV.* experti sunt, cui aliquando *superveniebat vesica* in *dorso*, *nucis* magnitudinem æquans, & *aquam limpidam* continens, *funesta*, quam in *Barone de Nobis* conspeximus. Erant *maculæ*, quantum ad *colorem* attinet, *versicolores*, *rubræ*, *purpureæ*, *fuscæ* & quasi *crocei* coloris; *albæ*, ut in *æthiopico* quodam, *nigræ*, *lividæ*, quæ duæ posteriores *pessimæ*, inprimis in *dorso*, *manibus*, *pectore*, *pedibus*, *natibus*, non nunquam & *facie*, quæ non semper *funestæ*, interdum *magnæ*, interdum *parvæ*, *pulicum morsibus* similes, nullum tamen *punctum* in medio

habentes, non nunquam *sparsim*, nonnunquam *confertim* milii solis & sudaminum instar, (*aspredines miliaceæ* dictæ,) quæ etiam *malæ*, per septem, octo, novem dies, conspiciendæ. Sed cum *morbus* hic tam *varius* ac *multiplex* fuerit, ut non tantum nullo *ætatis* discrimine sævierit; verum etiam in omnes *sporadicos* morbos, si qui ægrum vexabant, sese transformaverit, ut aliquando *tussim*, sæpius *catarrhum*, aliquando *colicam*, *podagram*, *pleuritidem*, *febrem tertianam*, servando exactissimè *periodicam* *exacerbationem*, tempore nempe *apynexias* evanescentibus *maculis*, ingruente verò *paroxysmo* redeuntibus, mentita fuerit, quis quæso omnia *symptomata*, quibus hic *morbus* *auctus* & *exacerbatus* est, enarrare queat? Sufficiat ergo, hæc fideliter, prout in *praxi mea* observavi, annotasse. *Morbus* hic non nunquam *cito*, non nunquam *tardius* sua decurrebat *tempora*, ut etiam *xxiv. dies*; licet rarissimè, *funestus* fuerit; *die. xlii. ac xliii.* ut plurimum *graviora* ac *vehementiora* erant *symptomata*, proindeque accuratius attendenda. Etsi verò in *Hungaria* frequens est hic *morbus*, & quotannis observandus, grassari tamen *vehementius* more solito *hoc anno* cepit, ut ferme in solum *contagium*, corpora metu atque timore debilitata facilius corripuens, rejicere *causam* ausi fuerimus. *Principium* quidem huic *morbo* dedere *militēs*, utpote qui *temperiem* hujus *regionis* nec observantes, nec ferentes, sed *vinum nimium* indulgentes in *morbos* inciderunt *malignos*, gregatim deinceps in *contubernia* *arctiora* coniecti non modo *commilitones*, verum etiam *inquilinos* contagione infecerunt, quæ

latius serpendo & eundo tantas acquisivit vires, ut in *morborum epidemialem* degeneraverit, & plures è medio sustulerit. *Anni tempestas* malum hoc insigniter fovebat, nempe ut plurimum *humidior*, cum *pluviis* copiosis & fere continuis, *nebulis* foetidissimis, creberrimis toto fere *Novembri* & *Decembri*, quo tempore *petechiæ* in homines gravius debacchati sunt. Etsi verò *vehementia frigoris* subsecuti mali hujus vim sublatam aut minutam arbitrati sumus, tantum tamen, abfuit, ut cessaverit, ut potius ferme eandem, noxam ac *vehementiam*, licet alter *mensis* præ altero fuerit *benignior*, exeruerit, in *mensē Junium* usque eam protraxerit, plures non modo *familiarius* cum ægris versantes, verum etiam *nullam planè consuetudinem* cum *infectis* habentes, & homines, qui ægrotos visitabant, fugientes, semperque domini quasi fixi hærentes, corripuerit, ut in ejusmodi homines ex sola *imaginatione contagium* manarit, correptosque sustulerit. *Remedium præcipuum* ac præsentissimum fuit *Venæ sectio*, à qua & *curam* semper *ordiri*, eamque in *primis diebus* *repetere* debuimus. Quam primum verò *maculæ* sese in conspectum dedere, quamvis plerique *auctorum*, & inter eos præcipuus NEUKRANZ de purp. id suadeant, penitus tamen *abstinendum* erat ab hoc alioquin præstantissimo remedio. *Purgantia*, quæ ad unum fere omnes admittunt scriptores, *Vomitoria*, etiam in *principio*, nullum hic invenere locum, imo omnes, quibus *Purgantia* exhibita sunt, *brevi post expirarunt*; eorum verò *exanthemata* semper apparebant *latiora*. Ex iis, qui *Vomitoria* assumsere, paucissimi, nempe

nempe ii solummodo, quorum robur naturæ adhuc erat inconcussum, evasere, in quibus & citius morbus sua decurrit tempora. Expellentia, alexipharmaca, confortantia, cordialia, temperata, v. gr. spec. liberant. sal. volatil. C. C. fixat. uniōr. mar. C. C. philos. præpar. item Emulsiones, mixtura ex mithridatio, confect. alkerm. & aqua fumar. inprimis tempore continuarum vigiliarum data, ac sequenti die vesperti iterata, quæ ad somnum placidum ægrotos disposuit, ac deliria mitigavit, lap. bezoar orient. præcipuè ubi cordis anxietates vehementer urgebant, qui miraculosa fere ratione eas statim sustulit, omne hic tulere punctum. Symptomatibus ex proprio fonte erat succurrendum; è contrario calida omnia, quæ majorem excitarent effervescentiam, vitanda. Antimonium diaphoreticum quoties fuit datum, fere semper excitavit diarrhœam; exhibitum verò in febribus malignis sine exanthematibus rarius, facile tamen terr. sigillat. vel mithridat. sedata fuit. Fœminis, affectibus hystericis obnoxiiis, extract. castor. præsentissimam tulit opem. Vesicatoria justo tempore applicata, non modo in aponia sæpissimè ægrotis sermonem reddidere, verum etiam ferociam deliriorum, ac quasi phrenitides debellarunt. Opiatorum usum, utpote in his regionibus merito suspectum, experiri nolui, Topicis quidem frequenter in perpetuis vigiliis & capitis doloribus, cum successu admiscui. Quod si jam ad eruptionem pervenit morbus, sudoribus probè elicitis tandem spec. de gemm. frigid. de hyacinth. cum nitro ordinavi, quorum usum, quo usque penitus remisit calor, continuavi. Confortantia, cordialia

balsama in frequenti usu habui. Restaurantia juscula interdiu & noctu aliquoties ægris exhibenda suasi, vini ac cerevisiæ usu omnes abstinere jussi, aquam coctam ex rad. scorzon. cum C. C. & ras. ebor. sem. fœnic. &c. pro potu ordinario præscripsi. Mutationem linteorum mundorum & indusiorum crebram, etsi permittat NEUKRANZ de purp. p. 351. semper tamen ego, ob rationes certas & experientia stabilitas, dissuasi. Victo jam penitus morbo, & viribus aliquantum jam redeuntibus, tandem ad Purgantia descendi, quibus reliqui excrementitii humores, ne recidiva subsequeretur, cum emolumento ægrotantium expellerentur. Hac ratione quamplurimos per Dei gratiam pristinae sanitati restitui. Hæc, VIR, LECTIO ET EXPERIENTIA CELEBRISME, sunt, quæ illis temporibus observavit, & bona fide de hoc morbi genere literis consignavit beatus Parens. Hujus paternæ industriæ monumenta plura possideo, gravissimo Tuo judicio, una cum meis rarioribus observationibus, subijcienda, & si Tibi ita visum fuerit, publico bono non invidenda. Nihil proinde avidius expecto, quàm, quod sine Tua molestia fiat, Tuum de hoc instituto consilium. Si Tibi placuisse intellexero, affirmo Tibi, me existimaturum, mihi gravitate judicii Tui, & conatus meos juvandi facilitate id, quod maximè unquam cupierim, contigisse. Quod superest, Tibi CÆSARÆ NOSTRÆ ACADEMIÆ spes fortunæque commendo.

mendo , nihil dubitans , quin de sis existimaturus. Dab. *Viennæ* die
hoc meo studio rectè & benignè VII. Febr. A. S. R. clolcccxxx.

*Dn. D. Andreae Lævv Historia Epidemica Hungariæ ,
annorum 1688. 1697. 1699. 1700. 1701. 1702.
1703. 1704. 1705. 1706. 1707. 1708. 1709., ab
ejusdem Filio Dn. D. Carolô Fridericô Lævv , Perillustri
Luca Schræckio , Academia Nat. Curios. Præsidi , &c.
ann. 1726. communicata.*

ANni tempora , prout variant ,
suos habere morbos certos jam
pridem *lib. 3. Aphor. 21.* rectè an-
notasse *Hippocratem* præsentem anno
abunde confirmavit experientia. Scili-
cet *mensè Julii & Augusti* cum cælum
quasi flammasset caloribus , & pluvia-
rum ferme toto illo tempore expers
fuiſſet , quibus alias intemperies aëris
ficca temperanda & corrigenda , Fe-
bres solito magis in hac urbe grassari ce-
perunt. Quarum principia cum horro-
re , vomitu , nausea ægrum occuparunt ,
subsequentibus statim caloribus , siti ,
dolore capitis , virium prostratione
summa , cardialgia , ut plurimum dies
noctesque durantibus , aut biduo post ,
adhibitis sudoriferis , in *intermittentes*
ut plurimum febres , modo *tertianas* ,
modo *quotidianas* , imo *quartanas* ,
per intervalla secundum suum typum
repetentes , terminantibus. Tantam
autem hæ febres benignitatem in se fo-
vebant , ut rarò administratis legitimo
modo remediis , h. e. *V. S. Anti-fe-
brilibus ex Card. ben. absinth. cen-
taur. min. lap. cancr. chinchin. arcan.
dupl. flor. nitr.* aliisque , ultra octi-

duum sese extenderint , quin penitus
remiserint. Non senserunt has febres
tantum provectioris ætatis homines ,
verum etiam infantes lactentes & abla-
ctati , sine ullo ætatis discrimine. In
non nullis deprehendebantur *continua* ,
dies noctesque ægrotos affligentes , &
*V. S. sudoriferis ordinariis , nempe
spec. de hyacinth. antim. diaph. spec.
de gemm. frig. mixtura mea ordinaria
&c. cum confortantibus junctis* , trac-
tatae , omnes terminum suum elapso
15. dierum spatio benignissimè absol-
ventes. Hisce continuis annumeranda
quoque fuit *Pemphinx* , vulgo *Nessel-
Kranckheit* dicta , tunc temporis grassa-
ta , quæ ægrotos , (qui quasi urticæ uren-
tis vim essent experti ,) excrucia-
vit pruritu , tumore permagno variæ ma-
gnitudinis in toto corpore , modo im-
perialis , modo floreni , modo grossi ,
modo totius cubiti , superficiem cutis
occupante , eamque in vesicas non
adeo rubras , sed magis albas attollente ,
mox recedente , mox redeunte , aliis-
que symptomatibus febres continuas
malignas alias concomitantibus. Quæ
febris licet aliis temporibus *benignissi-*
ma

ma adhibito sudorifero intra biduum remittere soleat; nunc tamen admodum *maligna* more continuarum sua decurrit tempora, propinatis autem *medicamentis diaphoreticis, expellentibus temperatis &c.* DE O benediciente apud omnes felicissimè XV. die superata. Observavimus etiam, quod notatu dignum & perrarum, tunc temporis certam febrium speciem, quæ fuit *complicata ex febre quotidiana continua & tertiana*, una die binas habens exacerbationes, altera unicam, quam *Hemitritæum* appellare placuit. Fuit absque horrore, cum continuo calore, ingenti præcordiorum compressione, ut de continuis constrictionibus pectoris conquesti fuerint, siti

inexplebili, intensioribus tamen hisce tempore exacerbationis, cum vigiliis, deliriis, diarrhœis, in primis virium prostratione summa, ut semper animi deliquia metuenda fuerint. Febris hæc admodum periculosa continua ingentem reconditam habuit malignitatem; quapropter more aliarum febrium malignarum, v. gr. *V. S. sudoriferis, expellentibus, confortantibus mixtis, ordinariis*, ratione tamen habita symptomatum urgentium, tractata felicissimè intra XXI. dies fuit subacta atque ejecta, superstite quidem adhuc aliquali pectoris compressione, *Laxativo* tamen medicamento sub finem exhibito, penitus sublata.

Constitutio Epidemica Sempronienfis Anni 1697.

NON quivis annus quosvis foveat morbos, multo minus una eademque symptomata. Prouti anni variant tempora, aërisque tempestates, sic quoque morbi, qui nunc benigniores, nunc pejores, multorumque funerum non nunquam causæ existunt. Hoc jam dudum observavit, ac *toto libro III. Aphorismorum* nobis demonstravit maximus Græciæ Doctor, *Hippocrates*. Et quis non videt, diversum aëris flatum humores modificare morbificos, eosque dispo- nere, pro diversitate locorum aliarumque circumstantiarum, ad producenda symptomata, quandoque graviora, aliquando mitiora. Id videre licuit anno 1697. quo *hyemem rigidissimam* experti sumus. Produxit intensissimum illud frigus non solum *varios pectoris morbos, catarrhos, coryzas, gravedines, tussesque vehemen-*

tiores, sed & transpiratione impedita, lympham disposuit in coagulum pronam; adventante *vere*, liquatisque macrocosmi humoribus, lymphæ hactenus torpida apud plurimos varias subiit mutationes; inde in quibusdam *febres tertianæ subortæ*, in plerisque *febres continuæ, pleuritides spuria, malignitatis expertes*; in plurimis, imprimis *sub finem Aprilis, Maii, Junii, Julii*, quo tempore magis efferationes biliosæ ob excessivum calorem ambientem notabantur, *febres petechiales Epidemicæ*. Referam ex morbis, quos hoc anno perlustravi, solum præcipuos. Inceperunt *petechiales* more solito cum rigore, caloribus p. n. siti, anxietate præcordiorum, quandoque vomitu, doloribus capitis, insueto artuum languore, sine causa manifesta, cum insigni extremorum lassitudine, ut plurimum

quarta, aliquando septima demum die maculae effloruerunt petechiales, in quibusdam copiosiores majoresque, in quibusdam minores ac parciore. Deliria sexto jam, septimo, octavo morbi die supervenientia, boni fuere ominis. In illis enim decima quarta vehemens notabatur obsurdescentia, & decima quinta calor, adeoque morbi solutio. Si serius, v. gr. 10. 11. 12. contigerunt deliria, atrociora symptomata, nec non malignitatem prænuntiarent summam, nullusque expectandus fuit motus criticus, sed paulatina solutio. Observavi hoc in quamplurimis, in primis in Cive hujus loci primario, ex itinere sexta morbi die reduce. Septima, adhibito uno vel altero medicamento expellente, bezoardico, vidi corpus petechiis copiosissimis rubris conspersum; eodem die notavi summam in somnum propensionem, vix non dispositionem lethargicam. Vesicatoria quippe aliquot applicata ægrum à somno abstrahere non valuerunt, & excitatus licet quandoque comederit, medicamenta expellentia, sudorifera, epileptica, confortantia sedulo assumeret, subito nihilo minus in somnum recidit, salva manente respiratione; accesserunt 10. die deliria: excitatus enim ex suo profundo somno, & interrogatus minus appositè, minus ordinatè respondit, desubito in somnum relabens. Die undecima & sequentibus supervenerunt motus convulsivi, diarrhoea, involuntarius urinae fluxus, summum, symptomata exitiosa. Decima quinta calores p. n. observavi longè remissiores, pulsum naturali similem, somnum autem adhuc profundum. Si

excitatus fuit patiens, neminem agnovit, torvis oculis vidit, ad interrogata mullitando, minus intelligenter respondit, floccos frequenter legere continuavit. Morbum igitur hunc in pessimis signis constitutum ex Hippocr. Coac. nec non 2. Aphor. 27. difficillimum ac periculi plenissimum pronunciaui. Decima septima demum die, suborta obauditione, ad se rediit, stupidus quidem & obliviosus, præteritorum immemor, vires tamen brevi resumfit. Vidi in alio subjecto, eundem morbum in optimis signis constitutum, duodecima, rarioribus tunc temporis existentibus jam maculis petechialibus, produxisse pustulas miliares, parvas, albas, acuminatas, innumeras, excessivam sanguinis ebullitionem, nec non malignitatem latentem prodentes, & 15. die, prægressis vix momentaneis convulsionibus, funestas. Observavi, malum hoc fuisse epidemium, nullumque ætatis habuisse discrimen, juvenes verò puerosque frequentius invasisse, ac contagium in domo delituisse, aut substituisse, donec in reliquos fere omnes sæviit. Qui valetudinis salutisque suæ solliciti fuerunt, ac in tempore, spretis præposteris medicationibus, meam postularunt curam, ad unum omnes convaluerunt. Incepi, prævio unico sudorifero, pro ætatis diversitate, prima & secunda jam die à V.S. in brachio, quam sequenti die pro rei exigentia in pede, ante exanthematū eruptionē, repetii Alexipharmaca, (malignitatis enim hinc summa est habenda ratio,) sudorifera ex spec. de hyacinth. Liberant. & diaphor. C. C. philos. præpar. lap. bez. orient. mithridat. & c. mutatis

tis mutandis, singulo octihorio exhibui cum sudoris imperio. Quamprimum mentem adverti vacillantem, imminentis delirii prodromum, *Vesicatoria* nuchæ pedibusque imponi jussi, addidique *pulveribus sudoriferis confortantia*, nec non *epileptica*, v. gr. *pulv. epilept. March. unicorn. mar. specif. cephal. Mich. mag. ungu. alc. perl. &c.* Nimis vigiliis ac deliriis summis *mistura mea ex mithridatio cum conf. alkerm. pulv. epilept. de gemm. frig. aut analept. &c. Syr. papav. in aqu. solut.* ut plurimum vesperi, & quidem cum fructu obviam veni. *Alvi fluxum stypticis* quandoque singulo trihorio aut quatrihorio exhibitis compescui: obstructionem *enematibus* sustuli. Cum calores p. n. decrescere inceperunt, quod sæpissimè sub initium decimi quinti diei contingit, contentus fui solis *pulveribus præcipitantibus*, v. gr. *spec. de gemm. frig. & analept. C. C. philos. fl. nitr.* quotidie semel aut bis in usum vocatis. Vinum ac cerevisiam prohibui, concessique solum *aquam ex ras. C. C. ebor. sem. fœnicul. rad. scorzon. cactam.* Reliquis symptomatibus ex suis fontibus prospexi. Sub initium quartæ septimanæ, appetitu jam redeunte, ne in priorem morbum reciderent, dedi *Laxativum*. Et hac methodo, DEO sint laudes, omnes petechiis etiam pessimè decumbentes, excepta unica persona, servati sunt. *Morbilli* mense *Junio, Julio*, omnes fere pervaserunt domos, & observavi illos *epidemia*liter grassatos, primis quatuor diebus ut plurimum gravissimos, apparente efflorescentia, quæ elapso quatruiduo evanuit, levissimos. Quibus legitima adhibita fuere reme-

dia, expellentia nempe, *sudorifera*, v. gr. *pulv. alexit. lap. bez. C. C. philos. unicorn. mar.* omnes stando quasi ac deambulando morbum evaserunt. Qui in cura sunt neglecti, aut malè tractati, etiamsi convaluerunt, elapsis aliquot septimanis, aut in *febrem* inciderunt *exanthematicam*, (quam *Rossaliam* nominare solemus, & consistit in maculis rubris, latissimis, in toto corpore densissimis, erysipelas quasi universale referentibus, post quartum diem evanescentibus, & squammularum instar decidentibus, cum ægri alleviatione,) cum caloribus continuis, siti magna, aliquando deliriis, nemini exitiosam; aut reportarunt *tumorem flatulentum totius corporis*, permultis funestum. Notavi simul, quando unus aut duo in domo morbillos superarunt, decimo demum quarto aut quinto alios ejusdem domus in ægrotantium locum successisse, adeoque morbillosum contagium serpiens à 14. in 14. delituisse ac substituisse. Mense *Junio, Julio*, frequens fuit *Icterus*, cum aliquali alteratione, appetitu dejecto, nausea, siti, oris amaritudine, deturpato cutis, imprimis oculorum, colore, pruritu, urinis croceis, cerevisiæ brunaceæ similibus, turbidis, excrementis quandoque flavis, copiosis, sæpissime albis, cinericis. Obstructionem ductus choledochi referavi, bilemque in massam sanguineam, ac in habitum corporis jam derivatam reduxi, ejusque acrimoniam salino-sulphuream excessivam correxi *aperientibus salibus ex pulv. hepat. Tartar. Vitriolato, sale cicchor. acetosell.* additis *granis aliquot diagrydii*. Instar omnium fuerunt *acidule Croaticæ*, quibus bilem sufficienter dilui, atque felicissi-

mè spatio 2. aut 3. hebdomadarum ictericos restitui. Præter *hydropes, calculos, podagram, arthritides &c.* tempore autumnali more solito, *Quartana* prodiit *contumacissima*, quam, si *Venæ sectione, purgatione*, diebus paroxysmorum instituta, nec non *medicamentis Antifebrilibus chinatis* ter aut quater exhibitis infringere nequivi,

reliqui intactam, optimè gnarus, multitudine atque frequentia medicamentorum facile ad *Cachexiam ac hydropem* disponi, adeoque magis destrui. *Naturæ* igitur opus hoc commisi, atque expectavi *æquinoctium vernale*, quo tempore natura, uno vel altero medicamento adjuncta, quandoque per se febrem hanc felicissimè subigere solet.

Constitutio Epidemica Sempronienfis Anni 1699.

DE Japonibus scribit *Wilhelmus ten Rhyne, Dissert. de Arthrit. in suis notis, p. m. 92.* quod quidem *pestem* ignorent, *variolas* tamen timeant, cum ipsis maximè sint contagiosæ, atque sæva & multiplici hominum strage illorum terras depopulentur, ut major etiam mortalium pars his in Japonia aliquando succumbat, quàm peste alibi, atque idcirco præ labis istius metu, parentes liberos, mariti uxores, & quæcunque dulcia sunt vel sanguinis vel thori pignora, relinquant. Unde Japones & Sinæ liberis dotati, ubi interrogantur, quot soboles alant? regerunt, totidem, quot variolis jam laborarunt; reliquorum enim vitam in ancipiti locant, adeoque inter permanentes proles non numerant. Idem responsum fere à nobis hoc anno *nonagesimo nono* tulissent Curiosi, si ex uno alterove quæsivissent, quot filios aut filias habeat? Tot nempe, quot jam *variolarum* virulentiam superarunt. Etsi enim apud nos *Variolæ* non adeo aliquando observantur funestæ, hac tamen *hyeme australi, tepidiori ac humidiori* plus minus existente, illæ, pestis instar, in infantes & adultiores furere cœperunt, eosque pro diversitate tempestatum,

magisve vel minus maligni ætheris, nec non humorum in corpore existentium, variè affecerunt. Inceperunt modico cum horrore, quem excepit calor intensus, pulsus fortis, oculi turbidi, sitis intensa, aliquando jactatio inquieta, sternutatio frequens; non nunquam jam primo aut secundo ebullitionis die apparuit una vel altera pustula in facie, dorso, ut plurimum verò sub finem tertii aut initium quarti diei eruperunt *variolæ*, primum rubræ, exiles, rotundæ, figura nempe, colore & magnitudine regulari, cum febris symptomatumque, etiam si hæcenus fuerint gravissima, atque nervoso generi periculosissima, remissione, aut notabili diminutione. Hæ turgidæ maturuerunt brevi, iustoque tempore exaruerunt jam incrustatæ. In quibusdam subjectis pustulæ fuerunt admodum raræ, solito tamen majores, hinc inde sparsæ, valde discretæ, ita quidem, ut iisdem affecti in lecto vix contineri potuerint, quin deambulare voluerint, si ipsis concessum fuisset, quæ variolæ mitissimæ ac benignissimæ fuerunt. *Diarrhœa* nec non *hæmorrhagia narium*, diebus ebullitionis suborta omnibus saluti fuit, detracta nempe nimium quantum

tum ebullientis ac æstuantis sanguinis, nec non seminii variolosi parte, quod reliquum fuit variolosum fermentum facilius, inprimis jam laxatis venarum spatiis, evolvi, digeri, expellique potuit; & in his *variolas* observavimus discretas, raras, *benignissimas*, saltim hinc inde sparsas. Qualis enim status humorum ebullientium in corpore, in primis in centro, talis quoque se exseruit & effloruit in extremis, habitu corporis: unde quo peior materia ebulliens, eo periculosiores & deteriores variolæ. Sic spiritus quandoque à miasmate varioloso irritatos magis, quam oppressos observavimus, qui magno sæpe conamine quisquillas suas ad cutem amandarunt, serumque virulentum repurgarunt felici eventu, tuberculis tam magnitudine, quam colore & figura regularibus enatis. Notavimus è contra spiritus à miasmate hoc varioloso diebus jam ebullitionis obrutos ac fere oppressos, ut amplius sese sufficienter expandere nequiverint, multo minus inquinamenta variolosa excutere potuerint. Remansit ergo miasma virulentum in massa sanguinea, quam ad coagulum disposuit. Tangebatur quidem cuticula rubedine quasi erysipelacea, ac tumore afficiebatur, nulla tamen aut fere perpauca apparuere variolarum vestigia, potius loco harum tertia jam die maculæ in facie, dorso, natibus, pedibus, manibus, effloruerunt purpureæ, quæ exactè morsus pulicum aliquo modo obsoletos repræsentarunt, copiosæ, aut diebus ebullitionis, quarta nempe, antequam ulla adhuc comparuit pustula, aut ante plenam & sufficientem variolarum eruptionem, quæ semper manserunt parvæ, sessiles, depressæ,

confluentes, duræ, septima die lethales. Observabatur in his pulsus debilis, catarrhus suffocativus, ob nervos affectos, insultus epileptici, subsultus tendinum, deliria, maculæ purpureæ, latissimæ, ad nigredinem spatio aliquot horarum tendentes, ante, aut post mortem largissimum sanguinis per alvum profluvium. Certissima sanè summæ inflammationis in massa sanguinea latentis, nec non instantis spha-celi, adeoque indubiæ mortis indicia. Unam habui virginem octennem, in qua maculæ hæ purpureæ jam disparuerunt, ut aliqualem reconvalescentiæ spem nobis fecerint, ast tempore maturationis variolæ confluentes, inprimis in facie, manserunt sessiles, depressæ, duræ, cartilaginossæ quasi, cutis ipsa erysipelate fuit affecta, & intensa rubedine tincta, tumida, symptomata novis accessionibus febrilibus fuerunt exacerbata, quæ tandem XV. die funesto terminarunt eventu. Unicum habui puerulum 7. annorum, ejusmodi maculis purpureis una cum variolis correptum, qui hæmorrhagia narium copiosa IVta die suborta à periculosissimo atque exitiali hoc malo liberatus fuit. Reliqui omnes his *petechiis purpureis* laborantes, etiam si ex methodo medendi ordinaria & optima, *expellentibus* nempe, *sudoriferis*, *alexipharmacis*, *bezoardicis*, *confortantibus*, *nervinis*, *antepilepticis*, v. gr. *spec. liberant. de hyacinth. pulv. pannon. lap. bez. orient. pulv. epilept. C. C. philos. unicorn. mar. diascord. Frac. mithridat. conf. alkerm. &c.* tractati fuerint, mortui sunt. Sine dubio à veneno varioloso pestifero sanguinis compages nimis fuit soluta & jam in fluorem conversa, in primis serum

acre, virulentum redditum, atque dispositum non solum visceribus, sed & partibus externis, mediante efflorescentia, necrosin induxit funestam. Neque *gravida*, licet alias naturæ consilio à morbis epidemiis immuniores sint, quàm alii, ab hoc variolarum contagio fuere immunes, imo decubuerunt pessimè; hæ semper sexta aut septima die *abortum* passæ sunt cum *magna Uteri hæmorrhagia*. *Variolæ malignæ* ut plurimum inceperunt cum *lumborum & abdominis doloribus*, qui si cum erupturientibus jam pustularum notis remiserunt, *boni*, sin minus, *mali* fuerunt ominis; ut plurimum enim in his variolæ aut non sufficienter eruperunt, aut, si prodierunt, confluxerunt, & tempore maturationis depressæ manserunt, sæpe refugerunt & in fauces gulamque copiosæ incubuerunt, *catarrhumque lethalem*, in primis circa morbi statum, induxerunt. In permultis salivationem in eruptione, & post eruptionem, observavimus copiosam, qualis à mercurio assumpto oriri solet. *Diarrhæa* diebus maturationis oborta, *pessima* fuit, natura enim jam debilitata, & in negotio maturationis impedita, deducendo aliorum materiam variolosam succumbere debuit, variolis nempe non bene maturatis, quin potius collapsis, aut *catarrhus*, aut *convulsiones* supervenerunt funestæ. Respiratio anxiosa, interrupta, vel sublimis, in primis in morbi statu semper fuit convulsiva, & indubitatum signum malignitatis, quæ nullis medicamentis expelli potuit, quin potius humores in suo motu impedivit, atque sic lethalitatem intulit. Observavi in filiolo trium annorum, tempore eruptionis, die tertia

& quarta morbi, summam extremorum, pedum nempe, manuum ad carpum usque, nasi refrigerationem, sine ullo sudore, cum pulsu debili, calorem verò in reliquo corpore sufficientem ac præternaturalem. Metui sanguinis recursum, caloris languorem, & necrosin imminentem, adeoque frigus hoc brevi fore morticinum, in primis materia variolosa in centro retenta minusque expulsa, exhibitis tandem *expellentibus* variis, *bezoardicis*, nec non *linteis calidè applicatis*, spatio bidui rediit ad extrema calor, variolæque prodierunt copiosissimæ cum summa symptomatum alleviatione, & maturatis tandem variolis, vitæ conservatione. *Mense Aprili, Majo* notabantur *morbilli*, qui, si ex methodo tractati fuerunt, sudorque successit ex voto, in omnibus *benigni*, neque efflorescentia inflammatoria diutius mansit, quàm per quatrimum; quo tempore una cum maculis squamarum ad instar deciduis, calor cessavit penitus. Observavi autem in quibusdam morbillosam hanc inflammationem effloruisse in dorso & facie ad instar herpetis, cum pustulis splendentibus, mox in rubedinem morbillosam ordinariam variæ figuræ abeuntibus. Fuerunt exanthemata hæc morbillosa mali moris, adeoque in cura probe attendenda, & *expellentibus, sudoriferis, alexipharmacis* sedulo tractanda. *Mense Aprili, Majo, Junio* frequentes fuerunt *febres petechiales malignæ*, quæ invaserunt cum horrore levi, nec manifesta sanguinis æstuatione, sed calore mitiori, quem aëris injuriis adscripserunt ægroti, neque crediderunt se ægrotare, donec calor, hætenus effectum suum oculens, ingravescere viref-

viresque vacillare cæperint, ut jam ægroti decumbere coacti fuerint, magno cum damno suo tamdiu contranitentes. Accessit anxietas præcordiorum, sitis immanis, capitis dolor, vigiliæ, linguæ scabrities, deliria aliaque symptomata. Qui ab initio *Venæsectiones* admiserunt, medentumque opem implorarunt, atque dicto præscriptove audientes fuerunt, evaserunt omnes; qui verò neglexerunt curam, eamque demum die VI. aut VII. inchoare voluerunt, ii plerumque die XIII. XIV. XV. XVIII. XIX. mortui sunt. Quicunque à *Purgantibus* credentes vitium hæere in Ventriculo, curam inceperunt, ad unum omnes decesserunt, & in illis maculæ observatæ sunt longe majores ac latiores. Qui sudare ad variè assumpta *alexipharmaca*, *diaphoretica*, *expellentia* in incremento & progressu morbi non potuerunt, etiamsi bene ac peritè, aliàs tractati fuerint, mortui sunt, mortem verò uno vel altero die præcefferunt *sudores spontanei*, copiosissimi, resolutivi. *Subsultus tendinum* in tangendo pulsu in statu morbi notatus semper *exitialis* fuit. *Convulsiones epilepticae*, in primis distorsiones in ore & fronte variæ, *funestissimæ*. *Sensus hebetior*, si nempe ægroti se

non laborare, sed optimè valere dixerunt, *manus tremulæ*, *respiratio difficilis ac frequens*, *difficillima citra faucium tumorem deglutitio*, *inevitabilem prænuntiarunt mortem*. *Maculæ quo tardiores in efflorescentiæ*, eo *peiores*, unde apud quos die demum septima, aut nona, prodierunt, ut plurimum observabantur funestæ, secus, si jam quarta eruperunt. Eædem ex *rubro colore* tendentes in *lividum*, *nigrum*, extremam sanguinis corruptionem indicarunt. Circa *Solstitium*, *men- se Junio*, morbus hic fuit *peffimus multisque exitialis*. Causa hujus febris petechialis malignæ, cum calor sæpe, in primis in initio, non adeo sævus fuerit in prava & maligna indole quærenda fuit, quæ citra insignem calorem vi sua corrodeute partes corporis fluidas & solidas corrumpit, dissolvit, destruxit, ac violentia sæpe materiam expulit, modo *per alvum*, crisi imperfecta ac funesta, modo *per insensilem transpirationem*, ubi ægroti, in primis sub finem, sudoribus fere diffluxerunt, qui fuerunt resolutivi, pessimi. Sanguinem igitur ac serum in hoc morbo coagulari ac incrassari, sæpissime ex sale corrodeute maligno summam contrahere acrimoniam, ex symptomatibus abundè claret.

Constitutio Epidemica Sempronienfis Anni 1700.

HOc anno insueta fere fuit aëris intemperies. *Mense Januario*, *Februario* temperatum frigus extitit, *men- se Martio*, nec non *Aprili* fere toto tempestas nivibus & gelu sæviit, quo tempore grassari cœperunt *febres continuæ exanthematicæ*, solis confortantibus, blandissimis *diaphoreticis*

remixtis, tractandæ. Etenim, qui more solito assumerunt & continuarunt *sudorifera*, ex *spec. de hyacinth. Liberant. ꝯ. diaph. ☉ volat. C. C. mithridat.* illi omnes, viribus exinde exhaustis, & convulsionibus subortis migrarunt ad superos; qui vero in principio tractati sunt *Venæsectione*, deinde blan-

blandioribus diaphoreticis, ut plurimū tamen confortantibus & epilepticis, v. gr. pulv. epilept. M. specif. cephal. pulv. analept. mag. gran. kerm. perlar. C. C. unicorn. mar. convaluere omnes. Calores non adeo intensi fuerunt, debilitates verò summæ cum vigiliis, sudoribus spontaneis, pulsu celeri, frequenti, tremoribus nec non motibus convulsivis. Mense Junio, Julio plures pluviosæ notabantur dies, quàm serenæ; mensis Augustus & medius September fuere serenissimi, calidissimi. Reliquo medio Septembri & toto mense Octobri tanta pluviarum fuit frequentia, ut post hominum memo-

riam his mensibus visæ non fuerint crebriores. Si enim de die non pluit, certe de nocte pluit, imo post 14. dies pluviosos vix duo sereni apparuerunt, quos statim pluviae exceperunt continuæ. Per has igitur infuetas anni constitutiones sævierunt Tusses, rheumatismi, febres, in primis quartanæ, quæ in vicinis nostris locis fuerunt epidemica, apoplexiæ ipsæ; apud infantes frequentes fuerunt variolæ erraticæ. Senes experti sunt debilitates summas instar februm continuarum, sed benignarum, recurrentes, quæ solis confortantibus medicamentis cesserunt.

Constitutio Epidemica Sempronienfis Anni 1701.

ANnus ineuntis huius seculi incipit eadem inconstantia, qua ultimus annus seculum finivit. *Januario* quippe & *Februario* frigora uno vel altero die notabantur intensa, tertio vel quarto valde remissa, unde ex infuetis his anni mutationibus ortæ sunt *desfluxiones biliosæ in brachiis, ossibus ischii, pedibus, summè dolorificæ, utrique sexui infestæ. Rheumatismi hi biliosi sudoriferis neutiquam tractari debuerunt, utpote quorum usu dolores semper exacerbati sunt, meliori verò successu digestivis ex salibus, v. gr. pulv. hepat. rubr. & cichor. acetosell. & vitriolat. diagryd. sulphurat. quotidie adhibitis obtemperarunt, & intra XXIV. dies evanuerunt. Martius* fuit valde benignus, *Aprilis* verò & *medius mensis Maii* ob frigora infantibus funestus, hi nempe valde infestabantur *Vomitibus, catarrho suffocativo, colicis convulsivis, epilepticis. In Junio* nil occurrebat notatu dignum,

nisi quod mane hoc & præterito mense rorem in foliis arborum, in primis prunorum, instar mellis, nostrates vocant *Hönigthau*, eumque fructiferum indicare annum credunt, copiosum observaverimus. *Julius* totus exæstuavit, nil tamen mali, - quod mirum, produxit, nisi *febres tertianas*, (quæ sexto paroxysmo abierunt,) & in senibus, adultis ac infantibus *pustulas, sive exanthemata miliaria*, quæ occuparunt totum corpus cum molestissimo pruritu. Causa sine dubio quærenda in efferationibus biliosis, in primis lymphæ ab externo calore valde intenso evocata, sed facile refrigerationibus, v. gr. spec. de gemm. frig. fl. nitr. lap. cancr. &c. & balneis hordeaceis repressa ac contemperata. Toto mense *Augusto* calores fuere intensissimi, pluviae paucissimæ, fere nullæ, noctes simul calidæ. Jam valde grassari coeperunt febres cum frigore duarum, aliquando trium horarum, insecutus est

est statim calor ultra 40. horas durans cum capitis dolore, siti, virium prostratione, linguæ ac faucium ariditate, vigiliis, quandoque deliriis, ut jurasses *febrem imminere continuam*, sed post adhibita *sudorifera*, *Venæ sectionem*, remisit calor, atque in *intermittentem febrem*, ita tamen, ut vix aliquot horæ inter paroxysmum & apyrexiam interjectæ fuerint; & sic una febris excepit alteram, afflixitque diu infirmos; rarissimè enim ante nonum paroxysmum terminavit. Si *Venæ sectione*, *diaphoreticis* & *præcipitantibus*, cum malignitate non caruerit, rite tractabatur, nulli fuit funesta. Febres hæ maximè sæ-

vierunt *menfe Septembri*, quem observavimus calidissimum, siccissimum, sine ullis pluviiis. *Mensis Octobris* incepit cum pluviiis, quæ per aliquot durarunt dies, insequentibus mox caloribus insuetis, ac vix post hominum memoriam notatis. Continuaverunt æstuosissimi dies per *Novembrem* fere totum, ita, ut nullus senum tantæ æstatis & autumnus calidi & constantis recordari potuerit, unde optimum & generosissimum crevit vinum, quod tamen successu temporis minùs generosum evasit. *Morbi* fuere pauci, iique ut plurimum *ordinarii*. *Sub finem Decembris* exasperatum fuit cælum, & terra frigore obriguit.

Constitutio Epidemica Semproniensis Anno 1702.

HAc hyeme permutata quasi videbantur tempora. Frigora intensa solum durarunt ad sextum *Januarii* diem, septimo supervenerunt pluvie, subsequenter diebus nebulæ; cælum turbidum, nox serena, calida tempora. Toto *Februario*, exceptis vehementissimis ventis, eadem fuit cœli facies, nullum frigus, nullæ nives, ut plurimum siccitas, serenitas, ut credidisses, imminere æstatem; nocturno quidem & matutino tempore quandoque aura observabatur frigidiuscula, sole tamen oriente statim fuit temperata, unde jam *medio Februarii* habuimus flores violarum, nec non flores ceraforum acidorum. *Morbi* his mensibus, præter *catarrhos frequentes* vix notabantur alii. *Martius*, qui infecutus est, fuit siccus, quandoque ventosus, pluvie, quæ oboriebantur, fuerunt temperatæ, fertiles. Hujus initium *phthisicis*, *hecticis*,
Tom. II.

hydropicis valde fuit funestum. Circa *æquinotium vernale* inceperunt copiosæ inter pueros grassari *febres continuæ*, ut plurimum *malignæ*, *petechiales*. Invaserunt illos levissimo rigore, lassitudine spontanea, succedente calore non adeo magno, subinde remittente, sed tertio aut quarto die vehementius recurrente, quo ut plurimum in conspectum venerunt exanthemata, deliria brevi post comparuerunt, in quibusdā vehementia, & quidem cum vigiliis, in quibusdā breviora, maculæ erant parvæ instar morfus pulicum. *Febres hæ epidemicæ diaphoreticis*, *præcipitantibus* & *confortantibus temperatis*, non *sudoriferis fortioribus*, tractatæ, nulli fuerunt funestæ, sed valde contagiosæ. In *adultioribus*, utpote viris, *maculas* ut plurimum observavimus *latas*, successerunt statim deliria, convulsiones, epilepsiæ, & his fere omnibus decima tertia dies

fuit exitialis. Duravit epidemica hæc lues in *Junium* usque, quæ sine dubio magnis siccitatibus cum Hippocr. 3. Aphor. 7. adscribenda. *Aprilis* plerumque fuit serenus, calidus, subinde ventosus, frigidus. Hunc excepit *Majus* frigore quidem moderato, sæpe tamen, præsertim *Borea* interspirante, rigidiusculo: fuit variabilis, nunc calidus, nunc turbidus, pluviosus, mox frigidus, ventosus, unde vitis justo tardius & inæqualiter gemmas suas protrusit. Frequentes hoc mense fuerunt *arthritides vagæ*, quæ solo reiterato *Laxantium*, minus *sudoriferorum*, usu tractari voluerunt. *Julius* fuit valde temperatus, calidus, ut & *Augustus*, si exceperis imbres & tonitrua horrendo fragore & fulguribus, in primis noctu, mense *Augusto* frequentia, & grandinibus insolitis, quæ aliquoties, præsertim die 12. 13. 18. promontoria nostra fere omnia, & quidem optima, valde destruxerunt remixta. Fructus omnes horæi valde fuere insipidi, humidi, & ad putredinem proclives. Unde frequentes habuimus *febres*, primo intuitu *continuas mentientes*, adhibita tamen *Venæ sectione* & *sudoriferis*, tertio & quarto die in *intermittentes tertianas* degenerantes, tandem *præcipitantibus* & *Laxativo* brevi consopitas. *September* comparuit uno alterove die serenus & amoenus, tertius & quartus serenum diei coelum noctu tempestuoso tonitru & fulguribus terribilibus foedarunt. Sequentes dies mox sereni, mox turbidi, pluviosi, aliquando frigidi, in primis noctu, & notavimus circa festum *Matthæi* bis pruinas, sed planè innocuas. Hoc mense habuimus *Diar-*

rhæas, *dysenterias*, quibus adhibitis *rhaborbaro tosto cum myrobalanis*, & dein *adstringentibus ex corall. fl. ferr. cum mithridat.* cito medebamur. *Octobris* quatuor dies initiales fuerunt sereni, amoeni, calidi, his quatri-duum successit frigidum, ventosum, imbridum, nivolum, autumnii præludium, octava mane gelu & pruina nocentissima folia ac uvas nondum maturas in omnibus fere promontoriis decoxerunt, & millena damna fecerunt. Jam remittere cœpit frigus, & coelum ad aliquot dies inclaruit. Circa *medium mensis* fere octo turbidi, nebulosi, solis expertes, notabantur dies. Tandem circa 20. exortis ventis, nebulisque discussis cœli facies mutari cœpit, æstasque in autumnno constans comparuit. Fuit enim ab hoc tempore usque ad sextum *Novembrem* serenitas, cum frigida tamen aura matutina. Septima tota die pluit, octava nix cecidit ingens; successit horridum gelu octiduum fere durans, quod & botros in copia adhuc in promontoriis existentes vix non in lapides convertit. *Medio Novembris* amoenior aura comparuit, caloreque fortiori nives uvæque glacie adstrictas solvit. Hoc tempore frequentes fuerunt *febres*, quæ nullum servarunt typum, quin potius *febres malignas* mentitæ sunt. Invaserunt cum horrore, caloribus primis diebus fere continuis, summo virium languore, capitis dolore, siti, oris amarore, siccitate linguæ. Adhibitis *Venæ sectione* & *sudoriferis blandis*, tertia vel quarta jam die terminarunt in *intermittentes*, quarum paroxysmos *arcano duplicato, sale Card. Ben. cort. chin. de chin.* ac tandem *levi laxativo* suppressimus. In his notatu dignum fuit,

fuit, quod, etiam si valde post febres comederunt, vires tamen per longum temporis spatium recuperare nequiverint. His mensibus copiosè grassari cœperunt inter pueros & puellas *variola*, quæ observabantur modo *benigna*, modo *maligna*, confluentes, depressæ, adhibitis *blandis diaphoreticis*, sanguinem contemperantibus, v. gr. *pulv. alexit. C. C. philos. pulv. epilept. spec. de hyacinth. unicorn. mar.* aliquando, si exire noluerunt, addito *sale volat. C. C.* nec non *lap. bezoar*, nulli funestæ. Accuratam insuper symptomatum rationem habere debuimus. Sic accidit, ut puerulus V. annorum ex variolis malignis convalescens in *gingivis superioribus* reportaverit *ulcuscula*, quæ primo intuitu ab adstantibus pro *aphthis*, *Mundfâule*, judicata & tractata sunt, elapso 24. horarum spatio corrosivitate sua

magnam jam maxillæ superioris & inferioris occuparunt partem cum summo foetore & nigredine, maximoque imminentis *sphaceli* periculo. Adhibuimus frequentiores *injectiones ex decoct. rad. aristoloch. iridis flor. mastiche, thure, mundificantia, balsamica, v. gr. elix. Propr. sine acido, bals. peruv.* quibus tandem corrosivitas, foetor, nigredo recessit, & puerulus pristinae sanitati restitutus est. Taceo *catarrhos, rheumatismos mense Novembri & Decembri* frequentes. Sine dubio morbi hi ut plurimum ex lymphæ à varia aëris anomalia, nec non erroribus diætæ, v. gr. fructibus horæis hoc anno valde putridis, ad viscedinem & spissitatem disposita, quæ in sanguine coacervata eundem in tumultuarios motus concitavit, deducendi.

Constitutio Epidemica Sempronensis Anni 1703.

ANni hujus principium aura temperiori, nivibus stipata illuxit, paulo post successit frigus intensum, quod brevi remisit, & in pluvias abiit. *Februario* gelu sæviit ingens, nivesque ceciderunt sæpissime, mox tamen accedente aura calidiuscula in liquorem solutæ. *Martius* comparuit caloribus amœnissimus, siccissimus, quandoque tamen interveniente Euro, rigidus. *Aprilis* simul præter morem siccus fuit. Habuimus his mensibus ventos vehementes, nives copiosas, quæ terram liquore balsamico sufficienter irrigare potuerunt. *Majus & Junius* fuere æstuosissimi cum paucissimis pluviis; unde uvæ circa festum Viti jam fere defloruerunt omnes. Hoc

semestri notavimus *febres continuas*, non adeò frequentes, nec malignas, sine dubio, ob vinum nimis leve ac tartareum, quod præterito crevit anno, diureticum, minus sanguinem accendens. *Variolas* habuimus in copia, modo *benignas*, plerumque *malignas*, sessiles, depressas, quæ tamen si rite *bezoardicis temperatis, expellentibus, confortantibus, v. gr. pulv. alexit. spec. de hyacinth. antim. diaph. C. C. philos. præp. pulv. epilept. lap. bez. orient. unicorn. mar. mithridat. &c.* tractatæ sunt, paucissimis, imo fere nullis funestæ. Et licet plurima tum temporis conspicerentur puerilia funera, causa tamen mortis magis adstantium incuriæ & negligentiæ,

tia, aut medicastrosum præpostera ac perversa curæ & imperitiæ, quàm malignitati adscribenda. Notatu dignum fuit, me his temporibus inter alios habuisse Comitissam valde sanguineam, corpulentam, jam fere quadragenariam, variolis correptam. Huic sub prima morbi invasione, quæ erat cum rigore, caloribus, cordis compressione, virium languore &c. curavi aperiri *medianam*, præscripsi *bezoardicos expellentes pulveres* more solito, *pulv. alexit. C. C. philos. lap. bez. orient. unicorn. mar. &c.* & ecce præter omnium expectationem tertia & quarta die erupere per totum corpus *variolæ* copiosissimæ, sexta accessit *immodicus mensium fluxus* ad instar puerperæ, retrocesserunt illico *variolæ*, quæ absque hoc fuere depressæ, sessiles, confluentes, verbo, pessimi moris. Mutavi medicamenta, dedi frequenter *spec. de hyacinth. corall. rubr. terr. sigill. mithridat. mag. smaragd. pulv. epilept. M.* non omissis *confortantibus*. Fluxus hic immoderatus continuavit octiduum, nec *stypticis* sisti potuit: durante fluxu *variolæ* non creverunt, nec ad maturitatem tendere voluerunt, sed confluxerunt, majoraque conciliarunt symptomata, etiamsi *expellentia*, *bezoardica*, *antepileptica styptica* semper consideratissimè miscuerimus; octiduo elapso fluxuque cohibito tandem parvulæ hæ *variolæ*, non fastigiatae, maturitatem receperunt, symptomata remiserunt, & Illustrissima Comitissa à varioloso hoc affectu, periculi pleno, præter omnium opinionem ac spem, liberata est. *Variolæ* hæ permultorum oculis valde fuerunt infestæ, & modo *inflammationem* reliquerunt *pertinacem*, modo *humorem* deposuerunt *con-*

contumacem, ac coagulationi vel condensationi aptum. Priori feliciter medebamur *aquis ophthalmicis ex aqu. plantag. rosar. chelid. tut. præp. sacch. saturn.* posteriori inflatione *pulveris subtilissimi ex sacch. canariens. antim. crud. lap. scissil. præp. perl. præp.* & si opus fuit, *Vesicatoriis*. His mensibus varios atque diversos notavimus *hæmoptoicos*, tam senes, quàm juvenes; in quibusdam enim sanguinis ἀδρόως καὶ βιαιώς ad aliquot libras *sine ulla prægressa tussi* excretus est, & in his fere nulla adfuit irritatio, sed sanguis floridus lubricavit sibi ipsi viam, & unica irruptione extravasatus per os affectavit exitum; in quibusdam *quasi extusiendo* sanguis pedetentim rejectus est, in his sine dubio vasa pulmonum fuerunt erosa, & salinæ particulae massæ sanguineæ inexistentes teneras pulmonum vesiculas stimularunt, inde irritatione facta tussis producta fuit cruenta. His feliciter subvenimus *Venæsectione* & *medicamentis adstringentibus ex compos. sperniol. Cr. lap. hæmatit. ocul. cancr. trochisc. de spod. de carabe*, addito *laudano* de tribus in refracta dosi. Si sanguis fuit sedatus, ordinavi *pectoralia traumatica cum res solventibus mixta*, v. g. *elix. pectorale cum ess. traumatica*, nec non *decocta pectoralia ex fl. & fruct. pectoral. usitat.* item *gelatinam pectoralem ex rasur. C. C. ebor. cum herbis pectoralibus* factam, it. *decocta ex herb. alchymill. scabios. pyrol. sanicul. millesfol. tussilag. pulmonar. heder. terrestr. rad. tormentill. sem. anis. fœnic. rad. chin. &c.* Mense Junio ex caloribus insolitis, nec non ingurgitatione aquæ frequentiori adultiores æquè ac juvenes reportarunt *febres tertianas* frequentes,

quentes, sed sumtis *salibus absinth. centaur. min. card. ben. cort. peruv.* ac tandem *purgante* brevi curatas. *Julius* non tam amoenus & serenus fuit, quàm pluviosus, nocte dieque frigidus, ventis summe molestus, qui in primis à die quarto ad octavum valde sævierunt, & frumento, quod violentia sua excusserunt, quam maximum intulerunt damnum; circa 24. ad finem usque calidissimi notabantur dies. *Augustus* incepit cum frigore, pluviis, quæ hoc mense fuerunt copiosæ, flante tamen austro suos alternavit dies, fuitque variabilis & inconstans. *September* extitit serenissimus, amoenissimus cum insolito aëris fervore, quandoque pluviis intemperiem solis contemperantibus atque terram irrigantibus. *Octobris* primi octo dies fuerunt pluviosi, frigidi simul, hoc tamen non obstantè, tertia & sexta die observavimus tonitrua & fulgura, elapso octiduo cessarunt pluviae, & subsolanus superveniens radiis solaribus non solum terram madidam siccavit, sed & bortes à nimis pluviis jam putrefactos valdè exsiccavit, illosque in pulveres fere redegit. Toto *Novembris*, nec non *Decembris* mense cœli temperies notabatur placidissima, ut credidisses vernum adesse tempus. Circa natalitia intensum frigus ingruit, terraque congelavit. Frequentes hoc semestre *biliosas* notavimus *febres*, quæ cum rigore, mox caloribus, vomitibus, præcordiorum angustis pueros æquè ac adultos invaserunt, primoque intuitu *continuas* mentitæ sunt. Duravit calor ut plurimum 40. horas cum dolore capitis, siti vehementi, ariditate linguæ ac faucium, adhibitis verò *Venæ sectione, diaphoreticis*, remisit,

& in *ordinariam tertianam* cum *aprexia* degeneravit, atque *antifebrilibus salibus*, nec non *chinatis* rite tractata sexto paroxysmo cessavit. Memini, me plurimos habuisse, qui octavum sustinuerunt paroxysmum, & hi ex febre reportarunt *icterum*. Calor hic non adeo flavus, sed saturatior & fuscus fuit, sine dubio à particulis acribus, biliosis, sulphureis, quæ copiosius in sanguine collectæ tandem in habitum corporis sese diffuderunt, cutemque deturpato imbuerunt colore. Alvus in his omnibus sufficienter suoungebatur officio, porum choledochum in duodeni & jejuni confinio non fuisse obstructum. His feliciter, & quidem intra paucos dies medebamur *pulveribus ex sale cichor. arcan. dupl. aut tartar. Vitriolat. spir. salis coagulat. pulv. hepat. additis nonnunquam aliquot granis diagryd. sulphurati*. Verissimum itaque est *Dioclis* monitum, notante *Celso*, prodèssè nempe *icterum*, si post *febrem* oritur. His temporibus aliquos notavi *cachecticos*, nec non *hydropicos*, qui in *icterum flavum* inciderunt, quorum superiora corporis marcescebant, & mirum in modum flavescebant, tumentibus interim inferioribus & abdomine. Vesiculæ in horum pedibus abortæ stillabant liquorem summè croceum. Causa sine dubio salibus lixiviosis sulphur sanguinis ita modificantibus adscribenda. Cura ad tenacissimas obstructions tartareas, & dyscrasiâ viscerû dirigi debuit, & profuerunt in specie *martialia, pulvis cachecticus, Tinctura mart. aperit. Myns. spir. aperit. Penot. Purgantia* singulo octiduo semel exhiberi debuerunt, v. gr. *Recipe pulv. rhabarb. ʒj. gialap. ʒss. ̄ absinth. gr. vij. g. g.*

gr. ij. ol. mac. gutt. j. M. Quod si venter à laxantibus observabatur detumescere, bis cum successu singula hebdomada pro exigentia symptomatum & ratione virium propinari potuerunt; si tumor post purgantium usum in eodem statu mansit, aut infirmus naturæ ductu frequentes dejectiones sine alleviatione habuit, abstinendum fuit à purgantibus. *Diuretica* in his casibus aliàs omnem absolvere videntur paginam, hic tamen cum summo iudicio & discrimine adhiberi debuerunt, & si unquam, certè hic, urinae status probe considerandus fuit. *Urina* enim *cruda*, *alba*, *tenuis* testabatur de sanguinis textura valde laxa, & hæc pro medela requirebat *salia lixiviosa*, utpote *sal. stipit. fabar. ononid. junip. ebul. ab-*

sinth. tart. vitriolat. spir. sal. coagul. &c. *Urina rubra* docuit sanguinis texturam esse valde strictam, atque abundare salibus lixiviosis, unde præscribi debuerunt *salia volatilia*, v. gr. *succin. volat. tartar. buson. lumbric. terrestr.* in primis *amara*, *decoctum ex herbis*, *absinth. mij. eupator. mar. à ʒss. bacc. junip. mj. rhapont. ver. ʒss. m. pro infuso &c.* *Scroto tumenti* maximè profuit *decoctum ex fol. rut. absinth. menth. mil. cumin. cum vino factum*, & cum spongia calidè applicatum. *Febres petechiales*, quæ observabantur, fuerunt valde *benignæ*. Alias, præter morbos ordinarios, *catarrhos* nempe, *tusses*, *raucedines &c.* nil memoratu dignum occurrit.

Constitutio Epidemica Semproniensis Anni 1704.

J *Anuarius* ineuntis hujus anni totus fuit valde frigidus, nivofus; *Februarius* è diverso præter morem temperatus, ut plurimum serenus, aliquando pluviosus, aliquando ventosus, quandoque nivofus. *Martius* incepit cum intenso frigore, solis tamen splendore atque serenitate temperato, quinta nix cecidit copiosa, quæ sexta jam in liquorem abiit, septima supervenit tempestas tumultuaria, valde nivosa, octava dies fugatis nubibus purgatoque aëre mira illuxit serenitate, quæ tempestas pulcherrima, ventis mitioribus remixta, sicca, non solum ad æquinoctium vernale duravit, sed & uno quasi tenore in *Aprilē* usque continuavit. Imo *Aprilis* sua natura aliàs variabilis, hoc anno fuit amenissimus, serenus, siccus, absque pluviis fere, cum caloribus ad

finem usque prope æstivis: die 27. tonitrua & fulgura ingentia cum pluviis habuimus, sol tamen nubila mox serenavit, unde arbores justo citius folia & flores emiserunt suos. *Tertius mensis Maii* dies incepit cum pluviis, quas secuta sunt frigora, & quinta pruina matutina, quæ vineis nostris maximum damnum intulit, aliàs totus mensis fuit serenus, calidus, siccus, ventosus. Successit *Junius* serenissimus, siccissimus, pluviarum expers, ventis tamen mixtus. His mensibus, in primis superioribus, Morbona æquè ac Bellona apud nos valde sæviit. Hungari quippe à Nostris deditionem civitatis sollicitantes, sed repulsam reportantes rabie velut accensi hinc inde discurrerunt, nobisque excidium minati sunt. Civitatem d. 18. Febr. è longinquo obsidione cinxerunt, eam tamen superve-

pervenientibus adversis cœli tempestatibus, nivibus nempe & ventis insolitis, intra biduum solvere coacti sunt, interim IX. septimanis nos undique tenuerunt conclusos, ut nullus exire ausus fuerit. Milites Cæsarei frigoribus & militaribus laboribus, inprimis tristi esuritione & aquæ potu valde hætenus debilitati, huc tandem in defensionem civitatis dispositi ad novi defuetique cibi ac vini copiam, quæ miseris nostri largè obtulerunt, gravati in periculosos inciderunt morbos, *castrensibus non absimiles*. Conquesti sunt de *languore totius corporis, nausea, stomachi gravedine, caloribus, siti, dolore capitis, vigiliis*, accesserunt *deliria*, aliquando *alvi fluxus*, non nunquam *petechiæ*. *Venæ sectio* prima aut altera die instituta, nec non *sudorifera ex spec. de hyacinth. C. C. philos. lap. cancr. antim. diaph. &c.* sæpe in herba suppresserunt malum, unde ægri intra quatrimum convalescerunt. *Purgantia & Vomitoria*, etiam in principio adhibita, non conduxerunt, morbum potius exasperarunt, & malignitatem latentem evocarunt, quam tandem *expellentia*, inprimis *mithridaticum cum confect. alkerm. & confortantia* diu continuata sustulerunt. Qui methodo ordinaria fuerunt tractati, evaserunt omnes periculum; qui autem citius justo nosocomiis valedixerunt, etiam si ferè nullos in diætâ errores commiserunt, ut plurimum in priorē morbum reciderunt. Inter hos unus *febre maligna* laborans ex delirio furibundus profiliit è lecto, & per fenestram secundæ contignationis sat altæ in fluentum præcipitem sese dedit, in aqua hinc inde discurret, defatigatus tandem, & exanimis fere in lectum de-

portatus, adhibitis *alexipharmacis, sudoriferis, confortantibus* convaluit. *Morbus hic epidemicus* à victu profectus primo mense militibus gregariis inhæsit, brevi post cives, qui curis, laboribus, frigoribus, excubiis diurnis & nocturnis insuetis defatigati vino hono, generosissimo, dulci, etiam nocturno tempore præter morem indulserunt, invasit, atque in *febres malignas petechiales* degeneravit. Sanguis quippe una cum reliquis humoribus ex erratis vitiosam diathesin nactus facillimè malignitatem, concipere potuit. Inceperunt mense *Februario* cum languore summo, calore moderato, qui in dies crevit, vigiliis, siti intensa, aliisque febrium comitibus symptomatibus. In his si exanthemata prodierunt die quarta, evaserunt omnes ritè tractati periculum die XV. secus si maculæ in conspectum venerunt die septima: infirmi enim periculosissimè tunc temporis decubuerunt, & 21. demum die mortis periculo liberati sunt. Mense *Februario* valde *benignæ* fuerunt *petechiæ*, *Martio* peiores, *Aprili* pessimæ. Observavi in quodam juvene sat robusto petechiis laborante, *pustulas XIV.* morbi die exeuntes *pellucidas*, ceu *crystallinas*, partim *milii seminis*, partim *lentis*, imo multas *pisi* magnitudine hinc inde per totum corpus disseminatas, in dorso verò numerosissimas, *aqua plenas*, summè *malignas*; intendebatur enim febris cum anxietatibus, cordis compressionibus, convulsionibus; albescere tandem hæ vesiculæ & supputare cœperunt, hinc exficcatae jam exaruerunt, & squamatim circa 21. diem deciderunt, quo tempore pauperculus morti jam vicinus, præter omnem spem feliciter enaviga-

vit periculofissimam hanc charybdim. In *fœminis* semper notavi *mensium fluxum*, aliquando *diarrhœam* simul, quæ omnibus fuit *funesta*. *Deliria præmatura* fuerunt *exitiosa*. Sic robustus quidam Vir 45. annorum, quinta morbi die incepit delirare, sexta est mortuus; & *fœmina* triginta annorum similiter robusta tertia die delirans, quarta est mortua. Horum sanguis prima & secunda morbi die *Venæ sectione* extractus exhibuit in superficie pituitam densissimam instar crustæ vix separabilem, & croco quasi tinctam; brevi ante mortem bilis utrinque sese diffudit in totum corporis habitum; singula mortis prænuntia. In *febris* hincce *malignis* frequens fuit *attritio* aut *excoriatio in natibus*, non solum à longiori decubitu, quin potius à sanguine suo modo malignitate corrupto deducenda, qui qua data porta, sarcinam suam deponendam & excernendam quæsiuit. Latuit autem ut plurimum *gangræna* & *sphacelus*, caroque tandem adhibitis adhibendis, v. gr. *unguent. ægyptiac.* ad os usque excidit cum ægrorum levamine. *Mense Februario morbilli* epidemicè grassari cœperunt, qui tamen ex methodo tractati *benigni* fuerunt, *instante æquinoctio verno* indies magis invaluerunt, & invaserunt infantes æquè ac adultos, & puerperas, cum horrore, caloribus summis, stillicidio lachrymarum copioso, mordaci, oculorum rubore ac tumore; cum tussi ferina, gravitate & compressione pectoris, maculæ effloruerunt ut plurimum secunda morbi die, aliquando quarta, quandoque septima, & persisterunt quatuor aut quinque dies. Observavi hoc tempore *morbillo- rum tres species, maculas nempe latas,*

rubras, sine pustulis, adeoque non *elevatas*, neque *superficiem cutis superantes*; altera species *cutim solum transparuit*, & hæ duæ species inadvertenter evanuerunt, quas vulgus retrocessisse putabat; tertia prodiit cum *maculis parvis, rubris*, quæ indies auctæ, & *supra cutis superficiem modicum elevatæ* racematim coaluerunt, quarumque protuberantia, digito leviter adnato, tactu percipi potuit; post quinque dies, morbo jam remittente, maculæ per totum corpus latissimæ & maximè rubentes evanuerunt, atque squamularum forma deciderunt, cute farina quasi conspersa relictæ. *Morbilli* quò citius prodierunt, eò benigniores, quò tardius, eo peiores fuerunt. Incessit sæpè hic morbus sub vario schemate, vario stipatus satellitio. Sic *menfe Aprili* ad puerperam vocatus deprehendi *morbillos* copiosissimos, protuberantes, quibus interspersæ fuerunt *maculæ petechiales*, deliravit valde, imo tubarum in vicinia inflatarum cantus & pulsati tympani sonos, inter difficultates somni per phantasiam oblatos articulatè imitata fuit, frequenter risit, convulsa & aphona tandem jacuit, neminem novit, 15. tamen morbi die, adhibitis *expellentibus alexipharmacis temperatis, cordialibus*, ad se rediit, atque debellatis symptomatibus gravissimis convaluit. Eodem tempore gratiosam habui puellam 6. annorum, *variolis* veris laborantem, supervenerunt nona morbi die, variolis necdum in statu constitutis, *morbilli* copiosi, gravissimè inde decubuit, sed ex duplici hoc morbo feliciter emerfit. Verissimum igitur est Axioma medicum: Qualis humor effervescit in corpore, talis

talís efflorescit in cute. *Morbilli* hi, si perite expellentibus, v. gr. pulv. alexit. de hyacinth. lap. bez. orient. pulv. epilept. C. C. philos. antim. diaph. unicorn. mar. cum pectoralibus & confortantibus mixtis, uec non servato simul idoneo diætæ calorisque temperamento, tractati sunt, omni vacarunt periculo, neminique fuerunt funesti; neglecta autem, aut præpostera vel perversa morbillorum cura, aut præmatura, superatis jam morbillis, aëris mutatio, vel inordinata rerum non naturalium diætæ, præcipitavit quam plurimos in *tussim ferinam*, *febrem continuam*, *respirationem difficilem*, *pectoris compressionem*, *catarrhum* ita dictum *suffocativum*, *lethalem*. Mense *Mai*o & *Junio* continuarunt adhuc *morbilli*, *febres continuæ*, *tertianæ intermittentes*, *variolæ*, quæ sporadicè hinc inde vagatæ sunt, sed fuerunt sine malignitate, adeoque convenienter tractatæ facilè curabiles. *Julius* fuit amœnissimus, sed cum summis caloribus, quarta coorta est gravissima tempestas cum frequentissimis tonitribus, flammarumque fulgoribus, nec non grandinibus insolitis, quæ in civitate ut plurimum magnitudine juglandis, imò ovi gallinacei, prægresso imbre, ceciderunt, ad vineas tamen sparsim venerunt, adeoque illis exiguum intulerunt damnum. Sub initium *Augusti* remiserunt calores, sed sexta audiebantur tonitrua terribilia, grandines cadebant insolitæ, copiosissimæ, quæ in optimis nostris promontoriis & vites & uvas prorsus destruxerunt. Jam successerunt æstuosissima tempora, quæ vix sustinere potui-

mus, neque spirarunt etesiæ, nullæ fuerunt pluviae, quæ fervorem solis contemperassent, imò eadem aëris constitutio erat in *Septembri*, *Octobri* nec non *Novembri*, ut credidisses, autumnum in æstatem fuisse conversum; habuimus quoque d. 25. *Septembris* vesperi tonitrua & fulgura sufficientia, unde in residuis promontoriis, quæ à grandine intacta manserunt, generosum crevit vinum, imò generosius crevisset, si nobis ob metum tumultuantium Hungarorum serius vindemiare licuisset. Finitis enim jam vindemiis æstiosa & sicca adhuc continuarunt tempora, sine ullis ferè pluviis. Sub finem *Novembris* & initium *Decembris* nives deciderunt paucæ, & moderata subsequuta sunt frigora. Mensibus æstivis, *Julio* nempe & *Augusto*, existente coelo maximè æstuoso, *diarrhœæ* & *dysenteriae* satis fuerunt frequentes, & magis pueros adultiores, senes, minùs infantes sporadicè affligerunt. Præcessit diarrhœa cum ciborum fastidio, languore totius corporis, siti, dejectionibus copiosissimis, serosis, ut plurimum biliosis, viscosis nec non pituitosis, valdè foetidis, mox infecuta est dysenteria cum dejectionibus cruentis & purulentis, numerosis ad 70. 80. intra diem & noctem, aliquando velut momentaneis, ut mihi vix fellam foricariam deferere potuerint, & circa noctem cum majori exacerbatione, ut plurimum caloribus; quamvis non adeo urentibus, pulsu celeri, siti, inquietudine, acuto intestinorum & ani dolore, inani, licet frequenti, desidendi cupiditate, præcordiorum anxietate, vigiliis; in progressu morbi blanda ac-

cesserunt deliria, non sine malignitatis nota. Quamdiu sanguis cum materia biliosa, mucosa, purulenta & saniosa, aliquando cum strigmentis & ramentis exivit, tamdiu de vehementibus torminibus & doloribus conquesti sunt. *Dejectiones nigrae, foetidae* in morbi statu, majoris corruptionis denotarunt gradum, indicio manifesto, imminere jam *gangraenam* & brevi *sphacelum*, unde in illis dysenteria antea cruenta & torminosa jam observabatur fere indolens, pulsus quasi nullus, extrema frigidissima, sudore copiosissimo resolutivo frigido perfusa. Refrigerationem hanc infirmi non percipiebant, quin potius de calore interno & siti conquesti sunt, imò manibus glaciei instar frigidissimis res aut loco frigida capeffere desiderarunt; & hi omnes, salvis tamen sensibus motuque membrorum illaeso, elapsis ut plurimum 48. horis, mortui sunt. Causa hujus affectus adscribenda fuit partim copiosis fructibus horæis, acidoque acri fermentifico foetis, partim caloribus ferventissimis, bile inde acriori lymphaque acidiori & quasi corrosiva reddita. Succum nempe eminenter acres, mordaces nectendo in intestinis diutius, quàm par est, moram, primo absterferunt intestinorum mucum, deinde illorum crustam villosam, sive velamentum bombycinum simul abaserunt, & altius penetrando ipsas glandulas eroserunt, atque ulcus, vel quasi tale, instar vesificantium, induxerunt; inde membranis intestinorum sensim sensimque à sale corrosivo erosio vasorumque osculis referatis, non solum sanguis frequenter stillavit, sed & tristissimus

doloris sensus accessit, imò spasmodica vellicatio, qua intestina spasmodico quodam irritata motu quasi vermiculari dolorificè sese torserunt, unde non mirum, successisse tandem inflammationem, gangraenam ipsam nec non lethalem sphacelum. Quò enim major acrimonia, eò major spasmodica fibrarum nervearum irritatio, major fermentifica humorum fusio, glandularum, ductuum & vasorum intestinalium eliquatio, nec non cruoris simul cum plexibus glandulosi ac reliquis intestinorum contentis excretio. Profuerunt sub initium morbi, non obstantibus torminibus & supervacaneis excretionibus, humores acres diluentia, & leviter Evacuantia, ut potè aqua. Laxativa cum aqua cinnamomi, in primis rhabarbarum tostum, quod blandè laxando simul ob partes terreas admixtas adstringere, & leniter roborare solet, cum myrobalanis & elaeosacch. cinnamomi propinata, nec non clysteres abstersivi ex spec. emoll. hord. vitello ovi, conf. rosar. lacte, aliquoties adhibiti. His praemissis statim deveniendum fuit ad incrassantia demulcentia, adstringentia cum anodynis mixta, unde singulis quatuor aut quinque horis exhibui pulverem sequentem: ℞. Corall. rubr. præp. ℥ss. lap. hæmatit. terr. Japon. an. gr. viij. theriac. cæl. gr. iij. laud. de trib. gr. β. M. mutatis tamen mutandis, addidi sæpè terr. sigillat. fl. ferr. bol. armen. pulv. stypt. Cr. smaragd. præpar. crystall. mont. pulv. dysenter. Crat. ex tragacanth. gumm. arab. & corall. constantem, nuc. mosch. &c. in primis, ubi calores fuerunt

runt ingentes, *compos. sperniol. Cr. spec. de gemm. frig. unicorn. mar. spec. de hyacinth. &c.* imò moderanda fuerunt medicamenta ad ipsius excretionis, malignitatis & virium modulum. Sæpè videbatur jam alvus adstricta, morbusque sublatus, brevi tamen malum recrudit, & exivit iterum aliquando cum, aliquando sine cruore materia mucosa in minima quantitate cum summis torminibus alvum ad excretionem stimulans; adhibitis autem frequentioribus *clysteriis ex decoct. bord. cum capit. vervecin.* nec non continuatis *pulveribus adstringentibus*, ex toto cessavit. Tandem, ne propter derales plexus ilei glandulosos fluxus alvi coeliaco non absimilis remaneat, ordinavi summo cum effectu *balsamica, stomachica, bals. peruv. opobals. Tinct. corall. elix. Vitriol. M. pulv. stomach. elect. diacinam. Reg. nuc. in Ind. condit.* Et sic dysenterici intra tres septimanas ex integro restituti sunt, quo usque etiam à vino abstinere debuerunt, contenti *aqua cocta ex rad. tormentill. ras. C. C. ebor. mastich. &c.* Quos invasit cum vomitu, hi pessimè decubuerunt, & vix servati sunt, optimè autem ipsis profuit *balsamum peruvian.* nec non *opobalsamum cum corall. rubr.* exhibitum. *Adstringentia*, sine præviis blandis *Laxantibus*, in initio & progressu morbi adhibita protraxerunt morbum, tormina exacerbarunt, & post se ut plurimum *febres, arthritides, pedum tumores, lenterias* reliquerunt. *Opiata* hic ferè omnem absolverunt paginam, imò fateri debeo, me e re nullum dysentericum sine frequen-

tiori exhibitione laud. de trib. commodè restituere potuisse; exhiberi autem debuit, antequam dysenteria fuit consummata & planè ulcerosa, aut vasa majuscula exesa, aut sensus doloris jam periit. *Mense Augusto* frequentes habuimus *rheumatismos ad brachia, scapulas, femora, lumbos, coxas* productos, sine ulla rubedine, multo minùs tumore, non tam articulis, quàm musculorum interstitiis firmissimè & diutissimè inhærentes, cum motus impotentia, doloribus lancinantibus, profundis, fixis, qui noctu exacerbati somnum impediverunt: infirmi enim loco moveri nequiverunt, & quo statu ferè primo jacuerunt ac decubuerunt, in eodem manere debuerunt, & sine cruciatu ac vehementi dolore vix moveri aut attingi potuerunt; adfuit simul tensio & caloris acriusculi sensatio cum pulsu frequenti. Vulgus hunc affectum nominare solet *delapsum catarrhorum à capite, es ist ein Fluss im Arm oder Fuss gefallen.* Statuendum potius rheumatismum provenire à sero aut lymphâ acriori, flatulenta, retrogrado motu impedito, in specialem aliquam membranosa, tendinosa, nerveam & musculosa partem delabente, ibique stasin patiente, & partes fibrosas, nerveas tendente, easque tristi sensu vellicante. *Arthritis Vaga* hoc anno frequens fuit. Invasit homines prævio horrore instar febris, membranas ac musculosas articulo- rum partes dolore, rubore, tumore & movendi impotentia corripuit, vagabunda fuit & ambulatoria, modo hanc, modo illam invasit partem, nulla tamen loco ul-

tra 48. horas fixa mansit, remissionem sæpe, relicto solum tumore, simulavit, at opinione citius, imo vehementius rediit, & priorem locum occupavit, imo memoratu digna in plerisque fuit paroxysmorum invasio dolorumque motus, dum quo tempore humerum, carpum aut digitos dextræ manus, eodem tempore & genua sinistri pedis; & quo tempore sinistri brachii, eodem dextri pedis partes singulari alternatione & saltu dolorifico infestavit. Similiter hic peccavit serum, sive lymphæ acido-acris, sed sale volatili intimius foeta, quæ ad periostrum, sive sensibilissimas articularum mobilium membranas detrusa, eas distendit, vellecavit, ibique sicuti spina infixæ sæviit. Cura *arthritidis Vagæ & rheumatismi* una eademque fuit. *Venæsectio*, nisi adfuit magna febrilis alteratio, intensior arteriarum pulsus, nec non præcordiorum compressio, nil profuit, vires potius abstulit. *Purgationes*, utpote turbationes & colliquationes liquorum naturalium exasperarunt magis malum; reiteratus autem *enematum*, in primis *laxantium*, usus, v. gr. *Rec. pulv. hepat. ℥ss. sal. cichor. acetosell. ā. gr. v. diagryd. sulphurat. gr. vj. fecul. ari gr. iv. M.* aut *decoctum ex fol. sen. S. S. ʒiſs. rhabarb. ʒj. crem. tartar. in aqu. cichor. infus.* addita manna & aqua cinnam. summopere profuit, in primis si vespertino tempore *pulvis confortans* sequens exhibitus fuit: *Recip. pulv. analept. ℥ss. epilept. gr. viij. lap. cancr. præp. gr. vij. laud. de trib. gr. ſs. M.* *Opiatorum* enim vires hic summè de prædicandæ sunt, morbi quidem causam non tollunt, somnum tamen conci-

liant & dolores mitigant: non autem necessum fuit singulis diebus *opiatibus* & *laxantibus* uti, dirigi & moderari potius pro re nata morbi in dolo debuit cura. Ab usu *sudoriferorum* nunquam felicem vidi successum. Post inunctionem *spirituosorum*, v. gr. *spir. vin. camph. formic. sal. armoniac. junip. lumbric. &c.* semper notavi dolores osteocopos, adeoque abstinendum fuit à *spirituosis*, nec non *unguinosis*, *emplasticis*. Optimè autem, in primis sub finem morbi, profuerunt *Thermæ Badenses*, aut *balnea acidularum*, imo in ipso morbo *balnea ex aqua dulci cum hordeo* parata. Atque hac methodo tractati felicissimè intra 20. aut ad summum, si copia peccavit materia, 40. dies restituti sunt. *Febres* his temporibus habuimus frequentes, quæ ut ut prima die tragœdiam à pandiculatione, oscitatione, languore, frigore, mox calore satis intenso auspicate sunt, cum subsequente secunda die *apyrexia*, speciem *intermittentis* simulante; supervenientes tamen paroxysmi, qui fuerunt cum languore, pulsu magno, exacerbatione caloris aliorumque symptomatum, confirmarunt intermissionem illam fuisse dolosam, & latuisse sub hoc cinere ignem *continuarum febrium*, nec non *malignitatem* ipsam. Ex post enim videbantur quandoque, in primis manè, remittere calores, nunquam autem intermiserunt. Crescente morbo, creverunt symptomata, imò convulsiones in statu morbi notavi frequentes. *Deliria serotina*, v. gr. die 11. 12. supervenientia semper fuerunt *exitiosa*. *Febres hæ more continuarum*

Venæ sectione in principio, *diaphoreticis*, *bezoardicis*, *confortantibus* tractari debuerunt. *Ultimis* tribus

mensibus, præter *febres tertianas*, *quartanas*, *catarrhos*, vix alii notabiles occurrerunt morbi.

Constitutio Epidemica Semproniensis Anni 1705.

QUò clementior anno præterito fuit aëris constitutio, eò rigidior sub ingressum anni 1705. comparuit coeli temperies. *Januarius* quippe incepit gelu congelare aquas, imò continuavit frigus toto hoc mense sine remissione, nives ceciderunt paucae, & spirans Euronotus induxit siccitatem. Nec mitior fuit *Februarius*, quin frigore & gelu longè rigidior, sine ullis nivibus. *Martius* illuxit gratiosa serenitate, & exoptato calore, sed quinta nives ceciderunt magnæ, sexta frigus, quod ad 12. usque duravit diem; circa æquinoctium vernale, spirante aëre meridionali, frequentiores habuimus pluvias, fructiferas, quas serena, calida mox insecuta sunt tempora, adeoque *Martius* ut plurimum ficcus extitit. *Aprilis* varias sustinuit ventorum mutationes, & frequentiores, vix non quotidianas, in primis circa finem, pluvias, oblectamenta vernalia inhibentes; imò & *Maius* fuit valdè inamœnus, frigidus totus, excepto uno aut altero die, pluviosus. Continuavit pluviosa & frigida hæc aëris constitutio ultra medium *Junii*: unde non mirum, uvas circa festum *Viti* nec dum florere incepisse. Circa solstitium æstivum temperatior aura & calores desiderati demum redierunt. Morbi, qui in hoc semestre inciderunt, erant varii. In *Januario* & *Februario* continuarunt febres quartanæ,

quæ tamen, uno vel altero *Laxativo* adhibito, nec non *chinatis medicamentis cum arcano duplicato*, præter morem ut plurimum superari potuerunt, neque ullam labem post se reliquerunt. *Frequentes* erant *rheumatismi in pedibus, manibus, scapulis, lumbis*, cum dolore acerbo, sine inflammatione, sine tumore; hi *diaphoretica* sustinere non potuerunt, sed solis *temperatioribus cholagogis*, v. gr. *infusis ex manna, fol. senn. tartaro, cum aqu. cichor. &c. clysteribus, præcipitantibus*, nec non *balneis hordeaceis*; & pro re nata in summa dolorum exacerbatione, grano dimidio *laudani de tribus*, tractari voluerunt. *Catarrhos* habuimus copiosos, qui in febres degenerarunt continuas, non adeò funestas. *Servati* enim omnes sunt, qui statim ab initio adhibuerunt *Alexipharmaca*, eaque continuarunt. Mense *Februario* jam inceperunt febres *petechiales*, quæ *pleuritides* ab initio mentitæ sunt, inceperunt cum horrore levi; febre lenta, tussi sicca, dolore in pectoris regione, ad scapulas, claviculas ascendente, cum molestia ægri, si in partem sanam decumbere voluit; assumtis autem *sudoriferis* evanuerunt dolores, & quarta, imò in plerisque septima demum eruperunt maculæ. In aliis simularunt febres intermittentes. Sic in *Virgine* qua-

dam XVI. annorum, sanguineo-phlegmatica, tunc temporis ordinario mensium fluxu laborante, notavi tres paroxysmos, more *febris quotidianæ intermittentis*, mane cum horripilatione, subsequo calore, circa vespertum intermittente, dolore capitis gravativo, siti, lassitudine &c. quotidie recurrentes, quarto *calores continuos*, prioribus longè intensiores, nec non eruptionem macularum, septima hæmorrhagiam narium sat largam, decima deliria blanda, manuum tremores, linguæ ac faucium ariditatem molestantam, 12. 13. novam copiosorum exanthematum, prioribus jam evanescentibus, eruptionem; & ecce 16. morbi die, non obstante hæmorrhagia, quæ ex alleviatione morbi judicabatur critica, septimâ oborta, obiit. Maximam *malignitatem* exanthematica hæc febris in recessu gessit mense Martio, Aprili. Incepit cum horripilatione, calor in sanguineo-phlegmaticis, quorum sanguis sero viscido abundat, mitis, sed subdolus; in sanguineis intensior; adfuit languor totius corporis, mox subita virium prostratio, membris quasi lassitudine fractis, aut contusis, sitis non adeo magna, nausea, vomitus, pulsus naturali ferè similis, unde magis de languore, quàm calore, conquesti sunt; sexta aut septima æstus invaluit, atque malignitatem suam sequentibus diebus prodidit, supervenientibus gravioribus symptomatibus, ut potè exanthematum eruptione, cardialgia, pulsu celeri, frequenti, vigiliis, vehementissimis capitis doloribus, deliriis, motibus convulsivis, lin-

guæ ariditate & fissuris &c. *Vena sectiones* prima aut altera die institutæ, nec non repetitæ, valdè profuerunt, ferotinæ omnes nocuerunt. *Laxativa*, etiam sub initium morbi exhibita, rejicienda fuerunt, & memini in his *exanthemata longè latiora* prodiisse, quàm in aliis, eosque gravissimis symptomatibus, *tremoribus* nempe *totius corporis*, *deliriis furiosis*, tandem *aphonia*, *convulsionibus epilepticis*, tentatos fuisse, omnesque fatis occubuisse: *clysteriis ex humectantibus & emollientibus* confectis, nec non *suppositoriis* alvum adstrictam commodissimè referare potuimus. Cura methodica maximè dirigi debuit ad vires, quæ conservari, ad humorum fervorem, qui contemperari, ad malignitatem, quæ corrigi debuerunt. Præstitimus hoc *blandis diaphoreticis*, *bezoardicis*, *cardialibus*, v. gr. *pulv. alexit. spec. de hyacinth. C. C. philosoph. pulv. analept. epilept. lap. bezoard. orient. antimon. diaphor. unicorn. mar. conf. alkerm. mag. perlar. orient. &c.* exhibito singulo octiduo pulvere uno, aut potiuncula. Sic corpus mansit perspirabile, sanguini sua constitit systasis & crassus, atque malignitas exuperata fuit. *A medicamentis spirituosiss, volatilibus, bezoardicis fortioribus, calidis*, quæ in hoc casu magis obfuisse, quàm profuisse, jam à longo tempore in his calidis oris expertus sum, studio abstinui. Vinum omnibus interdixi, *aquam solam ex rad. scorz. ras. C. C. ebor. sem. anis. &c.* concedens. Acutissimos capitis dolores *Vesicatoria* nuchæ appo-

apposita sustulerunt. Sæviit vehementer hic morbus æquè in adultos, atque gravidas. Sic binas habui, harum una, tertia morbi die, gemellos vivos, nondum maturos, octimesires, qui intra aliquot dies mortui sunt, peperit; altera sexta morbi die filium æque octimestrem, qui sex diebus vixit, enixa est. Fortior hic sine dubio sanguinis motio & rarefactio, qua apertæ & laxatæ sunt viæ, partus hos acceleravit, inde puerperæ valdè debilitatæ, sed solis confortantibus, analepticis, bezoardicis blandissimis, aliisque pro morbi & symptomatum exigentia remixtis, tractatæ, binæ die XV. evaserunt ex morbo hoc gravissimo. Legitima enim & matura medicamentorum applicatio omnibus salutaris fuit, secus, qui à principio neglexerunt remedia. Sic inter alios novi mercatorem, Silesitam, eadem febre detentum, qui ferè omnia respuit medicamenta, tandem delirio phrenetico correptus in lecto vix detineri potuit, die 12. demum prodierunt exanthemata, indubia mortis die 14. morbi subsecutæ indicia. In alio pauperculo *petechiali febre* extremè laborante notavi in dorso, brachiis, pedibus, naribus quam plurima *ulcuscula*, elevata, dura, cum intenso dolore, inflammatione, ad instar furunculorum, ichore plena, sed tubercula illa ulcerosa valdè fuerunt maligna, naturam *anthracum* æmulantia; caro enim in circuitu inflammata, tandem sphacelata & corrosa, ubique tota excidit, adhibitis tamen expellentibus, Alexipharmacis & mundificantibus externis præter omnium spem sanitati pristinae restitutus est. Cæte-

rum multiplici experientia edoctus ingenuè fateor, etiamsi omnia signa fefellerunt, me tamen sequentia in prognosi nunquam decepisse: deprehendens nempe in tangendo pulsu *contractionem aut subsultum tendinum*, pro certo mortem prædicere potui. Sic ex *linguæ ariditate, fissuris, asperitate, scabritie, siccitate*, quasi lignum attingeres, *nigredine*, in primis, si retorrido calore cum vicinis faucibus aruit, aut *crusta quadam nigra obducta*, quæ licet sæpius os fricando & colluendo deterfa, statim tamen nova repullulavit, infallibile summa interiorum partium inflammationis & fiderationis, nec non mortis augurium habuimus. Lingua enim etiam in minima inflammationis suspitione statim resiccare incipit, & crescente inflammatione crescit pariter & siccitas linguæ. Hoc morbi stadium sæpè ultra XV. morbi diem fuit protensum, aliquando felici, aliquando funesto eventu. Sic memini quosdam 16. alios 18. imò 22. demum morbi die fuisse extinctos, alios jam integrè restitutos ex levissima causâ & errore diætæ *recidivam* reportasse, quæ tandem, inflammatis glandulis, in pectore, in primis pulmonibus fitis & exulceratis, in *hecticos* degeneravit *calores*, longo tamen medicamentorum *pectoralium* usu superabiles. Mense Maio febres *petechiales* desævierunt, & evaserunt ex his omnes, qui ex methodo tractati sunt. Eodem tempore *Icterus* frequens fuit, qui flavo suo colore deturpavit totum corporis habitum, speciatim verò oculorum politum ebur, nec non tempora. Conquesti

sunt de pruritu in cute , maximè dorso , de caloribus transitoriis , lassitudine ulcerosa , doloribus capitis , somniis turbulentis , intensissima siti , inappetentia , oris amaritudine. Alvus plus solito adstrictior , & , quæ exierunt excrementa , penitus albescentia , pauca , viscida , urina crassa , turbida , subnigra , in superficie oleaginosa , crocea fuerunt. Utique hic fuit obstructio tubulorum biliferorum , à viscida lymphâ hepatis & acinorum glandulorum , nec non saburra tartarea proveniens : inde bilis ab acido fixiori plus minùs austero , torpidior & spissior redita , in motu suo impedita , neque per destinatos canales , tum ad vesiculam , tum per ductum cysticum in ductum choledochum ad intestina delapsa , potius restitans , in venæ cavæ propagines , tanquam fontes suos recessisse , ibique serum cum sanguine , & exinde productos humores , nutritioni & excretioni dicatos , citrino suo colore infecisse necessum fuit. *Martialia* , *rhabbarbarina* , *aperientia* non solum ductus illos obstructos feliciter referarunt , sed & bilem peccantem , atque jam ad habitum corporis delatam eduxerunt per *epicrasin* , v. gr. *pulv. hepat. cachect. croc. mart. aperit. cum salibus* , *rhabbarb. Alex. spir. sal. coagul. sal. acetosell. absinth. cickor. tartar. vitriolat. arcan. dupl. rad. curcum. &c.* additis pro re nata , & quidem optimo cum successu , aliquando *granis aliquot diagrydii*. Mense *Junio* continuarunt adhuc *febres continuæ* , sed fuerunt valdè *benignæ*. Jam inceperunt *tertianæ* , *quartanæ* ,

curatu tamen faciles. *Julius* incepit cum caloribus , subinde tamen nubibus exasperatum cœlum , in primis die 19. & sequentibus aliquot diebus , flante Borea , frigidam effudit pluviam. Cum *Sirii* ortu etiam exorti sunt calores , qui cum inusitato & vix tolerabili aëris fervore usque post ejus occasum , imò toto mense *Augusto* , sine ulla alternatione , continuarunt , excepto *XIX. Augusti* , quo cum imbribus , tonitribus & fulgure grandines per mediam horam deciderunt copiosissimi , quæ promontoria nostra ferè omnia destruxerunt. Totus *September* aut ventosus , aut frigidus , aut pluviosus fuit , adeò , ut vix quatuor dies sereni toto mense numerari potuissent. *October* extitit amœnus , calidus , siccus , & quamplurimum contulit ad maturitatem uvarum , quæ alioquin immaturæ mansissent. Hinc vinum nec quantitate , nec qualitate laudabile crevit. *Novembris* initium ventosum , utcunque siccum fuit , progressus ad finem usque pulcherrimus , serenus , calidus. Sub initium *Decembris* apparuerunt hyemis indicia , nubibus & nebulis aër turbidus , frigidus , mox insecta est amœna , serena sine nivibus tempestas , ad finem mensis durans , nobis quidem grata , sed ob hostium furorem valdè infausta , ferrea & ignea. Tumultuantes enim Hungari die 24. *Decembris* civitatem nostram arctiori obsidione cinxerunt , eamque circa prandium ex monte Leonhardi globis ignitis continuo ex machinis bellicis majoribus explosis invaserunt. Primam stragem sustinuerunt suburbia (non exclusis

V. do-

V. domibus in civitate interiori existentibus,) quibus flammea hæc procella, aut diversa incendia sacram Christo nascenti noctem in funestam cinerum diem verterunt. Die Nativitatis CHRISTI ignitis suis globis nova incendia facere, atque residuum in cineres redigere, sed frustra tentarunt; pilis autem suis majoribus ignariis, *Bomben*, ingens damnum ædificiis intulerunt; tandem biduo post, re infecta, discesserunt. His temporibus, mense nempe *Julio*, *Augusto*, *Septembri*, *Decembri*, adhuc continuarunt *febres continuæ*, *petechiales*, & notavi inter alia honestas duas foeminas, sorores; quarum una mense *Augusto* febre *exanthematica* laborans, die X. morbi acquisivit frequentem *diarrhæam* cum torminibus & doloribus inflammatoriis, vigiliis continuis, caloribus intensissimis, die XII. extrema, sudore resolutivo perfusa, etiamsi de æstu gravissimo, potius anxietatibus, conqueſta fuit, frixerunt, 13. mortua. Latuit hic sine dubio *intestinorum spha-celus*. Altera soror mense *Septembri* eadem febre *petechiali* correpta, sumſit sub initium morbi, nil mali suspicans, ante macularum eruptionem, nescio cujus suasu, *Laxativum*, die 10. incepit delirare, adhibitis tamen adhibendis, die 17. calores remiserunt, & mens rediit, imo jam periculum evasisse ab omnibus judicata fuit; die 19. morbi in *femore pedis sinistri* ex insperato prorupit *macula nigerrima*, *crustacea*, *instar anthracis*, magnitudine duplicis grossi, quæ igneo suo fervore latius sese diffudit, carnem subditam exussit, atque die 21. *pau-perculam* è medio viventium sustulit.

Mense *Decembri* in alia foemina 46. annorum observavi easdem *maculas petechiales* tertia jam die prodeuntes, valdè *latas*, non obstante *Venæ sectione* secunda morbi die administrata, tertia incepit delirare, quarta obiit. In his casibus utique peculiaris sanguinis corruptio, & singularis malignitas supponi debuit. Mense *Augusto* ex flagrantissimo sole aërisque siccitate ortæ sunt *diarrhææ*, *dysenteriae* cum tenesmo, vomitibus, siti, doloribus abdominis; ut plurimum conjuncti fuerunt *calores*, inde methodo ordinaria tractari non potuerunt, quin potius *alexipharmacis*, v. gr. *terr. sigillat. Japon. bol. arm. theriac. cœl. spec. de gemm. frig.* curam aggredi debuimus. Ubi nullus adfuit calor, ibi optimè profuerunt *blandè educentia*, in primis *rhabarb. tostum cum myrobalan. citr.* aut *aqua laxativa* ipsa cum *aqua cinnam.* sub initium exhibita; aut *clysteres abstergentes ex hord. cap. vervec. lacte &c.* frequenter applicati. Materiam adhuc resitantem acrem, austeram, acidam, urentem feliciter deinceps *absorbentibus*, *adstringentibus*, ac *incrassantibus*, v. gr. *corall. rubr. alabastr. terr. jap. sigillat. crystall. mont. &c.* correximus. Sic multum præstitit *opobalsamum*, nec non *oleum nucistæ* internè exhibitum; non minorem utilitatem attulit *Cataplasma* toti abdomini applicatum: *Recip. pulv. centinod. burs. pastor. ā. mß. fol. rosar. rubr. balaust. ana ñiij. diacydoniat. cum spec. 3j. nuc. mosch. n. ij. mastich. 3j. caryoph. 3j. F. Cataplasma*, adde *ol. myrtin. cydon. mastich. ā. 3j. M.* Hoc mense *erysipelata* frequentissima fuerunt, sed uno

vel altero sudorifero exhibito extincta. Nec his mensibus conticuerunt *febres quotidiana, tertiana, quartana*, quæ circa finem mensis *Octobris* valdè *conrumaces* extiterunt, senibusque funestæ. Præter alios affectus, *rheumatismos* nempe, *catarrhos*, *podagricos dolores*, *odontalgias* &c. sequentem notavi casum. Honestâ matrona, annorum 45. multarum prolium mater, circa finem mensis *Novembris*, prægressis jam à longo tempore spasmodicis digitorum manus sinistræ, agonizantem puellam in vicinia visitans, eamque morientem conspiciens, valdè perterrita concidit *epileptica*, deportata domum, & in lectum illata tandem ad se rediit præteritorum fere infcia. Ad ipsam vocatus nil intentatum reliqui, aperui *venam in brachio dextro*, ordinavi clysteres, dedi *antepileptica*, v. g. *pulv. epilept. spec. cephal. M. castoreum, unicorn. mar. ungu. alc. cran. human. aqu. hirund. c. castor. epilept. L. &c.* affectum tamen curatius perpendens deprehendi spasmodicum, vel potius pulsus & subsultum magnum in medio, annulari & auriculari digito sinistræ manus, ubi frequenter & ferè indefinenter illorum extremitates ad volam manus retractæ sunt; bihorio elapso, majorem persensit in prædictis digitis subsultum, mox paroxysmum epilepticum; adeoque celer motus tendinum veluti subsultorius, instar pulsus ordinarii, indubitatum instantis paroxysmi fuit præsagium. Sensit autem infecutas exacerbationes omnes manifestam originem traxisse ex extremitatibus trium digitorum sinistræ manus, indeque in momento, quasi volando, auram quandam ad-

scendisse per brachium ad caput, affectoque cerebro, pars corporis sinistri variis motibus valde agitata & concussa fuit, pes tremuit, oculos contorsit, spumeum quiddam circa os apparuit, reflexo capite versus dorsum, adfuit simul omnium sensuum perturbatio. Dira hæc symptomata, si remiserunt, durarunt autem quandoque uno horæ quadrante, quandoque brevius, ægra tandem sopore quasi oppressa jacuit, mox gravi suspirio ad se rediit horum omnium infcia, atque solum de gravitate capitis ac lassitudine membrorum conquesta est, ut plurimum, finito paroxysmo, modicum sanguinis ex nimio motu convulsivo in pulmonibus extravasati, ore rejecit. Sæpè velut ab utero suffocata rubebat insigniter, cum lassitudine quadam ac sensim oborientis febriculæ rudimento. Non quidem continenter horrendo hoc symptomate, sed interpolatis vicibus, modo seriùs, modo ocius, aliquando quotidie, aliquando tota septimana semel, commiseratione digna exagitata fuit, prout venenata hæc materia vel citius, vel tardius, auram suam subtilem, vel spiritus suos volatiles emisit, qui in cerebrum delati irritando sensiles ac nerveas fibrillas celerem illam, inordinatam & involuntariam concussionem membrorum, cum conspicua mentis labe, ac terribili nervorum contractione illius potissimum corporis partis, ex qua malignus vapor speciatim in cerebrum fuit amandatus, conciliarunt, miseram nostram, si extra lectum fuit, cadere fecerunt. Malum hoc necdum radicatum quo ex toto tolleretur, nihil non tentatum fuit,

fuit, cum per cathartica, v. g. pil. coch. de succin. Cr. extr. castor. cum sir. de cichor. c. rhab. &c. tum per Vesicatorium, ad eliciendam materiam peccantem, regioni carpi impositum. Caprum deinde arctiori vinculo circumligari curavimus. Internè quotidie mane sumsit pulveres epilepticos ex pulv. epilept. M. gr. viij. mag. cran. hum. gr. v. ungu. alc. præp. gr. vij. unicorn. mar. gr. jv. pulv. castor. gr. v. vesperi verò mixturæ sequentis guttas 30. Rec. Elix. uterin. Cr. ess. succin. sal. volat. oleos. ā. 3j. M. his continuatis remiserunt symptomata, non tamen ex toto cessarunt. Unde sanguinem *cruciatim* ex brachio nempe dextro, & pede sinistro simul & semel detrahi curavi, tandemque

mistur. simpl. cum elix. uterin. Cr. & ess. anod. exhibui, quorum beneficio malum hoc potissimum, unà cum motu tendinum subfultorio in digitis intra tres menses devictum fuit. Pro roboratione membrorum & nervosarum partium, nec non avertendo recidivæ metu, ablegavi ipsam mense *Majo* sequentis anni ad *Thermas Badavino-Austriacas*, & quidem optimo successu. Pristinam enim recuperavit sanitatem. Therinas autem quotannis visitare debet, quod licet deinceps non observaverit, nullum tamen similis morbi indicium per multos annos amplius in conspectum prodiit. Et hæc dicta sunt de morbis, qui hoc anno apud nos observati sunt.

Constitutio Epidemica Sempronensis Anni 1706.

CRedidisses præteriti anni exitu & ferocientium hostium abitu, nos jam calamitatibus, molestiis, periculis vacuos, furoremque hostium erga nos in lenitatem esse conversum. Sed ecce illorum furor mox abiit in rabiem. Cogitantes enim de nostro interitu & civitatis exitio, d. 2. *Januarii* ad pristinam stationem redierunt majoribus machinis, mortariis pluribus & requisitis bellicis probè instructi; 3. die Januar. summo mane, continuis tormentorum & pilarum jactibus tam ardentè ædificia pulsarunt, ut fulmina & fulgura de cœlo descendisse putasses, imo sparso missilium flammarum imbre nova incendia excitarunt, & quam plurima civium ædificia immani grandine quassata destruxerunt. Sed cum hostes vidissent, se continuo machinarum bel-

licarum boatu & fragore inconcussam civium fidem & constantiam nequaquam evertere posse, sexto *Januarii*, summo mane, trino agmine & magno impetu mœnia invaserunt, admotisque quam plurimis scalis, nec non globulis quam plurimis manu injectis, mœnium fastigia, quæ jam attigerunt, transcendissent, nisi nostrorum Civium & inhabitatorum pectora pro muro fuissent, atque continuis scloporum explosionibus, nec non clavis præferratis permultos de muro in subjectas fossas præcipitassent, hostesque pedem, relictis centenis & ultra mortuis, in pristinam suam stationem referre coëgissent. Hostis itaque invictam civium constantiam jam expertus, adversis tempestatibus cœli quotidie magis magisque invalescentibus, die 10. *Januarii*

obsidionem solvit, recessit, sed à longinquo nos cinxit. Cives interea insuetas in excubiis sub Jove frigido & humido per aliquot menses constanter continuarunt suas stationes, atque intrepidè defenderunt sua mœnia. Alias hic *mensis* valdè horridus fuit, frigore tamen quandoque remittente, placidior. Mollior aër sub initium *Februarii* observabatur, in progressu remissum aliquod frigus, sub finem nives, subsequo frigore congelatae. *Martii* ingressus rigidissimus subito cum sereniori ac blandiori aëre commutabatur, circa *æquinoctium* frequentes fuerunt pluviae, mox nives, mox varii ventorum tumultus, adeoque *Martius* non siccus, sed humidus extitit. *Aprilis* comparuit nivofusus, mox tamen serenior & amœnior factus calore suo veris delicias produxit, languentes animos excitavit, & ad finem usque siccus ac calidus permansit; die 30. ingens tempestas cum fulgoribus & tonitribus oborta est; quam præcessit magna papilionum cohors occidentem versus volitans. *Majus* ferè totus mane subfrigidus fuit, siccus, circa meridiem calidus, cum paucissimis pluviis. Toto *Junio* grata & exoptata habuimus tempora, calores intensos sæpè venti, quandoque pluviae nocturnae contemperarunt amœnissimæ. Medardi dies fuit serenissimus, & die S. Viti uvas in omnibus promontoriis jam defloruisse notavimus, inde nostrates præcocem vindemiam augurari solent. Toto *Januario* morbi, præter *catarrhos*, hyemali tempore non infrequentes, nec non *quartanas*, nostris desideratas dederunt inducias. Sub initium *Februarii* febres notavi-

mus *continuas*, malignitatis tamen expertes, *rheumatismos frequentes biliosos*, *defluxiones seroso-biliosas in capite*, maximè *pone aures*, aliquando cum, aliquando sine tumore, cum modica febrili alteratione, summè dolorificas, *suffumigiis ex olibano & cataplasmatibus emollientibus* curatas. Continuarunt illæ in primis mense *Martio*, & invaserunt articulos maximo cum dolore, inflammatione, tumore, senibus, in primis podagricis, exitiosæ: in his rediit *podagra*, sed sine doloribus, quæ retrocedens materiam peccantem ad pectus transfudit, ibique *catarrhos lethales* excitavit. Sed miratu dignum fuit, quòd præter hujus mensis indolem nullæ *febres continuæ*, exceptis paucis *catarrhalibus*, quæ senibus fuerunt funestæ, obortæ sint, cum tamen foeminæ cum prolibus suis, superioribus mensibus, maximum metum & terrorem ex turbis bellicis conceperint, & pro majori securitate diu noctuque squalida cellaria inhabitare debuerint, cives autem & incolæ omnes in excubiis quam maximos excessus sub Jove frigido & humido in vino commiserint, adeoque humores ad morbos generandos, aut suscipiendos disposuerint, in primis, cum absque hoc *Martius* sit humorum genitor, mororque dolorum. Beneficium hoc adscripsimus vino novo, quod præterito crevit anno, levissimo, claro, acido, tartaro crudo abundanti, diuretico: hoc potenter viscidam bilem diluit, solvit eamque per alvum & urinam eduxit, adeoque sanitati nostræ valde proficuum fuit. Aliis annis vina hujus loci nova, ubi calore solis & cœli benignitate ad summam maturitatem pervenerunt, generosa

rosa ac potentia tartaro subtili scatent, oleosa sunt, & nec dum defœcata, largius hausta bilem à naturali sua crasi dejiciunt, alcalicis suis particulis quàm maximè sanguinem accendunt, visciditate autem sua hujus circulum retardât, toti corpori torporem inducunt, caput gravant, constipant, imo particulis suis hamosis salino volatiles maximè activas reprimunt, actiones animales simul lædunt, & varios morbos, in primis *febres continuas, malignas, petechiales* conciliare solent. Mense *Aprili, Majo, Junio*, repullularunt *febres continuæ, petechiales*, quandoque cum, quandoque sine malignitate, methodo tamen ordinaria feliciter eradicatæ. Inter alia notavi gratiosam filiolam, quinquennem, *febre continua* correptam, cum maximis abdominis doloribus, torminibus, vix non convulsivis, & imminentis *epilepsiæ* metu; loqui nil potuit, dolorem autem ejulatu expressit, continuarunt calores sine ulla intermissione ad 21. diem. In horrendo illo ejulatu ob metum gravioris mali 11. & 12. morbi die dedi *laudan. de trib. grß. cum pulv. epilept. M. castor. unicorn. mar. ▽ hirund. c. castor. &c.* laudabili cum successu & subsecuta quiete. Durante morbo, & 6. septimanis post morbum, ne verbum eloqui potuit, licet omnia bene intellexerit, & linguam quaquaversum movere ac volutare, bibere, comedere, deglutire potuerit. Topica præscripsi varia, v. gr. *unguentum ex conf. anacardin. ʒij. alkerm. ʒj. extr. castor. gr. viij. ol. succin. gutt. iij.* pro illinitione, & frictione faucium, linguæ & palati. Fomenta ex *infus. majoran. salv. chamomill. hyssop. collo*, in primis laryngi frequenter appli-

cuius, donec interior laryngis rimma à siccitate coarctata ac constricta, aliquantum iterum humectata officio suo fungi potuit, atque sensim & sensim, licet sub initium difficulter, verba articulata expressit. Humores biliosos ex abdomine ad musculos laryngis, inque nervos vocales, metastasi facta, delatos, præter calorem febrilem, interiorum laryngis rimam arefacientem, eosdem affecisse, conjiciendum ex prægressis vehementissimis, vix non convulsivis, abdominis doloribus, in tempore consopitis. Iisdem temporibus observavi in filio sexenni *calores continuos* sine ulla intermissione, vix remissione; ad 30. diem & ultra, non obstante legitima medicamento- rum administratione, extensos, adeoque non sine malignitate, tandem tamen feliciter superatos. His mensibus *rheumatismos & arthritides vagas* notavimus frequentes, methodo autem nostra superius tradita mox profligatas. Mensis *Julius* fuit æstuosissimus, noctes præter morem calidæ, sine ullis fere pluviis: die 16. cœlum opacis & atris nubibus de subito exasperatum effudit imbrem largissimum cum tonitribus, in vicinia cum grandinibus insolitis, maximo *Rustensium vinearum* damno. Sub ingressum solis in leonem, nisi quandoque grati spirassent etesiæ, calores vix fuissent tolerabiles; tandem ultima hujus, prægressis noctu crebris tonitribus nec non fulguribus, gratiosa ac tepida superveniens pluvia cum amœnissimis & subfrigidis ventis ingentissimum auræ calorem contemperavit, terram refocillavit, & omnia recreavit. In *Augusto* terra per totum mensis cursum fervido solis calore fovebatur, subinde tamen nocturno tem-

pore tepidis pluviis animabatur, inde jam sub initium hujus mensis maturas habuimus uvas. *Ægidii dies* mira & exoptata illuxit serenitate, & serenavit totum mensem, exceptis 17. 18. diebus, qui fuerunt frigidi, ventosi, pluviosi. Per *Octobrem* totum eadem gratiosa serenitas, siccitas & æstus amœnus duravit, cum nebulis matutinis, solis splendore discussis, exceptis 6. 7. & 8. diebus, qui sparserunt pluvias. Hinc vinum crevit generosissimum. Secunda *Novembris* primam demum notavimus pruina, & continuarunt amœnissima, calida illa tempora, præter ætatis anni morem, toto mense, nisi quod 14. 15. intervenerint pluviae, & 24. nives ceciderint ingentes, sequenti tamen die liquefactæ. Eadem cœli tempestas continua, serena nempe, calida, aliquando nebulosa fuit usque ad 17. diem *Decembris*, 18. verò, 19. pluviosa, nec non nivosa; die 20. ingruit gelu, quod post biduum remisit, reliquis diebus pluviae, nebulae, venti ac calores alternarunt, quæ tempestas, prædominante calore circa Natalitia, *pyrorum flores & turiones sambucinos* elicuit. Mensibus æstivis omnis generis *febres* grassatae sunt, frequenter autem hinc inde in civitate comparuerunt *febres*, quæ *continuas* mentitæ sunt, nobisque ab initio imposuerunt. Invaserunt hæc cum horripilatione vix sensibili, insequente calore, ultra 30. horas durante, cum vehemēti siti, capitis dolore, vigiliis, vomitibus, præcordiorum angustia, anxietatibus, virium prostratione, linguæ ac faucium squalore, ita ut *febrem continuam* fore metuerim; adhibita tamen *Vena sectione* in brachio, & repetita in pede, exhibitoque uno vel

altero *sudorifero*, remisit calor, & tertio aut quarto die ut plurimum in *intermittentem tertianam duplicem* terminavit; ast inter apyrexiam & paroxysmum brevissimum fuit intervallum, imo, saltem aliquot interjectis horis, nova *febris*, sine ullo frigore, accessio, quæ observabatur una die intensior, & quasi composita ex *tertiana & quotidiana*, altera autem *levior* typum *quotidianæ* referens. Ante paroxysmum dedi *antifebrilia ex salibus*, *arcan. dupl. cort. chin. lap. cancr. &c.* in caloribus verò diuturnis, ob metum latentis malignitatis, nec non ingentem debilitatem, *blanda diaphoretica*, utpote *lap. bez. orient. pulv. analept. M. C. C. philos. magist. perlar. conf. alkerm. &c.* aliquando, in primis ubi *capitis dolores* fuerunt intensi, loco *antifebrilium* præscripsi *spirit. sudorif. Æj. cum spirit. anod. Æb.* & quidem laudabili successu: non enim tantum dolores remiserunt, sed & paroxysmi febriles brevi cessarunt, & ut plurimum soluti sunt spatio 15. aut 21. dierum. *Febres tertianæ* circa hæc tempora fuerunt frequentes, sed adeo mitēs, ut post quintum aut sextum paroxysmum, adhibito *Laxativo*, nec non *antifebrilibus salibus* recesserint. *Febribus continuis* corripiebantur permulti, sed sine gravioribus symptomatibus, & absolverūt jam die 15. suum cursum feliciter; hinc omnes servati, qui nō incuriā neglecti, sed methodo ordinariā tractati fuerunt. Mense *Julio*, *Augusto*, *Septembri*, *diarrhææ*, *dysentericæ* ex radiorum solarium, æstu invaserunt quamplurimos, sine ætatis discrimine, cum maximis torminibus, tenesmo, dejectionibus copiosissimis, purulētis, cruentis. Principium curæ sumimus à *rhubarb.*

barb. tost. myrobal. citrin. aliquando ab *Aqua laxativa*, in primis si ventriculus cruditatibus labefactatus aut gravatus fuit; acrimoniam humorum temperavimus *absorbentibus*, v. gr. *coralliis rubris*, *terr. sigill. fl. ferr. crysfall. mont. &c.* continuas dejectiones & dolores correximus *clysteriis ex decoct. bord. aut oryz. capit. vervec. vitell.* sæpe injectis, nec non *adstringentibus*, *incrassantibus*, *demulcentibus* sæpius exhibitis, v. gr. *pulv. dysent. Cr. terr. catechu &c. mithridat. theriac. cæl. laudan. de trib.* imo fateri debeo, etiamsi singulis 5. aut 6. horis medicamenta *adstringentia* exhibuerim, me tamen sine *opiat*is nihil profecisse, adeoque *Laudanum de trib.* in accisa (refracta) dosi aliis additum & sæpe repetitum hic optimam tulisse opem. In quibusdam observavi neque hæc quicquam profuisse, quin potius infirmos aliquando evomuisse biliosa, indicio, ventriculum unà cum primis viis, cruditatibus acribus, biliosis, adeoque causa morbifica adhuc esse repletum, iis bis dedi *rad. Ipecacuanh.* & quidem pro dosi $\mathfrak{D}\text{ij}$. inde frequentiores habuerunt vomitus, pauciores dejectiones, quo facto, reliquum curæ *adstringentibus*, *incrassantibus*, *anodyn*is, v. gr. sequenti *pulvere* aliquoties exhibitio, & singulis 6. horis repetito, Recipe *crystall. mont. corall. rubr. præp. terr. japon. ana gr. viij. theriac. cæl. gr. iij. jv. laudan. de trib. gr. ß. aliquando gr. j. M.* feliciter peractum fuit. Tres personas notavi, quæ, absumptis jam roscidis & balsamicis lymphæ particulis, spiculis autem acribus, adeoque doloribus, auctis, tandem, supervenientibus dejectionibus atris, cadaverosum odorem spirantibus, in-

dolentibus, artuum refrigerationibus, mente ac sensu privata gangræna & *sphacelo intestinorum* obierunt. In alia matrona 5. diebus ante mortem præcessit *singultus*, omnem *castorinorum* & *opiatorum* efficaciam eludens, inflammationum & convulsionum internarum, nec non mortis imminentis prænuntius. Mense *Octobri* in scenam prodierunt morbi vitio *renum* & *vesicæ* orti. Sic in Perillustri quodam Domino, septuagenario, aliàs robusto, notavi *Ischuriam*, sive totalem urinæ suppressionem, ex *calcul*o *renum* tubulos obstruente, natam. Adfuerunt maximi dolores circa lumbos, vomitus frequentes, angustia & anxietates præcordiorum, obstinata alvi obstructio, nullus vesicæ tumor, nullus in pube dolor, nulla perinæi gravitas, nulli calores, imo pulsus naturali fere similis. Cathetere flexili sæpe immisso ne gutta urinæ extrahi, aut *calculus* in vesica latens deprehendi potuit. Adhibuimus sæpissimè *clysteres emollientes*, *balnea aquæ dulcis una cum herb. petrosel. malv. parietar. chamomill. melilot. verbasc. stram. aven. &c.* unguenta pro inunctione lumborum, ex *unguent. rosac. ol. scorp. Matth. succ. citr. præp. &c.* Internè fere quotidie dedi *decoctum ex spec. dialth. Fern. & aperitiv. For. cum fol. senn. mechocacann.* quibus magnam serosorum humorum, aliàs ad renes tendentium, copiam per alvum eduximus, ne guttam vero urinæ elicere potuimus. Potus ordinarius constabat ex *spec. dialth. Fern. & aperit. For. cum ras. C. C. sem. anis.* Ex diureticis, *litkon-*tripticis; *pellentibus*, sumsit *tinct. sal. tartar. spir. salis dulc. bals. sulphuris terebinth. succinat. sal. genisl. ononid.*

aid. fabar. spir. salis coagul. tartar. Vi-
triolat. aliaque; imo pro exigentia sym-
 ptomatum, utpote vigiliarum, dolorum,
 etiam *laudan. de trib.* in refracta do-
 si, alvoque libera existente; pro cor-
 roboratione virium *confortantia*. Sic
 tandem septima morbi die robore na-
 turæ moti sunt *calculi* ex renibus in
 ureteres, cum vehementi, lancinante,
 pungente dolore; ex his brevi dela-
 pfi in vesicam urinariam: patente jam
 exitu parum urinæ, non quidem si-
 ne dolore, emisit, mox una cum tribus
 lapillis, magnitudine fabarum, uri-
 nam subcruentam; sine dubio ex lace-
 ratis vasculis à calculorum asperita-
 te, excrevit, & post subnigram, tan-
 dem, & quidem abundè, pallidam,
 copiosa materia viscida, sabulosa re-
 fertam. Dolores statim post excretio-
 nem urinæ evanuerunt omnes, rema-
 nente solum lassitudine ulcerosa sen-
 suumque torpore, donec vires suas de-
 perditas recollegit, atque ex integro
 convaluit. In aliis eodem tempore
 observavi summum *urinæ ardorem*,
 ubi quidem fere nullus urinæ fuit de-
 fectus, maximus tamen dolor, &
 in urethra ignea quasi rosio. In aliis
Stranguriam animadverti, ubi con-
 tinuus fuit ad mingendum stimulus,
 nihil tamen, nisi una vel altera gut-
 ta effluxit. His omnibus feliciter me-
 debamur *decocto aperit. For. dial-*
th. Fern. cum fol. senn. clysteris, nec
 non *topicis, balneis*, aliisque supe-
 riùs allegatis. Inter morbos illius tem-
 poris etiam occurrit *Passio Illiaca*.
 Hac corripiebatur quidam Vir-Juve-
 nis, *hernia scrotali* jam ab aliquo
 tempore laborans, alvi nempe contu-
 macissimâ obstructione, vomitibus
 frequentissimis, doloribus circa um-

bilicum summis, instituta autem re-
 positione, nec non adhibitis crebriori-
 bus *enematibus, aquis laxativis,*
cataplasmatibus ex decoctis emol-
lientibus, alvus stimulata sui officii
 memor copiosè excrementa reddidit,
 evanuerunt dolores, nec non Vo-
 mitus, imo jam periculum evasisse ab
 omnibus judicatus fuit. Sed ecce,
 diebus aliquot elapsis, nescio quo er-
 rore commisso, in eundem morbum
 recidens, accedenti febre, vomiti-
 bus stercoreis, obstinata alvi con-
 stipatione, sudore frigido in extremis,
 doloribus atrocissimis, delirio, sin-
 gultu, virium languore, & ultimâ die
 dejectionibus spontaneis, septima re-
 cidivæ die, remediis prioribus nunc
 nihil proficientibus, extinctus est.
 Jam addam, quæ de *immodico hæ-*
morrhoidum fluxu notavi. Fuit Vir
 quinquagenarius, artis pharmaceu-
 ticæ peritissimus, ex familia, cujus
 indigenis masculis hic affectus quasi
 proprius, ortus. Is jam in ætate
 sua juvenili fluxum hunc sanguineum
 expertus est, qui si statis & defini-
 tis temporibus, singulis nempe mensi-
 bus, moderatè rediit, sanitati quam
 maximè profuit; si verò ex voto non
 successit, statim toti corpori lan-
 guorem induxit, intestinorum tormina,
 gravitatem circa os sacrum, calores
 febriles quasi continuos, biliosas capi-
 tis defluxiones, oculorum inflamma-
 tiones &c. conciliavit. In ætate vi-
 rili sanguis non amplius moderatè ad
 uncias, sicuti ante, & menstruatim,
 nescio qua sanguinis acrimonia aut
 viarum laxitate, non periodicè, sed
 singulis fere septimanis, ad libras
 manavit cum notabili virium dejectio-
 ne, faciei colore ad viriditatem in-
 clinan-

clinante, gravitate in coxis, in cruribus magna debilitate, ut vix incedere potuerit. Sisti cito hic fluxus non debuit; sanguis enim statim regurgitavit ad pectus, & anxietates præcordiorum, respirationem difficilem, palpitationes cordis induxit. Cum verò immodicus hic fluxus latentem hæctenus *cacochymiam*, nec non acredinem & falsedinem sanguinis insignem prodiderit, imo aut *hydrops*, aut *phthisis*, aut *apoplexia* exinde metuenda, & vires jam labantes medelam urserint, suasi omnino in brachio *Venæsectionem*, roborantia & temperantia, acidula, bilem acrem, lentam, rosivam corrigentia, & per epicrasin educentia, v. gr. *Tinct. rosar. corall. mart. aperit. c. succ. oxalid. M. Tinct. feri lact. caprin. cum tamarind. & rhabarb. fact. pulv. hepat. sal. cicchor. grana granatorum acidorum succulenta*, quæ masticavit, ejusque succum deglutivit, *pulv. cachect. Qu. lap. cancr. crud. smaragd. præp. corall. mag. perlar. emulsiones ex sem. frig. cum decoct. hord. & julep. rosac. fact. nitrosa ipsa, compos. Sperniol. Cr.* quibus ebullitionem in sanguine nimiam compescuimus; fluxum verò immodicum blandis adstringentibus cohibuimus, v. gr. *Tinct. mart. adstring. lap. hæmatit. ess. traumat. sir. de ros. siccis, myrtill. trochisc. de spod. carab. croc. mart. adstring. dent. eq. mar. s. hippopotam. succo urticæ express. & depur. infusa millesol. sanguisorbæ, vino rubro ex infus. carn. cotoneorum*, aliisque in primis topicis, v. gr. *unguento Comitissæ*, quo inungi debuerunt hæmorrhoi-

des, & dorsum, aut aliis fomentis, linimentis & fotibus ex *succ. plantag. burs. pastor. verbasc. sangu. dracon. thur. terr. sigill. rad. bistort. tormentill. &c. it. vernice*, in qua intinctus fuit pannus lineus & cum *ol. rosat.* admotus. *Polygonum*, utpote singulare & decantatum euporiston, sub axillis frequenter gestavit. Observari autem diligenter debuit, ne alvus plus solito adstricta fuerit. Hac igitur methodo symptomaticas excretiones temperavimus, atque Pharmacopæum nostrum ad multos annos conservavimus, donec tandem mœrore animi confectus, & viribus jam exhaustus placidissimè obiit. Mense *Decembri* luctuosa *epilepsia* notavi phænomena. Puer octennis noctu hora XII. in aream mictum exiens spectrum ibi perspicit, horrore ac terrore plenus summo cum angore & clamore in hypocauftum & lectum veluti furia-tus rediit. Vix sese ad quietem componens tentabatur horrore, sudore frigido, affectibus convulsivis. Mane accersitus deprehendi inordinatam ac involuntariam membrorum concussionem, modo cessantem, modo redeuntem. Affectus hic indies invaluit, & secutæ sunt brevi gravissimæ convulsiones nervosi generis, genarum labrorumque terribiles spasmi, adfuit continuus digitorum, velut aliquid comprehendentium, lusus, contumacissima alvi adstrictio, nulla spuma circa os, oculi manserunt aperti & irretorti, respiratio libera, oris autem distortio enormis, largo risu mox superveniente; dentes validè coierunt, ut pro infundendis cibis liquidis & medicamentis, inf-

trumento aperiri debuerint, articulata vox periit, & nil, nisi clamor remansit, mentis operatio defecit, nec sensus nec memoria alicujus rei extitit, sedere, stare, ambulare nequivit, & quando mater ipsum elevare voluit, mox instar globi sese incurvavit, mox in alios incredibiles flexus instar arcus sese præcipitavit; nec paroxysmus inducias concessit, sed duos menses indefinenter fere diu noctuque continuavit. Terrorem morbum hunc convulsivum produxisse, extra omne dubium est, licet non excluderem *vermes*, quorum aliquot ante & in morbo excrevit. In hoc tumultu morbique vehementia pro demulcendis partibus convulsis, vellicatis ac distortis, *antepileptica specifica* sæpissime exhibita, v. gr. *pulv. epilept. M. spec. cephal. Mich. mag. cran. hum. ungu. alc. præp. unicorn. mar. cinnab. nat. castor. aqua epilept. Lang. hirund. c. castor. &c.* nullum præstiterunt emolumentum. Vomitoria cum Laxantibus mixta, v. gr. Recipe: *Aquæ laxat. ℥ij. sir. Emet. A. S. ℥ß. M.* pro una vice, quæ pro educendis humoribus biliosis, cum acido confermentatis, fixis, binis vicibus exhibui, observavi hic felicissimè profuisse. Jam optimo cum successu reiteravi specifica, v. gr. Recipe. *Specif. cephal. M. gr. vij. pulv. epilept. ℥ß. castor. gr. vij. ungu. alc. præp. aut unicorn. mar. gr. v. M.* eaque quotidie bis aut in forma pulveris, aut potionis, additis

aquis appropriatis & sirupis, præscripti, quibus aliquando granum s. aut ad summum gr. j. *laudan. de tribus* addidi. *Enemata* multum profuerunt. Atque sic post duorum mensium tædia expugnatus fuit morbus, ut jam puer sui compos stare, ambulare, sedere, cibum ac potum capessere, articulatè loqui potuerit. Subsecuto mense *Majo*, ne in posterum recidivaret, misi illum ad *Thermas Badavino - Austriacas*, ex quibus redux immunis jam ab hoc execrando morbo vivit, & quod mirandum, sine ulla mentis aut memoriæ labe. Hoc mense duos notavi *Apoplecticos*. Unus octogenarius ex ordine senatorio, prævia vertigine, lassitudine membrorum, de subito *apoplexia* correptus cum sensus ac motus abolitione pulsu magno, in debilem tandem & frequentem mutato, omnibus in cassum adhibitis, secunda morbi die placidissimè obiit. Alter fuit Reverendissimus hujus loci Plebanus, 56. annorum, atque habitus corporis obesioris. Hic, dum nocte Natalitii Domini hora secunda matutina sacris peragendis intentus, præ verecundia, justo diutius retinisset urinam, ab altari reversus de torpore, vertigine, anxietatibus conquestus est, mox domum vectus & in lectum delatus ex regurgitatione feri urinosi ad superiora, *Apoplexia* fortissima cum stertore, spuma ante os, tactus, spatio semiquadrantis, adeoque eadem hora, qua sanus fuit, repente interiit.

Constitutio Epidemica Semproniensis Anni 1707.

Janus bifrons eadem serena fronte , qua veterem annum denis serenissimis diebus clausit, auspicatus est novum totidem serenis , calidis , siccis diebus, unde statim X. die ingruerunt frigora , mox subsecutæ sunt nives copiosæ , quæ congelatæ ad festum purificationis usque jacuerunt durabiles. Secundus *Februarii* dies totus fuit turbidus , & regula rusticorum hoc anno verissima : Sole nempe micante , die purificante , nix aut frigus erit majus , quàm ante. Eo ipso enim die remisit frigus , nives liquatæ omnes , ingruerunt pluviae , nebulæ , quæ ultra septimanam institerunt , densissimæ , foetidæ , corporibus nostris valde infestæ ; die 17. 18. rigidos habuimus ventos , boræos , qui siccarunt terram. Jam ad aliquot dies frigoris vis soluta, sed die 24. Festo Matthæi intensior facta in medium *Martii* continuavit ; adeoque *Februarius* fere totus siccus fuit ; Bacchanalia amœnissima , serena , calida , dies Cinerum valde frigidus , ventosus ; medio *Martii* ceciderunt nives , mox secutæ sunt pluviae. Æquinoctiale tempus notabatur valde turbidum , pluviosum , nivolum , lutosum , imo ad finem mensis usque tumultuaria tempestas , mox ventis , mox nivibus , aut pluviis , molesta , rarò serena ; adeoque *Martius* valde humidus atque ingratus. *Aprilis* incepit cum nivibus , pluviis , mox insecta sunt frigora , quæ tempestas tumultuaria X. continuavit diebus , imo totus mensis magis fuit frigi-

dus , ventosus , quàm calidus. Ipso quoque *Majo* cœlum , si paucos amœnos dies exceperis , ut plurimum atris inhorruit nubibus , & dies turbido aëre frigidisque ac frequentibus pluviis reddidit minus vernaes , minus majales , rigidi præter morem extiterunt. Mense *Junio* longe amœnior ac placidior aura comparuit. Medardi dies valde serenus sine ullis pluviis , & rediit nunc calor intensissimus , imo , quod ex tot aëris vicissitudinibus & cœli inclementia , superioribus mensibus prægressa , nullus præsumisset , multo minus credidisset , jam ante diem Viti copiosè uvas in flore deprehendimus : die XVI. supervenerunt pluviae gratiosissimæ , fructiferæ , mox æstus increvit , & fere tribus septimanis indefinenter , nulla intercedente pluvia , continuavit , cujus ardore terra valde exiccata dehiscere , homines autem ob largiores sudorum effusiones defatigari debuerunt. Febres *continuae* modo cum , modo sine exanthematibus , modo benignæ , modo malignæ , prouti apud nos quotannis observantur epidemicae , ita & hoc semestri fuerunt frequentes , in quam plurimis malignitatis expertes , & methodo ordinaria , superioribus annis jam tradita , tractatæ , plerumque die XV. in alio nono , in uno septimo , prægressa eodem die hæmorrhagia critica , ex voto solutæ. Alios invasit cum maxima malignitate. Sic honesta quædam scœmina , quadragenaria , ex eadem febre die morbi deinceps XI. ince-

pit delirare, quod aliàs pro pessimo & fatali signo habeo, XV. recesserunt calores, sed quinque diebus & noctibus insomnibus continuis transactis, valde delira ab assumpto *pulvere epilept.* *M. mag. marg. perlar. pulv. analept. castor.* nec non grano uno *laudani de tribus*, somno quidem jucundissimo quievit, sed expergefacta in gravissimas incidit convulsiones, cum continuo tendinum insultu variisque labiorum spasmodicis: tandem XVIII. die, adhibitis frequentioribus *antepilepticis*, *confortantibus*, nec non *enematis*, alleviata præter omnium spem convaluit. Et sicuti serotina deliria latentem produnt malignitatem, si non exitum ipsum, ita præmatura funestum semper præsagiunt exitum. Observavi hoc iisdem mensibus in filiolo sex, in juvene XVII. in Viro L. annorum, qui omnes ex *febre maligna* tertia die inciderunt in continua deliria, sexta convulsi mortui sunt. Alia foemina melancholica, & simul gravida, cujus maritus cum quatuor prolibus simul & semel mense *Martio* in uno cubiculo, epidemiali hoc morbo decubuerunt, (qui tamen convaluerunt omnes,) eadem *febre maligna* detenta cum *uvulae ac tonsillarum inflammatione* summa, octava recentem enixa est puerum, inde valde debilitata nona delirare incepit, & ex caloribus, viribus exhaustis, emaciato corpore, vigiliis continuis, credebatur certo certius peritura. Sed ea fuit fortitudo, ut *sudoriferis*, *confortantibus*, *epilepticis*, rite tractata calores illos intensos ultra XXX. dies sustinuerit, & pe-

riculum evaserit, remanente aliquali mentis labe. Mense *Januario* singularis contigit casus: Puella XV. annorum ob leves errores commissos matris castigationem verita sibi ipsi mortem consciscere voluit, sumptisque aliquot granis *mercurii sublimati* incidit de subito in continuos vomitus, alvi fluxus cum gravissimis intestinorum torminibus, siti magna, linguae ac faucium ariditate; sed causa horum symptomatum mox patefacta, accersitus exhibui *theriacalia*, in primis *crystall. mont.* 3ß. cum *ol. amygd. dulc. it. juscule pinguis*, & loco potus ordinarii *lac bubulum* suasi; his acidum venenosum absorptum, acrimonia obtusa, & puella ab interitu vindicata fuit. Venena enim mineralia sola corrosivitate agunt, ex qua, si non statim ab initio idoneis medicamentis succurratur, *necrosis*, & ex hac sanguinis, & feri destructio. Hoc videre licuit in foemina mediae ætatis, nutrice, cui ab alia *arsenicum citrinum* malitiosè in juscule propinatum fuit, intra paucas horas extincta. Hæc cardialgia, lipothymiis, intensissimis torminibus, vomitibus, alvi dejectionibus cum irritatione acerrima valde agitata, post mortem exhibuit stomachum & intestina partim *gangrenata*, partim *sphacelata*, erosa, sanguinem nigerrimum. Eodem tempore Vir quinquagenario major, sanguineus, diu noctuque per triduum somno profundo, *lethargo* vix absimili, quasi sepultus jacuit, sine ulla alteratione febrili, aut pulsus mutatione, quarta, *Potione Laxativa mannata* sumpta, ex-

per-

pergefactus, sibi optimè præsens, atque ad interrogata appositè respondens, de *prostratione virium*, & sequenti die in brachio dextro de *tumore*, aliquali *rubore*, sed *dolore* summo valde conquestus, sexta obortis *caloribus* & supervenientibus *deliriis*, atque omnibus incassum adhibitis, *suffocatus* obiit. Hac hyeme *articulorum dolores* sine inflammatione, sine tumoribus valde grassati sunt, ubi *laxativa*, *aperientia*, *præcipitantia*, *decoct.* nempe *aperitivum cum fol. senn. S. S. rhabarb. mann. tartar. lap. cancr. præp. sal acetosell. cichor. diagryd. sulphurat. pulv. hepat. flor. nitr. tartar. Vitriolat. &c.* sæpius adhibita omne absolverunt punctum, & intra quadragesimam medicam morbi vehementiam infregerunt. In honesta quadam foemina iisdem *doloribus* detenta, sed *alvi fluxu* simul laborante, septima die morbum notavi jam solutum. Præstat igitur in his affectibus *alvum* habere magis *laxam*, quàm *adstrictam*. Mense *Februario* in ablactatis & lactentibus copiosas observavi *febres catarrhales*, quæ invaserunt tenellos cum tussi vehementi, caloribus continuis, ariditate faucium, facie floridiori & rubente, siti, sternutationibus, respiratione frequentiori, in aliquibus inter respirandum cum stertore & sonitu, ut plurimum cum *dentitione*. Profuerunt hic *enemata* sæpè adhibita, *expellentia temperatiora*, aciditatem lymphæ corrigentia, cum *pectoratibus* mixta, v. gr. *pulv. alexit. epilept. spec. diair. antihect. Pot. lap. cancr. C. C. philos. sir. pectorales*, inunctiones ex ungu. pe-

ctoral. rubr. potab. cum ol. irin. anis. dest. &c. ratione simul habitavirium. Atque hac methodo omnes ante nonum diem feliciter ad sanitatem perducti sunt; *convulsionibus* autem *epilepticis* simul tentati perierunt fere omnes. Vernale tempus *phthysicis* & *hecticis* valde grave, quam plurimis funestum fuit. Sic inter alios officialis, nec dum tricenarius, ex castris sub finem *Novembris* præteriti anni redux, & jam ab aliquo tempore *hectica pulmonari* laborans, de tussi vehemente, gravitate pectoris, copiosa materiæ purulentæ expuitione valde conquestus est. Affectum hunc curatius examinans ex rorida partium nutriendarum substantia jam fere consumpta, ex calore non amplius latente, sed jam manifesto, ex pulsu frequentiori & celere, in primis post pastum, ex urina oleaginosa, ex difficili respiratione ad motum quemvis atque aëris alterationes, ex frequentiori tussi, quandoque sicca, quandoque cum spūto purulento, quam ut plurimum, sumptis cibis, secuta est vomitio, *secundum hecticæ febris gradum* jam imminere, atque humorem nutritium in gelatinosam magis substantiam conversum quasi deliquari, sive pulpas carniū hinc inde in corpore manifestè quasi depasci, quæ *species febris Marasmodis* dicitur, judicare debui. Externè pariter & interne adhiberi curavi remedia, quæ alias huic affectui habentur appropriata, *expectorantia*, *abstersiva*, *analeptica*, *refrigerantia*, *traumatica*, *obtundentia*, v. gr. *pulver. anonym. spec. diair. lac sulphur. pulv. Haly, lap. cancr.*

spec. de gemm. frig. pulv. analept. antihect. Pot. spec. pro decoct. flor. & fruct. spec. pectoral. (quibus quandoque beneficio alvi non succedente, addidi *mannam electam*,) *Syr. de jujub. flor. papav. loch. san. & expert. de pulmon. vulp. conserv. rosar. bellid. tussilag. emul- siones ex seminibus cum decocto hor- dei, julepo rosaceo & nitro perlato paratas, gelatinas ex herbis pectora- libus &c. lac caprillum cum saccharo mane potum, aliaque; externè un- guent. rubr. potab. pectoral. cum ol. irin. nec non emplastra pectora- lia usitata & cataplasmata.* Cu- ra hæc hyemalis videbatur succede- re ex voto, rediit appetitus, redie- runt vires, remiserunt calores, non nisi post pastum revertentes. Ast induciæ solum ad breve tempus fue- runt, nulla pax. Insinuavit enim se malum, nobis id minus opinanti- bus, increverunt calores, sæpe velut paroxysmos febrium æmulantes, su- pervenerunt sudores nocturni, vel matutini colligativi, virium pro- strationes, respiratio anhelosa, indi- cio manifesto, miasmata pulmonum ul- cerativa in massam sanguineam co- piosè delata ibique confermentata, ignem peregrinum internum non so- lum hæcenus fovisse, imo erosio- ne ad glottidem producta, vocem raucam conciliasse, verum etiam ali- mentarium ac roridum lymphæ ne- ctar acrimonia sua volatili, aut fer- mento suo putrido penitus inquinasse & destruxisse, ut jam corpus ma- rasmo incurabili consumptum, pedes verò tumidi, & cutis vix ossibus hærens, tanquam funeri suo prope- modum superfuerit, donec tandem

lenta morte tabescens mense *Majo* placidissimè obiisset. *Hecticam ex scorbuto calido* natam observavi in juvene *XVII.* annorum. Is aliàs me- lancholicus, vitæ sedentariæ amans, sæpe sensit tumorem in sinistro hy- pochondrio, aliquando febriles alte- rationes, brevi transeuntes, palpita- tiones cordis, frequentes phlegmatis molestè falsi è tonsillis aliisque oris glandulis rejecti, in primis matuti- no tempore, excreationes. Facies fuit lurida, pallens, subtumida, maculis copiosis, lividis, granulatis referta, quasi pulvere pyrio afflata, indicio certissimo, liquores vitales à salibus acido-biliosis, acribus, val- de jam esse deturpatos, unde par- ticularum sulphureis rarefactis facillimè *febris lenta, hectica*, sese insinua- re potuit. Calor fuit primo occur- su mitis, paulo post acer & mor- dax, qui semper circa vespertum sub schemate *febrilis paroxysmi* rediit, sed in inflammatorios calores termi- navit; observabatur jam urina olea- ginosa, respiratio difficilis, sitis ma- gna, appetitus prostratus, ema- ciatus corporis habitus, continua pulmonum oppressio, virium languor, decubitus in dextrum latus valde molestus, tussis cum sputo purulen- to, spisso, foetido; corpus sudore tota nocte quasi diffluit cum pul- su frequenti & marasmo, atque con- tabescens torpidus fuit, morosus, profundis cogitationibus defixus vix ad interrogata respondit, neque claram, sed non nisi submissam & raucam vocem edere potuit, quod vitio pulmonum sanie repletorum, qui aëris copiam, quo vox forma- tur, imminuunt, natum. Hoc ta-
men

men notandum, quoties alvus fuit concitator, & ad *diarrhæam* proclivior, toties alleviationem symptomatum sensit patiens. Accessit tandem facies Hippocratica, nares scilicet acutæ, oculi concavi, tempora collapsa, genæ exesæ, malæ protuberantes, scapulæ, claviculæ, costæ prominentes, artus cum reliquis musculosis partibus excarnes, verbo: ossa tegit macies, nec juvat ora cibus, & fuit sceletò similis. Adhibuimus ex speciosissimo medicaminum *thoracicorum* & *scorbuticorum* apparatu satis maturè remedia, v. gr. *pulveres pectorales* superius notatos, cum *pulv. hepat. rad. ari tartar. vitriolat.* &c. remixtos, linctus, gelatinas, emulsiones, electuaria, infusa, decocta ex *spec. pro decoct. pectoral. flor. & fruct.* nec non *herb. fumar. beccabung. trifol. fibrin. cichor. acetos. hepat. nob. flor. bellid.* aliisque cum *sero lactis*, aliquando cum *aqua* ad formam potus Theæ parata, imo mense *Majo*, cum animadvertissem, hecticos calores aliquantum deferbuisse, *lac caprillum recens* cum modico *sacchari*, à quo tamen ob acidum vel falsum ventriculi fermentum, anxietates præcordiorum, hypochondriorum tensiones, adauctam inde febrim, mox abstinere debuit. Nil verò magis profuit in *sudoribus nocturnis*, quàm *unguent. resumtiv. in frigid. Gal. cum saccharo saturni* paratum. Ast vehementia & diuturnitas morbi elusit opem & operam omnem; donec tandem medicamento- rum pertæsus, accedente extrema virium prostratione, fati necessitatem longiori vita dignus, magno cum

parentum luctu persolvisset. Eodem tempore Franciscanus XXX. annorum laboravit *phthisi vera*, sive consumptione partium corporis musculosarum à colliquatione & pulmonum vitio orta, quæ fuit cum compressione pectoris, difficili respirio, sed fere sine febre; huic præmissis *pectoralibus* in primis *antihæctico Pot.* aliquando cum *pilulis de cynoglossa* remixtis, exhibitisque subinde *laxantibus mannatis*, decoctis quoque aut jussulis ex *herbis pectoralibus, res solventibus, expectorantibus* &c. *lactis caprilli* usus optimè cessit. Acrimonia enim humorum salina inde fuit temperata, serum dilutum, corpus humectatum, & ad nutritionem dispositum. In aliquibus observavi *febrem hæcticam ex Quartana*, ut plurimum autem ex *febris continuis* malè judicatis subortam. Harum enim fermentatio & calor p. n. continuatus lymphæ rorem absorpsit, inde virium habitusque corporis concidentia; acredo verò, quæ alias per vices accessit, & tumultus edidit fermentatione continuata, aucta & quasi domestica facta *febrem hæcticam Marasmoden* in uno & altero induxit lethalem. In pueris & puellis III. IV. V. VI. annorum, notavi eodem tempore apud nos alias valde frequentem *Tabis speciem*, quæ fuit cum *abdominis tensione* & intumescencia, calore intrinsecus aucto, pulsu circa vesperum celeriore, inquietudine nocturna, carne flaccida, totius corporis extenuatione, etiam in iis, qui avidissimè comederunt, ita quidem, ut carne jam absumpta, ossa omnia prominuerint, sola cute contacta. Faciei color fuit pallidus, subniger & lividus,

dus, nulla fere adfuit tussis, nullum sputum, respiratio libera, indicio evidentissimo, hos sine pulmonum corruptione, marcere confectos, causam autem fuisse quærendam in *mesenterii*, ductuum nempe lacteorum, *glandularum* obstructione, nec non humorum corruptorum in abdomine abundantia; utut non negem, *lumbricos* tunc simul in intestinis nasci potuisse, qui quandoque in conspectum venerunt. Unde non mirum, cum universi sanguinis systema sale acri-acido jam scaturierit, corpora debito alimento privata, in tantam incidisse maciem. Huic malo quamplurima opposuimus remedia, in primis *aperientia*, *martialia*, v. gr. *croc. mart. aperit. cum salibus*, *arcan. dupl. nitrosa*, *pulv. hepat. sal. C. B. tartar. vitriolat. antikect. Pot. lap. cancr. rad. ari &c.* aliquando *anthelmintica*, v. gr. *aquam contra verm. cum sir. flor. persic.* aliaque *Topica*, *unguent. contra verm. deop-pilat. ol. cappar. tamarisc. colocynth. spirit. sal. ammon. &c.* sed irritato conatu omnia, donec tandem lenta itabe consumti supremum diem clausissent. *Octimestres* aliquot *partus* his mensibus habuimus, quos tamen omnes spatio V. VI. vel VII. dierum mortuos observavimus. *Julius* incepit cum caloribus, quos tamen quandoque contemperarunt pluviae lenioresque venti, has die X. habuimus copiosas, quas sequentibus XIV. diebus calores exceperunt intensissimi, die XXI. XXII. XXIII. tonitrua horrenda cum fulguribus, quandoque cum, quandoque sine imbribus; à die XXV. ad finem usque variae aëris vicissitudines, mox diversi ven-

torum tumultus, mox frigora, mox pluviae, rarissime solis splendor. Integer *Augustus*, si sex aut septem dies amœnos per intervalla calidos, exceperis, pluviis & ventis præter ætatis anni indolem, valde rigidus fuit. Pluviae continuarunt ipso *Ægydii die*, sequenti autem, discussis jam nubibus nebulosis, coelum serenatum gratiora nobis promisit tempora, & secuti sunt XIV. ferè dies calidi, sereni, noctes tepidae, vini culturæ exoptatae. Medio *Septembris* rursus varias subiit mutationes tempestas, maximæ exortæ nebulæ, solis demum meridiani splendore dissipatae, sed brevi in pluvias fere continuas, aut de die, aut de nocte, in primis *æquinoctiali die* abeuntes, quæ cœli inclementia ventosa ac pluviosa in *Octobrem* usque duravit, unde botri nec dum bene maturi aut digesti justo citius ob excessivum humidum computruerunt, & deciderunt copiosè in terram. Quinta *Octobris* spem fecit haud exiguam serenorum temporum, sed octava valde pluit, à qua ad ultimam lunæ quadram, i. e. XVIII. grato solis splendore corpora nostra incaluerunt, quo ipso ingruerunt pluviae, XIX. gelu, XX. nives, quorum casus die XXII. cum procellosis aëris agitationibus ac frigore ingens fuit, earum tamen præceps solutio. Jam immi-nuerunt *vindemiæ*, & vinum, quod collectum fuit ante pluvias aut nives, in *Julium* usque, salibus heterogeneis à mucilagine terrestri & sulphurea quasi ligatis, & in fermentationis negotio sufficienti impeditis, permansit turbidum, mucilaginosum, sed sine foetore; post pluvias autem contraxit foetorem putridum, quem retinuit

nuit usque ad depurationem, quæ tandem post annum subsecuta est cum grato colore & sapore. Circa finem *Octobris* autumnalis amœnitas nobis iterum affulsit, quæ toto fere *Novembri*, qui siccus extitit, continuavit. *December* varius & inconstans fuit, mox frigidus, mox nebulosus, mox pluviosus, unde nives, quæ die *Sancti Andreæ* ceciderunt, brevi tabuerunt. Hoc semestri frequentes habuimus *febres Tertianas*, quæ ut plurimum sine prævio horrore, potius cum corporis gravitate, præcordiorum angustia, vomitibus, siti, capitis dolore, vigiliis, in primis caloribus intensis inceperunt, & primis *IV. diebus* magis *continuarum*, quam *intermittentium* genium redoluerunt, donec tandem ad perfectam *apyrexiam* devenerunt. Initium curæ à *Venæ sectione* sumsi, atque præscripsi *præcipitantia, antifebrilia ex lap. cancr. sal. absinth. C. B. centaur. min. arcan. dupl. antimon. diaphor.* tandem die intermissionis *Laxativum*; quibus feliciter sexto, aut ad summum septimo paroxysmo sublatae fuerunt. Nec defuerunt *quotidianæ, quartanæ*, facili tamen negotio levatae. Eodem tempore viguerunt *febres continuæ, acutæ*, quæ sub initium videbantur benignæ, tertio tamen & quarto die latentem suam prodiderunt malignitatem; calores enim hæcenus vix considerandi, jam intensiores facti, immanes produxerunt cephalalgias, vehementissimas virium prostrationes, deliria, vigilias, sitim, linguam scabram, fissam, tendinum contractiones, motus convulsivos varios ac inordinatos, quos una cum tremore labiorum in chirurgi hujatis

facie observavi frequentes, non tamen, quod mirandum, lethales. R. P. Franciscanis lues hæc fuit popularis, eosque fere omnes hîc existentes invasit. Illi enim mustum mendicatum & collectum emissi vino novo turbido ac musto se obruerunt, ac corpus prava victus ratione ad *cachymiam* disposuerunt. Jam reduces cibis luridis esurialibus, pro more & exigentia temporis, stomachum onerarunt, indeque has *febres continuas* sibi conciliarunt. *Venæ sectiones* sub initium administratae optimè profuerunt, *diaphoretica expellentia*, v.gr. *antim. diaphor. mithridat. diascord. Frac. spec. de hyacinth. C.C.* cum *confortantibus & antepilepticis* mixtæ omne tulerunt punctum, morbumque hunc præcipitem, qui ex symptomatibus gravidissimis judicabatur pernicialis, ubique septima die, nulla interveniente notabili crisi, represserunt, atque omnes, (fuerunt illorum undecim,) ex hoc morbo convaluerunt. Foeminas notavi aliquas ætatis provectionis, non gravidas, *fluxu mensium immodico* laborantes, qui ut plurimum, in primis in plethoricis, ad *XIV. dies* duravit, & intra octiduum rediit cum languore, lassitudine totius corporis, facie pallida, quasi exsanguis, inappetentia, siti, caloribus, dolore capitis, lumborum, hypochondriorum inflationibus, lipothymiis. Causa immodici hujus fluxus eadem omnino, quæ mensium ordinatè fluentium; & sicuti in hoc sanguis turgescens venulas internam vaginæ superficiem adeuntes divellit, ac per harum extremitates ruptas nomine menstruorum nigricans lentè promanat, donec

subsideat aliquantum ac imminuatur ejus turgescencia, de quo legi meretur *Bohnius œconom. animal. progymnas.* 16. pag. 254. ita in immodico fluxu eadem vasorum vaginalium oscula rupta, necdum occlusa, sed magis hiantia continuo quasi fundunt sanguinem, modo grumosum, modo ferosum, pro habitudine sanguinis & feri hic aut in quantitate, aut qualitate, & motu peccantis atque exitum affectantis. Laxior enim & mollior vaginæ compages admittendis & emittendis sanguinis menstrui ordinarii æquè, ac extraordinarii, copiis magis accommodatur, quàm solidior ac durior uteri substantia. Cum verò affectus hic, si negligitur, ut plurimum *cachexiam*, *hydropem*, *atrophiam* minari soleat, maturavi curam, atque in plethoricis quantitatem sanguinis, indeque natam ferocientem turgescenciam deplevi *Venæ sectione in brachio* feliciter instituta, excedentem ebullitionem & fermentationem ab humoribus biliosis, acribus, salinis volatilibus, sanguini indurctam *uterinis leniter incrassantibus*, & *adstringentibus*, v. gr. *corall. rubr. lap. hæmatit. trochisc. de carab. de spod. pulv. Heurn. croc. mart. adstring. terr. sigill. imo terreis omnis generis, Tinct. antiphthif. Gr. corall. succ. urticæ &c.* in malo contumaciori & refractario cum his *adstringentibus* *sgentia*, i. e. *laudanum de tribus accisa* dosi maritavi. In *hypochondriacis*, *scorbuticis*, ubi sanguinis impetus ex obstructione viscerum, in primis mesenterii, non spontaneus fuit, sed, qua data porta, ruens coactus, ab *Adstringentium* usu *præcordiorum anxietates*, *capitis dolores*, aliaque

symptomata hysterica notavi. Hic omnino locum invenerunt *Laxantia*, sed lenissima, extra paroxysmum propinata, v. gr. *decoct. fol. senn. tamarind.* & quod specificum fuit, *rhabarb.* ipsum in substantia deglutitum. Profuerunt quoque, licet per Accidens, cum *confortantibus* mixta, v. gr. *Tinct. tartar. corall. compos. sperniol. Cr.* aliaque *martialia temperata*, acorem simul absorbentia. Pro meliori tandem viscerum & vasorum firmitudine, nec non fibrarum ac pororum coarctatione, optimo cum successu ablegavi illas ad thermas *Badavino - Austriacas*, ex quibus reduces ordinarium, & naturæ convenientem menstruum fluxum expertæ sunt. In Perillustri quadam matrona notavi *Tumorem exiguum in pudendis*, qui tamen non extra pudoris sinum propendebat, sed, mensibus non fluentibus, quotidie crescebat & intumescebat, valde, mensibus autem fluentibus, qui sæpe intempestivo, aliquando immoderato & continuato ad aliquot septimanas fluxu urgebant, detumescebat. Adnatus fuit *uteri orificio*, cujus substantia cum vagina & pudendis absque hoc spongiosa, rugosa & glandulosa est, in qua varii generis humores stagnare & subsistere possunt, inde tumoris incrementum & decrementum. Tentavimus *injectiones cum aqua calcis vivæ, decocta lignorum* aliaque, irritum tamen conatu; suasi tandem *incisionem*, quam reformidarunt *Chirurgi Viennenses*, atque potius naturæ hoc opus committi, quàm crudele & anceps sectionis remedium experiri decreverunt. Ejusmodi tumorem utero extrinsecus adnatum, tres libras ponderantem, in virgine XXIV.

annorum , felicissimè secuit *Chirurgus Halberstadiensis* , cuius mentionem facit *Frider. Hoffmannus* in *annotat. super Poterii opera* , cent. III. cap. 47. pag. m. 332. & ipse *Poterius* eodem loco , nec non *Blancardus* in *Collect. Medic. centur. 3. observ. 51. pag. 421.* Sarcoma autem totam uteri vaginam occupans , forasque propendens , atque interno ejus orificio adnatum observavit *Kerkringius Spicileg. Anatom. Observ. 53. pag. 114.* ex uteri orificio interiori varias excrescentias membranaceo - carnosas propendentes *Ruyschius* , *Centur. Observ. Anatom. chirurg. 6. pag. 12.* nec non *Bartholinus Centur. I. histor. 94. pag. 139. Centur. II. histor. 6. pag. 161. Centur. II. histor. 58. pag. 248.* *Sege- rus* in *M.A.C. decen. I. ann. 2. pag. 199.* aliique. Laboravit simul *fluore albo* , effluxitque fere indefinenter è pudendis materia purulenta , foetida , sed sine dolore , indicio certissimo , serum seu lympham hic sola peccare copia , deponique in glandulis per uterum illiusque vaginam disseminatis , quæ nimium laxantur , ductus autem excretorii inde valde dilatantur , & sphincteruli , quibus hi ductus claudi recludique solent , à peccantium humorum , qui in vasis sunt fluxiles , jam extra vasa lentescentes & inchorescentes , mucosi , copia magis vel minus resolvuntur. Pro depletione feri excrementitii & viscosi , cum sit plethorica , ordinavi *Venæ sectionem in brachio* , *fonticulos* , *laxantia ex manna* , *rhabarb. fol. senn. diuretica* , *terebinthinata* nempe & *succinata* , *mag. lap. cancr. decoctum dauci* , *aperitivum For. &c.* non omissis quando-

que *martialibus & tartareis.* Serum corrigere , ejusque quantitatem cum sanguine contemperare , nec non uterum glandulasque flaccidas roborare voluimus *infuso ror. mar. cum vino* , *pulv. absorbente Wedel. pulv. ex ebor. unicorn. fossil. off. sep. corall. osteocoll. test. ovorum calcinatis* , *perlis* , *alum. pulv. sacchar. saturn. tinctur. corall. essent. lign. in primis elix. Propriet. rhabarbarino* mane ad 49. guttas , *vesperi verò sequenti pulvere* : *Recipe magist. osteocoll. carniol. āā. Zijß. corall. rubr. prepar. margar. prepar. mastich. gumm. arab. off. sep. unicorn. fossil. ebor. āā. gr. XV. ol. lign. sassafir. gttij. M. & dividatur in V. dos. it.* *Recipe rad. chin. sarsaparill. ā. ʒj. passul. min. ʒiß. mastich. ʒij. alum. plumos. ʒj. semin. anis. ʒj. concis. D. ad nodul. Spec. Säckel zum Wasser siedenden* , pro potu ordinario : nec omisimus *Topica* , inunctiones , suffitus ex *salvia* , *mastiche* , *succino* , *thure* , imo nil intentatum reliquimus , eradicare tamen penitus effectum hunc contumacem non potuimus. Cum autem ex longa praxi constet , *fluorem* hunc *album* quandoque , in primis valde obesis , prout nostra fuit , & jam à lunari tributo fere absoluta , nec adeo enervata , in quibus humores turgent , si non est immodicus , proficuum esse , & pro *fonticulo microcosmi* habendum , qui impedit , ne corpus in majorem excrescat molem , abstinendum jam à medicamentorum usu , & curam ad *thermas majales* differendam duxi. *Hypochondriaci* variis & gravibus symptomatibus his temporibus tentati sunt ; in quibusdam *ventris inferioris viscera* , in aliis *præ-*

cordia, in aliis *cerebri confinia* maximè affici videbantur. Ex multis unicum saltem *hypochondriaci* enarrabo exemplum, in quo syndrome gravissimorum symptomatum apparuit. Vir, ætatis mediæ, temperamenti cholericæ, habitus corporis tenerioris, ipso æquinoctii autumnalis die incidit in *ventriculi dolorem*, quem pressio pede secuti sunt æstus vagi, atrocissimi capitis dolores, cordis palpitantes, anxietates præcordiales, dolor & constrictio in pectore sive gulæ stranguatio, quæ *suffocationem* minabatur, præcordiis enim contractis, non solum respiratio difficilis, & ad motum quemvis laboriosa fuit, sed & non raro supervenerunt animi deliquia, ex quibus laboribus & angustiis sudor erupit frigidus; in partibus extremis notabantur spasmi & stupores cum formicationis sensu & tremore undulante, in somno pavores, terrificis insomniis interturbati, continua intestinorum murmura, in ore sapor biliosus, alvus ut plurimum obstructa. Observavi autem ex symptomatum horum confluxu suffocationes has hypochondriacas plerumque fuisse *spasmos* & contractiones partium nervosarum, ortasque à ventosa & humorosa hypochondriorum sentina. Sæpe ex moestitia nimia, atque diutius continuata, nec non excessiva lætitia, in has incidit ægritudines. In paroxysmo, præmissis *clysteribus*, eximie profuerunt, & omnibus palmam præripuerunt *castorina* cum *anodynis* mixta, v. gr. *pulv. castor. gr. viij. epilept. M. Æ. specif. cephal. g. v. laudan. de trib. g. j. M. it. mist. simpl. cum ess. castor. anodyna* maritata. Extra paroxysmum in eam maximè incubuimus

curam, ut humores viscidos, acidos, obstructionum autores, attenuaremus. Multi in hoc passu multa laudant, atque pro specificis venditant. Nos in tanto medicamentorum apparatu in *martialibus & blandis laxativis*, v. gr. *Rec. Vitriol. mart. g. j. diagryd. sulphurat. g. iij. pulv. hepat. g. vij. ol. carminat. M. gutt. j. M. pro. j. vice*, indubitata semper medelam invenimus, imo hoc pulvere exhibito imminentem sæpe paroxysmum declinavimus; levi enim eguit purgante, quantum vel infans vj. septimanarum, vel minor adhuc ferre posset, sed singulo mense bis eundem *pulverem* in usum vocare debuit, inde alvus octies soluta, & molestissimus affectus sublatus fuit. Non minori voto successerunt *acidulæ Roitschenfes*, quarum usu maximam alleviationem sensit. Jam addam, quæ in Viro ecclesiastica dignitate conspicuo de *Anaudia* notavi. Is LIV. annorum, plethoricus, atque alias *hypochondriaco affectui* obnoxius, jam mense *Julio balbutie linguae* laborare cœpit; non enim tantum in concionibus, sed etiam prælectionibus precum publicarum, quin & in communi conversatione quasdam syllabas & voces inter pronuntiandum absorpsit, vel quasi suppressit, ut vix intelligi potuerit, & sumsit hic affectus sensim atque sensim sua incrementa, donec sub finem *Septembris* mane derepente incidit in *Anaudiam*, sive *impedimentum sermonis*, ut articulatè nec duo verba proferre quiverit, cum *stupore digitorum manus dextræ*, memoria factorum & gestorum, imo reminiscencia reflexiva læsa; neque enim scribendo mentem suam exprimere potuit. Linguam

quam quaquaversum movit, volutavit, exporrexuit, sapidissimè comedit. Graviora metuens *Venæ sectionem in brachio* ordinavi sine mora, nec non medicamenta *nervina, cephalica*, v. gr. *spec. diamosch. dulc. diambr. contr. apoplex. spec. cephal. M. extr. castor. sal. volat. succin. C. C. spir. sal. ammon. cum aqua lil. conv. eff. ambr. lign. aloës, sal. volatile oleosum*, aliaque. Linguam, in primis frenulum, inungi iussi linimento ex *conf. anacardina, alkerm. compl. ol. rut. lavend. cinnam. extr. castor.* His frequenter adhibitis adhuc eodem die sese recollegit, atque intelligibilius loqui cœpit, redeunte simul memoria. Sensus motusque linguæ usus semper perstitit integer, loquelam nunquam amisit, quin potius sermonem exteriorē per motum linguæ exprimere, ob aërem tamen minus sufficienter inter fluctuantes gutturis sinus impulsū & reflexum, non satis intelligibiliter proferre potuit; natum hoc utique vitio *laryngis*, nervorumque sexti paris, qui sunt vocales. Sermo enim impeditus fuit à resolutis aut relaxatis nimium musculorum angustæ laryngis rimæ confringendæ aut angustandæ dicatorum, ligamentis, quorum fibræ sine dubio à sero nimis copiose; vel per arterias, vel per vasa lymphatica ex toto corpore plethorico affluente, flaccidæ redditæ rimulam haud sufficienter pro allusione & extrusione violenta aëris angustare ac disponere valuerunt. Accessit & aliud malum valde suspectum, *fau- cium constrictio*, suffocationem, sive strangulationē mentiens. Hæc aliquoties, sed derepente venit, ipsiusque fauces quasi laqueo constrinxit, libe-

ramque respirationem inhibuit, brevi tamen remisit. Putabant vitium hæere in *pulmonibus*, aut *abscessum* inibi latitare, sed falsò; potius à particulis acidis & austeris hypochondriacis, mediantibus nervis recurrentibus, musculos faucium in spasmos cogendo, viam idcirco aëri præcludentibus, ne à musculis respirationi inservientibus præ angustia loci facta ex & impelli queat, deducendum. Cum verò vidisset, se quidem voces & verba, nondum tamen expeditè, neque semper integro sensu & phrasi proferri posse, urisit ulteriorem curam, quam ob anni ætatem, *autumno præcipiti*, ipsi denegavi, eamque ad incrementa dierum differre volui. Moræ igitur pertæsus incidit in aliquem, qui perfectam mali curam etiam hoc tempore promisit, deditque inter alia *Vomitorium*, ipso solstitio hyberno imminente, quo id assecutus est, ut quidem magnam humorum saburram, fictitium nempe, aut potius *imaginarium pectoris apostema* Vomitu rejecerit, inde alleviationem ad biduum senserit, paulo post tamen in maiorem debilitatem, mentis vacillationem ac torporem, propensionem in somnum, loquelam difficiliorem inciderit. Nec his acquiescere voluit, sed ordinavit *fumifunctionem nicotianæ*, ipsi aliàs infuetam, nervis infestam imo *nervinis morbis exitiosam*; experientia enim constat, *Apoplexiam* inter *nicotianæ* usum sæpe invasisse, teste *Deckero exercit. Pract. p. m. 89. & Richardo Carr. epist. Med. 2. p. 21.* Inde valde obliuiolus factus, & sub initium *Februarii* sequentis anni gravissima *apoplexia* tactus, subitò interiit.

Constitutio Epidemica Sempronienſis Anni 1708.

C Redidiſſes hac hyeme denuo permutata fuiſſe tempora , atque adeſſe æſtatem etiam in frigidiffimis aliàs menſibus. *Januarius* quippe nullum fovit gelu, nullas nives, fuit ut plurimum pluvioſus, nebulosus, humidus, nubilus, calidus. *Februarius* quaſi totus calidus, amœnus, ut plurimum ſerenus, quandoque pluvioſus, ventosus, & circa finem cum modico frigore & nive, quæ tamen altera die evanuit, unde jam medio menſe obſervavimus diverſos flores. Huic ad æquinoctium fere uſque planè ſimilis *Martius*, amœnus nempe, calidus, qui in copia flores elicit. Circa æquinoctium die XVIII. XIX. XX. ſuborti ſunt venti valde frigidi, rigidi, qui congelarunt terram, ſed ſub finem menſis aura iterum comparuit turbida, pluvioſa. *Aprilis* præter morem illuxit ſerenus, calidus, planè æſtivus, raro pluvioſus, ſiccior magis. *Majus* variabilis, ad medium uſque frigidus, pluvioſus, à medio ad finem calidus, amœnus: II. autem, III. & IV. fuerunt pruinae, quæ hinc in vineis damna fecerunt. Totus *Junius* pluvioſus, *Medardus* quoque & *Joh. Baptiſta* effuderunt pluvias, imo nulla dies hujus menſis fuit ſine pluviis. Toto *Januario* præter otalgiam in Viro, miſtum cruentum in filiolo quodam poſt partum, pleuritidem cum diarrhœa, nullos fere vidi morbos. *Variolis* tamen laborantes habui, quorum unus erat VI. annorum, qui eruptis prius tertia morbi die una cum variolis, petechiis purpureis, quar-

ta die antea correptus hæmorrhagia narium mortuus eſt. Menſe *Februario* obſervavi *Apoplexias* fortiffimas, uti quoque febres continuas VII. die ſolutas. Hoc menſe ſcœmina quædam enixa eſt fœtum mortuum, ſecundina remanſerunt, altera die mortua. *Martio* filiolum quendam Ruſſenſem clauſura ani laborantem habui ſub cura, de quo *Sculteti Armentarium* videri poteſt: ſuccurri etiam ſcœminæ otalgia laboranti miſt. ſimpl. mixta cum eſſ. caſtor. De doloribus capitis, Vertigine, diarrhœis cum maximis caloribus, febribus tertianis, continuis, variolis tunc temporis graſſantibus nil adducam. *Aprili*, *Majo*, *Junio* continuarunt variolæ, quas tamen modo in filiolo quodam prægreſſa eſt epilepſia, modo in puella die III. IV. V. ſecuta eſt hæmorrhagia narium, jam in alia die XII. herpes miliaris. Quædam variolæ conſuebant, quibusdam jungebatur ſub initium diarrhœa, quibusdam epilepſia. Febres continuæ catarrhales, diarrhœæ quoque his temporibus in conſpectum prodibant. Menſe tamen *Junio* Variolæ epidemicè graſſantes maximè erant malignæ. Sic eas obſervavi in aliis cum maculis purpureis, in alio cum vibicibus, in alio ſuborti ſunt XII. die furunculi inſtar anthracum, in aliis tumores & parotides inſtar bubonum; aliis palatum, gingivæ, fauces fuerunt exefæ: alios conſumpſit calor hecticus, inflammatorius, & fuerunt hæ variolæ funeſtæ die X. XXIII. XXVII. Sic malum, ſive venenum varioloſum in Gratioſo parvulo

vulo Ebergeny fuit insanabile, adeoque plus docta valuit arte. Incepit morbus cum *horrore*, quin ingentes exceperunt *calores*, quandoque *deliria*, *sitis magna*, *pulsus celer*, *languores* totius corporis, tertia die eruperunt *variolæ*, quarta *maculæ petechiales coloris purpurei*, guttarum instar copiosè per cutem dispersæ, inde variolarum excretio retardata fuit, quæ tandem omnes coierunt in *unam*, totamque faciem *crusta*, sanie foetidissima referta, contexerunt. Undecima die supervenit *diarrhœa*, brevi tamen consopita, die XII. aliæ effloruerunt *vesicæ, aqua limpida flava*, quandoq; *sanguine remixto*, plenæ, quæ ordinarias contexerunt *variolas*, magnitudine *ovi columbini*, imo *ovi galinacei*. *Sie haben ausgesehen vwie die ordinairen Zangen - Blattern, so durch ein Vesicatorium aufgezoogen vwerden, oder als vvenn man sich in heiss - siedend Wasser verbrennt hätte*, & steterunt per biduum: die XIV. notavimus in dorso lateris dextri *tumorem*, qui nullo modo maturari potuit, sed resolutus tandem colum occupavit, omnemque maturacionem respuit, imo sese resolvit: interea *calores* continuarunt intensi, accessit *tussis* cum expuitione *materiæ purulentæ*, quandoque *sanguinis*, *fætor oris* fuit cadaverosus: indicio certissimo, pulmones variolis repletos, valde esse inflammatos, exulceratos, ut plurimum consumptos, si non *sphacelatos* XXIII. demum die pauperculus viribus jam exhaustus obiit. Post mortem observata tota *facies* & *abdomen nigerrimum*, ex quo colligendum, non solum totam massam sanguineam, verum etiam omnia vis-

cera corrosivo hoc veneno varioloso fuisse infecta, tandem *sphacelata*. *Julius* magis pluviosus fuit, quàm *serenus*. *Augusti* initium æque pluviosum, quinta incepterunt *calores*, qui toto mense continuarunt. *Ægidii dies* sine pluviis, & per totum *Septembrem* mira aëris siccitas, *calores præfervidi*, intensissimi, etiam nocturno tempore, qui durarunt usque *æquinoctium*, mane ros cecidit, & supervenerunt *nebulæ fructiferæ*. Flavuit ut plurimum hoc tempore *auster*, bonum alias constantis tempestatis signum. *October* ultra medium serenissimus, pulcherrimus, calidus, d. XIX. XV. noctes frigida, inde in aliquibus promontoriis botri congelati, superveniente tamen solis splendore statim regelati; d. XXVII. ante festum *Simonis & Judæ* ingentes ceciderunt *nives*, dies festivus, nempe XXVIII. valde *serenus*, sed *frigidus borealis*, XXX. nec non XXXI. iterum *ninxit*, sed *tertia nix* absumpsit priores, ut jam sine damno vindemias nostras uberiores, præter expectationem, colligere potuerimus, neque nocuerunt *nives*, potius conservarunt botros à frigore, vinum autem, quod crevit in abundantia, fuit generosissimum, suavissimum, dulce. In *Novembri* aëris temperies longè benignior, & quidem calidior affulsit. *Decembri* aëre mutato ceciderunt d. VII. VIII. X. *nives copiosæ*, profundæ, mox secuta frigora, & circa finem denuo *nives*. Mense *Julio* continuarunt *Variolæ malignæ*, neminem tamen, qui X. annum excessit, hoc tempore invaserunt. Accedebant semper cum *somno*, ita ut nocte dieque dorm verint III. aut IV. diebus. *Aug-*

gusto nulli fere morbi viscebantur præter *diarrhœas* & *dysenterias*. Circa finē ob continuas aëris siccitates, calores præfervidos, Sirio insigniter urente, inceperunt *febres erraticæ*, quæ nulum typum ferverunt, invaserunt cum aliquali frigore, insequente calore, aliquando ultra XX. aliquando ultra 40. horas durante, post apyrexiam aliquot saltim interjectis horis novus paroxysmus accessit, cum *capitis dolore*, *siti*, *linguæ & faucium squalore virium debilitate*, ita ut *febrem continuam* fore judicasses, donec tandem transactis aliquot paroxysmis in *tertianam ordinariam* degeneravit, quod ut plurimum circa septimum diem contigit. Adhibui *V. S. diaphoretica*, præcipitantia, quamprimum verò notavi *tertianas*, aut *tertianas duplices*, exhibui statim *chinata cum arcan. dupl.* optimo cum successu. Septembri continuarunt *febres tertianæ*, sexto paroxysmo solutæ, ubi optimè profuerunt *chinata &c.* De his febribus erraticis vid. M. N. C. Dec. III. ann. VI. p. m. 177. app. nec non H. M. V. p. 300. Inter alia notavi, *animi affectus* quid possint. Officialis quidam incidit in ejusmodi *febres*, præcessit horror, secuti sunt calores, qui in IV. durarunt diem continui cū anxietatibus præcordiorum, aut pectoris compressionē, ut sæpe in lecto erectus sedere debuerit, cum capitis dolore, siti, deliriis &c. Adhibita *Venæ sectione in brachio & pede quinta die remisit calor*, qui tandem undecima intermisit, ut jam extra periculum judicatus fuerit. Quid sit, accepto tristi & ingrato nuncio repente incidit in *somnum profundum*, & quasi in *ecclasin*, ut exinde experge-

fieri non potuerit, tandem applicatis *clysteriis*, nec non *Vesicatoriis* intra XV. horas ad se rediit, omnium rerum inscius, vix loqui valens præ nimis debilitatibus, at eodem die relabitur in priorem *somnum profundum*, sicque elapsis vix XII. horis, accedentibus *convulsionibus*, sine febre *comatosus* fati cessit. Pari ratione nobilis matrona, quinquagenaria, temperamenti seroso-biliofi, habitus carnosioris, in sterili matrimonio semper existens, tributum tamen lunare suum accuratè, sed largissimè persolvens, *hypochondriacis* nec non *hystericis passionibus* valde obnoxia, jam à longo tempore valetudinaria, incidit sub finem mensis *Septembris* in *febrem continuæ subsimilem*, quæ rite tractata degeneravit in *tertianam exquisitam* septimo paroxysmo judicatam. Reliquit autem post se *summam virium prostrationem*, *anorexiam*, *capitis gravitatem*, *anxietates*, *cachexiam* ipsam. Urina, quam hætenus reddidit, fuit turbida, cum sedimento copiosissimo, mucoso, coloris rosei, non tamen foetens. Materiam hanc hypochondriacam, quam natura, optima morborum medicatrix, per ductus urinarios excretam voluit, jam motam, promovimus *digestivis*, *aperientibus*, v. gr. *pulv. hepat. tartar. vitriolat. arcan. dupl. sal. cicbor. lap. cancr. tinct. sal. tartar.* tandem *decoct. aperit. For. cum fol. senn. & manna* acuato. Quinquies inde deiecit, relicta tamen aliquali, sed torminosa in intestinis *hypercatharsi* ad biduum; qua sedata melius sese habuit, atque *ordinarius mensium fluxus* instituit. Octiduo post, i. e. quarta *Februarii*, observavi pulsum alteratum, iusto cele-

celeriores, sexta vesperti affectum soporofum, propensionem nempe gravem & invincibilem in somnum, re ipsa dormivit, & excitata oculos aperuit, ad interrogata paucis, sed appositè respondit, de nullis doloribus conquesta, mox relapsa in somnum; si adstantes devotas ac pias cantilenas canere inceperunt, ipsa simul expergefacta statim cecinit, neque ante cantare destitit, quàm inchoatam absolvit stropham, adeoque semper sibi fuit præsens, omnes cognovit, nunquam sensibus neque internis, neque externis, neque motu destituta, sed valde debilitata, & ad actiones more solito obeundas languida, respiratio fuit integra. Calor febrilis notabatur p. n. lentus, acris & mordax, qui vespertino tamen & nocturno tempore intensior, pulsus celer, mollis, facies pallida, subtumida, quasi leucophlegmatica, oculi ultimis diebus quasi turbidi, lachrymabundi. Opposui huic Comati soporoso varia, v. gr. castorina, cinnabarina, jovialia, sal. volatilia, succin. C. C. cum pulveribus epilepticis & confortantibus remixta, nec non Vesicatorium nuchæ applicatum, sed sine operatione, imo irritato successu omnia, donec tandem somnus hic p. n. septima die corpus fratri suo morti tradidit. Paulo post mortem è naribus copiosè stillavit ichor serofus. Verissima igitur manet observatio Wedelii opiologiae inserta, p. m. 46. qua fatetur, se nunquam vidisse affectum soporofum verè talem, ubi non adfuisset calor p. n. simul, quod & ipse aliquoties jam in praxi observavi. Eodem mense Illustrissima Comitissa gratiosam enixa est filiam, quæ

lac sugere ex papilla non potuit, sed id per nares summa cum molestia & anxietate reddere debuit. Examinatis faucibus, columella & tonsillæ cum postica parte palati abfuerunt, unde lac, quod deglutire non potuit, per nares resultavit. Non diu superstes fuit, tertio enim à nativitate die, accedentibus motibus convulsivis fatis cessit. In causas inquisituri, quare natura in formando corpore à recta formatione & scopo deflexit, harumque partiū deficientium oblita fuit, sciant, Illustrissimam matrem libenter & quidem attentè ac consideratè sæpe in distractos canum & felium rictus ludendo inspexisse, adeoque horum structuram fortiter sibi impressisse. Interim Wedelianum porisma, uvulam nempe ad deglutitionem eximiè facere, manet verissimum. Parallela aliquo modo hisce exempla, si cui volupe fuerit legere, adeat Observationes Wedelii recensitas in M. A. N. C. legat Dec. II. Observ. 5. ann. 5. M. A. N. C. p. 12. nec non Salmuth. observ. med. 6. cent. 3. pag. 115. ubi similes reperiuntur casus. Febres erraticæ adhuc dum Octobri continuarunt, calores autem non adeo fuere intensi, interim observavi hæmitritæos, ubi febris una die bis venit, & altera semel. Vice-Colonellus quidam ex febre colica biliosa cum vomitu correptus incidit in deliria, ex his in convulsiones epilepticas, qui tamen evasit. Sic alius quidam Vir laboravit febre continua cum maximis debilitatibus, capitis dolore, corrosione & torminibus ventris, sexta supervenit fluxus alvi, septima icterus, qui occupavit totum habitum corporis, cum dejectionibus

albis, urina saturatiori, nigricante, oleaginosa, proclivitate in somnum, & solvit calores. Ab initio dedi diaphoretica cum confortantibus mixta, caloribus verò jam abactis spec. diacurcum. cum pulv. rhabarb. tartar. vitriolat. sal. cichor. trochisc. de eupator. &c. Novembri inceperunt grassari morbilli ut plurimum benigni. Tussis ferinæ atque catarrhi frequentissimi. Mense Decembri continuarunt

adhuc morbilli, qui tamen sub finem anni maximam induerunt malignitatem, fuerunt valde parvi cum maximis catarrhis, fuerint &c. Quidam correptus ex febre maligna cum diarrhœa, vomitibus, singultu continuo, tandem adhibitis V.S. stypticis, castorinis, nec non opiatibus, quæ pro dosi ad gr. iß. præscripsi, nona die convaleuit præter omnium expectationem.

Constitutio Epidemica Sempronensis Anni 1709.

J Anuarius incepit cum frigore, quod à die V. ad XII. valde exasperatum, imo post hominum memoriam acerbissimum fuit, remisit tamen ad aliquot dies, d. XVIII. verò iterum intendebatur, verbo, nives ceciderunt supra nives, gelu supra gelu, & continuavit per totum mensem. Mense Februario continuarunt frigora, imo III. & IV. ceciderunt nives copiosissimæ cum horrendo gelu & ventis, ut homo in plateis vix ire potuerit, quam tempestatem nemo unquam observavit, adeoque vera fuit rusticorum observatio: Sole micante, die purificante, nix major erit, quàm ante. Sol enim hoc die splendebat. Post novilunium remisit gelu, sed rediit die XVIII. XIX. ingens cum nivibus, quod continuavit: die XXV. & XXVI. longe majores ceciderunt nives cum omni tempestatum insolitarum, frigorum & ventorum genere, quæ præcluserunt ubique vias, arbores frigoribus obnoxias deusserunt cunctas. Duravit hoc in Martium usque. Continuavit enim & hoc mense gelu una cum nivibus, quæ copiosè ceciderunt, ad æquino-

etium usque, adeoque hyems hujus anni fuit summa, tempestas lævissima, nivis altitudo maxima, cujus nulla hominum ante nos recordatur memoria. Jam mitesciente hyeme jucundiora & calidiora affulserunt tempora. Aprilis enim fuit valde amœnus, serenus, calidus. Majus tamen erat frigidus, pluviosus, XVII. die nixit. Junio denuo calida, sicca tempestas observabatur. Mense Januario continuarunt adhuc morbilli cum tussibus vehementissimis, catarrhi; febres continuæ septima die solutæ, quæ tamen levissima occasione redierunt. Hoc mense in puella octenni observavi menses ordinarios. Februario grassabantur petechiæ, febres continuæ, & matrona quædam mortua est comate somnolento septima morbi die, Martio visebantur morbilli, herpes miliaris ex puerperio. Catarrhi fuerunt frequentissimi, & apud infantes cum febre continua. Febres continuæ, petechiales adultos quoque invadebant, quæ posteriores per totum Aprilem observabantur. Mense Majo morbi præter catarrhos, febres intermittentes, ferè nulli. Virgo tamen quæ-

quædam nobilis hoc mense *sphacelo ex colica biliosa* duarum dierum fuit mortua. Erat hæc ipsa virgo XXXII. annorum, atrabilaria, quæ d. IX. *Maji* derepente vesperi incidit in sævissimos & *acutissimos ventris dolores*, qui *dextra magis parte* cruciarunt, atque modo sursum, modo deorsum iverunt, in primis verò *regionem umbilici usque ad scrobiculum cordis* occuparunt, tanta sævitie, ut existimaverit se veru ignito perfodi, uiserunt vomitus, *anxietates summæ*, adfuit *omnimoda excrementorum & flatuum retentio*; ordinavimus frequentes *enematum injectiones*, nec non *aquam laxativam*, quam prima vice rejecit, altera verò retinuit, irritato tamen conatu omnia. Secunda enim die fluxerunt *mensæ coloris nigerrimi*, accessit paulo post *singultus*, mox *totalis fere tum pulsus, tum caloris extinctio*, salvis sensibus motuque membrorum illæso, quam refrigerationem non percepit, quin potius de intensissimis caloribus internis, quasi candenti ferro intus adusta fuisset, conquesta, manibus glaciei instar rigidissimis subinde loca petiit frigidiora, eademque die, i. e. secunda *Martii* vesperi mentis tamen compos, velociter, sed feliciter humanis rebus erepta est. Succihic intestinales, in primis biliosi, acres inter plexus nerveos mesentericos, nec non fibras intestinales hærentes, atque in illarum anfractibus conclusi, acrimonia sua tormina & cruciatus excitarunt terribiles, atque in fundum Ventriculi penetrantes Ventriculum ad vomitus & singultum stimularunt, arsenicalem autem naturam mox induentes intestina instar mineralis veneni assumti, corroserunt, dilacerarunt,

atque in ea more perforantis terebellæ, aut spinæ infixæ, se infixerunt, inflammationem conciliarunt, & stagnante in capillaribus sanguine, acrimonia sua corrosiva in momento fere intestina sphacelarunt, quasi in ferventissimam aquam immerfa fuissent. Similes casus vid. apud *Job. Sophron. Kozack de sale, cap. 6. sect. 15. pag. 260. Dominic. Panarolum Observ. Med. 50. Pentecost. 4. p. m. 139. Segerum observ. 82. dec. I. ann. III. M. A. N. C.* Mense Junio morbos nullos observavi, exceptis febribus tertianis, nec non casu infelici cujusdam Domini, febre continua laborantis, quam die IX. exceperunt terribiles convulsiones epilepticae, inde secuta deliria &c. Calores intermiserunt, deliria vera remanserunt. Sub initium quartæ septimanæ observavi novos calores ex scorbuto ortos, cum maculis scorbuticis purpureis, vigiliis, continuis, deliriis, nec non copiosa sanguinis per inferiora partim grumosi, partim floridi ad tres medias ejectione, inde summa virium prostratio, & cum fine quintæ septimanæ mors. *Julius* hujus anni fuit valde ventosus, quandoque præter morem austerus, frigidus, sine pluviis fere. Totus *Augustus* erat valde calidus, exceptis sub finem aliquot diebus, qui fuerunt ventosi, frigidi. Frigus quoque observabatur per totum *Septembrem*, qui ut plurimum pluviosus fuit. *Ægidii* die usque ad prandium pluebat, in Festo *Matthæi* circa vesperam habuimus ingentia fulgura, tonitrua, pluvias, sed sine grandinibus. Mense *Julio, Augusto, Septembri, Octobri* insolite sine ætatis discrimine sævierunt febres, peculiarem enim habue-

runt naturam, invaserunt cum modico horrore, mox caloribus continuis, ut etiam peritissimi credidissent, adesse febres continuas malignas, vomitibus, alvi fluxu, siti, doloribus capitis, vigiliis, V. demum die remittente calore degenerarunt in intermittentes exquisitas, quæ pro subjectorum temperamentis, sanguinisque ac humorum constitutione modo contumaciores, modo benigniores fuerunt. Paroxysmum imminentem ut plurimum comitabantur frequentes dejectiones biliosæ, nec non Vomitus terribiles cholerae instar. Evomuerunt quippe modo frustra pituita coagulata, viscidæ, modo bilem flavam, modo viridem, modo vermes αἶμα & κάρω copiosos, diebus intercalaribus cessarunt vomitus, alvi fluxus. Versipellis hæc febris epidemica quosdam invasit cum exanthematibus urticae puncturis similibus, quæ calore retrocedente recesserunt, & calore redeunte redierunt. In duabus personis, una XVII. altera XXX. annorum, observavi his febribus supervenisse apoplexias fortissimas lethales. Rarò servarunt statuta sua tempora, sed quandoque X.XII. horas præponendo & anticipando virulentiam suam ad 30. aliquot, imo 40. horas exercuerunt, quandoque unus paroxysmus excepit alterum, donec tandem peregrino materiae miasmate sufficienter dissipato & extincto, septimo, aut ad summum octavo paroxysmo terminatae sunt, relictis post se pustulis & fissuris in lingua, inflammatione faucium, abscessibus, semper autem virium prostratione summa. Venæ sectio etiam in principio adhibita nil profuit, quin potius febrilis paroxysmus post ejus administrationem incremen-

tum sumsit, sanguis autem extractus floridissimus apparuit, & natura magis debilitata fuit. Conduxerunt blanda diaphoretica, quæ paroxysmos in ordinem redegerunt, & post tertium paroxysmum laxantia die à febre vacuo exhibita. Tandem devenimus ad antifebrilia, uti sunt salia amariuscula, quæ incidunt, serumque attenuant, v. g. sal absinth. C. B. centaur. min. arcan. dupl. nec non alcalica fixa, pulveres nempe insipidos ac terreos, quales sunt lap. cancr. specif. febril. Cr. Omne autem fere punctum absolvit decantatissimus cort. peruv. cum salibus mixtus, & evacuato jam corpore, i. e. ante accessum V. VI. & paroxysmi propinatus, septimum vel ad summum octavum paroxysmum subegit, atque hac ratione febrem hanc jugulavit. Rimatus causas procatacticas epidemialis hujus febris, aëris anomaliae & intemperiei, nec non largiori potui propter calorem externum vix tolerandum eam adscribendam duxi. Augustus enim, qui fuit calidissimus, poris nimium apertis corpora sudore copioso manare fecit, inde serum absumptum, aut subtractis partibus tenuioribus biliosæ particulæ auctæ, atque hoc modo acrimonia biliosa, fermentifica, irritativa enata, quæ licet à largiori potu dilui, & serum refundi videretur; Ventriculi tamen & intestinorum tonum labefactavit, & ad excernendum αἶμα καὶ κάρω plus justo contenta citavit. Utut non negandum, febres has epidemicas ex miasmate, aëris sobole, simul aliquid participasse. Non fuerunt contagiosæ, imo si rite tractabantur, nulli funestæ, ex incuria tamen & negligentia, aut medicastro-

rum præpostera & perversa cura ac imperitia accedente *cachexia* & *hydropse*, multis exitiosæ. Et hæc ratio est, quòd in aliquibus locis Hungariae ex defectu medicorum & medicamentorum, aut perversa, aut neglecta cura hæc febres *malignitatem pestiferam* assumerint, in primis si ex miasmate, aëris sobole, aliquid par-

ticiparunt. *Febres petechiales*, quæ tamen autumnò præcipiti quotannis sunt frequentissimæ, hoc anno vix observavi, & si vidi, fuerunt *benignæ*. *Diarrhææ* atque *dysenteria* eodem tempore frequentes quoque fuerunt. Infantes, quos corripiebant, si superarunt *nonum diem*, evaserunt.

*Dn. D. Josephi Lanzoni Constitutio Epidemica Ferrariensis
Anni 1729.*

O Quam amara est, ac semper erit, apud Ferrarienses memoria anni hujus 1729.; cujus calamitatis initium fuit Lunaris cursus Septemb. anni elapsi 1728. Tunc enim austro spirante

*Post largos imbres pluviamque
madentem*

incepterunt aquæ pertinaciter adeò super terræ faciem effusæ, ut totam telluris superficiem aquis pluvialibus contactam, semina futuræ messis respuentem, inspicere fuerit coactus infælix noster Agricola:

Hinc moderatrix Cynthia noctis

in quavis periodo aqua pluviali scatebat, & usque ad Majales dies cœli claritas non effulsit, sic corruptæ in imis vallibus aquæ foetentes dabant nebulas, & in illis, non ex illis, penè infinita oriebantur insecta, hinc erucæ, culices, muscæ, & varia ranarum & bufonum genera totam terræ superficiem infecere, quod

fortè corruptionis aquarum ac aëris signum evidens fuit; sic apud *Plutarchum* legitur, artem medicam pestilentem æstatem ex aranearum frequentia prænunciare; Accessere æstivæ Lucæ, cum derepente in Vinariis cellis totus Bromii liquor excaudit, qui erat solatium cordis, & in ipso excitata præternaturali fermentatione, mutato colore, sapore, ac motu, ejus omnis compages vitata computruit; unde rectè caneret *Silius*

Et marcida vina largiuntur;

Hic ego exclamavi cum discipulis meis, ô nos infelices, ex vini corruptione humorum dyscrasiam experiemur; inter vinum & sanguinem enim intercedit mutua analogia; unde ex illius putrescentia corruptio humorum nostrorum erit timenda; & hic coepere in hominibus febres, primò sub *tertianæ* figura cum vomitibus, ac alvi fluxibus biliosis, aliisque pravis stipatæ symptomatibus; nullis cedebant remediis, à Venæ sectione complicabantur. Et hic bilem continere ne-

queo, cum enim in meis publicis ac privatis Lectionibus, in meis scriptis, typis datis, docuerim venæ sectionem Panaceam non esse, imò suadente *Celfo* anceps esse ac periculosum præsidii tale genus, attamen, velut si esset aqua fluminis, sanguis inutiliter, imo damnosè, disperditur, & cū venæ sectio sit magnū remedium, non nisi urgente necessitate in morbis magnis, ac internis inflammationibus, apoplexiis usurpari deberet; Ast in tertiana suafu Doctorum, & speciatim *Joh. Fortis*, *Ramazzini*, *Rolarii* &c. Venæ sectio usurpata duplicat febrem, ut in praxi faciendā meis ostendi Tyronibus; ex missione enim sanguinis fomes tertianæ febris, stabulans in primis viis, mutato loco in venas transit, unde ardens facta morbus evadit lethalis; & ut verum candidè dicam, nescio in quo libro Doctorum legerint hæc isti nostri Pseudo-Medici vel non studentes, vel non legentes, aut non intelligentes, quod pejus est: Ast redeamus in viam; si à cortice Peruviano sistebantur istæ febres, post paucos dies in fortiores redibant, imo in vaso tota afficiebatur familia,

Cui latebat in corpore pestis,

& brevi temporis intervallo repleta Nosocomia, & nulla penè domus à furore hujus febris exempta; omnia monasteria ægrotabant, & nullus in urbe locus ab hac lue immunis evasit: In multis causa mutato loco febres produxit ardentes, unde ad plures, sive ad Alibanthas, migrarunt,

Quos labor & duræ rapuit inclementia Mortis.

Nec audax lues timuit Principis habitaculum, sed sacram illius ædem ingressa ejusdem turbavit venas, & pene totam illius familiam solita febris affecit, atque multos aulicos enecavit,

Perque omnes sævit Mors inopina vias.

Sanctimonialium Septa pene omnia febricitabant, multæ Ecclesiæ absque sacerdotibus erant; & sine sacrificio populus remanebat, præsertim ruri, ubi pessima ista lues totum expandit vexillum. Hic mihi notare liceat plebeios non nullos, neglectis remediis, solo usu vini generosi convaluisse, & ego justè fateri possum me, meosque familiares, hac febre affectos fuisse, & nunquam vini potum reliquisse, & ego in hac constitutione recidivans solo usu pul. Chinæchinæ, aut Cascarillæ cum vino malvatico ad plures vices assumpto, convalui, cujus pulveris ac vini potioni successit alvi fluxus, ac si assumpsissem Cassiam, vel Mannam.

Accessit Autūnale æquinoctium, quo tempore putarunt multi hujus constitutionis finem videre; sed incassum spes ivit, nam post æquinoctiales dies multi denuo ægrotarunt, alique nondum febrem passi, Octobris diebus, hac febris affecti, affectionis hujus tyrannidē experti, in febriles insultus incidere: Sic Mater ministrans filiis ægrotavit, sic Dominus servis, sic maritus conjugi, sic familiares invicem sibi effervescentias febriles communicabant, ita ut omnis penè familia ægrotaverit. In nonnullis variabat febris, & præsertim in recidivis, unde modo sub forma hemitritæ, nunc rheumaticæ febris, nunc deli-

ræ &c. morbus redibat, aliquando absque ullo remedio cessabat, nunc in quartanam transibat, modo in pustulas, ac scabiem commutabatur: in aliquibus apparuerunt vermes, per vomitum & alvum excreti, modo vivi, nunc mortui, quod fortè indicium erat summæ corruptionis humorum in primis viis stabulantium, urina in aliquibus turbida reddebatur, ac penè jumentorum lotio similis, in aliis albescent, subviridis, ruffa, sabulosa, ac fætentissima; unde judicavi concoctiones non fieri in corpore, sub potus corruptione; Liberi enim à febre pristinum colorem non recuperabant, vires non redibant, nutritio impedièbatur, & excrementa semper biliosa, vel cruda, concoctionis signa non dabant. Bombyces in veris initio catervatim peribant, volucres fugère, pisces solummodo crescebant. Nonnullis apertis Corporibus hoc morbo dēnatis, in ventriculo ac omnibus intestinalibus inventa est magna Copia humoris viscido flavo-viridis, una cum aliquibus maculis lividis in ipsis intestinalium tunicis; vesica fellis erat in statu præternaturali, nam liquor felles penè gypseus erat, mutato sapore, sicuti succus pancreatis austerus apparuit, cætera vero viscera erant sana, & ne minimum quidem à statu naturali recedebant; in aliquibus non nulli vermes in intestinis reperti sunt, in aliis non.

Communes autem morbos à communibus causis progigni certum est, ut etiam fatetur Cl. Ramazzinus; communes verò causæ sunt potissimum aër, alimenta mali succi, & aquæ corruptæ, ita in nostrâ urbe, & agris, hæc fuere morborum hujus

constitutionis causæ, & femina, ex his ergo omnibus, sed promptius ab aëre tanquam è communi fonte, è quo nemo non potare cogitur, morbos quosdam derivari, qui multos eodē tempore afficiant, omnium pariter est consensus. Ad hanc porro nostram *epidemiā* excitandam, in unum convenisse, & aërem vitiatum, & prava alimenta ingesta fas est arbitrari; primum quidem locum aëri à sua naturali temperie, non solum secundum anni tempora recedenti, sed particulis humanæ naturæ incongruis ad satietatem pleno concedendum dixit Cl. Ramazzinus; secundum autem locum pravis alimentis & aquis vitiatis; Quamvis autem de miasmate contagioso aliqua posset esse suspicio, namque in unâ domo uno infecto, statim alii ejusdem familiæ febricitabant; id tamen potius in communem diathesim ad maturitatem eodem tempore evectam, non secus accum Autumno fructus omnes eodem tempore maturescunt, referendum puto potius, quàm in effluvium aliquod contagiosum, exiens è corpore primi ægrotantis; Hic autem non pigeat referre *remedia*, quæ, ut sciam, fuere ægris apposita, ut hæc febrilis prava constitutio evinceretur; Primò non nulli medici in principio leniens pharmacum exhibebant, mox cucurbitulas scarificatas dorso applicabant, inde pul. Chinæ chinæ propinabant, & febris sistebatur saltem per aliquot dies, si verò redibat, iterum China porrigebatur, ita ut aliquis fuerit qui plures libras talis pulveris sumserit: Alii porrò medici sanguinis missionem celebrabant, & febres duplicabantur; multi assumpsere pulverem rad. contrajervæ, corticum laurantiorum, corticum

ticum med. fraxini, decoctum amarum D. *Lemeri*, coriandr. pulv. Theriacam *Andromachi*, rad. *Carlinæ*; alii experti sunt *Mithridatii* usum frequentem; *Diascordion Fracasiorii*, Decoctum centaur. & verbenæ, vinum absynthio correctum, *Chinæ* corticem actuabant alii addendo modo rhabarbarum, modo cremor. tartar. vel Sal. catharticum *Angliæ*, ad hoc, ut fusi humores corrupti in primis viis facilius per alvum exirent; Ego verò, quod ad me, quotiescumque assumo in vino pulverem chinæ febrifugæ, statim alvi fluxum patior, ac si cassiam, vel mannam, susciperem; Ol. nostrum contra pestem, vulgò *del Cartagna*, à multis adhibitum fuit, sicut etiam vomitoria ipsa, & immensus aquarum potus; verum ait

Ramazzinus, quid opis expectandum in his febribus ab aquæ potu? imo ex ejus usu sanguis pigriore motu per vasa efflueret, ac tandem cachexiæ & hydropes succederent; uti accidit in *Juvene* à *Ramazzino* memorato; ego certè modico vino sum usus, nec unquam vidi aliquem pravam effectum ab eo: Infinita propemodum curavi corpora in hac constitutione, & justè fateri possum, neminem affectum febris talis constitutionis, à me curatum, mortuum fuisse, præter duas fæminas, unam 65. annorum iliaca passione necatam, aliam ex suppressione mensium, inflammatione cerebri extinctam. Hæc currenti *Calamo* scripta sint in memoriam hujus constitutionis pessimæ. (*Ferraria Altorsum m. Febr. An. 1730. missa.*)

Dn. D. Caroli Friderici Lævv Historia Febris Catarrhalis, quæ annò 1729. Mens. Novembri & Decembri per Europam Epidemicè grassata est, cui accedit Constitutio Epidemica Anni 1730.

Quanto, quamque indefesso labore Societas Imperialis L. C. Nat. Cur. cum in rariorum perscrutatione, tum in utilium tam physicalium, quàm medicinalium rerum detectione à primis incunabulis ad hæc usque tempora, usa sit, Acta atque Volumina nostra satis superque testantur. Laudem merentur *Bauschius*, *Febrius*, *Volckamerus*, *Schræckius*, aliique tanto majorem, quo sæpius à Membris Academicis eorum communicationem petierint, quæ utilitate majori se commenda-

verint. Atque hinc est, quòd toties de constitutione aëris non modo, sed & de morbis epidemicis accuratiorem descriptionem efflagitarint. Quo magis autem hac ratione inductus Parens piè defunctus, & de mutationum aëris genuina annotatione, & de affectuum inde dependentium diligentiori observatione, & de probatissimorum remediorum consignatione Societati per multos annos sollicitum sese præstitit; hoc fidelius hæc ipsa ex Auctoris schedis posthumis æque recensita, ac in ordinem digesta, sub titulo

Histo-

Historia Epidemicæ Hungariæ, Act. Phys. Med. A. C. L. C. N. C. Volumini I. deinde à me sunt annexa. Neque per plures annos à me conscriptum, atque publico bono destinatum opusculum de *epidemicâ Viennensi constitutione* denegaturus, si sese hæc qualiscunque opella lectori probaverit. Hujus summa est oppositio *febris catarrhalis*, quæ *An. 1729.* sigillatim mense *Septembris* atque *Octobris*, *Viennæ* epidemicè grassata est, atque eo accuratiori delineatione opus habet, quòd hujus mali semina non tantum per *Sueciam*, *Daniam*, *Hollandiam*, *Angliam*, *Hispaniam*, *Galliam*, *Helvetiam*, *Italiam*, *Austriam*, *Germaniæ partes reliquas*, *Hungariam*, *Poloniam*, totamque *Europam* eodem tempore sparsa sint; verum & in curatione cautelæ non nullæ occurrerint, ut non adducam, morbum hunc esse *rariorem*, neque quotannis *obvium* neque ab ullo sufficienter *descriptum*. Utut enim & *Schenckius* in *Præfat. ad Libr. obs.* mentionem faciat *febris catarrhalis*, quæ *anno 1580.* præter *Germaniam*, *Italiam* adeo afflaret, ut vel *Romæ* saltem ultra 9000. hominum illata strages excreverit: & *Antonius Menjotius* in *Dissertat. Patholog.* p. 140. *tussim* ferinam, contagiosam, malignam, avorum memoria *populatim* sævientem, & à *cucullo*, quo capita solebant operire, *coqueluche* vulgo dictam recenseat: & *Nicol. de Blegny* in *Zodiac. Med. Gallic.* sive *Miscel. Med. Phys. Gallic.* *Ann. I.* p. 184. paucula quædam de *catarrho* *anno 1679.* epidemio, *tussi* perpetua, *vigiliis*, *oppressionibus*, *febre* continua, *dyspnœa*, *pleuripneumonia* stipato, multis lethali, atque

Tom. II.

remediis ordinariis non cedente, nobis reliquerit; superficialia tamen sunt, neque animum curiosiorem exsantiant. Adeat, cui volupe est *Thomam Sydenham*, *Præcticum* quondam *Londinensem* celeberrimum, ubi præter ea, quæ *Doctissimus Carolus Raygerus*, *Pannoniæ* decus illustre, atque *Paulus de Sorbait* nobis de *tussibus* tradidere, quæ *anno 1675.* per *autumnum* longè lateque depopulatæ sunt, plura adhuc inveniet. Quod enim *Car. Raygerus* *Ephem. Germ. Dec. I. Ann. VI. & VII.* p. 312. annotavit, dum per totum *Septembrem*, mediumque *Octobris* anni citati, ob insolitam æris temperaturam, æstatem *pluviosam*, insequentem *autumnum inæqualem*, modo *serenum*, modo *pluviosum*, insolitos etiam *catarrhos Posonii*, *Viennæ*, per totam *Austriam*, in *Silesia*, inprimis *Uratislaviæ*, imo per totam *Germaniam*, homines eodem tempore, eodemque prope modo cum *rigore* & *calore* invasisse, nemini tamen exitiosos fuisse scribit, illud *Thom. Sydenham* in *Praxi Med. Experimental* p. 275. & 304. seq. non solum confirmat, dum sub finem *Octobris* ob tepidam, atque ad instar æstatis placidam tempestatem, derepente in *frigidam* *humidamque* mutatam, *tusses* numerosiores grassatas adducit, quàm alio quovis, quod meminit, tempore, nemini fere parcentes, cujuscunque is fuerit sive *ætatis*, sive *temperamenti*, integras verò familias simul pervadentes; sed etiam evincit, febrem hanc *catarrhalem* fuisse eandem epidemicā quæ *Julio 1673.* ingressa progrediebatur, cum & hæc antequam *catarrhi* se ostenderent, & illa, quæ post *catarrhos* permansit, æquè, ac *catarrhalis*,

lis, semper cum dolore capitis, dorsi, atque artuum quoslibet aggressa sit, atque V.S. aliisque similibus medicamentis tractari debuerit. Idem & nos anno 1729. experti sumus, cum per totum anni decursum usque in sequentem, epidemica quædam febris sese exeruerit, quæ & ante catarrhalis accessum, & post ejus declinationem pro diversa mutatione aëris, aliarumque circumstantiarum, diversos affectus quidem simulavit, semper autem cum summa lassitudine, dolore capitis, dorsi, atque artuum initium sumsit, atq; V. S. similibusque remediis, quibus catarrhalis, sublata est. Licet ergo mense Jan. Febr. & Mart. anni 1729. non nulli hepatitidem, aliasque febres inflammatorias incurrerint, in plurimis verò catarrhales malignæ petechizantes in conspectum prodierint: April. Maj. & Jun. tam benignæ quàm malignæ catarrhales, cum variolis malignitate non carentibus, continuaverint: Jul. Aug. & Septembr. non modo catarrhales malignæ, aliæque continuæ, atque ipsa purpura alba in puerperis; sed & frequentiores atque pertinaciores diarrhœæ æquè, ac tertianæ duplicatæ observatæ sint: mense Octobr. multi anginæ, peripneumoniarum, pleuritidis, aliisque febribus inflammatoriis obnoxii fuerint: die 21. Novembr. tepidiorem excipiente humido-frigida tempestate, præter malignas, sæpius adducta catarrhalis oborta sit, per Decembrem inaudito modo sæviens, atque 4. Jan. 1730. non nisi nivibus, atque vento frigidiori cedens: licet tandem Jan. Febr. & Mart. anni 1730. anginæ, pleuritides, febres malignæ, petechiales visæ sint; semper tamen prior illa epidemica sub iisdem latuit.

Hoc certius, quòd hæc catarrhalis, alias tum abundantia sive sanguinis, sive feri, non nunquam viscidioris, non nunquam impurioris, præditos, hincq; sanguineo-phlegmaticos magis invadēs, tum sensibilibus, relaxatis, vel ob obesiorem, spongiosioremq; constitutionē rarioribus fibris, vasis minoribus, majoribusque poris instructos afficiens, tum ratione ætatis, modo infantibus ob temperamentum calido-humidum, teneriorem texturam, majoremque sensibilitatem ab aëre externo familiaris, modo adultis ob naturam sicciorē, firmiorem atque compactiorem structuram hincque ob majorem congestionem versus pectus tussi sicca molesta, modo senioribus ob humores spissiores, fibrasque de suo tono dejectas incommoda: tum ratione sexus, sequiorem, ob majorem sensibilitatem infestans: tum eos occupans, qui vel alias huic obnoxii, vel læsionem in pectore sentiunt, vel miculosi existunt, vel partes capitis atque colli glandulosas ab aëre humido-frigidiori non satis defendunt; quòd inquam, hæc febris præterito anno tam contagiosa fuerit, ut fere omnes homines, sine ullo discrimine, & eodem tempore, & eadem ratione, iisdemque circumstantiis & symptomatibus, more omnium epidemicorum morborum, tam per totam Europam, quàm Vienne, multo celerius, vehementiusque petierit, quàm ullo unquam tempore. Unde etiam est, quod in hac Civitate non 60000. hominum, quod novellæ tradidere, sed longè major numerus hanc perpeffus sit. Neque enim eadem cholericæ, neque aliis temperamentis pepercit, sive deinde fuerint plethorici, sive minori quantitate sanguinis

guinis præditi. Neque in hominibus *viscido* abundantibus solum erant spectabiles, sed etiam in illis, qui sanguinem *fluidiorem*, sufficientique *sero* dilutum obtinuerunt. Æquè in *macilentos*, ac *obesiores*, æquè in robustos ac *debiliores* & sensibiliores, æquè in *infantes* ac *adultos*, non modo *juvenes*, verum etiam *seniores*, cujuscunque *sexus* fuerint, tam extra *conjugium*, quàm in illo *viventes*, imò & in *ipsas gravidas*, ab epidemicis affectibus alias magis immunes, vehementer grassari cœpit, ita ut neque *domi* hærentes, neque in *itinere* constitutos intactos reliquerit, si-
ve *diætã* accuratiorem observaverint, si-
ve minus. Etsi verò etiam *injuriis aëris* alias *adsuetos* sæpius aggressa sit, tantum tamen abest, ut hac vice *omnes*, in quibus ob majorem *sensibilitatem* alias continui, gravioresque *catarrhi* vigeant, in eandem inciderint, ut *multi* potius immunes manserint, *Perillustri* quidam *Dominus* mutato *climate* nulla febre *catarrhali*, licet alvi contumacissima *obstructione* laboraverit, correptus fuerit, atque ex *gravidis*, quamvis in plerisque *debilitates syncopticæ*, *abortus*, aliaque periculosa Symptomata supervenerint, quædam tamen reperta sit, quæ sanguine *viscidiori* non obstante, nihil de eadem perceperit. Gravius decumbebant, nullis *medicamentis* utentes, hocque magis, si corpore calefacto, atque ad *sudorem* disposito, aëri *humido-frigido* sese exposuerint, quod in duabus *Serenissimorum Principum* aulis conspeximus. Contagium per totam *Europam* præ se ferebat, ut & *activam*, & ad *corruptionem*

pronom materiã præsupponat. Quamvis autem *Viennæ* non tanta *malignitate* comparuerit, quanta quidem in *agro Bononiensi*, inque quibusdam locis *Angliæ*, cum ibi *pe-techiæ*, aliaque periculosiora Symptomata insimul accesserint, atque homines intra *paucos* dies instar pestis è medio sustulerint, nihilo minus tamen & hic in altero præ altero major *malignitas* sese prodebat, pro-
uti nempe vel *simplicem* regularem febrem catarrhalem, vel *aliis* morbis gravioribus junctam expertus fuerit, cum hi *posteriores* non solum *anxietates*, pathemata *syncoptica*, *vigilias* extraordinarias, aliaque vehementiora symptomata post se traxerint; sed & in causa fuerint, quòd quibusdam non IV. vel VII. sed XIV. vel XXI. demum die febris hæc valedixerit. In *omnibus* malum hoc epidemium *initium* sumsit cum spontanea *lassitudine*, *vigiliis*, *calore* majori, sine ulla tamen *siti*, *pulsu* tardiori, debiliore, suppresso fere, aliisque quæ *malignitati* tribui solent, Symptomatibus, quæ comitabatur *inappetentia*, & *tussicula sicca*, tam ob *continuitatem*, quàm ob *vehementiam* molesta. Plerique horum con-
questi modo de *pectoris*, modo de *capitis* congestione, interdum *graviore*, interdum *leviore*, quam pressio pede excepit non nunquam *respiratio difficilis*, non nunquam *vertigo*, ut & *gravitas capitis*, & *delirium*, & *coryza*, & *sternutatio*. Porro quam plurimi præter symptomata recensita afficiebantur vel *dolore dorsi* satis atroci, vel *stupore*, & *dolore articulorum*, *artuumque* tensivo, vel *horrore*, vel *diarrhœa*.

In quibusdam tamen & alia notatu digna phaenomena complicabantur, quæ pro diversitate *subjecti* fuere diversa, ita, ut alii non tam *horripilatione*, quàm *horrore intensiori*, atque per aliquot horas durante correpti sint, alii *raucedine* laboraverint, alii ob plethoram, *calorem* majorem, *faciei inflationem*, *rheumatismum*, *obnubilationem* atque *obscuritatem visus* experti sint, alios alia occupaverint. Non attingam *dorsi* atque *abdominis* dolorem in *gravidis*, neque mentionem injiciam *anxietatum*, quæ *meticulosos* obruebant sæpius, neque *vomitibus* atque *dolores* lumborum in *calculosis* observatos, neque *pertinacem sensum frigoris* in *hystericis* circa futuram *sagittalem* annotatum adducam; hoc saltem addam, in iis, ubi *graviores morbi* prægressi sunt, non tantum debilitates *syncopticas*; sed & *periculosiora* in conspectum prodiisse pathemata, quod tum in aliis, tum in *Viro* quodam *Juvene*, nobisque *amico* videre licuit. Is enim existens *habitus* macilentioris, *temperamenti* sanguineo-melancholici, atque ad *hemorrhoides cæcas* inclinans, licet ex *febre*, quæ post prægressam *iram*, *diatam* neglectam in itinere, *acidulas Selteranas*, neque decenti *tempore*, neque decenti *modo* in usum vocatas, non tantum *febris continuæ*, *malignæ*, atque ob *calorem summum*, *sudorem* ferè *colliquativum*, *alvi* *pertinacem obstructionem*, *vigilias continuas*, *deliria*, *debilitatem pulsus*, *spasticas torsiones oris*, *floccorum lectionem*, *periculosissimæ* typum præse ferebat; sed & die XV. in *tertia-*

nam duplicatam transiit, sequente deinceps triplici *tertianæ simplicis recidiva*, quarum *qualibet*, etsi *excessum* in *dieta* pro fundamento habuerit, *diversissimis* tamen *remediis* tractanda erat, ut & *postrema* partim die *vacuo* initium sumsit, partim loco *anticipationis* in prioribus spectabilis, *postposuit*, terminando deinde in febriculam *lentam* cum *summa debilitate*, continuo *sudore*, foetorem de se spirante, *purpura alba*, *tussicula sicca*, *œdematibus*, aliisque; licet, inquam, hic *Vir optimus* ex hac *febre periculosissima* æquè ac *intricatissima* restitutus fuerit, *viresque* jam aliquantum redierint; eidem tamen *catarrhali* mense *Decembris* expositus erat, hocque gravius, quòd *deliriis* ferocioribus, *calore summo*, *vigiliis* ad diem vij. solutionis usque stipata fuerit. Progressu temporis, atque morbo in *statu* suo constituto, & *Symptomata* sensim aucta sunt. Pulsus, qui in *principio* fuit *debilis*, jam *fortior*, *celerior* reddebatur, ut de doloribus *pectoris* versus *hypochondria* sese extendentibus nil dicam. *Deliria* in quibusdam continuabant, plerisque *dolores* maximum facessivere negotium, ut neque tussire potuerint, ad unum omnes, qui præsentem morbo auræ *frigidiori* temere sese commisere, *sudoremque* neglexere, vel *gravius*, vel *diutius* decumbebant. Conspexi id ipsum in *Illustri*ss. atque *Excellentiss.* quodam *sene*, *plethorico*, *binis* vicibus, cum & post *primum* exitum, *catarrho* nondum penitus discusso, multa statim orta sint *periculosa Symptomata*, *congestio* versus *pectus*, *caput*, *ophthalmia*, *respiratio*

ratio difficilis, anxietates, hæmoptysis, plenitudo pectoris è spumido quasi sono inter respirandum colligenda, *pulsus suppressus, inquietas nocturna* somnum turbans, *lassitudo summa*: & altera vice, etsi morbus ad *declinationem* pervenerit, ita, ut sub blanda *diapnoë* blandior somnus & *respiratio* accesserint, tantæ tamen *alterationes, vigilie, debilitates* eundem de novo invaserint, ut graviora metuenda fuissent, nisi V. S. *præservandi* fine instituta æquè, ac continuis blandis excretionibus, tam per *poros cutis*, quàm per *vias urinarias*, atque *alvum* sub specie *diarrhœæ*, quam denique per *tussim* vim morbi à vij. ad XIV. diem laxatam vidissemus. Adducta confirmat mors pauperuli, *hydrocele* simul laborantis, quæ *intumescientiam* totius corporis, ob denegatam *diapnoën* in hypocausto frigidiori excipiebat. Porro *infantes* ob deglutitionem *materiæ rejectæ torminibus* affligebantur: hinc erat *inquietas nocturna*. Sic & in *puella* dilatationem *peritonæi* circa inguen dextrum cum metu *herniæ*, ob *tussim vehementiorem* non modo observavi, verum etiam in *gravida*, præter *dolorem*, qui & in *dorsum*, & *abdomen* sese diffudit, debilitates *syncopicas*, *tonsillarum inflammationem*, *lactisque* è *mammis eruptionem* deprehendi. *Lipothymia* ut plurimum in *prædebilitatis* increbescebant, ut & *spastica strictura* circa *nucham* in *vetula* quadam, quæ *apoplexia* ante aliquot annos tacta erat. Sed cum morbus hic tam *varius* fuerit, sese transformaverit, ut aliquando febrem con-

tinuentem, sæpissimè continuam, aliquando *intermittentem* mentitus fuerit, quis quæso omnia *Symptomata*, quibus hic morbus exacerbatus est, enarrare queat. Sufficiat ergo, *horrorem* interdum *remissiorem*, interdum *intensorem*, & per aliquot horas in IV. personis continuantem, *altera vice* non accessisse, cujus per octo horas cum *calore* majori, *sudore* copiosiori, *artuum dolore* immani, atque *hæmoptysi*, *durantis*, & tamen *secunda vice* non annotati, exemplum præbebat *fœmina* quædam *Juvenis*, ut & *alius* febrem *catarrhalem* negligens, ex itinere *Taurinensi* redux. Sicuti autem in hoc *horroris* comes erat *dolor pectoris acutus*, *respiratio difficilior*, *calor intensus*, quæ partim ob *calidiorum* adhibitionem, partim ob *loci* in morbo mutationem, *graviora* sequebantur *Symptomata*, *stricturæ pectoris*, aliarumque partium *pertinaciores*, *deliria*, *urinæ suppressio*, *subsultus tendinum*, *vigilie*, *pulsus debilis*: ita & XI. die *rejectio materiæ* copiosioris & *rubicundæ*, & *factorem* de se spirantis sub *tussi* fortiori in eodem loco junctum habuit *dolorem*, ut de *critica* atque salutaris excretionis per *poros cutis*, *vias urinarias*, *alvum* sub forma *udoris* æquè, ac *diarrhœæ*, quæ à vij. usque ad XIV. perdurabant diem, nil adducam. Febres *compositæ* plerumque ex duabus constabant *acutis*, *continente* nempe atque *continua*. Atque harum *tres species* occurrebant. Vel enim *catarrhalis* & *biliosa*, sicque duæ *continuae*, vomitu *bilioso* initium fumentes, complicabantur, vel *catarrhalis* sociam habuit *continuentem*, hincque in aliis, *juvenibus*

non modo, verum etiam *senioribus*, ut plurimum IV. vel VII. demum die *hemorrhagia narium* salutaris, in aliis *hemoptysi*, in aliis *vomitu cruento*, in aliis *seguioris sexus hemorrhagia uteri*, in aliis quatuor tam adfuetis, quam non adfuetis personis *hemorrhoidibus* conspicua erat, imo *hemorrhagia critica per alvum*, copiosissima, sine ullo incommodo in Juvene XX. circiter annorum, die VII. cum *ægri levamine* oborta est, vel *catarrhali* jungebatur in *plethoricis*, sanguine *viscidiori* præditis; tum *continens*, tum *continua alia inflammatoria*. Hinc conquerebantur sæpius de *phrenitide*, febribus *anginosiis*, *peripneumonia*, *pleuritide*, *hepatitide*, aliisque. Pleuritidem *veram* animadverti in *gravida*, eaque juvene, *plethora* ca, *congestionibus* pectoris dedita. Atque licet hæc, præter *Symptomata ordinaria* in febre *catarrhali* perspecta, & *sitim intensam*, *vomitum*, *dolores dorsi* atque *scapularum* experta sit, & II. die morbi V.S. celebrata insignem *horrorem* observaverit, & III. partim ultra duas horas infantis *motum* senserit, partim dolor *latius*, versusque *anteriora* extensus fuerit, & V. ob doloris *vehementiam* tussire vix potuerit, donec VI. VII. VIII. *anxietates*, *vigiliæ*, *deliria*, *diarrhœa* sese exeruerint, & XI. etiam *melius* disposita sub *blando udore*, atque *urina* sedimentum jam jam deponente, *abortum* perpeffa fuerit; tamen per Dei gratiam *pristinæ sanitati* restituta est, postquam nempe multum *sanguinis grumosi* per uterum excretum, aliquid *membranosi* à natura ejectum fuerit, atque tandem morbo *purpura rubra* super-

venerit. Puer, quem enixa est, cum *septimestris* fuerit, atque in pectore, dorso, capite *inflammatio* adfuerit, diu non vixit, licet S. Baptismate adhuc tinctus sit. Angina *contagiosa* cum febre intensiori, majori *congestionem* versus caput, *coryza*, *gravitate auditus*, *difficultate respirationis*, *deglutitionis*, *locutionis*, *vigiliis*, *alvi obstructione* tum Illustriss. quendam Dominum, tum & Eidem à servitiis existentem *circumstantiis* iisdem eodem infestabat tempore. In utroque enim non modo morbus repetitis V.S. *resolventibus* atque *discutientibus* temperatis, cum *internè*, tum *externè* adhibitis, *clysteribus*, aliisque facta die IV. *discussione* atque *excretionem sanguinis grumosi* per *nares* imminuebatur; sed & febris *catarrhalis*, morbo vix ad *declinationem* accedente, sese prodebat, quæ tamen in priori *dolore auris* atque *excretionem materiæ* cujusdam solvebatur, licet *angina*, quæ sublata videbatur, ob *prænaturam aëris* mutationem recruduerit. In *declinatione* morbi *materiæ viscosæ* facilior per *tussim* succedebat *excretio*, quam *blandus udor*, modo citius, modo tardius, comitabatur, ut & *urinæ turbatio*. Ut plurimum hæc *tenuissimam cutem*, vitio adhærescentem ostendebat cum *sedimento roseo-pallido*. Dolor æquè in *pectore*, ac circa *hypochondria* remisit, non nunquam facta *dissipatione* in *artus*, quod in *gravida* spectare mihi contigit, non nunquam *auris* dolore sequente, Joh. Nic. Pecklinus *obs. med.* 45. L. II. p. 320. scribit, notum esse, quod *vellicata membrana tympani*, tremula vibratio cum *nervosa epiglottidis*, sicque *concussis pulmonibus*,

nibus, ob consensum *tussis* producat. Unde & ille *dolor* circa *aures* vel consensui *nervorum*, vel congestioni *humorum* tribuendus est. Hoc cessante plerisque, qui *vigiliis* diuturnioribus torquebantur antea, *somnus* obrepserat continuus. Etsi verò excretionem materiae peccantis per *sudorem*, febris hujus vis sublata aut minuta sit, nullaque *exanthemata* sese ostenderint, comparebant tamen in iis, qui *sudorem* neglexerunt. Hinc non modo post *inunctiones* crebriores *puerpera* & *rubra*, & ejusdem filia *alba* tentabatur *purpura*; verum etiam facta praematura *frigoris* admissione non nulli ob materiam incrassatam *parotidibus*, *bubonibus*, aliisque tumoribus glandulosis infestabantur. Adducta *symptomata* non nisi per aliquot dies persistabant. Erant tamen & alia, quae per totum morbi *decursum* urgebant. Sic inter omnes extraordinaria *lassitudo* dominabatur. Non nullis *ægrorum fluxus hæmorrhoidalis*, aliis *udor* continuus, aliis *diarrhœa*, aliis *vigiliae* perpetuae obortae sunt, quas per *septiduum* durantes deprehendi in duabus personis, altera *pleuritica*, altera verò ab aliquot annis suppressione *hæmorrhoidum* laborante, V. S. solitam praetermittente, alvi *obstructioni*, animi *pathematibus*, affectui *oculi* obnoxia, atque anno 1729. mense *Septembris* febre *catarrhali* correpta. Febre autem sensim evanescente *lassitudo* in omnibus adhuc diu permansit: imo aëri *frigidiori*, sive nocturno, sive alteri sese exponentes, *tussi* diuturniori, *dolorosis stricture* circa *scapulas*, aliisque atrocioribus vexabantur symptomatibus. Veram

atque genuinam causam quod attinet, præ aliis noscenda est *proxima*, sive *immediata*, qua detecta non modo *proximiores*, tam *naturales*, quam *non naturales*, aliaque patefcent. Certum autem atque evictum est, *immediatam*, modo *pulmonum*, modo *faucium*, modo *vicinarum partium stasim* constituisse. Hinc enim *motus* humorum *impeditior*, hinc ad easdem partes *affluxus* copiosior, hinc ipsa tandem *febris* *secundaria*, *catarrhalis*. Ex mediatis *proximioribus* humorosa malum hoc insigniter fovebat cum ob nimiam humorum *quantitatem*, ab aëre *humido - frigidiori*, transpirationem impediens, inductam, tum ob *qualitatem* in aliis *spissiore*, in aliis *acriorem*, ob eandem rationem enatam, tum denique ob *motum* humorum *progressivum*, & ratione totius *massae sanguineae*, & ratione *pulmonum* vehementiorem. Quamvis verò aliis *temperamentum*, *constitutio corporis*, *fibrarum*, *pororum*, *ætas*, *sexus*, *vita genus*, aliaque, quae *partium solidarum & fluidarum dispositionem naturalem* ostendunt, atque remotiores *naturales* audiunt, plurimum ad hunc morbum faciant, tantum tamen abest, ut hac vice aliquid contribuerint, ut potius *aër*, *cibus*, aliaque causae remotiores non *naturales* attendendae fuerint. *Aërem* si spectes, ubique *insolita* vigeat *constitutio*, quae tamen hinc inde vel *quantitate*, vel *qualitate*, vel *motu* diversa fuit. Unde & *aër* corpora, dum eadem modo *ambit*, modo *intrat*, innumeris modis afficiens, non modo huic febre *catarrhali* per totam *Europam*; sed & hinc inde *diversis*

Symptomatibus principium dedit. Sic circa *Bononiam*, vicinasque provincias, in primis in *convallibus* depressioribus, incolæ hoc *gravioribus* pathematibus affligebantur, quo major *pressio* ab aëre *graviori* nebuloso in pulmones ibidem exercebatur. Sicuti verò aër *figuræ* atque *proportioni* contentorum acceptum referre debet, quòd jam hanc vel illam *qualitatem* obtineat: ita etiam *effluvia* tam *ordinaria*, quàm *extraordinaria*, mense *Novembris* atque *Decembris* anni supra citati in aëre per totam *Europam* dispersa, *qualitatem* illam *vitiosam* cum eadem communicarunt, à qua nominata *febris* proficiscebatur. Hic loci enim mense *Octobris* tempestas *placida* ac tepens observabatur, quam sub initium *Novembris* excipiebat illa multum diversa, *frigida* scilicet aque *humida*, *nebulosa* subito ingruens, ut non attingam, aëris *intemperiem*, modo *nebulis* foetidissimis, modo *cælo* magis *sereno*, conspicuam, interdum *pluviis*, atque *frigore*, interdum *calore* sese exerentem, præter solitum per totum *Novembrem* & *Decembrem* perseverasse, usque dum *ventus* septentrionalis *nitrosus* atque *nivosus* corpusculis, quorum copiam huc secum deferebat, aëris labes noxias IV. die *Jan.* 1730. elueret. Neque *Viennæ* tantum *inconstans* aëris constitutio erat spectabilis; sed etiam iisdem mensibus per *Hungariam*, *Poloniam*, *Saxoniam*, *Angliam*, *Hispaniam*, *Galliciam*, *Italiam*, inundationem aliqualem ob *pluvias* copiosiores perpeffam, *Daniam*, *Sueciam*, *Moscoviam*, aliasque regiones visebatur.

Cum ergo à copiosioribus *aqueis* particulis, & aër *humidiorem* æquè, ac *frigidior* qualitatem per totam *Europam* sub initium *Novembris* nactus sit, atque ab eadem *relaxatis* fibris, porisque *constrictis* transpiratio *impeditior*, hincque partium *biliosarum*, aliarumque *inutilium* excretio imminuta, atque humorum ad *corruptionem* producta dispositio, mirum non est, ingruente *placidiori* tempestate, humoribus ad *vitiosam resolutionem* jamjam inclinantibus *orgasum* illatum, sicque *febri catarrhali*, malignæ, datam fuisse occasionem. Evincitur id ipsum ex eo, quòd hæc *febris* & sub initium *Novembris*, præsentem ubique *simili* constitutione aëris, in *Gallicia*, *Anglia*, *Hispania*, *Italia*, *Austria*, *Hungaria*, *Polonia*, licet in *Suecia* prius, in *Helvetia* verò tardius, comparuerit, & sub finem *Decembris*, atque circa principium anni 1730. vehementia *frigoris* subsecuti mali hujus vis ubique sublata sit. Licet enim recedente febre *catarrhali* per *Austriam*, aliasque provincias *aliæ* febres spargi cœperint, nec tamen ita prorsus *epidemice*, nec iisdem *Symptomatibus* amplius stipatæ fuere. Sicuti verò *particulæ aqueæ* atque *ignæ*, etsi semper in aëre sint præsentem, alias neque aëri, neque homini tam subitaneam alterationem inducunt: ita in earundem *abundantiam* mense *Nov.* atque *Decembr.* præteriti anni perpectam unicè causam rejiciendam censeo. Huic constitutioni favebant & alia *impuriora*, atque *extraordinaria* effluvia, sive à rebus *inanimatis*, sive ab *animatis* in aërem deducta

deducta perpendamus. Quod ad primum momentum spectat, nil dicam de influentiis siderum; utut veritati consonum, pro diverso situ, atque conjunctione solis cum planetis diversam materiam subtilem in terram deferri, hincque diversas corporis affectiones proficisci; paucis saltem addam, anno 1729. cum circa Romam, Neapolim, aliaque loca Italiae, crebriores terræ motus, ob Vesuvium diutius occlusum sensisse incolas, qui 20. Decembris & per Ducatum Mediolanensem, & per Helvetiam se ostendebant, tum eosdem 24. Octobris hora vj. matutina arcem Fridericianam Hallensem Norvegorum æquè, ac in Nericia civitatem crebro hora viij. tanta vehementia occupasse, ut caminos decidentes viderint, tum denique montem Islandicum, Schvveselberg dictum, talem concepisse flammam, qua territorium ad distantiam ij. miliarium destructum, licet tandem nivibus copiosioribus extincta fuerit. Cumque hic ignis occultæ atque subterraneæ vi Heclæ adscribendus sit, neque illi motus Italiae aliam, nisi similem efficaciam Vesuvii pro causa agnoscant, dubium non est, quin hac occasione & Sulphureæ, & aliæ vitiosæ particulae per aërem longè lateque disseminatae sint. Harum praesentiam probant tempestates cum inauditis atque insolitis fulminibus atque tonitribus, & mense Nov. atque Dec. versus Neapolim, in Monte Pessulano, circa Constantiam, & circa Hafniam, Uratislaviam &c. anno 1730. mense Jan. sicque inconsueto tempore annotatae non modo; sed & phaenomena

illa, quæ partim die 16. Novembris 1729. in Hollandia, Colonia Agrippina, Francofurti, Hanoviae, Lutetiae Parisiorum, Varsoviae, partim die 15. Febr. 1730. Viennæ, circa Coloniam Allobrogum, aliaque loca Helvetiae, in aëre conspicere licuit. Accedit & hoc, quod civitatibus populosioribus incumbens aër fumeis, aut aliufmodi heterogeneis effluviis scateat. Unde in his & gravior, & acrior redditur, præstans deinceps majorem pressionem in pulmonibus, ut & irritationem. Atque hinc tam illud est, quod Viennenses, præsentibus die 4. Dec. nebulis oculum vellicantibus, frequentiori screatui, crebrioribusque tussibus expositi fuerint, quàm quod vehementiora Symptomata in majoribus Civitatibus viventes sint perpessi. Uliginosas regiones si quis adeat, deprehendet aërem multo humidiorè. Hinc minor motus elevatarum aquosarum particularum, hinc tandem major ad corruptionem dispositio, cujus testes sunt nebulae crassiores, foetidissimæ. In his ergo locis gravius ægrotabant decumbentes, hocque magis, si & aliæ causæ occasionales sociæ fuerint. Plurimum huc faciebant effluvia animatorum. Cum enim semina morborum contagiosa in subtilissimo, activissimo, corruptionique obnoxio miasmate consistant, atque hinc ab animantibus longè lateque fermentescentes particulae in aërem deferantur, patet, non modo ab ægrotis, hæc febre contagiosa laborantibus, in familiaribus cum illis versantes effluvia vel per pulmones, vel per poros cutis derivata; verum etiam ob luem illam, quæ

in Italia, Palatinatu, Austria, Pannonia, Valachia, Podolia, Wollinia, Polonia, inter pecora hinc inde serpebat, innumera putredinosa miasmata eodem anno in aërem fuisse dispersa. Hæc deinde & alios contagione infecerunt. Etsi enim quidam statuunt, quod contagium nonnisi in sua specie radices agat, atque hinc defendant, hominum pestem bruta non afficere, equorum luem non nisi in equos, boum in boves, & suum in suillum genus tantum ire, in alienum minus; vel inde tamen contrarium elucescit, quod & Moscoviæ, testante id ipsum Gothofr. in Chron. peste anno 1655. tantopere sæviente, ut & corpora terræ nondum commissa in plateis à canibus devorata sint, iidem rabie correpti, homines vivos dilacerarint; & interdum à piscibus mortuis contagio ortum duxerit, & nostro ævo lues pecorum tam in Hungaria, quam Austria, mense Oct. & Nov. 1729. se prodens febrem catarrhalem, initium summentem cum turbatione capitis, atque intra quatrimum vel hæmorrhagiarum, vel hæmorrhagia per alvum, vel etiam vomitu stercoreo terminantem, junctam habuerit, & eodem tempore in apris aliquid purulenti, innuentis corruptionem, inventum sit. Neque est, cur dubitemus, per cibos contagium quoque in homines manasse, cum non modo certo constet, cujusdem nebulonis audaciam eo processisse, ut pecora lue hac demortua hominibus vendere non erubuerit; verum etiam probabile sit, pecora fuisse consumpta, in quibus dispositio morbofa adfuerat. Producentur tales morbi eo felicius, si sive solis,

sive ignis subterranei calore in aërem elevatae particulae decentem motum non obtineant. Conclusas enim aqueas mox sequitur corruptio. Hinc & in multis locis prope litora Africae occidua à tranquillitatibus, quam à procellis impendentibus magis terra marique timetur, & in insula Sancti Thomæ statim à solstitio brumali menses duos, aut amplius ventis silentibus incolarum plerique languent, & tranquillo tempore pestis vehementius in homines grassatur, & circa Bononiam in convallibus, ob minorem circulationem aëris multi periere. Quemadmodum ergo motus aëris, qui ventum constituit, sanitati magis conducit: ita & aërem effluviis pestilentibus inquinatum emendat sæpius tonitru & fulgur, unde in tempestate pestilente in quibusdam urbibus populosis machinae murales crebro disploduntur, & pulsantur campanæ. Neque tamen hinc omnis ventus pro salubri habendus est, cum meridianus corruptioni faveat, atque solus Septentrionalis, à plagis nivosis impetuose descendens, particulasque nitrosas secum ferens, aërem puriorem reddat. Atque hæc est ratio, cur non modo in Lesbo, flante Austro, incolæ ægrotent, Coo tussire ferantur, superveniente Aquilone protinus convalescant; sed & vento frigidiori suborto febris catarrhalis vis minuta atque sublata sit. Prognosis ratione vitæ & mortis quod attinet, tenendum est, febrem hanc, quamquam Viennæ omnes cum summa lassitudine, vigiliis continuis, deliriis, dissimulatione symptomatum, aliisque signis malignitatis aggressa sit, atque

gravidæ

gravida non nunquam debilitatibus *syncopticis*, non nunquam *abortui* expositæ fuerint, in aliis *hæmoptysin*, *vomitum cruentum*, *phrenitidem*, *anginam*, *peripneumoniam*, *pleuritidem*, *hepatitidem*, aliaque *periculosa* Symptomata focia habuerit, qualia in *plethoricis*, defectu *visceris* laborantibus, inprimis *humoribus* malè constitutis, animadvertimus, neminem tamen è *medio* sustulisse. In *Helvetia* ab eadem, quam modo descripsi, febre nemo enectus. At è contra *Lutetia Parisiorum* multis *exitiosa* erat, utut in *Anglia*, *Hispania*, *Italia*, atque *Polonia* adhuc pluribus *funesta* fuerit. Etenim *Leopoli* pauci servati; *Ferrariae* atque *Ravennae* tot tantique hominum obiere, ut magistratus *Bononiensis* incolis accessum dene-gare voluerit; imo *Londini* medio *Novemb.* intra *septimanam* 908. atque deinde *majorem numerum*, quam quidem *anno 1665.* tempore *pestis*, illata strages excrevit. Si *prognosin* ratione *modi* eventus attendamus, terminabatur partim *staseos rheumaticæ dissipatione*, partim *materiæ peccantis excretionem* salutari. Sic *somnus*, atque *respiratio* facilior sub continua *diapnoë* æquè, ac *turbatione urinæ*, in aliis jam post *primam exacerbationem*, in aliis, & ut plurimum *IV. vel VII.* in aliis quoque *XIV.* die accedebant; ut taceam de *ejectione copiosioris materiæ* per *tussim*, atque *rubicundæ illius fætidæ*, quam in *pleuritico* gravius decumbente *XI.* cum levamine rejectam conspeximus. Febris *continentis* interdum *conjunctæ inseparabilis* comes erat *hæmorrhagia*, non nun-

quam per *nares*, non nunquam per *vasa hæmorrhoidalia*, aliquando *IV.* aliquando *vij.* die, non nunquam *par-cior*, non nunquam *copiosior* fuit observata, ut in *Juvene XX.* annorum, nunquam *hæmorrhoides* experto, & tamen die *vij.* ultra *mensuram sanguinis floridioris* cum *solutione morbi* dejiciente. Sic & *uteri hæmorrhagia* largior in *puerpera*, quæ *XI.* die *abortum* perpessa est, oborta *salutaris*, qualia exempla in *vaccis* quidam habuere. *Staseos rheumaticæ dissipationem* probat *dolor pectoris* versus *hypochondria* descendens, qui & in *artus*, & *aurem* non nunquam sese diffudit; ut & *excretio lymphæ cruentæ* secuta sit. *Diarrhœa* neque *solvebatur*, neque *gravior* reddebatur morbus. Non nulli *ægrotorum* modo *liberiori aëri* sese exponentes maturius, modo *inunctiones* in usum vocantes, *sudorem* neglexere, quorum hi *symptomata acerbiora* non modo, verum etiam in *declinatione morbi purpuram* incurrebant, illi verò vel *vehementiores congestiones* versus *caput*, *pectus*, *ophthalmiam*, *catarrhum suffocativum*, *hæmoptysin* sentire, vel de *chronico* atque *pertinaciori* catarrho conquesti, vel etiam *tumoribus glandulosis* interdum circa *aures*, interdum circa *consillas*, interdum circa *inguen* infestabantur. Ex omnibus, quos sub mea habui cura, habui autem quamplurimos, atque ultra ducentos, non nisi *duo* sunt mortui, quorum alter *itineri*, durante morbo sese committens, alibi in *lethalem* morbum incidit, alter verò *pauperculus*, ob *sudoris* neglectionem, aliasque circumstantias *hy-*

drope funesto occupabatur. At *petechiis*, huic morbo in agro Bononien-
si, Britannia minori, Anglia su-
pervenientibus plerique sunt enecti.
Angina quoque *Lincoloniae* compa-
ruit, quod pessimum atque exitio-
sum erat signum. Affectus hic, ra-
tione temporis eventus, instar aliarum
februm malignarum cito sua decurre-
bat tempora, ita, ut plurimum Vien-
nae vel IV. vel VII. die crisi salu-
tari solutus sit. Etsi verò in Anglia idem
sub initium annotatum sit, grassari
tamen vehementius deinde & in his
locis, & circa Bononiam, Florentiae,
Mediolani, & per totam Podoliam
cepit, ut intra paucos dies instar pestis
plurimos è medio sustulerit. Venæ
Sectio in tussi illa epidemica, quæ
anno 1669. æstivo tempore cum pleu-
ritide in conspectum prodiit, at-
que de qua Thom. Bartholinus Ephem.
Germ. D. I. A. I. p. 130. agit,
locum non habuit. E contrario in
febre catarrhali, anno 1675. Vien-
nae, Posonii, aliisque in locis popula-
tim sæviente, multi auctorum, &
inter eos præcipui Car. Raygerus,
Thom. Sydenham, & Paul. de Sor-
bait l. c. Venæ Sectionem extollunt
tanquam remedium præcipuum ac
præsentissimum. In nostra deprehen-
dimus, Venæ sectionem in plethoricis,
gravidis, adsuetis ad apoplexiam,
catarrhum suffocativum dispositis,
vel angina, peripneumonia, pleuri-
tide, hepatitide, hæmoptysi, vomitu
cruento, atque febre continente
laborantibus, sub initium institu-
tam, non modo lassitudinem, ce-
phalalgiam, vigilias, spasticas stric-
turas in pectore, dorso, aliisque par-
tibus sustulisse; verum etiam omnia

Symptomata reliqua minuisse. Sicuti
igitur in his subjectis ventilatio san-
guinis & utilis, & necessaria erat:
ita in iis, qui vel à prægressis morbis
gravioribus prædebilitati fuere, vel
me non statim in consilium voca-
runt, vel brevi antea V. S. usi sunt,
eandem nunquam celebravi. In om-
nibus porro eò in primis intentio di-
rigenda erat, ut maligna atque con-
tagiosa illa materia, quam brevi tem-
poris spatio intima corruptio sæpius
excipit, in tempore ex corpore eli-
minaretur. Cumque hæc sub ha-
litus forma corpus occupaverit,
hinc eadem rursus per poros cutis sub
continua, blanda, atque æquali diap-
noë discutienda erat. Unde tempe-
rata diapnoica, diaphoretica fixa,
antimon. diaph. aliaque, quæ abs-
que vehementiori commotione ope-
rationem suam edunt, absorbentia
ostracodermata, quæ acrimoniæ
salino-sulphuream, sanguini orgas-
mum inducentem, atque sudorem
impedientem, partim absorbendo cor-
rigunt, partim per diuresin educunt,
omne hîc tulere punctum. Eadem
remedia cum celeberrimus Car.
Raygerus in Pannonia, tum Ada-
mus à Lebenvaldt in febre catar-
rhali epidemicè dominante in Sti-
ria, tum Londinenses hac vice cum
V. S. sub initium cum successu adhi-
buere. In plethoricis, quibus ale-
xipharmaca calidiora, sudorifera,
Spir. Sal. armon. similiaque propina-
ta fuere, sequebantur congestiones ma-
jores versus superiora, deliria, for-
tiores pectoris oppressiones, inquie-
tudines, subsultus tendinum, suppres-
sio urinae, quibus & temperatio-
ra deinde medicamenta exhibenda
erant.

erant. *Purgantia*, quæ non nulli assumere, *vomitória*, nullum hîc invenire locum, imo omnes, quibus præscripta sunt, majores *staseos* materiæ acris *commotiones* incurrebant, eorum etiam una *hæmoptysi* corripiebatur. Sufficientem opem omnibus tulit modo *pulvisculus* ex absorbente, antim. diaph. arcan. dupl. addito interdum nitr. dep. concinnatus, modo *potio* ex aquis diapnoicis, absorbentibus, atque antimon. diaph. constans, modo *emulsio* parata ex semine card. Mar. *Symptomatibus* ex proprio fonte succurrebam, ita, ut *spasticis stricturis* præsentibus *cinnabarina* addiderim, *alvi obstructioni humectantia* opposuerim, in *diarrhœa* non modo arcan. dupl. omiserim, verum etiam regimen *diapnoicum* tanto magis injunxerim. *Adstringentium*, *narcoticorum*, *opiatorum* usum, quamvis multi Auctorum ea suadeant, experiri nolui, cum *Olaus Borrickius de somno & somniferis p. m. 34.* referat, quendam applicato empl. opiato solum in *raso vertice*, ex *catarrho pituitoso* in gravem *paralysin* incidisse. *Nitroso-cinnabarina*, *emulsiones*, *portiones analepticae* conjunctis *bezoardicis*, tempore *continuarum vigiliarum* data, ad *somnum placidum* ægro-

tos disposuere. Quod si affectus *anginosi* supervenerunt, repetitis *Venæ sectionibus* atque *clysteribus*, tandem internè *digestiva* cum temperatioribus *diapnoicis* ordinavi, externè verò *Cataplasmata discutientia*, *Gargarismata*, atque *injectiones* commendavi, quorum usum, quo usque penitus remisit morbus, continuavimus. Ab *expectorantibus* intulsi *sicca* penitus abstinui. Ex his, qui in *publicum* prodire coacti sunt, nulli *diapnoica* dedi, insistens magis *præcipitantibus*, utut non nisi blandioribus *diapnoicis* & *materia noxia* in *declinatione* mali penitus proferibenda fuerit, & *dolores circa scapulas* in quibusdam remanentes auscultaverint. *Dietam* quod spectat, neque *durante* morbo, neque eo *superato*, auræ *frigidiori* committendus erat æger, hocque minus, si *diarrhœa* adfuerit. *Vicia* etiam *febre*, omnis tamen *excessus* ratione *cibi* & *potus* vitandus erat. *Juscula*, atque *infusa* instar thee ex *rad. scorzon.* cum *hyssop. veron.* atque *sem. fenic.* in frequenti usu habui. Et animadverti, tam his observatis, quam accedente insinuat cum *corporis*, tum *animi* continentia tranquilla, omnes per Dei gratiam pristinae restitutos esse sanitati.

Constitutio Epidemica Anni 1730.

Qualem sub exitu anni 1729. constitutionem aëris generalem habuimus, talis per triduum etiam primum Anni 1730. Viennæ stetit, nempe ut plurimum *humidior*, *frigidior*, cum *nebulis* in *pluvias* abeuntibus. Atque licet vehemen-

tia *Aquilonis* cum *nivibus* 4. Jan. sese exerentis, vitiosam hanc atque inconstantem aëris qualitatem sublata arbitrati sumus, tantum tamen abfuit, ut cessaverit, ut potius eadem inconstantia redierit, tempestivam *frigidam* die 10. placidior ac plu-

viosa exceperit, huic non modo 16. *frigidior*, *nivibus* atque *ventis* tumultuaria, verum etiam 30. denuo alia multum *diversa*, atque eadem die mane *calidiori*, à meridie *frigidiori* vento, modo *pluviis*, modo *nivibus* conspicua, successerit. Similis aëris *alternatio* spectabilis erat per totum *Februarium*. Sub *initium* enim aër *frigidior* cum *nivibus* ingruerat, in *progressu* *tepidior*, ut plurimum *nebulis*, vel matutinis, vel vespertinis, quandoque & *pluviis* nocturnis sese prodens, qualis ad *postremos* usque *Februarii* dies perseverabat, ut de *cæli ardentis* phænomeno, quod 15. die circa vespèram *Viennensium* oculos ac mentem in se converterat, nil dicam. *Martii* ingressus *nivosus* subito cum *pluvioso* aëre commutabatur, imo ob *pluvias copiosas* & *frequentes*, cum cœlum, si paucos *amœnos* dies exceperis, plerumque *obnubilum*, & oblitum tenebris erat, tum ad *finem* usque mensis iste *humido - frigidus* permansit. Similes *vicissitudines* ratione *frigoris* eadem *hyeme* per totam *Europam* observare licuit. *Januarii* enim constitutionem si examines, & *Halæ Saxo-ni* erat *pluviosa* die ij. quâ hora viij. vespertina sese incolis in nubibus aliquantulum *nebulosis halo* obtulit, & *Londini* xij. *placidior*, tamque *nebulosa* comparuit, ut jam *quarta pomeridiana* faces accendere coacti fuerint, & *Neapoli* XVII. aërem blandiorem *frigidior* æquè, ac *tumultuosior* secutus est, flamma *Vesuvii* etiam invalescente, & *Varsoviæ* XIX. *frigus* intendebatur, *Hafniæ*, *Uratislaviæ*, *Soraviæ*que ingens sub *exitu* tempestas cum *fulguribus*

& *tonitrubus*, *nivibus* ac *pluviis* oborta est. Sic *Februarius* tam *frigidior* atque *nivosus* sub *principium*, non solum *Varsoviæ*, sed & *Venetis*, quam *tepidior* magisque *pluviosus* postmodum in posteriori loco, *Monte Pessulano*, *Alesia*, *S. Hypolyto*, aliisque *Civitatibus* vicinis in conspectum prodiit, ita, ut *Constitutionem Viennensem* ubique ferè repræsentaverit. Sed nec *lumen boreale* extraneos fugiebat, licet neque eadem *die*, neque iisdem *circumstantiis* *Europam* omnem sua luce compleverit. Alibi enim jam IV. quod *Moscoviæ*, *Petripoli*, *Revaliæ*que degentes testantur, alibi, & quidem *Varsoviæ*, *Uratislaviæ*, *Tiguri*, *Bernæ*, *Colonia Allobrogum*, *Romæ* atque *Florentiæ* XV. visebatur, alibi aliæ quoque *circumstantiæ* accessere. Non adducam, præter *phænomena* huic *lumini communia*, & in *Helvetia*, & *Petriburgi* binos *arcus* oculis occurrisse, altero in *boreali*, altero in *australi* plaga apparente: neque attingam, materiam *phosphorescentem*, radiis ex *priori arcu* exurgentibus, atque variis *coruscationibus* conspicuam, tandem & in *alterum* fuisse compulsum, ibique *clariori* re-luxisse luce, disparentibus in *priori* successivè *columnis* radiantibus: neque mentionem injiciam *susurri* illius, quem *Petripoli* radiis motu tremulo procurrentibus non nulli perceperunt, multo minus *colorum* sæpius jam annotatorum. Hoc saltem addam, idem non modo *Romæ* atque *Revaliæ* diutius durasse; verum etiam *Moscoviæ* sequenti nocte recurrisse, utut minoris fuerit momenti. *Martius* ut plurimum *nivosus*, *pluviosus* fuit. Hinc

Hinc observabatur aura *humidior* & *frigidior*, in non nullis locis *aquæ nivalis* major *confluxus*, qualem in circulo Suevico *Hornbergenses* maximo suo damno experti sunt. *Leopoli* tamen atque in *Suecia* *nives* copiosiores circa *æquinoctium* vernale cadentes, acerbissimum excipiebat *frigus*, ut & *Holmiæ* lacus per totam hanc hyemem non concreverunt tandem frigoribus congelati. Eadem ergo perquam anomala atque *irregulari* crasi aëris per omnem *hyemem* ubique manente, mirum non est, hanc & eosdem peperisse morbos alibi, quos genuerat *Viennæ*. Hoc tum in aliis liquebat *febris*, tum magis peculiariter in *catarrhalibus* mensis *Sept.* & *Dec.* 1729. Sicuti enim hæc *posteriores*, quæ anno citato epidemicè per *Europam* grassatæ sunt, sensibili aëris *qualitati* in acceptum referri debent, quod illis *mensibus* exortæ sint; ita etiam *qualitati* *frigidiori*, quæ in *Januarium* incidebat, earum *imminutionem* unicè adscribendam esse censeo. Unde etiam est, quòd *Viennæ* *IV. Jan.* vehementia *frigoris* derepente sublata sint, alibi verò ob *frigus tardius* ingruens diutius continuaverint. Hinc *Bononiæ*, in *Ducatu Mantuano*, *Ferrariensi*, *Mutinesi*, aliisque *Longobardiæ* partibus, itemque in *Sabaudia*, *Delphinatu*, *Marsiliæ*, per diu perseverarunt. His recedentibus novæ febres invalescebant. Neque numero tantum erant spectabiles in *Agro Brixiano*, sed etiam ob anceps illud *periculum*, in quod eos, quos in *Podalia*, *Britannia minori*, *Florentiæ* affecerant, conjiciebant. *Viennæ* febris hæc maligna sub diverso *schemate* pro-

diit, ita, ut in aliis *simplicem* continuam, non nunquam nullis *exanthematibus* stipatam, & tamen *diarrhœa*, *vigiliis*, *deliriis*, *motibus convulsivis*, aliisque periculosioribus symptomatibus sese exerentem, non nunquam *petechialem* repræsentaverit, in aliis etiam *complicata*, atque modo cum *inflammatoria*, vel *angina vera*, graviori, vel *pleuritide* interdum *vera* cum sputo cruento, interdum *spuria*, vel *hepatitide* periculosiori, ob *diarrhœam*, *vigilias*, *deliria*, conjuncta fuerit, modo cum *intermittente* comparuerit. Nullis *exanthematibus* conspicua, continua aliquando jam *IV.* quod in *teneriori* ætate annotare licuit, ut plurimum *XIV.* die in *adultis* disparuit, semper tamen sub blanda *diapnoë* atque *turbatione* urinæ solvebatur. In *petechiali* decens regimen *diapnoicum* præ aliis attendendum erat, quo non observato *Symptomata* exacerbabantur, ut paucissimi evaserint, sive deinde *V. S.* in usum vocaverint, sive minus, quorum *posteriores* hoc proximiores morti fuere, si & in morbo *purgans* aliquod assumerint. Sic *Dominæ* senectute confecta, atque alias interdum *calculi*, interdum *hæmorrhagiis narium* nimis obnoxia, tam *V. S.* quàm *diapnoë*, aliisque neglectis, non modo *hæmorrhagias*, *diarrhœam*, *catarrhum suffocativum*, *deliria* continua incurrit; sed & *IX.* die violentia morbi consumpta est. Aliud exemplum præbuit quidam *Juvenis*, viginti aliquot annorum, qui, etsi statim sub *initium V. S.* instituta sit, *probatissimaque* remedia exhibita fuerint, post frequentiore tamen, alvo respondente, corporis *refrigeratio*

rationem incidit in *diarrhœam*, *vigilias*, *deliria* continua, *hæmorrhagiam* *narium* symptomaticam, & die viij. *purpuram albam*, ipsamque *aphoniam* lethalem. Tandem unus, prætermiffa *Venæ Sectione*, in eadem febre *petechiali purgans*, me nondum in consilium vocato adhibuit, ubi res desperata fuit. Sequebantur enim multa statim periculosa symptomata, *diarrhœa*, *animi abjectio*, *anxietates*, *vultus ferox*, *vigiliæ* continuæ, *deliria*, atque die XII. ipsa *mors*, utut vij. *hæmorrhagia narium* oborta sit, *sudor* accesserit, *urina* sedimentum deposuerit, *diarrhœa* cessaverit, atque *vesicatoria* sufficientem effectum ediderint. Fatendum etiam est, peculiarem *Januarii* indolem atque constitutionem, cum *quartanam* illam *duplicem* chronicam, *œdematibus*, *infarctuque* *lienis* occurrentem, atque *incidentibus*, *digestivis*, *blandioribus laxantibus*, febrifugoque *Nic. de Blegny*, ex malis aurantiis amaris cum vino albo parato cedentem, tum *tertianas* diuturniores, aliasque multum fuisse, quod alias *intermittentes* hoc, & sequenti mense invadentes testatum faciunt. Aliquando enim his sub *initium* jungebatur *continua*, remanente deinceps *simplice*, sive *tertiana*, sive *quotidiana*; aliquando etiam sub *finem* accedebat; ut in Juvene quodam, cui mense *Februario* in *quotidiana* chronica supervenit *purpura*. Sicuti verò nominato mense *Febr.* non solum febres *catarrhales* *Lutetiæ* *Parisi*orum, *Versaliæ*, *Gratianopoli*, *Marsiliæ*, *Camberii*, *Romæ*, *Liburni*, perque *Ducatum Mutinensem* adhuc dum spargebantur; verum etiam

alias funestæ, *Augustæ Taurinorum*, *Mediolani*, *Bononiæ*que visebantur, ut de lue pecorum circa *Laudensem agrum* infestante nil tradam: ita *Viennæ* præter *congestiones* versus partes superiores, *rheumatismos*, modo *clavum hystericum*, cujus comes erat *febricula* statim hora rediens, modo *odontalgiam* contumaciorem post se trahentes, atque *apoplexias*, febres *continuae malignæ* continuarent. Harum alias fuerunt *exanthematicæ*, erumpentibus vel *petechiis*, vel *purpura*, vel *morbillis*, alias nullas ad corporis peripheriam *ejectiones* proferebant, quarum tamen posterioribus, ob summam *virium prostrationem*, *vigilias*, *deliria*, *motus convulsivos* neque hîc loci, neque *Rustini* in *Hungaria* multum fidei habendum erat. Etsi verò multi ægrotorum, quod suprâ monui, curam à *purgantibus* incipiant, & ex his in febre *petechiali* nullum unquam restitutum fuisse scribat *Patrens* piè defunctus, in *Historia Epidemica Hungariæ*, idemque & ego in mea praxi notaverim, *fœmina* tamen quædam hoc mense etiam servata. Hoc autem notatu dignior est hic casus, quod eadem persona febre *petechiali* detenta, & *laxans* sub initium assumerit, & *exanthematibus* jam præsentibus V. S. celebrandam curaverit. Unde accersitus tandem deprehendi *exanthematum* retrocessionem. Affectus hinc indies invaluit, & secuta sunt non solum brevi *deglutitio difficilis*, *anxietates*, *subsultus tendinum*, *pavorès* sub somno, *deliria*; sed & XIII. die tam *petechiæ* *nigræ*, quam *purpura alba*, quibus sese *auditus difficultas*,

cultas, atque *rigiditas totius corporis* adjunxere, ut & *soporosa affectio*. Morbum igitur hunc in pessimis signis constitutum, atque *lethalem* pronuntiavi. Sed tantum abest, ut *exitiosus* decumbenti fuerit, ut potius adhibitis maturè *Vesicatoriis*, blandamque *diapnoën* promoventibus, sensim atque sensim sub *secunda purpuræ albæ* eruptione, *quarta septimana* contingente Symptomata remiserint, atque patiens ab hoc affectu *periculosissimo*, præter omnium opinionem ac spem liberata sit. Mense *Martio* partim *catarrhales Florentiæ, Neapoli, Anticariæ*, partim *morbilli Lutetiæ Parisiorum*, partim *aliæ malignæ*, atque intra paucos dies *lethales Bialæ Polonorum* sese sistebant. Eodem tempore *Viennæ* sese offerebant *congestionēs*, tam in *junioribus*, quam in *media*, quam etiam in *consistente ætate*, jam versus *nares*, jam versus *pulmones* magis tendentes. Non nunquam *evacuatio sanguinis per nares*, non nunquam *excretio seroso-mucidæ materiæ* vel in *coryza*, vel in *tussi humida* succedebat, quandoque *nulla* fuit observata, humoribus nempe congestis in *stagnationem* deductis. Unde varii denuo *affectus* pendebant. Inde enim non tantum *tumor* non nihil rubicundus, sed nequaquam inflammatorius, *Cheilocace* dictus, de quo *Arnoldus Bootius obs. med. de affectibus omissis* p. 30. C. X. pluribus egit, in *adulto* nascebatur: verum etiam *inflammationes*, nunc in partibus *externis*, *tonsillis* atque *dentium periosteo*, nunc in *internis*, sive *anginam* veram cum febre, sive *splenitidem*

mensibus instantibus spectes, obortæ sunt. Neque *malignæ* febres minuebantur, sed in aliis sub *simplicis*, in aliis sub *compositæ* adparuere schemate, quarum *prior* aliquando *continens*, plerumque verò *indolem continuæ* habuit. Atque hæc *posterior* huic ob *cephalalgiam*, *dolorem pectoris* molesta erat, illi *gravior* ob *catarrhum*, atque *debilitates synopticas*, isti *periculosior* ob *vigilias*, *deliria*, *diarrhœam*, *torsores oris* XI. die apparentes, in omnibus ob *anxietates*, *abjectionem animi*, *summam virium prostrationem* vehementior, hocque magis, si *purpura alba*, vel *petechiis* supervenientibus non ritè tractata fuerit. Sic in robusto quodam Juvene notavi febrem *petechialem*, ob *purgans* repetitis vicibus sub *initium* morbi assumptum, intra paucos dies *funestam* æque, ac *latioribus livescentibusque* exanthematibus stipatam. In *fœmina*, quæ in *purpura* doloribus *spastico-arthriticis* varia *unguenta & linimenta* opposuit, ob *impeditam hinc transpirationem*, *mensēs*, mox *disparentes*, *Venæ Sectionemque* neglectam, quæ hic loci ut plurimum necessaria est, non modo *graviores* statum animadverti; sed & *periculosiorem* judicavi. Sed ecce, *temperatis diapnoicis* per aliquot dies usurpatis, erumpente *purpura alba* copiosissima & *dolores*, aliaque symptomata mitigabantur, & *febris* hæc intra spatium XXI. dierum solvebatur, etsi *dolores arthriticos* diutius adhuc senserit, sublatos successivè *antispasticis*, *laxantibusque* blandioribus. *Simplex* hæc *maligna febris* interdum *inflammatoriā*, interdum *continentem* junc-

tam habuit, ubi remedium præcipuum erat V. S. Hac verò prætermiffa, quamvis optima etiam *medicamenta* propinata fuerint, irrita sæpè fuere omnia. Id ipsum videre licuit in *virgine* quadam juvene. Licet enim in eadem ob *plethoram*, *mensēs* alias *parciores*, tanto magis V. S. in *continente* febre commendaverim, monito tamen hoc salutari non auscultabat Parens. Unde mirum non est, quod *mensibus* sub *initium* quidem accedentibus, mox tamen iterum cessantibus, *summam lassitudinem*, *dolores spastico-arthriticos*, *cephalalgiam*, *vigilias* sub *principium* jam præsentēs, plura secuta sint periculosa symptomata, *dolor dorsi*, *major congestio versus caput*, *acerbior dolor capitis*, *propensio ad somnum profundiorē*, *auditus difficultas*, *hæmorrhagiæ largiores*, *ad debilitates syncopticas usque*, *sudor frigidus*, atque die viij. *motus convulsivi*, ipsaque mors. Aprilis, sicuti sua natura alias *mutabilis*, ita & hoc anno Viennæ *inconstantiam* suam prodidit. Sub *initium* enim *serenus* comparuit, sed *triduo* elapso alia multum diversa *tempestas* ingruēbat, nunc *pluviis*, nunc *nivibus* sese exerens. *Humidam* hanc atque *frigidam* in *progressu* tepidior ac *amœnior* excipiebat, imo & huic *postremis* tribus diebus denuo *horrida* magis, atque *tumultuosa* ob *ventos*, *pluvias*, *nives* succedebat. *Majus* ut plurimum, in primis sub *principium*, *pluviosus*, hincque *humido-frigidus* oboriebatur, quandoque tamen & *serenior*, *placidior*, tam *prioribus* diebus, quàm *figillatim* sub *finem* observabatur, ut nec de *tonitribus* & *fulminibus* crebriori-

bus die viij. atque XX. recurrentibus, nec de *grandine*, quæ X. cadebat, quicquam adducam. Toto *Junio* exoptata habuimus tempora, *calores*, sæpè *pluviæ* nocturnæ amœnissimæ, interdum mitis atque lenissimus *ventus* contemperabant. Vere toto quanto constitutio aëris eadem ferè mansit in aliis *Europæ* regionibus, atque hîc locorum erat. *Aprilis* enim sub introitum *Holmiæ*, remittente *frigore* blandior notabatur, deinceps *Ustæ*, perque totam *Bohemiā* *pluviosus*, *humido-frigidus* sentiebatur, tandem *calidior* succedens non modo *glaciē* *Petripoli* solvebat, verum etiam in *Polonia* perexigua & perminuta *flumina* reddebat. *Majus* & *Junius* alibi quoque magis *pluviosi* fuere, cum ille tam ob *nives* junctas *pluviis* *Cracoviæ*, quàm ob ingentes *tempestates* cum *fulguribus*, *tonitribus*, horridis *grandinibus*, & *ventis* violentis *Coloniæ Agrippinæ*, *Heudenæ*, variis in locis *provinciæ Ultrajectinæ*, *Dromoriæ*, *Walvici*, *Bardevici*, in *Saveria*, *Episcopatu Monasteriensi*, *Susati*, *Berolini*, *Halæ Saxonum* exortas, *subfrigidus* atque *inamœnus* permanferit, hic verò posterior tam *turbulenta* tempestate sese exhibuerit, ut modo *fulguribus* gravioribus *Polonis* atque *Berolinensibus*, modo *grandinibus* in *Barcheria*, *Volhynia* degentibus, modo *ventis* vehementioribus *incolis circuli Burgundici* damnum intulerit, modo ob frequentes copiosissimasque *pluvias* *Molybergæ* intempestivus fuerit, *Cameneciæ* atque circa *Halā* *Magdeburgicā* viventibus disruptis *piscinis* multum molestiæ

tiæ asperferit, atque in *Valachia* jam homines, jam pecora, dum circumfluerent aquis, atque in harum abundantia viverent, è medio sustulerit. Si morbos cum vere surgente increbescentes, atque ad solstitium æstivum usque infestantes reputemus, ob similem aëris constitutionem ubique vigentem eosdem hic regnasse liquet, qui homines adorti sunt alibi. Mense *Aprili*, *Majo*, *Junio* enim cum intermittentes, tertianæ in *Italia*, tum continuæ, vel nulla exanthematica emittentes, malignitate tamen non carentes, atque nunc catarrhales anginodes *Lutetiæ Parisiorum*, inque *Ducatu Ferrariensi*, nunc alias circa *Guardistallum* repræsentantes, vel exanthematicæ, tam sub vario *Moscoviæ*, *Holmiæ*, *Nemausi*, *Cazallæ* sese sistentes, quàm sub pestis schemate in *Podolia* adparentes, febres grassabantur. In quibusdam locis & alii visebantur morbi. Sic lues pecora aggrediebatur in *Germania*, dysenteria in castrorum metatione circa *Molybergam* milites afficiebat *Junio*, apoplexia atque podagra præter solitum eodem mense homines *Moscoviæ* invadebant. *Vien-næ* mensibus vernis sese offerebant congestiones versus pectus, caput in hæmorrhoidariis, sanguineque spissiori præditis, rheumatismus capitis ob menses parciore, lumbago rheumatica, cephalæa cum febre, ophthalmia, odontalgia, affectus spastico - arthritici, arthritidis fixa post iram, atque excessus ratione potus in hæmorrhoidario commissos, malum ischiadicum refrigeratione prægressa, chiragra post animi excandescentiam, podagra mensibus

post terrorem disparentibus, febres intermittentes, quotidiane, etiam infantibus familiares, tertianæ, in aliis anticipantes, in aliis postponentes, quartanæ si non solis salibus digestivis, atque viscidum incidentibus, tamen pulveri *Lentilii ex cort. fraxin. rad. gentian. rubr.* atque sale absinthii concinnato cedentes. Præter has continuæ continuarunt, non solum primariæ, sed & ex secundariis, inflammatoriis, peripneumonia atque pleuripneumonia. Posteriori juncto sputo cruento, atque graviori febre laborabat quidam *Juvenis*, prior verò reperiebatur cum aphonia in ancilla, utraque V. S. atque diaphoreticis temperatis sublata. Frequentes erant malignæ, interdum simplices, interdum compositæ existentes. Quandoque enim continua complicabatur cum continente, qualem hæmorrhagiis, atque sudore intra primum septenarium solutam videre licuit in *Illustriss. quadam filia XIII. annorum*, quandoque & intermittentem habuit comitem, ita, ut aliquando sub tertianæ schemate incesceret, aliquando etiam initiùs tractata in tertianam sive simplicem, sive duplicatam, pulvere ex fl. chamom. sale absinth. atque antim. diaph. parato, brevi curatam, transierit. Non nulli horum jam in principio hæmorrhagiam narium, vel hæmoptysin perpeffi sunt; quædam tamen scemina & sub paroxysmo intermittentis vomitu cruento correpta est, unde in iis quoque V. S. cum successu sub initium celebrabatur. Sæviit hæc maligna febris æquè in gravidas, atque alias. Rariorem *Leytheponti* habui casum.

Et si enim foemina quædam juvenis, & sub initium *purgans* assumerit, & die vij. V. S. in eadem instituta sit, & nimias ob *vigilias* huic pharmacopœus *narcotica* exhibuerit, & post incongrua hæc artificia multa statim enata sint *periculosa* symptomata, *vigiliae continuæ*, *deliria* non interrupta, *lypethymia*, *tremor artuum*, *floccorum lectio*, aliaque; tantum tamen abfuit, ut obierit, ut potius *Vesicatoriis* nuchæ, pedibusque applicatis denuo ad se redierit, vocatis deinde in usum *confortantibus*, *analepticis*, *bezoardicis* temperatis *pueros geminos* enixa sit, atque præter omnium spem ex morbo gravissimo evaserit. Neque *exanthematicæ* nostris ullas dederunt inducias. *Catarrhalis*, licet in infante cum *inflammatione tonsillarum*, *deliriis*, IV. die, superveniente *hæmorrhagia narium* largiori, *sudore*, *urina turbida* & inquinata, remiserit, alterationes tamen *febriles* post se relinquens, non nisi *purpura alba* subpullulante penitus disparuit. *Petechialis* ægrotis eo plus negotii facebat, quo minus studiosa, minusque decens adhibita fuerit curatio. *Laxantia* etiam sub introitum morbi noxæ erant, & nemini *fabrum aurarium*, ob propinatum *purgans*, atque *refrigerationem* factam, *lypethymia*, *vigiliis*, *deliriis* tentatum die vij. è medio esse sublatum. Neglectam *petechialem*, hincque *confusam* animadverti in tribus Juvenibus, quorum unus prioribus diebus in summam *virium* prostrationem, *gravitatem pectoris*, *vigilias*, *deliria*, *diarrhœam*, die vj. in *subsultu tendinum*, *singultum*, vij. in *pete-*

chias nigras, viij. in *soporem*, sequente in *purpuram albam*, *motus convulsivos* incidens IX. die mortuus. Ceterorum alter non modo sub *principium vertiginem*, *dolorem gravativum pectoris*, alternisque diebus *exacerbationem* percipiens; sed & in *progressu* febris *vigilias*, *deliria*, *manuum tremorem*, *floccorum lectionem*, *torsionem oris*, *alvi involuntariam excretionem* incurrens die XII. fato succubuit, alter *biliosus*, variis *excessibus* deditus, præviis *vigiliis*, *deliriis*, *diarrhœa*, die vij. *sopore*, *aphonia*, *urinæ suppressione*, IX. *artuum tremore*, X. *urinæ involuntaria emissionem*, *tremore labiorum*, *subsultu tendinum*, *adpectu torvo*, XI. *floccorum lectione*, *torsione oris*, *alvi defectione involuntaria*, *motibus convulsivis* periit, quamvis ubique nihil non tentatum sit, imo tardius accersitus iisdem, *sanguinis detractione* in *statu* amplius locum non habente, pro re nata *bezoardica temperata*, *confortantia*, *subadstringentia*, *antispastica*, *vesicatoria*; aliaque longo usu atque experientia probata remedia suaserim. Eodem tempore multos occupabat *purpura*, quæ tamen prudenter tractata nulli funesta fuit. Spargebantur præter febrem *scarlatinam* in teneriori ætate cum *vomitum*, *tussicula*, *cephalalgia*, *motibus spasticis*, *convulsivis*, *deliriis* præmaturis occurrentem, atque blandis *diapnoicis*, *antispasmodicis*, *sudoreque* die vij. victam, & aliæ duæ species, *purpura* nempe *rubra*, atque *alba*. Atque hæc quidem etiam *infantes* febre *catarrhali* licet superata vehementer affligebat, quendam

dam verò ex *adultis* ob *refrigerationem* summo periculo exponebat. Cum enim proclivior sit febris hæc materiam morbificam per *poros cutis* proscribere, mirum non est, mutatione *lecti*, atque aëris *frigidioris* admissione facta die *vj.* in subiecto nostro *plethorico*, *cacochymico*, ob *sudoris* retrocessionem, majores statim *anxietates*, *inquietudines*, *vigilias*, *mentis alienationes* usque ad *XI.* diem durantes, in conspectum prodiiſſe. Gravius sic decumbente ægro in consilium quoque vocabatur Archiattrorum Cæsareorum Comes, Perill. atque Magnif. *D. de Longobardi*, cujus nomen, dum audio, veneror. Tametsi verò *Lectione* & *experientia* hic Vir Celeberrimus serio imperaverit, ut & *continentiam* tranquillam sibi commendatam haberet, & medicamenta *diapnoica*, *antispastica* à me præscripta subinde repeteret, & aliis salutaribus *monitis* auscultaret, impedire tamen non potuit, quin *adstantes* suasi aliorum medicorum, contra *obstructionem* per *quatriduum* præsentem *clysterem* applicandum curassent, nisi eadem die *XII.* *purpuram albam* copiosissimè erumpentem detegissem, atque sic Patientem ab orci faucibus liberassem, quem mox clystere jugulassent. *Julius* ultra dimidium *pluviis* conspicuus erat, ita tamen, ut tempestas *pluviosa* cum *sereniori* per totum *mensis* decursum alternaverit. Unde *gratus* atque exoptatus observabatur, quamvis & die *XIII.* *violenta* tempestas non tantum *Viennæ* cum frequentissimis *tonitribus*, flammarumque *fulgoribus*, sed & in *vicinia* cum *grandinibus* insolitis,

maximo *vinearum* damno, oborta, & *postremis* diebus ob copiosiores *pluvias horridior* secuta sit. Similes *vicissitudines* ratione *caloris*, atque *siccitatis*, per totum *Augustum* sentiebamus. *Calor* enim semper moderabatur *pluviis*, aliquando *citius*, aliquando *tardius*. Non nunquam mane *optima* tempestas comparuit, *spurca* succedente *vesperi*, non nunquam *calorem* per aliquot dies durantem *pluviarum* *continuitas* excipiebat, imo & sub *finem* æstus *diuturnior* imbres *largiores* prægressus est. Atque ob *pluvias* tam sub *initium* mensis *sequentis* ingruentes, quàm circa æquinoctium *autumnale* continuantes tempestas *frigida* atque *humida* ad *postremos* usque *Septembris* dies perseverabat, *reliquis*, à *tertia* nempe ad *XVIII.* *Serenis* atque *aqualibus* existentibus. Anni æstatem, cum ineuntem, tum adultam, tum præcipitem *pluviosam* & alibi deprehendimus. Sive enim *tempestates* graviores, atque *numero* non modo spectabiles, verum etiam ob *fulmina* vehementiora, *tonitrua* horrenda, *grandines* immanes, in *Volhynia*, *Leopoli*, circa *Lovitium*, *Upsalæ*, in *Ducatu Bremensi*, *Dresdæ*, *Augustæ Vindelicorum*, *Francofurti*, *Londini*, *Suffolciæ*, *Lutetiæ Parisiorum*, in *Civitate Remensi*, *Picardia*, *Genuæ* attendamus, sive imbres largiores, atque per copiam, & aquarum *pluvialium* affluentiam vel *animatorum*, vel *oppidorum*, *vicorum*, *vinearum*, *agrorum*, *pratorum*, aliarumque rerum *inanimatarum* jacturam factam in *insula Cretæ* *minoris*, *Cremesiæ*, in *Austria*

superiori , *Bohemia* , *Palatinatu* , *Brüxellis* , *Hallæ Saxonum* ; circa *Beralinum* consideramus , luce meridianâ clarius id ipsum est ; utut *Holmiæ* , atque in *Moscovia* major calor majorque siccitas cum nebulis foetidissimis , quam ab XI. annis sese exeruerit , ut & pisces inde in *Suecia* perierint . Hic tamen temperabatur calor pluviis adhuc dum *Julio* cadentibus , illinc frangebatur *Augusto* accedente frigore , quod æquinotio autumnali appropinquante & *Moscoviæ* , & *Ottoniæ* majus incrementum sumsit . Denique & notatu perdignum , ea , quæ ruti à grandinibus intacta permanserunt , à cicadis turmatim *Poloniam* , *Lusatiam* Superiorem & Inferiorem , atque *Marchiam Brandenburgicam* ingredientibus , intra Spatium XXIV. horarum ferè omnia fuisse consumpta , irreparabili incolarum damno . His mensibus æstivis , præter apoplexias *Hagæ Comitum* ingressas , arthritidem *Londini* infestantem , atque podagram *Romæ* , *Moscoviæ*que increbescentem , diversæ febres adhuc dum spargebantur , ita , ut ex continuis inflammatoriæ , quales sunt pleuritides atque peripneumoniæ , Gallos invaserint , malignæ modo in *Salopia* Anglis intra quatrimum funestæ , modo in *Apulia* militibus Cæsareis lethales , modo *Cazallæ* degentibus periculum minantes grassatæ sint , catarrhales in Ducatu *Manuano* regnaverint , variolæ *Romæ* , *Lutetiæ Parisiorum* , inque *Campinia* viguerint , dysenteria in *Italia* homines adorta fit , pestis in *Podolia* , *Volhynia* , *Moldavia* sævierit , imo denique &

lues quædam pecora circa *Camenetiæ* , *Chotimiam* , inque *Spirensi Episcopatu* occupaverit . Eodem tempore *Viennæ* commotioni humorum supervenire solebant hæmorrhagicæ congestiones , quas pro diversitate loci nunc hæmorrhagia narium , nunc hæmoptysis comitabatur . Quin etiam ansa hinc arrepta in mensium retentione visus hebetudinem habuerunt sociam , cedentem non solum antorgasticis , atque antispasmodicis , verum etiam fluxu menstruo redeunte penitus disparentem . Sicuti verò rheumatismos hinc inde videre licuit ; ita similis congestio per totum latus dextrum sese extendebat in sene plethorico , & podagrigo alias , & brevi ante morbum de *Stranguria* æquè , atque catarrho conquesto . In hujus facie periculosa sese sistebant Symptomata , inflatio , ophthalmia , oris tortura , partium adfectarum actio læsa , ut neque comedere , multo minus fistulare potuerit . Atque hic mihi suppetias præ ceteris ferebant diapnoica , antispasmodica , nervina vel in infuso , vel in decocto pro oris elutione , vel linimenti forma præscripta , quæ post V. S. reiteratam adductis Symptomatibus superatis , imo rheumatismo circa claviculam subsequente etiam discusso , successivè ægro sanitatem reddebant , licet maturius aëri frigidiori , atque humidiori se exponens podagram tandem incurrit . Sunt & alii adhuc morbi , qui subpullularunt . In ætate graviore raucedo sese prodebat , tussis vehementior eandem affligebat , in primis hypochondriaca , quali Illustriss. quædam Domina septuagenaria , juncto dolore hepatis , laborabat . In sub-

jecto

jecto Sanguineo - cholerico, atque podagrico, *nephritidem calculosam*, cum doloribus acutissimis, *clysteribus*, *digestivo - antispasticis*, *ol. amygd. dulc. balneis relaxantibus*, *unguentis emollientibus*, quæ calculi secessum facillitabant, sustuli. Affectibus *Spastico - arthriticis* ex proprio fonte erat succurrendum. Sic in *hemicrania chronica*, *malo ischiadico*, *podagra antorgastica*, *digestiva*, *diapnoica*, *antispasmodica* majorem opem ferebant, quàm ab ullo alio remedio expectari potest. In arthritide *fixa* cum *tumore* manus hæc quidem non sufficiebant, sed pulvis ex *sale cichor. fecul. ari, pulv. hepat. rubr. atque diagryd. Sulphurat. paratus*, laudatis *interpositus* ferè punctum tulit, cujus hinc usum, quo usque penitus remisit dolor, continuavimus. Occurrebant etiam in *adultâ* virgine plethorica motus *convulsivi* contumaciores, durantes per *triduum*, artusque adeo torquentes, ut in *luxationem* cubiti incidere. In *causam* mali inquirens animadverti, eosdem sine *manifesta* causa fuisse enatos, neque unquam, si *convulsiones* ob *terrorem* post *morsum* canis in Juventute perceptas excipias, ab eadem antea perpeffos. Remedium præcipuum ac præsentissimum fuit pulvisculus ex *matr. perl. præp. antim. diaph. nitr. dep. lumbric. terr. præp. atque cinnab. constans*, quem aliis non juvantibus exhibui, eumque deinde, applicato quoque *clystere* repetii. Nec defuerunt febres *malignæ*, acutæ, interdum sub *continentis*, interdum sub *schemate continuæ* apparentes. Quam plurimæ fuere *exanthematicæ*. Sæpe enim

complicabatur *purpura rubra*, in primis in *infantibus*, sæpè *petechias* emittebat hæc febris. Atque *petechialis* denuo duabus personis, quod *pur-gans* assumerint, à *vino* non abstinerint, *diapnoen* neglexerint, *tremoribus* totius corporis, *vigiliis* perpetuis, *deliriis* furiosis sese repræsentans, funesta erat. Alios affecit sine *exanthematibus*, quod tum *catarrhales*, tum *dysentericæ* sub finem *Septembris* invalescentes satis superque probant. Quædam jam in *principio* *dysentericæ* *mensis* expertæ sunt, in quibus *pilulas Stabl. subjunctis spec. de hyacinth. atque corall. rubr. præp.* cum successu adhibui. Taceo *quotidianam*, *tertianam duplicatam*, *ischuriam* gravissimam V. S. in pede decrefcentem, *diarrhæam* torminosam post iram *nitrosis* atque *præcipitantibus* victam, aliosque morbos his mensibus sese offerentes. *Octobris* initium *serenum*, utcunque *placidum* fuit, *progressus* ad *finem* usque *nebulis*, *pluviis*, *nivibus*, *grandinibus* conspicuus, *humido frigidus*. Totus *November* aut *nebulosus*, aut *pluviosus*, aut *ventosus*, aut *nivosus* erat, adeo, ut eodem mense neque *quatuor* dies *tranquilli* & *sereni* numerari potuerint, neque *frigida* atque *humida* tempestas unquam minuta sit. Quamvis autem & *December* *pluviosus* comparuerit, *tepens* tamen atque æstatis simillima tempestas eidem jungebatur, quam vix per IV. dies stantem excipiebat alia multum *diversa*. Sequebatur enim *ventosa*, *nivosa*, *rigidior*, quàm ullo, quod memini tempore, *frigori* acriori die XX. atque XXI. obortis *pluviis* quidem remittente, sed

fed XXIII. majori vehementia cum Aquilone atque nivibus redeunte. Sicuti verò priores Octobris dies, tam ob coelum splendore plenum in Palatinatu, quàm ob siccitatem in Ducatu Montano, ac Dresdæ calidiores quoque fuisse intelligimus: ita & sequentes atque postremos jam venti rigidiores Venetiis, in Hispania, jam pluviae non interruptæ circa Scaphusiam, in agro Bononiensi, Ducatu Guardistallensi, insula Junonis, aliis provinciis Hispaniæ, Cameneciæ, jam nives Holmiæ, Petripoli, in Ducatu Novogardiæ inferioris, Cameneciæque humido-frigidiores reddebant. Atque hæc, frigida scilicet, atque humida tempestas, cum ob ventos circa Portum ostium, Dublinum violentiores, tum ob pluvias in Palatinatu, Colonia, Brüsselis, Lutetiæ Parisiorum, Romæ, Genovæ, Calpe copiosiores; tum ob glaciem, nivesque in Moscovia, Polonia, Suecia, recurrente placidiori aëre solutas per omnem Novembrem continuabat. Denique & Decembris aura temperatiori, pluviis frequentioribus stipata, Batavis, Gallis, Germanis, Polonis, aliisque illuxit, tantumque abest, ut talis permanferit, ut potius turbidus successerit. Testes sunt non modo venti vehementiores Romæ, Liburni, Venetiis, Neapoli, in Lacu Lemano, Maclopoli, Rupellæ, Hanoveræ, Coloniae Agrippinæ, in Franconia, Hafniæ, in mari Balthico sese exerentes, verum etiam nives cum acerbissimo gelu in Moscovia, Polonia, Suecia, Holsatia, Saxonia, Gallia, Helvetia, Hispania, Bavaria invalescentes. Remisit quidem frigus

in Bavaria, Polonia, aliisque regionibus per paucos dies, mox tamen rediit intensissimum, cum omni tempestatum insolitarum, nivium & ventorum, genere. Autumno nunc arthritidis Londini increbescibat, nunc podagra Romæ, Mediolani, Genuæ, Lutetiæ Parisiorum, in Batavia, Berolini affligebat. Romæ eodem tempore pleuritides, peripneumoniarum, anginarum, aliæque febres inflammatoriæ frequentes erant. Malignæ & in Palatinatu inferiori, & in agro Lunensi, & Genovæ, & in insula Junonis in homines sæviebant. Non defendam easdem vel classicula Hispanorum præsidaria mediante ex America in locum posteriorem fuisse delatas, vel ex fonte quodam impuriori ortum fuisse, hoc saltem addam, has modo continentis Schema, modo indolem continuæ exhibuisse, cutem aliquando maculis, aliquando nullis fuisse interstinctam, ut de duplicatis in quibusdam perspectis nil adducam. Variolæ Coloniae Urbiorum, Londini, Lutetiæ Parisiorum, Versaliis, circa Autricum Carnutum, in Lunæ Villa, in Hispania regnantes, si morbos reliquos non exuperabant, numero tamen æquabant. Neque pestis in Podolia, Volhynia, Moldavia decrescebat, neque lues pecora occupans remittebat; sed latius serpendo & eundo tantas acquisivit vires, ut eorum quantitatem maximam in Bohemia, circa Posonium, Zamoscii, in Lithuania, Marchia Brandenburgica, versus Ducatum Magdeburgicum, aliisque in locis Saxoniarum è medio sustulerit, cui malo in postremis

stremis regionibus multum favebant miasmata putredinosa à cicadis relicta. Cæterum præter *paralyses*, *apoplexias Romæ*, *Mediolani*, *Bernæ*, *Lutetiæ Parisiorum*, *Hamburgi* se se sistentes, nil memoratu dignum mihi occurrit. Iisdem mensibus Virgo quædam Viennensis post V. S. ob menses *parciores* in *pede* institutam, *crocique essentiam* adhibitam, fluxum *menstruum nimium* incurrit, quem *adstringentibus* ab ordinario præscriptis expugnare per vij. Septimanas, sed frustra erat conata: hic ego ad repetitum *antorgasticorum* usum confugi, neque poenitenda opera, quamdiu enim ista propinarentur, satis rectè habuit, sed cum his *moderaretur* tantum fluxus, non *tolleretur*, V. S. in manu suasi, qua celebrata sine *antorgasticorum* præsidio omnino convalescebat. In aliis *rheumaticos* decubitus versus *faciem*, in aliis *otalgiam*, in alia post *refrigerationem*, atque aliqualem *lochiorum* suppressionem *odontalgiam* vidimus, in alio puero ob neglectam *diapnoën* diu *purpuram* perpeffo sese offerebat *cheilocace*, sive labro - sulcium, cum exulceratione labii superioris oris gravius, ac quasi *hæreditarium*, alii *coryza*, *angina*, *tussibus* laborabant; in aliis affectus *spastico - arthritici*, *digestivo - diapnoico - antispasticis* sublatis invalescebant. Innumera quoque hinc inde spargebantur febres, *inflammatoriæ*, *malignæ*, *catarrhales*, *exanthematicæ*, *intermittentes*, *tertianæ*, *aliæ*: sed præ omnibus *purpura alba*. Inva-
debat enim non tantum *infantes*, maturius in febre *scarlatina* mense *Junio* aëri liberiori commissos,

sed & *adultos*. Sequiorem *sexum* duplo gravius afficiebat. Sic affectus *hysterici*, *animi abjectio*, *ardor* atque *anxietas cordis*, *cephalalgia*, *vigiliæ*, *deliria* usque ad XVI. diem continuantia in Juvene quadam *Dolina purpuræ albæ* superveniebant, quibus sese excretio *critica* partim per *sudorem* die vij. apparentem, partim per *hæmorrhagiam narium* largiorem XIV. obortam, sequentibus XVI. etiam *mensibus*, adjunxit, ut & *exanthematum* eruptio XI. & XVIII. *secunda* vice cum levamine sese prodens. Duæ ex *puerperis* hac febre laborantes meam implorarunt opem, quarum alteri *camphorata*, *myrrhata*, similiaque internè dederunt, alteri *tincturas spirituosiores* præscribere Medici. Etsi verò *calidiora* utrique diffuaserim, atque ob *vigilias* & *deliria*, *temperantiora* laudaverim, tantum tamen abfuit, ut id ipsum in *priori* observatum fuerit, ut potius *massam humorum commoventia* repetierint, sicque imperitè tractata, nulla de *siti*, nullo de *dolore* conquerens, *urina* etiam *naturali* fere existente, die XI. sublata sit. Posterior, quæ non modo *spongiosioris* atque *plethorici* habitus erat, verum etiam ante annum cum sub *initium* gestationis menses *continuos*, tum *medio* tempore *fluorem album*, tum vij. mense *abortum* experta est, hoc gravius decumbebat, quod & in *abortum* denuo absque causa *manifesta* inciderit, *duabus* *in* simul *molis* secedentibus, & ob violentiorem *secundinarum* diutius remanentium *extractionem* debilitates *syncopticas* senferit, & die vij. *sudore* præfente aërem *liberiores* admiserit,

& viij. *exanthematibus* jam prodeuntibus *enematis* injectio facta fuerit, & ob neglectam *diapnoën*, dum surgeret maturius, atque *purpura* sub blando *udore* sensim evanescente, *rheumatismo* pedis summè dolorifico tentata sit. Serio hinc imperavi, ut sub continentia tranquilla regimen *diapnoicum* sibi commendatum haberet. *Variolæ* copiosiores, *ordinariis* quidem *maiores*, atque sub initium *pellucidæ*; deinde tamen ad ambitum *inflammatæ*, juncta febre exquisita, vigiliis, deliriis *suppurascences* æquè, ac die XIV. *exiccatae*, decidentisque cum solutione mali sub blanda *diapnoë*, *urinæque* *turbatione*, visebantur in filia jam adultiori, cujus in fratre mitiorem vim morbi animadverti. Nil di-

cam de *pleuritide* in Juvene vij. die sudori cedente. Neque vel de *cachexia* cum *nodis* atque *abscessu* *mammæ* in *puerpera* à *purgantibus* fortioribus, suasu barbitonforis assumtis aucta, *digestivo-diapnoico-antispasticis* autem à me ordinatis, sub copiosiori *sudore*, copiosiorique *urinæ* excretionem successivè penitus disparente, vel de aliis morbis *sporadicis* quicquam adducam. Hoc saltem addam, *mortuorum* numerum, sicuti *Londini* 26761. *Amstelodami* 8911. *Brunsvici* 1233. *Lycaoniæ* 400. *Berolini* 2691. *Wittenbergæ* 260. *Dresdæ* 1740. attigerat, ita *Viennæ* ad 8493. sese extendisse. Sufficiat hæc de constitutione *epidemica* hujus anni fideliter, prout & in alieno, & in mea praxi occurrebant, annotasse.

Dn. D. CAROLI RICHA, Philos. & Med. Doct.

Constitutio Epidemica Taurinensis Anni 1720.

I. **H**umanum Corpus variis passim advenientibus impressionibus excipiendis aptum, variis idem malis affici notum est, quæ quidem modò ab occulta aëris diathesi ortum habent, modò intimè profecta à variis fermentationum generibus, vel etiam putrefactionibus humorum, ut aiunt; seu rectiùs ab alterato fluidarum cum solidis partibus æquilibrium, ad cujus legem mechanicis præceptis illud idem comparatum est, subnascuntur. Hinc multiplex morborum cohors ab omni ævo terris incubuit, seu ab hac, vel illa peculiari corporum particularium anomalia, seu à causâ magis generali

producantur; Hosce postremos propriè *Epidemicos* dicimus, vel indiscriminatim, nulloque servato ordine homines invadant, vel continuâ quâdam serie, ceu facto circulo se se invicem excipiant, statisque temporibus oriantur.

II. Si quibus autem in morbis *divinum* illud ab Hippocrate proditum elucet; id sanè in epidemicis cernere est, quorum causâ rectissimè venerandus idem senex in anni tempora rejicit, quæ prout constitutionem suam naturalem servaverint, vel ab ea recesserint sanum, vel ægrotum corpus efficiunt, variasque ægritudines producant. Nihil sanè quicquam

quam animum universæ, quâ patet, Medicinæ pomœria perlustrantem tantâ admiratione percellit, quam discolor illa, & planè sui dissimilis istiusmodi morborum facies, tum quâ varias ejusdem anni tempestates, tum quâ discrepantes diversorum ab invicem annorum constitutiones referunt, ab iisque dependent; ut verè *divinum* quid dixeris inesse iis, nec immeritò *divino* laudis honore celebrandos, qui occultam illam, atque inexplicabilem aeris influentiam, unâque simul desævientes morbos scitè norunt expendere, ac prænunciare.

III. Atque id quidem ritè assequi res est multi otii, ac summè ardua; Opus utique verè magnum, cui fortassè unius Medici ætas non suffecerit. Diu namque, ut ut improbus, exantlandus labor est, antequàm nos aliquid memoratu dignum in hōcce fodiendō Isthmō, inque tam multifariâ horum morborum serie extricandâ præstitisse jure possimus gloriari. Neque is ego sum, qui me in his, quæ jam trado, omnem absolvisse numerum credam: Novi enim *quo ex luto mihi finxerit præcordia Titan; Quamve sit mihi curta supellex*. Satis erit ad laudem inchoasse telam quove pacto se res habuit nuper, quod ad hanc scilicet, in qua degimus, Urbem; ejusque agrum pertinet, enarrare.

IV. Quod ut ego felici calamo assequi pergam, ac dilucidè, quantum fieri potest, quotannis prosequi, ac illustrare; consentaneum duxi, quæ propria ac sua sit hujusce Cæli natura, quidve in hoc, quem premimus, Agro laudandum, quid cul-

pandum sit, antequàm ad alia progrediar, paucis exponere. Meâ etenim, immò Hippocratis sententiâ, id scitu maximè est necessarium, nemoque Cinicorum alicubi esse potest, vel mediocri famâ celebratus, quin ante omnia locorum, in quibus se velit exercere, cum positiones, ac ventos, tum aquas, & cæteras aëris, & alimentorum qualitates (quæ Urbium Cælum constituere videntur) probè cognoverit.

V. Eaque quidem omnia ad commendationem Taurini agri concurrunt. Enim verò Taurinorum Augusta, si modo ejusdem positionem spectemus, mirabili certè vel casu, vel consilio haud longè ab Alpium radicibus in amoenâ planitie excitata fuit ad lævam Eridani Fluviorum Regis, *nulli amnium*, ut Plinius ait, *claritate inferioris*. Hinc lætissimi Colles, quâ Orientem adspicit, trans Padum nitidissimo prospectu confurgunt oppositam imminentibus Alpium ad occasum Solis fastigiis faciem præbentes; Hinc effusissimus ager, quâ Boream, ac Meridiem spectat, protenditur, quem *Taurinates campos* vocat Anonymus in Panegyrico ad Constantinum; *Taurinos* ego potius dixerim elegantiore vocabulo, quo quidem usus est Ptolomæus, Tacitus, Plinius, & alii quam plures. Sic etiam Taurini Populi dicti sunt, qui antiquâ Ligurum stirpe huc primi confluxere.

VI. Isque est Urbis, tum Agri conspectus, verè, si fas est ita loqui, *Elisius*; Ecquis enim haud videt ex tot hisce inter se non diversis modò, sed quasi contrariis locis, Collibus nempe, Alpiumque cervicibus

haud longè ab Urbe impendentibus, amplissimâque interjectâ planitie mixtam veluti quamdam ex omnibus, ac libratam Atmosphæram consurgere; fluidumque aera, quem à Sole potissimum, Luna, ventisque inæqualiter premitur, perenni motu agitatam, minimo illud negotio à finitimis Montibus in patentem planitiem, & vice versâ contendere, sursum illud prementibus, urgentibusque partim domorum ignibus, partim æris campani pulsu, & discurrentium Civium miscelâ.

VII. Sic verò præsertim comparata Urbs est, ut liberum habeat Solis tum ortum, tum occasum; quâ namque parte Orientem intuetur Solem, ita compositi sunt interjecti Colles, ut ejus illa radiis nullâ, vel exiguâ diei parte defraudetur; quâ verò Occidentem adspicit, dissitæ Alpes, ferè sexto ab ipsa lapide, Occidui morientis Solis aspectum nullimodè inhibent; quin immò radios quoquo modo reflectendo, ac declinando hilarem, lætissimumque vespera incolis ferunt.

VIII. Insuper præstant modo dictæ Alpes, quòd excelsis illis, quibus eminent, cervicibus, lenes, mitesque occidentales ventos, quos cæterum impetuosos maximè, ac insalubres potissimum Gallis occidentilibus novimus, lenes inquam, mitesque subalpinis ferant, eâ quidem ratione, quod uberrimam illam, si quid ego hîc judico, vaporum aquosorum copiam, quam hi secum ex Oceano Atlantico vehunt, magnâ ex parte per vastissimum totius Galliæ occidentalis tractum dimiserunt, tùm si quid adhuc retinent, antequàm Al-

pes pervadant, deponunt, quò scilicet dein lenes ii, ac temperati subalpinas hæc Regiones benigno afflatu recreent.

IX. Quod verò orientales ventos attinet, hosce libere per universum Agrum Pedemontanum perflare sinūt exarati Colles ad Orientalem Urbis plagam compositi: nec humiles nimis, nec elati; ita tamen dispositi, ut nonnisi purissimum ætherem, leniterque retusum, ac mitigatum ad nos primâ luce appellere permittant, perque patientes campos discurrere.

X. Neque diffiteor haud adeò insensum nobis fore Boream, atque illi oppositum Austrum, si quid opportunè illis opponeretur, quod medium veluti libramentum eorundem vim frangeret, ac temperaret. Cum verò liberè hi tum à Septentrionali nivibus obsitâ, tum à Meridionali vaporibus aquosis divite plagâ, nullo interjecto obice discurrant; furentes indè, ac debacchantes sævissimo plerumque flamine Incolas verberant, vel eo maxime, quòd assurgentes utrinque montes, apertum iis campum, ac quemdam veluti alveum, quo magè sæviant, præbent. Longè verò Meridionali infensior Boreas est, quòd ille inquinamenta, quæ secum vehit, medio quasi in itinere, antequam in obviam illi planitiem illabatur, interjacentibus maritimis Alpibus, quæ à meridie imminet, ac Niciensem ditionem à Pedemontio disflerminant, dimittere cogatur aliquandò. Boreas verò è Montibus glacie, nivibusque tectis spontè ruens subjectos campos pervadit, liberèque furens non modo aerem valdè condensatum, & compressum adducit, sed

sed & minuta corpora nitrosa non parum infensa secum advehit, erodendi, irritandique facultate prædita, quod apertè quidem ipsamet ostendunt ædificia, quæ cum maximè inveterascunt, adversâ Septentrioni facie, non leves corrosionis notas præ se ferunt. Equidem ut rem omnem in pauca contraham, ex hisce omnibus ventis, quibus Taurinus Ager perflatur, neminem agnoscimus Orientalibus salubriorem, neminem insuper infensorem Boreâ, atque Austro, infensosque denique minus, ac fortè etiam salubres, cum maximè moderatè flaverint, Occidentales didicimus.

XI. Plures verò fluentes aquæ uberi gurgite hosce campos alluunt, haud exiguâ incolarum felicitate; Hinc enim rivulos penè innumeros cernere est per univèrsam agrum longè, latèque eximiâ, nec unquam satis laudatâ Colonorum industriâ disseminatos, qui rursus dein unâ omnes in unû, alterumque amnem, majoremque alveum excurrunt. Hosce inter amnes aquis, tum mupere præclariores sunt Padus, ac Duria; Ille è gremio Vesuli montis celsissimum in cacumen elati, finibus Ligurum Vagiennorum, visendo fonte profluens, condensque se se cuniculo, mox in Forobivensium agro iterum exoriens, placidissimo motu, quâ præsertim aprici colles eminent, juxta Urbis moenia præterlabitur; ultròque dein pergens mutato itinere Orientem versùs excurrit, quò tandem aquis dives in Adriaticum mare tergemini ostiis se se exoneret. Hæc ex Alpibus Cottis præcipiti tramite decurrens altero sui alveo Pado adfunditur, altero in rivos

diviso per Urbis semitas salubriter devolvitur, immundiciarum faciem, impurum spiritum, & causas gravioris Cæli secum unâ removens, auferensque.

XII. Sunt enim Alpes ita dispositæ, ac comparatæ, ut si quo in loco, hic sanè admirabilem lufum excelsis earumdem cervicibus præbeant, uberesque effundant in subjectam planitiem aquarum latices ex intimo earumdem gremio profilientium, perque tot amphractus, ac mœandros lætò, gratoque murmure decurrētium. Hinc soli bonitas aliis longè telluribus, quæ clementissimo Cælo gaudent, profectò non inferioris. Hinc frugum omnium, ac rerum proventus uberrimus, nullo non tempore, parvo etiam pretio copiosâ tellure salutarem incolis, ac hospitibus victum largiter subministrante. Hinc benigna aëris nativa indoles, quod caput est maximum, potissimum repetenda; Sicuti enim secundum Theophrasti (a) axioma, *talis est aqua, qualis est terra, per quam ipsa percolatur.* Ità quoque, me iudice, plurimum una simul conspirant, atque invicem juvantur, lædunturque, aer, & aqua: nilque adeò magis ad aëris, quem scilicet ceu immensam quasi spongiam minutissimorum corporum, quæ à terraquo orbe, perenni tum externo, tum interno molimine excitantur, concipimus, puritatem, bonitatemque, ac locorum proindè felicitatem, atque incolumitatem conducit, quàm dulces, probataque aquæ suos per alveos, & canales liberè excurrentes.

XIII. Ecquis verò lymphas, tum quæ ex intimis Alpium Amphracti-

A a a 3 bus

(a) *De caus. plant. lib. 6. c. 3.*

bus scaturiunt, tùm quæ spontè ubique in universo agro profiliunt, tot inquàm infontes lymphas crimine, aut malitiâ culpaverit, quarum bonitatem certissimo argumento, præter spagiricam analysin, longa diu experientia, probatusque apud incolas usus testatur? Quis limpidissimos ubique orientes fontes criminabitur, ad quorum quamplures, tamquam ad sacras Thermas concurrere ægros novimus, eorumque auxilio diuturnis ipsos malis evadere? Quis puteales ipsas, quæ tùm in Urbe, tùm in finitimis Oppidis passim prostant, aquas vitio redarguerit, quas, aut saltem pleraque, longo usu, optimas esse didicimus? Quod enim harum pleræque putidæ alicubi reperiantur, malum hoc acceptum referendum est non lympharum venulis, sed modò corporibus facilè putrescentibus, quæ in puteos ipsos præcipitata sunt, modò nimiae quieti earundem putealium aquarum, modò tandem, quod frequenter accidit, Architectorum imperitiæ, qui puteos cavant juxta latrinas, aut cloacas quarum sepulta lues infontes aquas contemerat.

XIV. Scio quidem fluviales maxime, non omnino infontes haberi, utpote quæ exoticis particulis, cum præsertim nives æstivis mensibus liquecunt, inquinatæ sunt. Atqui adventitia hæc labes hujusmodi aquarum est, quam facili ego aliquando marte diluam peculiari quodam, quem mihi olim elaborandum constitui, tractatu, *de morbis endemiis, seu de Medicina domestica Subalpinorum*; In quo quidem tractatu tùm nativas, tùm adventitias hujusce, in quo degimus Cæli qualitates fusiùs, ac elaboratiùs

exponam, tùm, quæ præcipua res erit, naturalem Pedemontani agri historiam à nemine, quod sciam, tentatam adhuc, atque ab amicis diù expetitam, accurato, quantum fieri poterit, stylo persequar. Hæc interim satis erunt impræsentiarum pro ea, quam modò aggredior, felicique omine prosequi in dies cogito, exornandâ Provinciâ. Manus itaque ad Tabulam.

XV. Utque ab ante acti anni 1719. exitu, Hippocratis more, incipiam. Fervidissimam, ac pulverulentam æstatem siccissimi veris, ac hyemis sobolem, pluviosus, ac lutulentus Autumnus excepit. Nulla scilicet visa dies ab autumnali æquinoctio ad hyemale solstitium usque nubibus expers, ac læto Cælo. Nec diu quidem se se prodere distulit morbosa proles sub febrium larva nullo ferè typo suborientium, quæve morbillosarum, ac variolosarum indolem præ se ferebant, delitescens. Et sanè morbilli, qui præcedentibus annis totam penè Pedemontanam Regionem longe, lateque infestarunt, jam fatiscentes dein, variolis locum cessere, quæ ineunte æstate subortæ, autumnino maximè debacchatæ sunt, deplorandâ tenellæ præsertim ætatis clade. Curiosum sanè erat, quo hæc pacto ab uno ad alterum finitimum oppidum migrabant, ac se se invicem excipiebant, perpendere, eundem scilicet quo antea morbilli apparuerant, ordinem servantes, ac morem, ingeniumque. Alpina namque loca ab hisce primò, mox universus denique Pedemontanus ager funestatus est. Diceres ab Alpibus illas ad subalpinas Urbes transiisse: unde demum factò velut agmine, ac impetu à finitimis regionibus ad magis

gis diffitas, à Subalpinis ad Insubriam, ab Insubriâ ad Mutinensem agrum, ab hoc ad Romanum, totamque dein extremam usque Italiam propagatæ sunt. Quodque mirum magis est, ac considerandum maximè; quod lethale esse solet hisce erumpentibus, nigroque propemodum lapillo signandum; id ferè proficuum extitit, ac salutare: motus nempe per alvum spontaneus ab ipso variolarum erumpentium exordio ad usque supremum earumdem stadium perdurans, cujus beneficio haud paucos memini, jam penè Orco proximos, ex insperatò servatos. In quo quidem id ego potissimum didici, variolas nempè, cum maximè symptomaticè, ut ajunt, erumpunt, alio utique more curari, tum judicari, ac illas, quæ essentialiter se se produnt.

Variolarum Classi meritò adnumerabantur putridæ febres, variolosæ, inflammatoriæ, ut subinnuimus, & hujusmodi aliæ, quæ æstivis mensibus suboriri cœperant, ac tum fortè cudebantur, subsequenti postmodùm Autumno, ac Hyeme erupturæ. Hisce se se addidere comites Pleuritides spuria, Ophthalmia, Angina, Dysenteria, Stranguria, atque hisce affinium morborum prolixa Cohors, quorum una simul, atque eadem omnium origo est; unum, idemque incrementum.

XVI. Atqui desiit tandem, accedente hiberno solstitio, pluviosa Autumni constitutio, lætiorēque temporum indolem prænunciare visus est novus oriens Annus (1720.) sereno, mitique adeò Cælo, ut medio ferè Januario Veris exordia præludere jam tum cœperint, Occidentalibus

ventis præmaturè spirantibus, quibus æquo pede identidem præter morem Australes succedebant. Quis ægrorum status in illâ verè insolenti conditione temporum fuerit? Quid inde subsequenti æquinoctio pertimescendum maximè, facile is conjicere poterit, qui quod Hippocrates ipse in hujusmodi (b) inordinatis temporum vicibus portendit, planè didicerit? Et sanè vix à pluviosâ ad siccissimam rursus vergere visa est temporum constitutio; ut illicò putridas febres in petechiales, ac malè moratas illis affines, ac consanguineas evadere adnotavimus, sensim evanescentibus variolis, nigramque faciem exaratis petechialibus, ac mali moris febribus, quæ de die in diem invalescebant, tradentibus. In hac postrema variolarum scena adultos maximè correptos vidimus, secus ac cum primitus apparere illæ cœperant, primævos tunc flores tantum, tenellosque infantes adortæ.

XVII. Quæ igitur ineunte Januario exoriri cœperant malignæ febres, eadem, appropinquante vere, quàm immanissimè debacchabantur, ac velut rupto aggere torrens longè, latèque per universa quæque Subalpina Oppida crudeli more desæviebant. Addiderant hisce vim, atque robur ingens in illa siccitate temporum, in quam ex pluvioso Autumno inauspicatò incidimus, hiscentes ab Australibus oris assidui flatus, infesti quantum! Præluferant hisce quoque denso agmine morbilli, ac succedentes variolæ, quæ superioribus annis, ac præcipuè exactâ nuper æstate, maximam infantium cladem edidere. Facile hinc conjicere erat iis potissimum

(b) lib. de aëre, locis, & aquis.

mum vexatos iri labente anno Sub-alpinos Incolas, ni quæ impendebant mala averterent Superi, miserasque terras defenderent. Auditum tunc quoque est Romæ hujusmodi febres, tum anginas, ac pleuritides defævire, quæ multa hominum millia utriusque sexus, & omnis ætatis, ac dignitatis interfecere. Quod ego quidem non absque ingenti animi dolore meminisse videor, cum præclarissimum, & amicissimum virum *Joannem Mariam Lancisium*, Summi Pontificis nuper quoque dum hæc ego scriberem, in Cælum elati Archiatrum, & Cubicularium intimum, de re medica, ac literaria optimè meritum, cui ego plurimum debeo, in luctuosissima illa rerum scena è vivis sublatum, & adhuc lugeam, & mecum unà lugeat universa Litteratorum Respublica. Mylis quoque in Sicilia, haud absimiles morbos jam tum superiori Æstate, Autumnoque extulisse caput, inque dies ingravescere magis, ingenti militum tum Hispanorum, cum Germanorum, ac Incolarum funere audivimus.

XVIII. Exaratis febribus spasmodici pectoris affectus, sub ipsum Æquinoctium, ac diu adhuc post ipsum consociabantur, sævissimoque inito foedere, auctis veluti viribus, juniores maximè, ac robustiores ausi sunt laceffere, inque Libitinæ censum deducere. Hisce quoque Comites aderant, subque iis merebantur Ignes sacri, anginae, arthritides, erysipelata, & alia id genus mala, quæ quidem eò magis recrudescere, quò parcius sæviebant exaratae febres, ac spasmodici pectoris affectus, fatiscere rursus, ac cedere, quo immaniter magis illi increbescebant, ac ita vicissim reci-

procantibus imperiis ludere pluries observavimus. Qui verò chronicis morbis, ac tabe potissimum, ne quidquid ad historicam morborum narrationem desit, jam diù conflictabantur, hosce initio veris ex omni prorsus spe decidere, adque interitum properare celerius fortè, quàm par erat, adnotavimus; Quin insuper multis de tabe in dubium venientibus, ipsa tunc est confirmata, atque haud scio si quis ex iis etiam modico tempore super-
fuit.

XIX. Isque fuit Austrinus hyemis status. Rarò scilicet, aut nunquam *Boreæ penetrabile frigus* persensimus, quin insuper nivali vellere defraudatâ terrâ, eâ saltè quantitate, quæ nostro huic Cælo congrueret, metus aderat, nè parùm indè frugifera futura messis evaderet. Solabatur tamen annorum antecedentium felix ubertas, ut venturis temporibus provisa sufficerent. Equidem exarati affectus, si modò Arthritides excipias, quæ quoque satis aptè ad vernaes morbos referri queunt, exarati inquam affectus veris potius, quàm hyemis ingenium redolebant. Et reverà non aliunde excitatas, ac penè dixerim expergefactas, novâ veluti prole sobolescere crediderim præfatas affectiones, quibus tunc obruebamur, nisi ab Austrinis sævientibus flatibus, atque hinc præter morem serenâ, ac veris speciem referente hyeme, cui pluviosus Autumnus post ingentem illam temporum siccitatem prægressus fuerat. Hinc enim præludente, præmaturo afflatu, vere, ut vegetantia quæque in agris, ita & humani corporis liquida intestino motu fermentescere coeperunt magis, ac agitari.

XX. Cum verò impar incepto absolvendo muneri, ac minùs congrua foret liquidorum massa, tùm ob alternantium ventorum indolem, qui plerumque humidi, mox sicci iterùm perfantes, modò in motum data liquida ciere magis, modò illa cohibere, ac minùs apta suscepto muneri reddere videbantur, leviozem modò, mox graviozem aera, ac condensatum magis adducendo; tùm ob particularum sanguinis spirituosiorum præconceptam, ante actâ potissimùm æstare, ac vere, Phlogosim, cujus veluti prologia existerant defævientes morbilli, atquè iis affines variolæ, impendentium jam tùm malignarum febrium præsagia, ac incrementa; Tùm deniquè ob pluviosam Autumni, habitudinem, morborum parentis, omnium Medicorum ore feracissimi; evidens est ad minimum adauctum momentum motûs, quod reliquum erat balsamici, ut mea fert opinio, oleosi, aquosi, ac dulcis plus justò dissipatum iri, tùm multigenos dein intra prædisposita civium corpora collectos Sales acres, erodentes, absque Autumni pluviis in fluorem evectos, ac recens ab Austro ulterius fusos, accedente novissimâ quacumque causâ, tùm maximè exoticorum quorundam miscelâ principiorum, vincula quæque discissuros obvia, hinc turbata solidarum partium resistentia, universam humorum massam, fortè minus, quàm par erat, sibi invicem hærentem, quàm citissimè fermentativarum particularum præsentia dissolvi. Ea namque est unius fluidi ad alterum æquilibrîi ratio, ut unum veluti ab altero pendeat, eaque vicissim inter se unâ simul conspirent, ac ludant. Ubi verò quid infensum eve-

nit, tamque pulchrè inter se invicem comparatæ partes non eam amplius observant æquilibrîi legem, tunc universam penitus massam intestino, ac penè dixerim, civili bello perfractam, ni quam primùm periclitanti, ubi fortè defecerit, naturæ opem præbeat ars, obeundis functionibus imparem evadere, ac tandem collabi penitus necesse est.

XXI. Quod quidem concessum tum exoticis, tum indigenis fermentativis particulis irascendi imperium ingeniumque, evidenter, ac præclarè satis, tum quæ potissimùm grassabatur febris, tum quæ passim sub illius exortu, ac incremento sese prodiderant phænomena, ostendebant. Enim verò quotquot ægrotare cœperant, hocce, plerosque saltem, febris indefinenter ferè, nullâ quidem conspicua, & peculiari accessione sævissimè divexabat, quousque scilicet maculis purpureis conspersa, ac foedata cutis emergeret, aut quidquid aliud præludens præsentaneum interitum prænunciaret; afficiebantur autem potissimùm Meninges, aut Septum transversum, aut Hepar, iisque finitimæ partes. Multis primò insultu rigor, ac horror supervenit, quemadmodum in febribus intermittentibus videre est; sæpè etiam intermittentis typum mentiebatur, subque illius larva ad septimum ferè diem, non nunquam ad undecimum usque nec ultra ludere visa febris, mox in malignam evadebat, qualis ab ipso initio reverà aderat, eò quidem magis læthalis, ac periculosior, quo diutius latens, non juniores tantùm, sed senes, ac sapientiores fortè se felicit. Nec tamen sese ità prorsus abscondi noverat illa unquam, quin ali-

quam subesse fraudem suspicio, aut metus foret, quidve mali moris, ac re ipsâ divinum, vel intermissionis, vel vexationis die appareret; alii namque de immani capitis dolore, alii de ingenti æstu, ac totius corporis lassitudine conquerebantur. Quidam siticulosi aderant, ac diù vigiles. Haud paucos gravis adeò sopor, ut vix excitari potuerint, occupaverat; atque horum neminem servatum memini.

XXII. Ubi denique conspergi, ac foedari maculis cutis, aut principes partes periclitari videbantur, tùm mitescere febris, frangi, consternarique vires, squallescere visa facies, laborantis, ac pene jam deficientis naturæ præludia, quæ nullo amplius revocari poterat Cardiacò, aut Alexipharmaco qualicumque. Hæ verò peticulæ, ut plurimum quartâ die, & septimâ erumpebant; primò quidem in dorso, collo, & pectore conspicuæ, mox ad extremos usque pedum ungues sese expandentes; Observatumque paucos evasisse, quibus primis diebus illæ apparuerunt. Miles, cui tertio morbi die maculæ illæ ingenti agmine proruperant, sexto celerimè periit. Puella decennis olitoris filia vehementissimâ febris cum horrore, ac frigore correpta fuit; statim per exordia sitis multa aderat, & incontinens corporis jactatio. Postridiè periculis penè lenticularibus tota visa conspergi cutis. Tertiò parum synceri sanguinis è naribus stillavit. Urinæ crassæ, mox tenues, postremò nigræ. Dejectiones alvi biliosæ, spumantes. Quartò deliravit. Quintò syncerus iterum sanguis è naribus effluxit. Sextò rigor febrilis rediit, multa, nigra, foetida vomuit; sub Solis occa-

sum mortua est.

Puellam alteram meminisse non sine lacrymis lubet Uxoris meæ sororem, hujusmodi febris prehensam, cum illi fluerent de more muliebria; eaque ad quartum usque diem perdurarunt. Quintò nauseabunda aderat, insomnis, toto corpore dolens. Multa vomuit biliosa, ac virulenta. Sextò ad meridiem, novus subortus est rigor extemplò; urinæ per initia tenues, postmodum crassæ, rubræ, quæ in matula depositæ non subsidebant. Postridiè ejus diei, quo cessarunt menstrua, ingentes maculæ purpureæ in dorso, pectore, & collo conspiciebantur, quæ dein novo exorto rigore febris, penitus evanuerunt. Septimò verba cum delirio; ex alvo dejectiones biliosæ, graveolentes; nox laboriosa, lentor dentium. Octavò remissa sunt omnia. Nonò maculæ illæ densiore examine rediere: crebra spiratio, ad vesperam multum deliravit. Decimò intercisa, & deficiens respiratio, aurium surditas; circa meridiem valdè deliravit, confestimque rursus ad mentem rediit. Ex alvo irritatâ nihil fecit. Paulò post oborto stertore celeritè expiravit. Ætas erat annorum ferè septendecim.

Nec diverso prorsus more, duo Chirurgiæ studiosi, in Regio SS. Mauriti, & Lazari Nosocomio degentes, quorum alteri ingens macularum examen secundo die, alteri quarto, apparuerat, defuncti sunt; Prior quidem decimo; alter verò decimo quarto; Neutri conturbata alvus; irritata eadem pauca demisit tenuia, biliosa, mordacia; uterque diebus paribus gravius habebat. Alterum memini haud absimili fato demortuum, cui prodire modò,

modò, mox regredi visæ peticulæ sunt ad plures vices. Hæ autem statim ab initio confestim eruperant. Robustus erat, ac ætate florens. Universa corporis lassitudine, & fractione, ut ipse ajebat, conquerebatur. Sitibundus valdè; Secundum, tertium, ac quartum diem eodem more transegit. Quintò exasperata sunt omnia, pauca, biliosa, tenuia ex alvo reddidit. Urinæ impensè rubræ, oculi scintillantes, ac lucidi. Sextò evanuerunt maculæ; nihil ab alvo dejecit, deliravit. Septimò convulsiones. Octavò vox obscurè se prodebat, extrema, frigida, livida, stillæ sanguinis è naso. Nonò ad intelligentiam rediit, pauca dejecit nigra, graveolentia. Undecimò convulsiones iterùm visæ, totaque maculis denuò fœdata cutis. Decimo tertio vox penè defecit, vesperè obiit. Juris consultum juxtà D. Paulli ædem decumbentem febris acuta continua cum dolore lateris corripuit. Sitibundus admodum aderat, & pervigil; urinas reddidit multas, turbulentas, albas, quæ nec de depositæ subsidebant. Alvus commodè habebat. Quinto die vehemens æstuat, & stomachi fastidium adfuit. Potum continere minimè valebat. Urinæ eadem. Indistinctis, ac penè inconspicuis maculis fœdata cutis. Sextò deliravit. Sub vesperam mitius se habuit, commota spontè alvus, dormivit. Septimò multa ex alvo seceserunt spontè, probæ indolis; urinæ copiosæ, concoctæ, in quibus multum subsidebat, profluxere; sitis desiit. Octavò motus ad alvum intermisit; mens emota. Undecimò conturbata iterum alvo, febre liberatus, atque omninò judicatione absolutus. Huic cum primum conturbari visa fuit alvus,

multus ex utraque nare sanguis erupit.

XXIII. Profectò quotquot ab hac febre, fati ope, vel Medici, evasere (haud paucos autem evasisse memini,) hosce utique omnes sponte oborta ventris turbatio, eaque criticè ad perfectam usque judicationem recurrens, integrè absolvit. Sanè neminem, quod sanctè profiteor, è vivis sublatum vidi, quotquot is spontè evenit ad alvum motus, cui copiosa plerumque sanguinis è naribus, quandoque etiam ab hæmorrhoidalium venarum osculis effusio præludebat. Sudores, tùm cæteræ quæque evacuationes, vel per urinam, vel per alias vias, per quas natura crises suas moliri solet, vel suppressæ penitus, vel irritæ plerumque aderant, ac nihil decernentes; saltem vix quidquam sperandum ab iis; Quodve mirere magis, sub ipsam peticularum eruptionem, earumque per totum corporis habitum effusionem, sæpè oborto ad alvum motu, haud paucos, quos prolixum nimis foret referre, ex insperatò, velut ab Orco revocatos vidimus, ac restitutos; Quod jam tùm antea defævientibus superiori æstate, Autumnoque variolis observare contigit haud exiguo ægrorum numero, assiduâ spontè obortâ diarrhæâ, mox ab ipso variolarum exortu, aut incremento præter spem servato.

XXIV. Noxia ut plurimum venæ sectio aderat, tùm cætera quæque instituta remedia, si modò illa excipias, quæ collabentibus tuendis viribus, ne-ve sanguinis compages penitus dissiliret, inque pejus rueret, opportunè occurrebant; cardiaca nempe grata aciditate præstantia, aut acidis consociata. Neque calidiora quæque quid-

quam præstabant, nisi forsan hoc pacto *camino oleum*, ut fertur, addere; Froeno namque magis, quàm stimulo egebant humores jam ad orgasmum proni, ac nescii stare loco. Cunctando potius restituenda erat res, quam velis, & remis occurrendo. Ad humorum impetum compescendum egregiè etiam præstitit Peruvianus Cortex opportunè adhibitus. Ejus enim præsidio plures vel integrè sunt restituti, vel si fortè non nulli recidivas passi sunt, paullò post convaluere. Cæterum æquè ac V. S. minùs prosperè cessere vesicantia, ut quæ sanguini ad fluorem apto habenas potius mitterent, quàm coercerent.

XXV. Quod si antè quartum diem materies turgeret, primæque viæ, ut aiunt, cruditatibus, ac inquinamenti scaterent; Emetico prudenter administrato, aut blandâ purgatione tempestivè institutâ, neque non solum ullam unquam noxam exindè profectam memini, sed feliciùs indè educâtâ humorum saburrâ in stomacho contentâ, exanthemata apparere, collapsas vires restitui, naturam denique ipsam ad perficiendum opus suum pro massæ sanguineæ à pravo miasmate expurgatione aptiorem consurgere, validioremque effici, ac veluti ab interitu revocari, observavi.

XXVI. Equidem cum primùm suboriri cœperant hæ mali moris febres; purgationes passim per exordia, ut mos est, à Medicis adhibebantur; ipseque ego ab hujusmodi methodo minime abhorrebam, vel ob id maximè, quòd ventriculum impuritatibus oneratum, in plerisque noveram, minimeque cunctandum in iis casibus esse sapienter Medicos admoneat, Hip-

pocrates in (c) aphorismis. Ubi verò prodire maculæ, totaque illis foedari cutis videbatur, sacro quodam metu percelli mihi animum, commoveri, perturbari senseram, maximèque extimescere, ne fortè retractis ad interna humoribus, omnia in pejus quàm celerrimè ruerent. Cum autem nihil indè noxæ proficisci, quin immò mitiora quæque evadere animadvertirim, turbatoque lenitèr plerisque ventre haud paucos hoc more servatos observaverim, secùs ac illos, quibus aut in principio neglectum fuerat, aut parùm salutare creditum hujusmodi auxilium, cunctis dein, modò tempestivè, ac bono fato accersitus fuërim, blandam purgationem, aut etiam robustioribus leve emeticum præscripsi, læto persæpè eventu; Cardiacis namque remediis, quibus oppugnanda aderat febris, tum Peruviano Cortici, si fortè hunc etiam in subsidium acciri opus erat, referabantur fores, licebatque iis sanguineam massam minimè deturpatâ facie subire.

XXVII. Atque ob hanc fortè causam celebriores Practici suspecta conclamant alexipharmaca per initia febrium malignarum, nisi exonerato ab impuritatibus stomacho, primisque viis ab obstructionibus expeditis. Neque is tamen ego sum, qui indiscriminatim purganda esse corpora statim ab initio contendam. Fieri namque poterit, ut id genus auxilii, quod modò haud paucos revocavit ad vitam, necem alio tempore ægris inferat, quod maximè observandum esse docebat memoratus Hippocrates l. I. de morb. n. 1. & 2. *quæ scilicet bona per fortuitum successum Medici ægrotos curan-*

curantes faciant. Sæpè visum est in febribus alvi profluvia noxia fore, mortemque inferre, quæ aliquando salutaria extitisse novimus. Idque est Epidemicorum hujusmodi morborum ingenium, ut quâ methodo currente anno ægrotos liberaveris, eâdem ipsâ anno jam vertente forsitan è medio tolles. Spontè obortâ hæmorrhagiâ plerosque servatos refert (d) Diemerbrœck in Peste Neomagenfi; Secus hanc olim læthalem experti sunt Tolosates, ac Lugdunenses. Ità scilicet ludunt morbi; Ingens proindè adhibenda cautela est; omnibusque animi nervis contendendum Medico, quo tandem investigato, ac perspecto morbi genio ad eundem perdomandum recto pede, & intrepidus procedat.

XXVIII. Cæterùm novum minime est per hujusmodi febrium initia purgationes adhiberi; Id quoque olim proficuum experti sunt Ballonius lib. 1. Epid. Septalius caut. med. l. 5. n. 47. Manardus Ferrariensis 5. Epist. 3. & 13. Epist. 1. Victor Trincavellius, Gentilis Fulginas, & plerique alii; Morbosam Constitutionem huic nostræ ferè similem describit Galenus, in quâ ii facilè sanati sunt, quibus (e) *præexsiccatum*, sic ille inquit, *præpuratumq; corpus fuerit*; quippe quod, ait ille, *evomuerint ex iis nonnulli, & omnibus venter profluxerit*; Atque hinc quidem didicimus sæpè in primis viis latere hostem, qui nisi *protinùs* (f) ejiciatur è sede, evellaturque, *quod alienum à natura est*, frustra tentabit Medicus in fine propellere. Fortè etiam Subalpinis ob lautio-rem vi-

ctum major iis necessitas adest purgandi corpora per acutarum initia ægritudinum, quæ omnes præ cæteris ortum potissimùm habent à stomacho. Didicimus insuper exanthemata, ac excretionès quascumque, quæ in principio, vel augmento accidunt, nullas ferè esse críticas, sed symptomaticas, cujusmodi hæ fuerunt, nihil sanè decernentes, tum periclitantis naturæ præludia, tum plerumque turgentis, morbumque facientis materiæ hinc indè latæ, ac stare nesciæ, certissimum argumentum. Ubi autem in acutis materiam turgere, ac putridorum, aut malorum humorum copiam (si fas est ità dicere, & antiquissima verba usurpare) subesse animadvertimus, eâdem die purgandum esse Hippocrates jubet 4. Aphor. 10. Turgentem verò materiam subesse, virulentam, vagam, ac certam sedem non habentem ex variis, ac vehementibus, quæ suboriuntur, symptomatibus facile colligi, ac dignosci potest; cùm scilicet natura à multâ, aut pravâ qualitate affecta, concitatâ materiâ, tentat inter initia eam expellere, excretionibus per alvum, per vomitum, per sudores, per urinas, per cutis efflorescentias, &c. Nùm id turgere materiam docet? Nùm evacuanda eadem quàm citissimè, ac statim ab initio? Ne fortè, ut (g) laudatus Septalius ait, *ad princeps aliquod membrum repat*, aut ad terminum eum ducantur humores, de quo locutus est Galenus libro adversus Julianum.

XXIX. Nec me quidè latet paradoxam fortè non nullis videri hanc locutionem, qui omni labore exanthe-

(d) Lib. pr. de Peste.

(e) 5. Meth. Med. cap. 12.

(f) 4. de tuenda valet. 4.

Bbb 3 mata,

(g) Sept. Animadvers. Med. lib.

5. num. 47.

mata, ubi semel apparuerint, per fortiora cardiaca magis promovere, aut retrocedentia eadem expellere iterum ac provocare omnibus nervis contendunt, rati scilicet ita salvari debere patientem, quem virus alias jugularet, quem tamen hæc ipsa nimis operosa methodus promptius enecat. Ast vulgaris hæc opinio est longè ab Hippocraticâ Scholâ recedens. Distinguentæ namque sunt quæcunque contingant, excretiones in acutis, nùm scilicet salutari quadam eveniant crisi, nùm erroneo potius, ac deleterio naturæ conamine; Utque sinere illas, intercipere hæc, aut saltem minimè deterri æquum est. Sic idem ipse Galenus in famosa Historia Simonis, in quo lata exanthemata erant, minimè veritus est purgationem aliquandò commendare. (b)

XXX. Cum verò invaluerit malum, aut primæ criseos periodus præterlapsa, satius aderat ab omni remediorum genere abstinere; exasperari namque morbum, atque omnia celeriter magis in pejus ruere exindè vidimus, collapsis jam tum viribus, neque amplius vim remedii sustinere aptâ laborante, ac penè jam deficiente naturâ; quod si minimè amplius prodesse posse novimus, ne saltè remediis noceamus, conclamant omnes, quod & magno, & bono viro dignum inquit Celsus, ne quidquid præcipiamus, quod confirmatam artis auctoritatem malevolentissimorum hominum calumniæ subicere queat. Neque autem adulto tantum morbo à remediis omnibus abstinere satius fuit; quin id quoque salutare, ac proficuum maximè experti fuerimus, vel in

ipso hujusmodi febrium exordio, quæ solâ plerumque purgatione, ut subinuimus, tempestivè institutâ, felicius cessere, quàm repetitis phlebotomiis, purgationibus, aut mille alexipharmacis, quæ pleno gutture, tanquàm Deorum munera, receptariorum Chorus adeò celebrat, adhibitis. Equidem ut rerum experienciâ, ita & remediorum delectu Græcorum Medicinam Arabum scholis longè præstantiorem nemo non videt; ii namque à masculâ illâ Græcorum medicinâ recedentes tantam adeò remediorum farraginem contulerunt, ut iis obrui potius quàm ditescere etiamnum videamur. Et verò si illud est, quod maximè cavendum Oratori, & prævidendum putat Antonius apud Marcum Tullium, quodque eum sollicitare summè solet, non tam ut profit causis elaborare solere, quàm ut ne quid obsit: non quin enitendum sit in utroque, sed quod multò turpius est Oratori, nocuisse videri causæ, quàm non profuisse: id profectò longè æquissimum in salutis causâ, atque ubi præsertim de humano corio luditur, videri debet, in quâ vel levis offensio non sine magno corporis dispendio suscipi potest.

XXXI. Atque his quidem artibus Sapienti Viro mihi amicissimo, juxta sacram Divæ Virginis Consolatricis ædem decumbenti, graviter hujusce prosapiæ febrî, exeunte Februario ægrotanti opem tuli. Is præstanti corpore, atque animo, ac veluti ad Polycleti statuam compositus, simplici tertianâ paulò post æquinoctium autumnale superioris anni ad aliquot dies laboraverat. Rediit illa hyeme, aut saltem illius indolem, ac genium primo

mo intuitu referebat, quod horrore, ac frigore suas quasque accessiones metiri consuesceret; Atqui post septimum diem ingravescent magis, atque ex simplici duplex continua evadens, quid reverà infensum, ac exitiale præludebat. Urinæ tenues aderant, conatus vomendi inanes, pulsus durus, intermittens, diffusæ ubique maculæ, vixque conspicuæ ad cutem, sub Solis occasum omnino delitescentes. Decimo quartô mitescere visa omnia, dejectiones ex alvo copiosæ, frequentes, spontaneæ; Pulsus æquior; Urinæ magis coloratæ. Decimo septimo, ac decimo octavo recrudit iterum febris, intermissio ad alvum motu. Præcordiorum contentio ad umbilicum utrinque promissa: ipse animo vacillans, vix benè sui compos, pervigil, sub vesperam delirans. Decimo nonò minùs lugubris scena; multa ex alvo proba demisit spontè; dormivit. Vigesimo quartô ingravescent iterum visa febris; Genarum rubor, lingua exarescens, respiratio difficilis, pulsus intermittentior, urinæ subrubræ, turbulentæ, quæ nec depositæ subsederunt. Abdomen inflatum, ac summè tensum. Irritata clystere alvus nihil deiecit. Vigesimo septimo multa rursus ab alvo secesserunt unà cum concreto sanguine, fœculento, nigro; mitius se habuit. Vigesimo octavo, vigesimo nono, trigesimo primo idem obortus ad alvum motus, assiduè perseveravit ad quadragesimum usque, cui tandem perfecta judicatio successit. Mirum sanè, ut tantam adeò concreti, ac nigerrimi sanguinis quantitatem deiecerit, quæ singulis ferè diebus ubi deicere primùm ex alvo sanguinem coëpit, ad geminas ferè circi-

ter libras accedebat. Hæc illa erat turgens materia, quæ cùm nondum ad excretionem comparata foret, ubique errans, ac impetum faciens sæva illa symptomata induxit, quæ in toto hujusce morbi decursu illuxerunt. Hæc illa inquam est, quæ præpurgato statim ab initio corpore, magnam in partem imminuta fuit; unde remissâ semel impetûs continuitate, recreandis viribus spatium dedit, quæ & pluribus præliis redintegratæ, & plurium dierum decretoriorum opportunitatibus, ceû firmissimis stationibus collocatis, auctæ, alioqui animosum hostem maturâ cunctatione fregerunt. Ecquid autem agendum Medico erat, præterquàm vires tueri, tùm si renuè congradientem naturam passim erigere, quo tandèm novo velut delectu habito par illa foret, constitutis, ac velut destinatis ad conflictum diebus, quidquid infensum sibi erat suis è finibus amovere, expellere, eliminare. Ex quibus omnibus efficitur, in inveterascentibus morbis excitatâ ad judicationem naturâ, intermissum esse, & quodammodò interruptum, minimè quidem continuum solutionum impetum; id quod luculentissimis verbis docet toties laudatus Galenus *cap. 5. lib. 2. de dieb. decret.* Cæterùm haud paucis in hac febrili incursione unà cum spontè oborto ad alvum motu multum sanguinis ex hæmorrhoidalibus vasis profluxisse, jam ferè inclinatis rebus, ac penè conclamatis adverti, atque horum neminem interiisse.

XXXII. Nunc de vesicantibus, quorum applicatio minùs prospera comperita est; pauca manent attingenda. Sanè in febribus malignis, ac pestilentibus, in quibus sanguis ad coagulationem

contendit, nihil iis præstantius, nihil aptius itidem, aut proficuum magis. Ast ubi humores ad fluorem proni sunt, ubi acriores iidem, ac effrænes, ubi sufflaminandus potius quàm stimulandus cruor est, nihil iis noxium magis, nihil magis perniciosum. Id olim quoque in Epidemica sui temporis constitutione rectè adnotaverat P. à Castro, Vir insignis; ego meherclè multos absque iis perfectè liberatos vidi.

XXXIII. Ex adverso egregiam ægrotantibus opem tulit Corticis Peruviani usus debito tempore, ac arte institutus. Is enim humorum massam coercere, excitatumque in sanguine organum, meâ, ac doctissimorum Virorum, inter quos clarissimus Ramazzinus dignus utique est recenseri, meâ inquàm, ac aliorum, quos ego summo perè veneror, sententiâ sistere, ac cohibere par est, quod unum maximè expetebatur in illa rerum caligine. Equidè quidquid de hoc exotico antifebrili; tum de cæteris celebrioribus specificis, quæ huc usque in usum medicum advecta sunt, scripserint magni nominis Viri, præstat adhuc plura admirari magis, quàm intelligere; saltem de iis nihil hætenus perspicuum, quodque animum veritatis avidum expleat, allatum est. Si quid verò unquam lucis sperandum, totum lubet ab eventu ediscere. Ab hoc juvat famosi hujus Apyretici, aut cujuscunque specifici naturam, ac vires expendere, metiri, decernere; Hoc dignum Philosopho, hoc dignum Medico Viro institutum; minimè verò ratiunculas ad libidinem comparatas, & ipsius imaginationis ludibria effingere. Hinc culpari ab uno, laudari ab altero, modò probrosis titulis, modò magnificentif-

simè vocari passim novimus celebre istud febrifugium. Neque enim tanta adeò opinionum inter se dissensio proficisci aliundè potest, quàm quòd secus ac reverà attingi debent res, eadem plerumque expendantur, minus fortè æquâ ingenii statice, aut mente præjudiciis occupatissimâ. Ego quidem hujusce, quod adeò apud nos invaluit præsidii efficaciam utique veneror, ac si superis placet, ad Astra feram. Ast illud ceu Panaceam è Cælo delapsam omnibus remediis præferre, atque in omnibus febribus indiscriminatim exhibere, haud parum tutam rem esse judico, nec medentibus decoram; æquè ac si quis Opium, quod mirabile, ac magnum est sedativum, sine ullo fortè delectu in omnibus morbis, ubi compescere opus est, adhiberet. Nec verò semper ubi fræno humores egent, Cortice coercendos puto; sæpè enim plus periculi timendum est à subito, & intempestivo sufflamine, quàm non erat antea. Quamobrè in Corticis exhibitione respiciendum est ad id quod intus molitur natura; humorum status expendendus; nùm ad fixitatem scilicet, nùm ad fluorem contendant. Quid cavendum deniquè, quid experiendum; vividâ mentis acie examinandum. Est quid *divinum* in remedium usu, ut quid (*i*) *divinum* etiam in morbis inesse prodidit Divinus senex. Atque id quidem ab eorum majori, vel minori efficacîâ, aut ab secreto, ac penè inexplicabili eorum quorundam agendi modo minimè petendum est, sed ab eorum administrationis more, quod caput est maximum, & administrationis tempore; ad quæ duo potissimum capita cautiones Medicæ refe-

referendæ sunt. Sapienti pauca.

XXXIV. Ego sanè quidquid boni ab hoc præsidio in hac febrili scenâ ægrotantibus accessisse comperi; id totum illius, quâ pollet, efficaciam, figendi humores, eosque aut à se invicem dissilientes, aut cohærentes minùs, cogendi unâ simul, cohibendique tribuendum puto. Hinc sanè aliquando minùs ex assè voto respondisse Corticem auditum est in quibusdam febribus, quòd fortè humores minimè ad liquationem vergerent, ejusque diathesis essent ii, quæ stimulari potius egeret, quàm coerceri. Quinquinam autem potestatem fluida quæque in nostris corporibus figendi, cogendique habere pro re certâ suppono. I. Quòd motum sanguinis & spirituum compescat, & alvum ipsam densiorem, obstipatioremque reddat; compertum namque est iis, qui ad plures dies hoc remedio usi fuerint, ventrem adstringi, ut clysteribus indigeant. II. Stiptica ferè gustu, ac moderatè subastringens deprehenditur, ut patet. III. Si quis illâ febres fugaverit, hæc spiritu salis armoniaci, qui summè potens est, humores coactos lacerare, & ad motum ciere promptè revocamus. Atque ob hanc utique causam haud auspiciatò cessasse nonnullis Peruvianum corticem olim scio, & funestos casus memorari. Uratislaviensibus in constitutione quadam anni 1699. valde funestum illius usum ferunt Acta Eruditorum anni 1701., (k) quòd scilicèt infarcta crassis humoribus corpora, in frigidâ illâ, & humidâ prægressâ temporum habitudine, remedia expeterent, quæ segniùs labentia fluida urgerent potius, quàm figerent,

Tom. II.

(k) pag. 523. mensis Novembris.

aut saltem obortam febrim, quæ fortè auspiciatò contigerat, haud ita citò fugarent. Sæpè non modè utilis res febris est, sed & hanc profuit accendere; Fortasse enim, ut Celsus ait, *curationi opportunior fiet, ut humidioribus agris ignis;*

sive illis omne per ignem Excoquitur vitium, atque exsudat inutilis humor.

Secùs res tamen evenit aliquando; Nosque id ipsum salutare experti nuper sumus, ac verè proficuum, quod noxam olim fortè, ac detrimentum attulit. Juvat hinc adnotare quantum profutura medentibus sit, quantum artis decori, ægris verò saluti, ac emolumento futura exacta temporum cognitio. Sicuti enim apud Agricolas, *annus est, non terra, quæ fructificat*, ita & nos persæpè videmus, ac ferè acu tangere fas est, non à particulari corporum dispositione, sed ab anni, temporumve constitutionibus diversos passim morbos exoriri, quos sæpè prodest diverso modo subigere.

XXXV. Cum verò ab eventu res nobis expendendæ sint, præstat nunc hujusce corticis usum, quem auspiciatò nobis cessasse novimus, maximè commendare iis, quibus opus est, aut concitatum orgasinum coercere, aut efrænem impetum sistere, aut tendentes ad liquationem humores figere; quò saltem, aut remissâ impetus continuitate, aut coercito orgasino, aut humoribus, ne à se invicem penitus dissilirent, interceptis, aut si qua fortè excandesceret nimis, mitigatâ febre, redintegrata, auctaque viribus natura vincere queat, ac superare hostem. Neque exigua certè res est specificum habere, (liceat mihi eo nomine exoticum

Ccc

istud

illud febrifugum vocare) huic præstando muneri aptum. Cæterum quidquid de hujus usu in morbis asseri unquam poterit, aut excogitari, id lucis quidpiam utique, at parum certè, afferet, *Vincet enim semper latendi natura*, ut olim de Nili origine aiebat Lucanus.

XXXVI. Modo superest de sanguinis missione pauca effari. Profectò nunquam non noxia in hujusmodi febribus comperta hæc est; ab eâ namque atteri magis, ac deficere vires, quod unum præ cæteris magis funestum, ac certissimum impendentis jacturæ præsagium observatum fuit, deijci animum, perfrigerari extrema, inque summum discrimen adduci ægros frequenti observatione adnotavimus. Quod mirari utique subest, tum maximè quod nullum aptius, nullum idem in hisce Regionibus (quod sanctè testari possum) tutius expertum præsidium sit, quam venæ sectio, sive ob Cæli hujusce natives qualitates, sive ob Subalpino- rum temperamenta huic climati, ac Cælo congrua. In hac autem Epidemicâ constitutione totum mutatum ab illo cruorem augurari licebat, & ad fluorem primum magis, tum ob fervidissimam temporum præcedentium indolem, tum ob exlegem, Austrinam, consuetumque morem minimè observantem hyemem; ac proinde nil mirum improspere cessisse venæ sectionem, quin immò ab illâ cane pejus, & angue abstinendum; etiamsi, ut aurea Hippocratis affert sententiâ, qui in haud absimili anni constitutione sanguinis missionem (1) valdè quoque improbat, *morbis magnis sit, vigensque ætate homo*, ne scilicet major

fibrarum cruoris dimotio contingeret, à quâ non nisi extrema quæque discrimina expectanda sunt.

XXXVII. Ne verò id gratis, aut Dictatoriè me pronunciaffe quis credat, decet paullò altius hujusce depravatæ sanguinis diathesis, ejusque ad fluorem potius ad concretionem tendentiæ originem, ac causas inquirere, quæ & eadem hujusmodi febrium, eisque affinium affectionum, quæ per ea tempora desæviebant, origo extitit, ac incrementum. Ac primò effingere lubet animo quidquid dissolvere, aut coagulare par est, illud idem agens quoddam esse valdè potens, quod prout vel ad acidum, vel ad acre magis accedit, coagulare, aut dissolvere aptum est, potestatemque induit obvia quæque fluida, aut ad concretionem, aut ad colliquationem inducendi. Hæc duo insuper diversa principia perpetuò nostris corporibus inesse fatemur, atqui ita simul æquilibrata, ac æquâ invicem proportionem instituta, ut quo usque in mutuâ vicissim actione permanent, nec ab externo quopiam agente alterutrum ad motum urgetur, nulla exindè incommoda corporibus inferant, quin immò tutam, ac firmam fervent cruoris massam, tum Vestalis Ignis nativos lares, & focum. Ubi verò à principio quodam extrinseco eorum alterutrum supra alterum efferri, ac dominatum acquirere contingit; tum obrutam penitus fluidorum massam cernere est, institutas æquilibrii leges minimè servari amplius, ad lentorem indè aut ad fluorem liquida vergere: prout acidum illud est, aut acre, quod prædominatur, & vim suam exerit, supra cætera principia elementaria evectum agens.

(1) l. 4. de rat. victus t. 19.

agens. Hinc patet quàm diverso telorum ictu, ac diversis penè dixerim artibus occurrendum sit, ubi scilicèt aut unum, aut alterum horum præpollet sanguinis diathesin immutare aptum, ac diversos proindè effectus inducere.

XXXVIII. Illud autem externum agens, quod intus latentem, ac veluti coercitum ignem laceßere, ac excitare par est, ab iis, quæ nos ambiunt, aut nobis imminet rebus, petendum esse extrà omnem controversiæ aleam positum est; nec aliundè quidem profluere posse videtur, quàm ab aere nobis circumfluo, cui quandòque accedunt, atque ad excitandos populares morbos in unum conveniunt modò corruptæ, ac stagnantes aquæ, modò alimenta mali succi, & pleraque alia. Potissima verò, ut incolunitatis, ac salubritatis, ita morborum communis causa aer est, vel rarefactus nimis, vel condensatus, tum particulis heterogeneis, extraneis, ac humanæ naturæ incongruis dives. Hæ namque sunt, quæ in rarefacto aere, magis, aut minùs exaltatæ, inque vitæ hospitia exceptæ vitiata in fluidis diathesin inducere queunt, à quâ diversa morborum proles enascitur.

XXXIX. Neque autem de aere loquens, eum criminis reum esse contendo; At qui unà cum illo miscentur, extraneos, tum exoticos sales, hosce ego alterationum omnium, quæ ab aere profluunt, morborumque parentes agnosco. Aer namque elementum incorruptibile est, ac reliqua elementa, tum aqua potissimùm conservandæ, ac tuendæ hominum incolunitati illo haud minùs necessaria, ac opportuna. Si quam verò alterationem aer concipit aliquando, hanc utique

ab extraneis corporibus, tum heterogeneis particulis, quæ unà cum illo commiscantur, excipit, iisque inficitur, satis aptus idem easdem à se remove-re, atque protrudere, cum nullum obvium sibi obicem offendit, quo minùs illas à se expellere potens sit. Ut stagnantium, ac putrescentium lympharum in limpidum quempiam amnem irruptio fluminis aquas confundit, ac turbidas reddit, atqui hæ pristinam iterùm puritatem redeunt perenni aquarum gurgite uberi alveo assiduè decurrentium; Sic aer quandòque ab exoticis ventorum afflatu elatis salibus inquinatus, novo irruente vento iisdem liberatur, ac purus redit; neque enim etsi aliquandò majori cum energiâ iidem agant, diù perdurare queunt, quin aut sensim fatiscant, aut tandem integrè abeant, ac dissipentur.

XL. Quæ quidem satis superque evincunt, cur infensos nobis experiamur Boream, & Austrum, atque iis potissimùm, quæ hisce præter morem perflantibus, suboriuntur, ægri tudinibus obnoxii sint Subalpini Incolæ. Enim verò cum nitrosi, acidique exotici sales à Boreali plagâ, secùs verò lixiviales, ac urinosi ab Australibus oris continuò profluant; abque hinc perflantes venti liberè per universum Agrum Pedemontanum discurrant, nullo, ut innuimus, saltem exiguo, quâ sævit Auster, interjecto obice, qui effrænem eorum motum, ac vim compescat; conjicere quisquis potest, quàm facili negotio irruentes venti extraneos hujusmodi sales ad nos vehant, iisdemque corpora inficiantur, eò quidem, magis, quò diutiùs perdurant ejusmodi venti, aut alterius sibi oppositi silentio, eos à se protrudere

aer minimè par est, ac remove. Si quis interim modum scire cupit, quo aer extraneis, atque humanæ naturæ infensis particulis imbuitur, & quomodò is interdum per ventos huc, illucque transferatur; plenè id habebit à Fr. de le Boe Sylvio.

XLII. Ut verò ab nitrosis salibus, quos subacidòs esse contendimus morbos omnes oriri novimus ab humorum fixitate, ac lentore progenitos, utpotè quod fluida quæque cogi ab acidorum præsentia, atque intercipi conspicuum est; ita ab lixivialibus, ac urinosiis particulis ab Austro delatis eas potissimum affectiones, ac funestas passim ægitudines enasci experimur, quæ ab humorum colliquatione, ac fluore dependent. Ut enim figendi acida; sic dissolvendi facultatem acria, ac lixivialia præbent. Sic nunquàm hifcere audentibus aquilonaribus ventis, tum superiori anno, tum labente hyeme, qui Australium assiduè perflantium ventorum vim frangerent, aut eorum saltè sævitiam compescerent; Nil mirum, ut hi acria corpuscula summè infensa vehentes secum, sævissimas illas febres induxerint, quæ se se novo oriente anno prodiderunt.

XLII. Hinc enim è salibus acribus præter morem elatis, stimuli que vicem agentibus commoveri sanguinis massa, turbari illa, accendi febris, mox sæva quæque symptomata ludere visa sunt naturalis humorum textura dissolvi, ejus vincula discindi, diffuere ferossæ molleculæ; rutilæ, ac gelatinosæ à se invicem secedere celerrimo, præcipitique tramite, ni quàm primùm, antequàm totum illicò sanguinem pervadat, fermentum illud acre, irritans, hærens, evellatur, ejus vis, ac sævities

maxima infringatur, demulceantur spicula, imminens, aut jam ortus organismus coerceatur, temperetur impetus, præbeaturque tantumdem naturæ spatii, quo inire illa pugnam queat, animosè congregi, materiam morbi subigere, solvere, movere, secernere, excernere, verè illa *morborum medicatrix*, utque Hippocrates ait, *docta sine magistro*. (m)

XLIII. Quæ si quis omnia attentè perspiciet, conjiciet equidem, ac facili negotio concipiet, quæ fuerint horum malorum exordia: tum rationem, cur utilis extiterit acidorum usus? cur temperantia, nimium humorum impetum infringentia, modicè fientia, stiptica opportunè adhibita, utilia eadem, ac tuta? cur auspicata minùs, funesta, nunquàm non noxia venæ sectio, ac vesicantia? cur turgente materiâ voto ex asse respondens purgatio, primis diebus, ab initio, statim instituta? cur excretionem per alvum, per vomitum, per macularum diffusionem ad habitum corporis in principio morbi lethales? cur exeunte ad judicationem morbo motus ad alvum, aut hæmorrhagia superveniens bonum? cur prostratæ initio vires, languidiores eadem, ac penè emortuæ? quæ ratio symptomatum omnium, quæ se se exordio, incremento, ac statu febris prodidere? Insuetus, ac minùs frequens Subalpinis, sæcùs ac Boreas, Auster est; neque enim sævissimo adeò flamine illum desævuisse unquàm, ut hisce temporibus diù compertum est; Hinc fortè ea, quæ profuisse olim didicimus, nocuisse nuper, ac funesta deprehendimus. In universum verò Austrum maximè, atque

que illi affines ventos malè passim audiri novimus; quin immò, quod fortè peculiari quarumdam regionum temperamento tribuendum est harum nonnullas is quàm immanissimè verberare solet.

XLIV. Cur autem nitrosæ ab Aquilone particulæ, lixiviales, ac summè acres ab Austro ferantur, nimis prolixa res foret attingere; Neque id ad institutum nostrum profectò attinet. Equidem nullum ventum per se singulari, & specificâ virtute, ac qualitate pollere, nisi quæ à loci, undè oritur, naturâ, nec non mediis, per quod transit, indole derivanda sit, pro re certâ habeo. Ex quacumque enim parte nivibus obsitâ, sive ad Austrum, sive ad Septentrionem, Orientem, vel Occidentem posita illa sit, frigidus perflantes ventos experimur, secus ac illos, qui paludes, terrasque stagnantibus aquis perfusas transeunt, aut qui per arenosa deserta, æstu Solis adusta loca perspirant. Cum verò Boreas ex terris gelu constrictissimis, & à Sole remotis assiduo flamine spiret, & mare glaciale, ac altissimos montes perpetuâ glacie, nivibusque obsitos pervadat; Tùm ex adversò Auster ex percalidis, & arenosis Africæ locis veniat, Zonamque torridam, nec non Mare Mediterraneum percurrat; Facile hinc ediscere est, exoticas ab utroque, ac summè infensas particulas ad nos advehi, nitrosas quidem ab Aquilone; volatiles, acrioresque ab Austro. Norunt id planè, qui hisce magis obnoxii sunt, quàm graves iis, sævosque morbos inferat tùm frigoris Promocodus Aquilo, tùm plumbeus Auster. Quod enim juxta diversas Epidemicorum morborum habitudines ex-

perimur, qui pro diversa temporum conditione, diversis telorum ictibus oppugnantur; præclarum id nobis documentum præbet, cur quæ Septentrioni magis subiecta loca sunt, aut econtrâ, aut quæ Borealibus ventis magis infestantur, vel Australibus, peculiaribus illa morbis, ac unicuique regioni propriis divexantur magis; quæve e. g. profunt Anglis, eadem fortè Romanis noceant remedia, ni fortè toto mutato Cœlo, nova ingruat morborum proles novo, ac diverso more oppugnanda; adeò verum est illud Celsi (n) *differre pro naturâ locorum*; addam ego & temporum, *genera medicinae, & aliud opus esse Romæ, aliud in Ægypto; aliud in Gallia*; aliud insuper sæviente Austro, aliud flante Borea, aliud Euro. Cur verò Austrina hujusmodi constitutio diu adeò, ac præter consuetudinem desævierit, neque hiscere unquàm auferint Aquilonares venti, qui eorundem sævitiem infringerent, quæsitâ quidem mihi est ratio, num verò reperta fuerit, *mihi hæret aqua*, ut dici consuevit.

XLV. Austrinos ergò flatus, ceu præcipuos in hâc Tragoediâ Actores culpæ licet, qui in massam sanguineam tales invexerint dispositiones, ut ad excitandam hanc malignam febrem satis virium habuerint, silentibus ut plurimum Borealibus ventis, qui nubila detergent, & aëris impuritates eò repellerent, unde decesserant, ad Australes scilicet plagas, ex quibus omne malum ad nos profectum suspicari fas est. Nihil magis ac penè momento temporis aeris statum immutare posse, quàm flantem Austrum, ut ex ponderoso levior reddatur, jam dudum novimus,

vimus, docente Barometro. Quod denique præcipua hujusmodi mali moris fibræ ratio ab Austrinis flatibus petenda sit, hinc conjectari licet, quod ea salubriter degerent loca, ac veluti in portu aliorum spectarent naufragium quæ obverso multorum collium dorso protecta sævientes flatus eludebant, dum in hac Urbe, ac totò ferè circumjectò agiò exaratae febres grassarentur, ac defævirent.

XLVI. Sed quæ jam innuimus enucleatius repetamus, & clariùs. Austrina hyems, quæ pluvioso Autumno successerat, exaratis febribus occasionem præbuit, exoticis, acribus, ac heterogeneis particulis unà cum inspirato aere cruori admixtis, quarum præsentia, & miscelâ, ceu totidem sævientibus stimulis acriores molleculæ extricatae magis, suique juris factæ totam invertere humoralis massæ texturam, ejusque vincula tandem discindere ausæ sunt. Equidem liquida ad fluorem potius, quam ad concretionem prona fuisse præter alia multa, quæ talem adfuisse sanguineæ massæ dispositionem attestabantur, id ipsum conjectari fas erat à manifestis notis, quas eductus è secta vena sanguis præferebat; semper enim roseus, ac purpureus, nihilque glutinosi præferens mihi, aliisque Professoribus apparuit, ac toto Cælo diversus ab eo, qui solet educi in quibusdam morbis, ut Pleuritide, Peripneumonia, aliisque affectibus interdum popularibus, in quibus manifesta lentoris vestigia cernere est. Quod ad exanthemata attinet, hæc etsi plausibili quidèratiocinio Villisius, aliique coagulationis potius, quàm fusionis humorum præludia esse contendunt ob fixiores sanguinis parti-

culas venarum extremitatibus hærentes; vero similiter magis crediderim, à fibris illa sanguinis dissolutis, èque suâ statione dimotis ob sal acre illud, & volatile sanguinem ad fluorem disponens, ortum ducere, quo pacto similiter effusus ab arteriolarum osculis cruor tenuiores sui partes dimittit, quæ hinc indè diffugientes, ac profugæ sui fortè erroris notas in cute designant.

XLVII. Hæc per hyemem gesta. Veris initio Cælum votis communibus respondit moderatis imbribus delapsis, quos novam, lætamque faciem periclitantibus rebus allatueros augurari fas erat, si qui totâ penè hyeme hiscere nunquam auferat, sævus Aquilo, silentibus tandem per intervalla austris, erumpere tunc minimè visus foret, insuetumque frigus media inter primordia Veris inducere. Huic quandòque Occidentales Venti mitiore flatu adspirantes succedebant, recurrentibus mox Austris iterum, tantâ adeò varietate rerum, ut sæpè unius diei spatio, æstatis, hyemis, veris, atque autumnii vices contingerent, modò sereno, pacatoque Cælo, modò turbido, nubilo, pluvioso. Curiosum aderat Mercurii errores in Barometro adnotare, qui elatus modò, mox humilis, ceu nescius stare loco, incertas temporum, aerisque vices probebat. Nunquàm adeò tam infida, ac sibi invicem adversa diù visa aderant tempora, quæve tam longe ab instituto more deflecterent.

XLVIII. Nova hinc diræ indolis acutorum morborum proles sporadicè defævientium caput extulit, ac præcipuè spasmodicarum ægritudinum, quibus gliscentibus diuturniores ejusmodi

modi aliæ se se prodere ausæ sunt. Inter cæteros verò quàm immanissimè cruciabatur Podagricorum cohors, tum qui Nephriticis, Scorbuticis, aliisque id genus affectionibus obnoxii passim aderant. Nec hystericae quidem mulieres immunes visæ; hæ siquidem spasmodicis cruciatibus diu in modum, ac diu magis quàm unquam consueverant, vexatæ sunt. Apoplecticos quoque plures, quàm unquam contigit, enumeravimus, conspirantibus unà simul hemicraniis, vertiginosis affectibus, aliisque hisce affinis, aut consanguineis. Notatu dignum est, vix quempiam ab acutâ ægritudine omninò evasisse, quin in diuturniorem, ac inveterascentem morbum incideret; Vestalem novi in Monasterio *del Crocifisso* degentem acutâ feбри paullo post æquinoctium ægro- tantem, quæ superatâ tandem feбри, pertinacissimo capitis dolore divexari cæpit, quo & adhuc (dum hæc ego scribo) illa sævissimè plectitur. Ipsa superiori solstitio variolis correpta fuerat, quæ tunc temporis longè latè- que sæviebant.

XLIX. Hisce vigentibus intercur- rentibus morbis febrium malignarum sævities remitti quidem, atqui hæ ite- rum, velut auctæ viribus statim ferè recrudesce- re visæ, ac magis, magis- que debacchari, quibus plures per ea tempora fati defuncti sunt. Tum præ- cipuè cum aut diuturnis illæ affectio- nibus succedebant, aut gravioribus aliis stipatæ irascebantur, inito simul fœdere, quo truculentiores evade- rent. Harum unum, atque alterum exemplum lubet recensere. Pia mu- lier tertio febris insultu, spasmodico pectoris affectu correpta, quarto obiit.

Sacerdos sanioris pustulis toto corpo- re diu scatens, quæ statis temporibus magis, aut minùs desæviebant, cum amico cuidam sibi obvio occurreret, fallente pedem vestigio, in terram in- cidit: mox obscurari lumina, sanguis ex utrâque nare profluere, ipse velu- ti oborto rigore contremiscere visus est. Postridiè mitiora omnia evasere; Nec ipse lecto sese affigi passus est, amicorum consilia, ac preces eludens. Undecimo febris acuta supervenit ca- ligantibus oculis, deficiente voce, vix mente compos. Latæ maculæ den- sissimis examinibus totam cutim fœ- dabant; Urinæ rubræ, per initia tenues, nihil subsidentes. Decimo nono in- genti oborto sopore, expiravit. Secto cranio pia mater cum vasis solito tu- midioribus se nobis præbuit, tum si- nistri Hemispherii amphractus dilori- cati invicem, ac dimoti; Multum in utroque ventriculo serum; Sinus ma- jores, choroidæus plexus, tum cæte- ra quæque sanguinea vasa copioso di- lutoque sanguine tumentia; Diffusæ ad cutim maculæ latiores in cadave- re apparebant. Dubium adeò, nùm à lapsu potius, nùm verò malignâ obor- tâ feбри decesserit; an utroque, jun- ctis unâ viribus, quo citius ægrum pe- rimerent. Frequentiores iis tempori- bus ephemeræ febres, quàm intermit- tentes, observavi.

L. Lubet hinc conjicere magis, ut quæ toties dicta sunt, iterum repetam, quæ fuerit Austri sævientis indoles, quæve sit Austrinâ vigente constitu- tione temporum, metuenda morbo- rum proles? Quod si & ultrò pergere quis velit, expiscari fas quoque fo- ret, & magnorum virorum more mag- nam rerum fiduciam habentium decer-

nere, quid ex adversâ, si quæ contingerit fortè, constitutione, annique habitudine prænunciandum? Profectò si rem paullò accuratiùs perpendamus, quilibet Annus semper aliquos affectus secùm unâ infert, qui reverà quid Epidemicum redolent, quos, etsi leves aliquandò, ac tenuioris momenti, haud ità facilè tamen curari cernimus, quin priùs à vulgari methodo discedamus, eaque iis præsidia adhibeantur, quæ, expenso ingruentium affectuum genio, profutura magis conjicimus. Labet hinc etiam ediscere morbortum quorundam genesin, qui sporadicè passim, nulloque non tempore, quo Epidemici sæviunt, contingunt. Hosce quidem feliciùs aliquandò cedere novi, eadem methodo, ac iisdem ferè remediis, quorum olim eluserant illi vim. Id mihi haud ita pridem adnotandum, cum fortè fortunâ quidpiam de epidemicorum affectuum indole, à quorum utique studio, ac inquisitione nullum confiteor ætatis meæ tempus abhorruisse, ab illo sciscitarer, ac expendendum maximè Author adfuit, ac Præceptor idem, Ornatissimus vir, de Medicâ omni, tum literariâ re meritis Joannes Fantonus, Regii Subalpinorum Principis à cubiculo Medicus, ac Primarius in Taurinensi Archigymnasio Theoricæ Medicinæ Antecessor. Rectè scilicèt perpendenda est annorum constitutio, ut ex illâ, tamquam ex fonte, genuinum cujusque morbi genium repetere, tum æquam illi curationem adhibere valeamus.

LI. Equidem ephemeræ modò dictas febres, tum spasmodicos affectus, qui eâ tempestate percrudescebant, ad principem affectum reduci posse, unâ-

que omnes ab eodem amne ortum ducere satis dilucidè innotescit. Atque id quidè rectè norit, qui quotquot in sanguine ex doctissimi Gulielmini calculo subeunt variæ, ac diversæ combinationes, quas ferè sexcentas olim recensuit Hippocrates, animo expenderit.

LII. Utque ab ephemeris febribus exordiar aliquando; Hasce quidem ab intermittentibus, nec genio tantum, sed re, ac origine toto Cælo differre neminem latet, si quis utriusque indolem, ac genesin attentè adnotaverit. Acidi mineram, quam nemo in ephemerâ febris culpaverit unquam, seu pituitam præter modum viscidam, cui acidum fermentum magis, vel minùs irretitum hæret, intermittenti febris præludere, vel stabulantem in stomacho, ut placet (o) Ettmullero, vel ductus laterales Pancreatis obstruentem, ut (p) statuit Sylvius, communis Medicorum sententia est; Quæ quidem pituita, seu materies, in venas effusa, & partibus spirituosus sanguinis permixta potis est, tot excitare turbas, & febrilem, (q) ut aiebat Cartesius, *tempestatem ciere*. Quidquid scilicèt ad acidam discrasiam humores disponere par est, id intermittentibus febribus incunabula, ac focum præbet. Quod quàm longè ab Ephemeræ genio, ac more discedat, conspicuum est; Hæc namque continuarum simplicissima, quam habet accensionis febrilis causam, hanc minimè extra vasa hospitantem habet, ast intimè in universa liquidorum massâ ludentem. Simplex, ac levissima molecularum sanguinis commotio ephemeram febrem in-

(o) *De febrib. c. 17.*

(p) *Tr. 10.*

(q) *P. 1. Ep. 51. & 88.*

inducere apta est, quæ brevi compescitur. Nec ineptum omninò proinde foret conjicere, quas Auster diù sæviens attulerat acriores, volatilioresque particulas, sin minùs universum humorù massam in robustioribus corporibus inficere, saltem turbare illam exoticorum salium miscelam potuisse, ob atq; ephemeras febres inducere. Cur verò Peruvianus Cortex, quem ego superius salutarem extitisse in iis febribus, quæ in hac exarata constitutione suboriebantur, adnotaveram, ob figendi illius, cogendique facultatem; cur idem ipse cortex in intermittentibus, quarum quidem indolè ex prædominio acidæ mineræ deduximus, cujus vis est cogere quidquid, ac figere; cur inquam in intermittentibus idem proficiuus experiatur, tutissimumque præsidium passim audiat, atque ajunt specificum Antipyreticum magnis adeò laudibus decantatum? Res nimis operosa foret decernere. Nùm ludere remedia, ut morbi, dixerim? Nùm me potius inanes conjecturas effingentem quis arguet?

LIII. Opus hìc esset exotici hujus febrifugi naturam paullò fusiùs, quàm superius attigimus, explicare; Fortè, & magnificos titulos, magnaque illa elogia, quibus apud quamplures vocari illud etiamnùm solet, excutere; quòd tamen nec mei muneri esse scio; nec hujusce utique Spartæ, quam exornandam ego, ac illustrandam suscepi. De illius abusu peculiarem, ac decies legi dignum tractatum edidit Celeberrimus Ramazzinus, minimè veritus se quandoque, nec dùm cum juvenis adhuc foret, sed cum jam virili togâ incederet, illo familiariter usum fateri, proce-

Tom. II.

dente verò ætate experientiâ edoctum à priori sententia recessisse; Ita scilicet ait Vir doctrinâ, tum animi candore dignus inter magnos Viros recenseri. Fortè alchali illud volatile, acerrimumque ab Austrinis flatibus delatis lixivialibus salibus, atque una cum aere inspiratis, magis evectum, inque sanguineâ massâ impetum faciens, quæ potissima fuit febrium, quæ in hac constitutione desævierunt, causa, alchali fixo Chinæ emendari, aut saltèm cohiberi contigit. Nec fortè etiam abs re erit suspicari, quæ quoque Clarissimi, atque amicissimi Viri A. M. Reina, Celebriorumque in hac Urbe Medicorum sententia est, ex mixtione Chinæ Chinæ unà cum acido prædominante in febribus intermittentibus, inque primis viis obvio, quid emergere febrilis fermenti (sit verbo venia) crasin invertere aptum, ac excitatos motus compescere. Ex solutionis vitrioli permixtione cum solutione Chinæ Chinæ speciem quamdam atramenti idem laudatus Ramazzinus, & alii adnotarunt.

LIV. Nunc cæteros affectus, saltèm præcipuos, quorum tam discolor, & ingens sylvæ ab unâ radice succreverat, lubet expendere. Horum verò plerique ab ipso solidò malè affecto proficiscebantur. Adeò facile est, inducto semel in liquidis vitio, aut iis ab instituto more deflectentibus, solida quoque crimine culpari, quæ unà cum illis invicem comparata iunt; Juxtà namque id quod intimè latet in sanguine vitium, solida modò tendi, ac summè elastica fieri, modò laxa eadem, ac debilia prorsus, imminutâ elasticitate; observamus, utraque dein inveterascentium morborum, diuturniorumque

D d d

in-

incrementa ægritudinum. Equidè quos potissimùm hac tempestate desævuisse adverti spasmodicos affectus, ab eodem illos genio, à quo acutæ febres prodierant, derivasse arbitror, ab illâ scilicèt acrimoniâ in fluidis inductâ, cujus præsentia solida quæque diversimodè pungi, vellicari, ac irritari perspicuum est. Quæ namque desævierant diuturnæ ægritudines, hæ utique fibram admodum tensam, crispam, rigidam nimis, ostendebant, plerumque effrænem.

LV. Mulierem novi hysterici affectibus jam dudum olim per intervalla obnoxiâ, iisdem sævissimè, toto anno divexatam, ac tandem fato defunctam. Stupendum equidem erat tot, ac tam diversas impetum facientis solidi incursiones, ac penè dixerim, explosiones cernere, ceu Protei in morem ludentis. Sæpè visa spasmis tota convelli, præcordiis valdè tumentibus, multa evomens biliosa, mordacia. Desinente Vere iisdem spasmodici affectus assiduo more irascebantur, mox in supremo quoque ventre, hæud absimilem scenam ab illâ, quæ in abdomine jam pridem egerant, ludere cæperant, quæ tandem in certam quandam amentia speciem degeneravit, cujus miratus sæpenumerò sum nullam ab Authoribus mentionem factam fuisse unquam, cum tamen hæud rarò diuturniores hystericos affectus illi proluisse adnotaverim. Sæpè in risum, & lacrymas effusissimas ridiculè erumpebat. Aliquando ditiores quàm reverà foret, modò alteram è nobilioribus Regina affectis sese jactabat; Frons, oculi, vultus amentem fæminam redolebant. Accedente Autumno, sui que compos magis facta, sæviore more

hysterici insultibus vexata fuit, qui ab infimo ventre ad Thoracem propagabantur, ut ferè suffocationis periculum impenderet. Rarò visa febris, quæ nec typum, nec genium prodidit unquam. Sub initium hyemis adstringi sibi adeò fauces persenserat, ut vix quidquam deglutire par foret. Atque tunc temporis ad ipsam vocatus fui, ad illum diem usque ab Agyrta quodam inconsideratè, inclementerque curatam; Cumque faucium affectio jam penè desierit, nedum tamen spasmodorum causa deerat penitus; quin immò hi ferocius recrudescentes quandoque, tympanitidis in morem abdomen distendebant. Quâ de re in consilium quoque advocato Clarissimo, Doctissimoque Viro Jacobo Cicognino Augustæ Regis Matris Medico Primario, & Consil., ejus sententiâ, & auctoritate celebriora quæque antispasmodica expertus sum, eaque omnia, quæ promptiora compescendis, coercendisque insultibus, tum quòd magni momenti aderat, emendandæ acrimoniæ humorum aptiora credebantur. Meliusculè habuit; Atqui hæud paucis patris in victu erroribus, tum ob sæva animi pathemata, hysterici spasmi pristino iterum more ludere, ac frequentiores suboriri, tumere crura, venter, præcordia, ac denique atrociùs sævire omnia cæperant rursus; Ipsaque tandem paullo post hyemale solstitium defuncta est.

LVI. Nec longè ab eodem spasmodorum tramite abludebant, ab acrimoniâ illâ scilicèt Austrinis flatibus evectâ, atque ad activiorem sublimitatem elatâ, immanes, sævissimique progeneriti Podagrici, tum nephritici affectus, quorum ingens visa soboles, ægro-

rumque cohors, quàm acerbè ingemiscientium ob sævos, dirosque cruciatus, ac diuturnam, quâ immaniter torquebantur, carnificinam, nullo pacto exorabilem. Valdè affines inter se geminas hæc ægri tudines arbitror; Utrique harum obnoxii valdè sunt Subalpini, quòd nativis fortè Cæli qualitatibus, aut generosioris vini potationi, lautiorique victui referri potest. Utramque verè spasmodicam, absque summè crispato solido profectam, facile erat conjicere, tùm ab enormi cruciatu, quo vexabantur ægri, tùm à cæteris, quibus utraque comitabatur, Phænomenis; Cernere namque erat nullum in nodis artuum tumoris vestigium, ut fieri solet, in quo tophacea materies plerumque reperitur iis, qui Podagrâ laborant, aut quidpiam aliud consimile, præter intensum nonnullis dolentis partis ruborem, adurentemque calorem. Nulla quoque in plerisque nephritide detentis, renibus, aut quâ aliâ cunque parte calculi impacti suspicio, aut ejusdem futuri proludia in urinis; nihil fere persentientibus ægris aliud, quàm tensionem violentam, acerbissimosque dolores fixos plerumque, ac prementes, ac si fibræ quæque nerveæ spasmis rigerent, aut pressuram quandam, & coarctationem, ut ita loquar, experirentur; Utrique parùm profuerant remedia quæque adhiberi solita; Quæ solidum affectum demulcere, acrimoniam in fluidis elatam compescere, lixivialia spicula, acerrimosque sales coercere magis apta erant, multis profuere; Diluentia, anodyna, emollientia tùm internè, tùm externè adhibita utramque paginam, ut ajunt, implebant. Longè tamen in universum inferior nephriticis Podagræ

gricorum profapia est. Hisce namque nec in hac modò constitutione, sed ferè semper, & olim adhuc minùs efficacia, ac damnosa sæpè comperta sunt universa, quæ passim deprædicantur, medicamenta tam externa, quàm interna, quorum uberrimam segetem videre est apud Lucianum: Elegans est ac mirè jucunda, quæ apud illum Podagræ allocutio legitur ad illos, qui secreta quædam remedia se habere jactitant, quibus elidere ejus potentiam queant. Hujus aliquot versus è Græco sic ipse ego verteram olim.

Quis invictam me dominam dolorum

Ignorat Podagram in terrâ mortaliū!

Quam neque Thuris vapor placat.

*Neque effusus sanguis aras ad incensas,
Non templum divitiarum undique
suspensis ornatum donariis:*

Quam neque Apollo Medicamentis expugnare valet,

Omnium Medicus in Cælo Deorum;

Non filius Apollinis Doctissimus Æsculapius, &c.

Ea scilicèt natura Podagræ est, ut omnibus æquè plorare illa imperet, eam verò irritantibus occurrere soleat multò iracundior, diriorque.

LVII. Cæterum qui calculo sive renum, seu vesicæ jam diù laborabant, hi sæviùs omnes, atrociùsque vexabantur; Haud pauci ex iis mortui sunt; Libet hinc rarissimum ingentis calculi vesicæ exemplum narrare, quod mihi eo ferè tempore adnotare contigit, Sacerdos quidam Gallus Romam contendens, acerbissimis cruciatibus vesicæ, sævissimâque stranguriâ correptus, in Nosocomium SS. Mauricii, & Lazari mense Julio se contulit.

Fatebatur olim huiusmodi doloribus vexatum fuisse Lutetiæ Parisiorum, cum adolescens adhuc foret, iisdemque liberatum celebris Lithotomi ope, exiguo feliciter extracto calculo. Adultior factus iisdem per intervalla recurrentibus affligebatur, nunquam tamen dire adeò crudeliterque. Septimo dein die mille inter conamina, ejulatusque expiravit. Secto cadavere, insignis in vesicâ repertus est calculus, perpolitus undique, & lævigatus, ponderis tredecim unciarum cum dimidiâ, durus adeò, ac reverà Sciliceus, ut verè quid lapideum quis diceret è marmore resiliens. Renis dextri substantia penè exesa aderat, alter præter morem grandior, nigerrimus, ac ferè putridus; Vesica crassa valdè, ac ferè carnea; Uterque ureter solito amplior. In horum altero quâ in vesicam desinit, sex, vel septem exigui calculi occurrebant taliter invicem impacti, & cuneati, ut præclusâ omninò viâ urinæ, enormiter expansus canalis, alterius veluti ideâ vesicæ rudiōres deluderet, quasi re ipsâ, foret vesica duplex. Ac fortè in hunc crassum, atque supinum errorem Medicos Casauboni incidisse puto, dùm viri tanti vesicam urinariam nobis geminam obtrudunt. In sinistro uretere nullos quidem calculos, at urinæ quantitatem summè olentis, ac fætidissimæ comperi.

LVIII. Exaratis spasmodicis ægritudinibus meritò quoque accensebantur quotquot cæteræ per ea tempora desæviebant magis, ut hemicraniæ, vertigines, acutorum illæ morborum reliquæ, aut diuturniorum affectuum proludia. Unum scilicet harum omnium Parentem Austrum conten-

dimus; Una omnium scena; Unus idem ludendi genius, ac mos, etsi pro diversâ solidorum resistentiâ, magisque aut minùs adauctâ elasticitate eorundem dispares adeò, ac discolores affectus Subluderent. Qui Spasmodorum doctrinam intimè callet, vimque, & potestatem solidorum in corpore viventi sedulò expendit unquam; Is Vates esto. Reverà quidè *id morborum genus*, ait Doctissimus Baglivius nulli in hâc arenâ secundus, (r) *ab spasmodicâ fibrarum oscillatione pendet, totiusque curationis scopus dirigi debet in eâ primò tollendâ, aut saltèmp compescendâ, deindè fluido peccanti incumbendum.* Diuturnâ olim hemicraniâ laborantem senem Paralyfi dein & artuum contracturâ correptum memini. Mulierem hystericam novi, cui quotiès insultus eminebat, sævissima illi proludebat hemicrania. Amicus meus diris nephriticis doloribus per intervalla vexatus, hosce sibi impendentes præviâ vertigine, oculorum caligine, auditusque hebetudine didicit, eò atrocius sævientes, quo dirior Auster perpirat. Novit id unum Magnus Senex, ac quantum solido infensi sint Austrini flatus, compertum Posteris tullit, illo (s) inquit, *auditum hebetari, caliginem visui offundi, gravari caput, tarditatem, & languorem induci.* Nec quis putet Hippocratem, nisi experienciâ priùs edoctum tam grande effatum, tam fidenter, & absolute pronunciasse; In libris enim Epidemiorum Constitutionem habet Austrinam huic nostræ haud absimilem, cui magna etiam antecedentium temporum sic-

citas

(r) *De fibra motrice specimen*
pag. miki 231.

(s) 3. Aph. 5.

citas præcesserat, unde postea confimiles affectus hyeme, ac vere apparuerint. Equidem sicuti Aquilonaris tempestas spiritualibus organis infesta est, ob ferocem colluviem, quam parum perspirantia corpora abundè cumulant, ita Austrinam capiti, quod Spasmi sedem præbet, ac incrementum, maximè infensam didicimus. (t) Ut verò in Imperiis, sic in corporibus gravissimum esse morbum, qui à capite diffunditur, aiebat Plinius.

LIX. Nec verò rarum adeò, ac incongruum forte quis credat spasmodicas ægritudines ex aeris vitio observari? Quàm facilè ab aereo hocce, in quo degimus, Oceano, aut rectius ab exoticis particulis unà cum illo exceptis, humani corporis liquida quæque inficiantur, fusè superius attigimus. Hisce autem inquinatis semel, stimuli que vicem agentibus, quàm facile unà invicem conspirantia solida afficiantur, irritentur, convellanturque, diuturniore, aut graviore Scenâ juxta individuorum diversitatem ipso quoque fluido hujusce turbationis causâ summoperè magis effecto, conspicuum est? Insolitum morbum spasmodicum convulsivum variis in locis Electoratus Saxonici, & Marchionatus Lusatiae superioris nuper Epidemicè grassatum legimus apud Gælichium (u). Alterum huic haud ab similem affectum describit Sennertus sub nomine spasmi maligni, & Epidemii cum febre, de quo An. 1596. Facultas Medica Academiae Marpurgensis consulta consilium Medicum impertita est à Gregorio Horstio, in Operi-

bus Medico-Practicis publicatum, & à Gregorio Leisnero denuò excusum. Simile quid etiam Parisiensibus olim, diù nebuloso existente aere, qualis revera esse apud nos solet flante Austro, evenisse refert Eruditissimus Fantonus (x). Id curiosorum ingenia dudum exercuit. Equidem pauci, ac fortè vix ullus visus est iis temporibus morbus, qui aliquid spasmodici haud præ se ferret.

LX. Sed ab affectibus spasmodicis divelli nequeo citra historiam unam, ac alteram. Vestalem vidi è Monasterio Cælestinarum Sanctissimæ Virginis Annunciationis, Scorbuto, Proteo illo scilicet plurimorum symptomatum syndrome diu olim, tum quàm acerbissimè hoc anno divexatam, quæ sanato derepente cruris ulcere, quo totâ ferè hyeme laboraverat, miro quodam spasmo musculorum capitis, & colli correpta, ut os minime aperire potuerit, trium dierum spatio velociter obiit. Altera Historia haud ita recens est, sed Pæonio stylo notanda, ab Adversariis b. m. Venerandi Senis, Avique mei, Archiatrorum Comitum, haud exiguo bonorum, ac doctorum hominum mœrore non ita pridem defuncti, excerpta. „ Vidi ego, ait, „ Mulierem stupendo convulsione „ genere vexatam, in quo se se ne „ per momentum quidem quietam „ continere poterat, sedens in lecto, „ & mentis omnino compos. Torque- „ batur se se mirè ægrota, & mem- „ bra cum capite in gyrum veluti con- „ torquebat. Si quando aquam pete- „ ret bibitura, necesse erat poculum

D d d 3 „ ori

(t) Lib. 4. Epistol.

(u) Exercit. sub seciv. Francof. T. 2. sect. 1.

(x) Dissertat. Anat. 13. de org. respir. 327.

ori prudenter admoveare, & ipsius
motui circulari obsequi, poculum
elevando circumducere, donec si-
tis esset sedata. Cùm autem bibisset,
fatebatur liquorem non recta des-
cendere, sed in circulum circum-
agi, & veluti per gradus, tro-
chleæ, aut helicis in morem, des-
cendere, usque dùm in ventricu-
lum delaberetur., Feliciter tamen,
quod ab illo audiisse memini, eva-
sit.

LXI. Reliquum est de scorbuto,
tùm subitaneis necibus pauca dicere.
Quod ad illum attinet, veteribus mi-
nimè prætervisum utique; Licèt haud
ita Subalpinis familiaris sit, ac geli-
diori sub climate viventibus, ubi dirè
sævit, illo tamen immunes omninò
haud esse Italos, cæterosque Meri-
dionales Incolas jam dudum novimus.
Neque enim illum semper ab humo-
rum stasi ortum ducere, vel ipsi Sep-
tentrionales Incolæ norunt; Quan-
doque scilicèt ab cruorosi laticis fluo-
re initium habet, sævisque miseros
torquet. Hinc forte tolerabilior audit
apud Danos, Norvegos, Batavos, ac
toto divisos Orbe Britannos, quod
ibidem magis ille ab humorum len-
tore pendeat, secùs ac apud calidio-
res oras, Austrinis flatibus magis ob-
noxias, acerrimis salibus cruori affusis
dissolvere potius quàm cogere aptis.
Utque rarò apud Septentrionales ca-
cochymia, seu Scorbutus, (idem
namque esse puto cacochymiam ve-
terum, ac modernorum Scorbutum,
saltem æqualia habere fata) ut, in-
quam, rarò apud Septentrionales
Scorbutus occurrit ab colliquatione
humorum, ità apud nos ab eorumdem

lentore ortus. Id ego olim tùm re-
rum usu, tùm longâ apud Anglos,
ac Batavos morâ didici, haud exiguo
ægrorum meorum emolumento.

LXII. Atque hujus potissimùm in-
dolis, qui modo hoc anno sæviit,
Scorbutum fuisse, adverto, tùm ob
latices ad liquationem pronos,
tùm ob Austrinam totius Anni con-
stitutionem eò diriorè; quò acrio-
res sales ob defectum humidi in
tam ingenti siccitate temporum ela-
ti magis aderant, ac sui juris. Pro-
fectò temperantia quæque, lenitèr
refrigerantia, nitrosa, acida acriori-
bus cæteris fortioribus, abstergenti-
bus, colliquantibus, orgasmum facilè
inducuntibus, quorum tam magna se-
ges, palmam præripuerunt. Ejus quip-
pe gentio, non nomini studendum erat,
quod si quo in morbo, in hoc præser-
tim accuratè investigandum, & distin-
guendum monet Clarissimus Boerha-
ave. (y) Sedum vermiculare, coch-
learia, trifolium fibrinum, sempervi-
vum minùs acre, Zingiber, acerrima
quæque apud Anglos commendata
maximè scio; An hæc tuta æquè, ac
ejusdem sint efficacisë apud illos,
qui sub calidiore climate vivunt, ju-
dicent docti? Mihi quidem metho-
dum placidam, successivam, conti-
nuam, quæ magis humores compes-
cit, quàm stimulat; Quæ-ve nostris
nascuntur in hortis, indigenas plantas
minùs acri sale præditas, Septentrio-
naliùm methodo, ac exoticis celebri-
oribus præferendas compertum est, ex-
emplo monstrante viam. Notissima est
observatio de memorato sedo vermi-
cula-

(y) *Aph. de cognosc. & curand.*
morbis n. 1153.

culari Actis N. C. inserta, quod scilicet in expeditione Danicâ multi per illud in formam decocti exhibitum, à Paralyfi scorbuticâ restituti sint, evacuato per vomitum muco admodum viscido; An id hisce in oris proficuum æquè, profecto ambigo. Forte etiam nusquam visus est Scorbutus alteri similis, aut quorum eadem essent Phænomena; Sæpe vidi huic hecticam febrim accessisse; Sæpe illum memini in Asciten, mentiendo tympanitidem degenerasse; Utrique latæ maculæ rubræ ad cutim diffusæ, aut icterus multiplex sæpe prolusit.

LXIII. Exarata sanguinis ad fluorem tendentia subitaneis forte etiam mortibus occasionem dedit, quibus ab hyemali solstitio superioris anni ad æstivum usque, decem circiter intra Urbis mœnia ex tempore sublatos audivimus, tum viros, cum fœminas, puerosque. Illi scilicet toties memorati exotici, acerrimique sales ab pluvioso Autumno, Austrinâque hyeme ulterius fusi, ac evecti, inque se ipsis magis existentes, ut Hippocratis verbo utar, occurrente fortè, aut prævio pravorum humorum apparatu paulatim collecto, aut peculiari alia quacumque dispositione, promptiores aliquandò, ac potentiores tum ad solida irritandum, scindendumque tum ad fluida dissolvendum redditi fuere, proindeque apti magis, præcipientes adeò mortes inducere. Cæterum frequentiores hujusmodi neces, cum maxime sævit Auster, satis quidem evincunt, earum plerasque ab humorum fusione ortum ducere; Quæ verò flante Boreâ persæpè etiam contingunt, hæc ab humorum lentore potius, aut ab organico vitio pen-

dere.

LXIV. Ver igitur egimus Austrinum, insolens. Sub initium Maii æstuosum præter morem extitit Cælum, Sole in Occasu flammeo apparente, non secus ac Julio, aut Augusto mense. Huic immoderato calori proluserant, *Ætheris impulsus fremitus, Cælique fragores.*

Remitti mox coepit æstus, quodve supererat Veris, satis beatè transegi-mus. Pulchrum erat Mercurii lusus in Barometro, cum magna fortè im-penderet tempestas, cernere; Is namque illicò ad extremos fines momento temporis descendere, moxque iterum restitutâ serenitate fursùm emergere videbatur. Cæterum cum Austrina ex-titerit totius ferè Anni constitutio, nunquam visus est in sublimiora loca ille se recipere, haud ausus unquam ultra vigesimam lineam evadere, quæ illius major excelsitas fuit. Præclare hinc, ac dilucidè pleraque explicari queunt Phænomena, tum quæ sita quare ad Austrinos flatus difficilis sit respira-tio, ut de quadam veluti suffocatione conquerantur omnes? Cur Urinatōres quidam, hominesque, penè dixerim, amphibii ad plures horas sub aquis de-gant? Cur, quod haud præter ratio-nem, etsi paradoxum videatur, scri-psit Th. Cornelius, aer crassis vapo-ribus refertus ad vitalia munera obe-unda aptior sit, quam aer tenuior? Cur, in Phrysi pulmonari, famosæ, & magnæ Urbes magis commenden-tur, quam Villæ, aut Oppida, quæ aere clarò, & perflato gaudent? Cur humidus, & minimè perflatus aer nul-li salubris? quæ sanè omnia à majori, aut minori pressione aeris rarefacti, aut condensati magis, perflati, rari, pu-

purioris, aut humidioris pendent, ut palam faciunt experimenta in machinâ pneumaticâ circa animalia facta; neque ob aliam causam in editissimis montibus gravem duci anhelitum credendum est, nisi quod inibi minor sit aëris pressio, quàm in imis Vallibus. Sed è diverticulo in viam.

LXV. Exacto Vere Æstas succedit mox ab ingressu turbata ventis, lætior dein, amæniorque, blandè adspirantibus Etesis. Sæpè auditum circumfremere Cælum, ingentes resonare tonitrus, magno misceri murmure Æther, quin vel minimum plueret unquàm, *Sole dies referente siccus*. Post caniculares, varia aeris temperies, Zephyrique, & Austri alternatio; Illo autem circa Septembris initia prævalente, plurima pluvia, & horridiuscula aura per aliquot dies infesta. Æstatis reliquum moderato ventorum flatu tranquillè peractum, felicioribus auspiciis arridente Æquinoctio.

LXVI. Fatiscere enim sensim adulta æstate exitiales febres, tum spasmodicæ ægri tudines observatæ sunt, facemque tradere intermittentibus febribus, quæ Augusto, & Septembri mense illucescentes, subque ipsum dein Æquinoctium vulgares factæ magis, stativa castra ponere coeperant, palmamque illis eripere, aeris procùl dubio ab æstivo fervore in autumnale frigus degenerantis proludia. Scenam quoque ingredi visæ continuæ quædam, aliæque ardentes paroxysmis interpolatæ, catarrhales tussi, & asthma molestæ, quandòque & anginâ, oculorum, ac tonsillarum inflammationibus, quæ dein intermittentes migrabant. Mediâ æstate ob

fructuum fortè intemperantem ingluviem, & immoderatum aliarum illecebrarum gulæ usum, Diarrhœæ, ac dysenteriae comparuerunt, quæ difficillimè medicamentis compescebantur. Verminosa quoque spectata proles ludere, sævaque symptomata producere in adultis æquè, ac in teneriori ætate constitutis; Horum non nulli etiam si nulla dysenteria, aut Diarrhœa essent correpti, assiduâ desidendi cupiditate cum torminibus quibusdam conjunctâ vexabantur; Post frustra adhibita enemata lenia, evacuantia, humorem acrem demulcentia, balnea; tandem cum ad Ascaridibus malum foveri suspicio foret, majori cum successu anthelmintica enematibus addita, perque os data fuerunt.

LXVII. Haud paucos etiam Colica dira corripuit; Nullum iis præstantius auxilii genus, quàm fœtus ex lacte recenti, additâ modicâ dosi Laudani liquidi. Mirum sanè ut convulsatum dolorificum spasmus, sive is ab violentâ abdominalium musculorum contractione, quos ego Principem ludere in hisce diuturnioribus affectibus scenam arbitror; sive ut perperam visum est, à convulsionem intestinorum pendeat, undè decantatus ille oritur antiperistalticus motus; mirum inquam, ut illum præfatus illico fœtus temporis momento compescat, contractasque partes pristino genio restituat, moremque ferat clysteribus, aliisque præsidiis opportunè institutis, convoluta, si quæ fuerint, intestina explicandi, aut verius in Thoracem illa ultrò propulsa fortè, in situm naturalem reducendi.

LXVIII. Ego quidem diù mecum animo expendens diros, acerrimosque do-

dolores, quos persæpè advehit hujusmodi affectus, quid aliùs subesse illi suspicatus sum aliquando; saltem non semper illum, aut sæpiùs sedem habere, ut vulgò ferunt, in Colo. Idem olim à Carolo Pisone, doctissimo sui temporis Medico excogitatum scio, qui forte in hac eadem arenâ Villio præluxit. Uterque haud multum à vero aberravit; Quid enim utrique visum est, in nervoso systemate latens, quod nemo unquam expenderat. Sanè quidpiam minimè vulgare in hoc affectu proludere compertum; Nec opus quidem antiperistalticum motum, aut convoluta intestina effingere. Hujusmodi figmentum nuper (2) in Regiâ scientiarum Academiâ Lutetiæ Parisiorum à præclarissimo Viro strenuè explosum est. Equidem ut chylus tot inter molimina, tum ascensus, ac descensus momenta elaboretur, perficiaturque; Ut idem celiori tramite lactearum oscula subeat; Ut alvinæ fæces, quâ datâ portâ, ruant, excernanturque, fibras intestinorum ita compositas adverto, ut oscillantes illæ, ac circumprementes invicem perenni ludant more, exaratis muneribus comparatæ. Isque ille est peristalticus, seu circumpressorius motus, rectiùs fortè vermicularis, dictus Anatomicis; Qui verò, cum, iisdem abludentibus fibris, ingesta sursum egeruntur, perque os ejici contenta quæque in ventriculo, ac intestinis cernimus, ut in Colicis affectionibus contingit passim, id opposito motu fieri contendunt, quem *Antiperistalticum* vocant, aut fibrarum structuram, ac leges minimè norunt,

Tom. II.

(2) Vide Reg. Scient. Acad. Acta anni 1713. pag. 470. edit. Amstelod.

aut festivis appellationibus oblectantur. Si quis Enterocelen expenderit unquam, hujusque phænomena cum illis contulerit, quæ in Colicâ sæpè sublundunt, facile inveniet, quàm affinis invicem affectus uterque sit? Quo enim more prolapsa intestina, ni quamprimum doctâ manu reponantur, convolutum sæpè, ac mortem inferunt; ita & eadem in Thoracem ab violento musculorum abdominalium conatu adacta, perque septum abrepta haud impari ludunt discrimine. Ecquis autem in herniâ intestinorum, in quâ sæpè etiam Ægri fæces alvi evomunt, antiperistalticum motum effinxit unquam? Quòd si atrocissima quæque symptomata ab strangulatione intestinorum ob musculos abdominis validè meatum obstringentes, satis illa aptè deduci queunt; Quidni & colici dolores ab eorundem intestinorum, quæ ultrò in Thoracem adegit nitentium musculorum spasmus, ac vis, strangulatione ob septum transversum, meatum, per quod illa fortè abrepta fuere, constringens, totam proinde tam sævi, acerbique mali Theoriam, non à convoluzione intestinorum, atqui ab violentâ contractione musculorum abdominis deducere fas erit, quorum nisu per septum transversum abripiantur intestina, inque Thoracem adigantur, propellanturque? Est altera Herniæ species, quam cruralem vocant, cæteris longè sævior, sæpè colicam mentiens aliquando, in qua intestinorum portio intimè infixâ reperitur, quâ cruralia vasa eminent. In hac & diris cruciatibus affligi miseros, & fæces per superiora ejici, conslipatam alvum, tendique ventrem cernimus, immane quantum!

Num intestinum etiam aliquod, sive tenue illud fuerit, aut crassum, dilatato fortè diaphragmate, obque ingentem contrahentium musculorum tensionem infixum ibidem, adactumque, quâ potissimum nervi intercostales emergunt, tum ab eodem diaphragmate penè dixerim, strangulatum eadem inducere haud poterit Phænomena, nullo præludenti antiperistaltico motu, ut in utraque allatâ herniæ specie contingit? Colicæ cujusdam memini apud veteres Medicinæ Principes sermonem haberi, in quâ nedum intestina tantum una cum Omento, at Pancreas ipsum, Mesenterium, Lienem per Septum transversum, scissis retinaculis abripi ferunt; Chordapsum hanc vocat Celsus, alii *Volvulum*, aut *Miserere*, cujus prolixam descriptionem, & expositionem egregiè tradidit Lindanus (a); Hinc intestinorum inflammatio eorundem sphacelo præludens; hinc affinium viscerum, ac diaphragmatis præsertim labes in velocem gangrænam desinens, læthifero proludente singultu. Cæterum colicos hujusmodi dolores, sive illorum phænomena, sive sedem considerem, æstate populariter ingruentes, iis accensendos crediderim, qui verè potissimum sub diversa spasmodicorum specie ludebant, ab eadem scilicet vulgari, communique causâ nervoso generi summè infensa productos; cujusmodi exempla videre est apud Æginetam, Zacutum, Cratonem, Ballonium, & alios quamplures.

LXIX. Nec abs re futurum arbitror quædam innuere de Massiliensium Peste, quæ æstatis initio magnam in

illâ Urbe stragem edere nuntiatum est. Illius incrementi hæc fuisse ferunt: Navis oneraria ab Orientalibus Oris profecta, ubi dira Pestis sæviebat, Massiliam appulerat infectis Mercibus dives, quarum contactu mox quidam extemplò è viventium numero sublatis sunt; hinc semel orta labes ad miseros Cives propagata. Brevi temporis spatio illustris, copiosa, & florentissima Urbs, ac circumjectus ager ingenti clade deletus penè, ac vastatus magnum finitimis æquè, ac dissitis gentibus metum injecerat, ne foedo afflatu diu, ac longè manaret lues, adque affines ultrò pervaderet. Quas ideò præcautiones hisce in casibus humana solertia adhibere solet, eas provido consilio præoccupavit Invictissimus REX NOSTER, Italiæ totius incolumitati, cujus jam dudum ipse Patronus, ac Vindex est, dum suorum bono consuleret, prospiciens. Ubi enim primum de pestilenti lue, quæ Massilienses infestabat, rumor Taurinum pervasit, totum illicò ingentem Alpium tractum, quæ Galliam ab Italiâ determinant, numeroso milite custodiri jussit, ne cuiquam permetteretur ingressus, ullaque aura pestifera per eos, quos opposuit Natura Montes, ab infectis locis per aliquam secretam viam hæc Regiones adiret, inficeretque. Nec satis cautum existimans, non multò post cum externis, atque etiam finitimis Civitatibus commercia interceptis non tantifaciens commoda, & beneficia, quæ ex libero Mercaturæ commercio omnibus Civitatibus proveniunt, quantipublicam Subditorum salutem. Instituta quoque sunt eodem tempore publicæ preces, ad iram Supremi Numinis

(a) Exercit. IV.

minis placandam, magno ad celebriora Urbis Tempia Civium confluxu, ut nunquam alias tantus in unum populi conventus fuerit observatus, tantaque erga Superos Reverentia, ac Pietas; IPSO AUGUSTISSIMO REGE una cum Piissimâ Regina, ac Regio principe magna suis pietatis exempla ferente, verè optimo, adque omnium nostrum felicitatem cœlitus demisso REGE.

LXX. In dies interim magis percrebescere auditum pestiferam luem, adque Aquas Sextias dein totius Provinciae Caput, Tarasconem, Arelatum, Telonem Martium, ac finitima quæque Oppida longè latèque diffusam. Multi nullo proludente signo, è vestigio interibant. Nonnulli ut ab fide dignis hominibus accepimus, intra paucos dies, prævio vomitu, deliquiis animi, prostratione virium, sævissimoque dolore capitis è vivis migrabant. Haud paucis carbunculi, exanthemata, maculae, foedaque ulcera, apparuerunt, funesta prorsus. Quosdam ferunt, quibus Bubones rite proruperant, ex insperato servatos. Infanda nimis, luctuosaque res est singula quæque recensere; Nec profectò absque lachrymis legi potest sincera malorum Historia accuratè, fideliterque ab Doctissimis Viris Galliarum Regis mandato Massiliam missis, ut Medicam opem Civibus ferrent, inter mortes, ac funera exarata. Hanc recens in Italicum vertit, ac criticis notis erudito calamo illustravit Clarissimus Muratorius Serenissimi Ducis Mutinæ à consiliis, ac Bibliothecâ. Quædam enim visa sunt Sapientissimo Viro, quod ad Pestis naturam, ac ingenium spectat, parum

vero similia, saltem congrua minus, nec satis apta, quibus vera, ac genuina Pestis Theoria inniti queat, ac explicari. Ediderat idem Clarissimus Vir superioribus annis elaboratissimum Tractatum, *Del Governo della Peste*, cum dira Viennæ orta lues, totâ Austriâ serperet. Eundem diversis in locis nuper, Mediolani, Brixiae, ac Taurini quam elegantissimis Typis editum, nunc iterum Mutinæ apud Solianum cudi audio ab Doctissimo Authore magnam in partem adauctum, & locupletatum.

LXXI. Hac autem serie foeda adeo lues se se prodere visa est. Principio multis lingua, osque viscido, lentoque humore oppletum aderat. Nonnullis obstipata alvus; Haud pauci oborta Diarrhæa, aut effusione sanguinis, celeriter defuncti sunt. Vomitus, deliquia animi, ac sævus capitis dolor in singulis fere præluserant. Plures intra biduum, vel triduum alto sopore, alii Phrenitide correpti è vita migrarunt. Sæpè obvia verminosa soboles perniciosis symptomatibus stipata; Plerisque nihil hujusmodi proludebat. Cadaverum sectionibus maxima intus visa Phlogosis, ac intestinorum sphacæla. Dirius in pueros, ac fæminas sævitum. Cæterum ab æstivo solstitio ad autumnale æquinoctium usque, plusquam quinquaginta hominum millia cujuscunque sexus, ac ætatis una in Massiliæ Urbe, ejusque agro interiере.

LXXII. Hæc funestæ adeo luis indoles. Quæ verò præcipua illius causa extiterit, modestè inquit se illam minimè penetrare ausum Clariss. Chicoineau, ex iis, qui Massiliam

missi sunt, Medicis alter, (b) ratus utique, ac scitè conscius nihil attingi posse verosimile; quodve hùc usque quoad cujuscunque Pestis genesin, ac naturam proditum est, hypotheticum esse, nilque prorsus ad ægrorum curationem conferre. Quamobrem sedulò idem admonet ad res magis evidentes advertendum. Quæ scilicet fuerint pestis initia, quæ illius incunabula, quidve *originis principium*, ut Hippocratis verbo utar, animo, atque oculis expendendum. Utinam sanè Vir Doctissimus moderatè adeò de hujusce Pestis propagatione, tum præcautionibus adhiberi solitis effatus foret; Ait enim Pestilentiam sese contactu minimè diffundi, ast verò miasmatum, seu corpusculorum ope ex infectis mercibus, Terræque abditis, aut è superiori quopiam fonte exhalantium manare, quæ per æthera inane dispersa dein, ac simul unà cum potu, ac cibo suscepta in sanguine ludunt, eumque inficiunt, quo pronus ille magis, aut labem suscipere aptus est, sive ob congestorum humorum colluviem, sive ob terrorem, aut metum animo injectum. Intrepidè ideò se se afferit ægris tulisse opem, nullâ unquam contractâ labe, omnia quæque remedia præservationis, aut præcautionis jure celebrata hætenus noxia potius, quàm proficua esse contendens.

LXXIII. Velim ego attentius ad tam foedæ pestis, quæ Massilienses crudeli flamine etiamnum verberat, initia animum adhibuisset Vir Clarissimus; nec profectò crediderim inson-

(b) Vide opusculum inscriptum: Relation de la Peste de Marseille, &c.

tem adeò contactum infectarum rerum ab illo celebrari. Equidem pestifera quæque lues, ut de febribus malignis olim eruditè agebat Præclarissimus Sydenhamius, non omnium morbus est, nec longè illa pergere potest, nisi alias, ac ut ita loquar, penas illi præbuerint homines. Novimus in recenti luctuosâ Boum clade quàm utile fuerit rem in tuto ponere, cumque infectis stabulis commercia quæque intercipere. Idem quotquot de hominum Peste scripsere, consilium est; Idem Sapientissimorum Magistratuum institutum; Idem acceptus ubique gentium usus, ac mos. Neque aliud hætenus aptius ad hujusmodi labem præcavendam documentum, aut præsidium scio, quàm terrâ marique ad fines, & loca suspecta idoneos viros mittere, qui solitis cautionibus ad rem tanti momenti assiduò invigilent, nullique, sive exterorum, sive Subditorum sine datis sanitatis vadibus, aut præviâ, ubi opus fuerit in designato quopiam loco, constitutis diebus, morâ, ingressum concedant. Hisce artibus unius ferè sæculi spatio magna Italiæ pars, tum præsertim An. 1656. cum dira lues Romæ, Neapoli, ac Genuæ quàm immanissimè defæviret, servata est. Iisdem nos tutos, ac sospites fore beneficentissimi REGIS curâ, & studio speramus, foreque Pesti, atque omnem illi aditum ad hæce Regiones præcludere. Intrepidum quidem se se gerere summè laudo; Nihil in Pestibus perniciosius unquam, quàm injectus animis timor. Sola sæpè metus, ac terroris imago absque præsentia pestis graves intulit ægritudines. Ast cætera quæque præsidia, ceu noxia potius, contemnere, peri-

periculosa plena aleæ opinio est, absurda prorsus, atque ipsa, propè dixerim, Peste exitiosior; Utque ait laudatus Muratorius [c] *Da cacciarsi via colle pertiche, anche senza esaminarla, non essendo saviezza, &c. E tanto più poi, (d) inquit Vir Doctissimus, perche non si sa intendere, come mai venga ne pure in pensiero a persone, che riflettano alquanto ai passi d'una Peste, ch'ella non si comunichi per Contatto, o Contagio. Stet quidem suus invicto animo honos; Stet sua illi gloria. Nec tamen æqua laudis pars auferenda est cautionibus cæteris ab Sapientibus Viris summo-perè commendatis, abque diuturno rerum usu probatis.*

LXXIV. Quod verò ad Pestis naturam attinet; Minimè reticenda est Doctorum quorundam virorum hujusce ætatis sententia, qui veneficam luem consistere aiunt in verminosa quâdam putredine tot tantasque edere strages, seque vel proximè per contactum vel remotè per fomitem de infectis in sana corpora propagari aptâ. Ingeniosum utique excogitatum, ac fortè etiam admodum probabile, neque à recentioribus tantum vindica-

[c] *Osservazioni intorno alla Relazione della Peste di Marsiglia pag. 24.*

(d) *Ibidem.*

tum illud, excitatumque Ath. Kircherio, Fabro Chymiatro, Langio, Coggrossio, Vallisnerio, Corte, † ac pluribus conjecturis assertum, sed à priscis etiam gravissimis Authoribus diligenter scriptis commendatum; Et quidem huic ipse opinioni lubens, ut fieri debet, Sententiam meam adjungerem, si quæ omnia occurrunt Phænomena dilucidè explicari, quidve certi de hujusmodi argumento discerni posset. Atqui ut doctè advertit Eruditissimus, ac amicissimus Pestalossius, (e) Celeberrimus apud Lugdunenses Medicinæ Professor, suos hujusmodi hypothesis, gravesque patitur Manes, nec dùm adhuc extra omnem dubitationis aleam posita est. Enim verò, qui fiat ut in Urbe quâpiam, aut Agro, ubi longo temporum spatio nulla sæviit lues, eaque proindè infecta, aut peculiarium vermiculorum examina haud amplius aërem occuparunt diù, qui fiat inquam, ut horum progenies à remotissimâ plagâ advecta semel tam facile illicò multiplicari; Ut brevi dierum intervallo universam Atmosphæram inficere, perque ora, nares, ac patentiores quasque vias intus excepta, tam difficiles morbos efficere, seque ad affines agros, ac regiones propagari possit, anceps hæreo; Equidem ut propriis nondùm illa oculis, ita, &

E e e 3 men-

† In id etiam strenuè incumbit Eruditissimus P. Saguens tot editis operibus celeberrimus, elaboratumque opus brevi se daturum luci, in quo causam pestis ab præfatis animalculis deducere nititur; ipse doctissimus Author nuper pollicitus est in literis ad Clarissimum P. Romam Regium in Taurin. Archi-Gymnasio experimentalis Philosophiæ Antecessorem.

(e) *Avis de précaution contre la Maladie contagieuse de Marseille pag. 31.*

mente assequi haud posse unquam tot minuta animalia crediderim, quæ progigni semel, ac longè lateque dein manare Pestis queat, tamque sæpè diverso more proludere?

LXXV. Quod autem dicatur ab aliquibus in emissio ab affectis hominibus sanguine, aut etiam microscopio armatis oculis vermes inspectos fuisse; Id minimè satis esse ad hujusmodi hypothesein tuendam, vel ex eo deduci potest, quod nedum in affectis Peste, at vel in ipsis etiam sanis hominibus continuò hisce scateat cruor. Dein verò hi soboles potius, quàm Parentes, aut Pestilentiarum Authores esse videntur; Neque enim illos adeò minutos repertos unquam memini, cujus reverà exiguissimæ esse molis effingi debuerint, aut mente concipi. Cæterum si minutâ hæc animalia in sanguine, aut fluido quopiam, ceu in proprio elemento degunt; Ut vivere illa diù, ac latere queunt extrâ propriam sedem? Ut sese recens excitare dein, explicare illa, ac suoapte ingenio è vestigio multiplicari? Crediderim potius (eòque fidenter magis id ego aio, quod solidioribus rationibus hæc mea sententia innitatur, & Magnorum Virorum nedum inter exteros, sed & inter nostrates, quorum consuetudine, ac judiciis uti in hac Civitate soleo, ac præsertim Illustriissimi, Amplissimique Viri I. A. Manzini Regis Medici Ord. & Cons., Clariss. Jo. Fantoni, Cicognini, ac Parentis quoque mei Ven., quem silentio præterire nefas foret, Medicorum Regis Primarii, & Consilarii, suffragio comprobari illam noverim:) Crediderim inquam verosimiliter magis pestiferam quamlibet eo nomine

dictam luem, tum quæ præsertim Massilienses tam dirè adeò, crudeliterque exagitat, ortam esse à peculiari quodam veneno, cujus inanime perpetuum seminarium in vastis illis Asiæ Regionibus effingere lubet, inque Europam advectum aliquando. Nec fortè incongruum erit quandoque veneficam hujusmodi luem hisce ab oris repetere, nostro illam sub Cælo natam, adultamque concipere, quod mediùs fidiùs mirum neutiquàm videri poterit reputanti, ut rem magis exemplis illustrem, tot passim morbos contagiosos intra nos ipsos sæpè progenitos, unde postmodum obvia quæque corpora teterrimo afflatu inficiuntur. Neque verò novum est, ut olim de hydrophobiâ Cælius (f) Aurelianus tradidit, *in animalium corporibus peculiare venenum innasci, quod postmodum cætera contagione corrumpat.* Quæ ab exotico hujusmodi veneno, aut fermento (nam quo alio usurpato à Medicis nomine clariùs nunc referam imaginem pestiferi illius principii, unde læthalis hæc labes exoritur, nequaquàm invenio) producit Pestis, diriùs sævit, quàm quæ ab nativo alio quopiam, seu indigenâ oritur.

LXXVI. Possem utrumque venenum illud, tum adventitium, tum nativum cum Arsenico, & Sublimato comparare, nam in solidis partibus reverà pares cum erodentibus venenis invenit effectus; Ab instituendâ tamen hujusmodi comparatione me lubens cohibeo, minimè ignarus innumeras & esse, & excogitari posse veneficorum miasmaturum conjunctiones, unde variæ, difficilesque prodeunt nocendi

artes.
(f) Lib. 3. acut. morbor. cap. 9.

artes. Neque id est hujusce loci exponere, cum præsertim id eos tantum ignorare accidat, qui hospites in chymicâ, & Anatomicâ arte non sine ingenti piaculo versantur. Cur autem, quæve actione fermentum illud, sive adventitium, sive nativum fuerit, sese sano in corpore insinuare, excitatumque semel sedem ibi figere, tum sese in alios homines propagare momento temporis queat, pulveris Pyrii exemplo satis præclare explicatur. Atqui sive animatum in sanguine seminarium, vel inanime prorsus miasma pro verâ Pestis causâ statuatur; Lugendum utique est, tum olim, tum nuper apud Massilienses nondum inventum fuisse verum, certumque præsidii genus, quo tam foeda, sævaque lues curari queat.

LXXVII. Ad Subalpinos redeo; Utque rem omnem in pauca contraham: Pluviosus Autumnus extitit: Hyems Austrina; Ver insolens; Lætior Æstas, temperata, amæna. Bombycum soboles exigua. Tritici, ac frugum ubertas copiosa satis. Puteales aquæ multo cæno refertæ. Inops

Flora. Mellis parca perceptio. Vini proventus ingens, quem nemo sperare auferit unquam initio Veris. Adeo fortè quæ tritico, ac frugibus haud læta omnino tempestas est, ipsa vine-tis, ac orientibus uvis, vitibusque secunda magis est, ac felicior. Erucæ, & Bruchi hortos omnes medio Vere depopulati sunt; Redierant hi Æstatis initio, at lenis aura ab Orientalibus oris adspirans citò in fugam illos convertit. Qui Hyeme, ac Vere proluserant Vulgares affectus, hosce adultâ Æstate fatiscere penitus, inque Scenam sese prodere intermittentes febres adverteram. Sævire quoque desierant Æstate, saltè mitiore flamine perflare cœperant Austrini flatus. Nunquam amænioris Autumnii lætiora initia extiterant, aut felicioribus auspiciis propè visa splendescere Libra. Iis ego sequentem protinus telam exordiar, cæptumque semel opus pro viribus persequar, non exiguo quidem labore, nec tenui fortassis laude; Si quem Numina sinunt,

Auditque vocatus Apollo.

Constitutio Epidemica Taurinensis Anni 1721.

I. **I**nstituto meo inhærens prægressam Constitutionem, qualiscumque ea fuerit, in finem cujuslibet anni describendi, eò libentius id exequor, quod exacti nuper Constitutio anni ab eâ, quam superiori experti fuimus, toto penè cœlo diversa uberem explicet contemplationum segetem, quo nihil in re Medicâ tractandâ utilius unquam, tum rectæ medendi metho-

do, (quod Venerandi olim Senis, idemque Magni illius Angliæ Cancellarii votum fuit, consiliumque,) appositum magis, aut accommodatum: Satque prolixam dicendi materiam suggerat, quod alterum quoque magnam profectò rebus lucem, ac perspicuitatem afferre poterit aliquando. Deinde etiam animosum me effecerant magis, majoresque ad rem sedu-

sedulò , alacriterque gerendam , ac munus quod mihi persolvendum quotannis constitui , ritè , diligenterque perficiendum , addiderant vires , ac velut impulerant Eruditi quotquot in Italia , tùm extra Italiam degunt Clarissimi Viri de re omni medicâ , ac literariâ optimè meriti , ad quos prima hujusce Telæ stamina , primaque studiorum meorum incrementa pervenere.

II. Ut igitur , ubi superiore anno desit Oratio mea , inde initium ducam , blandiores unquam amœnioresque Autumnus dies haud illuxerant diù , hiscentibus per intervalla ab Aquilonaribus Oris , tùm ab iis , quæ ab gelidâ Arcto ad Orientem declinant , lætioribus ventis , qui temperato inducto frigore salubriorem temporum conditionem induxere , silentibus omninò dirorum morborum , quos passi sumus , Parentibus Austris. Plurima namque pluvia Septembris initio delapsa , mox subsequens horridiuscula aura , quæ superiore Autumno , perque hyemem dein , ac ante actam æstatem se se prodiderant , exitiales febres Variolarum , ac Morbillorum , quæ facem illis prætuleraut , vestigia insequentes ac morem , heu infandum nimis , in fugam verterat ; ortumque dederat intermittentibus febribus , quæ jam tùm proludere cæperant , lætiorisque , saltem funestam minus , Subalpinis futuram rerum scenam polliceri. Subirascebantur utique ac quandoque remigrare rursus , pedemque referre , ac subludere videbantur nondum deletæ illæ penitus , atque harum affectæ , comitesque , immanes , immitesque Colicæ , Nephritici , ac Podagrici affectus , tùm

Spasmodicæ ægri tudines cæteræ superiore anno exaratae. Earum tamen vis nec diù quidem , nec imperiosè adeò sævire , nec præterquam ad paucos tantum , unum scilicet atque alterum extendi visa ; Quibus vel familiares jam diù aderant illæ , vel recrudescentes potius reliquæ , ac priorum morborum soboles ; Ceù propè interitum , ac jam delinquens candelæ , aut ellychnii lumen per intervalla adhuc reviviscens dein omninò deficit , extinguiturque. Fortè etiam ob uberrimum vini proventum liberiore pede sibimet unicuique indulgendi concessa facultas , lætissimis Autumnus diebus , ortum exaratis recrudescentibus ægri tudinibus dedit , sæviendique adhuc imperium. Strenuus Miles , cum vespere cibo , ac recentis meri potationi nimis intemperanter indulserit , dimidiâ nocte diris ventris cruciatibus angicœpit , unâ cum vomitionibus inanibus , ac irritis desidendi conatu ; Summo inanè cum jam fere animam agere videretur , elato nimirum , ac tympani in morem protenso ventre , fotu , balneo , anodynis , ac oleosis plerisque opportunè adhibitis , feliciter evasit. Minus læta res obtigit Prænobili alteri , ac Præclaro Viro , qui cum unâ cum amicis ruri degeret , recentioris vini potu , etsi modum , ac sobrietatis limites minimè excesserit , Colicis doloribus , quibus obnoxius olim fuerat , extemplò correptus , celerifato occubuit. Aperto cadavere abdominis musculos , tùm obliquos præsertim , transversosque intensos admodum reperimus , atque adeò prærigidos , intensosque , ut perquam acuto cultro difficile adhuc foret illos abscindere : Ventriculus , ac Duodenum in-

testinum vacuum penitus occurrit, secus Jejunum, ac illi affine Ileum, quod utrumque flatu tumens, ac valdè tensum se se intuentibus obtulit, adeò ut oblitteratæ ferè vix conspicerentur amplius in horum altero valvulæ, quas numerosas plerumque cernere in illo est *conniventes* dictas Anatomicis, rectius fortè *rugas*, aut *juga*: Rugarum enim hæ potius instar se habent ab pariete interno intestini efformatæ, ceù juga quædam præterlabenti liquido remoram modò, modò eidem per varios amfractus, ac orbes contendenti opem præbentia auxiliatricem. In externâ porrò Ilei facie ingens visum diverticulum paullò infra illius exordium, duos transversos digitos longum, ceù processus alter vermiformis, eâdem quâ Ileum figurâ, latitudine, atque substantiâ, cumque ejusdem intestini tubo, lato orificio, communicans. Sæpè ego hujusmodi diverticula, seù processus, ut illa vocat *Verhejenius*, in Ileo reperisse, olim meminì in cadaveribus præcipuè Virorum, quibus colicæ humores, ut ajunt Practici, frequentes obtigerant. An id quidquam lucis allaturum magis in re medicâ; An & hinc potius ortus ducat peculiaris affectus alter, de quo haud ità pridem meminerant (a). Viri Doctissimi in *Commentariis Regiæ Scientiarum Academiæ Parisiensis*, cum nempè haud ipse intestini tubus, sed ea dumtaxat diverticula intra herniæ sacculum coercentur, exercitioribus. Medicis decernendum relinquo. Plura quoque de hisce Ilei, tum Recti diverticulis, herniisque, in quibus illa

Tom. II.

(a) Vide Comment. Reg. Scient. Acad. Paris. ann. 1700.

intercipiuntur, verba facit, ubi & suas iidem observationes addidit, Clarissimus, ac toto Orbe Celeberrimus *Morgagnius*, (b) Anatomicorum hujusce Ævi facile Princeps, cujus eruditioni, peritiæ, ac Doctrinæ levis nimis hæc est æqua laudis Præfatio. Optandum utique, quod *Bartholinus*, *Diemerbroeckius*, *Verhejenius*, tum & *Riolanus* ipse (c) audacior æquo criticus, rerum Anatomicarum, ac Medicarum scientiâ insignis, qui laudatis viris facem tulit, idemque tria non nunquàm hujusmodi diverticula, seù processus adnotasse ait, morborum historiam sincerè nobis, fideliterque exarassent illorum, quorum in cadaveribus id observaverant; Fortè enim quidquam ex hoc dilucidè, ac præclarè magis nobis in hac re modò innotesceret. Sed de his aliàs: Neque enim fas est in ipso Orationis limine diutius extra orbitam divagari.

III. Prodigiorum verò, ut institutam semel Anatomicam cadaveris sectionem prosequar; Prodigiorum maximum, ac celeris necis causa penès Septum transversum latens in conspectum tandem sese prodidit, quod dilatatum aderat, immane quantum! Ibi potissimum quò intercostalis nervus ad imi ventris viscera abit. Per hunc namque ingentem hiatum, quâ datâ portâ viam sibi ultrò in Thoracem fecere Colon, Pancreas, tum Epiploi magna pars. Plurimum in sinistro Thoracis claustro effusi sanguinis ab disruptâ Pancreatis venâ conspiciebatur, ac sinister Pulmonis lobus totus penè sub scaleno musculo

F f f

altè

(b) *Advers. Anat. III. animadvers. V. pag. 8.*

(c) *Anthrop. lib. 2. c. 14.*

altè absconditus, adauctusque. Quæ quidem omnia eò libentius à me adnotata sunt, diligentèrque exarata, quò vera Colici sic dicti affectus Idea nobis elucescat magis, quæve tot sæculorum spatio Arabum mentibus excogitata invaluit, diu Antiperistaltici motûs doctrina, ceu fictitia, ac mechanicis legibus adversa omninò, tandem aliquando obsolescat, aboleaturque, facem ferentibus laudatissimis, tum in Angliâ, tum in Galliâ viris, qui detegendo in dies Vero unicè, ac gnaviter jamdudum incumbunt. Ad vulgares febres, quæ sub ipsum Æquinoctium, ac diù adhuc post ipsum toto Octobri, ac Novembri mense exeuntis Anni 1720. caput extulerant, me confero.

IV. Hæ quidem utut intermittentium indolem, ac morem toto sui decursu quodammodo prætulerint, ingeniumque; Attamen quid insolentis, quodve reipsâ vulgare quidpiam, ac reverà *Divinum* inesse iis ominabatur, præ se ferebant. Neque enim diuturniores adeo extitere, quas quisque Medicorum jure meritò suspicabatur, quasve futuras, vel ipsa quoque Anni temporis conditio suadere poterat. Dolor insuper intensus capitis, idemque assiduus febrilis paroxysmi affectus, eique sæpè proludens; Oculorum rubor; Pulsus parvi, humilesque; Ingens corporis jactatio, quid denique in ipso ægrotantium vultu, ac urinis facile conspicuum intuentibus, quid intimè latens, aut superioris fortè ludentis adhuc constitutionis residuum, aut illi quæ jam propè impendebat, antecurrens, quid inquam ab consueto intermittentium febrium genio, ac more diversum subcludere significa-

bat. Jam tùm scilicèt cudebantur mox eruptura mala, aut propè orientia eadem anteire cœperant, ac elucescere. Atque hæc quidem potissima esse debet solertis, ac diligentis Medici cura, ingruentium nempè morborum excursus sedulò adnotare, vel minutissimas circumstantias, ac occasiones castigatissimo examine expendere, atque uno verbo *primam*, ut ajebat *Hippocrates*, *malorum originem* detegere; Unde futuros rerum eventus magnâ sui laude prædicere queat, iisque occurrere.

V. Nec equidem omen fefellit exitus. Propè namque ingens illicò, imminente solstitio, Erysipelatum numerosa cohors, tùm intrâ Urbis muros, tùm longe, lateque per universum agrum, atque ad finitimas usque regiones propagata est, silentibus tum temporis, aut saltem ferocitate depositâ parcius sævientibus, præfatis intermittentibus sic dictis febribus, diviso velut inter alterutrum imperio, ac facultate ludendi. Raræ tunc, ac infensæ minùs ægritudines cæteræ quæ appetente hyeme solent potissimum in Subalpinam gentem se se immittere. Omne adeò imperium sibi, potestatemque irascendi erogaverat præfata morborum progenies, infesta initio multis, funesta paucis.

VI. Ejus namque aderant moris, atque indolis, ut ludere magis quàm sævire, laceßere potiùs, quàm vincere vellent viderentur. Favebat ludentibus læta hyems Austris perflata frequentibus, at qui mox subsequenti Subsolano, aut altero quopiam è gelidioribus ventis terga dabant victoribus. Ludere ventos reverà quispiam dixerit inter se invicem, se se vicissim

sim excipientibus Australibus modò, modò Orientalibus, immitique Boreâ, atque ita reciprocantibus imperiis altero alterius iram coercente, sævitiemque. Præ cæteris verò Orientales maximè ab medio circiter Januario ad finem usque Februarii lenissimè perflarunt, tranquillo, amæno, & sedato prorsus Cælo. Atque id quidem observare erat, quod cum primùm hi spirare cæperant Septembri mense, fugatis illicò Austris, qui heu luctuosè nimis sævierant diù, exarata statim febres intermittentes prodire, quæ quidèrursus hiscentibus iterum Australibus ventis innui, aut saltem mitiùs ludere videbantur; Recrudescere hæ verò dein, cum silentibus illis prorsus, Orientales perflabant, aut gelidus Boreas, quorum utrique eadem fermè efficacia concessa est, quia eadem, similique ratione condensatum, ac frigidum aera ex vicinis montibus adferunt. Sæpè etiam memini medio Vere, aut impendente propè Æstate in nostris regionibus, iisdem perflantibus, tum Orientalibus præcipuè, frigus plerumque recrudescere magis; Quòd evenire arbitror, cum nives in toto excelso Alpium, quæ ad Boream imminet, tum abrupto Apennini tractu jacentes, altiori Sole factò liquecant, frigidasque partes in nostrum aerem vehunt. Quantum namque frigus immittat Atmosphæræ nix, vel glacies soluta præclaro experimento inde demonstrari potest, quòd Spiritus vini rectificatus nivi adfusus tantum gelu efficiat, ut liquor aqueus in propinquo mox in glaciem convertatur.

VII. Hosce inter ventorum, ac morborum lusús cernere erat modò

Erysipelata, modò exaratas febres intra suum se se alveum condere, ac propè extingui; Nullus verò præfatis febribus, etsi ingruente hyeme in fugam verti viderentur prorsus, nullus inquam iis negaverit unquã omnium, qui labente anno erupturi erant, morborum principatum, ac veluti prædominium. Quisquis namque morborum circa æquinoctium autumnale maximoperè furit, is totius anni constitutioni nomen impertit suum; quod à Doctissimis Viris jam diù adnotatum scio: atque ob id fortè mos erat Hippocrati Constitutiones Epidemicas, quas sermone eleganti adeò, atque ad rei naturam appposito exaratas reliquit, ab Autumnali Æquinoctio inchoare, propè occidentibus Vergiliis. Nec insolita quidem res est Epidemicorum Principem, qui sub Æquinoctio Autumnali præ cæteris invaluit, initio hyemis mitiùs laceffere aliquandò, cum ex adverso, ut rectè advertit magni nominis Vir Sydenhamius, (a) Epidemici inferioris ordinis, qui sub eo merentur, tunc temporis præsertim ingravescant, & rerum potiantur, donec dictus anni Princeps eorum vires frangat, & deleat nomen. Hujusmodi aderant memorata Erysipelata, quæ ludentibus vix orta hyeme Austris caput extulerant. Cæperant quidem illa primò paucos tantum invadere; mox verò ceu rupto aggere torrens in apertum magis erumpere, hosque atque illòs nullo discrimine aggredi, nec Civibus modò, sed & universis penè Subalpinis gentibus infensa, atque illis præsertim, quæ iis in locis degebant, quæ ab Australibus ventis verberari magis consue-

verant. Quod vel ipsa intra Urbis mœnia advertere erat: Eâ namque parte numerosiore agmine sævire illa visa sunt, quæ meridiem adspicit, *nova Urbs* dicta ab Immortalis memoriæ Principe CAROLO EMMANUELE SECUNDO inchoata, aucta dein, perfectaque ad Piissimâ, atque ad Magnarum Principum, ac Reginarû exemplar natâ MARIA JOANNA BAPTISTA, tum ab AUGUSTISSIMO REGE NOSTRO VICTORIO AMEDEO, præclarâ Domorum structurâ, eleganti Viarum amplitudine, editisque Templo- rum cervicibus nulli pulcherrimæ Urbium secunda. Ea scilicet ventorum indoles est, ut sive lenitè, mitique flamine spirent, sive ruptô ceu turbine, feraque miscentes murmura præcipites ruant, quidquid in altum tollitur, ac inane per æthera fertur, secum unâ ferant per mille id ipsum vias, ac itinera mille necem hominibus adferre potens. Uter verò in universum exitialis magis Boreas ne aut sævus ab alto ruens Aquilo, an circa terram serpens illi oppositus Auster? an qui ab ortu incumbunt, aut qui *vespere ab atro* confurgunt, decernere nemo ausus adhuc, cum læthiferos quisque effectus induxerit sæpè; tum maximè cum vel diù nimis, vel minimè servatâ temporum lege dirè, crudelitèrque desæviunt? Ediscere id quidem, ac prænoscere par ille unicè erit, qui locorum positiones, temperiemque Cæli uniuscujusque Urbium propriam rectè expenderit, tum plures unâ invicem observationes, Astromorum more, ac exemplo, instituerit diù, aut ritè contulerit institutas.

VIII. Utque Erysipelatum morem, quo ea scilicet pacto eruperant, fusius, ac propius exponam; Plerisque illa absque ullo proludente signo in hac, aut illâ corporis parte inopinatò apparebant. Aliis vehementissima febris prodituro Erysipelati facem tulerat, eratque jam propè erumpere impendentis Erysipelatis indicium certissimum, ipsa remissa extemplò febris, deficiensque. Ejusmodi aderant febres, quas reverà erysipelatosas dicere fas est, quæ superioribus annis, cum latissimè sævientes variolæ cumulatissimam edidere stragem, hisce præire consueverant, ac propè jam eminentes prænunciare. Eruperant autem in vultu potissimum; Non nullis humeri, aut crura obsidebantur. Statim verò ac detumescere videbatur facies, aut quælibet alia affecta pars; Conturbari hinc cæperat lenitè alvus, atque hoc pacto intra paucissimos dies morbus integrè absolvebatur. Haud paucis hæmorrhagia primis periodis è naribus prorupens felici fidere restituit rem. Huic proludebant Hypochondria dura, tumida, dolorosa, aut intensus capitis dolor, aut oculorum rubor, aut tinnitus aurium. Cæteræ quæque Crises, quas sæpè moliri Naturam novimus, iisque morbo exitum dare, aut impares prorsus aderant, aut illas experiri malum. Totum quod erat Artis opus, in eo innitebatur, ut ipsa Medicatrix Natura eò libenter contenderet, quò duci annuebat. Quòd si oneri ferendo impar foret, haud deerant Medentibus Artes, quibus labentem erigerent, ac sublevarent, quo læta dein crisis per eas, quas ostenderat illa vias, succederet.

IX. Et fanè haud paucos memini nullius Artis ope , solâ Medicatrice Naturâ sanatos : Haud exigua saltem spes salutis erat, totum concredere opus Naturæ, aut ejus motibus per opportuna remedia obsequi. Equidem ut in morbis omnibus, ità in acutis potissimum, tùm in Erysipelate præsertim, ac morbo omni inflammatorio haud exiguâ Medico opus est doctrinâ, prudentiâ, & sagaci cunctatione, imò religiosâ naturæ motuum observatione, aliter perniciosi nascentur errores. Magna utique Sapientiæ pars est mentem à præjudiciis liberam servare, nec dirigentis Naturæ motus per intempestiva Medicamenta prævertere. Novit id unum Magnus Hippocrates Jatricæ facultatis Parens, atque ex illo celebri Macrobii elogio fallere nescius, & falli; qui diversis passim in locis, tùm præcipuè in libro de veteri Medicinâ, quâ summâ incumbendum sit prudentiâ, & circumspeditione in re Sacrà tractandâ, sic ille vocat medendi Artem, præclarè admonet Medicos, quorum plerisque jam tùm temporis idem in se admittere noverat, quod imperiti Navigantes : Etenim, qui in tranquillitate,

ait, *navim gubernantes delinquant, manifesti non sunt; At si ventus magnus, ac tempestas ipsos deprehenderit, tunc conspiciuntur palàm omnibus hominibus, quod ignorantia, & erroris sui culpâ navim perdiderint.* Pervenistam, pulcherrimamque de hoc argumento Orationem olim in Patavino Lyceo habuit Clarissimus Ramazzinus, quam unâ cum cæteris ejusdem celeberrimi Viri operibus Genevenses Typographi superioribus annis edidere.

X. Atque hîc loci mihi de Erysipelate, tùm in universum, tùm in specie, ejus scilicet quod totâ in Urbe, atque Agro tunc temporis sæviebat maximè, verba facienti, in mentem subit Consilium Medicum quod Latino Carmine nunquam satis laudatus Vir exaravit ad præclarissimum nostrî sæculi Poetam diro hujusmodi in cruribus Erysipelate laborantem. Quàm pulchrè, quàm eleganter, quàm doctè Divini Senis Oracula elegiacis versibus expressit, ac propè dixerim illustravit ! Hos ego haud abs re futurum duxi Orationi meæ adnectere, ceu gemmam, aut monile quodpiam eximii fulgoris.



Ad Ill., & Rev. Dom. Abbatem

MICHAELEM CAPELLARIUM

Poetam Celeberrimum Erysipelate laborantem Consilium Medicum.

CRura Tibi, ut scribis, dirum
Erysipelas adurit,
Vir bone, nec reperis qui levet arte
malum.

Plurima promittent Medici, namque
id Medicorum est,
Sed Tu ne fidas, nam dare verba
solent.

*A pingui, atque oleo, veluti cane
(a) & angue caveto,*

*Unguina succenso dant alimenta
foro.*

*Pingua quin faciunt partem (b)
putrere perustam,*

*Nasceturque ulcus, quod cachoetes
erit.*

*Nec minùs herbarum succos appo-
nere tentes,*

*Crura nec ut mos est, lacte fovere
velis.*

*Talia quippe nocent, coguntque
recurrere morbum,*

*Qui ex imo ad summum prolicien-
dus (c) erat.*

*Quid faciam ergò inquis? Tu susti-
ne, & abstine, talis*

*Decubitus criseos est, mihi crede,
loco.*

*Intereà in lecto recuba, & suffusa
rubore*

*Aere ab externo membra tuere pre-
cor.*

*Sic etenim poterit sensim expirare
quod urit,*

*Hæc sat nota Coi sunt documenta
Senis.*

*Tutè ergò observa ac tristes animo
expue curas,*

*Sitque bene ut valeas unica cura
Tibi.*

*Noli dum langues, Musis, Phæbo-
que videri*

*Tam charus, quin sis charior ipse
Tibi.*

Aureum itaque hoc maximè præ-
ceptum in mentem sæpè revocandum,
tùm in Erysipelate curando præsertim,

(a) *Hipp. de affect. n. 57.*

(b) *Hipp. 7. aph. 20.*

(c) *Id. 6. Aph. 25.*

quod idem amico Poetæ laboranti
consulebat Vir Doctissimus: *sustine*
nempe, & *abstine*. Talis enim decu-
bitus Naturæ victricis conamen est,
ac criseos loco, quam si aliò avocare
contendis, *putredo*, ac *suppuratio* ex-
pectanda illicò, funestâ quantum!

XI. Totum ideò, ut quæ semel
dicta sunt, iterum repetam, concre-
dendum aderat Naturæ opus, cùm
præsertim, quod moliebatur, confi-
ciundo muneri par illa foret, nec ad-
ministram Medici opem efflagitaret.
Advocanda utique quandoque erat
in auxilium Ars, quæ quidem copio-
sâ celebratâ semel, aut etiam repeti-
tâ, si vires tulerint, Sanguinis missio-
ne è cubiti Venâ, aut è Saphenâ,
ubi opus adesset, hoc uno plerum-
que subsidio *utramque*, ut ajunt,
paginam adimplebat, tum apparente
nondum, aut propè jam eminente
Erysipelate, tum etiam ipso jam adul-
to pene, nedum tamen remissâ peni-
tùs feбри, aut alio quopiam adhuc
perseverante, quod urgebat magis,
fero, immitique Symptomate. Hæc
una aderat potior solertis Medici cu-
ra; Quod reliquum erat fauslè id ce-
leritèrque absolvebatur quiete, victu
tenui, liquido, antiphlogistico, potu
simili, medicamentis diluentibus, &
refrigerantibus simul, vel singulari
dote acri specifico oppositâ præditiis.

XII. Hostile namque acre illud
Austrinis flatibus elatum, quod idem
superioribus annis diras pepererat æ-
gritudines, id ipsum, si quid ego hic
judico, nedum subactum penitus,
diversi tamen generis particulis com-
mixtum, quas gelidus Boreas supe-
riore Autumno præmaturè adtulerat,
cruoris rubri arteriosi, inque minimis
cana-

canalibus stagnantis attritum efficere par erat, atque hinc *phlogoses* inducere, vel in finibus arteriosis, vel in vasis lymphaticis arteriosis, dilatatis osculis, admissos globulos rubros per fines transmittere non potentibus. Quidquid enim erodendo, crispando, adurendo vasorum extrema ita arctat in Conicis, Cylindricisve, ut diameter aperturæ fiat diametro Sphæræ Sanguinis minor; Quidquid cruorem aut lympham cogit ut coeat, aut eidem violentum motum præbet, quorum utrumque ab acriorum corporum præsentia explicari sat aptè potest; quemcúmque id inflammatorium morbum, Ignem, ut aiebat *Hippocrates*, aut *phlegmona*, qui omnes ob causæ, & effectuum similitudinem ab Igne nomen habent, gignere satis est in minimis æquè arteriis, ac Lymphæ ductibus. Ut enim in cruore rubra, sic in lymphâ alia est forte pars crassior reliquis.

XIII. Quoties verò inducta semel stagnatio liquidi in vasis est, sive acre illud specificum, sive aliud quodcumque sit quod lympham aut cruorem cogat, finesque vasorum urat, erodat, aut distrahat; Acti adhuc ab superstite vitâ cruoris vis, eos ipsa effectus inducere par est, erupturi, aut propè jam erumpentis, aut erupti tandem Erysipelatis, aut phlegmonis proludia, ac incrementa: Arteriæ namque primò minutæ, vixque visibiles obstructæ jam à Sanguine distendente augentur; Hinc tumor ruber, sive prima Erysipelatis Scena. Vasa mox lymphatica arteriosa antea pellucida, & invisibilia eadem patiuntur; Unde augmentum rubedinis; Distenta dein vascula rupturæ propin-

quant in fibris minimis, ac valdè invicem compinguntur liquida, & solida; Hinc dolor punctorius, durities, renixusque partis adulto jam propè Erysipelate, adauctoque. Cætera hinc repetenda Phænomena, rubedo splendens, calor, æstus, debilitas, molestia, febris, ab attritu partium liquidi inter se in solidum, tum solidi in illas, ab rubro accumulato, ab irritatis fibris, ab celerius per aperta viarum acto sanguine, Mechanicis hæc eadem omnia legibus præclariora, atque illustriora.

XIV. Exorientis hæc adultique Erysipelatis proludia. Posteriores illius Scenam exegerat Natura, quod incæperat illa opus, absolvens. Id verò resolvendo potissimum assequabatur, qui idem lætissimus ac tutior modus est, quo morbi inflammatorii exire solent. Obque id præcipuè Artis Magistri, ac Principes Viri ab oleosis ac pinguibus, tum topicis, quæcumque ea sint, refrigerantibus, anodynis cavere jubent, ne aut pinguior factus humor, ac spissior, effusus idem, tum glutinosus magis suppurationi præbeat facem, qui alter modus est quo terminatur inflammatio; aut retropulso forte, inque parte affecta hærente adhuc atroque facto magis, *gangræna*, aut *Scirrhus* oriatur, tertius illa, hic quartus abeuntium inflammationum finis. Hinc ubi sæpe occulta manent Erysipelata, atque intima illa obsident delubra, in acutas, aut lentas ægritudines desinunt; Velocis eadem aut lentæ mortis causa, cum scilicet, aut in sphacelum, sive ut ait *Duretus* Subalpinorum Medicinæ decus eximium, in *Systrophæ phlegmonicæ* abeunt inflammatae partes ut in lypiria febris, seu, ut
illam

illam vocat *Baglivius*, *Erysipelate* alvi; aut coacta eadem forte in glanduloso tuberculo iners materies in Scirrhum tandem degenerat, qui ut Sphacelo, gangræna, carcinomati idem, seu cancro à similitudine sic dicto, præludit inevitabili fato, ut in diuturnis obstructionibus glandularum contingere sæpè videmus, post assiduas febres neglectas, aut malè curatas, atque earum præsertim glandularum, quæ liquorem facilius inspissandum obtinent, vel ratione loci stagnare plus cogunt.

XV. Mihi equidem numerosam adeò tunc dierum latissimè oberrantium *Erysipelatum* cohortem vix ingruente hyeme extemplò editam adultamque animo reputanti, haud inanis utique metus subiit ne forte appetente Vere acriora facta spicula, sævientibus maximè atque unà invicem assiduo more inter se confligentibus Australibus, ac Borealibus ventis, ditioribus malis ortum præberent, ac incunabula, quibus jam tum proludere illa videbantur. Metuendum scilicet ne hujusmodi *Systrophes phlegmonicæ* intrà pulmones tandem, ceù in Principe Theatro subluderent aliquando; Statim atque hyberno exacto frigore, ac novo concitato tumultu in liquidis aptior foret præfatis, exoticis particulis aditus, quo intra eademmet liquida eâ, quâ pollebant diù, crudelitate sævirent; Notum jam tum scilicet erat perspectumque mihi, quàm mala cubaret in præcordiis labes. Nec vanum utique, atque inanem prorsus metum effecerat ventorum unà ludentium indoles; Utriusque enim flatus sæpenumero Subalpinis potissimùm exitiosi extitere, tum

maximè, cùm se se vicissim excipientes, atque alterno ludentes flamine varias, ac discrepantes inter se invicem alterationes aëris gignunt. Cùm verò aëreo hocce fluido nobis circumfluo, tum liquida, cùm solida æquilibrii perennitatem illius acceptam ferant, quo vita ipsa caput semel, ac servatur diù; Sitque inter duo hæc nostri corporis componentia, liquida nempè, & solida ipse aër veluti libræ canon, atque examen cui utraque parent, ac obsequuntur. Conspicua res est alterato libræ canone servatura eadem haud amplius esse instituti æquilibrii legem, ac proindè tot inter discrimina rerum jure meritò suspicari fas esse imminente propius vere nova oritura mala, quibus nigram faciem jam tum præbuerant ludentia passim *Erysipelata*, tum pronus heù nimium hoc anno ad *Stasin* cruor, tum quæ *Epidemici primi Ordinis*, seu anni Principis Morbi dignitatem sibi comparaverant exortæ paullò ante *Arcturum* febres, quas etsi intermittentium plerasque morem servasse meminerim, quid tamen *Sacrum* ac re ipsâ ingens inesse iis, solertibus Viris jam tum visum aderat, perspectumque.

XVI. Sanè ut ab *Erysipelatum* narratione ad exaratas febres gradum faciam, exercitationibus utique haud imposuerant illæ, vel primò sui initio, quippe eam, quam prætulerant primò adspectu faciem, facile conjicere erat simulatam esse, subque eâ Larvâ, ac simulationis artificio magnum latere aliquid se se manifestius offensurum aliquando. Enim verò cum nihil hujusmodi unquam superiore anno contigerit, eruere erat statum liqui-

quidorum toto jam penitus Cælo discrepare ab eo, quem ipsamet liquida dudum obtinuerant: Ad *Stasin* scilicet magis illa vergere, eaque proinde præcavenda mala, quæ ab prono ad concretionem sanguine ortum ducere novimus. Atque hanc quidem novam rerum Scenam induxerat nova anni Constitutio apparente Librà, statim atque hiscere cæperant ab gelido Aquilone Septembri mense flatus, qui diathesin Aeris extemplo prope immutarunt.

XVII. Memini equidem me pluries tùm temporis de iis quæ Subalpini propè impendebant currentis decursu anni, ægritudinibus, sermonem habuisse cum celebrioribus Artis Magistris, quos eximiæ mihi laudi foret debitâ honoris præfatione singillatim recensere, si prolixior me esse sine- ret dicendarum rerum magna seges, ac dignitas. Edoctum fecerat ante acta superioris anni Constitutio, quæ ab sanguinis fluore, quæ ex adverso ab eodem ad fixitatem ac lentorem properante, quæ rursus ab hac vel illa aëris crasi timenda magis, ac prævidenda sunt. Ecquid autem perspicuum magis, quàm ab tendente ad concretionem Sanguine ea quidem prænoscere, ac prænunciare, quæ ab minus velocitramite progredientibus liquidis, hinc ab consueto eorumdem more abludentibus solidis necessario subsequi, atque expectanda esse Mechanicæ nos leges docent, quibus tùm liquida, tùm solida inter se invicem eleganti ludunt spectaculo? Ut exacto anno prodierant mali ingenii febres, tùm quæ sub iis merebantur spasmodicæ ægritudines cæteræ, illæ ab sanguinis fluore ortæ, hæ ab exoticarum parti-

cularum spiculis, quas unâ secum invexerant dirè, ac diù sævientes Austri; Novâ modò rebus inductâ facie à priori diversâ prorsus, nova quoque morborum proles caput extulit, quos anteire, ac ceu prima acies celeritate vincere visæ fuerant recens enatæ Autumno febres. Tantùm scilicet adhuc intra liquida res erat brevibus circumscripta finibus, propagatâ nondum ad solidas partes labe. Et sanè ut parva sæpè scintilla magnum excitavit incendium, novæ hinc, totque ortum duxerant ægritudines, quæ omnes quidem ab uno fonte progerminarunt, unâ omnes, ac eâdem methodo profligandæ, etsi pro diversâ, quam induerant, larvâ inter se invicem differre quodammodo videntur.

XVIII. Enim verò si præfatas febres attentius expenderit quispiam, si harum ortum, ac incunabula, morem, ingeniumque, otiosè singula, & consideratè perpēdimus, atque hæc omnia in animo verè cogitamus, nullam prorsus illas inter ac febres intermittentes, ita vulgò dictas, originis affinitatem comperimus. Sic quidem illas vocare lubet ab intervallo paroxysmi interjecto, ut morem Practicis veteribus geram, quibus olim appellationes febrium, quibus dignoscuntur, à quâlibet sanguinis alteratione, vel symptomate particulari desumere satius visum fuit, quæ diversæ speciei febribus pari jure possunt competere. Quidquam tamen inesse iis peculiare, arcanæ anni Constitutioni referendum, nilque penitus cum intermittētibz vulgò dictis commune, aut hisce proprium tum ipsa febris indoles, tùm quæ sub illâ ludebant per-

hyemem Erysipelata, ad quorū ad-
spectum sese illa toties abscondere visa
est, tū quæ deinceps proximo Vere,
ac æstate sese prodiderant ægritudines
apertè satis ostenderant. Nec quid-
quam vetat *Erysipelatosas* nuncupare,
ant si mavis dicere, *Igneas*, ab uren-
te sensu caloris, inductâ in liquidis
stasi; *Hemitritæos*, sive *Semitertianas*
dixere Veteres, de qua febre doctis-
simum vide *Duretum*, in *Coac. &*
suum, quem ita benè commentatus
est *Divinum Senem* 1. *Epid. com.* 3.
aph. 5. Neque enim abs re erit hæc
febres concipere, ceū accensionem
quandam erysipelatosam cruoris ad fi-
xitatem vergentis, qui idem statim ac
perflantes Austri rarefactum magis
aëra effecere, ante acti lentoris vesti-
gia in hac, vel illâ externâ corporis
partē deposuit; Ubi verò denuò his-
cente Boreâ constrictus magis, con-
densatus ac compressus aër evadebat,
docente Barometro, eadem iterum
redibant febres, intra ipsamet liquida
rursus sese condente igne; Qui idem
aut Phrenitides plerumque, aut fune-
stas huc illuc *systrophes* ludens pepe-
rerat.

XIX. Ac revera intervallum illud
Paroxysmi interjectum larva erat, seu
simulationis integumentum, quo in-
cautiores aliquandò hujusmodi febres
fefellerant. Cernere erat in hoc apy-
rexia statu, si modò ita dicere fas est,
ægros non ut mos est in cæteris fe-
bribus, penè omninò sublevatos ple-
no inter duos quoque paroxysmos
intercedente intervallo, ast potius
vexatos penè dixerim magis, anxios,
pervigiles, siticulosos, ore, oculis,
ac fronte turbatos; Pulsus aderat par-
vus, humilis; urina impensè rubra;

tensivus capitis dolor, dirus, ac im-
mitis prorsus, æquè ac sub ipso febris
statu, ac incremento; Nullus quoque
tū accensionis initio vomendi cona-
tus, aut ullum vel levioris nausæ
vestigium, quod hærentem in primis
viis mali fomitem ostenderet, quàm
citissimè removendum; tū declinan-
te paroxysmo emergens sudor, quo
apparente solent intermittentes febres
per vices desinere. Summa namque re-
rum, ac potissima morbi causa ab
Phlogistica liquidorum crasi, ac pro-
indè turbato eorundem progressu re-
petenda erat. Quod quidem probè
distinguere, tū probè noscere opus
aderat, ut inde curativæ indicationes
ritè dirigerentur; Aliter exulcerabatur
magis res, stupente Medico, ac morbi
malignitatem perperâ accusante. Neq;
etiam, ne quis me immemorem prorsus
credat, ac rerum, quas sub oculis habui-
mus nuper, oblitum, eadem aderat sin-
gulis æqua rigoris accessio. Quidam
enim exiguo horroris vestigio; Ple-
rique valde sensibili rigore corripie-
bantur. Non nullis primo tantum ac-
cessu, ac febris aditu, haud pau-
cis ad singulas accessiones, ac vi-
ces idem rigor, ac horror super-
venit. Horum plurimi toto appa-
rentis Apyrexia decursu molesto
quodam frigoris sensu detinebantur,
pulsu vix elato, ceū exquisitâ ter-
tiana laborantibus aliquot ante acces-
sionem febris horis contingere solet.
Quidam etiam properante ad exitum
morbô, unâ cum judicatione majori
horrore obriguere. Sæpè id latentis
diū vomica inopinatò disruptæ præ-
ludium extitit; Autumno quidem,
ac per hyemem omninò pauci: Ve-
re, ac æstate longè plurimi. Vix quem-
quam

quam novi absque sanguinis è nari-
bus, aut ab hæmorrhoidalibus venis
profluvio sanatum. Utrique horum
conturbata sæpè alvus prolusit, aut
quod inchoaverant opus, absolvit.
Quibus nihil hujusmodi obtigit, Phre-
nitide per hyemem, ac Veris initia
correpti sunt, quorum neminem ser-
vatum vidi. Orto autem Vere ple-
rique lætâ pulmonum suppuratione,
dummodò in docti, ac solertis Medi-
ci manus inciderent, incolumes eva-
sere. Quæ quidem sequentibus ægro-
rum recensitionibus illustriora efficere
pergam.

Æger Primus.

Sutoris Uxoré, propter Regias Ar-
chigymnasii Ædes degentem, quas
superioribus annis vix confecto bello,
Magno ac Rege digno sumptu è funda-
mentis erexit, atque hoc ipso Anno
MDCCXX. XIII. Kal. Decembris
festissimâ pompâ, omnique lætitiæ
apparatu, Musis referavit INVIC-
TISSIMUS REX, ignis ut *Hippo-*
cratis verbo utar, hoc est vehemen-
tissima febris cum rigoreprehendit.
Huic inter exordia intensus capitis
dolor contigit, lumborumque, ac
præcordiorum dextrorum, quæ qui-
dem mox fluentibus mensibus allevata
sunt. Sexto die rursus suborto rigore
exasperata sunt omnia. Somnia non
aderant, extrema frigida, pulsus par-
vus, sitibunda erat, adusta alvus pau-
ca demittebat. Septimo pulsus elatior,
urinas reddidit impensè rubras, levius
habuit. Octavo rediit rigor, capitis
lumborumque dolores intensi magis,
lingua sicca, urens, fuliginosa. No-
no quievit; Undecimo sub noctem

conturbata est alvus, multaque pro-
diere cum bilioso affluxu. Decimo
quarto perturbatâ iterum alvo perfe-
ctâ judicatione absoluta fuit.

Æger Secundus.

Mulierem quamdam gemellas la-
boriosè enixam, cum non admo-
dum partûs purgamenta processissent,
primum quidè febris corripuit horroris
sensu haud exiguo; Mox capitis, &
cervicis gravitas non sine dolore te-
nuit. Postridiè molestè habuit, non
dormivit. Tertio die repetiit unâ cum
rigore febris, pulsu parvo, humili
prorsus, abjecto, præcordiorum an-
xietate magnâ, siti multâ, inordina-
tè quidem, & inconstanter perturbatâ,
rursusque consistente alvo. Septimo
paullò elatior pulsus; sub Vesperam
febris rediit, exiguo præludente ri-
gore. Octavo lochia repentè fluere,
atque uno, eodemque temporis mo-
mento latis pustulis subrubris foedari
visa cutis, quæ ad tertiam usque vi-
cem sese ostenderant, condebantque
vicissim. Capitis mox, ac cervicis do-
lor remiserat. Quievit. Undecimo
copiosè adhuc fluentibus lochiis inte-
grè convaluit.

Æger Tertius.

Præsul dignissimus, qui juxtâ Diâ-
næ Templum, nunc Sacram
Confraternitatis Sancti Spiritus ædem
decumbebat, febris acuta correptus est
cum rigore. Lingua resiccata erat,
siticulosus, bile abundans, somnum
non cepit. Postridiè vix horum vesti-
gium aderat. Tertio, quinto, ac septi-
mo, per vices repetiit febris unâ cum

intenso dolore capitis, qui interjecto paroxyfmi intervallo augebatur magis, quin etiam vix elatus pulsus toto Apyrexiaë tempore percipiebatur. Nono in sinistro femore splendens rubedo apparere visa in Orbem veluti, ceu lata macula paullo supra femoris articulationem cum Tibiâ, quæ citò priorem deferens locum in superiori femoris parte sese prodidit, mox in ejusdem lateris Tibiâ haud longè ab malleolo interno, Thaleri Imperialis magnitudinem haud multum superans, *Erysipelas volaticum* appellant. Decimo quarto copiosa è naribus hæmorrhagia superveniens morbum feliciter absolvit. Huic alvus ab initio continenter biliosis liquidis multis diffluebat, aut si consisteret, fervida, & cruda deiciebat. Urinæ per totum morbi decursum rubræ admodum sublimè quid in medio suspensum habentes.

Æger Quartus.

Nobilissima Mulier, quæ propè Collegium Patrum *Societatis Jesu* habitabat, ubi filiam enixa est, nec purgationes irent, eam tertio die acuta febris cum horrore corripuit. Octavo deliravit, statimque ad intelligentiam rediit. Undecimo per intervalla soporis quâdam specie detinebatur. Sub noctem extrema paulum perfrixere, sed mox recaluit: Mente non nihil mota est mediâ nocte: Duodecimo sub tempus matutinum latenter obiit. Aperto cadavere plurimum grumosi sanguinis in cavo uteri repertum, tum vasa quæque uteri sanguinea distenta valdè, ac ferè varicosa; Intestinorum externa

facies atro suffusa colore; Hepar prægrande admodum. Potissima verò mortis causa in dextrâ uteri tubâ sese prodidit, ubi disrupti recens tumoris vestigium aderat, ac inundantis adhuc materiae albæ, fædæ, teterrimæ. Plura mihi quoad morbi historiam, tum anatomicam cadaveris administrationem scire haud licuit ab Medicis, qui tum curationi, tum sectioni intererant. Sanè ejusdem, ac reliquæ, quæ tum temporis sæviebant febres, indolis hanc fuisse, quâ nobilissima Mulier fato cessit, fidem fecerat indubia *Archigenis* conjectura, tum quæ illam sequebantur Phænomena, tum quæ in cadavere obviam venerat puris copia, disruptus Tubæ abscessus, vasorumque per uteri substantiam repentium varicosa tensio, ab lentescente cruore, unde phlogistica primùm labes, mox suppuratio ortum tulit.

Æger Quintus.

ADolefcens tum illustri stemmate, tum morum candore, ac probitate præclarus, qui propè Templum *B. V. Angelorum*, decumbebatur cum ejusmodi Erysipelatè, cujus supra memini *agrote tertio* per Autumnum laborasset, quò crura modò, modò pubes, ac finitimæ Scroto partes infestabantur; Mox auriginosus extemplo factus, acutâ dein febris, extremâ hyeme, quæ cum exiguo rigore primùm, mox absque ullo rigore per vices repetiit, correptus fuit; Pulsu vix elato, qui idem per totum morbum permanferat, magnâ capitis gravitate, siti ingenti, adustâ alvo. Quod postremum quidem in omnibus ferè hujus-

hujusmodi febribus ægrotantibus adnotare erat. Reliqua, quæ ad morbi decursum pertinebant, cum ea distinctè unquam scire mihi concessum haud fuerit, reticere magis lubet quàm exarare. Sextò ingenti oborto flertore celerrimè periit, enatâ fortè, ut ego suspicor, ac propagatâ ad pulmones labe, quæ tùm per hyemem simulatè incedens proximo mox Vere larvam abjecit.

Æger Sextus.

Juriconsultum juxta *Theatinorum domum*, quâ ad forum itur Olitorium, febris à coenâ vehemensprehendit; Noctem laboriosam transegit. Postridiè per totum pedem ad talum usque tumor subruber, ac tensus valdè apparuit, cujus in centro atrum quid aderat, ac subnigrum. Insaniâ correptus est; Ex alvo merè biliosa plurima processere. Paullò post convulsionibus à capite subortis celerifato interiit. Ingenii erat tetrici admodum, atroque vultu, abque hominum consortio omninò alienus, ceu *Mysanthropos* alter.

Æger Septimus.

Pari quoque etsi veloci minùs facto sublatus est piissimus Sacerdos *Congregationis Oratorii Divi Philippi Nerii*, mihi amicissimus; Is cum initio hyemis diro cruris Erysipelate laborasset, paullò post, medio scilicet Januario desipere leviter cæpit, mox in furorem repentè agi unâ cum febris acutâ statis vicibus repetente. Urinæ aderant pallidæ, decolores, tenues, atro quodam in iis

suspensio, quod in acutis plerumque morbis Phrenitidem prælagire solet; Oculi protuberantes, trucesque; Facies tetra, vultuosa, horrenda aspectû; Lingua nigra, pulsus durus, respiratio rara, & magna; fæces albæ; collectio floccorum. Præcesserant hisce somni turbulenti, Stillicidium narium, oblivio subitanea, alvus suppressa diù, ac mæror ingens tùm propè imminentis, tùm præsentis mali præludium idem, ac comes. Rogatus ego unâ cum Parente meo, ut ægrotanti opem præberem, ejus sententiâ, & auctoritatè nihil præsentaneum magis visum fuit, quàm earcissimè validissima remedia adhibere, quibus tolli posset inflammatio ad cerebri arterias orta; Missiones nempe sanguinis repetitas, diluentia ex decoctis antiphlogisticis, nitrosis affatim exhibita, pediluvia, Epispastica; Cucurbitas, clysmata, & his similia, quibus ex voto obtigit ferocitatem morbi compescere, apparente iterùm ad crura Erysipelate, cujus præsentia, ceu læto enitente fidere exarata symptomata quæque mitius extemplo laceßere, ac dein sese subducere prorsus visa sunt. Hæc una namque salutis spes erat materia morbificam, ut cum Practicis loquar, in parte Principe dirè ludentem, quam vincere prorsus haud poterat Ars, ad crura revocare, quò illa primum erroris sui notam reliquerat. Atqui evanescens brevi recens ortum Erysipelas, omnemque deindè eludens Artis opem sævioris mali omentulit. Facta namque ad pectus indomiti humoris metastasi, inque exili pulmonum membranâ, ac tenellis vasorum reticulis obortâ phlogosi,

lethalis Peripneumonia impedito sanguinis trajectu successit, quæ nullum faciendæ amplius Medicinæ locum reliquit. Nil melius *bonâ crisi*; Nil pejus, & mortiferum magis, quàm prava metastasis, vel egressionis progressus ad pessimam *Epigenesin*. Mala enim orta magis gravissima inferunt mala, quæ sunt veluti soboles quædam tùm *Phlegmones*, tùm qualitatis malignæ, & partium oppressarum.

XX. Atque hæ sunt selectiores Ægrorum historiæ eâ, quâ passim in adversariis festinante calamo exaratae fuerant, styli perspicuitate, ac brevitate, quod in historicâ narratione potissimum expetitur, conscriptæ. Quæ quidem haud exiguam lucem afferent, tùm iis quæ superius attuleram, tùm quæ adhuc dicenda manent plura, per Autumnum, ac hyemem gesta, perque totum dein currentis anni decursum. Enim verò, ut de harum postremâ tantum eloquar, quantum ab hac una lucis in morborum successione dignoscendis, præcavendisque, quam sibi illustrandam, exornandamque Spartam constituerat seriore Libitinâ dignus Illustris *Baglivius*; Quantum inquam lucis, claritatisque eniteat nemo non videt. Equidem magna hæc est Sapientiæ laus morborum conversiones, non leves illas utique, & parvi momenti, quæ frequentissime occurrunt, & succedendi progressum, ac normam constantem servant, at quæ vel solertioribus sæpè negotium faceßunt Viris, futuras nosse, ac velut è specula prævidere; Sæpè hinc novum orientem, aut recens ortum morbum vel ipsa inter exordia reprimere contigit auspiciatò.

XXI. Timendas morborum successiones scitè non minùs, quàm doctè admonuit ex *Galeno Ballonius*, ac diu olim, qui utrique præluxit, Magnus Artis Dictator *Hippocrates*; Timendas utique, atque eò magis considerandas, quòd hæc inter conversiones, ac transmutationes morborum multa passim symptomata contingant, quæ bonis, & eruditis Medicis ob similitudinem, & fallaciam persæpe imponunt, & novi morbi tamquàm rediviva soboles, ex aliis subinde consequantur, atque repullulent. In universum verò calamitosior est morbus, qui alteri succedit per metastasim materiæ morbificæ in Partem Principem fractis jam viribus. Nemo namque dubitat, quòd materia prioris morbi mitior sit, quàm secundi per metastasim nati.

XXII. Nec difficile erat conjicere tot inter nova orta mala imparem, ac propè effatam Naturam haud posse amplius diu ludentis impetum eludere, illius vim, feritatemque compescere. Simile quid olim Panormi obtigisse memini Præclaro Equiti Triremium Præfecto, cui ad tertiam usque vicem enormem Tragoediam dirum luserat in crure Erysipelas, totidemque illud vicibus gravior alter morbus exceperat, quò tandem, nùm auxiliatricis Artis ope, an Naturæ potiùs victricis auxilio incertum adhuc, utriusque saltem beneficio, conturbata spontè alvus, tùm copiosa contingens ab hæmorrhoidalibus venis sanguinis evacuatio, desperatam jam penè rem opportunè restituit. Nihil autem hujusmodi, quidquid molita fuerit Ars, Piissimo Viro contigit; Errabunda namque materies vix erroris monu-

monumenta prodidit ; Magnum pro-
fectò lentoris argumentum, quo ceu
compede obstricta liquidà haud pote-
rant amplius in libertatem adigi, ac
certanti Naturæ obsequi. Neque enim
Criseos loco erat, ast imparem potius
Naturæ conatum ostenderat recurrens
ad crura Erysipelas, quod lethali
tandem Peripneumoniæ *lampada* præ-
buit ; nil namque paullum criticum
unquàm. Pro morbi verò magnitudine
impar heu nimis aderat Erysipelatis in
crure vestigium ; Ita *Temeni Nepti*
(a) apud Senem Magnum, in acuta,
& magnâ febre metastasis facta est ad
digitum, & mortua est, *cum non*
sufficeret ad suscipiendum exigua adeò
pars, quidquid expellere Natura ten-
taverat. Cœperat ipsa quidem, nec
potis fuerat inchoatum motum absol-
vere, infausto prorsus judicio, exi-
tuque infelici : Ceu cum exhibitum
olim venenum post multos annos, de-
repentè exorto in parte aliquâ exter-
nâ dolore homines celeriter extinguit.
Atque tunc ego quidem cum recur-
rere vidi Erysipelas absque ullâ aliâ
manifestâ crisi, dirioris mali omen
adstantibus haud sine magnâ Artis
laude prænunciavi (b) *Avicennæ* con-
silio edoctus, cujus utique fraudis,
& inemendabilis doli infinita propè
exempla legere est apud *Hippoc.* &
Galenum, aliosque Medicinæ Princi-

pes, atque Antesignanos. (c)

XXIII. Dignaque sanè quæ atten-
tiùs expendatur, hæc ipsa aderat tot
invicem morborum conversio, atque
successio. Erysipelati namque, quod
primùm in crure proluserat, Phreni-
tis successit, hinc alterâ vice Erysi-
pelas, atque huic postremò Peripneu-
monia, quâ tandem vitâ defunctus est
æger. Totidem malorum successio-
nibus totidem quoque cernere erat
ludentis unâ tempestatis mutationes
obsequi. Cum primò enim Erysipelas
præluxerat, Austrina Constitutio vi-
gebat, quæ ad plures dies propè
appetente Solstitio perduravit. Suc-
cesserat hinc gelidus mox ab Aquilone
flatus, ac tùm quidem in Phreni-
tidem factus est transitus. Dein ve-
rò repetentibus Austris, Erysipelatis
iterum in crure vestigia graviori mor-
bo pæludere ; Novo namque indu-
cto repentè frigore, Borealiū ven-
torum afflatu, postremum Tragoediæ
actum absolvit inopinatò oborta le-
thalis ima intrâ præcordia *Systrophe*,
quâ tunc dièrum plures celeriter è
vita migrarunt, atque hos inter Se-
nes potissimùm, tùm qui ferosâ ad
pectus colluvie conflictabantur diu.
Tot scilicet malorum transmutationes
ab diversâ Aeris Diathesi, quod *Di-*
vinum illud est, ac reverà Sacrum
Mortalibus, proficiscebantur, impen-
dentium morborum proludia, ac in-
crementa.

XXIV. Propè namque imminebat
prævilâ diu nova malorum Soboles,
quorum præcipua Scena intrâ Tho-
racis delubra parabatur. Prodire qui-
dem jam tùm per hyemem cœperant
exitiales pectoris ægritudines, at er-
rantis potius in morem nedum aule-
rant

(a) *Seçt. 1. lib. 2. Epidem.*

(b) *2. 4. tract. 1. c. 29.*

(c) *l. 4. Epid. tract. 81.*

Id. l. 3. Epid. tract. 2.

Id. l. 1. Prorrhetic. sect. 2. com. 17.

Petrus à Castro sect. 4. §. 44.

& seq.

Bagliv. Pract. Med. lib. 1.

pag. 51.

rant adhuc sese palam, apertoque Marte prodere. Nondum enim larvam abjecerant penitus exortæ Autumnio febres; Quin imò attollere hæc magis caput properante Vere visæ sunt, novo recens, atque acerbissimo oborto frigore, quod luctuosam rerum faciem ipsa inter Veris exordia reddiderat. Denso hinc agmine visæ foras erumpere Arthritides, Hemicrania, Anginæ, atque unà cum toties exaratis febribus ultrò, citròque ludere, quibus illæ ceu ingruente hyeme Erysipelata, ac Epidemici inferioris subfellii famulabantur. Uno in Monialium Coetu *Divæ Mariæ Magdalene* omnes ferè Vestales anginâ correptæ, extremos morituræ hyemis conatus dirè pertulerant. Quidam quoque è Civibus, cum magis ingravesceret frigus, repentinâ morte sublati sunt. Quosdam etiam memini hosce inter tumultus repentè insanientes, quibus nil tale unquam contigerat. Plerisque ulcera per hyemem prodire maximè in pueris, & præcipuè pedibus, digitisque eorum, nonnullis etiam in manibus. Rubor cum inflammatione mediocri aderat. Haud paucis pustulæ oriebantur, dein exulceratio, Prurigo modica, dolor ingens; Multis humor exibat, sed non admodum, qui referre, vel pus, vel saniem videbatur. Dira æquè iis quoque extitit hyems, quos diuturniores ægritudines dudum vexaverant; Plerique horum namque ad interitum justo celerius forte properarunt, atque hi potissimum, qui Scorbuto, Phtysi, aut Hydrope laborabant dudum. Hos inter Scorbuticis præcipuè frequentissimæ obtigere hæmorrhagiæ lethales ex ipsâ

cute externâ non apparente vulnere, quod, mirabile dictu, observatum fuit in Pictoris filio septenni propè *Collegium Nobilium Patrum Jesuitarum*; In Cauponis uxore ad *Forum Carolinum* jam quinquagenariâ propè, tum in Quæstoris famulo haud longè ab *Foro Castri* dicto; Potissimum verò ex labiis, gingivis, ore, naribus, utero hujusmodi excretiones obtigerant. Memorandum Mulieris exemplum adhuc subit lethali hujusmodi ex raninis venis hæmorrhagiâ brevi temporis intervallo peremptæ. Ceperat illa diu olim Scorbuto dirè vexari innupta adhuc. Nupta dein sævius per vices recurrere sæpè malum consueverat, quod quidem ingravescere magis, ac *vires acquirere eundo* ostenderat difficilis magis, anhelosa, ad motus vel paucos ferè deficiens respiratio; Dolores varii, ac vagi per omnes internas, externasque corporis partes mira producentes tormina Colica, Hysterica, Iliaca; Rubræ modò, modò flavæ, ac violaceæ maculæ in cute apparentes; Crurum tumor accedens, recedensque; Oris factor; Gingivæ tumentes, adque minimam pressionem evomentes cruorem; Dentium vacillatio, ac nigredo; Quodque funestissimum aderat, varicosi annuli ad raninas venas, quibus inopinatò reſeratis lethalis oborta est hæmorrhagia, cui obsistere nulla Ars potuit unquam. Huic Soror aderat, quæ atrocibus æquè conflictata malis haud absimili prorsus fato biennio ante vitam cum morte commutaverat. Utrique harum cum tenellâ adhuc ætate forent dira scabies, ac improba ulcera futuri incrementa mali præluserant, quibus sicca dein ac lenis Elephantia-

phantiasis successit.

XXV. Horum alteri, quos tùm temporis repentè è vivis sublato memini, latæ admodùm maculæ, ut ab Chirurghi ore didici, qui inspiciendo cadaveri accitus fuit, ut quæ celeris adeò, citæque necis causâ fuerit ad eos, ad quos id spectat, renunciaret; latæ inquam admodùm maculæ in universo corporis ambitu conspiciantur; colore violaceo, ac ferè subnigro, tùm quæ præsertim præcordia, cruraque, ac totum vertebrarum tractum occupaverant. Magnæ id quidem inductæ in liquidis stagnationis monumentum. Id namque est exiguas inter, quas *exanthemata* Græci vocant, ac latas maculas discrimen, quòd illæ suffusionis, (a) ut superiore anno adnotavimus; hæ coagulationis potius, ut ajunt, præludia sint, quod idem mihi assidua per sexdecim ferè annos apud Subalpinos praxis edocuit. Illæ febribus continuis, mali moris, exitiabilibus morem gerunt, hæ diuturnioribus passim malis, ac Scorbuto potissimum faciem præferre visæ, tùm persæpè etiam repentinam mortem prosequi, aut illi proludere, ut in repentè denatorum Cadaveribus cernere est aliquando. Illæ rursus rubræ magis occurrunt ob tenuiores quas effusus ab arteriarum osculis cruor dimiserat, profugas, ac diffugientes hinc inde partes; Hæ verò subnigræ, ac sublividæ prorsus ob fixiores sanguinis particulas venarum extremitatibus hærentes, ut ait *Willisius*. Illæ sanguinis Phænomena coire amplius haud potentis, hæ futuri, ac propè imminētis lentoris exordia. Hæc inter postremas, quæ sublividæ sunt, proli-

Tom. II.

(a) *Constit. Epid. 1720. pag. 64.*

xioribus illæ malis, quæ nigræ verò subito, aut celeri fato præludere solent. Nuper desideratus omnibus, dum hæc scribo, celeriter obiit Amicus meus, qui ad novum Urbis ambitum *apud Portam Secusinam* habitabat, cui perquam latis hujusmodi maculis summo quodam manè, cum alias sanissimè degeret, interstincta illicò cutis apparuit: Vespere cum ad coenam lætus accederet, è vivis repentè excessit. Nuper etiam diuturno confectus morbo ad plures abiit Piissimus Vir propè Templum *Divi Francisci de Paula*, cui biennio ante sublividæ maculæ Veris initio, mox fædus Icterus nullâ proludente febris inopinatò obtigit, præduris diù, ac tensis admodùm Hypochondriis; Aperto Cadavere vel minimam bilis copiam in cystide, ac nigerrimam prorsus, atramenti ad instar observavi. Idem olim in mortuis derepentè adnotavit *Fernelius*.

XXVI. Atque hoc quidem sensu ajebat *Duretus*, livores pejores esse quàm nigredines, in Chronicis nempe affectibus, ubi illæ è malis veniunt per mala; successione veluti, ac conversione unius morbi in alium; metuenda quantum. Secus utique in acutis, in quibus *palindromes*, ac *gangræna* propè jam factæ indicio nigredines sunt. Sive verò sublividæ, sive nigræ sint ad cutim maculæ; Utrisque diuturna jecoris ægritudo aut vehementissimus dolor præludere consuevit. Hinc sublividis potissimum Icterus sæpè, aut illæ Ictero fatali prolusere. In hac ego Icteri specie ab visciditate, & ab amurcōsa bilis qualitate ortâ tartareis, veluti pro secreto, uti soleo, & aquâ Nucelianâ Sa-

Hhh

le

le admixto prunellæ, repetitâ per duas, vel tres vices purgatione alternis diebus ex Rhabarbaro, quod olim jure meritò *Patrem Hepatis* ob specificam ejusdem ad plerosque Hepatis affectus curandos virtutem dixere *Arabes*; Deinde ad Serum lactis veniendum cum marrubio bullitum, & singulo manè calidè dandum; Quod si nimium fuerit amurcosa bilis circa jecur impacta, aut magna ejusdem viscidæ, nigræque prorsus copia, addi poterit cum sero in maceratione drachma una hellebori nigri præparati alternis diebus vel cochlear unum, aut alterum *Syrupi cachectici Fernelii* cum helleboro, qui syrupus magnarum est virium in Chronicis; Et demùm omni bile hac methodo expurgatâ, (hic primus curationis scopus prudentis Medici esse debet) chalybeata, & roborantia usurpanda, nunquam infelici successu.

XXVII. Neque enim raræ omnes Icteri species tantum, quotquot recensentur à Practicis, tùm hujusmodi exarata modò, cui sublividæ sæpè maculæ anteire solent, sed Chronici ferè morbi omnes ab malè affecto Hepate ortum habent. *Tantæ* scilicet *molis* adest hæc una haud immeritò Princeps pars inter cæteras, quas præclaro quodam munere in œconomiâ animali fungi novimus; Ut contabescant hæc sensim necesse fit illâ laborante, ac pereant tandem, ni ab imminenti exitio quàm citissimè tueatur. Hystericis, Calculosis, Colicis, Scorbuticis, Lienosis, Asciticis, Tympanicis, ac innumeris id genus aliis nunquam observatum incolume hepatis, quin imò ab hoc uno malorum

fomes, ac origo sæpè repetenda, obstructo scilicet, inflammato, aut schirrhoso, quæ tria duritatis nomine vocat *Hippocrates* (a); Quod autem horum aderit, stercorosæ dejectiones ostendent.

XXVIII. In hac perturbatione rerum, totque inter exaratas ægritudines diuturnas, quæ impendente Vere, aut ægros ad interitum celerius fortè quàm par foret, ducere, aut exacerbari magis visæ fuerant, obviam veniunt peculiare Virginum affectus, qui, si dirè crudeliterque unquam, tùm per hyemem maximè ergà insontes Puellas tyrannidem sævissimè exercuere, ab copiosiore liquido iidem potius stagnante, ac pressis nimium proindè vasis orti, quàm ab effæto eodem, pravo, ac vappido, ut etiamnùm ferunt exercitissimi Viri. Proderat hinc iis magis, quàm celebriora quæque chalybeata usurpari solita, iterata venæ sectio in pede. Ipsa dein vasa à plethora nimis debilitata adstringentibus opportunè roborando, ac confirmando. Quibus confestim ad Martialia properatum est, magna iis repentè excitata Phlogosis graviora intulit mala. Ars quippè erat iis consuetam Artis opem haud adhibere, quod quidem ab Constitutione Anni ediscere est, ejusque Principis ingenio Morbi, cujus imaginem sæpè etiam referunt diuturnæ quotquot eo tempore sæviunt ægritudines cæteræ.

XXIX. Haud paucae quoque Mulieres visæ fluore albo per hyemem laborantes, tùm subsequenti potissimum Vere, ac Æstate; Atque illæ quidem præsertim, quæ hystericis olim

olim insultibus vexari consueverant. Ars quoque iis erat non equidem effato, pravoque cruori suæ restituendo indoli, non fermento ulli uterino emendando, aut exaltatæ bili demulcendæ incumbere, aut erodentibus salibus coercendis, inutili remedium apparatus; Ast potius, ut ego arbitror, profectum ab universali causâ malum, antequam radices ageret, aut adhæresceret magis, elidere; Radicatum verò si quod foret, ac missis stirpibus firmatum proprio in solo, ac delubro reprimere. Utor ego frequentissimè in hoc morbo, quo potissimum Nostrates Mulieres laborare solent, ter quaterve purgato corpore (si hysterica fuerit bis purgasse suffecerit) injectione alicujus liquoris appropriati.

XXX. Quod ad hujus fluoris scaturigines attinet, in obscuro adhuc res latet. Nemo sanè, quod sciam, acu illam tetigit hætenus. Crediderim ego haud aliunde petendas esse illas, quàm ab iisdemmet menstruum fontibus. Nec profectò ab verosimili prorsus aliena hæc hypothesis est. In quotquot enim, quæ hujusmodi profluvio diù laborantes è vitâ migrarunt, nihil in utero compertum memini, præterquàm feri aliquod in ejus fundo effusi, quodve adhuc exiguâ copiâ premente digito ab hiantibus fortè vasorū orificiis guttatim profiliebat, ceù in iis quoque intueri est, quæ inchoante fluxu menstruo, aut penè jam peracto, defunctæ sunt. Quamobrem ut satis est ea foramina, per quæ uteri sinus cum hujus cavea communicare Clariss. Viri observarunt, propè imminente menstruo fluxu à vi erumpentis sanguinis tantūmo-

dò diduci; quò sanguis subindè effluat periodo nulli ignotâ, desinens idè fluere, mox ac imminutâ vi, tūm quantitate liquidi, quæ unica est periodici ejusdem fluxus potissima causa, sese contrahentibus circumjectis fibris, exarata foramina occluduntur, aut saltem tantūm patent adhuc, quantum satis est exiguo sero jugiter transmittendo, quo uteri cavea humecta servetur. Ita laxatis fortè fibris, aut iisdem à nimio sanguinis affluentis impetu debilitatis feri fluxum contingere puto magis, aut minus diuturnum, quò major, aut minor est fibrarum laxitas, quove magis illæ aut minus sese restituere queunt, inque proprios systalticos nisus consurgere. Rarò, ac vix rarò quidem puellas, aut virgines hujusmodi affectu correptas memini, sæpè equidem nuptas, tūm quas hysterici insultus frequentissimè laceffere consuevere; Plerasque etiam novi ab difficili partu in hanc ægritudinem incidisse, non nullas post assiduam uteri hæmorrhagiam; Neminem unquam quinquagenariâ majorem, aut quibus menses defecerint. Quàm facile verò laxari vasorum uteri fibræ, quàm levi de causâ ea foramina diducta semel haud occludi penitus dein, quàm celeri tramite per tot implicatissimos uteri sinus affluens liquidum, tūm gravitate suâ, tūm fortè etiam copiâ, uteri vasa distendere, villosque divellere repetitis arietationibus, & gravidationibus queat, neminem latet! Obscurior res est quænam illa sint, quove more se habeant exarata foramina, per quæ ab erumpentis sanguinis impetu diducta leviter, aut diducta semel, nondum penitus occlusa ampliùs, tūm menstruâ evacuatione

tione cruor, tum serum diuturno fluxu fecedit. Num villi illa fortè arteriarum uteri evanescentium, seu venarum ejusdem prius nascentium, vel earum limites? Sed de his pro instituto satis. Ad Arthritides modò, Hemigranias, Anginas, quæ ruente ex alto Boreâ Veris initia præcesserant, mea sese convertit Oratio; Ne quid per hyemem gestum prætermittam. Neque enim tantum juvat delibare rem, sed & amplius lubet excurrere, quove illa omine præluxerit, aut obtigerit, expendere.

XXXI. Una eademque aderat harum omnium ægritudinum curationis ratio, si modò ad Principem ludentem affectum mentis acies dirigebatur. Sive enim ad fauces, sive ad artus, sive ad involucra cerebri, sive ad oculos, (Ophthalmiæ namque plurimæ sub id quoque tempus proluserant,) præcipuam ageret Scenam Morbus; Unus idemque erat vincendus hostis, idem omninò curandi scopus in singulis, idem pariter, si ab hoc quispiam Medicorum tantisper abluderet scopo, expectandum ægro-
tantibus fatum, Ostendit autem sanatio. Neque enim purgantia, neque anodyna, neque alia quæque hisce olim conducentia auxiliorum genera, profuisse visa, præter venæ sectionem, quæ feliciter sæpè restituit rem, tum ea unà simul exhibita remedia, quæ aut præsentis Phlogistico affectui compescendo, aut impendenti liquidorum præcavendæ labi, ex qua hujus, vel alterius Partis Principis imminens aderat Sphacelus, *Natura monstrante viam*, citius occurrerent. Princeps namque ad Principis morbi vim reprimendam, coercendamque, cujus ima-

ginem referebant exaratae omnes ægritudines, Princeps inquam præsidii genus id erat, quod stagnationem, ac lentorem liquidi eluderet, hoc uno affecti crimine, nimia scilicet sui copiâ, ac pondere, quo lentescere idem in vasis opus erat, aut saltem si non omninò adhuc lentescere videretur, ad concretionem, ac fixitatem celeri gradu contenderat; Quodque idem ob prægressas Constitutiones annorum magnâ ex parte Australium id amiserat sui, quod illud poterat perenni actum in Orbem more tueri, abque propè impendenti exitio, ac jacturâ vindicare.

XXXII. Agebatur siquidem de sanguine, qui mole suâ sibi met ipsi erat noxæ, ac detrimenti; Nullus hinc proinde cunctationi locus. Timendum enim, *ne dum Romæ consuleretur, Saguntus expugnaretur.* Si qua in re periculum fecit mora, aut *Præceptum*, commonente (a) Hippocrate, visa occasio fuit: In hac equidem illa eluxit maximè. Ipseque ego quod sanctè assero nulli ex iis, qui per ea tempora ægrotaverant, aut Arthritide, aut alio quopiam ex prænaratis affectibus, tum aliis plerisque diuturnioribus, inauspicatò cessisse hujusmodi præsidium memini, dummodò opportunè administratum, *dum præsens aderat indicans*, ut Practici ajunt. Ejus namque erant hujusmodi omnes affectus indolis, ingenique, ut liquido gravitate peccanti morem gererent, cui haud lætius unquam, ac feliciore fidere occurrere Ars novit, quàm venæ sectione repetitâ, quo usque ità ad solidorum libellam se se haberent fluida, ut restitutâ invicem præ-

præclarâ æquilibrium, ac conspirationis lege, facta, tectaque res foret, supremum hæc subitura propè discrimen! Cur verò lentore peccans cruor meninges modò, modò fauces, oculosque, ac artus laceffat inermes, modò infantes aliquando pulmones, quod sæpissimè obtigit, haud ita implicata res est, ut Dædali ingenio opus sit ad id revelandum, demonstrandumque? Excellâ profectò magis eadem, ac digna Philosopho *originis principium* harum ægritudinum, quas præsens currentis anni Constitutio in Scenam tulit, tum earum genium, ac morem propius inquirere. Cur eadem Arthritides, quæ tam dirè adeò crudeliterque superiore anno sub Principe ludente affectu militaverant diù, diversum ab iis, quæ modò per hyemem potissimùm extulerant signa, toto cælo præsidium expeterent? Cur illæ spasmodicis cruciatibus molestæ magis, hæc nihil hujusmodi prætulerant? Cur raræ hoc anno hystericae mulierum affectiones extiterant, quæ olim paucis pepercerant? Cur nullæ prorsus, aut vix paucæ ephemerae visæ febres, aut diariæ, ut vocant, quartanæ, ac hujusmodi aliæ ægritudines cæteræ, quæ nullo non tempore proludere solent, tum ultrò citroque ire nullius in servitutem redactæ?

XXXIII. Cæterùm ab lentore sanguinis, tot omnes etsi discrepantes invicem ægritudines prodiisse ipse extractus è venâ cruor colore, habituque apertè satis manifestabat. Quidpiam namque instar pelliculæ, aut exilis membranæ in ejus superficie conspiciebatur, qua disrupta viscosus, ac nigerrimus sanguis in fundo vasis

supererat. Sæpè alterâ, ac tertiâ vice opus extitit sanguinem mittere, imperante morbo quantum demendum aderat cruoris, non equidem illius colore, aut habitu, ut adhuc plerique autumant *Celsi* (a) autoritate suffulti, qui ait, *cum sanguis profluit, colorem habitumque ejus attendere opus est; nam si is crassus, & niger est, vitiosus est, idèoque utiliter effunditur*: Quod quidem idem *Celsus* accepisse videtur ab *Hippocrate*, dum dixit in Pleuritide sanguinem esse mittendum, donec melior, aut ex nigro ruber appareat. Sanè hujusmodi sententia, ut ut improbanda omninò non sit, reticere tamen haud possum hinc sæpè decipi Medicos; eamque nullo unquam in morbo curando satis esse constantem, aut sufficientem metam, & periculo non vacantem superflua evacuationis, aut suspitione diminutæ; Perinde ac vetustissimam alteram *Galen*i ævo percelebrem ad animi usque deliquium. Habent id quæ à Majoribus tradita nobis oracula sunt cum cæteris rebus commune longâ vetustate præclaris, ut illa frequentius in medium afferri soleant, quàm rectè intelligi, & convenienter usurpari. Non enim quia purus, aut quia mutatio in meliorem non fit, semper continuanda est missio; Neque quia mittitur, supprimendus est: Sed donec aliqua utilitas appareat, aut confertim, aut per vices educendus est, maximè in acutis morbis, & suo initio, quo, (si particulares sunt, ut Pleuritis; Phrenitis, Peripneumonia, Angina, & aliæ inflammationes internæ, quibus suppuratis necessariò ut plurimum mors sequitur, aut etiam

H h h 3 non

(a) *Lib. 2. cap. 10.*

non rarò suppurationem præcedit) dempta in tempore morbi materia , quæ in venis est , maturè etiam cesset discrimen à morbo. Quod similiter in ardentibus febribus , & synochis faciendum est. Detrahendus scilicet sanguis non sumptâ metâ à colore , & substantiâ ejus , sed à morbi magnitudine , statu , & Patientis viribus. *Leonard. Bottallus de curat. per sang. mission. cap. 27.* Nihil sanè Artem Medicam æquè conjecturalem facit , quàm medicamentorum quantitas , quæ , ut habet *Galenus (a)* neque dici , neque scribi , neque definiri omnino potest.

XXXIV. Detrahendus verò statim aderat sanguis , ac febrilis Scena exordiebatur , aut præfatæ particulares ægritudines proludebant ; Ut desistendum illicò , ac conjicere erat parem fore Naturam obeundo certamini. Hæc meta , is scopus erat mittendi sanguinis , *servare vires*. Equidem rarò ullus gravissimus morbus , ut Cynanche , Peripneumonia , Phrenitis , Febris ardens , cujus fortè genium prætulerant exortæ Autumno febres , ne quid de cæteris dicam , non citissimè , & felicissimè curantur , dummodo opportunè convenienti remedio illis succurratur. Atque hanc utique opportunitatem , seu *occasionem* , aut tempus conveniens *albo signandum lapillo* iidemmet morborum motus indicabant , potissimum quidem per horum initia , sæpè etiam sub eorum decursu , aut illis jam ad exitum properantibus. Nulla namque expectanda unquam remissio febris , quæ si obtigerat aliquando , haud læti omnis erat ; Nullus hinc advocandus die-

rum numerus , aut exoranda Crisis. Ejusmodi quidem aderant exarata ægritudines , quas ipse olim *Galenus (b)* tradiderat , in quibus nihil tale quidquam attendendum esse ajebat , imò quocumque die mittendi sanguinis scopum in laborante inveneris , in eo auxilium illud adhibendum.

XXXV. At urget , ajunt hîc loci quam plures , urget in hac parte , *Celsi* sententia dicentis (c) quòd si vehemens febris adest , in ipso impetu ejus sanguinem mittere , hominem jugulare est. Fateor id ego quidem , nec quidquam Magni Viri laudi demptum velim unquam , quem ego tam præstantem doctrina fuisse reor , ut paucos ei anteponendos Latium protulisse censeâ : Atque is fortè Magnorum Virorum instar multa maluit seris Nepotibus in obscuro relinquere. De his proindè suspicari fas est locutum esse febribus (d) purissimum Scriptorem , ac propè dixerim (e) Medicorum Deum , quæ certam observant intermissionem , aut saltem per vices impetum remittunt , etsi semper durent. *Intermittentes* illas dicimus , has *continuas remittentes* ; Quamvis etiam tunc vel in ipso impetu majore febris nocere nunquam , sed potius juvare venæ sectionem compertum sit.

XXXVI. Secùs equidè censendum de iis , quas *Causos* , seu *Ardentes* vocant , ob frequentiam , discrimen , sanandique laborem funestas sæpè : Cujusmodi aderant , quæ Autumno primum se se prodiderant , ac toto ferè

An-

(b) *Lib. de cur. rat. per sang. miss.*

(c) *L. I. cap. 10.*

(d) *Vossius de Vit. sermon. I. cap. 16.*

(e) *Casaub. ep. 29.*

(a) *Meth. Med. 7.*

Anni decursu ultrò citròque oberrarunt. Et sanè ut *famulante Naturâ* brevi solvebantur copiosâ narium hæmorrhagiâ, ut plerisque eo tempore obtigit, aut eâdem *Naturâ* Duce, opportunè celebrata. Phlebotomiâ quàm citissimè per initia, atque in ipso earum impetu jugulabantur; Scûs aut ultimam rebus jacturam celeritè nece adtulerant, aut in diuturnos affectus diros admodum, ac graves quamquàm minus calamitosos abiere. Quibus postremis quidem nihil præsentaneum magis, aut opportunius unquam, quàm sanguinis detractio; Atque hæc quidem per hyemem, Autumnumque. Orto autem jam Vere in Peripneumonias desiere lethales prorsus. Hæ namque ut mox addam, aut velox inducto Scephacelo factum, aut lentam ægritudinem factâ suppuratione tulere; Cui imminenti exitio, antequàm scilicet sive Sphacelus, sive abscessus propè esset, nil præstantius unquam docuit Ars, quàm sanguinem demere lato vulnere, ac repetitis vicibus, dum vires ferant. De febribus loquor, quæ ab *stasi cruoris* proficiscuntur, cujusmodi potissimùm aderant, quæ exaratâ Constitutione viguerant, iis ferè consimiles, quas tùm olim *impetuosas* vocaverat memoratus *Galenus* (a), quasve idem proluxâ sanguinis missione sæpissimè, subque ipso earumdem impetu, exortu, ac incremento jugulasse fatetur. Hosce inter, quæ copiosa narium hæmorrhagia morbum absolvit, pueros præsertim hac ope servatos vidi. Adulti verò, aut proVectiores ætate Viri, quibus id copiosè minus contigit, haud pauci in

Arthritides, ac Hemicranias incidere graves admodum.

XXXVII. Nec citrà operis præmium fore puto, si quod accidit mihi vidisse, hîc enarravero, quod ad exaratos affectus, qui unâ cum ardentibus febribus longè latèque sævierant, præsertim attinet, atque Arthritides potissimùm, tùm Hemicranias. Anginæ enim, quæ novo repente exorto frigore facem præbuerant cæteris, brevi constitutos sibi fines persolverant; Adque primos mitiore flamine adspirantium ventorum flatus omninò desierant. Utque ab Arthritide initium feram: Ejus hæ aderant moris ut Vertebrarum tractum, tùm anteriorem Thoracis partem, ipsasque adeò Costas, earumque interstitia lacefferent magis, quàm Illia, extremosque Artus. Præcipuus namque hic ludebatur Tragœdiæ Actus, cum maximè haud convenienti tempore, aut venâ remediorum farragine orientibus malis succurrebatur. Plures fefellerat nempè consuetus hujusmodi ægritudinum mos; stupebantque admodum cum eludere illas cætera quæque usurpari Practicis solita remedia videbant, ac contumaciores effici, delato mox ad universos Artus Malo, quod hanc primò, aut illam tantummodò partem occupaverat; quodque præcavere utique poterant præstantis auxilii genere, quod ludentis morbi indoles initio suaferat, suadebatque adhuc pari securitate, ac fiduciâ.

XXXVIII. Hisce artibus affini meo, cui dira Arthritis hos modò, ac illos artus crudeliter divexabat, opem attuli, ac incolumem illum citius fortè, quàm ipse sibi spem fecerat,

(a) *Meth. Med. c. 4.*

cerat, reddidi. Huic sub finem hyemis febris occurrit, quæ tertio die mitius laceffere statim coepit: Atqui ferus universam Spinam, imaque occupans præcordia, mox ad omnes ferè artus delatus dolor acerbiorum intulit ægritudinem, cui frustrà lenientibus, purgantibus, diureticis usque adhuc opitulabatur. Rogatus ego, malorumque origine, ac successione sedulò exploratâ, jussi sanguinem detrahi ad uncias decem; Diætam quod attinet, juscula hordeacea, avenacea, panatellam, atque ejusmodi alia de more præscripsi, tùm ptisanam ex hordeo, ac rad. liquiritiæ, acetosæ in aquâ fontanâ incoctis, pro potu, ac denique Sydenhamii consilio, ut æger per aliquot horas singulis diebus lecto se se abstineret, præceperam, cum calor jugi decubitu, ut citatus Author ait, morbum sæpè promoveat, intendatque. Die sequenti sanguinis tantundem detrahi jusseram; mox tertio dein, ac ultimò, uno alterove die interjecto. Plerisque memini quarto, ut plurimum, venæ sectionem hujusmodi affectu ægrotantibus nunquam infelici exitu adhibitam; Rarò tamen obtigit ultrà quartam vicem venam incidisse, nisi vel regimen justo calidius præcesserit, vel medicamina calidiora ægro præter necessitatem fuerint exhibita. Paregorica, sive *anodyna* quæque valere omninò jussi, ut ut sæviret dolor. Noveram enim illorum usu morbum magis figi, neque tam facilè dein venæ sectioni cedere, quæ ideò ob hæc ipsa medicamenta officiosè nimis exhibita sæpius quàm par erat opus, celebranda fuerat aliquandiù. Neque enim arbitror eam illa, quam titulo pollicentur, *analge-*

sian præstare. Mirum equidem, ut his ritè peractis, mox potionem cathartica è lenitivis exhibitâ ægri dolores imminuti fuere, quò tandem resarcitâ, quam fecerat sanguinis detractio, jacturâ virium, Veris beneficio quod opportunè occurrerat, omninò evanuerunt.

XXXIX. Arthriticos alios quamplures novi per ea tempora diris cruciatibus divexatos, quibus ortum, ac incrementum præbuit prægressa febris contrario modo, ac pustulabat, tractata, hoc ipso more feliciter sanatos. Nec atrociter minus sæviebant Hemicranix, quæ modò unà cum febris comite, modò etiam absque febris subludere videbantur. Harum magna pars copiosâ effusione sanguinis, spontè è naribus obortâ ludere desiit extemplò. Huic propè erupturæ, aut pleno erumpenti alveo prælusit sæpè hærens diù, quâ Sagittalis Sutura per capitis longitudinem rectâ pergens supra coronalem ad angulos æquales incidit, ferus dolor, proficiente sanguine paullatim desinens. Pluries hinc mihi animo subit, nùm eligenda fortè in hoc affectu curando peculiaris vena tùm origine, tùm vicinitate præclara, quæ opus feliciter magis absolveret; Occurrebant ejusmodi plures ad Tempora potissimùm, mediâ in fronte, secus Aures, ad Nasum, ac *Jugulares* præsertim, quæ iis omnibus ortum præbent; Atque ab hisce quidem tutò fuit auspicia desumere, sive quod pleniore fluente, quod unum expectabatur magis, exitus concedebatur cruori, sive quod ab Jugulari, tùm externâ, cùm internâ, citior aderat expectanda *Derivatio*, tùm *Revulsio*, quàm ab reliquis
me-

memoratis venis, quæ illius propagines sunt. Evicit inquam præ cæteris Jugularium Sectio, ac magnum fuit periclitantibus subsidium. Visus namque illicò mitescere capitis dolor, ac ferè penitùs desinere; Non nullis, quibus id præsidii experiri, horroris erat, etsi nihil omninò fuerit extimescendū, affixæ Temporibus hirudines haud imparem attulere opem, etsi modicò velociter minùs, ac in ipso præsentis discriminis articulo opus aderat, quod unicè sperari poterat ab apertis Jugularibus. Consultius erat huic sanguinis missionem præmittere è Brachii venâ, aut si urgeret opus, è longinquiore alterâ in Pede. Hacque methodo haud paucis quos atroces hujusmodi Hemis craniam dirè vexaverant diù, penè extemplò subventum est.

XXXX. Cæterùm ne ultrà suprâque quàm sit æquum in his moram faciam, meminisse lubet peculiaris cuiusdam mirum in modum ludentis Hemis craniam hisce artibus feliciter curatæ. Jurisconsultus, qui in eâ Urbis parte habitabat, quâ supremum Arcis Propugnaculum eminet ab *Emmanuelè Philiberto* olim ad Regni tutelam, defensionemque excitatæ, ac novis subinde munitionibus, cuniculis, aggeribus, operibusque tum ab Successoribus Ducibus, tum ab Inviçtißimo Rege VICTORE AMEDEO instructæ, quibus obsidentium Gallorum superioribus annis impetum elusit ac vim. Is inquam cum summo quodam mane ad forensis Palæstræ negotia obeunda è lecto surgeret, gravi admodum capitis dolore vexari cœpit in sinistrâ parte ad Tempora usque: Quem quidem haudquaquam magni fore momenti ratus ad plures

dies æquo animo adversam valetudinem invicè sustulit. Quo usque tandem cum mihi quâdã die forte fortunâ haud longè ab foro occurrerit, auxilii à me quidquam rogavit lubens omnem mihi referens mali historiam oppidò raram. Narraverat enim se horâ circiter octavâ matutina alternis diebus hujusmodi dolore perquam acuto corripì, qui ad quartam usque Pomeridianam perdurabat, quo tempore collecto animo, ac re omni compositâ se se paullatim recipiebat, adque consueta sibi munera redibat, ceù nihil hujusmodi obtigerit unquam. In ipso autem aditu Paroxyfmi, ut ita loquar, magna Capitis gravitas proludebat futuri prænuncia doloris, exeunte verò paroxýsmo, quod præcipuè etiam adnotandum subit, modico sudore perfusa Tempora aderant, quo doloris Scena terminabatur. Addiderat sibi ab Amico propositum Occipiti admoventum vesicatorium, tum ano Hirudines, quod utrumque præsidii genus experiri ait sibi vetitum hætenus ab gravi, quo premebatur, rerum onere; Se tamen jam modò negotiis omnibus valedicturum prorsus, nec amplius perpeti diutius posse Mali acerbitem. Quamobrem omni cunctatione abjectâ sanguinem detrâhi jubeo è Brachio, mox altera vice intermissionis die lato vulnere è Jugulari sinistrâ, quibus ac balnei ulu, fotûs, diluentium, quiete, ac æquiore victûs ratione, brevi convaluit. Idem Pistoris uxori contigit, juxta Sacram *Divi Dominici* Ædem, Bibliopolæ filio septenni, propter *Turrim publicam* excelso vertice præclaram, Mercatori ditissimo propè Tem-

plum *Divi Rochi* ; Adolescenti Juris studioso in vico *Divi Thomæ* ; ac plerisque aliis, quibus recensendis haud immoror. Neque enim huic persolvendo muneri tempus suppetit.

XXXXI. Sanguinis ex Jugularibus mittendi mos est satis antiquus, utcumque inter paucos obtinuerit, de quo si perbrevis historia præmissa sit, haud illam puto legentibus fore injucundam omnino. Sunt, qui *Galenum* secuisse Jugulares tradunt; Ille tamen ni fallor non sectionem ipsam imperare videtur, sed si casu aliquo secentur, curationis modum præscribere. In *vivorum Anatome*, qui sanè perridiculus liber est, & ab Arabe quodam, ut videtur confictus, atque adeò perperam *Galeno* adscriptus, *Jugulares aperiri jubentur in principio Lepre, & Angina, angustique anhelitus, in Asthmate acuto, in raucedine vocis, in abscessu Pulmonis, in spirandi difficultate, & in Splenis, & laterum morbis*. Eadem prope memorat *Sorani Ephesi introductio* : Sed cum hoc itidem opusculum planè commentitium sit, cumque *Cælius Aurelianus*, qui se in omnibus ferè *Soranum* sequi profiteretur, de hac re omnino fileat ; nihil hinc quod ejusmodi Medicinæ antiquitatem probat colligendum est. Sufficiet itaque has venas secandi originem (a) ab *Alexandri Tralliani* temporibus repetere, qui Jugulares à se sectas esse scribit, maximèque profuisse. Hanc ut quibusdam familiarem ævo suo curationem refert (b) *Actuarius*, quam itaque in Catoche, & Phrenitide deprædicat. Eam in omnibus morbis capitis adhiberi jubent

(a) Lib. 4.

(b) Lib. 3. c. 1.

Arabes, neque in iis solum, sed in *Leprâ*, acutisque Thoracis affectibus : Unde fortè consuetudo illa ad *Ægyptios* manavit, quam apud eos etiam tum, cum *Alexandriæ* esset, viguisse perhibet oculatus Testis *Alpinus* : Post Arabum tempora, nisi in *Bertruccio*, & *Arnoldo Villanovano*, qui hoc ex iis ad verbum exprimunt, (uti ferè ex Græcis Arabes) vix ulla est de hujusmodi venæ sectione mentio, donec anno circiter 1500. *Anatomes* studium penè intermortuū revocavit *Jacobus Carpensius*, modumque incidendi Jugulares fusè descripsit. Quo quidem seculo à pluribus pleno ore laudatur hoc curandi genus ; Sed longè absuit, ut in consuetudinem venerit ; Quippè *Botallus*, qui circa annum 1570. scripsit, disertè dicit se neque hoc unquam à Medico præscriptum, neque à Chirurgo tentatum vidisse, adeoque aut nunquam in usu fuisse, aut esse tum penitus exoletum : Et quamquam ipse primus venæ sectionis usum in Galliam induxerit, venamque quamlibet in quocumque ferè morbo secuerit, fateatur, quod in jugularibus id experiri minimè ausus sit, *reformidans* (a) *ne propter illius magnitudinem, & magni trunci vicinitatem non satis citò, neque tutò sanguis cohiberi possit*. Imò *Riolanus Pater*, qui recens à *Botalli* ætate fuit, de *Apoplexiâ* locutus in hæc verba prorumpit, *Jugulares ausi sunt quidam secare pro extremo remedio*. Etiam *Fabricius Hildanus*, qui *Ophthalmiis*, *Hemicraniis*, *cerebrique inflammationibus* hanc à se Medicinā cum efficacissimo subsidio sæpius adhibitam esse prædicat in *Epistolâ*, quam

(a) Curat. per V. S. cap. 40.

quam (a) ad Doringium 1614. exaravit, perpaucos tamen Medicos, qui sectionem harum venarum approbaverunt, sibi innotuisse scribit, eamque periculosam agnoscit, nisi expertus affuerit Chirurgus. Quin imò in scriptis eodem anno editis Julius Gualtavinus Professor Pisanus, has venas non sine periculo secari posse pronunciat. Ita plerosque ab hoc auxilii genere deterritos fuisse constat, sive quòd Jugularium vulnera aliquando lethalia esse observaverint, perperamque sibi persuaferint idem ex earum sectione evenitutum; Sive potius, quod ut sæpè fit, facta hæc à manu imperitâ sectio, parùm feliciter cesserit, notamque infamiae experimento inusserit. Hoc nimirum usû frequenter venit, ut quod remedii genus ignorantia semel notaverit unius incitia, dignitati suæ vix restituere queat scientium universa consensio. Utcumque verò ea res se habuerit olim, nullum est in Historiâ Medicâ exemplum, ubi ritè peracta sectio aliquid adtulerit mali: Imò sæpiissimè usus ostendit morbis compluribus, atque iis præsertim, qui caput attingunt, nullo modo melius succurri.

XXXXII. Quod quidem, cui scilicet fundamento innitatur facta in capitis, ac cerebri potissimum morbis Jugularium sectio, tum hujusmodi venarum, tum arteriarum, quarum ope sanguis per cerebrum, ac caput ultrò citròque comineat, structuram, & distributionem penitus ex Anatomicis delibanti cuique facili Martè elucescit. Enim verò Jugularis vena vel externa est, vel interna: Quarum hæc multò grandior uti eam post Nicolaum

Massam (a) accuratissimè descripsit Fallopius (b) licet in Brutis, à quibus harum venarum figuras apud Vesalium (c) expressas habemus, contrarium prorsus reperiatur. Externæ ramusculi extremi ab ore, à faucibus, à facie, ab oculorum tunicis, ab universâ denique capitis cute atque musculis nascuntur. Interna, quæ multò altius delitescit, quamquam aliquandò partibus jam memoratis surculos aliquos impertiat, ad imum cranii rectâ assurgit, inque duræ matris sinus laterales immergitur. Ità ut jugularis externæ propagines extremæ, arteriæ Carotidis externæ ramis inserantur: Interna itidem Jugularis, ac Carotidis interna vasculis duræ matris intervenientibus jungantur, ac confluant. Sæpè etiam vidi utriusque venæ ramos aliquot opposito tramite, externæ scilicet ad ima cranii, internæ ad maxillæ glandulas, ad fauces, atque externas quasque partes deduci; Quod à nemine usque adhuc præterquam ab prælaudato Fallopio visum, compertumque ego quidem superioribus annis coram Chirurgis Taurinensibus in Theatro Anatomico, cum ibi jubente, ac annuente Rege Prælectiones Anatomicas, alterâ vice haberem, attentius hujusmodi venarum distributionem inquirens apertissimè ostendi. Jam tum scilicet altè infederat animo hujusmodi auxilii genus ad praxim utiliter revocandum aliquandò.

XXXXIII. Equidem Artis cum sit Naturæ ductum sequi; cumque sanguinis è naribus eruptio (ne extra

Iii 2 oleas

(a) Introd. Anat. 62.

(b) Observ. Anat.

(c) Lib. 3. 7.

(a) Cent. 4. 14.

oleas digredi videar) uti maximè naturale, ita præsentissimum nuper visum fuerit vitæ præfidiū; Conspicuum erat in huiusmodi rerum angustiis nihil præsentaneum magis fore quàm easdem met venas; aut ex eodem derivatas alveo aperire. Quænam autem scalpello tam opportunæ aderant, quàm ipsæ (unde cæteræ omnes per caput dispositæ exoriuntur) *Jugulares*? Sive revellendi, sive derivandi gratiâ incidi illas opus sit. Utrumque enim horū assequi earundem sectione fas est. Quod sanè etsi Paradoxū videri queat nonnullis, doctè tamen, ac scitè admodum recens perfolvit Vir doctissimus (*a*) in *aureis de Febribus commentariis ad lib. I. & 3. Epidem. Hippocratis*. Est namque ubi Derivationis loco, ut ubi Revulsionis causâ hæc aliquando obtingit secare venas. Quæ quidem vocabula, licet satis antiqua sint, tamen nemo unquàm intelligere poterit, nec proindè secandi leges in alterutro genere rectè statuere, nisi accesserit accurata de vasorum structurâ, motuque sanguinis cognitio. Hocque verissimum esse facile agnoscet, qui Scriptorem qualemcumque ante ostensam sanguinis circulationem, atque adeò *Harveii* ætate superiorem perlegerit. Neque alia ratione Saphenæ sectio modò Menses deducit, modò eadem inconsultius facta eosdè potenter supprimit: æquè ac medicamenta discutientia, quæ tempestivius adhibita tumorem prorsus dissipant, seriùs admota excitant, atque attollunt, & in Pus demùm resolvunt.

XXXXIV. Derivando equidem magis quàm revellendo præstitam nuper ab hisce opem novimus; Usus namque, & ratio ostenderat, priùs (*a*) *Jo. Freind. pag. 23. comment. 2.*

tundendam fuisse in brachio, aut in aliâ quâpiâ parte venam quamlibet, quàm Jugulares; Sic enim humorum impetu, atque ardore jam elanguescente enata ad extrema vasorum obstructio revelentibus labefactata levior tandem negotio derivantibus funditus tolli poterat; Eadem planè ratione ac tumoribus cum inflammatione subortis occurrere Practicis mos est, præmissis scilicet ex aliâ parte longinquiore revellentibus, antequàm derivantia adhibeantur. Hinc in illustri illâ historiâ quam de gravi Oculi dextri inflammatione ad hunc modum sanata narrat memoratus *Hildanus*, primo die vena in brachio dextro secta dicitur, proximo exhibitum Catharticum, tertio demùm Jugularis aperta. Eodem fundamento nititur consuetudo illa, quâ ingravescente Anginâ post revellentia felicissimo successu Jugularem internam circa inferioris maxillæ angulum incidimus; Neque enim irrisione tam dignum est, quàm *Cælio Aureliano* (*a*) videretur, quod de venis mammariis in eodem morbo secandis scribit *Hippocrates*; (*b*) Nam & istæ quemadmodum primus docuit *Fallopianus* (*c*) originem aliquandò à Jugularibus ducunt.

XXXV. Sive autè Jugularis interna, sive externa sit, sive temporales, sive aliæ quæpiam hisce affines venæ, perinde est. Usus quidem edocuit citius, securiusque rem absolvi apertis Jugularibus, in quas tamquàm in communem alveum omnes illæ venu-læ exonerantur. Tutiùs fortè etiam, ac citius temporalium arteriarum sectio idem perolveret, propter eum, quo sanguis effunditur, impetum, si

(*a*) *Lib. 3. 4.* modò

(*b*) *De Morbis 3. II.*

(*c*) *Observ. Anat.*

modò pleno flumine exiliat ; Atqui hæc sectio , ut feliciter cedat , non nihil difficultatis habet : Etiam aliquandò cum periculo fit ; Quare vix auferim eam in medium afferre , nisi hujus olim *Galenum* meminisse noverim , ejusque absolvendæ modum traderẽ. Secuisse olim arterias , idque satis frequenter Veteres consuevere ; consuetudinemque eam ità apud *Ægyptios* invaluisse scribit *Alpinus* , ut has illi haud rariùs , quàm venas scinderent. Nuperrimè memini Præclaram Vestalem , cui diuturnâ Ophthalmiâ laboranti pleraque passim adhibita fuerant præsidia , nullo aut vix exiguo prorsus levamine , affixis tandem jubente *Temporibus* hirudinibus mirâ celeritate restitutam. Harum quippè altera cum se se ità arteriæ Temporum fortè fortunâ agglutinaverit , ut vix inde auferri posset , plurimum effudit cruoris magno impetu profilientis , quive ægrè admodum cohibere , nec absque magno labore potuit. Huic revellentia quæque , tum cætera Artis subsidia , quorum prolixam seriem ferunt Practici , diù ante usurpata postremo huic præsidio adhibendo illuxere. Nec longè quidem ab hujusmodi auxilii genere abludunt institutæ aliquandò in vetustis hujusmodi affectibus scarificationes juxta ima , atque ad eorundemmet oculorum latera , tum propè summitatem Nasi , quâ ejusdem vena ignoto plerisque tramite pergit. Antiquissimum id erat præsidii genus , cujus ratio & modus unam habent universalem causam , nempe ut pars , cui infliguntur , exoneretur. Venulæ quippè plures vix conspicuæ sub universa cute feruntur , quæ hoc more sectæ celerem aliquandò opem

præstitere , quam vix sperare erat ab alia quapiam majoris venæ sectione ; Sive quod illæ arteriarum finibus propiores sint , sive quod arteriolæ pariter , quibus summa instructa refertaque cutis est , unà invicem scindantur , incidanturque ; Sive quod ibidem fortè , in exilibus nempe vaporum meatibus , ac propè eorundem fines lentescere primò incipit cruor , dirarum hinc sæpè ægritudinum ortus , ac incunabula. Quoad administrandi modum , duplex is est apud *Oribasium* ; vel enim *Catà Phlighin* fit , id est verberatim , & punctim , vel *Catà Sirmon* h. e. per tractum , & cæsium , qui postremus modus magis in usu *Italici* est. Atque hæc quidem ad *Æquinoctium* usque gesta.

XXXXVI. Haud lætiora minùs extiterant initia Veris. Orientales namque , ac Boreales invicem diù ludentes venti ad aliquot dies adhuc dirè perflarunt , silente tùm temporis , suæque in claustra recepto Austro. Erupit is tandem leviter , perque totum deinde quod supererat Veris reliquum , ac Æstatem mitissimo flamine perspiravit , ruente vicissim per intervalla Borea , cujus gelido afflatu sæpè repente visa recurrere media Æstate hyems. Consueto hinc nivali vellere defraudata tellus , inopes aquis fontes , infesta præmaturæ rubiginis vestigia , magna ubique siccitas , ac perturbatio rerum. Rupicapras ipsas , quæ silvestris , & montana Fera est , summa Alpium fastigia perpetuò inhabitans specie ac mole vulgaris Capræ , sed paulò celsior cruribus , quàm esse solet caprinum genus , (per subjectam planitiem excurrere assertum propter inopiam lympharum. In animalis hujus

ventriculo reperiuntur sæpenumerò globuli quidam adeò cardiaci, & alexicaci, ut lapides Bezoardicos virtutibus longè antecellant, si credimus *Welschio*, qui peculiarem de iis scripsit tractatum titulo de *Ægagropilis*. Sæpe quidem Aprili mense exigua visa pluvia, at quæ vix Colonorum votis sufficeret; Quo usque tandem Majo uberius pluit, novaque, ac lætior rebus affulsit spes. Kalendis Junii hora quarta circiter pomeridiana, nitido existente Cælo, Sol visus extemplò coloris ferè cuprei, quo usque occiderit penitus; Sequenti die ater idem præluxit ad octavam usque horam circiter; Mox fragores auditi protinus, ac horrendis tonitribus circumfremere, ceù disruptis nubibus Cælum. Æstas hinc temperata successit, ac lætissima prorsus si procellis commotaminiùs extitisset, aut furentium ventorum immodicis flatibus. Nunquam enim majoribus grumis grandinare perspectum, frequenterque adeò ab omni parte Cœli emicare repente fulgura, nunc intermittente luce, nunc condita. Sæpè etiam fulmina cecidisse visa, hucque ac illuc ludendo prorumpere. Appetente Autumno Grues ingenti exercitu aëra ad plures dies obumbrarunt. Ferri autem hæ videbantur magnis itineribus ab Oriente ad Occidentem, sublime editæque admodum, ac cum silentio volantes, quod serenitatem prælagire ajunt, secus ac si obstreperis vocibus frequentiores susurros excitent. Pulchrum erat integras cohortes cernere modò in cornua divisas, modò in unum collectas triangulum efficere circumeunte Duce, ceù exercitûs Præside, ac Rectore. Visâ & Avis quædam Subalpinis ignota, subnigra

rostro, subrubra pectore, subflava alis, subviridis pede, mole Turturis instar, *Garrulus Bohemicus* dicta *Gesnero*, de quo mira scribunt, tam quoad internam viscerum constitutionem, quàm quoad ingenium; Rectius fortè *Rubicella*, seù *Pyrrhula*, aut *Ampelides Aldrovandi*. Serius quàm olim advenerant Hirundines, tum serius etiam discessere. Insecta quod attinet, horum numerosam adeò extitisse progeniem haud meminimus unquam, ac eorum præsertim, quæ *Coleoptera*, seù *vaginapennia* nuncupantur, quod alas suas velut in vagina recondant; Hæc inter novum quoddam spectatum animalculum albis nigrisque maculis tam pulchrè variegatum, ut Vestem Damascenam Phrygia acu intertextam jurares. Medio Vere, cum florescere primùm cæpit frumentum secundarium, (*Secale* vocant *Nostres*,) summo illud manè exoriri, perque aëra vehi denso examine visum; Vespere dein sese super spicea ferta colligere, ac mori infesto prorsus aculeo; Hæc namque cernere erat sequenti manè exusta prorsus, ac ferè absumpta. Odore teterrimum aderat; Fortè *Scarabæus minimus*, seù *Fullo Charletoni*, si molem, ac vestem vario artificio fulgentem spectamus: *Ephemeræ* verò species potiùs, si vitæ illius brevitatem respicimus. Erucarum ac Bruchorum magna foboles; velox interitus, ut & animalculi cujusdam vitibus summè infensi, Italis *Talia-dizzo*, Græcis *Ips*, ab *Ipto*, i. e. *Blapto*, *Noceo*; Quia proprium ejus est in vitibus versari, easque erodere; Hinc vini proventus modicus, cui tamen tum aëris fortè, tum ventorum sævities, ac inclementia haud parum tulit.

tulit. Vix paucae per Æstatem obstrepere auditæ Cicadæ. Subdulce mel, & subaquosum. Fæni exigua perceptio; Serici haud ingens; Coposior Tritici. Hocce in horreis collecto sobolescere visa infecta quædam non alata illius summitates diro spiculo depascentia instar Teredinis. Toto deliquit anno Mercurius, nec unquam visus ultrà 20. lineam ascendere, ceu constitutam sibi metam, ultrà quam pergere vetitum.

XXXXVII. Ad Morbos venio, qui reliquo hocce anni decursu subluserant. Hos intes Variolæ visæ extemplò, adque primos Ventorum Meridionalium afflatus proludere, perque universum agrum errantis in morè huc illuc divagari, haud exiguo percussis timore Civibus, eam nempè, quam hæ superioribus annis ediderant cladem, adhuc dum animo expendentibus. Vix auferant illæ tamen Suburbia ipsa, nedum Urbem attingere. Citiùs etiam quàm credebatur, se se subduxerant; Nec diræ adeò, atrocesque, cujuscumque extiterant olim. Insolentiùs quidem intrà Urbis mænia debacchabantur recens ortæ ægritudines, quæ sanè etsi diversæ ab iis primo intuitu viderentur non nullis, quæ exacta hyeme, ac Autumno sævierunt, haud absimile tamen ingenium, irascendique morem præbuerè; Quod rem attentius consideranti facile erat decernere. Enim verò vix mitior arriserat Veris Constitutio; Vix leniores perflaverant Venti, ut illicò erumpere visæ foras pleno velut agmine Pleuritides, rectiùs forte *Peripneumoniæ*, atque unà simul ruere iis comites assiduæ febres, ardentesque. Sæpè etiam caput attollere videban-

tur Erysipelata, hosque ac illos indiscriminatim laceffere, at ludentis instar potiùs: Aut enim præludere hæc exaratis affectibus, aut iis obsequi magis, quàm sibi quidquam addicere, perspicuum erat. Lusus illa reverà aderant, quibus morbifica huc illuc pergens materies, aut jam fortè vitalia claustra obsidens, etiamnum incautiores fefellerat. Præcipuè enim hosce inter rerum fluctus metuendum erat de vitali Theatro, ubi dein ceu ablato Sipario postremus plerumque ludebatur Tragœdiæ Actus. Id unum solerti prudentique Viro prævidendum erat, ac totis viribus enitendum maximè, ne *fractò aggere* ad pectus illaberetur errabunda materies, vel illabens illa, aut jam fortasse elapsa, quàm citissimè illinc revocaretur. Hæ Medico erant artes, queis vindicanda, ac servanda erat res.

XXXXVIII. Et sanè de iis tuendis potissimùm partibus agebatur, à quibus prima vitæ stamina profiscuntur. Huc tota Belli moles incubuerat; Huc pugnæ locus, huc prælii campus, huc denique rerum summa gerebatur, heu funesto plerumque exitu. Nunquam frequentiores obviæ Vomicae, ac dira pectoris mala; Quodve mirere magis, cernere erat haud paucis vomicam penè ex abrupto sese prodere nulla proludente febris, aut alio quopiam signo, quod sæpè latens intrà præcordia quidpiam prænunciare solet. Non nullis vix una, ac altera febris accessio præcessit. Plenisq; anxietas maxima, febris acuta, Tussis, sæpè etiam dolor lateris punctorius, pulsus mollis, velox, ac inæqualis, præcalidus spiritus, seu ingens in spiran-

spirando fervor, sputa per initia liquidiora, cruenta, sæda, lingua urens, turbata alvus, sanguinis stillæ è naribus, extremorum frigus. Hæc prior mali Scena, cui nisi initio statim occurrebatur, inevitabile erat inducto velociter Sphacelo fatum; Sæpè hinc congesto in parte aliquâ pectoris pure, Vomica tandem in apertum suo tempore prodibat felici plerumque omne. Quamplures hæc viâ per æstatem latâ suppuratione evaserunt.

XXXXIX. Atque hinc luce meridiana clariùs patet, quàm falsò Pleuritidis nomine id mali genus tum temporis indigaretur; Siquidem nec *Tussis*, nec *sputorum exscretio* inter signa, quibus secernitur Pleuritis, recensenda minimè veniant, quæ potius ad alium morbum huicque in multis dissimilem *Peripneumoniam* nimirum pertinent. Mirabar ego Celebriores Viros in hunc errorem incidisse, hancque pectoris ægritudinem, quæ nihil commune habebat cum Pleuritico affectu, Pleuritidem nullo discrimine appellitari. Hinc tot auditæ per Urbem sævire Pleuritides, quæ æquiore jure Peripneumoniam dici debuerant. Aderat & perennis altera, ac constans harum nota, quæ nullo modo Pleuritidi unquam competit: *Magnus scilicet in spirando æstus*, ob turbatiorem ac magis festinatam respirationem, oppressis magno onere Pulmonibus. Scio inventa Practicis vocabula quædam, quibus id ipsum explicant; Ast si fas est, quid ipse sentiam, apertè dicere, asyla hæc potius sunt ignorantie Medicorum, atque eorum quidem, qui, ut rectè olim agebat *Verulamius*, *fingunt simul, creduntque*; Neque unquam nobiliores

animos erexere. Quantum verò conferrat in re Medicâ præsertim rem unâ ab aliâ secernere; Quantum inde Arti laudis, ægris emolumentum accedat, nemo non videt? Legitur apud *Dodonæum* historia Peripneumoniam popularis, quæ tunc temporis, annis nempe 1557. & 1565. grassata est, huic nostræ haud abfimilis: Atque is quidem ad extremum narratiunculam suam sic claudit, quod scilicet (a) *morbum hunc non Pleuritidem, sed Peripneumoniam fuisse mortuorum corporum dissectiones coram ostenderant*; & hoc utique innuere modestè videtur Vir Doctissimus Medicorum sui temporis errorem, qui fortè de eo tanquàm de Pleuritico affectu iudicium fecerant.

L. Nec difficile quidem erat conjicere, vel ab ipso unice pulsu nihil hujusmodi ægritudinem affine habere prorsus cum eâ, quæ à Pleuræ inflammatione oritur, etsi *Tussis* adfuerit, ac dolor lateris punctorius. Nunquàm enim aut saltem compertam paucis memini pulsum duritiem, quod quidem ultimum inter proprietatis notas malim reponere, quæ Pleuritidi conveniunt, quàm cum *Galeno* Tussim. Cujus sanè sententiam uti sæpiùs datâ operâ aspernari, & respuere hominis esset valdè arrogantis, ita in omnibus sequi velle, superstitiosus est. Neque enim Authores in Medicinâ faciendâ, sed rationis momenta quærenda sunt. Confusa hinc ac implicata, & à veteribus, & à recentioribus tradita huc usque est utriusque hujus morbi descriptio. Etenim si veterum scripta perlegimus, hi quidem eos inter se distingui scribunt, sed easdem utrique notas assignant: Idque facile animadvertere licet,

licet, quod quæ apud illos de Pleuritis caractere habentur, ad Peripneumoniam meliore jure referenda sint. Recentiorum verò plerique vix ullum inter hos morbos discrimen ponunt, gradu tantum dissimiles esse volunt. Non nulli etiam Pleuritidem dari haud contendunt, quæ Peripneumoniam non habuerit conjunctam, ac vicissim inflammari haud posse Pulmones, in fonte Pleurâ; Quod tamen & ratio, & historia Medica falsum ostendunt. Multa namque Pleuritico- rum cadavera secta sunt, in quibus Pleura corrupta integro Pulmone re- perta est; Secus quidem, si unâ cum inflammatione Pleuræ vitium quoque in Pulmonibus, sive quod idem redit, Peripneumonia adfuerit; cujus uti- que, ut quæ toties dicta sunt, iterum repetam, cujus inquam propria, & minimè eminentia signa sunt unâ cum acutâ febris *Pulmonum gravitas, Tussis, sputorum excreatio, atque in- gens in spirando fervor; Illius ve- rò, Pleuritidis nempe, anhelitus diffi- cilis, pulsuum durities* (Quod caput est maximum,) *Febris, pungensque ac vehemens lateris assiduus dolor.* Equidem nedum magna, sed omnis, ut ita loquar, Medicis lux ab Arte Anatomicâ petenda est, quâ mor- borum plurimorum, & proprias Se- des eruere, & signa legitima secernere queant. Eam ob causam factum arbi- tror, ut *Celsus* elegantissimam illam humani corporis descriptionem curan- di præceptis inseruerit: Utque eadem vestigia persecutus breve quoddam de partium structurâ commentariolum morborum Historiis præmiserit *Are- teus*.

LI. Et sanè tota hinc, ausim di-
Tom. II.

cere, pendet curandi Ars: Ut enim in Pleuritide liberior sanguinis de- tractio sola sæpè absque alio quopiam subsidio morbum absolvit; & hæc quidem, at majori circumspeditione instituenda in inflammatione Pulmo- num est, cui oleosa omnia, quæve ad sputa elicienda idonea habentur, suum & quoque calculum ferunt; po- tiore quidem titulo, ac æquiore ju- re, quàm in Pleuritide verâ. Exem- plo est *Anaxion*, cui haud veritus est *Hippocrates* magnâ sui laude octavo die sanguinem mittere, de remediis, quæ sputa extruderent parum sollici- tus. Quamquam enim nomen morbi in hac memorabili Historiâ reticea- tur, haud difficile tamen est illum pro germanâ Pleuritide agnoscere. Est quid utique reverà *Divinum* in Peri- pneumoniâ, quod nunquam, aut rarò in Pleuritide occurrit. Etenim intrâ parietes Pleuræ arteriolæ multæ à ra- mo intercostali deductæ effunduntur, quæ levi sæpè de causâ nimium di- stentæ obstrui solent, inflammatio- nemque pariunt; Ast Peripneumo- niam quod attinet, hujus sæpe nume- rò parens extitit, qui idem

graves morbos mortalibus affert Multimodè.

LII. *Nec vana loquor*: Eadem nam- que, quæ superiore Autumno, ac exactâ nuper hyeme eas induxit æ- gritudines, quas superius retuli, ipsa eadem adhuc dum vicens causâ hu- jusmodi Peripneumonias Vere ortas, perque Æstatem dein latè sævientes intulit, quæ plerisque in Vomitas haud inauspicatò desiere. Is namque unicus aderat mali exitus, in quo non- nulla saltem posita spes erat adhuc. Curiosum erat processum omnem mor-

bi in suppurationem abeuntis adnotare, cum scilicet inflammatoria materies ab ipsamet Natura resolvi non potens, nec Arte emendari, blandior tamen, stagnans eadem, calens, pullaque, coercentia latera extendendo, vel rodendo abscessum vomicaeve formabat. Futurum id clarissimo argumento declarabat ipsa morbi indoles satis quidem acris, nec tamen acerrimi, tum minimè superata adhuc fera symptomata, quodque potissimum aderat, sputa liquidiora, nec criticis diebus evacuata per ordinem, qui sanationem doceret. Fieri autem jam propè abscessum ostendebant leves, vagæ, sæpè repetentes, sine manifesta causa horripilationes, stillæ sanguinis è naso, genarum rubor, fitis, pulsus debilis, ac mollis, febricula; Quibus, formato dein tumore, seu abscessu, Tussis unà aderat comes pertinax, sicca, ad pastum, motumve aucta; respiratio difficilis, parva, anhelosa, strepens; decubitus in affectum latus tolerabilis; sudor nocturnus, maximè circa jugulum, & frontem; urina spumosa; pallor, macies, debilitas summa. Proximè hinc impendebat tumoris disruptio, cui aut imminenti propè, aut sæpè etiam sub ipso disruptionis puncto, ac temporis articulo, præludebant deliquia,urbationes alvi, stertor, hæmorrhagiarum, suppressa penitus sputa, moxque uberiore eadem copiâeducta, sanie commixta, foeda, teterrima. Sæpè purulenta jam facta materies repente intrà pulmonales venulas resorpta, ac sanguini permixta aliò ferebatur, ceu Præclaro Juvēni contigit decumbenti ad *Portam Eridani*, quem ortus inopinatò ad sinistram autem abscessus

extremo, quod propè aderat, eripuit fato. Quotquot in cava Thoracis, inque Mediastini dilatata vacua abiisse illam, aut ad hepar verti novimus, omnes periire.

LIII. Una scilicet spes salutis erat, si disrupto abscessu sputa bonis avibus ejiciebantur, suasque illa Phases, ac mutationes obibant *Præcticis* notas. Haud paucos hac viâ servatos meminī, quorum exempla aliquot hoc in loco perscribere haud puto alienum.

Æger Primus.

Comes juxtà Templum *Divi Francisci de Paula*, temperamenti atro sanguinei, habitus strigosi, adque bilem generandam, ut aiebat *Hippocr.*, idoneus, medio Vere acuta febris corripitur cum dolore lateris punctorio, Tussi, *gravitate Pulmonum*, pulsu celeri, elato, valido. Idem superiore hyeme diro in facie Erysipelate laboraverat. Sæpè etiam olim Pleuritide vexari consueverat, initio Veris. Postridiè exacerbata sunt omnia; ferus magis doloris sensus, intensior febris, sitis magna, pulsus duriusculus. Quartò stillæ sanguinis è naso; turbata levitèr alvus; Urinæ subrubræ, atque suspensum in iis quidpiam; Somnus nullus; Sputa liquida, pauca; Summa corporis per intervalla frigida. Hactenus ad quatuor vices secta in cubito vena. Quintò Clarissimorum Virorum sententiâ nova imperatur Sanguinis missio, ac dein lenis exhibita potio ex Mannâ. Vespere calor vehementiùs excanduit; Parum adhuc Sanguinis è naso profluxit. Spiratio magis difficilis, pulsus velocior. Iterum ex brachio missus est

San-

Sanguis ad uncias decem. Sexto lateris quidem dolor cessavit, ac ferè ex toto evanuit, at sævior adfuit Tussis, magnaue corporis jactatio; Multa per alvum demisit biliosa. Septimo molestè magis habuit, nam & intendi magis febris, & infestare Tussis, & spiratio ingravescere visa. Conclamata propè res erat gravi præludente stertore; Tùm quidem novus repente obortus horror, commotaque spontè alvus, ac penè sub idem tempus copiosus ex utrâque nare effusus sanguis spem fecit lætius quidpiam hosce inter tumultus rerum elucescere. Exhibita sunt è vestigio cardiaca, oleosa, sputum moventia, inter quæ ego floribus Belzoin palmam defero; Paullò post multa cæpit, & concocta expuere. Allevatus est; Undecimo Sputa faciliore conatu eliciebantur; lenior febris; Turbata adhuc dùm alvus ter, quaterque per diem concreta pauca demittebat probæ indolis. Sæpè etiam per vices ab disrupto abscessu Sanguis visus è naribus proflire ad aliquot uncias. Victu tenui utebatur, potu melleo, *hydromeli* vocant Græci, quod liquoris genus est ex purissimâ aquâ, & melle temperatum. Decimo quartò remissa penitus omnia; In urinis alba, multa subsidebant; Sine siti erat; Benè spirans. Trigesimo quartò absoluta prorsus suppuratio est felicissimè. Sæpè per id temporis accendi iterùm visa febris, ac excandescere magis Tussis, at citò id, aut uberiore urinæ profluvio, aut commotâ alvô, aut sputo liberiùs elicitò omninò evanescebat. Forte id etiam exigui alterius formati tumoris, aut alterius exiguæ vomicæ extemplò disruptæ prælu-

dium aderat. Vix paucis obtigit septimo die læto omine prodiisse vomitam, perque totum morbi decursum assiduo lusu Sanguinem è naribus profluxisse, ac unâ simul turbari repente alvum; quæ quidem omnia amplissimam præbent contemplationum segetem, quò nihil Arti majoris compendii extitit unquam, ac præstantius idem.

Æger Secundus.

Sacerdos *Congregationis Oratorii Divi Phil. Nerii*, cui flaccidi diù pulmones, ac sæpè morbis conflictati, tùm propè imminens senectus, ex febris tertianâ duplici appetente Æstate decubuit. Comes huic aderant sputa improba, pulmonum gravitas, pulsus intermittens, ac leves animi per intervalla defectiones. Opem illi initiò tulerat Pater meus; At qui cum ipse paucis post diebus ab Urbe abesse coactus foret, gravioribus curis distractus; Ægri tutela mihi relicta est; Cùmque omnia sedulò, ac diligenter expenderim, erupturam propè diem vomitam ægrotanti, ac adstantibus detuli. Die sequenti cùm summo manè ægrotantem inviserem; disrupti noctu abscessûs notam prætulit sputum sanie permixtum, tetrum olens, copiosum. Ipse media circitè nocte quid insolens persenserat sub imo pectore, ac penè animam agere vilus; Diù ante incerti doloris vestigia in utroque Thoracis latere occurrerant, quibus unâ sicca, ac fera admodum Tussis proluserat. Selectioribus balsamicis, Traumaticis, Rhypticis in usum adhibitis ritè peracta res est, ac omnis rescissa penitus mali origo.

Æger Tertius.

Reverendissimus Abbas *Congregationis Reformatæ Divi Bernardi*, gravi olim Orthopnæâ diù detentus, ex aliquot dierum itinere, cum sæviùs quàm unquam perflaret Boreas, in febrim acutam incidit unà cum magnâ spirandi difficultate, Tussi, dolore lateris punctorio, pulsu languido, ac inæquali. Mox intensiùs adaucta febris; Spiratio ingravescens magis; Facies, oculique, emortui hominis instar; Mens emota; Sputa initiò liquidiora, viscida modò, ac cruentis lineis interstincta; Urinæ per initia tenues, nihil subsidentes, copiosæ. Brevi ad extremum redacta erat res. Decimo quartò subitæ defectiones animi, vacillans pulsus, frigida repentè extrema; propè erupturæ Vomicae præluferant; Prodire mox visa sputa puris instar, graveolentia, exiguo conatu, fæda. Septimò & vigesimò obstricta dudum alvus biliosis multis perturbata est, nec paucò tempore talia multa processere; In totum autem tùm febris reliquerat, tùm sputorum excretio lætissimè defuit. Cruenti quidpiam ab hæmorrhoidalibus venis sub morbi decursum effluxit. Secta bis initiò in cubito vena, mox alterâ vice in pede; Hirudines quoque ano affixæ semel; Disrupto tandem apostemate appropriatis remediis opitulatum.

Æger Quartus.

Pistorem propter *Portam Urbis Victoriam*, an potius *Victoriam*? Per illam namque INVICTIS-

SIMUS REX, unà cum EUGENIO PRINCIPE, ac cæteris fæderati Exercitûs Ducibus Urbem memorandâ illâ die ingressus est, quâ fractis, & profligatis Hostibus obsesam trium mensium obsidione Civitatem solvit, Italiæ libertatem asseruit, Europæ securitatem restituit; Pistorem inquàm febris acuta prehendit cum dolore lateris punctorio ad dextrum usque Hypochondrium, ac Regionem umbilicalem propagato. Magna abdominis tensio, ac totius corporis lassitudo; Facies mox ab initio subfusca ferè, pulsus humilis, mærentes oculi, respiratio gravis, anhelosa, difficilis. Quartò mitior dolor, pulsus intermittens; commota alvus; Urinæ flagrantæ: Sputa pauca, subflava, improba; Nox laboriosa. Septimò delinquens per intervalla è vestigio pulsus, vacillans idem, vix elatus; Paucus sudor circa caput prodit; Nihil ab alvo dejecit. Nonò sudore per totum corpus diffuso læta sputorum excretio obtigit, quæ ad vigesimum usque diem probâ expurgatione perdurarunt. Huic ob virium jacturam, cujus certissimus index erat pulsus humilis propè, deficiensque, semel tantum parcâ dosi missus fuit sanguis è brachio. Utamque tutiùs paginam implère Cardiaca, balsamici, Traumatica. Magnam præstitit opem in principio Morbi Theriaca cum vino exhibita, tùm quandòque etiam unà cum aquâ Scabiosæ, ac Syrupò de Papavere erratico; Hoc enim more cocta magis sputa liberiore viâ ex pulmone prodierant; Valentior itidem pulsus, ac validiores vires rediere. Vesicantia quoque bina admodum humeris, fatus, moxque ab effrac-

to apostemate Rhyptica, abluentia, consolidantia feliciter usurpata, inter quæ Terebinthinata quæque, ac balsamica cætera principem locum obtinent.

Æger Quintus.

OLitoris Uxor juxta *Hortos Regios* decumbens sædâ per hyemem scabie longo intervallo vexata, medio Vere febris acutâ ex levi occasione corripitur cum rigore, ac dolore Capitis, anhelitu difficili, cui postridiè sese unâ comitem addidit Tussis, fitis, ac dolor in dextro Pectoris latere per vices repetens. Tertiô die febris rediit, mox dirior Tussis, abjectus omninò pulsus, sputa atro colore prædita, pauca eadem, ac summè viscida. Vespere sincerus ex dextrâ nare exiguâ copiâ sanguis effluxit; Alvus autem stercora probè demisit. Quartô rigor repetiit, sopore aliquantulum detinebatur; Biliosa, flava, multa vomitione rejecit, paullumque intermittens, virulenta; Pulsus debiliior, ac inæqualis; Facies ab ipso morbi exordio vultuosa; Sputa liquida; Vires abjectæ prorsus. Refici hævisæ sensim, ac recreari, atque unâ simul erigi pulsus, sputaque uberius ac probè elici, exhilarari vultus ab exhibitâ per vices Theriacâ in aquâ è toto Citro, aut Scabiosæ unâ cum modicâ dosi hircini sanguinis. Gemina quoque adnota Tibiis vesicantia. Undecimô febris reliquit penitùs. Trigesimô quartô exiguâ iterum proludente febris, ingenti oris salivatione correpta est, magnâ diu noctuque exundante feri copiâ, tenuis, fætidî, acescentis. Quod quidem postremum

repurgato corpore, tùm sero lactis destillato ad aliquot dies præscripto in totum desiit. Huic Genitrix septuagenario major, ac Soror aderat natu minor, occulto utraque cancro pectoris dudum vexata.

Æger Sextus.

ALteram ex abortivo fætu citius quinquem mensum febris acuta corripuit cum exiguo horroris sensu, lumborum dolore, & gravitate capitis. Tertiô inaugebantur magis dolores; Respiratio difficilis aderat, pulsus debilis, inæqualis, extremitates frigidæ, intus exæstuans, jactabunda, urês. Quintô sudor paucus circa caput, ac summum pectus dimanavit; Per vices visâ delirare, confestimque rursus ad intelligentiam redire; Sputa sublivida; Urinæ paucæ, tenues, nigrescentes. Septimô sub tempus matutinum è vivis migravit. Alvus huic per totum morbum recrementis multis, crudis, ac tenuibus fluxit.

Æger Septimus.

FAber Ferrarius Athletici habitus propè *Xenodochium Charitatis* ex febris assiduâ decubuit cum dolore lateris gravativo, Tussi, pulsu vix elato, inæquali. Sputa per initia liquida, cruenta, pauca; Respiratio laboriosa; Oculi micantes; Facies atro colore suffusa; Siticulosus; Insomnis. Tertiô extrema livida ferè, & frigida; Præcordiorum contentio submollis utrinque; Pulsus propè deficiens. Quartô mens perturbata fuit; aliquantulum insudavit. Multa per alvum dejecit improba. Quintô obiit.

Aperto cadavere præduros pulmones Hepati substantia, ac colore con-
similes comperi, plerisque intimè al-
bicantibus lineis interstinctos, è qui-
bus purulentus, aterque humor prodi-
bat graveolens. Plures insuper intra
cordis delubra exigui Polypi occurre-
rant, atque horum alter prolixius ad-
modum in pulmonali arteriâ, perque
illius ramificationes, ac majores trun-
cos eleganter dispositus. Mirum sanè,
(quodque idem maximè lentescens
liquidi, tum solidi haud ampliùs in
propriis systalticos nîsus consurgere
potentis argumentum extitit;) Ut tam
exiguo tempore tanta pulmonibus la-
bes accesserit, tam citò hi suppurari,
atque hinc intra horum finum, ac
profundiores recessus tanta congeri po-
tuerit, fæda, ac purulenta materies! Hu-
jusmodi exempla præter multa, quæ à
nobis afferri possent, sexto videlicet,
septimo, nono die denatorum, in quo-
rum cadaveribus pulmones sanie undi-
que scatentes reperti sunt, legere est
apud Bonetum *Anat. Pract.* l. 2. c. 4.
Ballonium, Riolanum, Hollerium,
Zacutum, &c. Idem quoque in Ca-
davere Illustris Viri Ludovici Gon-
zagæ sexto morbi die defuncti obser-
vasse refert *Cardanus* (a), cui nempè
omnia vasa pulmonis ex triplici genere,
magis tamen asperæ arteriæ rami
erant pleni sanie simili lacti, adeò ut
nullus adesset prorsus sanguis. Pleris-
que horum, qui celeri adeò fato sub-
lati sunt, nigroris unà simul vestigia
conspiciebantur, imminentis illa,
aut fortè jam facti Sphaceli proludia.
Conjicere autem erat propè adesse id
ab doloris carentiâ, aut minùs ex-

quisito illius sensu, quod quidem ut-
rumque Sapientes nunquàm fefellit.

LIV. Neque id sanè arduum con-
ceptu est, ut unà simul suppuratio-
nis, ac Sphaceli indicia occurrerint.
Nec illa iis prorsus habenda fides,
qui ut id ipsum concipi queat, mini-
mè edocti, hujusmodi nigroris, seu
Sphaceli notas in pulmonibus obvias,
cadaveris corruptelæ adscribendas
malunt. Cur namque ejusmodi nigro-
ris vestigia in omnibus passim haud
reperiuntur? Cur in pulmonibus illa
potius, quàm in intestinis, quæ ob
fæcum colluviem citiùs quàm ulla
alia pars corrumpi, ac in Sphacelum
abire debuerint? Cur denique in uno
tantum, aut altero pulmonis lobo,
reliquâ illius parte in fonte penitus,
ac integrâ? Equidem mali hinc po-
tius culpanda sævities, & suppuratio-
nem, & Sphacelum inducere celeri-
ter auti, ut præclarè idem explicat
laudatus *Ballonius Epid. & Ephem.*
lib. 2. pag. 165. Inclytæ Reginae
Joannæ exemplum afferens, quæ
sexto die defuncta est, inque illius
cadavere pulmones unà simul multa
sanie plenos, ac Sphacelo obritos
deprehendit.

LV. Isque aderat omnis sævien-
tis morbi processus, quem quidem
dum mihi adhuc ob oculos pono, ac
mecum tacita cogitatione perpendo,
præclarè video, tum luce meridia-
na perspicuum magis elucet, quàm
opportunum fuerit labentem hæc in-
ter discrimina Naturam erigere, tue-
ri, vindicare; Quàm ex adverso
periculosa plenum opus aleæ diversam
ab hoc tramite viam insistere. Nul-
lus hîc enim sudorificis locus, aut
catharticis, cum maximè in præci-
piti

(a) De providentiâ ex anni Con-
stit. pag. 1052.

piti res erat ; Quin imò ipsamet cautè adhibenda remedia , quæ recreandis , confirmandisque viribus dirigebantur. Quot equidem recensere ego possem è medio sublato , quos hisce artibus , atque adminiculis servari posse evidens erat , ac planè conspicuum ; Si modò in doctum ac prudentem Medicum incidissent ? Quot *Orco* dedit præceptis unius hominis audacia , qui eò temeritatis evasit , ut indiscriminatim singulis decantatum quoddam sudorificum in ejusmodi pectoris ægri tudinibus exhiberet , ceù *Polychrestum* , ac *Divinum* propè auxilium ? Oh quàm perutile foret *Reipublicæ* hujusmodi pestiferam hominum sobolem de humano Corio impunè ludentium proscribere ! Oh quàm miseris ægrotantibus proficuum in solertis ac probi Viri manus devenire ! Quantum verò expediat Medico , quæ exhibenda sunt remedia , maturè expendere , eaque pro morborum indole , atque ingenio *Exploratoris* instar discernere ; Ipse *Peruvianus Cortex* , ut de hoc uno loquar , ostendit. Is namque , qui superiore anno voto feliciter respondit , *Cane* modò pejor , & *Angue* fugiendus nedùm in exaratis sævientibus pectoris affectibus erat , sed & in cæteris ferè , tum potissimum in ipsis , quæ mox Autumno præluferant , quæve dein toto decursu anni sævierant passim , febribus ; Evidenti quidem indicio , stimulo magis , quàm fræno opus esse , secus ac præterito anno , quo tota humoralis massa ad orgasmum heù prona nimis , ac *nescia stare loco* , coercenda erat potius , ac ceù injecto compede suos intrà fines , ac limites , ne diffugeret illa prorsus ,

compescenda , quod quidem mirè utique præstare potens est memoratus *Cortex* , ut Doctissimi Viri adnotarunt. Eandem ob causam pariter vesicantia , quæ Superiore Anno noxia valdè extiterant , ac nefasta prorsus , haud exiguum hoc labente anno ægrotantibus opem attulere ; Ut & sanguinis missio , quam propè dixerim princeps potissimumque extitisse in hac Constitutione præsidium , ut superius ostendi. Equidem ut apud *Geometras curvum* norma sæpè est ac regula recti ; fas est exinde decernere , quibus in morbis proficua sit , quibus econtrà noxia venæ sectio , tum vesicantia , ac cætera quæque consueta Artis præsidia. Profectò si ab *Hippocratis* ævo ad hæc usque tempora hisce vestigiis institissent Medici , optatæ perfectionis apicem jam dudum attigisset Ars , quæ conjecturis & adhuc jure meritò foeta illis videtur , qui haud sciunt errores non Artis esse , sed Artificum.

LVI. Omne scilicet , ut ad exaratas pectoris ægri tudines me conferam , intrà Thoracis claustra intimè latebat malum ; Quod quidem , si *Erysipelatis* morem , incrementa , exitum , quibus id ipsum se se perspicuum præbet aliquando , ac recens præbuit , attentius expendimus , ac utrumque horum invicem comparamus , nihil omninò diversum , ac discrepans reperimus ; Quin imò fateri opus est ejusmodi exaratas pectoris ægri tudines nil aliud reverà esse , quàm *Erysipelata Pulmonum* , quæ in gangrænâ dein , aut suppurationem , aut in utramque tendebant. Febrim quod attinet , ejusdem hæc ipsa erat indolis , ingenique , ac illa ,

illa, quam jam tum comitem sibi adsciverant Erysipelata superiore Autumno orta. *Crymodem* vocabat *Aetius*, ut eam ab *Thyphode*, ac *Lypiriâ* secerneret; quæ oblesso Erysipelate hepate, aut ventriculo oritur. Ut autem ad pectus potius, quam ad aliam quamlibet partem præcipiti gradu rueret morbifica materies, ibidemque phlegmonis modò, modò Syftrophes, aut abscessus more subluderet, totque diras adeò ægritudines gigneret, haud abstrusa res est intellectu. Quandoquidem huc, qui per univsum corpus perenni lege fertur cruor, totus pleno alveo pertransit: Huc multiplicatis generis vasorum textura præclaro invicem ordine ludentium conspicitur; Huc denique aeris alterationes quotquot effingere, aut cogitare animo quispiam potest, vestigia sui relinquunt. Hinc solidis, ac liquidis propagata labes; hinc Phlegmona, hinc Syftrophes, hinc enati ad pectus abscessus, quarum omnium ægritudinum parentem causam lubet ab aere ipso deducere.

LVII. Et sane ut is *acrioribus moleculis* dives superioribus annis, cum assiduè adeò perflarent Austri, ad fluorem liquida coegit, ac dirè admodum si quis unquam, adversus solida se se præbuit, eadem crispando, vellicando, erodendo, ut tot palàm fecere spasmodicæ affectiones, quæ tum temporis immaniter populabantur: Ut idem *subacidis*, ac *nitrosis Salibus* onustus, quas Boreas vehit, eadem sæpè liquida ad fixitatem deducit; nec solidis parcens ea ab proprio sui elatere cogit recedere, inque sistalticas reflexiones abripi haud finit amplius; Num vicissim

ruentibus Austro, ac Boreâ, cujusmodi hæc ipsa extitit labentis anni Constitutio *neutrum* quodpiam corrumpere aptum, ac figere abs re foret excogitare *salinum principium*; quod *in aere ludens* hæc intulerit ægritudines, tum à fixitate, ac *stasi* liquidorum, tum ab putrefactivâ eorundem, ac solidorum unà invicem conspirantium labe pendentes? Quot enim ludere in mores salia novimus? Quot illa formas induere? In quot se se larvas effingere? Quis omnes horum species recensuit unquam, quot nec *Proteus* quidem *lusi*, nec *coloratus spectatur Camæleon*? Quis intimiora hujusmodi Naturæ abdita penetravit? Ut acidum, austerum, acre, & sexcenta alia in Sanguine latent inconspicua, ita in aere innumera ludunt, quæ homines *multimodè* afficiunt, ac tot diversa inferunt mala. Equidem in ejusmodi rerum trepidatione, totque inter ventorum oppositos flatus æquum erat internoscere insolitum aliquid *per æthera inane ferri*, quo semel affecta liquida, ac solida fixitatem illa, hæc labem, utraque necrosin, ac gangrænam susciperent.

LVIII. Ejusmodi itaque exoticis salibus imbutus aer obvium quidquid, ac suscipiendæ labi aptum magis inficit, ac lædit. Quæ quidem salia cum diversæ adessent naturæ, diversas quoque affectiones induxerant, *Phlegmona* nempe, *Systrophes*, *Sphacelos*, *Apostemata*, prout figendo, & erodendo apta, aut horum alterum, aut utrumque sæpè pepererant. Nunquam autem Sphacelo obsita ulla visa pars, quin huic inducta in liquidis stasis proluserit, ortumque dederit, ac incre-

incrementum. Num verò exitiales ejusmodi moleculæ ab spirantium ad-
verso invicem flamine ventorum con-
cursu, nùm ab alia quâpiam fortè
causâ repetendæ sint, decernere ne-
mo ausus unquam, ac revelare? An
Terræ motibus quidquam tribuen-
dum, jure dubitat (a) Clar. *Gagliardus*
quod idem observationibus longâ an-
norum, locorumque intercapedine
dissidentibus, institutis, ac collatis
invicem comprobare nititur. Ast &
id ipsum grâvibus adhuc laborat dif-
ficultatibus, quas quidem prævidit
laudatus Author, haud tamen pro rei
dignitate persolvit.

LIX. Hasce inter læthiferas par-
ticulas liquidis, ac solidis æquè in-
fensas, exitiosæ, ac perniciosæ ma-
gis erant, quæ gangrænosam labem
inducendo pollebant magis. Hinc
enim enato celeritè Sphacelo velox
discrimen, ut ægroto *sexto, ac septi-
mo* obtigit, aliisque non nullis, qui
quarto plerumque, quinto, ac sexto
die defuncti sunt. Nosse erat hujus-
modi figentis veneni vim, (sit verbo
venia,) vel ab ipso ore, vultu, ocu-
lisque ægrotantium, perturbati ins-
tar hominis, attonitique, fero heù,
trucique obtutu; Lingua iis urens,
ingensque in spirando fervor aderat,
ac præcordiorum æstus, sitis Tanta-
lea, dejectiones alvi nigrescentes, ex-
trema frigida, pulsus per totum mor-
bi cursum vix elatus, ac penè delin-
quens idem deficientque. Atque iis
quidem magni subsidii extitit The-
riacâ recens unâ cum cardiacis assum-
pta, cujus beneficio haud pauci eva-
lere. Nec exiguam quoque opem at-

Tom. II.

(a) *Relazione de' mali di petto
dell' anno 1720. p. 33.*

tulere vesicantia initio admota, ho-
rum quippè auxilio ad loca remo-
tiora protrusis lethiferis, exoticisque
salibus, seù, ut Practici ajunt, mor-
bifica materie producta, atque ibi-
dem exonerata, non omnes passim
enecabantur, quam plurimi etiam su-
perflites fiebant.

LX. Nec verò quis me fortè putet
inconsideratè adeò Theriacam in hu-
jusmodi Phlogisticis, ac mali moris
pectoris affectibus adhibuisse. Ec-
quid enim ex ingenti remediorum se-
gete usu præclarius, ubicumque in-
ternæ viscerum corruptionis, ac Spha-
celi metus est, quam Theriaca, quæ
lethifera spicula eludat, putredinem
arceat, cruorem ne effractis vincu-
lis in fluorem totus abeat, coerceat,
ac mobilissimas illius partes retineat?
Nùm in Pestibus, quarum Natura in-
tenuissima, celerrimaque putredine
maximè versari, vel ex eo clarum fit,
quoniam nullus morbus illis æquè est
contagiosus, præsentissimum hæc ipsa
auxilium est, cæteris longè præstan-
tius? Narrat (b) *Forestus* plerosque
Hagæ Comitum anno 1580. cum ejus-
modi ægritudines dirè ibi crudeliter-
que sævirent, se ipsos tum alios abs-
que Medici præsentia curasse assum-
ptâ Theriacâ. Quod tamen auxilii
genus, ut potè vulgare, ac comparatu
facile haud ipse omninò probare vide-
tur, ait namque idem, *præstare magis
ea omnia adhibere, quæ verâ methodus
curandi docet, quàm uno calipdio;
ut calcearii, aut uno medicamento
omnes curare.* Nunquàm enim fortè
noverat adhuc Vir eximius specifico-
rum usum in Medicina, aut quod

LII

illius

(b) *Obs. 3. de febr. cum morbo
Epid. grassant. p. 152.*

illius ævi mos erat, crediderat ipse sanari haud posse tutò ægri- tudines, nisi peregrina, ac pretiosa remedia comparentur, quæ

Lucis in ortu

*Indus, Arabs, Syrus, divesque Sabæus
Vicino sub sole legit, quæ præbet Orontes,
Eximia ignoto mittit quæ Nilus ab ortu.*

vanam scilicet ac futilem Medicinam esse, quæ remedia proponit, ut *Pli- nius* loquitur, parata vulgò, inventu facilia. Heù quàm miserabilis aderat illis temporibus Reipublicæ nostræ fa- cies, quotve nobilissimam Artem er- roribus implicarunt ingenia Arabum?

LXI. Ubi verò inflammatoria ma- teries in suppurationem abierat, per- que illam sputum expurgari cæperat, summa erat nitendum ope, ut ritè id leniterque prodiret, tutaque dein, ac subita ulcerosi loci depuratio contin- geret. Subit hìc loci, atque in memo- riam redit miræ in præclara Vestali curationis exemplum, cui hujusmodi abscessus in Pulmone diù latens eru- pit tandem, ipsaque unà cum sputo folliculum ipsum (mirabile dictu) quo purulenta materies includebatur, eje- cit. Erat is cystidis instar efformatus, inque ejus fundo purulentus humor conspiciebatur ejusdem coloris, ac sub- stantiæ, cujusmodi aderant sputa, quæ jam diù ante prodierant. Vesiculam adfuisse crediderim in hu- c morem protensam ex iis, quibus totus undi- que Pulmo eleganti artificio compo- nitur, in qua ceù in folliculo, aut cystide pus continebatur, atque ea- rum quidem, quæ majoribus Tracheæ ramis proximiores sunt, quo faciliùs assiduus tussendi conatibus omni, quò adnectebatur, soluta compede aereos tubulos, quorum ad fines exiguæ

ejusmodi vesiculæ appenduntur, sub- ire potuerit, perque os dein pro- trudi. Equidem folliculatas, ut ajunt, Vomicas seù hujusmodi Pulmonum abscessus, qui propriam sibi Cystim comparant, nil aliud esse arbitror, nisi vesiculam quamdam hoc pacto extensam, purulenta in illam materie è finitimis vasis secedente, atque ibi- dem collecta, quousque tandem ob sui copiam, aut nimiam acrimoniam effracto claustro in asperam arteriam, aut in cava Thoracis effundatur, Anatomica Pulmonum administratio perspicuiorem rem efficit: Quippè san- guifera vasa, quæ per totum Pulmo- nem innumeris propaginibus diffemi- nantur, quæve admirabilem ibidem contextum explicant, ad universas ve- siculas pergunt, juxtà quas illa variis amplexibus, ac gyris unà invicem lu- dunt, ac desinunt. Ecquid autem con- ceptu obvium magis, quàm tenellis desinentibus arteriarum, aut venarum orientibus ramulis disruptis, in vesicu- larum sinus sanguinem sensim effundi, ibidem colligi, ac dein in pus verum abire? Hinc enormes aliquandò ejus- modi Vomicae, aut plures unà simul eodem tempore, aut successivè erum- pentes. Videmus in statu præternatu- rali aneurismata passim, ac varices ab dilatatis arteriis, aut venis efformari, ac diversas passim glandulas laxiores evadere, intumescere, inque magnam molem consurgere. Num æqua ratione vesiculares pulmonum cellulæ exten- di magis, ampliores effici, ac dilatari haud poterunt, subque folliculi ima- gine minus in Anatomicis peritos elu- dere? Num & eadem fortè hæmoph- tiseos incrementa, ac incunabula, tot- que dirarum pectoris ægri- tudinum?

LXII. Altera Vomicae species recensetur, quam tamen vix ego Vomicam dixerim: Quando scilicet in pulmonibus foveam unicam, aut fortè binas efformari quandoque contingit, easque circum circa parietes callosos obtinere, ita ut materies ibi collecta in massam sanguineam minimè transferatur, sed quotidie tota, copiâ licet ingenti, expectoretur; Hi satis sani degunt, benè respirant, comedunt, & dormiunt incolumes, aut saltem in modico corporis habitu persistent, & non rarò perſenescunt. Hinc non nulli dicuntur Phtysin per 30. aut 40. annos habuisse. Vivit apud nos Mercatoris Uxor quinquaginta quinque annos prætergressa, plurimum liberorum mater, è quibus unus ante biennium Phtysicus obiit: Illa habitu phtysico ab annis plusquàm viginti merè purulenta expuit, skeleton referens, & quamquàm à catarrhis in pulmones crebrò decumbentibus, præter frequentes ex liene ægritudines, fato sæpè fuerit proxima, nostraque cura liberata, periculo tamen semper defungitur, ut in illam quadrare queat, quod eam mulierem, de qua *Hippocrates: Quinquies mortua est.* Quemdam olim secui tabe extinctum, cujus dùm pulmones inspicere binas utrinque cavernulas avelanæ capaces, non tamen exactè rotundas, aut æqualiter cavas reperi, sed quasi laceras, ac si à mustela vel à glire frustulatim portiuncula avulsa pulmones exesi fuissent. In harum altera ulceris callo recens obducti vestigia adhuc supererant. Sæpè is sanguinem tussiendo expuerat, tùm paucis ante obitum diebus magnâ copia ejecit atri, spumosi que.

LXIII. Utque rem in pauca contraham: Ut nullam absque folliculo, seu cystide vomicam concipio; Ità harum quotquot occurrunt, sedem, ac locum in vesicularibus pulmonum cellulis statuendum autumo. Hinc purulenti, ac puris discrimen; Quæ namque ab effracto apostemate expuitur materies, verum illa ac genuinum pus est. Quæ verò purulenti instar se habet magis, hæc nullam prægressam, aut præsentem vomicam, aut aut flaccidos natura pulmones, aut eosdem nimio onere oppressos significat. Quod sanè ritè est discernendum, ne sæpè quamlibet aliam pectoris ægritudinem pro vomica accipiamus. Utriusque, purulenti videlicet ac puris distinctionem præclarè assignat *Divinus Senex lib. de alim.*; Enim verò ut haud concipi unquàm potest ullum fieri posse pus absque suppuratione, quidquam sanè inter hoc, & purulentum intercedere opus est, quòd nempè ad purulentum tantummodò sufficiat sanguinis vitium, secus ac in pure generando, cui & solida suum quoque calculum præbent. Adversus *Hippocratem* stare videtur *Galenus* ex sanguine pus fieri ratus, quòd in phlegmone in abscessum abeunte sanguis extrà vasa effusus in pus vertatur. Atqui haud advertit ipse suppurationem haud fieri unquàm posse absque carnis erosione, quod sanè indicat sinus post puris evacuationem sæpè relictus; Sanguis enim fusus, & calefactus, ut antiquissima Verba usurpem in hac parte, humidam, & calidam carnem, quam attingit, corrumpit, ex qua carne, si Natura robusta fuerit, verum pus nascitur, cui non rarò admiscetur aliquid puriformis

ex sanguine, & humoribus extrà vasa effusis. Ego quidem totum, quod adest inter pus, ac purulentum discriminis ab ipsis humoribus petendum existimo: Vel enim sanguis est, vel lymphæ, quæ in pus abit. Utrumque enim horum per proprios sibi demandatos ductus uberi gurgite excurrit. Utque ab illius vitio verum pus, sic ab lymphæ pituitam illam putrem, seu purulentum illud, quod à vero pure secernitur, generari puto; Ad utriusque verò generationem solida æquè concurrunt; Discindi hæc namque, erodi, aut quocumque alio modo lædi opus est, ut inde ab receptaculis suis, per quæ vehitur, sanguis, aut lymphæ secedat, inque pus abeat, aut purulentum. Atque hinc e folliculatis vomitibus verum pus, secus verò ab iis, quod foveas dumtaxat, aut cavernulas in pulmonibus obtinent, exire cernimus; Quòd illæ ab sanguine per ima quotquot Delubra pulmonum discurrente, atque in vesiculas exundante enascantur. Hæ verò ut plurimum in extima pulmonum parte conspiciuntur; Lymphatica namque vasa superficiem tantum pulmonis attingunt, perque illam assiduo lusu feruntur.

LXIV. Ceterum quodcumque illud sit discrimen, quod inter purulentum, ac verum pus intercedit; Idem illud facere videtur, quod & alterum. Utrumque enim sæpè inevitabili fato prolusit. Rursus in hoc etiam differunt, quod pus malum sit ut signum, & ut causa; Ut signum quoniam abscessum; & inflammationem systrophicam præcessisse declarat; Unde consumptio partis pulmonis sequitur: Ut causa quia nisi ex-

eat, febrem lentam fovet, rigores inæquales affert, & corrumpit partem, & in qua manet, & contagio vicinam. Pituita verò putris, seu purulentum, malum est ut causa tantum, quoniam afficit Pulmonem ipsum morâ, nisi exitum habeat. Sic in tussibus aliquandò cum pituitâ excernitur, & sputum album, & semiputre, atque ut aiebat *Hippocrates*, simile puri. Quæ huic succedit Phthisis diuturnior, ac propagari aptior alterâ est, quæ ab vomitâ provenit.

LXV. Verum illuc, unde capi; Ejusmodi pectoris ægri tudines propè comitabantur anhelationes, quas Græci Asthmata vocant, Tusses, rauces, capitis dolores, ventris tormina; atque è chronicorum classe Hydropes, æque pectoris potissimum, Tympanitides, Tabes, Arthritis, Scabies, postremaque hæc pueris præsertim, ac foeminis. Quædam etiam per æstatem gliscere visæ febres mali ingenii, eoque illæ peiores, truculentioresque, quò Canis instar rabidi hos, atque illos absque latratu laceßebant; Hisce se se addiderant verminosæ aliæ, hæcque inter non nullæ, quæ incerto plerumque circuitu, miti, placidoque vultu ludebant, quæve diriores, inclementioresque evadebant, si quis illas consueto more expugnare tentaverat. Obesiores in universum, quibus

*Pinguis aqualiculus propenso sese
qui pede extat,*

sæviùs, crudeliterque magis vexati; Tum qui antiqua in Cruribus, aut Tibiis ulcera, aut peculiarem quampiam ægri tudinem diù fovebant. His namque inopinatò arefcente ulcere,
aut

aut vetere sanato malo, pectus illicò afficiebatur infausto successu. Hoc pacto sublatum initio veris Romanum Pontificem CLEMENTEM XI. audivimus, delatis mox Ecclesiæ clavibus Generis nobilitate, ac moribus Spectatissimo Viro *Michaëli Angelo Cardinali de Comitibus*, qui nomen sibi assumpsit INNOCENTII XIII. maximo totius Christiani Orbis gaudio, ac plausu.

LXVI. Invalescente Æstate frequentiores adhuc, quàm unquàm vomicæ extitere, quæ quidem, etsi pari felicitate absolverentur, non eadem tamen initia, ac incrementa observabant, ac quæ anteacto Vere proluserant. Plurimis namque levissimâ de causa vomica erupit, nullo sæpè prævio vestigio doloris, aut horum quopiam, quæ sive futurum, sive jam factum abscessum, sive propè impendentem illius disruptionem prænunciare consueverant. Sæpè hos inter fluctus ventorum Variolæ, ac Erysipelata se se prodere conabantur, vix tamen quidquam memoratu dignum edidere. Quidam etiam mediâ Æstate subito fato tùm in Urbe, tùm in Agro erepti sunt. Desinere tandem, saltem hæud ita frequentiores occurrere appetente Autumno cæperant memoratæ vomicæ, ac tùm rursus quidem, dirèque magis foris prodire exarata febres, quarum tamen vix ullam cernere erat absque comite Pectoris labe, sive hæc illis præcurreret; sive in hanc illæ exierint sæpè. Vix pauci per Æstatem Dysenteriâ laborarunt.

LXVII. Primis Augusti diebus magna caloris vis extitit, mox tri-
duum tonitruosum, pluviosum, ac

quandoque grandinosum successit. Immotus per id temporis Mercurius constitit diù; Visus hic ima repente petere, ac veluti in Perigæo degere, cùm propè impenderent tonitrus, *Cælique fragores*. Sæva hinc exarata alvi Tormina accessere, quæ etsi primo intuitu lenitèr laceßere viderentur, in consumacissimas dein, periculosas, ac plerisque læthales ægritudines accedente Æquinoctio degenerarunt. Ingens quoque hinc loci commemoranda subit Puerperarum clades, quarum plurimæ abortivos fætus edidere. Fortè id nedùm liquido ad lentorem toties memoratum proclivi, quin, & solido quoque nimis debili, ac laxo maximè tribuendum; Utrumque ab arcana, ac inexplicabili aeris constitutione, undè & cæteri effectus prodierant, repetendum.

LXVIII. Equidem, ut verbo me expediam; Vereor namque ne in magnam nimium molem excrescat Pagina; Si quotquot hoc anno regnarunt, ac longè, latèque sæviere, malorum indolem, ingeniumque, atque originis principium attentè perspicimus, nedum video lentoris crimine redarguenda liquida, quin & forte maximam vitii partem solidis tribuam nimiâ laxitate peccantibus. Ecquid enim tot vomicæ, ut unam instar omnium ægritudinem in exemplum afferam, ecquid inquam tot hoc anno vomicæ, quot nunquàm auditæ olim? nisi ab solido in crispaturas suas, ac proprios nîsus deduci haud potente amplius, ac penè dixerim, deficiente? Anne fortè quis adhuc, frustra declamante *Petronio* (a), in eo

est, ut totum liquido opus nihil in œconomia animali solido velit adscribere, ignoratione potius pertinaci, atque inani sectæ amore, quàm ratione aut consilio? Juvenem nuper secui ex febris acutâ vigesimo morbi die defunctum, cui omnes Peripneumoniæ notæ aderant; Huic universa Pulmonis substantia in strumas veluti composita conspiciebatur, quibus apertis ingens puris copia profuliebat. Quidam quoque diuturno affectu catarrhali vexatus, qui mox in ascitem degeneravit, cum vesci amplius haud

potuerit, inediâ necatus periit; Aperto Cadavere summè flaccidos Pulmones, ac multâ sanie repletos, tum viscera quæque imi ventris laxa admodum, ac ventriculum præsertim, comperi occluso penitus Pyloro, ut nec Stylum quidem admitteret. Num id fluidis potius, an solidis adscribendum? Num & ultrò toti erimus in expendenda *liquidorum intemperie*, Principis illius intemperiei, quæ in solidis est, immemores prorsus, earum ignari rerum, *per quas vivimus?*

Constitutio Epidemica Taurinensis Anni 1722.

I. **A** Nni Historiam perscribere aggredior ab superioribus duobus, qui hunc præcessere, annis parum, ac vix, toto sui decursu dissimilis, sive adspirantium Ventorum indolem ac morem spectamus, sive ingruentium morborum sobolem, ingeniumque. Venti namque, ut ab iis ordiar, *qui, ut verissimè ait Argolus, in animantibus salubritatem unice ingenerant, suscitantque?* totius anni curriculo, assiduo, nec unquam interrupto flamine diù perspirarunt ab Hyperboreis modò plagis, modò ab Australibus oris erumpentes. Varia hinc, ac incerta omninò tempora; Præmatura modò hyems, immitisque; lenis eadem modò, ac Veris potius imaginem referens, ac vicem: Proût nempe aut ruens ab alto Boreas, sævusque Aquilo, aut turbidus Auster perflabat. Recurrere sæpè visa mediâ hyeme æstas; Floraque ubique in agris ludere, lætaque prodere initia veris. Labet autem altius ab autumnali æ-

quinoctio, ubi superiore anno defui, initium ducere, antequàm ad hyemem ac anni reliquum festinante calamo properet Oratio mea.

II. Autumnus itaque, quæ quidem anni tempestas Medico maximè diligenterque expendenda est, utpote quòd sub id fermè temporis nova plerumque soleat morborum cohors in scenam prodire, toto deinde anno longè latèque regnatura; Autumnus, inquam, statim ab initiò horridiusculus ad plures dies præluxit, præcipiti ruente Boreâ. Atqui redire protinus, auctusque velut viribus perspirare iterum, ac sævire magis visus Octobri Auster, quo usque dein validiore impetu erumpere denuò abeunte librâ cæperunt ab Orientalibus primò, mox verò ab Aquilonaribus terris horrentes gelidique flatus obscurato æthere, effusisque super Alpium cacumina, perque subjectam Planitiem, finitimolque agros, vix tertiò ab Urbe lapide, ubertim nivibus præcocem

cocem heu , asperamque hyemem portendentibus. Unius adeò mensis spatium urens modò æstas, modò rigida hyems sæviit , extremosque utraque conatus edidit, pugnantibus invicem , ac velut de summâ rerum, quis nempe horum prior terga daret victori, palmanque alteri victus cederet, certantibus inter se ventis. Vicit utique, vicit , diùque ludentium australium iram , sævitiemque tandem omninò fregit iis oppositus Aquilo; Novaque extemplò , etsi mitiore quidem imperio, morborum legio se se palàm ostendit, inque apertum prodiit, quorum vestigia , ac penè dixerim, prologia nosse erat appetente æquinoctio; cum primùm scilicet horridiuscula aura, silentibus ad aliquot dies, suaque in claustra illicò receptis Austris, dirè perflavit.

III. Cernere quidem erat recens ortas novæ indolis febres per id temporis subludere ab iis, quæ antea æstate, ac superioribus annis ultrò citròque debaccabantur, primo adspectu omninò discrepantes, intermittentes videlicet, aut intermittentibus analogas, iisque comites, ac pedissequas veluti, statim ac ruere Boreas coepit, plerasque passim ægritudines, Asthmata, Lippitudines, Hemoptoses, Paralyfes, Dolores vagos abdominis, Pancreatis, Mesenterii, aliarumque per ima ventris latentium utriusque generis glandularum Obstructiones, contumaces quantum, ac consuetâ hætenus Practicis Methodo invictas prorsus! Utque omnem morborum Iliadem, qui, ceu *ab Trojano Equo* denso agmine Milites, ab uno omnes fonte progerminarunt, brevi sermone complectar; Dolores acerbissi-

mos artuum, Nephritides, Apoplexias, quibus diurnæ Hemicraniae, aut suppressa consueta quæpiam de more evacuatio præluferat. Addere hisce fas est lugendam, ac deplorandam adhuc *Puerperarum cladem*, earumque præsertim, quæ abortivos foetus pepererant. Senes in universum, diurnisque malis confecti postremum subiere fatum, quamve diù eluserant mortis vim, hanc tandem obire, ac communem omnibus aleam experiri coacti sunt. Phrysici quoque omnes brevi tempore sublati, ii scilicet, quibus aut hæreditaria labes pulmones obsederat dudum, aut adventitia eadem recens obtigerat post prægressam vomitam, aut aliud quidpiam in imo pectore latens, abditumque. Equidem invalescente hyeme, redeuntibus demùm in scenam Austris, sese condere hæc visa propè; Ac tum quidem Variolæ, morbilli, acutæque febres, quæ sub intermittentium larvâ primo, aut altero accessu delitescabant, moxque dein in subcontinuas mali moris celeri pede migrabant, torrentis in modum hos atque illos nullo discrimine aggrediebantur. Id tamen minimè quidquam officit, quin totius anni imperium, potestatemque morborum exaratis intermittentibus febribus, aliisque præfatis ægritudinibus, quæ sub illis militare videbantur, dominatum inquam, præcipuamque iis sedem tribuamus.

IV. Totius hinc decursu anni præter modò dictas febres intermittentes, dolores potissimum abdominis, immanes iidem, sævique admodum præcæteris sæviere; quodve peculiare aderat, ac notatu dignum, videre erat statim plerumque horis exiguo

præludente rigore, aut nullo quandoque etiam prævio horroris vestigio, ejusmodi dolores recurrere, statisque pariter horis evanescere. Non nullos quidem sine ullâ intermissione iis vexatos memini, atqui ceû in febribus subcontinuis observare est, quædam aderant novæ exacerbationis indicia, ac certa veluti proludia novi, ac dolorifici, ut ita loquar, repetentis paroxyfmi. Sed de hisce in præsentiarum satis. Præstat modò, quam exorsus sum, tabam absolvere, rectoque dein tramite, quo unusquisque memoratorum affectuum sese prodiderit, vultum, quem servaverit, typum, quamve præ se tulerit, indolem ac genus explicare.

V. Medio circiter Octobris Orientalis aura uno alterove die læto flamine adspiravit. Mitescere hinc non nihil æstus coeperat, quem reviviscentes iterùm Australes flatus adtulerè, insuetumque paullò post frigus erupit, gelido Aquilonis afflatu, cujus vim, feritatemque, nedùm incolis, Arboribusque, ac plantis, sed & ipsis etiam infontibus aquis præmaturo gelu concretis, ceû sub rigidissimâ hyeme, vix orto Autumno, insensam adnotavimus. Quod quidem nullâ hætenus hominum memoriâ Subalpinis unquàm obtigerat. Obscurum hinc sæpè cœlum, varium idem, incertumque; mox serenum, atque præclarum, prout Orientales modò, modò Aquilonares venti perflabant. Sæpè etenim visum, ac diutinâ experienciâ compertum, obscurum nubilumque autumnô cœlum reddi Orientalibus ventis spirantibus, serenum verò, nitidumque idem evadere instante Boreâ. Postremum Octobris diem impe-

tuosus is maximè, præcepique ruens obsignavit.

VI. Felicioribus auspiciis sese prodidit subsequens Mensis. Lætior namque ab Occasu adspirans Africus sin minimè sævi Aquilonis iram omninò retudit, illi saltèm morem imposuit, vimque, ac sævitiem ejus maximam, magnam in partem, coercuit. Saluberrimos utique, lætissimosque Subalpinis occidentales ventos jam dudum novimus; quod quidem ego adnotare operæ pretium duxi; cum primum morborum quot annis apud Subalpinos sævientium historiam, quot annis & illam, quandiu vitam mihi, ac vires huic oneri ferendo pares dederit Deus, persolvendam conficiendamque daturus; Augustæ Urbis, quæ totius Regni caput est, Regumque inclyta sedes, agrique ejus, ac universi Subalpini tractus, qui ad Alpium radices insidet, conspectum ac positionem, tum cæteras aeris & alimentorum qualitates, quæ Urbium cœlum constituunt, descripseram. Furere hinc denuò Boreas visus ad aliquot dies, novo tum rigente gelu tellure, concretisque suis in alveis indomito frigore aquis. Quod supererat mensis reliquum, tum Decembris initia Auster iterùm funestavit. Observatumque nunquam, sive is, sive alter quispiam ventorum perflaret, perspirare illis coepisse, quin obscurari è vestigio, cœlum videretur, ac inopinato propè tempestas impenderet. Ad Solstitium hæc usque gesta.

VII. Exordia hyemis tum modicus effusus imber, tum uberi dein copiâ delapsæ cælo nives fœdarunt. Veris illa potius, quam hyemis primordia dixisses. Magna hinc temporum subse-

subsecuta tranquillitas lætaque rerum conditio. Mite prorsus, placidumque cælum, lenibus per intervalla obsecundantibus ventis ab occasu modò, modò ab meridionali plaga proficiscentibus. Haud minus læto omine Januarius illuxit, qui & idem ad postremum usque diem permansit, hujusce felicitatis, lætitiæ, ac serenitatis Autoribus unicè Occidentalibus flatibus assiduo, lenique flamine è propinquis, atque excelsis Alpium fastigiis perspirantibus, quæ illorum, si quid infensum iis manebat adhuc, coercebant. Mirum utique nos iis plerumque ventis serenitatem debere, cum ex adverso impetuosus hi maximè ac insalubres Galliæ occidentalis regionibus sint. Atqui si vastissimum illum tractum mare inter atlanticum, ac Alpes; quæ nobis ad occasum imminet, animo metimur, si suprema Alpium fastigia, ac præcellas harum vertices intuemur, ita quidem compositos comparatosque, ut infensum quidpiam, magnoque impetu ruens compescere queant, ac inhibere; mirum haud videbitur amplius, ut lenes ii ac temperati dein Subalpinas hæc regiones benigno afflatu pervadant. Uberrimam namque vaporum aquosorum copiam, quam hi secum ex Oceano adferunt, magnâ ex parte suo in itinere dimittunt, tum si quid adhuc retinent, antequam Alpes attingant, omninò deponunt. Norunt id quidem Allobroges, ac finitimi iis incolæ, qui trans Alpes degunt, quibus secus ac Subalpinis, nubilum ac pluviosum aerem ejusmodi venti adferre solent. Id scilicet beneficii Alpibus debemus acceptum, sic una dispositis, ac collocatis, ut non nisi

placidos pacatosque ventos ad nos appellere ab ea parte sinant, perque patentibus campos discurrere. Secunda Januarii die cum advesperasceret propè, primoribus nempe noctis tenebris, obscurus quidam auditus cœli fragor, & passim cadentium fulminum species visa, violentissimo è Boreali claustro ruente turbine meridiem versus, contremiscente veluti, ac commoto Solo: Citissimè tamen id desiit, nec ultra horæ quadrantem perduravit. Manè sequenti serenum iterum, ac sedatum cælum, idemque totius fere mensis spatio præluxit.

VIII. Priores Februarii dies foedi admodum mœstique extitere, obducto nubibus sole, densoque velut sipario, ac caligine obvelato; Lætiores hisce successerunt ad æquinoctium usque, occidentalibus iterum per intervalla hiscentibus ventis, qui itidem ad austrum modò, modò ad Boream accedentes pulcherrimam modò, modò lætam minùs rerum scenam effecere. Ediscere erat, ac veluti prænoscere ejusmodi ventorum, aerisque vicissitudines inspecto Barometro; quandiu enim perspirabat ab occasu lenis aura, videbatur in media veluti statione Mercurius detineri, unoque tantum alterove gradu ab illa discedere, humilis ille, aut elatus, prout ad Austrum modò, aut ad Boream venti declinabant. Propè appetente Æquinoctio varium iterum, incertumque cælum extitit furentibus Austris; Pluviosum mox idem, nubilumque; quo usque tandem nitidus ac lucens Sol in ipso veris limine, è tenebris velut, quibus obvolutus aderat diù, emerfit lætus, beatissimoque dies incolis tulit. Beatissimi uti-

que, lætissimique dies, quos præclariores inter aureoque signandos lapillo, jure merito recensere fas est, quippe qui Regiæ Celsitudinis CAROLI EMMANUELIS Pedemontium Principis Augustam Sponsam ANNAM CHRISTINAM LUDOVICAM, è Regio atque Imperatorio Comitum Palatinorum Rheni Sanguine ortam nobis dedere, magnò civium, ac subditorum omnium, exterorumque plausû, lætitiâque. Insonant etiamnùm auribus meis publicæ voces hilaritatis obstrepentium passim bombardarum tonitru exaggeratæ. Versatur ob oculos festorum ignium splendor. Occurrit animo triumphalis ingressus Majestas, ingens omnium ordinum alacritas, confertissima populi multitudo: dubium ut esset, an hæc una in Pedemontio Civitas, an totum in hac Civitate Pedemontium contineretur. Proh superi quàm festa, quàm augusta pompa gaudiorum! Nec exigua quidem laus est Medicos hosce fastos tam benè auspicato, fortunatissimoque connubio, ceû præclarâ quâdam, felicissimâque Epochâ obfignare. Annuat Deus populorum votis, ac precibus, Patrique, Avo, Proavisque simillimâ concessâ Prole, omnigena hoc uno collata nobis, quod idem maximum est, præcipuumque, beneficia compleat, æternetque.

IX. Mitem adeò placidamque hyemem, ut è diverticulis in viam redeam, secus ac portendere videbantur autumnii initia, transegimus, vix unâ aut alterâ vice spirante Boreâ, sæpè quidem Occidentalibus ventis, quibus australes etiam aliquando, reciprocantibus invicem Imperiis, ob-

sequebantur. Die Martii vigesima sextâ, cùm Sol ad occasum vergeret, horrendis tonitribus æther circumfremere auditum, abque omni coeli parte emicare visa fulgura, nunc internitente luce, nunc conditâ, effusâ mox torrentis instar pluviam grandine commixtâ. Sævissimus hinc, qui diù siluerat, furens Boreas, adque plures dies perdurans luctuosissimam rerum faciem, media inter gaudia, ac jucundissimi veris præludia, quæ amæniora haud extitere diu, reddiderat. Languere enim omnia illicò vidimus, prætaque, agros, ac nemora sidereo veluti afflatu ustulata, quæ paullò ante virentia undique, lætisque decorata floribus cernebantur. Luctuosum utique ac deplorandum spectaculum omnium oculis erat canentia circumquaque arva intueri, glacialibus usta pruinis, rigidoque horrida gelu.

X. Aprili mense iidem assiduo, ac diro flamine perspirarunt Boreales venti, obscuro plerumque ac procelloso aere, sparsa quoque subinde pluviam nivibus mixta nimbofis, cùm potissimum mitius rueret heu tot parens malorum Aquilo. Eadem Majo ac Junio scena si quosdam tantum dies excipias vernâ serenitate, ac spirantibus quandoque etesiiis, quasi æstiva temperie, commendabiles. Sic veris speciem hyems tota Austrina exhibuit, cui postmodum ver successit hyemis naturam veluti mutatis vicibus referens. Eodem modo subsecuta æstas est usque ad caniculares dies, quo tempore satis curiosum fuit luscinias audire pro cicadis arbusta rum-pentes.

XI. Nefastum sanè, & insalubrem annum nemo non præviderat, tum ob

ap-

apparentia in mororum foliis signa uredinis, quæ sterilitatis Prodroma est, tum ob pertinacissimam siccitatem telluris, arescentibus ob inopiam humidi plantis, oleribusque. Illarum pleræque mediâ ferè æstate honore frondium orbatae, ceû appetente hyeme, videbantur. Etsi enim ver pluviosum potius signare obtigerit, quàm siccum; detrimenti id tamen magis agris fuit, quàm utilitatis; Nocturno namque gelu madens adhuc tellus gelido velut rore inspersa manè conspiciebatur. Intemperatum adeò, ac ex legem omninò annum experti sumus, nullâ ex illius partibus legitimam ac propriam temperiem servante, sed unâ alterius subeunte vices, funesto prorsus discrimine. Æstatis reliquum nunc lenes, placidique anniversarii venti, nunc spirans ex alto Boreas lætum modò, placidumque, perfrigidum modò, ac procellosum, tonitribus intermixtis, coelique fragoribus tulit.

XII. Antequam verò ad morborum historiam me conferam, lubet pauca delibare leviter, breviterque percurrere, quæ quidem explicandæ illustrandæque morborum indoli, comparandoque eorundem genio accommodata esse videntur. Sic enim recto velut tramite unâ properamus ad metam, quæve inferiùs dicenda manent, conspicua eadem magis evadunt, ac præclariora.

XIII. Quæ altera emiserat folia Morus, (ut ab Principe arborum exordiar, quæ haud exiguas incolis opes præbet,) exusta, ac veluti absumpta cernere erat, rubigine illa ne, an flavedine potius anceps hæreo; Flavedinis enim vestigia ubique aderant,

seu rubiginis minùs intensæ, atque ad flavum colorem vergentis. Cæteræ ferè arbores, tum frugiferæ, ut Armeniaca Malus, Cerasus, Ficus, Nux, Olea, Pirus; tum steriles, ac infelices, ceû Cornus, Fagus, Oleaster, Salix, Tilia, Pinus, Abies, ipsa dein virgulta, arbutaue, fruges, ac hortensis universa familia haud obscura Epidemicæ hujusce (sit venia verbo) rubiginis indicia præbuere; Uvarum quoque proventus, qui veris initio aureus sperabatur, ob eandem causam nonnisi parçissimus extitit.

XIV. Quoad *insecta*, nunquam adeò exiguus spectatus horum numerus, tum eorum, quæ primo vere, tum quæ invalescente æstate ludere quotannis cernimus, perque aera densò agmine circumferri; *Noctilucas* præsertim, quæ vespertinis horis quasi tot Phosphori æstate potissimùm erumpere solent, vix paucas omninò prælucere observatum. Nec dubium Borealibus id ventis tribuendum maximè, à quibus nitrosas particulas magnâ copiâ advehi comperitum est. Et sanè quo in loco hujusmodi insecta advolant, hæc ipsa sulphuris ibidem, quod aptissimum eorundem pabulum videtur, præsentiam comprobant, quod & insuper foetidi odores, quales ex sulphure & sale unitis percipiuntur, tum endemii iis in locis, aut per ea tempora morbi ultrò confirmant, ac docent. Atque hinc quidem fit, quod in Russia, & novæ Angliæ quibusdam partibus, ubi tum hujusmodi animalcula, tum Cantharides, Scarabæi, Locustæ, Formicæ, Scorpiones, ac Pediculi alati, tum alia pleraque hu-

jufce modi infecta rarò , aut nunquam vifuntur , eæ vix ægritudines fæviant , quæ apud nos folent adultâ perfæpè æftate caput attollere , ac debacchari magis. Locuftas inter nulla frequentior Subalpinis *Gryllo-Talpâ*, horrendo vifu Infecto quadruplò maximam superante cantharidem , præcipuè ætate fi fuerit provectiori. *Gryllum* hanc appellari puto , quia eundem fortè cum *Gryllo* fridorem nocte appetente facit ; *Talpam* verò , quia terram continuò fodit. Est & altera species Locustæ , cujus præ cæteris magna vifa hoc anno soboles , *Italica* , seu *Mantis* dicta , vel quia suo adventu ver præfagit , ut *Anacreon* cecinit : vel famem prædicat , ut *Cælius* annotavit : vel quia anteriores pedes , veluti manus , supplices semper tenet , atque elatas , vatum more , qui eo gestu orationes ad Deum fundere solebant. Tam Divina cenfetur bestiola , inquit *Rondeletius* , ut puero interroganti de viâ , altero pede extenso rectam monstret , atque rarò vel nunquam fallat. Pulcherrimæ aliæ locustarum species in Apulia , ac Sicilia reperiuntur , quarum altera *Italica* magnitudine , & formâ similis , alium tamen ex naturæ locivæ dono colorem accepit : Habet enim cornicula saturatè lutea , hyacinthinum ocellum , alas ex luteo fufcæ , corpus reliquum amethystinum. Gracilis altera quinque uncias longa , cucullata , capite pyramidalî , è cujus penè vertice duo cornicula latiuscula unciam ferè longa sese erigunt , galærumque illum Turcicum biplumem , quali Janissarii utuntur , superbientem repræfentat.

XV. Prolixa effet res ea omnia re-

cenfere infecta , quæ hisce in oris sobolescere quot annis solent , quorum quidem alia periisse brevi , alia verò ne in scenam quidem prodiisse hoc anno vifa ; Hæc inter *Eruca* potissimum enumerandæ occurrunt , quæ ceu nocendi artis oblitæ prorsus , ac veluti immemores , inertes passim per agros , ac ferè emortuæ ludebant intactis frugibus. Exigua mole animalcula infecto plurimum aculeo , *Eruca* sic dictæ , vel ab erodendo , quòd erodant olera , & pampinos : vel ab hærendo , ut *Apuleio* placet , quod pertinaciter adhærescant : vel à rugis quibus se se vicissim corrugant , erugantque. Distinguuntur à *Mouffeto* in Eterogeneas , sive affines à Papilionibus , & aureliis fatas , & Autogeneas suâ ex tribu profectas ; Utriusque innumeræ sunt species , ut innumera extant herbarum genera , quibus vescuntur ; quælibet namque herba peculiarem alit erucam sui vastatricem.

XVI. Ab Erucis ad Bombyces , ac Apes progredior. Præclarum utraque infecti genus , nec exigui incolis emolumenti. Aliquot illud hebdomadarum spatium albæ Mori frondèâ saginâ fartum , idoneâque ad lanificium materiâ instructum edere deinceps definit , ramulumque sibi objectum inscendit , ubi ovata figura membranaceum effingat folliculum , circumque eum bombycia stamina ordiatur , factus *Bombilius*. Neque hic prodigiorum finis. Post exhaustam lanificii materiam ejusdem folliculi cavo se abdit , occlusâ omni ad exitum viâ ; paulloque post factus *Necydalus* , hoc est , cornutus , & alatus *Papilio* , nisi maturè præfocatus fuerit , perfossâ membranâ , conscissoque stamine sibi exitum

molitur. Haud minus exquisito artificio alterum *dulci distendit nectare cellas*, *Apis* sic dictum, vel quod se pedibus invicem alligent apes: vel quod sine pedibus nasci primò videatur. Pro priori ratione facere illud videtur *Virgilii*, 4. Georgicon.

Aut illa pedibus connexæ ad limina pendent.

Pro posteriori militat illud ejusdem, *Trunca pedum primò, mox & stridentia pennis*

Miscentur.

Deplorandum utique utriusque fatum! E bombycibus enim vix pauci *nitidum de pectore filum*, pretiosaque stamina edidere. Haud modica etiam pars imperfectum opus reliquit. Apes verò cernere erat incertis huc illuc erroribus ludere, favos veluti suos despicere, & *frigida tecta relinquere*, seram increpitantes æstatem, *Zephyrosque morantes*.

XVII. Haud minus aquaticis quoque, ac terrestribus insectis infestus annus fuit; (sua etenim aquis animalcula adsunt, ut terrestria Solo) sive id ab eadem universali, ac propè inexplicabili aeris constitutione repetendum sit, sive potius ab aquarum inopia, amnibus, fluminibusq; ipsoque etiam Pado Fluviorum Rege, exhausto fere aquis, vixque eâ superstitie quantitate lympharum, quæ ferendis navibus sufficeret. Magna hinc piscium egestas, quorum penuriam lacustres affatim compensarunt, tum è vicino advecti littore. Fluviatiles inter frequentiores extant Subalpinis Trotta, Mullus, Timallus, Lucius, Anguilla, Mustella vulgò *Botta*, seù quòd utri similis sit, seù quòd capite ranas referat ut *Cardanus* deduxit; Lampetra à

lambendis petris sic dicta: Nobilissimus semper tum à veteribus, tum à modernis habitus Piscis, & Apiciis esui mirè expetitus. E lacustribus principem sibi vindicat locum *Umbla Allobrogum*, quasi umbra, seù quòd haud exiguam cum umbra pisce fluviatili similitudinem habeat, seù quòd tergus præ multo livore opacum, & veluti umbrosum appareat; *Rondeletio* Salmo lacus Lemani, quòd corporis specie, pinnarum numero, situque, & partibus internis Salmonem referat. *Umble Chevalier* communiter dicitur, fortè ob magnitudinem, præstantiam, & robur.

XVIII. Fabulosa non minus quam ridicula de Anguillarum ortu, ac propagatione nobis tradidere tum veteres, cum recentiores. Incertum diu, saltem nec exploratum satis, an viviparæ forent viperarum ad instar, an revera, ut cæteri pisces, oviparæ; quod postremum haud ita pridem felicissimo conatu detexit Doctissimus ac Præclarissimus *Antonius Vallisnerius*. Comparatum id, ac proprium veluti est magnorum Virorum, cum verum retegere se haud posse nôrunt, fictitium aliquod in scenam promere ac fabulosum. Sic Jovis hæce filias nonnulli olim credidere referente *Athenæo*, ut Deorum munera *fungos* alii, & *tubera* pronuntiarunt; Haud aliter quidem ac Magnates, aut Reges, quibus vel brevi terminata ævo, vel incerta origo est, consecrare illam, adque Deos autores, aut Heroum quempiam remotissimæ ætatis referre consuevere. Abjecta ex adverso quidam iis incubula dedere, limoque ac cæno ortas putarunt; *Quid enim fecundius illo?* Sed hæc, & his similia, ut & ea

quoque quæ hac in re ridicula prorsus apposuit *Aristoteles*, ut ut antiquitatis laude præclara, haud in magno equidem ponam discrimine. Mirari id magis subit, ut eruditi alias, ac per celebres famâ viri, vel nuperrimis hisce temporibus viviparas illas adhuc decernere auferint, suâque Posteris figmenta commendare. Quodve mireris maximè, exiguam nobis vesicam in abdominis cavo locatam, in quâ sæpe vermes latent, quamve in omnibus fere piscibus, avibusque, imò & in canibus aliquando, ac ple- risque brutis videre est vermiculis confertam; hanc inquam vesicam pro utero Anguillarum, vermesque ibidem latentes pro anguillarum foetibus imposuere. Atque hæc libenter etiam concedam; Nec etenim refutandis hisce fabulis tempus suppetit. Danda hæc vitro venia, quod præjudiciis occupatas quorundam mentes, *Leeu- vvenoeckio* Duce, ac antecessore, den- sioribus potuit tenebris obvolvere, vel dum clarius, ac dilucidè magis perspicui ab illis credebatur. Quod ve- rò quidam asseruerint se in prægnan- tis anguillæ utero undecim anguillas exsecuisse singulas suis secundinis in- clusas, ut *Charletonus* affirmat, sive ut *Elfnerus* ait, in diversis membranis involutas; id ego haud patiar unquam Posteris impunè tradi. Aut enim quod sibi effinxere animo, ceu visum, ac perspectum oculis nobis dederunt; aut si ejusmodi revera anguillulas in ab- dominis cavo intueri est aliquando, vermiculos eas quidem fore credide- rim, minime verò unquam veros fæ- tus anguillarum. Quod vel ipse qui- dem *Aristoteles* adnotavit, nec tamen unquam in mentem subit Viro, si il-

lius ævi caliginem, barbariemque ma- ximam perpendimus, verè doctissimo, præfatos vermes pro anguillis agnos- cere, quin imò adversus illos, qui hosce veros ac genuinos esse anguil- larum fætus contendebant, acriter admodum insurrexerat; In quo sanè haud exiguam promeruisse laudem videtur. Id ipsum quoque eleganter non minùs, quàm doctè adverterat Præclarissimus *Redi* Hetruriæ suæ si- dus fulgentissimum in aureo tractatu: *Delle osservazioni intorno agli anima- li viventi, che si trovano negli anima- li viventi.*

XIX. Adverterat sanè præfatus Au- thor, atque è viviparorum classe reji- ciendas anguillas contendit; Earum tamen ovaria nemo ante prælaudatum *Vallisnerium* vidit unquam, aut reve- lavit. Manebat enim Sapientissimum Virum, ac naturæ arcânorum per- scrutatorem solertissimum, Philoso- phos inter ac Medicos hujusce seculi celeberrimum, ac jure merito Princi- pem, honos ac laus, quæ ad hæc usque tempora latuerant ovaria An- guillarum, in lucem vindicandi. Ma- nebat inquam doctissimum Virum in- venti gloria, eò præclarior illa, quò obscuriora, ac cænosciora, ut ita lo- quar, adsunt earumdem anguillarum primordia, ac incrementa. Cernere est hæc ipsa ovaria secùs Spinam por- recta adiposis ubique striis circūtexta, tenuissimâque membranâ obvelata, quâ detractâ ovula occurrunt, ceu totidem exiguiissimi, ac lucidissimi Uniones, suo singula annexa pediculo, per quem nu- tritii roris vectigal suppeditatur. Præ- clarius id, ac illustriore modo specta- tur in prægnanti anguillâ. Quæ cum rarissimè occurrat, quod tùm tempo- ris,

ris, ut Cl. Vir observavit, ima petat aquarum; haud mirum hinc quod tot haecenus magnorum eluserit ingenia virorum, obscurumque id, abditumque magis obscuritas ipsa originis fecerit. Laudato utique *Vallijnerio* nostro *Paulinus* praeluxit, huic in eadem arenâ *Severinus*. Is genuinum anguillarum uterum primus vidit. Ille etsi ova haud inspexerit unquam, ex iis tamen illas nasci, naturæ legibus edoctus, contendit: Nos, sic ille ait, ut omnia animalia ex ovis, seu seminiis suis, sic etiam anguillas ex iis nasci dicimus, licet *Plinius*, *Aristoteles*, *Job. Vossius*, *Schottus* cum aliis pluribus ova, semenque deneget, clamantes ullam nunquam captam esse, quæ aut semen genitale habuerit, aut ova. Haecenus de Anguillis.

XX. Exacta vix hyeme adveniant Hirundines; citius quoque, quam olim consueverant, eadem discessere. Cæteræ ferè aves, tum quæ statis temporibus redire solent, tum quæ totius anni decursu hæc inhabitant oras, raræ admodum extitere. Rarior præ reliquis visa *Ficedula*, exigua avis, ficubus, ac uvis victitans, ut pulchrè his versibus testatur *Martialis*.

Cum me ficus alat, & pascar dulcibus uvis,

Cur potius nomen non dedit Uva mihi?

Idem pariter canoris fatum avibus, iisque præsertim, quas vocant *infectivoras*. Secus coturnicibus obtigit, turturibusque, quarum ingens omnino copia conspiciebatur, ut & reliquarum ferè avium, quæ plantis vescuntur; Has inter postremas, si colorem,

pulchritudinem, ac elegantiam spectamus, meritò superbit *Pavo*; Si *Apiciis* credimus, Principem sibi comparat locum, ac dignitatem *Urogallus*, seu *Phasidis ales*, sumpto fortè ab *Colchidis* amne nomine, ad cujus ostia illos frequentes convenire à Græcis proditum est; unde mox citatus *Martialis* in *Xeniis*:

Argivâ primùm tum transportata carinâ,

Ante mihi notum nil nisi Phasis erat. Horum duas habemus species, quarum altera major vulgò dicitur, ac toto ferè corpore nigricat; Minor altera nuncupatur, ac cinereis maximam partem plumis vestitur. Maio mense spectata huc illuc obvolare Avis, ignota prorsus incolis, mole *Turturis* majoris ad instar, fulgentibus plumis, ac prope subflavis. Visa, & altera invisâ haecenus properante æstate, rostro contrâ omnium avium morem ab utrâque parte recurvo: colore juxta collum subviridi, reliquo corpore, sub obscuro, brevi pede, alisque, ac caudâ exiguâ: *Loxiam* crediderim *Gesneri*, seu ut alii vocant, *Curvirostram*. Ignotas ejusmodi aves unusquisque ferè annus, ut morbos, producere solet, quæ statim ac se se circumvolando produnt, citissimè effugiunt, adque diffitas longè oras emigrant.

XXI. Neve intactum quidquam præteream, quod ad illustrandam, exornandamque morborum historiam quoquomodo facere videtur; numerosa hinc subit haud reticenda Leporum, ac Cuniculorum spectata hoc anno progenies, *Glirium* itidem, *Alpinorumque* *Merium*, *Talparumque*; Ne scilicet defuisse fortè videretur in om-

omnibus Natura; aut quod, idque ego putarim magis, toto existente anno magnâ sui parte impluvio, dehiscente præingenti siccitate solo, ejusmodi animalibus, quæ aliàs cuniculos sibi fodere in agris, ubi lateant tum æstate, tum hyeme, solent, haud ita facile fuerit cubilia sibi condere; proindeque excurrere illis pro lubitu necessum extiterit, perque arva, *camposque patentes* è propriis velut expulsa sedibus ludere, ac oberrare. 5. Ventriculi janitor lineâ quadam transversâ veluti ligatus atque distinctus. 6. Larynx qualis in testudine terrestri; 7. Mutum enim animal. 8. Panniculus carnosus totus, & mirè commissus cuti. 9. Pro Optico nervo fibrilla, quæ secta guttam unam, atque alteram aquei humoris, ceu roris effudit; eaque insuper, non è consueto loco, quo exire solet Opticus nervus, sed à perreptantibus per cerebri meatus vasis, egrediebatur. Atque hæc quidem in *Talpâ*. In *Marmotâ* verò; seu mure alpino frequentia cernere est: Cæcum peramplum, internè asperum, & reticulatum, in quo valvula insignis introrsum externè; Hepar septenis lobis distinctum; Testes aliquantulum superiores; Splenem longum hirundinis majoris modo; Ureteres non recto ductu descendentes à renibus, sed dorso adherentes, & exiguos. Verùm de hisce satis.

XXII. Neve diutiùs in iis, quàm par est, recensendis, immorer, utque omnia in unum recolligam, *velaque*, ut aiunt, *traham*, & *terris festinem advertere proram*: Lætissima, ut adnotavius, exordia Autumnii extitere; lætissimus hinc quoque futurus annus, si quem, *rupto ceu aggere torrens*, ruens

immitis, ac sævus Aquilo vix orto Autumno haud funestasset. Præmatura hyems, ac extemporanea prorsus; Mitior eadem, ac Veris temperiem redolens, cum magis sævire debuerat. Ver illi successit imbriferum, perfrigidum, luctuosum, quò dein furentibus præter morem, appetente solstitio æstivo, nunc ab Austro, nunc ab Arcto ventis, reliquum anni ad æquinoctium usque, ingens, ac pertinacissima diù vicens siccitas memorando ac penè infausto eventu persolvit. Obsignare hinc licet, *nigroque cortice* adnotare annum præ nimia siccitate telluris, ventorumque ludentium indole exlegem penitus, præbente naturâ, quod exiguum nobis dedit, indignabundâ veluti, ac tanquam dirâ novercâ, quæ rerum olim sedula Parens dici gaudebat. Quæ sanè haud arduum erit conjicere, si quæ allata hætenus sunt, tum quæ adjiciam deinceps, scitè diligenterque expendamus.

XXIII. Ad morbos me conféro, quos vulgares appellare lubet, non equidem, quod in vulgus sæviant, ac infimæ tantum sortis, ac notæ homines laceffant magis; sed quia vicissitudines temporum, ac discrepantes invicem annorum tempestates referant potius, ab iisque procedant. Ac primò febres occurrunt, quæ omni depositâ ineunte Autumno larvâ, intermittentium reverà typum, ac morem præ se ferebant. Luferant namque illæ diù superiore anno sub intermittentium personato vultu, quò tandem omni abjecto fuce se se tales jam modò ostenderant, quarum ingenium olim simulaverant. Quin imò plerosque horum, quibus acutæ ægritudines in chronicas sensim fatiscente æstate desic-

fierant, orta repente Autumno febris è tertianarum genere brevi restituit. Lætam hinc augurari fas erat Taurinensibus rerum scenam, si hanc extemporaneis flatibus erumpens Boreas, aut huic per intervalla succedens, ac sævissimè ludens Auster haud immutassent.

XXIV. Et quidem vix hos, ac illos indiscriminatim benignis intermittentibus exaratis febribus correptos adnotaveram; vix novam rebus faciem illucescere adverteram; Ut mutatam hanc iterum extemplò vidi, ac veteres primo adspectu reviviscere morbos, qui recens elapso anno longè latèque regnarunt. Atque id sanè probè expendendum Medico est, antequam quid statuatur decernatque ad curationem morborum conducens; Nùm scilicet reviviscens morbus, aut eandem ferè cum iis, qui superiore tempestate luserant, referens imaginem, iisdem vincendus sit artibus, eodem ac qui præcessere, subigendus more: Nùm verò quidam potius habendus respectus sit ad id ægritudinum genus, quæ novissimè in apertum prodierunt; quibusve jure ac meritò vulgarium totius anni morborum imperium debetur, ac dominatus. Sæpè ego in hâc incertus arenâ extiti; ac tandem rationem habendam esse mecum ipse decrevi ad novam, quæ in scenam emergit, morborum fobolem, etsi hæc non omninò adhuc sese revelaverit, suumque omni relicto simulationis artificio vultum haud explicaverit prorsus. Eo quidem consilio, quòd nempè novâ ortâ tempestate, quam inter, ac superiorem magnum inest discrimen, novus hinc quoque fluentibus per abdittas corporis scaturigines, ac profundissimos recessus liquidis, solidisque

unà ludentibus, ac conspirantibus invicem, novus inquam vigor accesserit *totus mutatus ab illo*. Ut proinde etsi redire quandoque, ac remeare gradum iidem videantur adolescente Autumno morbi, qui exactâ æstate sæviere, quid tamen latere intus æquum suspicari sit, quod doctiores sæpissimè fallit, ni ea omnia, quæ mutatis invicem tempestatibus emergunt, attentè expendantur. Quod quidem, quantum intersit Medico nosse, & observare, jam suo tempore agnovit, graviterque inculcavit *Hippocrates*: dùm ita librum suum de aere, aquis, & locis auspicatur. *Quicumque artem Medicam integrè assequi velit, primum quidem temporum anni rationem habere debet, quantum potentia quodlibet eorum valeat. Non enim simile quidquam in illis existit, verum differunt invicem propter varias, quæ in illis fiunt, mutationes.*

XXV. Sanè si rectâ mentis lance ingruentium Autumno ægritudinum indolem perpendimus, facile erit conijcere, quænam harum toto vertente anno regnatura sit, ad quam scilicet cæteræ omnes, quæ subinde vagantur, sese referunt, ac sub illâ quodammodo militare videntur, ceù stipendio conducti milites. Ejusmodi aderant affectus ii omnes, qui tùm per Autumnum, hyememque, tùm vere, ac æstate subluserant, agmen ducentibus, ceù Epidemicis primi ordinis, quasve ob id Epidemicarum hoc anno ægritudinum principes meritò salutare lubet, intermittentibus febribus jam explicatis, tùm fusè modò, diligenterque explicandis. Ut enim ad eas cæteræ omnes, ceù inito inter se invicem pacto referebantur, faciemque

hæ tulerant reliquis; Sic hæc primò describere æquum est, ac sub oculos ponere, quò præclariùs deinde reliquarum ingenium elucescat.

XXVI. Vix itaque Libram æquis itineribus subierat Sol; Ut illicò tùm qui per ante actam æstatem ægrotaverant diù, tùm qui ægrotabant adhuc, incertisque passim ac diuturnis morbis conflictabantur, quales superiora tempora adtulere, tùm qui ægrotare tùm cæperant primùm, inque morbos incidere: hi omnes ferè ejusmodi indolis, ac familiæ febribus decubuere. Visi namque tùm plures quidem inopinatò è diuturnis malis, hujusmodi oborta auspikatò febris, convalescere, ceùm cùm Thaumantis, & Electræ filia pulcherrima Iris post diuturnos imbres, nimbosque perennes, præfulgere tandem nubes inter, atrumque cælum videtur, futuræ serenitatis prænuncia

*Mille trahens varios adverso
sole colores.*

XXVII. Sperare fas erat Iridis instar ejusmodi febres post tot exaratas, quæ superiore anno dirè admodum, insolenterque debacchabantur, ægritudines læto omine elucere tandem, pacemque, ac tranquillitatem rebus, sedato malorum turbine, allaturas. Nec sanè vota omninò fefellit exitus. Etsi enim sese abscondere quandoque viderentur, ac propè extingui; Haud difficile tamen erat, cernere lusum id esse, jocumque, quo sæpè solent vulgares hujusmodi affectus, quibus incunabula præbet Autumnus, ac potissimum horum Princeps, Medicorum artes eludere, ut doctè advertit Sydenhamius Anglorum Hippocrates. Videbantur fi-

quidem modò Asthmatis larvam præ se ferre, modò Arthritida simulare vultu, nunc etiam sæpissimèque sub ficta doloris Colici imagine dirum in modum ægrotantes divexare; Ut infinitas nocendi artes præteream, quibus hos atque illos nullo discrimine aggrediebantur. Ars hinc erat Medico occultum hostem, insidiasque struentem, vel ima inter delubra, sanctioresque lares appetere, oppugnare, subigere, iis quidem telis, quibus præfatæ febres subigi consueverunt. Quos namque simulata illa, ac dolosa mali facies plerosque fefellerat, ægrotantes hi suos aut inevitabili fato dederunt, aut graviora iis discrimina adtulerunt, celerrimamque jacturam. Adeò sæpè *Delirant Reges, plectuntur Achivi.*

XXVIII. Si quâ tamen sub larvâ subcludere hæc febres frequentius advertimus, dirioremque in morem miseris ægrotantes exercere, vagus ea quidam, ac incertus dolor abdominis aderat, sævaque tormina, quæ statim sæpè etiam horis, ceùm ludere periodicas febres videmus, recurrebant, eundem prope typum servantia, ingeniumque, ac eadem ferè tempora, quibus præfatæ febres circumscribuntur. Ac quidem meminisse obiter juvat exarata ventris tormina, quæ dirè modò, crudeliterque sæviebant, jam tùm *Julio, & Augusto* (ann. 1721.) mense per æstatem prodiisse in lucem, quibus tonitruosus cœli status, procellosus idem, ac sæpè etiam grandinosus, subfrigidusque ad plures dies proluserat, qualem deindè appetente *librâ*, ac toto passim Autumno experti sumus. Cudebantur scilicet jam tum illa, quæ postmodum sese ostenderant, mala, cæperantque foras erumpere,

pere, ceu impatiens moræ hostis præceps ruit ad pugnam, aut nullâ vi coercitus torrens oppositas extemplo moles, tum obvia quæque repagula disjicit, atque disturbat. Pagina mihi deficeret, si quotquot ejusmodi ventris cruciatibus divexatos memini, recensere velim, quos tamen facile erat, ac prodigii instar, ab imminente exitio vindicare, ea adhibendo præsidia, quæ comitem, aut latentem febrim respicerent, Practicis usitata. Hujusmodi ventris dolores hujusce indolis febribus succedentes, aut iisdem complicatos jam pridem adnotaverat Vir Doctissimus *Carolus Piso* pro Colicis habitos; quorum causam aeris constitutioni *calidæ* impensè, & *siccæ*, qualis reverà hæc ipsa nostra, Autumno præsertim, ac hyeme, toto proinde anno, si modò ver excipimus, extitit, idem adscribit.

XXIX. Equidem si prægressam tot annorum siccitatem adhuc dum vigentem, constantemque hætenus, tum certantium invicem ventorum, qui tum ante actâ æstate, tum Autumno, ac toto deinceps anno adspirârunt, vim feritatemque animo metimur; Conjicimus utique, ac dilucidè nobis innotescit, quænam extiterit ejusmodi febrium, ac ægritudinum, tum harum præsertim, quæ abdita imi ventris loca obsidebant, origo, ac incrementum; atque ut rectius loquar, quodve sedulò inquirendum, adnotandumque Medicis præcipit Magnus senex, *occasionis initium*, à quâ omnes hæ ægritudines profluxere; Ecquid enim ab inertibus liquidis, sero utpote ferè omni defraudatis, nec liberè ampliùs in orbem agi potentibus, solidisque hinc quoque pari modo la-

bentibus expectandum erat, quam *internæ viscerum Systrophes*, atque in iis potissimum locis, per quæ aut inertiora suæ indolis liquida excurrere solent, aut eadem magis feri præstantiam efflagitant, quo faciliùs circulum suum, ac munus absolvant? Genuina hæc, ac potissima febrium intermittentium, quæ toto hoc anno ultrò citròque progrediebantur, causa, quæ & eadem quoque cæterorum morborum fuit, qui memoratis febribus præluxere, aut hæ illis lampada tradidere.

XXX. Et sanè uno omnes ore quotquot hætenus in hac arena insudarunt, febrium periodicarum incunabula in Ventriculo, ac primis viis, Pancreate, Mesenterio, finitimisque, ac per imos quosque recessus discurrentibus vasis posuerunt: Uno verbo mineram febrium intermittentium, sedem, ac *Principem*, penè dixerim, *aram*, ut *Sylvio*, ut *Villifio*, ut *Sacho*, ut universo ferè Medicorum cætui placitum est, ipsa eadem organa suppeditant, comparant, præbent, quæ cõficiendo, ac distribuendo Chylo famulantur. Quandiù enim Ventriculus, Intestina, Hepar, Lien, Mesenterium, Pancreas constitutum sibi quæque munus ritè persolvunt, sive excoquendis illa, retinendisque alimentis, quo usq; in massam chymaceam abeant, & quâ datâ portâ secedant, exprimanturque, dicata sint; sive perficiendo ulterius perque revolutos anfractus, ac *itiner a mille* ferendo, dehendoque chylo; sive quosdam peculiare succos elaborando inserviant, quorum effectus varii, ut varia horum indoles est, ac ingenium; Quandiù hæc omnia inquàm ritè per aguntur in corpore, *sarta tecta*que res est, ac incolunjs.

lumis. Ubi verò, aut exarata organa idonea minùs evadunt comparato sibi ablolvendo muneri, aut emanantia, perennique alveo influentia in cavum Duodeni liquida, tùm quæ ipsa intima superficies intestinorum minutissimis undequaque glandulis obsita jugi fluore extillat, inertiora manent, spissiora eadem, aptaque minùs sese unà cum præterlabente Chylo commiscere, vias expedire, menstrui adeò, ac vehiculi munere fungi, fibrasque motrices stimulare, acria salina obtundere, coagulata dividere, *fermenti*, sit verbo venia, vicem gerere, cruda coctis assimilare; Quis quæso erit aditus Chylo lactearum oscula subeunti: quis illius per *galaxiam* iter; quæ ejusdem ad *receptaculum Pecqueti*, adque Thoracicum ductum, ac subclaviam tot inter oppositos aggeres, atque obvia passim molimina profectio, excursus, meta? *Chyli*, inquam, *Chyli*, si enormem illam temporum siccitatem expendimus à nativa sui qualitate degeneris prorsus, eâ nempe orbatæ portione feri, qua sine nec miscibilis ipse cruori, nec ire, ac remeare vias par est, per quas excurrere debet, ac pergere.

XXXI. Effingat sibi quisque magnum antè oculos amnem, è quo innumerabiles rivuli exoriantur, qui in alios subindè exiguos amnes, mox in unum tandem unà omnes, ac majorem alveum coeant, exonerenturque. Ut pulchrum, ut jucundum visu est, purissimos modò, ac limpidissimos latices cernere ingenti flumine præterfluere, suborientes hinc rivos circumjectam planitiem amæno spectaculo irrigare, variisque flexibus, nullo interposito obice, illabi, quò in unum

deindè amnem unà omnes evadant, ubique fontibus suis similes. Fac cænosum quidpiam leniter labentibus aquis commisceatur, aut aliud quodpiam solidioris naturæ, puta, trabes, ligna, saxa, quod placidè manantium lympharum alveum turbet; Ut illicò aut exūdare aquas in oppositam ripam, aut easdem ad diversa amnium divortia sistere veluti gradum, ac stagnare videbis, exsurgente lacu, ubi antea tellus erat, ac viride Solum. Idem prope obtingit Chylo, ubi crassioribus moleculis refertus, deficiente ut potè fero, quod crassa diluat, eumque sanguini miscibilem reddat, ineptus, ac impurus idem obvia subit offiola, ac degener omninò factus Thoracico ductui sese insinuat. Quot enim concipere est futuras tot inter vasorum plexus, ac angusta viarum præterlabentis liquidi stases; quot in tam prolixo itinere remoras, obicesque.

XXXII. Hæc una quidem, ac præcipua febrium intermittentium causa; Una hæc, ac genuina crudelium adeò ventris cruciatuum, totque passim ægritudinum, quarum sub larvâ, ac simulato vultu ejusmodi febres ludebant, incunabula, ac incrementa: Uno proinde iis omnibus eodem ense, ac more subigendis, ac edomandis. Ut ab probo, ingenuoque Chylo probus, ac ingenuus sanguis efficitur; Sic ab improbo eodem improbus quoque cruor emergit, ineptus scilicet, cum pereunando circulo, tùm nutritioni partium, quæ summa sanè res est, ac reliqua inter œconomiae animalis munera præclarum magis, & majoris momenti. *Tantæ* adeò *molis erat* tam ingentem instrumentorum apparatus effingere, quæ
tanti

tanti ponderis opus absolverent! Non hîc quippe advocandum ullum in scenam *acidum*, non *pituita* præter modum viscida, non *fermentum* aliquod, aut *duumviratus* humorum, non *Archæus Helmontii*, aut *Lemures* indignati *Dolæi*; Quæ quidem pituita, seu materies in venas effusa, & partibus spirituosus sanguinis permixta potis sit tot excitare turbas, ac febrilem tempestatem inducere? Hæc & similia aberrantis ingenii somnia *Etmullero*, *Sylvio*, *Villisio*, *Dolæo*, eorumque affectis sibi pro lubitu effingenda, ac excogitanda, facile concedam, ut potè qui ea tantum mihi retinenda dudum constitui, quæ in magno Naturæ libro ediscere est; quæ rationi, & *experientiæ rerum magistræ* consentanea video, minimè verò ea, quæ vanæ hominum mentes somniarunt. Veram utique intermittentium febrium, multarumque hinc ægritudinum, quæ aut illis præludere, aut iis obsequi advertimus aliquando, causam, ac genuinum fomitem in ventriculo, ac intestinis tenuibus colloco, tùm cæteris, quæ iis propè adjacent, partibus magno Chylificationis negotio inservientibus; Quin acidum, aut fermentum quodpiam mihi effingam ibidem hærens abditumque, decantatum adeò, invisum hæctenus. Tantum nimius sectæ amor, condendorumque systematum inanis ambitio potuit suadere malorum!

XXXIII. Profectò si liquida expendimus in maximâ illâ siccitate temporum sero orbata, æstuantemque adhuc intrâ præcordia cruorem animo cogitamus; si memoriâ recolimus ante actas superiorû annorum ægritudines, ab præfervido sanguine ortas; si luctuo-

sam illam rerum faciem calidam impēsè, ac siccam nobis iterùm ante oculos ponimus; Si alimenta denique, quæ vescebantur incolæ è terræ sinu deprompta, olera, ac fruges, tùm ipsas animalium carnes præ ariditate Soli exsuccas veluti, ac penè aridas in mentem revocamus: Liquidò constat magnam jam tùm impendere liquidis jacturam, majorem longè illam futuram ad primos inclementis Boreæ flatus, statim ac obstipatâ penetrabili Aquilonio frigore cute captiva intus fluida, adque *concretionem*, ac *stasin* heù prona nimis, hyemis acerbitatem sensissent. Ni fortè, quod secùs evenit, adproperans Autumnus, madefacto lætis imbribus Solo, mitioreque redditâ aeris temperie temperamentum quoddam periclitantibus rebus præbuisset; quo minus occurrerent, quas timebamus, feri jam prope inertis, ac viscidæ congestiones in vasis lymphaticis, venarumque extremitatibus; Nacta hinc libertatem liquida, ac soluta vinculis, cumque illis vicissim consentientia solida datas æquilibrii leges ad amissim obtinerent, ac observarent.

XXXIV. Secùs tamen, ut dicebam, evenit prorsus; Autumnus namque successit, nunc ingenti inopinato æstu, qualis ne superiore quidem æstate sævierat, præfervidus maximè, nunc repentino extemporaneo frigore pergelidus admodum, quanto heù fluentium per corporis abdita, *cæcosque meatus* dispendio liquidorum! Quanto itidem solidorum unâ conspirantium detrimento! Vestros revocate animos Subalpini Medici ad præteriti nuper anni, tùm præcedentium duorum annorum memoriam,

quorum ego hystoriam fin minus eleganter, ac doctè, summâ saltèm fide, ac diligentia, quod in historica potissimum narratione expetitur, conscripsi. Expendite cujusnam indolis aderant tunc temporis liquida, quoque eadem more ad Hyperboreas præmaturo flamine erumpentes auras sese habitura forent: Conjiciet hinc nempe vestrum quispiam, quæ aut tunc cudebantur erupturæ brevi, aut sævire jam tunc cæperant per universum Subalpinorum tractum, ægri tudines; Atque hinc etiam præsidia facile adinvenire erit, quæ proficua extitisse dein temporis eventu adnotavimus. *Sapientis est afferre malis remedia; Futura prænoscere, ac velut è specula prævidere, Divinum.*

XXXV. Æquum est modò ejusmodi febrium expensâ intimè, ac perlustrata genesi, earundem ulterius genium, ac typum delineare paucis, tunc quibus usi sumus, auxiliorum genera ad illas profligandas, abigendasque enarrare; Antequàm ad cæterorum affectuum historiam progrediar, quorum ut idem cum exaratis febribus ortus, eadem quoque aderant, saltèm vix discrepantia, phænomena, quibus manifestabantur. Statim hæ igitur, ac prima ferè accessione, intermittentium morem, ac vultum præ se ferebant, si postremum tantummodo stadium excipias, quo eadem solent quâlibet vice, ingenti oborto sudore, judicari. Non nullis de tertio in tertium diem, Plerisque ad singulos dies febris recurrebat, plenâ tamen inter duos quosque paroxysmos intercedente apyrexia. Quandoque etiam continuas æmulari videbantur ob longiores, & duplica-

tos paroxysmos; Vix paucis per autumnum in acutas periculosas desinisse visæ; Per hyemem verò, & reliquum anni multis, ac potissimum æstate. Lingua omnibus ferè alba; Urina turbida, & impensè rubens; Dolor capitis ingens, atque assiduus cum inquietudine quadam totius corporis; Pulsus lenis ac obsequens, nec inchoante febris citatus nimis, nec properante ad statum illa elatus magis; Vix exiguus sub finem accessionis sudor; Tormina quibusdam abdominis sæva admodum, dirio remque, ac ipsamet febris, tragoediam ludentia, nec facile desinentia eadem, quin imò exhibitis anodynis, oleosis, purgantibus invicta magis, atque iracundiora. Nullus initio vomendi conatus, nullum vel levissimum nausæ vestigium, nulla prorsus oris amarities, consueta olim febrium proludia, earumque comites. Non nunquam commutabantur invicem quotidiana intermittens, ac tertiana simplex sic dicta, subludebantque vicissim. Atque tum quidem, cum hoc illæ pacto errassent dudum, in acutas demum Vere plerumque, ac æstate degenerabant, celeri ægrorum fato, nisi in doctum, prudentemque Medicum bona sorte patiens inciderit.

XXXVI. Sæpe hinc memini hæce, ut malignas, statim, ac omnimodam continuitatem simulare videbantur à plerisque tractatas fuisse, cujus imaginariæ, & commentitiæ malignitatis de causa, innumera hi præscribentes alexipharmaca, calida, volatilia, & mille id genus inter se pugnantia remedia, quod præcavere crediderant, periculum advocabant. *Quot heu simiola hæc malignitatis, ut ver-*
bis

bis utar Clarissimi *Baglivii*, jugulavit, quos facile erat ab interitu vindicare inspectâ mali origine, ad quam, tanquàm ad Polum, ac Coeli verticem dirigi omnis debuerat Medentis cura! Naturæ scilicet oraculis, & *Magni senis* præceptis auscultandum, quæ si attentius excolerent Medicorum filii, haud equidem eveniret unquam illos adeò turpiter hallucinari, naturæ morbi tribuendo tot gravia passim symptomata, quæ rectius soboles sunt depravatæ methodi, tracto nimirum in consortium necis, qui idem insons etiamnum erat, sanguine, præpostero usu remediorum.

XXXVII. Sanè si earundem februm tum maximè, cum intermittentes esse desierant, inque acutas migrabant, indolem propius spectabamus, & morem; quidquam adhuc observare erat, quod etsi intimè latens, occultumque prorsus, prioris morbi ingenium referebat, ut ferè idem adhuc oculatioribus videretur alterius larva ludens, cujus ille personam induebat. Videre erat sin minùs in oculis, ore, ac vultu ægrotantium, in ipso saltem febris circuitu quidpiam, quod præsentem adhuc veterem febrem significabat, eodem illam confodiendam gladio, quo hætenus subigi ejusmodi febres solent. Quodve mirere magis; nedum exaratae febres, tum quæ typum intermittentium toto sui decursu observarunt, tum quæ in acutas abiere, aut ejusmodi ab initio extiterant, aliqualem adhuc tamen præfatis intermittens morum gerentes, iisque quodammodò obsequentes, hac methodo felicissimè tractabantur: Sed & ipsæ quoque, in quibus nulla ferè intermissionis vestigia unquam præluxere,

hoc eodem more citissimè, ac tutò jugulabantur. Citissimè quidem, quævis namque hac in re mora, aut dilatio periculosa, quæ perniciosos sæpe effectus protulit.

XXXIIX. Postremæ hujusce indolis aderant, quæ *Januario*, ac *Februario* mense prodierant, deletis tum penè, saltem delitescens hactenus memoratis febribus, quæ anteacto Autumno subluferant. Hisce primo tantum, aut secundo accessu levissimus horror præcesserat. Sæpe etiam nullo, ac exiguo quidem præludente horrore irascebantur, atque ita decurrentes quasdam tantummodò diebus imparibus exacerbationes sustinebant, ut reverà quid in iis tertianarium circuitum redolens suspicari fas esset, etsi primo adspectu nihil omnino hujusmodi appareret. Nec difficile quidem erat harum originem explicare memoriâ recolenti, quæ foret liquidorum per Autumnum conditio; quis unà invicem oscillantium solidorum flatus? Nil inde mirum, si quæ vigente frigore intermissionis tantum signa protulerant, silente mox Boreâ, ac præmaturo æstu excandescens, intus cohibitis diù, obque ingentem resolutionem propriæ humiditatis, ut antiquissimo verbo utar in hac parte, exustis succis, ac bile præsertim, quæ sanè in naturalis Oeconomiae Theatro principem vicem obtinet; eadem ipsæmet febres in acutas dein abierint, aut tales sese ab initio ostenderint, ceu fieri passim videmus media æstate,

Arida cum sitiens excoquit arva Leo. Observare erat subcontinuas hæc febres, (sic illas vocare lubet ob continuitatem paroxysmorum) etsi nullo ple-

plerumque horrores præeunte vestigio subluderent, quidquam tamen præ se ferre molestum ægris, quod quidem citissimè evanescebat, ingenti succedente æstu, qui idem & sese celerimè expandere videbatur, & intimiores quotquot recessus, atque ipsa adeò præcordia momento temporis pervadere; ceu pici, & resinæ evenire novimus, dum succenduntur, quæ licet crassam habeant compagem, ocysimè inflammantur.

XXXIX. Idem erat tùm harum, tùm quæ iis proluserant, febrium ortus idemque apparatus, etsi pro varia æris temperatione intermittentium modò indolem æmularentur; modò intermissione paullatim deperdita ad acutas tenderent; modò omni relicta intermissionis effigie subcontinuarum morem præ se ferrent. Utque brevi me expediam; Exarata succorum crassities, ut focum, ac incunabula intermittentibus febribus, quæ primò in scenam prodierant, præbuit, eadem cæteris incrementa dedit, cum primum remitti frigus hyeme capit, verisque hæc potius, quam hyemis speciem referre. Totum adeò quod metuendum erat maximè, ab crassitie, ac inertia succorum, ac bilis potissimum, ut hanc unam pro cunctis afferam, vitellinæ ut ajunt; prassinæ, æruginosæ pendebat, cujus haud obscura vestigia petere erat ab ipsis excretis, jam tùm quidem, cum coercita hæc adhuc ab ambientis frigore, nec irasci potens, ac suoapte ingenio excandescere, febres tantummodò intermittentes adtulerat. Quantum verò ejusmodi humorum excretio, siue sincera, siue variegata sit,

Medicis faceffat negotii, norunt Practici; Quotiescumque enim apparuerit illa, dat semper ansam suspicandi aliquam pravitatem subesse, quæ morbum reddit non contemptibilem, etsi alioqui mitem, quod & Hippocrates docuit.

XL. Mites utique aderant, quando intra intermittentium limites constiterè, etsi minimè contemptibiles memoratæ febres facili tùm Marte superandæ; Ubi verò sævientibus inopinatò Austris in subcontinuas eadem degenerabant, aut ab ipso statim sui exortu toto penitus coelo ab intermittentibus distare videbantur: Quibus hinc quæso artibus enitendum, quibus occurrendum præsidiiis, vi quorum ægri ab imminente exitio tuto possent evadere? Nullus hinc induciis locus; Nulla hinc Fabio spes, quâ cunctando possit restituere rem. Talis siquidem adest ejusmodi succorum natura, & conditio ut nullam ferant, advertente Mercato celeberrimo suorum temporum Viro, & duorum Hispaniæ Regum Philippi Secundi & Tertii Protomedico, in exhibendis auxiliis moram, cum certum sit nullum posse beneficium, gratiam, aut coctionem à natura recipere; imo, ut inquit Averroes 3. collect. corrumpant formam specificam illius. Magna cæterum remedia ex mente laudati Authoris, qui perniciosarum hujusmodi febrium ab crassis, adustisque succis originem ducentium descriptionem æquè, ac curationem distinctam pro viribus illius seculi incomparabili sedulitate complexus est, hinc nullum ferè locum habent; Etenim si de purgatione sit sermo: cautè id facies, inquit Vir doctissimus, siue enim purges,

ges, sive secus, periculo res non caret; Quippe scimus vel levissimis pharmacis gravissimas accersiri dysenterias, quod si has effugias, contabescet laborans. Quod utrumque nos in diversis passim ægrotantibus nuper adnotavimus, ac speciatim in nobilissimo Fratrum pari ejusmodi ingenii febribus eodem tempore laborantium juxta templum Divæ Mariæ Consolatricis Patrum Reformatorum Sancti Bernardi, quorum alter natu major exhibito pharmaco purgante, quod idem horrendas paucis ab illius exhibitione horis secum catastrophes tulit, in habitualet febrem incidit nullo deinceps auxiliorum genere exorabilem, decennis alter gravi ac diuturno alvi fluxu conflictatus est, unâ cum magnis, sævissimisque ventris cruciatibus, à quibus tandem variis adhibitis remediis, ac præsertim acidularum potu Iaveni haud procul ab Alpibus limpidissimo fonte emanantium, summæ in hujusmodi dysentericis, cæterisque alvi affectibus ægrotantibus utilitatis, ad quod etiam ipsa mutatio soli haud parum tulit, incolumis evasit. In his febribus (ab hypochondriis ortis, ac Melenterio) Barbari etiam, qui cæteroqui facile purgantibus utuntur, à purgationibus abstinere. Matth. Giorgi Ration. Med. pag. 141. Idem prælaudatus Pifo, Ballonius, Duretus, aliique plures adverterant. Si verò de Sanguinis missione loquamur ægrotantes hujusmodi subdit supra memoratus Mercatus, tale præsidium non innoxie ferunt, & plerumque à sanguinis missione continua evadit febris. Ego quidem hanc adeò noxiam minimè expertus sum in iis præsertim febribus, quæ continuarum

morem magis æmulabantur; quin imò largâ dosi, plenoque fluente emissus sæpè initiò sanguis auspiciatissimè cessit, nec quempiam novi hoc remedii genere, opportunè, cùmque illud natura exposceret, celebrato, sublatum. Sæpè etenim parandus hac methodo erat aditus auxiliis cæteris, ac horum Principi, quod mox proferam, si quâ anni constitutione, quoque in morbo expetitur magis, in hac sanè opportunum maximè, ejusque indolis febribus accommodatum.

XLI. Equidem uno Peruviano cortice (Is scilicet erat præstantius auxilii genus) tùm quæ primò illuxerant, intermittentes febres, tùm ab iis ortas, aut iis analogas cæteras, quæ caput passim extulerant, subigi penitus, nec reviviscere amplius meminere, congruâ quidem dosi, tum debito more, administrato. Verè aureus arbore ramus, qui furente sparsis quaqua versum fluctibus torrente procellæ impetum sifteret, excandescentes succos compesceret, vimque morbi retunderet, ac cohiberet. Verè Polichrestum, ac prope dixerim, Divinum remedium, cui utinam simile quidpiam ad alios morbos possideremus. Sed paucis demptis, ut ait Vir Clarissimus, ac toto orbe celeberrimus Franciscus Torti, Serenissimi Ducis Mutinæ Archiater meritissimus, quorum virtus certa est, & utilitas evidens, ars nostra medicamentis superfluis alioqui ditissima, bonis, certisque, quæ innotuerint, caret, imò forsitan ob hoc ipsum est inops, quia inutilibus superfluit.

XLII. Magnam sanè hisce Paginis laudem, ac lucem Præclarissimi Viri nomen impertit, cui & ego, quòd peramanter me diligit, meaque

ab illo primitias studiorum, quæ in lucem edidi, commendari plurimum sciam, ac summâ humanitate excipi; & omnis unâ mecum universa litterarum Respublica multum debet. Atque eò quidem magis me illi obstrictum profiteor, quod me minus olim doctè sentientem de hoc admirabili febrifugo, imò forsan & injuriosè nimis de illo locutum, utpote qui *in verba Magistri* omninò jurabam, benignissimis literis, tum muneribus ignotum ac immeritum hominem prosequi dignatus est, atque omnibus benevolentiae officiis complecti; Quò tandem, tum propriis observationibus edoctus ipse, tum ingenti rationum pondere convictus, quibus laudatus Vir Corticis innocentiam adversus quosdam meticulosos, vel præjudiciis imbutos, quibus, pauci sint licet, suspectus etiamnum redditur chinæ chinæ usus, tuetur; errorem ipse meum agnoverim, ac ultrò fatear modò: Incertus, cujus in laudem potiore jure effundi debeam, corticisne, an illius Patroni, strenuique propugnatore. Quædam scilicet laudis pars est, errasse aliquandò, confiteri errorem, inque viam reduci magnorum virorum consilio, ac doctrina!

XLIII. Ne verò quis me putet vana loqui, lubet methodum, quâ cum ego, tum alii plures præstantissimi hujusce Civitatis Medici in hujusmodi naturæ febribus curandis usi sumus, fusiùs exponere, eamque non nullis curationum historiis, ac practicis animadversionibus illustrare. Utque ab iis ordiar, quæ ingruente hyeme perniciosum characterem induerant, utpote quæ nedum securitatem præsidii, sed celeritatem exposcere

videbantur magis, quàm cæteræ, quæ superiore Autumno proluserant: Consultum iis erat, Corticem ab initio protinùs exhibere; febrile hoc more fermentum, ut cum vulgo loquar, quodcumque illud sit, vel exiguum prorsus, ac inconspicuum, vix editum illud edomando statim, ac subigendo penitus, ne elatum magis, evectumque nimis, ac furens ingentes deinde tumultus induceret, quibus compescendis nulla postmodum artis præsidia sufficerent. *Quodcumque* aio fermentum illud sit, tum quoque in angulo latens, occultumque. Non enim hìc tot inanes conjecturas repetere subit, quas hac in re innumeras excogitatas scio, ac quotidie adhuc excogitari ab iis, qui artem suoapte ingenio ab vulgi studiis abhorrentem incertis & plerumque falsis opinionibus sædarunt. An *stagnans* aliquid, quod egeat moveri; Num *fixum* quidpiam, quod expetat exaltari; An quidquam *exaltatum*, quod exigat deprimi; Num quid intemperstivè *influens*, quod debeat inhiberi; An denique *obstructum* quid, quod indicet referari? An *intrà* sanguinem rursus constituendum illud sit, vel *citrà* sanguinem, vel *ultrà*? Nos hæc linquimus agitanda iis, qui lites amant, nubemque hinc sæpe (Dispereat hìc quidem obtrektor ille, cui ea displicent, quæ politioris literaturæ cultoribus arrident magis) pro *Junone amplectuntur*.

XLIV. Illusit mihi aliquandò, cum Icaro ausu febrium intermittentium causas exquirere, illusit inquam mihi Phantasma quoddam (sic ego voco ludentis ingenii aereos incertosque volatus medio sæpe in itinere col-
labef-

abescentes) quod quidem, utcumque somnium fortasse videbitur nonnullis, referre haud piget hic loci. Num scilicet in toto potius *Mesenterii* ambitu, aut illius centro constituenda foret hujusmodi minera febrium, ubi tanquam in emporio quodam, proprioque delubro delitescant, statim subinde horis erupturæ, magnas secum una afferentes turbas, *catervamque malorum*? Si Cartesio immortalis Viro, ejusque affectis placuit incorporeum, ac immateriale principium nobis Divino munere concessum, verè *Divinæ auræ particula*, nullis illud obstrictum corporum legibus carceri mancipare suo, captivum ducere, inque vincula conjicere; Æquiore ne jure haud licebit principium materiale illud, febrium authorem, atque parentem, uno verbo, focus, ac materiam febrilem eo in loco constituere, ac collocare, per quem omnis generis vasa discurrunt, perreptantque, milleque effingunt gyros, *itiner a mille*, viarumque flexus innumeros? Nùm aptior hæc febribus scena, quàm alia quæpiam hætenus excogitata? aptior utique illa cæteris, ac convenientior; sive intrà sanguinem cum *Villisio*, sive extrà illum cum *Sylvio*, sive denique in nervoso latice cum *Guil. Cole* earumdem fodina contineatur? Hùc venæ, hùc arteriæ, hùc lymphæ ductus, hùc lactea, hùc inspersæ ubique glandulæ, hùc nervei funiculi, aut si mavis dicere, nervorum rivuli eleganti ludunt spectaculo. Nùm quod de *Pancreate* suo commentus olim est *Sylvius*, idem nobis comparatum de *Mesenterio* effari, longè profectò faciliore, & clariore suo, quàm ibi, tum symptomatum om-

nium, etiam infrequentiorum, tum ipsorum quoque circuituum explicandorum ratione! Haud exiguam sanè hisce lucem, si quid ego hic judico, præbere videntur memorata illa ventris tormina, quæ toto ferè anno unà cum exaratis febribus, quandoque etiam nulla comite febris, quodve mirandum magis, periodicarum febrium instar recurrentia, longè latèque sævierunt, cunctis invicta telorum ictibus, præterquàm uno *cortice Peruviano*.

XLV. Videmus ab ulcere, & abcessu *glandularum Mesenterii* febres lentas & continuas fieri, quæ prius glandulis iisdem tumentibus tantum, & obstructis intermittentes extiterant. Videmus suborto in pede tuberculo, & tumefacta subinde glandula in inguine diariam febrim exoriri, quæ dubio procul periodica fieret, si periodice recurreret ejusdem glandulæ tumor: Quidni igitur per analogismum quendam haud licitum erit eruere, aliquà ex glandulis mesentericis insignioribus ita viscido infarcta glutine, ut omnem, vel ferè omnem chylò, & lymphæ illac fluentibus ultra se cisternam versus progressum inhibeat, totum vas illud lacteum, quod ab intestinis ad glandulam illam protrahitur, chylò stagnante intumescere, pariterque lymphaticum inferens integrum, quod in eandem inseritur, ab exortu suo usque ad eundem terminum, lympa sic similiter stagnante, utpote exitum non inveniente, repleari; Exoriri hinc febrim, ac statas quasque periodos, ceu ad regulam quandam, emetiri, prout nempe glutinosæ hujusmodi obstructionis alterna reclusio, atque occlusio contingit, cujus mechanica ratio non est hic loci.

Quantum verò visciditatis, glutinis quantum perreptans, cum ubique per abdita corporis, tum in hac potissimum parte lymphæ, atque hinc cætera quæque fluida humani corporis hac tempestate contraxerint, obvium est animadvertere recogitanti cuipiam, ac recolenti animo, tum superiorum anorum, tum labentis indolem, ingeniumque. Quàm facile hinc per dissita locorum, viasque varios in gyros convolutas contendens influens quicumque humor, si aliquo lentore peccet, iisdem in locis obstructionem producere potest, lentoremque, ac stagnationem mutuam ceteris per eosdem trames decurrentibus liquidis impertiri? Quot quæso nascentibus morbis huiusmodi glandularum mesentericarum infarctus prolusit, aut eosdem diù latentes, occultosque, idem fovit, condiditque sinu, quo usque, ceu disiecto aggere, foras eruperint, eò vividior conatu, quo diutius iidem delituere? Num præcipua hæc ipsa sedes hysteriæ insultuum, affectionum hypochondriacarum, Phthiseos chylosæ, cuius exemplum unum atque alterum observare mihi hoc ipso anno contigit, Rachitidis, Scorbuti, Atrophie, ac sexcentorum ferè morborum; quorum fera Symptomata novimus, incunabula verò nos omnimodè laterent adhuc, nisi hæc illustriora, ac præclariora in dies efficeret magister in morborum causis eruendis optimus culter Aatomicus? Nec Indorum morbus à Jac. Bontio descriptus, hicque familiaris omnino reticendus, eos ad atrophiam deducens, in quibus post sectionem aliquando totum mesenterium occurrit absumtum. Referenda & huc quoque fortas-

sis est *tabes Anglorum* ab calidorum, ac spirituosorum nimio abusu, quibus summoperè rebus Natio illa toto divisa orbe oblectatur, proficiscens.

XLVI. Equidem, si harum febrium tum intermittentium, tum subcontinuarum minera, ut ajunt, in primis viis, ceu plerisque videbatur, extitisset, haud video, cur repetitis illa cathartici haud obsequebatur, educta hinc purgante medicamento materiâ omni exoticâ, quæ febrim pepererat. Atqui ab purgantium usu contumaces hæc magis evasisse compertum, quandoque etiam ex intermittentibus in acutas periculosas migrasse, quas dein aut diuturnus alvi fluxus cruentus, aut diarrhœa sæpe chylosa una cum totius corporis emaciatione subsequeretur, proludentibus passim diris ventris cruciatibus; Qui iidem si diutius perseverabant, *Phthisin* brevi inducebant, de quâ superiore paragrapho verba fecimus, præfatæ diarrhœæ, aut alvi fluxus filiam, quo in limine conclamatum erat: ut nos in duobus ægris adnotavimus, quorum alter juxta *novas ædes Fratrum Carmelitarum*, alter propè *forum olitorium* decumbebat, quâ fornix viæ antiquissimus spectabatur, cui *rubri coloris* nomen, nuper in triumphali Nuptiarum Regionum Pedemontii Principum apparatu, ne inter nocturnos festivos ignes Aulæ prospectum Fori, Foro prospectum aulæ invideret, ut in præclaro monumento legitur Posteritati commendato, ab Providentissimis Patriæ curatoribus dirutus, ac solo æquatus. *Phthisin* illam voco, quod si ægrotantium habitum, ac faciem inspexeris, vix illos ab iis, qui verè *Phthisici* existunt, aut ne vix quidem distin-

distinguas: vera autem morbi causa, ac præcipua sedes in *Mesenterio* potissimum delitescit, infarctis universis lentore glandulis, ac propè jam in strumoso statu degentibus.

XLVII. Elucet hinc Sole meridiano præclarior ejusmodi febrium tum præcipui illarum, quod idem sæpè etiam iis absentibus subludebat, symptomatis, dirorum nempe abdominis cruciatuum fomes primarius, ac propè dixerim, natalis locus. Harum olim meminerat *Ballonius* Vir Doctissimus in morborum notis explicandis, eorumque origine, ac *occasionis initio* revelando nulli secundus, quæ in diros ventris cruciatus *colicos dolores mentientes* plerumque designebant; Nec diffitetur idem procul ab mesenterio quærendam haud esse illarum sedem, ac fomitem. Sæpe adeò nosse est prioris morbi indolem ab symptomatis naturâ ac ingenio, quod aut illi præludit, aut unâ cum illo sævire videmus diviso velut inter utrumque imperio, ac potestate irascendi. Neque inficior sæpe etiam ab aliorum quoque viscerum, Jecoris v. g. Pancreatis, Lienis, glandularumque omnium per imum ventrem, ac universum tractum intestinorum denso agmine delitescentium infarctu intermittentes febres ortum ducere, haud tamen infonte unquam *Mesenterio*, in quo scilicet tanquam in ampliore Theatro ludere suo Marte queunt ejusmodi febres, ac quam hæc cumque velint larvam induere. Conspicuum id magis fiet, si quem illi usum, ac munus tribuit Præclarissimus, ac amicissimus *Morgagnius*, mente recolimus; videlicet, ut sanguini per mesentericas venas ab inte-

stinis ad hepar ascendenti multas in transitu ex iis, quibus copiosè ornatur, adiposis cellulis particulas oleosas pro separatione bilis admisceat. Confirmant assertum cadaverum lustrationes, in quibus plerumque bile atroflavâ turgida vesicula fellis occurrerat, defectu nempe illius olei, quod in statu naturali unâ cum sanguine per mesentericas, quæ sese in portam exonerant, venas hepatis suppeditantur; Non nullis totam lapillis repletam invenimus intus forisque ita nigricantibus, potius ut carbones, quàm calculi esse viderentur. Hosce quidam ex iis, qui præsentibus aderant, aderant autem quam plures rerum Medicarum, ac Anatomicarum studiosi; observationis confirmandæ percupidum, nùm hi scilicet igni admoti flammam conciperent, adque extremum usque alerent, lucernæ admovebant, sed leves quidem crepitus edidere, flammam autem non servavere, quod peculiari vitio ejus, in qua concreverant, bilis accidisse arbitror. Nos equidem id ipsum olim aliquoties experti sumus, ac penè totos comburi advertimus, quorum plures etiamnum in Musæo inter rariora mea conservo, qui & flammam alunt & omnia ac olim observanda adhuc post multos annos præbent. Subit hic historia satis curiosa viri cujusdam Religiosi, qui præcedentibus acerbissimis ventris cruciatibus quatuor demùm exiguos ejusmodi calculos per alvum dejecit; quâ de re, cum varii varia proferrent, quidve essent, & unde essent, haud facile intelligerent, ego illos è cholecho ductu in duodenum delapsos, atque hinc per alvum favente motu peristaltico exturbatos contendere, quod

igni admotos comburi illos adnotaverim, teste *Bidloo*, tùm aquis immerfi iisdem innatarent, docente *Fernelio*, secùs ac iis, qui de vesicâ urinariâ extrahuntur, cæterisque, qui passim variis in locis generantur, lapillis contingit. An autem Jecur primò affectum fuerit, an Mesenterium, ipsa morbi indoles, ac ingenium manifestabit; Qui namque morbus à Mesenterii vicio proficiscitur, rarò Catharticis cedit, sæpè etiam, ut adnotavimus, exacerbatur magis, tùm tormina fecum unà adfert, ac cruciatus ventris immanes, inque atrophiam tandem, ni caveatur, degenerat; Qui verò à jecore procedit, non nisi catharticis frequenter usurpatis expugnatur, nullo ferè, aut vix exiguo ventris cruciatu stipatur, inque colluviem plerumque serosam, si diuturnior extiterit, desinit. Sed tamen fortasse de hac re fusiùs loqui continget aliquandò. Nunc verò ad aliud caput transeat oratio, quæ perquam satis in hisce immorata est.

XLVIII. Hos inter rerum fluctus præstantius, ut retulimus suprà, subsidii, genus ac sacra, penè dixerim, anchora *cortex* erat, sive intermittentis toto sui decursu typum febris retulerit, sive in acutam migraverit illa, sive eadem subcontinua ab ortu extiterit, sæpèque hinc obscura inter simulati velut circuitûs vestigia Medentes eluserit; sive denique nullâ præsentī febri toties exarata alvi tormina tantummodò desævierint. Nulla hìc advocanda sui generis materia, quæ catharticum suaderet, aut expectanda Medicorum scriptis celebrata adeò humorum coctio; ne fortè dum hisce totus incumberet Medicus vota

ferens *Natura*, evacuato purgantibus, quòd adhuc reliquum aderat, fero, aut datis inani cunctatione morbo induciis, altioribus actis radicibus malum ingravesceret, ac ut plerisque obtingit, in lentam febrim, ac in maciem denique infausto exitu transitum faceret; præcluso nempe omni itinere chylo, aut si quis adhuc aditum sibi per oppositos aggeres aperiret, viscido eodem, lento, ac inertī propè sanguini occurrente, nullo prorsus pacto misceri apto cruori, inque nutrimentum rorem secedere. Duas scilicet ob causas extenuari sensim corpora videmus respectu succi nutritii, cùm is nempe aut liquidus minùs, quàm par est, alendæ parti occurrit, aut exoticis moleculis refertus, quo fit, ut ineptus nutritioni, seu minimè assimilabilis idem evadat; defraudatæ hinc æquo alimento partes emacientur sensim, ac contabescant. Etsi enim idem ipse nutritius humor in *rorem*, *gluten*, ac *cambium*, ut veteres aiebant, accessat, opus sit, totque adeò subeat *metamorphoses*, antequàm nutriendæ parti assimiletur: glutinosus proinde evadat necesse sit, ut firmiter magis adhærescat, ac solidi vim, ac robur obtineat; Si verò is minùs jam naturâ fluxilis ad partem, cui comparatus est, accedat, conicere est, non eum ampliùs acquisiturum glutinositatis gradum, qui necessarius est ad hoc, ut parti similis fiat.

XLIX. Quod si impar idem obvios superare obices, perque infarctas lentore glandulas, obstructasque vias excurrere, regurgitare hinc, ac mutato itinere, revocare gradum coactus erit, perque eadem, quæ jam subierat ostiolâ, sese in intestinorum cavo

recipere, & qua data porta una cum alvinis fæcibus exire, unde diarrhœa plerisque chylosa, mox phthisis inevitabili fato successit. Huc scilicet tandem casura morbi alea, ni periclitantibus rebus opportunè cortex subveniret. Ut latens venenosior in herba anguis, ita & majus in mora periculum.

Ægrotus Primus.

Eximius Jurisconsultus initiô Autumni corripiebatur tertianâ simplici, cum paucò tamen rigore invadente; declinante febre conatus mox ventris acerbissimi subludebant, toto demum Apyrexia intervallo perseverantes. Exhibito medicamento purgante tertianæ duplicis typum febris obtinuit, visaque ventris tormina exasperari magis, ac diriora eadem evadere. Fetus adhibiti ex lacte, clysteres emollientes additâ theriacâ recenti, diluentia, paregorica mitiora, & his similia. Monebam ipse, ut statim cortex præscriberetur, quò sine magnam impendere ægrotanti viro jacturam prævidebam. Difficilem tamen assensum præbebat Medicorum alter, qui ægrota-
tioni præerat; Cùm verò omnia in pejus ruere cerneret, sponte tandem, cùm fortè illum sub vesperam inviseret, corticem semel, atque iterum exhibuit modicâ dosi. Manè eadem, quâ consueverat, horâ febris repetiit, lenior tamen, tùm miuùs sævire cœperant alvi tormina, quo dein corticis usu æger perfectè convaluit.

Ægrotus Secundus.

Judæus post febrem primò validam,

mox lentio-rem, atque diuturnam, insuper diarrhœam contraxit, quæ postmodum in dysenteriam migravit, eadem durante febriculâ. Demum dysenteria rursus in diarrhœam conversâ, cæpit simul febris typum manifestum acquirere tertianæ duplicis intensioris. Hæc autem febris in invasione sua soporem simul adscivit admodum profundum, quo circa declinationem accessionis evanescente stupidus, attonitus, & immemor ad plures horas æger remanebat. Quæ cum ego sedulò animadvertissem, jussi Medicò curante annuente admove-
ri occipiti vesicatorium, ac mox corticem Peruvianum largâ dosi exhiberi. Et ecce statim imminuto paroxysmo, oblationem validiusculam corticis subsequente, alteroque prorsus inhibito, symptoma ipsum soporis simul evanuit, quare brevi à febre, à lethargo, & à diarrhœa liberatus est Æger.

Ægrotus Tertius.

Sacerdos jam proximè octogenarius febrem tertianam patiebatur adeò absconditam, adeòque latentem, ut ea potius ex acerbissimo ventris cruciatu cum obscura quadam extremorum frigiditate, quàm ex ullo caractere magis proprio distingueretur. Diu ipse incertus hæsi, an symptoma istud pro vero morbo haberem, eique occurrerem appropriatis remediis, nondum scilicet probè conscius periodi tertianarii. Atqui suspicans simul quicquam aliud latere ob insignem pulsûs inæqualitatem, insuperque observans hujuscemodi cruciatus nihil habere commune cum colicis ita dictis doloribus

ribus præter doloris sensum, facile deprehendi doloris originem aliam esse ab illa, quam mihi effinxeram. Quâ de re ad corticem Peruvianum protinus confugiendum esse existinavi, pro inhibendo dolorifico, ut ita loquar, propè imminente paroxysmo, eò metuendo magis, quo debilis æger, ac senio velut confectus, par haud erat amplius diù mali sævitiam ferre; Libentissimè annuit, qui unà mecum aderat Medicus, ac statim propinato Cortice per ebullitionem in aqua Card. Bened. parato, brevi integram ægrotans valetudinem recuperavit. Huic quoddam surditatis, cùm jam è morbo convalesceret, vestigium supervenit, quod idem unà cum febre evanuit omninò.

Ægrotus Quartus.

Primarii Regis Architecti famulus ejusmodi ventris doloribus laborare cæpit, unà cum febre subcontinua, diarrhœa, siti magna, urinis subrubris, ac velut igneis, pulsu celeri, æstu, ac vigiliis intensis. Contractum manu abdomen percipiebatur, quidvè in profundo latens ægri relatu, quod sedem ipse mali vocabat, ac centrum doloris. Ad septimum usque subcontinuae morem febris obtinuit, quæ nec repetitis sanguinis missionibus cedens, nec diluentibus, fomentis, nec cortici ipsi postremò administrato, quin imò ad omnimodam continuitatem malignanter tendens delirium secum unà adtulerat, ferocesque artuum convulsiones, quarum haud obscura quidem indicia in carpis observare erat post quartam accessionem, cùm adhuc scilicet subcontinuae genium

febris servaret. Adstricta post septimam spontè alvus, irritata eadem vix pauca demisit, variegata, sincera, improba; Urinæ pallidæ, turbatæ, pulsus intermittens. Dimisso Cortice Vesicantia humeris, ac Tibiis admoda, diluentia iterum adhibita, camphorata, alexipharmaca, fots, sectaque iterum vena. Quibus nihil proficientibus medios inter acerbissimos ventris cruciatus, membrorumque subsultus, lecti fimbrias diducens, & flocos vellicans, sæpe etiam per vices singultu correptus è vita decessit.

L. Plerosque hujusmodi casus recensere possem, quibus denegatus cortex, aut dimissus idem, cùm adhuc largiore illum dosi exhibere opus erat, rem permisit in deterius abire. Ut ut enim vesicantia, ac sanguinis missio, quæ duo haud diffiteor tutiora extitisse hac constitutione post corticem præsidia, in iis potissimum febribus quæ acutarum indolem æmulabantur; viderentur recta adversus morbi genium pugnare, ut & repetita diluentia, ac fots, quorum eadem fermè ratio. Ea tamen nihil, aut vix parum quidem, nisi unà cortex administraretur, adversus morbi causam profecerant, quæ id namque præsidii efflagitabat, quo vegetior Chylus, vegetiore hinc quoque facto solido, impervia viarum facili marte pervadere, imosque recessus adire posset: uno verbo, properantia ad stasim, seu ad concretionem liquida, deficientia hinc pariter solida, fluorem illa, hæc vim, ac robur amissum reciperent, ad stas utraque æquilibrii leges redigerentur, vindicarentur ab infarctu glandulæ, expedirentur ab obstructionibus viæ, præcaveretur suprema, quæ imminabat,

bat, jactura; quod unum sperandum erat à *Cortice*. Equus indomitus, & effrænis, liceat mihi allatum hîc loci ab præclarissimo, nec unquàm satis laudato Viro exemplum, tùm ipsamet illius verba usurpare; Equus indomitus, inquit, quandòque est febris. Ab eo hominis vita trahitur, velut currus, quò fata finunt. Medicus moderator est, Aurigæ instar, lora tenens. Si vulgari utatur hic methodo in curatione febris, id aget tantùm, vel studebit agere, ut medium furens Equus teneat iter, ne in fovens hinc indè paratas obliquus feratur, Currumque, vel Hominem perdat; non verò impedit, quin cursum suum Equus expleat, usque quò illi suppetunt vires, & furor, non sine gravi metu, quò dum

Fertur equis Auriga, nec audit currus habenas,

Offendat ille tandem ad obicem aliquem, ad quem allisa, malè consistens facilè frangatur machina. Quod si chinâ chinâ utatur Medicus, id aget, ac si retracto magistrâ manû convenienter fræno, Equum vi sistat, aut retrogradum faciat, & hoc pacto totius incerti cursûs declinet pericula.

LI. Plerosque utique casus recensere possem ægrotantium, quibus malè cessit res, sive ludens adhuc tertianario circuitu febris derepentè in acutam transierit, sive haud deleto morbi fomite in lentam abierit, diuturniore quidem, at æquè infelici exitu, quod utrumque discrimen eludere erat exhibito opportunè *Cortice*. Dixi *haud deleto morbi fomite*; Quotquot enim hoc more lentâ ægritudine occubuerunt, secto Cadavere, Mesenterium compertum est summè putridum, plerisque etiam penè totum absumptum;

Tom. II.

non nullis sordido ulcere, aut exiguis adhuc abscessibus scatens, ceù totidem latentibus Vomitis, quæ procul dubio diuturnam febrim, ac mortem tandem adtulerant. Horum unum, atque alterum exemplum lubet commemorare.

Ægrotus Quintus.

Mercator quidam in *Vico D. Thomæ* florenti adhuc ætate, alvi torminibus exeunte hyeme vexari ceperat: inque dies magis, magisque dolor vim cepiebat: tantùmque aberat, ut hujusmodi doloris abditæ causæ comprehendi possent, ut numquàm ullis remediis tolli, aut saltem levare hoc malum potuerit. Comes aderat febris, quæ intermittentis diù vultum retulerat, atque tandem nullam ampliùs circuitûs legem observabat, modò etiam crudelior reviviscere videbatur; Quò urgente magis adhuc, quàm ut tolerari posset, dolore, extenuato propè, ac macie confecto corpore è vita discessit. Cadavere secto sana omnia reperta viscera, præterquàm Mesenterium, quò præcisò, materia multa nigra, sætensque profluxit, encausto sutorio similis.

Ægrotus Sextus.

Honestâ Virgo hospitalis Puellarum domûs, vulgò *dell' albergo*, in dolores Colicis similes, ac pro talibus habitos supremâ hyeme incidit, contra quos cum nullum remediî genus valeret, misella, febris quotidie cum rigore insigni repetente doloribus jam dictis associatâ, paucos post menses marasmo consumpta est. Dissecto

P p p

ven-

ventre ingens copia puris, quo totum mesenterium refertum, ac quasi turgidum erat, erupit. Hoc Natura per renes evacuare frustra tentaverat, urinis valdè purulentis profluentibus: Cùm renes interim integri, omni-que labe carentes conspicerentur, quos nonnulli ulceratos suspicabantur, idque non immeritò, cùm puris mi-ctus diuturnus teste *Galeno* 4. Aph. 75. renum, aut vesicæ exulcerationem significet. Verùm doloris circà renum regionem absentia suspicioni huic non attestabatur.

LII. Cæterùm nec in Mesenterio tantùm, etsi præcipua ibi extiterit morbi scena, sed & in finitimis huic quandoque partibus, hujusmodi infarctus occurrerant, quorum exempla recensere haud vacat. Tentabat siquidem Natura per ejusmodi abscessus in hac, aut illa parte erumpentes morbum solvere; At cùm hi in abdito adeò loco, imoque delubro contingerent, sequebatur hinc ab eorumdem disruptione totam unà partem putrescere, ac velut absumi. Febris hinc intermittens incunabula repetenda, nedùm factò, aut tentato abscessu; Ejusdem in acutam migrantis prologia, inchoato propè, ac confecto ipso; lentæ itidem, ac unà simul sævissimorum alvi cruciatuum incrementa, disrupto tandem, ac finitima quæque loca exundante. Primo in stadio facile erat propinato Cortice ulteriorem morbo progressum inhibere; Haud ita facile in altero, ni exiguus foret abscessus, aut glandulosa pars, in qua is delitescerat, haud ita diffita ab intestinorum tramite, ut in eorumdem cavo facili ne-

gotio posset exundans materies vasorum famulatu exonerari. Difficile omninò, ac penè impossibile in tertio, ac supremo morbi statu; sive hujusmodi concretiones in Mesenterio, ut plerumque obtigit, sive in Pancreate, aut Hepate, sive quod in *Ægroto Sexto* suspicari fas erat, in renibus occurrerint. Renes hoc pacto exulceratos, ac ferè absumptos omninò mihi in Viri Cadavere diuturna ægritudine confecti haud ita pridem ostenderat solertissimus, ac ingeniosissimus adolescens *Octavius Calastrus* in majori Urbis Nosocomio assistentis Medici munus diligentissimè persolvens.

LIII. Morbos abscessu solvi satis vulgare est, qui frequentissimè quidem febribus, & variolis supervenit, maximè circà aures, atque inguina; non nunquam & toto corpore diffusa excrescunt tubercula, quæ in pus aliquandò resolvuntur. Idem ubique Naturæ laborantis conatus; etsi impar illa sæpè haud queat, quod tentaverat opus, absolvere, sæpè etiam ob partis longinquitatem, per quam nempè partem, seu emunctorium haud ita facile est congestam materiam evacuare, ac foràs protrudi. De abscessibus Hepatis feliciter peractis innumera monumenta habemus apud Scriptores, quod quidem per Choledochum ductum, amplum satis, ac per mille illum rivulos collectam in jecore materiam in Duodeni cavum deferre aptum, si præsertim congruo in loco abscessus fiat, facilè is erumpere queat, ac totus exonerari. Præclarum Hepatici hujusmodi abscessus hoc pacto felicissimè curati exemplum Parenti olim meo obtigit in Serenissi-

mo Principe N. N. à Sabaudia, cùm illius ægrotationi præesset. Ejusmodi ego alterum in Pancreate in nobilissimâ Muliere hoc more sanatum vidi, diuturnis, dirisque hystericis insultibus divexatâ, cujus adhuc vestigia, eâdem decem fermè post menses defunctâ, cùm filiam peperisset, inspexi, ac Medicis, qui unâ mecum curationi aderant, ostendi. Nossè erat abscessus sedem, ac locum ab doloris vestigio, abque visibili tumoris in eo situ, quo propriè Pancreas latet, præsentia, qui dein evacuato sensim per alvum pure imminuebatur.

LIV. At verò nullum adhuc curationis feliciter peractæ exemplum legi latentis in Mesenterio abscessus, vix unum aut alterum latentis ejusdem in renibus, aut vesicâ, perque urinæ meatus suppurati; cujusmodi historia illa *Pithionis* & *Hippocrate* in principio *tertii Epidemiorum* descripta. Mirum sanè, quantum in hujus explanatione hallucinentur interpretes, qui uno omnes ore, ac unanimi consensu morbi liberationem urinæ copiosius effusæ tribuerant; Neque enim ad urinæ quantitatem, sed ad qualitatem potius, utpotè quæ fuerit purulenta, referri sanitas debet. Neque leve est, quod *Hippocrates* his in libris sæpius observat, urinam quoties materia illa purulenta per vesicam abducta, est, cum difficultate & dolore reddi consueffe, ita ut stranguriâ laboraverit ægrotus. Proferam hîc, quod mihi olim adnotare contigit curiosum satis, huic *Hippocratis* exêplo planè respondens: ita tamen, ut hoc intersit; quòd utcumque factus abscessus suppurationem obierit, æger tamen sanitati minimè restitutus sit.

Atque eò lubentius id proferam, quòd sub hac plerumque imagine juniores non modò, sed senes aliquandò decipiantur, ac si calculus reverà adesset, qui tamen nullus postmodum reperitur.

LV. Sacerdos è Cappucinorum familiâ, & ingenio peracri, & studio flagranti, & doctrina eximia, & memoria singulari excellens, anno ætatis sexagesimo sexto, circa Veris initium valetudinem amisit. Urgebant viscerum dolor, flatus, & quasi quædam convulsio: languescebat admodum stomachus. Post autem aliquantò desidendi aderat, mingendique cupiditas, stranguria, dolor juxtâ inguen, & glandem permolestus, præcipuè post extremam mictionem gravissimus; In Perinæo ad vesicæ cervicem pondus; atque hæc omnia, & nova, & repentina. Urina primùm difficilis, atque intercisa; deindè magno cum impetu, & sonitu quodam, quasi ventus aliquis erumperet, excreta: In quâ quidem, color inerat naturalis, nihil tamen subsedit. Dolor aut resupinato, aut inclinato, aut etiam cùm distenderetur vesica, levior. Atque hæ inter mingendum molestiæ ad vitæ usque finem perdurabant. Accessit interdum sitis. Hoc ferè modo ad medium Majum traxit: quo tempore dolores statim exacerbescere sensit, siquid paullò calidius hauserat: Per biduum omnia rejecit vomitu; Cruciarî sibi intestina, & abdomen vehementius tendi querebatur. Dolor hinc inter meiendum acerrimus; febris cum siti satis acuta: quæ tamen, die tertio elapso, aliquantulum remiserunt. Arenulæ aliquot asperæ, quæ magnitudine caput aciculæ æquabant,

ejectæ. Color urinæ saturatior : in qua subsedit plurimum muci glutinosi, & subflavi, sanguine hinc inde, aliquandò etiam carunculis, ramentisve respersi. Paucis exinde diebus re-crudit dolor ; Obortus hinc quoque rigor, totumque horrore corpus in-tremuit. Pulsus celer & depressus ; Lingua arida. Urina sanguine pluri-mum tincta ; quam quidem non nisi in lecto cubans excernere potuit. Postremò tandem dolorum requies, seu potius sensus obtusior. Caput quippe tentari cæpit. Febris, singulis diebus vesperi ingravescere sueta, tan-dem ferè prorsus elanguit. Spiritus paullo difficilior : Urina mordax, pla-neque mali odoris : pus eâ largitate profluens, ut urinæ copiam propè excesserit. Huic molorum moli paul-latim accessit sensuum stupor. Ita in hoc piissimo Viro ille animi motus, quo nihil celerius, aut acutius esse poterat, veterino tandem obtorpuit. Quis autem non jure beatum illum dixerit, vel quod vitam doloris ex-pers tandiù produxit, vel quod, cum diutius haud sine dolore vivendum esset, vivere desiit ? Aperto Cada-vere Urinæ iter accuratius pervesti-gatum est. Nam ad sectionem ita ani-mo parati accessimus, quasi qui cal-culum essemus inventuri. Sed neque in vesica, neque in ureteribus, neque in renibus ipsis, ullum omninò sabuli, nedùm calculi apparuit vestigium. Dum ulterius viscera scrutamur ; Co-lon ita pertinaciter vesicæ adhæres-cere animadversum est, ut ne cul-tro quidem facilè dividi posset. Quâ-que in parte adhærescebat : in con-spectum venit diametri quasi sesqui-uncialis ulcus rotundum, quod non

modò Coli ipsius tunicas penitus ab-sumpserat, sed etiam vesicæ membra-nam extimam perederat. Hinc via per tunicam vesicæ mediam, sive musculosam perforata est, quæ pen-nam anserinam reciperet : Unde con-tinuò pus ab ulcere intrà vesicam defluxit, aditusque patuit, quo in urinæ ductum ab intestinis commigra-rent flatus ; de quibus quidem, dum viveret, ægrotum somniasse perperam credidimus.

LVI. Sed ut ad *Mesenterium* re-vertar, quod *scenam* constituo sæ-vientium hoc anno malorum ; atque ut uno omnia claudam paragrapho : Ars medentis erat, præsidium, quod credebatur præstantius, citò *adhibe-re*, antequam enatæ hic loci passim concrectiones serosæ phlogosin indu-cendo febrim efficerent intensiorem, aut erumpente abscessu febris inde habitualis emergeret. Sive autem in substantia ad instar electuarii, sive levi ebullitione in aqua appropriata para-tus, atque unà cum balsamicis com-mixtus Cortex exhiberetur, perinde erat ; Quamquam & hinc maximè quæ-dam sit Medico cura, ac verè dixerim prævidentia, quæ definiri non potest, multò minùs edoceri. Equidem cum præcedentium annorum, tum quæ hoc anno sæviebant, ægritudines mihi ante oculos pono, lympham ubique in motu peccantem video ; Ut nihil inde mirum videri debeat, quòd pulmones modò, lentescens hæc passim, ac sistrophes ubique induce-re apta, pectusque, ut superiore an-no adnotavimus, modè imi ventris vis-cera, ac *mesenterium* præcipuè occu-parit. Quotiescumque verò, in hac siccitate temporum, tot emortuas huc

illæ

illuc plantas circumspicio, defectu humidi terræ centralis, quod iis pabulum præbet; dilucidè mihi occurrit febrium, ac cæterorum affectuum, qui unà eruperant, ratio; curve hi potius in *Mesenterio*, quod ager est, campusque patens, insignibus glandulis, rivulisque majoribus refertus, per quem vitalis succus identidem percurrit, ac remeat, cruori aliquandò miscendus, quàm in alia quacumque parte tentoria castra posuerint.

LVII. Exactâ hyeme, eadem visæ febres proludere, novo tamen symptomatis genere distinctæ, ut in *Ægroto* 2. adtulimus; sopore scilicet gravi, ac profundo, imbrifero tùm, ac summè perfrigido existente cœlo, nocturno etiam sæpè gelu concretis ubique per circumjectam planitiem fluentibus aquis. Cernere erat novum hoc symptoma easdem, ac febris, phases obire, cum eadem scilicet crescere, statum attingere, ac demum illâ declinante, declinare sensim, resitante, ut plurimum, aliquâ in soporem propensione, etiam tempore intermissio- nis, quæ affectum paullatim radicari, & ad Idiopathicum tendere præmo- nebat. Non nullis quidem intermediâ apyrexia nullum aderat soporis vestigi- um, ejusque loco cruciatus ventris prodierant, eo more recrudescentes, ac in intermittentibus autumnalibus, apyrexia tempore, iidem irasci con- suevere, evanescentes hi dein, repe- tente febris, quæ soporosam affectio- nem secum unà comitem adferebat. Sæpè coævus febris sopor, interdum illi posterior, diarrhœa passim, dysen- teriâ, aut memoratis alvi cruciatibus proludentibus. Enim verò etsi in capi- te agi videbatur Tragoedia, morbi

tamen fomes, ac incunabula adhuc in imo ventre delitescabant. Atque hinc quidem, cùm accesserat sopor, ex intermittenti, tùm sæpè in acu- tam degenerabat febris, eadem pro- tinus & ipsa methodo profliganda, antequam *Palladis Templum*, sacra- que aram intimè magis morbus per- vaderet. Ominosum erat, propinato Cortice febrii intensiorem adhuc evadere; Ut victoria signum, certis- simum eandem denuò in intermitten- tem desinere, quo usque tandem con- tinuato corticis usu omninò profliga- retur. Plerisque memini loco sopo- ris cardialgiam in principio accessio- nis supervenisse, paucâ ut plurimum, vel inani vomitione. Lethale heu prorsus symptoma, atque eò funestum magis, cùm febris intermittens adhuc perfliterit, ac vim illa eluserit præsi- dii, seriùs fortè etiam, quàm par fo- ret, administrati. Quæ cùm ego me- moriâ recolo, ac versicolore hujus- ce imaginem febris Vere potissimum, ac æstate ludentis adverto, animo su- bit Proteiformis illa, cujus ingenium, ac morem accurato penicillo adum- bravit *Mortonus*, vim unâ simul eximiam Peruviani Corticis pro tan- to debellando hoste summè commen- dans.

LVIII. Nunc ad intercurrentes af- fectus me conféro, quibus curandis, sanandisque, etsi nihil prorsus cum vulgaribus morbis habere viderentur affinitatis, haud exiguum tamen lu- cem iidem præbuere. Adeò scilicet nedum, quæ sub Epidemicarum Prin- cipe ludunt, ægritudines, haud im- pari, ac illam, methodo vincere tu- tum est, sed & quæ ab ea toto peni- tus cœlo discrepare videntur, nullum-

que omninò cum illis fædus habent, atque consortium. Has inter recensenda primò locò *Asthmata* veniunt, quæ si olim unquàm, hòc potissimùm annò, ac tùm quidem, cùm sæviret ab alto Boreas, frequentissimè proluferunt, atque ejus præsertim generis, indolisque, quæ *convulsiva* vocat *Vil-lisius*, seù *sicca*. Plerosque horum memini solo Cortice Peruviano sanatos, anodynis unà commixto, quæ aliter per se sola usurpare, perniciofa res erat. Proficua quampluribus venæ sectio, ac quidem *Jugularis*, cujus beneficio haud pauci inopinatò evasere. Miræ curationis exemplum hujusce ingenii Asthmatis enarrare juvat, quod lucem fortasse Practicis hac in re feret, quò citiùs tutiùsque idem, siue recens illud extiterit, siue diuturnum, compescatur, evellaturque radicitùs. Sartoris cujusdam Galli (*de la Ruë*) Filius, decennis circiter, in *vico novo*, qui rectà ab ædibus Regiis ad Portam, quæ vulgò *nova* dicitur, ducit, diuturno hujusmodi Asthmate flatulento, ut ajunt, seù periodico laborabat. Rogatus ego, ut opem illi præberem, haud libenter, quod ingenuè fateor, curam suscepi; Nihil enim sperabam mihi ex ea laudis accessurum, aut ægro emolumentum. Tentaverant siquidem id ipsum plerique alii, sed frustra. Invitus denique, ac precibus Parentum indulgens, jubeo, venam in cubito manè sequenti secari; altero die portionem ex Manna obtuli, nullo, vel exiguo ferè levamine. Sæpe mihi in mentem venit Corticem exhibere, vel ex eo maximè, quod unum inter, ac alterum Paroxysmum plenissima sæpe intermissio succederet. Quem tamen præ-

scribere distuli, mali diuturnitate perterritus, ne scilicet insons alioqui remedium eventûs ambiguitati, ac propè dixerim, forti subjicerem. Oxymel itaque Asthmaticum *Floyeri*, Viri Doctissimi, ac qui multum gloriæ in hac Provincia sibi comparavit, aureo tractatu de Asthmate, in quo nihil ferè desiderandum reliquit. Oxymel inquam Asthmaticum *Floyeri* præscripsi, manè, & vesperi sumendum. Leniri hinc malum visum, saltem paroxysmos haud adeò frequenter occurrere, ac repetere antea consueverunt. Properante hyeme ingravescere illud, ac irasci magis iterum caput. Jubeo sanguinem è Jugulari lato vulnere emitti, ipseque locum sectioni aptum Chirurgo designavi; Totum namque recentibus scrophularum vestigiis obstitum undequaque collum aderat, quibus vel ab incunabulis correptus æger fuerat. Eadem mox die, ac sequenti benè se habuit Puer; Proximâ huic nocte, cùm Parentes somno placidissimè tenerentur, ingenti exaudito strepitu expergefacta Mater filium reperit humi prostratum, ac penè animam efflantem. Me diris increpat, quod inauditam rem, sic namque vocabat illa recens factam in Jugulari sectionem, in filiolo tentarim; Atqui vanas hujusmodi Muliercularum querelas parvipendit vir Prudens: Parochum extemplò advocat, qui morienti Puero suprema munera administraret. Dum hæc agerentur, sedari visæ sensim convulsiones, altusque sopor ingruere, qui perennem rebus securitatem adtulit; Ex eo namque tempore pacata sunt omnia, nec ullum vel leve mali vestigium superfuit. Incolumis brevi post Puer unà cum Parente, domi pares mihi

mihi pro munere grates lætissimè egit.

LIX. Sæpè ego ejusmodi asthmata in pueris ab obesitate nimia, seu intumescencia Thymi ortum ducere haud inani conjecturâ suspicatus sum; Sive ejusdemmet Thymi situm, munus, hac habitudinem vividâ mentis acie perpenderim, sive enata inde symptomata quæque diligenter ad trutinam revocarim. Pondus addiderat conjecturæ meæ demortuorum Puerorum sectio, quibus frequens id malignus extiterat. Cùm enim quædam olim mecum ipse meditabundus cogitarem noxa propè, ad Thymi usum hætenus ignotum prorsus, conducencia, inque lucem edenda aliquando; Quotquot hinc foetus, tenellique infantes mihi occurrerant quopiam morbo denati, hosce omnes curiosè perlustrabam, ac Thymum potissimum, quem obesum, ac inflatum magis, ac ætas postulaverat, in iis omnibus deprehendi, quibus quædam aderat ab ortu anhelitus angustia: Ad foetus verò quod attinet, cùm aer nondum bronchia repleverit, prægrandis utique Thymus in iis conspicitur, qui demum in adultis sensim decrescit, ut in Senibus ferè idem vix inveniatur. Susplicabar autem quod cùm Thymus nutritium succum, qui ab sanguine è magnis, ac proximis vasis affluente, magnâ copiâ ibidem derivat in foetu, non equidem, ut sibi effinxit *Cl. Bellingerus* per excretorios ductus ad oris confinia juxta linguæ radicem deponat; At, ut ego propria observatione edidici, rorem illum nutritium in ipsius œsophagi cavo, exiguis osculis, breviori itinere conferat, unde in ventriculum, ac intestina delabatur, valaque lactea percurrit, quin foetus

ore assumere alimentum cogatur, quod improprium, ac minimè conveniens vel ipse olim *Hippocrates* censuit: Susplicabar, inquam, quod idem Thymus, edito jam in lucem foetu, nimia oppletus succi quantitate, nec exonerare hanc potens in proximo infundibulo, obstructis ab ampliato post nativitatem œsophago hiantibus in illum ostiolis, eam tandiù in sinu suo detineat, quandiù à propioribus vasis absorbeatur; absorpta dein eadem, cùm maximè delituerit diù, aut fortè hæreditaria labe acorem contraxerit, tot unà excitet turbas, totque illa parens sit ægritudinum, quas pueris sæpè contingere videmus, difficili Marte sanandas. Atque ob id sanè plerisque usitatum est fonticulum in occipite puerulis utiliter inurere, aut setaceum, Derivationis gratiâ, cùm maximè eâ ætate pueri gravi soleant stertore premi, qui nullimodè ab ullo pulmonum infarctu, at potius ab nimia Thymi obesitate proficiscitur.

LX. Ab eodem, ac memorata Asthmata, fonte ortum unâ, ac incrementa susceperant Paralytes, Apoplexiæ, Hemoptoes, improba Scabies, Podagra, Nephritis, Phthisis, ac universi propè affectus, quos præsens constitutio anni in Scenam tulit, quibus & meritò accensendi occurrunt fluores albi Mulierum, tùm pallidi Virginum colores, affectus Hysterici, infandaque Puerperarum Clades; Ab liquidis scilicet, aut præ nimia glutinositate coercitis, aut æqua feri portione defraudatis, quo egent, ut sibi comparata munera obire queant, ac constitutas sibi leges servare. Qui hæc omnia seriò mente revolverit præterita, aut tùm quidem revolvit, expen-

penditque diligenter, cum impenderent prope; Is vates esto, ac *Magnus Apollo*. Hæc inter peculiare non nullas historias feligam, quæ Medicinam facientibus haud inutiles omnino erunt, aut injucundæ legentibus. 1. Præclara Vestalis Octobri mensē, cum intenso præter morem æstui rigida hyems è vestigio successit; Paralyfi dextri lateris unā cum insultibus hysterice perculsa, dirum in modum ludentibus, laboriosam vitam totā hyeme duxit; Vere appropriatis remediis pristinum valetudinis statum integrè recuperavit, quadam tantummodo superstitie tarditate linguæ, per novilanium maximè. Autumno dein sequenti eadem die, ac momento ferè temporis, quo superiore anno in Paralyfin incidit, pleuritico dolore correpta intra biduum decessit. 2. Vestalis altera, cum, fluentibus menstruis, in aquæ frigidæ balneo diu morata fuerat, internarum partium omnium paralyfi extemplo obruta & adhuc luget infelix amissum membrorum usum; Atque hinc sanè explicari posset phænomenon illud gravitatis, seu spasmī, quo in aqua diutius morantes plerique corripī solent, ac se se velut à Spectro quodam ad fundum trahi existimant. 3. Mercatoris filia, cui prægrandis diu in abdomine enatus tumor, quæ cæcum intestinum ad dextri renis confinia delitescit, Colicos sæpe dolores, ac sævos admodum inducere consuevit, in paralyfin subinde ejusdem lateris desinentes, quæ citissimè solvebatur; ab utroque jam modò affectu Thermarum beneficio immunis, atque incolumis degit, remanente antiqui tumoris in eadem parte vestigio, qui malorum author

extiterat. 4. Quidam ex hepatis, & vesicæ bilis obstructione in tertianam notham, deinde in colicam passionem incidit; paullò post paralyticus reditus, sex ferè menses inermis vixit, ad extremum delirio, ac epilepsia correptus occubuit. Paralyfis à principio occupavit brachiorum superiores partes, sensim ad extremitates manuum, ultimò ad crura descendit: Æger atrophiam contabescebat, deque ventriculi ardore, siti, appetitus edendi prostratione, alvi difficultate, & dolore Ilii sinistri tensivo, gravique (sentire enim sese aiebat in illo loco pondus aliquod grave, tanquam plumbi massam) conquerebatur. Aperto cadavere Jecur reperimus pro corporis ratione nimis magnum, obstructioneque minimè vacans; Vesicam bilis crassā, ac nigra bile turgidam; Ventriculum humore viridi plenum, atque extensum: Colon intestinum malè, ac præter naturam conformatum. Siquidem ubi Cæcum situm est, & ubi Colon ventriculo annexum erat, valdè laxum aderat, flatibusque expansum, reliquis in locis ad rectum usque, angustum, fæcibus crassis, durisque in globulos concretis infarctum: Eodem modo conformatum vidi Colon in multis. Reliqua viscera tam naturalia, quam spiritualia erant illæsa, & integra. Ex cerebri substantiā inter disseccandum effluxit aqua tenuis, ac colore subrubicundo, quod vasorum sanguineorum incisioni adscribendum est: nam aqua, quā omnes ventriculi scatebant, fuit tum tenuissima, tum limpidissima, ac pura, nihil verò pituitæ in ventriculis cerebri vidi. Totum spatium, quod in Sacra fistulā inter tenuem, & duram membranam est, & ubi nervorum funiculi

funiculi nervos constricturi à spinali medulla recedunt, simili aquâ plenum extitit. Ex qua quidem historia, & symptomatibus, quæ præcurrebant, conicere fas est omnium malorum scaturiginem ab Hepatis obstructione prodixisse. 5. Virum novi resolutionem ex morore, multa sollicitudine, & inedia expertum: deinde sumpto Cathartico, adeò læsum, ut totus ipse immobilis fieret, & propemodum interiret, nisi in contrarium mutatus fuisset, & humectantibus omnibus, tum potionibus, tum cibis, & aliis hujusmodi usus fuisset, maximè verò balneis, unctionibus, mutatione aeris temperati, & omni hilaritate. Etenim tristis erat, & ad iram proclivis. 6. Miles ætatis 30. annorum, exeunte Januario, derepentè interprandendum cum suis Commilitonibus, mortem subit. Consuevit longo antea tempore de dolore pressorio in radice frontis; & de perpetua narium, ac faucium siccitate conqueri. In aperto post obitum corpore observata sunt sequentia: Pulmones utrinque cohærentes cum Pleurâ expansi, & turgidi sanguine, dexter

Tom. II.

tamen lobus minùs sinistro, absque ulla substantiæ labe; Cor flaccidum, Hepar præmagnum. In capite autem propior hærebat hujus inopinati eventus causa; Processui nempe falciformi, ubi intra radicem frontis cum osse Ethmoides firmius connectitur; accreverat conspicua magna portio instar induratae, scirrhosæ, & conglomeratae glandulae, quæ fronti in isto, quo hanc respicit, latere firmiter cohærebant, ut digito violenter separari opus habuerit. Proxima Cerebri substantia erat fiderata, putida, & eliquata; Reliqua illæsa. * Optandum sanè, ut exquisitiorem historiam prægressi morbi, aut adversæ saltem valetudinis hujus Viri habere potuissemus, ast nemo aderat, qui talem subministrare potuerit. Analogum huic casum olim ab Cl. Terraneo, nunc Beato, adnotatum memini in Viri cujusdam capite subitâ morte interempti, in quo magna occurrerat fungoso glandulosa, ac fibris distincta portio, anteriora versus usque ad os frontis, à dextris ad os temporum, à sinistris verò ad duplicaturam Menyngis usque protensa, tres libræ

Q q q

quartas

* Rariores sunt hi casus, ubi officina Mentis, & Rationis turbatur per talem prægrandem excrescentiam. Placuit Carolo Fracassato in Diss. Epistol. ad Alphonsum Borellum tales excrescentias, etiam hic locorum Polypos medullares appellare, quam appellationem etiam secutus est Lancisius Tract. de mortibus subitaneis; ubi comparem fermè casum recenset lib. 1. cap. 2. §. 6. Quemadmodum enim Polypi cordis sanguinis progressivum motum, & omne inde pendens vitæ interesse confundere, imò sufflaminare solent: Ità Cerebrini medullares isti polypi, quatenus liberum illud ventriculorum spatium, ac vacuum præternaturaliter explent, confundunt motus in hoc vacuo existentes, representativos, reflexivos, collectivos, & discretivos, ut maxima inde anomalia redundet quoque in motus vitales. Ità Lancisius paralyticæ, & aphoniæ mulieris repente mortuæ caput aperuit, & invenit sub cerebello ad internum principium Spinalis medullæ, Glandulam scirrhosam, de Mort. subit. l. 1. cap. 11. §. 11.

quartas pendens. 7. Jurisconsulti Uxor, propè Collégium Clericorum Regularium Divi Pauli, diro, ac diuturno capitis dolore vexata, appetente solstitio æstivo, obortâ febris acutâ, è vivis inter copiosissimos capitis sudores excessit. In hujus capite ingenti feri copiâ subflavi, viscidique, utrumque ventriculum anteriorem refertum comperimus, ac glandulam juxta pituitariam disrupti recens abscessus vestigia, pure adhuc exurdante teterrimo, fætentique. Tota Cerebri substantia corrupta veluti videbatur, ac coloris subnigri; Nihil econtrâ in Cerebello à naturali alienum. Biduo ante obitum facies, atque oculi intumescere; Ipsa verò pavoribus sæpè sub somno, obliviositate, lancinationibus per aures, plerumque etiam molestâ oculorum caligine, spasmo cynico, ac involuntario salivæ effluxu per intervalla diù ante mortem corripiebatur. 8. Vidua quædam conquerebatur de Cephalalgia singulis auroris tanta cum atrocitate invadente, ut futuræ capitis quasi dehiscerent. Hactenus præfidiis illudit omnibus. Mutato demum consilio suasi pediluvium; Unde factum est, ut aura frigidissima, sic illa aiebat, cum horrore totius corporis à capite ad pedes descenderet, ægraque bis vel ter idem administrando, planè convalesceret. 9. Illustris Mulier recens connubio juncta ex Mensium suppressione, fastidio ciborum, nauseis crebris, & vomitibus, ventris elevatione, aliisque similibus indiciis cum se gravidam crederet, plaudebat sibi ob felicem hanc conditionem. Quarto circiter mense dolores invadunt parturientium doloribus similes, ac paullò post corpus edidit informe prorsus,

duorum pugnorum circiter magnitudinem adæquans, ac vesiculis conflatum, quarum maximæ ovum columbinum mole, ac figura exactè æmulabantur; minimæ verò vix pisi magnitudinem superabant. Aderant autem centum ferè humore limido, & ferroso repletæ, ac inter se invicem colligatæ, membranosi cujusdam involucri ope, ceu altero quodam peritonæo, involutæ.

LXI. Plerasque alias recensere subit, quæ aut abortivos fœtus, aut molares hujusmodi conceptus edidere; Plerasque etiam, quæ maturo edito feliciter partu, paucis post diebus, latenter occubuerunt. Cautum iis erat, appropriatis cardiacis laborantem naturam tueri, tum diluentia pleno poculo exhibere, quibus tum sanguinis fervor quodammodò compesceretur, tum fluxilis idem magis redditus per consuetas inde vias faciliori negotio educeretur, obsequentibus ab repetito diluentium usu factis fibris, quarum nimia sæpè tensio funestos plerisque exitus tulit. Tota scilicet malorum ilias ab una, ac eadem universali causa pendebat, ab ea nempe siccitate temporum, ut quæ toties dicta sunt, iterum repetam, quâ & fervidior intus cruor, & cætera quæque liquida, ad stasim heu prona nimis; Crispata hinc, ac tensa præter modum solida, sæpè unâ Matrem, ac Fœtum inopinatò sustulerunt. Huc quoque enumerandi hysterici insultus, huc cæteræ quotquot referendæ ægritudines, quæ hoc potissimum anno sequiorem sexum dirum in morem exercuere.

LXII. Dum hæc intrâ Urbis mœnia agebantur, haud dissimiles passim affectus Colonos infestabant. Variolæ

præsertim, ac morbilli totâ hyeme inclementer sæviere, adultosque hæ maximè adoriebantur, ac edita magis loca, quàm pueros, ac humiliora oppida. Comites iis aderant crurum, ac pedum erysipelata, sæpè etiam internæ viscerum Phlogoses, Pleuræ, Pulmonum, Hepatis, Intestinatorum, Menyngum, Oculorum, ac Faucium. Salassios, Canapicienssem Agrum, Vercellas, Lumellinam, Comitatum Alexandriæ, Universam pene Liguriam, ac Montisferratensem ditionem pertinax alvi fluxus occupavit. Idem Nicienssem tractum, Provinciam, ac superatis Alpibus, Delphinatum, Sabaudiam, Lugdunum usque obtinuit, perque æstatem potissimùm sæviit. Febres hinc visæ è Phlogisticarum censu memoratos affectus comitari, ac ultrò citròque ire, suopte marte, ac ingenio. E Chronicis morbis Hydropes in universum, ac Tympanitis maximè, Arthritides, Phtyses, tetraque ulcera Pagos, ac rura fædârunt. *Alladii*, quod præclarum oppidum est *Comitum Sanmartinorum*, Febres Januario vagatæ sunt mali moris, quarum historiam ab Cl. Viro exaratam hîc subnectere æquum duxi, in spem veniens, incitamento id futurum subinde aliis, ut sedulò hinc, diligenterque morborum, quotquot huc illuc per annum sæviunt, seu popularium, sive intercurrentium observationes describant.

Illustrissimo, Doctissimoque Viro

CAROLO RICH A

Joannes Thomas Guidetus S. P.

Quod annales Morborum Vulgarium processus eruditissimis animadversionibus contextos, & graphico stylo feliciter exaratos, publico juri elargiris, Vir Amplissime, tibi pluri-

mum debet Medicina nostra Subalpina. Hæc enim in te suum videt restauratorem, quæ à Majoribus tuis Archiatriis meritissimis decus habet, & gloriam. Ad perutilia isthæc indigenæ praxeos monumenta locupletanda uno corde, unoque pede contendere deberent omnes Medicinam facientes in nostra hac Pedemontana ditione, suas quisque appendens observationum schedas, ut olim tabulas in Æsculapii templo appendi usitatum. Hujus ego instituti, tuique consilii optimè conscius silentio ulterius præteriri non patiar historiam ægritudinum nonnullarum Epidemicarum, quas ineunte Januario proximè elapso datum est observare in Alladiensi oppido unâ cum præclarissimis Viris D. D. *Bardesono* Patre, ejusque Filio doctissimo, illic in Patria gloriosè Medicinam profitentibus, ac in tota Salassiorum Provincia de re Medica optimè meritis. Esto itaque.

Cùm Divini Verbi Præcones in præfato oppido prædicationi suæ optimum finem imploraturi sacram instituisent liturgiam, ea fuit hominum accurrentium turba, ut horum conventu inter Ecclesiæ Majoris angustias nedum exæstuaverint corpora, sese arctè soventia, sed & ipsi exudarint parietes præ halituum emanantium affluentia. Complures viros, atque mulieres sudore manantes frigidus aer excepit, hinc popularis morbus, haud multo dato intervallo, grassari visus est cum ægrotantium languore, feбри, raucedine, nausæâ, linguâ viscidâ, & amurcosâ, pulsu tenui, mentis hebetatione, vaniloquiis &c. Mox accessere deliria, surditates, aphoniæ, gravesque sopores ad lethargum ducentes.

Erucebant in aliquibus stillæ sanguinis, ceû levis hæmorrhagia è naribus; in quampluribus petechiæ exiguæ brevi evanescentes, in omnibus borboryghi, & lumbricorum excretiones per superiora, & inferiora cum fecibus graveolentibus. Febriles exacerbationes, nocturnis horis catarrhalium more, absque intermissione, clanculum repetebant. Nullus præcedebat rigor, nullus succedebat æstus ingens, exigua sitis. Urinæ à naturalibus vix abludebant, Sanguis extractus in principio morbi coccineum servabat colorem, aptamque consistentiam, nullo ægrotantium levamine. Sæpè diarrhoea superveniens commodum tulit, ut & in aliquibus sudores. Interea plerique quinto, vel septimo morbi die non sine magno populi terrore migrabant ad plures.

Harum ægritudinum indole, causis, symptomatibus, atque inde eventibus seriò consideratis, deduximus unanimes has esse in sua origine febres de genere lymphaticarum cum vermibus, acutas tamen, & malè moratas ex coagulatione lymphæ primùm, exinde sanguinis. Primariam coagulationem exhibebant raucedines, linguæ visciditates, membrorum torpor, nocturnæ periodi, aphoniæ, alvus pigra, intestinorum murmura, & inde excreti lumbrici. Posteriores siderationem elucidabant, reliqua enarrata symptomata perniciem accusantia. Totam denique complebat æthiologiam notitia morbosorum in lymphæ apparatus à prægressis tempestatibus, quas tu nobis scitè admodum diligenterque comparasti, repetenda; Ob id maxime, quod æstas antea acta, atque Autumnus mites fuerint, ac Borealibus

ventis perflati, unde nulla, vel modica facta est sudorum effusio, alioqui nostro sub Cœlo consentaneâ quot annis. Quod si iis addas pravam alimentorum conditionem, fructuum præcipuè corruptelam, nec non aquarum putealium fæculentiam ab inclementia cæli contractas, erues profectò genuinam lymphatici lentoris, & cachochiliæ causam simul, ac genesin lumbricorum.

Cur autem à violenta adeò procatharsi febres hujusmodi, non verò pleuritides, peripneumon., anginæ, erysipelata interna, aliæve hujus farinae ægritudines emerferint; ex hoc factum puto, quod scilicet hujus Brumæ Constitutio non satis rigida, catarrhales concretiones, stasesque in glandulari systemate, rivulisque lymphaticis congregare apta nata sit potius, quàm systrophicas collectiones, ac phlogoses in intimioribus viscerum flexibus. Verumtamen sufflaminata hoc pacto lymphæ lubricantis irrigatione, & intercepto illius ad sanguinem commercio, reliquum est ut & cætera torpeant fluida in suo circulari motu, unde secretionum, excretionumque suppressio, progeniesque malorum. Et siquidem levioribus aliàs de causis inter hybernas vicissitudines visa sunt pectoris rheumata in acutas peripneumonias degenerare, ita nec mirum, si in datis prædispositionibus, & inomentis, expositæ febres à catarrhali exordio in exitiales abierint. Ignotum haud est Medicis praxin excolentibus perniciosas sæpè emergere febres, velut inopinatò, à lymphæ lentore pedetentim collecto, ut probè advertit Doctissimus Baglivius lib. 1. de febris malignis & mesentericis, §. I.

Porro

Porro ex centenis ægrotis, quos bi-
dui spatio invisimus, vix paucos eva-
furos fore sperandum erat, nisi oppor-
tunis extemplò adhibitis præfidiis fuif-
set opitulatum; Utque singulis indi-
cationibus successivè satisfieret: Sta-
tuimus primùm alvinas vias solemni-
ter expiare, emeticis, clysteribus, aut
catharticis, servato ægrorum delectu.
Secundò lymphæ fluorem promovere,
ductusque obstructos referare diluen-
tibus calidè pitissatis, non omitendo
anthelmintica cardiacis mixta, & ve-
ficantia artubus applicita. Tertiò viam
sudoribus sternere, vel saltem adia-
pneustian delere frictionibus, & cu-
curbitulis, ut imposterum exhibitis
diaphoreticis cutanei pori obsequeren-
tur magis. Phlebotomias rarò, nec
nisi in Plethoricis celebrandas duxi-
mus, potius de saphenâ, quàm de su-
perioribus venis. Reliqua sub finem
morbi adhibenda problematicè sunt
proposita, juxtà opportunitatem, &
exigentiam.

Nec nostra nos fefellit opinio, quan-
doquidem tali observato regimine vix
unum, aut alterum ex præfato ægro-
tantium numero deinceps interiisse
retulit per literas ultimò datas lauda-
tus Doctor, cognatione, & amore
mihi devinctissimus, *Bardeysonus* Ju-
nior.

Accipe itaque, Vir Præclarissime,
breve hoc observantiæ meæ argumen-
tum; Intereà Spartam, quam susce-
pisti, exornare iterum, iterumque ne
definas; Meque tibi multis de nomi-
nibus obstrictum pergas amare. Non
enim me præterit, quàm multa jam
tibi debeam ob munera, dulcemque
consuetudinem, quâ me humaniter
excipere toties dignatus fuisti: Nec ulla

unquàm ætas conticescet, quæ à Majo-
ribus tuis accepi, honores, ac beneficia.
Taurini pridie Nonas Febr. 1722.

LXIII. Sed ut aliquid de Chirurgia
dicamus, in qua Magnos olim, ac
percelebres Viros, & nunc adhuc Pe-
demontium, obtinet; Neve quid-
quam intactum hâc quoque in parte
relinquatur, aut imperfectum; Pauca
manent de *tumoribus* potissimum ex-
plicanda, qui auxiliatricem Chirurgi
dexteram efflagitabant; Hos inter
Atheromata præ cæteris, & Melice-
rides eminebant, quæ duo quidem tu-
morum genera, vel in eo maximè con-
veniunt, quòd in folliculo fluctuet
humor. Descripsit ea omnium optimè
Aetius, atque è recentioribus *Severi-
nus*: Atheroma tumor est figura ob-
longus, & sublatus, qui ad compres-
sionem digitorum ob humoris crassitu-
dinem tardè cedit, tardèque iis ablatis
revertitur, à quo Meliceris differt,
quòd & rotundior sit, & humoris
essentia tenuior, & hinc ad digitorum
compressionem celerius cedat, & ce-
lerius etiam revertatur. Non autem
hæc ita discerni posse videntur, ut
certò omnia affirmare liceat, quin po-
tius, quid intus habeant, ut conjectu-
rà prælagiri possit, sic ex toto cognos-
ci, nisi cum ejecta sunt, non posse,
Celsus monet, quod tamen non prop-
ter humorem, sed alia quædam simul
ibi contenta ita fieri apparet: ait enim,
in his, quæ renituntur, aut lapillis
quædam similia, aut concretos con-
fertosque pilos reperiri: Officulorum
recens exemplum est legere in Ephe-
meridibus. Nec minùs notabile, quod
Petrus Marchettus in Meliceride se
vidisse, ipse testis est: in ejus nempe
folliculo alium ejusdem generis tumo-
rem,

rem, sed minorem delituisse, sua & ipsum membrana inclusum. Ubi quis cum ranis Æsopi apud Phædrum exclamandum putaverit :

Quid futurum est, si creavit liberos?

Hujusmodi tumores articulos præcipuè occuparunt, ac inferiores potissimum, eò diriores, quò impliciti magis, ac tendinibus musculorum, quorum ibi magna sæges, intricati. Nobilissimi Equitis jacturam universa Civitas deflet adhuc, qui, dùm inter Chirurgos de secando crure lis ageretur, ob hærentem in rotula ejusmodi tumorem, omnem curationem, ac artis præsidia renuentem, febri lenta in dies ingravescente, macie confectus obiit: altè sepultà, adque totam liquidorum massam propagatà labe.

LXIV. Multis etiam *Ganglia* hos, ac illos artus obsidebant: Durissimum tumorum genus, nucis avellanæ magnitudinem haud superans, doloris expers, manuum juncturas, & talos frequentius occupans, rarius cubitum, & caput. Quo pacto oriatur, non liquet: ex succo nutritio nervosarum partium fieri, *Klopton Havers*, nuperus Scriptor conjectat. Videri posset lymphaticus humor, qui partes nervosas alluit, nesciò quo spiritu Gorgonico afflatus, congelari, nisi sensim excresceret; ex quo apparet per appositionem novi liquoris quotidie augeri, ubi sensim cæpit, & subtilioribus evaporatis, indurari. An vasculum lymphaticum supra modum expansum, ubi vel ictu vel aliâ violentiâ illatâ urgetur humor, qui intus vehitur, non patet. Haud magni cæterum momenti tumor: hoc enim habet beneficium, quod ruptâ membranâ evanescat. Ad hoc expedire *Helvetius* inter Batavos celebris, utebatur malleo ligneo, corio obducto, quo percutiebat tumorem. Hinc etiam forti manûs allissione, ut oritur, sic & tollitur. Sive autem ab externa quapiam causa, sive ab interna oriatur, potest emolliri primùm, deinde vi dissipari externa, à Chirurgo compressus, quam elegantem rationem apud *Aetium* videre licet. In eo resolvendo quod *Hydrargyrum* valeat, *Joh. Lossius* mirabili eventu expertus est, ut libro de podagra perhibet, ubi emplastrum addit à *Zacuto Lusitano* sibi communicatum, quod nodos podagricos quoque dissolvat, de quibus, si quis sit sollicitus (constant autem ex iisdem, ex quibus *Ganglia*, & quasi rarsæ cartilagini, ut cum

Celso loquar, simile quid obtinent) is vel solus optimè satisfecerit. Vidi quemdam, cui uno, ac altero horum dissipato, unum, ac alterum è vestigio alio loco oriebatur, quò dein improba progenies, meo consilio, *Mercurii* ope omninò deleteretur.

LXV. *Ruricolæ*, atque ex iis potissimum, qui ad *Alpium* radices degebant, strumis in universum laborarunt. Mulieres præsertim, ac pueri, eò curatu difficilioribus, quò non in collo, ubi hæ prodibant, sed altius fortè in ipso *Mesenterio* earum fomes latebat. Neque novum est tam altè strumas exoriri, quod equidem post alios nuper *Cl. Bartholinus* nepos advertit, ex *Riolano* Sapiens, qui *Scrophulas* in corpore numquam erumpere asserit, nisi *Mesenterium* strumofum fuerit: Hic verò ex *Guidone*, & *Ingrassia* id potest didicisse, qui idem tradidere. Quodve obstupescas magis; utque anni, ac morborum ingenium ediscas una, adnotare erat, vix paucos *Bronchocele* hoc anno obsignatos, familiari cæterum *Subalpinis* morbo, ut *Polonis* Plica, *Britannis* tabes. Tumor est *Thyroidis* glandulæ, mollis, ac pendulus, nec molestus modo, & aspectu foedus, sed etiam si magnus, suffocationis periculum adferens. Vidi ego musculos *sternothyroidæos* planè emaciatos, & membranaceos. Curatio illius haud facilis, nec tuta semper. Ut enim *Endemius* hic *Incolis* morbus, ita causas illius remove, à quibus originem habet, difficile prorsus. Laudantur plerisque tabellæ quædam ex alumine, ac spongia marina confectæ unà cum radicibus pororum; aliis emplastrum de *Galbano* crocatum *Mynsichti*. Nonnullis cataplasma ex foliis, & radice *cucumeris asinini* cum stercore caprillo, quibus & interna jungi possunt, & quidem pulvis ex ossibus *Sæpiæ*, *Mandibulis* *Lucii* piscis, *Lapidibus* cancerorum, *Pipere*, *Zingibere*, *Piretro*, *Testis* ovorum, quorum alia exsiccando, alia dissipando agere credi possunt. Potior sanè salutis spes, ac tum quidem, cum in scirrhum abiit, in sectione consistit, etsi metuenta hinc sit quædam colli deformitas, nec exiguum negotium præbeant vasa, quæ ex *Carotidibus* occurrunt: tùm nervi etiam recurrentis viæ, ne accidat, quod narrat *Galenus* de imperito Chirurgo, qui cum eos unà eveleret, mutum reddidit ægrum; Ob quod maxime hanc operationem omnium difficillimam puto. Multi *Scrophulas*, ac *Bronchocele* idem

idem esse putant; Alii, quos inter *Fabritius*, nescio, quod adtulit vitium asperæ arteriæ peculiare, quod eo nomine appellat, ut *Bronchocelen*, exponat nemini Mortalium unquam visam. *Celsus* inter cutem, & asperam arteriam eam ponit. *Aetius* tumorem simpliciter hanc vocat in gutture enatum; Tumoris tamen genus, ac sedem illius principem designare fas erat, quam nec ipse *Severinus*, qui de omnis generis tumoribus disertissimè scripsit, attigerat; Unus, quem reperiam, *Schelhammerus* agnovit, rectèque in Thyroidea glandula collocavit, visam hanc utique, sed non agnitam *Severino* ostendens, adnotato ab eodem exemplo hominis cujusdam, qui *Bronchocelen* prævastam multos annos cum angore passus, tandem ab ea strangulatus oppetiit; Quo dissecto grumos ingentes sanguinis undique circumfusus cum adnatis quibusdam carunculis offendit. Equidem sine dubio hæ carunculæ partes erant Thyroidis glandulæ præ sanguinis copia distentæ, ac divulsæ in partes, aliis sensim & corruptis, & colliquatis in sanguinem. Et hoc ipsum est, quod Doctissimus *Whartonus* dicit; Si *scrophulæ* (sic namque vocatis *Bronchocelen*, quod notandum est) *rubeſcant*, *colorem floridiorem esse, minusque lividum, quam strumarum*.

LXVI. Inter glandularum ægitudines refero, verrucas, ac nodos venereos, quibus, si acerbius unquam, hoc potissimum anno, foedum in morem correpti sunt improbæ Veneris milites, quosve vix ipse quidem magnæ famæ *Mercurius* solvere potis erat, aut decocta quæque lignorum. Vidi Militem universo corpore verrucosum, avellanæ magnitudinem exuperantibus verrucis. Ficosos hosce propriè vocat *Levinus Lemnius* in opere de naturæ miraculis, syphilios alii, aut putidè gallicosos appellant. Aderant hi utique sagacis Naturæ teterrimum hujusmodi, ac virosum fomitem abigentis, ac profligantis laudandi conatus, si quæ per vasa corporis, cæcosque meatus effluebat lymphæ, crassior illa, ac glutinosa, quàm par foret, magis, illi haud obstitisset, verrucas hinc, tubera, ac fungos universo corpore excitans, horrendum visu spectaculum! Ea namque mira est Naturæ providentia, ac summum ejusdem, ut in omni ferè, ita & in hoc præsertim morbo studium, ut per quamprimùm loca vitium venit, genitales inquam & his attiguas partes, per

has easdem vias, quasi facto recurſu, pellat; Ubi verò altius irasci malum incoepit, & se funditus abdens corpora depascit miserè; tota conetur adhuc infestum virus, seu exulcerantem intrò putrilaginem, per has, ac illas partes, quas in emissaria torquet, expromere; Rem quidem, quam seriò advertere debent hi, qui Syphiliorum hæc symptomata curant. Ita suis opificiis satagit Natura parens; Ita in adversis prospicit; ita nullam viam intentatam relinquit, ut ægrotantes adjuvet.

LXVII. Locus esset hujusmodi eruptiones, tum in morbi inchoantis sive interminati statu, tum in absoluti jam, & latè grassati altero fusiùs describendi; ejusque varios, quos passim inducit, characteres,

Qui casus rerum varii, quæ semina morbum Insuetum, nec longa ulli per secula visum Attulerint,

enarrandi unà, ac explicandi; Si hæc omnia possent brevi oratione complecti. Satiùs igitur lepidissimi Poetæ *Fracastorii* sit audire rapsodiam:

Ipse ego Canomanum memini, quæ pingua dives Pascua Sebinâ praterſuit Ollius undâ:

Vidisse insignem juvenem; quo clarius altes

Non fuit, Ausoniâ nec fortunatior omni.

Vix pubescentis florebat vere juventa,

Divitiis, præavisque potens, & corpore pulchro.

Cui studia, aut pernicis equi compeſcere cursum,

Aut galeam induere, & pictis splendere in armis,

Aut juvenile gravi corpus durare palestrâ;

Venatuque feras agere, & prævertere cervos.

Illum omnes Ollique Deæ Eridanique puella

Optarunt, nemorumque Deæ, rurisque puella:

Omnes optatos suspiravere Hymenæos.

Forsan & ultores superos neglecta vocavit

Non nequidquam aliqua, & votis pia numina movit.

Nam nimium fidentem animis nec tanta timentem

Invasit miserum labes, quæ sa vior usquam

Nulla fuit; nulla unquam aliis spectabitur annis.

Paullatim ver id nitidum flos ille juventa

Disperit, vis illa animi: tum squallida tabes

Artus (horrendum) miseros obduxit, & altè

Grandia turgebant fœdis abscessibus ossa.

Ulcers (proh Divûm pietatem!) informia pulchros

Pascebant oculos, & diæ lucis amorem,

Pascebantque acri corrosas vulnerenares;

Quo tandem infelix fato post tempore parvo

Ætheris invisas auras, lucemque reliquit.

Illum Alpes vicina, illum vaga flumina sterunt;

Illum omnes Ollique Deæ, Eridanique puella

Fleverunt, nemorumque Deæ, rurisque puella;

Sebinusque alto gemitum lacus edidit amne

Hi blandæ scilicet voluptatis, hi tenerorum complexuum sunt fructus; heu tragici tantum, & miserabiles, quantum inter multiplices cruciatus amisisse vitæ dulcedinem, & quantum ex humana specie transmigrasse in brutam.

LXVIII. Locus hic etiam esset pauca de altera tumorum specie, qui ad Chirurgiam & quoque spectant, proferendi, nempe de Aneurismatibus, occulto morbi genere, quo plures hoc anno miserè interemptos adnotavimus; Sed hæc & pleraque alia prætermittre intacta lubet, ne ingentem in molem Pagina turgescat, alibi fortè prolixius de hisce acturis, novaque in dies meditantibus, quoad eorum originem, ac incrementa, revelanda aliquando. Exempla pariter, ac Schemata exhibebimus magnorum Aneurismatum, quæ nobis occurrerunt, aut ab Amicis communicata. Quæ quidem alio tempore reservamus. Unum tantummodo, atque alterum superest commemorandum, quod nobis terminus hac vice, & extrema erit linea laboris; Primum est Castrationis historia in puero decenni, pro meliori vocis claritate, atque modulatione ab experientissimo Chirurgo *Andræâ Vernâ* felicissimè absolutæ. Febris huic supervenit cum vomitu inani, abdominis inflatione, ac præcipuè in regione tota hypogastrica. Alvus ad quartam usque occlusa penitus; Urinæ etiam parçâ copiâ effundebantur. Post quartam referari sponte alvus cæpit, tum urinæ pleno gurgite copiosius effluere, evanescente paulatim, ac omninò tandem desinente febris, adeò ut undecimo die æger incolumis, adque omnia munera obeunda aptus videretur, uno relicto vulneris inflicti vestigio, quod quidem, cicatrice obducta, brevissimo tempore consolidatum apparuit. Alterum est Mammæ, quam foedus, ac improbus Cancer occuparat diù, extirpatio ab memorato *Andræâ Vernâ* in Virgine quadam quadragenaria propè, feliciter peracta. Cæperat hæc de tumore in mamma dextra ab viginti & ultrò annis conqueri, cui cum varia passim Muliercularum, Agyrtarumque consilio Medicamenta adhibuisset, incrementa præbuit majora.

Augescens is namque sensim, ac totam penè mammam obsidens, venisque in orbem nigro sanguine turgentibus circumfusus, in ulcerosam demum praviratem degeneraverat, ultimum postulans in sectione præsidium. Mirum ut generosa Virgo invicto animo, nova velut Amazon, pertulit excisionis acerbiter. Consolidato vulnere, ruri abiit, confirmandæ valetudinis gratia, ubi brevi post tempore acutâ febris prehensa decessit. Tertiò denique ac postremò recensendus subit diuturnus Oculorum affectus scarificationibus ad ima Palpebræ inferioris confinia institutis curatus, autoritate, & consilio Cl. Viri *Petri Rohaultii* Chirurgi, & Antecessoris Regii. Affectui isti initia, ac faciem præbuit exterioris Oculorum membranæ inflammatio, cui cum imperitus quidam topica diù admovisset, nedum ingravescere hinc malum cæpit, sed & unâ simul intumescere Palpebras visum, ac sensim in schirrhosam velut duritiem, inferiores potissimum desinere, quæ repetitis scarificationibus, ac topicis appropriatis, læto omine, cessit.

LXIX. Atque hæc sunt, quæ brevi sermone, accuratâ tamen Morborum temporumque indagatione exarata, pro tertiâ hacce Constitutione sufficiunt. Haud diffiteor quidem multa iis deesse, saltem hæc ipsa politiore calamo delineari potuisse; Quod à me exigui omninò vetant, tum quibus obstrictus, ac occupatus sum praxeos negotia, tum exigua prorsus ingenii acies, ac curia admodum *suppellex*. Juvat autem aliquid adhuc sperare tum laudis, tum adjumenti: illius, quod primus Ego in Patria glaciem fregerim, omnesque in hoc animi nervos intenderim, ut, si quo modo fieri possit, Morborum medela, post cineres meos, majori cum certitudine administretur: hujus verò, quod nullus dubitem futuros aliquandò, ut nonnullos jam enumerare possem, quamplures, qui auxiliatricem mihi dexteram ferent; aut me defuncto fati, tentatum à me opus feliciore *Ævo* perficient.


GUILHELMI
MUSGRAVE

*M. D. Inclyti Medicorum Londinensium Collegii,
& Regiæ Societatis Socii,*

DE
ARTHRITIDE
SYMPTOMATICA
DISSERTATIO.

Αγαθοῖσι δὲ Ἰητροῖσιν αἱ Ομοιότητες πλάναι καὶ ἀπορίας Hippocr.

EDITIO NOVA accuratior.



GENEVÆ,
Apud FRATRES DE TOURNES.

M. DCC. XLIX.

Hic Liber, cui Titulus
De Arthritide Symptomata Dissertatio,
I M P R I M A T U R

Tho. Millington, *Præses.*


Gualt. Charleton

Rob. Pitt

Sam. Garth

Humphredus Brooke

Censores.



Generosissimis , Spectatissimisque

GUILH. COURTENAY , *Baronetto.*

JOH. POLE , *Baronetto.*

ROB. ROLLE , *Armigero ,*

Ad PARLAMENTUM hoc anno MILITIBUS
à Devonia Delegatis , *Salutem.*



RÆTER ista , quibus , Viri Perillustres , *Me*
devinctissimum habet unusquisque Vestrum *Benefi-*
ciis , non alio modo Gratiam & Favorem illum
qualemcumque , in quo apud Devonienfes sum , aut
apertiùs Agnoscere , aut decentiùs pleniùsve possum Remu-
nerare ; quàm Vobis , hujusce Populi Legatis , singularem
Eum & Votis majorem , palam prædicando ; itemque Vobis ,
hujusce Populi Deliciis , Observantiam & Honorem quantum
maximum , officiosè tribuendo.

VOBIS igitur Inscribo , & in perpetuam Cultûs & Obser-
vantiae Memoriam , Clarissimis Vestris Nominibus Sacratas
esse jubeo , Similitudines hasce meas , has Imagines Arthriti-
cas ; e media Experientia ductas , & Ufu figuratas ; Animi
Nostri , Vobis devoti , Pignus & Testimonium.

ET quidem meritò ; Vos enim estis , ut privata (in Alios Ve-
stra , & Aliorum in Vos) Officia prætermittam ; Quorum Fi-
dei , Speciatim , Comitatus hic amplissimus , Artis & Naturæ
Muneribus beatissimus , Fortunæ Bonis refertissimus , Agricul-

DEDICATIO.

turæ, Lanificiï, Mercaturæ rem; ne plura, Se Suaque omnia uno Ore commisit; &, quod majoris æstimandum, Qui Vestræ commissa Fidei sic Curæ habuistis, ut Eorum postulat Momentum.

GRANDIORA volo: Sub Auspiciis Serenissimæ Augustissimæque REGINÆ, Vos ANGLIÆ Libertati; Vos Possessionibus invigilatis: Vos Civiles Ejus Ritus; Vos Sacros tuemini: Vos Antiquam Ejus Πολιτείαν vindicatis; Vos, Avitas Aras. Nec quidquam Vobis Studio est ac Cordi, nisi quod Reipublicæ conducat.

QUOTIES autem Libertatem dico, Religionemque; duo maxima Cœli Munera Me dixisse videor: Cum Homines imprimis inter se distingui (quanta verò hæc Distinctio!) faciat Religio; &, quàm ab Illis Hos discriminet Religio; tam, à Se invicem Gentes, Libertas.

FAXIT Deus, sic, ut Nobis, & quidem ferè Solis, non sine peculiari Providentia, perximæ Pietatis & Constantiæ Patronos, hinc COURTENÆOS; illinc POLOS; isthinc ROLLOS; Utramque Harum integram, incorruptam, conservavit & tutatus est; Idem (Optimus, Maximus) per Ipsos diu, per Ipsorum denique Progeniem perpetuò, servare perstet.

VOS autem agite, Viri Nobilissimi; quæ Personis, & Amplitudine Vestra; quæ Natalibus, & Familiis Vestris; quæ Patria, & Ejus Libertate; quæ denique Vobis sunt digna & decora, Ea præstare pergite: &, e Re Vestra si esse censueritis, Favete

Salutis & Existimationis

Vestræ Studiosissimo

Isæ Damnoniorum iv. Idus Decemb. M. DCCII.

GUILH. MUSGRAVE.



PRÆFATIO.



Uotcunque inspexi de *Arthritide* scribentes, in eo sunt ad unum omnes, & quidem elaborant, ut tantummodo Morbi istius, qua *Exquisiti*, *Genuini*, *Legitimi*, suoque ordine *Primarii*, Doctrinam excolant, & Disciplinam edant: Ea videlicet Illius Notitia, quæ ex Ipsa manat, vel elicitur, contenti: de *Larvata*, sive *Symptomatica Arthritide*, num quæ sit, aut qualis, aut quanta, aut quota, aut quàm à se diversa, aut *Arthritida Primigeniam* quàm *Mimicè* & quantum imitetur, (etiamsi hæc ad Illam illustrandam exponendamque adprimè conferunt) parùm, vel minimè solliciti.

Quid ab His Hominibus studeatur, & in isto genere quousque proficiatur, non est hujus Instituti, exquirere. Impræsentiarum Nos, Experientia Duce & Præside, proponimus, in iis Affectio- nibus, quæ *Podagræ* & *Arthritidos* Regularis Appellatione passim insigniuntur, explicandis sanandisque, (ut, à Medico quod suscipitur Negotii, luculenter id tractetur; &, ad Ægrotorum Commodum & Sanitatem, quod amplissimum fieri possit, id de- mum agatur) primum, in *Arthritida Primigeniam* & *Symptomaticam*, Earum Divisionem; tum *Symptomaticæ* in suas Partes Distri- butionem, constantissimè ante omnia religiosissimèque conservari.

Quanto Ille, & quàm dignè, Risu exciperetur; qui, dum Ar- tem exercere professus sit Gemmariam, omnes illos, quotcunque circumferuntur (ita vulgo nominati) *Adamantes*, tanquam *legi- timos* & *veros* æstimaret; atque adeò acciperet? An non *Artificem* potius deceret, quid *Adamanti legitimo* proprium sit, investigare; eoque posito, tanquam Regula & Norma, de *Pseudo-Adamanti- bus*, & Eorum à *Vero* dissimilitudine & discrepantia judicare? Nonne etiam delectaret *Falsorum* Varietatem, magnam utique & multiplicem, ut à *legitimo* Alii quàm longissimè removentur,

P R Æ F A T I O.

Ementiti, factitii; ut ad eum Alii propius accedunt; Alii *Colore* translucido æquiparant; Alii *Duritie* tantum vincuntur, à *Vero Adamante* non nisi ab *Artifice* peritissimo distinguendi, diligenter expiscari?

Non minus fixum aut immobile Fundamentum in Experimentis habet *Arthritidos*, illa in *Primigeniam* & *Symptomaticam*; & *Symptomaticæ* in suas *Species*; quàm habet *Adamantis* hæc in *Legitimum* & *Falsum*, & *Falsi* in *Partes* suas, Divisio Distributioque.

Quanti verò interfit hæc notari, & hisce perquirendis quàm egregiè locetur Res & Salus *Arthriticorum*; ex eo constat; quod, iis prætermiſſis neglectiſve, jure merito verendum; Ne dum uni eidemque tantum Morbo, nempe *Arthritidi*, videamur; revera nos, quodque est certissimum, multis, iisque longè inter se diversis, & diversa ratione impugnandis, obſistere contingat: Id est, ancipiti prorsus eventu, Prælium, ne in Tenebris committamus.

Eum rectè curaturum credunt, qui Rationalem Medicinam profitentur, quem prima Origo causæ non fefellerit: Neque Curari id, quod ægrum est, posse, ab Eo, qui quid sit ignoret: Sed Cujus rei non est certa Notitia, quod Ejus Opinio certum reperire remedium non potest. Celsus, Præf. L. 1.

Hujus quidem modi Distinctionem, à Clarissimo *Mortono*, in *Phthysiologia*, fusè jampridem doctèque lucubratam esse video; &, istius opera, Morbum omnino difficillimum explicari, gravissimum curari. Sed, in Chronicis plerisque aliis, ab *Auctoribus* celeberrimis, aut penitus omissam, aut aridè nimis & jejunè proditam: Quam tamen, & in aliis perutilem, & quidem necessariam fore, ideoque multum desiderari, diu sum arbitratus; in *Arthritide* verò quam plurimum; eò certè plus in *Arthritide*, quò diutiùs illa cæteris Affectionibus, quò crudeliùs Humanum Genus acerbiùsque infestavit; &, in illa, quò frequentius *Symptomatica* reperitur.

Quid, quod Insignissimus *Baglivius*, Magnum *Italiae* Decus & Ornamentum, hac in parte ομολογῶν, graviter errare Medicos existimat; qui putant non nullos Morbos esse *Primarios*; ab iisdem Causis productos; eandemque etiam Medendi Methodum exposcentes:

P R Æ F A T I O.

poscentes : cùm , per repetitas gravissimorum Medicorum Observationes , certò constiterit , Eos esse *Secundarios* ; à diversis Causis pendere ; *Specie* differre ; propria habere Symptomata ; propriasque Methodos exposcere. Et inter præcipua Artis Desiderata illud meritò reponit , *Ut scilicet singuli quique Morbi in tot Species subdistinguantur , quot sunt Morbi Primarii à quibus foveantur , aut Causæ vehementes constantesque quibus producuntur.* *Præxeos Medicæ Lib. 2. Cap. IX.*

Posita ergo hac *Arthritidos* Divisione , & in præsentì misso , tanquam *Postulato* , Divisorum Membro Priori , scilicet *Arthritide Primigenia* ; Posterius aggredior , nempe *Symptomaticam* ; hoc Consilio & Spe fretus , si priùs Copiæ debellentur hæ *Auxiliares* , Hostem postea faciliùs depelli & evinci posse *Principalem*.

Dicam itaque *Arthritidem Symptomaticam* , & in ea *Species* , quotquot usquam mihi innotuere , comprehensas : Ut Illius *Ratio generalis* , & Harum *Descriptiones & Distinctiones* ; ut , à Morbis suis *Primariis* , Earum *Ortus & Emerisiones* ; ut , in *Arthritida Primigeniam* , Earum *Migrations & Itinera* ; in Statu maximè degeneri & peregrino , ut Earum *Facies & Proprietates* , (variæ , Jupiter ! & dissimiles) Ut ο'μοιότητες *Arthriticæ* usquequaque aperiantur : *Curationes* , & *Medendi Intentiones* Earum singulis accommodatæ , & (quoad potero) congruentes , ut eliciantur : Postremo , totum id quod dicimus , ut *Historiis* , optima fide traditis , tanquam tot *Testibus* , stabiliatur , confirmetur. Hoc *Libelli* hujus *Opus & Argumentum* est.

Lectorem autem illud admoneri decet ; quoniam ea , quæ à *Nobis* , nullius *Sectæ* Affeclis , imò *Sectam* omnem fugientibus , & *Historicam* (ea quidem una exercenda , vindicanda) *Medicinam* colentibus , sistuntur & in medium proferuntur ; aut *Eventa* habent , aut ex iis ultrò nata , vel facillimè ducta ; ista verò *Eventa* colligenti , maximam partem præbuit *Damnonium* hocce *Orientalè* ; quod idcirco *Medicina* hæc (ea verò ejus *Pars* præcipuè , quæ de *Scorbutica* est *Arthritide*) quodammodo *Provincialis* , & *hujus Populi Propria* esse videatur. Utinam sanè Tanto & tam Nobili Populo par inveniatur !

ELENCHUS

E L E N C H U S.

| | | |
|---------|--|---------|
| CAP. I. | D E Arthritide Symptomatica <i>generatim</i> . | Pag. 1. |
| II. | De Arthritide <i>Rheumatismo</i> Supervenienti, Symptomatica falsò appellata. | 6. |
| III. | De Arthritide ex <i>Chlorosi</i> , & ex <i>Mensium</i> <i>suppressione</i> . | 11. |
| IV. | De Arthritide <i>Hydropi</i> superveniente. | 16. |
| V. | De Arthritide <i>Melancholica</i> , <i>Hypochondriaca</i> , & <i>Hysterica</i> . | 24. |
| VI. | De Arthritide <i>Fixa Scorbatica</i> . | 31. |
| VII. | De Arthritide <i>Lui Venereæ</i> succedenti. | 42. |
| VIII. | De Arthritide <i>Asthmatica</i> . | 51. |
| IX. | De Arthritide <i>Febri</i> succedanea. | 57. |
| X. | De Arthritide ex <i>Colica</i> . | 63. |
| XI. | De Arthritide <i>Morbis</i> quibusdam <i>Cuticularibus</i> subiecta. | 71. |
| XII. | <i>Corollaria</i> & <i>Spicilegia</i> quædam habet, cum <i>Epilogo</i> . | 76. |



D E

ARTHRITIDE SYMPTOMATICA GENERATIM.

C A P. I.

A R T I C U L U S I.



T Morbi rectè dignoscantur, videndæ sunt, (quod docet* *Hippocrates*,) ὅσα ἐξ ὁρίων εἰς ὅλα διαδοχαὶ νόσσημάτων, h. e.

Quæcunque sunt Morborum vicissitudines, & ex quibus in quos succedant. Vertente Clarissimo Mediomatrico, pariterque Textum in hunc modum interpretante: Morborum Successiones, vicissitudines, & exceptiones, esse inspicandas; ut facilius de toto eorum exitu existimes. Et, Hæc oportere omnia ad eam Morborum Transmutationem transferri, quæ solutionem quandam

præ se fert, & Naturæ benignitate aliò Morbum ablegat. Quibus præfatis, ex Divini Senis Oraculis, ad Gratiàm, & Fidem, Operi nostro conciliandam; (quod, ad ea se conformari, frustrà quidem, & ambitiosè nimis, exoptavit,) ipsam rem aggredior; ex illoque sancto quasi Fonte, nostra omnis manabit Oratio.

II. Præter istam *Arthritida*, quæ Causam habet Continentem Propriam, & Peculiarem, quæ suis viribus pollet, & est ex se sufficiens; id eoque *Exquisita* audit: nec, ab Affectu quovis alio, perfectò, mutuatur, sive ducit, originem; unde *Primigenia*; (quæ quidem, in præsentia, Postulati loco ponenda:) Alia est *Arthritis*, quæ à Morbo aliquo Antecedente profluit: quæ alteri Morbo debet ipsum id, quòd nascitur; & quòd existit;

* Επιστημιῶν ἀ' τμήμα τε'ον.

existit: & (à Primario illo) *Derivata*, *Secundaria*, *Symptomatica* uti, (præ *Arthritide Exquisita*,) *Mendax*, *Simulata*, *Falsa*, jure merito nominetur.

III. Fusiùs dicam: *Arthritis Symptomatica* cum *Primigeniâ*, si primas earum *Facies* conferamus, & illa quæ sunt exteriora spectemus, in plerisque convenit: (Par etenim *Ratio Paroxysmorum*; iidem utrinque typi, similes causæ, & Principia; nec non effectus, seu Reliquæ: sive fructuosæ, sive contrariæ :) Proindeque generali Nominè *Podagræ*, & *Arthritidos*, utriusque communi, comprehensæ, magnam partem ἀδρακείτως sub eo delituere; Morbus idem esse, judicatæ. At, à vero quantum id abhorret, iis facile innotescet, qui earum εἶδος καὶ ἵδιον penitiùs scrutabuntur. *Arthritis* enim *Primigenia*, morbus exquisitus, γνήσιος sui ordinis Princeps, peculiarem & sui generis conjunctam habet causam, proprio utique Marte agentem; per se, vel procatarcticarum stimulo, Paroxysmos facientem; à nullo verò affectu alio, aut primitùs acceptam, aut in operibus dependentem. E diverso, *Symptomatica* morbo alteri succrescens, vel materiam, (id est, causam continentem,) vel minimum materiæ in hujusce generis *Arthritida μέτεωρισμόν*, illi *Primario*, quo (directè vel obliquè) Ortus ejus promovetur, refert acceptum: Itaque tum morbi, unde fluit, *Primarii*; tum *Arthritidos*, quam æmulatur, exquisitæ, de Naturâ, tanquam *Hybrida*, participat.

IV. *Symptomaticæ*, quas hoc Terrarum Tractu vigere comperimus, sunt ex Rheumatismo *Arthritis*, ex Chlorosi, & mensibus suppressis, ex Hy-

drope, Melancholiâ, Scorbuto, Lue Venereâ, Asthmate, Febre, Dolore Colico, Affectibus cutaneis: Perplures sanè, dignæque omnes quæ in *Luciani* Drama prodeant Τὰ γονοδαγμένα: quarum tamen Catalogum haud dubiè augebit industria posterorum.

His affecti, eos qui in *Arthritide* sunt *exquisitâ*, numero videntur, (si rectè calculum ponas,) exæquare; imò quidem (mea sic est *Ratio*,) vincere: Ut *Damnonio* nostro *Arthritidos* pars dimidia, sine ullâ dubitatione, sit hodiè *falsa*.

V. *Symptomaticarum* ratio generalis in eo locari reperitur, quod, cum morbi sunt ab *Arthritide Primigeniâ* diversi, & intervallo quodam distantes, stationes suas *Primarias* relinquunt, & erga *Arthritidem* moventes, ei sensim appropinquant: Simili ferè modo, ac, in Hypothesi *Copernicanâ*, Planetæ Apogæum (sive punctum illud Ellipseos, quod est à Sole remotissimum) deferentes, versus Solem inclinant; donec Hypogæum (sive punctum ejus quàm proximè Solem) pertigerint.

De appropinquandi modo ut ritè cogitemus, non solum ex *Arthritidos Primigeniæ* Symptomatis aut pluribus acceptis, aut diutiùs servatis, is existimandus: Næ hoc, utrumque, Judicium fallax, & incertum: Imò potius à primario plus minusve exuto, [ut in sequentibus patebit] addiscendus. Verùm enim verò *Primarii* Exuviæ simul cum usurpato *Arthritidis Primigeniæ* vultu, *Symptomaticas* omnium certissimè commonstrant.

Specialis harum est *Conditio*, quòd à stationibus *Primariis* quò celerius, & quò longinquius, ejusdem *Classis*

Symptomaticæ deflectunt, eò rariùs ad eas revertuntur : hoc est, quò plura Morbi *Primarii* Symptomata deposuerunt, eò insolentius resumunt; eò celerius *Arthritidis* Puræ Symptomata usurpant; eò constantius retinent.

VI. Secum dissentiunt *Symptomaticæ* si earum *Externa* respicimus; quod *Alia*, *ευτομία*; *alia* Partu difficili, eduntur; *Alia*, à *Primigenio* ægriùs; *alia* libentius, decedunt: *Alia* ad Parentem citò regrediuntur; *alia* vix unquam, aut nè vix quidem: *Alia* sæpius; *alia* rariùs, *Παροξύνονται*.

Harum autem *Paroxysmos* si attenderimus, sunt illi profectò longi, breves: acerbis, mites; abnormes, idonei; continui vel intermissi? eadem planè varietate inconstantiâque, quâ sunt *Arthritidos* exquisitæ *Paroxysmi*: Et Reliquias sive fructus, habent (sicut illi) suæ cujusque Ferocitati & Magnitudini, plerumque respondentes.

Partus istam Diversitatem facit diversa *Primarium* Indoles, & in *Arthritidem* Propensio: Nam, quò cujusque *Primarii* Materia virus *Arthriticum* magis refert, & *Materiæ Arthritidem* facienti, quò plus favetur: eò certè vividum magis *Arthritidos* Simulachrum, eò magis solidum emergit *Εμμεγέλον*. Et è contrario.

VII. Sed, (quæ cum primis ad exponendas hæc *Symptomaticas*, conducit Differentia;) *Alia* *improprie*, & ex Vulgi tantum Opinione, sic appellatur: Quippe quoniam *Paroxysmos*, ad Normam *Arthriticam* formatos, & compositos, habet omninò nullos; nec Materiam, ei quæ est *Arthritica*, (quantum ex utriusque signis judicare licet) ullâ ex parte comparem. Hujusmodi una est, quæ Rheumatismo

superat; quæque *Symptomaticarum* Nomine, quoties de iis verba fecerimus, à Nobis eâ re excluditur. *Alia* *magis proprie* dicta; quæ Morbo alicui *Primario* manifestè & palam *ενεργουμένη*, *Primigeniæ* ritu, per se vel aliundè stimolata, & adjuta, *Paroxysmos* celebrat.

VIII. Illa etiam duplex est; Altera Generatione, quæ dicitur *Æquivoca*, procreatur. Gravi quodam Morbo laborat *Æger*; eoque partim, vel penitus subactò, Natura, sui demum juris & vegetior facta, *Miasma Arthriticum* in sanguine occultum, sanguinem & quicquid intus virium est depascens, (maximè verò si *Pharmacis* ea proritetur) ad *τὰ ἐξωθεν* appellit; itaque (præter spem & expectationem omnem sæpè) gignit *Arthritidem*. Huc pertinet *Arthritis* ex Chlorosi, & ex Hydrope, quæ quidem, accuratè si dixerimus, *Secundariæ* potius quàm *Symptomaticæ*, censeantur: uti infra ostendetur.

Alter, quæ *κυριωτάτως* *Symptomatica*, eandem cum *Primario* (cōtrà quam modò dicta,) sed mutuam, & ab eo derivatam, habet Materiam; vel ipsam, vel aliquâ ex parte alteratam; vel integram, vel cum alio quodam mistam; sed in aliam Corporis Regionem, quæ transvehitur; aliaque ratione (id est *Arthritica*,) quæ operatur. Nam, ei quod ineptum est eliminando, per Morbos hunc vel illum, pro inepti ratione & corporis Constitutione, varios, dum incumbit Natura; (unde horum Morborum φύσις ab Hippocrate dicuntur *ιντερί*,) sæpè quidem fit, vel propter eos nimis remissos, & instituto impares, vel ob materiam parum tractabilem, & *δύσχυλον*, quòd il-

lius pars in Corpore, necdum istis molitionibus exturbata, restet. Hanc natura, praelium redintegrans, secundò aggreditur; &, quoniam ausis prioribus exciderat, aliâ jam methodo conficere, alio morbo, scil. *Articulari* proscribere, contendit. Atque hunc in modum oritur *Arthritis Symptomatica*; cujus species sunt *Arthritis Melancholica*, *Scorbutica* quæ Lue Venereæ, quæ Asthmatis, quæ Febri, quæ dolori Colico, quæ morbis Cuticularibus, succedit.

IX. Hoc autem minimè celandum, Quòd rarò illa, quæ maximè propria *Symptomatica* est, *Primarium* sequitur nisi multorum dierum, veterem, &, ab Ætate quasi venerabilem, Cronicum: Et, quòd illa, seriùs quàm *Primigenia*, nec nisi grãdiores, invadit; Eos scilicet, qui, cum affectu *Primario* diu conflictati, cum eodem simul inveterascunt. Id quod de alterâ istâ magis propriâ parte, confirmari vetant experimenta; quippe quæ, robustioribus, quæ junioribus, congruere hanc, evincunt.

X. Verùm, ut ultrà distinguam *Symptomaticas*, earum quæ sunt *idiotici* morbi primarii, (à quibus derivatâ sui generis materiâ, quæ in *Arthritica* modum agere conatur, hæ singulæ potiuntur,) quum validè inter se discordant; *Symptomaticas* item hæc, utcunque primâ facie consimiles habeantur, specie tamen, pro ipsorum materiâ, pro illâ primariorum diversitate, inter se differre, non est improbabile. Peculiarem habent sigillatim omnes naturam, proprium ῥῑθῑ; & curationes exigunt proprietatibus suis accommodatas. Nam,

XI. In exercendâ Medicinâ, quoties occurrit *Arthritis Symptomatica*,

Symptomatica

morbi *Primarii* ratio, & modus omninò investigandus; Therapia probatissima diligenter expiscanda; & ex iis, unâ cum *Arthritidis Primigeniæ* Doctrinâ, studiosè consideratèque pensitatis, eliciatur, & in quadrum redigatur, optima medendi perfectissimaque indicatio.

a Neque enim credant, (qui *Rationalem Medicinam* profitentur) posse eum scire, quomodo Morbos curare conveniat, qui, unde hi sint, ignoret: Neque esse dubium, quin aliâ Curatione opus sit, si à Lue Venereâ; aliâ, si à Melancholiâ; aliâ si à Scorbuto; aliâ, si ab Hydrope; aliâ, si à Chlorosi, (& sic de cæteris Affectibus, toto, quod dicitur, Cælo distantibus, & secundum illam Differentiam diversè medicandis) *Arthritis* oriatur.

XII. Etsi verò *Symptomaticæ* Ratio Composita, ab utroque Parente (tam eo qui genuit, quàm eo qui adoptavit,) Ætiologiam, Therapiam, ex parte accipit; tamen non id indiscriminatim, & æquali factum est mensurâ; sed modo, & proportionem, prorsus singulari. Nam, in Paroxysmo ab *Arthritide*, Therapia maximopere; extra verò Paroxysmum, in ejus vacatione, Prophylactica quæ colatur, à morbo præcipuè *Primario*, haurienda.

XIII. Quæ quidem Prophylaxis, & in eâ quæ est Medicina vel latè sumpta, cum, ad morbos, veteribus Chronicis, iisq; graviorique, secundarios, & malum *συσσώθεις* (*Arthritidem*) æmulantes, evertendos, excolatur; diutiùs quidem, & contentiùs, ad menses aliquot ducenda: sæpè etiam per annos, statis temporibus, repetenda est: Ut nempe morbis ita pertinacibus, inveteratis, sanatu difficillimis, curatio par & æqualis adhibeatur.

beat. Ista verò Prophylaxeos diuturnitas aliàs longior, aliàs brevior, ordinanda, pro singulâ Curationum singularum Difficultate: quod in sequentibus speciatim, & pressius, exponetur.

XIV. *Arthritidis Symptomaticæ à Primigeniâ Diversitas*, inque Membra Partitio, ab Artis Professoribus non satis observata, id effecit, ut *Ætiologia Arthritica* hodieque trunca, debilis, imperfecta, perturbata, minimè constet; nec cum *Ægrorum Symptomatis* concordet. Neque enim aliter fieri potest, cum, quæ Una, & Simplex, æstimata fuit Affectio, varia prorsus esse deprehenditur, & multifariam composita.

XV. At, quod magis dolendum, & in Humani Generis incommodum (ut ne quid gravius dicam) cessit immane quantum; id etiam fecit hoc Παράρρημα; ut, quæ non uno eodemque modo construi, quid potius variari, & pro Morborum Differentiis, Discrepantiâ, Diversitate, aliis aliisque Indicationibus passim summi, debuerat Therapia; angusta, manca, & delumbis, esse reperiatur; utpote *Arthritidis* unius *Primigeniæ* Basi, & Fundamento, (nimis arcto) superposita; cum Medici, tum *Ægroti*, spem, & vota, decipiens. Infelices *Arthriticos*! & eo quoque nomine miserandos, quòd, dum adversus Morbos Convulsivos; adversus Phthisin; adversus Febres Intermittentes; aliasque quàm plurimas; dum, adversus graves & Herculeos Affectus, medendi Intentiones aptas, solertes, commodas, excogitavit *Ætas*; in *Arthritide* sanandâ, pellendâque tam parum profecit.

XVI. Prædictas *Symptomaticas* hâc Methodo discutiam: Primùm nempe Remotissimam, & ab *Arthritide Pri-*

migeniâ, quàm longissimè disjunctam: Deinde reliquas, eo ordine, quo sunt, in suâ cujusque Ellipsi, minus remotæ dum ad illam denique pervenero, quæ, ab *Arthritide Primigeniâ*, vel abest quàm proximè, vel ipsa est: Per totum hunc Decursum, & universum percurrendo *Systema Symptomaticum*, habito respectu, quoad ejus fieri potest ad Accessum, & Proximitatem: quæ quidem hoc tempore potissimùm advertenda: En Opusculi Partitionem:

| Arthritis | |
|---------------------------------|--|
| Symptomatica | Primigenia. |
| | <i>Falso sic appellata, quæ Rheumatismo, Minus propriè dicta, quæ</i> |
| <i>Magis propriè dicta, quæ</i> | <i>Chlorosi, Hydri, Melancholiæ, Scorbuti, Lui Veneræ, Asthmatis, Febri, Colicæ, Morbis quibusdam Cuticularibus,</i> |
| Supervenit. | |

In ipsis partibus tradendis, primum, morbi cujusque *Primarii* stationem dicam: Tum, ejus in *Arthritidem* progressum: Deinde *secundarii*, jam facti, & in aditum maximè propinquo sistentis, *Diagnosin* qualemcunque: Post, à Cognatis *Secundarii*, & *Arthritide* exquisitâ, illius differentiam: Tum, morbi, ejusque *Symptomatum*, imprimis *urgentium*; *curationem*: Deinde, isthæc illustrandi ergò, *historias*: Hæc autem, non eâdem ubique *ἀκριβεία*; quantâ tamen opus est, *Scripturâ* persequar.

C A P U T II.

De Arthritide Rheumatismo supervenienti, Symptomata falsò appellata.

A R T I C. I.

Priusquàm ad *Veras* aggrediamur *Symptomaticas*, omninò necessarium est, *Arthritidem* ex *Rheumatismo* ortam, ità *falso* nominatam, propter ejus cum *Veris* similitudinem, & nè istam in illarum numero ponentibus, operi nostro deesse, videar, expediri; eâque re, de ipso *Rheumatismo*, mendosæ hujus *Symptomatiæ* Affectu *Primario*, paucula quædam præmitti.

De *Arthritide Vagâ*, quatenus *Rheumatismum* referat, & illius Appellatione se occultet, aliud loci est differere: De *Rheumatismo*, quam ille *Arthritidem* imitetur, ac quasi vices rependat, hujus & temporis, & loci est.

II. *Rheumatismus* ille, cui quidem uni quantum ego rescivi, succrescit hæc *Symptomata*, (nam à *Scorbutico* minimè unquam, nedum alio quovis *Rheumatismo*, prognatam memini) semper incipit à Frigore, causâ hujus affectionis evidenti fidelissimâ: Ex quâ celerrimè sanguini, præcipuè verò ab exercitationibus incalescenti, *Lentor* inducitur; qui, in Musculis & Membranis, infarciens *Capillaria*, circuituri *Fluminis* meatus obstruit; Dolores, & interdum Tumores affert. Quæ inest Sanguini, *Pituitæ*, sive feri crassioris *Massa*, horæ paucarum aliquando *Sexagesimarum* Spatio, momento temporis, ferè tota *lentescit*, & (uti *Cera* per *Syringem* injecta,) *Ductus* implens exiguos, *Impedimenta*, *Moras*, *Oppilationes* creat, pro ipsius crassitie plus minusve pertinaces.

III. Quî fiat tanta, tamque subita *τλίσξις*, (haud explicatu facile Problema) Professores Medicos, optima quidem Ingenia fatigavit. Sunt, qui *Lac* acefcens, si admoveatur *Igni* coagulum citò contrahere perpendentes, & *Lac* immissum venis statim *Coagulari* confirmantes, binis hisce positis, sibi videntur rei summam explicasse, Dubii que vim in totum diluisse: at quo jure, quâ *ἀσέλεγχι*, (præfato virorum de Republicâ benè meritòrum Honore,) paucis expendam.

Primum, Experimentis *Boyleanis* manifestò constat; *Acidi*, præter *Salis Marini*, vel ejus æmuli, quantitatem perexiguam, atque huic *Coagulationi* producendæ minimè sufficientem, nihil Naturâ sanguini inesse: Neque de horum Experimentorum fide, per *Vieusseniana*, dicam?

cam? an *Chiracciana*? quicquam* derogatur.

De altero Argumenti Membro, et si, apud Magni Nominis † Anatomicum, tanquam Experimentiâ prodium, Lac immissum venis illicò densari, perscribatur; tamen, quòd vacillet hâc in parte, non tam Auctoris, quàm (ex eâ, quâ versamur, Rerum Caligine) eventus Fides & Testimonium, idèoque dubium æstimetur, habeo dicendum. Cùm enim, varias olim, *Oxonii*, Injectiones, & quidem hanc ipsam lactis vaccini, quantitate satis locupleti, exercendo, sanguinem indè nè vel minimùm coagulari, sive concrefcere, tametsi hâc illâc agitatum accuratèque spectatum, deprehenderim; Virum clarissimum, Profectorem eximium, aut Animalis minùs sano, aut acescenti Lacte, fuisse usum, haud injuriâ suspicatus sum.

IV. Deinde, non solùm ab Acido fieri in Sero Animalis Coagula, testatur id * *Boylei*, per *Oleum Tart. per Deliquium* illi adjunctum, perque *Spiritum vini* probè rectificatum, coagulari serum asserentis. Quin etiam, ut Symbolum meum conferam, *Rheumatismo* laborantis serum, pes calorem, & exinde quàm citissimum Frigus, (utrumque scilicet impensum,) in Gelatinam admodum lentam, viscidam, firmam conciliari & cogi Nobis ex-

* Hâc de re, Qui plura voluerit, adeat clarissimi *Pitcarnii* dissertationem *Med. ultimam*: Ut & *Almii Coll. Romanorum Archiattrorum* ad *Cl. Vienssenium* Responzionem.

† Vide *Cl. Lovverum* de Corde, Cap. 2.

* Vide *Humani Sanguinis. Historiam*, Partem 3.

perimento patuit. Hoc enim brevi evenit, quando, hujusce rei tentandæ gratiâ, istiusmodi serum, cochleari contentum, & subjectâ lucernâ calefactum, Aquâ frigidissima ac cochlearis marginem immergeretur.

Ab Acri verò Sale Alcalico, quàm ab Acido, *Lentorem* fieri, longè probabilius: Sagacissimi enim † *Baynardi*, Collegæ Nobilissimi, Experimento liquet, *Rheumaticorum Urinâ*, Salis Alcalici ejus, quem habent Sani bonæque utentes valetudine, partem quasi trigesimam, nec quidem suprâ, destillando elici. Unde conjicitur, Salem istum acrem, pungentem, asperum, acutum, in Sanguine retentum, Pituitâ (forsan adjuvante Oleo, veluti in *Sapæ Compositione*,) irretiri involvique & ad viscidum in *Rheumatismo* faciendum, ad Dolores, & Tumores inferendos, opere quidem maximo contribuere.

At, quod rem absolvere videatur, *Rheumatici* cujusdam *Ægri* venâ pertusâ, sero *Syrupum Violaceum* instillavi, unde Mixturæ, brevi temporis spatio, *Color viridis*: Et ejusmodi sero, *Sublimati solutione*, parcè quidem & tantillulâ quantitate, additâ, quàm citissimè ad fundum se demisit Concretum *Albissimum*.

Ipsi porrò Pelliculæ, sanguini *Rheumatico* innatanti; (ut videlicet, in eâ salis quid dominetur, anquirerem). *Solutionis* dictæ guttis aliquot affusis, ejus superficiem ex hinc *Albere*, cum plerisque aliis astantibus hujus experimenti testibus, notabam.

Siqua igitur hisce probationibus Fides, vel à calore frigoreque vehementibus & continuis, vel ab sale alcalico

intus

intus retento, vel utroque Lentorem hunc oriri, verisimile est.

V. Quoties è viscido redemptus, priscâ gaudet *εὐχολία* & more naturali circumagitur, sanguis; evanescit tumor, quiescit dolor, convalescit *Æger*: contrâ verò, affectu malè tractâto, id est perseverante viscido, nondum victo correctoque, non nunquam oritur *Arthritis* ista, quam dico, *Symptomatica*. Nempe, cùm abundat τὸ *Πισχρὸν*, quâ visciditate, quâ acredine, vehementiores, pariter ut *Arthritis* ipsa, profert distensiones, dolores, tumores, aliosque non paucos effectus utrique huic vitio communes.

Frigidam verò *Arthritidem* æmulari gessit hic affectus, illiusque Partes sustentare: Nam, neque dolor, æquè acerbus; nec inflammatio perinde contumax; neque declinatio similiter propera, ac in illâ *Arthritide*, quam appellamus *Calidam*. Nihilominus fatendum est, quòd, si *Rheumatismo Scorbutico*, aut *Venerèo*, *Arthritis* ista superveniat, (posse verò supervenire, nullam recipit controversiam) ob asperum aliquid, ac stimulans, interfusum, & dolorem magis acutum, & inflammationem magis infensam esse.

VI. Autumno maximè intenduntur hi dolores; eo videlicet tempore, quod fluxionibus favet, (quanquam & alias anni tempestates iis prorsus immunes esse, nequaquam affirmandum,) & diu, non nunquam ad totum Hyemale Spatium, ubi morbus inveteravit, excurrunt; sæpe quidem intercessi, at à levissimo frigore recidivi; quod diuturno familiare *Rheumatismo*. turgent Articuli. Farcturâ extante, & in Tumorem albidum, & tanquam *ὀζυμαλῶδον*, cutim elevante. Unde digi-

torum motus semper impeditus, interdum abolitus: Huc illuc digiti torquentur: Manus non nunquam retroagitur; sicque cubitus, ut pars ejus interior jam emineat.

Cùm *Arthritidis* personam qualemcumque capeffivit *Rheumatismus*, rarò quidem exiit; ad vitæ usque terminum plerumque perferens. Si modò sanum id, quod intus, & incolume totum est, extremam aliquando senectutem, sed digitis, sed Artubus multatus, *Æger* adipiscitur; *Podagram* interea, tanquam humani generis pestem & perniciem, tanquam malum, vel ipso teste experto, acerbissimum, (quâ tamen Genuinâ fortasse nunquam est affectus) increpans acerrimè.

VII. Quamvis enim non nulla *Frigidæ Arthritidos* Symptomata gloria- tur hic affectus: tamen, si rem attentius perspexerimus, cum eâ parum convenit. Cutis sanguini (sic, ut in *Rheumatismo* solet esse) densa, & quàm in *Arthritide* multò densior, post quietem supernatans, hoc abundè arguit: Confirmat id, quòd Gelatina, quamdiucunque Commissuris immorata est, nunquam in Tosos indurefcit; quodque commissuris minimè contenta, cum Internodiis eas pari ferè proportionem premit: tum verò omnium maximè, quòd nullo Cardiacorum, utut *Actu* vel *Potentiâ* calidorum, abusu, vel quâvis aliâ de causâ (contrâ quàm *Arthritis* omnis, sive *Primigenia*, sive *Symptomatica*; sive *Calida*, sive *Frigida*) in Paroxysmum, qualis est *Arthritidis*, vel levissimum, evehatur unquam *Species* hæc *Adulterina*.

VIII. Ad hæce *Rheumatismi* Reliquias, duras equidem & pertinaces, prævertendus, valet ea, quæ morbi istius

istius curationem habet, quæ sanguinem attenuat, Medicina; ab Auctori-
bus, illam ex instituto tradentibus,
haurienda. Cui tamen unum, ut mea
memoria est, ab iis prætermis-
sum, ad-
jiciam; nempe, quòd, ad dolores *Rheu-
matismi* minuendos, ad sanguinem al-
terandum, & τὸ γλισχρότητι devincen-
dam, conducit, supra quam quis ex-
pectaret, Vomitus; sed vehemens, sed
iterata. Quod unde efficitur, sangui-
nem exagitando, concretiones inhiben-
do, motumque illi novum expeditio-
nemque tum intestinum, tum periodi-
cum, imprimendo; an quovis alio mo-
do fiat, in medio relinquam.

Hoc autem gratis dictum, ne quis
existimet; fidenter affirmare possum;
solâ *Infusione Croci Metallorum* ad qua-
tuor vices, quantitate benè magna, tot
diebus continuis, ab Athletico quo-
dam & multarum virium Ægro, contra
Rheumatismum haustâ, unde cum εὐφο-
ρίᾳ toties evomuit; *Rheumatismum* gra-
vem, & permolestum, me novisse
penitus & radicitus extirpari. Cujus
quidem Historiæ mentionem non ideò
feci, quòd tristem & severam, ne di-
cam periculosam, hanc curationem, vix
centesimo cuique tolerabilem, in com-
munem indistinctè usum, inducere co-
narer, aut in animo haberem; (quæ
enim hæc Temeritas!) sed tantum, ut
Emeticum ab hoc affectu per se consi-
derato, non ex omni parte respui, seu
vetari, submonerem; imò quadante-
nus indicari; &, quoties vires, & quæ
sunt Ægri cætera consentiunt, posse
ministrari.

IX. Ad easdem Reliquias præsen-
tes extirpandas, requirit indicatio quæ
quidem unicè attendenda, ut tollatur
iste lentor, ut crassa pertinax & visci-

da materia, quæ juncturas obstruit, &
in tumores cutim earum effert, causa
videlicet conjuncta, corrigatur emen-
deturque, cujus gratiâ, è Regno *Vegeta-
bili* depromantur *Antiscorbutica*, quæ
dicuntur, sale volatili referta; qualia
sunt *Radices Armoraciæ, Cerpæ, Ari,
Allii &c. Folia Cochleariæ, Nasturtii
Hortensis, Indicique &c. Semina Sina-
pios, Cochleariæ &c.* Quæ quidem om-
nia, rectè & artificiosè comparata, de-
bitoque more data, viscidum incidant,
tenuent, resolvant, perque Renes de-
mum expellant illius quicquid alienum
est, & inidoneum.

Huc, eodem ferè nomine, respiciunt
*Spiritus C.C. Urinæ, Fuliginis, Salis Ar-
moniæ, & id genus alii Volatiles, sive
simplices, sive oleosi.*

Quid per *Oleum Terebinthinæ*, Medi-
camentum mirè penetrans, & deob-
struens, (Pulmonis illud solvit pitui-
tam, in Catarrhis pertinacibus farctu-
ram ejus allevat: In tingendo marmo-
re, colorum illud optimum laudatissi-
mumque vehiculum est:) Quid, in-
quam, in Lentore *Rheumaticorum* re-
ducendo per illud præstetur, quando
hoc hortatur Analogia, fiat periculum.
Profit autem tum internè sumptum,
tum externè applicatum, v. g.

℞. Ol. Tereb. gtt. iiij. ad vj. vel si Fe-
bris Suspicio nulla vetuerit, plures.
Cons. Anthûs ʒj. Syr. de Rubo Ideo q.s.f.
Bolus, horâ somni deglutiendus, cum
Julapii Haustu.

℞. Aq. fol. Ari, Angelicæ, Ulmaricæ
ana ʒv. sp. Croci ʒij. Sambuci q.s. cum
Marg. ppt. & sacch. f. Julapium.

Balsamo Sulf. Terebinthinato Artus
motu privati, cum Frictione, bis die,
superillinantur; vel etiam Vernice Te-
rebinthinata.

Camphoræ sapor acris & pungens, O-
dor Aromaticus penetrantissimus, ignis
comprehendendi facilitas eximia, sed
præ cæteris quibuscunque in auras
abitio, celerrima, partes ejus subtilissi-
mas tenuissimasque ostendunt. Ideo-
que nunquid Ægrotantibus hisce no-
stris, ad incidendum & tenuandum in
eorum capillariis lentum illud visci-
dumque, & quantum ab illius auxilio
sperari possit adjumenti, meritò exqui-
ratur. Dari possunt ejus Grana v, vel
vj, Oleo Amygd. dulc. soluta, cum Conf.
flor. Borag. 3j. Syr. Cort. Citreor. q.f. (ut
f. Bolus) cum Jul. Haustu, hora somni:
quod quidem tempus exhibendi præ-
tero, quoniam per noctem insequen-
tem (noctu verò, quàm interdiu, in
his Ægrotis, ad superficiem corporis
sanguinem magis efferri verisimile est)
unà cum sanguine ad τὸ γλισχρόν appul-
sum majori cum impetu, favente flumi-
ne rapidiori, in id arietet. Quin etiam
Epithemata Camphorata possunt ex-
ternè Partibus affectis admoveri.

X. Sin hæc è Regno Vegetabili fru-
stra esse reperiantur, & operi imparia,
è Regno Minerali conducat optimè
Mercurius; illo nempe pacto sanguini
commistus, & obstructionibus adve-
ctus, ut incidendo dividendoque vis-
cidum illud attenuet, solvat, colli-
quet. Quare Ptyalismum hoc in casu
levem institui, diuque proferri, (mo-
dò per Ægri vires, & alias res licuerit)
è re futurum arbitror. Nec non ad eum
finem *Mercurium* partibus iisdem læ-
sis, per unguenta, per emplastra, posse
cum fructu superponi.

At si ista non sentiat, quæ juncturis
inest, Gelatina; Suctu frequenti vali-
dissimoque, per fistulam ad eam rem
fabricatam & orificio prius facto im-

missam, evocetur. Hoc in *Arthritide*
verâ laborantibus fieri, vulgare jam &
pervagatum est: Multò verò tutius in
Rheumaticis posse credibile est. Hæc
autem operatio non nisi recens affe-
ctis, & dum liquida est materia, pro-
mittit sanitatem. Articulos Gelatinâ
per suctionem inanitos, *Vino ustulato*
sæpius fovere, & *Emplastro* quodam
(*Stomachico* putà *Magistrali*) à gan-
græna defendere tutarique oportebit.

Istam medendi legem, secundum
morbi indolem & genium delineatam,
ut in ejus initio probabilem, adduco;
sed nullo quidem experimento (fate-
bor enim) confirmatam. De morbi
Historiâ plus satis constat, & etiam
nunc in vivis sunt, qui hujus veritati
fidem faciunt, & astipulantur; de Me-
dicinæ verò hujus usu, & victoriâ, ni-
hil habeo, quod dicam. In affectu
inveterato, cum viscidum id indu-
ruit, quod tenuetur, minùs verisimile
est.

Omittendum verò non est, quòd,
τὸ γλισχρόν Rheumaticorū Sanguini
accedentem putrefactione solâ te-
nuari dissolvique posse opinatus, medi-
cus perillustis, clarissimus* *Floyerus*,
(cujus hoc est argumentum, quòd
ovorum albumina, quæ quidem Gela-
tinam hanc nostram cum primis refe-
runt, putrefactione liquefiunt) ad eam,
his in corporibus non minùs quàm in
tussi laborantibus, promovendam,
emollientia, maturantia, colliquantia,
(qualia sunt è *Rad. Glycyrrhizæ*, *Sar-
sæ*, *Chinæ*, *Iræos*, &c. ex *Hordeo*, *Passu-
lis*, & ejusmodi aliis comparata) non
fine

* Vide *Humorum Animalium sta-
tum præter Naturam*. Cap. xi.

sine multâ probabilitate præcepit. Utrum hæc, quæ in liquando solvendoque pulmonis phlegmate, tot ab annis, tantarum virium & ἐπεγίας esse meritò prædicantur, in Artuum illo Rheumaticorum valeant, operæ pretium esset experiri.

De Symptomaticâ falsò, & ex vulgi tantum more, sic appellatâ, quæ habebam, effunduntur: Itaque iis, quæ ad Veras Symptomaticas Aditum præcludere viderentur, de viâ dimotis expeditisque veras jam attento.

C A P. III.

De Arthritide ex Chlorosi, Albâ; & ex Mensum Suppressionione.

ART. I. **E**X Symptomaticis ita νοεῖται appellatis, illæ primùm expromendæ veniunt, quæ Ortu, quod dicitur, Æquivoco generantur: quarum è numero Principatum postulat Arthritis à Chlorosi nata. Quòd autem uspiam ita nascatur; quòd Adolescentulæ, Virgineo dudum morbo Languentes, nec dum illo prorsus liberatæ restitutæq; doleant Arthritide, à non nullis idem habeatur, ac si Lucam Bovem [ut in Proverbio est] Locusta pariat; id est, Ἀδυνάτων ἐν. Sic à morbo, hisce Puellulis parum congruenti, immunes eas reddere, incolumes præstare, videatur, tum Ætas præmatura, tum affectio dissimilis. Ita verò sentientibus, utnè Calculum adjiciam, indubitatæ fidei cogit experientiâ; nec istam Ætatem, nec hanc affectionem, illas ab Arthritide penitus tueri comprobans.

II. Ut autem dicam, quâ fieri potest, quòd, ex morbo sic dispari, morbus sic dispar oriatur, advertendum est; quòd Arthritis eas tantum modò pallidas [quantum mihi observare licuit] aggreditur, quæ Miasmate hæreditario supra modum vitiatæ & imbutæ, ad istud mali naturæ inclinatione pervicaci, momento maximo, pronæ sunt, & diriguntur.

De cujus rei veritate, satis, ut opinor ex eo liquet, tum quòd illa, quæ ad Arthritidem inducendam more agunt usitatè Procatacético, [qualia sunt crapula, satietas, Venus immoderata, Lues Venerèa &c.] Virginibus hisce imputari minimè posse cogitandum est: tum etiam, quod Arthriticæ hujus Classis stirpe sunt cum primis Arthriticâ.

III. Exinde patet, quòd Arthritidos ex Chlorosi procreatio, non eo sensu capienda, quasi hanc quæ fecit, illam etiam faceret, eadem Numero, vel Specie, materiâ; sed novâ ratione, agens, nova perpetrans φαινόμενα; [quod tamen in plerisque Symptomaticis usu venire palam est.] Nostra quidem alia res est. Chlorosi, sive sanguinis μόλωσι, abituræ supervenit, & simul cum vultu colorato, cum robore, cum mensibus, nè multa, cum sanguinis Μίττωσις ὥ horum societati se immiscens, ex accidenti profilit Arthritis; peculiarem habens materiâ, causam propriam continentem, à Chloroseos illâ, multum abludentem.

IV. Symptomatica hæc Arthritis interdum Vagâ est: Artus hinc inde subsultando peragrans; dolore pungenti, & rodente gravans; aliquando Rheumatismi nomine delitescit: Aliàs, articulis inhæret, & Affixa est.

Vagæ Diagnofis incerta, & tenebri-
cofa; uti *Arthritidis Vagæ primigeniæ*.
Lucem tamen afferat, De Parentum
Morbis, Numnam illi Pedibus doluê-
re: Et, an *Ægræ Rheumatismi* caufis
evidentibus, præfertim Frigori, paulò
antè fubjecta fuit quæftio. *Fixa* verò,
Teneritudine Juncturarum, Dolore,
Rubore, primùm Molli, deinde fucceffu
temporis Lapidefcenti, & Tofaceo, fe
oftendit.

V. Hæc cum Morbi ratio fit, in eo
ponenda Indicatio, fingularis, & præ-
cipua videtur; ut, à peccante Materiâ,
jem nunc *Arthritidem* molliente, per
Muliebria, primo quoque tempore,
fanguis expurgetur; & fic *Chlorofi*, fic
Arthritidi, fimul femelque occurratur.
Omnium maximè conducet, (dummo-
dò res annuerit Familiaris, & iniri
Nuptias permiferit,) *ἐν γαστρί ἐχεν*.
Quum, Partu Naturali, quo, in Ute-
rum, tanquam in fentinam, univerfi
Corporis Inquinamenta fecluduntur ad
inanienda, & vacuanda, Foëminarum
Corpora, nihil efficacius valentiusvè.
Certiè Hippiafris illud notiffimum, &
multiplici comprobatum ufu: nec, cur
Hominibus denegetur hoc Confilii,
video. Procul dubio Laborantes ifti
Medicinæ generi minimè refragabun-
tur; quin Medico, Naturæ tam Mini-
ftro facilè obtemperabunt. Medicinæ
Vires, & mirificos effectus, confirma-
bunt, Suarum gratiâ, Matronæ.

VI. Sin nulla fuerit Nuptiarum op-
portunitas, ad Menfes (quia hâc in par-
te, fecundas vendicant) omni auxilio,
omni ope, & induftriâ promovendos
adnitendum eft; eâ fpe, & Fiduciâ
fretis, *Arthritidos* materiam, & cau-
fam continentem, per eos facilè com-
modèque poffe proturbari. Atq; hunc

in finem *Martiata*, fed, (ut illorum
vires, & potestates, ad uterum rectâ
collineentur,) aptiffimè cum *Emmena-
gogis* copulata, vel artificiofè interpofi-
ta, Fructum ingentem, Meffem amplif-
simam, pollicentur.

Si Menfes omninò nulli funt, ex
iis concreta, & compofita, ad tempus
diutinum & continens, cum exercita-
tione & purgatione debitis, adhibean-
tur. Si fluunt, fed diminutè, Illi; Inter-
lunii tempore, bis die, *Martem* ufurpa-
ri proderit; fed illo, quàm primùm
Menfes infiterint, neglecto, ea dari,
quæ hos ciendo Naturæ Rem (quâ ni-
hil efficacius, conducibiliufvè) fuo ip-
fius more, promovebunt. *Marti* nullum
aptius Vehiculum, quàm *Aquæ Mar-
tiatæ*, per Urinam exeuntes; nec, uno
tantum nomine, *Pallidis* his *Arthriti-
cis* conveniunt: Coctionem integrant;
Sanguinem exaltant; æftuque exun-
danti, virus *Arthriticum* abluunt abri-
piuntque; tum *Arthritidi*, tum *Chlo-
rofi*, fimul adverfantes.

Horum autem ufui, & præmitti Ca-
tharfin expediet, & feptimo quoque
die circiter interponi; nè ab Aquâ in
Corpore alicubi reftante; aut ab Alvi
tarditate; aut, à fanguine roborato, ni-
mis evecto exaltatoque (quod fæpiffi-
mè folet accidere) fit periculum. Cujus
quidem modi Catharfeos Intercalatio-
nem, ab Antiquis fummo confilio
præceptam, & diligenter inftitutam,
non fine *Ægrorum* incommodo, &
discrimine, dudum ab aliquibus omitti
video.

Quæ verò reliqua generalem Morbi
hujus Curationem refpiciunt, & Mate-
riam *νοσθη*, per Renes expellentia, fi-
ve Ortum ejus & Incrementum inhi-
bentia, complectuntur, ex *Arthritidis*
Primi-

Primigeniâ Prophylaxi non inutiliter ducantur. Atque hæc de *Arthritide*, quam, quòd *Albarum* esse reperiatur, appellamus *albam*.

VII. Aliâ est *Arthritis Symptomati- ca*, priori propter Affinitatem adjungenda, quæ Adultas, (ut jam dicta Juniores,) quæ steriles affligit, & Catameniiis, aut omninò nullis, aut aliquantò paucioribus, donatas. Hâc affectæ crassiori plerumque Habitu sunt, Viragines, sedentariæ, voce gravi, neque semper Imberbes. Morbus, *Arthritidi Frigidæ* appropinquans, negligenter, & languidè *Παροξυσε*; Juncturas denique Recrementis explet, motu privat.

Occlusâ nempe, quam caram, quam utilem, quam amicam habuit Natura, per Catamenia sanguinem expurgandi, viâ, Materiæ vis in eo cōstructa & coacervata est; quæ, graves & periculosos inferendo morbos, Oeconomix crebrò miscet, turbat, evertit omnia. Sin Materiam Natura vincit, Portâ hac vel illâ, eam expellit, nec rarò in Articulos trudit, Dædala Rerum Conservatrix.

VIII. Ista verò, non nisi Corporibus *Arthritidi* perferendæ (malitia vel acquisitâ, vel Hæreditariâ,) præparatis, obtingunt; & illâ potissimum ætate, quæ provectior, & ingravescens, per Methodos succedaneas Naturæ Defectus ambit quodammodò refarcire.

Et quoties à laudabili desideratissimoque *καταρρώματι*, desciscens, natura *Arthritidem* molita est, rarò utique Gressus retrò agit, rarò Catamenia renovat; quin *Arthritidi* impofterum insistent, illius beneficio vitam quàm potest longissimè, quàmque beatissimè, producit.

IX. Cùm Mali hujus, Partu allevandi spes omnis frustrata, & à Cata-

meniiis obscura est, & tenuis; eam mendendi Legem optimè posse fructuosissimèque servari judico; quæ, per *Cathartica*, materiam peccantem, in sanguine congestam, & res novas affectantem, expellit. Ut autem illa *Ægrarum* Conditioni quadantenus accommodentur; primùm eligantur ea, quæ, Sanguinem fundendo, & à sese illius partes separando, Mensium movendorum expectatione Medicum accedant; (hoc autem modicâ Dosi, potius quàm magnâ, fieri certissimum est.) Tum, ad eundem finem, *Emmenagogis* implicentur, & fiant *Purgationes*, quæ dicuntur *Hysterica*. Postremò, omni tantummodò mense alterno, (nec quidem amplius; ne Purgatione nimis liberâ & frequenti, materiâ aliò ablegatâ, Mensium spes interrumpatur) eâque Lunæ quadrante, quâ præcipuè sanguis *ὑπερσφοδῶν*, & se attollere coepit, vere & autumno, iterum sæpiusq; repetantur: nec, quæ earum vires infringendo redundant, aut motum sanguinis intestinum sufflamment, admittantur; horâ somni, post purgationem, Paregorica. e. g.

℞. *Calom. quinquies sub. gr. xv. species. Conf. de Hyac. Conf. Ros. rubr. ana ℥j. syr. de symph. q. s. f. Bolus serâ nocte deglutendus.*

℞. *Pil. de succino j., Aloës Rosat. ℥ss. Assæ fatid. Pul. Castor. scammon. aā. gr. v. Bals. Per. q. s. f. Pil.*

Si isto ritu Purgatio, in hujusmodi *Arthriticis* celebretur; de Catameniiis postliminiò restituendis spes affulgebit aliqua; (modò ætas, & Naturæ ordo consentiat) aut, si votis & expectationi non respondeant ista, Capiti tamen, & Partibus internis, per Catharsin certissimè cavebitur, ne à Plenitudine lædan-

tur; quod quidem minimè spernendum, atque adeò studiosè laborandum.

X. Si Mensium spes fefellit omnis, neque restat ulla istius Anchoræ fiducia, majori quantitate catharticum (*Albeticum* autem esto; vel *Decoctum amarum purgans*) illoque mensis tempore, quod solebat esse eruptionis, *εὐχάρως* adhibendum: Tum, Ano materiam quod emittat, itaque mensium vices suppleat; tum etiam *Arthritidis* (quæ Hominibus hisce auro contrà, & cum vitâ æque, pretiosâ,) spei quod indulgeat. Quæ quidem regula, tam illis commoda, tantique (si appositè observetur,) est momenti, ut nihil suprâ.

Hisce porrò ex usu erit fonticulum aperire; aut, ne vetus exsiccetur, inspicere: Et, si quod per fluorem album, vel aliud quodvis, *ὡς λόσον*, erat excrementum; ut permaneat, perduretque vel etiam in *Ægrarum* commodum augeatur, eniti.

XI. Corollarii vice, memoriâ tenendum, in isto pari *Symptomaticarum* impugnando (Dii Deæque!) quantum intersit; Altera Purgationem non nisi levem, & raram eligit; altera, tum fortiolem, tum frequentiolem. Altera eam, non nisi alterantibus, (id est, principali auxilio) viam præparantem; altera, tanquam ipsum principale. Altera Chalybem desiderat, & in eo ferè spem ponit omnium; altera eundem metuit, fugit, ut fatalem abhorret. Brevi dicam, altera sanguinem augeri καὶ μεταεὐχεσθαι; Altera minui, & deduci, postulat. Adeò nempe contraria *Symptomaticis* hisce Therapia; imò, ut fieri potest, in eodem corpore.

Historia Arthritidis Vagæ, Fixæ, ex Chlorosi, fugatæ.

V Eteris *Arthritici* filia, duodeviginti annorum, ventriculi dolore quasi colico, cum fastidio, nausæâ, vultu pallido, respiratione molestâ, mensium defectu, aliisque symptomatis *Chlorosin* ostendentibus, afflicta est. Post annum, materia quædam Artuum commissuras, earum autem intervalla magis, occupavit; diu, miserèque cruciavit. Teneritudinem, torporem inibi, doloremque peperit acerbum; aliud ex alio. Cessavit intereâ ventriculi dolor: Perduravit *Ανορεξία*, *Δυσπνοία*.

Dum ita se res habet, primò Emeticum, tum Catharticum, meo consilio, datum est; & deinceps iteratum. Ob atroces, & ferè continuos, artuum dolores, sanguis detrahitur. Post quas evacuationes, ad appetitum acuendum, ad sanguinem evehendum, & menses ciendos, (quem mihi scopum hâc in re palmarium proposui,) *Martis Nutriti*, *Ἰβ.* cum vehiculo convenienti, bis die, deglutiit: Et omni mane aquarum ferratarum, *Totonesii* in suburbiis, *℥ij.* exhausit; cum Sp. vol. Oleos. (ad *Διέρεσιν*, & calorem augendum,) guttis circiter triginta. Hâc methòdo menses per plurimos, interposito subinde lenienti, observatâ; Dolor iste rheumaticus, (sic habebatur,) & teneritudo primùm mitigantur; demum in totum ferè devincuntur. Viget appetitus & digestio. Aliqua sunt catamenia. Facies colorata fit & vivida. Scintillant oculi. Salus ex omni parte perfectior & integrior; nisi quòd Tumoribus albis,

albis, mollibus, teneris, & (ab iis) *Δυσκινωσίæ* Juncturæ Artuum infestentur. Quæ quidem accidentia tempestate pluviâ plus solito sævière.

A *Rheumatismi* (sic perperam dicti) exitu, triennio vix elapso, Tumores indurescunt, & nodi fiunt Tofacei, tum numero plures, tum magnitudine conspicuâ; sed, & diversâ, & longè dissimili: Alii namque Granum triticeum; alii pisum; alii nucem æquant avellanam, Digitorum articulos, eorumque regiones tumefaciunt; in articulis, permanentes; sed in eorum interstitiis, evanidi, inconstantes. Erat dextri summitatis Cubiti cæteris major; Nuci juglandi par; initio mollis; sensim exinde lapidescens. Juxta cubitum sinistrum, tumor albus eo tempore digito cedens, in Tofum abiturus. Adhuc pruriunt Artus, & quidem molestissimè; & emittunt pustulas. Per biennium ista *Podagræ* tulit symptomata, sed lenis, sed benignæ; neque toto hoc tempore, vel semel unquam, in paroxysmum evectæ. Ab ejus ortu, ventriculo, & iis quæ sunt intus, benè; ob illam artus aggredientem, procul dubio melius. Menses, per universum hoc biennium, mediocres.

Anno incipiente 1700. præter ista, quæ memoravi, *Arthritidos* symptomata, de ventriculi (præsertim à Pastu) dolore, inflatione, aliisque *Δυσπεπσίας* indiciis, porrò quiritatur. Ut Therapiam, tum ad ista præsentem, tum prophylacticam, instituerem; auctor eram (*ἀντὶ καὶ κατὰ* sæpius præmissâ catharsi, & primis viis uti par erat exoneratis,) ut, per quatuor menses, omni mane, sextam inter & octavam, aquarum ferrat. ℥ij. (quarum ℥ss. foliis *Theæ* alteranda) ebibat. Decima

sequenti, Haustum infusi,

℞. Summit. *Trifol. palustris*: Pug. ij. Aq. *Pluviæ bullientis* ℥ss. Infunde ad *Amaritiem sufficientem*: Colaturæ *Cochl.* v. adde sp. *Junip.* 3j. Tinct. *Aurant.* gtt. x. f. Haustus.

Quartâ pomerid. Bolum, è Conf. *Trifol. palustr.* Flav. *Aurant. ana* ℥j. *Millep.* pp. ℥ss. *Chal. Nutritigr.* v. *Syr. Caryop.* q. s. cum leni *Cathartico* subinde repetèdo.

Interdictâ, per totum hunc Decursum, *Cerevisiâ*, Potui dabatur *Ordinario Decoctum.* ℞. *Rad. Chinæ, Sarsæ ana* ʒiſs. coq. in Aq. font. *Ferratæ* ℥iiij. ad ij. Colaturæ adde spiritûs *Juniperi*, cum *sacchari Crystallini*, q. s. f. Decoctum.

Vescebatur *ἐν πνεύματι, ἐν χάριτι, & Sanguinem temperantibus*, summitatibus scil. *Beccabungæ, Nasturtii Aquatici, & Hortensis, Urticæ; Rapa, Batatâ, Piso, Pastinaca, unâ cum Agninâ, Pullinâ, Vitulinâ, & istiusmodi aliis.*

Harum rerum observantiâ diligentî, sedulâque corpus *Ægræ* *ῥωτίζεταί*. Nodi partim minuuntur, partim evanescunt. Pruritus cessat: Tolluntur pustulæ: Augetur appetitus; Coctio perficitur: Sanguis, expulso per renes uterumque inimico, fermentationem, & *πνεύματος* acquirit Naturalem; quam monstravit *ἐν ῥοίᾳ, ἐν σαρκί.* Quod auspiciatissimum judicavi, rectè postea fluxère *Catamenia*; & quò rectius, eò certius fugatur, cum satellitio suo, *Arthritis*. Ut, neque Pustulæ; neque pruritus; neque tumor; neque dolor; jam, per annos per plures, ex eo tempore, reverterentur. Quod quidem indubitandum, optimæque fidei, Argumentum; Per *Emmenagoga* &c. posse hujusmodi *Arthritidem*, etiamsi *Nodosam, & Hereditariam*, auferri depellique.

C A P. IV.

De Arthritide Hydropi superveniente.

ART. I. **A**D alteram illam è Symptomaticis minus propriis, ex recensione principio dictâ, properamus; nempe, ad *Hydropis* *ὁπλύνματα*: eoque libentiùs, quia crebro hoc occurrit, & uti spero, in hujusce populi commodum & tutelam explicetur.

Quod *Arthritidi* succrescat *Hydrops*, & facilè perceptu, & ordini, quem in hominibus è medio tollendis, fervare solet natura, maximè consentaneum est: At, è contrario, quod *Hydropi Arthritidis*, etiamsi aliquando accidit; tamen, naturæ methodo quasi inversâ factum, inter ejus *Δυσνόη* non iniquè censeatur.

II. Ut de re tam utili, tam jucundâ, tam explicatu dignâ, pro ejus dignitate, quantum potero, dicam luculenter; advertere oportebit, Quod ab Hepate, aut Viscerum aliquo nobiliori, sive Scirrho, sive aliâ quâvis indomitâ Labe, vitiato, quicumque fit *Hydropicus*, rarò is *Ποδαγρία*: & quò nobiliori, eò rariùs. Hoc enim in casu, sic in pejus ire solent omnia; sic corruere; ut, si qua olim emicuit *Arthritidis*, à morbo graviore, & magis imperioso: (totas *Ægri* vires totum hominem exercente & fatigante,) ei plerumque officiat, tanquam majoris morbi auctoritate victæ, & Paroxysmum rarò unquam rectè facere contin-

gat: Verùm, in corpore taliter affecto corruptoque rarissimè omnium exoritur, & nascitur *Arthritidis*.

Sin ea fuerit *Hydropis* ratio, quòd, salvis visceribus, aut parum læsis, ab unâ partium sanguinis *ἀμείψια*, & malo ejus habitu, (ad viscera contaminanda, quantumvis apto, & proclivi) ducat originem; ex eo, præsertim medicato, exoriri posse *Arthritidem*, iterum & sæpius observari.

III. In eo sanando, sive *Anasarca*, sive *Ascites* sit, cum Aquæ quod abundat jam priùs emissum est, amarum & Chalybeatis, tum ad corrigendum sanguinem eumque roborandum, tum Mehercule imprimis ad eximendam *Ἀνορεξία* *Hydropi* familiarem, ex usu medico, insistimus. Quæ quidem medicamenta in exaltando sanguine tanti sunt momenti, tantarum virium; ut, si *Æger* nec ætate neque morbis fuerit debilitatus, idemque seminium habeat in sanguine *Arthriticum*, exulante eo & in Articulaamenta misso, ex *Hydrole* in *Arthritidem* persæpe rectâ progrediatur.

Imò quidem ita fieri potest, & aliquoties evenisse novi, ut, ubi consistent Vires, & *Arthriticum* Miasma in Sanguine copiosum, efficax, & jam ad *ἀκμὴν* evectum, insit, absolutis quæ ad *Hydropa* exsiccandum opus erant, Evacuationibus, & salvis Naturæ viribus, sine dictorum, vel istiusmodi, Alterantium usurpatione, *Podagrâ* quidam afficiantur.

IV. Utcunque fuerit, Natura (sive per se, sive Medicamētis adjuta,) novos init operandi modos; novam Ambitionem. Spiritus, qui in Oeconomîâ Animalis tuendâ sustinendâque indefinenter

ter occupati, omnem absolvunt operam, totum opus perficiunt, mala vitæ ratione dudum oppressi, & Sero ferè submersi, *Chalybis*, cæteraque *Alterantium* vi suo tempore (hoc est, remotis impedimentis) exhibitâ, tandem incitati, emergunt denique *Αἰμάρων* promovent genuinam; Appetitum, & Coctionem emendant, Materiam è Sanguine pellunt alienam; itaque eum instaurant, depurgant, & longè reddunt Vegetiorem.

V. Dum in his versantur, si seminium intus latuerit *Arthriticum*, (diu verò, & silentio, latuisse, sæpenu-merò comperimus, nec in paroxysmum evehi,) ad illud amoliendum, expellendumque iisdem hi urgentur Medicamentis. Hinc in sanguine primùm discordia; tum, eâ paulatim gliscente; (ut in veneno, si quod demissum fuerit, eliminando,) Orgasmus, supra Naturæ modum, (qui lenis usque & placidus esse solet) supra tenorem ordinarium, vehemens, & cum Impetu. Ad exturbandum inimicum, summis undique viribus & copiis, omni industriâ, contenditur. Hic Labor, hoc opus. Post aliquot dierum Luctam (est ubi citiùs) iste fugatus, & loco cedens, quâ data porta viam capeffit; Articulum aliquem externû petit; Dolorem, aliaque profert, *Arthritici* quæ sunt Paroxysmi signa *Παροξωμονικά*.

VI. Bono quidem Omine, in conspectum venit hujusmodi *Arthritis*. Est, quòd ovans exclames, *Arthritice!*

Χαίροις, Μακάρων πολυπραγμάτων.

Morbum enim vix ausim appellare. Descendens Coelo, Te salutat, *Diva*
Tom. II.

Arthritis: (Feret hæc *Latinitas*.) Tum Annos elargitur, tum valetudinem; si non integram, & omnibus numeris beatam, certè desiderabilem; & Medentium, & Dolentium Encomiis celebratam: Divinam Hospitem, fac, gratè accipias; fac, colas.

Ita Natura, priori Sanguinis *δυσκρασία* fermè obruta, *Hydropis* edit Symptomata; at Brachia secundò agitans, & sese colligens, aliam rerum faciem, aliam inducit Symptomatum cater-
vam, atque adeò *Arthritidem*.

VII. Ex prædictis sequitur, quàm nulla hic loci necessaria, quæ adversus hanc *Arthritidem* (speciosè, scilicet!) cudatur, Therapia. Quorsum enim ad tollendum morbum Medicina, cum ipse morbus sanat; Utriusque Pharmaciae Armamentario præferendus; *Chymicorum*, & *Galenicorum*, Copiis; Universæ Gentis Medicæ Consilio major; Viribus potentior.

Si rectè rem putemus, in eo potius sudandum est, ut *Arthritis* ista non tam obtundi possit, quàm ordinari & augeri; utque Æger, Morbo Primario feliciter & prosperè commutato, nutriat *Arthritidem*, foveat, tueatur, servet.

VIII. In hunc finem è Regno Vegetabili seligantur *Amara*, & *Antiscorbutica* acriora, Radices scil. *Gentianæ*, *Zedoariæ*, *Serpentariæ* *Virg. Contrayervæ*, *Ari*, *Armoraciæ* &c. Summitates *Agri-
monia*, *Centaurii* min. *Trifolii fibrini*, *Cardui* ben. *Absinthii* utriusque, *Salviæ* tenuifol. *Verbenæ*, *Chamædryos*, *Scordii*, *Marrubii albi*, *Matricariæ*, *Cochleariæ* &c. Flores *Salviæ*, *Chamæmeli*, &c. Semina *Cochleariæ*, *Cardui*, *Sinapios* &c. E Regno Minerali, (quod instar omnium
C erit)

erit) *Ferri Præparata*; præcipuè *Mars cum Sulfure præp. Martis Alcohol*, sive *Pulvis subtilissimus*; ejusque *Tinctura*. Quæ quidem *Singularia*, cum eorum similibus, sunt in hisce Auxiliis; & Formâ convenienti Composita, & quantitate & Methodo rectis exhibita, summo erunt Præsidio, Tutelæ optimæ. En! brevem Curationis Scenographiam.

IX. Sumat *Æger*, (*Hydrope*, *Medicinâ propriâ*, & peculiari, prius sublato) omni mane, *Canarini Simplicis*, vel *Rhenano*, si usus fuerit, diluti, *Rad. Gentianæ*, summit. *Agrimoniæ*, *Centaurii min.* *Cort. ext. Aurant. alterati*, coch. vj. cum *Tinct. Martis gtt. xx.* & (si videbitur) *sp. vol. oleos. gtt. xx.* *Quartâ pom. Bolum*, è *Pul. Rad. Ari C. Cons. Fol. Abs. R. (vel Flor. Salviæ) ana* ℞j. *Alcohol Martis* ℞ss. cū *Syr. Garyoph. q. s. Horâ decumbendi*, *Pul. serp. V. & Zedoariæ*, (vel *Contrayervæ*) ana ℞ss. cum *Syr. Abs. Simp. q. s. ut f. Pilulæ Bolo*, & *Pilulis*, superbibat *Julapii Coch. quatuor*, vel quinque.

℞. *Aq. Cardui*, *Gent. Comp. Cin. hordeat. ana* ℥v. *Abs. Comp. ℥j. Marg. pp. ℞ss. sacch. q. s. f. Julapium.*

Quibus insistat, menses binos; vel etiam ternos; cum Purgatione, Septimo, vel Decimo, quoque Die intercalanda: *Eaque prout opus fuerit, exinde repetat.*

Ad Nauseas & Ægritudines subitas, quibus Ventriculi Vitiis, istiusmodi Homines, præcipuè Poculis si indulgent, non minùs quàm à Conceptione Mulieres, affliguntur; quoties pernecessum erit, *Canarini Zedoariâ medicati Momentum*: quod nempe *Viribus suis reficiat Ventrículum*, & focillet; *quantitate verò nimia non exurat.*

Cerevisia Rad. Armoraciæ; *Summit. Trifolii fibrini*, *Marrubii albi*, vel *Salviæ tenuifol. siccata. Seminibus Cochleariæ*, vel *Sinapios*, *Infusis*, alterata, in *Potum ordinarium ministratur.*

X. Quin etiam, licet Abdominis Lacus, Tibiarum Tumor exstiterit omninò nullus; ad *Hydropa*, quasi Furcâ, propellendum, Artis erit, in Corporibus ei recipiendo pronis, Vere & Autumno præcipuè, bis terve, Alvo, debitis ex intervallis, Aquam detrahere; itaque ne recrudescat *Hydrops*, efficere.

Porro, ad eundem Scopum oculum manumque dirigens, in eligendis, tum ad Arthritida invocandam, tum ad Intercalarium, *Hydropa* propulsandum, Medicamentis; quum, *Arthritidem* inferri, Spes & Consilium est; è re futurum arbitror, *Diaeticum* & *Stimulans* (quo in Paroxysmum Sanguis citetur) Leniori cuivis & mitiori, utut iterato, longè præponere. Quo circa *Tincturæ Sacræ ℥ij. ad iij. aut Pil. è Duobus ℞j. ad ℞ss. aut Aloës rosat. ℞ss. Res. jal. gr. v. ad hoc Negotii præferre soleo.*

Sed & de Liquidis Ægrum quàm maximè sollicitum esse conducet; abdicatâque, si quam antea complexus est, inutili libertate; neque plus, nec aliud bibat, quàm Coctioni, & Nutritioni, quod sufficiat. Quantitatem potûs diminutam compenset Generositate.

XI. Adhæc, in Ruinis sarcientiis quoniam occupati sumus, nec ad propositum faciens vel minutulum quodvis, ex Prudentiâ Medicâ præteriti decet, e lecto mane, pro anni tempestate, quàm primo exurgat Æger; ut Motûs, ut aprici fructus & utilitates decerpât;

&

& in Prandium magis esuriat. Vesper, maturè cubet; ut Spiritibus somno alendis repandisque sit Tempus opportunum.

Quin imò, dicta Medicamenta quò profint magis tum etiam alias ob causas, apprimè confert, ut Æger, bis die, sub Jove, Corpus exerceat, ad Calorem usque vel certè, quàm enixè vires fèrent. Unde motus Sanguinis tum intestinus, tum Periodicus, intendatur; Humores effæti, & emeriti, amandentur; Spiritus Animales recreentur; Appetitus, ad vigorem pristinum & latratum naturalem, reducatur; & Oeconomix ratio usquequaque renove-
tur.

Quæ quidem Res, à nobis eò lubentiùs in præceptis ponitur; quòd, ab *Hydrope*, seu potius ipsâ Morte, beneficio *Podagræ*, quos ego novi redemptos; Horum pars major, laboriosis illud exercitationibus aliquatenus acceptum retulère.

XII. Ab *Hydrope*, *Arthriticorum* quotquot dictam methodum meo hor-
tatu ire, rectèque percurrere comme-
mini, nemo unquàm miserè, nemo,
(quantum intelligere possum,) calamito-
sè doluit. Deinde, quamvis alius
liquidis, neque paucis, neque proba-
tis indulgeret. Alius ad *Hydropem* maxi-
mè proclivis cerneretur; Nemo tamen
horum, eo, jam per annos complures
urgetur recidivo: Non pauci integrè
fatis, & alacriter egère: Aliqui verò sic,
Arthritida si demas, ut rarò unquam
meliùs. Quod quidem notatu dignissi-
mum, *Arthritidi* potissimâ ex parte
deberi, agnoscendum est.

Has ob causas, nullis certè Elogiis
hanc *Arthritidem*, ejusque in accessu,

opportunitatem, in Paroxyfmis, Cle-
mentiam, in *Hydropicis* sublevandis,
Perpetuitatem; in defendendis, con-
stantiam; optima promerentem Enco-
mia, dignè me, & uti par est, prosequi
posse existimavero: Multiplici usu, va-
riisque doctus experimentis, eam *Hy-
dropicis*, præsertim Senioribus, esse
summam, & securissimam spem, Co-
lumen, & Tutelam.

Quanta verò adversus *Hydropem*,
Arthritidis est potentia; tantæ profe-
ctò Medicinæ, quæ *Arthritidem* primò
novam introducit; quæ postea tar-
dam accessit; quæ denique segnem &
languentem excitat (pace vestrà liceat
dixisse (Vires & utilitates.

Si *Arthritidos* hujus Symptomata,
perpeffu graviora, Medicinam postu-
laverint, *Primigeniæ* Doctrina depri-
mi potest.

*Hist. I. De Arthritide, Hydropi
probè curato, feliciter acce-
dente.*

Nobilis quidam apud *Damnonios*,
à Nativitate obesus, nondum
Annos affecutus viginti quinque, pri-
mùm quieti plùs solito indulfit (quod
à Corpulentia fuisse credebatur:)
Deinde sensim, levi quâvis de causâ,
frigus contraxit: Tussi creberrimè gra-
vatus est; Catarrhis subinde pœne ob-
ruitur. Sub idem tempus Somnolentiâ,
tristi & periculosâ, paulatim obrepente,
tenebatur; ut Mensæ accumbens,
vel cibi capiendi, vel Ludi, gratiâ; aut
rebus quoquomodò arduis implicatus

brevi temporis Spatio, nec absq; casûs periculo, nutaret. Hisce circiter diebus, pedes latè accepti, & deinde venter, retento intus sero, gradatim extumebat. Pedes impressionem Digiti facilimè accepere: Venter (quod ipse non sine quâdâ admiratione sum expertus) Pugnum ferè dimidiatum. Hypogastrium occupavit externû aliena quædam Materia, Partes Cuticulares Tumore duro & inæquali, variato plus minùs purpureo, & postea Nigricante sic obducens, ut Gangrænâ præ se ferre judicaretur: Porro Siis, & Respirandi difficultas (ob ventris ὄγκος, & Diaphragma in Thoracem elatum,) impensissimè urgebat. Urina interim exigua, subrubra, turbida; Vultus Ægri demissus, pallidus; Vox humilis, tremula, languens. Ægrè tulerunt Familiares, Virum, Ortu præclarum, Gentilitii Nominis Principem, Patriæ Decus, & Ornamentum, ipso Ætatis Flore, Morte tam inexpugnabili, tam immaturâ, surripi: Quod tamen in Fatis esse putabatur, & percrebuit.

Quum Pectore laboravit, & difficili Spiritu, *Tinct. Sulf. gtt. xij. ex Syr. Bals. Coch. j. deglutiit, simul Julapii cum Perlati Haustu.* Quo præsentissimo remedio, spirandi spatium & Anacatharsis multum & æqualiter augebantur. Contra Vitium Abdominis, atrox certè, & terribile *Decocto sequenti Lænea, per Expertissimum Dominum Jac. Jenkinson, Chirurgum hujus Civitatis Ordinarium, immerguntur; & liquore expresso, calidissimè creberrimèque imponuntur.*

R. Summit. Abs. Rom. Menthae, Cardui ben. Abrotani āā Mii. Bacc. Lauri vulg. sem. Fenic. dul. Carvi āā ʒj. Coque

in Cerevisiâ fort. lb. vi. ad iii; adde postea sp. vin. vulg. lb. j. Fotu isto tempestivè adhibito, venter restituitur.

Ad *Hydropa* tum me, aliquantò post, accingo. Huic ut occurratur, quàm primum tutò fieri potuit, *Pil. Rudii ʒss. Res. jal. gr. v. cum Bals. Per. q. s. mane deglutiit; & ex voto quoniam pilulæ operabantur, ad vices octo vel decem à bidui vel tridui intervallo illas repetiit; eò nempe usque dum Seri, quod erat nimium, omne deturbatum est: eundem etiam in finem Tinct. Diureticæ gtt. xxx. cum Vini albi Haustu, bis die, Purgatione liber, assumpsit.*

℞. Millep. siccat. & pul. ʒij. Coccinellæ Pul. & N. M. āā ʒi. sp. Juniperi, & Vol. Oleosi āā ʒi. Misce, & Vitro arctissimè clauso, Igne Arenæ, per noctem, digere; Mane per Emporeticam filtra Tincturam Diureticam.

Cerevisiam dedimus bibere Medicatam;

℞. Summit. Cochlear. Mss. Ras. Radiculae, sem. Sinapios āā ʒij. Coccin. N. M. āā ʒi. misce & infunde in Allâ mediocris lbij. pro potu ordinario, usûs tempore colandæ, & cum simplici Allâ temperandæ.

Absoluta hoc modo *Hydropis* Curatione, ad ejus Prophylaxin animum applicui, ea præcipiendo quæ sequuntur.

R. Conf. Flor. Salviæ, Flaved. Aurant. āā ʒvi. Pul. Rad. Ari Comp. ʒss. Salis Martis Riveriani ʒii. Syr. Garyoph. q. s. f. Elect. Dosis ʒi. bis die, cum Haustu Julapii. Non nunquam, ejus vice, Tinct. Martis gtt. xx. cum eodem vehiculo. Singulis autem diebus quartis quintisve ad sex vel octo vices, ne abundet Serum, Syrupo sequenti Catharsis iterata est.

℞. Dia-

℥. Diagrid. ʒvi. Pul. Cinnam. ʒij. Sp. Vini ℥j. Ustulando coque ad dimidium; Colaturæ adde Sacchari Crystal-
lini ℔ss. f. Syrupus. Dosis ʒj.

Hiscæ diligenter iussurpatis, non ita diu post Dolore primùm Convexi Pedis, tum vicini Calcis; postremò, digiti majoris Articulum majorem mordente, afficitur. De contusione, & ad Limen nescio quod illusione, (qui istiusmodi affectorum Mos est) initio questus, de *Podagrâ* tandem minimè dubitavit. Partim evacuantibus, partim Cardiacis, ad Paroxysmum effertur Miasma *Arthriticum*, quod ad eum usque diem in obscuro positum, nè hilum quidem micuit. Paucos aliquot dies duravit Paroxysmus; (ideò forsan pauciores, quòd Humorum Ano tanta vis ejiceretur;) omni Hyeme, & Autumno, jam per quadriennium elapsum; ad unam circiter Hebdomada, constantissimè Redux. Ad tollendam *Ἀρθρίτιον*, & Dolorem minuendum, *Frictione* utitur; manu molli, tenerrimè peractâ; quâ solâ quies, & Somnus, illi conciliatur.

Ab istâ Medicinâ, vix concipi potest, quantum Ægro est emolumenti: Primùm, à *Catarrho* planè liberatur; tum à *Gangrenâ* (medius fidius) imminente; tum, ab *Hydrope*, & dirâ ejus Symptomatum Cohorte; tum, à *Somnolentiâ* pertinaci gravissimæque: Tum denique ad ea profliganda omninò omnia, inducitur *Arthritis*; felici quidem Omine, Auspicio saluberrimo. Nam, à primâ ejus accessione, *Catarrhus*, & *Somnolentia*, prorsus evanescere; *Hydrops* effugit.

Vere & Autumno, in majorem cautelam, septimo quoque die, ad tres vel quatuor vices, *Mannæ* ʒiij. *Aq. Alfer-*

densis (summit. Abs. Rom. parum alteratæ) ℔ij. solutas, hosce per dies, ingerit. Medicinæ verò prætereà nihil.

Corpus hodiè præcrassum, expeditè movet: Equo identidem exercet. Ab hoc affectu, uxorem iterum tertioque gravidam fecit *Arthriticus*, & quidem nunc primùm, etsi jam pridem maritus. Unâ *Arthritide*, sed nec eâ gravi, affectus, vitæ spem præbet tum multæ, tum incolumis: *Damnomium* vocet.

Hist. 2. De Arthritide, Asciti, ejusque Remediis auspiciatò agnatâ.

Vir quidam ætate constanti, cum, ex malâ vitæ ratione, ventriculus læderetur, coctio depravaretur, siti permolestâ inexplibilique, urinâ paucâ, & lixivâ, corripitur. Quibus supervenit tumor primùm Pedis infimi, & Cruris; deinde Femoris, & demum Abdominis; Serosus, & digito cedens, *Ascites* scil. exquisitus, omnibus numeris perfectus.

Ad affectum ancipitem, & ubi primum me arcessivit, inveterascentem, quin & jam diu rationalem medicinam eludentem, extirpandum; quum imprimis necessarium erat, ut humores, in lacum confluentes, vel Catharsi, vel Diuresi, amandarentur; tum ut, appetitum quæ exacuant, coctionem inflauerent, sanguinem corroborarent, ea exhibendo, Tumores arcerentur, per *Vini scillit.* ʒiij. *Per Extracti Eustach.* ʒss. *Res. jal. gr. v. (Calom. gr. xvj. ad xx. alternis vicibus adjectis)* cum Syr. *Domestici q. s. ut f. Pil.* utriusque generis facta est Purgatio; & Vespere, post

utriusque Vices singulas, Paregorici beneficio, *Quies*. Postea, quoniam Vires ex *εὐφοεία* consensere, Pil. vice, *Bolum ex Elaterii gr. iij. Diacrid. 3ss. Conf. Viol. 3ss. Syr. Ros. solut. q. s. deglutiit. Diuretica* Chartulis seponuntur, & Allæ mediocris, in Potum ordinarium modicâ quantitate detrahendæ, totidem ampullis infunduntur.

℞. *Baccar. Junip. Milleped. siccata. & Pul. Sem. Dauci, Pul. N. M. ana 3ss. summit. Abs. R. 3j. misce.*

Catharsi crebrò, & donec aqua omnis educta est, diebus primùm alternis, deinde tertiis, quartisve, repetitâ, ad alteram indicationem, ea quæ sequuntur, adhibeo.

℞. *Tinct. Myrrhæ (Liquore Nitri fixi prius solutæ; tum spiritu Vini rectificato extractæ,) 3ij. Pul. Gent. 3ij. Macera per noctem; mane s. expressio Tinct. Stomachicæ. Dosis gtt. xx. cum Tinct. Martis totidem, & Vini Haustu, horis duabus medicinalibus Catharsi interpositis. Post Catharsin ut Digestivis sedulò insistamus, mane Tinct. Martis; Horâ ante prandium, Canarini & Rhenani, paribus mensuris, Gentianâ alterat: Haustus. Quartâ pom. Bolus Chalybeatus, cum Jul. Haustu.*

Quibus continenter ad menses aliquot usurpatis, & ex intermissione quâdam sæpius repetitis; *Eccoprotico* non nunquam intercalato; quin imò crebris sub Jove exercitationibus; Liquidorum item imminutâ quantitate, debitoque *Sex Non naturalium* usu, Æger Appetitu, & Coctione rectâ de novo potitur. Vires redintegrantur, cum bono corporis habitu, cum *εὐχνοία καὶ εὐτροπία*.

Post *Hydropa* fugatum, en brevi *Arthritidem*; dolore, tumore, Pedum

articulos occupante, conspicuum. Ægrum illa jam primùm adoritur: Post hæc sæpissimè. Ructus sub accessum acidus, fidum usque symptoma, præcurrit, & de receptione monet.

Profectò minimè dubitandum, quin *Arthriticum* in hujus Ægri sanguine seminium, ante paroxysmum, ad tempus aliquod, delituisse; forsan etiam *Hydropi*, licet occultè, symbolum contulisset: Neque veri minùs simile, quod à dictis alterantibus *Arthritis* excitetur, quodque ex eâ rectè se habente, Anni posthæc Ægro quàm plurimi, per eosque sanitas obveniat.

Hoc etiam addam, (rei tam latæ infaustum absit Omen) quod ex frigido Viri hujus temperamento, & in serum abituro, sequitur: cum demùm eum vires deficient, & ingruet senectus (*εἰ γὰρ ἐρχεται μόνον*) quamvis *Hydrope* jam per annos plures sit immunis, nè denique succumbat illi, cavendum est. Sed, ut quam potest diutissimè se defendat, *Hydragogū* sæpius sumat, vitam agat temperatam, coctionem, ipsam utique salutis summam, tueatur religiosè, moneo & exhortor.

Demonstrat Historia (cum præcedenti) posse *Arthritidem Hydropi* supervenire, posse istius remediis suscitari.

Hist. 3. | Podagra Asciti, per Naturæ Vires, suborta.

D Ominus D. vivido & alacri Vir Ingenio, summæ spirituum *δρμῆς*, neque *Venerem*, neque *Bacchum* nimio plus abhorrens, ætate mediâ, siti immodicâ, urinæ exiguo, crurum & abdominis tumore, signis *Asciten* ostend-

ostendentibus, afficitur. Ut affectu tam ancipiti se liberet quàm celerimè, *Cathartica* & *Diuretica* præscribuntur: Donec humor nimius pertinaci illorum usu, exulat: Itaque faustè primis diebus Ægro succurritur.

Natura onere sublevata, sui que iterum arbitrii facta, Aëre aprico, equitatione crebrâ pernicipique adjuta, rebus suis seriò incumbit, & quidem bonis avibus. Brevi enim *Arthritis*; tum primùm eluxit: Quæ semel bis statis anni temporibus recurrens, sanguine quod alienum erat expellens, eundem purum & inquinamento liberum præstabat.

Huic ego (naturæ ut succurram, & opituler) commendavi *Chalybis* & *Amarorum Compositiones*. Utramque *Xerano* mistam, menses quotannis plurimos, sed interpolatos, & secundum varias anni *τρίμηνια* idoneos, usurpavit. Hinc avidius appetiit; perfectius coxit; rectius & commodius doluit.

Multos ille annos, gaudio & dolore variatos, ad usque senium, ætatem prolongavit; optimo sanè cum eventu *Arthriticus*; *Hydrope* per *Arthritidem*, adeò posthæc immunis, ut tametsi liquidis tenuioribus plus æquo indulserat, nihil hinc tumoris, nihil *Hydropici*, suboriretur.

Convincit Historia, (sublatis Impedimentis,) vel ipsius Naturæ viribus, *Arthritidem Hydropi* posse superaddi.

Hist. 4. De Hydrope, per Diuresin & Abstinenciam victo; cum Arthritide, per Amara, & Chalybeata famulante.

Quidam, è Regione Sancti M. poculis & otio nimium indulgen-

do, vitiatâ Coctione, congesto *κακοχυμίας* gurgite degenerumque succorum Plenitudine, cum vix ætatis medium excesserat, *Hydrope* corripitur. Facies illi pallida, Spiritus difficilis, Sitis importuna, Urina parca & Lixivia, venter intentus. Ut Malo occurrat Medicus (certè Ingeniosissimus) & Laborantem sublevet; primùm, ab inutili libertate (nè quid gravius dicam) abstinere suadet, utpote morbi Fontem quod exsiccet, neque Potionem ultrà vult, quàm ut vitæ satis faciat, neque aliam quàm Diureticam. *Cinerem* ideò *Genistæ* dedit, *Potui cum Abs. Rom. summit. admiscendum*. Obtemperavit Æger, neque plus librâ, nec quidem interdum plus selibrâ, *Nycthemeri* Spatio, forbillavit, per omnem abstinenciam, quàm cum Congium quotidie exhausit, nihilo magis sitienter. Urinam hinc ubertim excrevit, aliquantò forsan uberius quod indies equitavit: quod quidem exercitandi genus haud parum ad *Διέσπασιν* conferre, pervulgatum est. Seri factâ supervacui expulsionem, Digestivorum ope cæpit de novo esurire, concoquere, nutrir. Cibus, ita modicâ potione solutus, *ξύμωσιν καὶ μετρώεσμον* acquirat longè perfectiorem, quàm immodicâ cum immergeretur. Brevi post Dolo-
ποδαγρία, deindeque sæpissimè Natura (quæ semper *ἡ δέοντα ποιεῖ*) *Hydrope* liberata, & suarum rerum potita, *Arthriticum* Miasma, clam in sanguine detentum, amolitur; idque quoties se contumaciùs extollere, aut Cristam illud erigere conatur.

Quando mecum, de Salutis statu servando, sermonem habuit: Temperantiam ejus laudavi, morborum Victtricem, Expultricem optimam, Sanitatis

nitatis Obsidem fidelissimam; & illius usum, laudando, commendavi. Quò ventriculi servem *εὐπαγίαν*, nec non, in Senium vergente ægro, labascentem sustineam; Auctor sum, à *Prandio Canarini Haustum*, omnique mane *Infusi amari alterantis Coch. sex cum Tinct. M. gutt. xx. bibat.* Hæc & hujusmodi Methodo, multos ille annos vitam protraxit, *Ascitico* omni Tumore vacuam. Qui pedum erat exinde Tumor, brevi, semper *Arthriticus*, evanuit. Uni ille *Arthritidi* & abstinentiæ debuit, quòd senuerat; &, præter spem humanam, quòd valuerat.

C A P. V.

De Arthritide Melancholica.

ART. I. **E**Xpeditis *Æquivoci Ortus* Symptomaticis ad eas Species, quæ sunt *Univocæ*, quæque Materiam cum affectu Primario eandem, sed alio ritu operantem, alia *φαινόμενα* edentem, præ se ferunt; id est, ipsam operis partem potissimam, accedo.

Harum è numero, primas obtinet *Melancholica*; quippe quæ, tametsi *Puram Arthritidem* eò usque æmuletur, quò ad *Symptomaticæ*, (*Κλειωτάτως* sic dictæ,) rationem & partes sustinendas opus sit; tamen ei dissimillima est, & in Ellipsi suâ distat *Univocarum* omnium longissimè.

Ut verò rem occipiam, præter istam Animi Depressionem, quæ, genuinæ *Arthritidos* Symptoma, Paroxysmos ejus poenè omnes, & quò majores eò major, antecedit (alibi explicanda;) alia est, *Melancholiæ* Nomine insigni-

ta, quæ ad Menses, ad Annos, sæpè perducta, Arthritidem, Insultus rectè & creberrimè facientem, introducit.

II. *Melancholia*, quæ *Arthritidem* progignit, (de latius sumptâ dicere, in præsentī *ἀποσσίονυσον*) duobus pendet: Quorum Prius Spirituum Animalium à Natura debilitas & Teneritudo. Reverà, Constitutio illorum delicata, ut Perceptione Homines & Acumine, ut Ingenio & Consilio præclaros reddit; sic *Ærumnis*, sic etiam morbis subicit. Ex eoque factum est, quòd aliàs levi de causâ in *ἀταξίας* illi gravissimas adigantur; quòd aliàs Humilitates, & Depressiones patiantur afflictissimas; quòd diutiùs inordinati *Melancholiam* ostendant non rarò immedicabilem.

Ista verò illorum à Naturâ debilitas, sæpè Studiis impensioribus, otioso vitæ genere, & nimis sedentário, nonnunquam Morbis, Inediâ, Vigiliâ, & aliis ejusmodi sexcentis, augetur & intenditur. Atque hæc Spirituum Debilitas, *Melancholiæ* non ineptè *ὑπονοημένη* audit.

Posterius, quicquid Spiritus per se infirmos (sive extrâ, sive iis intermissum) afficiendo, *Melancholiam* parit *ὑποκαταρκτικῶς*.

Hujus autem ordinis sunt Humores pravi & vitiosi; Vermes; aliæque res permultæ, Primis Viis, Utero, hæc vel illâ Corporis Cavitate, collectæ, Animi Perturbationes, & in *sex non Naturalibus* Errata quàm plurima.

III. Hisce natus originibus, affectus iste (sive *Melancholia* dicatur, sive *Morbus Hypochondriacus*, sive *Hystericus*) aliquando *Arthritidem* imitari, & ejus ritu Pedibus, Manibus, *Ægrum* privare nititur. Hoc est, inimicum id,

ac alienum, quod antè, (in Fiftulâ ple-
rumque Alimentariâ Spiritus urgendo)
Melancholiam peperit ; Natura, novas
agendi Methodos, nova ineunte Con-
filia, in Articulos truditur, & *Arthri-
tida* producit *Symptomaticam*.

Effè verò hanc *Arthritida* puram
putam *Symptomaticâ*, ipsâ *Melancholia*
Causâ Contingente & Proximâ, ge-
neratam, fatis (ut opinor,) eò constat,
quòd illa quoties exoritur, & ad gra-
dū elevatur quantumcunque ratâ hæc
& perpetuâ proportionè deducitur.
Quâ quidem re, ad exponendam istius
Arthritidis Naturam, eamque in *Sym-
ptomaticarum* numero collocandam,
nihil poterit persuadere magis, vel evin-
cere luculentius.

IV. Intereâ verò temporis, non est
reticendum, quòd hæc *Arthritis*, præ
aliis suæ Tribus *Symptomatici*, ferè cle-
menter se gerit, & junctam habet cum
severitate lenitatem. Quòd *Melancholia*
Sanguini, supra quam aliorum
δυσμετάβλητος ; an eorum Spiritibus
segniter, & in materiâ separandâ di-
mittendâque otiosè se gerentibus ; cui-
cunque demum Causæ debeatur, de re
sic in operto actâ, tenebris sic ob-
scuratâ, nullus ausim disceptare.

Sin *Melancholicos* indulgere Baccho
aut Veneri (quorum alterum usitatissi-
mum, alterum minimè novum) aut
etiam ad *Arthritidē* Hæreditariò pro-
pendere, contigerit ; itaque habitos eâ
multum infestari, crudeliùs extorqueri:
Nihil inde Propositioni nostræ deroga-
bitur ; neque ex eo vacillabit illius
Veritas. Cùm ista Morbi Acrimonia
Causis peregrinis adventitiis que oria-
tur, nec sit hujus quâ *Melancholici*.

V. Ex miti hujus *Symptomaticæ*, &
(uti solet effè) nimis leni Ingenio, fa-

Tom, II.

ctum effè censeo, quòd eâ qui tenen-
tur, in antiquum statum redeunt, &
Melancholiâ cùm citò recidivâ, tum
magnopere sævienti, creberrimè con-
flictantur. In eâ videlicet delenda per-
imendâque, non multum facit *Arthri-
tis* tam ignava, tam languens, tam fo-
cors vix sublevando Affectui prima-
rio, nedum auferendo, par.

Ut *Symptomaticæ* hujus Diagnosin
apertiùs intellectâ planiùs exponatur,
de conditione pristinâ, de Morbis Æ-
gri veteribus exquirendum : Quæ per
se difficulter, ex hac indagine palam
& facillimè dignoscatur : e.g. si Æger
diu *Melancholiâ*, demum *Arthritide*,
laboraverit ; & hac quo magis, eò re-
missius illâ, maximè, si hoc iterum
sæpiusque comparuerit ; quin *Arthri-
tis* ista sit *Melancholica*, nihil (ut exi-
stimo) dubitandum.

VI. *Melancholiæ Essentialis*, sive
Delirii cum Tristitiâ, Metu, &c. in
Arthritidem migrantis, Therapia, non-
dum usu confirmata, (unicum enim
Morbi istius exemplum adhuc notavi,
idque imperfectum, & omne genus
Medicinam respuens) nobis hoc tem-
pore prætermittenda est. *Arthritide*,
Morbi *Hypochondriaci* sive *Hysterici*,
sobole, cùm Affectorum vis abundat,
ejus Curatio paucis explicanda.

In hujus *Symptomaticæ* Prophylaxi
(nam in Paroxysmo ejus, ultrâ quàm
veræ & genuinæ sanando, nihil habeo
quod dicam) maximè juvabit alienum
id ac inimicum, quod, in primis viis,
(antequàm Sanguinem ingreditur,)
Morbi causa exstat *Hypochondriaci*,
sed è Sanguine expulsum, & Artic-
ulis suffusum, Paroxysmū facit *Arthriti-
cum* amandare, dimovere, amoliri ;
Tum, ejus Incremento, & Regermi-

D

natio-

nationi, obſtare; poſteaſque, depreſſos Spiritus, Medicamentis ex propoſito datis, directè allevare; languentes ſuſcitare, & erigere; itaque Morbo huic univerſo, (quà Primario,quà Secundario) ſimul ſemelque occurrere.

Atque hunc in finem Impedimenta, ſiqua fuerint in Coctionis Epſeſ^{νπιφ} (nulla verò non eſſe maximè probabile eſt,) primo quoque tempore, per Catharſin, (alteram, vel utramque) tollere; ad *εὔριπα* depurganda, aliquid *Stomachicum* (Pil. putà *Stomach. cum G. Dec. Amarum Purgans, vel Aquas Purgantes*) ſeligere; ad inimicum, in ſanguine contentum, foras eliminandum, Aquas haurire Diureticas; cum iis, *Alcohol Martis*, ſemel bis die, deglutire; omni Hebdomadâ, Ventrem movere; menſes binos, his inſiſtere; ad annos aliquot, repetere; cavendo Alvi tarditatem, ex *Marte*; Febrim, & *Arthritidis* Paroxyſmum.

VII. Ut horum non nulla fuſius ediſſeram; proſectò tanti eſt, in hoc Affectu, Ventrem (uti dixi) crebrò movere: & ab *Απειρία* reliquiis immunè præſtare; ut, vel eo ſolo, (*Aquis præcipuè Purgantibus, Tartaro Laxanti, & Mannâ* peractò,) *Arthriticum* ex *Melancholiâ* non unum, egregiè ſaluti proſpexiſſe, noverim. Tempori proturbatur id, quod illicò ſpiritus, Ventrìculi & Intèſtinorum Fibras incolentes, adoriendo, mœrorem affert *Hypochondriacum*; vel, in Articulos effuſum, *Podagræ* Paroxyſmum.

Cum primis autem prodeſt huiusmodi Affectis ante dicta *Solutio*, quòd blandè Alvum, quòd leniter, quòdque certiffimè, ſubducatur; iis, quâ *Melancholicis*, quâ *Arthriticis*, (neutro enim nomine, Fortiora, & *επασμότερα* convenient) aptiffimè.

Sed nec *Aquarum Diureticarum* vim (quales ſunt *Bathonienſes, Aſtropenſes, Bamptonenſes*, aliæque permultæ) adverſus hunc Affectum, ſatis prædicare valeo; vel, ut decet, laudem illis deferre. Coctionem illæ conciliant: Diſſolutionem illæ confirmant: illæ ſanguinem expurgant: Illæ Spiritus permulcent: Illæ *Melancholicis* & *Hystericis*, ſolatio: Illæ *Arthriticis* Incolumitati.

Quibus nulla ſuppetit *Diureticarum* Copia, uſui ſit *Infuſū Theæ*, Aquâ Pluviâ comparatum, à tibiſ. ad j. bis die, potum. Nam per Renes ſanguinem, modò diu ſatis uſurpetur, eluit; &, ad *Vapores* (qui dicuntur) relevandos, ad *Hypochondriacos* Flatus ſopiendoſ, confert mirificè.

Quæ per tot ſecula *Melancholicorū* Medicina fuit, è *chalybe præparata*, ea quidem, ex *Melancholiâ* ſive *Hypochondriaca* ſive *Hystericâ* *ποδαγρίωσι*, potiori jure convenit: modò præmiſſa Catharſi, artificioſè ſelecta, & Doſi & Methodo rectis, adhibeatur. Spiritus enim Animales incitat, exaltatque; in Radios vibrat acutiſſimos, *ερευνήματα*; tum etiam, Miasma *Arthriticum*, (modò exigua Doſi fuerit exhibitum) blandè ad τὰ ἔξωθεν emittit; &, in Partes internas neu relabatur; ſpiritus Animales neu obſcuret; tenebrasque iis offundat, efficaciffimè operatur.

Quibus autem nec *Aquæ*, nec in Forma ſicca *Ferrum*, mederi poterit: Eos interdum adjuvat *Decoctionum Corticis*, ſimplex vel (pro re nata) *Chalybeatum*. Roborat ventriculum; *εμπιπ* infert; &, ad Spiritus ſtabiliendos (quod *Hypochondriacis*, & *Hystericis*, lucrum pergrande,) ſummarum virium & momenti eſt. Multum valet, hac in parte, Simplex; propter id, quod

quod habet Cardiaci & Nervis propiti-
tū: multò verò magis armatū; medica-
mentum, si quod unquam, Πολύχρηστον.

Sed nec omittendum, quòd aliquan-
do Cerevisia, utut defæcata, tantas
ventriculo parit Cruditates, in *Arthri-
tidis* materiam postmodum abeuntes;
ut, unâ hâc objectâ, & *Aqua fontana*
cum Vini pauxillo; vel, è *Sarsâ*, *Chi-
nâ*, &c. *Decocto*, vel *Infuso Theæ*, cum
Lacte vaccino, in ejus locum suffecto;
Ægris exinde melius successerit.

*Hist. I. De Arthritide, Melancholiæ
diuturnæ succrescenti.*

CLarissimus T. erectiori Vir Inge-
nio, in Medicis Ævi Celeberri-
mis, (Antecessorem, hâc in Urbe, Com-
potem, & Sanum, utinam æquis passi-
bus sequi daretur;) *Melancholia* sen-
sim obrepente, ætatis flore, exiit de
Potestate. In hujus morbi Genium, &
Morem, ut diligenter anquirerem, &
de eo Curia renuntiarem, Prænobilis
Eveshamii Magni Angliæ Cancellarii
[cui apud Nos, hujusmodi Affecto-
rum, à Rege Cura est commissa] per
Literas mandato, Dec. 18. 1697. labo-
rantem visitavi.

Fuit Ille (liceat tanti Viri Memoriam,
tamque Literati infortunio, paulisper
immorari,) tum temporis Septuagena-
rius; Vultu constanti, & augusto; Ca-
pite orbiculato, neque, si Corpus spe-
ctemus aut Ingeniū, magno: Voce sua-
vi, & canorâ; Gestu Corporis decoro.

Veterum Doctrinam, ut erat παλαιό-
φιλον excusserat; ad Medicinam con-
versus, eam de proprio ditauerat. Pri-
mus enim *Respirationis Usū Primariū*
detexit; detectum, contra præclarum

impugnantem, pertinacissimè defen-
dit; acutissimè vindicavit. Nemo
unquam Medicus Illustrior, neu qui
Arti plus tribuerat.

Non nullorum Vitia, me audiente,
leviter & quidem argutè perstrinxit;
at Viros Sapientiâ, Nobilitate, Vir-
tute præcellentes dignè prosecutus est.
Clarissimi *Bigodi* Sagacitatem, & in
Diagnosticis Peritiam; *Davei* lene, at
solers Ingenium; *Dikei* Literas, &
Acumen admirabile; Singularem *En-
tii*, nuper Adversarii, semper Amici,
Humanitatem & Doctrinam, elegan-
tem, variam, paratam; Nobilissimi
Courtenæi (quanti verò, & quàm Ma-
gnifici Viri) cellsum & sublimem A-
nimum, Stemmati suo, quod est Re-
gale, parem, multis laudibus efferebat.
Sed omnium maximè *Cantabrigiam*,
Almam Matrem, *Athenas* hujus Regni
alteras, piè gratèque, λόγους ὑψίστους,
prædicavit. Quin &, agnovit Filium,
Mater.

Hæc cum, à quoquam proferri, ali-
quis audiverit; Annon, eum, Animi
summâ Rectitudine, Judicio acri, &
perfecto, aliisque plurimis virtutibus,
planè invidendis, insignitum existima-
verit. Ità profectò fuit; jam alia Res
est. Quæ protulimus: ea præbuerunt
Lucida (sic appellantur) Intervalla;
tum rara, tum brevia; densissimis Nu-
bibus; & interdum Animi Concitatio-
nibus (tanquam Fulgure, & Tonitru)
discreta. Audivimus Ἀποάματα, sum-
mo dignissima Philosopho, & quæ sunt
iis maximè contraria, simul & semel
coram dicentem. Piguit, doluit Eru-
ditionis optimæ reconditissimæque
Fragmenta, (tanquam *Sybillæ* Folia,
vento agitata,) cum astrictis, numero
soluta; cum Latinis, Græca; cum

Physicis, Ethica; cum veteribus Nova; cum Profanis, Sacra; misceri, perturbari, confundi. Nullibi Gentium tot tantarumque Disciplinarum Chaos. Dii vestram Fidem! Quàm pusilla res Homo, vel Literatus. Dudum ille Noster Temporis Volumina præsentis præteritique, & in eo quæ sunt omnia; dudum ille Terram, Cælum, Sidera, vasta Universi Systemata, Spatia pæne infinita, animo est complexus; hodiè, ne sui quidem compos.

In Causis hujus Affectionis, primùm ponenda est, tanquam *προηγμένη*, ad eam à naturâ Diathesis, (quam utique perspiceret Physiognomon) & animus commoveri aptus. His adjici oportebit Cælibatum, sive nimiam Castitatem. Tum in Procatarctis, Casus è Plaustris, Cranium, annis olim Puerilibus, læsum: (nudato Capite Cicatricem aperuit.) Deinde, studia nimium flagrantia: Post, *Decoctum Coffee*, plus satis potum. Ad extremum, Animi perturbationem, Spei frustrationem.

Causæ tantarum virium evidentes, antecedentem à Naturâ coeptam, malisque moribus adauctam irritantes, morbum peperere, per se magnum, sed tempore qui roboratus, medicinam respuere, Curationis Spem excludere, cerneretur.

Quod verò ad Rem nostram maximè pertinet, Digitorum Articulos ostentavit, tumefactos, inflammatos, *Chiragrâ*, multos annos, per intervalla, sed languenti, neque satis importunâ, tactos. Procul omni dubio, si plus *Articulis*, Capite minùs ægrotasset. Fuit tamen, gravi & diuturnæ *Melancholice*, *Arthritidem* suboriri posse, quod abundè comprobaret.

Hist. 2. De Morione, Melancholiâ Hypochondriacâ, & Arthritide interempto.

Sunt qui Morbum *Hypochondriacum*, uti etiam *Arthritida*, Sapientiæ solùm Professores, Ingenii dotibus præcellentes, infestare, iisque, tanquam ad tanti muneris Temperamentum, sortitò dari confirmarunt. Eorum Opinione, ἐπὶ τὸ πᾶν probabilem, à perpetuâ veritate longè abhorre, constat. Habet *Damnonia*, quod perpetuitatem perimit. Novi egomet haud ita pridem (attendite, Philosophi!) *Morionem*, multos annos Flatu, *βροβρορρομοῖς*, aliisque *Melancholice* sexcentis *Hypochondriacæ* Symptomatis, demum etiam (Ætate propemodum affectâ,) *Arthritide* conflictatum; adeoque graviter (ne de acrimoniâ quæstio sit,) ut ætate constanti diem obiret supremum, his Affectionibus interemptus.

Hist. 3. de Arthritide Hypochondriacâ, Purgantibus præoccupatâ.

Veteri quidam Amicitia mihi conjunctissimus, post homines natos maximè *Melancholicus*; Malis accessiones alias ab Animi Pathematis, alias à Cibo crassiori, & *δυσπείρω*, vel Potu immoderato; hæc Carnis Æstu notabili, illas Algore; hæc Pulsu tum majori tum crebriori; illas raro & humili: Utrasque Spiritu mirâ Dejectione *μυροφυχία* non vulgari, Ejulatu miserabili signatas, habuit. Sub ingressum senectutis, *Arthritide* tentabatur: eâ,

eâ , quæ *Melancholiâ* perturbationibus procreatam, ne semel quidem unquam excepit; alteram autem (id est, Intemperantiæ Sobolem) frequenter. Rarò cuivis unquam Mortalium fortunatius cessit dolere. Nubes illa supercilii dissipatur; Spiritus se expandunt; ut Materiam, in Primis viis congestam, (*Hypochondriaci* Causam Mali continentem,) in Artus ejici liqueret. Ad eam initio præcidendam, & utrumque morbum antevertendum, *Aquis Purgantibus*, *Sale Cathartico*, & *Tartaro Laxanti* additis, Interanea purgavit. Usus Purgationis creberrimum suadebat Utilitas.

Quum, *Arthritidis* Cippo fortè detentum, ad diem statum iter conficere, voluit professio, partibus tumefactis, & dolentibus. Hirudines admo-
veri, sicque causam mali conjunctam evocari, jubeo. In re arctissimâ, summæque necessitatis, hoc artificii valuisse, certò certius est compertum.

Hist. 4. De Morbo Hypochondriaco, cum Arthritide agnatâ, Aquis Astropensibus subactò.

Nobilis quidam apud *Dobunos*, affectione *Hypochondriacâ*, Ventrículi inflatione permolestâ, cogitatione inquieta, spirituum tremore, confusione crebrâ, & ex illâ sudore, cum repentino, tum verò abundanti & profuso, diu afflictatus, ætate provectior, *Arthritide* correptus est, quàm in *Melancholicis* observari solet, sæviori, longèque immaniori; quippe Paroxysmos Puræ & Genuinæ *κατὰ λόγον*, quæ profuderit.

Cum eos secuta erat singulos, primis statim diebus, animi protenus solum & serenum, *Hypochondriaci* affectus Intervallum; materiam ejus productricem, & primis Viis inhæ-
re solitam extrorsum pelli, omninò cogitandum erat.

Contra par Malorum *δύσφορον καὶ δύσκολον*, ut duos simul liniam parietes, nihil antiquius judicavi, quàm *Dyspepsian*, quæ utriusque fundamentum erat, pro meâ parte, corrigere; tum simul, alienum & factiosum id, quod *Arthritidis* causa est conjuncta, foras eliminare. Quocirca Alvo, (*Pil. de succino Crat. 3j. Tart. Qu. 3ss. Res. scam. gr. iv. & Aq. Astrop. ʒij. horâ post ingestis*,) prius subductâ, iterumque septimo quoque die solutâ, Aquas haurit *Astropenses*, diebus otiosis, ad ʒiv. ad dies sexaginta.

Ut *πέποις* emendetur; dum *Martiatî* aliquid præcipio, [quod *Ægri* res volebat, non nolebant Aquæ parum *Ferratæ*] spe decipior. Tanta *Ægro* sive *ἰσχυροκρασία*, sive Spirituum Teneritudo, adque Minerale istud digerendum nescio, quæ impotentia; ut ex eo, tametsi modicâ quantitate sumpto, statim inciderit in *Diarrhœam*, animi depressione, spirituum dejectione mirâ, flipatam.

Aquas autem *Astropenses*, blandas, præcellentes, benignas, tum *Hypochondriacis*, tum *Arthriticis*, & tennerrimis plerisque omnibus convenientes, omni ætate, (magnum ad beatam vitam præsidium nactus,) per annos quàm plurimos repetit; Earumque beneficio & tutelâ, senectutem (uti audio) lætam, & desiderabilem, adipiscitur.

Hist. 5. De Gonagrâ miti, Hysterica, Chalybe &c. concitata.

PLacet, *Arthritidem* minutulam, & (uti videtur) Artificiosam, Memoriam committere. Mulier lectissima, cum primis delicata, fragili constitutione, patre orta *Arthritico*, nondum ætate media, ἐν τοῖς ὑγιαίνειν bene habens, ἀρρεξία καὶ θυμωπεία gravi diutinâque *Melancholiâ*, spirituum insolitâ *Depressione* affligitur. Horum omnium causa esse videbatur materia quædam mali moris, Ventriculum aggravans, & per Oesophagum Linguam omni mane feriens. His ut occurratur, purgato primùm hac illac corpore, *Amara Chalybeata* cum levi subinde Eccoproto, per menses aliquot usurpavit. Ex horum usu Symptomata profliguntur ad unum omnia. Esurire, cibare, lætari, missis Tristitiâ & Metu in Mare *Creticum*. Genu tantummodo alterum, debilitate, & Dolo acri pungente; sed tolerabili, continenter impeditum; ut è sellâ assurgendo, gradus scalares, vel acclive quodvis, ascendendo, vix fit. Erecta firmo stetit Talo. Mitissimus hic affectus erat, neque Rubore, neque Tumore insignitus, qui tamen εἰς τὸ *Arthriticum* præ se tulit: Laneis partem affectam involvi jubeo; calidè vestiri: & *Melancholia* si recruduerit, cum *Amaris* iterari *Chalybeata*. Morbi istius hæc reliquias percepit; hæc fructus, quòd (*Arthriticorum* more) ex Paroxysmo vegetior, quòd alacrior, evasit, & diu perseveravit.

Hist. 6. De Arthritide Hysterica.

Nobilis Matrona, molli & præter cæteras delicato habitu, *Hysterica*, blandè nimium Misericors (ut omnia ferè omnium Infortunia deplorens, & alieno Mærore mærens,) decies enixa, annis procedens, sine causâ ullâ evidenti, cæpit macrescere, & languere, potius quàm ægrotare. Hoc à familiaribus in Malis positum, in Lethalis alicujus Chronici Prognosticis: At in bonum, omni spe votoque majus, aliquantò post mutatur. Dolet, tumet, rubet Pedis Articulus ex *Podagrâ*. Corpus ortu per sanum, ab omni labe hæreditariâ, quantum inaudiverim, immune, tot partibus, aliasque τοῖς ὑγιαίνειν expurgatum; taliter occupari, profectò demiratus sum. Mali verò causa tanto sufflamine major. *Arthritidem* boni esse ominis, & in *Ægræ* commodum cessuram, existimaui. Hospitem gratè, & benignè, (suo more) accipiat, hortor: Calefaciat, vestiatur, &c. ut in *Arthritide Primigeniâ*.

Paroxysmi re absolutâ, ad ea, quæ tum Morbum *Hystericum*, tum *Arthritida* prævertant, speciatim ad *Digestiva*, propero: *Præmissò* (è *Pil. Stomach. cum G. 3ß. Scam. pul. gr. viij. Ol. Cinch. gtt. j. El. Propr. q. s.*) *Lenienti*; cui vespere, loco *Narcotici*, *Ægræ* admodum inimici (quippe Spiritus deprimere, & nimio plus pessundare, solebat,) *Bolus*, è *Pul. Cantian. 3ß. Conf. Anthûs ʒj. Syr. Melissoph. q. s. sufficitur cum Jul. Haustu Hysterici deglutiendus*. Tum, ad roborandos alendosque spiritus; *Decocti Corticis Martiati Haustum*,

flum, horis duabus medicinalibus, in mensem usurpandum, & *Theæ Infusum* (quod, ad eos permulcendos, & vapores sopiendos, ex usu diuturno, commodissimum experta est; quodque sanguinem per renes expurgare aptum,) in dies singulos, præcepi. Partim Medicamentis, partim *Arthritide*, blandâ & perbeatâ, fideliter recurrente factum est; quod, per hosce dies sexagenaria, *ῥυγο* & *ῥαῖ* conspiciatur; ex *Arthritide*, jam vetusta, melior. Unos enim pedum tumores (an Arthriticos, an hydropicos?) hodiè molestè fert, cetera benè habens.

in *Arthritide* firmandâ, Medicos adhibeo conatus, quantos possum maximos. Primas ergo vias leniente subtraho; vesperi, post purgationem (quò Humor extrâ propellatur) *Bolum*, è *pul. Cant. Ther. Androm. & Syr. Pap. Errat. cum Haustu parum Diacodiato*, sumi præcipio. Dein, eodem, *Pul. Rad. Ari C. 3ß. Alcohol Martis 3ß. cum Jul. Haustu*, bis die per mensem, cavendo alvum obduratâ. Panno *Wallico*, Aquâ *Reg. Hung. & Sp. Lavendulæ* consperso, vestiatur Pars affecta. Cane pejus & angue, vitentur *Repellentia*. Horum ope Remediorû, Æger auspiciatò *Ποδαγρία*; Animo nempe alacri; sanis Visceribus, & ob *Podagram* tutioribus.

Hist. 7. De Arthritide Melancholicâ, cum Ventriculi, &c. Affectione, per Arthritidem levatâ.

Quidam mediæ Ætatis, ad *Iscæ* Ostium, *Melancholicus*, Ventriculi Distentione, *Βασίλειος* aggravatus, Flatu emisso sublevatus, appetitum pronuper intercidi, Ventriculum mane moveri, & Biliosum ejicere, respirationem impediri; carnem absumi, conqueritur. Hisce postea supervenit dextri Coxendicis Dolor, qui ad Genu brevi se transfert, ibique tumori locum facit, pallido, frigido, feroso. Ab hoc tempore ventriculo, & iis quæ intus sunt, meliùs, imò *μυρο-φύξια*, quam miserabilem, & degenerem, Æger subierat, ab *Arthritidis* conspectu, minuitur. Eatenus *Melancholiæ* Sanatio *Arthritidis*; eoque magis, quòd suprâ quàm in *Arthritide* frigidâ, suprâ quàm in *Melancholicis*, solet fieri, extumescit.

Ego, Naturæ famulari contentus, & rerum ejus promovendarum satagens,

C A P U T VI.

De Arthritide Fixa Scorbatica.

ART. I. **M**elancholicæ proxima est *Arthritis* ea, quæ *Scorbutum* excipit, sed longo proxima intervallo; quippe *Primigeniæ* similitudinem quæ multò plenius apertiusque referat, ad eamque multò propius accedat: Morbus certè, apud nos, Ingenio & natura valdè peculiari; quique evolvatur, & diligenter explicetur, aptissimus. Ut de illo dicam enucleatè, & dilucidè, de ipso *Scorbuto*, ex quo emanat, priùs dicendum est.

De *Scorbuto* ea, quæ ab *Eugalenô*, aliis ejus ferè affectis, deditâ operâ produntur literis, vel omninò prætermittam, vel leviter tangam: & illa potius (ex scripti hujus instituto) quæ nostræ ditionis sunt, & in hac regione mali istius in *Arthritida* Metamorphosin patefaciunt, studiosè persequar.

II. Anni sunt haud ita multi, cum apud *Damnonios* (quod, à senioribus indigenis, iisque fide dignissimis, & in Medicinâ diu multumque exercitatis, accepi,) *Scorbutus* sic grassabatur, ut per illos artem qui *Exomæ* (nobiles sanè.) Medici factitarunt, in hujus unius morbi curatione, quod præscriptis passim agitatis testatum fecerunt, non parum occuparentur; & grandiores hodie nihil æquè ac *Scorbutum* crepent: At diebus hisce nostris rariùs observatur hic affectus, & tantummodò *σποράδιον*. Cujus quidem mutationis ratio, suo statim loco, declarabitur.

Sed nec qui nunc dierum est *Scorbutus*, illi qui vicinos *Belgas* (populares meos,) imbuat, id est, genuino, & vulgari, per omnia consimilis invenitur. Cum agri *Somersetensis*, uliginosi magnam partem, & depressi, aërem crassum & humidum trahentes incolæ, maculis subnigris, ulceribus malignis, crurum dolore, respiratione difficili, lassitudine spontaneâ, nervorum debilitate, hydrope, Gangrænâ, & istiusmodi aliis, *Scorbuti* exquisiti signis, creberrimè divexantur: Quæ apud *Damnonium*, tractum inæqualem, siccum, optimè ventilatum, aëre subtiliori puriorique gaudentem, neque stagnis inquinatum, rarò visuntur.

III. Qui verò *Damnoniorum* est *Scorbutus*, in imo ventre *Πρæδυσπεψία* habet, Præcordiorum Inflationes, Ructus: Oris vitia quam plurima, Gingivarum scil. Tumores spongiosos, sanguinem vel levi suctione, vel aliâ quavis facili de causâ emittentes; interdum etiam *Επάλια*; Dentes sæpenu-mero laxos, vacillantes, cariosos; & primores, ipsâ non nunquam adolescentiâ seu deciduos, seu exesos; sali-

vam acrem, salsam, pariterque copiosam; Anhelitûs foetorem, (Putredinis indicium) ut rectissimè morbus iste *Σκουανδάν* audiat: In cute maculas, sæpe rubicundas, interdum flammeas; parvas identidem, & rotundas, aliquando majores; papulas item densas, scabras, asperas, irritabiles, cum margine purpureo, catervatim, in cubito præsertim orientes; quæ ad eminentiam & con fractum quandoque notabilem elatæ, & demum exiccatae, Squammulas emittunt, tenues, subalbicantes, furfuraceas; quibus decidentibus locus apparet ruber & inflammatus. His adde pruritus, isti fidum eruptioni comitem, & partium affectarum Æstus, ab Unguinum vulnusculis impensissimè urgentem: Volas porrò aridas, æstuentes, duras sæpe etiam callosas, contra Diapnoen occlusas, nec ullo eam labore admittentes. Quibus adjici oportebit crurum tumorem admodum insignem, maximâ ex parte calidum, & acri sero exsudante prurientem.

Ista præcipuæ notæ sunt Indicia *Scorbuti* per hosce tractus hodie serpentis, & *Arthritidi* alludentis: Neque *Scorbuticum*, nisi tali ferè modo affectum, pedibus unquam hic loci dolere recolo: Ut calido unicè *Scorbuto* (cujus ista signa sunt *Δηλωτικά*) hâc in regione suppullulet *Arthritis*.

IV. Utrùm hujus *Scorbuti*, scil. *Calidi*, sit ubique sui generis materia, sive innata, sive adventitia; quæ causæ continentis obeat negotium, & dicta pariat symptomata; sic, ut ex eâ solâ pendeat morbi hujus ratio & *Αιτιολογία*: An interdum modò hoc fiat, & in hâc affectione præcipuè malo alicui contagioso secundariâ; sed alias ea vitiosæ sanguinis

sanguinis ζύμων (quod Doctissimis quibusdam placere constat) ascribenda: Tametsi præstò sunt, momenti ponderisque haud exigui, quæ prius suadent Argumenta; cum in utramque partem disputari possit, nec id agatur hoc tempore; in medio relinquam.

Audacter autem, (ut opinor,) affirmare possum, non ab Cœli Solique sive siccitate, sive humiditate, sive aliâ qualicunque facultate; nec ab ullo in *Sex Non naturalibus* Errore, suo ignes, suas flammæ, *Scorbutum* hunc nostrum, proximè, & omninò omnes recipere; Verùm ab aliâ potius causâ, in obscuro positâ, paucis observatâ, & ab alio fonte, derivare.

V. Hoc ut innotescat, advertendum est, quòd, ante Centenos hosce Annos, (ex Esu Piscium, uti verisimile, nimio insulforum,) *Damnonio* Lepra quàm atrocissimè grassaretur, & in populum sæviret, forsitan non minùs, quàm in *Judæâ* olim, Endemia.

Utrùm ob eam templum illud exstrueretur, quòd, è veterum monumentis, optimâ fide Auctor, Nobilissimus *Caræus*, in *Cornubiâ perlustratâ*, tradidit, Anno Mundi 3172. à *Cunedago* ibi fuisse positum, & Apollini (Medicinæ Inventori & præsidi) sacratum, etsi ita esse non improbabile videatur; Res est Antiquitate nimio plùs obscurata, quàm de quâ decernam, aut disceptem absolutè.

Certò verò certius est, quòd ante Seculum Nosocomia, quibus ab integris secluderentur corrupti, tam hâc Nostrâ *Exoniâ*, quàm alibi per universam usquequaque *Damnoniam*, Incolarum Pietate condita, exstiterant quàm plurima: Quæ quidem eorum Fre-

Tom. II.

quentia tum Morbi crebritatem, tum item Acrimoniam, abundè monstrat.

VI. *Lepra* ista, quæ, ut Clariss. denuntiat *Caræus*, circuli Seculi novissimè lapsi initia Populum miserrimè laceravit; dum ætas labitur, & dies diem docet; partim ex Salis communis usu, partim etiam Tabaci (quorum ille optimum, modicâ quantitate, receptissimumque Condimentum, Sanguinem tuetur, Putredinem arcet: Hoc autem, Vulgi Delicium, sive Ore masticatum, sive Tubo haustum, Salivam movet, putres evocat Humores,) cicurata, pertinax illud τὸ Ἀγέρον adeò deposuit; ut Seculo superiori circiter medio, in *Scorbutum* degenerasse, comperiretur, Antecessoribus Nostris facessentem Negotium.

Verùm, ex quo *Damnonii* Remediis prædictis *Pomaceum* addiderunt, & usitatè potarunt; Morbi istius Vis & Ferocia tam magnoperè subigitur; ut hodiè, quàm olim multò rarior, sicut etiam multò mitior, observetur: Ita nempe, contra *Scorbutum* mali Moris, contra inveteratum, *ferinum*, & in plerisque Hæreditarium; id est, crudelem, magnum, & difficilem, egregiè valuit Pomorum Succus.

Atque hujus ferè Generis & Prosapia est, qui his temporibus in *Damnonio Scorbutus* se exercet. Hinc illæ frequentes Papulæ; Cutis ille pruritus intolerabilis: Color ille flammeus; Fervor importunus; Exanthemata; Lichenes; Squammulæ; Veteris scilicet Lepræ Reliquiæ; Ignis nondum penitus extincti Scintillulæ.

VII. Prius verò, quàm de *Scorbuti* hujus in *Arthritida* Migratione & Excursione verba facere occepero; de ipsâ *Arthritide* pauca proponere, &, à

E

se

se ut discedat illa, notare, necessum habeo: prius, illa *Arthritidos* in *Vagam* & *Fixam* Distinctio recolenda, & Morbo præsenti accommodanda.

Arthritis Vaga *Scorbutica*, *Westphalorum* & *Gueldrorum* Morbus Endemius, qui tum Adolescentum, tum Adultorum Lumbos, Dorsum, Artus, vicissim occupare & multum infestare solita est; uti locum hoc in Tractu talis, qualis passim ab Auctoribus depingitur, quod unquam sciam, nullum acquisivit; ita nec hoc in Scripto requirit ullum.

Et quamvis aliquando *Scorbutus* iste noster, *Vagam* eam *Arthritidem*, quæ nobis observetur, æmulari videatur; tamen frequentius, & quidem præcipuè, *Fixam Arthritidem* imitari gestit; & quoties Corpus (vel à Naturâ, vel malis Moribus, & Vitæ ratione perperam ordinatâ) appositum, ad tempus aliquod afflixit, nono vel decimo plerumque Lustro, pedum (maximè) Articulos invadit; Dolorem infert; Tumorem, cum ardore, aliisque *Podagræ* calidioris Symptomatis. Ex intervallis paroxysmos iterat, Genuinæ instar; sique una demas *Scorbuti* indicia, *Genuina* existimetur.

VIII. Nec cui mirum illud existimandum, quando in utroque patet Affectu (tam nempe *Scorbuto*, quam *Arthritide*,) partes, primum easdem obtinere Causas remotiores, (Victum, utputa, Salsum, & Crassum;) tum etiam *Δυσαιμία*; dein acre aliquid, aut saltem alienum in sanguine, eumque valdè inquinans, & corrumpens, tum habere *Scorbutum*, tum *Arthritida*. Postremò, Naturam utrobique grave aliquid eliminare & expellere conari; hic, per Glandulas extremitatum Ar-

ticulares, unde Paroxysmus *Arthriticus*; illic, per Salivarias, & Cutis *Miliares*: Unde prædicta, & Cutis, & Oris Symptomata.

Scorbutum autem adeò (sive Causas, sive Materiam, sive ipsam Morbi Rationem, & Symptomata maximè fida & constantia, spectemus,) *Arthritidi* persimilem, eam etiam ἐν τῷ Παρεξέχειν æmulari & referre, ut observatu facile, sic neque intellectu difficile.

IX. Mitiores autem Paroxysmos habet hæc *Arthritis*, (ut illius aliquam Diagnosin expromam) quàm vel Exquisita & Calida, vel Lui Secundaria, neque Dolore tam acerbo conjunctos: Lenitatem explet Diuturnitas.

Ut verò pressius dicam, hujus *Arthritidis* omnium maximè proprium est, quòd Affectus Primigenii non pauca Symptomata constanter retineat; ita, ut ex *Scorbuto Arthriticos*, Scabie, Maculis, Gingivarum Vitiis, renitente licet Medicinâ, & exeunte Paroxysmo, adhuc infici, (tametsi minùs fortè, quàm ante natam *Arthritidem*,) aspiciamus.

Hoc autem in iis potissimum teneri arbitror, qui ex *Scorbuto* ceteri, confirmatoque Πόσαξησις; nam, à recenti & evidenti Causâ suscitato, & ad dicta usque Symptomata evecto, qui laborant, (uti posthæc exemplo patefiet) iis non nunquam aliter obtingat; & durante *Arthritidis* paroxysmo, *Scorbuti* lateant istius Symptomata.

X. Quomodo verò *Calidus* unicè *Scorbutus* (quod suprâ comprehensum est) *Arthritidi* gignendæ sufficere videatur; nec à Frigido vel semel ortam memoriâ tenuerim; huic respondet, quòd ea, Calido quæ suboritur *Arthritis*, semper reperitur *Calida*: τὸ Παρὰ τὸ Παιδίον. Sed

Sed nec omittendum est, quòd, uti *Scorbutus* huic *Arthritidi* primarius, in eo potissimè versatur, ut inepti aliquid per Glandulas exterminet Cuticulares: & *Arthritis* ei Secundaria, per articulares; ita, tam huic, quàm illi, obsunt Repellentia; quippe quoniam Humoris ad *ἡρώδην* amandationem relegationemque à Naturâ designatam, utilem profectò, caram, & Vitæ cum primis necessariam, derepentè interrumpunt; & internarum partium mala gravissima, sæpe ipsam Mortem inducunt.

XI. In paroxýsmo, (quæ Medendi optima *Intentio*) Materia Articulis impacta, blandè foras elicienda; quem in finem extrinsecus imponatur Tumori lene quoddam attrahens; quale videlicet *Ceratum illud viride* ex quo fiunt *Petalothecæ*; vel *Brassicæ Folium*, fibris crassioribus purgatum, & ad mollitiem contusum. Tumori per noctem, (modò calidè, quod juvat, Artus involvantur laqueis) adhærere solet Vapor, per invisibilia foramina emissus, & in Rorem condensatus. Ab ejus usu dies aliquot producto, Doloris Sedatio tum fida, tum etiam tuta, subsequitur. Quæ quidem Artificiosa *Διαπρὸν*, eâ forsan de causâ magis liberalis, quòd Materia per Habitum Corporis suâ naturâ pronior, & aptior sit, quæ expellatur.

Quin imò, per totum Paroxysmum magnoperè caveant Ægroti, nè Materia protenus eliminanda, retrò agatur: quòd ob eorum Sanguinem (quod verisimile,) vitiosum, & Contagio *Scorbutico* corruptum, rarò (uti liquet) his Hominibus, *Arthritide* detentis, impunis Error; sæpe etiam Lethalis.

Sin pravo Externorum Usu, aliâve quâvis de Causâ, Materiam jam fugien-

tem, quasi clausis foribus repelli, vel fisti obtigerit; Ad fores quàm primùm aperiendas, eam & extrâ evocandam, aut in Balneum pedes calidissimum immergantur, aut Fotu imbuantur, aut Articulo dudum affecto, vel proximè illum, applicetur Epilpasticum, vel Cucurbitula: Et, intereà temporis, ut ab Interioribus extrudatur Humor *Arthriticus*, Cardiacum aliquid è *Pul. Cantian. Lapide Goano, theriacâ Andr. Elect. ex Ovo, vel Sp. C. C. Succinat. gtt. aliquot cum idoneo vehiculo*, Ægro stragulis cooperto detur, &, prout opus fuerit, repetatur.

XII. Extra paroxysmum, Evacuantes Materia peccans è Corpore *κατ' Ἐπίκρασιν* amandetur; Alterantibus corrigatur; Digestivis illius Augmentum & Regerminatio, inhibeatur. Hæc è diversis Classibus selecta, in Ordines, sive Series, ut Artis est, pro Ægri constitutione, Malique more, formari, pro Annique tempestate variari, oportebit.

Ad domandam Morbi hujus malitiam, magnopere valet *Mercurius*: cujus præparata mitiora, (id est, *Calomelas, & Mercurius Præcipitatus albus*). Causam ejus Continentem impetendo aggrediuntur, & per aliud aliudvè excerniculum, pro ipsius quantitate, & ægri corpore vel ad purgationem, vel ptyalissimum, ad *Διούρησιν*, vel *Διαφύεσιν* proclivi, eliminant exterminantque. Et tametsi hujus ea materiæ ferocia, quæ vel Ptyalismo laudabili diutinoq; non ex toto ubiq; cedat, & sese submittat: (nam post diutinum, & ex omni parte laudabilem, non nunquã recrudescere hunc Affectum in propatulo est) ex hoc Remedio, alienum illud Acre, Morbi Materiam Continentem, quam maximè obtundi; Sanguinem eximiè purgari;

Morbum quam plurimum mitigari, constat. Quare si Ætas, Vires, cætera-que quæ sunt Ægri, annuerint, nihil-que repugnaverit, Ptyalismum lenem, sed prolixum (ut Tempore Lenitudo expleatur) fieri suaderem.

Ubi ptyalismo, velex Ægri Moribus vel Animo; vel *ἡ ἐν τῷ ᾤῳ*, nihil loci superfuert, sequentem Methodum ingredior. Vere & Autumno, (facta prius in plethoricis Venæ sectione) proderit, Per Calomel. serâ nocte. Pil. Eustach. & Res. Jal. mane seq. quinto, vel sexto quoq; die ad tres vel quatuor vices: Vel, per Salem Catharticum, Manna, & Tartarum lax. Aq. hordeat. solutum, diebus alternis tertiisve, ad sex vel octo vices, purgare. Neque Medicinam interturbet Articularis, si oriatur, Dolor; quin pertinaci potius Purgatione sæpiusque iterata vincatur.

Deinde Antiscorbutica, quæ dicuntur, cum Antiarthriticis maritata, usûs erunt eximii: Sumat Æger, omni mane, post dictam Purgationem, Infusi seq. Haustum.

Rx. Summit. Trifol. fibrini sicc. pug. ij. Anthûs p. j. infunde in Aquæ font. ferv. factæ q. s. ad Alterationem modicam, Colaturæ ℥iij. adde Salis Martis gr. iij. Tinct. Aurant. gtt. xx. Sp. Menthæ. Haustus.

Quartâ pom. Pulverem, vel Pilulas deglutiat.

Rx. Pul. Fol. Theæ sicc. ℥ss. Salis M. gr. iij. Pul. N. M. gr. v. Sacch. albiss. gr. xv. f. Pul. vel cum Syr. Melissoph. Bolus: vel,

Rx. Conf. Flor. Salvæ, Æthiopis Min. ana ℥j. Syr. Caryoph. q. s. f. Bolus.

Rx. Cerussæ Antim. ℥j. cum Extr. Gent. f. Pil. vel,

Rx. Pul. Zedoar. ℥ss. Alcohol Martis

gr. viij. vel x. cum Extr. Gent. f. Pil. Hisce singulis Vehiculum sit Julapii, vel Infusi, Haustus.

Rx. Aq. Ulmarie, Fol. Ari. & Succis ad ℥v. Sp. Juniperi ℥ij. Marg. pp. 3℔. sacch. q. s. f. Jul. vel ex Summit. Salvæ tenui fol. & Aq. font. comparetur Infusum Sacch. dulcandum.

Quibus Alterantia prædicta minùs arrident, placeat profitque Succos Herbarum Martiatos, semel bis quotidie potare. Quod sequitur magnarum Virium est, & sæpè à Nobis usu probatum.

Rx. Succo Cochleariæ Partem unam, duas vel tres (pro Ægri Constitutione plus minùs calidâ.) Succo Limon. p. j. Misce, per Digestionem Clarifica: Dosis Coch. j. cum Salis M. gr. iij. Sacch. q. s. ex idoneo Vehiculo, per Mensem, post debitam Evacuationem.

Horum Usui interponatur, septimo quoque die, vel Solutio Cathartica; vel Pil. Tart. Bontii, vel Stom. cum G. ℥j. ad 3℔. cum Scam. gr. aliquot & c.

Erit autem perutile, si, initio Æstatis, locum habeant Aq. Ferratæ Diuretica; quibus, ad ℔ij. omni mane, inter sextam & oct. haustis, circa decimam Vinum aliquod Stomachicum, Amarum (si placet) alteratum, supponatur: Persistatque Æger ad Hebdomadas sex, octo, vel x.

Vel, ad Urinam domi movendam, itaque Sanguinem à Spurcitie vindicandum, valet Infusum Theæ ad ℔j. omni manè, potum; unde leniter, idoneo liquore, per Renes, id quod alienum abluatur.

Pomaceum his Hominibus Sanguinem contemperat; sed periculum est, ne ab eo Arthritis augeatur. Si secus fuerit, (tutò enim nonnullos eo pocu-
lenti

lenti genere gaudere certissimum est) in Potum ordinarium, præsertim Æstate, ministretur. Hyeme *Cerevisia* si extrudi respuerit, *Rad. Oxylap. Milleped. Summit. Hed. ter. medicata esto.*

XIII. Ut ad *Symptomata* transeam, obiter hîc notandum, quòd *Crepitus Ossium*, qui (ut alibi dicitur) *Arthritidis* hâc in Regione Symptoma pervulgatum est, neque *Scorbuto*, (foran ob Originem & Genium ejus peculiarrem) neque *Arthritidi* Regionis hujus *Scorbuticæ*, quoad observavi, unquam accessit.

Quæ ad Oris Vitia, cæteraque *Scorbuti*, quo tempore *Arthritidem* mentitur, Accidentia spectant, cùm non huc propriè referuntur; ex Auctoribus de *Scorbuto* passim in usum depromantur.

De uno *Pedum Tumore*, eo scil. qui *Symptomaticæ* huic *Arthritidi* quodam modo proprius esse videatur, verbum superaddam.

Cùm *Pedum Tumor*, tum *Scorbuto*, tum *Arthritidi* familiaris sit; quòd *Arthritidi Scorbuticæ* succedat, minimè mirandum. Certè Senioribus, crassiss, & obesis, *Scorbuto* Veteri in falsam *Arthritidem* mutato laborantibus, sæpe licet notare Pedes & Crura, non solum tumefieri; verùm etiam Cutis Rubore, Pruritu *ferino*: post Digitorum Vulnèra quantumvis levia Colore planè flammeo, nunc item Fluxu dierum aliquot Ichoroso, immane quantum affici. A scalpendo manus si ad tempus aliquod Æger abstinuerit, (abstinere verò perdifficile est) Cuticula suboritur paulo albidior, ardens, tenuis in Ulcuscula rursus ex Unguium Sulcis confestim abitura. Qui hoc modo affliguntur etsi Paroxysmos graves, duos,

immites *Arthriticos* olim perpeffi sunt, Articulis his diebus & minus & rarius dolent; Materiâ scil. *Arthritica* partim in Cruribus depositâ, & Seri stagno dilutâ, partim per Glandulas Cutis Miliæres ἀσθήλων exsudante. Eò sæpe usque ingravescit hoc Symptoma, ut aliquando rationem ἐπιζώντων sustineat; ut Dolorem, Pruritum, Ἀγρυπνίαν creando, Turbas Ægris & negotium quàm molestissimum faceffat; ideòque medicum enixè postulet auxilium.

XIV. Requirit Indicatio, ut, intolerabilis illa Humorum Acrimonia citissimè tutissimèque mitigetur. Hoc autem optimè fit Evacuationibus per Anum & Renes factis, tum etiam per Humorum Alterationem; Externè verò Balneo, Fotu illorum ferociam temperanti. Quorum omnium, ut & reliquorum huc pertinentium, unâ connexorum, quando Exemplum statim subjungam, Lectorem illuc (brevitatis studio) remittam. Hoc autem addo, quòd in celebrandâ Catharsi summâ utique Cautione, summo opus erit Consilio; ne forte, ἀτέλως institutâ, Humoris ille Fluxus, & ad Articulamenta ποῶν, quæ ad istorum Hominum Vitam & Tutelam, omninò necessaria est, in eorum Incommodum, Ærurnam, Perniciem interpellatur.

Hist. I. Ab Arthritide Scorbuticâ, Ulcus malè tractatum; unde Visûs Abolitio, deinde Abscessus, & demum Mors.

Agricola *Devoniensis*, sexaginta circiter annorum, crassus, obesus,

Scorbuto Papulis in Capite & Manibus insignito, plus quinquennium inquinatus, contra Affectum pertinacem, & Medici, (quem Consultorem habuit) Doctissimi Præscripta eludentem, *Evacuantibus*, *Alterantibus*; *Mercurialibus*, *Antimoniatis*; è Regno *Minerali*, tum è *Vegetabili* quam plurimis à Nobis instruitur. Cum circa utrumque Æquinoctium, eandem medendi viam, usu diutino comprobata, iterum ac sæpius esset emensus; & jam, more usitato, Bolum *Mercurialem*, detracto prius Sanguine, demississet; multus inde Sanguinis Orgasmus: Dejectiones haud paucæ, atque adeo copiosæ, Tumor, haud ita diu post in utroque Malleolo magnus, submollis cum Dolore, Rubore, Lævore, diu persistens, planè *Arthriticus*.

Ut Ægro prospiciam, quieti illum indulgere, *Materiæ*, quam *Mediam* vocant, Diætâ uti: & ut, à Farcturâ & Recrementis, Ossium Juncturas vindicem, & defendam, Tumoribus *Epispastica* admoveri: Laqueis eos involvi; calidè vestiri jubeo. *Epispasticis* succedit *Ulcus* hic illic Superficiarium, ex Ichoris Acrimoniâ molestum, sed benè coloratum, expletu facile neque periculosum. Æquo ferat illud animo exhortor, quippe quod è re futurum, & lucro Ægrum majori, si non interturbet ipse, remuneraturum.

Contra ille stomachari; de neglectis rebus suis deplorare: & citissimæ Curationis spe allectus, Agyrtæ nescio cui auscultare. Hic autem, protinus, medendi qua pollebat Arte, omissis Universalibus, Carne *Ulcus* obduxit; Cicatrice textit. Hinc Æger

Capite, factâ *Materiæ* in illud Translatione, subito perculsus; Visus hinc Imminutio, & brevi Abolitio. Congestis aliquanto post Humoribus, in Regione Lumbari fit Abscessus, ex quo imperitè tractato, ulcerato, & Partes vicinas (ut accepi) corrorente, Diem supremum obiit Misellus.

Hist. 2. Scorbuti Calidioris Soboles Arthritis.

Quidam è T. Vir blandus, comis, Generosus, à Victu lauto dapsilique, dum esset Juvenis *Scorbuto* afficitur: Cui, ætate progrediente, accedit *Podagra*. Numeravit Annos quinquaginta, cum utroque gravatus me primùm consuluit. *Hujus* Paroxysmum habuit plerumque anniversarium; nisi si Genio nimium indulgendo, vel alio aliquo in *Sex non Naturalibus* errato, sæpius accerseret. *Illum* autem ostendebat Gingivarum Tumor, & Papulæ, Cubitos summoperè fædantes, cum Prurigne & Apicibus innumneris, acutis, confertim oriundis. *Materia* nunc *Ulcuscula* formavit, paulò post ficcata in Squamas abire solita est subalbicantes; quæ ut deciderunt, Locus apparuit Ruber, à fricando statim Flammeus.

Ut utrique Malo pro virili parte occurrâ, tum ea, quæ *Materiam* aptè exprimant peccantem, tum quæ potenter alterent, adhibeo. Principio *Calomelane* (Catharsi, ne deorsum illud elabatur, prius peractâ) Salivam moveo: Eoque quoties Saliva parciore exigebat iterato, ad sex Hebdomadas Ptyalisinum profero. Posteaque *Cinnab. & Cerussæ Antimon. ana ʒss. Pul. Rad.*

Rad. Ari Comp. ℥j. Syr. Melissoph. q. s. ut f. Bolus horis tribus medicinalibus sumendus impero, cum Infusi seq. coch. R. Summit. Trifol. palud. v. Siccat. Mi. Aq. Lactis Alex. ℥ii. Sp. Junip. ℥iv. misce, & ad Alterationem idoneam infunde: Colaturæ adde Tinct. Aurant. ℥ij. f. Infusum. Perstet autem menses binos, interposito septimâ quâque die Eccoproctico. Efferam hanc Materiam ut ultrâ subigam Aquas æstate sequenti Diureticas hortatu nostro sesquimenssem haurit; cum Salis Martis & Nitri purificati preparatis, Quantitate, Vehiculis, & Methodo convenienti.

Hac Medendi Arte, Morbi materia, non parum mitigata, diu sanè conticet: cum verò, annis aliquot post, sævire iterum, *Ορυσιν*, & de novo Tumultus inchoare cœperat; Consilio jam mutato (quoniam Pedes jam tuebant, vesperi præcipuè, Digitum admittentes, & Seniori & Compotatori Hydropa minitari videbantur; Tumores autem aliquâ ex parte *Scorbuticos* esse tum Inflammatio, tum etiam Maculæ comprobant) per *Calom.* & *Pil. Eustach.* aâ ℥i. è duobus ℥β. Purgationem instituo; & deinceps, alterâ vel tertiâ quâque post die, per *Solutionem Catharticam*: sicque vicissim repeto.

Hiscæ Medicamentorum ordinibus, non sine aliquâ Formularū mutatione, Vere & Autumno, sæpius renovatis; addito insuper, ad alterandam in Potū ordinariam Cerevisiam (è *Rad. Oxylap. Sum. Trifol. palud. Sem. Bardan. Bacc. Junip. Flav. Aur.*) Sacculo, & Martis Sale cum Cons. Trif. &c. repetito *Ægrum Arthritide Scorbutica* graviter oppressum (levibus subinde hujus Paroxysmis, veluti ad Salutis rem facientibus, ex industriâ provocatis) ad Sene-

ctutem, & quidem lætam perduxit.

Hist. 3. Morbus Articularis, Scorbuti Alumnus, cum Vomitu Biliofo, Δυσπεψία, & Volarum Ariditate.

QUinquaginta Vir annorum, gracilis, tener, acri & bilioso Sanguine donatus, *Scorbuto*, & ei supernatâ *Arthritide* diu conflictatus est, cum *Ανορεξία*, Nauseâ, Ventriculi Inflatione, Ructu sæpe acido, Vomitu frequenti & Cholerico, Capitis Dolore, & à Pastu Somnolentiâ, Cute aridâ, densâ, nec ad *Διαπνοήν* idoneâ, Squamulis hic illic cattervatim obsitâ, in manuum volis durâ callosâq; Pollicis pedis sinistri majorē, dextrique Brachii Articulum infestare solita est *Arthritis*; sed neque Tumore, neque dolore vehemente; quin levi potius in tempus diutinum projecto, inæquali, & creberrimè interciso. Diuturnitate pensata Levitas. Paroxysmos omnium certissimè Pomaceum accersivit, idque vel parcè sumptum; sic, ut ex Poculo communi semel iterumque siccato Pes doleret. Plures ille Methodos, easq; probabiles, à Medicis Celeb. præscriptas expertus, hanc commodissimè, & idcirco sæpiissimè, profecutus est.

In paroxysmo, *Brassicæ Folium* Tumori impositum acre Serū elicuit, Dolorem mitigavit. Extra Paroxysmum, ad Prophylaxin, præmissâ per Aqq. *Alfordenses* (Alvum hæc subducunt) ter quaterve Catharsi, *Bathoniensium*, omni mane ℥bii. decimâ seq. *Infusi amari Alterantis* Haustum usurpavit: Quintâ pom. *Bolum* è *Chal. nutrito*, &c. deglutiit, superbibendo Julapii Perlati coch. aliquot; interponendo identidem lene quoddam Emolliens; & Alteran-

tium usum ad Hebdomadas sex vel octo quotannis proferendo.

Hâc, inquam, Methodo anniversariâ, ad Artus, ad Ventriculum, præcipuè ad Vomitum quod attinet, maximè levatus, à Malo tam *Scorbutico*, quam *Arthritico*, graviori, se jam multos annos immunem præstitit: hodieq; illam ad Senectutis principia perductus, non impune negligit. Usq; verò mansit ista, quam modò dixi, Volarum Ariditas, Callositas, ut opinor, usque mansura.

Hist. 4. Scorbuto suborta, & ejus Eruptionibus adjuncta, Arthritis.

DUM in hisce verfor, Fullo me appellat *Exoniensis*; Vir robustus, Athleticus, Ætate mediâ, Constitutione Sanguineâ. Frontem illi, Tempora, atque Faciem propemodum omnem fædarunt, turpiter infecerunt Pustulæ, sobrio certè & temperanti, (tanquam Ebrioso) magnæ rubicundæq; cum intervallo Coccineo, Flammeo. Æstus & Pruritus erat universalis, maximè verò Partium obfessarum; noctu per Stragulas ingravescens. Turgebant Venæ, & Sanguinem plus solito ζυμεισθαι, & ebullire, commonstrabant.

Hæc cum acceperam, Virus in Sanguine *Scorbuticum* efferri, & Coelo (quamvis instabant tum temporis Saturnalia mitissimo, & Effervescentiæ provehendæ apto) favente proscribi, sum opinatus: Neq; enim alio de Affectu vel somniare erat. Sanguinem mitti jubeo, deinde Alvum molliri, alia deinceps suo quæque loco præcepturus. Sanguini Cremor impurus, Sebaceus in Cyathis quiescenti, post aliquod tempus innatavit. Ex *Res. Jalapii*, Ex-

tracto *Eustach. deglutiantur Pil.*, quibus inanitur Alvus. A Cathartico, Sanguine commoto concitatoq; Ægrotans Ποναγρίῳ. Adeò nempe Naturæ perinde erat, Humorū Vitiosorum Δυναμεις καὶ Ἀρρότητες, per Articulos, atq; per Cutim, exterminare; & tam levi de causâ, ad illam ab hac Evacuatione; discedit illa digrediturque. Catharsin, quam quidem ampliùs destinaveram, ad ἐντασίαν prorogo; nè videlicet, nimium subtrahendo, intercidatur res Articularis, & prorsus abscindatur. Ad eam è diverso confirmandam augendamq; lenem interdum Ambulationem, Cothurnos laneos, quibus in pedes Humor demittatur, invitetur, impero; Repellentibus interdico.

Extra paroxysmum, ad *Arthritidos* hujus puræ puta *Scorbuticæ* prophylaxin, ut Sanguis corrigatur, ea præcipio, quæ sequuntur.

Rx. Succi, è Nasturtii Aquat. Summitatibus expressi Partes iiij. Succi Limonum p. j. per Digestionem fiat Clarificatio.

Rx. Conf. Fr. Cynosbat. ʒi. Salis Martis Riverian. gr. iiij. Syr. de Corall. f. q. f. f. Bolus.

Rx. Aq. Ulmarie, Melissæ, è Succis aā ʒiiij. Limac. Lumbr. Mag. aā ʒij. Marg. pp. ʒß. Sacch. q. f. f. Julapium.

Præmissâ Venæsectione, & per Vinum & Oxymel. Scillit. Vomitione; perque Salem Cathart. Manna, & Tartarum lax. Jusculo Avenaceo solutum, Purgatione; & deinde septimo quoque die repetitâ; sumat, diebus otiosis, horis duabus medicinalibus, Bolum cum Jul. Haustu; bisque indies Succis Clarificati coch. i. cum Seri Lactis, vel Posseti Haustu, idque per mensem unum alterumque, cavendo Alvi Tarditatem.

Hist.

Hist. 5. Pedum Tumor Scorbuticus, Arthriticus, cum Pruritu ferino.

Dominus E. Generosus, Agricola *Devoniensis*, ætatis flore *Scorbuto*, & deinceps *Arthritide*, tentabatur: Illius Fluxu Dolores *Arthricos* sensim mi-escere, sed & eodem tempore Pedes tumescere, percepit. Ingruente Senectute, Corpulentus & Obesus, Pedem utrumque tumefactum molestè tulit. Cutis admodum distenta est, rubicunda, gravatè Pruriens, post levem aliquam Digitorum injuriam Flammea, Ichorem salsum & acrem ad dies aliquot exudans. Ob Pedes æquo grandiores & extensos Sollicitum, *Hydropis* Timor cruciavit; sed de *Hydrope* tanquàm instanti, aut præ foribus, (cùm Urinam satis copiosam, probèque coloratam excerni; neque Sitim intendi; sed è contrario Appetitum à Tumoris initio magis latrare, deprehenderim) non esse quòd se tantopere afflictum haberet, pronuntiavi.

Quò auxilium adhiberem medicum, in eo laboravi, ut Humoris Acrimoniam, indefinenter acerbam, Evacuans Alterantibusque quàm celerimè reprimerem. Hunc in scopum, rebus usquequaque collineatis, conceptis hisce verbis præcepi.

R. Calom. quinquies sub. gr. xv. Spec. Conf. de Hyacinth. Conf. Ros. r. aā ʒj. Syr. de Symp. q. s. f. Bolus, serà nocte sumendus; mane seq. Pilulas è Rudii 3ʒ. Res. Jal. gr. v. Ol. Junip. ch. gtt. j. Bals. Per. q. s. deglutiat, cum custodiā. Quarto vel quinto quoque die, ad quinque vel sex vices, utrumque repetat.

Tom. II.

Diebus otiosis, horis duabus medicinalibus, Bolum è Cinnab. & Cerussæ Antim. aā ʒʒ. Cort. Citreor. Cond. ʒj. Syr. Caryoph. q. s. Horâ somni Pil. ex Æthiopis Min. (cum Mercurii crudi, & Flor. Sulph. aā p. æ. sine igne facti) ʒj. Syr. Melissoph. q. s. assumat, cum Jul. Haustu. Potui verò sit Infusum seq.

R. Calcis vivæ Devonienſis, (id est, fortissimæ) ʒʒ. solve in Aq. pluviae ʒxxiii. ad xij. coquendo evaporatis. Post Clarificationem leniter detrahe liquorem; eique adde Rad. Sarsæ, Chinæ, L. Sassafr. ras. aā ʒiiij. Cort. ejusdem, Baccar. Junip. aā ʒiʒ. Milleped. sicc. No. 200. Coccinell. ʒij. Uvar. passar. exacin. ʒvj. Infunde clausa, Balneo Arenæ, per noctem; Colaturæ adde Tinct. Aurant. ʒiʒ. f. Infusum, per se, vel cum exiguo Canarini, loco Cerevisiæ usurpandum. Externè verò, Desiccantibus Repellentibusque Canepejus & Angue vitatis, Fotum adhiberi jubeo.

R. Summit. Malvæ, Althææ, Lauri vulg. aā Mi. Flor. Chamom. Sambuci aā Mʒ. coque in aq. font. ʒiiij. ad ij. sub finem adde Lactis Vaccin. ʒij. Immergantur Lanea, Pedibus, quoties Pruritus instigaverit, applicanda. Utroque denique Brachio Fonticulus aperiatur.

His obtemperando Æger multum profecit; pruritus hunc ferinum mitigavit; ad diutinum tempus delevit; & quoties reverteretur, hisce præsentissimis Auxiliis, per fugio, & præsidio Salutis certissimo, creberrimè propulsavit.

C A P. VII.

De Arthritide Lue Venereæ Succedenti.

A R T I C. I.

QUòd immoderata Venus ad *Arthritidem* inclinet, eamque crebro introducat, ab antiquo positum est, ab omni Seculo decantatum; sic, ut in ejus *Προηγμένης* haud injuriâ cumpri-
mis habeatur. Similiter notandum, quòd postremis his temporibus, cum Isti Luem (forsan ad Humanum Genus monendum deterrendumque) ad-
jicere, Rerum Auctori, Rectori, placuit; ab Illâ utique in *Arthritida*, tam facilis Migratio, ut Ætate Nostra, quæ Luis Imperium longè lateque dilata-
vit, frequenti populo stabilivit, Tyrannida confirmavit, ab Affectu, quem resciverim, nullo, facilius quæquam aut usitator.

II. Istam rem inspicienti, & ejus Rationem perpendenti extra contro-
versiam videtur, primùm, quòd hoc commune cum *Arthritide* [ut taceam alios Affectus] habeat *Patursa*; Nempe invictum † & ἀνεπίδετον τὸ, Massam inquinans ac corrumpens Sanguineam, utriusque morbi causam esse proximam & Continentem: Deinde, quod *Patursa* etiam miasma, non minùs quàm *Arthriticum* illud, cum extollit se & ingra-
vescit, è Sinu suo ejicere, & Sanguine expellere, Vim operamque det Natura: Ad hæc, quod Virus *Venereum*, è Sanguinis Flumine jam expulsū, solidisque

† Vide *Φουσιώτατον Listerum, Colleg. Doctissimum, de Lue Ven.*

partibus inhærens, non pauca faciat Symptomata, cum *Podagrâ Patursa* communia; Membranis scil. Dolores; Ossibus Cariem, Cuti Ulcera: Unde denique conjectari licet, Istorum Affectuum Miasma simile, & alterum alteri tanquam germanum, existere. Eccui verò Novum videatur, quòd, in Materiâ simili tractandâ ejiciendâque, Natura [quæ nihil temerè, nihil oscitanter, sed normâ & consilio semper agit] Evacuatione utatur simili, portâ eâdem, id est, Articulis?

Has ob Causas & hujusmodi alias, quæ est hodiè *Arthriticorum* pars haud exigua, ab *Lue* incipientes, ad *Arthritida* perducuntur; nec Grallatorem usquam Veterem, aut decrepitum quempiam, & admutilatum obtuemur *Arthriticum*, quin apud Vulgus Suspicio de infausâ olim Militiâ confestim oriatur.

III. Nemo autem Hominum [quantum auribus, vel oculis, accepi] à recenti *Lue* & nuper contractâ, natam unquam *Arthritidem* detexit; neque nasci posse facilè concedam: Motu Sanguinis non minùs intestino, quàm periodico, cum Eo commisceri intimè; Corpusculorum Illius variè figuratorum Appulsu frequenti, mutari egregiè; atque ita tanquam maturari & evehi diutius Miasma *Venereum* priùs oportebit, quàm Articulis illidi, & ad *Podagram* inducendam impingi potuerit.

Hâc de causâ rarò Grandiores, & Ætate procedentes, (seriùs scil. quam *Primigenia*) invadit hæc *Arthritis*, id est, ex solâ *Lue* derivata; Juniores vix quidem, at nullo modo Adolescentes; quippe quibus evehendo Miasmati nondum tempus sit idoneum.

IV. Sed

IV. Sed è diverso , nec à Veteri *Paturâ*, tetrâ, horridâ, Carie & Ulceribus spurcatâ , *Arthritidem* generari vel solere , vel etiam posse, cogitandum est: Id quod minimè ex Istius defectu, quin potius Naturæ , quæ debilitata, fracta, enervata , Hosti fugando, *Arthritidi* moliendæ, impar reperiatur.

Hiscæ mediæ generis *Patursa*, *Arthritidos* Genitrix, Causam habet, Sanguini per minima insinuatam; ac quasi Municipem, potius quàm Hospitem; ob affectatas Res novas exulantem, & præfractè & cum Luctâ, licèt ex Naturæ Mandato, per Articulos abeuntem.

V. *Lui Venereæ* suâ Naturâ ad *Arthritidem* inclinanti & tendenti, Manus affert adiutrices, Calcar addit, Empiricorum Mos ille perniciosissimus; quo, in curanda Gonorrhœâ, Puris suppressioni properè nimis insistant hi Ardeliones; neglectâ interim vel remissè factâ, quæ maximopere, quæ studiosissimè præmitti debuerat, Purgatione. Ita enim intus Hostis retentus, Sanguinem integrior, & fortior subintrat, partesq; primum *Paturse* agit Principes; demum ævo labente *Arthritidos* speciem præ se fert: Et ab hac Isflorum Περσπύξ potissimum, ex *Lue* tot ubique *Arthriticos* esse, jure merito suspicemur.

VI. Illis de *Affectu Primario* præmissis, de ipsius *Ægri* Corpore jam proximè dicendum est; quod utrum *Arthritidem* (secundariò) adsciverit, an secus, ex Illius ad Eam propensione pendet quàm plurimum: Quò major erga *Arthritidem* à Naturâ Corporis proclivitas, eò citius *Patursa* in *Arthritidem* migrat; eò planius ab eâ (mendaci) absorbetur.

Porro intelligendum est, quòd etsi ista *Luis* in *Arthritidem* μεταβ-σις sæpissimè sit in eodem Corpore, tamen non nunquam diversa completatur: Quum, à Mariti *Lue Arthritis* in uxore per Concubitum accendatur, & Illam Iste incestet. Hujus rei, utut Nova credatur, Historias omninò luculentas & exceptione quâlibet majores, quando plures in Adversaria retulimus, unam itemque alteram huic Capiti subjicere non gravabor.

Nec quidem hanc *Arthritidem* improprie *Lui* secundariam, tametsi Corpus aliud exerceat, appellari posse existimo; quandoquidem ex *Lue* γυναικείας oriatur, illiusque Naturam, εἰς τὴν καὶ ἡθ', nihil certè minùs quàm si in eodem Corpore sit, participet. Neque magis novum aut peregrinum hoc habendum, quàm quòd, in Gnatos aut Alumnos, Oculorum *Epiphora*, seu quid aliud Morbi à Parentis aut Nutricis *Lue*, derivetur: quo quidem nihil magis in Vulgus notum, aut pervagatum.

VII. Qui hac *Arthritide* conflitantur, sæpe macilenti sunt, tenues, Vultu quodammodo subsidenti, & ipsius præsertim margine, luridi; Oculis retractis, quodque eorum Album esse debuerat, interdum subluteo; Voce fuscâ, & cum Roncho edita: Verùm non Naturæ, sed Morborum operâ. Nimirum duram Hi Homunciones Servitutem serviêre; primum *Deæ Blandæ* obsecuti; deinde *Lue*, postremò *Arthritide*, laborantes.

VIII. Morbi hujus Dolores vagi & erratici (sive præcurrentes, sive Ejus Accessionibus interpositi) à Rheumatismi Doloribus eò distinguantur,

quòd Hi posteriores à Frigore tum ordiri, tum reverti, soleant; à Vagæ *Arthritidos*, ut & à *Rheumatismi* istis; quòd Illi, Origine nati *Venereâ*, Nocturni magis sint: Deinde quòd, Ipsius Paroxyfmi, hæc in *Arthritide*, Dolores, quàm aliâ quavis, *cæteris paribus*, (ob acriorem Causam Continentem) atrociores sentiantur: Rarò enim videas immanius Vociferantes, quàm à *Paturâ* qui Dolent Articulis. Hoc, inquam, *cæteris paribus*, quatenus ad Sanguinem, ad Animales Spiritus, & ea universa quibuscunque Doloris sumus plus minus patibiles, respiciamus. Quin etiam (præmissò, è *Primigeniæ* Doctrinâ, quod Dolor quò vehementior, eò Paroxyfmi Regularis brevior, eò plerumque rarior) nulla unquam *Arthritis* Paroxyfmos habet adeò acri Doloze stipatos, tam citò reversuros, tam simul longum duraturos.

Hæ sunt hujusce Affectûs certæ quædam conditiones, in eo illustrando signandoque Usûs & momenti haud exigui; quas si fides optima deficiat, neque semper illæ Morbum oculis ex voto subjiciant, quicquid in Diagnostici desideratum est, ex *Lue* præcurrenti & ejus Vestigiis percunctando adimplendum.

IX. Quousque se laudabiles ostendant paroxyfmi, suum habent commodum, suas utilitates; quàm autem primùm interciduntur, aut multum illi remittuntur (ut in aliis *Arthritidos* speciebus) non hoc nihil periculi. Si intercisis hinc nulla fuerit eruptio cuticularis, nulla aurium suborta humiditas, nullum uspiam ulcus, Hæmorrhagia nulla, *Congestio* nulla; sed è contrario, in muliebri sexu sistantur

etiam Menses, & Partus omninò cesset; Diis hoc iratis accidit. Portâ jam obturatâ omni, & occlusâ fugæ viâ, in caput transferri solet hoc casu materia *voorn*; & vel Apoplexiam, vel motus convulsivos, Ægro ferè fatales, excitare. Cujus quidem Eventu, iterum & sæpiùs à nobis observati, mentionem idcirco feci; quòd ex eo Prognosticum haud inutile, tametsi mæstum, identidem eliciatur.

X. In hujus *Symptomaticæ* Paroxyfmo, ad Doloris impetus solito majores quodammodo sedandos, & ex aliquâ parte permulcendos, hypnotica dari prodest, pro rei necessitudine (cautè tamen, ne Illorum abusu materia Morbi Nervis impingatur) Dimetienda. Reliqua, quæ ad paroxyfmi therapiam pertinent, ex alio fonte (*Primigeniâ* scil. *Arthritide*) ducta, ad hoc negotiû facillimè accommodentur.

XI. Quæ verò pars curationis *Prophylaxin* habet, & in Accessionum Intervallis exercenda est, à *Lue Venereâ* mutuatur indicationem. Nam *Antisiphyl.* (cùm evacuantibus, tum Alterantibus) à miasmate, causâ morbi conjunctâ, Sanguis tuendus. Hæc loci è *Lignis*, ex *Antimonio*, è *Mercurio*, comparata, præ quàm alia quavis *Arthritide*, in series ac methodos artificiosè digesta, commodissimè proponantur: Certè *Mayernus*, [a] Experimentis & usu longè nobilissimus, *Mercurio* (penitissima corporis jubeunte, instar *Viverræ*, jugulum Morborum petente, Fermento eorum adorto) *Arthritidem Veneream* certò curari, non dubi-

[a] In *Prolegomenis* ad Tractatum de *Lue Venereâ*.

dubitavit asserere. Si per Vires liceat, & nihil adversetur, Usûs hic eximii *Salivatio*; quæ tametsi in *Arthritide Primigeniâ* & *Ægroti* & *Medici* votis sæpe excidat, in *hâc Arthritide Symptomatica*, ab ipsa *Luis* ipsissima profluente Causa, magnarum esse virium, virtute singulari, æstimanda est. Quæ verò *Salivæ* optima movendæ ratio, quis modus obeundus; utrùm *Spissus* ille, paucis aliquot *Hebdomadis*, sed jugirivo, qui absolvitur; an potius *Rarus*, sed ad tempus diutinum qui excurrit; Utrum continuus, an intercifus eligendus, id, ex *Ægri* rebus omninò decernendum est.

De tempore *Ptyalismum* instituen- di maximè opportuno, ut Verbum addam; *Æstas* à nonnullis præfertur, eo forsan nomine, quòd durante illa *Sanguis* (scilicet!) evectus huic *Operi* paratior habeatur; tum quod à *Frigore* minus ea *Tempestate* periculi: *Contra* facit *Spirituum Languor* & *Impotentia*, *Æstati* propria, qua ad *Ptyalismum* inhabilis redditur *Ægro-* tans; & *Media* profectò *Hyeme*, qua firmiores sunt *ὀρεῖς*, & longè *ve-* giores, quàm *Æstate*, qua fatiscunt, ex- peditiùs stadium hoc percurri constat. Ver autem ego malim, & hoc inci- piens; quo *Æger* per se ad hoc officii promptus, & tempore, ut ad *Salivam* protrahendam, sic ad vires exinde re- sarcendas, diutino fortunatos.

Qui *Sputum* horret, *Calomelana* per Anum exturbari patiat. Dentur id- circò *gr.* ejus v. cum *Astringentibus*, bis die, per triduum, vel quatrimum. Post- ea *Catharticum*, quo *Mercurius*, cum pravis ab eo subactis & devictis Hu- moribus, expellatur. Huic autem mu- neri *Catharticum*, quod Ventrem leni-

ter, at certò, vacuet, *Sanguinem* minùs agitet (nè videlicet *Arthritis* irritetur) imprimis feligendum: Conducunt *Aquæ Purgantes* cum *Manna* haustæ, post *Extracti* seq. 3ß. ad *ἑῖj.* horas an- te aliquot deglutitos.

℞. *Agarici*, *Hermodact.* *Helleb. N.* *Epi-* *thymi*, *Turpeti*, *Mechoac. ana* partes ij. *Salis Tart. p. i.* cum *Spiritu Vini* Di- gerendo, Exprimendo; tum *Scammon.* pul. partem unam addendo; dein evapo- rando, f. *Extractum*. Repetenda verò hujusmodi purgatio, cum præmisso *Ca-* *lom.* quarto vel quinto quoque die, tan- tis per dum *Materia vomit*, vel tota prorsus expelli, vel evacuando enerva- ri, jure merito credatur. Sin ex Ulce- ribus, & *Saliva*, Os affectare *Mercuri-* *um* advertas; ad eum subtrahendum, veluti frequentius, sic etiam copiosius, adhibenda *Catharsis*: Et quidem hisce per *Salivam*, per *Sedem*, excremen- tis, optimè omnium perfectissimoque *Miasma* hoc eliminari posse cogitan- dum est.

In *Sanguinis Crasi* redimendâ, & *Veneno* (si quod intus delituerit) cicu- rando, nusquam quidem non oportet *Decoct. L. Sti. Sassafr. cum utriusque* *Cortice*, forte & efficax, pro *Anni tem-* *pestate*, per *Hebdomadas* aliquot, ne dicam *Menses*, assatim quotidie, post usum *Mercurii*, miscere.

Aquæ porrò *Diuretice*, quales sunt *Bathonienses*, *Bamptonenses*, (*Valentis-* *simum* potentissimumque *Sanguinis καθάρσιον*) rectè diuque perpotæ, ad eluendam *Morbi* hujus *Materiam* non parum promittunt. Cujus quidem *Rei* amplam & luculentam *Historiam*, huic *Capiti* subjectam licet perle- gere.

XII. Quin etiam posthæc, ad majorem Cautelam, aut *Aquæ* [si conveniat] omni æstate repetendæ, aut omni Vere, & Autumno per *Merc. d. & Aq. Purgantes*, primum purgare corpus; deinde, per *Alterantia* [qualia sunt *Cin. & Cerussa Antimonii, Æthiops Min. Panacea Hartmanni*] Humores ejus corrigere juvabit. Imò quidem Iis, qui, vel Constitutione infirmiori, vel annosiores, Salivam, Ventrem, & Urinam, moveri respuunt, *Antisiphyl.* prædicta, cum è *Lignis Decocta*, summi erunt adjumenti.

Hist. I. De Arthritide impurâ, Aquis Diureticis subacta.

Fœmina quædam è *Brigantio* integerrima, Viro dissimili juncta, post annos aliquot Dolores sensit, per Musculos & Membras exteriores ferè omnes, erraticos, rodentes. Caro inter hæc Tabescit; Vultus Pallet; Vires enervantur. Currente mediâ ætate [id quod auspiciato incidit] sæpius enixa est. A quo defierat ἐν γαστρὶ ἔχειν, *Rheumatismus* [quod dicitur] ingravescit; Doloribus nocturnis, iisque peracutis stipatus: Præter quos, externarum Partium Internodia laceffentes, per septimum & octavum ætatis Lustrum & quod excurrit, Artuum Alii Juncturarum erant pæne omnium, fixi, & permanentes; cum earundem Tumore, Rubore, Ardore, cæterisque quod est Paroxyismi *Arthritici* παροξυσμοῦ. Verum, in Muliere Sanguinis parum calidi, temperante, morboque fatigatâ, Tumores nec in eam Molem efferuntur, nec æquè Rubent, nec pariter Dolent, nec quæ alia Sympto-

mata sunt, similiter urgent, ac in *Arthritide*, Calidâ maximèque rectâ; imò ad *Frigidam* propius accedunt: tempus in diutinum procurrunt, & citò revertentia *Arthritidem* quasi continuam, & perpetuò παροξυσμοῦ, indicant. Quo tempore mulcantur Artus, Viscera, & quæ intus, sunt tuta omnia: Cùm ad tempus, etsi pauxillum, isti liberantur, [quod utique non sine summo Discrimine plus semel obtigit] illa statim afficiuntur. Tumoribus, Gelatina turgidis, Ætate fugiente, succedunt Tofi, numero complures; granum nunc Hordeaceum, nunc Fabaceum æquantes. *Antimonii Mercurii*que *Præparatis* longum utebatur; at ab *Aquis Diureticis* [quas, ad libram unam alteramque omni mane, plerumque per dimidium Anni, aliàsque in potum ordinarium perpetuò ferè adbibit] omnium maximè profecit. Jam Quadragenariâ major, & [quod dictu necessarium] Matrimonio paucis annis soluta, Faciem sic satis coloratam, *Rheumatismum* [ita loqui amat Humanitas] mitiorem, Robur adauctum, aliaque Naturæ revirescentis Signa, latè gloriatur. Ob Partus aliquamultos, & Menses ordinariè juges; ob Materiam per Articulos pulsam, & *Arthritida*, si non rectissimam, tamen utilem; ob Medicinam opportunè & diligenter adhibitam, Vitam hæc Matrôna piissima, Venerabilis, etiamnum agit vitalem, actura [quantum hâc in re con-jicere datum est] diuturnam.

Probat Historia, ex *Lue*, alio Corpore existente, posse alio, per Con-cubitum, suboriri *Arthritida*; tum etiam *Aquis* præsertim *Diureticis*, posse permulceri.

Hist. 2. de Arthritide, Luis Sobole, à Δυσπείρωτος irritatâ, Febrim excitante, Caput aggressâ.

PAtursâ quidam Adolescentia tactus (cujus perperam tractatæ, quâ Sanguine, quâ Vultu, ad Senium usque passus est reliquias) vertente nono & decimo Vitæ Lustris, ex Macie pristinâ Corpulentus & Habitior factus Ποδοχειᾶ. Plures Ille Paroxysmorum vices subierat, tristes sanè & calamitosos, (sed rectos & idoneos) cùm, ex Crapula cibo difficili & inepto avidè ingesto facta, ἀνω καὶ κάτω affatim ejecit: Capitis Hebetudine, & Vertigine, correptus: Pulsu celeri; Æstu universali. Quando in Febres istius Tempestatis (erant enim alius planè Indolis) Affectionem istam πυρετὴν referre nequiquam valuerim, & Arthritidos Insultus cùm multiformes, tum etiam (tanquam Lupi in Fabula) semper huic Ægro, minima quavis ex Causâ evidenti, paratos, esse recoluerim; ex ea, sed ἀνωμάλως se fundente, illam optimè derivari posse, unâ cum Ægro, & qui astabant aliis harum rerum haud ignaris, judicavi: Eique Fundamento firmiter innixus, hunc in modum (I profectò, quàm in Febre *Essentiali*, vel Capitis morbo quovis Idiopathico oporteret, longè diversum; imò in horum plerisque contrarium) Curationem ordinavi.

Ut Arthritidis Materiam, Capiti impactam, illinc excitem, & in Artus partim expellam, partim invitem, Pulverem primùm è *Chel. C. C. & Pulp. quartâ quâque horâ, cum Jul.*

Haustu, exhibeo. Deinde Phænigmos (è Sem. Sinapios, Summit. Rutæ, Raf. Radiculæ, Halecis fumo indurati aâ part. I. Fermenti vet. p. iv. cum Aceto Vini Albi, ad Consistentiam Cataplasmatidis) Componi & applicari jubeo. A Pulvere suscitantur Spiritus, oritur Diaphoresis; à Phænigmo Malleolis (ea solebant, in hoc Corpore, Arthritidos Stativa esse) admoto, & quoties refrixit, quoad Tumor hinc inde oritur, renovato, Caput omnino sanum & incolume redditur, idque præsentissimè. Tumoribus, ad majorem cautelam, (ut nè in Sanguinem, quo evocatum est, relabatur) Epispastica superaddi jubeo; unde Ichoris Arthritici Fluxus ad dies aliquot jugis, ad aliquot annos salutaris: Mitior enim aliquandiu post Arthritis, quod Affectionem hanc Arthriticam esse ab Evento comprobavit. Cùm jam ulcuscula per se exsiccarentur (nec quidem antea, ne Fluxum tam felicem, tam blandum, tam ex omni parte benignum beatumque quodammodo abscindere videatur) Venterculum, me hortante, movit: Diebusque post hæc otiosis Trifolii Paludosi Infusum, horis medicinalibus, Menses binos, bono cum fructu quotidie potavit.

Historia Confirmat Arthritidem, Luis Venereæ progeniem, posse Δυσπείρωτος irritari; posse Caput invadere.

Hist. 3. Lui Venereæ succrescens, Caput impetens, Arthritis.

SUb hujus Seculi initium, Fæmina quædam, ortu incolumis, piissima, lectissima, nec uno nomine Spectabilis, Marito

Marito jam olim Patursâ, nuper *Arthritide*, diro Morborum Pari, multato, & miserrimè cruciato, annos circiter viginti nupta, semel bis pepererat; exinde diu Catameniis rectè est potita. Postea *Scabiem* habuit, aliam in Cubiti summitate, siccam, subfuscâ, multiplicem, cum Interstitiis & Ambitu purpureo; aliam in Capite subalbidam, squamatim decidentem: in Femore, & Latere, Impetigines, & mali moris Maculas: His adde Capitis, in totâ parte sinistrâ, & Colli posterioris, Dolorem Nocturnum. Ad hæc Hallucis Articuli majoris primùm Teneritudo, deinde Dolor, acutus & pungens; Tumor item, & Rubor supervenit; quæ quidem ita sunt Accidentia, ut *Arthritidem* ostendant. Certè Dolor ad integrum usque mensem aliquoties mansit, alios atque alios Digtorum Articulos, Pedum etiam Plantas, identidem torquens, à Cathartico improvidè ingesto exacerbatus; sic, ut de *Arthritide Lui* succrescente minimè dubitandum.

Ut Eruptiones tolleretur, ex Refrigerantibus nescio quid temperatum clam oblinivit; unde brevi Caput Tremere, Manus & Pedes *παρὰλυεσθαι* cæpere, nec erecto Corpore stare, nedum ambulare, potuit. Hisce circiter diebus Menses supprimuntur, quæque Vitia nota & manifesta erant, ab eorum unâ Suppressione nasci putabantur. Caput inde plus solito afficitur; magis enim magisque tremit, vel ex Imbecillitate antrorsum inclinatur. Cum Oculi Somno conniverant, Horror ingruit universalis, & ex improvise totius subita Corporis Exultantia. Fugiente somno, brevis Stupor, & Motus sæpe Convulsivi, tum Labii supe-

rioris, tum Oculi sinistri, tum etiam totius Capitis. Oculi porrò Dolor, Visus obscuritas, & Caligo. Sub hæc Utriusque Genu, sed Occipitii maximè Frigus intolerabile: Faciei Rubor erat: Alvo solutâ Refectio: Cum ingravescerent Symptomata, nec, quo illis occurreretur, à quoquam unquam, quod sciam, quicquam adhibitum, (ex primâ enim morbi Origine, rem ejus totam pertinacissimè occultavit) tandem, fallente linguâ & tertiatis verbis, summum enarrat; & implorat (heu! post bellum) Auxilium. Nam Insultu gravissimo, Motibus Convulsivis, & *Ἀναισθησία* comitato, brevi tempore morbus absomit Ægram, meliori Fato (si Deo vilum esset) dignissimam.

Hoc Casu Miasma *Venereum*, quod & *Podagricum*, intra Sanguinem aliquandiu retentum, neque Partu frequenti, neque Medicamentis, aut diminutum, aut satis cicuratum, Naturam aggravare cæpit; cum Inimico Illa colluctatur, & ejus eliminandi satagens, *Arthritidem* molitur. Quum autem (ob Sanguinem fortè *δυσμετέβλητον*, vel aliâ aliquâ de Causâ) ad *Arthritidem* Ægra minus sit proclivis; quumque per Cutim, Virus parcè expellatur, & jam Menses suppressi sint, adeoque fugæ via omnis occlusa; Caput illud aggreditur, & Genus Nervinum, itaque Laborantem opprimit.

Monet Historia, *Paturseæ Podagram* æmalatæ Materiam, in aliud Corpus aliquando per Concubitum infundi; in illo, veteri sævitiâ procedere; Caput denique obstructis exeundi Viis, adoriri.

Hist. 4. Arthritis Lui ὀνυχομένη, Victu, digestivis, & Equitatione moderata, tandem Intestina invadens, Sanguinis αὐτὸν ἡγνὰ τὼ Missiōnem pariens.

Cupidinis in Castris, à primâ Juventute versatus, Miles quidam, *Mollior*, (quod aiunt) *Anseris Medullâ*: ejusque Præliis haud parum contusus, circa mediam ætatem *Arthritide* corripitur, quæ, omni ferè anno, suaptè sponte, Accessiones iteravit: à malis autem Moribus sæpius, supra modum invitata. Cùm annos Æger nondum habuit quadraginta, in *Ascitem* incidit, durum (Jupiter!) & ancipitem, quem demum eluctatus, Curæ meæ aliquantò post occurrentis, se commisit; ut adversus *Podagram* (Ipso confitente Reo) minimè *Primigeniam*, item adversus *Hydropa*, Prophylaxin obsecrans, Claudum aspicio, Emaciatum, Vultu, præsertim ipsius Margine, lurido; sed Oculo flagranti, sed Animo alacri vividoque.

Et Medicinæ, & Aquis Mineralibus Hostem internecinum hortor, quod illis tentare non liceret, Diætâ & Exercitatione, quoad ejus fieri possit, conficere conetur: Ideoque Equo, sæpe, & multum, se oblectet; de Victu maximè sollicitus, non nisi *ὑπερβολικῶς* nutriatur; &, à Prandio semper Rubellum (quod Vini genus Ventriculo erat gratissimum, & Usu diutino probatum) hauriat: Maturè se in lectum det, parcè, vel non cænatus. Nec quid adhibui Medicamentorum, præter *Infusum Gentianæ*, *Zer-*

doariæ & Cubebarum, eodem Vino paratum, omni mane usurpandum; & *Pil. Stom. cum G.* omni Mense, ad tuendam servandamque Coctionem, *Arthritide* permittente, assumendas.

Horum Adjumento (vitatis simul iis, quæ obessent) diu vixit ille, *Arthritide* non nisi rectâ, quantumvis *Symptomaticâ*, sed acri, (forſan ob peculiarem ejus Materiam, magis) sed acerbo dolore comitatâ prægravatus.

Verùm ad Senectutis principia perductus, *Febre* cum *Diarrhœâ* laboravit, & Alvo restrictâ Abdominis secuta est Inflatio, Ventriculi & Intestinorum Dolor; Austera postmodum Materiæ, deinde Sanguineæ per Os, brevi verò Nigræ (pariter Sanguineæ) per Anum missio. Ab ingruente *Dysenteria Arthritis* ἐν τοῖς ἐξωτέρω nulla. Ut his opitularer, per Literas rogatus, primò *Leniens præcepi*, *Sennæ & Rhab. Xerano infusorum*. Tum *Bolum astringentem & Cardiacum*, (eò nempe, quò in Artus expelleretur *Arthritis*) *ter die cum Infusi amari Haustu deglutiendum*.

Istius Hominis initio *Lue*, mox *Arthritide*, tum *Hydrope*, iterum *Arthritide*, quâ rectâ, quâ reflexâ & *Dysenteriam* inferente, iisque suo genere gravissimis, affecti, Robur & Patientiam sæpè demiratus sum; Hæc enim universa Animo præſenti, forti, & illis omnibus majori toleravit: Spiritu nempe Animali firmo, alacri, & Elastico donatus; equitando summoperè levatus; nam, ex Podagrâ fractum, imbecillem, languidum, eo solo certissimè citissimèque frequenter restitutum, observavi. Si Flatus postulaverit, nec *Arthritidis* vetuerit Paroxysmus, bis terye Hebdomadâ injiciatur Enema.

℥. Flor. Chamom. Mj. Sem. Fenic. d.
Carvi ana ℥ij Coq in aqu. font. ℥℥. ad
℥. Colaturæ adde Ca iarini ℥℥. Ther.
Androm. ℞. Sac. rubri ℥ij. f. Enema.

E. in Tormina Decoct. e Carminanti-
bus, Vesicâ inclusum, & Ventri adino-
tum; aliaque pannus Wallicus Abdo-
mini imponendus.

Diu illum *Dysenteriae* superfuisse
audio, & tandem emaciatum, Morbis
& Ætate confectum, diem supremum
obiisse.

Historia significat *Arthritidem Lue*
Veneræ procreatam, Victu idoneo,
Digestivis, sed præsertim Equitatione,
non parum sublevari, *Dysenteriae Pro-*
ductricem, auferri.

Hist. 5. Arthritis, Lue Veneræ super-
veniens, Melancholiam, Caliginem,
Vertiginem, Convulsionem universa-
lem, & demum Mortem, inducens.

Occurrit è Plebe Viri cujusdam;
Historia, natu integri, *Lue*,
cum adhuc adolefceret, corrupti.
Huic Affectui, multum ope Medicâ
retuso, nequaquam extirpato, constan-
ti jam Ætate, supernata est *Arthritis*;
quæ, Lustris minimum tribus, rectè
agens, & omni Anno semel iterum-
que redux, tandem in *Anomalam* de-
generavit: lesquiannum nulla fuit.
Exinde Æger Melancholiâ, Gravedi-
ne, Caligine, sensim est afflictus; uti
etiam Vertigine, eâque gravi adeo,
ut in Notos & Familiares sæpe in-
scius irrueret. Quam iter aliquando
intempestivè faceret, ex Frigore, pri-
mum Vilu, deinde Sensibus internis
omnibus, ipsoque Judicio læso, per

dies aliquot deliravit. Arthriticos hos
Errores esse, quando mihi persuasif-
simum erat, (& tribus ab incurfu
Mali primo Mensibus, eum recurrere
immaniolem, cum, Auditus Gravita-
te præmissâ, Vultus Pallore, Flatibus
ἀνω καὶ κάτω creberrimis. Urina lim-
pida copiosaue, Spiritu difficili, &
dumum *Αναστροφή*, accedentibus depre-
henderam) quæ Medendi ratio pluri-
mum profecit ita se habuit: Ut Ca-
piti succurratur, Sanguinem mitti ju-
beo; Ventremque per Enema, per Ca-
tharticum, subduci, & ad Hostem in
Artus evocandum, utrique Malleolo
(solebat Æger illis dolere) *Phænigmm*
applicari, Tumoribusq; hinc inde ortis
Epispastica. Humor effluxit Ichorosus
copiosè; magis verò, quod *Cardiaca*,
(*Pul. Gascon. Vinum Hispanicum ru-*
brum, Sp. vol. oleos.) prompta in auxi-
lium, & quotidie exhibita, ad τὰ ἔξωθεν
Materiam expulere. Porro, in *Pro-*
phylaxin crebra fit per *Pil. Ruffi*, sed
lenior, *Purgatio*: Et, utroque latere
Spinæ, inter Homoplatas, Fonticulus,
sex Pisorum capax.

Atque hisce Artibus, Laborantem, &
tanquam Animam agentem, ab ipso
Orco eripui. Verum Materia, propter
Naturam refragantem, neve satis evoca-
ta, neve Paroxysmum, utut tentatum,
faciens Regularem, Caput, dudum
enervatum, iterum aliquandiu post
adorta, Ægrum mediâ nocte post Sô-
num placidissimum, *Spasmo* univer-
sali correptum, brevi temporis spatio,
interemit; & indicio fuit, eam, quæ
Arthritidos est à *Patursa* natæ, jam
non amplius expullam, interdum
παλινδρομεῖν, Cerebrum adoriri, Con-
vulsionem universalem, eamque letha-
lem, Ægro asserre.

C A P. VIII.

De Arthritide Asthmatica.

ARTIC. I. **A**sthmati succrescit *Podagra* creberrimè pituitoso, sive ei, quod à Phlegmate Pulmoni inhærente, & Bronchia infarciendo, sicque Spiritus meatum obstruente, factum est: Hoc in causâ morbi hujus Idiopathici, proximâ & conjunctâ, ponitur; dum in primis viis stabulans Saburra, & sanguis in Canaliculis ad Plethoram auctus, sociam aliquando operam adjungit, & ad hunc affectum confert κατὰ Συμπάθειαν.

Spiritu hâc de causâ difficili laborantes, interdum per se, aliàs ex Medicinâ, nono & decimo plerumque Ætatis lustro, rarò quidem maturius, Πόδαλγες. Si, per Victum inordinatum Δυσαισίαν, aliasvè causas antecedentes vitium copiosè alitur, & in sanguine congeritur materia, *Podagræ* effectrix, proprio illa Marte potest, & per se, in Paroxysmum erumpere; verum multò facilius paratiusque, si Medicinâ fuerit extimulata.

II. Sunt autem stimulo, huic *Arthritidi*, uti aliis planè permultis, cujuscumque fuerint generis, *Cathartica*: Quando eorum beneficio, ad amolendum hostem, eumque in Articulos extrudendum, natura promptius & habilius operatur: Tum, ad hoc operis, è Catharticis Δρασικώτερα, præcipuè faciunt; quando sanguinem exagitando; (quod ante dixi) novum afferunt Organismum; quem è Vestigio sequitur Alieni εξαγωγή.

Valent hâc in parte *Alterantia*, ad debellandum *Asthma* vulgò adhibita, quotquot uspiam à Naturæ Partibus stant Cardiacæ, & in fugando Hoste ei opitulantur: Quæ quidem *Alterantia*, *Antiasthmaticorum* maxima, vel saltem immensa portio putanda est.

III. De *Arthritidos* hujus Materiâ, minimè recentem illam esse, sed in Corpore quòd diu Paroxysmum existiterat, in eo se occultans, vel hâc de causâ meritò, suspicari licet, quia nemo repente Πόδαγξιά. Imò quidem verisimile est, quòd in corpore Phlegmatico, tussi agitato, pituita involvatur; simulque cum eâ pulmoni commissa, per sputum illa κατ'Επίκρασιν excernatur.

Quod ad amplectendam hanc Sententiam me impellit, eique confirmandæ stabiliendæque unum sufficere videatur, non leve Pondus Argumenti, hoc est, (huiusce *Arthritidis*, prout observavi, Χαρακτηριστικόν.) Nempe, quòd, aliis omnibus *Arthritidis* quæ Veræ, quæ Symptomaticæ Speciebus, eo nomine dispar, æstate lætetur. Cum *Arthritis* reliqua omnis suâ Naturâ Hyeme, vel minimùm Sole infra Æquinoctium vergente; hæc nostra, eo supra, imò ipsum circa Cancri Tropicum aliquando evecto, suapte sponte, neque ex causâ ullâ evidenti παροξύνεται.

IV. Illud tamen nequaquam ita capiendum, ac si hæc *Arthritis* omnino Hyeme prorsus obdormire, neque per illam Tempestatem quicquam unquam moliri soleat. Contra φαινόμενα hujus Ætiologiam, in eo locari censendum est, quòd Hyeme, quò quidem profectò tempore Cutis densatur, fallit Διαπνοή, & in Pulmonem mittitur Pituita, cum eadem in eum Mias-

ma etiam *Arthriticum* abripiatur: Ætate verò cum superficiem & Ambitum Corporis Humidum evocetur, extrà idem tendat & Artus appellatur. Ut Hyeme ab *Asthmate* vincatur, sub ejusque Vultu & personâ deliteſcat; Ætate, propriâ eluceat.

V. Propterea quod *Arthritidis* hujus Materia frequenti expuitione magnam partem eliminatur, profluere autumno, quòd illius Paroxyſmi, (utut Dolore, Tumore, Rubore, aliisq; Symptomatis, ſatis ad Diagnosiſ ſignati) rarò utique infeſtiſſimi cernantur, aut ex eorum numero, qui Toſis, qui Ulceribus, qui Oſſium Carie, cæteriſque Fructibus iſtiusmodi acerbisſimis, vel etiam Nodis, Doloribus diutinis, & id genus mitioribus, affligunt Ægros; ſed tolerabiles, & æquo animo ferendi ſunt.

Cum autem iſtud ſive Paroxyſmorum Tempus, ſive eorum Clementia, non eò uſque huic *Arthritidi* propria eſt, ut ex eorum alterutro, vel utroque poſſit illa internosci; quò aliquod *Ἀνωρινόν*, in medium promam, quotiescunque *Asthmati Pituitoſo* præſertim gravi & diuturno; maximè verò omnium, quoties uſitatè, & ex more ſubjicitur *Arthritis*; Hæc ipſa eſt, quam ego *Aſthmaticam* appello; Primigeniæ, ſi Paroxyſmos, eorumque Symptomata circumſpiciamus, certè perſimilem, Succeſſione luculentiùs, & ferè ſolâ agnoſcendam.

VI. Ex dictis ſequitur, quòd *Arthritis* hæc *Aſthmatica*, tametſi puram Materiam & puram *Arthriticam* habere, per ſequè omninò Veram eſſe concedamus; (quod tamen itane ſit, an ſecus haud definitu facile) quando quidem *Asthmati* ſubmiſſa eſt, ipſâque

ejus Materiâ gaudet; in *Symptomaticis* cenſenda eſt; habitâ, videlicet, Morborum Succeſſionis, & tam Primarii, ſive genuini, ſive ſpurii (*Aſthmatis*) quàm Secundarii (*Arthritidis*) ratione.

Ex eoque patet, quàm ſit ea ſui Generis ἐν τῷ ἀπόψει æſtimanda, quàm modò peculiari expugnanda; à Verâ *Arthritide* ſeparata, quoniam nullam hæc Succeſſionem præ ſe fert, nullum agnoſcit morbum Primarium; à cæteris verò *Symptomaticis* quibuſcunque, quoniam *Asthmate* ſubnata, ab eo Pectoris, Spiritûs, Tuſſis, Sputi, Conſiderationem deducit, neceſſariòque comprehendit.

VII. Ut hæc apertiùs exponantur, quoties de Epicoenæ hujus *Arthritidis*, nunc Pulmonem, nunc Artus infeſtantis *ὑπάρξει*, conſtiterit, & Curationem meditabimur, haud dubiè prodeſt in priori Statu (tametſi *Pituitoſum* exiſtimetur *Asthma*) rem *Arthriticam* non negligere; quin ad *Asthma*, quoties ingraveſcat, depellendum, in externis, ſimul atque fieri poteſt, Dolorem excitare; quò nempe factâ Materiæ ad Articulos *Διαδοχῇ*, levetur Pulmo. In eo certè Operam locari commodiſſimam; in eo Intentionem utiliſſimam, non inani Conjecturâ, ſed Experimentis ex medio uſu depromptis, & (ut opinor) Ratione fretus, habeo perſuaſiſſimum. Hoc igitur ſpectans, *Venæ ſectiōne* vel proriùs abſtineo; vel, quàm in ſimplici *Pituitoſo Asthmate*, Sanguinem minori quantitate detraho: Ne ſcil. Natura, Miſſione nimiâ & improvidâ debilitetur, enervetur, & *Arthritidi* protrudendæ impar reddatur.

VIII. Catharſin per *Aloëtica*, ſive quævis

quævis alia, quæ tum Alvim moveant, tum etiam Sanguinem exagitant, & in Orgasimum adigant, instituo. Novi quendam *Asthmaticum*, *Arthriticum*, qui *Spiritu Cochlearia Aureo Purgante*, (cum *Scammonio*, *Julapio*, vel fortasse *Gambogiâ* comparato) ad guttas circiter triginta, ex Vehiculo convenienti, felicissimè creberrimèque utebatur: Satis enim hinc deiecit, nec ita diu post optatò doluit. Potionem ego sequentem; hujusce Classis, sed Magnarum Virium *Arthritico*, secundis Avibus, semel iterumque propinavi.

R. Fol. *Sennæ* ʒß. *Fibrarum Helleb. nigri*, Turpeti aa. ʒj. Coq. in Aq. font. q. s. ad ʒiij. Colaturæ adde Syr. è *Spinâ*, Elix. *Salutis* aa. ʒß. f. Potio.

Catharseos ea quidem *Asthmaticis* Utilitas, ut, præterquam Alvim, etiam Pulmonem exonerent; quandoquidem Pituitam ab eâ tenuari, discutique, Sputum abundantius exantlari vulgatissimum est. Atqui, Purgatione jam semel institutâ, non opus erit, ut de illius Repetitione (quæ, à Pituitâ simplici *Asthmaticis*, neque per *Podagram* medendis, sæpe necessaria) nisi ex intervallo quodam, & urgente novâ intus Saburrâ, simus solliciti: Ne scil. nimium exhausti, Naturam, *Arthritidem* rectam & regularem impensè desiderantem, aliò infaushtë divertamus.

IV. Ad ea potius progredior, quæ, ut debelletur *Asthma* & (illius gratiâ) commoveatur *Arthritis*, validius conituntur: Ideòque omni Mane, Haustum *Infusi amari Chalybeati* misceo: *Bechicis*, nè Ventriculo, per se nimium languenti & obtuso, officiant, ad Tempus pomeridianum relegatis.

Tum verò, quartâ circiter Horâ, iterumque nonâ *Vespertinâ Bals. Peruviani*, vel *Chiliensis*, vel *Sulf. Anisati*, vel *Tinct. Sulf.* Dosis majusculam, (*Tincturæ putâ gtt. xv, ad xx. & de Balsamis simili proportionem*) ex Syr. *Balsamici*, vel è *Succo Erysimi*, *Coch. i.* cum *Allæ fortioris*, vel *Decocti pectoralis clarificati*, Haustu præcipio.

Post Dies aliquot hisce Medicamentis collocatòs, quàm primùm iis efferetur Sanguis, & Pulsus digitum fortius repellat, statim, extrâ, loco sæpissimè dolenti, admoveatur *Ceratum viride*, vel *Emplastrum Cephalicum*, cum *Picis Navalis* pari quantitate; vel, (si placuerit) *Phænigmus*. Tumori demum factò, si locus erit; vel, si in Digitis sit Tumor, Carpo, vel Malleolo vicino *Epispasticum*, ut evocetur *Arthritidis* Materia, nec in Sanguinem repelli permittatur.

Altero verò Statu, quo propriâ Personâ agit, & Artus invadit *Arthritis*, ei studiosius insistendum, per Amara, per *Chalybeata*, per idonea cujuscunque generis *Cardiaca*, si placuerit, excitandæ; per Involucra, per *Crepidam*, cæterumque Mundum Articulare, si vigerit, tuendæ servandæque. Rata enim esto, & indubitatæ fidei norma, Naturam *Asthmati* descripto per *Arthritida* occurrere, medicari, & in ejus Paroxysmo, conciliando præstandoque oportere illam adjutari.

X. Interea verò temporis, si istius ordinis sit *Asthmaticus*, qui Sputo carere nequit, tamen si dolet Articulis; ad illud sive retinendū, sive revocandum, *Bechica* vel è Præscriptis in minori quantitate, vel leniora quædam, ut *Balsamum Gileadense*, seu *Lucatelli*, vespere præsertim, ex Vehiculo jam

scripto, assumantur: quorum beneficio, mane sequenti Sputum egregiè projicitur, nec ad Meridiem usque (quod ab iisdem, Mane demissis, solet evenire) obtundetur Appetitus.

Et si Dolor & Vigilia, Comites *Arthritidis* importuni, premant Ægrotantem, Hypnotica tamen, quæ in *Asthmatis* Speciebus aliis plerisque omnibus, tum etiam in *Arthritide*, non nunquam Ope sunt eximiâ, Virium panè Divinarum, in hoc Affectu, Do si aliquâ notabili non sunt temerè largienda; quippe quæ, cum multum *Asthmati* Pituitoso, tum etiam non parum *Arthritidi*, suâ Naturâ vix satis asperæ, repugnent. Ad invitandum Somnū, Artes exerceantur, ut minus certæ, ita minus nocivæ; quales sunt *Lectio*, *Frictio*, *Palpitatio*, & ejusmodi alia.

XI. Simul ac Castra in externis partibus metata est *Arthritis*, ibiq; fixit; abolefcit Corporis universi Gravitas; Spirituum Hebetudo; Respiratio angusta: Tussis magnâ ex parte discutitur; pituitæ quod Vesiculis inhæsit pulmoneis, ejicitur; perque *Arthritida*, jam demum Regularem, cautum est, ne quid supra modum in eas infundatur; verum in iis, quibus *Pituitosis* ex consuetudine opus est Sputatio, persistit ea usque sed diminutè.

Solet hujus *Symptomaticæ* paroxysmo adjungi (qui, cum *Asthmati* Pituitoso, tum item *Arthritidi* Veræ interdum à Satellitio) *pedum Tumor serofus*, digitum accipiens, Ægro sæpe metum Hydropis incutiens; qui tamen brevi temporis spatio, Ambulatione, & Motu Corporis leni & idoneo aufertur. Hujus item pellendi ergo, *Frictio*, bis die peracta, cum Lintheo crassiori, adhibeatur.

XII. Qui nuper hâc *Arthritide* desederunt, in Regionem eos apertam, & ventilatam quam primùm migrare, Equitatione crebrâ exerceri, convenit: Movetur enim inde, quod in pulmone reliquum est pituitæ; & simul is sanatur, & Tono restituitur: Quinimò Spiritus eò reficiuntur Animales, re-integratur Appetitus, instauratur Oeconomia. Et quidem hunc in modum tractatos, ex hoc Affectu vegetiores, & quàm ante Aggressionem longè tutiores observavi: Donec Otio, Satietate, Victu dapfili & opiparo, eidem iterum tradantur.

Cui quidem Malo ut quodammodo occurrerem, è re futurum arbitror, Cibi potûsque rationem aptam accuratè prosequi; Ventriculum Digestivis roborare, *Απερσίς* Fæces & Reliquias Eccoproticis identidem subducere; itaque tum *Asthma*, tum *Arthritidem* opportunè præcavere.

XIII. Sicco non nunquam *Asthmati*, Exquisito, dicam, an Notho? certè Idiopathico, nec Inflationibus nato, subnectitur *Arthritis*. Spirandi premuntur Organa, per Humores quantitate nimia illis commissos, neque verò in Vesiculis pulmoneis simul depositos; & Spiritus pro Causæ hujus Magnitudine plus minus est difficilis: Tussicula est, Anhelatio, & pectus interdum maximè gravatum. Nullos hoc *Asthma* (quantum ego rescivi) aggreditur, nisi partium insigni Conformatione, vel Inclinatione Hæreditariâ, ei qui proclives sunt; & Autumno illos, & Eurò increbrescente (pro more pituitosi) maximopere infestat.

Cum aliquandiu sæviit, interdum ei se adjungit *Arthritis*, tam citò secuta, & eâ Spiritûs levatione, quæ

Humo-

Humorum *Μεταστασις*, in Externas partes; eoque harum Dolore, qui *Arthritidem*, aut genuinam, aut eam probè simulantem, abundè monstret.

XIV. In *Arthritide* hæc *Asthmatica* per Venæ sectionem & purgationem Materia pectore detrahenda: Tum iis, Spiritus Animales quæ diffundant; quæ per Fibras longè projiciant, quæ Motus eorum regant; maximè verò omnium, quæ in Artus materiam pellant, ibique figant, omninò insistentum est. Neque enim inhibeatur hæc *Arthritis*, multò minus supprimatur repellaturque atque adeò intendatur, in *Ægri* salutem augeatur: Minimè verò dubitandum, quin *Ægri* Vita & Incolunitas per *Arthritida* rectè moderatam conservetur, saniciatur.

Arthritidis Asthmate, quà sicco, quà pituitoso natæ, Exemplum mox subjiciam. *Asthmati* ab Inflatione (per Nobilissimum *Floyerum*, Graphicè depicto) nulla unquam, quod meminerim, est subnata.

Historia I. De Asthmate Pituitoso, per Arthritida mitigato.

Vetus quidam è proximo, triginta annos *Δυσπνοιας*, Labori olim assuetus, nuper ob ætatem emeritus, ideòque Crassior & Obesior factus, difficiliùs spiravit. Hyeme, Anni 1696. (quo quidem tempore, propter Autumnum humidiorum, & Frigus inde impensissimum, grassabantur *Catarrhi*) multum lacescebatur eâ *Asthmatis* Specie, quæ (à Materiâ) *pituitosa* nuncupetur. Pectoris enim Oppressione, Spiritu sublimi laboravit, & deinde Tussi; primùm aridâ, postea pitui-

tam exantlante, crassam & tenacem. Neque Spiritum sine Anhelatione traxit, neque Cervicem nisi noctu erectâ; eò verò faciliùs, quò pituitæ plus emissum.

Ut Opem feram, ex Curatione *Asthmatis* familiari, Ventrem ter quater, diebus semper quatuor interpositis, subduco, majoriq; deinceps intervallo. *Anacatharsin* ad augendam, *Massæ pilularis* ℞j. ex *Linctus*, *Cochleari*, quartâ pomeridianâ & horâ somni, deglutiit, cum Vini medicati Haustu: Omni verò mane, quæ Ventericulus tueantur, *Infusi amari Alterantis*, *Xerani compati*, *Coch.* aliquot.

℞. Bals. *Lucat.* ℥ij. Flor. *Benzoin.* ℥j. Bals. *Sulf. anisati* ℥ss. Succ. *Glycyrr.* ℥j. cum pice liq. f. *Massa pilularis*.

℥. Syr. è Succo *Erysim.* Ol. *amygd. d.* r. ana p. æ. cum Sacch. Cryst. probè temperando, f. *Linctus*.

℥. *Allii incisi* ℥ss. Sem. *anisi*, *Crociana* ℥ss. Infunde in *Xerani* ℥vj. post debitam alterationem coletur Infusum.

Post aliquod tempus (ut mutatione Medicamentorum à Nauseâ caveretur). Tinct. *Sulf. gtt. xij.* ex Syr. Bals. *Coch.* j. pilularum loco assumpsit.

Ægro hisce sublevato, sic, ut *Προφύλαξιν* aggredi jam liceret, ad eam præstandam, *Xerani Rad. Gent. Summit. Abs. R. Cent. M. Marrub. albi*, & *Fr. Cubeb. alterati*, Haustum, omni mane *Senex* potavit, idque per menses aliquam multos.

Horum ideò Remediorum mentio à Nobis facta, quoniam iis prospere utebatur, tum eâ Hyeme, tum post sæpissimè. Nam cum *Asthma*, per reliquum Vitæ, sub brumale Solstitium, semper recurreret, ad hæc ille, certissima præsidia, recurrere solebat.

Anno

Anno 1698. Vertente Vere, cum Insultum *Asthma*, vice jam tertiâ, tristem & severum renovasset, Ægro in hunc usque diem *Arthritide* (quod putavit) immuni, neque de illâ somnianti quidem, dolet Halli Pellis sinistri Articulus major: Inflammat, rubet, ardet, more pertinaci & planè *Podagrigo*. Gratulor Vicino, de morbi tam commodi, tam salutaris, adventu. Contrâ ille obmurmurare, Dolorisque impatiens, ex Doloze periculum metiri. Ego verò exhortor, pulmonem eo liberari, Anhelationem minui, contendo, & *Asthma* per *Arthritidem* oportere vinci.

Hyemem Anni 1700. tolerabilem habuit, Ver insequens periculosum, Sole enim supra Æquinoctium elevato, Spiritus admodum gravis, imò quàm per ante actum sesquiannum gravior: Ægritudo universalis: Appetitus prostratus: Nausea & Sitis erat permolesta. Cùm ita diu Valetudine quâdam obscurâ teneretur, Solstitio instante Æstivo, tempestate fervidissimâ, paroxysmorum, quos unquam perpeffus erat, omnium gravissimo, correptus est *Arthritico*. Per universum pedis Convexum extensa est Inflammatio, elata, ardens; ad Calcem, ad Tibiæ medium Tumor; pulmo ab incipiente eo tutior, expeditior; Ventrículus avidior. Placuit novam rerum facièm obtueri; perjucundam Humorum Μετάστασις contemplari; ad eamque promovendam Tinct. M. & Elix. propriet. d. aa. gtt. xx. cum Xerani Amaris alterati Haustu, bis in die, sumendas imperavi. Porro Vini istius (quando jam Ætate grandiori delictum erat, neque Ventrículo ingratum) ἡβ. quotidie bibendam,

quo nempe, Miasmate *Arthritico* in Pedem exulante, Sanguis purgaretur; defenderetur Pulmo.

Menfes circiter binos duravit Paroxysmus, & Ægrum usquequaque beatior fecit; Vegetum nempe, acutum, alacrem, Ventrículo præter modum avido & latranti, ut decennio novissimo nunquam magis. Unus illum Pedis Tumor gravatum habuit; qui tamen commodum suum & utilitatem tædio longè majorem attulit; cùm, à Materiâ Pedi affixâ Pulmoni melius cessisse, minimè indubitandum est.

De hujus Ægri *Arthritide* nequaquam prætereundum, quòd aliis *Speciebus*, quæ Anni dimidio Hyemali suâ Naturâ παραξύνονται ad unam omnes, hâc ex parte multum absimilis, Æstatem amat; Hyeme ne semel quidem in externis Partibus; Sole citra Æquinoctium versato, jam ter emicuit, & Paroxysmos totidem perfectissimos exegit.

Paroxysmi, modo tam memorabili, tam præter morè Reduces, istius *Asthmatis* Naturam indigitant, exponunt; & in *Arthritidem* illud ex facili migraturum esse; &, diebus saltem hisce postremis, à Puro *Asthmate* Pituitoso non multum abhorreere monstrant.

Hist. 2. De *Arthritide*, *Asthmati* ex Plethorâ, feliciter adjunctâ.

VIR Nobilis, Grassus, Plethoricus, Decennio labente sexto, *Asthmate*, cui ex Thoracis brevitate, Abdominis prominentiâ, præcordiorum distensione, pronus erat, afficiebatur.

Quo

Quo me tempore primùm accersivit, efflictim ægrotavit; pæne suffocatus: Spiritum traxit sublimem, & ob Organa constricta laboriosè: Tussiando nihil excrevit.

Spiritus Impedimenta, per Catharsin & Venæ sectionem deduco. Deinde, quibus Coctio perficiatur, itaque Flatus pervertatur; quibus roborentur *Ορμῶντες*, dilatentur, expandantur, ad eoque modo omni augeatur Respirandi Spatium, ea præcipio quæ sequuntur.

R. Conf. Abs. R. Pul. Rad. Ari C. aā ʒj. Chal. Nutrit. ʒss. Syr. Melissoph. q. s. f. Bolus.

R. G. Ammon. Bdellii aā ʒiʒ. Flor. Benzoin. Extr. Croci aā ʒ. Bals. Luccat. q. s. f. Pil.

R. Aq. Rutæ, Hyssopi aā ʒxij. Pæon. C. Bryon. C. ana ʒiv. Marg. pp. ʒʒ. Sacch. Cryst. q. s. f. Jul.

Sumat Bolum omni mane, Pil. quinque omni nocte cum Jul. Haustu, eique instillentur Tinct. Cast. gtt. xx.

Quòd liberiùs Spiravit, id *Evacuanti*; quòd adhuc multò magis, id ex proposito fecerunt *Alterantia*, sed diutius usurpata. Isti verò Libertati par, novum exoritur Malum, si modò ita possit applicari, quod in Vitæ tutelam, quodque Ægro auspiciatissimū evenit. Quippe Compositionum jam dictarum & istiusmodi aliarum operâ factum est, quòd Humeri Dolor, Tumor, Rubor, ne plura, quòd *Arthritis* emicuit; quod per Artus, ex eo tempore quàm plurimos peragravit: quòd, frequentem in Eos crudelitatem exercuit: quòd exinde pectori pari mensura longè meliùs. Constat enim, & omni majus est exceptione, quòd ab *Arthritidis* exortu Spiritui pulmonique longè feliciùs ces-

Tom. II.

sit: ut Ægro jam ferè unicum restet tempori tam *Arthritidos*, quàm *Asthmatis*, Causas remotiores prævenire; aut deinceps *Asthma* per *Arthritidem* Curare.

C A P. IX.

De Arthritide Febri Succedanea.

ART. I. **A** *Rthritides* Chronicis oriundas huc usque dedimus; de illis *Febre*, quæ *Continua*, quæ *Intermittente*, Morbo acuto, quæ Nascuntur hodie Sermonem faciemus.

A *Febriculâ* quadam *Arthritidis* paroxysmum fermè omnem exordiri, manifestum est: Differt autem illa, brevis scil. parva, Symptomatica, quæque ad Tribum, aut *Februm* perfectarum Classem ullam referri nequit, ab ea, quæ à Nobis hoc tempore dicenda, Exquisita, & in genere suo Consummata est.

II. Quum *Febris* non nullius Speciei Ratio & Essentia in eo poni videatur, quòd Effervescentia sit, ob *ἐρεθισμῶς*, & indomitum aliquid, in Sanguine contentum, eumque perturbans, (illius nempe expellendi ergò) concitata: Aliæ verò *Febres* (quod ab * Auctore nupero argutè propositum) ex obstructis Glandulis, & inæquali, quæ deinde sequitur, enormique Fermentatione, oriri censeantur: Imò quidem omnes, cujuscunque generis sint, hoc inter se commune habeant, & in quo

H con-

* Vide *Synochorum Theoriam Novam*, addam etiam *Αιτιολογικά τῶν*, impressam *Londini* Anno 1701.

convenient, Quòd Sanguinis motum & Orgasum Ægrotanti talem faciant, qui supra Naturæ tenorem, (mitis ille & benignus esse reperitur) immodicus, vehemens, & Morbosus est: palam esse reor, quicquid horum respicias, quemcunque Fontem adeas, *Febris in Arthritidem* Abitum & Παρέμβασις, ut Naturæ, sic rationi consentaneam, deduci posse perfacile.

III. Ut enim hisce singulis parumper insistam, quoties à Miasmate, (quod prius dixi) *Febris* occœpit; nec incomprehensibile, nec explicatu difficile est, ab Eodem primùm concito, & Debacchanti, *Febrem*; ab Ipso postea lenito, subactoque *Arthritidem* accersiri; sic, ut eadem sit Utriusque Causa (quæ dicitur) Conjuncta, sed diverso modo longèque dissimili agens; nunc iracundè Omnia; Supera & Infera, conturbando; pacatè nunc, & leniter, rem gerendo.

Cui quidem Opinioni favet id quod sequitur, cum Experientiâ maximè conveniens, esse nempe Virus *Arthriticum* Sanguini movendo, *Febri* concitandæ valdè per se appositum; quodque raro ut paroxysmus (integrum volo, & numeris absolutum,) sit ἀπὸ γέλωτος committat. His autem addere præclive est, quòd Idem, quoties exulare arduum est, Orgias in Sanguine pertinaces, id est, *Febrim* accendat, quoque magis arduum, eo magis pertinaces. Itaque Materia, sive *Febrilis*, sive etiam *Arthritica*, utrumque potest Affectum, tam videlicet *Febrim*, quàm *Arthritida* progignere.

IV. Sin à Glandulis Obstructis, (quod altero loco confirmavi) *Febris* oriatur, Miasma tamen *Arthriticum*, in Sanguine quiescens & obscurum,

sive per hanc sive per aliam quamcunque *Febrilem* effervescentiam, in paroxysmum adigi posse & impelli, nihil utique vetat; quin etiam verisimile est: Quando per Æstum Ambulando, Equitando, aliove quovis Exercitationis genere, adscitum, sive etiam Diaphoreticis, internè sumptis, Sanguinem exagitantibus, paroxysmum effici posse certissimum est, & frequenti constat Experimento.

V. *Arthritidos* hujus à *Febre* descendentis Ortum & Natales, quàm quæ maximè, illustrant ea, quæ à Nobis de *Anginâ Arthriticâ* in *Anomaliis* sunt perscripta. Quanquam enim *Angina* illa videatur, at manifesto sit *Arthritis Anomala*, (quod suo loco divulgabitur) ideòque infra debeat exquiri, tamen in præsentia notari potest, Hanc *Arthritidem* non nisi *Febre*, eâque magnâ, & gravi præcedente, esse.

Ratum igitur esto, & persuasissimum, *Febri*, id est, Morbo Acuto, non minùs certò, quàm Hydropi, quàm Lui Venereæ, quàm Scorbuto, quàm Morbo Hypochondriaco, quàm alii cuivis Affectui Chronico & Diuturno, *Arthritidem*, tametsi fortè rariùs, supervenire.

VI. Ratione paroxysmorum, una est *Arthritis* ex *Febre* nata; quandoquidem Illi (ut istam rem video) & inter se, & ab *Arthritidis primigeniæ* paroxysmis haud multùm discrepant. Ratione verò Ortus, non uno nomine diversa est, & à se dissentiens. Alia enim *Arthritis* ex Materiâ *Febrili* παραγωγόν; alia ex tranquillâ, & dormiente: Alia ex ipsâ *Febri* Materiâ; alia ex diversâ & à *Febrili* distinctâ; sed per *Febrim* in paroxysmum casu & fortuitò evectâ, procreatur: Alii
Habi-

Habitudini *πυρεκτικῇ* in *Febrem* crebrò erumpenti, sed tandem intercissæ; alia *Febris* Insultui subjicitur: Alia *Febris* Continuæ; Alia Intermittenti: Alia denique usitatè, & ordinis quâdam perpetuitate; alia semel tantùm, & quasi casu. Harum Ego Exempla, statim expromam, & ea quæ dicuntur confirmabo Experimentis.

VII. De Curatione monendum, quòd, quæ Febri, sive (*ζωόχῳ*, cujus Exemplum est insigne) sive *ζωοχῇ* subjiciatur *Arthritis*: sic, ut ea gliscente & Ferociam exercente hæc in Conspectum se det, omni diligentia, summo, quo possumus, studio promovenda est; quò nempè per Illius augmentum minuatur *Febris*. Et quidem omne illud, quod, in curanda hujusmodi Symptomata, notatu dignum & diligentius persequendum invenitur, in Ea provehenda collocatur. Cujus quidem rei, qua perfici possit, Methodus, quando toties hoc Scripto enarratur, non est, hoc loco quod de illa speciatim agam.

Verùm in hujusce *Arthritidis* prophylaxi navanda est opera, ut *Febris* illius, cujus ea Symptomata Fœtus est & Germen, habeatur ratio. Si habitudine, uti dixi, *πυρεκτικῇ* *Arthritis* oritur; in eo laborandum, ut istam tum Habitudo, tum *Arthritidem*, efficiens Materia, *Venæ sectione Catharticis*, (*lenientibus*, & *blandis*,) *Aquis Diureticis*, *Diætâ Lacteâ*, & istiusmodi aliis, in *Arthritide* Calidâ præscribi solitis, exterminetur, corrigatur, prævertatur.

Si Febri *εγροπιατώδεις* supervenire eique crebrò (in Constitutione Cholericâ, quod aliquando exploratum) subesse, gestiat *Arthritis*; cum utrum-

que Morbum, naturæ (sui Defensionem molientis, & alienum nunc per Ambitum corporis, nunc per Articulos expellentis) opus esse cogitandum est, eniti oportebit, ut, dum Insultus sit, utrique faveatur; *Febri* scil. per *Diaphoretica*; *Arthritidi*, per *Cardiaca*; Causam utriusque Continentem expellendo: & dum Vacatio fuerit, Causa Utriusque Antecedens *Aquis Diureticis* eluendo, *Lacte Asinino*, & *Mediæ materiæ Diætâ*, permulcenda.

Simili ferè modo procedendum, si ab ullâ aliâ Febre ortum habet *Arthritis*; Illius scilicet prophylaxis, secundum Morbum Antecedentem omninò instituenda, & in Affectos studiosè derivanda.

Hist. I. Arthritis Synocho - Secundaria.

Mercator *Exoniensis*, suavissimis Moribus & leni Vir Ingenio, Vultu florido & Constitutione Sanguineâ donatus, Cereri & Baccho (quod quidem illius Temperamenti Hominibus familiare) per Ætatem mediam indulgendo, favente etiam Corporis ad *Arthritidem* Inclinatione Hæreditariâ, septimum vel octavum agens Ætatis lustrum, illâ corripiebatur.

Dolor, hujus Affectionis Signum primâ Acie luculentum, per Annos plures *πλανητικὸς*, hos illos Artus pervagatus est; Rheumaticus esse visus; neque prius, quàm Articulis est affixus, Arthriticus censebatur. Hic autem Dolor, hæc *Arthritis* ita obfirmata est, ut Æger, Annos habens vix quinquaginta, Membra permolestè traheret, graviora scilicet, *δυσκίνητα*.

Catarrhis item, Autumno & Hyeme Fauces usitatè obsidentibus, infestabatur; qui Materiam forsitan *Arthriticam* ex aliquâ parte dimitterent, & imminuerent.

Sexagenarius prædium petiit suburbanum, ubi ob Aerem apricum & benè ventilatum, Victu pleniori se implevit. Exinde per Biennium, Articulis parum doluit: sed Coloratior, sed Habitior factus est. At, Væ Arthriticis crassescen-
tibus! Dum ita res erat, & ad Morbum aliquem magnū & gravem Corpus paratum, ex Frigore, Mense Octobri 1701. Febricitavit, & quidem paulò posthæc infestissimè. Algor erat: Sopor, Lingua subfusca, Tussis, Dolor Lateris, qui Sanguinis Missionem suadere videretur: Februm Mos, per illam tempestatem Epidemicarum malus Diffuasit: pulsus Ægri languidus & inæqualis, cum Voce tremulâ, Suspirio frequenti, Spirituum Inconstantia repugnarunt.

Ego certè rem mecum volvens, Materiam *ροσνπλω*, seu *Febrilem*, seu *Arthriticam*, in Ambitum Corporis oportere, & quidem commodissimè per Cardiaca & Diaphoretica posse Extrudi, Febrimque optimè *Judicari* opinatus, sic præcepi.

Rx. Pul. Lapid. Contray. ℥j. Conf. Lujulæ ℥ss. Syr. Melissoph. q. s. f. Bolus, quartâ, 5tâ, vel 6tâ quâque horâ (eâ scil. frequentia, quæ ad excitandam Diaphoresin suffecerit) assumendus, cum Jul. Haustu.

Rx. Aq. Melissæ, Lactis Alex. aâ ℥vj. Theriac. Epidem. aâ ℥iiij. Marg. pp. 3ß. Sacch. q. s. f. Jul.

Rx. Rad. Petasit. 3ij. Scorzon. Cond. 3j. Hord. mundat. 3ß. Coq. in Aq. Font. ℥iv. ad ij. Colaturæ adde Sacch. Cry-

stal. q. s. f. Decoctum: Nycthemeri spatium ebibendum.

Ex horum usu Sudor exstillavit, emanavit; & inter hæc emicuit Dolor Pedis Articularis. Partium mearum esse duxi Naturæ obsecundare, & pro virili Dolorem intendere, Tumorem excitare, Materiam Artubus infigere. Quo circa *Phænigmū ex Ras. Radiculæ, Sem. Sinapios*, &c. Pedi affecto applicavi. Hinc Paroxysmus *Arthritidos* absolutus; Dolore vehementi, Tumore, Ardore, &c. Notabili Signorum Globo stipatus, progrediente paroxysmo, & quidem pro ejus progressu, Declinavit Febris. Famâ denuò ἀνυπεξία, propter Animales Spiritus, quâ *Febre*, quâ *Arthritide*, debilitatos & pessumdatos, propter Appetitum debilem, & prostratum, inflaurandum, *Infusi amari alterantis* haustum bis quotidie potavit.

Tametsi omnis *Arthritidos* paroxysmus *Febrim* habeat, in primâ Acie Flammæ excitantem, & quidem in plethoricis & Sanguineis simili ferè modo, & utriusque mensura, ut qui multum doliturus sit, multum antè Febricitet, & contrariò; non adeò tamen accendi solet evehique nec ita perseverare, Febris ista *Arthritidis* Paroxysmo præludens, ac quæ modò à Nobis declarata est. Ideoque *Febrim* istam *Essentialem* esse, tandem in *Arthritida* desinentem, pro certissimo habendum.

Tanti esse Judico isthæc commemorare, primum, ut ostendam *Arthritida*, non semper ratione totius Morbi, sed & unius ratione Paroxysmi, posse esse aliquando Secundariam.

Deinde, hujus nostræ Symptomaticæ Paroxysmum, quàm maximè possumus, esse promovendum, augendumque,

dumque, ut Illius Augmento de Morbi primarii, de *Febris* acrimoniâ & viribus derogetur.

Hist. 2. De Arthritide Habitudo
πυρεκτικῇ Subjeclâ.

Vixit jampridem apud Nos spectabilis & illustris Fæmina, Vultu virali, Temperamento post hominum memoriam maximè Sanguineo, Patre prognata *Arthritico*; quæ, dum media *Ætas* ageretur, *Febre*, eâque magnâ, creberrimè revertenti, & rarò annum ampliùs absenti, laceffita est. Quicquid inidonei & Naturæ proposito alieni, in Sanguine coactum, per illam magnopere, temporibus statim, deturbatum est; Sanguis expurgatus; atque adeò res Salutis facta tecta, & ad tempus aliquod immunis. Cum verò, progressu ætatis, Sanguis imbecillior, & efferri minùs proclivis erat; *Febris* intercudit; ex eoque tempore (quamvis *Ægra* sapissimè enixa est, nec adhuc fefellere, quin etiam more prorsus salutari fluxêre, *Catamenia*) desubitò profilit *Arthritis*; non ea quidem *Frigida*, segnis, ignava, lento gradu prorepens, *Paroxysmum* habens languentem, at diffusum, & ad temporis spatium excurrentem, (qualis solet esse fœminarum) sed è diverso *Vegeta*, sed *Acuta*; quæ Calorem habuit universalem intensum, partis affectæ inflammatum; quæ Ruborem planè igneum; quæ Tumorem insigniter protuberantem; quæ Dolorem acriter mordentem; quæ *paroxysmi* cujusque Symptomata difficilia, gravia, rapidiori gyro exacta, quæ denique *paroxysmum* brevi circuitu

redeuntem, & Animi Alacritatem, Articulorum Nodos Tofaceos, cæteraque *Arthritidis* Calidissimæ consummatissimæque Vestigia relinquentem est amplexa. At (quod hoc Capite præsertim observandum) à *Febre* ad *Arthritidem* tam properè, transituque tam exiguo, abripiébatur *Ægra*, ab incunabulis affecta; ut Materiam in Sanguine latentem, primùm per *Febrem*: Eâ verò cessante per *Arthritidem* ejici, sine ullâ dubitatione statuendum: Sic, ut *Arthritis* superveniat *Febri*, & (quod in præsentia discutiendum) ex illius quasi Cineribus exoriatur.

Hist. 3. De Arthritide, cum Febre
Ερυσσιπυλατώδεσιν vices exercente.

Nobilissimus Senex, Hypochondriacus, *Arthriticus*, *paroxysmos* habuit olim frequentes; per biennium antè quàm hæc scriberem, nullum. Deinquente verùm *Arthritide* Regulari, simili proportionè ingruit *Vertigo*; & interdum *Αναίσθησις*; ut, his Affectibus procedendo longius, *Æger* in humum persæpe caderet; & ne cum damno præcipitaret, summum erat periculum. Quin etiam, Membranæ, & Ligamenta Cervicis, per acceptum Miasma *Arthriticum*, dolore multùm affecta, Spasmo identidem riguêre. Nuper item Ventriculus ægrotavit, acidum, ærosum, Cholericum ejiciens. Hoc Ego tempore accersitus, & hosce Capitis Affectus, meras esse *Arthritidis* nuper occultatæ Anomalias advertens, quæ ad Materiam ex Capite ducendam, & vel è Corpore, vel in Artus, sollicitandam, per Venæ sectionem, & Cathar-

fin, erant necessaria, persequi destinaveram; cum (eccam!) ultrò se Transfert *Arthritis*: Ejus verò, tanquam Clavo trabali, sistendæ figendæque gratiâ, *Phænigum* in Præscriptis dedi.

R. Fermenti Veteris partes iij. Ras. Raph. Sylvestris, Sem. Sinapios, Fimi Columbini aâ P. j. cum Aceto Vini albi ad Cataplasmatidis Consistentiam temperentur, super Linteo duplicato Pars calida extendatur, totis utrisque Pedibus applicanda; Laneis cingenda, cum refrixerit repetenda, donec usque Tumor augeatur.

Si ex Doloribus Syncope suboritur, Sp. CC. gtt. aliquot cum Jul. Cardiaci Coch. quatuor vel quinque assumantur.

Horas post duas tumuit utrinq; Malleolus; ex eoq; Caput, supra quàm dici potest, allevatum. Diu manebat Inflammatio; Oculi Vigor restitutus: Capitis Tutela est. Istam autem Historiam, (alius certè Inscriptionis, si modò dicta perpendamus) huc loci retulimus, quòd, de hoc Affectu, cum Ægroti Medico Familiari & Domestico, quo tempore Nobis Sermo intercederet, Nuntiavit Vir præclarus, Omnem hanc *Arthritidem* ex *Febriculâ* pendere, quæ, Eruptionibus quibusdam in Cute Miliaribus sociata, commodè, & cum Sanguinis Depuratione, Vigere, & Insultus anniversarios agere solet; nuper autem intermitteret: Eâ carere cum nequiret Æger, sic, ut dictum est, *Arthritide* laboravit.

Hist. 4. *Quartanam*, Cortice suppressam, *Arthritis* sequitur cum *Arenulis*.

NEc Continuæ tantummodò, *Febr*i etiam *Intermittenti*, pedisse-

qua est *Arthritis*: Cujus rei Historiâ, luculentam (Hercules!) & Notabilem, ad hæc adiniscere non gravabor. Etiamnum in Vivis est ob præclarè acta Vir Insignis; qui, ante Decennium & quod excurrit, de Valetudine, tum præteritâ, tum eo tempore præsentî, certior me Sermone fecit. Fuit Illi, Robusto à Naturâ & Athletico, nec Adolescentiam prætergresso, ob Tabem fortè Veneream, (hoc enim subolebat) Corpus summè sædatum, κακοχρηστὰ mirè inquinatum: Sub quâ Προνυμῆν Febre primùm *Quartanâ* correptus, eâque tum gravi, tum diutinâ, conflictatus est: Donec Cortice (quem αἶψα καὶ κατὰ præcessit Catharsis) Peruano levaretur. Nondum Hebdomadam *Quartana* siluit, cum inopinatò Doluit, Tumuitque, & quidem tum temporis primùm, pedis Digiti majoris Articulus: *Podagra* erat, Signis suis Diacriticis satis superque manifesta. Ut Morbus non tam perimi & deleri, quàm sopiri; non tam extirpari, & de medio pelli, quàm Vultum mutare videatur. Hoc autem casu fieri ne quis existimet, urgente, non ità diu post, eâdem necessitate, *Quartanâ* scilicet recidivâ; *Febrifugum* idem cum repetere necessum erat; ideni iterum evenit, præclusa etenim per *Quartanam* exturbandi Hostem Methodo, Natura ejus exilium molitur, & quidem derèpente, (sic, ut priùs) per *Arthritidem*.

Cum *Arthritis* Ægrum deseruit, depravato Sanguine & Humoribus ἐνερῶς penitus eversâ, substituit sibi alterum in Ægro exercendo quasi Collegam, *Calculus*. Materia per Renes partim expulsa, & ob loci in Arenulas coacta, & concreta, Vomitus, στεγανῶς, Dolores acerbissimos, Cru-

Cruciatus intolerabiles, induxit; eosq; tam frequentes, ut rara sex mensium ab his Vacatio; quin Affectus huius vel illius esset Insultus; & eorum ferè alternatim. Longè hinc agentem (quando ita voluit) per Literas suasi, ut debitâ præparatione, per Venæ Sectionem, per utramque Catharsin, præmissâ, Aquis Diureticis Sanguinem purgaret. Vino, quoniam ei inimicum erat, & perrarò impunè Haustum, penitus abstineret. Quid horum factum sit, quâve Utilitate, mihi per distantiam omninò latet.

Hist. 5. De Quartanâ in Arthritidem mutatâ.

IN Morborum Successionibus & Derivationibus explicandis nonnullius momenti videatur id, quod de Quartanâ in Arthritidem mutatâ, altero jam Exemplo, prof-retur. Vitam hoc tempore apud Nos Urbanam sequitur, insigni probitate, nec quo melior est, Homo; qui, cùm mediâ circiter ætate esset, per Autumnos septem ex aliis alios, ut ab Ipso audiui, laboraverat Quartanâ; exeunte Annò 1696. miserè torquebatur. Ut Ægro Naturâ imbecillo debiliq; primo quoque tempore Medicus subveniret, per Decoctum Corticis, & Opiata, Morborum sufflaminavit, paroxysmos ejus suppressit: Quæ ad auferendam, & expellendam, Morbi Materiam opus essent, iis ad tempus opportunum & magis idoneū necessariò dilatis. Non defuerunt, qui paroxysmis liberato, & immuni, ut à Reliquiis Febrilibus eum tuerentur, certissimum probatissimumque hâc in re Auxilium, Acidulas proponebant,

& tantum Inducias, non autem pacem, inire Morbum, acriter urgebant. Hisce verò posthabitis, Vitæ genus quietum, neque laboriosum satis agens, ab Arthritide quam antea parvam & mediocrem tulit, gravi nunc & molestâ non ita post desedit. Recurrit Arthritis Quartana Copiis adjuncta, tum multò fortior, tum item frequentior: Variis postea Symptomatis signata; Morem Varium affecta: Donec Æger Arthritide; Quartanæ Viribus adauctâ, depressus, nec ab Imbecillitate ei vel tolerandæ vel curandæ par, è Vivis excessit.

C A P U T X.

De Arthritide ex Colica.

A R T I C. I.

Affectio Colica, sic à Veteribus ab Intestino Colo nominata (quamvis Cæcum, & Tenue quodque Intestinum, imò Ventriculum eodem affici certissimum est) hisce Regionibus adeo grassatur, ut in Morbis hujus populi pervagatissimis, tanquam Vernaculus, habeatur.

Prætermisâ verò Colicâ, cum fortuitâ, tum Symptomaticâ, tum Hystericâ purè dictâ, aliisq; ejus Speciebus, quæ ad Dyonysum nostrum nequaquam pertinent; ut de illâ tantum, quæ Arthritidem præcurrere, in Eamque (Fallam & Mendacem) mutari solet, faciam sermonem, est Illa diuturna, Alvo plerumq; durâ, creberrimis interdum Dejectiunculis solutâ, Dolore potius constanti & obtuso, quam acri & acuto signata; nec non Eos potissimum invadit, quibus Intestinalis Fistula Micro-

parum oblita, vel quibus Illius Fibræ tenuiores, vel Spiritus hæc incolentes sunt teneriores, citòque irritabiles. Quique ad hoc morbi Homines à Naturâ proni sunt, ex pravo Victu, Frigore vel *Δυσπεψία*, Causis hæc in re procacitatis, in eum præcipitant.

II. Quoniam verò *Colica*, quæ *Arthritidem* antecedit, Naturâ multiplex & diversa est, ut de hæc apertè & luculenter dicam, de variis Illius Membris omninò aliquid differendum.

Alia igitur à Materiâ peccante, *Biliofa* dicitur; & ei qui proclives sunt Ætate adultâ, maximè verò si Natura *δυσπλαγχνος* sunt, & Cœli Æstus, aut iniqua Victûs ratio præcessit, Torminibus primùm, deinde Nausea, Sapore ingrato, amaro, & Vomitione postmodum *Cholericâ*, premuntur. Alvus his diebus astricta, at incommodè. Urina ruffa; Faciei, sed Oculorum præcipuè, quod Album esse debuerat, fit Luteum. In Bilis per Os ejectione peculiare aliquid Notandum, quod in scrupulis positum non nunquam Ægrum malè habet: A sumpto quippe Emetico, Nisus & Conatus inter robustissimos, Bilis sæpe nè hilum ejicitur, quæ tamen prompta aliàs & absque stimulo liberè solet exterminari. Bilis hæc incerta per Os Emissio, ejus in duodenum vel saltem in Ventriculum impulsio Flumini similiter incerto, videtur respondere. Quum Intestinis inhærendo ea diu læcessivit, ab Alvi duritie suppressa & retenta, Sanguinem redux per Lacteas subintrat, Eumque tam incendit, ut hoc tempore Febriculam, Æstu Siti que immodicâ, Urinâ Ictericâ ex luteo rubenti, Cute aridâ & densâ, pulsu frequenti & elato, manifestam, liceat observare, per Sanguinem Materia

ad Caput usitatè fertur, & *ἐνέπαιον* atrocissimè impetens, aut Ægrum Apoplexia perculsum derepente interimit, aut in Nervos se insinuans Eos resolvit.

III. Hoc, inquam, Morbi hujus *εἶδος* ἢ *ἵδιον* ordinarium est, verum aliquoties, certè plus semel Notavi, post istiusmodi, quam modò dixi, dierum aliquot Febriculam, Dolere, Tumereque, interdum etiam Ardere, partium extremarum Articulos; idque, Signorum sive complexum ponderibus suis, sive Ordinem examinemus, more prorsus *Arthritico*.

Quâ verò proportionè fulgetefferaturque hæc *Arthritis*, se ad Rectæ *Arthritidis* Normam per Artus & Articulos extollens, eâdem planè Caput defenditur: Ut Ea quàm faustâ quantâque Ægri cum Utilitate, oriatur, illis solum innotescit, qui ex hac parte *Arthritidis* Mala, tametsi gravia, tolerabilia tamen; ex illâ verò Bilis Caput invadentis Sævitiâ; ab eaque hujus periculum, intimè perspectum habeant; qui inquam hæc cum illius opposita conferant, æquâque lance perpendant.

Quin etiam de Capite conservato quæ à Nobis traduntur, de Intestinis item proponi poterunt; eatenus certè, ut, quemadmodum Materiam peccantem Artus suscipiant, ad eundem modum ea liberentur Intestina; & ex eadem translata, & pro ejus Mensura levetur *Colica*; quoque plus Ægri dolent Articulis, eò minùs Interaneis.

IV. *Colicæ Biliofæ*, cum *ἐνέπαιον* *Arthritis*, in eo Medicinam locari decet operam, eam præferri Indicationem, quâ Externis quibuscunque Materia foràs electetur. Quæ ad hanc rem Auxilia, nostris Hominibus explorata profuere, per ea, toties hoc

Scripto

Scripto passim memorata, non est hoc tempore ut percurram: Sed quæ hujus Curationis quædam Proprietas est, Cardiaca Interna, ut ut aliis Curationibus ad Paroxysmum conciliandum idonea, hic loci vel prorsus omitti, vel cautè admodum usurpari par est; ne, incitatâ Febre & mutatâ simul Inclinatione Materiæ, confertim ea in Cerebrum impellatur. Quem utique Impulsum eo magis perhorrescas, quod huic Affectui Primario (*Colicæ* nempe *Biliofæ*) jure quodam avito proprius esse reperiatur; tum quòd istius Materiæ in Artus expressio non ità familiaris sit, aut Morborum Ordini tam conveniens, imò potius fortuitò facta & facillimè abscindenda.

V. Alia verò *Colica*, apud *Damonium*, ex Pomaceo immiti & acido, nimis usurpato, derivatur; id quod ex eo liquet, siquidem illos solum infestat, qui Potioni isti assuevere, eademque ratione quâ sunt assueti; sic, ut iis Tempestatibus, quæ Pomaceo abundant, crescat & in vulgus ea grassetur: Contrà verò, Pomonâ copiam negante, rariùs obversetur.

Septimo & Octavo Ætatis lustro sæpè *Colicâ* tentantur Ii, qui vinum hoc indigena potare soleant, itaque pergræcari: Et, ubi illa confirmatur & jam inveterascit, non rarò *Colicæ* suppullulat *Arthritis*, cum Articulorum ἐν τοῖς ἔξωθεν Dolore, Tumore, cæteroque Apparatu, ad puræ & genuinæ *Arthritidis* faciem ordinato.

VI. Istam Metamorphôsin, in iis Corporibus, quæ *Arthritidi* parata jam olim habuit, Natura per se nonnunquam molitur; sæpè verò numero

per Causam aliquam evidentem & Procatarepticam, Virus irritantem & extra propellentem. Hujus autem generis esse solet per Drastricta, & supra modum Elateria, Purgatio: Illa enim Corpori inimica, non tam peccantem & pravum expellunt Humorem, quàm universum Sanguinem exagitant, & perturbant: Cui demum Motui & Perturbationi (pari propemodum more, atque de *Astmaticâ*, de *Hydropicâ*, aliisque pluribus Symptomaticis, suprâ declaratum est) creberrimè substituitur *Arthritis*. Et ab hisce Pharmacis ἀτέχτως sumptis, aliquam multi *Colici* Πεδεζιάσι.

Non nunquam usu venit, ut ex Cardiacis (*Aquâ* putà *Mirabili*, *Usquebach*, *Theriaca Andromachi*, *Zinzibere*, *Chalybe*, aliisque id genus) actu vel potentiâ Calidis, adversus *Colicam*, vel præsentem permulcendam, vel quiescentem abigendam, adhibitis, ex Ventriculo & Intestinis in Artus amandetur aliena Sanguini Materia, & in iis munus & officium colat usquequaque *Arthriticum*.

VII. Habet hæc *Arthritis* Dolorem, præ quod in aliis plerisque Symptomaticis, acutum; sed ab *Arthritide* recta & genuina, tum item omnibus Symptomaticis eo primùm distinguitur, quòd, in *Colicam* ex facili revertatur; iterumq; *Arthritidos* personam capiat, iterumq; deponat. (Enim verò Materia νοσούν, Intestina & Artus vicissim premens, Morbos hosce, *Colicam* & *Arthritida*, mutuò se excipere facit & alternare:) Deinde Articulorum Oppilationes, Steatomata, Abscessus, Tofi, Ulcera, quæ Exquisitæ *Arthritidi* crebrò, *Secundariæ* huic nostræ rarò accedunt: quod, ex Materia partim

per Anum expulsâ, partim Intestinis dolorem inurente, sicque Articulis parcente, fieri credibile est.

VIII. Est & alia, *Podagræ* gignendâ apta, quæ à *Dyspepsiis* emanat, *Colica*. Qui ad tuendam alendamque Vitam ingeritur Victus, etsi nec qualitate, nec quantitate peccet, propter vitiatam Coctionem, in Massam turpem degenerat; in virosam, & inimicam: Deest tibi in Ventriculo sine Tumultu Concoctio siue Liquatio, tranquilla, facilis, & perfecta: Deest ejusdem in Putredinem versi, Motus per Intestina lenis, certus, æquabilis: Desunt, inter duras & liquidas Dejectiones Figuratæ, horâ consuetâ exclusæ; nimirum Laudabiles: quæ, Naturæ rectum agentis semper Comites, ejus Oeconomiam monstrant Integritatem. Sed è contrario adest à Cibo Gravitas, Inflatio, Ructus: Massæ adest inutilis, Spumosæ, & Cruditatibus plenæ, tum Acrimonia, tum ab eâ σπόροι, vel Contorsiones Intestineorum ærumnosæ: Adsunt denique Dejectiones vel plures, vel pauciores, nunc liquidæ nimium, nunc coactæ, Naturæ modum hâc vel illâc excedentes; cum desurgendi Cupiditate importunâ, Doloreque Ani, & aliis Accidentibus, quæ Coctionem depravari, & ejus Officinam à κασορθώματι descivisse, planum faciunt, & magnopere probant.

IX. Qui sunt hujusmodi κακόςβιαχοι, provecâ ætate, aliquando tandem *Arthritide* vexantur eâ, quæ jam delineatam opere quàm maximo repræsentat; ab aliis verò *Symptomaticis* distat longissimè. Illius instar *Colicam* exceptat, quoties Catharticis fortioribus, vel Cardiacis, ad Exteriora Mali

Materia protruditur; tum à *Colicâ* excipitur, quoties Materia vel ad Intestina retrocedit, vel in Primis Viis de novo generatur: quorum alterum sæpe, & ex facili fit; alterum quotidie.

X. Si quis autem *Arthritidem*, *Colicæ* hujus vel istius Prosapiæ supervenientem, non tam *Symptomaticam* & *Secundariam*, quàm *Primigeniam*, esse contenderet; ipsamque *Colicam* (aliter atque primâ facie videtur) *Arthritidem* esse, sed Anomalam, & demum Regularem; profectò quidem hac in parte neque difficilem Me inveniet, neque vehementer repugnantem; ut neque temerè concedentem. Dubium esse fateor vel Apolline dignum, & Nodum Æsculapio Vindice. Nihil habent Symptomata, quod λόγοις ἀναγκαστικοῖς alterutrinque fidem hâc in re conciliet: Atque adeò, dum ista silent, præcisè aliquid statuere temerarium habeatur. Utcunque sit, haud minori jure *Symptomatica* esse cõfirmetur hæc *Arthritis*, ac contra negetur; imò quidem majori; propterea quoniam *Colicam* manifestè insequitur, eamque sæpe Veterem, & (quantum hac in re perspicere datum est) genuinam & exquisitam: Verùm utut res se habeat, in Arte factitanda eodem ferè recidit; Nam dubiæ hujus *Arthritidos*, nunc Intestina, nunc Artus infestantis, pro duabus istis Sedibus & ab alterâ ad alteram illius Migrationibus, Curatio propria ac peculiaris excogitanda est; nec in hâc *Arthritide* sanandâ depellendâque Medicinam, uti decet, quis exercuerit, nisi *Colicam*, cui ea subjicitur, ob Oculos posuerit, & ex hujus consideratione illam vincere tentaverit.

XI. Hanc ad normam agentis cõfesta-

sentaneum videtur, five à Pomaceo, Vino subacido, Cerevisiâ veteri, vel à Dispepsiâ proficiscenti *Colicæ Arthritidis* subnascatur, quòd Paroxyfmi fermè eadem, ac in *Arthritide* exquisita, Medendi ratio: Prophylaxeos autem alia atque alia est, pro Causæ remotioris diversitate; verùm, ac in *Colica Arthritica*, nequaquam alia. Ubi in Poculis Erratum, Mos ille perniciosissimus primo quoque tempore abrumpendus: tum quod intus alieni, iterata Catharsi deducendum. Hunc in finem Aquæ purgantes, per se, vel cum *δυσλυσία* postulaverit, per Salem Catharticum adjunctæ, conducunt egregiè. Quotiescunque verò *Colicam* à Dyspepsiâ sequitur *Arthritis*, Coctionis, *Εργασίαι* benè & frequenter purgari, Coctionem Digestivis stabiliri, pari ferè ritu atque in *Arthritidos Exquisitæ* Prophylaxi, oportebit.

XII. Novissimè, Corollarii loco addam, hujus Tribus *Symptomaticis*, præter cæteras sui generis quasunque, præter *Arthritidem* Exquisitam, omnibus hoc commune esse, quòd istarum Paroxyfmi per Eccoprotica subinde iterata maximè vel præcaventur, vel saltem minuuntur.

Hist. I. Arthritis Colicæ Biliosæ Secundaria.

FÆmina quædam, Constitutione post hominum memoriam maximè *Cholericâ*, nunquam ἐν τῷ γαστρὶ ἐχρσα, sub Ætatis flexum, *Colicâ* pertinaci *Biliosâ*, cum ingrato Sapore, *Δυσορεξία*, Vomitu Biliis frequenti, Dejectionibus raris, & parum coloratis, Urinâ ruffâ, Ore luteo, & lentâ quâdam Fe-

briculâ premebatur. Horum autem Malorum Procatarticam habuit Errorem in Victu assiduum, utputa craf-
forum & *δυσπέπτων* Estrix. Ubi Alvum inanientibus (præsentissimo illi remedio) plus semel levaretur *Colicâ*, ex Bilis incremento, constantiâque & acrimoniâ, menses post aliquot, iterum & sæpius, recidiva est. Fugiente Seculo superiori, cùm Affectui gravi tollendo tempus aliquod apud nos impen-
deret, præter *Colicam* memoratâ, pedum item orta est debilitas; quæ primo aspectu Paralyfin, hujusmodi *Colica* *ὀνί-
γέννημα* familiarissimum, prædicere videretur. Quò per Anum Bilis exularet, neque se in Nervos insinuare permetteretur, Catharticum adhibui. Iteratum insecutus est utriusque (sed potissimè dextri) Pedis Tumor, Malleolum, & Pedis Convexum, Hallucem autem præcipuè, distendens; quem comitabatur hujus majoris Articuli Teneritudo mirifica, Dolor pungens, Rubor, Ardor reverà *Arthriticus*. Peræquâ verò proportionem increfcit *Arthritis*, quâ minuitur *Colica*. Cùm de suis exinde interponerem, Matre admodum *Cholericâ*, & demum *Arthritica*, fuisse prognatam; veterique *Arthritico* diutius junc-tam accepi; sic, ut Vitium partim Hæreditarium, partim Contagiosum esse suspicari liceat. Rectè se habent Muliebria, & cum *παι-
ρσία*.

Ad Medicinam morbi genio accommodandam, in eo fui, ut materiam, quo possim artificio, extrâ dimoveam; ideoque Internis eam protrudentibus, Externis eam invitantibus, diversis scilicet diverso modo idem operantibus, insisto; ut & toti Malleolo, & dextri Pedis Summitati, *Epispasticum* im-

poni, finiftrum pedem Laneis involvi, calidèque vestiri: Et paulò postea Soccos, ex Cerato illo viridi quo fiunt Petasothecæ, perpetuò gestari jubeo. Unde exsudavit Humor, nec inutiliter: quamdiu enim perduravit iste Fluxus, recessit usque *Colica* & visa est declinare.

Erat autem ista, per Articulos, Crisis imperfecta; quod reliquum erat materia, finitâ re *Arthriticâ*, & ejus spe fallente omni, avitos intra limites se recepit, moreque proprio agens Caput est adortum: Ideòque de hujus *Ægrotæ* malo non est quod amplius addam; Unum istud volui, ex *Colicâ Biliosâ* posse *Arthritidem* exoriri.

Hist. 2. Arthritis Colicæ ex Pomaceo
ἐπισηνομένην.

Vir Amplissimus, Animi & Fortunæ Dotibus Insignis, Natu integerrimus, Ætate constanti, Venatione aliisque exercitationibus otiosè & rarò se fatigans, Poculis plus solito indulgere cœpit. Ex temperamento Sanguinis præfervido, in Deliciis habuit Pomaceum, Vinum indigena; propterea quòd, (defæcatum modò & tenue) absque Sanguinis immodico fervore, pro illius naturâ potionis, hilaritate animum perfudit. Nondum ita diu indulgit, cum, Dolore *Colico* & annos aliquot deinde post *Arthritico*, teneretur; utroque interdum magno, sed tolerabili. Sic se habuerunt hi affectus, ut ne semel quidem unquam concurrerent, ut nec vices, aut periodos remeandi certos unquam exercerent; contrà, nullo ordine (pro materiâ vel Intestinalis, vel in Sanguine ex causâ evi-

denti congestâ, & ad ἀνύλῳ evectâ) *Ægrotum* alter & alter occuparet; Interea temporis notatu erat facillimum, *Arthritidem* hanc, ab ipsissimâ *Colicæ* materiâ, in Artus translatâ, haud dubiè fieri. Itaque se rem habere in propatulo fuit, tam ex eo quòd *Arthritis* sæpenumero *Colicam* exciperet, eamque (sic, ut Duratio paroxysmi erat) mitigaret; quàm etiam, ab eâdem *Ægrotum* quòd ad tempus aliquod defendere cerneretur.

De vitandâ Morbi hujus utriusque προφάσει Vir Nobilis non nimis sollicitus, solito ex more egit. Prophylaxin autem utilē, efficacemque, simplicemque Deus illi fortunavit. Quoties enim Dolor Intestinalium ingrueret, inter ipsa ejus initia ut occurrat, *Syrupi Domestici* præter-propter Unciam idoneo vehiculo temperatam, hauriendo, Morbum ἐν καίρῳ præcidit, contudit, fregit. Quid? quòd eo ipso causam *Arthritidis* ἀπονευμένῳ primis Viis avulsit. Cæterùm, Vere & Autumno, aliàsque quoties Intestinalium Inflatio, Æstus Corporis universalis, & plethora (quæ Materiam recrudescere & gliscere indicavit) exigere videretur, Aquas *Alfordenses* in se ingurgitando, Fistulæ Intestinalis proluendæ satagebat: adeòque *Colicæ* causam conjunctam, *Arthritidos* Remotam, amovendo, Utriusque sævitiam magnâ ex parte antevertit.

Neque mitti oportebit, quòd ex frequenti Materiæ πλεονεξία & *Arthritidos* paroxysinis (qui per annos plus viginti creberrimi fuere, ut & Regulares) tametsi Articulos hodiè corruptos, Recrementis *Arthriticis* distentos (neque temerè) quivis expectare potuisset, Vir hic Egregius aliter

aliter multò pedes, manus, habiles exercet; eorum usquequaque compos impræsentiarum est, & quantum præfensione possum assequi, futurus.

Hist. 3. Colicæ ex Dyspepsiâ diuturnâ, Gonagra superveniens.

MAtrona quædam Colico Dolore, annos pæne viginti conflictata est, ut rarò Mensem immunis ageret; ut indies propemodum gravaretur. Torquebantur Intestina, & post Vermiculationes unius circiter horæ *περὶ τὴν* quoddam acre & pungens, non sine Dolore Sphincteris acutissimo, quantitate modicâ dejici solebat: Dejectiones secuta est Spirituum Submissio, sive languor, Incredibilis; unde in lectum se projicere, quòcunque Fors permitteret, medio interdum itinere, donec Ægra somno, vel quiete, vires integraret, identidem necesse habuit. Deficienti maximè profuerat Cardiacum, vel *actu* Calidum aliquid pytiffare. Post breve Deliquium, Vitæ Munia sicuti prius, repetiit. Cibus sic satis sumsit, & quamvis eo, ut dixi, more crebrò laceffita est, Vires & Colorem retinuit. Plures illa Medicos (Doctos, Jupiter! & Exercitados) hâc de re consuluit; quibus, ut ipsa mihi renunciavit, communis erat, quæ & maximè probabilis, Sententia, *Colicam* hanc à *Dyspepsiâ* proficisci. Sub finem anni suprâ quàm moris erat, urgebat *Colica*, & Hystricâ Affectione sociata Dominam valdè emaciatam, debilem, languentem pæne confecerat. Nihil potius illius causâ volui, quàm Alvum aperientibus expurgare Materiam, Turbas illic concitatas & inquietas

tem paregoricis sopire & componere; cumque restituissem, ut tenerem quem ceperam locum, & Ægram fido tuerer prophylactico, *Decocti Corticis Martiati* haustum, bis vel ter in singulos dies propinavi.

Habet illud Decoctum pul. patrum & Limaturæ Ferri āā. ʒi. in Aquæ pluvie ℥viij. coquantur ad ii.) per pannum Wallicum fit Colatura; Cujus ʒij. adduntur Aq. Hystricæ Londinensium ʒii. Tinct. Aurant. gtt. x. Syr. Caryoph. qs. fit in usum præfinitum Haustus. Remedium hoc, ad Menses aliquot, ad Congios plures usurpatum, magnum attulit momentum. Melius inde perfectiusque concoxit Ægrota; rariùs & tolerabiliùs doluit; Bonis erat Viribus.

Æstate proximâ, majoris utilitatis spe allecta, ad Aquas se recepit, quas antea commodè adversus hunc Affectum hauserat, *Tunbrigenses*: Martiatorum, quâ præparatorum, quâ Naturalium, usu, partim etiam Currûs agitatione Milliaria quadringenta brevi spatio metientis (quod Herclè vero proximum) in Artus statim ab itinere, propellitur Materia *ροσνη*. Erat utrumque Genu naturâ imbecille, nec ad motum, maximè ad declivem, idoneum satis. Utrumque obtorpebat, nec absque Dolore flectebatur: Dolori adjunctus est utrinque Tumor, cum mirâ debilitate & motu læso; Rubor autem nullus, ex Temperamento Craporis (quod opinor) frigido, neque Ardor ullus apparebat, sed Tumor, qualis solet esse Frigidæ *Arthritidis*; Interea temporis *ἡς ἐντέροις* adeò prorsus integra est, ut nunquam magis.

Ut *Gonagræ*, Morbo *Colico* hunc in modum *ὑπὸ τῷ*, pro facultate mede-

mederer, utriusque Affectûs habitâ ratione, *Aquam* adhibui *Spadanam*, cujus Ampullam modicè tepefactam, instillatis cuilibet $\frac{1}{2}$ ss. *Sp. vol. ol. gtt.* aliquot, horas inter sextam & nonam, omni manè exsiccavit.

Decimâ seq. Vini albi Lusitanici Haustum, Gentianæ Zedoariæque Infuso alteratum: Quartâ pom. Decocti Cort. Martiati Haustum, cum Hibernorum Usquebach pauxillo. Quin imò, septimâ quâque die (quoniam illud Tormina, subinde recurrentia, pustularunt) Catharticum è Calomel. $\frac{3}{4}$ ss. Extr. Eustach. $\frac{3}{4}$ j. Scam. pul. Castor. Assæ fetid. solut. ana gr. v. diluculo sumendum. Vesperis Bolum è Ther. Androm. $\frac{3}{4}$ ss. Zinzib. in Indiis Cond. Conf. Fruct. Cynorrhod. ana $\frac{3}{4}$ ss. Syr. Aurant. q. s. cum Aquis idoneis & Diacod. $\frac{3}{4}$ ss.

His Auxiliis, quâ per Renes, quâ per Anum, emissâ est causa *Gonagræ* conjuncta; utriusque Genu Tumor subsidit: *Colicæ* item Materiam, cum Emolumento *Ægrotæ* lauto & locupleti, tum ejici, tum ex parte aliquâ præcaveri constat.

Non est autem reticendum, quòd ex *Dyspepsiâ* brevi tempore recurrente, denuòque Materiam ministrâte, *Colica* recrudit; & Femoris dextri Internodium menses inde post aliquot infestavit Dolor, idem ferè ac si *Rheumaticus*; Vagus certè, quippe qui ad Acetabulum Coxendicis sensim ascenderet. Hunc comitabatur ejusdem *Pedis* (latè sumpti) totius Debilitas: Qui tamen Dolor &c. non alius esse jure potiori censeatur, quàm *Arthriticus*, ex Materiâ recens ortâ partem nuper affectam, & eo nomine debilitatam, occupante.

Hiscæ verò diebus, Anno nempe 1702. *Gonagrâ* & omne genus *Arthri-*

tide immunis *Ægra*, Affectionibus interdum *Colicis*, at frequentissimè *Hystericis*, quibus olim per *Gonagram* utrisque liberabatur, afflicta, Aquis prædictis usa est, & fructum ex eâ re ingentem retulit.

Hist. 4. Ex Colica Paralyticus, Arthriticus, Inunctione trucidatus.

Dominus R. propter Viam *Apfamensem*, *Ætatis* flore, *Colica*, quam *Piætonicam* appellant, aliquandiu gravatus, ex more & progressu istius mali ordinario, incidit in *Paralyfin*; Artus exinde marcidos, graciles, *ἀκίνητος* habens; per reliquum vitæ *Clinicus*. *Paralyfi*, sub ejus initium, accesserunt Dolores erratici, incerti, horum illorum Artuum Internodia cruciantes Autumno & Tempestate pluviâ maximopere sævientes, & tum adamussim *Rheumatismum* simulantes, ut *Æger* eo morbi plùs decennium ægrotasse (Medico, nec indocto, nec inexercitato, tota cum vicinia consentiente) passim haberetur.

Cùm *Ætas* præcipitavit, Dolor iste Vagus in Fixum mutatus est Articulorum juxtâ positorum, & nova Symptomatum Cohorte stipatum; id est, Tumore, Rubore, Lavore, &c. quæ cùm *Arthritidem* eo loci jam esse *Fixam*, cùm à Decennio fuisse *πλεονητικὴν*, vel luce clariùs ostenderunt. Materiâ in Articulos impulsâ, & *Arthriticos* ibi paroxysmos faciente, perrarum aliquod, notatuque dignum, observare licuit; Artus scilicet eosdem ex *Paralyfi* flaccidos, macerrimos, tantùm non emortuos; ex *Arthritide* floridos, inflam-

inflammatus, vegetæ & vitalis Vitæ indicia commonstrantes.

Cùm eò loci res erat, perfectæ (videlicet!) consummataque Curatio-
nis spe deceptus, Circumforaneo cui-
dam, Hominum impudentissimo, nec
quidem Vulgi stupore nobili, Se Vi-
tamque suam commisit. Hic factum
tectum protinus ut Ægrotum redde-
ret, Membrorumque omnium omninò
compotem, Unguento illa nescio quo
(*Mercuriali*, an *fecus*,) oblinivit. Quid
exinde factum est? Qui per Annos ali-
quam multos, si Vitæ momenta perpen-
damus, sic satis habuit, (benè enim
appetere, concoquere, dormire, ge-
nerare, similiaque eum Officia rectè
obiisse, certo certius est) istâ Inun-
ctione absque ullâ concurrente causâ,
tanquam *Asthmate*, suffocatus, Ani-
mam agere cæpit, & aliquantò postea
expiravit.

C A P U T XI.

*De Arthritide, Morbis quibusdam
Cuticularibus subiecta.*

ART. I. **Q**UÆ Suppressioni Go-
norrhœæ Virulentæ subji-
citur *Arthritis*, ad Luem ea pertinet
Veneream; cuius quidē Mali ista Sup-
pressio in Causâ est, & cui *Arthritis* illa
proximè succedit. Quæ Scabiem *Scor-
buti* flammæam, quæ *Paturse* siccam,
quæ *Febris Eruptionem Miliarem* se-
quitur, ea non tam horum Symptoma-
tum, quàm ipsorum est Morborum *Επι-
γέννημα*: Nec eâ re huiusce loci. Quæ *A-
choribus*, quæ *Hæmorrhoidibus*, quæ
Ulceribus, aridis & siccatis superest,
Illa hoc Capite perstringenda est.

II. De affectibus huius *Symptoma-
ticæ* Primariis generatim acceptis, pri-
mum observandum est, quòd multâ
Naturæ operâ & labore, illi (uti *Ar-
thritidum Symptomaticarum* morbi
Primarii plerique omnes) Materiam,
quam habent ineptam, inidoneam, &
alienam, in Ambitum Corporis expel-
lunt, ibique exterminant: Quo quidem
nomine, cum *Arthritide Primigeniâ*
rectâ, & legitimâ, ad amissim con-
cordant.

Tum, de His notandum, quòd,
quoties eorum Materia, seu Victu
pleno & immoderato, sive Orio adau-
cta, per Excernicula priora minimè
expressa, in Sanguine cumulata fuerit,
ex eâ Sanguis Discordiam & Turbas
subit, supra Naturæ modum vehemen-
tes; atque his succedit alieni per Arti-
culos Expulsio; id est, ipsa quam dici-
mus, *Arthritis Symptomatica*.

Deinde advertendum, quòd *Arthri-
tico* durante Paroxysmo Primariæ
maximâ ex parte conquiescunt Affe-
ctiones; sistuntur Evacuationes istæ
Morbosæ; Latices isti exsiccantur; Eo
verò ad exitum perducto, scaturiunt
denuò; & quidem tantisper, dum no-
vâ repullulante & urgente Materiâ,
Prælium redintegretur, & *Αὐτὸς Ar-
thritica* revertatur.

III. Ex eo verò, quòd *Symptomatica*
hæc nostra Morbo semper alicui exter-
no submitatur; pronum est conjicere,
eâdem Illam, cum Primario suo, sed
auctâ, sed in Orgasimum majorem eve-
ctâ, & per Excerniculum insolitum, id
est, Articulos expulsâ, gaudere Mate-
riâ: Nec non exinde tum à reliquis *Sym-
ptomaticis*, tum ab *Arthritide Primi-
geniâ*, vel primâ facie distingui.

Sufficiunt enim, ex instituti nostri
ratione,

ratione, Morbi hujus Derivationes Successionesq; propter quas in *Symptomaticarum* numero Ille censeatur; tamen si concedamus (quod tamen non concedimus) Materiam ejus cum purè *Arthriticâ* reverâ *Specie* convenire. Et, quæ res est, ut planè & Latinè dicam, ex hujusce Morbi Ortu & Metamorphosi quàm facillimâ, ex Ejus concordantiâ & similitudine cum *Arthritide Primigeniâ*, vel eandē his utrisque esse Materiam, alio corpore in Ano, alio in Tibiis, alio in Auribus, ἀνωμαλως; postea verò in Artubus; ὀρθως, se gerentem; Vel, *Symptomaticæ* huic nostræ Materiam esse, *Arthriticæ* illi longè simillimam & germanissimam, existimandum est. Et quia hæc *Arthritis* vel ipsa est *Primigenia*, vel ei quàm simillima, idcirco de illâ postremo hoc loco differuimus.

IV. *Symptomatica* tam peculiaris subjicienda est Curationi quodammodo peculiari. Etiam si enim in ejus paroxysmis eadem Medendi ratio, & in eorum Intervallis idem Viçtus, ac in *Arthritide Primogenia* valebit; in iis tamen alia locum merebitur, imò vindicabit, quæ huic Affectioni propria est Medicina, mirum quantum à prædictarum Methodis varianda.

Nihil enim Ægro per vacationes paroxysmorum commodius, aut quod Adjumenti plus contulerit, quàm ut Morbus, quicumque fuerit primarius, sustentetur, alatur: Ut e. g. *Ulcus*, si quid exstiterit *Cuticulare*, nè Carne obducatur aut arefiat, per *Cathæretica* sive Carnem modicè rodentia, eniti. Placet hunc in finem *Aqua Viridis exedens Barbettiana*.

Ad *Achores* revocandos *Epispastica* prope Aures applicentur; vel lenia

quædam *Attrahentia*, quæ Humorem illuc peccantem & vitiosum invitent, eliciant.

Ut *Hæmorrhoides* aperiantur usui esse possent *Aloetica* internè adhibita, externè verò *Hirudines*.

Quemadmodum Salutares sunt Evacuationes, per *Ulceras*, per *Achores*, per *Hæmorrhoides*, hæ prædictæ, ideoque promovendæ, ita quidem, si *Hydrops*, *Colica*, *Tussis*, *Apoplexia*, vel siquid aliud Mali, ex earum Suppressione oriri videatur, omninò necessariæ sunt, & primo quoque tempore consciscendæ.

Atq; ista volui de *Arthritide Morbis his externis* supervenienti, quæ pro eorum numero multiplex habenda, & diversa: Hoc autem Capite propter eorum Convenientiam & *Arthritidum* iis enatarum Vicinitatem, ac si una tantum esset, explicatur.

Hist. I. De Arthritide Aurium Achoribus subjeclâ.

CURRENTe Sæculo priori, *Damnonio* hoc *Orientali* florebat Ordine Equestri Gens, Humanitate, Opibus, & pietate insignis, illoque tantum nomine infælix, quòd Ea tota, tam Fœminæ quàm Mares (erant autem illæ quàm plurimæ) *Podagrâ* miserrimè torquebantur.

Harum Una, Articulos non adeò graviter affectos habens, Dolore, Artus alios aliosque perreptâte, multos annos est afflicta. *Rheumatismi* nomine, pro Vulgi more, Malum isthuc appellatum est, quod tamen potius *Arthritis Vaga* æstimandum. Decedente eo Tussis exoriebatur, factâ in pulmonem Materiæ

μεταπτώσι, & phthisi paulò post occubuit.

Hujus *Arthriticae* Filius jam quadrimus Aurium Morbo tentabatur; ex omni parte tumuerunt illæ, præcipuè verò *Helix*. Tumor initio ruber & φλεγμονώδης, brevi exinde tempore subalbicans. Serum illud acre, quod intus contentum, in Tumorem Cutim extulit; Fibras autem Cuticulares fodiendo, Spiritusque earum Incolas irritando, pruritum immanem, perpetuum & ferè intolerabilem excitavit; in Cruftam posthæc albidiorum condensatum est: quæ quidem Crufta, demum exarefacta, & in Squamulas diuisa, decidit; relicto loco, tanquam à Vario-
larum frustulis, inflammato. Confertissima erant hujusmodi Excrementa, & quidem adeò crebra, ut propemodum perpetua viderentur. Veteri subitò nova Messis successit; pro Materiæ peccantis abundantia, & Cæli Humiditate, (quæ ad hujusmodi εὐσεις contribuere notabatur) major Ichor autem, quando largiter profluxit, non sine Fætore erat gravissimo, Naribusq; ingratis-
simo: Ea spes Amicorum erat, ut Ætate progrediente sisteretur iste Fluxus, & quidem tuto; ex eoq; Annis Puerilibus ita profuso, melius & tutius ageretur quod vitæ reliquum.

Ineunte quidem Adolescentiâ, forsan ob Exercitationes eo tempore vehementiores, Fluxûs est remissio: At Annorum vix triginta, Vir sobrius, neq; *Veneri*, neq; *Baccho* deditus, *Arthritide* corripitur, post homines natos acerbissimâ. Per idem tempus Aurium illa Affectio major recurrit, sed cum *Arthritidos* Paroxysmis vices habens alternatas. Horum enim Vacationibus scaturiunt Aures; at Naturâ Paroxys-

Tom. II.

mus moliente, ad eumque sese, quasi accingente, siccantur hæ; & ab his siccatis, instantis Paroxysmi non leve ortum est indicium.

Hæc sunt, quæ de hujus *Arthritidis* Ortu & Derivatione dicenda habui; quæque si rectè judico, illius generis eam esse ostendunt, cujus Materia partim per *Achores*, partim per *Articulos* expellitur: Eâque ratione, quòd ordinariò, prior illa sufficiat Evacuatio, quàm primum autem ὑπὲρ μέτρον in Sanguine cumulata & congesta fuerit Materia, itemq; ad Exilium parata, Paroxysmum illa cõcitet *Arthriticum*. Sic, ut Materiæ ad hanc vel illam Partem Determinatio, ex ejus quantitate & Naturæ nisu fortiori, prorsus pendeat. Si verò ipsam spectemus Materiam, esse illam, utrique harum pari ferè mensurâ propensam, & æqualiter faventem.

Sunt autem alia, quæ, cum aliis quibusdam *Arthriticis* huic nostro communia, memoratu digna censeantur. Primum, præter labem Hæreditariam modò dictam, Causam hujus & *Arthritidos* & *Achorum* antecedentem esse procul dubio *Dyspepsiam*: Cibo enim difficiliore (Porcinâ, Bubulâ, & istiusmodi aliis) nimium delectabatur; is autem Ventriculo minimè confectus, simul cum Corpore Morbum alere judicetur. His addendum Ægri genus Vitæ otiosum, neglectis scil. Exercitationibus, quibus Juniores Satietatis Mala seu prævertunt, seu resarciunt. Otio facta est (quod tertio notandum) Perspirationis Diminutio; Cuticulæ universæ, Manuum verò præsertim Ariditas: Unde Humores intus retinentur; unde Malorum Illas. Urina huic Ægroto in Paroxysmo pro Dolo-

ris & inflammationis ratione rufula, aliàs straminea, semper autem pro quantitate Poculenti larga. Ingruente Pluvia semper ille Venarum Distensionem, Sanguinis Orgasum, Corporis Hebetudinem persensit. Complures ille periclitatus est, per *Aquas Bathonienses*, per *Cathartica*, Sanguinem expurgandi Methodos. Nulla verò profuit. Adeò illi Sanguis intractabilis, & δυσμετάβλητος. In Cibo ἐυχόμενος καὶ εὐπέπτω, parcè sumpto, quo Morbi Causa præpediretur, Spes sita erat Prophylactica. Ille verò Cereri indulgens, & quicquid gratum erat, utut difficile coctum demittens, bis tervè Anno fermè omni desedit *Arthritide*.

Unum adjiciam, quod huic Ægro proprium esse videatur; *Arthritida* nempe aliquando Dextram invadere Patellam; Drachmæ occupare spatium; per Dies aliquot durare: Paroxysmum autem insequentem, diuturnum esse, gravem, Genuque labefactare, & valde imbecillum reddere. Ob Genu imbecille factum est, quod Gradus scalares multò faciliùs expeditiùsque sursum, quàm deorsum iret: quando in descendendo necessum, nè Corpus antrorsum rueret, summis illud Viribus cohiberi. Hoc autem Silicerniis, & depontanis ferè omnibus commune.

*Hist. 2. De Arthritide Ulceribus sub-
olescenti, Epispasticis allevata.*

Ulceribus, quæ Cutim mordent & exedunt, ἐπιγιγνομένης *Arthritidis* varia præsto sunt Exempla; ex quibus uno, quod ob Oculos rem hanc omnem planè & perfectè repræsentabit, contentus ero.

Vivit etiamnum apud Nos, Ætate adhuc constanti Vir; cujus, ut in ipsis *Arthritidos* Paroxysmis, ita non minùs in eorum Originibus, occurrunt plurima notatu longè dignissima.

Ingruente Paroxysmo præmitti solet Fastidium, Symptoma creberrimè prænuncium; tum Urinæ tenuis & pallidæ, tanquam in *Hystericâ Affectione*, Profluvium; non nūquam etiam Mandibulæ Dolor, quasi propter imminentem ὀδονταλγίαν: Spinam autem Ischiique Ossis inter Acetabulum, usitatè Dolor acutissimus, pariter ac ab Affectu illo molestissimo, quem Idiomate Nostro a *Crick* appellamus: Ab illo verò diversus, eò quod vagetur, & Spinam perreptans ad Homoplatarum usq; intercapedinem ascendat. Eò loci quam diu iste viget, Spiritum Æger difficillimè trahit, ac si *Asthmate* pæne suffocatus. Hoc in statu, pomaceo liberaliter ingestis, sæpe ille ad tempus aliquod paroxysmum protelat: Grallator alias, Artuum exinde cōpos. Hæ verò tantum Induciæ sunt, eæque breves & infidæ. Die enim postero, quæ pedibus, quæ manibus, solet universè & quidem acerbissimè dolere. Cum deferbuit Sanguis, in Carne Musculosâ Tumores facere Materiam νοσηρὴν; durosque & longos, Restis in modum, excitare; & per Artus alios aliosque πλανητικὴν Articulos aggravare, constat.

Quemadmodum *Febris* & Dolor accedunt & intenduntur, Urina magis flammea & rubra est: Iste verò Rubor remittit simul cum Dolo, idque ejus proportionem. Veteris jam *Arthritici* summitatem Cubiti sinistri Tumor occupat ὀιδηματώδης; Nuci Juglandi par, Tosos habens intermixtos, duritie & mobilitate distinguendos. Hæc

Hæc sunt, ad hujus *Symptomatum* paroxysmos quæ præcipuè spectant, eorum verò de Origine considerandum est, quòd Æger hic noster *Ulcusculis*, quorum alia minora erant, pisi majoris secti Basin exæquantia, alia ad Diametrum Thaleri largiora, omnia verò Tibias obsidentia, ante multos annos afflictatus est. Quibus cum *Arthritis* subiciebatur, quamprimum hujus Cura mihi demandata est, nihil potius habui, quàm ut, Naturæ Methodum imitando, ejusque vestigia reprimendo, Materiam per Cutim elicerem. Ideòque *Vesicatoria*, quibus id negotii perficiatur, in usum proposui; quin & Malleolo, Carpo, cæterisque Articulis Doloꝛe cruciatis, vel eos quàm proximè, nunc plura, nunc pauciora, prout exigere videretur Ægri res, admovi.

Hæc autem eo cum successu acta sunt, ut acris Seri fætidique admodum, Uncias sæpe quatuor, identidem sex, non nunquam octo, unum idemque extraheret *Emplastrum*. Unde Vicini Dolor Articuli statim mitigatus, & paulò post sublatus. Artificioſis hiscè Colis adeò delectabatur Æger & profecit, ut quoties Dolor recrudit, ac si esset *ἀναίδντ*. Ipsius sæpenumero *Epispastica* superponi juberet; ut, eodem tempore, sex septem interdum gereret.

Ex eorum Doloꝛe & Fluxione macescit Æger; Caro illius impendiò absumi; Vires debilitari & pessum dari solent; sed cum Emolumento, & Fructu certè amplo locupletique. Quamprimum enim *Ulceræ* exsiccantur, Somno & Fame postliminio restitutis, Cibo multum idem reficitur: Vires reparantur. Hisce verò adaugendis non parum conducit Aer apricus, &

Pomaceum; quorum alterum mirificè Appetitum acuit; alterum Animales Spiritus fovet recreatque.

Cùm Miasmate *Arthritico*, sive per paroxysmum, sive per *Epispastica*, liberatur Æger; nemo unquam Hominum vegetior, nemo hilarior. Ut Coctio recta sit, *Infuso Amaro Chalybeato* me hortante utitur; non nunquam etiam, ad Sanguinem instaurandum, *Aquis Germanorum Spadanis*; utroque certè, Eventu non infelici, imò felicissimo. Redit exinde *εὐσυχία* Sanitasque sic, ut horum in paroxysmorum Intervallis Uxorem quotannis gravidam faciat, Valetudine, si unam excipias Claudicationem, factus integerrimâ: donec Cibi abundantia & Satietate Corpus amplè nutritum, & nimis sit impletum; inque Artus denudò erumpat Humor, iterumque *παροξύνται*.

Hujusmodi Cyclus, paroxysmum simul cum Vacatione continens, quotannis in Annos singulos ter quater repetitur. Solet autem paroxysmus nunc unius Mensis esse, nunc duorum, interdum etiam trium, pro Materiâ plus minùs cumulâtâ & evectâ.

Ulceræ, quæ ab *Emplastris* sunt *Cuticularia*, brevi tempore sanantur; maximè verò quoties *Aquâ Calcis vivæ* abluuntur.

Cùm aliquando pedes tumefierent, ad detrahendum Miasma *Arthriticum*, unâ cum Sero in iis depositum, Amici cujusdam hortatu Catharticum è fortioribus assumen. malo id eventu fecit; adverso *Æsculapio*. Si Evacuationes spectemus, instar omnium erant; in paroxysmo, *Epispastica*; in Vacationibus, *Diuretica*. Horum autem Usus uti perrarus fuit; Illorum

verò creberrimus; Illis potissimum deberi agnoscendum est. Quòd, dolore Æger etiamsi acerrimo subinurgeretur, tamen ei sustinendo tolerandoque usque par existeret; neque per Decennium nuper elapsum, etiamsi tot tristissimis Accessionibus comitatum, si præcipuæ notæ Viscera, si Vitæ pondus attendamus, enervaretur aut multum debilitaretur.

Hist. 3. De Arthritide (cum Febre Intermittente) ex Hæmorrhoidibus occlusis.

HI S affinis illa *Foresti* Observatio, de *Hollandiæ* præside quinquagenario; qui, cum *Hæmorrhoidibus* affici soleret, ex iis occlusis in *Tertianam* incidit, & paulò post in *Podagram* & *Chiragram*, adeo vehementes, ut per dies viginti lecto affigeretur.

Hujus Mali Causam esse, Vir Clarissimus existimavit, non solum phlebotomiam ac Catharsin prætermisissam, sed (cum aliis quibusdam) & quidem maximâ ex parte *Hæmorrhoides suppressas*: Neque verò perperam; Ratus enim id, quod erat, per Lenientia, Ventrem inanivit. Quo subducto, & dolore Cataplasmatibus mitigato, in Excrementis denuo conspicitur ex *Hæmorrhoidum* apertione Sanguis. Hoc viso Sanitatem Medicus pollicetur, & quidem brevi admodum Æger *Arthritide* liberabatur; neque Annis post sex Dolores *Podagricos*, *Chiragricos*, aut *Articulares*, etiamsi illa jam Ætate quæ ad hosce prona & proclivis, sensit.

C A P U T XII.

Corollaria & Spicilegia quædam, cum Epilogo.

ART. I. **S**ymptomaticarum isti, quem protulimus, censui *Corollaria*, quæ ex his recognitis, sive omnibus, sive pluribus, inter se comparatis oriantur; & *Spicilegia* quædam, quando ad illas amplius illustrandas utraque non nihil conferant, jam denique superaddam.

Ex omnibus, gregatim sumptis, omnino liquet, quod *ἰσχωράτων* iis, quæ puræ & germanæ *Arthritidi* sunt vicinæ (id est, *Arthritidi Colicæ*, & *Morbis Cuticularibus* supervenienti) maxime consentire cernuntur illæ, si, missâ Morborum primariorum consideratione, & ab iis *Symptomaticarum* Emissionatione omni, illarum *Materiam* tantum intueamur, quæ *Chlorosi* & *Hydropi* *ἐπιχριστικὰς* *Symptomaticæ* minus propriæ nominantur. Iste verò Consensus, ex illarum simili *Materia* proficiscitur. Vicinis illis *Speciebus* magis propriis *Materia*, vel *Arthritidos* genuinæ ipsa, vel (uti supra declaravimus) ei quàm simillima est; (sicut, è diverso, magis propriis, sed remotioribus, pro Distantia, dissimilis.) Jam verò *Symptomaticis* minus propriis *Materia*, (quod item ostensum est) pura puta est *Arthritica*: Unde elucet Dicti Veritas. Et quidem ob istam minus propriarum cum *Exquisitâ Arthritide* convenientiam, magis propriis postponi illæ poterant, imò (ut Ordinem hâc in parte corrigam) debuerant.

II. Secundò : De *Symptomaticis* *magis propriis* advertendum, quòd nihil me movebit, si quis è perspicacioribus & nimìò plus subtilibus, eâdem *Materia* Morbos oriri posse diversos, eosq; *Specie* distinctos asserens, *Luis* e.g. *Materiam*, non *Arthritida Falsam* & *Mendacem*, sed *Exquisitam* & *Genuinam* parere contenderit : Itaque *Symptomaticas*, (aliter quàm à Nobis statutum esse videatur) & inter Se; & cum *Arthritide Exquisitâ* congruere, pro certo habuerit : Nihil, inquam, isthuc me movebit.

Primum enim, Morborum *Materie*, sive *Causæ Conjunctæ*, revera sunt in obscuro; & quis Atomorum Globus, sive *Σχηματισμός*, e.g. *pestem*, quis *Variolas*, quis *Hydrophobiam*, & ita Affectum quemcunque Contagiosum, aut exiguâ *Materia*, quasi Fermento natum, afferat & producat, Deo soli cognitum & perspectum est : Nec quis unquam mortalium hæc in operto Naturæ fabricata fideliter repræsentaverit, aut palam exhibuerit; Ideòque de *Symptomaticis* hisce nostris, utrum germana sunt *Arthritis*; an ejus tantummodo *Simulachra*; quum in utramque partem disputari potest, & quidem frustra; ex earum *Materia* per se considerata, non est temerè decernendum; quin philosophis magis oculatis, & λεπτοτάτων λόγων ἱερεῖσι, missum illud faciemus.

Tum, de illarum *Materia*, secundum *phenomena*, si sentire & judicare liceat; certo certius est, primum, diversis illas primariis Affectibus, iisque *Specie* distinctis, exoriri. Deinde, eorum *Materiam*, signis suis Diacriticis usque manifestam, propriisque Remediis impugnandam, in statu peregrini-

no illas retinere. Et quoniam Morborum *Specificatio* à nullâ aliâ re duenda magis, quàm ab illorum *Materia* peculiari, Signis suis Diacriticis ostensâ; his consequens videtur, illas *Symptomaticas*, pro Affectuum diversitate primariorum, *Specie* distingui, propriasque postulare Medendi *Methodos*; ut & propria *Vocabula*.

Neque enim, tertio, si quis eas *Arthritidis* nomine comprehenderit, earum mutabit Naturam, aut Curationes; sed, nimis latâ significatione, Vocem eam, Morbum singularem exprimere solitam, reddet *Æquivocam*; Morbos longè disjunctos, eosque non paucos, complectentem: Quâ quidem re, ἐν τῷ Οροματεποικίῳ nihil magis fugiendum.

Nos certè Opus practicum moliri, & hos Affectus eo modo tractare fludivimus; qui ad eos tollendos, aut mitigandos, maximè conducant: Quem in finem, ut in superioribus *Arthritides* alias *Genuinas*, in *Secundariis* & sensu laxiori *Symptomaticis* censuimus; quòd *Chlorosi*, quòdque *Hydropi* subjiciuntur; ita hîc multò fatius esse duximus, tametsi veræ sint omnes hæc *Arthritides* (quod tamen ita esse, nec à quoquam unquam probatum, nec à Nobis concessum) ut *Adulterinæ*, interque se diversæ, & magis propriè *Symptomaticæ*, habeantur: Quoniam hæc positio, ad earum Curationes & aptius lucubrandas, & felicius exigendas, usûs est immensi.

Perimetrum circulare ad suum *Diametrum* in ratione *Triplâ sesquiseptimâ*, sive ut 22. ad 7. esse statuunt, & quidem omnium consensu rectè statuunt, *Geodata*: Quamvis id non tam

ex Rei Veritate, quæ profecto nulla est, quàm ex positæ Commoditate & in Solidis dimetiendis Utilitate, factum est.

III. Unum adhuc restat, quod quidem me sollicitum habet, quodque Lectorem moneri par est: Non eam hujus Scripti Mentem esse, quæ *Melancholiâ*, *Scorbuto*, *Lue*, vel alio quovis Morbo è primariis supra dictis laborantem, *primigeniâ* simul *Arthritide* laborare posse diffiteatur: Quin è contrario (quantum video) posse ita fieri, (ut, illorum altero qui ægrotet, *podagrâ* similiter ægrotet *primigeniâ*) lubens agnosco. Mihi verò cum hisce solum Morbis negotium, qui statum pristinum vel partim vel omnino deferentes, sub falsâ *Arthritidos* Imagine laceffunt Ægros.

IV. Præter has *Imagines Arthriticas*, quæ suo quæque genere perfectissimæ, & omnium, quas Ego notavi unquam, maximè sunt elaboratæ; Aliæ cernuntur minùs perfectæ, neque tam ex amussi ad Exemplar illud ingens, *Arthritida* videlicet *primigeniam*, formatæ. Sunt illæ Fœtus Naturæ, sed Abortivi; sunt illæ Conaminæ, sed languida, & frequenter vacua. Habent tamen omnes nihilominus Dolorem; aliæque Tumorem; aliæque etiam Ruborem, Breves habent plerumque paroxysmos, neque ex Stadiis omnibus perfectis conflatos; atque adeò intercisos, interruptos.

Harum *Abortionum* Causa, ex Naturæ imbecillitate, & ad *Arthritidem* eluctandam impotentiâ; vel ex Materiæ Defectu peccatricis; vel ex Sanguine *δυσμεταβλήτῳ*, & ad *Arthritida* subeundam minimè apto & proclivi,

ut intelligo, petenda est: Certè tanta illarum *Απορία*, Mos ita dubius, ut ad hæc nostras *Symptomaticas* nihil esse censeantur, neque sermone longiori persequendæ.

Minimè verò tandem, quòd hæc *Abortiones* nunc, ut aliorum Morborum aliæ non paucae, (quod jam pridem detexit Clariss. *Sydenhamus*) apud Vulgus *Scorbuti*; nunc etiam *Rheumatismi*, facti, vel imperfecti, Nomine insigniuntur; & passim Curationi; pro hoc vel illo Nomine, (quàm autem auspiciatò conjectari facile est) subjiciuntur.

V. Postremò addam, quòd *Articulares Glandulæ*, quæ tantopere in statu Corporis secundo & naturali, per secretam Mucilaginem, (*) Articulorum Motui, imò Vitæ Animalis conservandæ; in statu ejus vitioso adversoque Sanguinis Depurationi & purgationi pari modo inserviunt; quando per has exprimitur Venenum, in alio Corpore *Ποδαγρικόν*; in alio, *Melancolicum*; in alio, *Scorbuticum*; in alio, *Venereum*; in alio, *Febrile*; aliud videlicet aliudque longè diversum, summè perniciosum: Ut dictæ *Glandulæ*, ex Incerniculis totius Corporis celeberrimis sint: Neque per *Catarrhos*, Infantum; neque per *Rheumatismum* Muliebrem, Fæminarum; neque per *Hæmorrhoida*, provectorum; quàm per *Πύον* hanc *Articularem*, Seniorum Vita, Salus, & Incolumitas, magis sustentetur.

Epilo-

(*) Vide Clarissimi *Haverii Osteologiam novam*, Diatribam *De Glandulis Mucilaginosiis*.

Epilogus.

IT A demum absolvimus *Systema Arthritidum Symptomaticarum*; eas *Species* percurrento omnes; non quas *Imaginatio* peperit; non quas *Opinio* commentata est; vel *Auctores*, *Scripta* sua compilantibus, sunt elargiti; sed quæ nobis usu & experimentis; quæ *Observatione* & *Exercitatione* medicâ occupatis, sese prodiderunt.

Harum *Modos* & *proprietates* expiscari fuimus conati, medendique rationes & *Indicationes* singulas, quàm possimus aptas idoneasque, earum singulis accommodare. Nunc *Calcar* adhibendum, & *Arthritidem* in nonnullis omni *Industriâ* promovendam; nunc contra *Fræno* opus esse, & *Morbos* artificiosè sisti sufflaminariq; oportere: *Materiam* nunc per *Locos Muliebres*; nunc per *Renes*; nunc per *Ambitum Corporis*; nunc per *Anum*; nunc per *Os*, *evacuari*; nunc, omisâ *Evacuatione* omni, *alterari*; nunc, & *Alterantibus* & *Evacuantibus* neglectis, tantummodò *præcaveri*, in ipsoque *Ortu* *supprimi*, debere demonstravimus.

Si, in ponendis hisce *Indicationibus*, iisque designandis, errasse nos constite-

rit; (in re verò tam multiplici, tamque intricata, nihil errare, plusquàm humanum est) certè suam cuique *Symptomaticæ Arthritidi* propriam esse, ex *Derivatione* propriâ, *Naturam*; tum item harum singulis, pro suâ cujusque *Derivatione* & *Naturâ*, *Curationem* excogitandam esse propriam & peculiarem, omninò comprobatum est.

Jaçto isthòc *Fundamento*, quæ mediocriter (pro earum *Dignitate*, si quidem mediocriter) à Nobis aperiuntur *Symptomaticæ*; tum eas ampliùs explicare; tum eas illustrare; tum earum *Numerum* explere poterit *Observatio* posterorum. Quibus in medio relinquam *Scrofula*, *Rachitidos*, *Psora*, *Diabetis*, *Icteri*, *Dysenteria*, aliorumq; complurium *Chronicorum* erga *Arthritidem* *Inclinationes* & *Demigrationes*, si quæ sint, & qualescunque, evolendas: Esse verò plurimorum; Easque longè inter se diversas, & discrepantes: ex jam prolatis, quæ à Nobis, ut dabatur *Occasio*, perpaucis *Annis spatii* cogerentur, abundè verisimile est.

Animus erat, de *Arthritide Anomala* quæ habuimus dicenda, his subnectere: sed, in præsentia, *Manum* hâc de *Tabulâ*; & *Spatio* jam exacto, sistentes (anhelantium more *Cursorum*) paulisper respiremus.

F I N I S.

Δόξα τῷ ἐν ὑψίστοις Θεῷ.

EPITOME.

EPITOME.

CAPUT PRIMUM.

De Arthritide Symptomata, generatim.

Morborum Migrationes Successionesque ex Hippocratis Præcepto, sunt inspiciendæ. ARTIC. I.

Arthritis alia Primigenia; alia Secundaria, sive Symptomata. II.

Quæ vel Materiam, vel in hujusce generis Arthritida Materie Μετεωρο-
ν, Morbo alicui Primario, & præcedenti, refert acceptum. III.

Hujus Regionis Symptomata recensentur, suntque Arthritidos, generatim sumptæ, quasi Pars dimidiata. IV.

Symptomaticarum Ratio Generalis in eo sita est, quod, cum Morbi sunt à Primigeniâ distantes, Ei tamen gradatim appropinquant. Modum Appropinquandi certissime commonstrant, simul cum usurpato Arthritidis Primigeniæ Vultu, Primarii Exuvie. Conditio earum specialis. V.

Symptomaticarum Differentiæ, si earum Externa, si Paroxysmos spectemus: Partus facilitas à Primarii Indole, & in Arthritidem Propensione. VI.

Alia (Arthritis) Symptomata improprie dicta, quæ Rheumatismo superat; Alia magis Propria. VII.

Quæ generatione procreatur vel Æquivocâ; ut ex Chlorosi, & ex Hydrope Arthritis; vel Univocâ; quæ eandem cum Primario Materiam habet, quæque ob Crisin aliquam imperfectam exoritur: Ut reliquæ omnes. VIII.

Symptomata magis Propria non nisi Chronicum Vetustum sequitur, & Grandiores invadit; contra quàm minus Propria. IX.

Symptomata hæc Specie inter se differre, & diversas poscere Curationes, existimandum est. X.

Ex Morbi Primarii & Arthritidis Primigeniæ Therapiâ elicitur, in medendis Symptomatis Indicatio. XI.

In Paroxysmo, ab Arthritide; in Vacatione, à morbo Primario. XII.

Prophylaxis ad Menses proferenda, ad Annos aliquando repetenda. XIII.

Ætiologia Arthritica, ob neglectam Symptomata & Primigeniæ Arthritidos Discrepantiam, hætenus imperfecta. XIV.

Curatioque inidonea. XV.

Methodi Ratio. XVI.

C A P. II.

De Arthritide Rheumatismo superveniente, Symptomata falsò appellata.

TRANSITIO. ARTIC. I.

Rheumatismo soli Frigore procreato succedit Arthritis; Is autem, Sanguinis Lentore gravi & repentino Capillaria infarciendo, generatur. II. Qui, fiat ea $\Gamma\lambda\iota\sigma\chi\rho\acute{o}\tau\eta\varsigma$ exquiritur. Non à Chylo acescente, (Sanguis injecto Lacte non coagulatur.) III.

Neque solum ab Acido, Serum ejus calefactum per Frigus subitum condensatur: Rheumaticorum Urina minus salsa: Serum, addito Syrupo Viola-ceo, virescit: Pellicula Sanguinis, per instillatam Sublimati Solutionē, albescit. Lentorem vel à Calore Frigoreque vehementius & continuis, vel à Sale Alcalico, vel ab utroque nasci concluditur. IV.

Rheumatismo malè tractato subicitur hæc Symptomata, & Arthritidem Frigidam æmulatur. V.

Illius Facies & Mos. VI. A reliquis Symptomaticis ut distinguitur. VII.

Adversus Rheumatismum valere posse Vomitionem, sed frequentem & cautè præcipiendam. VIII.

Ad hanc Arthritida requirit Indicatio, ut tollatur iste Lentor. Quem in finem Antiscorbutica, Spiritus Volatiles, adhibeantur. Quid per Oleum Tereb. Quid per Camphoram agatur, periclitare. IX.

Ptyalismus proponitur, & Emplastra cum Mercurio; ut &, ad Articulos exonerandos, Suctus. Quid per Maturantia fiat, deliberandum. X.

Tom. II,

C A P. III.

De Arthritide ex Chlorosi, & ex Mensium Suppressione.

Arthritis à Chlorosi Symptomata est rarissima. ARTIC. I. Eas tantum aggreditur, quæ Stirpe sunt Arthriticæ prognatæ. II.

Causam habet Continentē, à Chloroseos Continenti longè diversam, & ad istum Morbum se fortuito adjungit. III.

Interdum Vaga est, sub Rheumatismi Nomine delitescens: Aliàs Articulis affixa: Utriusque Diagnos. IV.

Indicatio vult, ut per Muliebria Materia peccans expellatur; quæ Partu Naturali; V.

Quæ Mensibus. Hisce procurandis inserviunt Martiata cum Emmenagogis juncta, Aquæ Martianæ, cum Purgatione nō nunquam intercalanda. VI.

Arthritidis ex Mensium Suppressione, Origo & Mos. VII. VIII.

Medendi Lex ut per Catharsin, sed Modo peculiari celebrandam, Materia dimittatur. IX.

Fonticulus aperiatur. X.

In ista Pari Symptomaticarum impugnando, quantum intersit. XI.

Historia Arthritidis vagæ, Fixæ, Nodosæ, Hereditariæ, ex Chlorosi Natæ, per Emmenagoga fugatæ.

C A P. IV.

De Arthritide Hydropi Superveniente.

Hydropi Arthritis etiamsi crebrò supervenit, inter Naturæ $\Delta\upsilon\sigma\kappa\rho\acute{o}\tau\eta\varsigma$ tamen est censenda. ART. I.

L

Ab

Ab Hepate, sive viscerū aliquo nobiliori, Labe indomitā vitiato, quicunque fit Hydropicus, raro Is Ποναργιᾶ.

At si in Liquido omne vitium, ex eo saepe oritur Arthritis. II.

Maximè verò post Amara & Chalybeata, Hydragogis submissa, vel (ubi consistunt Vires) statim post Hydragoga. III.

Spiritus Sero liberati, vel per Se, vel Medicamentis incitati, emergunt denique, Materiam è Sanguine pellunt alienam; IV.

Atque adeò Seminium, si quod intus latuerit, Arthriticum; V.

Et quidem bono omine. VI.
Nullum postulat hæc Arthritis Therapiam nisi quā servetur, augeatur, ordinetur. VII.

In hunc finem Singularia recensentur. VIII.
Ut ea componantur, & in Methodos redigantur. IX.

Ad Hydropa propellendum, Vere & Autumno aqua subducenda, & quidem Drastico potius quàm Leniente: Æger nec plus, nec aliud bibat quàm Coctioni & Nutritioni quod sufficiat. X.

E Lecto mane quàm primo exurgat; Vesperi maturè cubet; bis in die Corpus sub Jove exerceat. XI.

Hujus Methodi Utilitas. XII.

Historia Prima, De Arthritide Hydropi probè curato feliciter accedenti. Secunda, De Arthritide Ascite, ejusque Remediis, auspiciatò agnatâ.

Tertia exhibet Podagram, Asciti per Naturæ Vires subortam.

Quarta, De Hydrope per Diuresin & Abstinenciam victo, cum Arthritide per Amara & Chalybeata famulante.

C A P. V.

De Arthritide Melancholica.

EX Univoci ortūs Symptomaticis, Principatum habet Arthritis ea, quæ diutinæ succedit Melancholiæ.

ARTIC. I.

Hæc Melancholia duobus pendet, 1. Spirituum Animalium à Naturâ Teneritudine; quæ causis evidentibus saepe augetur: 2. Rebus eos afficientibus. II.

Natura id, quod Melancholiam peperit, aliquando in Articulos trudit; itaque Symptomaticam hanc Arthritis progignit. III.

Clementer ea ferè se gerit. IV.

Ideoque Melancholiâ brevi recurrente, excipitur. Ut Arthritis ea dignoscatur. V.

In Arthritide Morbo Hypochondriaco subnatâ, juvat id, quod primis viis includitur alieni, per Alvum amoliri; Coctionemque instaurare. VI.

Præcipuè verò aquis purgantibus, Tartaro laxanti & Mannâ adjutis, quæ blandè Alvum subducant. His superaddi possunt aquæ Diureticiæ, vel Infusum Teæ cum è Ferro præparatis; vel etiam Decoctum Corticis simplex, aut Chalybeatum. Prodest aliquando, loco Cerevisiæ, Decoctum Chinæ, Sarsæ &c. VII.

Hist. 1. De Arthritide Melancholiæ Diuturnæ succrescenti.

Hist. 2. De Morione, Melancholiâ Hypochondriaca & Arthritide interempto.

Hist. 3. De Arthritide Hypochondriacâ Purgantibus præoccupatâ.

Hist. 4. De Morbo Hypochondriaco cum agnatâ Arthritide, Aquis Astropentibus subactò. Hist.

Hist. 5. De Gonagrâ miti Hyſtericâ ,
Chalybe concitata.

Hist. 6. De Arthritide Hyſterica.

Hist. 7. De Arthritide Melancholica
cum Ventriculi &c. Affectione , per
Paroxyſmum regularem allevata.

C A P. VI.

De Arthritide Fixâ Scorbutica.

Melancholicæ proxima eſt Arthri-
tis Scorbutica , ſed longo proxi-
ma intervallo.

ART. I.

Scorbutus apud Damnonium paulò
antè frequentiffimus ; ſed vicini Bel-
gii Scorbuto , hoc eſt , Genuino diſſi-
milis.

II.

Ejus Symptomata celebriora recenſen-
tur.

III.

Utrum Scorbuti Calidi ſit ubique ſui
generis Materia , ambigitur.

IV.

Lepa jam pridem in Damnonio Ende-
mia ; cujus gratia Noſocomia paſſim
quàm plurima.

V.

Partim illa Salis Communis , partim
etiam Tabaci uſu cicurata , maximè
verò Pomacei , in Scorbutum hunc
Calidum degeneravit.

VI.

Scorbutus hic Noſter Arthritida Fixam
imitari geſtit.

VII.

Scorbuti hujus cum Arthritide Conve-
nientia.

VIII.

Mites habet Paroxyſmos hæc Sympto-
matica , ſed diuturnos. Præter cætera ,
Morbi ſui primarii retinet Sympto-
mata , Scorbuti præcipuè veteris &
confirmati.

IX.

Eſt ſemper Calida.

X.

In Paroxyſmo , Materia Articulis im-
pacta blandè foras elicienda. In pra-
vo Repellentium uſu quid illi fiet.

XI.

Extra Paroxyſmum , vel Ptyaliſmum ,
vel per Catharſin Materiæ Evacua-
tio ; tum per Antiſcorbutica Arthri-
ticis maritata , Alteratio , Succus Her-
barum Martiati in uſum commen-
dantur ; ut & Aq. Ferratæ Diure-
ticæ ; & Decoctum Teæ. Pomaceum
aliquibus prodeſſe poteſt , præſertim
Æſtate ; & Hyeme Cereviſia Rad.
Oxylap. &c. medicata.

XII.

Nullus hic Crepitus Oſſium , at Tu-
mor pedum minimè prætermittendus ;
Ejus Descriptio ;

XIII.

Et Curatio.

XIV.

Historia I. Ab Arthritide Scorbuticâ
Ulcus malè tractatum ; unde Viſus
Abolitio , deinde Abſceſſus , & demum
Mors.

Hist. 2. Scorbutici Calidioris ſoboles
Arthritis.

Hist. 3. Morbus Articularis , Scorbuti
Alumnus , cum Vomitu Bilioſo , Δυσ-
πνοια & Volarum Ariditate.

Hist. 4. Scorbuto ſuborta , & Ejus Eru-
ptionibus adjuncta , Arthritis.

Hist. 5. Pedum Tumor Scorbuticus ,
Arthriticus ; cum pruritu ferino.

C A P. III.

De Arthritide Lui Venereæ ſucce-
denti.

AB antiquo Venus immoderata ,
dudum autem , Lue ad eam ſe
adjungente , Arthritidem maximè
creberrimeque introducit.

ART. I.

Horum Morborum Convenientiæ , &
inter ſe conſenſus ; unde ad hanc ab
illa tam facilis Migratio.

II.

Nemo à recenti Lue Ποδάρηξ. Miasma
Venereum evehi priùs & maturari

oportebit, quàm Articulis impingi potuerit. Ideòque rarò nisi Grandiores invadit hæc Arthritis, scil. à Lue derivata. III.

Sed nec à Veteri Patura procreatur, ubi Arthritidi moliendæ Natura impar reperitur. IV.

Paturam Arthritida parientem adjuvat Mos Empiricorum ille, quo in curandâ Gonorrhœâ præproperè, & neglectâ vel remissè facta Purgatione, Puris excretio supprimitur. V.

Luis in Arthritidem Mutatio, ex Ægroti Corpore ad eam recipiendam idoneo, vel secus, pendet quàm plurimum. Arthritis ista nunc in eodem Corpore cum Lue generatur, nunc per Concubitus in diverso. Uti à Nutricis Lue in Alumnum derive- tur Oculorum Epiphora, &c. VI.

Quodnam hac Arthritide Afflictorum Corpus. VII.

Morbi hujus Diagnosim qualiscūque. VIII. Intercisis ejus Paroxysmis Apoplexia, vel Motus Convulsivi plerumque fatales (si nulla fuerit Evacuatio) superveniunt. IX.

In Paroxysmo, Dolor Hypnoticis, sed cautè adhibendis, nè illorum abusu, Materia Morbi Nervis impingatur, mitigandus. X.

In Paroxysmorum Intervallis, à Lue Venereâ mutuò sumenda Indicatio; Antisyphiliticis Sanguis tuendus; è Mercurio comparata adhibeantur, maxime verò per ea Salivatio: quod- nā illius instituendæ Tempus imprimis opportunum: Placet etiam purgatio cum Calomelane. Post usum Mercurii, Lignorum Decocta misceantur. Valent Aquæ Diureticiæ diu recteque potæ: Valent etiam, ex Animonio, &c. Alterantia. XI.

Hist. 1. De Arthritide impurâ, Aquis Diureticis subactâ.

Hist. 2. De Arthritide, Luis Sobole, à Δυσπέπτοις irritata, Febrim excitante, Caput aggressâ.

Hist. 3. Lui Venereæ succrescens, Caput impetens Arthritis.

Hist. 4. Arthritis Lui ὀνιζρομίν, Victu, Digestivis, & Equitatione moderata; tandem Intestina invadens, Sanguinis ὄνω καὶ κατω Missionem pariens.

Hist. 5. Arthritis Lui Venereæ superveniens, Melancholiam, Caliginem, Vertiginem, Convulsionem universalem, & demum Mortem, inducens.

C A P. VIII.

De Arthritide Asthmatica.

POdagra succrescit Asthmati creber- rime pituitoso; quo Affectu laborantes, nono & decimo ætatis Lustro, rarò maturius, dolent Articulis; maxime si præcesserit Medicina. ART. I. Quæ, ceu Cathartica, præcipue verò Δρασινωτέρα, ceu ex Alterantibus Anti-Asthmatica, gignendæ Arthritidi cum primis confert. II.

Arthritidis hujus Materia minimè recens æstimanda. Quia nemo repente Πόδαγρια: Quin potius in Corpore diu illam latuisse, Pituitaque forsitan involvi, & cum ea per Sputum κατ' ὀνιζρομίν excerni, credibile est. Æstate hæc Arthritis latatur; quod quidem ejus χαπανθειςμὸν. III.

Ita hæc Arthritis, Hyeme minimè obdormiscens, ab Asthmate superatur; sub ejus Persona delitescit: Æstate verò, cū ad Ambitū Corporis Sanguis liberiùs effertur, propriè elucet. IV.

Ex;

Ex ista hujusce Materiae frequenti Ex-
pultione fieri videtur, quòd Arthritis
hæc omninò blanda, minimèque Dolo-
re vehementi; multò minus Tosis, &c.
est signata. Indicium ejus optimum in
eo locatur, quòd Asthmati usitate & ex
more submittatur; cætera Arthritidi
primigeniæ persimilis est. V.

Ex ista Successione in Symptomaticis
habèda est, & Pectoris Spiritus, Tussis,
Sputi consideratione cõprehendit. VI.

Neque enim hunc in modum Asthmati-
cos, Arthritidem negligere juvabit;
quin simul atque fieri potest in Ar-
ticularis Dolorem excitare, quo leve-
tur Pulmo. Hac de Causa, Sanguinis
missio, vel parca admodum, vel nulla,
ne Arthritidi protrudendæ Natura
impar reddatur, admittenda. VII.

Per *Δυσμώτερος* Catharsis instituenda,
quibus Sanguis in Orgasmm excite-
tur. Catharsis etiam Pulmonem exo-
nerat, Spiritumque liberat: Sed,
quoties in Simplici Asthmate Pitui-
toso, non toties hoc in Asthmate re-
petenda, ne recta Arthritis impedia-
tur. VIII.

Ad depellendum Asthma, & concitan-
dam Arthritida, mane Inf.am. Cha-
lyb. exhibeatur: Quarta pom. & no-
na vespertina Balsami alicujus, vel
Tinct. Sulf. Dosis majuscula. Diebus
aliquot interpositis, extrà loco sæ-
pissimè dolenti Attrahens admo-
vendum; Tumori, vel quàm proximè
illum, Epispasticum. Quando Artus
per se invadit hæc Arthritis, omninò
promovenda est. Natura enim, Asth-
mati occurrit per Arthritida. IX.

Si Bechicis Opus usque fuerit, Iis, sed
lenioribus, Vespere utendum: Hinc
mane seq. Sputum, nec ad Meridiem
obtundetur Appetitus. Narcotica his

Asthmaticis parum tuta. Ad invitand-
um Somnum, si defuerit, adhibea-
tur Lectio, Frictio, &c. X.

Minuitur Asthma, quâ proportionè au-
getur Arthritis.

Huic Symptomaticæ adjungi solet Pe-
dum Tumor Serosus; Ambulatio-
ne, Frictione sæpe brevi tollendus. XI.

Ab hac Arthritide restitutis Equita-
tio commendanda; ut & Victus ido-
nea ratio; cum Eccoproticis, & Di-
gestivis, ad Asthma & Arthritida
præcavendâ, subinde repetendis. XII.

Sicco non nunquam Asthmati subnecti-
tur Arthritis. Illius Descriptio qua-
liscunque profertur, & in hanc Mu-
tatio arguitur. XIII.

Ejus Curatio breviter delineata. XIV.

Hist. 1. De Asthmate Pituitoso, per Ar-
thritidē, Exemplo notabili mitigato.

Hist. 2. De Arthritide, Asthmati ex
Plethora, feliciter adjuncta.

C A P. IX.

De Arthritide Febri Succedanea.

Febri non nunquã exquisitæ, & per-
fectæ, succedit Arthritis. ART. I.
Quæ quidem Successio, sive ob aliquid
ἐρεπεσθὲν in Sanguine contentum, si-
ve ob Glandulas obstructas oriatur
Febris, perfacile capiatur. II.

Ab eodem Miasmate (quod prius dixi)
concito & debacchanti, Febris; ab
ipso lenius moto, sed exulante, Ar-
thritis accersiri solet. His addendum,
quòd Virus Arthriticum concitandæ
Febri valdè appositum est. III.

Secundo, si Febris à Glandulis obstru-
ctis sit, illa obstructio Sanguinis Or-
gasmm parere potest; ut & ille

Orgasmus, (sic ut Æstus Exercitatione quâvis adscitus) Arthritidis Paroxysmum. IV.

Hujus Symptomaticæ Natales optimè illustrat Angina Arthritica; quæ quidem manifestò Arthritis est Anomala, cum Febre magnâ & gravi præcedente. Morbo tamen acuto, rariùs forsàn quàm diutino, ὀπυγνεται Arthritis. V.

Ratione Paroxysmorum, una est Arthritis ex Febre nata; eaque Arthritidi Primigeniæ persimilis: Ratione Ortus, multiplex est, & longè à se diversa; quod particulatim exponitur. VI.

Quæ Febrim comitatur Arthritis omnino provehenda est, & promovenda; quæ præcipua, unica hujus medendæ Indicatio Therapeutica. Verum in hujusce Symptomaticæ Prophylaxi, Febris illius, cujus Symptomatica Fœtus & Germen est, habenda ratio. Si Habitudoινι Πονηρικῇ subolescat Arthritis, Habitudoινem istam efficiens Materia exterminanda, corrigenda, prævertenda. Si Febri Ερυσιπελατωδῇ submittatur, durante Insultu, per Cardiaca & Diaphoretica utriusque Materia dimittenda est: In Vacatione, causa antecedens Aquis Diureticis auferenda, Lacte Asinino, &c. permulcenda: Et sic in aliis hujus generis Symptomaticis. VII.

Hist. 1. Arthritis Synocho secundaria.

Hist. 2. De Arthritide Habitudoινι Πονηρικῇ subjunctâ.

Hist. 3. De Arthritide cum Febre Ερυσιπελατωδῇ vires exercente.

Hist. 4. Quartanam, Cortice suppressâ, Arthritis sequitur, cum Arenulis.

Hist. 5. De Quartanâ in Arthritidem mutata.

C A P. X.

De Arthritide ex Colica.

Colica in Chronicis hujus Populi pervagatissimis est; ejus, quæ Arthritidem præcurrit, Descriptio generalis. ART. I.

Est autem ea non nunquam Biliosa; quæ breviter depingitur. II.

Ejus in Arthritidem Metamorphosis: Istiusque Commoditas; sive Caput, sive Intestina spectemus. III.

In hac Arthritide Materia foras elicienda, idque Remediis potissimum externis. Cardiaca interna (quæ hujus Curationis Proprietas esse videatur) admodum cautè usurpanda, ne in Caput arietent. IV.

Alia verò Colica est (Arthritidis productrix) à Pomaceo immiti acidoque: Et est ejus proportione. Quo tempore nostros Homines invadat: Confirmatæ illi, & inveteratæ supervenit Arthritis, genuinæ persimilis. V. Natura istam Mutationem per se non nunquam molitur, sæpe verò numero per Purgationem Drasticam & Elateriam; non nunquam etiam Cardiacis internis excitata. VI.

Habet hæc Arthritis Dolorem acutissimum; in Colicam ex facili revertitur; iterumque Arthritidos Personam induit, iterumque deponit; raro Tosis &c. signata est. VII.

Alia Podagram progignit Colica, quæ à Dyspepsiis oritur: Hujus Descriptio. VIII.

Qui sunt hujusmodi Κακος ἑμαχοι, Ætatis flexu aliquando Arthritide laborant; quæ Colicam tum exceptat, tum ab eâ sæpe excipitur. IX.

Utrum

*Utrum hæc Arthritis à Colica derive-
tur; an potius Arthritis sit, dudum in
Intestinis Anomala, jam verò in Ex-
ternis Partibus rectè se habens, etsi in
dubiis ponatur, in Arte faciendâ
eòdem ferè recidit: Neque depelle-
tur hæc Arthritis, nisi Colicam,
cui subjicitur, intueamur. X.*

*In Paroxysmo semè eadem, ac in Arthri-
tide Exquisitâ, Medendi ratio: Pro-
phylaxeos alia atque alia est, pro
Causæ remotioris diversitate. XI.*

*Hujus Tribûs Symptomaticarum Pa-
roxysmi omnium maximè per Ecco-
protica, vel præcaventur, vel mi-
nuuntur. XII.*

*Hist. I. Arthritis Colicæ Biliosæ secun-
daria.*

*Hist. 2. Arthritis, Colica ex Pomaceo
δυσγαστρίῳ.*

*Hist. 3. Colicæ ex Dyspepsiâ diurnæ,
Gonagra superveniens.*

*Hist. 4. Ex Colicâ Paralyticus, Arthri-
ticus, Inunctione trucidatus.*

C A P. XI.

*De Arthritide Morbis quibusdam
Cuticularibus subjecta.*

QUÆ Achoribus, Hæmorrhoidi-
bus, & Ulceribus superest Ar-
thritis, hoc Capite tractatur. ART. I.

*Morbi ejus primarii alienum aliquid
expellunt; adaucta eorum Materia
Turbas ciet in Sanguine, quas sequi-
tur Arthritis. Arthritico durante
Paroxysmo, conquiescunt Affectiones
Primariæ. II.*

*Hujus Symptomaticæ Diagnos: Est ea
Primigeniæ Arthritidi conjunctissi-
ma: ideoque postremo hoc loco discuti-
tur. III.*

*Morbus quicumque fuerit Primarius
omnino promovendus: Ulcus, per Ca-
thartetica; Achores, per Epispastica,
vel leniter Attrahentia; Hæmorrhoi-
des, per Aloetica internè data; per
Hirudines externè adhibitas. IV.*

*Hist. I. De Arthritide Aurium Achori-
bus subjectâ.*

*Hist. 2. De Arthritide Ulceribus subo-
lescentis Epispaticis allevatâ.*

*Hist. 3. De Arthritide (cum Febre In-
termittente) ex Hæmorrhoidibus oc-
clusis.*

C A P. XII.

*Corollaria & Spicilegia quædam ha-
bet, cum Epilogo.*

EX prædictis sequitur, quod Sym-
ptomaticis quæ genuinæ Arthritidi
sunt vicinæ (id est, Colicæ, & Mor-
bis Cuticularibus submissæ) maximè
consentiunt illæ, si tantum Materiam
earum intueamur. Quæ sunt minus
propriæ; Chlorosi nempe, & Hydropi
δυσγαστρίῳ; ideoque magis pro-
priis postponi poterant, imò quidem
debuerant.

ART. I.

*Si quis Materiam, v. g. Luis, non Ar-
thritida Falsam, verum Exquisitam
parere; itaque Symptomaticas hæscæ,
& inter se, & cum Arthritide Ex-
quisitâ congruere argumentetur: Ni-
hil isthuc Auctorem movebit; quando
Symptomaticarum à Morbis spe-
cie differentibus successio, eas etiam,
(quoniam Morborum Primariorum
Materiam, unde ducenda earum
Specificatio, manifestè retinent)
specie differre monstrat; proprias
postulare Curationes; ut & propria
Vocabula.*

Vocabula. Si quis autem eas Arthritidis *Vocabulo* includi voluerit; Quanta quæso hæc *Æquivocatio* (Arthritidis,) *singularem Morbum* exprimere soliti, jam verò quam plurimos, eosque *Specie discrepantes Morbos* exprimentis? Dato verò hæc *Symptomaticas* convenire (quod tamen nec probatum, nec concessum) ad earum *Curationes* tum explicandas, tum exigendas, ex usu erit eas haberi *differentes & discordantes.* II.

Scorbuto, aliove quovis è Primariis Affectibus supra dictis Laborantē, Primigeniâ simul Arthritide posse laborare, non diffitetur Auctor; cui cum hisce tantum *Morbis Negotium*, qui *Arthritidos induunt personam.* III.

Aliæ sunt Imagines Arthriticæ minus perfectæ; quæ sæpe Scorbuti, vel Rheumatismi nomine appellantur. IV.

Glandulæ Articulares sunt ex celeberrimis totius corporis Excerniculis. V.
Epilogus.

Observationes Anatomicæ &c. in Actis Philosophicis Londinensibus, ab Auctore divulgatæ.

Numero 151.

In testinum Canis Cæcum feliciter exectum.

Nº. 162.

Instrumentum Coctionis Primarium esse Spiritum Alcalici generis Vola-

tilem, & de Glandulâ in Ventriculo Lucii Piscis Tubulata.

Nº. 166.

De Liqueurum in Laeteas Ingressu subito, Coloreque in iis non semper Albo. Contra Walæum, &c.

Nº. 167.

Molis immensæ Glandula Cor Bubulum, præter naturam, comprehendens.

Nº. 240.

Primarius Respirationis Usus Experimento illustratus. Pro Dº. Thurstono.

Nº. 240.

Pectoris Hydrops Artificialis.

Nº. 242.

Aphonia Periodica.

Nº. 247.

Magni Regis Arthuri Cimeliarchum, in Reverendi Viri Di. Geo. Hickes S. T. P. Thesauro Linguarum Vet. Septentrionalium Grammatico-Critico, brevi edendo, planius & accuratius describendum.

Nº. 258.

Bronchotomos promota.

Nº. 266.

De Polypo raræ Magnitudinis in Cane reperto.

Nº. 271.

Menstrua Viri cujusdam Hemorrhagia, temerè suppressa.

Nº. 275.

Venæ Laeteæ (post Clarissimum Listerum) Coloratæ.

GUILHELMI
MUSGRAVE

*M. D. Inclyti Medicorum Londinensium Collegii,
& Regiæ Societatis Socii,*

D E

ARTHRITIDE

ANOMALA, SIVE INTERNA,
DISSERTATIO.

Καὶ τὸτο εὖ εἰδέναι χρὴ, εἴτε Λύεῖ ἢ Νῆσος, εἴτε Μεταπίπτη εἰς ἑτέραν
Νῆσον. Hippocr.

EDITIO NOVA *accuratior.*



GENEVÆ,
Apud FRATRES DE TOURNES.

M. DCC. XLIX.

Librum hunc , cui Titulus
(*De Artbritide Anomala , &c.*)
dignum censemus , qui *Imprimatur* ,

Edvardus Broune , Præses ,

Carolus Goodall ,

Johannes Bateman ,

Tho. Gill ,

} Censores.

Datum ex Ædibus nostris
Maii 3. 1707.

P R Æ F A T I O.



IN Dissertatione non ita pridem edita, de Morbis iis Sermonem fecimus, qui, ab *Arthritide Primigenia* distincti, natura & indole plus minus remoti, stationes suas deserunt; ad illam adpropinquant; ejus ritu Paroxysmos agunt, *Artus* affligunt: Quoniam verò, præter *Arthritidis*, sive *Symptomaticæ*, sive *Primigeniæ* Paroxysmos eos, qui in Artubus omnino locum habent; & à me *Idonei*, *Recti*, & *Regulares* appellantur; alios adhæc Insultus faciat *Arthritis* utraque, & interdum *Trunci* Partes has illas, Sedes, & Regionem intret alienas, atque illas sæpe mulctet gravissimè; hos utriusque *Arthritidis* Errores, has Obliquitates, & *Ανωμαλίας* hoc loco exponere decrevimus.

Dari verò sibi postulat hæc Dissertatio, (& quidem optimo jure postulat dari) suos esse *Arthritidi* Cancellos, suos Limites certos, & definitos; quibus se quamdiu continet, tamdiu *Regularis* illa judicari potest; quotiescunque verò eos excedit transilitque, toties *Anomala*. Dicam planius & apertius *Arthritidi* *Subiectum*, unos *Artus* esse *Regulare*, proprium, & suum hanc illos vindicare; Domicilium in illis collocare: contra verò, Organicam *Trunci* Partem aliquam, sive *Provinciam internam*, non nisi *deviam* usurpare; non nisi *Anomalam* invadere. Quæ quidem harum in Corpore Regionum designatio partitioque, non ex Arbitratu nostro fieri, vel Opinionis commentum esse, verum, e diverso, in Natura stabile, & fixum habere fundamentum Usu & Experientiâ confirmatum, inveniatur.

Quotusquisque Medicorum *Impetiginem*, e. g. Virus in *Cutim* effundentem, Squamas (sic, ut moris est) præ se ferentem, animo perpendens, *Cutim* illi propriam esse Sedem, non existimaverit? Quotus etiam quisque est, qui relicta *Cute*, si Materia vitiosa *Pulmonem* ingrederetur, & *Tussim* faceret; non, hanc illius à suo in alienum locum aberrationem esse, judicaverit? Quis, hujusmodi *Tussim*, à vulgari & exquisita dissidere, multumque discrepare, non libenter affirmaverit? Quis, aliâ Medendi Methodo, quam quæ *Tussi* conducatur exquisitæ, tractari eam oportere, vel secum dubitaverit? Imo quidem istiusmodi *Tussim*; etiamsi *Bechica*, reliquaque Remedia *Pulmoni* dicata, minimè respuerit; tamen, per Materiæ Translationem in Corporis superficiem, in Sedem illi usitatissimam, (unde *Pulmoni* cautum esset, donec è Corpore prorsus expellendæ ejus daretur occasio) id est, per renovatam *Impetiginem*, modo renovari posset, appositè curari, quis in Arte nostra prudens abnegaverit?

Quæ hîc de *Impetigine*, mutato nomine de *Arthritide*, narretur Fabula. Pari enim modo, atque illi Ambitus Corporis, huic *Artus*, *Subiectum* & Sedes est exoptatissima. Quod vel eo liquet, quoniam hos suapte sponte adit

P R Æ F A T I O.

Arthritis; hos incolit; hos invita, plerumque exacta, linoit; hos celerrimè revisit: *Truncum* autem, nisi coactu, raro premit; Causa nempe fortuitu aliqua Naturæ consilium mutante, rationem Morbi conturbante, Morem alterante: Unde jure merito, quæ Artuum est *Arthritis*, habeatur *Regularis*; quæ reliqui Corporis, *Anomala*. Simili etiam modo, atque de *Tussi Impetiginosa* diximus, quæ e. g. *Tussis* est *Arthritica* (quandoquidem ex Miasmate *Arthritico* fiat) à vulgari & primigenia *Tussi*, si rectè comparetur illi, primum differre existimetur. Postremo, (ut in *Impetiginoso Tussiente*) nihil hac *Tussi* laborantibus conducibilius, nihil *Arthritidi* huic *Anomalæ* magis aptum, quàm ut in Viam ea, quaquà possit arte, reducatur, & fiat *Regularis*: id est, in Artus ut ejiciatur.

Præmissa hac *Arthritidos* (in *Regularem*, & *Anomalam*) divisione, tanquam hujus Scripturæ Basi; de *Arthritide Anomala* differere non jucundum modo, verum etiam utile; sed & difficile cogitandum. Est enim illa, Primum, perobscura, tenebris occultata, neque perpetuo animadversa; maximè, si ex primo ejus aspectu, nempe Symptomatum concursu, (qui vulgi mos est) Diagnoses statuuntur. Partium quas invadit, Morbos, adeo ex amissi illa proprios & vernaculos, imitatur; ad eorum Modos se tam accuratè comparat; ex eorum Vultu, suum tam Mimicè componit; ut à Medicis omnis seculi omnino omnibus aut prætermissa, aut tantum leviter tacta; à nemine unquam Hominum, quod sciam, explicata fuerit; nedum à quoquam, uti par est, impugnata.

Deinde, illa ita numero (veluti Erroris alias natura) multiplex est; ut raro ullam in *Trunco* Regionem, ea prorsus immunem; nullam fere, quam non aliquando ingrediatur, animo liceat comprehendere: Ut *Trunco* quot Partes sint Organicæ, tot propemodum *Arthriticæ* sint earum *Anomalie*. Porro, tam à se diversæ sunt ut Malorum, quotquot undique Corpus Humanum infestent, eorum omnium vix ullum magis; vix ullum observare licet æquè πολύτροπον, πολύμορφον.

His adde postremo, importunam, semper eam esse, (sed ratione valde dissimili, & inæquali) imo quidem non raro summè periculosam: Quoties nimirum Miasma *Arthriticum*, Viscus aliquod è nobilioribus, & ad Vitam maximè necessariis ingressum illud sic, ut affolet, corrumpat. Hoc autem crebro fieri, hæc nostra *Dissertatio*, nisi quid me fallit, manifestum & testatum reddet. Testatum, inquam, reddet, *Arthritida* non solum (*Regularem*) Artubus Dolores, Tumores, Tofos, aliaque istius generis mala (quæ *Arthritidem* omnino omnem indicare, vulgo fuere judicata) inferre; verum etiam (*Anomalam*) modo *Ventriculo Nauseam*; modo, *Intestinis Tormina*; modo, *Renibus Nephritida*; modo, *Pectori Asthma*; modo, *Pulmoni Tussim*; modo, *Faucibus Anginam*; modo, *Cerebro Apoplexiam*; modo, *Nervis Paralyzin*: &, quod *Trunci* Partes, Affectibus indigenis satis superque afflictatas, usque novis & peregrinis aggraves; usque miseros Mortales excruciet; tunc, ut sæpe accidit, maximè crudelis, quando minimè suspecta.

Tantæ pestis & tam funestæ impetum, ut Ego pro virili sisterem; harum
Anoma-

P R Æ F A T I O.

Anomaliarum Doctrinam, & Disciplinam attentavi : Quos in *Trunco* locos adeat *Arthritis* ; quibus in Corporibus , quæ præferat *Diverticula* ; quæ *Laticibula* : itaque quos illa , generatim ; quos , speciatim , *Mæandros* , *Anfractus* , & *Obliquatites* amet : quibus de Causis eas incipiat ; qua Velocitate percurrat ; quo Eventu terminet : quodnam item *Anomalæ* cujuslibet *Ei* ; quæ *Accidentia* ; qualis , à Morbo Partis affectæ proprio , *Differentia* : qua demum Arte præcipuè quam peculiari , & privata , quælibet oppugnari ; quaque præcaveri debeat , tradere conatus sum.

Circuli , Curvarum Linearum perfectissimæ , Natura & Proprietatibus explicatis ; ea re minimè contenti Geometræ parvam & tantum inchoatam istiusmodi Linearum Mathesin , esse putavere ; nisi etiam Curvæ minus Regulares enodatae fuerint : atque ideo *Ellipticam* , *Asymptotas* aliasque Curvas , *Circulari* minus perfectas , susceperunt ; & in iis extricandis operæ multum impenderunt ; tam sibi met ipsis , quàm aliis , utile & jucundum.

Quæ verò me ad Opus hoc aggrediendum impulerunt , imprimis duo sunt : Alterum , quod *Damnonios* , Populum nobilissimum , & de me optimè merentem , *Arthritide Anomala* , perinde atque *Recta* , multum urgeri vexarique , jam diu observaverim ; illaque multo plures , quàm hâc occidere ; ut *Arthritis Anomala* Morbus non immeritò *Lethalis* habeatur ; uti , quæ *Recta* , *Salutaris* : rarò enim hæc ægrotum interimit , nisi *Anomala* prius facta. Quibus tamen Hominibus , cum plerisque aliis , Morbi illius facie miserè deceptis , de vero ejus Ingenio , nempe *Arthritico* , raro unquam ulla fuit Suspicio. Et tantopere sub aliena Larva debacchatus est in Eos hic Affectus ; ut , ex iis qui *Apoplexia* , qui *Colica* , qui *Syncope* , qui *Phthisi* , qui *Asthmate* , qui *Apoplexia* , (ne dicam alios Affectus , utique complures) Exquisita , Pura , & Genuina perire , & è medio tolli censerentur ; revera *Arthritide* ; unum eorum aliquem æmulante , & larvam induente , non pauci , atque adeo (quod verissimum est) permulti fuerint sublati : non solum Morte , sed & ignota ejus Causa , infelices. Quas tamen eorum *Arthritides Anomalas* , Methodis hisce nostris opportunè adhibitis ; quam iis , quæ Continentem , & Proximam earum Causam minimè attigerint ; nec quidem unquam respexerint ; facilius cedere potuisse , conjectura ducor ad suspicandum.

Quod verò præterea Calcar , atque Animum , ad scribendum dedit , altum erat illud de *Arthritide Interna* , sive tollenda , sive dignoscenda , apud Autores Medicos Silentium. Etsi enim patet , Eam , ut & Periculum , quod Eam insequatur , non esse novum , aut Artis Professoribus ignotum : tamen , quia neque illud Periculum , neque ipsa *Arthritis* ; multo minus ejus Curatio ; de data unquam Opera , vel pro ejus Dignitate , & Momento , fuit à quoquam unquam exposita ; nec , quod sciam , inchoata : idcirco ejus Doctrina , quatenus Diagnosin , & Therapiam ejus comprehendit , inter Artis Medicæ Defectus , & Desiderata , non immeritò censeatur.

Ne verò quis , ex eo Medicinæ Consultorum hac in re Silentio , *Arthritidis* hujus in dubio ponat *πρόβλημα* ; & de Morbo , non tam gravi periculosoque ,

P R Æ F A T I O.

quam commentitio imaginarioque, disputare me coarguat; Operæ pretium existimo, Veterum, quorum Autoritate Morbus ille (*Arthritis* scil. *Interna*) confirmari possit, è multis aliquot Testimonia proferre.

Annos certè millenos abhinc septingentos (i. e. sub *Augusti* *Cæsaris* Imperium) *Aretæo* ille *Cappadoci* innotuit, ita de *Arthritide* verba * facienti, τῶν ὅντων ἡ νόσος παντὸς τοῦ σώματος περιέρχεται. id est, *Quibusdam in omnis Corporis ambitum vagatur.* Et deinceps, Ἡ δὲ Μετάβασις ἐς νῶτον μῦα, ἔστιν ἐν τῇ ὀστέῳ. Ἀπίστων, ἐκ ὅσων ἔρπει τὸ κακόν. Σπόνδυλος ἀλγέει, ῥαχὶς τε καὶ αὐχέν, καὶ ἐς ἄλλον ἐπέσει τὴν ἑρπύδα. i. e. *Transitus quoque in Dorsi Thoracisque Musculos fit: Incredibile est, quam latè Malum (i. e. Arthritis) serpat. Vertebrae Dorsi, Cervicisque dolent, & in summo Sacri Ossis Dolor inhaerescit.* Et paulò post, Τέροντες, Ἀδίνες, Μῦες ἔνθασι ἀλγέει. Γνάθων καὶ Κροτάφων μῦες νεφρῶν καὶ κύσις ἡ διαδοχή. Ὁ τὴν Θώματ. i. e. *Tendines, & Musculi cum Distentione Dolorem patiuntur, nec non Maxillarum & Temporum Musculi. Item cum Renibus, & Vesica communicatur. O Rem admirabilem!*

Secundum hunc *Galenus* apertissimè, *Satius*, inquit, est, ut *Humores pravi* relictis *Principalioribus partibus*, in *Ignobiliores* ferantur, quàm quod ab *Ignobilioribus* in *Principes* impellantur. *Aspeximus etenim sæpe in his, qui Articulari Morbo, aut Podagræ obnoxii erant, quod, repulsis ab Artubus Humoribus eo delatis, illi in Principem aliquam Partem contendentes, Homini interitum attulere: cui ea sola relinquebatur Spes Salutis, si iterum possent ad Artus revelli †.*

Paulus etiam *Ægineta* nonnullorum meminit, qui *Aures, Dentes, Guttur, & non nunquam Jecur, Lienemque, Arthriticis Doloribus* conflictari pronunciant: *A* quibus, nisi desubito *Vitium* in *Artus* sese recipiat eructetque, periculum brevi tempore *Laborantes* occupaverit *.

Adhæc *Ætius* † (*Iano* interpretante *Cornario*) *Qui vero, ait, extreme ab hac Affectione (nimirum Arthritide) apprehenduntur, his & Spinæ Vertebrae, & Costarum Juncturae, & Genæ dolent, aliquibus autem & Iris, sive Corona pupillam Oculi ambiens: neque est aliqua Ossium Connexio, quæ ab hac Affectione sit immunis.*

Quibus animadversis, Trallianus * sapienter monet, *Ne astringentibus & repellentibus in affectis Partibus utendum esse, nisi totum prius Corpus Recre-mentis liberaveris. Nam quod Articulis influit, ne ad Principales Particulas recurrens, Suffocationis causa fiat Ægro, periculumque Mortis adferat, metuendum est. Et in sequentibus, Multos Attonitos, inquit, fieri conspiciamus, ubi Pedes tentari desierint.*

Quid?

* Lib. 2. Cap. xii. Ed. in Fol. August. Vindel. 1603. per Henischium.

† In *Hippocratis* Librum de *Natura Hominis*, Commentario II. ad Textum quintum: Editione *Parisiensi*.

* Libro 3. Cap. 78. Editione *Aldina*.

† Vide ejus *Tetrabili* tertiæ *Sermonem* quartum, Cap. vi. Editione *Frobeniana*. *Basileæ* MDXLII.

* Vide *Alexandri Tralliani*, Lib. II. Cap. I. *Basileæ* MDLVI.

P R Æ F A T I O.

Quid? quod *Demetrius*, inter recentiores Græcos, *Pepagomenus*, *Michaelis Palæologi* Medicus, his assentiatur; Libro (istius Imperatoris jussu) de *Podagra* scripto, *Non tantum*, inquit, in *Manus*, *Pedes*, *omnes Articulos tales ferri Fluxiones: verum etiam in Cerebrum*, *Jecur*, *atque adeo ipsum Cor*: *Easque teterrimas esse liberatuque difficillimas.* †

His accedunt ætate nostra *Sennertus*, *Sylvius*, *Etymullerus*, *Sydenhamus*, & complures alii; ut, tametsi *Arthritidos Internæ*, qua latè patet, *Diagnos* certa & fidelis, supersit nulla; nedum ejus ulla *Curatio* propria; Morbum tamen eum, *Medicorum* omnis fere ævi opinione, revera esse; eumque *Magnum*, & *Ancipitem* esse, omnino constet: Et quidem mirari aliquando subiit, in Morbo, toties à *Veteribus* significato, per tot secula *Genus Humanum* affligente, explicando curandoque; ab eorum temporibus ad hunc usque diem, *Progressum* adeo parvum fieri; adeo *Nihil* agi: *Utinam*, quæ à nobis hanc ob rem in medium feruntur, *Proposito* respondeant.

Illud denique adjiciam, unde *Lectori Hippocratis* æmulo, (id est, *Præceptoris in Medicina optimi Discipulo*) *Dissertatio* nostra, uti spero, commendetur, & *Gratiam* ab eo ineat; *Omnem* hanc *Arthritidum Anomalarum* *Disciplinam*, sive *Ætiologicam*, sive *Therapeuticam*, cum *Medicina Hippocratica*, quantum in me est, convenire; &, (posthabitis *Hypothesibus*, *Naturæ* verò *Judiciis* tum avide investigatis, tum etiam diligenter examinatis) ad *Ejus* normam & legem componi. Nec enim ille parum auspicato *Medicinæ* operam dat, qui id aliter facit, quàm *Natura* Duce, & *Comite Ratione*: Hoc autem minimè omnium illi videntur facere, qui, neglectis *Phænomenis*, *Naturæ* nomine venditent *Opiniones*; itaque sibi, suisque similibus *Fraudi*, aliis sint *Ludibrio*.

Quare, de *Humorum Transitu Migrationeque*, & ab *Artubus* in *Partem* aliquam internam *Recessu*; de eorum in ea *Parte Receptione*; deque eorum *Medicamentis* ore sumptis, in *Artus Expulsione*, extra verò applicatis *Revulsione*, creberrimè nobis *Sermo*. Sunt autem ista plane *Hippocratis Μεταστάσεις, Διαστίξεις, Αποκρίσεις, Αντιστάσεις*. Imo quidem, hanc nostram *Medendi Methodum*, verbis generalibus, *Ipse Divinus Senex* proposuit, præcepitque: *Præcepit enim Αντισπᾶν, ἢ μὴ ἢ δὴ πέπει: ἢ ὅ ὅτε δὴ, τὰ τῶισι δὴ σομῶν, αἷος ἵνασα πέπει.* id est, *Revellenda ea, quæ quo non oportet, repunt: Sin autem quo convenit, iis Viam sternere oportet, ut singula eo vergant.* Quo quidem *Aphorismo*, (tanquam *Oraculo*, *Apollinis* instinctu edito,) tum *Anomalæ*, tum *Primi-geniæ Arthritidos* *Curatio* tota brevi comprehenditur.

Morbi Hipochondriaci *Diversitates* & *Morborum* innumeras aliorum *Imitationes*, quæ per omne ævum *Medicis* fucum, *Ægrotantibus* molestiam fecerunt; à *Clarissimo Sydenhamo* graphicè depingi, solertissimè curari vidimus. *Utinam* etiam *Arthritidis*, *Morbi* similiter multiformis *Varietates*, *Simulationes*, *Flexiones*, *Anomalias* qui exprimeret, & pro rei dignitate, & amplitu-

† Cap. v. Editione Parisiensi, per Charverium.

P R Æ F A T I O.

amplitudine describeret , par esset *Sydenhamo*. Hisce verò desperatis , huc spectantia , quæ à me fuere passim observata , lubens in medium fero ; ea Spe fretus , etiamsi non perfectas & absolutas , tamen non nullas harum *Anomaliarum* , per hæc nostra qualiacunque , fieri tum Historias , tum Curationes.

Habes , Lector , Instituti rationem & consilium : Utrique Fave.



E L E N C H U S.

| CAP. I. | DE Arthritide Anomala , <i>Generatim</i> . | Pag. I |
|---------|--|--------|
| II. | De <i>Ventriculi Affectibus</i> Arthriticis. | 9 |
| III. | De <i>Colica</i> Arthritica. | 30 |
| IV. | De <i>Diarrhœa</i> Arthritica. | 47 |
| V. | De <i>Dysenteria</i> Arthritica. | 54 |
| VI. | De <i>Abscessu Intestinorum</i> Arthritico. | 60 |
| VII. | De <i>Melancholia</i> Arthritica. | 65 |
| VIII. | De <i>Syncope</i> Arthritica. | 70 |
| IX. | De <i>Calculo Renum</i> Arthritico. | 74 |
| X. | De <i>Asthmate</i> Arthritico. | 79 |
| XI. | De <i>Catarrho</i> , <i>Tussi</i> , & <i>Peripneumonia</i> Arthritica. | 89 |
| XII. | De <i>Phthisi</i> Arthritica. | 99 |
| XIII. | De <i>Angina</i> Arthritica. | 106 |
| XIV. | De <i>Capitis Dolo</i> re , & <i>Vertigine</i> Arthritica. | 116 |
| XV. | De <i>Apoplexia</i> Arthritica. | 129 |
| XVI. | De <i>Paralysi</i> Arthritica. | 141 |
| XVII. | De <i>Doloribus</i> in Corpore vagis , fixis ; de <i>Ophthalmia</i> ;
de <i>Erysipelate</i> ; & <i>Achoribus</i> Arthriticis. | 153 |
| XVIII. | De <i>Epiphora</i> , & <i>Dolo</i> re <i>Dentium</i> Arthritico. | 156 |
| XIX. | Corollaria <u>continet</u> , <u>cum</u> Epilogo. | 157 |



D E

ARTHRITIDE

ANOMALA,

GENERATIM.

CAP. I.

ARTICULUS I.



UM materia peccans, & aliena, quæ *Arthritidos* sive *Primigeniæ*, sive *Symptomaticæ* causa proxima, continens, & conjuncta est; post aliquam in Sanguine moram, Naturæ demum molesta, ideoque expellenda, jam exilio parata est; permagni sanè refert, quas in corporis partes ea mittatur; quibus in locis deponatur: Si enim in *Artibus*, maxime verò si eorum commissuris; sicque ut de ejus in Sanguinem reditu nullum sit periculum; profectò quidem hoc est ipsum Naturæ propositum, quod in sui defensionem omni

illa studio, summis viribus attentat: hæc morbi hujus solutio fida, accommodissima: hæc *Arthritis* exoptatissima, quæque jure merito nominetur *Regularis*.

II. SIN aliter acciderit, & ad corporis *Truncum*, sive aliquam ejus partem, materia fuerit appulsa, & in ea malum more suo machinata; longè alia rerum facies, alius est eventus: Nam aut nulla morbi fit solutio, aut saltem inepta, naturæque votis minimè respondens. Novus ex eo morbus exoritur, ilque sæpe periculosus, sæpe perniciosus; indole, & ingenio, propter materiam ab *Arthritide* ductam, admodum singulari. Atque hæc istius materiæ, in ea quæ intus sunt, è sanguine ablegatio, & in iis commoratio; quandoquidem ex primo Naturæ instituto (quæ semper *Regularem* præfert, & quoad fieri potest, molitur *Arthritida*) minimè

peragatur; verum multo aliter ex illius errato, vel defectione: hæc, inquam, *Arthritis* à nobis appellatur *Anomala*; ea vocis istius significatione, qua apud veterem † Etymologum legitur *Anomalia*, id est, extra Regulam.

III. *Arthritidum Anomalarum Διαγνώσεις* difficultatibus quamplurimis involutæ, tenebris densissimis obscuratæ sunt; ut autem excudam, & ante oculos ponam earum rationem aliquam generalem, omnino distinguendum est inter eas *Anomalas*, quæ Regulari nullo præcurrente Paroxysmo sunt; & eas, quæ regularem *Arthritidis* Paroxysmum insequuntur.

Illæ quidem Partium, quas afficiunt, Morbos tam mimicè legitimos & exquisitos imitantur, ut internoscere illas, & ab hisce Characteribus proprio discriminare, prorsus ἀδύνατον existimetur. Quis enim, e.g. Morbosam istam affectionem, quæ in corpore, ad hoc usque tempus immuni, neque *Arthritidis* Paroxysmo regulari vel semel unquam tentato, vel ei (quantum apparet) proclivi locum habens, Anginam inducat; eamque Anginæ legitimæ tam similem, ut neque ovum ovo similis: quis, inquam, isthuc malum; quis hanc Anginam, *Arthriticam* esse somniaverit; quando nulli testes, Symptomata nulla, vel minima quidem ex parte id arguere videantur. Nihilominus tamen *Arthriticam* esse posse hanc Anginam, omni dubio procul usu medico confirmatum est. Quare prætermisiss hisce, quæ, ut nunc sunt Symptomata, & eorum interpretationes, supra captum huma-

num esse censeantur; ad eas progrediar *Anomalas*, quæ, Paroxysmum *Arthritidis* Regularem à tergo secutæ, *Diagnoses* habeant probabiliores.

IV. HÆ verò *Diagnoses* non ex Catervâ five Globo Symptomatum, simul semelque concurrentium, (quod in affectibus plerisque locum obtinet) expectandæ; sed ex Symptomatum serie, vel ordine, in longum producto, capiendæ sunt. Ut autem istæ Catervæ, Συμπεριμεινόμεναι ab antiquo παθολογικῶν νοσημάτων fuerunt nominatæ; ita quidem hi Ordines, *Pathognomonici* non ineptè nominentur.

Qui quidem Ordines *Arthritidum Anomalarum Pathognomonici*, pro istarum *Arthritidum* diversitate, diversi sint, oportet; & quidem alias conveniunt, alias inter se magnopere sunt disjuncti. Conveniunt in eo, quòd ad unum omnes ab *Arthritide* regulari sumant initium: quandoquidem, de *Anomala Arthritidos* ὑπαρξαι minimè unquam constabit, nisi de Regulari *Arthritide* præcurrente prius constiterit. Atque hæc istarum Διαγνώσεων pars prima est.

Discordant eo, quòd, eodem loco incipientes, diversas omnes ingrediuntur vias: Uti Radii ejusdem Circuli, ab eodem Puncto, nempe Centro, incipiunt; sed in varia Peripheriæ puncta desinunt. Ut hoc Exemplo clarius ostendatur, *Dysenteria*, v. g. *Phthisis*, & *Apoplexia Arthritica* consentiunt in eo, quòd ab *Arthritide* regulari, & in Artus sæviente, exordiantur omnes: Verum, quoniam Miasma nunc ad Intestina appulsum est, ubi loci *Dysenteriam* facit; nunc ad Pulmonem, ubi *Phthisin*; nunc autem ad Cerebrum, ubi *Apoplexiam*; idcirco

Arthritica hujus *Apoplexiæ*, *Phthiſeos*, *Dysenterici* *Diagnoses* ex *Cerebri*, *Pulmonis*, & *Intestinatorum*, nempe ex locorum affectorum signis, maxima ex parte sunt eliciendæ. Atque ista locorum, ab *Arthritide* in eos translata affectorum, accidentia, Διαγνώσεις harum est quod reliquum.

Quoniam verò hi affectus postgeniti, *Arthritidem* regularem nunc e vestigio sequuntur, nunc ex intervallo; eoque aliàs brevi, aliàs longiori; magna profecto, ob hanc rem, earum est diversitas. Alii originem plene & planè confitentur *Arthriticam*; alii, utrum habeant, an secus, minimè declarant. Adeoque, ut *Diagnoses* hæc finiam, hic *Canon* istorum affectuum *Pathognomonicus*. Quo certior *Arthritidos* regulari ὑπαρξίς, & illius materiæ, in ea, quæ intus sunt, quo postea certior est translatio; eo confidentius *Anomalam*, & quidem in parte jam nuperrimè occupata, esse *Arthritidem*, possumus statuere.

V. CUM autem *Arthritidem* ea, quæ intus sunt, *Anomalam* infestare dicam; vox (intus) ut & alibi (*Partes internæ*), uti etiam τὸ (*Anomalam*) & (*Truncus*) sic à me sumuntur, ut interne partes sint Trunci omnes: *Truncus* autem tres Ventres comprehendat, & cum Artubus (quorum respectu partes ejus dicuntur *Internæ*) constituat universum corpus. Ut autem voces (*internæ*) & (*intus*) & (*Truncus*) sensu largiori, ita vox (*Anomala*) strictiori accipitur: Non enim omnes *Arthritidos* in Trunco *Anomalias*, non Artuum ullas, tractare propositum est.

VI. HINC *Arthritidem* inter Regularem & *Anomalam*, quæ sit diffe-

rentia, quod discrimen, explicatu facillimum. Primum enim illa tantum Artus invadit, eorumque præcipuè articulos; tum humerum, & Coxendicem, tum cæteros omnes: Hæc corpus reliquum, cujus partes, nunc contentas, nunc continentis, aliasque sæpenumero adoritur, multifariam affligit.

Deinde, *Arthritidos* regularis, cuicunque articulo affixæ, quoscunque artus pervagatæ Symptomata, simul sumpta, inter se consentiunt, similiaque faciunt *Pathognomonica*, & (quod de similium Triangulorum lateribus solet dici) ὁμολογῶσι. Nam in *Arthritide* regulari fixa, dolorem fere perpetuo, tumorem creberrimè, ruborem sæpe, neque rarò ardorem & tofos cernimus: Et in Vaga dolorem, unde ipsius nominis ratio, Vagum; cui non nunquam accedit tumor albus, & tanquam ὀιδιμηματώδης. Contra verò *Anomala Arthritidos*, uti in locis ea longe plurimis est, ita longè plurima & diversa sunt Symptomata; in ordines ejus *Pathognomonicos* & numero plures, & valde dissimiles (secundum partes ab hac *Arthritide* tentatas & affectas) disponenda, & digerenda.

Postremo *Arthritis* regularis est à natura potissimè petita; maxima ex parte tuta, perpetuo desideranda, Crisis; ut ad vitam servandam imprimis necessaria; neque alium quemvis (nisi id casu fiat) morbum gravem, & ærumnosum habens supervenientem. Hæc contra ortus est sinistri, & ex Naturæ frustratione; rarò absque ægroti periculo, interdum summo comitata, exituque crebro fatali. Adeo nempe à regulari distinguitur *Anomala Arthritis*.

VII. ID autem memoria tenendum, non solum exquisitæ *Primigeniæque Arthritidos* esse has *Ἀνωμαλία*, verum etiam *Simulatæ Symptomaticæque*: easque esse *Arthritides Symptomaticas*, quæ *Primigeniam Arthritida* non tantum modo rectè agentem, sed etiam deviam, sed *Anomalam* sequantur, & in rebus permultis æmulentur. Hujus autem verbi vis, & interpretatio non ita intelligenda, ac si omnes *Symptomaticæ* ad *Anomalias ἀδυναμίας* omnes æquè proclives essent; e contrario, has illis sæpius, & longius excurrere, & quidem ad alios corporis locos, est exploratissimum.

VIII. AT Truncum illa universum non æqualiter infestat, aut pari modo lædit, verum, ut in Provincia exteriori *Arthritis Regularis*, sedem in pedibus principalem ponit; quam creberrimè frequentat, habitatque constantissimè: aliam secundi ordinis sedem elegit, nempe manus articulos; quos aliquanto rarius, sæpe tamen invisit: alios habet tertii, videlicet genu, cubitum, humerum, & coxendicem; quos articulos adit, quasi invite, omnium rarissime. Ita quidem in Provincia interiori, sive corporis trunco, *Arthritis* se gerit *Anomala*. Namque omnium sæpissime Venter, & intestina petit, & in iis tyrannidem exercet: hinc *Ἀνορεξία, Δυσωψία, Vomitus*, hinc *Colica, Dysenteria, Diarrhœa*; hinc interdum *Abscessus Arthriticus*. Sæpe caput, tanquam arcem munitissimam, aggreditur; & nunc *Vertiginis*, nunc *Cephalalgia*, nunc *Apoplexiæ* partes sustinet *Arthritica*. Aliquando etiam in nervos se insinuat; unde *Paralysis Arthritica*: Non rarò Pectoris regionem, ipirandique tentat organa;

& est vel *Asthma*, vel *Tussis*, vel *Hæmoptoe*, vel *Phthisis Arthritica*. Aliquando etiam Fauces invadit, & sub *Anginæ* vultu ludificat ægros. Interdum Gingivas, & appellari solet *Dentium Podagra*. Interdum Renes afficiendo *Calculus* infert, *Dysuriam*, *Stranguriam*: Aliàs, scilicet aliatque trunci partes, Viscera, Membranas, Musculos, Glandulas, Tendines, ligamenta, ne dicam ossa penetrat inficitque ut in omni Trunco, quod ea liberum, & ex toto sit immune, vix reperiatur.

IX. NE cui verò *Arthritidi* videatur alienum, tot ei, vel erranti, *Anomalias* obtingere; inque morbos, si eorum facies spectemus, numero tam multos, natura tam diversos, illam diffindi, & dispertiri; hoc cum animo cogitet; Primum, Virus *Arthriticum*, sanguine commissum, unà cum eo corpus universum circumvehens, in singulos ventris singuli recessus, in partes corporis omnino omnes immitti, earumque Adyta intrare. Deinde, iter ad articulos non adeò recta facere miasma illud, ut in aliis corporis regionibus minimè unquam divertatur; verum ex contrario, ad partem Trunci aliquam appulsum, in ea sæpe morari, sedemque tanquam propriam occupare. Postremo, illa commoratum, illius affectum aliquem, sed novi moris affectum, sed *Arthriticum* inducere tum posse, tum etiam solere. Ut *Arthritidis* imperium, usquequaq; dilatatum, amplum esse constet, pariterque fere atque humanum corpus immensum.

X. Causæ loco proximo perpendendæ veniunt; Eæ verò, uti mihi videtur, ita se habent. Alia est ipsum *Miasma Arthriticum*, vel in sanguinis sinu

finu inclusum; vel ad corporis extremitates amandatū; quod tamen iis minime defixum, aut inhærens, percussu proclive sit, & in Trunci Organicam partem aliquam facile repellatur.

Alia in ipsis Trunci partibus, quæ Miasma depositum accipiunt, inest. Earum enim infirmitas & ἀρτία major, minor; eaque interdum naturalis, alias acquisita, reddit eas Arthritico plus minus oneri ferendo idoneas. Atque hæc duæ causæ internæ sunt, & Procatarticiæ, & in Anomalis hujusce generis quibuscunque locum obtinent.

Alia est externa, & evidens causa; uti Emplastrum, Cataplasmata Ἀποκρυστική, Frigus, & quidem omne, quod materiam, vel à τῆς ἐξωθεν repellens, vel iis affigi prohibens; ad ea, quæ intus sunt, illam intrudat. Atque hæc causa frequens & pervagata, minimè verò constans, & perpetua est. Trunci enim partes aliquando debiles, & ἀττοί nulla omnino urgente vi externa, onus per se recipiunt, ultroque sustinent.

XI. DIFFERUNT inter se Arthritides Anomaliæ, Primò, secundum locos sive Subjecta: Alia enim est Ventriculi; alia intestinorum; alia pulmonis; alia Faucium; alia cerebri; alia nervorum; &c. Et quidem adeò differunt, ut, tot diversæ inter se morborum species, à plerisque omnibus fuerint existimatæ.

Tum, in eodem subjecto, differunt secundum causas: Ut enim illæ varietate magna distinguuntur; ut illæ nunc fortius, nunc remissius agunt; utq; hoc illoque modo, πολυτρόπως implicantur; Anomaliarum oritur Arthriticarum, quæ pari gaudet diversitate, vis & copia similiter varia.

Dicam planius, & distinctius; pri-

imum ratione materiæ, sive causæ continentis; quàm modo puram putam Arthriticam, modo alienam; uti Scrofulosam, Scorbuticam, vel istiusmodi aliam habet hæc Arthritis: Modo materiam rectà è sanguine effusam; modo ab externis partibus translata: Modo in iis partibus sævientem, membranas acriter rodentem; modo mollem, & edentulam: Modo in iis nuper rimè; modo ex intervallo. Unde Arthritidum Anomalarum multiplex varietas, discrimen ingens.

Deinde, ratione subjecti, nunc illud à Natura debile; (uti sunt glandulæ ferme omnes;) nunc materiæ vitiosæ à sanguine secernendæ Natura destinatum; (uti præcipuè sunt conglomeratæ;) Nunc malis moribus illud debilitatum; (quod in ventriculo sæpissime observatur;) nunc, prægresso aliquo morbo, quod in Hæmoptoicorum pulmone,) suspiciendo miasmatis Arthritico magis paratum est: Unde etiam harum differentiarum Anomalarum pæne innumeræ. Alia porro est differentia, ad hunc ordinem referenda: Nam ab alio subjecto, uti à Faucibus, ad Artus facillime, sua quasi sponte adit; expeditissimè; promptissime demigrat; ab alio, uti à nervis, non nisi difficillime removetur, & summis Medicinæ viribus; remediis, veluti μοχλικοῖς, interdum verò ne quidem ullis. Unde etiam ἐν τῷ διαχωρῶν harum Anomalarum magna diversitas.

Postremo, ratione causæ externæ; nonnunquam mero extremitatum robore, partium internarum ἰσορροπὴν exuperante; sæpe emplastris, cataplasmatibus, unguentis, linimentis, repellentibus, nonnunquam aere perfrigido; non nunquam pedum, in aquam frigidam,

gidam, vel falsam immersione; alias Ligaturis, aut Tibialibus nimis angustis fit *Arthritis Anomala*.

Ex hac varietate qua *Subiecti*, qua *causarum*, *Arthritides* sunt *Anomala* tam variæ, tamque multiformes, & detectu sæpe tam difficiles; ut vel *Æsculapio*, vel *Herculi Medico* faceffant negotium.

XII. MEDENDI Indicatio generalis est, ut *Arthritide Anomala* pars affecta quam citissimè, quàm tutissime levetur. Hoc autem fit, materiam in ea depositam partim è corpore evocando, partim in Artus transferendo. Evocatur è corpore materia modo Venæsectione, modo Catharsi, modo Diaphoresi, modo Epispasticis, modo Apophlegmatismis, modo Errhinis: Quæ quidem omnia, sicut hujusmodi cætera, quando *Arthriticis* omnibus *Anomalis* simili nequaquam modo adfersentur; verum è contrario, aliis alia: Quæ illorum auxiliorum quibus *Anomaliis*, quaque ratione opponantur, infra speciatim explicabitur.

In præsentia dicam, è Corpore materiam evocantibus (quæ primo loco erant) etiamsi crebro necessariis, non iis ita crebro solis, ægrum sanari; interdum lædi: Lædi nimirum, quoties perperam & imprudenter electa, vel incautè & supra modum ea fuerint adhibita, unde non nunquam malum augetur, aut aliàs ægri conditio pejor reddita est. Non autem semper sanari, quia Materia, quæ relictæ est in corpore, *Arthritica*, tametsi Evacuationibus retusa, quando jam maturata & ad *ἄνω* est evecta, brevi se attollet, iterumque turgendo cristas eriget, neque nisi propriis excerniculis (id est, Glandulis Articularibus) ejus fiat ex-

cretio, vel minimum Artubus appositio, Sanguini quies erit. Præmissis igitur, qua par est, Evacuationibus, optime fælicissimeque Curatio perficitur, per materiæ in Artus translationem. Hoc enim ipsum est Naturæ propositum; hoc illi maximè optatum; quod dum molimur, ei laboranti, neque alienum ex more, & qua via soleat debeatque exturbanti, ferimus suppetias. Ἀ δὲ αἴγειν, οὐκ ἀν' μάλιστα πέπη [ἡ φύσις,] τούτη αἴγειν, διὰ τῶ ζυμπερόντων χρείων. Hoc est, Quæ educere oportet, eo ducenda, quo maximè Natura viam affectat, per loca convenientia. Hippocr. Aphorism. XXI. Lib. I.

Medicamenta, huic Intensionis apta & inservientia, sunt duum generum: Quæ Ore sumpta materiam in Artus amoliantur; quæque extra iis admota, eo illam invitent.

Interna, *Arthritidem expellentia*, si ve *Ποδαρχαγωγά*, sunt è Classibus Cardiacis, & Diaphoreticis, magna ex parte, selecta Præsidia; uti;

Pulveres *Zedoaria*, *Contrayervæ*, *Gentianæ*, *Serpent. Virg.* è *Chel. C. C.* *Purpureus Batei*, *Lapid. Goani*, *L. Contrayervæ*; *Species Diambra*, *Confect. liberantis*, *Cl. Fulleri Pulvis Alexipharmacus*; ejusdem *P. Stomachicus amarus*; *Cl. Willisii P. Bezoarticus*; *Pulvis Rubber Exoniensis*; *Flores Salis Armoniaci*, & id genus alii.

Electuaria, *Theriaca Andromachi*, *Mithridatium*, *Elect. de Ovo*.

Spiritus *C. C. Simp. vel Succinatus*; *Sp. Sanguinis humani*, *Urinæ*, *Volatilis Oleosus*, *Serici*, & ejusmodi alii.

Vinum *Album Gallicum*, *Campanum*, *Mosellanicum*, *Rhenanicum*, *Burgundicum*, *Burdigalense*, *Lusitanicum*, *Pomaceum*, maximè subacidum.

Quo-

Quoniam autem Ferro, ad extrudendam *Arthritida*, nihil potentius inveni; aut quod *Ægrotanti* sæpius sit auxilio: quod efficax, & tutum; quod annorum usu multorum à me expertum, ejus *Præparatum* accipe.

℥. *Limaturæ Ferri* ℔. x. *Sartagine*, vel *Patella terrea*, vitro obducta, *Urina* madefac humana; æstivo Sole, vel ad Ignem sicca; iterumque (*Spatula Ferri* particulas, ne coalescant, bis in die agitando) irrorata, donec abeat in *Rubiginem* *Massa Exesam*, & *Rubigine* confectam eam in *Mortario ferreo* contunde: *Tusam*, & in *Pulverem* redactam *Situlæ*, quatuor circiter *Congios Aquæ* fontanæ continenti, injice. *Pulverem* cum *Aqua* commisce. *Horæ* post quadrantem, *Aquæ*, quod summum est, & minus turbidum, leniter detrahe; & ad *Pulveris*, in ea natantis, siccitatem evapora. Quod in *situla* relictum est humoris, similiter evaporetur. *Pulvis* in fundo crassior, *Urina* irroretur; &c. uti prius. Itaque *Nutritio*, *Tritura*, perque aquam separatio repetatur, donec omne *Ferum* in *Pollinem* mutabitur. *Chartæ Emporeticæ*, *Coni* in formam circumvolutæ, *Pulveres* siccatos inde; *Aquam* fontanā fervefactam, paulatim, & per vices, suggeraffunde; donec urinoso sale penitus abluto, exstillabit *Aqua insipida*. *Pulverem* denuo exsicca, & usui serva.

Est illa *Rubigo Ferri* subtilissima, merum *Alcohol*; non solum *Arthritide*, verum etiam *Chronicis* plerisque aliis, *Ægrotantibus*, præcipuè teneris & imbecillibus utilissimum. *Dosis* ℔. semel, bis in die, pro re nata.

Pulvis Ruber Exoniensis ita præparatur.

℥. *Cacumin. Anagallid. Scabios. Draconis, Betonicæ, Scordii.*

Tormentillæ aā ℥iiii. misce; incisa digere, igne arenæ, horas xxiv. in *Vini albi Lusitanici* ℔iiij. Vitro probè clauso. Tunc fiat *Colatura*, & *Expressio*.

℥. *Boli Armenæ* pul. ℔j. Infuso prædicto in spissitudinem *Linimenti* temperetur; crebro agitetur; sole exsiccetur; rursus irrigetur; &c. Itaque *Massa Infusa* nutriatur: At cum ultimæ ejus semilibra, illi addatur

Mitridatii ℥j.

Diascord. ℥i℔.

Conf. Alk.

Pul. Rad. Curcumæ aā ℥℔. *Serp. Virg.*

Croci Brit. aā ℥ij. misce, exsicca; f. *Trochisci*, vel *Placentulæ*; solis æstu durandæ, loco calido servandæ, *Dosis* ℔j. ad ℥℔. vel ℥j.

Ad *Arthritidem* expellendam *Pulveres*, *Boli*, *Pilulæ*, post *Evacuaciones* necessarias exhibendæ.

℥. *Ferri* hujus *Nutriti*, sive *Alcohol Martis* ℔℔. *Sacchari albiss.* gr. xv. *Pul. Nucis Myrist.* gr. v. f. *Pulvis*, cum *Vini* *Haustu* assumendus. Vel

℥. *Pul. è Chel. C. C.* (vel *Lapid. Contrayervæ*, vel de *Goa*, vel *Rubri*) ℔j. *Alcohol Martis* ℔℔. f. *Pulvis*.

℥. *Ther. Androm.* ℔j. (ad ℥℔.) *Alcohol M.* gr. v. (ad x.) *Syr. Caryoph.* q. f. *Bolus*, Vel

℥. *Pul. è Chel. C. C.* (vel *Alexipharmaci*) ℔j. *Spec. Diambrae, Ferri Nutriti* aā ℔℔. *Conf. Alk.* q. f. f. *Bolus*.

℥. *Pul. Serpent. Virg.* ℔j. *Alcohol Martis* ℔℔. *Ol. Absynth. Chym.* gt. j. *Ext. Cent.* q. f. f. *Pil.*

Detur aliquot ex hisce *Compositiōnibus*, semel, bis, terve in die; uti res *Ægroti* postulet, & patiat; cum idoneo vehiculo; *Vino* puta, *Pomaceo*, vel *Julapio Cardiaco*.

Si Liquidum malis, in eundem finem propinetur *Infusum amarum, cum Tinctura Martis, vel ejus Alcohol.*

℞. Rad. Zedoar. Gentian. aā ʒij.

Cacum. Abs. Rom. Agrimon.

Cort. extr. Aurant. siccat.

Croci Brit. aā ʒj. misce, & digere, in Vini rubri Lusitanici ℥j. ad idoneam alterationem: Tunc f. Colatura. Dosis ʒiij. cum Alcohol. Martis gr. v. ad x.

Sunt & alia Medicamenta, Arthritidi protrudendæ apta; quæ Anomalis quibusdam singularibus occurrunt, & suis in locis tradentur: hæc autem maxime communia.

Internis hisce. Πόδα γαργαλῶν, vel hujusmodi aliis, dies quatuor aut quinque usurpatis; si in Artubus nihil excitabitur Doloris, ad ea, quæ extra imposita Arthritidem ad τὴν ἔξω ἐλκιάτω, descendendum est. Articulo dolere solito admoveatur Empl. ex Gummi Caranna, vel Oxycroceum, vel Cephalicum, cum Picis Burgund. dimidio, triente, vel quadrante. Valet Urticatio, Veteribus in usu adversus Dolorem Hæchiaticum: Valent Balnea, sed calidissima; uti etiam Pelles Animalium recens detractæ. Vel applicetur Ceratum illud viride, ex quo fiunt Petasothecæ; vel si vires Ægri ferant, & res in dubio versetur, Phænigmus.

℞. Fermenti vet. partes ij.

Sem. Sinapios,

Ras. Raph. Sylvestr. Allii,

Cacumin. Rutæ; Fimi Columbini, aā partem unam; cum Aceto Vini albi contunde; ad spissitudinem Cataplasmatidis redige.

Admoveatur ejus portio, quam ferri potest, calidissima; cum vestitu apto, Laneorum nempe involucris; & quamprimum illa refrixerit, donec Tu-

mor erit, usque eo renovetur. Ægro- tanti, si inter cruciatus animo defecerit, *Julapium Cardiacum*, vel, quod præferre soleo, *Vinū* aliquod generosū sæpius propinetur. Tumori demum facto, ne sanguini reddatur in eo contentus Humor, *Epispasticum*, cujus beneficio is educi possit, applicetur.

Ubi nulla præsentis auxilii necessitas, aut Ægrotus debilis, & tener, Doloris fuerit impatiens; Tibiis vel Cubitis (prout Arthritis imos, vel supremos Artus solet occupare) primum *Epispasticum* commune superponatur; quo duodecim vel duodeviginti horis post detracto, imponatur id, quod sequitur.

℞. Axung. Porcin. ʒiij. Empl. Melilot. s. ʒij. Pul. Cantharid. ʒj. m. f. Emplastrum.

Hujus Epispastici auxilio, dies sex, octo, vel decem educatur, quamdiu nempe visum fuerit, ἰχθυώδες ἀπὸ τοῦ ποδὸς. Quæcumque via progrediare, salutaris hæc severitas, manem omnem Clementiæ speciem, longè multumque vincens, Arthritidem paucis diebus solet allevare. Ita falsum est quod effluit, ut ex eo sæpe Pruritus, & partium aliquando vicinarum Inflammatio, & tam diutinum esse flumen observatur, ut ne perpetuum sit, interdum extimesceat Æger. At, quantum mihi notare licuit, inanis hæc Sollicitudo. Nam Ichore supervacuo exulante, concidunt Symptomata: ex quo Æger vegetior, Appetitu avidiori, Animo majori est donatus; ab Arthritidis accessione nova ad tempus aliquod incolomis.

At Tribum Arthriticorum delicatam, mollem, & doloris impatientem instare video; quæ periculum ex dolore me-

meticus, & ex ἀνοπία felicitatem, omnem hanc *Arthritidis* expellendæ Medicinam, illiusque Professore crudelitatis arguit; neque inter hæc tormenta (*Phænigmos* scilicet aliaque dolorem excitantia) aliter, quàm in *Phalaridis* tauro, vivi contendit; neque sine indignatione quadam me objurgat, ac si verbis *Æschyli Prometheis* usa.

Ελαφρὶν ὅστις πημάτων ἔξω πόδα
ἔχει, παραινεῖν, νουθετεῖν τε τῆς κακῆς
πράσσοντας. Id est.

Facile, quisquis pedem extra mala habet, adhortari, & monere infelices. Et, ut verum fatear, querimonias hac de re me plus semel audivisse, non dissimulabo. Pii autem Medici est, dum morbum sedulo & artificiosè conatur relevare; quicquid in ea re occurrat impedimenti, studio & constantia vincere, vel patienter ferre. Exponenda igitur his hominibus est *Arthritidos Anomalæ* malitia; & quanto melior, & mitior sit hæc crudelitas, quàm per misericordiam methodus: Illa brevi, & tolerabili dolore sanitatem; hæc quiete, multo detestabiliore, mortem accelerat.

His in genere præmissis, *Anomalas Arthritides* speciatim explicandas, jam nunc aggrediar.

C A P. II.

De Ventriculi Affectibus Arthriticis.

ART. I. **A** Ventriculi & Intestinarum malo, nempe dyspepsia, creberrimè potissimeque nasci *Arthritida primigeniam*; ex ejus doctrina, luculenta & idonea liquidò

patebit. Ejusdem *Arthritidis*, ut etiam *Symptomaticæ*, naturam exquirenti manifestum erit, nullam in universo corporis Trunco partem, *Ventriculo* & *intestinis*, eam utramque perfectam antepondere; nullam frequentius ingredi; nullam diutiùs tenere; nullam gravius affligere; nullam sæpiùs repetere. Quæ quidem res, uti methodi nostræ, ab *Arthritide* eorum *Anomala* incipientis, rationem abundè comprobatur; ita quidem meritò requirit, ut, quæ sit hujus sævitiae frequentiaeque causa, studiosè examinemus.

Quo verò clarior & dilucidior *Anomalarum*, hæce partes sic infestantium, expositio sit; de iis, quæ in *Ventriculo* locum habent, hoc capite; de iis, quæ in *Intestinis*, suo ordine postea disputabimus: Ut, in quibus ea inter se concordent omnia, & in quibus discrepent ex conjunctis & juxta se positis faciliùs innotescat.

II. Ut *Ventriculum Arthritis* occupet, & in eo commoretur, duo videntur esse necessaria; Primum, in sanguine miasma *Arthriticum*, sive nativum, sive malis moribus acquisitum. Sæpe quidem nativum, huic affectui suo Marte generando, par & æquale reperitur: Sin ebrietate, gula, vel utraque id adaugeatur; fortius inde factum, omnem molitur efficacius accessiorem, præcipuè *Anomalam*. Neque tantummodò inesse sanguini, & cum eo circumvehi sufficiet; nisi etiam in fugam abiturum; nisi exilio, quocunque vult natura, fuerit paratum. Alterum est, ut huic miasmati accipiendò, in tunicarum vel fibrarum intervalla adsciscendo, *Ventriculus* accommodetur; & ad illud in recessus intimos admitendum, aptus & conveniens sit.

III. ADVENAM illius accipit *Ventriculus*, sæpe propter Imbecillitatem ab incunabulis ductam, ipsoque ortu factam; ob quam in illo expellendo arcendoque partes minimè possit sustinere.

Et quidem tanti, ad inferendum hunc affectum, momentique tam magni, est hæc imbecillitas, ut ex iis, qui eo laborarunt, antea *Ventriculo* laborare, plerique omnes invenirentur. Illa vero, quam dixi, imbecillitas aliquando subita est, &, uti conjicio, ex improvviso: Quoties nimirum Venere absumantur; vel, ex Dolore, Timore, aliove quovis Animi Pathemate, recedant Spiritus animales; *Intestinorum* membranæ flaccescant; itaque advenæ, sese intrudenti, non ad *ισορροπία* adversentur, atque adeo viam aperiant. Cujus quidem rei, (*Anomalie* videlicet, hoc in loco *Arthritice*, à mœrore inductæ) Exemplum mox subjiciam.

Nonnunquam autem crudum, acidum, biliosum, aliudve aliquod ineptum & vitiosum, in *Ventriculo* coacervatum, Miasma illuc allecât, &, Tunicas ejus irritando vellicandoque, ut in iis illud deponatur, efficit: Non alio modo forsan, quàm, in ambitu Corporis *Epispastica*, *Phœnigmi*, & id genus *Attrahentia* vulgo dicta, Cutim mordendo stimulandoque, Serum, & nonnunquam ipsum Sanguinem ad se invitant, & quasi attrahunt. Quod quidem usu venit admodum frequentius; sic, ut in causis hujus *Anomalie* Procatarcticis nihil, ut opinor, frequentius.

Interdum Miasmatis in *Ventriculum* missi, causa est externa: uti *Cataplasmus*, *Emplastrum*, aliudve quod-

vis istiusmodi repellens; quo, ne extra in Articulis maneat, neve in eos emittatur *Arthritis*; verum è contrario, ut in *Ventriculum* pellatur, effectum est creberrime. Atque huc referri Frigus oportebit; seu Balnei, sive Aëris fuerit: & quidem, multum hac in re valere frigus externum, iterum & sæpius observavi.

Ex hisce causis qua antecedentibus, qua evidentibus; sed ratione, modo, & *εμπειρία* alias alia, valdeque inter se diversa operantibus; *Anomalias* notare licet, in *Ventriculo Arthriticas*: quarum *ἡ δὲ καὶ ἡ θ*, ut ad illa descendamus, plerumque tale est.

IV. Cum *Arthritis* aliquandiu *Regularis* fuit, & in Artubus accessiones recessionesque multas ex intervallis iteravit; sæpe quidem videmus, Paroxysmum ejus, vel ex *Frigore*, *Emplastro*, *Cataplasmo*, *Unguento*, vel istiusmodi aliquo externo repellente; vel post satietatem, aut crapulam, & in vitu erratum aliquod, nunc abscindi abruptique; si nempe esset: Sin nullus fuerit tunc temporis Paroxysmus, spatio præter morem excludi prorogarique. Hanc Paroxysmi regularis sive interruptionem, sive intermissionem, nonnunquam sequitur *Ανορεξία*, Cibi fastidium; eique postea se adjungit Pectoris gravitas; & deinde ructus, Vomitus, & interdum Cardialgia. His sæpe additur *Intestinorum* Oppressio, Dolor, Constrictio, & aliquando *Æstus*, respiratio impedita & angusta, Oscitatio crebra, Cephalalgia, Vertigo, & interdum Mœstitia, *Σιότωμα*, Faciei Pallor, & post aliquod tempus Imbecillitas universalis, & totius corporis Macies.

Et si hæc Symptomata fortasse nunquam

quàm in eodem Corpore simul semel observantur omnia; ea tamen horum Caterva creberrime videtur, quæ *Ventriculum* maximè, secundum cum *Intestanea*, malo quodam intestino affici, gravarique significet; eique *καὶ Συμπαρεσβύειν τὸν ἔνδοτον*, tum imo *Ventre*, tum medio, tum etiam supremo, cum systemate Nervino, ea, quæ recitavimus, Symptomata: quod ea singulatim examinanti facillimè patebit.

Abs quo hæc intus oboriuntur, rara in Extremitatibus *Arthritis*. Fixus, vagus Dolor, Tumor rarus. Qui diu Clinicus fuit, non nunquam, hunc in modum affectus, expeditè & promptè ambulat. At, quod externo omni Dolo-
re pejus, magis indies intestina mala magisque ingravescent: Sic, ut *Æger* (nisi fortunate *Deus* se interposuerit, &, vel Tempestate ab immoderata & perfrigida, ad mitem & benignam mutata; vel Medicina appositè adhibita, reducta fuerit *Arthritis regularis*) inedia, languoribus, & dolore confectus, è medio sensim abiens, post menses aliquot tristissimè actos, mortem denique misellus obeat.

V. Quicumque hæc Symptomata, maximè verò eorum Ordinem, quo ex aliis emanent alia, iudicio ritè ponderaverit; mecum, ut opinor, sentiet; *Arthritidem*, olim regularem, nunc *Anomalam* fieri, & in *Ventriculum* divertere. Cujus rei probabilitas ex hisce paucis, simul consideratis, omninò sumi potest. Primum, quod nullum unquam hominem, nisi *Arthriticum*, adoriatur hic affectus. Deinde, quod nec eum, nisi Miasmate *Arthritico*, eoque maturo, & volatili turgentem. Deinde, quod neque illum, nisi vel à Paroxysmo vacuum; vel eum haben-

tem intercisum, imperfectumque. Deinde, quod è vestigio sequatur rectæ *Arthritidos* defectum. Quibus omnibus, uti par est, pensitatis, nihil verosimilius videtur, quàm quod *Arthritidos* materia, *Ventriculum* appulsa, dictam moveat Tragœdiam. Hujus autem opinionis fides ut ampliùs stabiliatur, hoc, quo nihil clarius, nihil luculentius optari potest, unum superaddam; nempe quòd, *Arthritide regulari* denuo inducta, (id est, Materia *Arthritica* à *Ventriculo* in Artus amandata) nihil huic affectui citiùs, nihil tutiùs medeatur.

VI. Senes hac *Anomala* maximo-
pere conflictantur; quorum sanguis, in Miasmate, per ætatem ingravescente, expellendo; quorumque Viscera, propter imbecillitatem ætate crescentem, in eodem avertendo, minùs valent. Sed non iis propria est habenda; quando in adultos, in iis juniores sæpè numero cadat: Et quidem adeò, ut *Anomaliarum*, quotquot sunt, *Arthriticarum*, nulla unquam, quod meminerim, magis. De cujus rei causa, ut conjecturam faciam, nihil magis in promptu, aut verosimilius habeo dicendum, quàm istam in victu incuriam; licentiam istam (inutilem dicam, an perniciosam?) qua istius ætatis Homines in mala se innumera immergunt. Quod ut pateat, unicum isthuc adjicere necessum est, in Juvenibus ab errato in potu aut cibo, incipere eam quam sæpissimè solere.

De Anni tempore, quo potissimè gliscat, enuntiari potest; etiamsi nullo illa non arripiat tempus, nullo tamen magis vigere, quam Autumno; quo, ad spumam omnem *Arthriticam* è Sanguine eruclandam, vires exerit

Natura, & ut illam ad se alliciant, per fructus horæos æstate devoratos, & in ductu suo retentos computrescentesque intestina præparantur.

VII. Hæc quum hujusce *Anomalæ* ratio sit creberrima; operæ pretium esse videatur, eam cum *Arthritide regulari* paucis comparare, & utramque, quasi trutina, examinare. Age igitur, calculum ineamus, & initio, quod in confesso est, ponamus, *Diathesin* in sanguine *Arthriticam* tam hanc, quàm illam præcedere. Deinde *miasinatis* è sanguine ablegationem similiter utramque anteire: Et quidem, in his duobus, eis inter ipsas convenire.

At, quod altero loco dicendum, in quibus secum dissentiant, sunt quàm plurima. Nam in accessione regulari sanguinis orgasmum, pulsum celerem, carnis æstum, eumque aliquando ingentem, Naturæ nixum molitionemque plus minùs intensam observare licet: Contra verò in *Ventriculi Arthritide*, nihil horum evenit; at *Anxietas*, *Inquietudo*, *Languores* ægrotantem urgent. Illa Naturæ vegetæ, vividæque, & magnum aliquod moventis opus; hæc fatigatæ, hæc oppressæ, & oneri succumbentis. Postremo, illa Vitam reddit securiorem, hæc Mortem imminentiorem. Tantum inter hæc *Arthritides* est discriminis; & tam certo, si earum altera *Regularis*, altera huic contraria est.

VIII. Neque de istarum *Anomaliarum* Historia, vel ejus Fide, derogari quicquam arbitror; si forsan earum aliqua (prout diversæ sunt, & earum numerus pene infinitus) sine ulla sive è prædictis, sive alia quavis evidenti causa, fiat; vel si unà cum *Paro*ys-

mo regulari, non autem post eum, uti nos statuimus; vel, si ab ejus interruptione intervallo, quàm proposuimus, longiori. Quandoquidem fingi potest, in ipsis hisce *Anomaliis* quædam inesse perfectio; quam in descriptione nuper allata conati sumus exprimere: Et quotquot eam habent *Anomalæ*, censeantur ἀκριβείς, suoque genere absolutæ; quæ verò carent, & ab ea desciscunt, minùs perfectæ: De quibus tamen omnibus sententia, per regulam datam, per *Anomalam* absolutam, facillimè ferenda est.

IX. Illa porro Symptomata, quæ dicuntur *Hypochondriaca*, notitiam *Arthritidum* in Ventriculum *Anomalarum* identidem obscurant, earumque Diagnósin interturbant. Nam cum ea senes sæpissime invadant; eosque maxime, qui post madidam, & temulentam juventutem, mutata vitæ ratione, senectutem degunt sobriam & siccam; à Vino abstinentia Languores fere perpetuos, ructus, *Anxietates*, *Tristitiam*, & nonnunquam Dolorem, aliaque *Ventriculi* mala non rarò infert; quæ *Anomalam* in eo *Arthritidem* diuturnam (qualis ea interdum est) non parum æmulantur. Ut autem eam internoscat, & ab affectu *Hypochondriaco* distinguat; ejus insultus explorare, modos eorum, vehementiam, & intervalla perscrutari, medentem oportebit: Unde ab illo istam facile diducet.

X. Hisce libet adjicere, perinde fere esse, *Anomalam*, ut per se est, spectemus, utrum Artubus relictis in *Ventriculum* Materia directo se infinet; an verò primum in Fauces, in Partem aliquam contusam, aliamve quamvis; & tandem, quasi per circuitum,

tum, ineat *Ventriculum*: quum diversa ista progrediendi via, ad naturam hujus *Anomala* permutandam, ne hilum quidem faciat.

Idem etiam erit, siue *Anomala Arthritidem* fixam, siue erraticam sequatur, siue neutram harum; sed *Miasma*, sine ulla in Artubus mora, è sanguine rectà in *Ventriculum* mittatur: Idem, inquam, erit; modo mitti constet. De istarum *Anomalarum* natura, eandem nempe esse omnibus, nihil dubii est; de earum *ἰσχύρι* modo certi effemus.

Hoc autem adnotandum, uti ætate provecti, (quod suprà positum est) quam juniores: Ita labe *Arthritica* ab ortu inquinati, quam integri: grandioribus, quàm maturis Parentibus oriundi; Appetitu malo, quàm bono donati; *Arthritide* frigida, & languenti, quam calida & acri dolere soliti; *Anomaliis* his affueti, quàm iis semper liberi, hac *Anomala* citius, & diutius ægrotant.

XI. Medendi Indicatio *Ventriculum* quam citissimè, quàm tutissime levare, & ab *Arthritide*, ei incumbente, liberari postulat; quem in finem duo semper considerata, ut & sæpe exequenda veniunt.

Prius, ut per Catharsin idoneam, & ægroti rebus convenientem, impura & aliena ista massa, in *Ventriculo* contenta, qua ad eum quasi attrahi, & (tanquam compede) in ejus Tunicis detineri solet *Arthriticum* *Miasma*, foras per os, per anum eliminetur.

Posterior, ut peracta Catharsi, vel, si nullius usus erit, prætermissa, *Ventriculo* dimoveatur, in extremas partes exulet *Arthritis*: De quibus ordine.

Si respiratio angusta & præpedita, si *Ventriculi* gravitas & inflatio, maximè vero si ructus, si Nausea, si vomitio urgebit; adhibito leni Emetico, sed tamen efficaci, modo vires annuerint & nihil repugnaverit, *Ventriculum* moveri planè opus erit. In Emetico seligendo curam & cautionem multam impendi, neque tantam rem negligenter agi oportebit. Ut enim, modo tuta, vomitio necessaria, ita, quæ languida, est inepta, & quæ justo vehementior, est periculosa. Qui sunt *ἐνέμετοι*, iis satis esse solet *Foliorum Theæ viridis*, vel *Cacuminum Cardui Decoctum*, copiosè potum; ad quatuor, quinque vel sex egurgitandi vices; ad octo, decem, vel duodecim libras, si cum *ἑσπερίδα* fieri potest, demissum. Quibus segne nimis hujusmodi Decoctum, neque satis irritans, iis conducatur libris singulis, alternis, tertiiſve, *Salem Vitrioli* pro re nata adjicere. Qui non nisi difficulter vomunt, iis opus esse videatur initio *Vinum* vel *Oxymel Scillit*. Vel ex eorum æquis ponderibus compositum, ad duas vel tres uncias sumere; & post horam quasi dimidiam, possetum aliquod simplex, vel amarum. Qui verò *Arthritici* possetum, aquam tepidam, vel liquidum aliud aliquod quantitate benè magna, vel nequeunt, vel nolunt bibere; iis ne detur ex officina Emeticum, maximè cavendum. Ut enim aliis id incommodo esset, ita quidem *Arthriticis* præcipuè: Ne viz. allecta è sanguine ad *Ventriculum* materia multa, ejecta verò nulla, laboret æger. Est ubi nec possetum, neque decoctum, neque Medicamentum aliud quodvis exhiberi potest; propterea quòd, ex eorum quopiam,

Torminibus, spasmis cito inutilibus corripiatur æger, imprimis Vino deditus: Hoc casu, Vino affatim, & ad vomitum usque sumpto, sæpiùsque repetito, rejectoque, (quod simul & Emetici & Cardiaci vires habeat) totum isthuc, utut difficile, & plenum opus alea, non nunquam absolvi; itaque ex fati faucibus ægrum eripui.

Quæ per Vomitum evacuari solet Materia, nunc Biliosa; nunc quæ in *Ventriculo* computruit & coacuit, cruda est; maximè post *Anomalam* ex *Cere* vel *Baccho* natam. Respirationis spatium ex eo dilatari, Pectoris gravitas auferri solet: quinetiam ipse vomendi nixus, & quæ ab eo Sanguinis agitatio est, ad *Arthritida Ventriculo* excutiendam aliquando non parum facit, & Æger statim *ποδαγξία*.

Hora post finitum Vomitum, maximè si Pharmaco moveatur, (ut, in *Intestinis* quicquid assumptorum manserit, evocetur) Enema vulgare injiciendum; eoque vespere, quo reficiantur vires, *Bolus ex Theriaca Androm.* & *Pul. Cantiano*, unà cum *Vini ustulati Haustu*, dandus. Tunc infusionis amaræ *Vino Lusitanico*, vel *Xeresano factæ Haustum*, cum *Pul. Cantiani* ℥j. vel 3℔. ter quaterve in die assumat æger, donec Alvo tempus erit inanierendæ.

Si vires ægri patiantur, interposito die uno post Vomitum, instituatur Purgatio: Sin imbecilliores eam vetuerint, in aliud tempus differatur: quam autem primùm commodè fieri potest, eam aggredi juvabit. In ea ordinanda curæ esse oportebit, ut ægri viribus conveniat; ut, in ductu alimentari quicquid insit alieni, tuto il-

lud emittatur; sed neque Medicamento tam forti, tamque Elaterio, ut faciat *Hypercatharsin*. Uti hæc ægroto non nisi periculo plena, ita quidem Purgans nimis lene exhiberi, malum erit. Hoc casu enim, nisi brevi repetita fuerit Purgatio; illuc, ubi peccatum erat, postea, majori cum incommodo, redeundum, & Venter iterum movendus. Ratum enim esto, auspiciatissimam hujus *Anomalæ* Curationem fore, si à *Ventriculo* & *Intestinis* bene purgatis ordiatur. Mihi solenne est, per *Tincturæ sacre* ℥iii. vel iv. vel per *Extr. Rudii* 3℔. ad ℥ii. vel per *Pul. Warvvicensis* quasi 3℔. vel per *Mannæ & Salis Cathartici Solutum*, addito *Elixir Dafsæano*, Alvum ducere; & si spatio sex horarum nihil effluxerit, Clysterem immittere; Vesperi post purgationem, (uti post vomitum) Bolum exhibere.

Interdum accidit, post utramq; *Catharsin*, non nimis parcam aut debilem, Nauseam manere importunam; ipsaq; Medicamenta, quæ Sanguini suscitando, *Arthritidique* transferendæ sunt à Medico destinata, Ore confestim reddi. Hoc, uti conjicio, fit per acre illud *Arthriticum Miasma*, quod *Ventriculi Tunicis* inhæret. Ad Vomitum hunc inanem, imò noxium conpescendum, *Laudani liquidi gtt. instar* x. cum *Aq. Cin. fort.* vel *Abs. C.* vel *Sp. Menthe* ℥ii. quarta, quinta, vel sexta quaque hora misceantur; ea nempe dosi, & frequentia, quæ Vomitionem tollat, & in *Ventriculo Podagragoga* retineri faciat. Laudanique Dosibus, post Vomitionem aliquantisper compositam, intervallo ea medio interponantur, sic, ut si Laudanum horis sexta & duodecima, remedia *Arthritidem* mo-

ventia tertia & nona exhibeantur. Quamprimum ea retinet, *Ventriculus*, tanquam inutile quoddam, ne dicam ineptum, & postea nocivum, omitti Laudanum, & in methodo præscripta progredi juvabit.

Hæc autem omnia circa Catharsin à me proposita, de iis tantummodo ægrotis intelligi velim, quibus & Purgationis utriusque opus, & ejus sustinendæ vires sunt. Quoties autem ejus nulla in conspectu necessitas; (quod in *Anomala* per Mœrorem inducta, aliisque paucis observare licet) vel quoties eam admittere nequeat ægrotantis imbecillitas; à *Podagragogis*, omissa ea, incipiendum: De quorum usu verba jam proximè faciemus.

XII. Peracta re Cathartica, quæ prior erat medendi *Intentio*, ad alteram illam, quæ *Arthritidem Ventriculo* moveri jubet, &, quoad fieri potest in Artus amandari, properandum est. Hoc ut effectum reddam, iis utor non modo Stomachicis, quæ *Ventriculo* contra inimicum defendendo; verum etiam iis Cardiacis, Alexeteriisque, quæ sanguini, eum in corporis ambitum pellendo, quæ Miasmati exturbando conferant. Quoniam verò istarum Classium Medicamenta non profunt omnia; selectiora quædam, & huic proposito utiliora, in medium feram.

Possunt illa vel *Pulveris*, vel *Boli*, vel *Pilularum*, vel *Infusi* forma exhiberi: Atque hisce pene omnibus *Ferri* (propter ejus excellentiam, & in *Arthritide* expellenda vires mirificas) Præparatum aliquod adjiciam.

℥. Pul. è Chel. C. C. (vel *Purpurei*, vel *Lapidis Contray.* vel *Goani*, vel *Rubri Exon.*) ʒi. ad ʒiʒ.

Serp. Virg. ʒʒ.

Chal. Natriti gr. v. misce f. Pulvis.

Loco Rad. *Serpent.* dare licet *Gentianæ*, *Zedoariæ*, vel *Contrayervæ* tritæ, eandem vel majorem quantitatem.

℥. Pul. Rad. Ari C. P. Rubri Exon. aā ʒi. Alcohol Martis gr. v. misce f. Pulvis. Vel

℥. Spec. Diamb. (vel Aromat. Rosat.)

Pulv. Gascon. aā ʒj. ad ʒʒ.

Chal. prædicti gr. v. misce f. Pulvis. Vel

℥. ZZ. in Indiis Cond. ʒj. (vel *Piperis* in racemis C. gr. vi.)

Pul. purpurei ʒj. ad ʒʒ.

Chal. N. gr. v.

Syr. Abs. S. q. s. f. Bolus. Vel

℥. Spec. Diamb.æ.

Pul. Lap. Contrayervæ aā ʒj.

Alcohol M. gr. v.

Conf. Alk. q. s. f. Bolus. Vel

℥. Spec. Aromat. Rosat. (vel *Dianthos*) ʒij.

Flor. Salis Armon. gr. x.

Syr. Garyoph. q. s. f. Bolus. Vel

℥. Conf. Abs. Rom. Pul. è Chel. C. C. aā ʒj.

Ol. è Sem. Carvi gtt. j.

Chal. N. g. v.

Syr. Cort. Citreor. q. s. f. Bolus. Vel

℞. Theriac. Androm. (vel *Mithridatii*, vel *Elect. Stomach.* à Clarissimo Fullero descripti)

Pul. Gascon. aā ʒj.

Chal. prædict. gr. v.

Syr. Menthæ q. s. f. Bolus. Vel

℞. Camphoræ gr. v.

Pul. Rad. Contrayervæ gr. xv.

Extr. Rutæ q. s. f. Pil. Vel

℞. Piperis longi pul. (vel Spec. Diatr. Piper.) gr. v.

Pul. Gentian. ʒʒ. Myrrhæ gr. v.

Extr.

Extr. Cent. Min. q. s. f. Pil. Vel

℥. Pul. Serp. Virg. ℥j.

Chal. N. gr. v.

Syr. Aurant. q. s. Pil.

Cum omni Bolo, Pulveris, vel Pilularum Dosi, sumendus est Julapii Haustus.

℥. Aq. Cardui, Menthae, Lactis Alex. Gent. Comp. Abs. C. (vel Cin. fort.) aā ℥iij.

Marg. pp. ℥ij. Sacch. q. s. f. Julapium.

Olea Chymica, Sacchari beneficio, in Julapium addita, longè illud efficacissimum reddunt. In forma liquida placet hujusmodi Infusum.

℥. Rad. Zedoar. Gentianæ.

Cacum. Absinth. Rom. Agrimon. (vel Trifol. Palustr.) aā. ℥ij.

Coccinell. ℥j. Cort. ext. Aurant. ℥ij.

Infunde in Vini rubri Lusitanici, vel Xerani ℥ij. ad idoneam alterationem; tunc f. Colatura. Dosis ℥ij. vel iij.

Simili modo ex Aromaticis, Cortice Winterano, Fruct. Cubeb. Sem. Cardamom. Ex Seminibus Anisi, Carvi, Fœnic. d. Cochleariæ paretur Infusum. Quilibet autem Infusi sive Amari, sive Aromatici Haustus habeat Tinct. Martis Feburianæ, vel cum Succo Limoneo præparata gtt. x. vel Alcohol. M. gr. v.

Pauperibus τοπρίσιν esse potest Allii, Croci, Zinziberis, & Radiculæ rasæ, cum Absinth. Roman. Cacuminibus infusum. Et ubi nulla in forma sicca placent Medicamenta, neque ulla quidem Infusa. Hoc casu, tum prodesse, tum placere potest Spiritus Menthae, vel Juniperi, vel Spiritus Absinthii. Non nullis magni æstimatur, & quidem multarum virium est, Aqua, quæ nuncupatur Hispanorum Arthritica; cujus hæc est Formula.

℥. Caryophyllorum Aromaticorum, Nucum Myristic. Zinziberis, Maceris, Cinnamomi, Piperis nigri, Croci, Zedoariæ, Galangæ, Baccar. Juniperi, Corticum Citreorum & Aurantiorum, Spicæ nardi, Cubebæ, Aloes Hepaticæ, Ligni Aloes, Calami Aromatici, Stæchados, aā ℥ss.

Cacum. Salviæ, Ocymi, Rorismarini, Menthae, Majoranæ: Baccarum Lauri vulg. Pulegii, Ras. Gentian. Florum Sambuci, Ros. alb. & rubr. Chamæpit. Chamædryos, Calamenthae, Melissa, Origani, Matricariæ, aā Mij.

Ficum, Dactylorum, Amygd. amar. Nucum Pinearum Nucleorum, Uvar. passer. major. aā ℥vj.

Mellis Virginis ℥ij. Sacchari optimi ℥ij. Moschi triti ℥j.

Incisa & contusa indentur Spiritus Vini Canarini optimi ℥ss. xv. Infunde dies x. vel xii. tunc in MB. destilla.

In affectibus Stomachi & intestinorum Arthriticis valentissima habetur.

Dosis ℥ss. cum Sacchari momento, vel cum Mica panis, uti videbitur, repetenda.

Est etiam externi usus, ad Dolorem mitigandum Articularem; modo calidissima dolenti articulo superlinatur.

Transacta Catharsi, vel si nullus ei locus fuerit, prætermissa, ad jam dicta Medicamenta, sive iis non multum abfimilia, descendo; eaque hoc sumenda ordine præcipio. Mane, horam circiter nonam, Infusi Haustum ministro; tertia pomerid. Pilulas, vel Pulverem; nona vespertina Bolum, maximeque Theriacalem; & tertia matutina Pulverem, vel Pilulas exhibeo; cum Vini Lusitanici, vel Julapii Haustu, post eorum quodlibet.

Aliquan-

Aliquando tridui, vel etiam bidui spatium, interdum citius, huiusmodi Remediis, hac methodo datis, exturbatur *Arthritis*, & Articulis impingitur; ubi nimirum Sanguis tener, & tractabilis subito Medicamenta sentit, eisque facile obtemperat: Alias, non nisi longo tempore, fit Translatio: Alias, non nisi aliis insuper Remediis in auxilium, & operam sociam vocatis.

Quando biduum istiusmodi *Podagragogis* dicatum fuit; si Tumoris, si Doloris nihil erit obortum, Locis *ἐν οἷς ἔσται* occupari solitis, admoveatur, vel *Empl. Cephalicum cum æquali quantitate Picis Burgundicæ*; vel *Ceratum viride*; vel utrique Cubito, sive Tibiæ *Epispasticum*, quo in Artus humor evocetur.

Si remedia tum interna, tum externa modò dicta, viribus ita junctis, *Arthritidi* removendæ minimè sufficiant; intendatur, oportebit, eorum alterum, vel utrumque, & auxiliis (si videbitur) novis & ascriptitiis augeatur. In Remediis siccis, *Chalybis Nutriti Dosis ad ʒss.* in liquidis *Tinctura Chalybis*, ad guttas xx. amplificetur. Porro, hora quaque media, remediis præscriptis interponere juvabit *Vini Lusitani* *Haustum*; sic, ut ejus *℥ij.* vel *ijj.* Nycthemeri spatium, (si quantitatem ejus, isto tempore, quàm per se, quàm cum Medicamentis sumpti, universam comprehendamus) ebibantur. Hoc autem in iis præcipuè locum habet, qui *Vino* diu consuevere, & sine noxa indulgent; verum, ex contrario, non abstinere sine noxa: quorum è numero non pauci sunt, *Anomala* isthac ægrotantes. Qui *Vinum* hoc modo potare nequeant, ii *Spiritus C.C. succinati guttas aliquot*, cum *Julapii Haustu*, horis istis interpo-

fitis fumant. Eo autem usque (ut huic præcepto fidem imponant) evehendus, eo continuandus, ore datorum, tam Vini, quàm Pharmacorum usus, si nihil repugnaverit, donec, æstu & Orgasmo in Sanguine factò, *Ventriculus* allevabitur.

Intendenda eodem tempore *Externa*, & quidem eo usque, quoad in locum aliquem externum, *Arthritidi* recipiendæ aptum, Humor coactus, & in eo Tumor excitatus fuerit. Hunc in finem Pelle Vervecina recens extracta, Artus involvantur. At nihil certius hac in re, nihil præsentius quàm *Phœnigmū* acrem & stimulantem applicare calidissimum; &, dum Tumor oriatur, tantisper renovare frigescentem. Qui verò auxilium illud, ut graveolens; hoc, quia crudele, abhorreant delicatuli; per *Latterem*, aut Ferri Laminam calefactam, Linteoque inclusam, & loco admotam, idem præstare poterunt.

Ut autem promptius *Arthritis* educatur, vel in lecto, vel cubiculo, se à frigore, per omnem hujus Methodi decursum, tueatur *Æger. Panatella, Gelatina C.C. Jusculo pullino*, & ejusmodi tenuibus, concoctuque facilibus vescatur. Si Dolor, arte factus, forte fortuna nimius, ad *Lipothymiam* tēdat; de eū facientibus, de Cutim irritantibus aliquid detrahendum. Si Febris exardeat; vel minuenda, vel omittenda sunt *Cardiaca*, quæ sanguinem accendant. *Decoctum album* ad arbitrium suum bibat, itaque temperetur *Æstus*. Eo denique modo, peragantur omnia; quo, cum *ὑποεὶ* finem propositum ægrotus assequatur; quoque per tolerabilia semper usurpata, cito tutoque foras *Arthritis*, etiamsi non jucundè, eliciatur. Ne quis autem, Methodi hujus sive novi-

tate, five insolentia motus, Cardiaca tam fortia, tamque larga à me præscripta, tanquam aliquod *ὑπερμετρον* actum improbaret, sciat omnino velim, ut hoc semel dicam, copia, quæ rem efficiat, me contentum esse minima; sed neque nesciat, eam (quod profecto non temere dictum) & magnam sæpe oportere, & sine damno, esse. Nam (ut, meos quod attingit, dicam) etsi complures ea medicina ferventes, & ad tempus ejulantes novi: eorum tamen multos, ad sanitatem perductos; neminem verò unquam hoc æstu læsum, quod meminero, observavi. Cujus id in causa esse videatur, quod, quibus illa Fortiora, & quasi *Μοχλικά*; five interna, five externa, opus sint, iis sanguis plerumque frigidus; nunc malis moribus, nunc ætate debilitatus, nec ad Febrim concipiendam aptus.

Quam primum Orgasmo fatis vehementi Sanguis exagitur, solet ille virum *Arthriticum*, quod in *Ventriculi* Tunicis inhæret, & Vasis capillaribus continetur, abluere, resorbere, circumvehere; & tandem, quocumque vocant extremitatibus applicata, ibi deponere: Sic, ut unius horæ spatio, post *Phæ-nigium* admotum, Tumor interdum oriatur.

Dum morbus ore sumptis oppugnetur; aliquando ea, quibus Ventri extrinsecus impositis, Viscera foveantur & corroborentur, non negligenda. Placet igitur, bis vel ter in die, Eotu sequenti, vel huic consimili, ope Stuparum è Panno *Wallico*, aliove quovis raro, uti.

℞. *Cacum. Abs. vulg. Menthae,*

Flor. Rosar. Chamæm. aā ʒʒ.

Sem. Anisi, Carvi aā ʒij.

Pulv. Cinnam. Cubeb. Garyoph.

Aromat. incis. N. M. aā ʒj.

Sp. Vini vulg. ℥ʒ.

Vini rubri Lusitanici ℥ʒʒ. macerentur horas tres vel quatuor, vitro bene clauso, in *Balneo Mariæ*: Colatura calidissimè adhibeatur.

Vel *Emplastrum* Abdomini admotum, continuo geratur.

℞. *Terræ Japon. Bals. Chiliens. vel Peruan. aā ʒʒ.*

G. Galbani ʒj.

Picis Burgund. ʒij.

Empl. Stomach. Mag. ʒʒ.

Ol. Cin. chym. N. M. aā gtt. ij.

Ista verò, post Purgationem maximè profutura judico; Et quidem maximè, vel ætate, vel morbo enervatis; quorum Viscera Topicum postulent auxilium. Ne verò, quod in robustioribus & sanguineis suspicari oporteat, non tam illa *Ventriculum* defendant, quàm ipsorum abusu *Arthritidem* allecent, Medico curæ erit.

Tumori jam factò, & ad magnitudinem conspicuam & notabilem evecto, (ne, quod insit humidi, in Sanguinem remigret) admoveo soleo *Epispasticum*; itaque Serum in eo contentum educere. Sallum illud, acre, virosumque esse constat; Cutim etenim inflamat; Pruriginem facit permolestam. Dies sæpè fluit complurculos; aliquot interdum Hebdomadas; & ad libras interdum aliquot. Ut, ipsum *Arthritidos* Miasma, ipsam causam continentem una cum Sero ejici, non sit dubitandum.

Hactenus occupati fuimus in adducendis *Ποδαγραγώγους*: verum, ut primū Tumor cum Doloře factus est idoneus, statim de Remediorum interiorū sive dosi, sive frequentia, sive utraque, remittendum est aliquid; neque majori copia jam utendum, quàm quæ, *Arthri-*

tidis

vidi continuo propellendæ, & ne intus refluat, inhibendæ, satisfaciat. Huic autem operi pars eorum dimidiata plerumque sufficit. *Bolum* igitur e. g. duodecima quaque tantum hora, *Chalybisque Dosis* non nisi vicibus alternis & duplo intervallo damus.

Sin eveniat, ut, vel ob aëris inclementiam & tempestatem perfrigidam; vel, ob erratum in cibo & potu, aut aliud quodvis, Artubus relictis, *Ventriculum Arthritis*, dum hæc aguntur, repetat, (quod quidem minimè rarum est) causa ejus recidivæ diligenter exquirenda, & sine mora removenda est. Si novæ in *Ventriculo* Cruditates, aliæve impuritates sint collectæ, Leniente quodam & alvum molliter inaniente, deducantur. Si ex Algore contrahatur Cutis, itaque percutiatur Humor in Tumore comprehensus; per Calorem externum, per Vestitum, aliaque, jam dicta, applicata, denuo evellatur. Utroque verò casu, Interna plena manu sunt administranda: Ut nempe locum, quo per infortunium, vel ex incuria & negligentia cessimus, eum industria & vigilantia recuperemus.

Et quidem nullo, quod sciam, hujus *Anomalæ* casu (ut tandem hoc argumentum aliquando finiam) *Podagra* goga vel fortiora, vel majori quantitate danda; quam ubi illa recidiva est, aut in corpore Cruditatibus onerato, propter imbecillitatem minimè purgando, longaue Morbi obsidione debilitato. Illi enim ex *Chalybe*, *Zinzibere*, *Pipere* composita: Illi *Spiritu* maximè volatili referta, & quàm à nobis dictum est, longè copiosius sumpta, sæpe vix sufficiunt; imo sæpenumero ne vix quidem. Æger enim, miserè afflictus, Spirituum inexplicabili dejectione lan-

guens, inter Remedia, utut ardentia & Cardiaca, de *Ventriculi* Frigore & depresso animo clamans, è vita, & quidem interdum inopinato, stupente undique astantium multitudine, excedit.

Quamvis id desiderandum, & quidem imprimis optandum, ut Articulo ἐν τοῖς ἐξωθεν aliquod figatur *Arthritis*; nihilo minus interdum satis erit, e. g. in *Arthritidis vagæ Anomalia*, si ad internodia sua reducatur: Imo quidem ex Miasmate tantum resorpto, & in Sanguine retêto, itaque *Ventriculo* immuni factò, ægrum aliquando novi servatum. At in *Arthritidos fixæ Anomalia*, omnium commodissimum, exoptatissimumque erit, si denique in Articulo aliquo defigatur.

Id autem observatū facillimum, pariterque visu jucundissimum, quod, quibus gradibus Dolor, Tumor, aliaque rectæ *Arthritidis* Symptomata in extremis partibus oriantur & augeantur; iis planè illa, quæ post Vomitum manent *Ventriculo*, levantur, & immi- nuantur: Speciatim, iis omnino passibus Ἀρρογία, Ventriculi Dolor, Cibi fastidium, Cardialgia, Nausea, &c. vincantur & fugentur: quibus succedit Famem, Cibi concoctio, Oculorum vigor, & scintillulæ, aliaque redemptæ & recuperatæ salutis indicia. Ut ægrotanti denuo rectam in viam reducto, è re sua sit in eadem sedulo & constanter progredi; donec *Arthritidis* materia ἐρῶς emissæ, spumaque omni effusa, tum is alacriori tum etiam tutiori vita fruatur.

In hujus *Anomalæ* Prophylaxi valent *Aquæ Ferratæ*, diu recteque potæ; quibus adjungi possunt remedia *Stomachica*, Famem & Coctionem promoventia;

cum modicè restringentibus; speciatim è *Cons. Abs. R. Flor. Ros. rubr. Fruct. Cynosb. Pul. Rad. Ari C. Sale Martis, Ente Veneris, & ejusmodi aliis, lege medica, composita & assumpta*. Danda etiam opera est, ut *Dyspepsia, Frigus*, aliæque Causæ evidentes, maximè quam primum repullulavit, & in Sanguine renovatum est *Arthriticum Miasma*, evitentur. Prodest etiam Fonticulum in Brachio, vel infra Genu, prout *Chiragra*, vel *Podagra*, est frequentior, aperire. Qui verò sibi hac in parte prospicere minimè curabunt, *Anomalam* eos expectare par est, tum crebro, tum graviter recidivam.

Hæc est illa Medendi Methodus, quam meis utilem & salutiferam, in tractanda isthac *Anomala*, expertus, si per tenuitatem nostram licuerit, aliis commendare velim; donec ea meliorem dies docebit.

HISTORIA V.

In Ventriculum & Intestina irruens Arthritis, foras expulsa.

Historiarum agmen ducat Venerabilis & Prænobilis Dominus, *RICH. ANNESLEY*, in Ecclesia Cathedrali nostra, *Exoniensi*, Decanus; in *Hiberniæ* Regno Baro *Altham*; Magni Comitatus de *Anglesey* Filius: Qui, cum Naturæ Muneribus eximiis, cum Ingenio planè divino, ex Illustrissimo Parente derivatam (*nam, ut dictum est, ad bona cuncta ne quidem Agamemnon natus*) accepit *Arthritidem*. Id autem huic *Arthritico* bene cessit, quod per annos complures aptè, quodque rectè doleret; & quod, in Paroxysmis quoties Spuma è Sanguine effunderetur

Arthritica, non id cum Vitæ periculo, (sic, ut in plerisque solet *Anomaliis*) sed cum Ægri emolumento & tutela perageretur.

Ita illi Vitæ ratio si non integra, minimum incolumis diu fuerat; quum, ab *Arthritide* aliquando feriatultra modum, ex ea tanquam antecedente causa, Miasmate *Arthritico* Corpus habens ἐμπιπλάμενον, in malum incidit gravissimum, in summum Capitis periculum.

Nam horæos fructus nimio plus devorans, biduo vel triduo post, nempe quam primum ii in *Ventriculo* computrescentes illum aggravarent, Primum, Cardialgia, tum Animi deliquio, Motibus Convulsivis, Spasmo Oris Cynico, ut vel ipsam animam agere videretur, est correptus. Statim, atque Tragedia incepit, arcessitus ad ægrum advolavi, malique tam atrocis, tam etiam repentini sciscitando causam indagans, eam, quam memoravi, esse inveni; neque nisi Vomitione tolli posse judicavi.

Quando verò huic ægroto, Medicamentorum minimè amanti, propter aliquod ex Natura fastidium, *Emetica* abhorrenti, neque sine periculo toleranti, ea, quæ Pharmacopolii sunt, *Emetica* non conveniret, vel liceret dare; aliam tentare viam necesse habui. *Vini*, Ægro familiaris, rubri, Lusitanici quantitatem bene magnam exhibui; eaque Ore rejecta, Haustum repetii; & quidem eatenus *Vino*, & tam celeriter dato, donec αἷω Cruditatum massa omnis ejiceretur; quæ quidem magna erat, impura, acida, graveolens. *Emetici* hujus *Cardiaci* beneficio factum est, ut tum *Ventriculus* exoneraretur, tū etiam eodem tempore à deliquiis Æger incolumis

mis servaretur. Tormina, quæ postri-
die supererant, *Intestina* etiam premi
ostenderunt: Et quidem aliter, quàm
in vulgari *Colica*, ea premi mox consti-
tit. Nam cum *Æger* jam diu ab *Arthri-
tide* claudus fuisset; ea, quæ jam in
Visceribus congesta sunt, impura, Ma-
teriam Artubus inhærere gressuque
ægrum privare solitam, ad τὰ ἐίδον,
ad se vocarunt: Quod vel hoc inno-
tuit, quoniam Visceribus æger acerbis-
simè dolens, eodem tempore Pedum
factus est compos; & quidem magis,
quam per annos ante multos. Huc
enim illuc expeditè, & erecto Corpore,
quasi Vinculis solutus, ambulavit; ut
ab Artubus ad *Intestina* Materiam
μῆδισαδὲ *Arthriticam* minimè ambi-
gatur.

Ad *Intestina* expurganda leniens
præcepi, & deinceps aliquot post die-
bus altera vice. Dolor, qui post Pur-
gationem utriusque generis satis vehe-
mentem mansit, *Intestina* aggravans,
Naturam mali *Arthriticam* adhuc plen-
ius monstravit.

Ut in Artus hospitio novo movere-
tur Hostis, (quod jam proximè facien-
dum) *Pulvere Gasconico*, &, quod in
hac re momenti erat maximi, *Vino* præ-
dicto usus est *Æger*. Quorum ex usu,
primum, Dolor, deinde Tumor, cum
Cute lævi & nitente, ortus est, & Chi-
ragram indicavit. Tum post longam in-
termiſſionem rediit Fames, & ex ali-
mento largiori paulatim Vires; ut, qui
susurro, languidè & debiliter, verba
jam diu ediderat, voce iterum nunc
viva loqueretur; iterumque gravidam
faceret Uxorem.

Ægrotanti profuit, quod ea fuit illi
Spirituum Animalium Vis, & tam *Ela-
stica*, quanta utique rarò observatur,

quanta putari potest maxima: Quæ
quidem plurimum in eo restituendo
valuit.

Annos posthæc aliquam multos exe-
git vir præclarus, Purgantibus, Co-
ctionem corrigentibus, & *Arthritidem*
expellentibus, ea, *Ventriculum* & *Inte-
stina* multum affligente, cum fere con-
clamatum esset, allevatus.

HISTORIA II.

*Arthritis idonea, Balneo frigido in
Ventriculum, & ea quæ intus
sunt, repulsa.*

Homo adolescens, καλοκαγαθός,
ætate provecto Patre oriundus,
eaque de causa Corpore tenerrimo, Spi-
rituque animali minus firmo donatus;
quum è quinto Vitæ lustro nondum ex-
cesserat, *Articulari* morbo plus semel
laboravit. Appetitum habuit adino-
dum languentem, Coctionem immi-
nutam; unde ali desinere cœpit, & ino-
pia consumi. Cum eo res deducta erat,
consilio certè non optimo Uxorem du-
xit: Adeo nempe verum est, Infortu-
nia rarò solitaria mortalibus obvenire.
Matrimonio nihil huic humuncioni
gravius, nihil unquam intolerabilius
esse potuit. Corpus cito enervatum, &
Vitæ vix sufficiens innuptæ, maritali
verò impar, *Æstus* invasit universalis,
Febricula *Συνεχής*; cui postmodum
accessit *Dolor Articularis*, cum Tumo-
re, Rubore, &c. signis *Podagræ παθε-
γνωμονικῆς*.

Ut æstum mitigaret, dolorem alleva-
ret, aliaque, quæ Ægrotum maximo-
pere urgebant, accidentia reprimeret;

quando Calor invitaret æstivus, Aqua Pedes immerfit, in frigida & falsa (nempe marina) consistens. Hic Pedum evanuit Tumor, Rubor, *Podagræ* indicia; simul & Vomitus & Intestinarum Dolor est obortus, isque diuturnus, ingens; sic, ut ex eo planè colligi possit; Materiam ad ductum alimentarem, à Pedibus transferri *voenplw*. Sub id tempus, ut Viscera, quæ multum exæstuarunt, refrigeraret, reficeretque, fructus horæos ad gulam usque devoravit; devoratos, nec eorum, nec cuiusvis generis Cibi tenax, statim ejecit. Cumque iste Victus non unius tantum dieculæ esset, verum aliquot mensium; & omni eo tempore *Ventriculi* Gravitate, Vomituque, & Dolo-
re, vel continuo, vel ex brevibus interval-
lis redeunti, Æger afficeretur; & Medi-
cinam aut negligeret, aut ea perperam
& perfunctoriè uteretur; isto denique
statu erat, quo nullum Medicina præsi-
dium, nullam opem conferre potuerat.

Uti, ad hujus Viri interitum, sociam operam quam plurima dare; ita qui-
dem ex iis aliquo in numero esse, ne
dicam primas obtinere, *Arthritida* ve-
rosimile est; quandoquidem *Materiæ*
voenplw, sive *Arthritica*, Pedibus affixæ,
ad ea quæ intus sunt Translatione, tan-
quam cardine principali, tota res Mor-
bi versa est.

HISTORIA III.

Recta Arthritis, & in Ventriculo
Anomala, se vicissim excipientes,
cum Anomalæ curatione.

VIR Generosus, ætatis mediæ,
Arthritide Symptomatica, sed &

ea languenti, neque satis regulari, diu
per vices ægrotavit. Anno MDCCIV.
circa æquinoctium autumnale, hallucis
articuli majoris, globique infra positi
Dolore tentabatur; postea verò plan-
tæ Pedis, & deinde Malleoli; sed eo
incerto, & vago.

Elapso vix triduo retrocessit Hu-
mor (cujus tamen rei quid in causa es-
set, dubium erat) neque amplius Pedem
momordit. Ægrotantem è vestigio in-
vasit Algor universalis, tanquam Febri
præludens intermittenti. Huic acce-
debat *Ventriculi* gravitas, Pectoris op-
pressio, Nausea, Respiratio angusta, &
in suprema regione *Vertigo*, & somno
appropinquante subita Spirituum exu-
latio.

Anomaliis olim *Arthriticis* vexato, &
earum non ignaro, laboranti minimè la-
tebat; hunc *Ventriculi* affectum, etsi
prima facie vernaculus appareret, esse
revera peregrinum; & in *Ventriculum*,
relictis Pedibus, *Miasma Arthriticum*,
hujusce mali causam, mitti. Qua du-
ctus opinione Posssetum hausit, amaris
alteratum; ad Vomitus usque copio-
sum; ad impuræ, crudæ, biliosæ Vo-
mitum materiæ. Ano etiam injecto ea
nocte *Enemate*, subducta est ejusdem
quantitas non exigua. Cervici admo-
tum erat *Epispasticum*; *Pulvis* datus è
Chelis C.C. Illo multum Seri elicatum;
hoc animales Spiritus, humiles antea
& depressis excitabantur. Interposito
die uno, *Tinctura sacra* levabantur In-
testina. *Bolus* è *Pul. prædicto*, & *Theria-
ca Androm.* eo vespere refecit ægro-
tantem. Posthæc, horis tribus medi-
cinalibus, *Alcohol Martis* ℞. cum *Conf.*
Abs. R. Spec. Aromatici Rosati, & *Syr.*
Cort. Citreor. forma Boli deglutiit; cum
Infusi amari, *Vino Xeresano facti*, vel
Vini

Vini simplicis ustulati Haustu. Pedibus Emplastra, ex Cephalico, & Pice Burgund. pari quantitate, applicata, continuo gerebantur. Si Caligo, vel Lipothymia postularret, vel quoquo modo Spiritus deficerent, in præceptis erat, Sp. C. C. succinati guttæ aliquot, cum Julapii vel Vini Haustu, darentur.

Hisce aliquandiu usus, Æger beneficium inde bene magnum accepit: Purgatis etenim *Intestinis*, ad *ἡγία* amandata est *Arthritis*. Pedum factus est Dolor; tumque brevi tempore Cibum capeffivit Æger: Melius, quàm solebat, eum concoxit. Quin illi lætiores esse Spiritus animales, commodiusque Vitæ rem agi, vel ex una Oculorum acie planè constabat.

Quum eo loci res erat, de Valetudine restituta nimium securus, *Emplastra* Pedibus abjecit: Hoc autem observatu dignissimum consequencebatur, quòd intus citò remeans Materia, ab integrò *ἡγία* invadens, Nauseam iterum induxit. *Emplastris* iterum admotis, & Medicamentis ad mensem unum alterumque continenter usurpatis, omnia prosperè cedebant.

Huic ægroto inter alia, Tutelæ gratia præcepi, ut, fonticulum infra genu aperiret; & ut quas olim summo suo commodo potavit, Aquas *Bamptonenses* iterum hauriret.

Habes *Arthritides*, rectam & in *Ventriculo Anomalam*, se vicissim excipientes; cum *Anomalæ* curatione, alienum expellentibus & educentibus absoluta.

HISTORIA IV.

Arthritis semel iterumque in Ventriculo Anomala, toties expulsa.

Agricola suburbanus, ætate maturus, *Arthritide*, uti ex intervallis solebat, dolens, ex Halecum esu immodico, Materiæ biliosæ & crudæ vomitu, *Dolore Ventriculi*, & *Intestinorum* immani, *Respiratione* difficili, *Cordis palpitatione*, *Cephalalgiaque* premebatur. Magna erat *Viscerum* oppressio, & quasi constrictio. Tabaci, qui in numero deliciarum erat, usus jam nullus. Ut primum illa intus suborta sunt mala, deliquit illico *Arthritis* externa, quæcunque fuit *Articulorum*. Nutriculis, & familiaribus palam erat, ab *Arthritide*, Membra relinquente, cum *Intestinis Ventriculorum* impetente, totam hanc oriri malorum Iliada.

Medendi Intentio erat, purgato prius Ductu alimentari, suam in Sedem, in Artus propellere *Arthritidem*: Ideoque *Vinum* exhibitum est *Scilliticum*, posteaque *Pulvis Warvvicensis*; unde *ἄνω καὶ κάτω* multum, & cum *ἰσχυροῦς* purgatus æger: Peracta Catharsis, data sunt *Cardiaca*; iisque postmodum auxilio erant Externa, *Arthritidem* educentia, Articulis admota.

Horum beneficio Visceribus remota est *Arthritis*, & in Artus amandata: Verùm, propter erratum aliquod in *Sex non naturalibus*, quum ad Viscera brevi post redierat, ea, quæ sequuntur, in usum adhibui.

℞. *Theriac. Androm.* 3℞. *Pul. è Chel.*
C. C. ʒij. *Conf. Alk.* q. s. f. *Bolus*,
omni.

omni nocte cum Vini rubri Lusitanici
Haustu sumendus.

R. Gentian. ℥j. Zedoar. ℥ij. Infun-
de, igne arenæ, in Vini prædicti ℔ij.
ad idoneam alterationem, tunc f. Colatu-
ra: Sumat Colaturæ ℥iiij. additis Tinct.
Martis, & Aurant. ana gtt. x. horis
duabus Medicinalibus; cum Pul. Rad.
Ari C. ℥ij. Chal. Nutr. ℥ss. Bis in die
sumat Sp. Vol. Oleos. gtt. xv. cum Vini
prædicti ℥iiij. Potui sit Decoctum album,
cum Aq. cin. fort. Utrique Tibiæ appli-
cetur Epispasticum.

Auctis in hunc modum Cardiacis,
& majori quantitate, sed neque nimia,
datis, Viscera planè liberata, Articulis
affixa est Arthritis, Æger restitutus.

At ille, ut erat *Δύσπλaxνος*, &
Arthriticis pronus Anomaliis, iis, sed
diversis formis, sæpe recurrentibus
affligebatur: de quibus suo loco.

Historia profert Arthritidem in
Ventriculo & Intestinis semel iterum-
que Anomalam, toties Arte medica
remotam, foras ad domicilium pro-
prium, ad τὰ Ἀκρα pulsam.

HISTORIA V.

Arthritis iterum ac sæpius in Visceribus
Anomala, toties in Artus able-
gata; cum ejus Prophylaxi.

VIR quidam, à prima ætate Ar-
thriticus, quinto & sexto Vitæ
lustro, magnos Articulorum habuit
Dolores; septimo & octavo, Venti-
culi Intestinorumque. Cum enim Cor-
pore valde imbecillo, Sanguine tenui,
cumque infirmis esset Visceribus; post
Frigora, Satietates, & Cruditates fere
omnes, per hosce annos, Arthritidi

rectæ vix sufficientes, ad ea, quæ intus
sunt, appellì solita est Arthritis. Ha-
rum *Ανωμαλίας*, ad rem nostram confe-
rentes, non nullas in medium afferre
non gravabor.

Mense Oct. MDCCV. propter cru-
ditates, maximè à Fructibus *ὥραιοις*, in
Ventriculo & Interaneis collectas; omif-
sa, qua ad ea tuenda solebat uti, me-
dicina; Appetitu læso, Nausea, Dolore
Ventriculi, Pectoris gravitate, Spiritus
angustia, Oscitatione crebra corripie-
batur.

Ut tanto onere, Visceribus incum-
bente, & Arthritidem iis impingente,
levaretur æger; Purgatio per Os, per
Anum, mediocris, & ejus viribus
æqualis, adhibebatur. Quum verò,
propter imbecillitatem ægri, nullus
ei medicinæ, quâ ad Ventrem ina-
niendum opus erat, daretur locus; ne-
que Cardiacæ, Ore data, tametsi for-
tissima multum prodeffent; ire in pe-
jus omnia, conclamatam esse rem;
quotquot adstabant, existimarunt om-
nes: Nec quidem temerè; Pulsus enim
debilis, membra pendula, & quasi
resoluta, Faciei pallor, Corpus subfri-
gidum fidem fecit opinioni.

In hoc miserrimo rerum statu, Vi-
num Lusitanicum, modica Dosi, sed
crebra propinavi: Quo, ad libras
aliquot sine vomitu poto, Pulsum
augeri, Vires aliqua ex parte refici
notabam. Utrique tunc Malleolo,
ubi sedem habuit primariam Arthri-
tis, Phænigmm admovi, quam ferri
potuit, calidissimum; frigidumque re-
novavi, quoad Dolor & Tumor exo-
riretur: Hoc verò paucis horis spatii
perfectum est.

R. Cacum. Rutæ, Sem. Sinapios Ras.
Raph. Sylvest. aā part. j. Fermenti vet. p.
iij.

jjj. cum Aceto Vini albi misceantur, & fiat Phoenigmus.

Tumori, ne in Sanguinem alienus humor retrocederet, *Epispasticum* applicui; cuius virtute, quantitas Serii bene magna eliciebatur. Dies etenim permultos, ne dicam Hebdomadas, effluxit; & quidem Flumine tam jugi, tamque magno, ut pro certo habeatur, foribus bis apertis inimicum in exilium mitti; causam *Arthritidis* continentem una cum Sero amandari.

Hujus Sententiæ confirmandæ gratia, duo subjiciam, quæ eam maximo-pere probare, omnique suspicione liberare mihi videntur. *Alterum* est, quod, qua proportionem Serum emanavit, ea planè augeretur respirandi spatium; ea, rediret Fames: ea, *Ventriculi* gravitas; ea, Dolor reliquaque omnia Symptomata tollerentur. *Alterum* est, quod diutiorem ab *Arthritide* vacationem, longiorem ab ejus Paroxysmo quietem, ex eo tempore, quam per annos ante complures, æger obtinuit: Sanguinem nimirum, methodo jam dicta, depurgato.

Ut autem extrudatur *Arthritis*, ut evacuatio Serii tam benigna, tam comoda, præmoveatur; utque ei tolerandæ sustinendæque par reddatur æger; Vinum ei, jam dictum, quotidie dedit bibere, & quidem assatim; *Martis*que *Alcohol* bis in die sumendum præcepi: Eo quidem cum eventu, quod, uti primæ rerum mutationi conciliandæ multum contribuit *Phoenigmus*; ita ei continuandæ *Mars*; utraque verò ratione *Bacchus*.

Biennio post, cum ex *Ventriculi* gravitate, materiæ biliosæ Vomitu, Oscitatione, Pandiculatione, aliisque signis istius *Anomalie* in hoc ægroto

præunciis, eam in propinquo esse præsciverim; *Aquis Purgantibus*, semel iterumque opportunè datis, *Ventriculum* & *Intestina* purgavi; malum, eo loci mansurum, anteverti.

Ut contra *Arthritidem* Ægrotum, contraque *Anomalam* ejus *Ventriculū* defenderem; *Aquas Bathonienses* biberet; ea, quæ roborent *Ventriculum*, simulque faciant, ut bene concoquat, (*Chalybeata* nempe, *Stomachica*, & *Astringentia*) fumeret, ægroto inter *Anomaliarum* initia suasi. Et quidem adeo ille fecit imperata, cumque exitu tam felici, ut, qui claudus antea, Pedum vix compos, non nisi difficulter incederet; milliaria duo tria ambulando jam facile metiretur: Ex eoque tempore sanior & integrior evasit, diuque perstitit. Neglecta verò postea, quam dixi, Prophylaxi; vel parcè, & indiligenter adhibita; multum ille torquebatur *Arthritide*, nunc recta, nunc *Anomala*; donec ea, multis post annis, confectus & oppressus, è vita cessit.

HIST. VI.

Cum Plenitudine Arthritis, partim recta, partim (in Ventriculo) Anomala, Purgantibus & Podagricis allevata.

Civis Iscanus, vitam agens inertem, & desidiosam, ea de causa *Plethoricus* & *Arthriticus* evasit. Ætate constanti, postquam ex intervallis sæpenumero recteque doluerat, tumore Pedis dextri tenebatur; eo, qui tum *Arthritidem*, tum *Plenitudinem*, manifestè

festè agnosceret. Cum eo simul orta famis imminutio, Cibi fere omnis fastidium, similemque habuit cum eo progressum, & vehementiam. De causa malorum istorum altera, communi, nempe *Plethora*, nemo unquam dubitavit; de altera, nempe *Arthritide*, Pedem afficiente, quando Dolor *Articularis*, cæterumque Pathognomonicon, eum monstraret, non est controversum: Sed de ea locum in *Ventriculo* habente, *Æger* murmurare; & *Podagram Ventriculi* Morbum esse commentitium, & imaginarium, æstimare visus, multa secum mullitare.

Ego, ut ejus ingenio morem gererem, humanissimum, & priscis moribus, Artisque Medicæ cumprimis intelligentem, Dominum Doctorem *Hele*, eo tempore Medicinam hac Urbe factitantem, in consilium vocari, lubentissimè consensi. Huic ego totius morbi, sic, ut erat, compositi, Historiam enarravi; maximè verò *Arthritidem*, olim importunam, nuperis diebus nimio plus quietam, explicui: Quibus auditis, propositam ille viam mecum calcare non est dedignatus. Socia igitur opera, ægroto, antea perpurgato, *Chalybis* & *Pul. Rad. Ari C.* à me datorum usum, sed aucta quantitate, continuantes, hisce verbis consulimus.

℞. *Pul. Rad. Ari C.* è *Chel. C. C. Chal. cum Sulf. pp. aā* ὄβ. *Ext. Calami Aromat. q. s. f. Pil. horis duabus medicinalibus sumenda, cum Haustu seq. Julapii.*

℞. *Aq. Menthæ, Flor. Chamæm. aā* ζv. *Stephani, Gent. C. aā* ζijj. *Marg. pp. ὀjj. Sacch. q. s. f. Julapium.*

℞. *Sp. Vol. Oleos. Castorei aā* ζji. *misce, sumat gtt. xxx. primo mane, &*

hora somni, cum Julapii, vel Vini aliqujus Stomachici Haustu.

Horum usu Medicamentorum, maximè verò *Pilularum*, multo & diligenti, Famem æger conciliavit, unaque opera humores *Ventriculi* Tunicis vitiosos exturbavit.

Historia dicit *Arthritidem*, cum Plenitudine conjunctam; partim rectam, & in extremitate Corporis agentem; partim *Anomalam*, & in *Ventriculo* latentem; sed & eam Medicina expulsam, in Sanguinem relegatam.

HISTORIA VII.

Arthritidem ex Animi perturbatione Anomalam, in viam ducunt Ποσαγγορὰ.

D Omina R ——— quinquagenaria major, *Arthritide* frigida diu multata, eaque Pedem nuper afficiente; propter Animi Pathemata, & turbas, nescio quas, domesticas, Materiam νοσσην (interciso Paroxysmo) in *Viscera* retroactam habuit. Remisere *Mal-leoli* (id est, partis affectæ) Symptomata, Dolor, Tumorque; & simili proportionem intendebatur *Ανορεξία*, Nausea, acidi & pituitosi Vomitus, Oscitatio, *Σκόρρα*, cum affectione *Ventriculi* Idiomate nostro appellata (*Water-pangs*;) Nam *Oesophagum* ascendens, bis vel ter in die, ad ζijj. vel jiii. ab Ægrota, tanquam utero gerente, Aqua ore ejecta est. Hanc Affectionem imbecillitas Spirituum, Palpitatio Cordis, Faciei pallor, Vox tremula, languens, & inusitata animi dejectio sequebatur.

Ab *Arthritide Anomala*, & ad ea, quæ intus sunt, inversa, Symptomata ista proficisci minimè dubium erat. Hoc Historia morbi, & Symptomatum ordo demonstravit. Utque deviam *Arthritidem* in locum proprium, in Artus ducerem, propositum mihi palmarium erat, & medendi Indicatio.

Quem in finem, impedimentis, quæ *Stomachum* & *Intestina* premerent, per Alvi ductionem expurgatis, *Infusum amarum Martiatum*, horis duabus medicinalibus; *Bolum Cardiacum*, (è *Pul. Cantiano*, *Chalybe Nutrito*, &c.) hora somni, cum *Jul. Haustu*; *Spiritus vol. Oleos. gtt. aliquot*, sæpius in die, cum idoneo quolibet vehiculo dedi. Unde fructus, brevi temporis spatio, Spe omni major, Votis par. Restituta sunt Viscera, scintillarunt Oculi, doluit iterum Malleolus, servata est *Ægra*, & quidem una *Arthritidos* amotione, & in Pedes ἐξαγωγή.

HISTORIA VIII.

Arthritis vaga primò Partibus ex contusione læsis; deinde Ventriculo hærens; in Sanguinem resorbetur, in Artus emittitur.

VEtula quædam, origine, *Arthritica*, dolores habuit diu per Artus huc illuc erraticos; postea, contuso Corpore (quum ab Equo forte cecidit) læsis & debilitatis Partibus in hærentes. Hi verò deinceps, locis hisce relictis nescio qua de causa *Ventriculum* invasere: Namque Nausea, & Vomitus secuta erat permolesta, cum Motibus Convulsivis & Hystericis aliquot accidentibus.

Nihil clarius esse potuit, quàm quod ea, quæ olim Membra infestaverat *Materia*, peccans & *Fodagrica*, primum partibus contusis, deinde *Ventriculo* committeretur: Atque huic confusus opinioni, principio curandum existimavi, ut Vomitu sedato *Materia Ventriculum* aggravans per Anum eiceretur. Præmissis igitur *Laudani* guttis aliquot, sub ejus præsidio Pilulas exhibui purgantes; quarum ope, ut & Enematis postmodum immissi, ægrotadejecit impura bene multa. Peracta Catharsi, *Pulvis è Chel. C. C. & Rad. Ari Comp. añ ʒß. tertia quaque hora*, sumebatur; cum *Julapii haustu Hystericis*, & *Sp. Vol. Oleoso*.

Hisce remediis ex lege usurpatis, notatu jucundum erat, quibus gradibus sanitatem *Ægra* recuperaret. Primum, ut ex istiusmodi *Cardiacorum* usu solet, Calor oriebatur universalis; eique tandem aucto, & magnum in modum evecto, *Ventriculi* successit allevatio; sic, ut à Sanguine celerius & rapidius circumvecto, *Miasma Arthriticum*, *Ventriculi* Tunicis infixum, reforberi, & in Sanguinis sinus recondi censeatur.

Ad tuendum *Ventriculum*, & *Arthritida* procul emittendam, *Tinct. Martis* (ex ejus *Limatura* & *Succo Limoneo confectæ*) gtt. xx. semel bis in die sumendas, cum *Infusi amari alterantis Haustu*, præcepi. Quorum ope *Ventriculo* cautum erat, & rectè egit *Arthritis*. Nam ex illorum usu (uti posthæc, ex illis repetitis, sæpe) ægrotavit Anus hæc Articulis; at, per integrum jam decennium, & eo amplius, ne semel quidem, ut observavi, *Ventriculo*, vel partibus infirmatis. Tanti usus sunt, in ordinanda *Arthritide*, *Chalybeata*.

HISTORIA IX.

Multum interesse, quâ tempestate laboret Æger hac Anomala; ad eamque removendam, tam externa, quàm interna, non nunquam in Corpore validissimo requiri.

UT autem pateat, multum interesse quo anni tempore, quâ tempestate laboret Æger hac *Anomala*; Exemplum hujusce rei magnum adducam. Homo *Damnonius*, propter *Isca* ripam agens, *Arthritidem* habuit à Parentibus ductam, autumnno vel hyeme maxima ex parte redire solitam. Hyems erat, quum, nescio qua de causa, *Ventriculum Arthritis* iniit, eumque crudelissimè gravavit.

Cùm eo loci res erat, accitus, de Morbi ingenio & natura ex Symptomatum ordine judicans, *Arthriticum* eum esse comperi, & in Artus materiam amoveri vitiosam quam citissimè debere. Atque illuc cursum dirigens, *Vini* & *Chalybis* eam quantitatem dedi, eoque cum eventu, ut ex animi sententia Pes doleret, *Ventriculus* sublevaretur: Ægri verò rebus favere, & ad educendam *Arthritida* non parum conferre, inventa est Coeli, medio Hyeme, clementia.

Sub id tempus, Vento, qui aliquandiu mitis fuerat, in Aquilonem mutato, tempestas ingruit acerbissima, frigus intensissimum: atque hujus sævitia, ambitum Corporis urgente, retroacta est, in ea, quæ intus sunt, *Arthritis*. Expellentibus altera vice usus sum, & ut Materia denuo extruderetur, elaboravi: quod tamen, nisi remittente prius Frigore, minimè patratum.

Iterum Pede doluit ægrotans, & quidem eo usque, donec renovato frigore *Arthritis* jam tertio *Ventriculum* invaderet. Huic autem adeo jam per Frigus (quo, ut Terra obrigit, ita valde constricta fuit ægri Cutis, humidumque intus actum) infixæ est; ut eo loci dehinc ad ipsum Vitæ terminum maneret; neque *Vino*, neque *Ferro*, etsi plena manu exhibito, neque ulla *Cardiacorum*, etiamsi fortissimorum, vi dimoveretur.

Quid per *Phænigmos*, & ejusmodi externa *Arthritidem* evocantia, fieri potuerat, (quando Tyroni, militiam istam nuper ingressi, mihi nullus erat tum temporis eorum usus) nihil habeo, quod dicam. Ex eo verò didici, *Ventriculi* hunc affectum unis ore assumptis, in Corpore validissimo, non semper auferri; verum externa, in auxilium & operam iis sociam adjungi, non nunquam oportere.

HIST. X.

Cibi fastidium, & Asthma, ex Arthritide Ventriculum infestante; ea expulsa, sublata; ea denuo repulsa, recidiva.

SEnex *Arthriticus* dolore Pedum, cui olim assueverat, aliquandiu liber, Appetitu læso, difficili Respiratione laboravit; utroque tam urgente, ut in dubio non modo Salus, verum etiam Vita esset. Tum denique de Medico quæritare cœpit. Cum illam esserum conditionem, mihi denunciatum est; ab *Arthritide* inversa, *Ventriculum*, & spirandi organa afficiente, turbas hæce

hasce concitari, sum arbitratus: ideoque, quando Ægri vires infractæ consumptæque Purgationem minimè paterentur, primo quoque tempore *Bolum, ex Pul. Cantiano, & Theriaca Andromachi deglutiendum, una cum Vini rubri Haustu, Spiritusque vol. Oleos. gtt. aliquot, dedi, & hora quaque quarta repetii. Cardiacis* isto forti & generoso, pro re nata, repetito, factum est, ut in Artus statim expelleretur *Arthritis*; ut ab ea dolerent, tumerent Articula-
menta. Felici huic Humorum *Μεταβάσει* debuimus, quod in mediis periculis, in extremo discrimine non omnino spe destitueremur.

Ut eum, quem ita nacti fuimus, locum teneremus, *Infusum* dedimus *amarum, Vini Xeresano* factum, modica quantitate, ter in die, potandum. Unde quidem multum Æger Articulis doluit, multum profecit: Hæc autem æstate acta, & favente Cœlo. Vix aderant Saturnalia, cum malum recru-
duit, propter Hyemis inclementiam, forsan gravius & intolerabilius. *Chalibe, Cardiacis* valentissimis tentata est Curatio; sed nequicquam. Morbo, Hyeme, Senecta oppressus Æger è vita excessit. Quid verò per Evacuatio-
nes opportunè adhibitas fieri potue-
rat, quando earum nulla mihi data fuit
opportunitas, nihil ausim affirmare. Iis autem, modo Vires annuissent, opus
fuisse autumo.

En *Asthma* & *Ανοπεξία*, & *Arthritide Ventriculi* infestante: ea verò in Artus expulsa, eadem sublata: repulsa
denno *Arthritide*, recidiva eadem, im-
portuna, mortifera.

H I S T. XI.

*Ex Arthritide Cardialgia, ut & aliàs
Ανοπεξία, per Catharticum & Humo-
res in Artus expellentia, feliciter
curata.*

S Enex honorabilis, à multis annis Paralyticus, *Arthriticus*, Sexage-
nario major, Tumore Pedum conti-
nuo laboraverat tali, qui Hydropa an-
tecedere, præque foribus eum esse
videretur ostendere. Totum enim pro-
pemodum Pedum ad Genu usque oc-
cupavit, Digito prementì cessit, ejus-
que foveam retinuit diutinam. Jam-
pridem autem, (quod in hoc casu ma-
ximi est momenti) evanuit Tumor om-
nis, sive *Hydropicus*, seu *Arthriticus*.

Errat insuper huic ægroto, quæ qui-
dem Paralyticis familiaris, Sputatio ju-
gis; sic, ut diei spatio semilibram sæpe
expueret, & quidem quo plus, (quod
observatione longa palam erat) eo illi
melius. Nam, cum noctu lecto, cum
interdiu cathedræ perpetuo figeretur;
itaque exercitatione pene omni, ejus-
que effectu, tum Urina, tum Perspi-
ratione liberiori, privaretur; majori
Salivatione usa est Natura, & per eam
aliarum Evacuationum defectus quo-
dammodo refarcivit. Saliva autem,
hoc tempore suppressa, una cum Tu-
more Pedum abeunte, aliisque mali
moris Symptomatibus, in periculo ver-
fari Ægrum manifestavit.

His adjiciendum, quod paucis post
diebus *Cardialgia* suboreretur; quæ,
cum perpetua fere esset, & *Ανοπεξία*;
cum *Melancholia*, tanquam satellitibus
d 3 stipata,

stipata, Ægrum adeo confecit, ut simul & Caro multum, & una cum ea Vires absumerentur.

Cum mihi jam antea daretur, Celeberrimi hujus Viri rebus invigilare Medicis, salutique prospicere; malum illud nihil aliud esse judicavi, quàm *Arthritidem* inversam, *Ventriculo* fixam, & quæ ab ejus *Anomalia* fluxerunt accidentia. Proindeque, ut *Ventriculus* & *Intestina* primum exonerarentur, & tunc in Artus emitteretur *Arthritis*, conceptis hisce verbis præscripsi.

℞. Aloes rosat. Pulv. Myrrhæ, Scammon. aā ʒʒ. Res. Jal. gr. v. Ol. Abs. Chym. gtt. l. Extr. Cent. q. s. f. Pil. v. mane deglutienda.

℞. Tart. Laxant. ʒijij. cum Jusculi Avenacei haustu, circa horam decimam sumendos; si Pil. tardius operabuntur.

Hora somni post Purgationem, sumat Pul. è Chel. C. C. & Marg. aā ʒʒ. cum Aquæ Cin. bord. ten. Melissæ ana ʒjʒ. Pæoniæ C. ʒijij. Sp. vol. Oleos. gtt. xx. Conf. Alk. ʒj.

℞. Conf. Abs. Rom. ʒj. Pulv. Rad. Ari C. Alkool. M. aā ʒʒ. Syr. Abs. q. s. f. Bolus.

℞. Tinct. Myrrhæ ʒj. Sp. vol. Oleos. ʒʒ. Pul. Gentian. ʒj. misce, igne arenæ digere, f. Tinctura.

Præmissa Purgatione, sumat Bolum bis in die, cum Julapii Haustu; hora ante prandium, Tinct. gtt. à xxx. ad xxxx. cum idoneo quovis vehiculo.

Pharmacis hisce assumendis, solito diligentius Æger, aliàs Pharmacorum osor, incubuit; & quidem eorum viribus *Arthritis*, à *Ventriculo*, & iis, quæ intus sunt, remota, in Artus exulare: Dolore Articuli; tumere Pedes; quod-

que isthoc amplius, abire *Cardialgia*, redire Fames, incolumitasque, pro Ægri ætate, cæteraque ejus conditione, magna.

Quando, ex quiete nimia, aliisque in sex non naturalibus erratis, vitium alio tempore contraxerat *Ventriculus*; paucis post diebus detumescere Pedes; fluere desiit Saliva. Malum ex eo notabatur ingravescere. Cibi enim omnis obortum est fastidium, *Intestinorum* æstus; & dolor erat, Faciei pallor. Ab Ore & Pedibus, ad ʒʒ. ad *Intestina* Humorem *Arthriticum*, & serosum ejus vehiculum ferri constabat. Per Vinum & Oxymel Scilliticum, perque Solutum purgans, Ductum alimentarem exinanivi. Pituita & Cruditate omni amota, per Infusum amarum, forte & generosum; perque Chalybeata factum, ut *Ventriculo* Fames; ut Ori Saliva; ut Pedibus Tumor; ut Faciei Color: Verbo dicam, expulsis, ad ʒʒ. Humoribus vitiosis, ut Ægro nobili conciliaretur, quanta maxima potuit, incolumitas.

CAPUT II.

De Colica Arthritica.

ARTIC. I. **P**ost affectus eos, qui in *Ventriculo* sunt *Arthritici*, lata ducente via, ad illos, qui attingunt *Intestina*, descendendum est: Quorum è numero *Colicæ* dandus est Principatus; tum quod ea frequentissimè omnium occurrit, tum quod (uti solet evenire) magno cum supplicio laborantium. Hæc autem *Colica*, minimè uno contenta *Intestino*, *Fistulam* à *Ventriculo* ad Anum omnem,

nem, etiam si non eodem tempore, tenet, & in ea sedem ponit. Imò quidem sæpe fit, ut, cum *Intestinis* hac *Colica* vexatis, *Ventriculus* etiam, & quidem *ἰδιοπαθειῶς* afficiatur, non nunquam multum affligatur.

II. *Colicæ* vultum induit *Arthritis* & fixa, & vaga; & regularis, & *Anomala*, & *Primigenia*, & *Symptomatica*. Horum omnium membrorum omnino nullum exstat, quod interdum ita non faciat. E *Symptomaticis* verò ea creberrimè, quæ *Colicæ* succedit; quæ à *Colica* incipiens, in eam definit. Ea citissimè partes has invadit;

Ad limina nota,

Ipsa domum se fert;

& *Artus* & *Intestina* vicissim occupans sedem habet ambiguam. In natu grandioribus, & infirmis (qui *Anomaliarum*, uti dixi, *Arthriticarum* mos & consuetudo est) induit sæpissimè; in *Athleticis*, & ætatem nondum mediam ingressis, aliquando. Hujus autem *Metamorphoseos* modus & ratio talis est.

Quum *Æger* diu recta *Arthritide* per vices doluit, & jam ætate proventus est; vel ex debilitate, vel alia aliqua de causa statim exquirenda, *Natura* *Paroxysmos* identidem intermitit; & nullos, aut raros, aut parvos & breves edit. *Paroxysmorum* istam defectionem usitatissimè sequitur, ocus aut tardius, in iis, quæ intus sunt, novum quoddam malum; interdum autem caterva *Symptomatum* illa, quæ *Colicam* manifestè indicat. Primum, universi corporis *Ægrotationem*, & *Ἀνορεξίαν* æger; non rarò *Nauseam* quoque sentit: tum *Dolorem Intestinorum*; qui plerumque fixus, & eidem quasi puncto (Pali instar) hærens, por-

tionem quandam *Abdominis* tantillulam (quod sæpe observavi) præcipuè *περὶ τὸν ὀμφαλόν*, pungit excruciatque. Huic *Symptomati* aliud fere æquale est, pectoris nempe *Oppressio*, & tanquam ab onere incumbente *Gravitas*; quæ, ut hujusmodi *Colica* afflictis fere cunctis accidit, ita quidem iis molestissima est. Hæc duo *Symptomata*, (*Σπρόφαι* nimirum, & *Gravitas* pectoris) summa & primaria judicentur; quibus secundo loco adnumeranda *Præcordiorum* distentio, *Βορβορυγμοί*, *Ructus*, *Materiæ* plerumque biliosæ vomitus, *Alvi* segnities. Tertio loco, *Accidentia* καὶ *Συμπαράβαινα* nata; qualia sunt *Oculorum* languor, *Spirituum* dejectio, *Vigilia*, *Animæ* remissio, *anxietas*, &, si morbus duraverit, universi *Corporis* imbecillitas & macies.

Etsi non semper, tamen sæpe *Autumno* incipit hæc *Tragœdia*; &, nisi opem auspicato *Medicina* fert, per insequentem *Hyemem* ægrum affligit, & quidem miserabiliter. Nam à prima *Intestinorum* aggressionè, *Flatu*, *Tristitia*, *Dolore* languet ille & deprimatur: noctu vigilat, interdum lamentatur; dies noctesque calamitosas agit; donec *Somno*, *Cibo*, *refectionibus* *Vitæ* necessariis privatus, *Vomitu* creberrimo laceffit, *Dolor* fractus & enervatus, *Macie* confectus, serius citiusve (prout illius vires sunt) vitam cum morte ærumnosissimam commutet.

III. Ex his *Phænomenis*, de morbi hujus genio & natura statuere, non erit difficile. Quid enim magis in propatulo, quàm quod materia ista *Arthritica*, quæ ad τὰ Ἀκρὰ propelli sueta est. (*Natura* novis utente consiliis, alioque

alioque instituto) jam in Visceribus deponatur, ibique dictam moveat Tragœdiam: Illa Famem tollit; illa *Δυσπεψία* infert; illa Vomitus ciet, illa Præcordiorum Inflationem creat; illa Pectus aggravat; illa dolere facit *Intestina*.

IV. Unde sequitur, quod in hoc affectu detegendo, ejusque formanda Diagnosi, quanquam prima facie plurimum valere videantur è prædictis aliquot Symptomata; *Σπρόφοι* præcipuè, & Pectoris Gravitas; tamen, quum *Colicæ* huic *Arthriticæ* illa non sunt tam propria, quin aliis *Colicæ* speciebus eadem convenient; hanc ob rem *Arthriticam* nostram ut rite dignoscamus, alio progrediendum est. A nullo autem alio fonte melius petenda est illius notitia, quàm à Morbo præcedenti, *Arthritide* scil. *regulari*: præsertim ab illius nupero Paroxysmo; ab ejus silentio, five intermissione, Paroxysmus istum insequente; & *Colica* isti silentio superveniente. Quam quidem Morbi Historiã, ejusque aliam ex alia partem ordine perspicuo fluentem, quisquis studiosè ponderaverit; de *Colicæ* hujus natura, eamque revera esse *Arthriticam*, ut opinor, minimè dubitaverit.

V. Hæc, de causa hujus *Colicæ* proxima, five Continente; quæ est ipsa Materia *Arthritica* *ἢ ἐν ἑσέποις* infusa: qui verò ea infundatur, five quæ sint hujus Morbi causæ remotiores, loco jam proximo dicendum.

Eæ duum sunt generum; Externæ, vel Internæ. *Externæ* Materiam hanc, extremitatibus five commissam, five committendam, intro pellunt, & *Intestinis* illidi faciunt. Cujus ordinis sunt Frigus, Tibialia nimis arcta, Vincituræ, Emplastra, unguenta, Cataplasmata, &c.

Repellentia. Frigus, uti *Colicam* exquisitam ab omni ævo incutere, & vel ideo in causis ejus evidentibus locum non ultimum mereri; ita quidem *Arthriticam* identidem antecedere, eique producendæ multum conferre, certissimum est.

VI. *Internæ* sunt permultæ: Earum verò princeps habeatur *Intestinorum* à Natura imbecillitas, five *Ασυνία*; qua, ad sustinendum humidorum in Corpore libramentum, imparia redduntur illa, &, (secundum Leges à Mundi principio ratas & stabilitas) oneri nimio tum accipiendo, tum ferendo, pronæ. Quæ quidem causa, quandoquidem constans & perpetua est, non modo *Colicæ* conducit primum afferendæ intendendæque; sed, quod magis est, eidem postea sæpius revocandæ redintegrandæque.

Alia magnæ ad hanc *Colicam* efficacitatis causa, Impuritatū & Cruditatū massa est in Visceribus cumulata. Res notissima est, ab Hepate, à Pancreate, Glandulisque fragiformibus, in ductum *Intestinorum* mitti Sanguinis Impuritates & Recrementa: Pari etiam modo notum est, à *Ventriculo* Cruditates accipi creberrimas; in *Intestinis* sisti copiosissimas. Quoties verò *Arthritico*, quoties *Δυσπλάγχυν* id obvenerit, ad progignendam hanc *Colicam* mirum quantum operetur. Alienæ hujus massæ contagio & afflatu inficiuntur *Intestina*; & *Arthritis* intro (non aliter quam *Emplastro*, sicut ante dictum, aut *Phœnigmo* attrahente Pedibus admoto extrorsum) invitata est. Verum, ut hîc loci *φαινόμενα*, sæpe à me notati, mentionem faciam; nullæ unquam Impuritates hac in re plus efficere videntur; aut ad *Colicam* gignendam

gignendam magis valere, quam quæ sunt *Bilioſæ*: quod, *Ægrotantium* excrementis, five ore, five alvo redditis, ostendi solet. Impuritates in hujusmodi *Ægris* hac via copiosius è Sanguine effundi, id facere videtur; quod, vitam agendo sedentariam, parumii per cutim emittant; Humoresque per Διαπύρην expelli solitos, intus ferri, & in *Visceribus* deponi sinant.

Inter hæc Cause porro censenda sunt, & quidem merito, aliena ore demissa, ut fructus *ωπαίος*, &c. Pomaceum nimis acidum, immoderate sumptum; aliaque in Victu, præcipuè frigido, errata.

VII. Hujus Morbi notionem quicumque rectam habuerit; à *Colica*, Humoribus, aut Flatu orta; à *Bilioſa*, *Hysterica*, reliquisque speciebus; quantum ille separetur, facile perspexerit. E contrario, quænam species ad hanc nostram maximè appropinquent, & qua in re, ut videamus: Ratione *Originis*, *Colica Humoralis*, quoad à quiete nimia & Aëris constitutione frigidiori fiat, eatenus cum *Arthritica* concordat, & eandem habet cum ea Causam evidentem; quæ Materiam utrobique committat *Intestinis*. Ratione *Materiae*, *Colicam* hanc maxime repræsentat ea, quæ Pestilens; (qualis ab *Ægineta* describitur (a)). Hujus autem *Colicæ*, ut & *Humoralis*, cum *Arthritica* similitudo tam languida, tam mediocris; ut in hac re Medicus, si Symptomatum attendat ordinem Pathognomonicum, ne decipiatur, non est ut multum vereamur.

VIII. Hæc, ut ab aliis Morbis jungatur hic Affectus, jam à se quem-

admodum differat, & quotuplex sit, examinemus.

Ratione *Materiae*, nunc purè *Arthriticæ*, nunc autem (ut in Tribus Symptomata) *Scorbuticæ*, *Scrofulosæ*, &c. Differentias habet, cum affinibus Symptomata Tribus *Anomaliis*, communes.

Ratione *Subjecti*; modo eidem quasi Puncto, uti terebrum, infigitur, modo, sed raro quidem, *Intestina* pervagatur; modo etiam *Ventriculum* comprehendit.

Ratione *Causarum Procatarticarū*; alias externa aliqua Materiam repellente; alias Massa in Ductu alimentari coacervata, & eam intus alliciente; alias binis hisce Causis conjugatis; alias earum agente nulla, sed mera Viscerum imbecillitate, contrahitur.

Itaque licet hic Affectus unam eandemque retineat Naturam; modos tamen, & ejus accidentia, præ se fert diversa.

IX. *Colicam* exquisitam raro vitæ spatio aliquid demere, magnaue ex parte periculo vacare, pervulgatum est. E diverso *Arthriticam*, Morbum sæpe lethalem esse; semper autem periculosum, habemus exploratum. Si pectoris Gravitas, si *Intestinatorum Dolor*, præcipue pungens, diu persistit, malum. Gradatim it in pejus *Æger*; donec è medio cedat. Rara unquam, hoc casu incolumitas, nisi *Arthritide* in extremis partibus apparente; sed neque ea omni, aut semper. Nam si *Dolor* erit *Articulorum*, manente interea in Visceribus sterquilinio; ab isto Dolo externo spes evanida, inanis. Intus statim allicitur *Arthritis*, & *Ægrum* sæpe opprimit.

At si *Intestinatorum Dolor*, Pectoris
e oppressio,

(a) Lib. 3. Cap. 43.

oppressio, Alviq̃ue tarditas penitus tollatur, simulque sit in Extremitatibus *Arthritis*; eā Morbi facies hilarior; is status optabilior.

Si verò prorsus fileant eorum, quæ intus sunt, querelæ; si revertatur Appetitus, & eodem tempore fulgeat in extremis partibus *Arthritis*; tunc demum æger ἐξω βελών; tunc Gallum Æsculapio litabit. Quod ut fiat, quaque methodo medendi, jam proximè dicetur.

X. Quandoquidem ad hunc Affectum interdum Febris, à Bile orta, se adjunxit; in Curationis initio id agendum, ut Pulsus, ut Æstus, ut Sitis, ut reliquorum Febris indiciorum habeatur ratio; &, ad præcavendam Φλεγμασιν si opus erit Venæ sectione, in ipso limine operis eā fiet; parcè verò, neque supra modum huic Symptomati levando necessarium; ne, eum nimis excedendo, *Arthritidis* posthæc expellendæ tollatur omnis facultas.

Secundo loco videndum, una cum *Intestinis* utrum *Ventriculus* ἰδιοπαθὴς afficiatur; præsertim, cruditate & alienis rebus utrum aggravetur: Hoc casu nihil antiquius habendum, quàm ut, epoto *Tæx*, vel *Cardui Decocto* (neque enim *Emetica* suaderem valentissima) cieatur Vomitus.

Postridie Vomitus, si vires Ægri permiserint, aut interposito die uno, fiat Purgatio; vel per *Extractum Eustachianum* & *Res. Jalap.* quibus, si placet, adjungi potest *Mercurius dulcis*; vel per *Syr. e. Spina*, & *El. Salutis*; vel, si Febris urgeat, per *Manna*, & *Salem Catharticum*, *Aqua hordeata solutum*; vel per aliud quodvis Purgans, ad hanc rem appositum. Vespere, tam eo post Vomitum, quàm eo post Purgationem, nihil Paregorici (nisi si ὑπερ-

νάδρασι, aut aliquid improvisum id exegerit) adhibeo, ne illo *Arthritis*, in Paroxysmum eruptura, tanquam suffamine retineatur.

Adeò valet hac in re, & tanti est momenti Purgatio, ut, omissa illa si ve negligenter acta, si non mudentur *Intestina*, perturbata erit Curatio; & post conatus in ea varios incassum factos, sæpe illuc redire necessum erit, ubi per negligentiam est peccatum; ad *Intestina* nempe expurganda. Quare, si Purgatio minus perfecta fuit, neque rebus ægri conveniens, omnino repetenda est; & quidem eo usque, donec proposito respondebit. Atque hoc casu, diebus Purgationi interpositis, nunc *Pulveribus Testaceis*, nunc *Infuso amaro alterante*; illis, si Acido; his, si Bile abundant *Intestina*; ne planè nihil agam, infisto.

Quibus absolutis, & iis, quæ viam præcludebant, amotis expeditisque, (quo quidem iter quasi medium confici videtur) ad *Arthritidem* extrudendam, nec quidem citius, incumbo. Hunc in finem faciunt, præter *Arthritidem* expellentia, (Capite primo memorata) non nulla Remedia Colicæ ab antiquo propria; ut & *Aromatica*; quæ cum prædictis non ineptè complicantur. Hæc autem sunt Pulvis *Zedoariæ*, *P. Rad. Ari Comp.* *P. Aurant. C. Cl. Fulleri*, *P. ejusdem Bezoarticus. Spec. Diatr. Piper. Spec. Calaminth. simp. Spec. Diambrae, Dianthus. Elect. e Baccis Lauri*; *Mithridatium*, ZZ in Indiis cond. cum ejus Syrup. *Olea Chymica*, *Bacc. Juniperi*, *Seminum Cumini*, *Carvi*, *Fœniculi dulcis*, *Anisi*, & ejusmodi *Carminantium*, & *Aromaticorum*. Vinum *Xeresanum*, aut *Rubrum Lusitanicum simplex*, vel *amaris & Aromatibus alteratum*. His

His munitus auxiliis, ad *Arthritidem* expellendam, & in Artus amolliendam, ita progredior. *Ægro* in lectum dato, *Pulverem*, vel *Bolum*, vel *Pilulas* præcipio.

℞. *Pul. e Chel. C. C.* ℥i℥. ℥ij.

Chal. Nutriti gr. v. misce f. Pulvis Comp. Vel

℥. *Pulv. Zedoar. ℥℥. Spec. Calaminth. Simp. (vel Diambrae) ℥j. Alcohol Martis gr. v. f. Pulvis. Vel, forma Boli.*

℞. *Elect. e Baccis Lauri (vel Mithridatii) Pul. e Chel. C. C. aā ℥j. ℥i℥.*

Alcohol. M. gr. v. Syr. Aurant. q. f. Bolus. Vel

℞. *ZZ in Indiis cond. Pul. Rad. Ari C. aā ℥j. ad ℥i℥. Chal. N. gr. v. Syr. N. M. q. f. f. Bolus. Vel*

℥. *N. Myrist. cond. Spec. Diambra. aā ℥j. Chal. N. gr. v. Ol. Junip. Chym. gutt. j. Confect. Alk. S. M. q. f. f. Bolus. Vel forma Pilulari.*

℞. *Spec. Diatr. Piper.*

Pulv. Serpent. Virg. ana ℥℥.

Chal. Nutrit. gr. v. Extr. Rutæ q. f. f. Pil.

Hisce Compositionibus superbibatur *Vini Xeresani*, vel *Rubri Lusitanici*, vel *Julapii* Haustus :

℞. *Aq. Cardui, Menthae,*

Lactis Alex.

Chamæm. Comp. aā ℥iiij.

Sp. Juniperi ℥℥. ad j.

Marg. pp. 3℥.

Sacch. albiss. q. f. f. Julapium. Vel

℥. *Aq. Lactis Alex. ℥xij.*

Sp. Cerevis. Brunsvicensis ℥iiij.

Marg. pp. 3℥.

Sacch. q. f. f. Julapium.

At si Forma arridet liquida, *Infusi* Haustus, cum adjecto *Marte*, detur ebibendus.

℞. *Rad. Zedoar. Galangæ, Calami Aromat.*

Cacum. Absynth. R. aā ℥ij. Bacc. Junip. Croci Brit. aa ℥j. Infunde in Vini Xeresani ℥ij. ad alterationem idoneam, tunc coletur Infusum.

℥. *Hujus Infusi ℥iiij.*

Alcohol. Martis gr. v. f. Haustus, ante bibendum agitandus.

Ex hisce, vel hujusmodi Medicamentis, sumatur aliquod, quarta, quinta, vel sexta quaque hora, medioque Medicamentorum intervallo, *Vini*, è prædictis vel ejusmodi generosi, Haustus; ea quantitate, quam *Æger* tuto poterit haurire maximam. Quæ quidem Regula, de Medicamentis etiam tenenda est: Ea nempe Dosi, & frequentia, oportere illa dari, quæ non aliam Febrim, sive in Sanguine Orgasmmum, excitaret; quàm quæ, *Arthritidi* ad *ἄλξω* amovendæ, satis inveniretur.

Ita subinde fit, in robustioribus scilicet, aut Spiritu Animalis valde *Elastico* donatis; ut à *Purgatione*, maximè si utraque (tam ea, quæ *ἀνω* movet, quàm ea, quæ *κατω*) præcesserit; sive propter agitatum Sanguinem, sive propter impuritates (quibus uti dixi, in Visceribus retineri solet *Arthritis*) expulsas; ea jam suapte sponte erumpat in Articulos, & evadat *Regularis*. Hoc quodocunque fiet, unicum restabit; ut eo loci illa, quicquid iracundiæ permanet, exerceat; quicquid humoris effundendi, effundat. Verum, ut hoc interdum, & quoties fieri contingit, auspiciato fit; ita quidem, è contrario, antequam illuc perventum, & *Arthritis* Artubus affixa erit, plures sæpe interveniunt difficultates; plures scopuli deteguntur, qui moras in sanando *Ægro* medenti

faciant gravissimas; quibus quasi digito demonstrandis, jam proxime incumbam.

Interdum igitur *Intestina* torqueri, & Spasmodicis ita contrahi manifestum est, ut Medicamentum ea purgans, etiam sit $\Delta\gamma\sigma\iota\kappa\omega\tau\alpha\tau\omicron\nu$, non sentiant; multo minus obsecundent, & obtemperent: quo rerum statu, Abdomini *Fotum* admoveere oportebit, eumque aliquoties repetere.

R. *Cacum. Abrotan. Artemis.* aā ʒj.

Rad. *Aristoloch. rotund.*

Flor. *Chamæm.* aā ʒij.

Bacc. *Junip.* ʒj.

Sem. *Carvi, Fœnic. d.* aā ʒβ. coq. in Aq. Font. ℥x. ad v. Colaturæ adde Sp. Vini vulg. ℥j. pro Fotu Ventris calidissimo.

Post omnem fovendi vicem, eo, quod sequitur, *Venter* illinatur.

R. *Unguenti Martiati* ʒij.

Ol. *Tereb. vel Picis liquid.*

Rhod. Ch. gtt. vj. f. *Linimentum.*

Galbanetum Paracelsi, ut apud *Riverium* est, (Capite de *Colica*) *Linimenti* hujus locum implere, & totus eo *Venter* illini potest.

Nonnunquam autem, maxime in teneris Corporibus, etiam postquam *Intestina* fuerint purgata, multæ restant eorum contractiones, multus Dolor; nunc continuus, nunc intermittens: quidem eorum Affectus, cum sit omnino $\sigma\pi\alpha\sigma\mu\acute{\alpha}\delta\eta\varsigma$, partim Fotu, & *Linimento* prædicto; partim *Enemate* sequenti (quod *Animales Spiritus* mulcere, delinire, & in ordinem poterit redigere) vincendus est.

R. *Vini Canarini* ℥β.

Elect. e *Baccis Lauri* ʒβ. f. *Enema*, alvo diu retinendum.

Est autem, ubi *Ferri Præparata*, propter imbecillitatem, *Intestina* respuant, & quam citissime Ano ejiciant, una cum Medicamentis ei conjunctis. His ægrotantibus è re esset, omisso *Ferro*, *Medicamenta* præscripta per se dare.

Aliàs observare licet non modò *Ferum*, sed & aliquando *Pul. Testaceos*, *Arthritidis* propellendæ causa dados, duos scilicet difficilesque, descendere, & per alvum reddi. Quoties hoc fiat, astringenda prorsus ea, priusquam in *Arthritide* dimovenda, quicquam profeceris: neque enim, fluente alvo, *Arthritidis* expectanda *regularis*. Ea verò, *Terra Japonica, Creta, Sanguine Draconis*, & ejusmodi mollioribus astricta; per *Ther. Androm. Elect.* è *Bacc.* per *Species prædictas*, è Regno *Vegetabili sumptas*; perque *Olea Chymica*; illa nempe remedia, quæ minus irritent, progredi juvabit.

Quamprimum *Medicina*, quæ *Arthritidem* extrudat, Ægri rebus est aptata usui ejus interno, per bidui, vel tridui spatium insistendum est; eoque tempore in ea consumpto, si per hosce dies in Artubus nulla in conspectum venerit *Arthritidis*, ad *Emplastra, Cera, Phænigmos* & ejusmodi *Arthritidem* evocantia, (Capite primò relata) confugiendum est. Quinimo postquam in Articulis apparuerit, $\Pi\omicron\delta\alpha\chi\gamma\alpha\omega\gamma\omicron\iota$; ore sumendis usque uti conveniet, donec Articulis hærens, & affixa, de suo in *Intestina* reditu & $\omega\alpha\lambda\iota\nu\delta\rho\omicron\mu\iota\alpha$, locum ea suspicioni nullum relinquat. Hoc autem punctum cum attigeris, & in rectam *Arthritidis* viam denique redieris; in ea, cum Remediorum portione dimidiata (duplo scilicet eorum intervallo, vel subdupla Dosi, ut in Capite præcedenti declaratum est) proce-

procédere juvabit ; & quidem dies quatuor, sex , vel octo ; eo nimirum usque quoad alienum sive per Extremitates eliminetur ; sive in eas adeò protrudatur , ut de *Intestinis* iterum , intra breve spatium , impetendis nihil metuamus.

Notatu vero hoc dignissimum, atq; adeò jucundissimum, quod , Articulis quamprimum fixa est *Arthritis* , læto quidem omine, spem & vitam pollicetur. Visceribus statim melius est ; quæque intus mali fuerint vestigia , subito tolluntur. Oculorum acies , Vultus vigor , Fames , & Concoctio restituitur , & in vado res salutis est.

Diæta per totum hunc decursum , qualis & quanta esse debeat , ex omni parte *καὶ μέγρον* ordinanda est. Nihil admittendum , quo in ea uspiam peccari possit. *Panatella* , *Gelatina* , *C. C. & Eboris* , *Panis biscoctus* , *Jusculum pullinum* , maxime autem *Vinum* prodest , vel *simplex* , vel *Decocto albo* temperatum. Certè *Vino* assuetis ab eo permagna expectatio , permagna est utilitas : quare iis præsertim illud largiter exhibeo ; eam nempe quantitatem , quæ Calorem *Intestinis* conciliet ; quæ *Arthriticum* Miasma ex iis ad *τὴν ἀνὰ* pellat ; quæque eo loci id impune figat. Hanc autem operam optime navat, quod è *Lusitania* rubrum hodie nobis apportatum est ; ægro ad *℥ss.* ad libram integram , vel etiam duas, Nycthemeri spatium , si ad rem propositam opus fuerit , concessum. Alvus si dura, (quod , tum lecto incumbenti, tum *Colica* , tum *Arthritide* laboranti familiarissimum) *Enemate Oleoso* , vel è *Jusculo Verveicino* , lubricante , diebus alternis mollienda.

Interdum observare licet , ægrum ,

Arthritide è Visceribus expulsa , perq; Artus exulante, penitus emancipatum ; Ventris adhuc inflatione, doloreque *Intestinorum* urgeri ; sic , ut exspes & despondens ille , per tanta Artis molimina , parum in Salute sua renovanda fieri ; postque iter procellosum & scopulis plenum, in ipso portu se denique periturum opinetur. Hæc autem Flatus , & Naturæ morbo debilitatæ , sunt indicia. Valet hac in re , ad Flatus educendos, *Enema, è Vini Canari- ni ℥xij. Elect. è Baccis Lauri ℥ss.* diebus continuis , vel alternis immixtum : Valet *Infusum amarum* , & ejusmodi *Stomachica* , quæ tum Famem acuant, tum etiam Coctionem emendent.

Ista medendi methodo, (primas nempe Vias purgando, posteaque foras *Arthritidem* mittendo) *Colica Arthritica* laborantes curare soleo ; cumque hanc Methodum, huic *Colicæ* aptam, multoque usu comprobatam, & confirmatam esse, noverim ; idcirco lubens in medio eam propono ; aliorum meliora , modò proferre dignarentur , sequi paratissimus.

XI. In *Prophylaxi* enitendum ; ut roborentur *Intestina* , contraque inimicum , ne illuc denuo se intrudat, obfirmetur ; simulque , ut reliquæ *τῶν δυσπέρατων* nullæ , Massa impuratum nulla, in iis posthæc collecta, eum ad se alliciat. Qua de causa , hujus Classis *Arthriticos* studere Fami , & Concoctioni ; Ductum alimentarem Eccoproctico sæpius purgare ; aliisq; *Stomachicis* , cum modicè restringentibus uti, oportebit. *Aquas Minerales* multis hac in re prodesse novi, tam *Purgantes* , quàm *Diureticas*. Non pauci apud nos huic *Colicæ* proclives , *Aquas Alfordenses* , vel *Salem Catharticum* , aut

Tartarum laxantem, Aqua hordeata solutum, bis vel ter in anno bibunt: itaque Cruditates, à *Ventriculo* in *Intestina* derivatas, tempori tractantes, *Podagræ* præoccupant materiam, ano expellunt. Non nulli meo hortatu commodè *Purgantibus* Aquas adjunxerunt *Diureticas*. Ut autem *Aquæ Bathonienses* ab antiquo *Colicæ*; ita quidem ei, quæ *Arthritica* est, præ cæteris adversari censeantur. *Aquarum* usui *Diureticarum* interponantur ea, quæ ad propositum faciant *Alterantia*. Hora nempe decima, *Infusi amari* Vini albo *Lusitanico* facti, *Haustus*; quin etiam post prandium quotidie, ejusdem *Vini* simplicis *Cochlearia* aliquot. Hora quarta pom. *Elect.* seq. 3i. cum vehiculo convenienti.

R. *Cons. Fruct. Cynosb.* (vel *Ros. rub. per Set. traject.*) *Abs. Rom. ZZ* in *Indiis* *Cond. aâ 3ß.*

Salis Martis ʒiiij.

Syr. ZZ. 3iß. Ol. Cin. Ch. gtt. v. f. Electuarium. Vel

R. *Trochisc. Hedych.*

Cons. Flaved. Aurant. aâ 3ß.

Salis M. 3j. Spec. Diamb. 3j.

Alcohol. M. 3iiij.

Syr. Abs. s. q. s. f. Electuarium.

Quatenus verò ab externo Frigore oriatur hæc *Colica*, Vestitu idoneo, vitatoque aere nimis gelido, illud eatenus fugiendum, hæc cavenda.

Id adjiciam, quod hoc Affectu laborantes, quotquot ætate maturiores, & voluptatibus, aut rebus civilibus impediti, *Prophylaxin* neglexere, rarò sine multa id fecerunt: sæpe quidem magno cum *Salutis*, sæpe cum ipsius *Vitæ*, damno.

XII. Placet denique, citato divini senis Oraculo, monstrare, *Arthritidis*

hanc in *Colicam*, & *Colicæ* rursus in *Arthritida* migrationem, *Hippocrati* non fuisse incognitam. Ita enim ille; Ὁ δ' ἔντερον ἐπὶ δεξιὰ Ἀρθριτικὸς ἐγένετο, ἢ νοσῶντες, ἐπεὶ δὲ τῷ τῷ ἐντέλει, ὁππότε. Id est, *Qui Articulari Morbo detentus, Intestini Dolore dextra parte vexabatur, levius habebat: ubi verò hic curatus fuit, magis dolebat.* * Quod de *Colico Dolore*, in *Morbo Articulari* obveniente, eumque allevante; postea verò, facta *Humoris* huc illuc transpositione, in *Arthritidem* iterum mutato, est intelligendum. Sed hæc hæctenus.

HIST. I.

Colica Arthritica malè tractata, demum lethalis.

Vir ex *Tremulorum* Secta, probus & generosus, ingruente senectute, per integrum decennium, bis ter quotannis ægrotavit *Arthritide*; nunc Pedem, nunc Manum occupante; semper autem Regulari. Annus erat vitæ sexagesimus, cum ea primum intermisit, neque more pristino ægrotum visitavit. Istamne verò quietem, & à *Dolore* immunitatem, bonam, optabilem, & commodam existimaveris? Imo potius formidabilem, exitiosam. *Doloris* enim salutaris, & externi vice, alio intra anni spatium *Intestinorum*, præcipuè τῶν περὶ τὸν ὀμφαλὸν acerbo, constanti, & fixo est correptus. Interea temporis elanguit *Appetitus*: languenti prostratoque ei successit *Oculorum* gra-

* Vide *Epidem. Lib. vi. Sect. iv.* & in eam *Galen* & *Foesii* *Commentaria*.

gravitas, Faciei pallor, totius Corporis macies & imbecillitas. Adhæc Cholericæ & cruda, vomitu emissa, *Ventriculum* aggravari ostenderunt.

Increscente morbo, Empirici consilio, *Aquæ ferratæ*, ut & *è Ferro præparata*, aliaque permulta sunt adhibita; eo verò cum eventu, ut ab *Aquis Interanea* nimio algore; à *Ferri præparatis*, utpote concoctu & confectu difficilibus, è vestigio Diarrhœa vexaretur.

Ad senem hunc denique accitus, eumque graviter ægrotantem, neque intra Catharticorum opem (quæ aliàs essent necessaria) locatum inveniens, ore datis *παραγλυκὺς Arthritidem* educantibus extra applicatis, ut in Artus ea transferretur enisus sum. At eheu! frustra: *Visceribus* hærens *Miasma Arthriticum*, & Coctionem impediens, aliud sibi malum adscivit comitem; nempe *Ventriculi*, & τῶν ἑστέρας impuritates: quibus utrisque depresso æger, viribus sensim inclinatis, post anni dimidium, è vita discessit.

Sæpe quidem mihi in mentem venit, robusto huic ægroto, tametsi vetulo, fuisse melius consultum; si, *Colicæ* principio facta Purgatione, *Miasma*, per idonea, per stomacho minus gravia, per *è Regno Vegetabili* sumpta *Cardiaca*, fuisset expulsum. Illud initio fieri potuisse, vero non est absimile: At oppresso ei, viribusque deficienti, ipsa Medicamenta, neque nimis consideratè electa, neque nimis scitè data, mortem accelerârunt.

Historia narrat *Arthritidem* diu *Regularem*: at quæ progressu ætatis, *Intestina* perturbans, *Colicam* fecit, neglectaque Therapias opportunitate ægroto mortem maturavit.

HIST. II.

Arthritis vaga, Colicam mentita, ad regularem Arthritida reducitur, cum ejus Prophylaxi.

Pellio quidam ad *Iscæ* ripam; annos habens quadragenos, Athleticus, & bene coloratus, patre generatus *Arthritico*; Dolore Artuum huc illuc vago; hyeme præsertim, & tempestate pluvia; cum Articulorum Tumore, Rubore, Nitore crebro recurrente, diu infestatus est. Hujus seculi initio, desubito cessavit Artuum Dolor; sed Intestinorum ortus est obtusus, constans; una cum Febre quadam Symptomata, Pulsu magno.

Nihil probabilius visum est, quàm, in Ægroto jam diu *Arthritico*, materiam alienam *Intestina* invasisse; quod utique judicium, emissi postmodum Sanguinis, superficiem tegens Gelatina, crassior certè & albidior (quæ *Colicam* genuinam rarò comitatur, *Arthritidi* verò familiaris est) abunde confirmavit.

Ut ægro prospicerem, nihil prius habui, quàm universum *Arthritidis* ordinem mutare; id est, *Intestina* versus Sanguinis impetum & inclinationem, arte quanta possim maxima, sistere; & materiæ vitiosæ ad ea defluxum impedire: Secundo, ut ad ea, quæ sunt extra dirigatur; &, ex *Arthritide Anomala*, fiat illa *Regularis*.

Ut utrique satisfacerem Indicationi, Sanguinem detraxi, *Catharticum*, ex *Pil. Rud. Scammon. & Calomel.* dedi. Vespere post Purgationem, ut Sanguinis Orgasum incitarem, & simul *Arthritidem* in Artus amandarem, *Pul. è Chel.*

Chel. C.C. 3℔. sexta quaque hora, cum Julapii Perlati Hauſtu miſcui; &, ordinata re Diætetica, diſceſſi.

Quid ex eo fit? Intra biduum recru-
deſcit *Dolor Articularis*; cumque vel
lecto adhuc ægrum detineri crederem,
domi meæ me ſalutat, alacris, jucundus,
deque noviter reverſo Hoſpiti gloria-
tus. Digiti in Pede magni Articulum
iſte, more ſuo, primum & majorem,
Plantæque Ligamenta potiſſime mo-
mordit. Placuit ſane, & pergratum fuit,
tam facili ægrotum redimi, durioribus
ſuetum. Quæ ad *Prophylaxim* face-
rent, in aliud tempus, & magis oppor-
tunum, diſtuli.

Ex Vere, menſe Majo ſequenti, ſic
erant: *Præmiſſa Venæ ſectiōe, perendie
ſalis Cathartic. 3℔. Mannæ 3ij. Aq. purg.
℔ij. Solutas ebibat; omnique hora dein-
ceps hauriat, donec uſq; reddiderit; ita-
que diebus tertiis, quartisve, ad tres vi-
ces, repetat. Poſtea, omni mane, Aq.
ferratarum ℔ij. ebibat; quinta pomerid.
ſequentis Elect. 3j. cum Julapii hauſtu
ſumat.*

*Rx. Conf. Flor. Salviæ 3j. Pul. Rad.
Ari Comp. 3℔. Pul. Cor. rub. è Chel.
Simp. aā 3i℔. Salis Martis Riveriani
3j. Syr. Caryoph. q. ſ. f. Electuarium. Ce-
reviſia Cacuminibus Hed. ter. Baccis
Junip. Sem. Dauci, in potum ordina-
rium, medicata eſto. His in menſem
unum alterumque incumbat.*

Ex eorum uſu, propitio cum Deo,
multos ille annos, tum *Anomala*, tum
recta *Arthritide* immunes, egit; ad Me-
dicinam hanc ſtabiliendam, & figen-
dam, Exemplar utique luculentum.

HIST. III.

*Colica, ex Quiete Arthritica, in Ar-
thritida regularem verſa.*

Magnificus ſenex, *Arthriticus*,
Paralyticus, aut ſellæ, aut lecto
complures annos inſidens, Humori-
bus vitioſis (qui, non uno Exercitatio-
num genere, in omnes membrorum
partes, cum eorum *Dolore Articulari*,
ſolebant exprimi) occaſionem dedit,
ut in Viſcera plus æquo immitteren-
tur; ut in iis commorarentur.

Ex hac potiſſimum cauſa, Menſe
Majo, MDCCII. in *Dolorem Colicum*
Vir Illuſtris incidit. Interea verò tem-
poris Salivatio, quæ diu magna fue-
rat, ſuppreſſa; Pedum Tumor, qui jam
multis annis immenſus, imminutus eſt;
facta videlicet Humorum ad *Inteſtina*
translatione. Pectoris fuit totius gra-
vitas, & oppreſſio, tanquam ab onere
quodam moleſtiſſime ei ſuperimpoſi-
to.

Morbi hujus Hiftoriam contem-
planti mihi perſpicuum erat, Humores
inverti, & jam *Inteſtina* verſus, eorum
fieri inclinationem. Quo circa, primum
huc incubui, ut Fæcibus, quibus ipſa
premerentur, & tanquam retinaculis
eo loci detineretur *Arthritidis Inteſtina*
quàm citiſſimè liberarentur; ideoque
*Pil. ex Calom. Ref. Jal. Extr. Eufſta-
chiano* dedi; quibus ſatis ex voto de-
jecit æger impura, bilioſa. Purgatio-
nem è veſtigio ſecuta eſt à Vomitu, *Co-
lica*, & Oppreſſione dicta immunitas;
uti etiam in extremis partibus *Arthri-
tis*. Hujus promovendæ gratia *Gut-
tæ*, quæ ab Inventore nuncupantur,
Goddar-

Goddardiana, & *Alcohol Martis*, bis in die, sumpta sunt. Ita Naturæ ferebatur auxilium, aptum quidem, & ejus agendi modo accommodatum: Rectè enim doluit, & *ἰναίπως*, ægro- tans. Quid enim septuagenario, mor- bis & ætate confecto, poterat accide- re fortunatius? Cum *Arthritide* redux & Salivatio, & Pedum Tumor.

Nihil hujus *Arthritidos* in *Colicam* Metamorphosi manifestius: Nihil hu- jus *Colicæ* ad *Arthritidem* reductione desiderabilius.

HIST. IV.

Colica multarum Hebdomadum Ar- thritica, eadem Methodo curata.

SExagenarius quidam, Ingenio à na- tura subtili, rebus agendis elabo- rato, *Arthritide*, semel bis anno con- stanter reduce, per decennium afflicta- tus est: quo quidem tempore non nun- quam Catharro, Fauces invadente, & in Tumorem eas elevante, sæpe corre- ptus est. Huic Catharro se adjunxit, & quasi latus clausit, Febricula quæ- dam; itaque *Anginæ* speciem præ se tulit. Post dies aliquot, huic affectui su- pervenerunt indicia *Podagræ*; Digni nimirum majoris articuli primi Dolor, Tumor, Ardor: & planè indicarunt istum sive Catharrum, sive *Anginam* esse omnino *Arthriticam*; & *Arthriti- dem* hoc modo deviam, abnormem, *Anomalam*, demum in rectam, con- formem, idoneam migrare.

Cum hujusmodi *Anomalias* iterum & sæpius est perpeffus, Ann. MDCCII. propter usum Pomacei tenuis, acidique,

immoderatum, incidit in *Colicam*; do- lore non tam acerbo, quàm pertinaci, & constanti comitatam; Umbilici Re- gionem, sive potius illius portionem tantillulam indefinenter aggravantem. Ab hac *Colica* Spiritus animales mul- tum oppressi sunt. Crebra hinc suspiria, magna animi dejectio, magna corpo- ris debilitas. *Σπρόφς* auxit frigidorum usus imperitus, improsperus; Cardia- cis potius, & Calidis evincendos. Dum ex *Colica* desedit Æger, in Articulis externis emicuit *Arthritis*; sed quæ, brevi intus se proripiens, vana spe de- cepit ejulantem.

Quando *Colica*, binos circiter men- ses ægrotaverat, & quidem adeò gra- viter, ut peiori loco res esse vix potue- rat; id egi sedulò, ut, quicquid alie- ni, quicquid Cholericum (quo maximè se gravari renuntiavit æger) Ductu alimentari inclusum esset, quàm citis- simè per Anum ejiceretur: ea scil. opi- nione fretus (quod ante dictum est) vanam & frustra, *Arthritidos* regularis in Artubus excitandæ, spem & exspe- ctationem fore omnem; quamdiu *Inte- stina* fuerint immunda, facibusque one- rata. Quocirca præmissis, qui Humo- rem evacuandū molliret, paratumque redderet exilio, *Pulvere Alcalisato*, ma- ne multo *Extracti Eustach.* ʒss. cum *Aq. Cin. kord.* ʒij. *El. Salutis* ʒss. *pro- pinavi*. Inanitis ex sententia Visceribus, iisque quæ viam obstruerent, amotis, ipsum Curationis apicem attentavi; nempe, ut *Arthritidis* materiam ab *Intestinis* eruerem, & in Artus propel- lerem. Quem in finem, omni mane, *Infusi cochl.* v. cum *Tinct. Martis gtt.* xv. assumenda dedi.

℞. Ras. Gent. ʒv. *Cacum. Abs. Rom.* ʒij. *Cubeb.* ʒj. *Coccinell.* ʒj. *Infunde in*

Vini Xerani ℥ij. ad idoneam alterati-
onem; tunc fiat Colatura. Hora quarta
pom. Bolum, ex Pul. Rad. Ari C. ℥j.
Alcohol Martis, Conf. Abs. R. Cort.
exterioris Aurant. Cond. aā ℥℥. Spec.
Diatr. Piper. gr. iiii. Syr. rz. q. s. Hora
somni Bolum, ex Theriac. Andromach.
℥j. Alcohol. M. ℥℥. Pulv. Cantiani ℥℥.
Conf. Alk. q. s. Porro Vini rubri Lusitani-
ci, meo hortatu, ℥ quotidie potavit;
Carnibus ἐνέπτοις, ἐν χύμοις, est nutri-
tus.

Ne multis hac & hujusmodi Medi-
cina, diligenter adhibita, Dolor factus
est *Articularis*; levatus is *Intestinorum*;
& cum ferè conclamatum esset, ægro-
ti vita & salus in tuto posita: quibus,
etiam nunc post quadriennium, illum
uti, frui, nuper accepimus.

HIST. V.

Colica Arthritica, Vomitu, Purga-
tione, Πονοκαταρροῖς extra misso Mias-
mate, sublata.

ATate nostra Fullo Exoniensis,
Patre ortus *Arthritico*, etiam si
Adolescentiam vix egressus, sæpe do-
luerat. Erat hujus viri *Arthritis* nunc
Anomala, Fauces invadens, (de qua
alibi sermonem faciemus;) magna ve-
rò ex parte *Regularis*. Exeunte anno
MDCCI. Pedem occupaverat; per tri-
dui spatium tenuerat; cum, sine ulla
ἐν τῇ ἐξόδῳ προσηνέσθαι evidentī causa,
abscissam excepit Nausea, & Dolor
Intestinorum, una cum Anxietate ani-
mi, & pectoris gravitate.

Contra hunc affectum, *Manna* &
Salem Catharticum, *Aqua Alfordensi*

soluta hausit; ea spe & opinione, ut
Humores alienos, dolorem excitantes,
per anum eluendo, restitueretur. Even-
tus opinioni non respondit. Quare ar-
cessitus, *Ventriculum* etiam, quod à vo-
mendi cupiditate palam erat, opprimi;
neque nisi eo, per *Emeticum* prius pur-
gato, colicam levare posse, monebam.
Epoto *Cardui Decocto* (fuit enim ἐν ἐμῇς)
biliosa multa ejecit. Eo vespere P. *Gaf-
conic. & Theriac. Androm. aā ℥℥. demi-
sit*, cum Julapii haustu Cardiaci. Postero
mane *Podagra*, Pedis sinistri convexū,
marginemque exteriorem invasit. Ex
quo statim *Ventriculo*, & iis quæ intus
sunt, bene. Dolor, anxietas, pectoris
gravitas sublata sunt. Ut autem opus,
tam feliciter inchoatum, Medicina
perficerem, *Chal. Nutriti ℥℥. Pul. Ga-
scon. Conf. Flor. Salviæ aā ℥j. cum Syr.
Garyophyl. q. s. ut f. Bolus*, bis in die,
cum Jul. haustu propinavi: Æger hac
methodo commodissimè doluit, mor-
bo gravissimo levatus est.

Arthritis ista primo *Regularis*, Cru-
ditatum, quæ in *Visceribus* constructæ
& coacervatæ fuerant, illecebris attra-
cta, *Colicam* facit *Arthriticam*; iis ve-
rò per Catharsin expulsis, Naturæ, &
partim Medicinæ viribus effectum est,
ut in *Arthritida* regularem illa denuo
remigret.

HIST. VI.

Colica, una cum Capite aggravato,
Arthritica, plus semel allevata.

Iscanus Artifex, ætatis anno trice-
simo quarto, laboravit tertia jam
vice Pedibus; post hæc Humero, Cu-
bito, Carpo, per quadriennium, bis vel
ter

ter in annum: diversas *Arthritide* Commissuras attingente, pervagante; nunquam autem diu affligente. Mense Decemb. MDCCI. Pedum iste Vir dolorem habuit, sed brevem, neque ultra biduum manentem. Abscissum eum excepit *Distentio Ventriculi*, cibi fastidium, *Dyspepsia*, Vomitus, *Στρόφοι*, *Vermiculatio Intestinorum*, & *Diarrhoea*; quam infecuta est *Suffocatio*, tanquam *Hysterica*; & , à Flatibus, & *συμπίεσις*, Capitis affectus.

Ista quando jam tres circiter menses, eosque hyemales, pertulerat, Ægrum visitavi; cumque Humores in Ductu alimentari præparantibus, & evacuantibus; Materiam autem *Arthriticam*, ei adhærescentem, in Artus expellentibus, curari illum oportere reperi, iis suo loco utrisque usus sum: Diem nempe unum alterumque *Pul. e Chel. C. C.* quarta vel quinta quaque hora dedi; tunc Catharticum e *Pil. Eustach. cum Calom.* dein, neglecto post Catharsin Paregorico, *Ferrum præparatum*, una cum *Pul.* prædicto; usque donec *Arthritis* ad τὰ ἔξωθεν expulsa fuit. Quod ut præstitum, confestim oculorum acies acuta facta, vigor restitutus: Viscerum, & quæ intus sunt, eorum omnium quærelæ desierunt. Ita quidem ægrotanti opem tuli, simulque, per materiæ in Artus Expressiorem, hunc affectum utiliter auferri posse perspexi.

Annus agebatur, aliter quam solebat, *Arthritide* regulari penitus immunis; cum, Mense Aprili, MDCCIII. eundem hominem Flatus, Ructus, Nausea, Præcordiorum Distensio, Dolor *Interaneorum*, præcipuè τὰ ἐντὸς & *ὀμφαλόν*, est adortus. Quibus sese comites adjunxerunt, ex necessitudine

quadam, tanquam eadem stirpe oriundi, & *ὀμολογεῖς*, Oculorum languor, & Capitis gravitas. Hisce omnibus ut eatür obviam, primùm Venæ sectio; tum, per *Extract. Eustach. Syr. e Spina, & Elix. Salutis*, Purgatio facta est; qua vincuntur imi Ventris accidentia pleraque omnia. Posthæc *Pul. Gasconico, P. Rad. Ari C. Ol. Junip. & Cumin Chym. Ther. Androm. Chal. Nutrito, Infuso amaro*, & istiusmodi aliis, *Intestina* roborantibus, *Arthritidemque* expellentibus; una cum *Empl. Cephal.* parti sæpissimè dolenti admoto, & *Decocto* interea rubicundo potui dato; Affectui gravissimo penitus succursus est.

HIST. VII.

Arthritis Intestina atrocissimè invadens, sæpissimè expulsa.

DIcam Viri nobilis Historiam, à me non uno nomine prædicandi, omnium utique cultu & honore percolendi. Erat ille Parentibus *Arthriticis* procreatus; Corporis habitudine tenera, Spiritu Animali emicante & elastico donatus: Unde sæpe numerotum improvise ægrotavit; tum etiam citius spe, & contra expectationem convaluit. Amplo illi, & diviti malè id obvenit, quòd Hæreditas, à longa Majorum serie derivata, in tractu non nimium molli sita, Aëre frigido, & magnam anni partem immiti, perflata esset: quæ quidem cœli solique inclementia Dolorem *Colicum*, atque adeo *Arthriticum* Domino, una cum multis aliis, inferre censeretur.

Ver erat, Anni MDCLXXXIV.

quum, nescio qua de causa, qui partes extremas solitus est excruciare dolor, eo jam cessante, intus incidit Morbi vis, & sibi comitem adscivit Pectoris gravitatem, tanquam ab onere imposito, permolestam. Erant tormenta *Interaneorum* peracuta, quæ ut allevarentur, *Catharticis*, si Diis placet, & *Opiatis* nimio plus elaboratum est. Nā ex nimia *Purgatione* Spiritus (per se agiles, & volatiles) ita perturbati, agitati, & quidem ita profligati sunt; ut jam orbatum somno & quiete ægrotantem, Vertigine multatum, Menteque captum, Vires planè deficerent.

Hoc modo laborantem, tum primum arcessitus, invisi: cumque, ex totius morbi, maximè verò ex gravati Pectoris consideratione, appareret, eum esse *Arthritidem Anomalam*, Medicina auctā; ut omnibus ejus medendæ Indicationibus simul semelque satisfacerem, (id est, ut somnum conciliarem; ut Vires reficerem; ut *Arthritidem*, ad τὰ ἔσωθεν, amolirer; itaque Ægrum in tuto collocarem) *Pulveris Cantiani*, Dosim majusculam, extemplo deglutiendam, eaque nocte repetendam, dedi. Ex animi lenientia res successit: somno enim recreatum, & tanquam vitæ denuo restitutum ægrum, quæ perpeffus erat, eleganter enarrantem, mane postero audivi. Ut autem Therapiam perficerem, & Humorum mutata inclinatione Materiam alienam Artubus infligerem, *Ferri præparatum* adhibui; quod paucorum dierum spatio, eam validissimè extrudendo, Pectoris gravitatem, *Intestinorum* Dolorum omnino omnem evicit.

Hæc erat hujusce mali Therapia: Quandoquidem verò, in Corpore delicato, multumque debilitato, Materia

Arthritica, nunc à frigore externo repulsa, nunc à Cruditatibus in *Ventriculo* & alimentari *Fistula* contentis, intus allecta, *Colicam* hanc *Arthriticam* identidem revocaret; quibus eam auxiliis, qua methodo, quo demum eventu recurrentem oppugnavi, hisce paucis accipe.

Menses aliquot agebantur, læti quidem & dolore expertes, cum ex Fructibus ὁπαιοῖς aliisque pravis avidè ingestis, & frigore eodem tempore contracto, redintegrata est *Colica*: Facta verò, per *Decoctum fol. Tea. aivæ* per Catharticum mite, κατὰ *Purgatione*, datoque *Pulvere Testaceo*, & *Chalybe*, *Arthritidem* expuli, regularem feci.

Cum aliàs in eodem ægrotante *Arthritidem* mero frigore repelli, & *Colicam* mentiri noverim; non nisi purgatis primùm *Intestinis* adhibitoque tum demum *Diaphoretico*, in fugam mitti illam, externa solum causa factam, expertus sum. Materiæ verò emittendæ nihil in hoc ægroto melius conducere, aut votis respondere magis potuerat, quàm *Pulvis* ille prædictus; qui larga (3j) Dosi, & quidem crebro (tertia nempe quaque hora) demissus, *Dolori Intestinorum* allevando, partium extremarum illi movendo augendoque maximi sæpe fuit momenti, & efficacitatis.

Cum verò aliàs hæc invaluit *Colica*, neque adversus eam *Vomitio*, *Purgatio*, *Pulveres Testacei*, ipsum *Martis Alcohol*, viribus junctis, vel nihilum profuere; ad *Bacchum*, miserorum præsidem & consolatorem, *Arthritidis* Averruncum confugiens, ejus auxilio planè divino, materiam in Artus commodum ablegavi.

Postremò addam, quum neque Medicina, neque Vinum huic ægroto, eadem *Colica* aliàs affecto, prodeffet; languenti, & animam tantum non agenti, quum ruinosà, conturbata, conclamata viderentur omnia, (quod quidem omnium expectationem vicit) opem ei, sed madido, sed bene poto, tulit *Phœnigmus*: Articulis dolori suis admotum, aliam fecit Humorum inclinationem; ægrum manifestissimè servavit Remedium præsentissimum.

Ita quidem, multos annos Θεσσαλονίκη, Viro illustri medicinam feci; & tametsi, propter Viscerum imbecillitatem, Victus rationem non semper optimam; ne dicam Ambulationem, Equitationemque, quibus exercere se, & Humores vitiosos extra pellere consuevit, intercisas; & Prophylaxin omnem aut penitus omissam, aut indiligenter actam; *Intestinis* ii minima quavis de causa infunderentur: tamen ita factum est, ut in hujus *Colicæ* Accessionibus, & creberrimis & difficillimis, æger semper relevaretur; & quidem eatenus, ut non nisi consumptis & exhaustis Viribus, nulla verò *Arthritide* intus agente, supremum ille obiret diem.

HIST. VIII.

Colica Arthritica, cum superveniente Paralyfi.

MOribus honestis & ingenio singulari Vir, *Arthritide* per viginti annos, autumno quoque altero, (is fuit illius hoc in ægroto Typus) laboravit. Loci, quem invasit, diversitas ea fuit; ut nunc dexterum, nunc

sinistrum, nunc uno eodemque tempore Pedem utrumque, sed dexterum maximè lacefferet.

Excipiendum autem est, per hosce Annos, quod Typum ea semel atque iterum mutavit; quod Autumno illo altero deficiens, insultum Mense Februario fecit. Quibus verò autumnis intermisit *Arthritis*, iis semper ægrum adorta est *Epiphora*; qua ex Oculis, per Hebdomadas sex vel octo, serum acre & pungens emanavit; & quidem adeo perpetim & constanter, ut *Arthritidis* vicem gerere, & ejus Materiam secum ferre, non immeritò crederetur.

Autumno Anni MDCCV. quum, in Sanguine & Visceribus, sordes & illuviem, otio & satietate, contraxerat; crassior & obesior eo factus, *Dolore Colico* corripiebatur; eoque, propter iter intempestivum, urgente frigore & imbribus, infirma valetudine susceptum, gravi demum molestoque cruciabatur. Interdum huic adjuncta est Diarrhœa, qua cum alvus exonerata fuit, Dolor remisit; ea verò sistente, recruduit, unà cum Vomitione, nunc Cholericæ, nunc Pituitosæ. Ut utrique mederetur æger, Clysteribus, Emetico, & Purgante usus est; ex eoque mala ad tempus allevata, brevi autem ex novo frigore recidiva.

Cum ad ægrum arcesserem, & præter jam dicta in Morbi res minutas inquirerem; (tales initio judicantur eæ, quæ facta indagine ad explicandam Morbi naturam interdum maximè conducunt;) præcipuè, quæ *Arthritidos* esset conditio; quæque ad præsentem Morbum ratio, quærenti patuit. Primum, *Dolorem Colicum* esse, τὰ περὶ τὸ Ομφαλὸν afficientem, iis coherentem; Vento insuper *Intestinatorum* Appetitum læso,

Oculorum languore , Facie pallida , Pulsu debili stipatum: Tum paulò ante *Podagram* fuisse, Pedis primum unius, deinde alterius ; nunc autem Talum, nunc Pollicis *Metacondylon*, eam invadere , sed edentulam, neque satis crudelem: Deinde, *Ægrum* tabescere ; Vires ejus enervatas, & (quod præcipuè notandum erat) Partes externas, non modo *Διαρροή*, sed & calore fere privatas, ac si vitæ Lampas extingueretur, multum frigesce.

Cùm ista, maximè quatenus *Arthritida* respicerent, animo perpenderam *Arthritidem* esse malum, ea, quæ intus sunt, ingressam, & *Intestina* cruciantem, existimavi. Hoc, in homine significavit *Arthritico Colica*, tam curatu difficilis. Hoc palam fecit ipsa tum temporis, etiamsi mitis, in Artibus *Arthritis*.

Quare id conatus sum, ut è Visceribus hostis in Artus excuteretur, & quidem iis, quæ sequuntur; Primò, *Catharsis* instituta est, per *Extr. Eucstach.* 3ß. *Scam. pul.* gr. v. *Bals. Per.* q. s. ea-que nocte *Paregoricum* cum *Bolo Cardiac* datum est. Quando Nausea Alvi ductionem maneret, Vomituque opus esse indicaret; *Emetico* levi, Posseto nempe amaris alterato, is peractus, ea sublata est.

Catharsi præmissa, *Arthritidi* protinus expellendæ memet accingo, compositionibus hisce usus.

℞. *Theriac. Androm. Diascor. aā* ʒj. *Spec. Diamb. Flor. Salis Armon. aā* ʒß. *Chal. Nutriti* gr. v. *Ol. Cin. Ch.* gr. j. *Syr. Garyoph.* q. s. f. *Bolus*, *no-
na vespertina*, *tertiaque matutina* demittendus, cum *Vini rubri, Lusitanici, reperfæcti*, ʒiiij.

℞. ZZ in Indiis Cond. *Diascord. aā*

ʒj. *Pul. Serp. Virg.* ʒß. *Chal. Nutrit.* gr. v. *Ol. e Sem. Anisi Ch. gtt.* j. *Pul. Macropip.* gr. iij. *Syr. ZZ.* q. s. f. *Bolus*, *hora nona matutina, tertiaque pomeridiana* cum eodem vehiculo sumendus: Porro, *Nycthemeri* spatio, epota alia *Vini prædicti* ʒj. *Emplastrum ex Diascord.* & *Empl. Stom. mag. aā* paribus mensuris, cum *Picis Burg.* q. s. *Ventri* impositum est.

Horum usui, dies instar octo impenduntur: eoque factum est, ut Pulsus, antea debilis & parvus, jam augeatur; & carni, antea subfrigidæ, laudabilis & naturalis æstus concilietur.

Roborato itaque Cruore, ad mutandam humorum inclinationem, eamque τὰ Ἀέθρα usque vertendam *Phœnigmm* utrique Pedi calidissimum, eoque frigefacto, ad quatuor vel quinque vi-ces, novum imperavi applicandum: posteaque Malleolis ambobus *Vesicatorium*. Hinc acre Serum Ulcusculis elicatum; hinc *Podagra*: hinc *Gonagra*; & pro eorum ratione *Ἐντοδίον* indolentia. Qua utique animadversa re, medicamenta, sed paulatim, minuimus; nunc eorum Doses extenuando, nunc assumendi tempora extrahendo.

Interea verò, Sorbitiones, ex *Jusculo Pullino*, *Avenaceo*; ex *Chocolata*, & ejusmodi cum tenuibus, tum *Analeptics*, sæpius in die, sed modicè demittuntur. Carnes etiam *ἰσχυροὶ καὶ ἐύπεπτ* quam primum per Stomachum liceat, apponuntur. Pedis sinistri *Calcem*, dextri *Astragalum*, utriusque Hallum occupavit *Podagra*; rediit verò cum ea Fames, & Concoctio; rediit oculorum acies; animi alacritas; Spirituum robur, & ovatio; aliaque Vitæ & Salutis indicia.

Cùm ita res salva esse videretur & omnium

omnium opinione in portu navigare-
mus; alter ecce Turbo exoritur, quo in
procellosum Mare rursus abripimur.

Podagra, laudabilis & invidenda,
(ad quam accessit *Chiragra*, ejusdem
generis) æstu mordaci, cum stragulis
æger coopertus incalesceret, cum no-
ctu affecit: qui tamen per sudorem,
brevis temporis spatio, magno cum
ægri fructu, solitus est abire. Hujus
æstus, rosionis hujus impatiens ille, ut
eam vitaret, raro se in lectum commi-
sit; Cathedra totas fere noctes, hyeme
frigidissima, consumpsit. Perspiratione
multum hinc diminuta retunditur Ap-
petitus, Brachia *ἀσθενέουσι*, & , nisi
opportune miasma *Arthriticum* e Cor-
pore fuisset emissum, de Ægro procul
dubio actum esset. Lecto ei denique
affixo, Diaphoreticis motum; Aqua
Bathoniensis famem restitui. Post men-
ses quinque tristes sanè & dubios, sum-
mo vitæ periculo liberatus, Æger, di-
cta methodo, (favente Vere, Deo Con-
silia nostra fortunante,) convaluit; ex-
cepto, quod Digiti vehementer resolu-
ti, quamvis iis multum profuit Balnea-
tio, ad consuetudinem suam autumnis
sequente, quo hæc scribo, minimè re-
dierant. Scripsit enim, & quidem pris-
tino Characterè, lectuque facili; sed
litteras vacillantes, neque semper ex
æquo ductas: Cetera bellè se habuit,
&, quàm Morbo primùm ineunte,
longè melius.

C A P. IV.

De Diarrhœa Arthritica.

ART. I. **C**olicam prædictam se-
quitur ejusdem numeri
Diarrhœa; naturam habens, & Cura-

tionem postulans quodammodo priva-
tam. Diximus, *Arthriticum* in sangui-
ne Miasma, αἰεὶ φθόρον, fere perpe-
tuo revocari, & certo quodam tem-
poris spatio repullulare: Diximus,
adauctum & vectum in *Intestina* sæpe
mitti. Hisce positis, advertere licebit,
non nunquam Pancreati, & Glandulis
Intestinalium fragiformibus (à Clariss.
* *Listero* primum, uti verisimile, dete-
ctis; à Clariss. † *Peyero* plenissimè de-
scriptis) illud infundi, atque hinc in
cavum *Intestinalium* à Natura pelli; &
demum, urgente ejus acrimonia, Spi-
ritusque animales stipulante, crebris De-
jectiunculis è Corpore exterminari.

II. Hanc autem *Diarrhœam* esse
revera *Arthriticam* si Symptomata,
tum ea, quæ intercidunt, tum quæ alia
ex aliis, insigni profecto ordine, emer-
gunt, accuratè, & suis ponderibus di-
ligenter examinemus; per ea satis su-
perque declaratum est. Quis enim, quo-
tiescunque veteri *Arthritico*, mediis in
Doloribus versato, ex causa aliqua e-
videnti, Materiam in *Intestina* derivan-
te; accipit *Diarrhœa*; eamque statim
excipit Doloris, & Tumoris externi
diminutio; postea verò libertas ab *Ar-
thritide* diutior: quis, inquam, inficia-
bitur, hanc *Arthritidem*, initio rectam,
Intestina jam petere, perque Alvum
effugere; id est, *Diarrhœam* illam esse
Arthriticam.

Ita certè, *Arthritico* dolenti quæ
hujusmodi obvenit, *Diarrhœa* est pla-
nè *Arthritica*: Quæ Doloze immuni
contin-

* Vide *Acta Philosophica Londi-
nensia* N. 95.

† Vide Clariss. *Peyeri Parerga
Anatomica*.

contingit, & Materiam, adhuc in Sanguine latentem, sed in Artus abituram, manifestè alio divertit, perque *Intestina* exprimit; quamvis argumento fortasse minori, certè tamen satis valido, & firmo, non alia, quàm *Arthritica* est habenda.

III. Hic Affectus, si consideremus ejus indolem, & Causam Continentem, est tantummodo unus quippe qui *Arthritidos*, per *Intestinorum* Excernicula, perque Dejectiones, quam ex consuetudine, frequentiores, fugam comprehendat, oculisque semper objiciat: Si verò illius initia, sique exitus varios evolvamus, longè à se diversus est. Miasma in Sanguine *Arthriticum* nunc à Natura directè, & quidem eo nomine quod ingravescat, deorsum pellitur; atque istiusmodi fluor Paroxysmos interdum *Arthriticos* antevertens, salutaris esse reperitur. Expulso etenim inimico, clauduntur Januæ; pax, & quies restituitur; viget Oeconomia. Hoc autem in Corporibus *εὐσπλάγχνοις*, id est, Fibris robustioribus, firmis Spiritibus donatis. Sæpius autem multo, vel assumpto *Cathartico*, vel à Cruditatibus, *Intestina* irritantibus, *Ventrem* aperientibus, Miasma illud è Sanguine elicitur, &, una cum illuvie *Intestinorum*, Ano expellitur.

Hujusmodi *Diarrhœa* incerti admodum eventus est; si enim tempori cohibeatur, neque modum excedat, utilis sæpe invenitur; & quidem *Arthritidis* Materiam, etiamsi via non usitatissima, tamen tuta emittere: Cui isthuc consequens, quod Paroxysmus non nisi diu post recurrit *Arthriticus*. At in iis, quorum *Viscera* satietate crapulaque sunt debilitata; cum Natura Ven-

tris impetum comprimere, Crisique legem imponere nequit; *Diarrhœa* nimium pertinaci, minimeque tolerabili, illa identidem opprimitur. Non tantum Inimicus, verum etiam Amici, Spiritus scil. ipsi, Vigiles & Præsides salutis, in exilium mittuntur: Oeconomiae subversio est, & planè *πανολεθρία*.

Hujus utriusque Casus Exempla mox in medium vocabo.

IV. Therapiam hisce Casibus ut accomodem, in *Diarrhœa* ista *Arthritica*, quæ in Sanguine initium habet, nihil inepta sedulitate stultius, dicam, an periculosius? quæ, Pharmacis perperam ingestis, Naturæ opus sæpè interturbet, interdum abrumpat. Suo potius arbitrio ea, patiaris, agat; quodque intus læsurum erat, suo utiliter ingenio effundat; Si verò *Diarrhœa* nimium excurrat, Viresque excedat, Astringentibus sistenda est; Cardiacis Æger roborandus. Sive per se desit *Diarrhœa*, sive per Medicinam, ejus reliquiae *Aquis Purgantibus*, *Tartaro laxante*, & *Manna* (si opus fuerit) adjectis, post tempus aliquod egerendæ sunt.

Sin à *Cathartico* accidat ista *Diarrhœa*, similiter, atque Casu præcedenti, parum utilis Medicina; de *περναθάρσι*, tantum Cautio sit.

In *Diarrhœa Arthritica* Cruditatibus exorta, quæ omnium mihi periculosissima videtur, alia res est: Hic, *Ventriculus* sæpissimè aggravatur; ideoque, si ita sit, *Decocto Tee*, vel *Cardui*, movendus. Postea, (sive Vomitu neglecto,) Venter leni *Cathartico* subducendus: tunc ad *Astringentia*, & *Fluorē cohibentia* festinandum. *Bolus ex Diascord. Spec. Conf. de Hyac. Croco Martis*

vis astr. Terra Japonica, Syr. de Ros. s. quarta, quinta, vel sexta quaque hora demittatur, cum Julapii Cretacei Haustu. In Alvum detur Enema, ex Vino Canarino, cum Gelatina Amyli, vel Discordio: Ventri admoveantur Lanae, Decocto Rad. Bistort. Tormentill. Balaust. &c. Cerevisia generosiori facto, immersa; & sæpius repetantur. Potioni sit Infusum Ros. rubr. vel Decoct. album: Et, ad vires instaurandas, Vinum rubrum ustulatum.

Si Pulsus finet, optime conducet Opiatum, Laudani puta guttas aliquot, vel potius Opii quasi granum, cum Theriac. Androm. ʒss. ʒij. dari.

Si periculum est, in Dysenteriam ne transeat Diarrhœa, sumatur Emulsum sequens.

℞. C.C.C. ʒss. G. Arab. Tragac. aā ʒij. coq. in Aq. Oryzae tertiæ Decoctio- nis ʒiij. ad ʒij Colatura Amygd. d. cortice nudatis, & Sem. Pap. albi inter contundendum affundatur: iterum colata, Aqua Cin. fort. aromatizetur; Saccharo dulcetur.

Quæcunque vero Vomitus & Purgationem excitent, ea non, nisi caute, in usum trahenda; ne, quæ auxilio esse debuerant, Ægroto imbecilli graviterque laboranti obsint. Quod quidem in monitis ideo præcipue à nobis positum est, quoniam hujusmodi laborantes, Fluore multum enervati & depressi, Catharsi tolerandæ sæpe impares inveniuntur: quo quidem in Casu, Cardiacis & Astringentibus solis utendum est.

Cujuscunque demum Originis sit Diarrhœa prædicta, Prophylaxis optime per Aquas ferratas, & quidem jucundissime, parata est: quibus addi potest, ut in Artus Eructatio fiat Ma-

teriæ, è Ferro Preparatum aliquod; omnium autem optimum id, quod Alcohol Martis appellavi.

HIST. I.

Diarrhœa Arthritica crebra & salutaris.

MAtrona quædam, in Regione Civitatis septentrionali, multos annos Arthritide per vices ægrotavit; initio Vaga, deinde fixa; nunc Recta, & idonea, nunc Anomala. Primum Guttur, tum Manu dolentem; Angina primum Arthritica, tum Chiragra laborantem, invasit aliquando Diarrhœa: de qua, ut illam supprimerem, cum arcesserem; ejus de vehementia frequentiaque percontanti, mihi narratum est, neque tam urgentem, ut quæ non possit tolerari; nec quidem aliam esse eam, quam quæ commode & utiliter possit; pariterque, Alvo soluta, Paroxysmumque finiente regularem, non sine ingenti fructu, Ægram iterum & sæpius fuisse.

Quæ cum ita esse acceperam; vitæ hinc, quæ Diarrhœam intenderent; illinc autem maxime, quæ contraherent, in operam navavi, ut Ægra mediocritatem, multo usu comprobata, probatione multa commendatam teneret; ipsamque Naturæ, Medicorum Principis, in sanando Methodum, omnino persequeretur. Nec quidem minus aliquid, imo majus eo factum esse arbitror; quàm si inutili, ne dicam ancipiti plane, *παραπλη*, corrasis usquequaque Medicamentis, multaque arte compositis, Ægra, tanquam Corbita, oneraretur.

Hoc autem, in tempestivæ illius Negligentiæ laudem, addi insuper oportebit; quod, tametsi Ægra sæpius ex eo tempore desedit *Arthritide*, ea-que semper in *Diarrhœam* desinente, perque Alvum exeunte; nihil illa damni propterea tulerit, lucri vero permultum. Cujus quidem rei causa nescio an ulla probabilior excogitari possit, quam quod Ægra, Spiritibus firmis, constantibus, ad munera sua obeunda paratissimis, (qui nempe tum malum Civem prompte expellant, tum eo expulso foribus occludendis subito invigilent) donaretur. Rara autem hæc, *Arthritide* ἐν τοῖς ἑντέροις ægrotantibus felicitas; quorum pars maxima, Alvo vel liquida nimis, vel nimis dura, esse observatur. Ægra, post sex Hebdomadas ab *Arthritide* triformi immunis, sanior & vegetior evasit.

Historia tradit, ex una eademque Febre, ad amoliendum Miasma *Arthriticum* suscitata, diversis posse illud deponi locis, perque diversa Excernicula proturbari; nempe per Glandulas Oris *Salivares*, per Artuum *Mucilaginosas*, perque *Intestinatorum Fragiformes*; &, cum *Arthritide* regulari, *Diarrhœam* esse posse simul *Arthriticam*, eamque salutare.

HIST. II.

Diarrhœa ex Cathartico, Arthritica
opportune suppressa.

ALiam novi Generosam, lectissimam, cultu & honore profecto dignissimam; quæ, cum Marito juncta esset *Arthritico*, ipsa etiam citò laborare coepit. Cubitos, Humeros, hos

illos in Manibus Articulos habuit afflictos. In Cubiti dextri extremitate Tofus erat, à durato Steatmate, Juglandi par: Digitus ejusdem Manus longissimus, Tofis distentus, metu privatus. Articulaamenta, præcipue medium ejusdem Digiti infarctum. Malleolus item, Pedis Planta, Calcis tendo, & Genua laborarunt. Paroxysmi solebant esse gravissimi, dolore multo comitati, mensem integrum, interdum etiam alterum, permanentes.

Nuper autem, quum per hosce sex menses urgeret ægrotatio quædā; Torpor videlicet, Inertia, una cum Vertigine, Visu Oculi dextri imminuto, Dolo- re ejus, ut & universi Corporis externi molestissimo, Appetitu depresso, (quæ quidem omnia, neque satis fixæ, neque satis rectæ *Arthritidos*, erant accidentia) sumpto, nescio cujus hortatu, Cathartico, sed neque eo fortiori; aut Elaterio; Vomitu illa, & *Diarrhœa* Materiæ viridis præcipitante, corripiebatur; sic, ut sex dierum spatio sexagesies minimum dejiceret. Sordium hæc *Arthriticarum* erat per Ventrem Evacuatio copiosa, neque ex omni parte inepta. Nam Symptomata hinc collapsa sunt, & evanuerunt omnia. Digitorum Tumores, ob *Arthritida* τῶν ποδῶν ἐν eo tempore magni, subsedere: quæque ab ista *Diarrhœa* fluxerunt incommoda, lucro & compendio eam consequenti, facile cedebant. Ab effusis hisce Purgamentis, Corpus liberum, & ad tempus aliquod incolume.

Hoc pene totum Naturæ opus, unum Artis erat, *Diarrhœa* nimium ne excurrat, curare, & Ægræ vires sustentare. Hoc ego propositum, hanc metam spectans, nihil aliud, quàm astringens, & Cardiacum aliquid, præcepi; illud autem

autem opportune adhibitum, languenti, debilitatæ, pulsum humilem & imbecillum habenti, Alvum comprefsit, Vires instauravit.

Habes Exemplum *Arthritidos* (Cathartico viam monstrante) in fugam se per *Anum* conjicientis; *Diarrhœæ* habes *Arthriticæ* Curationem.

HIST. III.

Arthritis Vaga Intestina occupans, solo Externorum usu evocata est, & Artubus affixa.

DUodeviginti annorum Adolescens, Patre inde ab incunabulis *Arthritico* natus, Artuum habuit Dolores; à longo tempore vagos, & ut amicorum opinio tulit, *Rheumaticos*; cum Tumore albo, submolli, Articulorum intervalla sæpissime, ipsos etiam Articulos aliquando infestante. Sanguini, quem identidem & copiose detraxi, Cutis usque crassa & densa, brevi semper innatavit. Et ejus Dyscrasiam auferat, æstate anni MDCCV. hortatu nostro, varia periclitatus est æger; Succum nempe *Taraxaci* & *Cochleariæ* depuratum, cum *Hordei*, *Rad. Gram. C. Fœnic. d. Asparagi* Decocto; *Crystallum* item *Minerale*; *Chalybeata*; suoque loco *Lactinia*, & *Aq. Bathonienses*. Ex quibus omnibus utilitates & fructus cepit aliquam multos, Observantiæ pares: Intermisit dictus ille *Rheumatismus*.

At post sesquiannum, cum Æger Sanguinem, uti par erat minime correxerat, *Intestinorum* Tormina, cruciatus subsit immanes, *Diarrhœam* per-

tinacem, neque Medicinæ facile cessuram: Unde enervatus, multumque debilitatus Æger, neque morbum diutius, neque remedia ferre posse videbatur; sed in ipsa mortis propinquitate versari.

In hoc ancipiti & pene deplorato statu, morbi naturam plane *Arthriticam* animo advertens, Methodo, quam in *Arthritide Intestinorum Anomala* interdum non infeliciter adhibueram, uti animus fuit. Neglectis scilicet Medicamentis, quibus ore sumendis impar erat Ægrotus, externis incumbere. Ideoque iis utriusque Brachii locis, quos excruciare solita est *Arthritis*, è *Fermento veteri*, &c. *Phænigmos* jussi calidissimos applicari, & cum refrixerint iterari; donec aborti fuerint Tumores, iis, qui à *Rheumatismo* credebantur esse, persimiles. Tumoribus his, ex voto factis, admovi *Epispastica*: unde *Ichor*, ad *Hebdomades* aliquot, jugiter effluxit.

Quantum hinc utilitatis, quæ comoda, quam subita Curatio, capi vix potest. Quo Tumor est evectus, pari certe cum eo passu sublata Tormina; suppressa *Diarrhœa*: quinimo novatur Appetitus, & restituuntur Vires. Ægroti status, sive Viscera, sive Artus spectemus, omni dolore paulo post immunis, quam per annos aliquot antea, ctos sanior, & quidem multò jucundior evasit.

En *Arthritidem*, Artus pervagari solitam, *Intestinis* adhærescentem; cum Torminibus, *Diarrhœam* inducentem solo Externorum usu ad *Evacuandum* evocatam.

HIST. IV.

Cruditatibus exorta Diarrhœa Arthritica, Medicinæ viribus inhibita.

Vir amplissimus, antiqua *Damnii* Nobilitate natus, *Podagra* utroque stemmate derivata conflictatus, ejus impetum bis vel ter in annum constanter est perpeffus. Ad Hospitem tam certam, tam fidelem, pro utriusque ingenio accipiendam, mundum ille *Arthriticum*, comptum adeo ac elegantem, in promptu, apparatus habuit; ut, è *Ποδαγρίων* natione magna & lauta, raro ullus unquam magis.

Annos ille permultos hunc in modum (id est, duriter) exegit; cum ad tuendam Concoctionem opera, diligentiaque, quam omni Vere & Autumno, per Catharsin, &c. ponere solebat, penitus omiffa, vitæ acta nimis sedentaria; primum, plane conticuit *Arthritis*; neque, more suo, in extremis Partibus eluxit: mox, in *Ventriculo*, & *Intestinis*, sordium Massa collecta, compressa est. Hinc *Αρογία*, Ructus sæpe impuri, Sapor ingratus, à pastu Ventriculi gravitas, Præcordiorum distentio; hinc Oscitatio creberrima (Symptoma *Arthritidos*, in Visceribus latentis, huic Ægroto familiare;) Dolor à Flatu lateralis, pungens; illarum videlicet Impuritatum indicia. Hæc subsequitur *Diarrhœa*, qua tum illæ tum quæ *Visceribus* adhæserunt *Arthriticæ*, per anum exprimuntur.

Cum autem ista *Diarrhœa* neque Naturæ rebus, nec Ægroti votis responderet; per *Decoctum Teæ*, Ventri-

culum; per *Rhubarb. Infusum*, addito *Salutis Elixir*, *Interanea* purgavi; itaque facta, quanta opus erat, Evacuatione, per *Diascordium*, per *Crocum Martis*, & ejusmodi alia, *Ventrem* cohibui. Aqua, sed cocta, & Vino mista potui daretur; Cibi, sed solidi & intus mansuri, paululum caperetur, in præceptis posui. Ut autem appetitum languentem, & prostratum excitem; ut *Arthritica* Sanguinis recrementa ad τὰ ἔξω propellam; & in Artubus, uti moris erat, deponi faciam; *Aquas Bathonienses omni mane hauriendas*, *Bolum è Pul. Rad. Ari C. Cons. flor. Salviae, Chal. Nutrito, Syrupoque Garyoph. cum Vini haustu demittendum*, præcipio: Itaque in viam *Arthritida* reduxi; Ægrum σωθὲν ὁμῶς refluui.

Diarrhœam, Cruditatibus exortam, Miasma *Arthriticum* ad τὰ ἔσω invitantem, perque Anum effundentem, arte curatam, exhibet Historia.

HIST. V.

Diarrhœa Arthritica lethalis.

Dominus C. tum *Ceræris*, tum *Bacchi* cultor egregius, *Arthritidem*, non uno nomine hæreditariam, malis moribus, victu autem inordinato maxime, auxit & exasperavit. Ab ineunte Pueritia minime temperatus, Adolescentiam vix ingressus, *Cachymia* factus est *Arthriticæ* Gurgæ, neque tam Affectu isto tentari, quàm ab eo occupari diceretur; anni enim vix dimidium vacavit.

Cum ita materia gravaretur *Arthritica*, eaque de causa in statu esset dubio; casus intervenit, qui exitum ægro-

tanti

tanti fecit non minus severum & tristem, quàm improvisum & inopinatum. Ea fuit tempestas, quæ Fructibus *ἀπρίων* coepit abundare: Hos ita devotavit, præcipue (quod maxime appetiit) Fragum; ut diu nihil aliud esculenti capeffiverit. Vini autem loco, quod *τῶν ἀπρίων* frigidum mitigare debuerat, Lac, vel Aqua Fontana erat, Saccharo dulcata.

Gulæ tam insolitæ post impensam circiter Hebdomadam, *Diarrhœa* immani Æger est correptus; quæ non solum Massam *Ventriculo* & *Intestinis* inclusam, verum etiam *Arthriticam*, in Sanguine contentam, & exilio paratam, Ano ejicere jure merito censeatur. A Dejectionibus ita crebris & immodicis, vires adeo prostratæ sunt & pectus datæ, ut Ægri res (iis, quæ opportune data auxilio esse potuerant, neglectis,) statim in pejus ire cernerentur. Primum enim, Pulsu debili, deinde Sensu communi vacillante; tum Motibus Convulsivis, & Deliquiis atrocissimis, & brevi tempore revertentibus est oppressus.

Ita quidem Ægrotans, qui, dum *Arthritidis* impetus fecerat idoneos, etsi vitam non beatissimam, at non temnendam, imo tutam egit; *Diarrhœa* (quam quidem solitariam, & *Arthritidi* minime conjunctam, tutius & melius, si non *ἐν φόρῳ* subire valuerat) hac exorta, illico una cum Morbo, vitam effudit.

HIST. VI.

Aliud Exemplum Ægroti Diarrhœa Arthritica occidentis.

Hic confirmis est Historia Viri, apud *Damnonios* olim notissimi;

quæ, quantis in angustiis, qualique discrimine versentur ii, qui Fluore alvi laborant *Arthritici*, luculenter explicat. Fuit ille ætate integra, laxo & obeso Corpore, alvo (quod habitioribus solenne) plerunque liquida. Inordinata Victus ratione, quicquid occurrit avide ingerendo, Vomitus assiduus, & *Diarrhœam* arcessivit; quodque temere dimisit, statim Ore, vel brevi temporis spatio Ventre reddidit. Hoc etiam modo *Arthritidis* Paroxysmos, quibus in singulos annos affici solebat, regularibus & idoneis, (ejus scilicet materiam ad *Intestina* sollicitando, *Diarrhœa* fere perpetua per Anum expellendo) ingruentes abscidit; plus biennium aspulerat; neque ad fastigium aliquod notabile, & observatum dignum, unquam, eo tempore toto eveni permiserat. Prostratus Appetitus, Ciborum omne genus fastidium erat; Caro absumpta, Cutis flaccescens, languentes Oculi, Faciei macror, quasi ab Aurugine, flavescent; Urina exigua, & colore rubro; Suspiria crebra, Animi dejectio miserabilis; Pulsus debilis & celer, Sitis importuna. Quibus animadversis, non hæc ab una *Intestino- rum* imbecillitate (tametsi illam esse non negaverim,) aut Natura quasi confecta; sed ab aggravata potius, & *Arthritide* *ἀνωμαλῶς* agente oppressa, oriri contendebam; ideoque *Arthritidem*, deviam & palantem, ad externas Partes, ad Artus expellendam. Cui quidem Opinioni cum Medicus Ægri Ordinarius, & *Συνεργαὺς* meus est astipulatus, primum, ut lordium Massa, quæ *Ventriculo* onerosa, *Arthritidem* eo loci detinere visa est, dimoveretur, Emeticum dedi: Decoctum nempe *Cardui*, cum *Vino Lusitanico*, propter Ægroti imbe-

imbecillitatem, admisto. Plegma dejectum est, cum *ἰσχυρία* copiosum. Nullum eo vespere Paregoricum. Postero mane, Respiratio liberior, Vigor Oculorum vegetior, major animi alacritas. Et, quod desideratissimum, etiam Manus & Pedis Dolor, Tumor, Rubor *Arthriticus*: Qui, in statu tam lubrico, ut augeatur, *Bolus ex Ther. Androm. Croco M. astring. Pul. à Chel. C. C. Syr. de Ros. s. quarta quaque hora sumitur, simul cum Vini rubri prædicti haustu; cui Tinct. Martis nutriti gutt. xx. sunt adjectæ. Sp. C. C. Succinatus subinde datur, & Potui Vinum, Aqua Fontana cocta dilutum*. Quinimo, ut quem auspicato nacti sumus, eundem cautè & diligenter locum tueamur, *Phænigmos* (è *Seminibus Sinapios, Ras. Raph. Sylv. aã p. j. Fermenti vet. p. iij. Aceti Vini albi q. s.*) Tumoribus *Arthriticis* calidos admoveri, & , quam primum refrixerint, iterari præcipimus; donec in molem illi majorem eleventur. Aucta hoc modo utraque Inflammatione, ad evocandum illius Serum, & materiam simul *Arthriticam Epispastica* super eam imposuimus, quibus Ichoris falsi virosique libræ minimum duæ, spatio quatruidui, sunt elicite. Pallidior hinc paulatim Urina, & ab *Arthritide* Quies.

Finito Paroxysmo, ad instaurandam Coctionem, & robur *Interaneorum* confirmandum, socia opera, primo *Lene Catharticum*, deinde *Chal. Nutritum* adhibuimus. Diætam omnem quantitate & qualitate aptis, accommodavimus.

Quamdiu *ἡ νόσος* egit, monitis & præceptis his obtemperatus *Æger*, tulit Observantiæ fructum. Cibum avide satis appetiit, tenuit, di-

gessit; raro, neque nisi laudabiliter deiecit: integra & tuta videbantur omnia. Ante vero, quàm vires, nupera tempestate labefactatas, resarcire valuerat, suo se iterum more gerens, & Genio indulgens, *Diarrhœa* subito recidiva, Motibus Convulsivis, &c. stipata, paucarum horarum spatio est surreptus.

C A P. V.

De Dysenteria Arthritica.

ARTIC. I. **Q**Uæ tormina, qui *Intestinorum* cruciatus, graves utique & terribiles, ex *Arthritica* Materia illorum Tunicis impacta oriantur, in superioribus tractatum est. Tentemus ultra, & , utrum hæc tantummodo, an etiam alia; an his majora miseros mortales interdum non excrucient, & demum Morti objiciant, serio expendamus. Quocirca, hoc Capite de *Dysenteria Arthritica*, & in sequenti de *Abscessu Intestinorum Arthritico* sermonem inferemus.

II. Et quidem hæc res inspicienti palam erit, acrem illam & virosam *Arthritidos* Materiam, & Causam Continentem; qua Dolores passim in Corpore crudelissimi concitantur; qua Membranae vellicantur, & exulcerantur, qua ipsa interdum Ossa corrumpuntur, & Carie conficiuntur: *intestina* etiam aliquando mordere: illius rosione perfodi, & exedi Vasa eorum exilia: sicque fieri posse *Dysenteriam* quam tradimus, *Arthriticam*. Verum, ut ab hujus Morbi probabilitate, ad ejus *ὑπαρξιν* & experimenta medica transeam, revera dari hunc Affectum explorato

plorato constat. Ejus autem *ἡ δὲ καὶ*
ἡ δὲ, quantum expiscando consequi
valeo, tale est.

III. Gracili & tenero Corpore
Podagrosos, *Intestinis* præcipue teneris
donatos, & *δυσπαλῶχους* aggreditur.
Præire solet Dolor Colicus, pariter
Arthriticus: & cum crebris ejus acces-
sionibus læsæ & corruptæ sunt *Intesti-*
norum Tunicæ, debilitatæque flaccet
eorum fibræ; Miasma *Arthriticum*,
Causa aliqua externa illud intro pel-
lente, vel intus posita eo alliciente,
in Arterias, (*Cæliacæ* nempe *Intestinalis*
ramum, & utramque *Mesentericam*)
Intestina irrigantes, *ἀθρόως* infunditur.
Hinc Dolor *Intestinarum* mordax, ero-
dens; cum Pulsu celeri, & Febricula
quadam. Si eodem tempore externis
partibus *Arthritis* insit, celerrime om-
nis evanescit, ad *τὰ ἔντερα* festinat. Va-
sis Sanguine distentis, erosio, ruptis,
in Fistulam demum alimentarem is ex-
stillat; quæ, in ejus cavo collectus, al-
vo, & interdum ore ejicitur. Emissi
quantitas sæpe unius libræ, aliquando
binarum pondo. Qui tantum, & hu-
moris tam commodi dispendium exci-
piunt languores, ab eo cavernæ *Inte-*
raneorum commisso magni sunt; ab ex-
presso, & è Corpore expulso, majores.
Collabuntur Vires, Artus frigescent,
frequens est Deliquium, planè in du-
bio Vita. Levantur ex hac evacuatione
Tormenta, & si Æger insultus vim &
ferociam tolerare valeat, † quies se-

quitur, & à Paroxyfmi impetu *Arthri-*
tici ad tempus aliquod induciæ. Ma-
teria modo jam dicto per *Intestina* exu-
lante aliena, non iterabitur Insultus,
donec in Sanguine nova condatur, &
coacervetur; quam autem primum il-
lud fiet, tam in Artubus citissime, vel
Interaneis, iterum expectandus erit.

IV. Observatu facile est, ingenio
& natura quam singulari sit hic Affe-
ctus, & à *Dysenteriis*, quotquot uspiam
inveniantur, aliis, quam diversus: Quod
ut pro certo habeatur, animadverten-
dum (præter istam *τῶν ἑντέρων* imbe-
cillitatem, qua dirigitur Sanguis, &
in ea derivatur), ab una *Arthritidos*
Materia in Sanguine contenta, Affe-
ctum hunc, constanti norma & ratio-
ne manifesta, dependere: ab ea ebul-
liente, fieri, ab ea minuta, minui; ne-
que nisi ab ea renovata, & in novum
Orgasum excitante Sanguinem, re-
novari: Quo quidem argumento, ad
confirmandam morbi hujus *Ἀλλοιοποίησιν*,
nihil gravius, nihil, ut opinor, validus
afferri potest.

V. Ad hujus morbi exitum, sive
Prognosin, ut descendam, non semper
ille missione Sanguinis contentus uni-
ca; verum, è contrario, Insultus sæpe
repetens, *Arthriticis* illos facit Paro-
xyfms, si Typos & utriusque frequen-
tiam spectemus, respondentes & ana-
logos. Adhæc, vel prima vice, vel
postea (secundum Miasmatis *Arthriti-*
ci in Sanguine incrementum) recur-
rens, quando videlicet Miasma in Tu-
nicis *Intestinarum* adhærescit, aut affi-
gitur & eas suo more mordet inficit-
que, nunc in Ulcus *Intestinarum*,
nunc in abscessum degenerat, itaque
notas illis inurit tristissimas, morbos
incutit ærumnosissimos.

† *Dysenteria* solvi posse *Arthriti-*
dem notavit olim *Hippocrates*, hisce
verbis. *ἰώνται τέλως [Ποδαγρίωντας] ἀει-*
σα μὲν δυσεντερίαι ἢν ὀπιχίνωνται, Sa-
nant hos (*Podagrosos*) optime *Dysente-*
riæ, si successerint. Prædictorum Lib. 2.
Sect. xv.

VI. Profluente Sanguine, commo-
dissimum erit, ut Æger conquiescat: ne,
Corpus nimium agitando; ne proflu-
vium, supra quam ferri potest, inten-
dendo, gravius ille luat: quare Lecto,
vel Cathedræ se det, quam primum
Morbus ingruerit. Nefas autem ha-
beatur, ea quæ, Cardiacorum titulo,
ubique ad manus sunt Matronis, (quæ-
que sua, modo opportune propinen-
tur, non carent utilitate) sic ingerere;
ut Sanguinem accendendo, noxam ma-
gis augeant, quam Ægrū levent. Caute
ista, neque largius adhibenda, quam
ad Spiritus reficiendos, & à Deliquio
sustinendos, opus esse invenietur. Con-
tra, si Profluvium *εὐφροειας* excedat,
Laudano illud comprimendum; ideo-
que Linguae super illinantur, Ore tene-
antur illius Guttæ aliquot, (quoniam
demissæ vomitione reddi possint,) do-
nec cohibeatur. Romanis in curanda,
quoties importuna fuit, *Dysenteria*,
Aquæ bene frigida, Potio in * usu erat;
quippe quæ astringat, Vulnusque sanet:
& à † recentioribus, unde confirmen-
tur illius in sanando Vires, præclara
multa referuntur: quorum autoritati in-
nixus, *Decoctum album*; *Dysenteria* hac
afflictis, non sine fructu & emolumen-
to, sæpius præcepi. Oportet autem mo-
dice, sed crebro, Laborantem forbere,
& quidem eo, ad tempus aliquod, lo-
co cibi potionisque omnis, solo uti.

Quibus curæ fuerit, ne *Intestina* ni-
mium aperiantur; iis etiam, ut ne
astringantur nimium, aut præpropere
claudantur, vitium nempe contrarium,

*Vide *Synopsin Discursuum Magistri*
Vander Heyden: Impressum Londini:
Anno 1653. pag. 53. & quæ sequuntur.
†Vide *Celsum, Lib. 3. Cap. xviii.*

est cavendum; & si Corpus astrictum,
leniter est solvendum. Est enim illa
Dysenteria omnino Critica, ex alteru-
tra parte, sive major, sive minor æquo,
vitiosa; cum mediocris, optima. Et
Virium contemplatione debita, Me-
diocritas illa tum intelligenda, tum
item obtinenda.

Post breve temporis spatium expel-
li solet inimicus, & jam tum pacari &
deliniri Sanguis: quod si aliter eveniat,
& Sanguis pertinacius descendat; quæ
eum sistant, & Vulnus contrahant, ex-
pediet dari: *Tinct.* puta *Japonicam*, *De-*
coct. albo, vel *Traumatico instillatam*;
vel *Balsamum Lucatelli, cum Olibano*,
Mastiche, *Sanguine Draconis*, & *Croco*
Martio astringentis, vel *Bolo vera*, for-
ma Pilulari; vel cum *Conf. Fr. Cynos-*
bat. Rosar. rubr. per setaceum traject.
Spect. Conf. de Hyacintho cum Syr. de
Rosis siccis, forma Boli, ex eodem ve-
hiculo. *Tinctura Japonica*, solvendo
Terram ejusdem nominis, sive Gummi
Catechu, in Spiritu Vini rectificato, vi-
tro probe clauso, igne arenæ confici-
tur. Lanea, Decocto astringenti, cui
adjectum est Vinum rubrum, immersa,
super ventrem imponantur.

Si prope Anum Venâ dehiscat, ex
Gelatina Amyli, vel ejusmodi *κομμητι-*
κοῖς, *Hæmorrhagia* persistente, immitta-
tur Enema, & diutius retineatur. In-
terea vitentur, etsi astringant, Acida;
ne (propter eorum stimulum) major ex
eorum usu damni metus sit, quam emo-
lumentum spes. Cibus ex *Gelatina C.C.*
Eb. aut Pedum Vitulinorum: ex Ovo tre-
mulo & sorbili; ex *Lacte, cum Oryza* ei
incocta; vel ex *Oryzæ Cremore*, & ejus-
modi aliis, quæ simul nutrant, & increas-
cent, quæque Vulnera conglutinent.
A The-

A Therapeia *Dysenteriae*, proprie sic dictæ ; hanc *Arthriticæ Dysenteriae* Therapeiam multum abludere, quilibet harum rerum vel imperitissimus videbit : quando ista Purgationem ; eamque interdum repetendam, enixe postulare, & , nisi illa esset, raro unquam perficeretur ; hæc ut nunquam, aut certe perraro Ventrem medicamentis solvi patietur.

Cum ad *Prophylaxin* accedas, nihil valentius, nihil ex omni parte fructuosius, quam *Aquæ Tunbrigenses*, sive *Bamptonenses*, vel istiusmodi Ferratæ ; quæ, satis diu recteque potæ, *Intestinatorum* adyta ingrediantur, Vulnera persanent, Ulceribus medeantur, Fibras constringant, Tunicas corroborent: Hæc porro Humorem vitiosum per Renes efficacissime avertunt, itaque *Intestina* maximopere defendunt. Hisce vero, ad mutandam Humorum inclinationem, & deducendam in Artus *Arthritidem*, non incommode adjiciantur, cum astringentibus, è *Ferro* præparato.

HIST. I.

Tenesmum & Dysenteriam inferens
Arthritis, omisso Externorum
usu, lethalis.

Quum rure, Anno MDCC. mense Maio, fortè agerem ad *Ischanum* ostium ; me consuluit Septuagenarius *Arthriticus*; qui ita sæpe doluit Articulis, & quidem Vere tum nuper elapso, ut in rem esse arbitremur. Sub initium Aprilis, nescio qua de causa evidenti, (nisi hoc in numero ponenda, propter res domesticas, quæ illum mire exercere, Animi perturbatio) derelictis

Artubus, ea, quæ intus sunt, invasit *Arthritis*. Fames, antea naturalis, ab eo tempore multum imminuta, fere nulla : Animales Spiritus, humiles & depressi. Vidimus, at non sine commiseratione vidimus ægrum, in lecto jacentem, Oculis concavis, & retractis, Respiratione difficili, cibi omnis fastidio, Nausea, Ventriculi gravitate pene perpetua, *Ἀσπυρία* etiam afflictum.

Malis hisce, circa eorum initia, vires & incrementum dedit *Lac Amygdalinum*, pessimum omnium eduliorum, & alia istiusmodi frigida. Hæc ille interdum, noctu, demisit affatim; Calida & Cardiaca (ne videlicet Dolorem moverent in Articulis) Cane pejus & angue, fugiens. Ab ipso victu confirmatum est cibi fastidium, ceterorumque malorum agmen.

Puduit sane misertumque fuit ægroti, (hominis aliàs sapientis, & civili prudentia præclari) in tanti re momenti, in ipsius Vitæ re, tam egregie hallucinati. Calidorum enim egentissimus, frigida calidis præposuit.

Malum indies aggravescens adduxit *Tenesmum*, & dein *Dysenteriam*: unde pejus omnia. Ut his occurrerem, primo *Theriacæ Androm.* & *Dia'cord. aâ.* 3ß. cum *Julapii Cretacei* *Haustu* dedi; ex intervallis sæpius repetii. Potui dabatur ordinario *Decoctum album*. Hinc alvus suppressa, Dejectiones solidæ, & bene coloratæ.

Hasce vero inducias, quando parum fidas esse suspicarer; nisi etiam *Arthritis*, quæ τὰ Ἐντέρα jam ipsis nutriculis aggravare visa est, πρὸς τὰ Ἀσπύρια extruderetur; eum in finē *Podagragoga* interna (nempe ex *Rad. Serp. Virg. Pul. Cantiano*, *Lapide Contrayerva*, *Conf. Alk. Bolum*) præcepi, cum istiusmodi aliis.

Quorum beneficio malleoli, & ad genu usque; Carpi, & ad cubitum usque dolor: quaque ratione proportionequae doluerunt Artus, liberata sunt *Intestina*. Erat autem adhuc pectus aggravatum; erat, tanquam à cingulo, strictum abdomen.

Ne vero hisce remediis, Sanguinem exagitantibus, in ægroto *Dysenterico*, nimium insisterem; in *Arthritide* removenda, quantum operis maximum potueram, Externis, *Arthritidem* educantibus, agere institui. Quocirca, Pellem vervecinam, jam tum extractam, Artubus applicari, in præceptis dedi.

Ille his gravatus: omnium, quæ Dolorem excitarent, osor acerbissimus, eorum usum non admisit; non sine indignatione respuit; ut vel perire mallet, quam dolere. Neque salutis, neque ipsius vitæ consideratio, etiamsi ab amicis amantissime proposita, studiose commendata: ut animum mutaret, vel hilum fecit. Retrocessit denuo *Arthritis*; & Æger, viribus infractis, Morbo dicam, an Pertinacia? periit.

HISTORIA II.

Dysenteria Arthritica in Abscessum migrans.

Doctrinæ, hujus *Δυσεντερίας* in superioribus traditæ, fidem conciliat Agricola *Devoniensis*, antiquis moribus, & malo tantum habitu infelix. Fuit ille tener, gracilis, Visceribus imbecillis, *Arthritide* primo permultos annos idonea, tum *ἀνώμαλος Intestina* simili frequentia impetente, aggravatus. Post *ἀνωμαλίας* hujusmodi com-

plures, (quibus sublevandis non incassum ei Medicinam factitavi) per quas effectum est, ut ad *Intestina* citius & facilius diverteret *Arthritis*; tandem, Anno seculi novissimi postremo, exeunte Vere, *Arthritide* omni jam diu vacans, novum in morem ægrotavit. Prægressa enim Corporis Plethora, Vomitu Sanguinis & *Dysenteria* corripiebatur, adeo vehementi, ut brevi spatio libræ aliquot Sanguinis ore & alvo redderentur, & Æger animam agere videretur.

His angustiis versato, *Bolum astringentem* (ex *Cons. Ros. r. Ej. Pul. G. Arab. ὄβ. Sang. Drac. Boli veræ, aā gr. v. Syr. de Symphyt. q. s.*) bis in die, cum *Julapii Cretacei Haustu sumendum*, præcepi. Potui datum est *Decoctum Album*, & in cibum *Pedes Vitulini*. Ad Sanguinem vero quam citissime reprimendum, & intra cancellos suos retinendum, *Laudani* aliquot *liquidi Gut-tæ*, bis ter quaterve in die (modo postulare *Hæmorrhagia*, & vires agripaterentur) repetendæ. Id enim agendum arbitrabar, ut *Hæmorrhagiæ*, quædam ex parte forsan necessariæ, & huic Ægroto salutari, modum ponerem, naturæ rebus convenientem: nec quidem alienum egi; quandoquidem hac medendi via, ne lethalis ista, ne injuria esset, provisum est. Hisce difficultatibus liberato (quæ *Vulnus* sanaretur) *Tereb.* dedi *Vinetam*; forma pilulari, cum *Pul. Dialthææ*, bis in die sumendam, & quod superbiberet, *Julapium*.

Quando vero posthæc, propter restitutas Ægri vires, Sanguinem instauratum, & *Arthritidem* interruptam; Pulsu ille magno, Cibi fastidio, *Intestinatorum* æstu immodico, Doloque pun-

genti,

genti, cum aliis mali hujus reversuri notis, urgeretur; Brachio Sanguinem detraxi; Orgasum ejus mitigavi; *Interaneis* prospexi: utque pacem, quam eo nactus sum modo, confirmarem, *Aquas Bamtonenses*, vivas & de fonte, per mensem biberet, imperavi. Paruit *Æger*, adjecitque cuilibet Aquarum se- librae, *Syr. Balsamici* ℥ss. & hora somni, *Balsami Gilead* ℥ss. ex ejusdem *Syrupi cochl.* deglutiit. Recte bibendo, Medicamenta recte sumendo, recteque vitam instituendo, quantos ille progressus fecit, vel hinc conjicere liceret, quod Fame & Concoctione domum rediit laudabili, Vultuque bene colorato. Vitæ res & salutis cetera, qualis sano, & incolumi solebat esse; & quam dudum, multo integrior.

Nondum annus effluxit, cum *Arthritide* pertinacius silente, nec in Artubus unquam quicquam moliente, Materia vero ejus (uti licet opinari) in Sanguine congesta, eadem fere, atque nuper, *Intestinorum* Accidentia, Materiam eo loci denuo coire, manifeste ostenderunt: Quæ quidem Mala, methodo penè eadem, qua prius, erant sublata. Verum, ut tutelam *Ægro* certam & diutinam præstarem, eum hoc admonui; ut de Plenitudine sollicitum se haberet tanquam Morbi hujus Genitrice certissima, Altrice paratissima.

Quæ cum ita præciperentur, vel *Ægri* incuria, vel Morbi magnitudine, & ad renascendum propensione factum est; ut aliquoties, nec opinato, recurreret *Dysenteria*: Cujus accessiones cum jam quatuor aut quinque essent; eæque omnes, ex intervallo anni quasi dimidii; (quo temporis spatio novam *Arthritidis* materiam pullulare credibile est,) *Dysenteria* tandem in *Absces-*

sum migravit, suo loco tractandum.

Observatu facile est, Primum, ab hoc Affectu, pristinis in Ventriculo & Intestinis *Arthritidos Anomaliis* succedenti, licere nobis opinari, earum locum illum tenere, & quasi numerum explere: Deinde quod, cum omnes i læ *Anomaliæ* (qua in hac regione pristinae, qua novæ & *Dysentericæ*) rectos & idoneos *Arthritidos* Paroxysmos subsequantur; horum Paroxysmorum illæ vicem gerant; nihilq; aliud sint, quam *Arthritis* commissa *Intestinis*, & illac exulans: Cujus quidem rei argumentum, idque nostra sententia firmum est; quod deseruerit *Ægrum Arthritis* recta, quo tempore, & qua proportione occupavit eum *inversa*, sive *Anomala*; & quod, *Arthritidi* rectæ, & *Anomala*, Accessionum essent intervalla plane eadem; distantia par: quo nihil magis probare potest, Affectus hosce, (si tantummodo vultus eorum intueamur) varios & diversos inter se; ab una eademque propagine derivari; eademque fieri Materia; pari semper ratione nata, & quantum in se est, pari modo semper operante; sed, propter aliquod sibi externum, & locos novos ingrediente, & diverso in iis modo agente.

Huc quodammodo referri potest *Dysenteria*, quæ ad *Arthritidem* ex *Lue Venerea* generatam pertinet; cujus olim protulimus * Exemplum, si placet, adeundum.

h 2

CAP.

* Vide *Dissertationem* De *Arthritide* Symptomatica, Cap. vii. Hist. iv.

C A P. VI.

De Abscessu Intestinorum Arthritico.

ART. I. **A**bscessus sequitur *Intestinorum Arthriticus*: hic enim est Naturæ ordo, quæ à *Dysenteria* ad *Abscessum* migrare, ut ab *Hæmoptoe* ad *Phthisin*, observatur. Alienum & virosum, e Sanguinis sinu expelli, Partibus à corde remotis & debilibus immitti, Tumoremque iis usitato inferre, passim experientia confirmatum est: Ad *Abscessum* vero faciendum proclive, & suapte sponte pronum esse Virus *Arthriticum*, vel eo constat, quod in Artubus is identidem cernatur; eorum Articulos, post duras & iteratas accessiones, quibus Materiæ multum illis illiditur, aggravans & extendens; sic, ut veteres *Arthriticos*, (quos omnium frequentissime Morbus hic affligit) hac de causa claudos, eorumque Pedes Manus laqueis obvolutos, sæpe tueamur.

II. Virus illud, *Intestinis* à Sanguine commissum, in eorum Tunicis nidulatur: Fibras earum corrodit, excedit; Spiritus iis inclusos exstimulat, in Spasmos adigit. Hinc Calor interdum acris, pungens, lancinans; quem ut deliniat, & Humoris acrimoniam diluat Natura, (non alio modo, quam in *Apostemate* *Gingivarum* ex *Dolore* *Dentium*; vel alio quovis *Apostemate*, ex aliena & virulenta materia) Seri copiam suffundit. Ex his Humoribus hoc in loco depositis, conflatur & efficitur *Abscessus*; qui, serius citiusve, (pro ejus Compositione, & Calore innato, vel adventitio) maturatus, exten-

sa primum, mox rupta, vel aperta, qua includitur pellicula, Pus evomit. Quod utique, si Natura copiose ejicitur, vel Arte eximitur, ceteraque Curatio recte procedit, Ægroto commodum; proscripto malo Cive, conciliatur incolumitas; purgato Sanguine, salubritas: si vero latice nimis exiguo Pus exprimitur, Ægroto, propter retentum malum Civem, difficultas; propter reliquias intus servatas, affectarum partium Durities, & nonnunquam in Gangrænam degeneratio.

III. Causæ hujus Tumoris manifesto binæ sunt; quarum altera *Intestinorum Imbecillitas*, sive *Αἰτία*; quæ, ad *Intestina* Sanguinem invitat, eumque (prout Leges volunt *Hydraulicæ*) facit inclinare. Hanc autem esse, ipsa Morbi natura arguit; evincit id, quod hominibus vel ab incunabulis, vel malis moribus *Δυσλαγίχους*, hic Affectus sæpissime contingat. Altera, *Sanguinis Depuratio*, sive *Miasmatis Arthritici* [secundum normam, à Natura in alienis rebus exturbandis, observari solitam] expulsio: Utque binæ istæ causæ se habent, & majores aut minores sunt; *Abscessus* inde orti accidentia, mores, conditiones sint, necesse est.

IV. Magnus hic *Intestinorum Abscessus* esse solet, duarum trium aliquando librarum Materiæ capax; contra, quam qui vulgo sunt *Extremitatum*: hi etenim fere parvi. Notandum etiam, nullam totius Trunci partem magis, quam alimentariam *Fistulam*, infestare: ut hæc illi Regio gratissima; hæc sedes † *Principalis* esse censeatur. Tertium, addi potest, (quod huic nostro

† Vide *Celsi*, Lib. v. Cap. 28. §. II.

tro *Abscessui*, præ ceteris sive Artuum *Arthriticis*, sive totius Corporis *Abscessibus primigeniis*, privum & peculiare) esse eum creberrime, paucis post mensibus, recidivum. Hæc autem omnia Causis modo dictis, alteri nempe vel utrique potentiori, sunt attribuenda.

Quo enim celerius *Arthriticum* Miasma in Sanguine denuo condatur; quo frequentius Natura conditum expellere, & e Sanguine conetur in exilium ejicere; quo exulanti, & expulso ei recipiendo, propter imbecillitatem, proniora sint *Intestina*; eo hi illorum *Abscessus* majores; eo frequentiores, &, qui repleantur, aptiores sint, necesse est.

V. Si in *Ano* fuerit *Abscessus*, eadem prope *Curatio*, ac in *Abscessu Ani* primigenio. Si in *Oesophago*, *Ventriculo*, vel *Intestinorum* aliquo; [quæ, extra Sensum posita, ortum, & incrementum, vix unquam manifestum esse sinunt;] ante ruptam *Vomicam*, & Pus evacuatum, ejus sæpe nulla, sive *Ægroto*, sive *Medico*, vel minima incidit suspicio. *Abscessum* hisce locis oriturum una, quantum video, prædicat *Vomitio Sanguinis*, sive *Dysenteria* quæ appellatur *Arthritica*: quæ prægressa, ejus *Prophylaxi* magnopere studendum: hæc enim adversus *Vomitionem*, adversus *Dysenteriam*, adversus *Abscessum* erit utilissima.

Rupta autem *Vomica*, in *Lectum* se det *Ægrotans*, vel minimum *Quieti*, quoad poterit; indulgeat. Si copiose nimis, supra vel infra, Pus emissum fuerit, *Hipnotico* moderanda evacuatio, minime sistenda. *Laudano* madescant tempora, *Nares*, *Lingua*, donec cohibeatur, & ad *ἐποείας*, ut ne vi-

delicet eam excedat, redigatur. Puris autem diluendi, gradatim & partitis vicibus educendi, ulcerisque detergendi gratia, hujusmodi *Apozematis*, quarta, quinta vel sexta quaque hora *Cyathus* assumatur.

℞. *Hordei mundati* ℥β. *Rad. Symphyt. maj.* ℥j. *Cacum. Betonicae, Santiculae* añ ℥ij. *Coq. in Aq. font.* ℔ij. ad iij. *Colaturæ adde Mellis Rosarum* ℥ij. vel iij. f. *Apozema*.

Julapium præsto sit *Cardiacum*, aut *Vinum* aliquod generosum; cujus, in Languoribus summis, *Cochlearia* aliquot hauriantur. Interea temporis [ut *Celsi* verbis utar] *Nihil facere oportet, quominus, quicquid est Puris, exeat*.

Cum *Vomitibus*, & *Diarrhoea*, & Puris evacuatio defierint, ex usu erit *Tereb.* à ℥β. ad ℥j. cum *Ovi Vitelli* pondere æquali temperatum; vel *Bals. Lucat.* ℥β. cum *Myrrhæ pulv.* q. s. in *Pil. redact.* bis in die, ex *Apozematis* haustu demitti. Vitentur *Acida*, vitentur *acria*, &, quibus læsa pars exasperetur, quibus noxa augeatur, omnia. Ipsorum *Cardiacorum* vitetur ea *Vis*, quæ Sanguinem nimis exagitet, & e foribus jam apertis eum eliminet. *Eboris, C.C. Pedum Vitulinorum Gelatinis, Hordeaceis, Avenaceis, Pullinis, Ovinis, Vitulinis*, & ejusmodi sorbitionibus, vescatur *Æger*. Si alvus soluta nimis fuerit, potioni sit *Decoctum album*; si dura nimis *Hydromel*.

Prophylaxis, sive in *Ano*, sive intus sit *Abscessus*, *Aquis Diureticis* optime perficitur; quibus adjici potest *Sal* & *Crocus Martis, Myrrha, Terra Japonica*, cum *Syr. Cydon.* forma *Pilulari*. His enim partes vulneratæ debilitatæque contrahuntur, & defenduntur; quodque maximi est momenti, *Materia*

teria vitiosa per Renes emittitur; unde Visceribus major, etsi non ubique certa, erit Tutela. Conducet item *Venæ sectio*, præsertim in Corporibus Plethoricis, sique nihil repugnaverit. Conducet *Ambulatio*, *Pedum Frictio*, & in Aquam calidam immersio. Purgatio fugienda.

VI. Unum huic Capiti, veluti Coronida, subnectam: Veteres *Arthriticos* non tantummodo Colica, aliisque *Interaneorum* morbis, (ut ante dictum,) verum etiam morbis *Ani Arthriticis* identidem affligi, nonnunquam misere cruciari: maxime cum ætas exacta est, & Vires jam imminutæ, ad Miasina in Artus expellendum minime satisfaciant. Ea morbi mutatione, in *Ano* Materia deponi *Arthritica*, in eam infundi videtur: Cujus utique rei Argumentum hoc est, quod quamdiu *Ani Abscessu*, *Fistula*, vel ejusmodi Morbo aliquo gravi afficiantur homines hi *Arthritici*, tam illi diu raro Articulis ægrotent, ubi vero ea tollantur *Ani* vitia, recurrat *Arthritis*, (quod iterum & sæpius observavi) in extremis partibus *regularibus*.

VII. Hæc, & hujusmodi alia, quum ab *Arthritide* fiant in Visceribus, sexcenta mala; videre licet, quam apposite, quam belle sit à * *Luciano*, ex *Erasmi Schmidii* versione, de ea dictum.

* Σπλάγχνων δ' ἐπ' αὐτὰν διαπυρρον ἀγέχῃ κακόν,

Δίνασι φλομῶν σάρκα πυρπολέμενον,

Ὅποια κρητὴρ μεσσηνναίων πυρός,

Ἡ Σινελὸς αὐλῶν αἰσώρε διασφαγέ,

Ὅσα δυσέξαλκτα κυματῶμεν,

Σήραγγι πτερῶν σκολιῇ εἴλεται κλυδῶν.

Visceribusque in ipsis ignitum discurret Malum.

Vorticibus Flammarum Carnem ignis more depascens;

Veluti crater plenus Ætnæi ignis,

Aut Siculus Canalis æquorei interstitii,

Ubi confuse fluctuans,

Ob fissuras petrarum, obliquus volvitur æstus.

HIST. I.

Abscessus Intestinorum Arthriticus auspicato sanatus, recurrendo Lethalis.

Abscessum in Visceribus, *Arthritica* fieri posse materia, probat Agricola, prædio nudiustertius suburbano agens. Fuit ille Corpore pertenui, δύσκολα γυνος, annos *Arthritide* permultos, primum *Regulari* tantum, mox etiam *Anomala*, τὰ Ἐπὶ τὸς Διαπυρρον, *Dysenteriam* inferente cruciatus. *Dysenterico* ei medicinam, ex utriusque nostri sententia, iterum ac sæpius feci; ductoque *Prognostico* à vulneratis multumque læsis & debilitatis *Intestinis*, uti etiam ex eo, quod illa jam frequentaret *Arthritis*; de *Abscessu* ægrotantem, de eo, tanquam imminente & pertimescendo, monui. Nec quidem aliter evenit: Namque elapso ab *Arthritidis* Paroxysmo brevi spatio, cum jam repletum esset Corpus, & dolerent *Intestina*, (quæ duo Accessiones itidem *Dysentericas* solebant antecedere) Materiam, rupto in *Intestinis* *Abscessu*, purulentam αἷω ἔκαστω reddidit. *Vomitum* & *Diarrhæam*, ut ne violenta nimium urgeret, *Laudano* compescui; eorum lævitiā mitigavi. Fi-

nita Puris *Evacuatione*, Bolum *astringentem* (*ex Cons. Ros. rubr. Croco Martis, &c.*) bis in die, Pil. *Balsamicas*, ex *Bals. Lucat. Pul. C.C.C. hora somni demittendas*, cum *Julapii Haustu* dedi. Potui, quod dilueret Puris acrimoniā, simulque reprimeret *Diarrhoeam*, *Decoct. Album tenue* dabatur. Cibus, e *Jusculis & Gelatinis*, erat *Analepticus*. Porro, *Prophylaxeos* ergo, decem post diebus, omni mane, Aqq. *Bathoniensium* ℥ij. paulum tepefactas, hausit; singulis selibris adjiciendo *Vini Canarini* cochl. unum alterumve. Per *Elect. Lenientis* Dosis, uti opus fuit, assumptam, Alvi prævenit tarditatem.

Caro, Color, Vires ab hac methodo augentur; sic, ut Hyeme sequenti, menses inde post quatuor vel quinque, Pedibus iterum doleret, & omni periculo liber esse prima facie videretur. Contra vero ob ipsa hæc indicia salutis, (ita vulgo æstimantur) censenda erat hujusce ægri salus in dubio versari. Quandoquidem illa, tametsi quodam modo salutem, modo longe majori contrarium indicarent, & *Intestina* denuo gravari minarentur. De *Venesectione*, ut de *Intestinis* mihi curæ sat esset, deliberavi: vetuit Corpus a Natura tenerum: vetuit male constitutum, Morbis mulctatum, atque adeo *Arthritidi* rectæ vix obeundæ par.

Anni circiter dimidium erat, cum recurrit acris ille & pungens *Intestinarum* Dolor, novum materiæ coitum ostendens. Subsequitur, paucis post diebus, Puris tenuioris subalbidique, ad tres minimum libras, paucarum horarum spatio, per Os, per Anum excretio. Vires ægri statim collabuntur, & *Cardiacis* frustra, licet copiose datis, oppressi Oculis obductum est *Θαλασσίον μέλαν νέφθον*.

Notatu dignum erat, *Arthritidem* ex quo *Intestina* primum est aggressa, nova illa sede adeo delectari, ut intra triennium sexies eam inviseret; & toties vel *Dysenteriam*, vel *Abscessum* eo loci faceret: *Visceribus* scil. a natura imbecilibus, & Morbi crebris insultibus enervatis, depositum, imo infusum erat, expulsiōi jam tum idoneum, *Miasma Arthriticum*. Sed neque præteriri illud oportebit, quod, qua proportionē *Visceribus* inhæserit, ea usque *Arthritis* Artubus pepercerit. Quinetiam observari potest, quod ab *Arthritidos* Paroxysmis regularibus, per Accessiones *Dysentericas* & *Abscessus* hosce *Intestinarum*, magna ex parte defenderetur Æger; quandoquidem hisce crebro revertentibus, illi tum rariores, tum etiam mitiores invenirentur: ut, tum *Arthritidos*, tum *Dysentericæ*, tum etiam *Abscessus* Causam continentem & conjunctam, eandem prorsus, nonnunquam Artus, alias *Intestina*, sed alio alioque modo infestantem, esse constet.

H I S T. II.

Abscessus Ani Arthriticus feliciter curatus.

ANtistes nobilis, Ingenio summe prædicando, nisi quod Animi magnitudo superaret Ingenium, *Arthritide* nativa, (ea prosperarum cum adversis, ea rerum humanarum mistura) quam & ipse minime tenuavit, est affectus. Diu ille, senel bis in anno, doluit; sed apte, sed uuliter: Tandem *Ventriculum, Intestina*, & eorum extremitatem, *Anum*, à muneribus suis desciscere compertum est, &

novo more affici : hanc humoris nimium recipere, *Hæmorrhoides* extrudere; illam Cibum minus recte conficere; istum minus appetere. Hæc autem mala, siue Naturæ per se deficientis & debilitatæ, siue *Arthritidos* inversæ signa erant, (quum *Interanea* multum iis enervari confitendum est) rectæ & externæ *Arthritidi* intus vocandæ, non parum contulere.

Hujus Procatarxeos maleficio factum est, quod, ex errato in re Diætetica commissio, materia, (quæ Digitos etiam tum extendit, quæ in Tumores idoneos elevavit,) *Arthritica*, intro invitata, *Ano* impacta, *Abscessum* in ea faceret. Primum, Ossis Cocygos regionem, Mense Decembr. Anno MDCLXXXII. invasit : inde per dies aliquot Dolor, & totam pene Hebdomadam *Ἀσπὺν*. Vena, Medici consilio, pertusa est. Nihilominus increvit Tumor; dextram, sinistram, Partes circa *Anum* omnes comprehendens, & ad suppurationem tendens. Quo citius maturescat, ei *Cataplasma* admovetur. Horis post triginta sex, cum jam moveretur intus contentum, & fluctuaret Pus, Phlebotomo per *Jenkinsonium* nostrum est apertus : unde Materiæ putidissimæ foetidissimæque quasi libra effluxit; mundificantibus ab eo injectis detergitur sinus, Fomentis roboratur.

Curatio perfecta, & absoluta esse visa est, quum, exeunte Maio, *Arthritis*, quæ tum temporis in Artubus emicuit, ob *ὑπόφασιν* nescio quam, ad *Ani* regionem, non ita pridem læsam, se proripuit, eamque magnopere corrupit. Pelle Ovina, recens extracta, involvi Pedes & Abdomen Ægrotantis, imperavi. Hinc suppuratio maturior, at-

que adeo celerrima; adjuvante *Ung. Basil.* &c. per penicillum admoto. Sedito Tumoris apice, Puris altera quasi libra expressa est. Perjucundum erat notare, non tantum omnia, statim ab emissio Pure, Symptomata concidere; sed & Appetitum, aliquandiu languentem, ex eo tempore vigere, latrare, & (quod eo amplius) Ægrotantem comesta concoquere.

Quicquid hujusce mali reliquum erat, (hoc autem neque grave, neque longum,) id omne laboranti, non nimium morigero, deberi statuendum est; id etiam brevi sublatum. Nam factus tectus evasit Æger, neque, tametsi sæpe posthac *Arthritide*, hujusmodi unquam *Abscessu*, de integro laboravit.

En igitur *Ani Abscessum*, in quem, tanquam in Sentinam, missa sunt *Arthritica* purgamenta: Cujus rei notitia vel eo manifesta, quod ex *Abscessu* favetur Artubus, neque iterum, dum nova in Sanguine coacervata fuit Materia tantisper in eos sævitum.

HIST. III.

De Ani Arthritica, propter Aloeticum, Inflammatione; cum instante Gangræna.

Matrona Nobilis, Sancta, Venerabilis, ob causam alibi dicendam *Arthritica*, exeunte anno MDCCV. Dolorem Artuum, huc illuc vagum, & repentem habuit, Articulos etiam aliquando, more solito, perfringentem. Sub isto rerum suarum statu, & conditione, *Tinctura Sacra* Dofin, hortante quodam è vicinia sumsit; heu! infaus-
infauſto

infausto omine, & irato *Æsculapio*: *Hæmorroidum* enim dolore alias afflictæ, tantam earum injuriam, tam grave malum ex eo pertulit, quam quod gravissimum.

Magna vis Humorū, qui in Sanguine jam evecti & exilio parati erant, ut hac vel illac levi ex causa verterentur; *Aloetico* viam ostendente, ad *Anum* pulsa est, & eam distendi maximeque cruciari fecit.

Non *Ægræ* profuit, quod e Gallis, aliisque restringentibus, Aqua ferrata incoctis, stuparum ope, *Fotus* adhiberetur; contra, malum ex hoc acerbius. *Ægram* inveni, cruciatus inter & tormenta, misere oppressam. Per *Anum* humor nigerrimus, odore cadaveroso effluxit, & de *Gangrana* imminente me admonuit. Paulo post, in *Ani* margine tumore rupto, tam jugiter emanavit humor, ut de *Ægræ* vita pene cōclamatum esset; Parum aberat, quin opprimeretur. Libræ minimum binæ effluerunt, quibus nihil foetidius, nihil graveolentius. Non nisi *Cardiacis* copiose creberrimeque datis, *Ægra* sustentari potuerat, iisque mehercule vix quidem.

Sistente demum Flumine, Cisternam ejus immisso stylo exploravimus. Ab orificio, quod in dexteri Podicis medio propter *Anum* erat, versus Os *Coccygeum*, duas circiter uncias sinus intravit: altera vero parte, prope *Intestinum Rectum*, eique parallelus, circa quinque uncias. Tanta verò ejus latitudo, quanta humori contento responderet. Præterea, Caro prope orificium ad Drachmæ spatium livida, sensuque valde obtuso, *νέκρωτον* in propinquo esse manifestavit.

Ut autem ea prohibeatur, eodem-

que tempore sistatur Humor, nimium profusus, per *Injectiones* aptas, aliaque Topica, Chirurgis adhibita, provisum est. *Turundæ* immissæ sunt, paulatim breviores; & demum, mensis usque spatium, ne nimis cito occludatur, tanquam Fonticuli, os apertum est: postea feliciter reclusum. Ex morbo gravi, & prorsus ancipiti convaluit *Ægra*, & partum intra breve spatium gessit.

Commonet exemplum, in Corpore *Arthritico*, materia ad fugam prona saturato, quàm dubia, autem? imo quàm periculo plena, maxime per *Aloetica*, Purgatio.

C A P. VII.

De Melancholia Arthritica.

ART. I. **P**ost *Ventriculi & Intestino-*
rum affectus *Arthriticos*, qui appellari possunt Idiopathici, (de quibus supra disputavimus;) ad eos jam deveniendum, qui locis sæpe remotis & distantibus, semper autem aliis, καλὰ συμπαθεῖαν, inesse deprehenduntur. Hi vero, tametsi plures, & quidem prima facie longe inter se diversi reperiuntur, (uti *Melancholia*, *Syncope*, *Cephalalgia*, *Vertigo*, *Respirandi difficultas*, aliique permulti;) quando hoc conveniunt, quod ex causa *primis Viis* contenta omnes exoriantur; eaque sublata, auferantur; eorum Curatio, maximam partem, ex prædictis elicienda est. Par autem unum, cæteris prælucens, (nimirum *Melancholia & Syncope*;) cum utrumque ita interdum ingravescat, ut Symptoma evadat *ἡνεῖρον*, & morbi rationem ambiat; hoc, & sequenti Capite, speciatim exponetur.

II. Nullos æque laceffit hujusmodi *Melancholia* (ut de ea primò loquar) ac qui molles, teneri, delicati, animo præditi pusillo, vel alia aliqua inclinatione naturali, *Melancholice* sunt ab incubulis addicti. Quandiu horum *Arthritidis* Paroxysmos agit regulares; & Natura, Visceribus parcendo, Materiam in Artus alienam exprimit; tam certe diu ægrotorum prospere res succedunt; & in Paroxysmorum vacationibus, Cor illi lætum; Vultus hilaris; sudum undique, & serenum est. Quoties autem hoc salutare opus, sive prorsus intercisum, sive remisse & oscitanter actum est; maxime, quoties *Ventriculo*, & *Intestinis* committitur Materia; primum, Appetitus, & Concoctio depravata est: hinc eo loci Massa, brevi spatio putrescens, & inepta, coacervatur: hinc Flatus Hypochondriacus, Βογχορῶμοι, Præcordiorum distentio, & interdum Dolor *Intestinatorum* fere continuus: hinc illi, per consensum, Cerebri & Nervini generis affectus; illa Μυροφύχια, illa *Melancholia*. Turpis scil. illius Massæ afflatu & contagione, deprimuntur Spiritus, Sensui jam Mortuique obeundo impares. Nihil isthoc hominum genere tristius; nihil infelicius. Neque Somnum capeffunt, neque Cibus. Pœnitet, piget, pudet, ipsos Vitæ suæ tædet. Quodque omnium gravissimum est, quæ, in summis calamitatibus, perfugio; quæ Ægrotantibus, solatio; quæ *Arthriticis*, certissimo esse solet præsidio; hosce plane deficit, Spes.

Nullas unquam *Arthritidis Anomalias*, hac nostra diuturniores inveni; nec quidem multas temere frequentiores. Nono vel decimo circiter ætatis lustro, Ægrotantem aggreditur; & per reli-

quum Vitæ (nisi Medicinæ Viribus depulsa fuerit) eum perraro deserit; quin ex intervallis, iisque crebro brevioribus, affligit. Est autem ad *Arthritidem*, in eodem Corpore *Regularem*, (si ad eam comparatur) Proportionem, quæ dicitur, *inversa*: quandoquidem, quò minor; quò rarior; quò mitior hæc: eò major; eò constantior; eò vehementior illa; & è contrario.

III. Quod autem ita sit diuturna, causam esse puto in præcedentibus enunciata; *Dyspepsiam* nempe, & *Ventriculi Imbecillitatem*: quæ, ut usitate Materiam ad *Primas Vias* Arthriticam invitare solet, crebramque facit (ut ostensum est) hujusmodi *Anomaliam*, ita quidem usitata major, (qualis his Ægrotis est) tum invitat allicitque magis, tum etiam arctius complectitur, retinetque diuturnius.

Ne vero, cum *Arthritide Melancholica* idem hic affectus esse censeatur; advertere oportebit, illum esse *Melancholiam* puram, & exquisitam, in *Arthritida*; hunc, *Arthritidem* similiter genuinam, in *Melancholiam* desinentem, eamque propria Materia facientem.

IV. Requirit *Therapia*, ut Morbo Ægrum prementi, *Ventriculum* & *Intestina*, ἄνω (si opus fuerit) καὶ κάτω purgantibus, primum advessemur. Ista vero blandiora sint, necesse est; è *Decocto* puta *Fol. Teæ*, vel *Posseto Carduato*, *Vomitorium*; ex *Rhabarbaro*, *Pil. Tart. Bontii*, *Stom. cum G.* vel illiusmodi aliquo leniente, *Catharticum*. Statim à Purgatione, eo nempe vesperi, omisso *Paregorico*, locum habeat *Cardiacum*; quod Materiam Visceribus adhærescentem extra propellat: posteaque, cum ad *Alterantia* descendes, ea quantitate

propinentur, sed Dosibus idoneis, quæ si nihil repugnaverit, intentioni Therapeuticae (i.e. Materiae *Arthriticae*, à τοῖς ἐνδοῖς educendæ, & in Artus ablegandæ) satisfaciatur.

Vult autem *Prophylaxis*, primum, ut *Aquis Diureticis*, recte diuque potis, e Sanguine virus evehatur *Arthriticum*. Deinde, ut *Arthritis*, vere & autumnno, altero nempe vel utroque, si per se quiescat, Medicamentis ad eum finem datis, cieatur: regulares Paroxyfinos, suoque numero perfectos (quoties opus erit) edere cogatur: & ut alias Coctio- nis summa teneatur ratio, in victu minime peccetur. Quare *Eccoprocticum* frequenter adhiberi, putres sæpe extrudi reliquias oportebit; & in eum finem usui erunt *Pilulae*, quibusdam in pretio habitæ, *Melancholicæ* ab *Exoniensibus* appellatæ.

R. *Pil. Macri*, *Stom. cum G. aā ʒjß.*

Rudii ʒj.

Res. Jal. ʒß.

Ol. Cin. Chym. gtt. x.

Bals. Per. q. s. f. Pil.

Dosis ʒß. primo mane, omni mense; vel, eodem intervallo, sumatur *Tart. laxantis*, & *Mannæ aā ʒß. ad ʒj. Aqq. purgant. ℥j. soluta*. Omni vero Purgationi *Prophylacticae* succedat, hora somni, *Paregoricum*. Prodest porro Corporis exercitatio, præsertim equitatio. Quæ verò reliqua huic affectui medeantur, ex supra dictis hauriuntur.

HISTORIA I.

Melancholia propter Arthritidis accessiones minus idoneas.

TEmpus olim nobiscum Homo tra-
duxit alienigena, ingenio prorsus

singulari: affectu *Hypochondriaco* non parum multatus. Ægritudini importunæ permolestæque ut occurreret, *Baccho* ille, non nimium modo, verum etiam intempestive (pernoctando scilicet) indulgit: quo quidem more, *Arthritidos* perniciosissimæ, Senectutis tristissimæ posuit fundamenta.

Adolescentiam vix egressus, *Arthritide*, malo hæreditario ægrotavit; quod *Melancholiam* vel primum intulit, vel magnopere auxit. Quamdiu Paroxyfmos edere soleret *Arthritis* ista regulares, (satis scil. magnos, & frequentes) nihil illo homine mutabilius, aut sibi dissimilius; utpote Lætitia nunc elato, Mœstitia nunc depresso. Quoties enim Paroxyfmos aliquis finierat, Cantu, Joci, Salibus effundendis, Carminibus aut pangendis, aut recitandis occupato eo, nihil usquam gentium festivius jucundiusve: quamprimum autem *Baccho*, *Cerere*, & Ignavia, nova in Sanguine cumlaretur Materia, & jam expulsionem parata esset, nihil illo tristius, lugubriusve.

Nondum annos compleverat quadraginta, quum *Arthritis* rarius & remissius agere occœpit; & pro illius remissione, Ægrotanti evenit male: nam *Melancholia* ingravescere reperta est, & quidem eatenus, ut in eam demum mutaretur *Arthritis*: quibus autem modis, & qua Metamorphoseos ratione, (quippe ad explicandam *Melancholiam* hujus *Arthriticae* naturam cumprimis faciens) narratu dignissimum.

Qua proportionem Paroxyfini, sive earum acrimoniam, sive frequentiam spectemus, cessavere; ea semper, rata perpetuaque, crevit *Ανορεξία*; ea *Δυσπεψία*; ea, Flatus immodici; ea, Dolor, & innumeræ *Ventriculi* querelæ;

ea, *Melancholia*: ut Materiam ad τὰ ἔξω *Arthriticam* minime propulsam, Visceribus infundi, res sit evidentissima.

Chalybem ille *Amara*, non unius generis *Cardiaca*, initio commode; *Corticem*, cum *Vino*, omnium multo commodissime; postea vero frustra, ingessit. Validus à Natura, & Athleticus, Morbo gravi & ærumnoso, animum cum corpore pessumdanti, impar, ætate adhuc constante, succubuit,

Victima nil miserantis Orci.

HIST. II.

Arthritis Melancholico saluti.

Homo *Damnonius* per omnem primam juventutem Coctionis pravitate, Ventriculi à pastu distensione, flatu, Capitis gravitate identidem afflictus, de majori malo adveniente monebatur. Annis aliquot post, exorta est *Arthritis*, nunc uni eidemque Articulo inhærens, nunc per Artus erratica; semper autem regularis, & cum Morbo *Hypochondriaco* (uti cum *Polluce Castor*) vices habens alternatas. Quæ istorum affectuum *Επαλληλία*, communem utrisque Materiam esse, nunc, quæ sunt intus, afficientem; nunc, quæ extra, corrodentem ostendebat. Grave do etiam, per hosce dies, humorem multum, & acrem, in vacationibus *Arthriticis* emittere, sicque Capitis gravitatem minuere solebat.

Sub finem Anni MDCCII. Paroxysmi, qui lenes semper, & parvi reperiiebantur, *Arthritici*, præter morem intermiserunt; neque jam per annum integrum emicuit *Arthritis* ulla, sive fixa, sive contraria: quanto vero Ægro-

ti cum discrimine, vel ex eo disci potest, quod nausea frequens; quod appetitus exinde prostratus; quod Coctio vitiosa, neque nisi liquidorum ulla; quod flatus, αἶμα καὶ κατὰ sæpe emissi; quod, eis aliquantisper retentis, Auditus ad tempus aliquod omnino nullus; quod Dolor Lateris pungens; quod Spirituum defectus miserabilis; quod Marcor, quasi junctis undique copiis, Ægrotum pene conficerent.

Considerata istius Morbi natura, plane visa est *Arthritis*, quæ diu recte egisset; jam verò, Brumæ urgente frigore, Sanguinemque deprimente, intus in *Ventriculum*, &c. repelleretur, & diætā faceret *Melancholiam*.

Proposita Medicinæ via, ut languentes Spiritus suscitarem, ut inimicum ab intestinis dimoverem, & ad Artus propellerem; eam ingredior. *Aquarum Ferratarum*, quæ in propinquo erant, *Tavvtonensium*, modice tepesfactarum selibram, hora septima matutina, hauriendam; omnique horæ quadrante, ad horas usque duas repetendam; cui libet vero selibræ *Sp. vol. ol. gtt. x. vel xv.* instillandas: Nona sequenti, *Infusi Teæ*, eadem *Aqua comparati*, ℥ss. hora deinde post, *Infusi amari alterantis Coch.* v. quarta poi. *Bolum Absynthiatum*; hora somni, *Cardiacum* sequentem, cum *Julapii*, aut *Vini Xeresani* hauustu demittendum, imperavi.

℥. Rad. Zedoar. 3jj. Gentian. 3ß. Cacum. Agrim. 3jj. Coccinella ʒj. Cort. ext. Limon. Flor. Roris mar. aā 3j. Infunde in *Vini Xeresani* ℥ss. ad idoneam alterationem; tunc coletur Infusum.

℥. Pul. Rad. Ari C. 3ß. Conf. Abs. R. ʒß. Syr. Z. Z. ex Indiis q. s. f. Bolus.

℥. Pul. Gascon. 3ß. Spec. Diambra ʒj. Syr.

Syr. Garyoph. q. s. f. Bolus.

Carnibus ἐν πέντοις καὶ ἐν χύμοις, Pul-
lina sc. Vitulina, Agnina, & ejusmo-
di aliis vesci; & loco Cerevisiæ, huic
Ægroto pestiferæ, Aquam dari bibere,
prædictam, cum crusta panis incocta;
Xerano demum addito, præscripsi. Utri-
que Bolo, paucis post diebus, nempe
quamprimum Martem ferre valuerat
teneritudo Intestinorum, adjecta sunt
ejus Nutriti gr. v. primoque Aqq.
Haustui, omni mane, Tinct. Martis Fe-
burianæ gtt. xx.

Porro, ad caput per Nares purgan-
dum (quoniam hoc innuere visa est
Gravedo) Pulverem adhibui Sternuta-
torium, sæpius in die usurpandum.

℞. Caulium Tabaci ʒj. Cacum. Ma-
joranæ, Rorismar. Salviæ aā ʒss. Rad.
Helleb. albi ʒj. Moschi gr. jj. e Siccatis
f. Pulvis Ἐπὶ πῶ.

Ista Medicina, vix credibile est,
quam celerrime restituta, & quanta
Ægroto sanitas. Spiritus Animales, ab
assumpta Aqua maxime, & quidem
subito recreati: paulo post vigere coe-
pit, & deinde latrare, appetitus; par-
tim Medicamentis, partim victu, sed
aqua potissime, vegetior factus, ocu-
los homo sustulit, Vultum explica-
vit Arthritide recta, Pedem alterum
occupante, postmodum est tentatus.
Maximi erat momenti Dolor iste re-
gularis; utpote qui Materiam, relictis
visceribus, πρὸς τὸ ἔξω arceri compro-
bavit. Medicina eadem, vel simili, dies
quadraginta usque continuata, memet
Exoniæ visitavit; ex inœstissimo, & tri-
stissimum in modum languente, in sa-
num & vividum, in lætum & alacrem
mutatus. Ego, ut Morbi recurrentis
metum adimerem, & in tuto rem om-
nem ponerem, ad dies adhuc viginti

plures, Medicinæ usum protuli. Quin-
imo, contra Melancholiam, aliaque
Ventriculi & Intestinorum mala, ut in
posterum se incolumem præstet; de
Arthritide curet, exhortor, ut ea rec-
tum, & idoneum, semel minimum an-
no, Paroxysmum edat.

Historia narrat Arthritidem, intus ad
Ventriculum & τὸ ἐν τῷ στήθει missam, Æ-
grotum mirifice lædere; Melancholia
gravi afficere; demum Medicina ad τὰ
ἔξωθεν auspicato pelli.

HIST. III.

Melancholiam, & Hydropa Arthriti-
cum, sanat, arte comparata,
Arthritis idonea.

ALiud dicam Melancholiæ hujus
Arthriticæ Exemplum, nobile &
inusitatum. Vir Reverendus, antiquis
moribus, per ætatem mediam, nunc
Arthritide, nunc Melancholia preme-
batur: hujus sc. accessionibus olim,
ante annos viginti; illius nuper, omisso
Tabaci usu, ante sexennium, ortis: hu-
jus, perpeßu gravioribus; illius, tum
minus molestis, tum etiam raris; at
semper commodis, semper utilibus;
siquidem Melancholiam illi ad tempus
diutinum, ad annum quasi dimidium,
semper abegerunt.

Sub finem anni MDCCII. post Ap-
petitum aliquamdiu læsum, Melancholia
ille multum angebatur; Mipo-
xia & dépressionē Spirituum impor-
tunissima, incredibili stipata. Lamenta,
querimonias, ejulatus die noctuque
effundentem, tanquam Ægrotorum
post hominum memoriam afflictissi-

num, audiui. Mehercule! se arbitro, nemo unquam mortalium, nec quisquam gentium æque miser. Paulo post emicuit, qui sævitia longe *Melancholiam* excellere visus erat, Tumor Pedum, deinde Femorum, profundas digitorum foveas accipiens;isque ferrosus, Hydropicus. Umbilici Regione exudavit, tanquam è colo, Liquor. His accessit difficultas spirandi, debilitas universa, & *ὑπνῳσία*, brevi tempore, fere Paralytica; sitis etiam insatiabilis, Urina pauca, & lixiva, potionis nec quadrante plus: Ut, de Ægroto plane conclamatum esse, non immerito omnium fere sermone percrebuerit opinio.

Quo affectui tam periculoso Medicinam facerem, idcirco primum ex usu esse judicavi, Seri vim minuere, Hydragogis amandare; tum, quibus rebus possem, *Arthritidem* (quam horum omnium causam esse suspicabar) evocare, & τοῖς ἔξωθεν infigere. Hac proposita medendi lege, *Pil. Aloeticis* facta semel iterumque Purgatione, meo jure sic præscriptum est.

℞. Rad. Gentian. ʒj. infunde in Vini albi Lusitanici ℥ij. ad alterationem idoneam; Colaturæ adde Tinct. Aurant. ʒij. misce. Dosis ʒijj. sexta quaque hora, cum seq. Pil.

℞. Sal. Martis, Chal. Nutriti, aā gr. v. Pul. Serpent. Virg. ʒβ. Syr. Absynth. simp. q. s. f. Pil.

℞. Sp. Vol. Ol. ʒijj. Tinct. Stom. cum M. ʒj. misce sumat gtt. xxx. cum idoneo quovis vehiculo, bis in die, sæpiusve, si languores urgebunt.

Quantum Ægrotanti ab hac Methodo utilitatis, opinione majus est. Quando per evacuantia, Seri, quod nimium erat, vix dimidium expelleretur; ita

quidem factum est, ut Natura, per Cathartica, perque Chalybem adjuta; tum in Pedem *Materiam* extruderet *Arthriticam*; tum etiam Serum per Renes abundanter emitteret. Septem, octo dierum spatio usurpandis hisce *Pil.* dicato, Pedis sinistri doluit Malleolus, & Digiti majoris Articulus major, ejusque Orbis. Dolori paulo post successit Urinæ profluvium, tam jube, tamque copiosum; ut, diebus quinque vel sex, Pedum & Femorum Tumor omnis Hydropicus, etiam si immanis, auferretur; & simul cum Tumore, parique proportionem, Sitis. Ex sententia succedere omnia. Alacrem, vividum, cibi appetentem, animo plenum denuo conspexi; Vitam hodie quadriennio postquam ita fuit correptus, vivit; & quidem eam, quæ sola vita est vocanda: ut vel uno hoc Exemplo demonstrari possit, quantum *Hydropa*, quantam *Melancholiam* faciat *Arthritis Anomala*, quantum etiam utrumque sanet *Regularis*.

Hactenus de *Melancholia Arthritica*; ad ejusdem originis, & naturæ *Synopen*, accedo.

C A P. VIII.

De Syncope Arthritica.

ART. I. **A**lius est affectus, ei, qui præcessit, sive causæ utriusque Continentis & proximæ, sive ἡ Συμπύκνωση ortus, habeatur ratio, congener & geminus; *Syncope* nimirum *Arthritica*, hunc in locum aptissime referenda.

Ante dictum est, *Arthritidem*, maxime in Corporibus senecta, vel ebriofitate

sitate lassis, & enervatis, *Ventriculum* & *Intestina* minima quavis de causa petere. Quinetiam exploratum est, in eas Partes ingressam *Arthritida*, non semper *Anorexian*, *Nauseam*, *Tormina*, *Diarrhoeam*, & hujusmodi Morbos *ἰδιοπαθὺς* inferre; sed, uti nonnunquam *Melancholiam*, (in superiori Capite tractatam) ita etiam interdum *Syncopen*.

II. Compertum, inquam, est, à Portione nimis frigida, & tenui; vel *δυσπνεία* aliquo, ore sumpto, & *Ventriculum* aggravante, Primum, universo Corpori male esse; tunc paulatim Os pallere; sudore frigido deinde Cuticulam madere; Pulsum imbecillem, modo nimis tardum, nunc inæqualem, reddi; interdum minui tantum, aliàs intermittere; solvi denique Spiritus animales; Sensum, motumque deficere; Vitæ omnes corruiere Facultates: Interea vero temporis, *Arthritidem*, (si qua forte in Articulis, antequam hæc inciperet Tragoedia, comparuit) desubito recedere. Ne multis, Ægrum, nisi remedio quodam efficacissimo præsentissimoque, nisi Deo in vicinia mortis opem ferente, servatus fuerit, e vivis exturbari.

Hanc ego *Συνοπὴν*, quatenus à Miasmate *Arthritico* commissa est, *Arthriticam*; quatenus vero per omne Corpus se diffundens, à causa (in *Ventriculo*, & τοῖς ὑτέροις sita) longe posita elucet, καὶ συμπαθεῖαν natam appello.

III. Huic ut occurratur, ancipiti prorsus, & acuto morbo; nihil æque valere judico, ac, Cardiacorum perinagna dosi potentium adhibita. Indicationem Vitalem tueri; Spiritus animales sistere, & instaurare; ut & alienum (si modo id fieri possit) ad τὰ ἴδια arcere. Quo

circa *Aquæ Hispanicæ* quantitatem amplam, in ægri rem, plus semel dedi bibere: proq; re nata repetii. Ubi illa defuit, aliam, quæ sequitur, (quando Medicamenta in forma liquida citius adjuvant, & propterea solidis anteponenda sunt) præscripsi.

℞. Aq. Abs. C. ℥xij.

Sp. Menthæ.

Tinct. Lavend. C. aā ℥jj.

Sacch. albiss. q. s. f. Julapium.

Dosis ℥β. j. ad jj. ubi usus veniat, adhibenda; & ut per usum videbitur, iteranda.

Cum Dosi prima, vel secunda, si placeat, demittatur *Bolus*, seu *Pulvis* sequens.

℞. Theriac, Androm. ℥β.

Flor. Salis Armon. ℥β.

Cons. Anthus. ℥j.

Syr. Cort. Citreor. q. s. f. Bolus: vel

℞. Pulv. Serpent. Virg. ℥β.

Spec. Diambæ ℥j. (ad ℥jβ)

Macropig. gr. iij. iijj. v.

Ol. Cin. Chym. gtt. j. f. Pulvis.

Paupertinis, & indigentibus (uti etiam aliis, ubi medicamenta non ad manus erunt aptiora) *Spiritus Vini* detur ustulati quantitas ea, quæ proposito respondeat: vel *Aquis Cardiacis* superaddi possit, *Spiritus C. C. Succinatus*.

Cum hisce *Friktiones* simul adhibendæ sunt: & in *Vino*, vel *Spiritu Vini* calefacto immersæ *Stupæ*, *Scrobiculo Cordis*, & toti *Abdomini* applicandæ crebroque renovandæ sunt.

His, vel hujusmodi similibus, utendum eo usque, donec Æger refectus, & (modo hoc effectum reddi potuerit) in solido locatus fuerit: quod utique raro fit, priusquam *Arthritis* in Articulos ablegata, & iis sit infixæ.

Si à *Δυσπνῖα* aliquo temere comeso *Syncope* proficiscatur, & *Æger* facile vomat, aut ad vomendum pronus sit; quamprimum ita factum sit, ad se ut paululum rediret, per *Decoctum Teæ*, vel *Cardui*, largiter exhaustum, alienum ejiciatur. Verum, si ad incitas ita redactus sit æger, ut moræ locus relinquatur omnino nullus; quin, ad salutem *Ægroti* quicquid peragi possit, uno id, necesse fuerit, eodemque tempore peragatur omne; hoc casu, inquam, *Vini* quantitas ebibatur ea, & quidem ea celeritate, quæ tum *Viribus* redintegrandis, tum *Vomitui* movendo satis esse reperiatur.

At si revertantur, & importunæ fuerint hujusmodi *Συνκοπῆς*; ut iis initio statim occurratur, præsto sint oportet istiusmodi *Cardiaca*, prout facto opus erit, ingerenda. Quanquam enim sanis, integraque valetudine usis, nullum unquam potionis genus hisce *Cardiacis* (*Spiritibus* nempe, & *Aquis* generosis) pestilentius aut magis noxium, si in usum communem trahantur, excogitatum fuit; tamen *Arthriticis* veteribus, præcipue *Vino* deditis, hisque *Lipothymiis* invadi solitis, nihil, quod sciam, utilius, salutariufve. Adeo, videlicet, quibus alii, certe permulti, rebus conficiuntur, & è vivis extruduntur; iisdem ipsis alii servantur, & multos annos eorum beneficio, vivunt valentque. Hoc autem, uti re ipsa constat, animoque à me sincero, & in humanum genus benevolo dictum, boni velim consulatur; nec in pejorem partem, & sui perniciem, à quoquam, tanquam ad malos mores licentia, rapiatur. Qui *Cardiacis* hac occasione nimio plus indulserit; qui erratum tam turpe, tam stultum erraverit, ipse viderit.

HISTORIA I.

Syncope Arthritica, foras abacta hoste, curata.

MOribus & ingenio præstantissima *Fœminarum*, eadem fere de causa, quam in sequenti *Historia* repetam, se in vitæ periculum redegit. Diu enim *Arthritide*, culpâ non ex sua, laborans; *Paroxysmo* gravi, imo quidem omnium, quos unquam est perpeffa, longe gravissimo, vix ad exitum perducto; *Aquam* illa fontanam, & frigidam potavit; eoque forte largius, quoniam antea non solum impune, verum magno suo commodo fuerat aquæ potrix. At in rebus humanis, utramque facit paginam opportunitas: multumque refert, in iis agendis, quæ sint earum singulis accidentia.

Circa idem tempus (ut aliud esse solet ex alio malum, ἐν δ' ἀλβεῖν ἀλγεα καὶ τὰς) cibo quodam inepto, & difficili comeso, mirum quantum ab eo in victu errato, & quam mox adductum est discrimen. *Ventriculo* primum ægrotavit, nausea & fastidio gravata: Doluit deinde vehementer, tanquam spasmis arctissime contrahentibus. Orta tunc erat *Hysterica* (talibus esse videbatur) suffocatio. Erat *Vomitio*, sed inanis. Sensuum, & virium erat diminutio. Dum ista fiunt, *Arthritis* (quæ in extremis partibus *Paroxysmum*, aliquot jam per menses, exercuebat) illico regressa est, ad ea, quæ intus sunt, vocata.

Plumæ juxta comburuntur; ut nimirum *Spiritus* animales, præpostere agentes, odore foedo coerceant, infruantque,

struantque, *Aqua* datur *Hispanica*, semel atque iterum; quanta nempe *Ventriculum* reficiat, & *Arthritidem* horum adigendo, inque artus pellendo, *Ægram* restituat. Trium, aut eo amplius, horarum spatio, *Syncope* remisit. Dolor in extremis partibus recruduit; *Ægra* servata est.

HISTORIA II.

Ejusmodi alia.

N Avis olim Præfectus, neque *Veneris*, neque *Bacchi* cultor parvus, & infrequens, propter iniquam eorum observantiam, *Arthritide* multatus est. Graviter, & diu ille doluerat, cum forte fortuna simul in eadem domo essemus, & de Navarcho nostro, tanquam animam agente, ex improviso clamaretur. *Ægrum* adolavi; quid hoc clamoris, inquisivi; Pulsus inveni languidum, imbecillum, rarum; qui solebat esse maximus, & durissimus. Os expalluit. Anhelitus sublimis, & cum intervallo longiori tractus. Corporis superficiem Frigus Sudorque occupavit. Sensus, Motus, Vires universæ sunt collapsæ; ipsiusque propemodum *Oeconomiae* subversa ratio.

De mali causa interroganti declaratum est, *Ægrum*, *Pedibus dolentem*, febricitantem, sitientemque fontanam paulo ante aquam hausisse frigidam, ad ejus quasi selibram; itaque sibi malum arcessivisse.

Aque ego *Cardiacæ*, maximeque generosæ, Dosis illico prælargam, cum *Sp. Vol. Oleos.* guttis aliquam multis, in os immisi; & post tempus aliquod, cum *Theriac. Androm. & Pul. Gascon. aā. 3ß.*

repetii; imò quidem *Hauftum* tertia vice, spatio quodam interposito repetere, necessum habui. Ne plura, non nisi remedium summe *Cardiacorum* immensa vi restitutus est *Æger*.

In eo vero restituendo, duo notatu digna erant: Primum, neque ea *Cardiacæ* Febrim; sed è diverso *Æstum* modo benignum, sudorem blandum, & auspicatum inferre: Cujus id in causa esse videbatur, quod *Ægro* mari versato, frigori assueto, *Cardiacæ* minime nova essent, & quod illius Sanguis, *Arthritide* diuturna depressus, non cito incenderetur. Deinde, non multo post, quam in Artubus Calor redierat; quod *Dolor* redierit *articularis*, & cum eo incolumitas.

Habetis *Synopem Arthriticam*; Facultatium omnium perturbationem; animalis vitæ Eclipsin; *Arthritide* revocata, & ad ea, quæ intus sunt, allecta factam: Habetis eam, *Arthritide* foras abacta, sublevatam.

HIST. III.

Arthritide diu ignava & inertigenrata Syncope, illius Paroxysmo regulari sublata.

V Ir Melancholicus, solers, ingeniosus, Patre natus *Arthritico*, ætate progrediens ipse doluit *Arthritide*; sed ea, quæ segnis, & ignava, paucos habuerit Paroxysmos; & ex iis paucis, idoneos & laudabiles certe paucissimos. Hujusmodi anni prope viginti erant, cum, ingravescente jam ætate, diu quieverat *Arthritis*; & in ista quiete quando fortuito accidit (tanquam *ἐπίφορος*, five causa evidens)

dens) in potulenti erratum, Æger ultra morem largiore Vino menses aliquot usus, non ita diu post *Syncope* correptus est. Frigus occupavit Artus; Pallor Faciem; Spiritus animales perturbati, & depressi sunt; Pulsus in carpo humilis, ictuque omni tertio intermittens. Nihil fuit propius, quam ut periret. Stupebant astantes, unde, & qua ex causa, malum tam grave, tamque repentinum oreretur.

De *Arthritide* interrogavi, quam illa pridem *παραξωσσα* esset; & quam perfecte. De insultu ejus tum raro, tum miti certior factus, operam dedi, ut per *Arthritidem* (quoad ejus fieri posset) in Artus exturbatam, malo præsentī occurreretur. Quocirca, præter *Hauftus Cardiacos*, Spiritusque CC. vim magnam, iterum atque sæpius datam; *Electuarii Arthritici* quasi 3j. ter quater in die sumendam, imperavi: quumque horum, & *Pul. Gasconici* ope, fausto quidem omine, Pes inciperet dolere; ut bene res feliciterque verteret, & inceptus promoveretur opus, *Alcohol Martis* grana aliquot ex *Julapio* propinavi.

Nondum ejus Scrupulum demisit Æger quum paucis horis spatii tantus in Sanguine factus est Orgasmus, quantus observatione dignissimus. Pulsus illico celerior, elatior: Æstus universalis ingens: Venarum Hæmorroidum apertio; Sanguinis eruptio; Sitis immodica; Spirituum agitatio vehementissima; quæque spes & ratio sanitatis erat, in Pede sinistro digiti & articuli maximi Tumor, Ruborque Orgasmm indicavit.

A quantitate *Martis*, ut ut valentissimi, tam exigua, tantas excitari turbas, equidem perrarum est. Cassum

aliquod, & viribus spoliatum *Martem*, esse nostrum hoc illius præparatum, nemo prudens affirmabit; quando tam Cardiacæ, prius sumptæ, tam longe virtutibus exuperet; tamque potenter *Podagram* expellat.

Ut autem Humor evocetur, vel minimum in Articulo retineatur, *Vesicatorium* alio alioque loco impositum est; loco autem affecto *Emplastrum*, ex *Picis Burgund. & Emp. Cephalici* paribus mensuris. Pedi vero toti, ex *Cerato viridi* Cothurnus, fascia lanea constrictus.

Propediem Humerum, usque sumptis ore *Cardiacis*, invasit *Arthritis*; ejus alliciendæ ergo, *Empl. e. g. Carranna*, cum Vestitu laneo, illi superpositum est. Horum, qua intus, qua extra, adhibitorum usu, partim per *Podagram*, & *ὀμάραν*; partim per *Diaphoresin*; alienum amandatum & exemptum est, Spiritusque instaurati; & , quam vidi gravissima, multoque omnium atrocissima, *Syncope* levata est.

C A P. IX.

De Calculo Renum Arthritico.

ART. I. **R**Enum ille *Calculus*, qui Concretio est *Arthritica*, cum eorum Calculo vulgari, tamper omnia concordat; ut, de eo verba hoc loco facere, supervacuum opinarer; nisi in ejus *Therapia*, & *προσφιλῆς*, ne dicam *Historia*, quædam occurrerent, quorum consideratio specialis sit habenda.

De *Calculo* primum annotatu dignum est, raro cuiquam unquam Morborum eum frequentius supervenire, quam

quam *Arthritidi*: quod ut aliis in Regionibus aliorum observatione palam factum, ita in *Damnonio* nostra esse certo scio. Minime verò cogitandum est, *Arthritidi*, tametsi gravi vetustæque, Calculum esse *Comitem individuum*; nec quidem *fere individuum*: quando *Arthritides* aliquas nunquam, aut certe raro, ille comitetur; (raro enim *Frigidam*, quæ dicitur, *Arthritida*; raro languentem; quæ tamē *Arthritidis*, latē sumptæ, partes utique permagnæ sunt,) nec quidem ullas semper.

II. Qui à cunabulis ad affectuum horum alterum, maxime vero qui ad utrumque sunt proclives; ipsa nonnunquam adolescentia *Calculo*, ne dicam citius, afficiuntur. Alias vero ita fere res habet. Cum *Cereri*, & *Baccho* æger diu indulset, tam mala vitæ ratione condi, & in Sanguine coacervari solet, aliena illi materia; quæ, Naturæ molesta, & inimica, partim per Articulos, (unde *Morbus Articularis*;) partim per *Renes*, una cum Sero, quod illi vehiculum esse videtur, amandata est. Ad Ureterum autem initium adhærescens, in *Arenulas* eo loci primum coit, uti postmodum *Arenulæ* in *Calculum*. Huic autem *Materiæ*, in Sanguine cumulandæ, maxime conferre censeatur Diæta, succo lapidescente abundans, eumque Sanguini impertiens: confert etiam mala Concoctio: Vasorum conferunt *Lacteorum* Ora nimis aperta: ut & *Renum* à natura imbecillitas.

III. De *Calculi* humani, generatim accepti, productione; multa quidem, tum ex ejus *Analyfi Chymica*, tum etiam *Pondere Specifico* proferuntur; quæ *Ossibus* magis, quam *Lapidibus*, eum appropinquare annumerarique oportere, non parum arguunt.

Hæc autem omnia non tam naturæ *Calculorum*, quam certis quibusdam eorū accidentibus; præcipue *Crassamentis*, à Sanguine acceptis; quæ *Calculus* magna ex parte conflant & efficiunt, debentur. *Calculi* vero ipsa *res*, ex particularum quarundam *Lapidearum*, cum affine Sale, (*Calcarii* nempe *Lapidis*, cum Sale suo *Calcario*; vel *Ocræ*, cum Sale *Vitriolico*) coitione fieri; iisque sanguinis *Crassamenta*, tanquam vinculis, connecti judicentur. Ista vero quando non sunt hujusce instituti, & à *Clarissimo Listero* *φυσικῶτάτως*, & dilucide, sunt tractata; ad eum lubens quidem *Lectorem* remitto. *

IV. *Calculi* autem *Arthritici* partes, & compositionem, si attente inspexerimus; eandem fere, quæ *Calculi Renum vulgaris*, & non *Arthritici*, esse inveniemus. Hæc autem res ex duobus *Leevenhookii* pronunciatis, elucebit. *Calculus* cremavit ille, crematoque adjecit *Aquam Fontanam*: Idem fecit cum *calcaria*, & *tosacea Arthriticorum* *Materia*. In his *Lixiviis*, beneficio *Microscopii*, apparuit *salinarum* copia particularum plane similibus; rigidarum nempe, concretioni aptarum, dissolutioni resistentium. Jam vero, (ut, quod dixi, inferam) si *Calculus*, ex Corpore non *Arthritico* extractus, adeo cum *Toso Arthritico* conveniat; multo magis, qui est *Arthriticus*, cum utroque, cum *Calculo* præcipue, convenire judicetur. Hoc autem, utut primo aspectu probabile, non tam Argumentis quam experimentis statuendum, & definiendum.

k 2

V. Cal-

* Vide *Dissertationem ejus Medicinalem, de Calculo Humano, & de Petrificatione.*

V. *Calculi* jam facti, sive *Arthriticus* fuerit, sive non, *Symptomata* prorsus eadem inveniuntur: at à vulgari *Arthriticus*, ea re potissime distinguendus; quod *Arthritidis* quum sit *Επιζώνυσα*, Naturam ejus participet; Materiam amplectatur, & comprehendat. Ideoque, utrum *Æger* in *Πόδα* & *ὠλῶν* numero fuerit habendus, & à *Paroxysmo* quamdiu vacaverit, diligenter inquirendum, ut de *Calculi* natura constet.

A *Colica* exquisita differt, per ea, quæ *Calculus* exquisitum ab illa differre faciant: A *Colica Arthritica*, quod nullam spirandi difficultatem, nullos in Umbilici Regione *σπρόφους*; sed neque *Melancholiam* adeo tristem, & urgentem; aut *Materiæ* crudæ, acidæ, biliosæve *Vomitum* adeo constantem habeat.

VI. Medendi etiam intentiones eadem, ac in *Calculo* vulgari; at, quod in hoc nostro momenti est præcipui, per auxilia quædam propria, per Methodum particularem exequendæ. Nullus enim hic, aut certe perrarus, *Acidorum* usus; quinetiam *Fotus*, *Liniamenta*, *Cataplasmata*, aliaque Dorso applicari solita, maxime si *Paroxysmus* simul *Arthriticus* erit, tanquam periculo plena, sunt prætermittenda, fugienda.

At ejus *Dolori*, si cum *Artuum Dolori* concurrat, & intolerabilis fuerit, deliniendo conducunt *Paregorica*; & quidem maxime, si nulla *Sanguinis* detractio (quæ in *Calculo* alias utiliter præmitti solet; at in hoc nostro, ad ea, quæ intus sunt, vocare possit *Arthritida*; vel, ut ne exulet, inhibere) præmissa, *Ægroto* propinentur. Illa vero *Paregoricorum* Dosis, ejusque repetitio optima; quæ, *Dolori* sublevando sa-

tisfaciens; *Cerebro* interea non obfuerit, neque *Materiam* ei vitiosam impegerit.

Si, nullo *Arthritidis* comitante *Paroxysmo*, *Calculus* erit; alia rerum facies, aliaque medendi via est. Hic enim, in *Plethoricis*, & multo *Sanguine* distentis, ad prohibendam *Inflammationem*, secetur *Vena*: *Enema*, ex *Decocti com.* & *Ol. Amygd. d. rec. aā ℥℥. cum Tereb. Ven. Ovi Vitello solut. ℥j. injiciatur*. Postero die, *Electuario* leniente, *Pul. Rhab. & Syr. Violac. forma Boli commistis*; vel, *Jusculo Avenaceo*, cum *Foliis Sennæ incoctis*, & *Manna superaddito*, purgante, *Venter* aperiatur, eoque vespere *Paregoricum*, (quale sunt *Pil. Matthæi* grana totidem, quot *Opii* granum continebunt unum) locum merebitur. Quinimo, si à *Calculo* *Dolor* urgebit, ne *Intestina* *Spasmis* contrahantur, ad hosce præveniendo, & illum compefcendum; horas aliquot ante *Purgans*, sumatur *Paregoricum*; ipsumque *Purgans*, si iusto lenius fuerit, suo tempore sequatur *Enema*.

His, ad dilatandas *Urinæ* vias, actis, ad *Calculus* exprimendum usui erit *Balsamum Gileadense*, *Chiliense*, vel *Peruvianum*, ex *Syrupo Dialthææ*, vel *Balsamico* datum, & bis, ter, quaterve in die, repetitum.

Syrupus Balsamicus, quem vidi, elegantissimus, hoc modo præparatur.

℞. *Aq. Hordeatæ*, (tertiae *Decoctionis*) colatæ, & per subsidentiam clarificatæ, ℥iij. *Bals. Tolutani* ℥ij. Infunde calida, ad ℥j. consumptionem: deinde adde *Sacchari Crystallini optimi* ℥ij. leniter coque ad consistentiam *Syrupi tenuioris*, quem per *Linteum densum*, frigidum trajice, & usui serva.

Si forma *Boli* arridet, *Opob. 3℔.* vel alius *Balsami* Dosis, cum *Ovi Vitelli 3j.* temperetur, & intervallis jam dictis assumatur.

Hicce vehiculo esse potest *Alla* nostrorum hominum *Mustea*, (*Grout-Ale*) præsertim *Alba*; quæ cum primis generosa, tum etiam maxime *Diuretica*: vel, *Rad. Althææ, Glycyrr. Eryng. Cond. Hordei, aliorumque his similium* Apozema; *Saccharo Crystallino*, vel *Syrupo Balsamico dulcatum*. Ad eundem finem utile *Foliorum Teæ Infusum*, libere potum; vel, ex *Decocto præscripto*, & *Amygd. d.* Emulsum; vel id, quod sequitur.

R. Amygd. d. corticibus purgatarum, N. x. inter contundendum, affunde Infusi Teæ 1℔ij. postea coletur Emulsum; ei-que adde Aq. Rosac. vel Cin. hord. & Sacch. cryst. q. s. Nonnullis Vinum album, vel Decoctum modò scriptum, cum Ol. Amygd. adjecto Sacchari cryst. momento, propinamus.

Extra, *Cuniculi Adipem*, Dorso superillitum, adversus Colorem mirifice valere, à Sene calculoso, tanquam expertum, accepi.

Ad *Prophylaxin* optimè conducunt *Aqq. calidæ Bristolenses*; quibus adjungantur *Opobalsamum*, & *Syrupus* è prædictis lubricans. Quibus nulla istiusmodi *Aquarum* copia illis usui esset *Teæ Citreæ Infusum*, omni mane bibere. Novi *Calculosum*, qui methodo sequenti *Reñes* subinde purgans, ad Senectutem veterem & tutam est perductus. Ter, quaterve in Anno *Terebinthinæ Venet.* quasi 3j. cum *Pul. Glycyrr.* forma *Pil.* sumpsit; *Cerevisiæ*, vel *Posseti* libras aliquot superbibens: confestim milliararia quatuor, vel quinque, Equo succussatore mensus est: Unde sæpe

Arenulas excrevit, seque, si non immunem, tamen incolumem servavit. *Cerevisia* omnium optima, quæ cum *Aqua pluviali* comparata: illam volo, quæ, neque in Nivem unquam, neque in Glaciem mutata, sincera sit, & pura, nulla *Tecti Calce*, nullis *Salibus*, aut particulis lapideis inquinata: Ea *Aquarum* omnium levissima; ea cum primis *Diuretica*. Medicamentis autem *Urinam* moventibus præmitti, & nonnunquam interponi oportere, Ventrem & ductum alimentarem inanientia, lippis notum & Tonsoribus.

Libet his adjicere, in *Dysuria*; (quæ *Calculo* interdum accedit) quoties à ductuum urinosorum spalinis oriatur ea; nihil efficacius, conducibiliusve, quàm *Opiata* cum *Diureticis* juncta; quibus, utut *Urinæ* alias sistendæ illa conferant, simul & remittantur spasmī, & *Urina* cieatur.

At, à Dorso Dolore, de *Renum Calculo*, ne quis temere statuatur, unum his subjungam. Olim *Vetulæ*, *Hydrope* interemptæ, *Anatome* interfui; quæ, cum per annos aliquot eo Dolore gravaretur, *Calculoque* effici à familiaribus habèretur, illo tamen, ut ex Cadavere aperto constitit, omnino caruit. *Ren* dextro ingens adnata erat *Hydatidis*, si-ve *Vesicula*, Sero insipido plena, *Doloris* fortasse causa.

Atq; hæc de *Calculo Renum Arthritico*.

HISTORIA I.

Calculo & Chiragræ unà occurrentibus, facta simul Medicina.

Quarto ab Urbe lapide, propter *Isçæ Ostium*, sexagenarius *Ar-*
k 3 thri-

thriticus, simul & *Chiragra* & *Calculo* doluit: Illam ostenderunt Tumor, Rubor Articulorum, aliaque *Arthritidis* indicia, ordine & concursu *Pathognomonico* apparere visa: Hunc in Dorfi regione lumbari Dolor, ut & Intestinarum quasi Colicus; quodque fidelissimum hac in re Symptoma, *Arenulae* sub id tempus excretæ.

Morbis adeo diversis ægrotanti, ea dari par erat, quæ contra utrumque proderent; quæ neutri faverent. Itaque Therapiam, *Balsami Peruani* quantitate, bene magna & frequenti, cum vehiculo idoneo, tentavi, atque adeo perfeci. *Balsami* hujus Guttæ plus minus x. ex *Syr. Balsam. coch.* j. bis, vel summum ter in die, sunt adhibitæ. Hoc, qua *Cardiacum*, in extremas Corporis partes *Arthritidem*, qua lubricans, & *Terebinthinum*, è *Renibus* Arenulas per Urinæ vias expelli fecit: sicque una eademque fidelia, non infelicitè duo simul dealbati sunt parietes.

H I S T. II.

Adversus Calculum Arthriticum Prophylaxis.

Viro præcellenti & eximio, qui diu *Arthritide* per vices doluit, aliquando etiam *Calculo*, in se à Patre derivato; quum adversus utrumque malum *Prophylaxin* exigeret, consului; ut, Exercitatione pertinaci, & crebra, sabulum è *Renibus*, è Sanguine materiam alienam exturbaret; itaque Saluti suæ prospiciens, Senectæ viam faceret incolumi.

Facta per *Lac Scammonii* Purgatione, Aquas hausit vir Illustrissimus *Ba-*

thonienses, menses binos, libere & recte Equo assidue Corpus exercens. His adjunxit *Balsami Peruani*, Stomacho non ingrati, *Renibus* utilissimi, guttas aliquot, omni nocte, ex *Syr. Balsam. coch.* j. cum ejusdem Aquæ Haustu. *Renes* inde melius habuere, Sabulo purgati. Dorfi Calor, qui Ægrotantem multum afflixerat, evanuit. Hac, & hujusmodi *Prophylaxi*, Aquis scil. Purgantibus & Diureticis, statis anni temporibus, iteratis, Equitatione, Ambulationeque fere continua, contra malorum par crudele, hodie Vir Insignis se defendit, momenta Vitæ propugnat.

Fatendum autem, quod hujusmodi *Prophylaxis*, non nisi Corpore perpurcato, & evacuationibus generalibus exonerato, in usum trahenda sit, ne videlicet in *Renes* Sanguinis impuritates effundantur. Quinimo notari fas est, quod ipsæ interdum *Aquæ Diureticiæ*, Succum lapidescentem habentes, non tam è *Renibus* Arenam eluant, quàm iis impertiant, & in iis concretam faciant. Atque hoc casu, *Infusum Teæ*, Aqua pluviali confectum, *Diureticis* illis *Aquis* anteponendum.

H I S T. III.

Calculus Arthriticus, Vertigo Arthritica, & Arthritis regularis se mutuo excipientes.

QUoniam vero à nonnullis, de *Calculo Arthritico* dubium existimetur, utrum ille Concretio sit *Arthritica*; annon potius ex Sanguinis recrementis, emeritis, & inutilibus; per quietem, & vitam nimio plus inertem; in

in *Renibus* depositis, nata atque ficta: Unum his subjiciam, quod (opinione nostra) tollendo huicce dubio omnino satisfecerit.

Vir summa familiaritate mihi conjunctissimus, ex intervallis diu *Arthritide* recta conflictatus, enormem eam ætate suprema habuit. Loco rectæ, primum *Vertigine Arthritica*, longa utique, ancipiti, & periculosa (quippe, qua in humum ne irrueret, sæpe quidem summum erat periculum) est correptus. Postea vero quamprimum iste Capitis affectus inclinavit, Æger *Renibus* dolere coepit, Calculosque varios, non sine ingenti cruciatu, per *Urinam* excrevit: nunquam autem *Calculo*, nisi *Vertigine*, & *Arthritide* regulari liber, ægrota- vit.

Post menses aliquot, *Pedibus* denuo laboravit; verum eo tempore, tum *Vertigine*, tum item *Calculo* immunis. Et quidem ita res erat, ut, tametsi horum affectuum alio, atque alio posthac creberrime; tamen, eodem tempore non nisi uno semper, aggravaretur. His etiã adjiciendum, quod eundem ordinem minime tenuerunt hi affectus; verum *Calculus* interdum, post *Arthritida* diu vacantem, (cum in Sanguine nova materia coacervata, novaque facta esset illius germinatio) Ægrum per se invasit: interdum *Arthritidis* Paroxysmum è vestigio excepit, tanquam Morbus ei geminus, à communi stirpe oriundus; vel potius, in alia Corporis regione, ejus pars altera.

Magni vero hîc momenti esse arbitror notare, quod, ex quo *Arthritidi* se adjunxit interdum *Vertigo*; alias *Calculus*; pro istorum Morborum malitia frequentiaque tenuata sit *Arthritis*; & quidem ea proportionem, ut, ab illa de-

mi, quicquid istis attribui, confirmetur.

Istorum autem Morborum Ortus, Incrementum, Ordo, Vicissitudo, & inter se Relatio, numquid aliud significant, quam, quod ii omnes simili gaudeant causa continente; quæ nunc, in *Artubus*, *Arthritidem*; nunc, in *Capite*, *Vertiginem*; nunc, in *Renibus*, *Calculus*; & quidem hosce omnes, pro istius causæ renovatione, viribusque, tum crebros, tum vehementes pariat, & producat.

C A P. X.

De Asthmate Arthritico.

ART. I. **T**Ractata imi Ventris *Arthritide*, ad eam jam progredior *Anomalam*, quæ est *Thoracis*; quæque respirationis Organa præsertim afficit: Ubi primum de *Asthmate Arthritico*; tum de *Tussi Arthritica*; de *Phthisi Arthritica*, deinde sermonem faciam.

Asthmata sunt hujusce tituli per multa, quæ à causis alibi locorum, nec in *Pectore* extantibus, oriunda, (Nauseæ, verbi gratia, Colicæ, Anginæ, vel hujusmodi Morbo alicui *Arthritico*, κατὰ σπυλαθῆραν, ἐπιγίνονται; & istorum, quibus superveniant Morborum Capitibus, sunt vel dicta, vel dicenda. Unum, hoc Capite, *Asthma* dicam *Arthriticum*, nimirum ἰδιοπαθεινόν.

II. Hoc affectu omnium creberrime laborant ii, quibus breve, vel aliàs male compositum Pectus, aëri recipro- cando minime accommodatum; & quo- rum Parentes *Asthmate* & *Arthritide* fuerāt, maxime vero si utroque, gravati.

Hic

Hic enim, multo apparatu & molimine, producendo huic affectui, quasi studetur: cumque, nato & perfecto homini, respiratio usus sit perpetui, & ad vitæ opus sustinendum, continui; mirandum non est, illius impeditionem, & difficultatem aliquam insignem, sæpe periculofam, sæpe lethalem esse.

III. *Asthmati* huic inferendo (ut, de Aëre spisso, Carbonum fumo, Ventis, aliisq; tam hujus *Asthmatis*, quam vulgaris & primigenii causis evidentibus, nihil dicam) huic, inquam; inferendo confert Miasma *Arthriticam*, Pectori inflictum; illius utpote causa continens, & conjuncta: itaque ut, tametsi plures illud causas evidentes & remotas, (alio sc. tempore & corpore aliam) unicam tamen habeat continentem, & proximam, videlicet *Arthriticam*.

IV. Pectori Miasma nunc Opiata, perperam adhibita, infigunt; nunc quicquid aliud *Arthritida* repellat, & Pectus appellii faciat: nunc, urgente nulla vi externa, sive causa evidente, pectus angustum, gracile, gibbosum, breve, aliterve male formatum, ipsa per se *Arthritis* intrat; tanquam domicilium maxime conveniens. Interdum evacuatione aliqua solenni (qualis est Fluxio Sanguinis, Ulcus, vel etiam partus naturalis) suppressa, quæ Miasma sensim amandare solita est; in Sanguine cummulatum illud, neque, uti par est, in Articulos expulsum, Pectori committitur. *Arthritica*, Utero ex more non gerentis, *Asthmate* hunc in modum aggravatæ, exemplum memoratu dignum his subnectam.

V. De hujus *Asthmatis* χαρακτήρι, & de ejus natura plane *Arthritica*, ut palam fiat, advertendum est, *Asthma*

nunc è vestigio sequi *Arthritida* regularem intercissam; & à τοῖς ἐξωθεν, ad ea, quæ intus sunt, Materiolarum vitiosæ fieri μετασυσσω, aperte monstrare: nunc, è contrariò, *Asthma* in *Arthritidem* mutari; antiquam Sedem, & avita Regna, se denuo ingredi, Materiam indicare: Nunc, hos affectus se mutuo excipere, vicesque agere alternas: Nunc ab *Asthmate*, *Arthritidem* vinci, absorberi; uti nonnunquam, ab *Arthritide*, *Asthma*. Qui quidem istorum malorum ordo, reciprocatio, habitudo, & ratio inter se nihil magis significat, quam quod, ex eadem Materia, *Arthritidis* propria, nunc in Artubus, nunc in Pectore vires exercente, utrumque producat; & *Asthma* illud sit revera *Arthriticum*. Quod quidem enunciatur eo magis probabile, quoniam *Arthritidem* sua gaudere Materia, peculiari & propria, quæ in alias aliquando Regiones evagetur, omnino constat; *Asthma* vero, non tam à propria ulla Materia, quam à vitiosa aliqua communi, (sive alia quavis inimica, & aliena;) unacum mala Corporis febricitatione, Partiumve respirationi dicatarum imbecillitate, causa hujus Morbi privata, fieri.

VI. Quæ vero hujus prosapiæ *Asthmata*, dum sunt generum; alterum (uti de exquisito *Asthmate* pronunciatum esse solet) siccum, alterum humidum. In sicco isthoc *Asthmate* anhelum videre licet *Arthriticum*, & tanquam animam agentem, Spiritu difficili, Respiratione brevi, Pectore gravato, Tussi vel nulla vel mediocri, Sputacione parca laborantem. Qui Vini Spiritus dediti fuerunt *Arthritici*, eos sicco hoc *Asthmate* plus semel ægrotare novi.

Asthmate, quod *Arthriticum* est, humido affecti, tussiendo Sputum plerumque crassum, & viscidum, idque nonnunquam vitreum exantlant, unde levare solet *Asthma*, donec, nova in *Pulmonem* missa, Seri vitiosi copia renovabitur: Hoc autem, in teneris Corporibus, tenui, laxoque Sanguine, & ad colliquendum apto, donatis, & quidem Autumno maximè, locum habere mos est.

VII. Pituita crassa involvitur; una cum eo, *Pulmoni* incutitur; Tussique ejicitur *Miasma Arthriticum*: Sic, ut per multos interdum annos, inversa *Arthritis* hac via fugam capeffat; eaque Sputatione, (simili fere modo, atque Paroxysmo *Arthritidis* regulari) à periculis gravioribus defendatur *Æger*. Et quidem *Arthritidum*, quotquot observantur, *Anomalarum*, nullæ videntur esse benigniores, aut minus timendæ, eo, quod nunc dico, humido *Asthmate*, & *Diarrhœa Arthritica*; eo videlicet, propter *Matrîam Pulmonibus* emissam; hac autem, *Ano*.

VIII. Ex diversis hujus *Asthmatis*, qua sicci; qua humidi Symptomatibus, opinari fas est; in priori, Membranas, Nervos, aut Musculos Spiritui trahendo inservientes affici, & iis *Miateriam* impingi; unde *Respirationis*, cum siccitate labor; In altero, *Miasma*, Sanguinis Sero implicatum irretitumque, una cum eo *Pulmonibus* committi, & iis inhærendo *respirationem* impedire: Atque pro diversitate Symptomatum, diversa Morbi hujus *Subjecta* esse, non temere judicamus.

IX. Nonnunquam equidem *Arthritis* (quod ante traditum) ipsis à Carceribus, ipso ab initio devia; neque Pede, neque Manu salutata quidem, *Pulmonem*

adit, occupat, laceffit, tanquam *Asthma* germanum; nec ab eo facile distinguitur, donec, ætatis progressu, aliquando foras erumpat, Artus exerceat, recteque se gerat. Cujus quidem in Artus Translationis, hoc effectum esse solet, quod, quo rectius se gerat *Arthritis*, eo *Pulmoni*, & posthac reliquo Corpori universo, melius. Quæ de causa licet existimare, malum isthuc nihil aliud esse, quàm *Arthritida*; primùm in pectore deviam, ipsoque principio *Anomalam*; postea suo loco regularem.

X. Hujus *Asthmatis* Πράξεις quam legitimi, veri, & genuini, longe alia videtur. *Legitimum* enim, curatu difficillimum, Juvenes nō sine magno labore, Senes nunquam eo liberari dicuntur.* Contra verò exploratum, hoc *Asthmate* laborantes, facilius allevari, sæpius liberari; & quidem interdum, (quod de vero *Asthmate* rarius affirmari potest) ex toto.

Ut autem in re tam multiplici distinctius dicam, adjiciendum, *Asthmate* isthoc humido gravatos; Sputatione, quod dixi, servos, sæpè diu vixisse: *Arido* affectos maximo sæpè in periculo versari; brevi tempore, non raro strangulari; sed &, ope medica opportune adhibita, factaque humorum Metastasi, nonnunquam subito restitui: denique, nulla Arte sublevatos, eo se modo habere, & demum è vita cedere, tanquam *Asthmate* legitimo oppressos.

XI. Curatio tollit impedimentum respirandi; vel è Corpore illud evocando, vel in Artus amandando. *Matrîam* è Corpore vitiosam evocat *Venesectio*,

* Vide Riverium, Cap. de *Asthmate*.

nasectio, & Purgatio; quarum illa Plethoricis, & nimio Sanguine distentis; hæc Galæ deditis, Satietae læsis utilissima: Utraque vero talis sit, oportet, ut ab ea *Arthritidis* $\omega\pi\omicron\varsigma$ τὰ ἐξωθεν expulsio promoveatur. Hoc autem optime fit Sanguinis detractioe mediocri; Purgatione quæ per *Drasticum* aliquod, & Sanguinem exagitans, peracta. Detrahantur igitur, (quando res postulat, & Vires ægri patiuntur) Unciæ quasi novem: *Enema* brevi post injiciatur: die proximo *Purgans* (ex *Aloe*, *Syrupo domestico*, *Pil. Cochiae*, vel ejusmodi aliquo) sumatur, sine Paregorico vespere sequenti propinando.

Post Evacuationes hæc generales, in *siccio Asthmate Arthritico*, magnarum virium & momenti sunt *Sp. C. C.* aliq; istius generis *Volatiles*, & *Flores Salis Armoniaci*.

℞. *Pul. è Chel. C. C. Conf. Tussilag. aã* ʒj. *Flor. Salis Armon. ʒss. Syr. Balsam. q. s. f.* Bolus, quinta, vel sexta quaque hora, cum idoneo vehiculo demittendus.

In *Humido*, *Vesicatorium Dorso* inter *Omo-platos* applicatum, allevandis *Pulmonibus* summopere confert. Pituitam movent, eodemque tempore *Podagram* expellant è *Sulfure* præparata; qualia sunt *Tinctura*, *Balsamum*, & *Flores Sulfuris*: uti etiam, his affinia, & plane congenera, *Gummi Antiasthmatica*, *Ammoniacum*, *Bdellium*; *Balsama Naturalia*, *Peruanum*, *Chiliense*, *Capivi*, &c. Placet *Tinct. Sulf. gtt. xx.* vel *Balsami* seq. gtt. x. ad xv. ex *Syr. Balsam. coch. dare*; & sexta, nona, vel duodecima quaque hora, prout opus fuerit; repetere.

℞. *Tinct. G. Guajac. Bals. Per. aã p.* aq. misce.

In utroque vero, tam humido, quam sicco *Asthmate*, remediis hisce, cum vehiculis idoneis, uti juvabit; usque dum *Pulmoni* conciliabitur quies, & inducendo Spiritu facilitas.

Clysteres, & *Purgantia*, quæ in vulgari *Asthmate* non incommode plus vice simplici adhibeantur, in *Arthritico* hocce post primam vicem minime præscribenda: ne videlicet humorum in Artus eruptionem, quæ rebus quibuscunque aliis longe præferri debeat, sufflaminent.

Pulmoni Phlegma quod impactum est, *Oleo Amygd. d. Ol. Lini*, *Syr. Balsamico*, *Cap. Ven.* & aliis ejusmodi *Anacatharticis* movendum, excreandum.

In *Paroxysmo*, siquidem urgebit ille, neque auxiliis supra dictis mitigabitur; maxime valet *Oxymel Scillit.* vel cochleatim, & per vices datum, ut eo spirandi spatium adaugeatur, vel ea dosi, qua Vomitus cieatur, humorum inclinatio mutetur, & in Articulos vertatur. Certe, per unam Vomitionem, *Arthritidem* ex *Anomala Regularem* fieri, plus semel novimus. Nonnullis in *Paroxysmo* profuit *Fumus Tabaci*, *Potio Coffee*. Valent suo loco *frictiones*. Non magni æstimantur *Unguenta*, vel *Linimenta*, *Asthmaticis* vulgo commendata, in re præsentī parum valitura.

Prophylaxis in *Humido Asthmate*, præmissa Purgatione, instituitur per *Diuretica*; quæ Serum apte & tempori amendant: per *Antiasthmatica*; quæ *Pulmonem*, & spirandi Organa tueantur: per *Fonticulos*, Dorso inter *Omo-platas* apertos; vel *Epispastica*, maxime diuturna: perque ea, quæ *Arthritidis* primigeniæ *Prophylaxin* agant.

agant. *Siccum* autem *Marte*, cum *Antiasthmaticis*, Gummi puta *Ammoniaco*, &c. juncto; iis videlicet, quæ Spiritus animales una cum Pectore respiciant, fugandum. In utroque, usus est immensi *Aër* apricus, & probe agitatus; uti etiam bona victus ratio: quam ut teneat ægrotans, fugiat necesse est, *ἡ ποικίλον τῆς διαίτης*, à Medicis non sine causa passim improbatum, & cibo simplici vescatur.

HISTORIA I.

Adolescens, ab Arthritide Asthmaticus, Empirici Narcotico peremptus.

AD trium supra viginti annorum Adolescentem, in regione Urbis septentrionali, vergente seculo superiori, anxie & propere arcessebar. Ut ætatem hominis adimpleret, à Natura ille destinatus esse videbatur. Erat enim forti, & quadrato Corpore, Vultu colorato, uno Miasmate *Arthritico*, quod à Patre acceperat, infectus. Sanguinem, ab ipso vitæ exordio vitiosum, ipse malis moribus non parum inquinavit. *Spiritus ardentes* avide potavit: malam victus rationem affectavit: Coctionem, quasi de industria, pessum dedit.

Podagra, quæ Paroxysmum regularem plus semel ediderat, & dudum Artus exercuerat, nescio qua de causa relictis artubus, ad ea, quæ intus sunt, translata, Respirationis Organa invasit: Hinc *Pectus* aggravatum, Spiritus difficilis, Respiratio brevis & laboriosa.

Visa est Materia, vel è Musculis Re-

spirationi inservientibus aliquem, vel eorum Membranas occupasse; vel in Nervorum *Paris vagi* fibras se insinuasse. *Asthma* enim siccum erat; nec quicquam *Sputum*, nec quicquam *Tussim* sibi adscivit.

Dum ita res erat, Empiricus è Laniorum vico, ad Vitam & Salutem (Proh Deum atque Hominum fidem!) instaurandam, est accitus. Ille, Historiæ neque caput, neque finem ob oculos habens, *ἀποῤεργία* familiari & usitata, multa factitavit; nihil egit: donec elapso penè quadriduo, propter *ἀγρυπνίαν* (hanc Argumenti speciem obtendebat) Paregoricum audax, & nequam, sub noctem dedit. Hinc illæ Lacrymæ: hinc ille properus ad Medicum nuncius.

Ægrum ego *ἀσθεντὸν* inveni, moribundum, & jam, per totam, quæ præcesserat, noctem, animam agentem. Rem astantibus palam feci, & (honore habito) discessi. *Τοῖς ἱεροῖσι, ἃ ἱερὰ.*

HISTORIA II.

Asthma siccum Arthriticum, Venæsectione, & Cardiaco sublatum.

INgenio, Scriptis, & Eruditione Vir præclarus, *RAD. BOHUN*, Hypochondriacus, Asthmaticus, Cruditatibus acidis, Dolore Artuum *Arthritico*, sæpè vago, interdum fixo, diu afflictatus; Dolorem istum nuper acutum, ex improvise abruptum, & intercisum habuit. At brevis ista mali intermissio, Ægrotantem, olim Collegam meum, & eo tempore Convicto-

rem, visitavi, Lecto inveni prostratum, jam per noctem anhelum, & ea respirandi fuit difficultas, reciprocatione crebra quasi animam agentem. Neque *Sputatio*, neque *Tussis* erat ulla. Pulsus in carpo fortis, & elatus.

Ex omni parte re perpenſa, Materiam *Arthriticam* in *Pulmonum* Adyta, in eorum Membranas, Nervos, aut iis movendis inservientes Musculos, per *Μεταπλῶσιν* ingredi, & eos occupare cenſui.

Pertula meo consilio Vena, miſſus est Sanguis; cui, poſt horas aliquot, innatavit, Gelatinæ viſcidæ ſimilis, placenta. Deinde, ut è Caſtris inique uſurpatis hoſtem exturbarem, *Spiritus Volat. Oleoſi* copiam, ex idoneo vehiculo, propinavi; & pro rei neceſſitate repetii. Auxiliis hiſce paucis, & paupertinis, ſed opportune adhibitis, ſine difficultate respiravit *Æger*: *Pulmone* liberato, & relicto, in Pedum & Manuum articulos (non novos illi locos) fugatus eſt Hoſtis: confirmatus *Æger*.

H I S T. III.

Arthritidis in Paralyſin & Asthma Metamorphoſis.

Quidam Artis Sciens Chirurgicæ, ſemel aut iterum in anno *Arthritide*, per luſtra quatuor recurrente, multum ægrotavit; ætate verò provectus, neque tam crebra, neque tam vehementi, per biennium minuta, & ſenſim mitigata eſt *Arthritis*; quum in ejus locum mala, multo graviora, ſimili modo & meſſura, ſucceſſere; ſiniſtri nempe *Brachii*, *Pediſ-*

que reſolutio, cum totius Lateris imbecillitate: deinceps *Asthma*, tam moleſtum, tamque importunum, ut non niſi recta *Cervice* *Spiritus* trahe-
retur. Siccum autem erat *Asthma*, *Paroxyſmos* habens, ſed nullo *Typo* regulari ſignatos. Mari *Æger* diu *Artem* exercuerat; ubi *Spiritum Vini* nimium pytiſſando, tum *Arthritidi*, tum *Paralyſi*, tum etiam *Asthmati* viam feciſſe, & fundamenta jeciſſe non immerito cenſeatur.

Ita laboranti *Venæſectio*, *Oxymel ſcillit. Purgatio*, *Antiaſthmatica Podagragogis* juncta, cum Aere aperto, non nihil profuere. At cum illa Morbi natura eſſet, quæ Nervos, eoſque valde afficeret, quæ *Spiritus* in iis contentos, (id eſt, intimum totius Corporis humorem) mirifice debilitaret; eum ætas ſimul ingreſceret, ægroque ferè jam inutilis eſſet *Medicina*; partim morbis partim ætate conſumptum eum, ſine ullo in Articulis dolore renovato, abſtulit *ἀπὸ τοῦ θάνατος*.

Eatenus verò rei noſtræ conducit *Hiſtoria*; ut ex ea diſci poteſt, maximè verò ex denſo Morborum ordine, ſubitaque mutatione; *Arthriticam* in Nervos transferri Materiam; & tum *Paralyſeos*, tum *Aſthmatis*, cauſam fieri proximam, & continentem.

H I S T O R I A IV.

Arthritis in Asthma, & Hydropa, deſinens.

Mulier *Exoniensis*, brevi *Pectore*, neque *Respirationi* ſatis apto; diu *Arthritica*, nuper omni dolore libera, nec pro more utero gerens;

gerens; propter hasce Causas, annum circiter quadragesimum, *Asthmate* & *Tussi* corripiebatur; illa non parum, isto multum excrucitata.

Audita morbi Historia, Symptomatum ordinem & momentum meditati mihi, luce clarius videbatur; illius Materiæ, quæ per uterum, perque Articulos soleret amandari; quod in Corpore relictum, vel de integro cumlatum esset; in respirandi Organa infundi, eorumque motum impedire. Qua quidem Opinione ductus, ut Aere puro, & aperto, frueretur ægra, (perpurgato prius Corpore) tus illam misi; sed *Antiasthmaticis*, & *Arthritidem* expellentibus munitam. Neglectis autem Medicamentis, nulla in Articulis visa est *Arthritis*; verum è contrario nova, tum in imo, tum medio Ventre, coacervata est Materia: Unde tantus Abdominis Tumor, Spiritusque tam gravis, ut non nisi cum sono & anhelatione spiraret Ægra, propemodum strangulata.

Clysteribus ex Urina crebris subducta est alvus, Tumor Abdominis sublatus: atque sic amotis impedimentis, *Sp. C. C. Succin.* aliisque *Podagragogis*, uno eodemque tempore, extrusa est in Articulos *Arthritis*, & amplificatum respirandi spatium: atque adeo (quod attendendum) æqualiter.

Hinc aliqua Curationis Spes; at fallax, & inanis. Natura enim deficiente, neque operam conferente, frustra omnis Medicina. In *Hydropa* incidit Ægrotans, *Diarrhœa*, & *Narium Hamorrhagia*, Symptomaticis, & sæpe recidivis, comitatum: quibus demum oppressa, Mortem, omnium Morborum finem, oppetiit.

HISTORIA V.

Asthma, cum Iliade malorum, Arthritidos defectu regularis, exortum.

VIr Reverendus, quocum magna pervetusque mihi familiaritas, Natura firmus, temperamento Sanguineo, vultuque colorato præditus; post Juventutem non tam intemperantem, quàm delicatam, & dapilem; matura ætate corpulentus, & habitior factus est; Annoque MDCLXXIV. & deinceps, *Arthritide* per vices ægrotavit.

Postea solum, & cœlum, (quorum illud siccum, hoc perflatum erat) humido, & minus salubri mutans, ætateq; procedens; *Arthritide* non, ut ante, fixa, verum per Artus, ad instar *Rheumatismi*, vaga & erratica, laboravit. Sed neque diu Morbus istud *is* retinuit: Nam paucos post menses, quam in Corporis ambitu ille sævierat, *Catarrhis* & *Tussi* correptus est Æger: unde Sputum magna ex parte laboriosum; utpote crassum, viscidum, ab imo *Pectore* citatum. *Tussi* accessit *Asthma*, grave profecto, importunum, & quod Ægrotantem multos annos, autumno maximè & tempore hyemali, divexarit. Quamvis autem *Asthma*, nec interdiu unquam, neque noctu penitus cessavit; ea tamen natura erat, ut, eadem Nycthemeri hora constanter redux, (tanquam ad Horologii fidem) & quidem multos in menses continuos, Paroxysmum ageret. Dum ita res erat, *Venæsectione*, *Vomitu*, *Purgatione*, *Decoctis Pectoralibus*, *Spiritibus*, *Gummi*, &c. *Antiasthmaticis*, plus semel levatum *Asthma*, minimè verò sublatum.

Aliàs *Hemorrhoidum* Tumore, magno utique, & diutino, torquebatur Æger; eoque tempore illud præcipue notandum, quod neque Spiritum difficulter traheret; neque *Articulis* doleret.

Aliàs *Vertigine* tenebatur, adeo vehementi; ut quæ Ægrum neque ambulare pateretur, neque erectum stare: durante vero illa, cetera bene se habuit.

Menſe Junio, MDCLXXXV. ex Vino nimio plus potui, incidit in *Pleuritidem*, *Hæmoptoe* comitatam: Auxilio, cum plerisque aliis, sed omnium multo maximo, fuit Sanguinis detractio, iterata, copiosa. *Pleuritidi* nondum penitus evictæ, subnata *Arthritis*, in extremis Corporis partibus, regularis, ea vero, nescio qua de causa, sive quiescente, sive repulsa; febricitavit denuo ægrotans, *Angina* affectus. *Anginæ* paulo post suborta est *Arthritis* (uti post *Pleuritida*) regularis.

Anno plus minus MDCLXXXVII. suadente nescio quo, fortissima sumens *Hydrotica*, (ut erat Æger remedium Empiricorum amantissimus) Sanguinem, à natura calidum, adeo exagitavit; ut *Impetigo* statim erumpens Corporis Superficiem mireturparet. Tumo lato, & inæquali, facies inflammata est. In *Squamulas* subalbicantes, & Furfur, abiit Tumor; eoque exeunte, loci, tanquam à *Variolis*, Rubor apparuit. Multum, & diu, gravissimo hoc affectu laboravit Æger. Alio enim loco restituto sanatoque, alium, sed à novissimo distantem occupavit; & quidem ita, ut Maculas crescentes, maturas, arescentes simul semel aspicere daretur, facies autem maxime, & pene con-

tinuò fœdata est. Cui addendum, quod Æstus Corporis universalis, pruritus, & ex eo Spirituum inquietudo, Ægrum, molli teneraque constitutione præditum, supra quam dici potest, excruciauit. *Impetigo* Sanguinis missione, Purgantibus cum Calomel. sæpius iteratis, *Antimoniatis*, est curatus.

Verbo dicam: ex quo *Arthritis* idonea, & regularis, Ægrum deferuit; affectu hoc, vel illo, raro autem mitiori, & minus periculoso, annis fere singulis, urgebatur; sæpe tantum non opprimebatur.

Ex *Impetigine*, mutata rerum facies; namque, anno post uno, vel altero, redux *Arthritis* (tanquam ex postliminio) Paroxysmos ἐν τῷ ἔξωθεν, aptos & satis crebros, agitavit. Nihil opportunius, nihil commodius esse potuit: nam *Arthritidis* denuo regularis ope, servatus Æger, per extremum vitæ decennium multo magis, quam solebat esset, immunis, non tam Morbis, quam Ætate fractus, è medio excessit.

Hic animadvertendum (quod quidem maximi, in re præsentī, grande pondus argumenti) Ægrum, quo tempore sive *Asthma*, sive *Tumor Hemorrhoidum*, sive *Vertigo*, sive *Pleuritis*, sive *Angina*, sive *Impetigo* locum habuit, *Articulis* nunquam doluisse; nec quidem, in istorum morborum intervallis, ita crebro, aut tam graviter, atque ante *Asthma*: Unde verisimile, hos affectus, aliqua saltem ex parte, per materiam *Arthriticam*, (in Pulmone *Asthma*, & singulos affectus in singulis eorum locis facientem) excitari. Cujus enunciati fides eo confirmatur, quod in *Arthritidem*, etsi minutam,

nutam, & parvam, tum *Pleuritis*, tum etiam *Angina* semel; *Asthma* vero sæpius mutaretur. At, quod (Testium mille instar) omnem Argumenti metum adimat, hoc est; per *Arthritidem*, iterum recte, & debitis ex intervallis, edentem Paroxysmos; tum *Asthmate*, tum *Impetigine*, ne dicam alios affectus omnes, Ægrum liberari; difficilimisque Vitæ annis, supra quam spes, aut amicorum expectatio fuit, defendi.

Minime vero credendum, Morbis hisce procreandis unam sufficere Materiem omnibus *Arthriticam*; quin potius serosa Sanguinis eluvie v. g. in *Asthmate*, eam involvi, irretiri, & simul cum aliis Sanguinis recrementis, per *Pulmones* exterminari. Quod vero de *Asthmate* propositum, de *Impetigine*, cæterisque affectibus jam dictis, aliqua parte affirmari posse, cogitandum est.

Hinc opinari par est, Aegrotantem illum, bono Corporis habitu à Natura donatum, Vitæque ratione non adeo prava, aut inepta usum; in tot gravissimos affectus, forsan non alia potius de causa, incidisse; quam quia *Arthriticum* Miasma, quod, αἰεὶ ποό-μας ex more usitate, & regulari minime, sic, ut debuit, expulsum fuit) in ea, quæ intus sunt, ferretur; ibique dictos, vel ex toto, vel ex parte, eaque nunc majori, nunc minori, faceret affectus.

Unde probabile, si, longo illo multorum Annorum spatio, (discessum inter reditumque rectæ, in Artubus molestæ, & vehementis *Arthritidos*) quo toti tantisque modis Æger afflictatus erat; habita *Arthritidos* ratione, fuisset ille tractatus, & in *Arthri-*

tide reducenda, locata fuisset opera; Medendi viam tutiorem, Ægroque multo fuisse commodiorem.

HIST. VI.

Asthmatis Vultum induens Arthritis

Nonnunquam Artus, ut ante dictum est, relinquit *Arthritis*, & ingressa *Respirationis Organa*, vel ea continenter urget, vel accessionibus adeo crebris & molestis; ut, in illa Corporis Regione, non tam peregrinus, quam Morbus indigena, & vernaculus esse videatur. Hujus rei exemplum hic subjiciam, mihi notissimum; Virum medendi Arte percelebrem, eamque hodie feliciter exercentem. Fuit ille parentum altero, diu *Asthmatico*; altero *Phthisico* procreatus: brevem, & male formatum habens *Thoracem*, tanquam ad *Asthma* factus, *Pectoris* affectibus ab ipso ortu proclivis existimari potest.

Post Adolefcentiam floridam, sed & temperatam, ætate matura, laboravit *Arthritide*, crebro recurrente, satisque apta. Anni aliquot hunc in modum agebantur, cum à *Catarrho* spirandi difficultas *Arthritidi* succrevit, progressu temporis ingravescens. Huc non parum contulit Aer, Fumo Carbonum, salinis (è vicino mari) Vaporibus, & Officinarum, quæ in propinquo erant, graveolentia repletus. Flante Euro, vel Euro-aquilone, raro ille sine difficultate spiravit; ut vel ea de causa, (Vento nimirum eo exorto) sæpe lecto se ejicere, & Corpus erigere cogeretur. Eo durante Vento, semper *Δυσπνοῖος*; cessante eo, vel in alium

mutato, tanquam incantamento, levatus est. Cena interdum obfuit immodica, & in Victu error fere omnis. Obfuit Cutis, alias à Frigore, alias ab Aere nimis spisso, constipatio, & impedita Διαπνῶν. Quin etiam *Asthma* nonnunquam intulit, ab Equitatione, vel Ambulatione, vel alia aliqua Exercitatione nimia, fatigatio; uti etiam nonnunquam Aeris, & Platearum ardor æstivus: unde Spiritus animales, sive exhausti, sive debilitati, reciprocando Pectori vix sufficerent. Sæpe à Cruditatibus incepit *Asthma*: namque inde Flatus; inde Abdominis distentio; inde Thoracis coarctatio, in Spiritu trahendo, inde labor, & difficultas.

Sanguis huic Aegroto, *Inflammationi* contrahendæ admodum pronus erat; sæpe in *Peripneumonias*, aliasque *Febres*, (nunc *Sudoribus*, nunc *Diarrhœa*, nunc *Urinæ profluvio* signatas) evectus; semper autem pertenuis, quique minima de causa colliqueret; qui nunc per *Renes* efflueret; *Pulmones* sero qui nunc obrueret, & Spiritum elideret. Illud autem Serum, post aliquam in *Pulmone* moram, vitreo sæpè colore exantlatum est.

Ingruente *Asthmatis* insultu, reliqua ejus Symptomata antecedere solebat Ventriculi inflatio, cum Intestinorum Vermicatione, & Dejectione postmodum insequente: magna *Pectoris* erat Constrictio; Lateris præcipuè dextri, subtus Mamillam: ubi loci Aeger in omni *Asthmate*, potissimè torquebatur.

In Paroxysmo *Asthmatis* (quoniam unum idemque rarò diu profuit) Medicamenta in usum trahebantur varia. *Mixtura* nempe *Riveriana*, *Tabaci*

Fumus Tubo haustus, *Empl. Epispasticū Dorso inter Omoplatas admotum*. *Ol. Amygd. d. cum Diacod. Potio Teæ*, cum adjunctis *Bals. Sulph. Terebinthinati* guttis aliquot: at omnium maximè, certissimeque, *Inflationem* mirum in modum cicuravit, compescuit *Potio Coffee*.

Ad *Prophylaxin*, & adversus *Asthma* sui tutelam, *Æger*, (auxilium ab exploratis sumens) *Eccoprotico* identidem adhibito, temporis Cruditates exterminavit; itaque malum anticipavit. Profuit *Decoctum Corticis*, eo namque Sanguini robur conciliatum. Profuit *Diætæ* ratio accurata; *Coena* parca, vel nulla; loco *Cerevisiæ*, *Vinum Burdegalense*, aqua dilutum; profuere *Fonticuli*, *Dorso* aperti. Id autem, ut rectè concoqueret, & Frigus evitaret, *Ægro* præcipuè curæ erat.

At, quod rem nostram maximè attingit, eamque non parum illustrat, ex quo tam gravi *Asthmate*, omni mense, ne dicam Hebdomade, recidivo laboravit *Æger* (id est, per decennium ultimo lapsus, & quod excurrit) rarius, minus ille doluit Articulis: &, quod imprimis notandum, hujusmodi Dolor, quoties occurrit, è vestigio *Asthmatis* insultum est secutus, eique connexus: ut, ab eadem causa communi, nempe *Arthritica*, non immerito fieri credatur, uterque hic affectus; & quod *Asthmati*, natura tam *Arthritico*, per *Arthritidis* Paroxysmum regularem, (modò Vires aliæque *Ægri* res annuerint) utiliter occurratur.

Huic quidem *Ægro* persuasi, ut quo fieri posset Artificio, præsertim *Marte*, & *Phænigmis*, à Pectore longè arceretur, in extremas partes evocaretur *Arthritis*; ea nimirum opinione ductus, quo

quo plus *Pedibus*, eo illum minus *Pulmone* laboraturum. Neque huic opinioni refragatus est *Æger*; imo maxima ex parte consensit: Istam autem mendedi viam exclusit *Ægri* Constitutio tenera, *Phœnigmorum*, aliorumque, quæ Dolorem excitarent, usum non admit- tens. Quæ ad hanc rem adhiberentur omnia, *Pectori* ne obessent. *Asthma* ne inferrent; potius quam ut *Arthritida*, cavendum erat.

Ut autem *Historiæ* nobili finem imponam, habetis *Arthritidem*, Dolore Articulorum, Tumore, certisque omnibus numeris absolutam, germanam, exquisitam; habetis, inquam, eam castra mutantem; *Pectus* invadentem; idque sic afficientem, ut in *Asthma*, morbum illius Regionis proprium, & vernaculum, mutari existimetur.

HIST. VII.

Ab Arthritide percussa, Pectoris externi Oppressio, Spiritus impeditus.

Vir insignis, illustri Domo natus, post Adolescentiam opiparam, & non nimis siccam, sub ingressum Juventutis *Arthritide* correptus est; ea- que multos annos apta, & regulari laboravit. Pede doluit, cum, à frigore percussa, *Arthritis* Sternon, & respi- randi Organa derepente invasit. *Pectus* hinc gravatum: impeditus *Spiritus*: nulla vero expuitio, nulla *Tussis* erat; ut, in Membranas Musculosque, *Pectus* ambientes, *Materiam* impelli vitiosam, omnino judicemus.

Vomitum, quando illi proclivis erat,

per *Decoctum Cardui* citato, tametsi non multum ejecit, dilatavit tamen *Spiritum*, & *Caput* dolore affectum allevavit. Visum erat *Diaphoresi* *Materiam* evocare; quem in finem *Epitheimate* (ex *Aq. Reginae Hungariae*, *Tinct. Lavendulae*, *Spiritu Vol. Oleos.*) immer- sa *Lintea*, *Pectori* applicantur; *Stragulisque* simul pro rei necessitate adjectis, *Sudor* elicitur exoptatissimus, utilissi- mus. Verum *Materia* nondum penitus educta, sed interdum *Inguen*, non- nunquam *Oculos*, alias *Cervicem*, mo- do etiam *Genu* afficiente, ut magis re- gularem *Arthritida* facerem, & extre- marum Partium Articulis infingerem, *Infusi amari* *Hauftum*, cum *Tinct. M. gtt. xx.* bis in die sumendum, impera- vi: nec quidem frustra: paucorum et- enim dierum spatio *Pes* doluit; expulsa est *Arthritis*; ea, quæ intus, sunt libe- rata.

Alio tempore, cum à Frigore pariter repelleretur *Arthritis*, ejusque *Materia* una cum Sero abrepta *Gravedinem* fa- ceret; usu *Tincturae Sulfuris*, (cujus be- neficio *Materiae* inclinatio commodum mutata, & ad *ἰσχυρὴν* versa erat) *Æger* convaluit.

CAP. XI.

De Catarrho, Tussi, & Peripneumonia Arthritica.

ART. I. **Q**Uamvis hi affectus, quoties absoluti & legiti- mi reperiantur; propter diversos eorum Vultus, & Pathognomonica di- versa; non immerito *Specie* distingui: proindeque non unius tituli esse judi- centur: Nihilominus has *Anomalias*,
m quando

quando ab eadem causa, nempe *Arthritica*, idem *Subiectum*, nempe *Pulmonem*, afficiente producantur; propter hanc earum inter se convenientiam, & necessitudinem, una, non inepte hoc Capite, tractari fas est. Ut autem de illis clare, & perspicue dicam; primum, earum communia, quæ omnibus, vel minimum plerisque sunt; tunc quibus illarum, quæ propria sint, edisseram.

II. Omnibus hoc commune est, illas tam cito nullos unquam invadere, nullos æque male habere, & multare, ac quos sive gibbosos, sive graciles, sive *Pectore* nimis brevi aut acuto, aliove quovis modo angusto, nec satis apto, Natura fabricavit, aut etiam Constitutione nimis tenera donavit. Si qui etiam *Ictu*, *Casu*, *Vociferatione*, vel *Exercitatione* aliqua vehementi injuriam *Pulmoni* intulerunt; vel à Parentibus *Phthisicis*, aut *Asthmaticis* exorti, vel ipsi tales fuerunt. Hos, inquam, omnes *Arthritis* sæpe larvato Vultu aggreditur; quumque ejus suspicio ne vel minima incidit; *Pulmonis* Aduertum intrando, Membranas ejus corrodendo; tarde crebro, ac certo, perimit. His enim Corporibus, *Pulmo* læsus, & debilitatus, alienum facile recipit; difficulter rejicit, itaque tandem acri, & viroso eo corrumpitur.

III. Hujusmodi Corpora vexantur his *Anomaliis*. Utrum vero *Arthritis*, vel quousque ea, priusquam se Regularem ostentavit, & in Artubus unquam emicuit, *Pulmonem* afficiat; quoniam indicia non habemus manifesta, & fide digna, explicari nequit. Suspiciari vero licet, Naturam, in iis, qui parentibus nati *Arthriticis*, una cum ipsa vitæ Lampade Miasma ac-

cepere; quoties illi, ætate prima & ineunte, *Achoribus*, *Catarrhis*, *Tussi*, aliisque hujusmodi malis supra modum urgeantur, (eos autem crebro fit urgeri, & Morbis his alienum aliquod exterminari constat) Miasma, à Parentibus acceptum, in Natorum Sanguine retentum, ibique copiis adventitiis quotidie auctum, hisce morbis, aliqua ex parte ablegare. Hoc autem, utrum ita revera sit, an secus; ex Natorum, & Parentum malis simul comparatis, optime (tametsi, propter rei obscuritatem, non sine aliqua dubitatione) colligendum. Quare in *medicis*, uti dixi, *Suspicionibus* hoc habendum, eoque magis, quoniam, data positaque conjecturæ hujus veritate, Medicinæ *Arthritidem* expellendæ reducendæque, ætate hac tenellula, omnium minime locus inveniatur.

IV. Ad eas transeo *Anomalias*, quæ disquisitioni nostræ magis exponantur, & patecant. Postquam *Arthriticis* Paroxysmos aliquot idoneos, & regulares sustulere, non raro accidit; maxime, si iidem Corpora modo descripta habent; à Paroxysmo sive interciso, nimis leni, vel raro, Materiam in *Pulmonem* transferri recipiunt. In *Paroxysmo* intercisos, vel abrupto, sæpe per *Emplastrum*, *Cataplasma*, *Frigus*, vel externum aliquod aliud istiusmodi repellens, ad *ὀπίσθεν* retro agitur materia, cujus utique Repulsioni statim superveniunt Pectoris Gravitas, & Fractura, spirandi angustia, aspera Arteriæ Titillatio, Tussis, Sputum primò tenue, postea crassius; quæ quidem accidentia, qua sunt proportionem, *Pulmones* affici, & in eos humidum impelli *Arthriticum*, aperte indicant. Hæc est *Arthritidos* in *Pulmonem*

Translatio, omnium maxime evidens & certissima.

Est autem ubi, *Paroxysmo* minime abscisso; verum, propter ejus sive lenitatem, sive raritatem, mala eadem oboriantur; & dubium magis reddant, sintne ipsa *Arthritica*, annon. Hoc autem dubium, *Arthritide* brevi post in *Paroxysmum regularem* erumpente, non raro eluitur: & ea, recte nunc demum agendo, se nuper minus rectam fuisse confitetur. Ita, ex *Arthritide* regulari præcedente, comitata, vel insequente, habes, de istarum *Anomaliarum* natura prorsus *Arthritica*, quibus tuto possis acquiescere.

V. Porro, in hoc concordant hæ *Anomaliæ*, (uti cum iis ceteræ fere omnes) quod sæpissime Seniores, interdum media ætate Viros, at rarissime Juvenes, quantum observatione constet, adorianur. Ut de meis loquar; ex hujusmodi laborantium numero, quem vidi, non exiguo, unum tantummodo Adolescentem inveni: alios omnes aut ætate grandi, aut saltem matura, ac constanti.

Hujus rei causa minime obscura est; quia, licet *Arthritide* nativa, & à Parentibus ducta, Ægrotantes, ipsa quidem Adolescentia, nonnunquam Pueritia, dolent; hoc in *Arthritide* acquisita non temere cernendum. Ebrietate, Gula malisque ea moribus acquiritur; atque ideo, ante medium vitæ, raro Paroxysmos inchoat regulares; perraro *Ἀνωμαλίας*: in sexu vero muliebri, raro ante Partus, & Catamenia finita.

VI. Sputi ratio est habenda: Primo illud tenue, nec quidem multum esse solet; brevi post tempore copiosius: aliquando cum Humoribus tanto

in *Pulmonem* flumine, quantum Pectus aggravet; *Pulmonem* infarciat; Vocem obtundat, Spiritum impediat, quodque, si diuturnum esse contigerit, Ægri Corpus attenuet, infirmet, & demum opprimat. Qua vero proportionem *Sputum* excreatur, eadem fere minuitur, in extremis Partibus, *Arthritis*, sic, ut quo plus *Sputi* ejiciat Ægrotans, eo minus *Articuli* afficiatur. Etsi vero istiusmodi *Sputatio* maxima ex parte salutaris (quoties nimirum non immodica, neque temere suppressa) esse reperitur, in extrema tamen Senectute, nimiam, & perniciosam, interdum novi, sic, ut ea multum Æger enervaretur, & demum enecaretur. Hoc autem, ut opinor, rarissime occurrit.

VII. Nihil hos affectus esse *Arthriticos*, evidentius significat, quam unum illud, quod sint omnes *Arthritidi inversa* ratione, qua Paroxysmum vel regularem, vel interruptum excipiant, vel absentem introducant; vel deficientem suppleant, & quidem ita, ut quo minor, rariore ille, eo hi majores: ut ex imminuta *Arthritide* externa, pro affectuum horum acrimonia & importunitate, internos hos affectus *Arthritica* origine esse constet; & à Miasmate *Arthritico* Pulmonem in-eunte, *Tussim*, vel *Catarrhum*, vel *Peripneumoniam* excitari.

VIII. De *Anomaliis* hisce singulatim sumptis, jam proxime dicendum; & quidem, primo, de *Tussi* observandum, illam harum omnium esse frequentissimam, quæque Paroxysmum *Arthritidis* regularem usitatissime insequatur, raro autem comitetur, nisi ægroto valde *Arthritico*, *Pulmonem* admodum imbecillem habente: Hujusmodi ego *Arthriticos*, nimirum *Phthi-*

sicos, Ægrotantes, uno eodemque tempore Tussientes, & Dolentes, aliquando inveni. *Tussis* hæc *Arthritica* nonnunquam in Paroxysmum regularem, (Materia in Artus translata) suapte sponte desinit; promptissime vero, si *Cathartico* non nimis leni, sed Sanguinem miscente, & turbante, fuerit adjuncta.

De *Tussi* porro aliud notavi, silentio minime prætereundum; nempe, in nonnullis *Arthriticis* Paroxysmum eam omnem antecedere; Ægrum, dies quatuor, vel quinque exagitare; inter Accessionis Symptomata prænuncia, jure merito censeri; quumque ea Sputi multum ejiciatur; (aliquando permultum ejici exploratum habui) una cum eo Miasmatis partem aliquam *Arthritici*, per *Anacatharsin*, quod probabile videtur, expelli.

IX. Hujus generis *Catarrhos*, uti semper *Asthma* comitatur; ita interdum *Hæmoptoe*: Immenſa Sericopia Spiritus viæ occluduntur, unde *Asthma*; & in eodem Sero demum exantlando, quia *Pulmo* (simul cum universa *Pectoris* compagine) concutitur, rapide convellitur, ipsumque Serum, acre & mordax, vascula exedit; ab ista agitatione, acrimonia, fit interdum *Hæmoptoe*. Quæ, tametsi Ægro terribilis, horroremque ei, forsitan alias meticuloſo, incutiat; minime tamen pertimescenda, tanquam pessimi prorsus ominis: modo *Pulmones*, à natura ἰσχυροί, nulla evidenti causa læsi, & Curatio matura, & apta fuerit instituta.

X. Hæ *Tusses* sæpe, & interdum hi *Catarrhi* ex intervallo aliquo revertuntur, quando nimirum Miasma, (ut est Imper nascent) in Sanguine renovatum, ac cumulatam, *Pulmoni* infigatur.

Accessionibus his imprimis favet Autumnus, qui, quum illud tempus sit, in quo, ad τὸ παροξύνεσθαι, & Miasma emittendum, moveri soleat *Arthritis*; & in quo *Catarrhi*, & *Tusses* grassentur exquisitæ; quidni disce nostris favere judicetur. Unum autem hisce omnibus inesse, & quidem magnopere ad eas contribuere censeo, nempe *Pulmonum* à natura imbecillitatem, & Ἀσθένειαν: unde ii, *Arthritico* Miasmati, (quandocunque fuerit in Sanguine congestum, & expulsionem aptum) Pectus ad-eunti, in se recipiendo, arcteque complectendo, perpetuo sunt parati.

XI. *Tussientibus* his *Febricula* seu nulla, sive lenis esse reperitur; sin eos algere, aut Cardiacis nimium indulgere contigerit, (unde *Febris* sive accendatur, sive augeatur) *Peripneumoniam* est quod timeas. Quacunque vero de causa initium capiat hic affectus, signa eum ostendentia, quæ συνδραμὸν constituant παθογνωμονικόν, plane sunt eadem, ac in *Peripneumonia* vulgari, & absoluta; &, utrum affectus hic *Arthriticus* sit, an vero minime, nisi forte Dolor *Articularis* simul occurrat, extraque dubium rem ponat) ex ejus *Historia* tantummodo petendum est. Quoties autem *Arthriticus* esse apparebit, hujus rei in eo curando rationem aliquam haberi, oportebit.

XII. *Anomaliis* hisce medendi Indicatio generalis, eo, quod alienum est, citissime tutissimeque *Pulmonem* liberat: illud autem in diversis his affectibus, modo non uno perficiendum. In iis omnibus *Venæsectio* prodest, ubi nihil adversatur: In teneris, & debilibus, vix unquam administranda; in morbis, & ætate fractis, ne vix unquam. *Hæmoptoe*, & *Peripneumonia* labor-

laborantibus est aptissima; præcipue *Peripneumonia*, qui omissa *Venæsectione* raro curantur. Ubicunque vero instituta fuerit, caute & provide cavendum est; ut, *Arthritidi* postmodum in Artus expellendæ fugandæque, Natura ne reddatur impar.

Proximo loco de *Purgatione* cogitandum: Ea etiam omnibus hisce malis occurrit: & probabilis videtur, ubi *Vires Ægri* consentiunt; maxime vero, ubi *Corpus* crassum, & plenum; aut *Intestina* sunt immunda, & nulla fuit *Venæsectionio*. Illa vero *Purgantia* jure merito præferenda, quæ sanguinem exagitando, & turbando, ad *Arthritida* movendam conferant: de quibus iterum, & sæpius alibi.

Præmissis his, ad ea descendimus, quæ *Arthritidi*, hospitio novo, & inepto, (*Pulmone* scilicet) excitandæ, & foras ejiciendæ faciant. His adjungi, & cum iis simul componi juvat illa, quæ, *Pulmoni* dicata, ei, sive per *Anacatharsin*, sive alio quovis modo inserviant. En horum Exempli.

℞. Alcohol. M. Balsam. Capiivi aā
℞. Cons. Fruct. Cynosbat. ℞j. Syr. Cap.
Ven. q. s. f. Bolus.

℞. Flor. Sulf. (vel Benzoin) Chal.
prædicti aā ℞. G. Ammon. soluti q. s.
f. Pil.

In *Tussi*, vel *Catarrho Arthritico*, (modo nulla *Febris* suspicio fuerit,) sumatur *Bolus*, vel ex *Syr. Balsamici coch. j. Pil. bis* in die, cum *Decocti Pectoralis* haustu: quem quidem *Syrupum*, vel ejusmodi aliquem, alias sæpius in die lambat: Alias, forma liquida siquidem arridet, iisdem temporibus propinetur *Haustus*.

℞. Syr. Tussilag. (vel Cap. Ven.)
℞. Tinct. Sulf. gr. x. quibus probe mi-

stis adde Pul. Olib. Chal. N. aā ℞. Aq.
Hyssopi ℞j. f. Haustus.

Loco Tinct. Sulf. Balsamum ejus
Anisatem, vel *Terebinthinatum*; Bal-
samum Capiivi, Gileadense, Chiliense,
vel Peruanum certis suis Dosibus ad-
hibeantur.

Quando malum inveteravit, ad pro-
hibendam Sanguinis Colliquationem,
Decoctum Corticis aliquoties præscripsi,
in *Ægroti* emolumentum non medio-
cre.

Tussienti profunt *Troch. Nigri Londi-
nenses*, *Ecligmata*, & ad Sputum edu-
cendum, & *Tussim* mitigandam, quæ-
que tuto faciant *Arteriaca*.

Quum Remediis internis dies tres,
vel quatuor impertiveris; unde robore-
tur Sanguis, & ad τὸ Παροξασμῶν exsti-
muletur; si nulla in Articulis appare-
bit *Arthritis*, applicetur extra, Parti
creberrimè dolenti, *Empl. Cephalicum*,
per se, aut cum *Picis Burgund.* quanti-
tate æquali; vel *Ceratum viride*. Sin
ista, nimis imbecillia, Materiam non
movebunt, & ex eorum usu nulla *Pul-
moni* fiet utilitas; validioribus opus erit
auxiliis, & majori mole pugnandum.
Hoc casu *Phænigmi*, *Vesicantia*, *Setacea*
possunt usurpari. Eo autem modo in
eorum usu, progredi juvabit; ut à mi-
tioribus semper incipias, neque, nisi illa
frustra fuerint, ad severiora ascendas:
quumque severioribus uti necessum
erit, non nisi Naturæ permissu, &
sic, ut ejus vires pati possunt, id ten-
tandum.

XIII. Hac methodo, in his affe-
ctibus, *Pulmoni*, ut opinor, optime pro-
spicitur; maxime si, Tutelæ gratia, in
Dorso *Fonticulos* aperiatur, sique aëre sic-
co, & ventis agitato utatur *Æger*, si-
que eo omnia dirigat, ut recta perfler

Arthritis, & ex intervallis debitis recurret.

Hiscæ vero prætermiſſis, aut odioſe, & negligenter actis, *Tuſſis* ingraveſcit, Corpus non alitur, nullus in eorum, quæ decedunt, locum ſubeuntibus, ſuccedit *Macies*: *Pituïta*, quæ principio tenuis erat, jam craſſior fit, exſcrea- tuque difficilior, & interdum cruenta. Exulceratio fit *Pulmonum*, unde, tanquam exquisita *φθίσις*, oppreſſus æger, e medio excedit.

XIV. In *Peripneumonia* vero *Arthritica*, rapidiori gyro verſatur res. Inter initia, Morbo protinus occurrendum; alias ſane non facile vincendo. Sanguinem cito detrahi, Enema poſt horas aliquot immitti, *Purgationem* die poſtero inſtitui, oportebit. *Linctus* ex *Oleo Amygd. d.* vel *Oleo Lini*, omni fere hora delingendus. Vitanda ſunt *Emulſa*, & *Decocta* nimis frigida; ſique apparebit in Artuum aliquo *Arthritis*, vel, eam educi poſſe, Spes erit; per eam educentia conſulendum eſt *Ægroto*. Hoc enim perpetuo ratum eſſe arbitror, *Peripneumoniam*, ex *Arthritide* inverſa, & in *Febrim* adaucta, natam, ejuſdem *Arthritidis* expulſione, & in Artus amandatione, & in viam reductione (modo hoc effectum reddere licebit) comodiffime poſſe removeri.

XV. Non ignoro Clariffimum *Sydenhamum*, Medicum *ισόθεον*, de ſanandis his affectibus aliter ſcripſiſſe: nimirum, *Metaſtaſi* *Materiæ* vitioſæ facta in *Pulmonum* lobos, *Intentionem* medendi non ad ipſam *Podagram*, eſſe dirigendam; verum, (hoc ſymptoma, pari modo tractandum, quo *Peripneumonia* *absoluta*; *Venæſectione ſcilicet repetita*, cum *Diætâ*, & *Remediis* refrigerantibus, ac *incrāſſantibus*: *Purgandum*

inſuper *Ægrum*, inter *Venæſectiones*, idque *Potionibus* lenientibus: *Sudorem autem* obeſſe, *materiam* *Pulmonibus* *impactam* *indurando*; unde generantur *abſceſſuli* & tandem *Ægri* mors certiffime ſubſequitur.) At ego per *γυγία*, per *Æſculapium*, per ipſius *Sydenhami* Manes, oro obſecroque; quænam *Morborum Venenoſorum* (cujusmodi ſunt hi omnes) *Curatio* probabilior, quam per ipſius *Veneni* è *Corpore*, vel in *Artus*, in *Partes* à *Centro* vitæ remotas, & minus nobiles, expulſionem? Annon *Natio* *Medicorum* omnis, ipſeque alias *Sydenhamus* *ἰατρίκῃ*, quoties ingraveſcat, & in *Orgaſmum* evehatur, exterminari, exturbari, ejicique jubet? Annon hoc ipſum *Naturæ* opus; eique miniſterio, & auxilio, *Medicorum* eſſe, prædicatum eſt. Hiſcæ vero, tanquam *Baſi* & *Fundamento*, poſitis, quæ (ſecundo loco) *Medicina* hanc alieni expulſionem magis promovere poſſit? ea, videlicet, quæ *Venæſectiones repetitas*; quæ *Diatam*, & *Remedia* *refrigerantia*; quæque *Cathartica* blanda, & lenientia; (quæ quidem omnia, Sanguinem deprimendo, *Venenum* in eo retineri faciant) ſpretis interea, neglectiſque *Diaphoreticis*, *Arthritidem* expellentibus, comprehendat; An, è contrario, quæ ex *Remediis* calidioribus, *Venenum*, ad *Naturæ* votum, & propoſitum, in *Artus* tuto extrudentibus; quæque ex *Venæſectione* & *Purgatione*, ad hoc opus accommodatis; quæque auxiliis, extra admotis, *Arthritidem* evocantibus, ſit compoſita? Si à *Febre*, *Medicamentis* *Calidis* ne inferatur, erit periculum? hoc ut devitetur, miſſione *Sanguinis* ſufficienti, & *Calidorum* uſu non nimio, cavendum eſt; ſed neque rei ullius, propter ejus, qui incidere

dere possit, abusum, spernenda protinus utilitas; præsertim ubi magna, & humano generi salutaris. Altera vero ex parte *Veneno* retento, licet depresso; quam exulante, & amoto, tum commodi minus, tum periculi plus, ori certum est: itaque esse, non suadet *Opinio* temere suscepta, sed cogit *Experientia*, non sublestæ fidei, verum iterata, firma, & (uti mihi videtur) rationi consona.

HISTORIA I.

Tussis Arthritica.

DUm hæc in manibus sunt, me met interea consulit è propinquo quidam; humili loco natus, annos circa quinquaginta; Pectus aggravatum, Vocem impeditam, & *Tussim* habens media æstate molestissimam. Screatu ille multum ejecit, *Tussi* exantlavit; nonnihil elanguit; febricitavit. Erat, quod *Tussim*, qua magnam, qua diutinam, qua tempestati non nimis congruentem, ingenio & natura esse singulari, submonere videretur.

Quæ per Anum Materiam è Sanguine, leniter educerent, ex usu medico Remedia præscripsi: quibus sumendis, postquam Aeger dies aliquot, tam utiliter, quam sedulo, incubuerat; novum ecce malum, improvisum, inopinatum est exortum; Genu nimirum dextri *Dolor*. Cumque didicerim, *Pedibus* illum antea, more prorsus *Arthritico*, doluisse; per annum autem integrum, & quod excurrit, minime; Dolorem hunc *Arthritidis*, sese in *Paroxysmum* efferentis, indicium esse existimaui. Cum brevem eum, medio-

crem, neque satis acutum observaverim, partim *Materiae* per Anum, partim per *Pulmonem* ejici, *Tussimque* illam revera *Arthriticam* esse, judicavi.

HISTORIA II.

Tussis Paroxysmi Arthritici Symptoma prænuntium.

SEnex perhonorificus, morum suavitatem, animique integritate clarus; quum de varia, & multiformi *Arthritidis* natura, sermones unà fecerimus; de sua, qua triginta jam annis per vices ægrotaverat, sciscitanti mihi confirmavit, se Febricula, per omnem fere juventutem, quotannis fuisse, deinde vero Rheumatismo, affectum; cum hoc eventu minime reticendo, quod, ex quo hic primum apparuit, illa plane desierit, neque semel unquam Ægrotantem ex eo tempore invaserit.

Rheumatismo ut mederetur, hortatu Medici, per totam *Angliam* tum temporis, celeberrimi, *Diaphoretica* sumpsit; iisque affatim assumptis, quæ per Artus hic illic sparsa erat Materia, jam Articulis affixa est, & vulgi quidem opione Æger *Ποδαγρία*. Eo more *Paroxysmus* erat, ut *articulari* (Digitorum maxime) *Dolore Tumoreque*, noctis unius spatio, excitatis, se ostendere; & omni Vere, & Autumno, multos annos reverteretur. Quod vero memoria dignissimum, *Paroxysmum* omnem præivit *Tussis* importuna, vehemens, molesta, qua, dies quatuor, vel quinque, Ægrotum exagitante, multum ille tussiendo semper ejecit, & una cum Pituca (quod quidem veriti-

verisimile) Miasmatis *Arthritici* partem. Cetera vero, quantum ab ægroto accepi, *Arthritis* se rectè gessit.

HIST. III.

Sputatio *Arthritica*, in extrema ætate nimia.

TAbernarius quidem in vicino Oppidulo, per ætatem mediam & constantem, *Arthritide* doluit recta, & idonea; grandior autem, inversa & *Anomala*. Nunc *Ventriculum* ea, nunc *Pulmonem* est ingressa; illi *Αγορεξίαν*, *Δυσπεψίαν*, Nauseam inducens, huic, *Tussim*. Erat *Tussis* admodum molesta; Pituitæ tantum movens, quantum Ægrotum ætate proVectum debilitaret, alimento privaret, macilentum redderet: qua vero ratione gliscebatur in Visceribus *Arthritis*, in extremis partibus ea remisit, & quidem è vestigio; sic, ut de *Materia*, ad *τὸ ἐνδον ἀ τοῖς ἔξω*, translatione, & de his affectibus, ab eadem causa communi oriundis, nihil omnino dubitandum. E *Cortice*, *Marte*, & *Sulfure* præparatis, varia præcipiebantur, una cum incrassantibus, & Sanguinem roborantibus: eo videlicet, ut in Artus expelleretur *Arthritis*, itaque defenderetur *Pulmo*. Natura autem viribus deficiente, (*πρῶτον μὲν πάντων δεῖ φύσιν*) frustra erant omnia. Medicamenta, utut probabilia, sexagenario, annis & tristitia fracto, parum profuere. Sputatione nimia, Virium imbecillitate, Animi mœrore, propter res domesticas depressum, & Medicamenta vix sentientem, Mors abstulit, *ultima Morborum Medicina*.

HISTORIA IV.

Anacatharsis Arthritica Salutaris.

INeunte seculo supra millesimum septingentesimo, ad Presbyterum *Exoniensem* arcessor, qui, eo tempore quadragenarius, constitutione tenerrima, & jam annos septem *Arthriticus* fuit. Paroxysmo dudum gravissimo affectus est, Manus, Pedes, Genu alterum obfidente, eoque adhuc consistente, mox apparuit *Catarrhus*, Nares, Os, Pulmonem, more pene *ferino*, obtuens. Hinc *Pectoris* farctura, Spiritus difficultas, *Tussis*, Sputum primo tenue, postea crassum & copiosum, & imo Pectore, magnoque cum molimine eductum. Quemadmodum illud *σπύρρον* (*Sputum* volo) increvit, ad eundem plane modum & rationem, signa pure *Arthritica* (id est, *Dolor* & *Tumor Articularis*) sunt minuta. Ut *Arthriticum* Miasma aliqua ex parte per *Anacatharsin* expelli, compertum habetur.

Ad *Tussim* mitigandam, & *Sputum* simul movendum, *Syrupum Balsamicum* & de *Meconio*, sæpius in die lambendos; & *Pil.* hora somni, sed modica quantitate, *Styracinas* dedi: Quod Humorum nimiam inhiberet *Colliquationem*, & ab ea Sanguinem tueretur, *Decoctum Corticis*, iisdem *Syrupis* dulcatum, imperavi: quæ cum fructu, & emolumento non mediocri adhibebantur.

Biennio post, ab una eademque causa evidenti, nempe Frigore, & *Articulis*, & *Tussi* laboravit Æger; eoque procul dubio magis, quoniam, cum

cum Autumnus esset, ille Sanguini depurgando non parum faveret; Is erat Dolor *Arthriticus*, quo nunquam huic *Arthritico* major, nunquam acerbior; ea vero *Tussis*, quæ, Sputatione multa, & Pituita larga vi emissa, Dolorem penitus abscinderet; ejusque causam, per *Anacatharsin*, amoliretur. Cujus rei veritas vel hinc eliciatur, quod Doloris interruptio *Sputum* derepente sequeretur, & pari passu comitaretur. Hujus *Sputi* movendi citandique gratia, *Opobalsamum*, ex *Syrupo Balsamico* sæpius in die, non sine fructu, datum est. Omnia denique sic comparata sunt, ut *Arthritidi*, per *Pulmones* fugam molienti, via patefieret. Ex sententia res successit.

HISTORIA V.

Peripneumonia Arthritica.

M Atrona lectissima, sanctissima, majores habens inter Aborigines *Damnonios*, stirpe tam nobili dignissima; *Pectore* à natura brevi donata, nonnullis ejus affectibus, ea de causa proclivis esse visa est. Quæ, ab ipso vitæ initio, *Pulmonem* illius ingredi, *Tussimque* facere sueta fuit Pituita, crassior jam, & ætate progredientem *Ægram*, magis aggravavit. Hinc *Tussis* illi, per ætatem omnem mediam, permolesta; hinc *Dyspnœa* fere perpetua.

Vitæ annum circiter quinquagesimum, cessante *Tussi*, locum ejus supplevit Dolor *Artuum* erraticus. Tumuerunt *Digit*i; doluerunt *Articuli*, præsertim *Genua*, & *Carpi*; qui interdum Tumore, sed in omni Paroxysmo

Dolore sunt affecti. Ruboris, Splendoris interea nihil unquam est visum.

Cùm Materia crebro *Subjectum* mutaverit, nunc quæ extra, nunc quæ intus sunt, obsidens; frequenti observatione palam factum est, ea foras erumpente, & in *Artubus* subsistente, *Pulmones* esse tutos, *Respirationem* integram: contra, intus agente Materia, immunes esse *Artus*. *Tussienti* nihil magis profuit, quam *Trochisci nigri Londinenses*, & istiusmodi Pharmaca Pituitam educunt. Potioni fuit Pomaceum, Cerevisia longe commodius. Nihil algore pejus, hoc enim Spiritus brevi impeditus, *Ægra* pene strangulata.

Quum iter hinc in locum, Carbonibus & Fumo celebrem, facere decreverat; Plethoricæ, *Tussienti*, *Asthmaticæque* suasi, ut, priusquam inciperet, Sanguinem detrahendo, Ventrem inanendo, *Sputum* movendo, Materiam in *Artus* vitiosam expellendo, itineri (quando Hyems erat) inauspicato, Civitati *Tussientibus* infestæ, se quodammodo paratam redderet. Prætermiſſis autem hisce, *Tussis* itinere adaucta est. Fumo Spiritus impeditus, ut, accedente ad hæc Febre, (Medico longe nobilissimo frustra vocato) vita paucis post diebus cederet.

Per *Tussim* veterem & humidam, id, quod alienum erat, Naturam exterminasse; sicque *Articulis* pepercisse, non improbable est: per abruptum *Articularem* Morbum, ejusque Materiam *Pulmonibus* impactam, fieri *Peripneumoniam*, interfici ægotantem, manifestum est.

HIST. VI.

*Catarrhus, Asthma, Tussis Arthritica,
per Humorū in Artus Ἀντίσπασιν,
& deinde Evacuationem,
mitigata, sublata.*

A Bhinc annos tres vel quatuor, forte mihi obvenit hujusce Tituli Historia, nisi fallor, observatu, memoratuque digna. Erat in suburbiis *Toronesii*, de meliore nota, Vir, olim Athleticus, valentissimus, Corpore quadrato, constitutione firma, senectutem eo tempore ingressurus; qui septem ante annis algere, & levi quavis *εὐρυπύρεσσιν* tussire solitus, hunc in modum sæpe graviter afflictus est. Frigore quod *Tussim* & Algorem creberrime præcurrit, interdum etiam effectum est; ut per Artus Dolor incertus, & erraticus pervaderet; ut internodia, sive Articulorum intervalla, magnopere pungeret; ac si esset Rheumaticus; ut aliquando *Articulos*, (præsertim *Humerum*, & *Coxendicem*) morderet: Cum Dolo-
re Tumor Rubor etiam interdum *articularis* erat, ut de mali natura nulla restaret dubitatio.

Olim hic illi valitudinis status erat: nuper autem, interciso, nescio qua de causa, in extremis Partibus Dolo-
re, tanto in *Pulmonem* impetu & copia, Morbi infusa est Materia; quanto raro advertatur. Serivi immensa Pectus ag-
gravatum est: Tussit Æger indefinenter, & quidem enixe. Non nisi difficillime spiravit, neque nisi erecta Cer-
vice. Sæpe Tussienti deliquit animus, neque Spiritus, (cogitandi munus ex-

ercentes,) agitati jam & profligati, pristinum ordinem cito recuperarunt. Sputum modò tenue, & falsum; modò Sanguine, ex Tussis importunitate, interspersum. Facies pallidior, Corpus attenuatum.

A quo tam mire affectum est *Pectus*, id est, per menses duos, vel tres novissimos, nullus in extremis Partibus (qui tamen alias creber esse consueverat) *Dolor*; nullæ querelæ. Quibus omnibus recte ponderatis; uti etiam quod à Patre, post homines natos maxime *Arthritico*, gigneretur æger; ea fui sententia, non alium esse Morbum, quàm *Arthritida* vetustam, membra olim *ἀρθῶς*, nunc *Pulmonem ἀνωμαλῶς* excruciantem; neque facilius expeditiusve posse illam removeri, quam ejus Materiam, *Pulmonem* occupantem, in membra, sedem illi propriam, quaqua possit arte, expellendo reducendoque.

Ita mecum arbitratus, post *Venæsectionem*, utrique malleolo *Phænigmm* (ex *Fermenti veteris part. iv. Seminum Sinapios, Fimi Columbini, Ras. Radiculæ, Cacum. Rutæ* aā p. j. *Aceti Vini albi* q. s.) calidissimum applicui, frigidum usque renovavi, donec Tumor utriusque Pedis est exortus. Tumori hic illic facto, vel quam proxime eum, admovi *Epispasticum*. Hæc, ut *Arthritis* evocaretur; ut autem expelleretur; eodem tempore *Ποδαγραγωγὰ* præscripsi.

R. *Pul. Gascon.* ʒβ. *Ther. Androm.* ʒj. *Bals. Per.* gtt. v. *Conf. Alk.* q. s. *Bolus, vespere sumendus cum Julapii Haustu. Interdium vero, loco Theriac. Chal. N.* ʒβ. cum prædictis, forma pilulari, ex *Syr. Balsam. cochleari. Propotu ordinario Decoctum Pectorale, ex Rad. Helenii Cond.* ʒβ. *Eryng. C.* ʒj.

℥i. Raf. C. C. Eb. aā ℥jjj. Bals. Tolut.
 ℥jj. Sem. Coriand. ℥jj. Aq. Hordeat.
 ℥jjj. ad ℥. incoctis. Ad Tussim miti-
 gendam Eclegma datum est, (ex Syr.
 Balsam. de Mecon. aā ℥j. Tinct. Au-
 rant. ℥jj) sæpius usurpandum. De Tussi
 caveret, monui; ut ab ejus acrimonia
 ne Pulmo læderetur; ideoque Bechicis
 sæpe uteretur.

Hiscæ positis, & jure meo præce-
 ptis, medendi viæ Ægrotum com-
 misi; ea spe plenus, si Pulmones ad-
 huc integri & sani essent; sique ad
 τὸ ἐξωδιν Humor transferretur, ser-
 vari posse restituique Ægrótantem, si
 aliter res fuerit, occubiturum.

Dolori, Siti, & Languori, à Phæ-
 nigmorum usu ortis, propriis remediis;
 Paregorico leni, Decocto sitim extin-
 guenti, & Julapio Cardiaco medetur.

Phænigmorum ope Tumor factus
 est utriusque Pedis, ad usque Suras,
 egregius, immensus. Vesicantibus Seri
 non parum elicitum est. Quod vero
 maxime auspicatum, & omnis erat
 optatissimi; qua Serum elicitum est, ea
 penitus proportionè mitigata Tussis;
 ea restitutum est Pectus. Qua de cau-
 sa Vesicantium Ulceribus, citò nimium
 exsiccatis, (ut, quod inesset Tumori-
 bus Seri, penitus educeretur) in utra-
 que Sura Setaceum meo consilio fac-
 tum est. Hinc jugè Seri flumen: quic-
 quid ab Epispasticis defectum, hinc
 suppletum est.

His auxiliis, extra, intus, simul se-
 melque adhibitis, factum est; ut à Tussi,
 ab Asthmate, à Pectori gravitate,
 ceteroque ejus malo omni liberaretur
 Æger: eorum autem loco subortus est
 Humeri Dolor plane Arthriticus;isque,
 si consideremus Serum nuper evacua-
 tum, satis acutus.

At quia longa Morbi obsidione Pul-
 mones enervatos, & debilitatos esse
 jam liqueret; propterea (tutelæ gra-
 tia) quando Setacea Serum emittere
 jam finierant; utroque Spinæ latere,
 inter Omoplatas, aperiri Fonticulum,
 magno certe Ægri cum emolumento,
 jussi, & Hydragogum aliquoties adhi-
 beri.

Hac ille medicina, Morbo certe
 ancipiti, & periculoso liberatus, hà-
 bitum & colorem brevi tempore bo-
 num obtinuit, omnino convaluit; ne-
 que sublesta fide testabatur, Rheuma-
 tismum illum veterem, quo per annos
 aliquam multos se gravari Æger opi-
 natus erat, Arthritidem revera esse
 erraticam; nec non illum Pectoris affe-
 ctum, istius esse Arthritidos Ἀνωμαλίαν.
 Sic opinari suadet Historia Morbi sit
 Curatio.

C A P. XII.

De Phthisi Arthritica.

ART. I. **A**ffectuum in Pulmone
 Arthriticorū proximus,
 longeque periculosissimus est φθίσις:
 quæ, ut permulta habet cum absoluta
 Phthisi communia; ita quidem pro-
 pria, (sive causam ejus continentem,
 sive medendi methodum intueamur)
 tam multa, momentique tam magni
 habet; ut eam præterire nefas æstime-
 tur. Hujus autem Morbi hæc con-
 ditio esse solet.

II. Arthriticus, ex Materia vitiosa,
 vel per causam aliquam externam in
 Pulmonem percussa; vel per ejus im-
 becillitatem allecta, acceptaque; pri-
 mum, Pectoris gravitate, Dyspnœa, &

raucedine corripitur : deinde, Sputum excreatur ; quod, initio tenue, paulatim crassescit. Progressu temporis, Caro flaccescit ; simili fere proportionem, qua crassum id ejicitur ; & paulatim absumitur ; Vires enervantur. Interea vero dum ista fiunt, nullus in extremis Partibus Tumor, Dolor nullus articularis ; aut, si ullus acciderit, parvus, & brevis spatii, apparet. Crescit autem Faciei pallor, & Corporis universi Macies ; & comitem, (propter vasa, frequenti, & violenta *Tussi* exagitata, & disrupta,) interdum nanciscuntur *Hæmoptoen*. Demum, Calor *Hecticus* exoritur ; cum Pulsu celeri, Cute arida, præsertim vesperi ; quibus mane succedunt Sudores Symptomatici. Atque ita *Æger*, Tusse pertinaci, Sputum multa, Sudore colliquante, *Diarrhæa* impatibili, nec quavis arte diu sistenda, vel (si non sit *Diarrhæa*) Tumore Pedum aggravatus ; &, tanquam exquisita *Phthisi*, certe ei simillima, oppressus, cum Morte, ærumnarum requie, Vitam miseram commutat.

III. Etsi vero ultimum hujus *Phthi-seos* stadium, ab Exquisitæ ultimo, (tanta earum inter se convenientia est) vix potest internosci, aut signis Diacriticis distingui : duo sunt, in ejus stadiis prioribus, (Incremento nempe, & Statu) quæ *Phthisi* exquisitæ raro convenient, aut de ea dici mereantur.

Unum est, quod, aliter quam *Phthi-sis* exquisita ; quæ Adolescentum, aut Juvenum Morbus esse, neque alia, quam firmissima ætate, facile reperitur, hæc nostra *Phthi-sis*, è contrario, Adolescentes raro aggreditur ; sæpius autem constantes, & interdum (quod de *Exquisita* nondum videre licuit)

Viros natu grandiores : Mulieres autem maturius ; propter Naturæ privilegia, (Partus sc. & Catamenia, quæ tum *Arthritida*, tum *Phthi-sin* arcent) maturius cessare solita.

Alterum, quod *Calor Hecticus* (qui in *Phthi-seos* exquisitæ statu, & initio, gravis esse solet, reliquaque interdum Symptomata præcurrit omnia) serius in *Phthi-si Arthritica* ; nec quidem usitate ante Sputum largiter excreatum, Corpusque eo debilitatum, oriatur. Cujus quidem *φαινομένης* ratio, partim ex jam dictis (hunc affectum non nisi annosiores, id est, Sanguine frigidiori præditos, invadere) eliciendum ; partim ex eo, quod *Arthriticorum*, siquidem juniores fuerint, Sanguis, propter frequentes *Arthritidis* Paroxysmos, neque temere incendatur, nec quidem incensus adeo exæstuet ; Et quidem *Phthi-sis Arthritica* lenta esse solet, neque multa *Febre Hectica*, nisi ultimo vertente stadio, comitata.

IV. Prædicto fere modo res agitur, quoties in *Pulmonem*, à natura debilem, Miasma *Arthriticum*, gravi aliqua urgente causa externa, impellatur ; alia-ve quavis ei infigatur ; neque Medicina satis efficaci, vel satis opportuna, removeatur.

Interdum autem ad *Pectus*, non adeo recta itur ; verum, à *ὧς ἔξωθεν*, ad *τὰ ἐνδον*, & retro, variæ sunt itiones, & reditiones ; eæque, non nisi annorum aliquot spatio, peractæ : donec denique, post *Tusses* varias, graves, & importunas, succedit *Phthi-sis*, absolutæ similis, *Arthritica*. At, ubi *Pulmonis ἐνὶ ὧν* est, & Medicina temporis fuit adhibita ; Materiæ vitiosæ partim in Artus exturbatur ; scretu partim ejicitur ; *Pulmones*, crebris insultibus debilitati, sanantur ;

Æger

Æger & colorem, & robur pristinum acquirit. Quibus autem modis hæc præstari possint, statim exponetur.

V. Ex supradictis (ut opinor) liquet, nullo modo hujus Morbi indolem, & ingenium, posse magis patetieri, quam per ejus γενεαλογίαν. Quæ enim dixi, illi propria, quando neque semper, neque soli competant; atque adeo fidei non spectatissimæ perpetuæque, verum è diverso dubiæ, sint habenda; ut de Morbi hujus ingenio constet: Quæ illi cum *Arthritide* necessitudo; quæ conjunctio, quam illa prope *Paroxysmum* excipiat; utrum e vestigio, an è longinquo: utrum, & qua de causa, intercisum; an vero deficientem suppleat, & ejus vicem gerat, pro ejus declinatione, increscens: Ne plura, utrum ejus ratio, *Arthritidi* rectæ sit, & quatenus sit, inversa, sedulo quærendum est.

VI. Curatio postulat ut levetur; ut hoste infestissimo, quàm citissime, liberetur *Pulmo*: id autem modis, alio alioque tempore diversis, & quam in *Arthritica Tussi* aliis, elaborandum est.

In principio Morbi, ubi *Tussis* urget, & tantum in propinquo *phthisis* est; multum à *Phlebotome* & *Catharsi* rite factis, expectare licet. Hisce potest fieri, ut e Corpore exturbetur, vel minimum ut è *Pulmone* eruatur id, quod alienum. At quia non semper hoc effectum est, nec evacuationibus illis commode confiditur; ita illæ fiant, oportet, ut *Paroxysmi* regularis excitandi habeatur ratio; id est, intra modum: ne Natura nimium debilitetur, & expellendæ *Arthritidi* impar reddatur.

Post Sanguinis detractionem, & Alvi ductionem; alteram nempe, vel u-

tramque; vel, ubi inutiles censebuntur, iis omissis, ad alia confugiendum, *Bechicis*, & *ποδαγραγωγοῖς* utendum: His, ad Materiæ in Artus expulsionem; illis, ad expuitionem. Hos in fines *Linctus* (ex *Ol. Amygd. dul. rec.* vel *Ol. è Seminibus Lini*, & *Syrupo Balsamico*, vel *de Prassio*, vel *de Rapo*, aliove quovis *Sputum movente*) componendus; & hora quaque altera, tertiave, ad cochleare unum adhibendus. Atque ubi nulla Febris indicia repugnant; *Pilulæ ex Pul. Gascon. Chal. N. Succo Glycyrr. Bals. Peruan. sexta, vel octava quaque hora*, adjectæ, isto ex vehiculo sumantur, & in Potionem ordinariam *Apozema* detur *Pectorale*: Vel, in forma liquida, cochleari *Ecligmatis* instillari possunt, octava quaque hora, *Bals. Peruan. vel Tinct. Sulf. gtt. x.* & intervallo omni medio, *Chal. N. gr. vi. vel viii.*

Eo vero usque calidis hisce Remediis utor, quoad siverit à Febre periculum, & *Arthritidis* expulsio postulaverit. Et quidem eo lubentius hac via progredior, quoniam à calidis hisce, præsertim in senioribus, & *Arthritide* crebrò recurrende depressis, non magnum unquam oriri periculum observavi; & si quod unquam extiterit, desubito tolli posse, non vana spes est: at commodum è diverso uberrimum est: adversis hisce longe uberius. Et, ne Medicina hæc nostra, tanquam nimis calida, & *Phthisicis* inepta, male accipiat, sancte profiteor, me ea prospere, magnæque Ægri cum utilitate, plus semel fuisse usum: cujus ego rei statim Exemplum proferam.

Si verò Febris, ceu per se, ceu Pharmacis excitata; quam ad rem præsentem opus fuerit, major exardeat,

deat, *Pulmonique* φλόσων intendat : ei, per detracta isthæe calida ; per *Enemata* ; per Sanguinis missionem ; per *Corticem Peruanum*, tempori adhibitum, &, quamdiu incurSAT Febricula, repetendum : perque alia, quæ *Peripneumoniam* tenuare solent, est cavendum. Neque enim *Arthritidem* ex *Pulmone*, nisi tuto, licet amoliri ; neque Vitæ, nisi per ei conducibilia, prospicere. Febre vero tenuata, Medicina jam dicta (quoad commodè fieri potest) similis, in usum denuo vocanda.

Quando Remediis istiusmodi internis, (*Arthritidem* expellentibus, una cum *Bechicis*) dies aliquot teruntur ; nimirum duo, vel tres ; citiusve si, in Articulo & τῶν ἀντὶων aliquo Dolor fuerit excitatus ; Articulo jam affecto, vel qui sæpius efficitur, extra id, quod materiam educat, applicari par est ; eo, quo, in Capite præcedenti, aliasque passim, modo declaratum est. His autem eo magis insisto ; quoniam ab antiquo commendari video, veterumque usu confirmari. „ In *Tabe*, ubi „ vehementior noxa est, ac neque Febricula, neque *Tussis* quiescit, tenuari „ que corpus apparet, validioribus opus „ esse auxiliis, inquit * *Celsus* : & exulcerandum ferro candenti, sic ne scire „ nescere sinas *Ulceras*, nisi *Tussis* finita „ fuerit. Quod quidem auxilium, etiamsi acre & severum ; tamen, ut in *Phthisi* absoluta commodum ; ita in hac nostra, propter Venenum intus contentum, eliciendumque, commodissimum.

Unum hic monendum, ægrotantibus hisce ponderis & momenti non

exigui : *Opiata*, licet vulgo *Phthiscis* utilissima, in hoc casu suspecta esse, neque copiosa temere præscribenda : Ne videlicet *Miasma Arthriticum*, jam in *Pulmonem* inditum, eo loci infigant. Dentur itaque sic, ut *Tussim* supra modum importunam inhibeant, & quietem ab ea tutam concilient. Quod autem de *Opiatis* dictum, id etiam de iis, quæ *Pituitam* faciant crassiores ; quæ *Pulmonem* obstruant, eique impedimento sint ; ex parte aliqua dicendum.

Quoties hac, vel huiusmodi via, in extremas Corporis partes amovetur *Arthritis*, mirum quantum inde levetur *Pulmo* : Nihil, ut opinor, Ægrotantibus his commodius : quo enim magis *Articulum* illa mordet, eo minus *Pulmonem*. Vidi equidem *Tussim* hac arte primum fieri tolerabilem ; Sputum minui ; utrumque post auferri : vidi restitutam *Oculorum* aciem, εὐσαρκίαν, εὐχρῶσαν, & à *Phthisi* incolumitatem. Quæ quidem omnia, quo certiora fiant, opus erit, *Arthritidem* tam expellentia, quàm evocantia (id est, tam interna, quàm externa) continuare ; donec omne id, quod naturæ alienum est, e *pulmone* fuerit dimotum.

VII. Quoniam vero *pulmonem*, *Pituita* diu gravatum, enervari debilitarique necessum erit ; ad ejus robur instaurandum, cum primis facient *Aquæ ferratæ* per *Urinam* exeuntes, & *Aer*. Finito igitur *Arthritidos* Paroxysmo regulari, aliasve Æger restitutus, Prophylaxeos ergo ; bibat per mensem integrum istiusmodi *Aquas* : Sin earum *Copia* non detur, vel ex ægroti re civili non sit, eas bibere, bibat omni mane *Fol. Teæ Infusi* quasi semilibram,

libram, per menses aliquot. *Cerevisia Herbis pectoralibus, Hederæ nempe terrestres, Linguae Cervinae, Capilli Veneris, Abietis, Cupressi cacuminibus; Bardanae, Dauci Sylvest. Seminibus; Juniperi Baccis; Millicped. siccatis medicata esto, & potioni detur ordinaria.*

Aeris gratia, commodissime *Toposamum* ex *Isca* itur: quoniam ille, maritimus, *pulmoni* benignissimus sit; & Nautæ raro *Tussi* vexentur; rarissime *Phthisi* moriantur. Si ægri imbecillitas, aut loci ratio aëre maritimo uti non patitur, Equo vectari, & quidem sæpius, juvabit. Aerem vero profuturum arbitror, tam quia Spiritus animales recreat; quàm quia *pulmonem* subintrando, eum roborat confirmatque. Profunt etiam *Friktiones*; modo vehementer, bis terve in die, perfricentur externæ Partes. Profunt *Fonticuli* in Dorso magni, aperti, juges. Placet *Sorbitio* ex *Chocholata*, adjecto, si lubet, *Ovi Vitello*. Cavendi vero, & quidem maximopere, *Catharri*; ne *Miasma*, denuo germinans, & in Sanguine renovatum, ii ad *Pulmonem* abripiant: quod quidem hisce laborantibus, si Frigoris sint impatientes, (ut sunt plerique omnes) non inusitatum; præsertim eo temporis spatio, quo repetere solet *Paroxysmus*.

Hac de causa, præter jam dicta, quæ *Pulmonem* tueantur; *Pectoralia*; quæque in primo *Phthiseos* stadio, cum fructu adhibeantur; istiusmodi reliqua frequenti sint in usu, quæ contra hostem non jam victum, quam repulsum, & viribus redintegratis insultus iteraturum, eos defendant. Quare, per anni dimidium hyemale, *Decoctum L. Sassaffræ, cum ejusdem Cortice, Rad. Chinae, & sarsæ, bis in die sumatur.*

VIII. Hæc de *Phthisi*, à *Miasmate Arthritico*, per Sanguinem, cum *Pulmone* communicato. Siquis autem *Phthisin Arthriticam*, à Fermento e Nervis suppeditato ortam, ejusque indolem; & tractandæ modum intueri velit; Clarissimi adeat *Mortoni*, Collegæ, dum viveret, amicissimi *Phthisiologiam*; Lib. III. Cap. XI.

Ut autem pateat, Antiquitati non latere, materiam *Arthriticam* in *Pulmonem* aliquando invehi, & morbum ei incutere quàm gravissimum, Fluxionis *Arthriticae* mentionem fecit * *Galenus*, primum per universum Corpus oberrantis; tum à *Pulmonibus* ad se attractæ, donec Æger fuerit suffocatus; idque se in multis exploratum habuisse.

HISTORIA I.

Phthisis Arthritica lethalis.

I Neunte anno superioris seculi novissimo, Fœmina *Clistensis*, è multis una, fere quinquagenaria, me vocari voluit. *Tussis* illi fuit, eo tempore gravissima; cum Sputo, interdum Sanguine.

* Τα μὲν γὰρ ἄλλα τὰ φαρμάκων, ὅσα ἐν ἀπαλλαγῇ τῆ νοσήματι οἱ ποδαγριόντες πίνουσι, τὴν μὲν ὅπῃ τοὺς πόδας τῆ ρεύματι φορὰν κωλύει γίνεσθαι, ἐν ἱκαναλίσκεοντα δὲ τὴ τρίτῃ τῶν ὑγρασίαν, ἄλλε πρὸς μείζονος νοσήματι γινέσθαι ἐρῶς. Πλανωμένε γὰρ ἐν τῷ σώματι τῆ ρεύματος ὁ πνεύμων αἰεὶ κινέμεν διὰ τὴ ἀναπνοῆς ἀνάγκην, καὶ διὰ τὸ μανὸν τῶ σώματι δέξασθαι τὸ ρεῦμα ῥαδίως διωάμεν. τὰ πάντων αὐτὸς ἐφ' ἑαυτὸν ἔλκων ἔτω πῦρες τὴ αἰθρῶν, ὅπερ ἰσχυρῶς ὅτι πολλῶν ἐγὼ τῇ πείρᾳ ματέμαθον. De Theriaca, Lib. I. Cap. xv.

Sanguineo; semper autem, quoties ab imo Pectore duceretur, crasso, & purulento. Respiratio porro difficilis, Vox tremula, & (ab imbecillitate) cum clangore quodam: Pedum item Tumor, Pulsus debilis, & Hecticus, Tabes universalis, Virium prostratio fuit; ut in ultimo *Phthiseos* stadio *Ægra*; *Febris* autem mitior, quam in *Phthisi primigenia* affectis eo morbi tempore solet, esse videretur.

Difficillimi, & jam obfirmati hujus Morbi originem, & causam antecedentem, inquirenti perscrutantique mihi, ipsa narravit; Matrem sibi fuisse diu multumque *Podagra* cruciatam, eaque demum extinctam: sibi autem ipsi, ante annum, & quod excurrit, tumere Tarsum, & Pedis convexum; atque adeo rubere, nitere, dolere: sed, quum mature nimis Tumor aut evanesceret, aut repelleretur, quod *Tussis*, (qua, per multos ante annos, fuisset identidem afflicta) desubito ingravescens, *Phthisi* Viam aperuerit: ut à Materia *Arthritica*, Pedem languide nimis afficiente, in *Pulmonem* irruente, longaue eum obsidione subvertente, *Phthisin* hanc oriri; & (auxiliis medicis sive neglectis, sive inscite usurpatis) inveterare, res esset fide omnino digna, paucis post diebus, è vivis excessit *Ægra*, *Phthisi*, sed *Arthritica*, quæ vero à primigenia *Phthisi* non facile distingui poterat, oppressa.

HISTORIA II.

Phthisis Arthritica Medicamentis calidioribus sæpe levata.

Mercator Exoniensis, gracilis, *Arthriticus* natura factus, ætate cō-

stanti leves habuit Paroxysmos; extrema vero, & decrepita, jam diu nullos. Bellum pax secuta est, omnium opinionione alma, tranquilla, salutaris. Sed (ut eventus comprobavit) dubia, sed fide Punica. Aliquanto post (Septembri, MDCCIII.) suborta est Sputatio, cum aliquo Spiritus impedimento; cum *Pectore* gravato; sed, ex crassa mane Pituita, affatim citata, exantlataque, ad tempus aliquod immuni languit Appetitus; flaccuerunt Artus; obtusa fuit Oculorum Acies, & decolor Vultus. *Tussis*, sed *Arthritica* est; & *Phthisis*, ultima Senectute, tempore prorsus inusitato, incipiens.

Ut contra hostem, atrocem & truculentum, ore larvato redeuntem, me paratum habeam, præmissis, ad Intestina leniter inanienda, *Eccoproto*, *Infusi amari alterantis coch. v. Tinct. M. gtt. xv. bis in die. Tinct. vero Sulf. gtt. xij. ex Syr. de Succo Erysim. coch. j. hora somni, cum Julapii Pectoralis haustu, demittenda meo jure præcipio: Spiritus item Vol. Oleosi guttas subinde aliquot, cum veteris Malacani haustu. Eò nempe hæc omnia, *Phthificis* raro præscripta; ut Medicamentis hisce calidioribus, in Artus, siqua fieri possit, Hostis expellatur. A præscriptorum usu melius certe se habuit; tumuere Pedes; levatus est *Pulmo*, *Tussis* elisa.*

Mense proximo Decembri, nescio qua de causa, detumuere Pedes; *Catarrhus* ortus est propemodum ferinus, cum Sputo tenui copioso. Ut humorum partim eliminaret, *Decoctum Senne* (duplicatæ) *Gereonis*; partim, ad *ἔξωδον*, ut amandaret, *Bolum* è *Pul. Rad. Ari C. 3j. &c. cum Infusi amari haustu*, horis duabus medicinalibus sumendum dedi. Medicamenta ex voto pro-

profuerunt: Pedibus iterum paulo post, ab eorum usu, doluit Æger.

At vere sequenti, (qua anni tempestate insultus iterare solita est,) quum jam plane siluit *Arthritis*; in illius locum tanquam subleeta, *Tussis* recruduit, importuna, pertinax; cum Sputo tenui, Raucedine, Tracheæ titillatione fere perpetua, spirandique difficultate. Ad quæ *Pomacei*, ægro gratissimi, usum pene quotidianum non-nihil conferre, verisimile est. *Tussis* ista negligenter habita (toto enim sequianni spatio, nihil unquam medicamentorum, uti decuit, assumptum est) *Tussis*, inquam, inveteravit; Caro absumpta est, Pulsus plane Hecticus. Mense Julio MDCCI. iterum arcessitus, ea, quæ sequuntur, adhibui: Bis scilicet in die, *Decocti Corticis Chalybeati* ℥ijj. cum *Syr. Balsamici* ℥j. *Aq. Cin. fort.* ℥j. *Hora vero somni Tinct. Sulf. gtt. x. è seq. Ecligmatis coch. j. cum Jul. Pectoralis haustu.*

℥. *Syr. de Mecon. Balsam. Aq. Hyssopi aā p. æq. misce: de quo insuper Ecligmate, nocturno tempore, sæpius ad deliniendam Tussim pitisset. Cerevisia Cacuminibus Hed. terrest. Rad. Chinæ, Sarsæ, Eryng. medicata erat. Inter Omoplatas, utroque Spinæ latere Fonticulus, sex pisorum capax, aperiebatur.*

Medicamentis hisce dies xx. usurpatis, micuit Oculorum acies, Vultus ἐπυχρόνως, remisit *Tussis*, largiter ex intervallis faciens Pituitam. Hinc Pectus liberum; hinc εὐπνοία. Pro Hectico, Calor mitis, blandus, benignus, plane naturalis; cum Diaphoresi, tam utili, quam jucunda. Verbo dicam, omni ex parte sanior evasit Æger, & à *Phthisi* visus est incolumis. At eheu!

Senibus incerta res Salutis: Autumno proxime sequenti, sine causa evidenti ulla, in *Diarrhæam* incidit, gravem, & impatibilem; Excrementis liquidis, & biliosis signatam: quæ, Alvum indurantibus suppressa, brevi recurrit; & una cum Tumore Pedum Hydropico, Naturæ subversionem ostendens, Ægrum, ætate grandem & imbecillum, media Hyeme occidit.

HIST. III.

Phthisis Arthritica incipiens, curata.

Memorabilis certe Historia Domini C. ex Insula *Iskana*, Adolescentis septem supra viginti annorum, Patre *Arthritico* procreati, gracilis, teneri, Frigus sine injuria non facile tolerantis, & diu *Phthisici*. Ante triennium *Arthritide* correptus ille, anno novissimo (tanta morbi fuit pertinacia, Pedum, Manuum alium aliumque digitum invadentis, & vicissim occupantis) vix binos menses egit immunes. Paroxysmi non ex illo fuerunt genere, quod Inflammatione, ceteroque istiusmodi satellitio more suo stiparentur; quin potius lenes, mites, quique in longum idcirco tempus extraherentur. Quoties animus (is autem creber fuit) Pedibus imminentem antevertere Paroxysmum, Tibialia ne vel lectum ingressurus exuere consuevit; tam noctu, quam interdiu gerens; neque sine successu: hoc enim artificio, *Arthritidem*, Paroxysmum molientem, identidem protelavit.

Hujus seculi initio, mitius se habuit *Arthritis*, & diutius solito conticuit:

Pulmonem interea obsedit Pituita; quæ spirandi intulit difficultatem, Anhelationem in nodicam, Pectoris gravitatem, *Tussim*, Sputum, tam mane crassum, quam etiam copiosum. His accessit Faciei pallor, universi Corporis imbecillitas, Languor, & in propinquo *Tabes*.

A Materia *Arthritica* Pectus aggravante, malorum hanc catervam induci, luce clarius fuit meridiana; neque enim tunc primum istius in *Pulmonem* Metastasin, etsi nūquam antea tam magnam, & tam molestant, est perpeffus. Tutos autem *Artus*, & dolore liberatos, quoties *Pulmo* premeretur; & è contrario, *Pulmonem* liberum, quoties aggravarentur *Artus*, semper observavit. Calor autem vespertinus, & Sudor ei usitate superveniens; qui, prædictis hisce accidentibus, in *Phthisi* affectis, præcipue hac anni tempestate, solent se adungere; certe in hoc nostro Ægro tante nondum emicuere.

Quibus omnibus serio pensitatis, in eo operam & studium impendi; ut primo Pituitam, *Pulmoni* impactam, *Ανακαταπον* amolirer: Secundo, *Arthritidem* deviam, & *Anomalam*, ad *ἑξω* ut reducerem, itaque tuerer *Pulmonem*. Ut Indicationibus hisce satisfacerem, Haustum ex *Aq. Hyssopi*, *Cardui ben.* aā ʒj. Tinct. *Croci* ʒj. *Alcohol. M.* ʒʒ. *Syr. Bals.* ʒʒ. omni mane sumendum: *Pilulas*, è *G. Ammoniaci* ʒʒ. *Mirrha pul.* *Alcohol. M.* aā gr. v. *Picis liq. q. s.* hora quarta pom. Alias vero è *Bals. Lucat.* ʒʒ. *Pul. Dialthææ q. s.* hora somni, ex *Syr. Bals. coch. j.* demittendas, cum *Julapii Pectoralis* haustu, præscripsi. In potionem ordinariam, *Apozema* è *Rad. Chinæ*, *Sarsæ*, *L. Sassaphræ* aā ʒj. *Cort. ejusdem* ʒʒ. *Uvarum passarū* exacinat.

ʒj. in *Aq. font.* ʒʒʒʒ. ad dimidium coctis; colatura *Saccharo crystallino* dulcata. Ægrum porro sæpius apricari, *ἐν τῷ ἥλιῳ* vefci, parce cœnare jussi, & *Hydromel* interdum bibere.

Vix per unam, & alteram Hebdomada, præscriptis usus fuerat; quum, exantlato fere omni Phlegmate, Spiritus liberior evasit; *Tussis* minus importuna, imo rarissima. Vires, & cum iis Vultus *ὑγροῖα* rediit. Quicquid fuerat Symptomatis, breve intra tempus obtusum, & mitigatum est; paulo post subactum. Quinimo Corporis æstus universalis, sed blandus, salutaris, benignus, quique Naturæ vigorem, potius quam *Febrim* indicaret, est subortus. Posthac intra triduum in Pedum altero successit Dolor, Tumor, Rubor, *Arthritidos* Regularis signa. Hinc Pectus sanum, à *Phthisi* graviter urgente liberum; & si *Διάθεσις* excipias à natura *Phthysicam*, bono cum Deo, usquequaque integrum. Imo quidem postea, per annos sex septem, bona usus fuit valetudine; nisi quod *Arthritide* laboraverit, recte interdum recurrente & quidem (uti licet opinari) propter eam ita recurrentem, bona.

C A P. XIII.

De Angina Arthritica.

ART. I. **P**ost Febriculam, ad expellendum Miasma *Arthriticum*, à Natura in Sanguine concitatam; quoties ea per *Fauces* illud expellere conetur, & eo loci, una cum vehiculo, id deponēs, Inflammationem afferat, spirandi deglutiendique vias obstruen-

obstruentem; *Angina* fit *Arthritica*: Morbus certe ἡθὺς habens peculiare, & à Medicis parum adhuc considerata; ab *Angina* pura, & exquisita (ne dicam alios affectus, ei consimiles, & congeneres) sive *Therapiam* intueamur, sive *Ætiologiam*, accurate distinguendus.

II. Ut autem initio, de Morbi hujus ὑπάρχῃ, verba faciam; dari hujusmodi *Anginam* omnino liquet, Primum, quod ex eodem *Æstu* Febrili, simul cum Articulorum Dolore, tanquam illi gemina, ὁμοζώνουσαι ea sæpe deprehendatur: & quidem (ut frequenter accidit) interposito quodam intervallo post *Arthritidos* regularem Paroxysmum; quo utique intervallo novam in Sanguine Materiam cumulari certissimum est; uti, cumulatam expulsionem jam esse idoneam, est probabile.

Deinde, quod hæc *Angina*, per se exorta, modo perfecta sit, in Abscessum desinens, & copiose Pus ejiciens, Paroxysmi *Arthritici* vicem explere; quod, ejus causam vacuare, quod, ab ejus in cursu *Podagrum*, ad tempus aliquod, immunem & saluum præstare; quod vegetum eum, & lætum reddere, (qua sunt *Arthriticæ* Deceffionis indicia) crebro advertatur.

Postremo, quod *Angina* hæc, per materiæ Νοσήσις in Artus Translationem, alias fortuitam, alias Arte procuratam, intercisa, sæpe in *Arthritidem* mutetur Regularem; sæpe etiā suapte sponte transeat: eadem plane ratione, qua *Vertigo*, qua *Asthma*, qua *Colica*, vel aliud quodvis Νοσήμα Ποδογρεκόν, & eodem *Ægri* cum emolumento. Ut de morbi hujus, perinde ac illorum ὑπάρχῃ, nullus superesse possit dubitandi locus.

III. Eos creberrime invadit hæc *Angina*, quibus, ad eam à Natura factis, Collum breve, crassum, humidum, Tono Fibrarum laxo & imbecilli præditum; itaque Humoribus tum accipiendis, tum retinendis aptum: Viros præ Fæminis (sic enim ipsa *Arthritis*) sæpius, sed & utrosque aggreditur; ex illis præcipue eos, qui media sunt ætate; ex hisce vero eas, quæ Catameniis dudum orbatae; ex utrisque maxime Biliosos, Sanguine præfervido, vel tenui donatos: nec quenquam, uti mihi videtur, unquam; nisi Materia prius *Arthritica* (causa videlicet Procatartica) copiosa, & evecta in Sanguine turgentem, jam jamque Articulis doliturum. Interea vero temporis, à causis *Anginæ* exquisitæ prævalidis, & urgentibus, in partes suas, levem & quiescentem illam aliquando trahi, non est diffitendum; ita vero quæ se habet *Angina*, cum parum *Arthritica* sit, & propriam Medendi Legem minime requirat, non est hujusce Tituli.

Causa hujus *Anginæ*, (externa & evidens) frequentissima, est *Potatio*; maxime Pomacei, aut Vini alicujus tenuis, liberior; maxime vero omnium, si accedat Algor.

IV. Ut ad *Diagnosin* qualemcunque descendam, præcurrit Febris: eaque sæpe, quam in alia quavis *Arthritide* præmitti solet, vehementior: quæ, tametsi prorsus *Symptomatica*, Februm nonnunquam æquare videatur *Essentialem*, ardentem: & est, pro *Ægroti* temperamento, ætate, & pro causæ evidētis magnitudine, plus minus ardens. Paulo post exoritur *Faucium Dolor*, & *Tumor φλεγμονώδης*, unde deglutiendi spirandique viæ semper arctatae: interdum autem adeo, ut tridui, vel quatri-

dui spatio, nihil unquam Victus possit demitti, neque Spiritus nisi difficillime trahatur. Salivæ interdum affatim emanat; Alvus adstricta est. Sanguis à *Venasectione* Gelatinam (uti in *Pleuritide*, & *Peripneumonia*) præ se fert, in excipulis supernatantem, puram, tenacem, sebaceam, & quidem, quàm in *Arthritide* solet Exquisita, magis. Utrum vero *Arthritica* sit *Angina*, necne; id, ex *Arthritide*, vel *Angina* prægressa; vel ex ea simul semelque cum *Angina* locum habente; vel, eam è vestigio insequenti; id est, ex horum affectuum ratione inter se, omnino intelligendum est.

V. De *Angina* pura & genuina, passim apud Auctores observatum est; *Viscidum* illud, quæ est illius causa conjuncta, modo in Latus, modo in Pulmonem transvehi; iisque in locis *Pleuritidem*, vel *Peripneumoniam* facere; Morbos scilicet non tam *Materiae*, quàm locorum affectorum diversitate distinguendos. Eadem de *Arthritica* narretur Fabula: Pari enim ritu *Anginae Arthriticae* Materiam, sive causa Continens, sæpe in Pedem, nonnunquam in manum, interdum in Genu (ut taceam alias Corporis Partes quamplurimas) transfunditur; & in illis *Podagram*, vel *Chyragram*, vel *Gonagram* affert; affectus, uti nonnullis visum fuit, longe diversos; at revera ejusdem indolis, & Naturæ, Locorumque ratione maxime discrepantes.

VI. Curatio vult, ut *Fauces* quamprimùm liberentur, & quidem Methodo ei, quæ vulgaris est *Anginae*, longissime diversa. Nam, cum Indicatio illa generalis, duobus perficitur; quorum alterum Humores evocat e Cor-

pore; alterum è Parte affecta tantummodo revellit, & in Artubus deponit; cumque prius illud, (quod *Venasectione*, *Purgatione*, *Gargarizatione*, *Vesicatione*, & ejusmodi aliis affectum est) utrique *Anginae*, puræ videlicet cum *Arthritica* commune est; Posterius vero (quod *Arthritidem* in viam reducuntibus, & Paroxysmum ejus regularem facientibus absolvitur) uni *Anginae* convenit *Arthritica*: Nos ea duo conjungentes, medendi legem, quam iterum & sæpius, nec infeliciter fuimus secuti, & aperiemus, & quasi digito monstrabimus.

Quoties igitur ad *Anginosum* aliquem arcessor, explorata prius Tumoris magnitudine, reliquisque ejus, quæ maximi sunt momenti, Symptomatibus; in illius causas inquirō; & si *Æger* fuerit ex *Arthriticorum* numero, quamdiu ab *Arthritide* vacavit, interrogo. Eam autem si invenio frequenter olim Paroxysmos, statisque temporibus regulares; eosque magnos, & vehementes habuisse; nuper autem præter morem interrupisse; ex eo suspicor, *Arthriticam* in Sanguine Materiam, per hanc vacationem cumulatam adauctamque, in eo turbellas facere; jam nunc exulare; & in Fauces, ob earum imbecillitatem & *ἀγρίαν*, immissam, Inflammationem in iis excitare. Maior autem erit hujusce rei suspicio, si Nausea, & Fastidium; si Gravitas, & Torpor; si Dolores vagi (uti solent ante Paroxysmum regularem) ad tempus aliquod præcesserant.

VII. Hac igitur opinione ductus, primùm Sanguinem (nisi nuper ille detractus fuit) detraho, & quidem copiosum. *Enema* paulo post immitti jubeo.

jubeo. Postridie *Venæsectionem*, Purgatio, per *Rhei* puta, *Sennæ*, & *Agarici Infusum*, cum *Syr. Ros. Solut. q. s.* le-
ne videlicet aliquod, instituenda; quan-
do Sanguinem exagitantia, propter
ejus Orgasnum, (qui in hoc affectu
jam satis rapidus esse solet) ne obfue-
rint, periculum est. De alvo sollici-
tanda, si Cathartico fuit inanita, per
dies quatuor vel quinque, postea nihil
laboro; ne alienum ad *Ἐντερά*, con-
tra Naturæ propositum, alliciatur. Cer-
vici *Epispasticum* post Purgationem
applicandum, idque prælargum; quod
nempe Colli dimidium obtegat: huic
autem, horis post viginti quatuor, suc-
cedat *Emplast. Meliloti, Cantharidum*
Pulvere aspersum, sæpe renovandum,
ut flumen jure & diuturnum sit. Ab ini-
tio morbi usus fere perpetui est *Garga-*
risma incidens, aperiens.

℞. *Aq. Hordeatæ* ℥vj. *Diamor.* ℥ijj.
Sp. Sulf. per Camp. quantum Lingua fer-
re potuerit, fiat Gargarisma. Vel *Melli*
Rosaceo addatur Sp. Salis, sive Nitri,
ad acorem summum & tolerabilem: In-
datur Ori paululum, & cum Saliva post
aliquod tempus ejiciatur. Nihil vero
Pulvere sequenti præstantius effica-
ciusve novi:

℞. *Cryst. Min. Sacch. Chrystall. aā*
p. æq. Misce. Teneatur Ore ℥j. *donec*
Saliva abundaverit: tunc exspuatur, &
horæ post quadrantem vel dimidium,
(modo sinat Vigilia) repetatur. Mirum,
quantum hinc Salivæ.

Profunt Herbarum *Artemisæ, Sal-*
viæ, Majoranæ, Rorismarini, Sambuci,
Chamamel. Calaminthæ, Matricariæ
(quæ acri, & volatili Spiritu refertæ, dif-
cutiant) decoctarum Halitus, obvelato
Capite, & hiantæ Ore, in Arteriam im-
missi. Die perendino, vel etiam ci-

tius, si necesse fuerit, de iteranda
Phlebotome deliberandum. Iterari il-
lam, & quidem interdum plus altera
vice, postulabit deglutiendi spirandique,
si fuerit, difficultas urgens, importu-
na, periculosa; sique Venam iterum
secari oportuerit, *Jugularis* esto. In
summo *Gutturis* Dolore admoveatur
extra *Cataplasma*, ex *Rad. Althææ, Fol.*
Malvæ, Ficubus incisis, Aqua Hordeata
coctis; addita hujusce Magmatis ℥ijj. *Ce-*
par. coct. ℥jss. *Sem. Lini* ℥ss. *Micæ Panis*
℥j. *Ol. Lil. alb. q. s.* Gargarizetur autem
Os *Aqua Hordeata & Lacte Vaccino*,
paribus mensuris, ad ipsas Fauces, ca-
pite resupino, intrōmissis. De gra-
vissimo Symptomate, (*Spiritu* nempe
intercluso) ut verbum addam, quoties
ita ingravescat, ut Ægro pene suffo-
cato statim moriendum, nisi aliquis
Apollo intervenerit; in hoc casu *Laryn-*
gotome, tutissimum præsentissimumque
remedium, omnino facienda. Tuto
certe illam, comodeque posse fieri,
Arteria penitus divisæ (cujus Histo-
riam, admodum luculentam, videre li-
cet, *Actorum Philosoph. N°. 258.*) Cu-
ratio probat.

VIII. Dum hæc aguntur, & qui-
dem eo modo omnia, ut ne Materia
in Partes internas transferatur; (cu-
jusmodi *Μετέστας* in *Angina Arthriti-*
cæ, quam in vera & exquisita, tum fre-
quentior, tum incommodior) alia fa-
ciunt ad *Faucium* allevationem *Arthri-*
tida Regularem inducendo, quapropter
Acida, sicut *Pomaceum, Vinum Al-*
bum, aut *Rhenanum*, vel alia quævis
Potio, dolorem arcessens *Articularem*,
post Purgationem, & quidem interdum
libere potanda. Articulo *Arthritidis*
usitatissimo, vel *Empl. ex Oxycroc. Ce-*
phalico & Pice Burg. aā p. æq. Vel, si

efficacioribus utendum, *Phoenigmus* acris & stimulan's admoveatur, & pro-ut usus erit, iteretur. Huc confert, quæ olim Veteribus familiaris, in Aqua, quanta tolerari potest calidissima, *Pedum lotio*. Tumor excitatus, *Panno Wallico*, aliove quovis raro & molli, vel *Linteo duplicato* vestiatur. Ut ille Tumor *Artuum* in conspectum venit; plerumque subsidit *Faucium* iste, recurrit Dolor, aliaque jam denuo re-ctæ *Arthritidos* indicia: Atque tum in tuto omnia, ἐξω γὰρ γένοιται το νόσημα: quod *Hippocratis*, in simili casu, argumentum est.

Si rumpatur Vomica, *Gargarisma* componendum emolliens, & suppu-rans, (è *Decocto* puta *Hordei*, *Glycyrrhizæ*, *Ficubus*, cum *Syr. Cap. Ven.*) & demum modice astringens. *Jusculis Avenaceis*, *Hordeaceis*, & ejusmodi tenuibus vescatur Ager; & ut Humorum effervescencia minuatur, utque Collum versus abscindatur *Πωπῆ*, Lecto, tempore diurno, quantum potest, abstineat; Sella erectus sedeat; Pedes deorsum versus inclinet; & in Lecto aliàs Caput elevatum, habeat. Finita re Pa-roxysmi, leniente quodam Alvus subducenda.

Exempla jam in apertum proferam, quæ lucem, uti spero, non mediocrem prædictis foenerabunt.

HISTORIA I.

Arthritis, Fauces, & Artus simul
semelque occupans.

Homo *Ischanus*, è regione Portæ Australis, decimo ætatis lustro,

ex frigore, quod ante præcesserat, *Angina* laboravit. Febris, Pulsu celeri, æstu carnis immodico signata fuit: *Fauces*, cum rubore, tumuerunt: Voce nihil distincte significavit: Spiritum difficillime traxit: Cibi transitus præcludebatur. Non dubito fore plerisque, qui ex his indiciis *Anginam* istam simplicem, & veram esse judicaverint; quam vero recte, confestim apparebit. De Dolo're interrogavi, Satin Salve? Numne alias Corporis partes itidem occuparet? Quem cum Genu, etiam & Malleoli sinistri, eo ipso tempore, tametsi mitem & tolerabilem esse; cum eum *Articulos* invadere, & more prorsus *Arthritico* reverti, solitum acceperam; *Anginam* hanc non tam veram & exquisitam, quam in *Arthriticarum* numero & classe ponendam æstimavi; id-eoque non iis opus esse auxiliis, (Sanguinis scilicet missione copiosa, *Clysteribus* crebris, *Emulsis*, & istiusmodi *Refrigerantibus*) quæ quidem omnia, in affectu absoluto commoda, in hoc nostro partim frustra, partim incommoda essent: Sed ab hac Methodo deflectendum & id, quod strangulat, aut evocandum, aut in artus transferendum esse.

Quem in finem, Colli dimidio posteriori *Vesicatorium* superpono; *Crystalli Mineralis* ὄβ. & *Sacchari* tantumdem (Remedium ad Salivam hac in re movendam efficacissimum) ut Ore teneatur, ut retentum solvatur, ut solutum expuatur, omni horæ quadrante adhibeo: Hinc fluidum Salivis, Os, Ptyalismus hinc immanis.

Ut alteram Curationis partem ag-grediar, & Materiæ reliquum in *Articulos* transferam, ita præcipio.

℞. Pulv. è Chel. C. C. ʒβ. Conf. Anthus ʒj. Serp. Virgin. pul. gr. v. Conf. Alk.

q.f.f. Bolus, hora quaque octava sumendus, cum *Julapii* haustu *Perlati*. Potui vero dabatur *Decoctum Sarsæ, Chinæ, Ras. C. C. Eb. Sem. Coriandr. Genu & Malleolo* dolentibus, ut illuc Materia invitaretur, *Empl. ex Oxycroc. & Picis Burgund. aā p. æq.* admovi.

Horum usu, temporis spatio perbrevis, biduo nempe, tantus Artuum, & tam acris erat Dolor, ut neque *Bolo* diutius, neque *Emplastro* opus esset, hoc amplius pari etiam modo & proportionem, *Fauces* deturgere; Spiritus, Cibique transitum aperiri, *Anginam* curari, certissimum erat. *Ægroto* gratulabar, quod redierat jam in viam, itaque vale dixi.

Paroxysmo illo, quo quidem nihil unquam utilius, nihil opportunius evenit, jam finito; quum illius eo tempore recidivi, nullum omnino periculum extaret; ut *Alvus* subduceretur *Catharticum*, at (ne materia de novo irritaretur) blandum, & leniens propinavi; cum *Paregorico*, hora somni post purgationem, assumendo.

Menses inde post aliquot, ad *Prophylaxin* obeundam incumbens, *Aquas* omni mane *Diureticas*, quarta pomeridiana *Pil. ex Salis Martis gr. v. Pulv. Chamæpit. gr. xv. cum Syr. Abs. f. q. f.* demittere, initio vero, & deinceps septimo quoque die, per *Salem Polychrestum*, & *Manna aquis purgantibus solutū*. Ventrem movere, in præscriptis habuit.

Historia profert *Arthritidem*, primum; Febriculam ex Algore generantem, tum *Fauces* graviter prementem, nec quidem Artubus interea parcentem; Deinde, *Faucibus* (Medicinæ beneficio) expulsum, & in Articulos Membrorum missam: Quæ quidē omnia, quum ejusdem morbi irritatio & progressus sint, de *Arthritide Anginam* mentien-

te, sententiam nostram magnopere corroborant.

HIST. II.

Anginæ Arthriticæ ad Abscessum tendentis, in Arthritida Regularem Metamorphosis.

HUc etiam facit agricolæ cujusdā suburbani Exemplum, qui, annorū plus minus viginti, *Arthritide* subinde revertenti diu afflictatus, initio veris, (nescio qua de causa) *Faucium* Inflammatione gravi corripiebatur, cū æstu corporis universali, & pulsu magno. Dies ille cōplures nihil devoravit; voce nihil clare significavit; Spiritum ægre traxit. Sanguis, ingruente Morbo, missus est; cui Gelatina, post aliquod tempus, supernatavit densa, crassa. Saliva jugiter effluxit.

Ut *Fauces* quam citissime relevarem, (hoc enim medendi postulavit Indicatio) Sanguinem, quoniam abundavit, iterum mitteret; & ad sputum augendum, *salis prunellæ saccharique crystallini* partes æquales ore sæpius teneret, solutas postmodum expueret, *Ægroto* imperavi. *Mistura* porro data est, ex *Syrup. Balsam. & Aq. Cin. bord.* ad delinendam humorum acrimoniā, & *Tussim* mitigandā. *Clysmā* emolliens quotidie injectum. Loco cerevisiæ, *Decoctum Hordei, Rad. Eryng. C. Glycyrrhiz. Caccum. Adiant. cum Syr. Viol.* Brevi post tempore, peropportune recidit, quod Genu alterum diu multumque doleret, tumeret: unde *Fauces* levabantur, facta in hunc Articulum Materiæ reliquæ Translatione: qua quidem re, ut nihil utilius, nihil esse potuit *Ægroto* desiderabilius; quando per eam Gutturi maxime caveretur, Vitæ & Saluti consuleretur.

Historia confirmat *Anginae Arthriticae* Doctrinam; simulque monstrat, iis, quæ affluxum ad *Fauces* cohibeant, quæ gravatas eas exonerent, (*Revellentibus*, scil. *Derivantibus*, & *Resolventibus*) *Abscessum* aliquando præverti, in *Faucibus*, *Arthriticum*.

C A P. III.

Materia Arthritica partim Abscessu Anginoso, partim per Articulares Glandulas expressa.

Vir amplissimus, nec uno nomine colendus, humida Constitutione, Collo crassiori præditus; Catarrho Oris fere indefinente, per primam omnem Pueritiam delibutus; circa Juventutis initia, tum *Arthritide*, tum etiam *Angina*, Morbo, uti videtur, hæreditario, verum non eodem tempore, solebat affici. Ætate progrediente, quum, ex levi in Poculis errato, post Artuum Dolorem vagum, urgeret *Angina*, Spiritus Animales impendio deprimeret, suffocationem minaretur; neque vulgarem Medicinam, etsi multiplicem, sentiret; ad eam allevandam arcessitus, de *Arthritide* quæro; Num quando illa nuper idoneum ex more Paroxysmum egisset? Quænam apud Ægrotum illius ciendi ratio probabilior? Cumque ad hoc operis, prævalere ceteris quibuscunque *Pomaceum* inaudiverim; illius subacidi, sed generosi lib. j. alteramque propinavi; eo nempe animo, ut *Arthritida*, quam diutius silentem ἀνωμαλώς *Fauces* invadere subsensi, in Artus propellerem. Eventus suspicionem comprobavit; paucis enim post horis, emicuit altero pede *Arthritis*. Eaneo vestiri, blande tractari, molliter haberi,

secundum illius Genium, admonui. Sub hoc tempus, aperto *Faucium Abscessu*, Pus emissum est: *Gargarisma* suppurans, & modice detergens, sæpius adhibitum.

R. *Decocti Hordei*, cum *Ficibus incisis*, & *Vini Rubri Gallici* añ ℥℥. *Diamori* ℥jj. f. *Gargarisma*.

Doluit interea, cum Ardore tumuit ex animi sententia *Articulus*: Post exitum *Paroxysmi*, *Aq. Purgantes*, quibus abluerentur reliquæ *Morbi*, diu potavit Æger.

Anginam hanc *Arthriticam* esse constat, Primum, ex diutino *Arthritidos* silentio; Tum, ex *Dolore* prævio, antequam *Materia* figeretur, erratico: Tertium, ex subita & facili *Regularis Arthritidos* Emerfione: Quibus simul consideratis arguitur, præter istam *Anginae* causam evidentem (in Potulentis scil. Erratum) fuisse etiam ἀπονεύμενον, *Arthriticum* intus in Sanguine *Miasma* evectum, ebulliens, ambitiosum; quod, junctis causæ externæ Copiis, Naturam eo usque laceffiverit, donec illa *Vires* recolligens, Hostem in exilium, *Materiam* alienam in *Fauces*, (ab Origine debiliores) & demum, Arte adjuncta, in Artus amandaverit.

Docet Historia, in *Arthritide Anomala*, *Anginam* æmulante, Spiritumque elidente, posse utiliter, Artis ope ιατρικῆς, *Arthritida* suscitati *Regularem*.

His subjiciam, Ægrotum hunc nostrum, posthac *Articulis* sæpissime laborare, *Angina* vero non item: imo ratione prorsus *inversa*; sic, ut quo minus hac, eo magis illa: Quæ quidem istorum affectuum, adeo inter se dissimiles mutationes pondus aliquod habent; & demum *Arthritida* se in viam dare, & magis rectam esse ostendunt.

HIST.

HISTORIA IV.

*Arthritis primum Fauces, deinde
Articulos invadens.*

Mulier lectissima, dignitate Domus, suaque celebris; nunquam *ταπεινὴ χρεῖα*, quāquam Marito satis probabili diu nupta; cum annos quatuor supra quadraginta compleverat, & deficere Catamenia jam menses aliquam multos perſenſerat, obefior, & craſſior evaſit. Eo Corporis ſtatu ac conditione fuit, quum, Vere anni MDCCV. ineunte, Febricula & Tumore Faucium repentino corripereſſetur: quibus ut occurreret, ſuaſione amicorum, primum, Sanguinē detraxit; dehinc Cervici *Epispaſticum* admovit: Quorum beneficio quicquid humidi in *Faucibus* depositum fuerat, vel evocatum & elicitum, vel Sanguini redditum & repenſum eſt.

Post *Tumoris* abolitionem, perpaucae agebantur horae, cum Genu alterum, tum Malleolus, tum Digiti in Pede maximi Globus, & vicinus ei Articulus ordine dolere; tam recte, tamque ex more *Arthritidis* exquisitae, ut, utrum ipsa eſſet, an ſecus, nullus extaret dubitandi locus.

Horum autem malorum ordo, quem expoſuimus, *Anginae* hujus naturam non parum explicat: Nam, ut *Anginae* veſtigio ſecuta eſt *Arthritis* omnibus numeris abſoluta; ſic, *Arthriticam* eſſe hanc *Anginam*, liquido & manifeſte probat. Et quidem, utrumque hunc affectum eidem Febriculae ſubnaſci, ab ea ſuſtentari; & in *Fauces*, & in Artus, alienam è Sanguine Materiam, per eandem Febriculam expelli, minime ambigendum.

Ex hac Hiſtoria, & hujus numeri aliis, veriſimile videtur; non tam extremæ, & decrepitæ ætatis; quam mediæ & conſtantis Affectum, eſſe hanc *Anginam*: Certe ea laborantes, qui ad hunc uſque diem mihi innotuere, Adoleſcentes, aut Juvenes, excepto tantum uno, fuere omnes.

HISTORIA V.

Anginae Arthriticae auspiciato supervenit Arthritis Regularis.

Vir Nobilis, *HEN. COURTENAY*, Regia ſtirpe oriundus, & Majoribus ſuis digniſſimus, ætate mediæ, plus ſemel *Arthritide* doluerat; quum, ex intervallo aliquo ab ejus Paroxyſmo, (nulla, quod ſciam, urgente Cauſa evidenti) *Faucium* Dolore, Tumore *Φλεγμονώδης*, ſpirandi glutindi-que vias intercludente, tentabatur. Guſtus ſumme depravatus, Saliva viſcida, Sitis permoleſta, Aſtus univerſalis, vigilantia gravis, Febris acuta erat. Ad Therapiam Vena illico pertuſa eſt, & poſtridie per *Pulv. Warwicensem*, Alvus ſubducta: *Veficatorio*, Cervice tota poſteriori Serum elicitur: Omni horæ dimidio Salivam movens, adhibetur id, quod ſequitur.

℞. *Crystall. Min.* ʒijj. *Salis Vol. Succini* ʒj. *Sacchari Crystall.* ʒʒ. *Misce, & divide in partes æquales, N^o. xxiv. teneatur Ore particula, quoad diſſolvatur; deinde cum Saliva expuatur.*

Potui datum eſt *Decoctum* ſequens, calidiſſime pytiſſandum;

℞. *Rad. Gram. Can. Eryng. Cond. aā* ʒj. *Hordei mundat.* ʒʒ. *Coccinell.* ʒj. *Coq. in Aq. Font.* ℥ijj. *ad jʒ. Colaturæ adde*

adde Syr. e Corall. Simp. ℥iiij. Tinct. Aurant. ℥j. f. Decoctum. Bolus ex Salis Saturni gr. iij. Nitri purificati gr. v. Conf. Lujul. ℥j. Syr. Melissoph. q. s. ter in die sumendus, cum Jul. Haustu, & ad alvum molliendam, omni vesperi Enema præscriptum est.

Quibus sedulo observatis, Salivam mirum quantam, ac si *Mercurio* concitata, ejecerit. *Faucibus* allevatis, spiravit, glutiit facilius. Restitit Febris, quam in declinante *Angina* solet esse, pertinacior; & huic rei aliquid amplius subesse, neque omnia conspici, comprobavit. Accessit *Podagra*, rem totam aperiens; *Anginam* esse puram putam *Arthriticam*, Curationem postulare propriam ostendens. Bolo igitur, & *Decocto* refrigerantibus, ne fraudi sint ægroto, omissis, ad ea, quæ *Podagram* absque nimio Febris incremento promovere possint, deflecto.

℞. Salis Martis gr. iij. Pul. e Chel. C. C. D. Conf. Fruct. Cynosbat. ℥ij. Syr. Garyoph. q. s. f. Bolus, bis in die sumendus, cum Julapii haustu. Et quoniam, ad invocandum augendumque Morbi hujus Paroxysmum regularem, plurimum valere *Pomaceum*, in Experimentis est, libram illius unam alteramque, Nycthemeri spatio bibat, exhortor. Pedit affecto *Ceratum* viride admoveo. Doluit exinde Pes, & quidem laudabiliter. Expulsa est ad ejus Articulos *Arthritis*, & relictis *Faucibus* jam recte *παραγωγῇ*. Aquas aliquanto post, finita Paroxysmi re, *Diureticas* hortatu nostro hausit, alias aliasque; primum *Bamptonenses*, anno sequenti *Bathonienses*, utrasque commode.

In *Arthritidis* silentio, supra modum longo & ancipiti, *Angina* si acciderit; utrum *Arthritica* sit, quam merito suspectum habeas, ostendit Historia.

HIST. VI.

Angina & Abscessus Arthriticus, cum Arthritide insequenti, recta, & idonea.

ANni sunt complures, cum Adolescentem visitavi, Sanguineum, robustum, & bene coloratum; cui *Faucium* cum Dolore *Inflammatio* fuit, Spiritus & Cibi vias obstruens, (quam Græci *ζωστήχλω* nominant) cum *Æstu* immodico, Pulsu celeri. Numquid *Articulis* unquam doluerat? interrogo: Dolui, inquit, acerbissime, ter quaterve; istud vero quid ad rem. Ego quidem, maxime, reposui, nec in Curatione negligendum. Sanguinem quamprimum misi, sed, pro *Ægri* ætate & temperamento, parce; & quam in *Angina* fieri solet *Exquisita*, parcus: ea vero *Copia*, quæ ad demittendos Cibus, & Spiritum recipiendum satisfaceret. Eo vespere *Enema*. Postridie *Catharticum*.

℞. Rhei incisi ℥j. Fol. Sennæ ℥ij. Pulpa Cassiæ, & Tamarind. aā ℥iiij. Coq. in Aq. font. ℥vj. ad iij. Colaturæ adde Salis Cathart. Elect. e Succo Ros. aā ℥ij. f. Potio, bene mane ebibenda. Sæpius desurrexit, cū levamine. *Gargarismum* resolventem (ex *Ficuum pinguium* N°. iv. Rad. *Althææ* ras. ℥β. in Aq. Hordeat. ℥jβ. adj. incoctis, Mell. Mororum ℥iiij. Sp. Sulf. per Camp. qu. s. ad acorem temperata) præscripsi, eumque sæpius adhibendum. In Potum Ordinarium, *Ptisanam* propinavi; Articulis olim dolentibus, ad *Arthritidem* in eos, si qua fieri posset, invitandam, Empl. ex *Cephalici*, & *Oxycroc.* aā. p. aq. admovi.

admovi. Paucis post diebus, aperto Tumore, Puris emissa est quasi Uncia. Lenito, non composito, Sanguinis Orgasmo, post breve tempus, Articuli dolent, tument, rubent, *Arthritis* recte agit, & *Anginam Arthriticam* fuisse monstrat. Finito Paroxysmo, ad *Prophylaxim*, purgatis prius per *Aquas* & *Salem Catharticum* Interaneis, *Aquas Diureticas* omni mane hausit; hora decima seq. *Trifolii fibrini Infusum*; quarta pom. *Bolum*, cum *Sale Martis*; demisit; *Hydragogo* septima quaque die interposito, Menses binos perstitit; Methodumque in multos annos commodissime repetiit.

Eos, qui dolere solent *Arthritide*, *Angina* cum invadit; sitne illa genuina, an *Arthritica*; recte ambigitur; & *Anginam* contra *Arthriticam*, optimis auspiciis, consilio saluberrimo, *Arthritis* invocatur *Regularis*.

HIST. VII.

De Arthritide multos annos Erratica; tunc Anginam iterum & sæpius simulante; postremo Regulari Fixa.

ADdam denique Historiam, tum *Anginæ* hujus nostræ Naturam, tum *Arthritidis* morem varium, & incertum, cum primis ostendentem.

Pharmacopœi *Exoniensis*, viginti annos *Arthritici*, Uxor fere sexagenaria, *Rheumatismo* per quinque lustra creberrime recurrente, cruciari visa est: Dolore quippe Artuum, Brachii potissimum sinistri internodia laceffente, rodenti, erratico, vexata: *Rheumatismi*

hujus larvati originem *Pomaceo*, quæ illi Potio fuit, acceptam retulit.

Sub finem seculi superioris, circa vernale *Æquinoctium*, *Anginæ* correpta fuit illa Specie, quam *Synanchen* appellant, adeo atroci, ut (ad illam minuendam, humoresque alio detrahendos, etiamsi Collo *Epispasticum* admotum, Alvus Enemate soluta, Vena semel iterumque pertusa fuerat) toto quatruidi spatio, ne hilum quidem victus ore demiserit. Eodem tempore, & pari ferme proportionem, Carpo exorsus est Tumor, cum Dolore, Rubore, Calore, Nitore prorsus *Arthritico*. Dies minimum sexaginta perduravit, in rugas demum contrahente se Cuticula, & squamatim ultimo decidente; sic, ut cujus generis, quaque esset familia, Tumor omnino palam faceret. Et *Anginam*, & *Chiragram*, ab eadem viscida, & acri Gelatina, in Sanguine producta, fieri credibile est; quæ hic illic Capillariis inhærens, Oppilationes, Tumores, Dolorem, ceteraque Morbi utriusque faceret Symptomata.

Adversus *Anginam*, quum Humores derivantibus, & repellentibus, initio morrem gerere recusaret; & Maturationem affectaret Tumor; Gargarismum è *Decocto Ficum, Hordei, cum Melle Mororum* (postea ad detergendum, *Mel* adjectum est *Mercuriale*) in Præscriptis dedi: Externe vero *Theriace Ven. Empl.* Gutturi applicandum. Quicquid intus Purulenti fuit, Tumore post quatruidum, aperto, sensim expressum est.

Contra *Chiragram* imperavi, ut, admoto Parti affectæ *Vesicatorio*, vel (quoniam illud abhorreere visa est *Ægrota*) Panno molli & denso, per Cutim

evocaretur quicquid humidi præter naturam Articulis inesset. Carpi post Paroxysmum mansit Imbecillitas, & ad Motum impotentia, quæ tamen aliquanto post evanuit: Animi vigor & alacritas major; Cibi appetitus, uti ab *Arthritidis* Paroxysmo solet esse, avidior fuit; sic, ut ex trium pene mensium adversa valetudine, melior Ægrota & sanior evaserit.

Ad tollendam utriusque causam, & Sanguinem (cujus in Cyatho Facies sebacea) corrigendum, primum, misso *Pomaceo*, & leni per *Salem Catharticum*, &c. facta *Purgatione*, *Taraxaci Cochleariæque Succos* clarificatos; *Lac Asininum*, & *Stomachica* sumeret, imperavi. Medicina vero omni (quod ejus odium fuit) neglecta, insequenti Autumno, vagos iterum Dolores Ægra persensit; qui tamen postea progressu temporis evanuerunt, in Fixos sensim mutati.

Anginam postea sæpissime recidivam habuit, Vere vel Autumno quotannis in annos complures reducem; &, vel ei à latere conjunctam, vel à tergo famulantem *Arthritida*; nunc Carpum, nunc Digitum, nunc Talum occupantem, & *κτλ λόγον* aggravantem: cum solita in decessionibus Animi lætitia, Spirituum alacritate, Ventriculi latratu. Hoc vero cum discrimine, & quasi Privilegio, quod, ex quo figi occoeperat *Arthritis*, eo lenius & pacatius se vaga gesserit, eoque minus vagata fuerit; & quæ diebus hisce fuit hujusmodi *Angina*, fere blandior observata; *Venæsectioni*, *Vesicatoriis*, *Clysteribus*, *Gargarismis* facilius cedens; & in *Arthritida Regularem* promptius, & quasi ultro abitura.

Evincit Historia, primum, *Arthriti-*

dem multos annos *πλανητικῶς*, & *Rheumatismi* usquequaque similem, & in *Fixam* posse demum migrare: Deinde, in Erraticam retrogradi; iterumque defigi. Tertiū, *Arthritidem* in eodem Corpore, ex eadem Febre exoriri posse duplicem; in Faucibus, *Anomalam*, in Artubus, *Regularem*. Quibus hoc adjiciendum, quod Ægra, genere nata saluberrimo, quum nullum habuerit à Parentibus Miasma, itemque diu Veteri juncta fuerit *Arthritico*; hoc Contagii suspicionem alere censeatur, & *Arthritidis* à marito acceptæ.

Ita quidem *Anginæ Arthriticæ*, (Morbi, nisi fallor, hætenus obscuri) secundum illius Symptomata, Naturam, & Morem, quantum in me est, explicui; Curationem exaravi; & Exemplis utramque illustravi.

C A P. XIV.

De Doloze Capitis, & Vertigine Arthritica.

ART. I. **A**D Caput jam ascendimus, & ab *Arthritide* factas in eo errationes. Illius autem Morborum, uti vulgo describuntur, numerus est adeo multus; *Ætiologia*, tam difficilis; limites, & fines (propter obscuros illius Partium, & † incognitos usus) explicatione sic egentes; ut nemini mirum videatur, Morbos eos communiter receptos, hos à me prolatos non æquiparare. Paucas in apertum proferam *Arthritidos* in Capite.

Ano.

† Vide Clariss. Stenonis, de Cerebri Anatome Dissertationem, impressam Lugd. Bat. Anno 1671.

Anomalias; sed, quas exploratas habeo; quas certas, evidentes, & perspectas; *Cephalalgiam* nempe, *Vertiginem*, *Apoplexiam*, & *Paralysin Arthriticam*. De duabus primis in hoc Capite, propter earum conjunctionem, sicut evenire solet, frequentem; postea de reliquis, verba faciam.

II. Eos sæpe invadit iste *Dolor*, (nam de illo separatim, & primo loco dicam.) qui, cum multos annos *Arthritici* fuerunt, traducto jam vitæ medio, Poculis & Diætæ nimis amplæ, plus æquo indulgent; Exercitationi vero interea, laborique (quæ eorum mala possint corrigere) vix satis; quique ea re *Plethorici* evadunt, & solito crassiores: *Sanguinei* vero præ ceteris quibuscunque, tum graviter hoc affectu, tum crebro affiguntur.

Ex hisce vero illos sæpissime invadit, qui Collo breviori natura fiunt; vel qui, in *Capite*, vasa Sanguinem vehementia, supra modum magna, habent; vel, qui nimis imbecillia, Sanguinique in circuitu propellendo minus valentia: Illos scilicet omnes, quibus ea Corporis Fabrica & compago, quæ Humorum in *Caput* inclinationi, diutinæque in eo moræ, nimio plus faveat, opeinque conferat. At huc conferre non parum videntur, in *Cranio* foramina nimis angusta; quibus (veluti *Ligaturis*) coarctentur *Venæ Jugulares*, & Sanguis (sic, ut in *Venæsectione*) Vasa tumefaciat; itaque Fibras extendendo Nervinas, Spiritusque in is contentos perturbando, creet *Dolorem*.

Atqui illos maximopere hic infestat *Dolor*, quando jam ætate grandes, aucta Humorum vi & plenitudine simul gravati, simul iis tolerandis im-

pares, illi, malo vehementi pariter, atque intempestivo conflictentur.

III. Sic constituto, & ad Morbum hunc excipiendum aptato Corpore, cogitare licet *Ανεπιτέδειον* id, quæ est *Arthritidis* causa proxima & conjuncta; post aliquam à Paroxysmo quietem, iterum repullulans, se iterum movens, & attollens, itaque Orgasum in Sanguine faciens; eo nonnunquam ipso; (pari ferme ritu, ac in Variolarum initio solenne est) *Dolorem* excitare; *Membranas* scilicet nobiles, tam intra, quam extra *Calvariam*; aut *Tunicas Vasorum* membranaceas extendendo, *Spiritusque* animales, earum *Fibras* incolentes, irritando vexandoque. Nonnunquam evenire potest, ut, in his *Membranis*, acutissimo sensu præditi, depositum *Miasma*, virulentum & acre, pungat eas, arrodant, atque earatione faciat *Dolorem*.

Quocunque vero modo fiat *Dolor*, omnino palam est, eum *Miasmatis*, sese in Paroxysmum erigentis, Signum esse non raro primum, & prænuntium; ad dies aliquot durare; & tunc in Paroxysmum desinere regularem. *Arthritide* vero delinquente, & accessiones sive nullas, sive languidas iterante, *Cephalalgia* sæpe oritur gravis & diuturna, *Ægrum* Hebdomadas (nedicam, *Menses*) aliquot excruciat; & demum nisi *Miasma* ad Artus transferatur, vel à Capite aliàs adducatur, *Apoplexiam* introducit.

IV. AT de Natura ejus *Arthritica* ut plane constet, non solum ex *Arthritidis* silentio defectuque oritur, (quod tamen unum magni hac in remomenti est, multumque valet) verum etiam pro *Miasmatis Arthritici* renovatione, incremento, & in Paroxysmum

eruptione, renovatur; Periodos easdem, quas *Arthritis* ipsa, servat; frequentissime in eum regularem, & genuinam migrat; & quidem raro finitur, nisi per regularem Paroxysmum, (quo quidem oriente statim evanescit) vel per *Apoplexiam*: Quibus simul sumptis, Morbum hunc Miasmate *Arthritico* in Caput irrepente nasci, nihil, ut opinor, indicio potest esse luculentiori.

Dolor ille non semper magnus, sæpe tolerabilis, sed dierum sæpe multorum; interdum autem pene ad Delirium usque gravem observavi, patientia majorem omni.

V. Quanquam iste *Dolor* insultum aliquem *Arthriticum*, & quidem usitate regularem, vel *Apoplexiam* antecedit; interdum accidit, ex regulari Paroxysmo, (repellentibus, vel animi Pathemate, aliave aliqua causa interciso, & abrupto,) eum excitari; mediaque Naturæ opera, & molimine, primum apparere. Quod tamen eodem pertinet; quando utroque casu miasma, minime sic, ut debuit, expulsum, Capiti inflictum est, in illud vires exercet, καὶ ὀλύμπια σώματα ναίει.

VI. Nonnunquam ægrum hæc *Cephalalgia* per se laceffit; identidem *Vertigine* comitata: hæc enim illi est tanquam Soror gemina, & Comes fere individua. Adhæc aliquando accedunt Tinnitus Aurium, Spirandi gravitas, Pulsus magnus, Artuum Dolores vagi, Faciei color saturatior, aliaque istiusmodi manifesta Sanguinis ὀρραζομένης indicia: Quæ quidem omnia, ut ab *Arthritide* inertī, neque fatis idonea proficiscuntur; ita quamprimum illa Artus occupaverit, & ad tempus aliquod recte se gesserit; confestim ea, simul cum *Dolore* Capitis, recedunt; neque

aliam videre licet *Arthritida*, quam quæ ex omni parte regularis.

VII. *Vertiginis Arthritica*, sicut omnis, Subiectum est ea *Cerebri medullaris* pars, quæ cogitandi officina est: In qua, dum Spiritus animales ejus inflant Tubulos, & in iis sese movent, uti placuerit *Animæ Rationali*; (cujus sub præsidio, nutu, & imperio, totum isthuc *Cogitationis* opus efficitur;) hi eorum Motus, sive pleno flumine, sive tenui; sive in Tubulis pluribus, sive paucioribus; sive prorsum, sive retrorsum; sive magno cum impetu, sive remisso; sive inflectione, sive evolutione; sive demum alio quocunque modo, & figura ferantur illi; ipsæ videntur Hominis, fani & valentis, esse *Cogitationes* & pro harum varietate talem in numerum variari, ut, quo singula *Cogitatio* formetur exprimaturque, suus singulæ Spirituum rite ordinatorum, & huc illuc rite fluitantium, *Motus* respondeat.

Hoc ut clarius ostendatur, quivis seipsum examinando facile perspiciet, quanta sibi in somno Tranquillitas; quam alta quies; & à sensu Motuque omni voluntario (in Somno, veluti in ipsa Morte) Vacatio. Contra, Somnum excutienti palam est, primum omnium in Cerebri meditullio derrepente quoddam micare; eodemque ipso temporis articulo, *Cogitandi* solitum munus, & pensum instaurari. Prima vero *Cogitatio*, vel pro re nata omnino nova est, & jam tum incipiens; vel (quod ad hujus rei explicationem non parum confert) quæ Somno interrupta fuit, at jam ex intervallo aliquo resumpta est: quarum prior Modulationi, Organis Pneumaticis inchoatæ, quodammodo similis videtur: posterior

posterior intercisa, & medio Systemate fracta; sed aliquanto post elaborata, & ad finem perducta. Atque istam in Cerebro Spirituum ἐκλαψιν illico sequitur (nonnunquam comitatur) Motus, ab ea propagatus, in Corpore Muscularis; &, † Galeno jam olim observante, *Qui expergiscuntur, è vestigio Pulsus magnos, vehementes, celeres, & cum quadam vibratione habent; qui mox mediocritatem assequuntur.*

Quis autem unquam, in Somno Spiritus extingui, & ad nihilum redigi putavit? Annon potius credendum est, durante Somno in medullaris Cerebri Tubulis eos stagnare, & (tanquam aërem, in Tibiis Organi silentis) quiescere; micansque istud, quod expergiscientes primum sentimus, horum esse Spirituum in iis (ad instar Ventis, in Tibiis organi) Motum; & quod erat explicandum, Cogitationes humanas nihil aliud esse, quam Πνευμαίεργίαν, sive Spirituum animalium certis quasdam, in Tubulis prædictis, Fluctuationes; secundum leges, & regulas, ab Anima Rationali positas, & datas.

VIII. Hisce præmissis, altero jam loco dicendum est, in Vertigine Spiritus animales cogitandi munere exequendo impediri; in Rivulis e suis aliquot ordinandis, eorumque Motibus regendis, interturbari; eumque in modum perverti, qui externa quæque Objecta, tanquam in Gyro circumacta,

repræsentet; itaque, ut ex eo fallatur Imaginatio, Judicium autem maneat integrum, & inconcussum. Perinde forsitan, ac in Modulamine faciendo, si una, vel altera Organi Tibia, rauca fuerit, & dissonans; ex illius vitio, (tametsi reliquæ omnes claræ fuerint, & illæsæ,) statim Auribus peritis gravitas quanta maxima fit; Harmonia perimitur.

IX. Scio nonnullos, Arte nostra Principes, hac de re aliter opinari; Spiritusque animales, Acie quasi militari, & veterum itionum reditionumque tractibus relictis, in Gyros agi, tradentes, per Rotationem, & Spirituum Είληγρον, Vertiginis modum & naturam explicare. Quum vero, quo in Campo eorum Acies instruantur; quo, eorum fiat Αταξία nulla unquam detexit Anatome: contra verò, Cerebrum Medullare totum, ex Tubulis, sive Ductibus, in Cerebri Cortice incipientibus, una hoc loco colligatis; & in Nervos infra divisis, & dispersitis constare; sicque Spirituum Gyris, & Vorticibus, (aliter quam in Tubulis, qui quidem iis admittendis minime sufficient) ineptum esse, quando Clarissimi Malpighii Anatome detexit oculatissima: longe satius videtur, per Tubulos, perque Spirituum in iis Motus; quales in rerum natura esse, pro certo habeamus; (etsi, quis Spirituum Motus cui conducatur Cogitationi, prorsus ignoretur;) quam per ea, quæ nusquam inveniantur, aut esse judicentur, Morbi hujus explicationem aggredi.

Quinimo, dici potest, rerum extrasitarum, totiusque Hemisphærii visibilis, per ea, quæ sibi sunt dissimilia, veras intus in Cerebro posse fieri repræsentationes: (nisi velimus, objecti Vi-

ridis.

† Τῶν δ' ἐξ ὕπνου μεταπεπληγμένων, εἰς ἐξηγήσομεν πῶς αἰσθῆμα μεγάλοι, καὶ σφοδροὶ καὶ ταχεῖς, καὶ πυκνοὶ, καὶ τινὰ κλόνον ἔχοντες, μετ' ὀλίγον δ' εἰς συμμετρίαν ἔρχονται. De causis Pulsuum, Libro tertio, Cap. x.

ridis, e. g. concipiendi ergo, *Viride* quoddam in compendio; sicque *Rubri* ergo, *Rubrum*, *Nigri* ergo, *Nigrum*, &c. in *Cerebro*, quo nihil unquam absurdius, statuere:) eoque posito, Rerum exter- narum falsas Imaginationes, quales sunt in *Vertigine*, per iis rebus dissimilia posse fieri dicamus; adeoque, ad ea- rum in gyro & circuitu moventium Imaginationem, etiam falsam Spiritu- um in *Cerebro* motu simili nequaquam opus esse.

X. At qualescunque fuerint eorum motus (neque enim in his *σοχαμοῖς* diutius harere lubet) certe perturbari possunt, vel per alienum & inimicum aliquod, in *Cortice Cerebri* à Sanguine depositum; hæc in penetralia, & sacrosancta Adyta, se insinuans; *Spiritu*um Choro se immiscens; ad eos adhærescens; eosque inter se confun- dens: vel, per Vasa Sanguinem vehen- tia, in propinquo tumefacta, Tubulos- que Spiritus continentes coarctantia. Quæ posterior ratio probabilior est, in *Vertigine* Cranii depressionem excipien- te; ubi angustiiis *Spiritus* urgentur, nec, quo possint Choreas exercere, Thea- tro satis spatioſo gaudent. At in *Ver- tiginē* Variolas antecedente, vel ab Ebrietate, & in hac nostra *Arthritica* locum obtinere potest (uti videtur) utraque.

XI. Cetera *Vertigo* hæc, cum *Dolo- re Capitis Arthritico*, concordat ex a- musti: similia namque cum eo Cor- pora, crassa nempe, plethorica, maxi- meque senilia, invadit: similem habet Originem, ex Miasmate *Arthritico* re- pullulante, cristas erigente, fugam e Sanguine consciscente: similes habet Periodos, & Typos, *Arthriticis* Paro- xysmis respondentes: eosque in non-

nullis ægrotatibus numero permultos: similes habet Comites, sive Signa *Συμ- σπύοντα*, dyspnœan, Capitis gravitatem, Aurium Tinnitum, Spirituum depres- sionem: similem etiam exitum; quum Paroxysmo plerumque regulari termi- netur; interdum *Apoplexiæ* cedat *Ar- thriticæ*.

Aliquando levis hic affectus, & *Ar- thritidis*, Paroxysmum molientis, Si- gnum insuper primum, & prænun- tium. Molestus sæpe sic, ut eo labo- rans, ne in humum cadat, baculo ad- niti; fere continuo cavere, necessum habeat. Quæ levior est, *Arthritide* re- gulari, ferius aut citius erumpente, fe- re concluditur. At quando nulla venit in tempore *Arthritidis*, *Vertigo* interdum adgravescit, & deinde paulo post in *Apoplexiam* migrat. In *Epilepsiam*, ut- pote Morbum confinem & proximum, *Vertiginem* mutari exquisitam, à Me- dicis passim observatum est; at in eam mutari *Vertiginem Arthriticam*, ex nostra, vel aliena observatione, ne se- mel quidem novi; ut Miasma *Arthriti- cum Epilepsiæ* generandæ minime ap- tum existimetur.

XII. Curatio partim fit per ea, quæ utrisque his affectibus sunt communia; partim per iis propria. Inter communia, primum *Phlebotome* consideranda est; quæ, ut Humoribus è *Capite* derivan- dis, tam repentino, quàm magno est auxilio, sæpe commoda reperitur; & ubi *Dolor Capitis*, aut *Vertigo* isthæc urget; maxime vero ubi Oculorum Caligine, Faciei rubore, Artèriarum in Temporibus pulsu, & ejusmodi (quæ Sanguinis ad *Caput* inclinationem in- dicant, & *Apoplexiam* minantur) aliis comitatur, apprime necessaria est: Ea vero ratione copiaque (quod in malis similibus

similibus alias sæpe dixi) mittendus Sanguis ; non qua vulgo in his Affectibus absolutis , & minime *Arthriticis* soleat ; sed qua , *Arthritidi* in Artus abigendæ faveatur ; nec , quam ad *Caput* allevandum opus fuerit , uberiori.

Pertusa Vena , & Orgasmo in Sanguine novo , Miasma expellente , factò , nonnunquam illico dolent Articuli ; sin aliter fuerit , *purgatio* instituenda est. Si qua Ventriculi querela sit , hoc tempore *Vomitio* moveatur , & quidem per *Decoctum Teæ* , vel *Possetum Carduatum* aptissima. Ea vel peracta , vel (tanquam inutili) prætermissa , protinus ducenda Alvus ; dato , in eum finem , è *Pil. Ruffi* , vel *Cochiæ min.* vel è *Duobus* , una cum *Res. Jal.* granis aliquot , Purgante ; quod nimirum Intestina non solum inaniat ; verum etiam Sanguinem exagitet , turbet , & à Miasmate , foras illud expellendo , liberet. Opus istud duplex (Humores alios per Alvum evocandi , alios in Venis agitandi) interdum mitioribus , in constitutione scil. tenera purgatuque facilis perficitur. Interdum *Aquæ* , sive *Alfordenses* , sive *Fontana* , *Sale Cathartico* saturata , rem conficit. Et ubi *Purgatio* , sive propter ejus lenitatem , sive propter humorum colluviem , una vice non sufficiat , atque pro re nata repetenda sit ; ita vero ut *Arthritidi* *τοῖς ἰξωθεὶν* affigendæ accommodetur.

Purgationem , uti par est , factam creberrime sequitur Extremitatum Dolor : At si usque se Miasma in Sanguine contineat , usque delitescat ; turbis in eo intestinis & ciendis , & augendis , quam exilio , pro Naturæ jussu , capessendo pronius ; hoc casu , ea , quæ Ore sumpta fortius *Podagram* expellant ;

quæque extra admota evellant , usurpentur. Quæ vero , Ore data *Podagram* expellant , non nisi caute (præmissa nempe Venæsectione , Alvique ductione , & *Capite* multum iis sublevato) adhibeantur ; ne , quæ Sanguinis , & simul cum eo Miasmatis , in Artus extrudendi causa præbeantur , contra in *Caput* utrumque pellant ; itaque malum intendant , & Mortem arcessant. Et quidem , à *Chalybeatorum* potentissimorum , & *Arthritidem* maxime expellentium usu , manum idcirco melius abstinere possumus ; quia *Cephalica* , mox dicenda , suoque tempore propinanda , istorum Medicamentorum magna ex parte vices supplere judicentur.

Qua de causa , in *Dolore Capitis* , (ut ad propria descendam) *Pul. è Chel. C.* vel è *Corall. r. è Chel. Simpl. Succini albi* ; vel istius Classis alii mitiores ; sive per se , sive cum *Conserva Anthus* , vel *Cons. Flor. Betonica* , & *Syr. Stæchados* , vel *Syr. Pæon. Simp. sub forma Boli* ; aut ex iis *Pulveribus* , una cum *Pul. dictamni Cretici* , *Castorei* , vel *Sem. Pæon. & Extracto Gentianæ* , *Pilulæ* componi possunt. Quin etiam hisce , sive *Bolis* , sive *Pilulis* , tuto interdum , & utiliter adjicere licebit. *Salis Martis* (vel etiam *Alcohol. M.* post *Evacuationes copiosas*) gr. iij. vel iiij ; & Compositionem , sexta , vel octava quaque hora , repetere. Omni autem ejusmodi Dosi superbibere oportebit *Julapii* (ex *Aqua* puta *Cerasorum nigr. Flor. Tulie* , *Pæon. simpl. & Comp. & Spiritu Lavend.*) *Haustum* : Mediis autem intervallis ex usu erit *Tincturæ Succini* , vel [ubi Febris , non immodica , siverit] *Sp. Vol. Oleos.* vel *Sp. C. C. cum Speciebus destillati* , gut-

tas aliquot , ex *Cacuminum Salviae tenuifol.* vel *Rorismar.* vel *Tea* , *infus.* *Haustu demittere.* Hæc enim Remedia , præmissis universalibus adhibita , Spiritus animales blande reficiunt , & *Arthritidi* in Artus expellendæ quodammodo opitulantur. Neque *Coffea Sorbitio* , quando *Cephalalgia* ritu singulari medeatur , præcipue si *Cephalica* ei superinjiciantur , *Ægrotis* hisce dene-ganda.

Simili fere modo in *Vertigine Arthritica* , post Evacuationes jam dictas universales *pul. Sem. Rutæ* , *pæon. maris* , *Castorei* , *Rad. Valerian.* *Sylvest. Cyperi* , *Cort. Winteran.* *Cort. ext. Aurant.* *Species Dianthus* , *Diamosch. dul.* per se possunt adhiberi , vel eorum aliqua cum *Cons. Flor. Pæon.* & *Syr. eorum* , vel *Syr. N. Myrist.* ex *Indiis allato* , *Electuarii forma.* Porro ex *pul. de Gut-teta* , & *Ente Veneris* , cum *Extr. Calami Aromatici* , vel *Assæ fœtidæ solutio-ne* , formentur pilulæ : vel , cum iisdem Pulveribus adjungi potest , in eadem forma *Sal. Martis* , vel *Sal. Succini.* Ex his composita sumantur , hora quaque sexta , vel octava ; Dosi videlicet adeo-tum frequenti , tum etiam magna , quæ Spiritus animales ordinet , recreetque ; non quæ confundat , irriterve. Dosi vero cuilibet æger superbibat *Julapii Cephalici* *Haustum* : Uti mediis etiam intervallis *Infusi* præscripti *Cyathum* , cum *Tinct. Succini* guttis aliquot. Pro-sunt graveolentia Naribus admota , *Sp. Salis Armon. cum Sale Tartari* , *Casto-reum* , *Assa fœtida* , &c. Profunt etiam *Ewðia* : *Balsamum* , quod ab humanis-simo Sene , D^o. D^{re} *Watherouse* , hac in Urbe Medico , dum viveret , præcellen-tissimo , communicatum fuit , ad Tem-pora & Nares inungendas , his aliis-

que *Capiti* *Affectibus* quamplurimis , utile & jucundum erit.

℞. *Ol. Rorismar. Lavend. Majoran. Thymi* , *Origani* , *Hyssopi Chym. aā ʒj.* *Cinam. Aurant. Angelicæ* , *Rutæ aā ʒj.* *Succini ʒss.* *Garioph. ʒss.*

Ol. Nucis Moschat. per express. ʒiiij. *Ambra gris. ʒij.* *Moschi ʒj.* *Bals. Per. ʒv.*

Ambra gris. & *Mosch.* ponantur su-per *Lapidem marmoreum* ; humectentur *Oleis* ; & simul triturentur *Lapide mo-lari* ; donec fiat *Massa* , instar *Pomati* , in-spissata. Huic mixturæ adde *Bals. Per.* Per horæ dimidium triturentur. De-inde adde *Ol. N. M. per Expressionem* , & per horam fiat *Trituratio*. In phiala servetur usui *Balsamum iuodes Cepha-licum.*

Quanquam autem ista *Caput* mul-tum allevent , Spiritusque labantes fuscitent , non iis solis adhibenda fi-des. Nusquam major incolumitas , nulla perfectior *Curatio* , quam per *Arthritidos* in Artus expressionem. Quare , post diem unum , alterum , *Cephalicis* ore sumptis impertitum , in utroque hoc *Affectu* (par enim utriusque ratio) *Externa* , quæ *Arthri-tidem* educant , adhibeantur. *Articulo* nempe sæpissime dolenti appli-cetur *Empl. ex G. Carannæ part. ij.* *Ceræ flavæ p. j.* *Ol. Lumbric. q. s.* vel aliud aliquid *Αρτίσταςικόν*. Hoc autem si nullarum erit virium , & *Capitis* *Affectus* remanebit ; maxime , si in-crescet , tanquam in *Apoplexiam* abi-tura ; ad *Sinapismos* , *Vesicantia* , *Vesti-tum laneum* , & *Laqueos* hac in re ido-neos , (quibus *Arthritis* summopere educatur) quasi ad sacram *Anchoram* , confugiendum est.

Quam parum autem adjuvent in utroque hoc *Affectu* ; imo quam sus-pitio-

pitiosa, ne dicam periculosa, sint *Emulsa*, *Decocta refrigerantia*, *Narctica*, *Oxyrrhodina*, *Epithemata*, *Capitis Aqua frigida Lotio*, & ejusmodi alia; quæ ad compescendum Sanguinis Orgasmmum alias cum fructu usurpentur, facile apparebit; quando illa Materiam alienam, protinus evocandam expellendamque, Medicina prorsus adversante, & repugnante, *Capiti* infigant. Neque satis, ut opinor, tutus Sanguinis per *Hæmorrhoides* Suctus; quando eo, nimia sit Humorū in Anum derivatio; quæ vel *Inflammationi*, vel *Fistulæ* viam aperiat.

Ut autem Materia vitiosa, tutelæ ergo, præscindatur, alioque divertatur; operæ pretium erit, *Epispasticum* Brachio, vel Cervici aliquando impondere: Ineunte Anno, (quod *Apoplexiæ* tempus esse solet) aliasve, si urgebit *Capitis* Affectus, Sanguinem detrahere: *Purgans*, omni mense, repetere: Alvo nunquam diu astricta esse: Artus, at præcipue Pedes calidissime vestire. Quin & his Hominibus incumbit *Errhinis*, & Meditationibus, religiose vero à nimia Potatione, abstinere.

HIST. I.

Ab ignava Arthritide Vertigo, Sanguinis missione & Alvi ductione, victa.

Quidam annos quatuor supra quinquaginta natus, *Vertigine* affectus, dum in his lucubrandis occupor, è vicino Oppidulo me appellit. Fuit ille jamdiu *Arthriticus*, Paroxysmos habens, sive eorum frequentia, seu severitas inspecta sit, idoneos. Autumno anni MDCCV. *Arthritis*, igna-

va jam & focors facta, non eo, quo solebat, ardore & vehementia se gessit; Paroxysmum, uti moris erat, laudabilem non ullum edidit; verum, in mediocri & imbecilli edendo, languide enixa est. Loco Paroxysmi regularis, & acuti, *Vertigo* Ægrum invasit, multumque cruciavit. Quoties enim lecto ille jacuit dextro latere, statim *Vertigine* prorsus intolerabili (quippe qua universa sursum deorsum rapidissime ferri viderentur) tanquam oppressus, & penè moribundus, posituram Corporis illico mutare, necessum habuit. Porro ea fuit Hominis fabricatio, quæ plenum, subpinguem, brevique Collo donatum eum, Morbis Cephalicis pronum, & proclivem abunde redderet.

Sic constituto suasi, ut quàm citissime Venam incideret; *Pilulis Purgantibus* (è Rudii 3ß. Res. Jal. gr. v. Calom. 3ß. Balsam. Per. q.s.) Ventrem inaniret; itemque altera vice, pauculis post diebus; nisi Dolor *Articulorum* novus id vetaret. Eo vero redeunte, parti affectæ *Empl. è Cephalici*, & *Picis Burg.* æquis ponderibus, imponeretur. Detracto Sanguini, & parumper in Cyatho quiescenti, super increvit Gelatina densa, crassa, cum superficie flavescente.

Præceptis Æger obtemperavit; & quidem magno suo, quod deinde accipi, commodo.

HIST. II.

Vertigo Arthritica, Purgatione in Podagram mutata.

A Uri faber *Exoniensis*, Vir priscis moribus,

Integer vitæ, scelerisque purus,
 ætate progressus, & , ex ea nimis defi-
 diose acta, crassior jam & habilior fac-
 tus; de nimia Plenitudine, & ad mo-
 tum impotentia; de *Vertigine* gravi, &
 urgente (quæ in negotiis obeundis ma-
 gno illi jam impedimento fuit) me
 consuluit. Cum *Arthritidem*, hujusce-
 modi deviam, & *Anomalam*, me plus
 semel observasse recoluerim. Num Ar-
 ticularis unquam ægrotaverat? Interpo-
 sui. Olim sapissime, respondit *Æger*:
Hosce vero per Annos minime.

De Morbi indole & natura certum
 me habens, ut eum à *Capite* deduce-
 rem, & in Articulos, sedem & domi-
 cilium suum abire facerem (quæ qui-
 dem Indicatio rectissima esse videbatur.)
Viam, atque in *Vertigine* absoluta, cal-
 cari aliam oportere judicavi.

Quare Sanguinis detractio (quæ
 propositorum alterum tantum promo-
 vere solet, alterum autem interdum in-
 hibere) prætermissa, *Catharsin*, quæ
 utrisque illis satisfaceret, institui; Pur-
 gante, pro *κοιλίας ἐνλυσία*; satis forti ad
 eam rem electo. *Calomel. gr. xv. Scam-*
mon. pul. ℥ss. Pil. Stom. cum G. ʒss. cum
Bals. Per. q.s. pilulari forma, mane de-
 misit; sæpius hinc dejecit; hinc clau-
 dicavit; hinc convaleuit.

HIST. III.

Vertiginem, & in Capite Dolorem fa-
ciens Arthritis, idque usitate, Venæ-
sectione & Purgatione toties in Arti-
culos acta.

A Romatarius hac in Urbe, con-
 stitutione Sanguinea, Pletho-
 ricus, sexagenario major, anno

MDCXCVI, *Vertigine* laboravit. Si-
 mul atque eum novi Pedibus sæpe do-
 luisse, suspectumque habui *Capitis*
 hunc affectum esse *Arthriticum*; hac re
 considerata, Primo, Sanguinem detra-
 xi: deinde, Alvum semel iterumque
 movi: postremo, Animales Spiritus quæ
 reficerent, eorum *Atēzias* inhiberent,
 ea suo ordine sumenda; Fonticulos
 etiam utroque latere Spinæ inter O-
 moplatas aperiendos, imperavi. Quæ
 autem inde fruges? *Pes* iterum jam
 tum doluit; defensum est *Caput*; Ci-
 vis servatus.

Anno proxime sequenti, circa ver-
 num *Æquinoctium*, idem pene casus
 altera jam vice accidit. Intermittente
 enim, ultra quam soleret, *Arthritide*,
 rediit *Vertigo* cum *Dolore Capitis*: quæ
 quidem ambo Venæsectione, Purgatio-
 ne, Pharmacisque jam dictis, in *Podag-*
ram, (qua nihil Capiti salutaris esse
 potuit) actum mutabantur.

Æstate anni MDCCII. *Æger* iterum
Vertigine, simul cum Aurium tinnitu,
 spirandique difficultate multatus est:
 quæ quidem mala, Plenitudine & *Ar-*
thritide nimis inertis nata, post Venæ-
 sectionem & *Catharsin*, Articulari do-
 lore finire.

Observationibus hisce toties iteratis,
 planum omnino factum est, *Arthriti-*
da suppressam, & à Paroxysmo quies-
 centem, *Caput* aliquando visitare; quin
 etiam derelictum illud, præ cæteris in
 Trunco locis quibuscunque, tanquam
 alteram Domum frequentare. Porro,
 cum in alieno isthoc, utut caro, &
 amabili loco diversetur, posse in Sedem
 primariam, in Artus, & Articula-
 menta revocari. Denique nonnunquam (in iis
 scilicet ægrotis, qui firmiores, & multo
 robore valentes sunt) per Venæsectio-
 nem,

nem, & Purgationem, per meras Evacuaciones; quibus sibi restituitur, & suis viribus uti, suoque modo agere permiffa fit natura, sine multo Ποδογχαλαζωῶν apparatu, posse egeri.

HIST. IV.

Capitis Dolor & Vertigo Arthritica, sæpe revertentes, simili methodo curati.

Medicamentarius Exoniensis, quo multos annos utor familiarissime, Arthritide diu regulari Affectus, sub exitum seculi nuper elapsi mitius solito, rariusque cœpit dolere. Malorum ex eo tempore statim crudele par exortum est; Vertigo nempe, cum Dolor Capitis acuto; vel, ægrotum eo deficiente, Cardialgia, cum Ructu acido, & inflatione Ventriculi.

Biennio post, quum Arthritis nimium ignava esset, nec, ut opus fuit, Paroxysmum ageret, Κεφαλαλγία rediit, una cum vagis Artuum Doloribus, & quidem Pedum incertis.

Quid autem annos dicam? Decies ego minimum, hunc hominem hac Vertigine laborantem vidi: decies eam mœstissime querentem audivi. Quando enim Arthritide multum affligeretur, neque ea semper regulari; quali ea modo se plerumque gesserit, hisce paucis accipite. Præcessit Dolor, hic illic erraticus, per Artus, per Trunci ambitum propemodum omnem: hunc excepit, ita vero, ut illius fere latus clauderet, Torpor, & universi Corporis gravitas; cum Ανορεξία, Sanguinis Orgasmo, & tumultu, Venarumque distentione. His accessit alias Articuli

lorum, alias Capitis Dolor, & deinde Vertigo. Tam autem magna, tamque molesta Vertigo, ut, qua in præceps ne ageretur, sæpe haud immerito pertimeret. Ægroto autem forti, robustaque, & omnino firma constitutione prædito, ea fuit felicitas, ut, post dies quatuor, vel quinque, Arthritis sæpe per se τὰ ἄκρᾳ peteret, eodemque tempore Caput desereret. Si quando gravius urgere, diutiusque Vertigo perflare contigerit; quod aliquoties accidisse novi; Venæsectione & Purgatione; (altera earum, vel utraque) in Articulos semper exulavit. Cui & hoc adjiciendum, nunquam Ægri, seu Vertigine, seu Dolor adfecti, Caput ex toto immune, & incolume prius reddi, quam in Articulis Dolor oboreretur; eo vero jam oborto, liberari semper, & tanquam auxilio præsentissimo & plane divino, isthuc incolume reddi. Qua utique re, ad istarum Anomaliarum & explicandam Ætiologiam, & confirmandam Therapiam (ut ego quidem sentio) nihil magis potest conducere.

Causam autem ne silentio præteream, quare Sanguis in hoc Ægroto toties, & tanto impetu in Caput irrueret, vel impelleretur; ipsa Facies eam monstravit: Facies, inquam, hominis Pyropi ruberrima; Venis ubique turgidis signata, Sanguine plenissima. Quæ cum ita se haberet, Vasa, in Capite Sanguinem vehentia, supra modum magna, & immenso ejus flumine, quod utrique isti Anomalie daret originem, distenta esse indicavit.

HIST. V.

Cephalalgia Arthritica, *Venæsectione*
& *Spiritu Volatili*; in Podagram
versa.

CUM vitam aliquot ante annis Academicam secutus sim, quidam è proximo vicinus, oppidanus, Ebrietati satis, Socordiaeque satis deditus, (quarum altera vim humorum magnam in Corpore congerere; altera non eliminare solet) opem meam qualemcunque medicam imploravit. Erat illi, propter malam Vitæ rationem, Corpus crassum, *cacochymicum*, pingue, morbo non unius generis accipiendo paratum: ita vero constitutum forte fortuna invasit *Arthritis*, & à malis gravioribus, tanquam possessione suum, defendit. Semel, bis in anno Paroxysmos, eosque satis longos, & acutos celebravit; perque omne illud tempus abstinere fecit *Ægrum*. Demum, nescio qua de causa, *Arthritis* intermisit. *Cephalalgia* statim orta fuit acris, & toleratu difficilis. Membranas *Capitis* majores contrahi, & in Spasmos obstinate constringi, verisimile est. Enim vero tantus *Ægri* fuit cruciatus, quantus omnem modum excedere; quantus Sensum communem obruere, & pene delirium inferre videretur.

Hæc ut primum novi, & ab *Arthritide* interrupta, devia, & in *Caput* inversa, turbas has oriri intellexi; Sanguinem extemplò mitti, &, quia constanti Vir ætate, firmoque Corpore erat non nimis parce detrahi præcepi. Spiritum posthæc è Volatilibus, cum

vehiculo conveniente, dedi. Quam quidem medendi viam ideo calcavi, primum, ut alienum è Capite revellem; deinde, ad τὰ ἔξω amandarem, iisque figerem. Neque à scopo aberravi; hac enim medicina factum est, ut dolerent, ut tumerent, utque ruberent iterum Articuli; & quidem (ut illa facta est) statim, maximaque *Ægri* cum utilitate.

HIST. VI.

Miasma Arthriticum in Caput immissum, eique Vertiginem & Dolorem inferens, eo revulsum, & in Artus amandatum.

TENERA constitutione mulier, frigida *Arthritide*, & languenti creberrime adfecta, Tumorem ejus pallidum, tanquam à Flatu generatum, in utraque manu, & carpo, magnum ostentavit. *Arthritide* sic gravatæ profecto male evenit, Animi *Pathemate*, propter res quasdam adversas, supra modum affligi. Eo enim effectum est, non ut Spiritus solum perturbarentur, multumque deprimerentur; verum etiam ut Tumores hi *Arthritici* prorsus subsiderent, evanescerent. *Vertigo* statim hinc exorta est, una cum *Dolore Capitis & Colli*; cum Somno non tantum injucundo, sed inquieto, tumultuoso, & frequenter interrupto. Quæ quidem mala, si ex omni parte *Hysterica* dicantur: temere nimis & parum consulte [quod utique rei exitu probatum] id diceretur. *Epispasticum Nuchæ Cervicis* impositum est, deinde utrique Brachio; quibus Seri multum evocatur. *Pilulæ* sumuntur *Aloetica* (ex

(ex Aloës Rosat. ðiß. Pil. è duob. ðß. Ol. absynth. gtt. j. El. prop. q. s.) quibus Alvus inanita, Sanguis agitato. Spiritu C. C. succinato, bis die cum Julapii Cephalici Haustu, & Pulvere Podagram expellente (Chalybis nempe Nutriti ðß. Pul. è Chel. C. C. ðj. Maceris Pul. gr. iiij.) pariter bis die, cum Vini Canarini Haustu, per dies circiter decem assumpto, factum est, ut denuo Tumores, & quidem intra breve spatium, elevarentur; ut Arthritis procul à locis principibus arceretur; ut partibus à Centro vite remotis infingeretur, & detineretur. Qua vero ratione gradibusque sunt hæc effecta; Cerebri incolumitas effecta, ipsius Vitæ res servata est.

HIST. VII.

Cephalea & Vertigo Arthritica, Medicina pari, cum Phænigmis, sublata.

Vir reverendus, ætate constanti, doluit Arthritide; nunc vaga, per hæc illa membrorum internodia, nunc Articulis affixa, dolore: Rubore, & tumore comitata. Primo supra decimum exeunte lustro, Cephalalgia & Vertigine laboravit, tum gravibus, tum diutinis. Cum me, consilii ergo, primum arcessiverit, ex Constitutione Sanguinea, Vultuque florido judicavi, Plenitudinis, & quidem ejus unius, has esse soboles; itaque sola Evacuatione posse eas auferri: quam tamen (excussa omni re, & inito cum ægrotante colloquio, penitus examinata) sententiam mutare necessum habui, & alienam, & Arthriticam in Caput irrepere materiam, apud animum meum statuere.

Hoc igitur propositum ante oculos statuens, Venam primum incidi; & minore quantitate, quam in his affectibus absolutis conveniret, detracto Sanguine, Emeticum præcepi; posteaque Purgans. Quibus malum quando leniri, minime vero tolli persense-ram, Pilulas (ex duobus, & Ruffi) Dra- sticas adhibui, ut in Sanguine major Orgasmus cieretur, & alienum proscriberetur. Postridie Purgationis, ut Humores excitati, foras evellerentur, suisque demum locis, nempe Articulis, infererentur; Curæ mihi erat, utrique Malleolo, quem Arthritis locum usita- tissime frequentavit, Sinapismum (ex Fermento veteri, Ras. Radiculæ Sem. Si- napios, Cacuminibus Rutæ, & Aceo Vi- ni albi) applicare.

Atque ista methodo, in Celebrum se insinuantem, Arthritida revelli; proprio loco (nempe Artubus) mandavi; suos intra terminos, sua spatia coer- cui; Ægrum senavi.

HIST. VIII.

Vertiginis Arthriticæ, Cum Spirituum depressione gravi, Curatio.

Civis Iscanus, Arthritide regula- ri, quotannis redeunte, per se- nectæ initium, est afflictus, Sexegenarius autem, vel eam circiter ætatem, Paroxysmos habuit tum paulatim mi- tiores, tum etiam rariores, & demum nullos. At brevis ista fuit serenitas, & ab adversa valetudinè vacatio; uti etiam dubia: Malum Arthritide gra- vius successit, longeque periculosius; Vertigo nempe; cui princeps comitem

sefe dedit *Depressio* Spirituum supra modum molesta, continua.

Cum ita affectum inviserim, pullum magnum, & elatum observavi; ac si inflaret *Apoplexia*. Quare Venam illico pertundi, Sanguinemque ea quantitate detrahi, qua *Capiti* levamento esset, iussi. Porro, quoniam isti *Capitis* Affectus non tam absoluti, quam *Arthriticis* (quod ex malorum ordine vel ipsi Ægro, rei Medicæ non ignaro, patuit) existimari possent; quo *Arthritis* educeretur, *Phœnigmm*, ex ea evellentibus, acerrimum, & calidissimum, utrique Malleolo, quæ *Arthritidis* in hoc ægroto fuere stativa, imposui; frigidum, altera quaque hora, renovavi; Tumoribus, eo factis *Epispastica* admovi; unde Seriacris, falsi, vitiosi, *Arthritici* multum est elicatum. Æger ex eo tempore convalescens, annos egit postea permultos, eosque pro ætate satis beatos; & tandem Morbo, uti accepi, *Nephritico* occubuit.

H I S T. I X.

Ex Arthritide Vertiginosus, Victu nimis tenui depressus, è vivis excessit.

VIr mihi conjunctissimus, diu bona valetudine usus, ætate adulta dolere cœpit *Arthritide*; quæ, propter multas Equitationes, & laude dignam in victu temperantiam, raro aliter se habuit, quam quæ maxime regularis, quæque maxime salutaris. *Paroxysmum* enim, semel bis in anno, cumque malo Symptomate nullo comitatum, tanquam ad præscriptum Medici, aut votum Ægrotantis egit.

Ita multos annos, si non omni Doloris sensu carens,

(τὸ δὲ, πλὴν Θεῶν.

Ἀπαντ' ἀπήμων ἢ δι' αἰῶν ὁ χρόνος;)

beate tamen, & tuto, imo ipsam per *Arthritida* tuto vixit.

Huic, ingruente Senio, accessit *Vertigo*; quæ, paulatim ingravescens, eo increvit usque, ut sæpe ne in humum Æger concideret, periculum esset. Quapropter *Venæsectio*, *Emetica*, *Vesicantia*, *Purgantia*, aliaque multa, suo quæque loco, sunt à Viris Arte nostra præcellentibus, imperata, &, vel omnia, vel magna ex parte, ab Ægro usurpata: Quum vero ista proposito minime responderent, *Vertiginem* eam non tam exquisitam & genuinam, quam notham, & *Arthriticam* esse suspicatus sum.

Sexagenario jam major, *Arthritidem*, uti illi videbatur, nimis gravem, diutius non alere, sed per Diætam decrevit tenuare: proindeque, Cerevisia potenti & generosa (quam, per annos aliquam multos, interdum ad hilaritatem, at non incommode, potaverat) abjecta neglectaque, non nisi aquosam, nullarum virium, & vilem adbibit. Væ autem illis! qui *Arthritida*, diu Satiæ tati suetam, abstinentia demum nimia tentant evincere. Male habita *Arthritis* intimas in Corpore regiones, ejusque Viscera nobilissima invadit; unde Ægri res in pessum abiit, & (ut sæpe accidit) in dubio vita. Minus quidem Articulis, ex eo tempore, doluit hic noster *Arthriticus*; at inauspicato minus. Sanguis enim intempestive, & magna Ægri cum injuria debilitatus, alieno amplius expellendo, sic, ut olim, non erat. Faciem depressam, nec, ut ante coloratam, Oculos concavos, Vires enervatas notare familiares, & malum aliquod præ foribus ominari.

Quum

Quum vero eo res deducta esset, magni aliquid momenti accedit, dictuque non indigni. Recurrente enim *Podagra*, & insultum denuo, qualem potuit, faciente, Aqua frigida Pedes media hyeme immergit Æger, itaque temere Tumoris *Arthritici* Materiam percussit. Pectore, Capite subito gravatus primo tussit, & cum impedimento Spiritum traxit; mox Sensus omnis, ipsa etiam Mens defecit; & tota undique astantium mirante turba, non tam excessit, quam surreptus est è medio.

C A P. X V.

De Apoplexia Arthritica.

ART. I. **D**E Vertigine, & Dolo-
re Capitis *Arthritico* supra dictum est; speciatim, hos Affectus in *Apoplexiam* non raro migrare, eaque terminari: Quod quidem malum, quando hodie gravissimum; eoque gravius, quo minus suspectum, intellectumque sit; operæ pretium mihi videtur paulo altius ejus rationem repetere, & totam Historiam, ut poterò, describere; qua, nisi me fallit animus, apparebit, hanc *Apoplexiam*, non minus quam reliquas hujusce nominis *Anomalias*, habere privatum, & propria indigere medendi methodo.

II. Docuit rerum medicarum usus, *Arthriticos*, eos præcipue, qui Conflitione Sanguinea, Collo brevi, & toroso donati, multos ægrotarunt annos, seniumque jam ingressi sunt; maxime vero eos, qui *Cereri*, & *Baccho* indulgentes, ludoque campestri & exercitatione Corporis intermissa, fiunt *Plethorici*; Sensu Motuque, nunc aliqua

ex parte, nunc omni, subito privatos *Apoplexia* non raro corripit. Quæ si *Arthritidis* Paroxysmo regulari, sive interciso, sive dilato, minimique, quæ par est, sævitia peracto, enascatur; hanc ego *Apoplexiam* non tam exquisitam, & genuinam; quam notham, & *Arthriticam* appello. Ea certe est, de qua, ex communi, & apud doctos & literatos hætenus recepta, *Apoplexia* Doctrina, minime ferenda est sententia; minime ordinanda Medicina: verum multo aliter, ex eo, quod huic Affectui proprium, de utrisque statuum est.

III. Ut autem proprium illud explicetur, animadvertendum est, in casu jam descripto veri admodum simile esse. Miasma *Arthriticum* in Corpore diu affecto, neque Paroxysmis utilis, & sic, ut oporteret, expurgato, congeri & coacervari: mox Sanguinem, eo saturatum, fermentescere, turgere, & in Orgasum evehi; Natura sc. in sui defensionem, & tutelam, alieni summis viribus expulsionem attentante, moliente. Jam vero si acciderit, vel propter *Cerebri* imbecillitatem & ἀτομίαν, vel propter aliud quodvis ἀποκαταρτισμόν, in *Cerebrum* vehementius Sanguinem arietare, & cum majori impetu partes ejus tenerrimas ferire; ex eo, primum *Cephalalgia*, & *Vertigo*, altera nempe, sive ambæ suboriuntur; Caput aggravatum; Facies plenior, & coloratior est; Lingua sæpe titubat; Motio fit Corporis incompressa; Gressus inæquales: Sique Malum ingravescit, & validissimo ægrum insultu urget. Sensu ille, Motuque interdum captus, cum Oculorum, ac si in ipsa Morte, vitreo colore, tanquam *Apoplexia*, percussus est.

Hæc hujusce Morbi pars prior ; cui si aliud adjiciatur , & ab ejus Curatione ducatur argumentum , (Nullam melius sperari , nullam citius , nullam tutius perfectiusque fieri , quam per alieni , Morbum in *Capite* committentis , ad Articulos expulsionem) profecto quidem , ad confirmandam Morbi hujus Naturam *Αφθιτινὴ* , nihil deesse video.

IV. E prædictis liquet , etiamsi nullam hujus Morbi , quatenus *Arthritici* , Diagnosin , è Symptomatum simul concurrentium globo , poterimus ullo , quod sciam , modo elicere : (nam in *Apoplexia* hac *Arthritica* , atque Exquisita , Motus & Sensus similis est Defectus , Stertor , Rhonchus , eademque his utrisque Signorum *Σωθρῆν* :) tamen , si *Ægri* , diu jam *Arthritici* ; si Paroxyfmi , dudum languidi , & inertis ; si *Apoplexiæ* , languorem & Eclipsin illam à tergo secutæ , habeatur ratio , horum , inquam , ex Symptomatum Ordine , ipso Morbi initio facile erit ingenium , & morem ejus *Arthriticum* investigando consequi.

V. Posito ergo hoc Affectu , de ejus *Subjecto* , de Causa continente , de remota , de Prognosi , aliisque ejus expositioni necessariis , clare dicam , & , quoad potero , enucleare.

Subjectum Apoplexiæ frequentissimum , omnium , qui de illo verba fecerunt , acutissime , Partem esse *Cerebri Corticeam* , affirmavit Doctrina , Ingenio , & Humanitate Vir Clarissimus , *Guilelmus Cole* , Collega plurimum honorandus . “ Ea [sic ille solidissi-
“ me disputat] Morbi omnis Sedes ,
“ & *Subjectum* est habendum ; quod
“ Materiam , eum committentem , ini-
“ tio accipere , & in quo defigi illa

“ judicetur : Nullo autem in loco Ma-
“ teria promptius , quam in *Cerebri*
“ *Cortice* defixa , facit *Apoplexiam* * .
Huc eam apportant Arteriæ nobiles ,
ingentes , in ramos divisæ tum magnos ,
tum etiam amplum inter se commer-
cium exercentes . Huc allata , & eo loci
sistens , Vasorum Sanguinem vehen-
tium fines , (furculos scil. Arteriarum ,
& Venarum origines) extendit dila-
tatque . Vasorum istam extensionem
necessario , & quidem è vestigio sequi-
tur , in *Corpore Calloso* , reliquoque *me-
dullari Cerebro* , Tubulorum compres-
sio , coarctatioque . Hinc Spiritus in
Tubulis istis animales interpelluntur :
In Motu ordinando , eorum Mandata ;
in Sensu recipiendo , eorum Impressio-
nes ; in Cogitationibus elaborandis ,
eorum Fluctuationes interturbantur ,
confunduntur . *Sensitiva* , cumque ea
Rationalis Anima patitur Eclipsin .

Quod vero multum in ea *Apople-
xiæ* Sede confirmanda valet ; ei da-
tæ sunt à Natura Venæ , prædictis Ar-
teriis , qua numero , qua magnitudine ,
qua denique commercio respondentes ;
quæ , quicquid alieni sit advectum ,
(facta præcipue Sanguinis detractione ,
vel minimum *Αντιστάσις* debita) resor-
bent , asportantque . Hoc modo par-
tim , ut opinor , evenit , quod qui gra-
vissima laborarunt *Apoplexia* , sæpe
curentur , de integro nunquam in eam
incidentes ; *Cerebri* nempe *Cortice* , sic ,
ut par est , exonerato , & deinde pri-
stinam recuperante *εὐτασίαν* : Quod de
Corpore Calloso minime , si eum *Apo-
plexiæ* locum esse fingamus , expectan-
dum : Nam cum ei nulla sint , quæ
tam

* Vide Autoris Tentamen Physico-
medicum de Apoplexia .

tam grande onus (*Apoplexiæ* nempe *Causam* continentem) auferre possint , Animam occupabit non *Eclipsis* solum , sed ipsa *Nox* ; *Catulli*

Nox , perpetuo dormienda.

Minime vero negandum , *Miasma Arthriticum* ipsos aliquando *Tubulos* intrare *Nervinos* ; Spirituum undulas miscere ; nubem Animæ , & torporem injicere ; & quidem ita semper (alias autem alia ratione) fieri conjicio , quoties hæc *Apoplexia* demigrat in *Paralysin* ; ubi nulla videtur alieni , nisi per *Tubulos* prædictos , extrudendi via.

VI. De causa hujus *Apoplexiæ* conjuncta & proxima , notatu dignum est , illam creberrime *Vasculorum* esse in *Cerebri Cortice* *Dilatationem* ; quæ *Tubulos* in *Cerebri Meditullio* statim comprimi , Spiritusque facit *Animales* in iis obstrui , & turbari. Ista vero *Dilatatio* vel à *Sanguinis* in ea *Vascula* irruentis , & in iis commorati , vitio ; vel ab ejus quantitate provenit.

Vitium isthuc , quatenus *Arthriticum* est , à *Miasmate Arthritico* , *Sanguinem* commovente multumque exagitante ortum , procul dubio hac in re non parum operatur : Huic autem aliud vitium accedere solet , *Sanguinis* nimirum *Lentor* ; qui ut omnium pene *Arthriticorum* , maxime vero ætate grandiorum , *Sanguini* inesse ; eique detracto , & in *Cyathis* quiescenti , innatare deprehenditur ; ita hujusmodi laborantium tum inesse *Sanguini* , tum etiam eorum *Cerebro* inhærere , *Vascula*que (sic , ut dixi) reficiendo complere , & extendere jure merito censetur.

Miasma isthuc *Arthriticum* per se , maxime vero τῷ γλυκεῖ involutum ; si

Cortici impingatur , & in eo insideat ; *Sanguinem* eo loci sistit ; itaque *dilatationem* modo dictam infert ; & sæpenumero *Causa* hujus *Apoplexiæ* proxima , uti suspicor , & conjuncta est.

Quoties autem *Miasma* , penetrato *Cortice* , *Tubulos* in *Cerebri Meditullio* subintrat ; Spiritus animales tunc cominus aggreditur ; & proxime tunc facta in eos impressione , *Fluctuationes* eorum ordinarias subvertit permiscetve ; donec *Morbus* aut in *Paralysin* exit , aut *Morte* , linea rerum ultima , concluditur.

VII. Istam autem *Sanguinis* , seu vitiosi , seu nimii , in *Capite* moram , & mansionem , (ut de *Causis* remotioribus nonnihil dicam) imprimis *Cerebri* creat à cunabulis imbecillitas. Huc confert etiam , quicquid *Sanguinem* impetuosius , & in *Cerebrum* copiosius impelli ; quicquid etiam in eo diutius retineri faciat. Copiosius autem impellitur exercitatione *Corporis* , & labore pertinaci.

Anni ferme sunt viginti , cum *Celeb. Matthæus Slade* , *Medicus Amstelodamensis* , *Londinum* , *Oxonio* proficiscens , & in itinere collem [ambulandi gratia] pedibus ascendens , vix superato ejus fastigio , quasi de *Cœlo* tactus , *Apoplexia* prostratus est ; neque unquam ad se rediens , animam brevi post efflavit.

Infantuli , paucis ante diebus nati , subitoque , sine *Veneni* suspitione , mortem obeuntis , *Corpus* olim aperui. Nulla erant *Veneni* in *Stomacho* vestigia , at in *Capite* , *Arteriæ* & *Venæ Cerebrum* amplectentes , bis tanto majores , *Sanguinem* magna illa nascendi lucta & nisu , in *Caput* Infantuli nimio plus intrudi , & , tum *Apo-*

plexia, tum etiam Mortis Causam fuisse, verisimile reddiderunt.

Diutius Sanguinem in *Capite* retineri faciunt, inter alia Vincituræ Colli nimis strictæ: Non ita pridem, in vicinia nostra, quidam madidus, & Baccho plenus, in lectum commissus, intra breve tempus obiit. Rigidus enim, ore livido, demortuus horis post paucis est inventus. Quum, de causa Mortis adeo repentinæ inquireretur, præter ingestam liquidorum vim, Collari linteo nimis arcto, & in poculis non exuto (tanquam Fune in strangulatis) Sanguinis reditum, maxime in Corporis situ plano; & *Horizontali*, impediante, nihil probabilius inveniri, aut quidem excogitari potuit. Quæ à nobis *Apoplexia* puræ, & genuinæ ἀποπληξιας afferuntur (nimirum, ob accidentia prædicta, Sanguinis in *Caput* injectio largior, & exportatio diminutior) possunt etiam *Arthriticis*, ob accidentia similia interdum obvenire; &, in *Apoplexiis* eorum inducendis, locum obtinere.

Huc porro referendus *Opiatorum*, ut & *Errhinorum* abusus; quibus *Arthritici* Materiam in cruore alienam, magno suo cum periculo sæpe *Capite* impegerunt.

His, quæ ritu peculiari Humorem in *Caput* dirigunt, adjungantur ea; quibus (externis, & evidentibus causis) ἀποπληξιας, Humor repellitur, & intro agitur: quæ quum huic *Anomalix*, simul cum ceteris omnibus *Arthriticis*, sunt communes, alibi tum fusius enumeratæ, tum satis explicatæ sunt.

VIII. De nostra hac *Apoplexia*, si cum *Exquisita* comparetur: observandum, quod uti Vere hæc,

----- quum Spiritus Orbis
Bacchatur-----

eoque ineunte creberrime occurrit; & Calori, se per Sanguinem humanum una cum Mundi reliquo, tum temporis fundenti, eumque agitantri, debet originem: Ita quidem illa, nimirum *Arthritica*, pendet ex uno Miasmate *Arthritico*, præsertim augente & ebulliente; quocunque anni tempore hoc contingat. Ver autem, & Autumnus sunt tempora, in quibus id *Arthriticum* maxime ὀργισθῆναι, & in *Caput* sæpiissime irrumpit.

IX. De hujus *Apoplexiæ* ἀποπληξιας jam ordine dicendum: Tametsi plures ignorata Morbi natura, & ob eam rem instituta medendi methodo non satis idonea, fato cesserunt; tamen (quod hujus modi laborantibus solatio sit) omnino constat; per multos, ea tentatos; artificiose, sic, ut decet, tractatos, ex ancipiti Morbo hoc convaluisse; vitalem diu postea vitam egisse; &, quam ab *Apoplexia* vulgari, & exquisita, longe meliorem. Cujus id in causa esse censeo, quod, debita Humorum è *Capite* facta primum ἀντιπαύσασθαι, &, deinde, restituto *Cerebri* Tono, saniores ii, tutioremque Vitæ rationem ineant; libertate missa inutili, imo perniciosa: quod, è Gulæ deditis fiant temperantes; è temulentis, sobrii: itaque omnibus sedulo vitatis, quæ aut Corpus plenitudine gravent, aut gravatum orbent Paroxysmis regularibus, Senectutem habeant tolerabilem. Verum, ut omne id emolumenti, tum Artis Medicæ opus, tum Observantiæ fructus est; Quicumque Fructum istum, minime calcata potiundi ejus via, speraverit; Messiem ille, nullo Semente facto, (quod est unum ex absurdissimis) videtur expectare.

X. Medendi Indicatio postulat, ut
quam

quam citissime *Cerebrum* allevetur, ut Mens, Motusque, & Sensus instaurentur. Hoc autem optime faciendum *Evacuatione*, *Revulsione*, & alieni in Artus amandatione. Primum omnium inquiratur, utrum *Calceamentis*, aut *Tibialibus* nimis arctis, aliove quovis externo, *Arthritis* à τοῖς ἰγῶ repellatur, aut, in ea ne erumpat, inhibeatur. Porro, de Sanguinis in *Caput* flumine, nimis largo, & torrenti num intrudatur; num in eo diutius, quam ex *Oeconomiae* legibus soleat debeatque, retineatur, est quaerendum; & ex hisce *Procatacticis* quaecunque fuerint inventa, sunt initio removenda.

In huiusmodi *Apoplexia* fere omni necessaria est *Venesectio*: nihil ea certius, nihil citius opitulatur. Detrahantur igitur, quam primum fieri potest, [quam citissime conficies id, tam maxime proderit] *Unciae* xii, xiv, vel *libra* una semis pro *Ægri* viribus & constitutione. Paulo post injiciatur *Enema* pungens, & acre; five ex *Urina humana*; five ex *Decocto communi*, cum *Sale vulgari*, vel *Aloe rosata*; aliove id genus alvum irritante. Sub id tempus adhibeatur *Purgans*, è potentissimis, & Sanguinem agitantibus; *Pulvis* puta *Warvvicensis* à ʒss. ad ʒij. vel *Res. Jal.* à gr. vi. ad x. cum *Extr. Rudii* ʒj. five ʒss. *Elix. Propr.* q. s. ut fiant *Pilulae*; vel ex *Decocti amari Purgantis* ʒiij. & *Syr. è Spina ab ʒj.* ad iʒ. *Potio*. Si segnius erit demissum *Purgans*, neque trium, aut quatuor horarum spatio Ventrem movebit, *Enema* repetatur. Toto isthoc tempore, vel Lecto, vel Cathedra, Corpore, quoad potest, erecto sedeat *Ægrotans*; ne in *Caput* depressum, & ni-

mis inclinatum, Humor impetu, & copia majori suffundatur, malumque augeatur.

Purgatione facta, de *Venesectione* iteranda, & quo in loco, Brachio, an Cervice, deliberandum est. *Curcubitulae*, hoc tempore, Dorso [inter *Omo-platas*] admotæ, cum multiplici *Scarificatione*, usus sunt eximii.

Vacuefacto Corpore, operæ pretium erit Articulo nuperrime dolenti *Emplastrum*, vel è *Pice Burgundica* & *Terebinthina Venet.* vel *Cephalicum cum Euphorbio*, aliudve quodvis potenter attrahens, imponere; totumque Membrum, ut è *Capite* Materia ducatur, & loco magis idoneo figatur, Laneis involucris calidissime vestire. Ist huiusmodi casu, Pedes, in *Aquæ fontanæ Balneum*, quam potuit tolerari, fervidum immittendo; ibique retinendo, *Ægrum*, omni spe vitæ pene destitutum, & animam, ut apparebat, jam tum agentem, ἐν κρυπῶ servatum; aliquando novi.

Cum hæc aguntur, ad τὰ ἰγῶ *Arthritis* evocari, *Cerebrum* magnopere levare solet: Natura, prædictis auxiliis adjuta, in viam redit; & opus, inauspicato cœptum, felicius & accuratius perficit. Sin aliter res sit, neque per ea sanetur *Æger*; ut alieni fiat *Evacuatio*, quæ nominatur *Topica*, Collo posteriori dimidio, Sincipiti, vel Capiti raso *Epispasticum* applicetur, & dies quatuor vel quinque geratur. Brachiis etiam internis, aut Suris, [uti *Chiragra*, vel *Podagra* frequentior est] admoveri possunt istiusmodi *Emplastra*. Si vero angustis prematur *Æger*, & graviter laboret, *Cervici*, vel *Capiti*, ubi *Sutura Sagittalis* cum *Lambdoidea* coit, vel ubi cum

Sutura Coronali [prout Capitis pars posterior, vel anterior magis afficitur] *Cucurbitula* imponatur. Si nihil horum in usum trahetur, tondere minimum ad Cutim oportebit; deinde *Caput* radere, & ad relaxationem Cutis perfricare; postremo, *Emplastrum* è *Cumino*, vel istiusmodi aliud, quod *Διαπνοὴν* exaugeat, & Humores eliciat, applicatum continuo gestetur.

Malo usque permanente, proderit Materiam per nares, per Os detrahere. Valent hanc in rem *Errhina*, quæ sine Sternutatione Serum educant, Sternutationem moventia jure merito vereamur, ne, vi sua & nisu Corporis laboriosissimo, humores in *Cerebrum* impellant, ægrumque obruant. Manducare juvat, quæ sunt acerrima; eorumque beneficio Salivam largiter educere.

℞. *Raf. Raph. Rustic.*

Sem. Sinapios contus. aā 3℔.

Pul. Pyretri 3j. misce; Melle excepta & Serico inclusa ori indentur, & Spuito identidem ejecto Dentibus conterantur. Huc confert etiam Electuarium Apophlegmaticum infra descriptum.

Interea vero temporis, dum fiunt Evacuationes, ea, quæ Spiritus Animales stimulent, & munus suum obire faciant, magni & quidem frequentissimi usus sunt: quamobrem *Spiritus Volatiles oleosi*, vel *Sp. C. C. succinati*, cum *Jalapii Cephalici Haustu*, crebro & assatim, sic, ut requirat usus, sunt adhibendi: Quinimo *Pulvis de Gutteta*, cum *Castoreo*, & *Oleo Succini*, *Assæfatidæ solutione in Pilulas* temperatus, bis vel ter in die dimittatur, cum *Jalapii* prædicti haustu. Hæc quidem Medicamenta eo potius eligantur; quoniam non solum animales Spiritus

instaurent, sed & *Arthritidi* etiam expellendæ quodammodo inserviant: verum præmissis Evacuationibus; quæ appellantur *generales*, iis potissime utendum; ne, à Medicamentis adeo *Cardiacis*, in Corpore satiato & pleno, malum intendatur.

Si à prædictis ἐν τοῖς ἔξω nulla fiat *Arthritis*; ad auxilia externa, magis efficacia, progredi juvabit; ad *Phænigmos* scil. aut ejusmodi alia; quæ valentissime, quæque Materiam evellant omnium certissime.

Quamprimum Tumor, aut Dolor significabit *Arthritidem* ad τὰ αἴμρα appellari, studio elaborandum est, ut eo loci retineatur, neque retro agatur: Hoc autem optime fit per *Epispasticum*, & *Empl. Meliloti*, ordine applicata; quibus per Ulcuscula diutine aperta, perniciosus Humor educatur. Atque huic proposito non alienum erit, *Emplastro* Lanea superponere; laqueos iis involvere, Pedemque interdiu, modo Pes afficitur, deorsum versus inclinare.

Omni hoc tempore commodissimæ sunt *Fricationes*, Artuum præcipue, bis vel ter in die, vehementes: quæ quidem è *Cerebro*, sed non è Corpore, Sanguinem educant, & illius ῥοτλὼν ad Corporis extrema vertant.

Arthritide in extremis apparente, veluti præsentem Numine, servatur Æger. Nihil auspicius, nihil ei felicius obvenire potest. Morbi, à quo idoneo & recto Ægri vita & incolumitas omnino pendet, à quo [è contrario,] inverso, & *Ανωμαλῶ*, ejus periculum, quantum animo comprehendi potest, maximum est obortum; istius, inquam, morbi hoc modo sublata est *Ανωμαλία*, iisque jam denique factus salutaris.

Quum Humorū plane mutatur inclinatio; quique nuper in Caput irrepere, foras jam in Artus adeunt; ad eos expellendos, & promptius expediendos (nec quidem antea, ne fursum eleventur, & in Partem iis affectam impellantur) lene quoddam *Ποδαρχαγωγόν* oportet dare: *Pulveris* scilicet *Cantiani* quasi *§j. sexta, vel octava quaque hora*: cui, si visum est, & tuto fieri potest, adjiciantur semel, aut in Constitutione Phlegmatica, bis in die, *Chalib. Nutriti gr. v.* Quod tamen *Arthritidem* expellens, si quovis modo repellatur Humor Articularis, aut Caput desubito male habeat, protinus omittendum; & auxiliis externis humorem evocantibus, una cum iis, quæ ore data Spiritus animales recreent, utendum est.

Diæta, per omnem hunc decursum, à maximè sit tenuibus: placet *Jusculum Pullinum, Avenaceum; Panatella, cum Uvis Corinthiacis, aut passis majoribus*; placet *Chocolata* & ejusmodi *Sorbitiones*; molles scilicet & faciles Cibi, quibus *Ægri Vires* nutriantur, Stomachus autem non gravetur. In Cerevisiæ vicem, aut *Pomaceum*, aut *Vinum* aqua dilutum, aut *Salviæ*, aut *Tææ*, aut *Anthophilli Infusum*. Nihil Gula & Satietae, præcipue vespertina, periculosius. Alvo neque durat neque lubrica sit *Æger*; illa Caput aggravari facit, hæc ad *τὰ Ἐντρεα* malum invitari.

XI. Ad *Prophylaxin* nihil conducibilius quam in Dorso *Fonticulos* aperire; Rus petere; Aëre aperto, & Ventis probe agitato frui; Vere, & Autumno alvum subducere; in robustioribus Venam initio Octobris secare; &, quod utramque absolvit paginam, maximeque attendendum est, *Arthritidos*

recte *παροξυσεως* curam diligenter adhibere.

Apoplexiam, in *Cerebri Cortice* locatam, Curatio jam descripta plerumque tollit; & ea minime recidiva, ægri multos annos immunes agunt: si veri *Cerebri* medullium, sive aliquam ejus partem, Tubulos oppilando *Nervinos*, Morbus occupat; aut desubito ægrum interimit, aut in *Paralysin* degenerat, Capite proximo tractandum.

XII. Hæc Curatio ei *Apoplexiæ*, quæ à *Cerebro* oppresso fit, accommodatur: si Materia morbum committens, in *Ventriculo* & *Intestinis* sita est, *Symptomaticæ* illius *Apoplexiæ* (cujus Historiam mox subnectam) Curatio, *Purgatione* tum *ἄνω* tum *κάτω*, & Medicamentis Spiritus animales excitantibus, & *Arthritidem* expellentibus, est tentanda.

HIST. I.

Vertigo Arthritica, cum impendente Apoplexia.

SUbaſti Vir ingenii, & in rebus gerendis subtilissimi, multos annos *Arthriticus*, (quo quidem tempore statis ille Periodis, &, ut oportebat, doluit) Hyemem anni M D C C I. nimia tranſegit indolentia. Ab hoc *Arthritidis* defectu, pro consuetudine Paroxysmum minime repetentis, (tanquam omiſſa re quadam usus egregii, & ad Vitam imprimis necessarii) statim Oeconomix ratio turbata est: Gravitate, & Vertigine Caput affictum; Facies supra modum colorata, &, tametsi hominis minime temulenti, perque ipsos holce dies

dies sobrii; nihilominus tanquam immoderato tumefacta potu. Lingua titubavit, & Voces edidit non satis claras, notabili nempe cum impedimento. Corporis totius Motus incertus, incompotus fuit; neque gestu regulari factus. Quæ quidem accidentia, cum eorum ordine simul considerata, & uti par fuit, expensa, Materiam *Arthriticam*, intus servatam, Ægroti Caput adoriri, & ex ea *Apoplexiam* in propinquo esse, manifeste comprobantur.

Huic autem Affectui in isthoc homine generando, præter jam dicta, viam hæc tria patefecerunt. Primo loco, Corpus ad hunc Affectum concipiendum à Natura promptum; utpote Collum habens perbreve; cujus opera factum est, ut in Caput Sanguis impetu cum majori ferretur: Deinde, crassus hujus Ægrotantis, & generosus Sanguis; qui facile ferveret, minimaque de causa incitaretur, & in Orgasimum eveheretur: Postremo Ver, *Apoplexiarum* tempestas.

His adjuncta *Ευαίσιας*, malum gravissimum, *Apoplexiæ* vicinum, intulit *Arthritis*: Cui ut occurreretur, hanc medendi rationem inii. Primo, Sanguinem misi, & quidem copiose, ad liberam usque integram; hoc ferente Ægri constitutione, Morbo postulante. Tum, adhibito è *Pil. Rudii*, & *Pul. & Scammonii Purgante, Drastico*, [quod in hac re commodissimum esse ostendit usus] Alvum inanivi, Sanguinem exagitavi, *Arthritidem* expuli. Doluit denuo Articulis Æger, & quidem auspicato doluit. Nam ex ea tam *Arthritidos* ad τὰ Ἄρρα reductione; quam ex humidi, quod nimium erat, è Corpore Evacuatione, malo gra-

vissimo impendente Æger liberatus, & Vestitu, aliisque rebus idoneis, quæ à Capite procul tenerent *Arthritida*, curatus est.

Biennio post, eadem ille causa, [scilicet *Arthritidis* defectu] eadem anni tempestate, [nempe Vere] simili modo est affectus; Capite diu, & impense aggravato, præcipue parte ejus anteriori ea, quæ Oculis sepe reminet. Vena semel iterumque pertusa, *Enemate*, & *Cathartico* fortiori dato, è Capite in Manus & Pedes exturbata est *Arthritis*. Multum hinc Æger, at toto doluit; Ejulatus edidit, at inanes; neque, curato per eos Capite, misericordiam moventes. Huic autem *Arthritidis* translationi non parum contulit [nequid hac in re momenti præmittam] *Empl. Cephalicum*; quod Tendini, ad Pedis Pollicem pertinenti [quem in hoc Ægroto locum *Arthritis* maxime frequentaverat] applicatum, eo tantopere Morbi vim allexit, ut trium horarum spatio Doloris Æger impatiens, illud detrahare cogeretur. Tantæ efficacitatis in hoc Affectu nonnunquam sunt externè applicata!

HIST. II.

Arthritidi reperiussæ superveniens Apoplexia.

CEreris & Bacchi mancipium, Vitam agens desidiosam, ex eo crassum, & ventricosum evasit, ipsoque ætatis flore *Podagrosus*, Annos natus fortasse quadraginta, saginatus iste Lurco doluit: dolenti vero accidit, quod

quod hic loci memoratu dignissimum; non minus insolens, quam grave infortunium. Hallucis Globum, & Articulum majorem occupavit *Podagra*, Calore, Tumore, Rubore comitata; Cruciatibus eum affecit, sed periculi expers. Ut ejus acrimoniam mitigaret Æger Fœminæ cuidam medicinam exercenti, (leniendis ægritudinibus procul dubio doctæ) se commisit. Illa Medicamentum à suis (scilicet!) comparavit: utrum autem ex *Solano lethali*, *Hyoscyamo* *Cicuta*, aliisque id genus *Herbis*, quibus uti solent nonnullæ; An ex *Ovorum albumine*, *Sapone*, & *Spuma Cerevisiæ*, quod utique mihi renunciatum est, in medio relinquam. Constat autem, hora decima matutina Remedium isthuc, quicquid erat, loco adflicto superponi: Constat, Dorem magnum, acrem, urgentem, horæ unius spatio leniri; duabus horis penitus auferri: Constat, Ægrum lecto surgere, Cibum capeßere satis modicum: Constat, hora secunda pomeridiana, Somno eum gravari, conivere; post paulo obdormire: Constat, hora septima vespertina stertere, & tanquam in Somno nimis profundo morbofoque, rhonchiffare: Constat, tum primum Ægri conditionem Uxorem ejus suspicari; nec deesse, qui de ea, tanquam ancipiti, & periculo plenissima, fide illam moneret. Monitionibus illis, utut amicis, & pendentibus, spretis neglectisque, (ne videlicet *Epispastica*, *Scarificationes*, aliaque *Tormenta* medica subiret Æger, in utramvis autem etiamsi dormiens, seu potius semimortuus) constat illum, mane proximo, horam circiter quartam, è Vita excessisse.

Discant hinc *Arthritici*, quam du-

bii sint eventus, seu potius quam fatalis, ea, quæ Parti extra dolenti superposita, Causam Morbi reperiunt: Discant, eam reperiunt, & in Sanguinem repulsam, posse *Cerebro*, Visceri omnium nobilissimo, impingi: Discant, impactam ferre posse *Aplexiam*, posse mortem. Discant, & caveant.

HIST. III.

Somnus ab Opiato profundus, &c. ipsa propemodum Mors.

Pari temeritate usus est, sed cum minori damno, quidam mihi notissimus, & jam inde ab Adolescentia familiaris. Fuit ille *Arthritide* multos annos adflictus, & Paroxysmis ejus, tam gravibus, quam diuturnis, mirum in modum emaciat; quum, Mense Martio, Anno MDCCIII. nescio qua ex causa, *Μίξωμα* (quod in hoc *Arthritico* abundans, Sanguinem infecerat universum) Viscera, imo Ventre contenta, subintravit. Dolor Intestinorum ex eo magnus, quem ut deleniret, *Opiati* quantitatem non immodicam assumpsit. Somnus hinc profundus: Horis post sex supra triginta, Delirium. Mane proximo *Στασις*; ipsa propemodum Mors.

Detracto prius Sanguine, *Sp. C. C.* & *Tinct. Castorei*, cum idoneo vehiculo dedi; deinde *Bolum*, & *Pilulas*, alternis, sexta quaque hora.

℞. *Facul. Bryonia*, *Pul. Castorei*, *Succin. albi*, *Assæ fœtid.* aā gr. v. cum *Syr. Artemis. f.* *Pilulæ*.

℞. *Pul. de Guttetæ* ʒʒ. cum *Syr. Pæon.* q. s. f. *Bolus*.

f

Pedibus

Pedibus totis *Empl. Cephalicum*, una cum *Picis Burgund.* subtriplo: Tibiæ, & Barchio utrique *Epispasticum*; Cervici prælargum admovi. Erat etiam in præscriptis id, quod sequitur, Salivam movens.

R. *Raf. Raph. Sylvest. tenuissimæ* ℥j. *Ol. N. M. Chym. gtt. v. Mellis q. s. f.* Electuarium Apophlegmaticum. *Teneatur Ore quasi* ℥℔. *usque dum manaverit Saliva; utrumque tunc ejiciatur; omni hora repetatur Dosis.*

Hac quidem Medicina ἐν ῥεσπὶ adhibita, cum in summo quidem discrimine Vita esset, cum fere actum & conclamatum esset, contra omnium opinionem Æger restitutus est. Et quidem, malo & intempestivo *Narcoticorum* usu, Morbi vim in *Cerebrum* & *Nervos* infigente, quanta passim incommoda ducantur; apud eos *Arthriticos*, quibus Quies, utut dubia & periculosa, Vita carior est; testimonio nimis amplo, & frequenti patet.

HIST. IV.

Arthritis, ex Acidorum usu gravior, in Apoplexiam desinens Symptomaticam.

Iscanus Artifex, inde ab incunabulis *Arthritide*, una cum omnibus con sanguineis, imbutus, multis annis ea premebatur Regulari; Artus scil. afficiente, & post debita intervalla recurrente. Quum vero, de Affectu valde molesto prorsus evincendo, Medicos suæ ætatis celeberrimos consultor adierat, & quidem (non sine quodam Artis nobilissimæ & divinæ contemptu) incassum: Sortis suæ impatiens, & absolutæ Curationis Spe allectus,

Acidorum usui, *Servo* nescio per hor tante *Medico*, totus incubuit: quali vero cum eventu, & quo fructu, narratione dignissimum est. *Pomaceum* ille Regionis hujus (id est, omnium, ut videtur, acidissimum) elegit; quo, in vicem Potionis ordinariæ, per bien nium paulo plus aut minus, usurpa to, Cibi appetentiam, antea tenuem, & languentem, omni fere illo tempore acutam & latrantem habuit; uti etiam Paroxysmos tum rariores, tum etiam mitiores. De nova Methodo cum Ægrotante sermones sevi, qua lemque exitum haberet, avidissime expectavi; speciatim, utrum illa Quies, *Arthritidis* esset diminutio; an Paroxysmi, in aliud tempus, Prorogatio tantum; majori demum discrimine (quod ego plus semel observavi) concludenda.

Ab induciis sævior *Arthritis*, hujus seculi initio, tum Manus, tum ea, quæ intus sunt, invasit; *Δυσορεξίαν*, *Δυσπεπσίαν*, Ventriculi inflationem, Ructus, Spiritusque difficultatem introduxit. Mense Junio sequenti, post Narium Hæmorrhagiam, Motu Sen suque omni derepente captus, Spiritum ex imo Pectore laboriose traxit, tanquam jam statim moribundus: Pulsus, à natura magnus, ab effectu major erat.

Sanguinis, quàm ocissime, libra de tracta est; unde Linguam Æger, & Oculos movit. *Vitrioli albi depurati* ℥j. cum *Decocto Cardui* data est; eaque plus semel iterata, ter quater evomuit. *Enema* posthæc injectum, acre, & stimulan s; unde largiter ejecit. Non nimis ea nocte dormivit, Mane sudum, & serenum; uti etiam die postero. Caput immune, Ructus autem perdura-

vit ingratus, Spiritus difficilis, ut & Cibi fastidium. *Arthritidem*, ἐν τῷ *Εντοσί* ὡς, ore datis, expellere; extra admotis, educere sum conatus. Die, ab insultu, tertio Somnolentia continua, Oculorum gravitas, & color vitreus, Brachiorum Motus interdum Convulsivi, Ægro male ominabantur. *Sp. C. C. Succinatum*, cum *Aqu. Cardiacis* dedi; aliaque feci non pauca, ad avertendum, siqua fieri posset, Insultum; at inani opera: Ægrum eo vespere subripuit.

Θεὸς τε μέγας, καὶ Μοῖρᾶ κραταῖη.

Tametsi primo aspectu videatur, eum huius Ægroti casum esse, qui, ex *Capite* principaliter, & *Ἰδιοπαθειῶς* affecto, apte possit explicari: (hoc enim, Motus Convulsivi, Somnolentia, *Αναδυσία*, *Ακίνησις* non parum arguere judicentur; & quidem in primo insultu, nimio Sanguine Caput aggravari, & ex parte lædi, ob beneficium à Venæsectione non negaverim;) tamen, si *Ανορεξίᾱς*, si Flatus, si Ructus, si *Arthritidos*, Coctionis Organa diutius obsidentis, habeatur ratio, verisimile est, eam esse hanc *Arthritida*, quæ primario Ventrículum, & Intestina afficeret; *Caput* autem, & *Genus Nervinum*, non nisi secundario, & *συμπτωµατικῶς*: & quod ista *Capitis* Accidentia, revera Naturæ, jam pessundatæ, oppressæ, & in ruinam vergentis, essent indicia.

Si Vita, sine *Dolore* jucundior videatur; videndum tamen, ne tutior non sit. Bellum honestum, sui defendendi, & publicæ Salutis ergo susceptum, Paci infidæ, ignobili, periculoque plenæ, longe anteponendum est.

HIST. V.

Apoplexia *Arthritica* feliciter curata.

Mercator *Exoniensis*, humanus, integer, & probus; Vir ita Natura fabricatus, ut, ob Colli brevitate, & temperamentum Corporis Sanguineum, ad contrahendam aptus natus sit *Apoplexiam*; per viginti plus minus annos, *Arthritide* vexatus est; claudus ea jamdudum factus, neque, nisi sustinente illum aliquo, via progrediens. Cum eo ventum erat, & Æger, prope sexagenarius, *Arthritidem* mitescere; neque *Παροξυσµῶς* ex more duos, & laudabiles, iterare senserat; statim huic sereno horrida insecuta est Tempestas. Mense enim Junio, Anni MDCCVII. subita *Caligine* correptus, Motu Sensuque tam interno, quam externo omni privatus, *Apoplexia* perculsus est; cum Oculorum, tanquam in ipsa Morte, gravitate. Pulsus, sed & ille perturbatus; cum respiratione, sed alta & gravata, unicum Vitæ restitit argumentum.

Mali causa satis perspecta, Materiam *Arthriticam*, in *Caput* delatam, ex eo evocare nitor: Quem in finem, à vestigio Sanguinem, eumque copiosum mitto. Primum *Enemate*, dein *Cathartico* quàm citissime Ventrem emollio. *Epi-spasticis*, Cervici, aliisque locis compluribus applicatis, Serum elicio. Itaque Materiæ alienæ facta partim Evacuatione, an protinus *Cerebrum*, ejusque incolas, Spiritus animales sistam, & instaurem; eodemque tempore, quod alieni reliquum est, ad τὰ ἑξω amandem; huc ego respiciens, *Spiritu Volatili Oleoso*, *Julapio Cephalico*, *Haustu*

etiam *Arthritidem* expellente usus sum; & , ad *Arthritidem* evocandam, *Emplastris ex Picis Burgund. & Empl. Oxy-croc.* pari mensura mistis, & extra Plantis Pedum impositis.

Quum dolere coepit Articulus [quo nihil latius, nihil opportunius huic Ægroto potuit obtingere] primum *Friktionibus*, tum *Unguento*, (*ex Ung. Nervino, Spiritu Tereb. & Sp. Vol. Oleos.*) Articulum urgente, & irritante ungi; posthæc calide vestiri jubeo: unde doluit Æger egregie, magnoque suo cum emolumento.

Atque ista quidem Medicina (Deo operam fortunante) mentem, & motum Ægro restitui. Cum vero gravior, & diutior infederit *Apoplexia*, sicque *Caput* infirmaverit: quod quidem ex illius Sermone, vix satis constanti, aliisque morbi vestigiis, notatu facile erat; ut *Spiritibus* Vigor; ut *Cerebro*, & *Systemati Nervino* robur redderetur: Villæ suburbanæ Aërem siccum & apertum, Spiritu ducere; & Equo Corpus sæpe exercere, Ægroto suasi. Quibus ille mirifice recreatus, tam Oculorum, quam Ingenii pristinum adeptus est acumen, & argutias; atque annos jam duodecim, *Arthritide* crebro recurrente, verum *Apoplexiâ* ne semel quidem, egit.

HIST. VI.

Arthritica ut occurratur Apoplexiæ.

Matrona nobilis, illustri Domo orta, verum *Arthritide* graviter afflicta, nunquam Utero gerens, circa nonum ætatis suæ lustrum, Febre intermittente corripiebatur; ejusque Pa-

roxysmos, pro Typi ratione revertentes, tres vel quatuor toleravit. Quum hi finierant, neque ulla Medicina, qua Materia, & Causa eorum proxima eliminari posset, in usum traheretur; statim à Febris abitu, novum aliquod, à proposito nostro non alienum, in extremis Partibus exortum: utriusque nempe Malleoli Dolor, & deinde Tumor plane *Arthriticus*; sed, propter frigidum Sanguinis Temperamentum, Nitore nullo, nec quidem multo Rubore insignitus. Perduravit Dolor, quatuor vel quinque dies; eoque exeunte, mansit Tumor, alteros adhuc complures. Hujus illa modi Paroxysmos, nempe *Arthriticos*, ex intervallo anni quasi integri, non paucos subierat; quum inopinato *Caput* affectum est, &, tanquam invadente *Apoplexia*, perculsum. Ita laboranti, una cum aliis à *Capite* Materiam evocantibus, supra quam expectare merito liceret, profuere *Friktiones*; quæ ad Pedes Materiam invitarunt, & in eorum Articulis Tumores excitarunt. Hinc *Capitis* Tutela; hinc, ejus Malum *Arthritica* esse natura, signum ἀποδυσκλινός.

Meum erat Dominae, *Prophylaxin* ordinando, consulere: Hæc duobus comprehensa est, Primùm, Materiae vitiosæ, à Patre *Arthritico* acceptæ, nullo Partu minutæ; verum Mensibus obstructis auctæ, [quæ tum Febris Intermittentis, tum Morbi Articularis causa esse videretur] quanta maxima fieri possit, tam *Expulsione*, quam, ne crescat, & repullulet, Inhibitione: Deinde cavendo, ne in *Caput* iterum eadem irrepât.

Ut primæ harum Indicationi satisfacerem, Purgatio omni mense, loco τὸ ἐμπύκνον imperata est; Diebus autem otiosis,

otiosis, *Aquæ Spadanæ*, & *Stomachica*. Ut alteri occurreretur, quotiescunque *Capitis* periculum immineret, & *Arthritidis* id invaderet, ad eam educendam *Venæsectio*, Dorfi *Scarificatio*, cum *Cucurbitulis*; Colli posterioris, vel totius *Capitis*, *Vesicatio*; Malleolo utrique *Phænigmorum* applicatio, & deinde *Epispasticorum* prope locos tumefactos. Hæc, inquam, una cum *Podagragogis* ore datis, *Ægræ* sunt commendata. Hoc autem loco id præcipue notandum, *Arthritidem* interdum ad *Caput*, ad *Pedes*, æque fere inclinare, & in hos ab illo, levi *Frictionum* ope derivari.

C A P. XVI.

De Paralyfi Arthritica.

ART. I. **V**ENIO ad *Paralysin Arthriticam*. Quum *Miasma Capiti* appulsum, in ejus *Cortice*; speciatim, *Vasis* illius *Sanguinem* vehementibus, non diu commoretur; verum in *Glandularum Ductus*, in *Nervinos* sc. *Tubulos* impellatur; ex duobus hisce, quæ sequuntur, unum semper eveniat, necesse est.

Nunc in iis, quæ sunt *Meditullii*, *Tubullis* sistendo, *Apoplexiam*, *Vertiginem*, *Oblivionem*, *Ἀγρυπνίαν*, *Somnolentiam*, aliumve aliquem *Cerebri Affectum* creat; & quidem aliter, quam in præcedenti Capite declaratum est, nimirum (ipsos *Spiritus* in *Officinis* suis cominus aggrediendo, eorumque confertim *Operas*, & jam proxime disturbando) *Ἰδιοπαθικῶς*; itaque ægro tantem sæpe opprimit. Quod quidem eo usque crebrum existimare licet, ut

Apoplexia laborans *Arthritica*; quoties (*Phlebotome*, *Catharsi* aliisque auxiliis, ei tollendæ necessariis, incassum adhibitis) idem occumbit; *Apoplexia* hujusmodi *Idiopathica*; potius quam ea, quæ in *Cerebri Cortice* locum habet; interim judicetur.

II. Sæpe vero *Miasma* ad eos *Tubulorum* locos propellitur, ubi *Spirituum* meatus obstruendo & vias implendo, *Paralysin* affert: eamque hujus, vel illius *Membrum*; sicut *Nervus*, qui ad hoc, vel illud *Membrum* pertinet, est affectus. Unde sequitur, istius *Membrum* sive *Motus*, sive *Sensus* tantum, sive uterque læsus, & diminutus; interdum etiam abolitus.

III. In *Causa Paralyseos* exquisitæ, proxima & continente, describenda, Medicis inter se non convenit: Alii enim, duce *Erasistrato*, (quod à *Galeno*, ipsis *Erasistrati* verbis utente, traditum est,) ab *Lenta*, *tractili*, & *excretu difficili Materia*, *Nervos* opprimente: Alii vero, à vim *Narcoticam*, aut alias virulentam habente, ipsosque *Spiritus* confodiente, *Paralysin* fieri contendunt.

Profecto, neutrum horum, opinione nostra, penitus excludendum: Enim vero, ita posse accidere non improbabile est, ut ad committendum hunc Affectum, ambo concurrant, & viribus sociatis simul operentur. Nam, ut singulatim hæc attingam, usu quotidiano patet, *Arthriticorum* *Sanguini* *γλίγγων* *τι* inesse; eique detracto, & in excipulis quiescenti, post breve tempus, innatare; quod utique (sive antiquorum

* Αὐτὴ δὲ γλίγγων, καὶ ὀλίγη, καὶ ἀσκήνηται. De Atra Bile, Cap. 5.

tiqorum *Puuita*, five non) ad *Nervos* obstruendos omnino satisfaciat.

Et, quod altero loco dicendum, virosum aliquod in *Nervos* se recipere; *Spiritus* in iis contentos afflatu, & contagio perimere; &, vel per se, vel cum aliquo alio *Spiritibus* inimico *Paralyfin* inferre, Exemplo mox addendo: (*Historia* sexta) manifestum, ut opinor, & testatum fiet.

IV. Ut causas investigem magis remotas, eæ sunt, primum in Sanguine *Diathefis Arthritica*, seu Virus istiusmodi indomitum, ἐτεροθυές, in fugam, ubicunque possit, abiturum; in *Nervinum Genus* ingressurum. Quæ quidem *Diathefis*, per se multarum virium, & in hoc Affectu producendo valentissima; Causam interdum adjuvantem habet, nempe *Plenitudinem*; quæ, apud Populum Satietai deditum, cum ea solet jungi, & in hoc negotio ἐκωστιάδς, Certe in hac Regione, eorum, qui ex *Arthritide* perperam agente, & minus *Regulari*, primum *Apoplexia*, dein *Paralyfi* corripuntur; non pauci causam istorum malorum antecedentem in Sanguine duplicem agnoscunt; videlicet *Arthriticum Miasma*, *Plenitudine* comitatum.

Deinde, *Cerebrum* à natura molle, aut Morbo aliquo, aut Ictu, aliave quavis evidenti causa, debilitatum, & *Nervi* supra modum teneri: quibus facile, per Ora plus æquo dehiscentia, Virus admittatur, & diu intra *Tubulos* retineatur.

His postremo loco adjiciendum, quicquid *Externæ*, five causæ evidentis, via tam patula Materiam adeo paratam adigat: Hujus autem generis sunt Aër humidus, & palustris; aliaque omnia, quæ in *Paralyfi Primigenia* locum

inveniant: at in hac *Arthritica* præcipue memoratu digna sunt Vita sedentaria & otiosa, mala Viæ ratio, frequens *Hyptinorum* usus, *Spiritus ardentés* immoderate sumpti. *Venus* immodica, Frigus, &, in Corporibus calidis & biliosis, Medicamentorum abusus calidorum; omniaque, quæ *Arthritidi*, ne Articulis infigatur, obfistent, aut iis affixam quæcunque reperiunt.

V. Ex hoc causarum apparatu, facile est conjicere, quem in modum fiat hæc *Paralyfis*, & (præcurrente modo *Capitis* gravitate, modo Dolore, modo Vigilia, modo Somnolentia, modo Vertigine, modo Oblivione, modo Tristitia, modo mentis alienatione, modo etiam nullo præcedente *Capitis* Affectu, sed Intestinorum Colico; modo neque hoc quidem) quam expedite Virus *Arthriticum* in *Nervos* intrudatur; quamque, eos adimplendo, aliæve *Spiritus animales* afficiendo, cito *Paralyfin* hanc inducat.

Ægroti vero conditio, five morbi eius pro ratione Partis affectæ, aliud atque aliud esse reperitur. Si *Lingua Nervus ἀρραλύνεται*, aut sonum Æger inconditum edit, aut Verba (Voce confusa blaterans) dimidia: Si, qui *Paris vagis* ramus est, ad *Ventriculum* pertinens, (quod quidem *Arthritico*, *Plenitudine* gravato, & ex ea *Procatarxi* primum *Apoplexia*, tum *Paralyfi* perculso, contigisse novi) Æger omni Concoctione, & quidem Appetitu captus, Cibi fastidio pertinaci laborat; donec, Humorū penu Vitalium indies decrescente, neque novis accessibus, uti par est, refecto, summa tametsi Copia beatus, paulatim marcet, Tabe conficitur. *Paralyseos Arthritica*

Arthritica in Corporibus *Biliosis*, maxime vero *Colica Biliosa* supervenientis, alia solet esse ratio, & quidem priva: Hac qui laborant, Famem habent imminutam, pene prostratam; Corpus attenuatum, Cutim universam (at præsertim Oculorum album) Ictérico colore tinctam; aridam, neque ex Naturæ lege perspirantem: Adeo nempe diversa Facies huiusce morbi, pro Loci ab eo occupati, & Causæ conjunctæ diversitate.

VI. *Paralysis Arthritidi Secundariæ*, sicut *Primigenia*, multiplex invenitur, *Ratione Subjecti*, nunc unius Lateris; nunc unius membri est; & quidem (uti meis obtigit) præcipuè Linguæ; *Ratione Materiæ*, sive Causæ Continentis, interdum eam habet simplicem, & puram *Arthriticam*; aliquando *Γλοχρότη* involutam; aliquando Bile, vel alio aliquo commistam alieno: Alias sola, & per se occurrit; alias motibus Convulsivis comitata: Alia denique imperfecta est, qua non satis habiles redduntur Artus; & in motibus obeundis sæpe vacillant, at non ex toto resolvuntur; alia vero perfecta, qua penduli fiunt, & immobiles. Hæc autem omnia, cum *Paralysi Primigenia*, nostræ huic *Arthritica* sunt communia.

VII. *Periodicam* neque ego novi hanc *Paralysin*; neque temere, propter materiam *Nervis* impactam, & cohærentem, (id est, continenter eos oppilantem) esse posse judico: qualem tamen aliam observavi, nimirum *Αρῳίαν*, statim temporibus, permultos menses, ad fidem pene Horologii, recurrentem; (& *Regiæ olim Societati* *renunciavi,) Contra quam *Galenus*,

qui *Paralysin* nullos habere *Typos* asserit †: nisi forsan (ut illustri *Pergameno* suus servetur Honos) de *Paralysi* omnium exquisitissima; & *Primigenia*, sermonem ille facere; nostra vero, jam dicta *Paralysis Hysterica* censetur.

VIII. *Paralysis Arthritica* morbus curatu perdifficilis, idque præcipue duas ob causas: Harum altera Situs est istius morbi in Corpore profundus, nimirum intra *Cerebrum*: ex quo fit, quod adversus eum quæcunque dentur, Ore demittendo, Remedia Colum tam *Cerebri*, quam *Intestinarum* penetrantia, non parum alterentur, nec in alienum, quod est morbi adeo remoti Causa conjuncta, pulsusatis valido arietet, aliasve, uti par est, afficiat. Altera vero difficultatis hujus causa est, quod in Corporibus senio, vel *Arthritide* conflictatis, aliasve fractis, & debilitatis; itaque medicinam minime sic, ut par est sentientibus, locum hic Affectus plerumque teneat.

Verum, ut singularia persequar, si morbus hic *Apoplexiæ* succedat, propter injuriam *Cerebro* inflictam. Curatio longe difficilior; &, si recurrit *Apoplexia*, tanta plerumque vis *Humorum*, & tam *αθρόως* in *Cerebrum* impellitur; quanta id obruatur, & ægrotus, antea debilis, è medio feratur.

Sin è diverso *Μίασμα*; sine ulla (sive per *Apoplexiam*, sive alias) in *Cerebrum* gravi facta impressione, in *Nervorum* Tubulos irrepit, & se paulatim insinuet: sique interea medicamenta, malo

* Vide *Acta Philosophica Londinensia*, num. 242.

† Ὅλγα τὴ παλαιῇ ἐτυπῆν ὡς Ατρεφίας Παράλυσις, κλ. *Libro de Typis*, Cap. 2.

malo tam immani convenientia, sint adhibita; reliquaue Æger ad præscriptum agat idoneum universa; hæc illius conditio minime desperata. Habet *ταρμὴν*, quod (Deo adjuvante) huiusmodi debilem, quod elumbem, quod emaciatum, quod decolorem, motu, Viribus, *ἐν γούναϊ ἐν σπρίνῃ*, donet; & ægrotantem, ultra quam expectatio sit, restituat. Quibus autem modis hæc Curatio fiat, jam proxime declarandum.

IX. *Therapia* duplex est; vel quæ, in Morbo auferendo; vel in eo, ut ne augeatur, neve renovetur, inhibendo, quæ summis viribus contendit. In prima ejus Accessione (quæ quidem Indicatio primo loco persequenda.) Ne alieni vis *ἀλλοτρίως* in Nervos impellatur, enitendum; quem in finem, si *Plenitudo* sit cum Pulsu forti, & nihil repugnet; è re futurum arbitror Sanguinem, è Brachio, aut Vena Jugulari, vel *Cucurbitulis*, & *Scarificatione* Dorso detrahare. Horis aliquot post *Venæsectionem*, immittatur *Enema*. *Purgatio* usus fere perpetui est, maxime vero ea, quæ Sanguinem exagitet, & *Arthritidi* in Artus amoliendæ faciat. Porro conducit, quamprimum Morbus ægrum invadat, Articulo *ἐν τοῖς Ἀγκύλοις* sæpissime dolenti, *Cataplasma Clarif. Batei Apoplecticum*, seu de *Raphano Cl. Fulleri*, aliudve quodvis acre, *φωσφωρὸν* excitans, applicare; & *Arthritida*, quæ jam nunc è Sanguine fugam meditatur, ad τὰ ἔξω educere.

Facta Humorum è Capite *Antispasmi*, & mutata eorum inclinatione, (nec quidem maturius, ne in *Caput* ii, impetu cum majori, à medicamentis interantur) ad eos extra pellendos, ægro-

to dentur è *Pulvere Gasconico*, *Purpureo*, aliisque mitioribus *Ποδαγραγῶν*, sic, ut Artis est Composita; bis vel ter in die, cum *Julapii* Haustu *Cardiaci*, *Cephalici*. Quamprimum Tumor *ἐν τοῖς ἔξω* fuerit, admoveatur ei *Vesicans*; quod Humorem, in eo contentum, foras eliciat, neque, retro agi patiatur.

Huc etiam confert *Epispasticum*, Cervici, seu Collo posteriori dimidio; huc Capitis ad Cutim *Tonsura*, *Rasura*, & *Emplastrum* ei de *Cumini Seminibus*, aliudve quodvis atrahens, impositum; quod nempe, post *Evacuationes* generales, si aggraveretur, *Caput* allevarit. Profunt *Gargarismi*, Salivam jugiter elicientes, & *Dietæ* ratio tenuis.

Interea temporis, *Spiritus volatiles*, *Tinctura Castorei*, *Succini*, &c. cum *Julapii Cephalici* Haustu, vel cum *Anthus*, sive *Salviæ Infuso*; quæque Indicationem Vitalem tueantur reliqua, sive extra, sive intus, ea, qua opus fuerit, Dosi, modo, & frequentia, juvat adhiberi.

Quoties autem materia *Nervis* est impacta, & infixa, ad eam tenuandam, & vias *Spirituum* aperiendas, (quæ medendi Indicatio altera est) iis è *Ligno Sancto*, & *Sassaph.* eorumque *Corticibus* *Decoctis* opus; iis, è *Ferro præparatis*, *Frictionibus*, *Balneatione*, *Embrosche*, *Vestitu*, *Linimentis*, *Ceratis*, *Emplastris*, & id genus aliis, quæ in *Paralyfi Primigenia* cum fructu præscribuntur. In *Paralyfi Arthritica*; viroso afflatu facta *Decoctum Corticis Chalybeatum* Ægro multum profuisse novi.

Hic autem sedulo videndum, Corpus Ægri frigidum, an calidum; miasma

miasma simplex, seu *ελεγχωσις* involutum, an Bile mistum; ut in *Paralysi Arthritica*, *Colicam Biliosam* insequente: Cujus Exemplum mox subjungam satis luculentum. *Calida* enim (si ad diutinum tempus, & copiosè propinentur) Remedia insomnes reddunt ægros, inquietos, & perpetuo quasi febricitantes. Spiritus eorum animales, indefinenti tumultu & agitatione fatigati, perimuntur; nec à medicamentis hisce, utut valentissimis, & maximè *Cardiacis*, vel minimum iis Robur accedit; contra, turbarum & debilitatis multum. Hujusmodi laborantes *Aqua* seu *Spadana Germanorum*, seu *Bathoniensis*, seu *Bristolensis*, (& procul dubio alia non pauca *Ferro* gaudente, perque *Renes* exeunte) modo viva hauriatur, magnopere reficiuntur: Restinguit enim illa Spirituum ardorem, à Bile factum; Oestrum eorum mulcendo componit, & adjectis, suo tempore, & modo, *Chalybeatis*, hujusmodi affectorum Curatio quàm jucundissimè, quàm certissimè perficitur.

X. In morbi hujus *Prophylaxi* nihil conducibilius, quàm, ut *Arthritis* Paroxysmos habeat Regulares, studiosè niti. Hoc enim, ut opinor, ratæ, firmæ, indubitandæque fidei Axioma, *Paralyticum* hunc *Arthriticum*, quo plus Artubus ægrotaverit, eo minùs *Capite* & *Genere Nervino* laboraturum. Quam primùm igitur crescit, & in Sanguine se attollit Miasma *Arthriticum*; si nihil vetuerit, *Purgans*, & quidem, *Δρασμὸν* adhibeatur; posteaque *Martis Alcohol* gr. v. bis, vel ter in die sumi præcipiantur. Quibus in subsidium, paucis post diebus, veniat Externum aliquod, *Ῥίς Ἀρθρῶν* admo- vendum, *Arthritidem* evellens; & in

horum usu perseverandum, donec *Arthritis*, si commodè fieri potest, eruat- tur, & in Artubus sistatur. Interea verò temporis, *Alvus* ne dura sit, & Humores ne in *Cerebrum* eleventur, est cavendum; & ut Januà nunquam non aperta sit, qua Natura, (quoties ei vi- sum fuerit) in exilium Miasma mittat, & foras extrudat; in Brachio, vel Dor- so potius, ut Fonticuli fiant, utque juges sint, curandum.

Hac quidem Medicina, qua *Curatio- nem*, quàm *Prophylaxin* exhibente *Paralysin Arthriticam* tum perfectam ab- tuli; tum etiam (quantum ex usu li- cet conjecturam facere) quo minus re- verteretur, effeci: & Morbo, olim gra- vissimo, & ad recurrendum apto afflicti, Senectutem, hac tutela (nimirum *Ar- thritidos* beneficio *regularis*) tum lon- gam, tum incolumem sunt adepti.

De *Paralysi Arthritica* hæc dicta sunt.

HIST. I.

Cephalalgia Arthritica, cum *Paralysi* incipiente curata.

Mulier *Exoniensis*, adolescentia nondum exacta, citius nimirum, quàm Viri solent, *Arthritide* laboravit. Sed supra viginti annos ha- bens, per multos ejus Paroxysmos ex inter- vallis erumpentes; Dolore primùm articulari; deinde Tumore, Nitore, Ru- bore signatos, est perpeffa: quibus ve- rò modis, & gradibus, increvit Tumor; iis usque remisit Dolor. Maximè af- fecti sunt Pedes; non nunquam Genu, sub accessionem *Arthritidis* nuperam Articulum dolentem *Linimento* quo- dam repellente lenivit. Hinc Materia Dolorem faciens, Sanguini reddita; in

Caput translata: quod vel eo palam factum est, quoniam *Ægram Cephalalgia*, (rarò aliàs, vel nunquam ei molesta) jam tunc invasit atrocissima. Artus etiam aggravatos, & vix satis habiles, non nihil affici, atque adeò insultu *Paralytico* tentari patuit.

Contra *Paralysin* incipientem, & *Cephalalgia* ex *Arthritide* percussa confirmatam, ea præcepi, quæ sequuntur.

℞. *Aloes rosat.* ʒʒ. *Scam. pulv. gr.* v. *Ol. Abf. ch. gtt.* j. *El. Propiet. q. s. f.* Pil. mane demittendæ. Harum *Ægra* beneficio, ter quaterve, modo laudabili, dejecit. Peracta Purgatione, *Bolum* hora somni, (ex *Theriac. Androm.* ʒj. *Pul. Purpurei*, & *Gascon. āā* ʒʒ. *Conf. Alk. q. s.*) & quarta alios quaque hora, *Pulveres*; in eo contentos, per se assumpsit, ex *Julapii Cardiaci* Haustu. Ter etiam in die, *Spiritus Vol. Oleos. gtt.* xv. cum *Posseti*, *Floribus Rorismarini* alterati, haustu. Ut autem hæc, quæ Materiam in Artus expellant; ita comparata sunt alia, quæ, Artubus superposita, eam extrahant. *Emplastrum* nempe, ex *Saponis Veneti*, *Picis Burgund.* *Empl. Cephal.* aquis ponderibus: utrique Genu, & Malleolo applicandum; Tibiæ verò utrique, & Cervici *Epispasticum*.

A Dejectionibus *Caput* non mediocriter levatum; ab *Epispasticis* multum. *Emplastra* attrahentia Pruritus sequebatur; uti etiam *Dolor* planè *Arthriticus*. *Ægræ* succursus est, tum magnum in modum, tum celeriter, tum etiam opportunè; brevi, forsan, alias succubituræ. Addam denique, facta hæc, & transacta omnia, tempestate nullo modo favente: Frigidissima enim erat, & *Arthritidi* educendæ, (quod à me plus semel observatum) ineptissima.

Quum verò *Cephalalgia*, longo post tempore, recrudit; iterato *Cathartico*, & ambobus brachiis admoto *Epispastico*, curata est *Ægra*.

HIST. II.

Hemiplegia Arthritica simili modo curata.

DUm in his conscribendis sum, obviam mihi venit hujusce Morbi Historia; in eo confirmando, explicandoque, momenti non exigui. Civis *Exoniensis*, per omnem vitam sobrius & temperatus; Dolore primùm Brachiorum, Crurum, & Coxendicis, ad mensis spatium vago, & afflictus. Hunc ut tolleret, *Theriacam* ille *Venetam* assumpsit; cujus opè proturbatus Humor, in pedis digitum missus est. Articuli enim maximi dolor, ardor, rubor erat; simulque Globi, infrà positi, tumor. Raro unquam *Arthritis* ulla manifestior.

Cùm ita res esset, circumforaneus quidam Medicus, nunc Oneribus bajulandis, nunc autem Medicinæ, uti fors tulit, faciendæ operam dare solitus, *Ægro* persuasit, ut ad Dolorem mitigandum ex suis *Emplastrum*, (nobile quoddam Antidotum, à *Triphone* acceptum) dolenti Articulo superponeret. Quo temere facto, Dolor intra breve tempus sedatus est; Tumor omnis subsidit, & repulsa, in eo contenta, Materia *Caput* invasit. Somnolentia primùm, inexpugnabilis penè dormiendi necessitas oborta est; tum paulò post *Vertigo*; deinde *Apoplexia*, quæ vicos obambulantiem *Ægrum* humi prostravit. In domum proximè adjacentem vectum, pulsu dubio & vacillanti, sinistri lateris *Hemiplegia* labo-

borantem, sensu motuque corporis universi prope orbatum reperi. Sanguinis ℥xij. quàm citissimè detractis, & *Enemate* in alvum misso, rejectoque, non nihil levatus est. Ad excitandos Spiritus animales, iis amicos, & *ομογεγείς*, Volatiles, ex *Julapio Cephalico* largiter, & sæpiuscule dedi. Vertici, & Cervici *Epispastica*, Plantis Pedum *Emplastra* ex *Pice Burg.* & *Empl. Cephalico* admoveri; *Sp. Salis Armoniaci*, cum *Sale Tart. præparati* sæpe submitti Naribus institui: Postridie *Pulvere Warvvicensi* Alvum moveri.

His similibusque auxiliis paucis post diebus Verba distinctè pronunciavit; mediocriter ambulavit; *Capiti* sinistram erexit, debilem verò, & sensus adhuc obtusi. Ut hæc Secundæ Valetudinis initia confirmarentur, utque Spiritus animales recrearentur, & ad munera ritè obeunda stimulantur, ea, quæ sequuntur, adhibui.

℞. *Sem. Rutæ* gr. viij. *Salis Vol. Succini* gr. iv. *Cons. Anthus* ℥ij. *Pul. Serp. Virg.* gr. viij. *Syr. Pæon. simp.* q. s. f. *Bolus*, ter in die sumendus, cum *Julapii* haustu.

℞. *Aq. Pulegii*, *Rutæ* aā ℥j. *Bryoniæ* C. ℥iv. *Marg. pp.* ℥i℥. *Sacch. albiss.* q. s. f. *Julapium*.

℥. *Tinct. Castorei*, *Sp. Vol. Oleos.* aā p. æq. sumat gtt. xxx. cum idoneo quovis vehiculo, bis in die.

℞. *Cacum. Salviæ tenui fol.* ℥vj. *Sem. Sinapios*, *Cochleariæ contus.* aā ℥ij. *Cort. ext. Aurant. Rad. Raph. Sylvest. ras.* aā ℥j. f. *Sacculus*, quatuor Congiis *Cerevisiæ* in *Potionem ordinariam*, infundendus.

Hac utique Medicina, si Vitæ rem spectemus, ad sanitatem pervenit, sartus & tectus, Æger: quum verò Sinistri Lateris quædam maneret imbecillitas,

illius causa *Bathoniam*, meo hortatu, petens, *Thermas* ingressus est; unde Artuum, qui defecerunt, vires & robur pristinum pene redintegratum habuit; ex illoque tempore, subinde dolens Articulis, annos ille permultos egit, *Apoplexia*, & omni Capitis insultu liber, non nisi senio demum confectus.

HIST. III.

Paralysis Arthritica, cum Spasmo Cynico, lethalis.

Quidam ad *Credenum* humili loco natus, mediâ ætate per multos annos *Arthritide* laboravit; tentationes certis quibusdam periodis, easque rectas, & benignas, iterante. Mense Maio, anno MDCCII. tum *Chiragra*, tum *Podagra*, posteaque *Spasmo Oris Cynico* (nullo Capitis Affectu, nedum *Apoplexia* præcedente) correptus est. Verba edidit imperfecta, confusa, dimidio *Linguae* resoluta. Pulsum inveni debilem; Vires fractas, neque Venæ sectioni, neque Purgationi consentientes.

Capiti ad Cutim tonso, & deinde raso, *Epispasticum* applicui: Malleolis, & manibus (locis ab *Arthritide* frequentari solitis) *Phænigmos*. Tumoribus à *Phænigmorum* applicatione factis, *Epispastica*. Interea temporis *Pul. e. Chel.* CC. ℥℥. *Chal. N.* ℥℥. ter in die, cum *Vini rubri Hispanici* ℥iij. Porro, ter in die, debito à *Bolis* intervallo, *Sp. Vol. Oleos.* & *Tinct. Castor.* aā gtt. xv. ad xx. cum *Julapii Cephalici* Haustu. *Sp. C. C.* cum *Calce viva*, Naribus subinde in languoribus admovetur. *Cerevisia*, *Ras. Radiculæ*, *Cacum. Cochlear. Sem. Bardanæ medicata* est.

Quod derafo *Capiti* impositum fuit, bidui

bidui spatium parum evocavit. Cetera profuerunt ægrotanti. Postquam enim *Arthritis* ad *Ægrem* fuit translata (quod sex septem diebus factum) *Spasmi* omnes sublatis sunt, vox restituta.

Minimè verò perfecta hæc Curatio; etsi enim Sputum, (*Paralyticis* ferè omnibus familiare) jugiter effluxit; etsi auxiliorum usu præscriptorum, duos prope menses *Arthritis* Artubus insedit; unde Fames renovata, Facies colorata, aliaque Sanitatis orta fuere indicia; (quæ *Arthritidi* denuò redictæ ipse *Æger* retulit accepta). *Linguam* tamen usque resolutam, memoriam insuper labefactatam habuit.

Contra malum tam pertinax, & *δυσλειτουργία*, ad tres vices *Purgatione*, & diebus otiosis *Decocto* usus est *Lignis*; Neque sine fructu aliquo. Verum in *Nervos* tanta alieni vis irrepsit; itaque eos corruerat; ut, post varia Medicamentorum genera incassum adhibita, [utpote, Causam in Corporis recessu tam recondito locatam, quæ non dimoverent] *Ægrum*

Οανατιο μέλαιν νέφθ αμφιμάλυσεν.

HIST. IV.

Colica Arthritica in Paralyfin degenerans Arthriticam.

HActenus *Arthritidos* rectæ, in *Paralyfin* abeuntis, Exemplam protulimus; *inversa* jam & *Anomala*, eodem modo finientis, ecce tibi Historia. Tenui Corpore, biliosa Constitutione Vir, annorum ferme quinquaginta, quindecim verò annorum Podager; ineunte anno MDCCII. Pedibus & utroque Genu doluit: cessante verò brevi tempore eo Dolor, *Colica* tentatus est. Successit Brachiorum pri-

mò gravitas, & debilitas; mox *Resolutio*; ut è *Digitis* nullum movere posset. Fames abolevit; Cibi omnis fastidium fuit; quod quum jam diuturnum esset, ex eo reliquisque Morbi satellitibus, Corpus jam planè emaciatum; Faciei Color flavus; Oculorū, quod albū esse debuit, *Ictericum* id omne factum est.

Arthritidem hanc ad *Ἐντερά* inversam, & à Visceribus, una cum Bile Colicam dudum committente, in *Nervorum Tubulos* translata esse judicavi.

Ut Curationis, quoad fieri posset, absolutæ iniretur ratio; primū, *Decocto Cardui* Ventrículum moveri; *Solutum Purgante* Ventrem inaniri sedulo institui. Iis, quæ impedimento essent, expressis, *Aquam* dedi *ferratam* bibere tepefactam, omni mane, ad libram quasi integram, neque nisi sorbillando, & paulatim hauriendam; aliasque, loco Potionis ordinariæ, eandem, cum *Vini Lusitanici* ea quantitate, quæ ad *ἐντερικήαν* opus inveniretur.

Magno fuit huic ægrotanti auxilio, unà cum prædictis *Aqua ferrata*. *Nauseam* enim ademit; Famem (id est, Vitæ spem) reddidit; aliisque post hæc adhibendis viam aperuit. *Chalybem* addidi *Nutritum*; quo in Articulos pulsa est *Arthritis*, Pedis Tumor & Dolor, factus; quæ tamen, omisso *Chalybe* cito decreverunt.

Hac autem Medicina (*ὑποποσεία*) nempe diu producta, continuataque, & *Chalybe* interdum adjecto) Visceribus robur, Oculis Vigor, Faciei Color restitutus est. Spirituum turbis & agitatione, quæ quidem magna & permolesta fuit, composita, sudum undique & serenum est. Ex elumbi, debili, & emaciato *Ægro*, quâ Morbo, quâ Inedia prope jam enecto, res Salutis

adeò

adeò servata, & Vires instauratæ sunt, ut, tametsi quædam maneret Artuum imbecillitas; negotia tamen obire, itinera Equo longa & crebra facere valeret; Vitamque alacrem, & vitalem tum ageret, tum etiam acturus esset.

Adeò enim ex ea Medicina profecit, ut jam, annis post quatuor, multo rarius, multo illum mitius dolere, & Paroxysmis tuto carere; (Manum verò sinistram, ob Tendines contractos, motu ferè omni privatam esse) per Literas nuper accepi.

HIST. V.

Arthritis primùm, & deinde Paralysis, à Materia Colicæ biliosa.

FOeminæ olim memoratæ, primùm Colica biliosa, deinde *Podagra* laborantis, Historiam, quoniam eo tempore plenius de illa differere nihil attingebat, interruptam, hîc loci continuare libet, & ad finem perducere. Remittente (sic, ut dixi *) *Arthritidis* Paroxysmo, Caput illico tentatum est, & quidem impensissimè. Somnus enim inquietus, nec qui, uti par erat, ægro- tantem reficeret. Huic adde *Capitis* gravitatem, & dolorem: quod verò præcipuè notandum, quoties expergifceretur, quod diceret ageretve, nihil in promptu habuit: oppresso nempe *Capite*, & *Mente* quasi Nube obducta. Periculum erat, ne confestim *Apoplexia* posterneretur: Detractione Sanguinis periculum isthuc imminutum, Nubes sublata. Brevi post tempore *Paralysis* secuta est; qua demum *Ægra Ὑσποσσία*, & *Balneatione* diutina liberata fuit.

Quandiu hujus *Ægræ* membra fue-

* Vide *Dissertationem de Arthritide Symptomatica*, Cap. x. *Hist. I.*

re resoluta, & *Aquæ* potationi illa incubuit; *Arthritide* tamdiu immunis omni perstitit: integra verò ad consuetudinem rediens, & veteri *Diætæ* ratione usa, *Arthritide* jam nunc urgetur regulari: qua utique confirmatur, priscos illos, sive *Pedis*, sive *Malleoli Dolorem* & *Tumorem*, fuisse planè *Podagricos*.

Aliam novi *Intestinis* pariter dolentem, & quidem ex eadem causa; postea verò *Paralyticam*; cui, cum integrum esset, & intactum adhuc *Caput*, at *Bile Sanguis* æfluaret, ortus est in *Manibus* Dolor, & *Tumor* planè *Arthriticus*; & indicio fuit, *Naturam* hac inimicum porta conari expellere. Hi verò conatus, quantum adhuc observavi, languidi & pene frustra fuere omnes, & *Paralysi* cesserunt: quæ denique *Chalybeatis*, & *Remediis* Sanguinem eventibus, ut & *Genus Nervinum* penetrantibus, una cum *Aquarum Bathoniensium* Potatione, & in iis *Balneatione* crebra, penitus sanata est.

Hiscæ verò observatis omninò liquet, materiam *Colicæ Biliosam*, causam ejus proximam & continentem, nunc in *Articulos* extrudi, & ab iis in *Nervos* transferri, sicque in non nullis *Corporibus* eandem esse *Colicæ, Arthritidos*, & *Paralyseos* ordine materiam.

HIST. VI.

Ob Arthritidem in Nervos inversam, Αφωρία.

VIr bonus, cum primis honestus diu meus ἰν τῷ φαρμακοποιεῖν familiaris, jam inde ab adolescentia *Arthritide*, ad tempus redeunti, laboravit. Vox à pusillo puero, ei densa fuit, obscura: nec quæ Verba clarè, t 3 vel

vel articulate ſatis exprimeret ; à *Nervorum* , uti videtur , imbecillitate nativa ducens originem. Ad hæc acceſſit , ob mortem filii (quem ille quam maxime amavit) Dolor vix conſolabilis ; *Ægri-tudo* valde diſcrucians. Cum eo loci res eſſet , & *Paroxyſmus* jam declinaret , nondum autem ad exitum perduceretur , in aprium animi cauſa *Æger* vectari voluit. In collem proximum & vicinum , at eminentem & apertum , Bruma tunc temporis ſæviente , quando , etiam tum e lecto ſurgens , elatus fuerit , ibique plus nimio commoratus : mœſtum , & imbecilli *Lingua Arthriticum* invaſit primùm *Algor* ; deinde *Vertigo* ; tum brevis quædam mentis alienatio , actionibus abſurdis , inſolitis , & indecoris manifeſta ; deinde *Lateris* , poſtmodum reſoluti , imbecillitas , & obeundi motus impotentia ; poſtremo , & paulatim *Linguae Paralyſis* , *Αφωρία*.

Non novum huic ægroto huiusmodi malum : nam , quum moris erat , exetinte omni *Paroxyſmo* , quàm citiſſimè potuit , lectum abdicare , & foras illico *Pedem* efferre , vel geſtari ; raro id impune facit : imo , quàm citiſſimè fecit , tam maxime poenas dedit ; tam citiſſimè *Lingua* ejus , tanquam *Ligamento* , impedita , & (quod à familiaribus ſæpe obſervatum) aliena *Vox*. *Non novum* , inquam huiusmodi malum ; nova mali fuit *Gravitas*.

Ut morbo iſti medicinam facerem , quæ ſequuntur , auxilia ſunt à me præſcripta.

℞. *Conf. Abſ. Rom. Spec. Diambrae* ,
Z. Z. in *Indiis Cond. ad 3j.*

Conf. Alk. q. s. f. Bolus.

℞. *Pul. Serp. Virg. gr. xij.*

Caſtor.

Spec. Diatr. Piper. añ gr. iv.

Ol. e Sem. Carvi Chym. gtt. ij.

Balf. Per. q. s. f. Pilulæ.

℞. *Cort. Winterani* ,

Rad. Zedoar. pul. añ 3ij.

Sem. Anifi. Carvi añ 3j.

Cochlear. 3j. miſce , & infunde in Vini albi Luſitanici ℥ij. uſus tempore Cochlearia duo , vel tria colentur , cum Cereviſia commiſcenda. Cereviſiæ hauſtus huiusmodi medicatus Bolo , & Pilulis quotidie ſuperbibatur. Ampulla , ad dimidium vacua , Vino ſimpli repleatur.

Porro , infundantur in *Aqua fontana bulliente Sem. Cochlear. contuſa* , *Raſura Radiculæ* ; *Infuſū Diambrae* dulcetur , f. *Gargarisma* ſæpius in die adhibendum. *Frictiones Artuum* ſint frequentes. Sumat etiam *Spiritus Vol. Oleoſ. gtt. xxx.* cum vehiculo idoneo , bis vel ter in die , *Cervici Epispasticum* admoveatur ; poſt dies duodecim , vel duas hebdomadas repetatur.

Horum uſu medicamentorum (non quidem perpetuo , ſed longo , & cum intermiſſionibus ad tempus diutinum producto) factum eſt , ut *Verba* , uno aliquo quamplurima præeunte , ipſe , eadem nullo negotio clarè repeteret. Vegetior item , coloratior , & hilarior evadere ; *Cibum* capeſſere , devorare. *Arthritis* ſub id tempus manum occupavit ; *Curationis ſpem* adduxit , ac (eheu !) brevem , & fallacem. Relicta manu , tam inclementer *Ægrum* habuit , ut e veſtigio *Caput Dolor* , *Stupore* , aliisſque mali moris accidentibus affligens , eum pene confecerit. Hoc ob *Alvum* , incuria domeſticorum , nimis duram (unde in *Caput Humores acti*) evenit. Ex *Paroxyſmo* tam infelici , & *Naturæ* rebus tam malè convenienti , nullum *Paralyſeos* levamen ;

levamen, nulla Vocis restitutio. Contra, medicamento non uno, neque impotenti frustra adhibito, integrum jam triennium (si Verbum unum, aut alterum, *μονοκύλλαβον*, excipiat) mutus fuit; & quod annotatu dignissimum, per eosdem hosce annos, etiamsi satis cibi ingerens, rariùs & mitius solito doluit Articulis.

Ut Historiæ hujus summam brevi complectar; de hac *Paralyfi*, in homine *Arthritico*, & jam tum dolenti, Frigus insecuta, quid aliud cogitandum? quàm, quod Humores *Arthritici*, adhuc in Sanguine relictî, effæti, & in fugam abituri, Algore contracto, & angustato Corpore, in *Nervos* impellerentur: & in eos se ab dentes mala jam dicta committerent. Materia verò aliena, quæ e Corpore expelli debuerat, in *Nervos*, natura forsan nimis apertos, & dehiscences, impulsâ; tanta ex eo Oeconomix perturbatio, Naturæque Vires adeo fractæ, & debilitatæ sint; ut, *inversa* in posterum *Arthritidi* favens ea, regularem, uti olim, Paroxysmum minimè moliatur.

HIST. VII.

Ex Morsu Canis, Arthritidis rectæ silentium, Stupiditas, Paralysis; Arthritide denuo facta Regulari, curata.

R Ara quidem, annis abhinc aliquot, & inaudita forsan *Arthritidos Anomalæ* mihi sese obtulit Historia; quæ, ut multa observatu dignissima, ita Doctrinæ huic nostræ lucis non parum allatura continet, ideoque protenus adscribenda est. Homo adhuc in vivis est *Ischanus*, qui sub

exitum seculi novissimi, decimo ætatis suæ lustro, Pedibus subinde doluit. *Podagra* nimirum affectus germanissima, Malleolum mordente, omnibus numeris absoluta. Hunc in modum ea, per triennium bis terve singulis annis, accesserat; quum ex *Morsu Canis* (foran rabiosi) *Podager* ægrotavit. Vulnera, Cruribus inflicta, per mensis spatium, Ichorem emisere, sanatis autem iis, suppressoque flumine, nova malorum ingruit caterva, atrox certè, & pestifera: Primùm enim late, per universum Corpus, sparsum est alienum aliquod, Sanguinis *Ορρασμὸν*, Corporis æstum faciens immodicum. Deinde *Caput* tentatum est: Sedulum enim, & in agendis rebus antea versatum, Ægrum occupavit rerum prope omnium Oblivio. Stupiditas adjuncta est, & in sententia de negotiis ordinariis cum judicio ferenda, impotentia. Magna sub hoc tempus erat Membrorum undique omnium debilitas; & Digitorum huc illuc serpens, tanquam ab Acu pungente, Dolor. Successit *Tetanos*, aliasque Pedum Torpor, & *Δυσκίνησις*. Simili verò ratione, qua Corpus, ipsa laboravit, ipsa subsidit Anima. Levi quavis de causa Ejulationes Æger, & Lamenta edidit; non rarò Lacrymas. Postremo loco Manuum, Pedum *Paralyfi* correptus, eorum neutrum, nisi laboriosè, movit. Quod verò maximè notandum, *Arthritis*, quæ (ut dixi) Paroxysmos, bis, ter quotannis iterare solita est, jam inde à *Canis Morsu*, per integrum biennium (quo, prædicto more, cruciatus est Æger) ne semel quidem reddit. Ut hæc malorum Ilias à Miasmate *Arthritico*, multum conturbato, perque Corpus universum, in ipsos *Nervos*

Nervos actō (& quidem *Canis Veneno* forsan impellente) proficisci, non immeritò credatur.

Docti utique Medici, & experientes, in hujus *Ægri* curam incubuerunt: Quamprimum ea mihi demandata esset, (quando præter Symptomata jam dicta, *Ventriculum* etiam lædi, *Ἀποεξίᾱ*, multoque Vomitu urgeri deprehenderim) primùm *Alvum* subduxi; tum *Decoct. Cort. Chalybeati* ℥ij. ter in die sumendas imperavi. *Decocti* hujus verè *Polychrestī* usu, cum levi Corporis Exercitatione diu continuato, (nempe, cum intermissionibus quibusdam ad annos aliquot) mirum quantum ex eo commodi exortum: Fames enim, Oculi vigor, Faciei color, Spirituum animalium robur (*Arthritide* denuò ἐν τῇ ἑξῶ revertente, & Paroxysmos, sic, ut olim, edente regulares) tum Animæ, tum Corporis mala finire cuncta. *Εὐκυνσία*, & Valetudo, post annorum aliquot interruptionem, omni ex parte integra, & perfectæ, felicissimè restituta, paulatim, tanquam ex postliminio, redierunt.

Si *Arthritidos* isthoc, ex *Morsu Canis*, Silentium; si Symptomata, per istius Silentii triennium oriunda, (gravia profecto, & terribilia;) si, ex *Arthritidis* Reductione, Symptomatum istorum fugam animo ritè perpendamus; nihil manifestius, quàm quòd à *Miasmate Arthritico*, devio, & in *Nervos* irrepente, fierent ista *Spiritus animalium*, & *Nervorum* mala; & quod, ex eodem *Miasmate* in Artus (uti par est) exulante, *Paralysis* cum malorum ista cohorte tolleretur.

HIST. VIII.

Convulsiones, ex *Arthritide inversa*, universales, *Arte medica sublata*.

His, ob Morbi discrepantiam, affinitatem dicam? *Convulsionum* addam universalium, ex *Arthritide* intus in *Nervos* acta, Historiam. Vixit, annos ante paucos, in *Isca* nostræ suburbii, Familia, proba quidem & honesta; neque *Veneri*, neque *Baccho* dedita; quæ tamen *Arthritidi*, sic, ut rarò quæquam unquam magis, est afflicta. Fratrum unus è medio *Apoplexia* subreptus est *Arthritica*; alter *Arthritide* τῇ *Εντόθια* premente obiit: de quibus, suis locis Fratrum Tertius, hic noster, Articulis olim doluit, tum crebro, tum vehementer. At quum hujusmodi cessavere, aut minùs crebræ, minusve vehementer fuere *Arthritidis* accessiones; *Convulsionibus* ille correptus est, observatu dignissimis. Primùm enim ille Partium externarum erant; deinde, mira Spirituum in *Capite* Ἀτρεξία, postea verò *Eclipsi* comitata. Quum ad *Ægrum* arcesserem, *Spasms* eum gravissimis implicitum, Sensibus orbatum inveni: quumque diuturnitate malum ingravesceret, (dies enim aliquot jacuit ἀναίσθητος) tollendi ejus ergo, Medicina, qua possem efficacissima, usus sum.

Præmissis *Alvum* inanientibus, ut *Caput* allevarem, ad *Cutim* tonso, & raso, ei *Epispasticum* admovi: Quod quidem amplum, & diu adhærescens, optimo fuit *Ægrotanti* auxilio; Seri enim libras (quinque, vel sex dierum spatio) minimum binas evocavit. Interea temporis, quæ *Spiritus* sustentarent

rent animales ; quæque eorum motus ordinarent , ore sumenda dedi.

℞. Pul. Castorei ʒj. G. Galbani, Sagapeni, Assæ fœtid. aā ʒj. Opopan. solut. q. s. f. Pilulæ. Sumantur quatuor, ex Julapii Cephalici Haustu, quarta quaque hora. Spiritus Castorei, & Vol. Oleos. in eundem finem, ex eodem vehiculo, subinde sunt adhibiti.

Hac ego medicina, supra astantium expectationem, Ægrum excitavi; morbo eum ancipiti, & pestifero liberavi; & , ut idem ne recurreret incommodum, Chalybe, & Cortice, præsidiiis hac in re certissimis, Ægrum munivi.

C A P. XVII.

De Doloribus in Corpore vagis, fixis; de Ophthalmia; de Erysipelate, & Achoribus Arthriticis.

ART. I. **V** Idimus, quanta cum sævitia Partes Corporis nobilissimas, & Vitæ maximè necessarias, agitet *Arthritis*: quam illa (tanquam malus Civis, qui exulare respuens, Rebus usque novis studeat, Domos illustres ad factionem suam trahat Intestina, Pulmonem, Cerebrum, Viscera ἐν ταῖς κοιλίαις contenta fere omnia corrumpat;) Nunc, in Regionibus à Metropoli, & locis principibus, longo distitis & remotis; in Provinciæ interioris ambitu; in Partibus Viscera continentibus, quid eadem faciat, quoque se modo gerat, diligenter exquiramus.

Horum locorum *Anomalæ*, quæ à me notatæ, sunt in iis *Vaga*, *Fixa Arthritis*, *Ophthalmia*, *Erysipelas*, & *Achores Arthritici*; de quibus omnibus hoc Capite dicam; uti in sequentibus, de *Epiphora*, & *Dolore Dentium Arthritico*.

II. *Arthriticis* iis, quibus Sanguis acri Miasmate diu multumque inquinatus, quum ad ἀκμὴν id elatum efflorescit, familiares aliquando sunt *Dolores*; qui nunc vagantur per Regiones Dorsi, & Lumborum; per Scapulas, Sternon, Cervicem, & Caput externum: Earum nempe Partium aliqua incipientes, eam ad tempus aliquod afficiunt; donec alio, quocunque vult Natura, transferuntur. Quæ utique loci mutatio interdum crebra est; & in nonnullis hi *Dolores* (quod ab *Arthritico* non uno compertum accepi) per Corpus serpunt externum, pene universum: *Arthritis* sic in *Trunco* vaga, non semper intellecta, *Rheumatismi* nomine vulgo delitescit; quæ tamen, si utriusque hujus Morbi naturam penitus scrutemur, ab eo longe discrepat.

Nunc in eodem loco commorantur hi *Dolores*, eumque non parum mutant. Novi Hominem, cujus Sanguis quando planè computruit, & in *Arthriticam* degeneravit *Dyscrasiam*; huic, inter alias Morbi hujus Ἀνωμαλίας, in Regione Lumborum, (ac si à Renum Calculo) *Dolor* immanis, & per molestinus accidit; quem tamen à Miasmate *Arthritico*, Membranas eo loci Spinam investientes stimulante, fieri probabile est. Vertebrarum hæc *Membranas*, etiamsi plurimum urgeri corrodi que noverim; raro hoc fit, præterquam in iis, quibus, seu ætate, si ve morbis penè confectis, regularem *Arthritida* præstare nequit Natura. Novi *Arthritidis* calidæ Materiam, *Oculi Tunicam adnatam* invadentem, *Ophthalmiam* inferre; quæ cum paulo post Articulos inviseret, iisque Paroxysmum aptum, & laudabilem excitaret; eodemque tempore finem *Inflammatio-*

ni poneret ; eam omnino *Arthriticam* esse manifestavit.

Novi *Arthritida Palpebram* in Vetro quodam superiorem , menssem & eo amplius , excruciantem ; quæ cum *Omagram* habuit adjunctam , & *Podagram* è vestigio sequentem , ingenium & morem suum abunde declaravit.

Faciei porro *Erysipelas* notavi , quod detractiōe Sanguinis , factaque inde *Materiæ* in Artus *Διαδοχῇ* , quum in *Dolorem* mutaretur isthuc *Arthriticum* , naturam planè confessum est *Arthriticam* , ipsumque esse *Materiæ* istius generis calidæ & evectæ , eo in loco *ἐξάθνηται*.

Nullius autem *Anomalæ* in Externo Corpore natura subtilior , quàm quæ est *Arthritidos Achoros* inducentis . * Jampridem tradidi , in nonnullis Corporibus fere idem esse , Utrum per Articulos , an per *Aurium Ulcuscula* , id quod alienum , emitteretur : quod quidem Observatione mihi non una confirmatum . Sunt enim *Arthritici* , quibus , in Paroxysmorum intervallis , (maximè si Paroxysmi tenues sint , & nimium mites , aut forte intercisi) ista per *Aures* Evacuatio vicem obtinet *Arthritidis* summè Regularis . Sunt etiam , in quibus , neglecta re Articulari , neque Artuum Glandulas Veneni expulsiōe penitus omissa , Natura unis *Achoribus* contenta , per eos id exterminet .

III. Affectibus jam dictis , unà cum aliis omnibus , quæ *Trunci* relinquuntur , *Anomalis* , hoc commune est ; Eas periculo , quàm *Anomalæ* sunt internæ reliquæ , multo magis expertes esse , & ad regularem *Arthritida* propius acce-

dere . Cujus rei ratio , tam ex Locorum à natura ignobilitate ; quàm ex eo , quod Auxiliis etiam externis ii tractari possint , elicienda est .

Quin etiam hoc addendum , à Corporis ambitu , ad ejus medullium ; à *τοῖς ἰσχυροῖς* ad *τὰ ἰσχυρότερα* , *Arthritidem* non creberrime transferri : certe rarius , quàm ipsam *Regularem* . Cujus eventui nullam aliam excogitare valeo rationem , quàm quod *Artus* , à Corpore longe in Aerem projecti , sæpe à Frigore magis patiantur ; & , quæ *Arthritida* reperiuntur , Causis magis pateant externis : Quibus hæ nostræ *Anomalæ* non sunt adeo obnoxia , & raro intercisa Viscera subintrant ; verum è contrario in Artus multo frequentius erumpunt .

IV. Communis harum *Anomalarum* Medicina vult , ut , graves eæ si contingant esse , initio detrahatur Sanguis ; deinde Purgans , (sive *Aloëticum* , sive aliud è *Δρασικωτέροις* aliquod) quo *Materiæ* vitiosæ partim Ano possit expediri , partim ad Artus amandari , detur .

Præter hæc communia , nisi malum ingravescit , nihil est , quod amplius suadeam Medicinæ . Tuta enim est , & incolumis Ægroti res ; si non ex omni parte placida . Quin & ii Homines *Arthritici* molestius sæpe ferunt *Dolores* in Articulis , etsi restituendæ Sanitatis ergo factos , quàm , cui medeantur illi , Malum . Mos igitur iis in hoc rerum statu gerendus , & , donec Malum per se inclinet , aut tempore vincatur , expectandum est .

At si urgebunt *Dolores* (quæ propria eorum Medicina est) Æger stragulis in Lecto coopertus , aut Spiritu C. C. aut *Theriaca Androm.* cum Pul. Gasconic. vel Rubro Exoniensi , vel ejusmodi

* Dissertatione , de *Arthritide Symptomatica* . Cap. XI.

modi aliquo *Cardiaco*, una cum *Posseto Anthosato*, sive Sudore Materiam foras ejiciat, sive in Artus amoliatur.

Quod de *Doloribus* hisce, tam fixis, quam vagis, pronuntiavimus, id etiam in *Erysipelate* valebit; ut nempe per *Cardiaca*, *Podagram* expellentia, miasma procul arceatur.

Si, post Evacuationes jam dictas, intendatur *Ophthalmia*; sive etiam minimè levetur, erit, quo Organum, æque pene cum vita carum tueamur, Remedio opus: Quare *Collyrium* modicè discutiens, & corroborans adhibeatur. Inservit huic Intentioni, id, quod sequitur.

℥. *Album. Ovi*, agita, *Aqua Rosac. dilue*, adde *Camforæ gr. aliquot*, f. *Collyrium*; cujus *Guttæ* in *Oculum* paucae omni mane instillantur, *Lintea*que eo immersa *Palpebræ* bis terve in die superponantur. Potest commode *Lapis Calaminaris*, sive *Tutia* præparata *Collyrio* superaddi.

Si *Αχώρης* permolesti sint *Arthritici*, eandem fere recipiunt Curationem, ac qui absoluti; neque enim, eorum causa, in Articulis Dolorem excitari velim: tanta eorum incolumitas, tam magna utilitas. Quod de hac *Anomala* [quantum mihi videtur] una proponendum.

HISTORIA.

Achores, ab Arthritide in alio Corpore generati.

Postremo ineunte seculo, non procul ab Urbe, Vir egit Generosus; qui, ob juventam non nimis sobriam, ea vix finita, laboravit *Arthritide*. Ætate progrediente, similem ea progressum habuit, & quotannis increvit: do-

nec Artuum motu ferme omni privatus, Æger demum *Clinicus* evasit. Erat ille Vir, si quis unquam, totus ex *Arthritide* factus; pari certe ratione, atque dicitur

Ο λ @ α ἰ θ ρ ω π @ ἐν ᾠ γ ε τ ῆ ς ρ ῆ σ @.

Cum annos prope viginti maritus sine Prole esset, favente demum *Arthritide*, Filiam progenuit. Castissima, & Venerabilis ejus Uxor non tam *Lucina*, aut *Diana*, quam *Arthritidi* debuit, quod facta esset mater. Patris tam *Arthritici* Filia, Originis suæ labem & maculam non uno modo agnovit: Erat enim Vultu pallido & languenti, Constitutione tenerrima. Plures enixæ filios, Partus ei non parum profuerunt; & à Miasmate nativo, magnam illius partem evacuando, tuebantur. *Αχώρης* autem, præcipuè cum illa defierat ἐκ γαστρί ἔχειν, erant gravissimi. *Aures* externæ, multum tumefactæ, per *Ulcuscula* Virus emisere, mordax & acre: cujus acrimonia *Regio* isthæc omnis inflammata est. *Virus* ficcatum in *Squamas* abire solitum est; in *furfuraceas*, subalbidas: quibus, sive sponte decidentibus, sive refricando sublatis, *Ichor* denuo jugiter emanavit. Neque *Purgantia*; neque virtutum optimarum *Alterantia*, [à Viris arte nostra celeberrimis præscripta] malum hoc vicere; modum ei forsitan imposuere.

Ut semel dicam, Miasma hoc indomitum & pestiferum, *Matronæ* illius Filios hunc in diem aggravat; quorum plerique omnes (sunt autem multi) *Aurium* Exudationes, aut alias illius Veneni notas, & indicia, veteri nempe Contagio afflati, gerunt; & testimonio sunt probabili, Miasma hoc virulentum, in alio Corpore per *Ar-*
u 2 *thritida*

Arthritida regularem, in alio per *Achores* à Natura ejici.

C A P. XVIII.

De Epiphora, & Dolore Dentium
Arthritico.

ART. I. **D**E *Catarrhis* iis, qui *Arthritica* facti materia, Pulmones, aliaque Respirationis Organa invadunt, & Tussim frequenter inferunt, alibi disputavimus: Qui *Oris* sunt, & *Oculorum*, eadem Materia facti, atque eodem è numero reliqui; eos, hoc Capite dicendos, jam nunc aggrediemur.

De *Podagra Dentium* Libellum olim in lucem misit *Joh. Steph. Strobelbergerus*, Thermiater Cæsareus; ut vel propterea super hac re Sermonem instituerem supersederem. At quum iste Liber, quicquid promittat ejus Inscriptio, non tam de *Dolore Dentium Arthritico*, (cujus neque Therapiam propriam, nec quidem Diagnosin ullam in medium profert,) quàm de Affectu isto, quatenus Exquisito agat; integrum mihi erit, hanc *Anomaliam*, cum aliis suæ Tribus, unà tractare.

II. Quod ut accuratè faciam, imprimis observandum est, Humores illos acres *Arthriticos*, qui, per ambitum Corporis erratici, Dolores ciere solent ante dictos; in *Glandulas Oculis* vicinas, & secernendis Lacrymis dicatas, à Natura non nunquam infundi, & jugiter isthinc emanantes *Epiphoram* creare: modo in *Gingivas*, & eas, quæ Dentes circumvestiunt, Membranas immitti, & *ὀδονταλγίαν* facere. Qui utique affectus sæpe diutini sunt, & (Humore salso teneras, sensusque acutissimi Fibras urgente, Spiritusque

eas inhabitantes stimulante) non nunquam etiam molesti: Quoniam autem iidem, ab *Arthritide* nunc à τοῖς ἐξω percussa, & Paroxysmum interrumpente, oriantur; nunc in *Arthritida* regularem desinant; utrumque verò ita tum oriri, tum desinere constat,) idcirco etiam *Arthritici* censeantur; ipsamque esse *Arthritida*, Sede germana, & Via jam relictis, alieno in regno ἀνωμαλῶς sævientem.

III. Si morbi illi tenues sint, nec ægrotantes supra modum urgeant. Curatio his *Arthriticis*, ac quæ Exquisitis, eadem sit utilissima: Si verò graviores periculum, vel molestiam inducant, hujusmodi velim Medicinam.

Primò, Sanguis mittendus; speciatim, optimeque *Vena Jugulari*: Tum Venter resolvendus, Sanguis turbandus; dato, quod ambobus his sufficiat muneribus, mane postero, *Purgante*: Deinde *Epispasticum* Cervici applicandum: Ulcuscula verò, ne arecant, *Litu* illinantur *Epispastico*; & tamdiu quidem, quamdiu mali gravitas perduraverit. Postea, si *Arthritis* ad affectam usque Partem adhærescat, non nisi molimine quodam in Artus removenda, ad rem facient auxilia, tam quæ, extra applicata, educant eam, evocentque; quàm quæ ore sumpta expellant. Atque hæc istorum Medicina Morborum est communis.

Propria requirit, ut in *Epiphora* vitatis, initio præcipuè, restringentibus (ne Sero, acri, & venenoso exeunti Viam occludant, & Fistulam inducant) *Collyriis* mollientibus Seri nimia mitigetur acrimonia. Quem in finem *Lac* inservit muliebre, recens, *Oculis* immissum; uti etiam, è *Mucilagine Sem. Psyllii*, & *Cydon. Aqua Ros. extracta*: vel

vel è Trochisc. albo Rhasis & Aqua Plantaginis Collyrium.

Sin Os Catarrhus opprimat, & ægro- tantem Humorum Copia, vel Asperitas offendat; prodest Gargarismis eos tum diluere, tum elicere. Ad eliciendum, quam quod maximè, conducit Ras. Raph. Rusticani, cre retenta, & man- ducata; cujus sollicitatione prægnantes se Gingivæ possint exonerare.

Si Dentem forcipe evelli, postulave- rit Dolor; eo, quod Alveolum purget, (Melle puta Mercuriali cum Sale com- muni, Aqua fontana mixtis, vel ejus- modi alio) oportebit gargarizare: quo peracto, rursus in Alveolum intru- datur Dens, ob Evulsionem utilior eva- furus.

Epiphoræ hujus Exemplum in Capi- te undecimo protulimus; Odontalgia verò Arthritica in manibus est Histo- ria, quam illico adscribam.

HISTORIA.

Dentium Dolor Arthriticus.

Quidam mihi familiarissimus, & in rebus agendis conjunctissimus, biliosum & siccum habens Corpus, Ca- tarrhis jam inde à Cunabulis immu- ne; ubi ad ætatis medium accessit, ex Pedibus laboravit. Plurima huic Ar- thritico acciderunt; quæ attentè ob- servata, recteque considerata, ad mor- bi hujus inconstantis, dubii, versatilis ingenium & morem explicandum, valeant egregiè: Unum habeo in præ- sentia dicere; alias alia.

Cum ætas præcipitavit, (quæ non humanam modò Sanitatem, sed & ipsos morbos afficit, eorumque in- terturbat, & abrumpit ordinem) Ecli- pses primo leviores, paulatim ma- gnas, & graviores passa est Arthritis.

Pro Arthritide, Juncturas Artuum mo- re suo occupante, multumque crucian- te, nunc Vertigo; nunc Cephalalgia, nunc Dolores per universum Corpus externum erratici, nunc (quod ad rem nostram attinet) Dentium Dolor acu- tissimus erat. Mirum Ægro videbatur, & Portenti simile, morbo se vexari tam parum convenienti; Vetulum nempe, Pumice aridiorem, Catarrho Dentes infestante.

Inito hac de re Colloquio, dubium & sollicitum percunctor, quo se modo gesserat per dies hosce nuperos Arthri- tis: Utrum Paroxysmos satis cre- bros, satis vehementes, sic, ut olim, ediderat. Neque crebros, neque vehe- mentes Æger reponit; sed, in propin- quo esse Arthritidem, ex Cephalalgia, ex Doloribus huc illuc vagis, se hario- lari. Quibus Ego; Quid si adventantis illis Arthritidos Signis, addas etiam Odontalgiam: quando, hunc Affectum, una cum ceteris modò dictis, eadem Causa fieri verisimile sit; Arthritica scil. materia, naturæ jam molesta, ja- nua non optima in fugam pulsa.

Ut in pauca rem conferam, paulo post Articulos invasit Dolor, Arthri- ticus, omnibus numeris absolutus; eo- demque tempore Dentium ille Dolor, ut & omnes alii remifere. Hujusmodi Odontalgia ille postea sæpenumero perpeffus est; ex Arthritidos aberrationibus, & deliquiis semper exortam; in Arthritida regularem, & idoneam, semper exeuntem: ut de confirmanda indole morbi hujus Arthritica, plura, ut opinor, addere supervacaneum esset.

C A P. XIX.

Corollaria continet, cum Epilogo.

ART. I. **H**Æ sunt Arthritidis in Trunca Corporis Ano- malia;

malia; non dicam omnes, nec quidem ulla omnibus numeris absolutas; (certe absolutum, & perfectum hujusmodi Opus vix unius Seculi, nedum Homini unius effet;) sed insigniores aliquas, & quæ in facienda medicina mihi passim obvenire, notatu digniores.

Ex iis, quales sint, persuasum mihi habeo, quod apparebit, *miasma Arthriticum*, præter Artuum mala, omni ævo animadversa, varios, multi formes, multumque discrepantes inter se Affectus, si eorum Facies, si Phænomena spectemus, efficere; & quidem in hac nostra Regione (forsan etiam in aliis non minus) crebro: Varios scil. pro istarum Partium, & locorum in quibus sunt, varietate; multiformes, pro diversa eorum structura; & pro eorum usu, discrepantes.

Deinde, constat Affectus, sic à devio hoc miasmate generatos, Partium affectarum morbos proprios, & vernaculos, ad amissim omnes simulare, Vultus eorum usurpare; Signa vel Pathognomonica præ se ferre, neque à morbis indignis, per ea, quæ concurrunt Diagnostica, posse quovis modo distingui; sed è contrario revera cum iis sæpenumero confundi.

Deinde palam, uti spero, factum est, non hos Affectus, alienos & *Arthriticos*, quoties ingravescant, & jam magnifiant; etiam si propriis affectarum Partium morbis simillimos, illorum medicinis, [quæ quidem magnis, & gravibus hisce sublevandis, nequaquam aptæ, vel pares sunt,] tractari oportere; verum è diverso privis, suoque singulorum mori, & ingenio accommodatis. Hæc autem & illæ uniuscujusque horum pro ejus *Subjecto* esse, & cum eo multiplicari: unde tot

novæ *Arthritidis* Formæ, fereque tot diversæ earum Curationes, quot inveniuntur ejus *Anomalie*.

Deinde, diximus *Anomalie* singulam singulæ Curationem non alio modo facilius absolvi, nec quidem auspiciatius suscipi, quam Partem aggravatam, & novô hoste obsessam allevando: Illud autem optime effectum reddi, partim Evacuationibus, tam Universalibus, quàm Topicis; sed iis, privata ratione, quæ nimirum malis hisce maximè conducant, adhibitis, optime vero omnium per Hostis Expulsionem, & ab iis quæ intus sunt iniquè occupata, ἀπὸς τοῦ ἐξω, ad Artus ablegationem. Quibus autem Auxiliis, qua medendi methodo, in prædictis *Anomaliis* hoc præstari possit, hujus Scripti Pagina fere omni ostensum est, & declaratū.

Hæc hujusce *Dissertationis* Sūma est.

II. Hisce positis, manifestè patet, quàm ad Hominum Salutem magnifit momenti, deviam hanc *Arthritida* sectari, investigare; quamque, Latebras ejus perscrutari, Larvas excutere, & in Artus suos, & Domum, utcunque invitam & reluctantem, eam, quaquam tuto possit Arte, reducere. Nam, cum *Arthritis Regularis* & *Anomala* plerumque sint in simili ratione, de *Anomala*, tametsi per se obscura, seque multum occultante; quantum illa grassetur in vulgus, & quatenus sæviat, ex *Arthritide Regulari* laborantibus, (nempe ex illius crebritate sævitiaeque; horum autem *sex non naturalibus*) cuivis liceat conjicere. Qui rectè calculum hac in re posuerit, pro certo invenerit, quod, tametsi *Arthritide Regulari*, quàm *Anomala*, plures ægrofent; tamen *Anomala*, quàm *Regulari*, longe plures occumbant: imo quidem *Regularem* raro, nisi

nisi prius degenerantem in *Anomalam*, occidere ; ita vero creberrimè.

Prætermiſſis autem hiſ, & harum *Anomaliarum* investigatione; (quam in ſuorum commodum & tutelam, Medentiſ ſemper erit pro re nata exercere) ſive neglecta, ſive perfunctorie, vel imperitè facta ; neceſſe eſt ægrotoſ, ſimulatiſ hiſ Affectibus, *Colica* nimirum, *Phthiſi*, *Aſthmate*, *Angina*, ne dicam aliis ejuſmodi *Arthriticis* (id eſt, *Arthritide* morboſ illoſ referente) opprimi quampluriſmoſ ; quoque longiſ ſerpat, & magiſ glifcat *Arthritis* idonea, ea proportione plureſ.

III. Neque noſtram hac de re Doctrinam, ulla quidem ex parte, convellet ; nedum eam evertet id, quod de *Arthritidiſ Symptomaticæ* Speciebuſ olim dixi, (Si quiſ haſce *Anomaliſ*, Partium affectarum morboſ eſſe Vernaculoſ, & Exquiſitoſ ; *Apoplexiam* v. g. veram, & genuinam, miaſmate fieri poſſe *Arthritico* ; fruſtraque totieſ, & ſine neceſſitate multiplicatam à me *Arthritida* contenderit ;) quandoquidem (ut de Rerum Nominibuſ, quæ earum Naturas explicent, & tanquam Iconeſ, in conſpectu ponant, eligendiſ & præferendiſ, nihil dicam) horum Affectuum utcuſque dominatorum, medicina, quæ à me potiſſime ſpectata eſt, *Θεραπευτική* ſuo uſque, ſic opinor, ſtabit talo, recto nempe & inconcuſſo ; *Arthritidiſ* in Artuſ Expulſione, quod à me propoſitum, omnino molienda.

Quibuſ addi poteſt Veteres (*Paulū* volo, *Alexandrū*, *Aetium*, *Galenū*, *Aretæum*) non ſolum, *τ' ἐξω*, ſed etiam (ut in Præfatione dixi) *τ' ἐνδον* *Arthritidem* exhibuiſſe, Horumque me Autoritate fuiſſe uſum, & Veſtigia repreſſiſſe.

IV. Hæ, quas nunc protulimur, *Ar-*

thritidiſ Anomaliſ, ſuo quæque genere graveſ ſunt, magnæ, & immodicæ καὶ ἐξοχλῶ : Alias autem minoris ordinis, eaſque non paucas eſſe ſuſpico ; quæ nunquam eminenteſ, aut ad ſtatum hunc notabilem evectæ plerumque viſum fugiant, & pro nulliſ habeantur. Enimvero, uſu medico vel parum exercitatiſ, hoc latere nequit ; *Arthritide*, (præcipue frigida, inerti, languida ; maximè verò omnium ea ſuppreſſa, retuſaque,) ægrotanteſ, interdum *Humeri*, *Pectoriſ*, *Dorſi*, *Lumborum*, aliarumque in ambitu Corporiſ Partium *Dolore vago*, tanquam *Rheumatico* ; ſæpe etiam Capitiſ Affectibuſ, more proriſ *Hysterico* ; alias aliis in Corpore malis, quaſi *Scorbuticiſ* urgeri ; ſæpiſſime verò *valetudine dubia*, & in tempuſ diutinuſ incerta, & neutra, eſſe. Qui quidem eorum ſtatuſ, ac conditioneſ, ſenſu remiſſiori, & leniori gradu morboſæ, nataleſ ſuoſ *Arthritico* miaſmati, cæco, in Corpus ſubrepenſi, & eo loci clam agentuſ, ſe debere, ultro videntur agnoſcere : Quin etiam aliquando, multoſ poſt annoſ dubiuſ hunc in modum actioſ ; tandem, apparente Paroxyſmo *Arthritidiſ* idoneo, de iſtorum Origine & Natura malorum *Arthritica*, omniſ ſublata dubitatio eſt.

V. Quid ! quod *Arthriticorum* Gnatoſ quotieſ obtueor, & nunc *Achoreſ*, nunc *Catarrhoſ*, nunc *acreſ* Inteſtino- rum *Humoreſ*, (ut taceam alioſ Affectuſ certè non paucos,) iis familiares animo complector ; proſecto quidem memet vix temperare poſſum, quin eorum Ortuſ incuſem ; & Affectuſ hoſce nihil aliud eſſe mecum reputem, quàm *Arthritidiſ* Hæreditariæ quædam *Αποσπασμάτια*, ſeu ſcintillulaſ, à Parenti-

Parentibus acceptas; in Natorum Corpora, simul cum ipsa Vitæ Lampade derivatas; & in iis, secundum eorum modum agentes.

Hæ verò quum sint tantummodo Conjecturæ, nec quidem ullis fide dignis probationibus suffultæ; de iis solum *Anomaliis* scripsi, quæ indicibus certis, & Argumentis, si non *ὑποδείξεσι*, tamen valde probabilibus, *Arthritidos* esse comprobentur; iisque fui contentus maximam partem *Anomaliis*, quæ ex *Arthritidis* præapertæ, claræ, & manifestæ Deliquiis oriri jure merito censeantur.

Epilogus.

HÆc sunt, quæ dicere habui de *Arthritide Interna*, sive in *Trunco* Corporis *Anomala*; totius *Arthritidographiæ* Parte (nostra quidem opinione) principali & potissima, certè cultu & expositu omnium dignissima: In quibus exponendis eo fui prolixior, quoniam magni Salutis Hominum interesse judicavi; & à medicis aut nulla fuit harum rerum mentio; vel, si ulla, semper utique brevissima, & quasi

in transcurso facta: verum de certa *Arthritidos Anomala Diagnosti*; de illius *Reductione*, & ejus præstandæ methodo, nemo unquam mortalium (quantum scio) quidquam est locutus. Uti verò apud *Astronomos* ista *Solis Theoria*, quæ Ortus, ceteraque gloriosissimi illius Luminis Phænomena describeret; omnino manca judicaretur; nisi etiam *Eclipses* ejus exhiberet; eo certè plenius, & accuratius exhibendas, quæ illæ sint in Chronologicis Rebus illustrandis, & Temporum Punctis statuendis utiliores; quoque etiam explicatu difficiliores: Ita quidem *Arthritidis* Historia, tametsi *Regularem* planè dilucicè tradat *Arthritida*; nequaquam absoluta, atque adeo imperfecta credatur, si nullos habeat *Arthritidis Defectus*; si nullam *Internam* cujus insuper Notitia, quo Humano Generi commodior; quoque fuerit ignotior, eo distinctius, eo fusiori calamo tractanda.

Quin hæc à me diligenter observata, non sine labore collecta, fideliter renunciata, & jam, animo erga Humanum Genus benevolo, in lucem missa, boni consulite.

F I N I S.

Δόξα τῷ ἐν ὑψίστοις Θεῷ.

E P I T O M E.

C A P U T P R I M U M.

De Arthritide Anomala generatim.

ARtus Sedes Arthritidis Regularis, ARTICULUS I. Truncus, sive quod reliquum est Corporis Anomalæ; II. Arthritidum Anomalarum

malarum, quæ Regularem nullum præcurrentem habent Paroxysmum, Diagnoses admodum difficiles; III. Earum quæ Regularem Paroxysmum insequuntur, Diagnoses, variis Symptomatum ordinibus sunt eliciendæ. De Anomalæ Arthritidos ὑπάρξει minimè constabit, nisi de Regulari Arthritide præcurrente prius constiterit. Eodem Puncto incipiunt hi Ordines, at diversos habent exitus. Quo certior Arthritidos Regularis ὑπάρξει, illiusque Materia quo certior, in ea, quæ intus sunt, Translatio; eo certior Anomalæ Notitia; IV. Internæ Partes intelliguntur esse Trunci omnes, V. Arthritidem inter Regularem & Anomalam, quæ sit Differentia, VI. Tam Symptomaticæ, quàm Primigeniæ Arthritidos Ἀνωμαλίας, VII. Trunci Partes fere omnes, sed alias aliis frequentius, invadunt, VIII. Unde tam vastum earum Imperium, IX. Causæ earum enumerantur, X. Ut & differentiæ, XI. Medendi Indicatio generalis, ut Arthritide Anomala pars affecta citissimè, tutissimè levetur; Materiæ partim è Corpore evocando, partim in Artus transferendo. Præmissis, qua par est, Evacuationibus, Curatio reliqua per Materiæ, in Artus Translationem efficienda est: Quam ejus expellendæ viam Natura maximè affectat. Medicamenta huic Intentioni inservientia sunt vel Interna Arthritidem expellentia; maximè conducunt è Ferro præparata, præcipue Martis Alcohol, sive Ferrum Nutritum, ejus conficiendi Modus; Formulæ Ποσα-
 γαγωγῶν: Vel Externa, quæ Articulis dolere solitis post Internorum usum aliquem applicata, foras Arthritidem invitent: Eorum recensio. Ichore vitioso exulante, Æger ad tempus aliquod

immunis est. Mitior hæc Crudelitas, quàm per Misericordiam methodus. XII.

C A P. II.

De Ventriculi Affectibus Arthriticis.

NUllam in Trunco Partem magis infestat Arthritis, quàm Ventriculum & Intestina, ART. I. Ut Ventriculum ingrediatur ea, duo requiruntur; primum, in Sanguine Miasma fugitivum; deinde Ventriculus, ei recipiendo accommodatus; II. Quibus ille modis sic accommodetur: Ex Causarum diversitate magna, oritur Anomalarium diversitas, III. Arthritidis in Ventriculo agentis Descriptio, IV. Quibus signis innotescat Natura ejus Arthritica, V. Senes ea plurimum urgentur. Autumno sæpe incipit, VI. Ejus cum Arthritide Regulari Comparatio. VII. Anomala hic describitur absoluta, VIII. Ut ab Affectu distinguatur Hypochondriaco, IX. Perinde est, Materia per circuitum, an recta Ventriculum intret, & sive Fixæ, sive Erraticæ Arthritidos sit Materia: Qui denique huic malo procliviores, X. Medendi Indicatio postulat Ventriculum allevari Purgatione: & in Artus Arthritidos amotione: Utriusque Purgationis instituendæ ratio. Vomitio, si manet post Catharsin, Laudano compescenda; XI. Quibus auxiliis amoveatur Arthritis, quaque Arte tum expellatur, tum evocetur. Quæ hoc tempore Diata. Si Ventriculum Arthritis repetat, quid faciendum. Hujus Methodi Utilitas. Prophylaxis, XII. Historia I. In Ventriculum & Intestina irruens Arthritis, foras expulsa. Hist. II. Arthritis idonea, Balneo Frigido in Ventriculum, & ea, quæ intus sunt, repulsa.

- Hist. III. Recta Arthritis, & in Ventriculo Anomala, se vicissim excipientes, cum Anomalæ Curatione.
- Hist. IV. Arthritis semel iterumque in Ventriculo Anomala, toties expulsa.
- Hist. V. Arthritis iterum ac sæpius in Visceribus Anomala, toties in Artus ablegata, cum Anomalæ Prophylaxi.
- Hist. VI. Ex Plenitudine Arthritis, partim Recta, partim in Ventriculo Anomala, Purgantibus & Podagra-gogis allevata.
- Hist. VII. Arthritidem, ex Animi perturbatione, Anomalam, in Viam ducunt Ποδαγραγωγὰ.
- Hist. VIII. Arthritis Vaga, primo Partibus ex Contusione læsis; deinde Ventriculo hærens, in Sanguinem resorbetur; in Artus emittitur.
- Hist. IX. Multum interesse, qua Tempestate laboret Æger hac Anomala; ad eamque removendam, tam Externa, quàm Interna nonnunquam in Corpore validissimo requiri.
- Hist. X. Cibi Fastidium, & Asthma, ex Arthritide Ventriculum infestante; ea expulsa, sublata; ea denuo repulsa, recidiva.
- Hist. XI. Ex Arthritide, Cardialgia, ut & alias Αρροεζία, per Catharticum, & Humores in Artus expellentia, feliciter curata.

C A P. III.

De Colica Arthritica.

MOrbus hic, gravis & frequens, una cum Intestinis Ventriculum premit, ART. I. Ejus Descriptio, II. Natura Arthritica, III. Diagnos, IV. Cause remotiores externæ, quæ repellunt Arthritidem, V. Internæ, Intestinatorum Imbecillitas, &c. VI.

Ab aliis Colicæ Speciebus, ut distingua-tur, VII. Ejus Differentiæ, VIII. Pro-gnosis, IX. In Curatione, de Phlebo-tome, de Vomitu deliberandum; deinde Purgatio instituenda. Tum Podagram expellentibus, una cum Anticolici, uten-dum. Eorum Formulæ, & sumendorum Methodus. Contra Spasmos Intestino-rum pertinaces Fodus, Linimentum, E-nema. Quæ Dietæ ratio optima. Vi-num utilissimum, X. Prophylaxis, XI. Morbus hic Hippocrati non inco-gnitus, XII.

- Historia I. Colica Arthritica malè tractata, demum lethalis.
- Hist. II. Arthritis Vaga, Colicam men-tita, ad Regularem Arthritida reduci-tur; cum ejus Prophylaxi.
- Hist. III. Colica, ex Quiete, Arthritica, in Arthritida Regularem versa.
- Hist. IV. Colica multarum Hebdomadum Arthritica, eadem methodo curata.
- Hist. V. Colica Arthritica, Purgatione, & Ποδαγραγωγῆς, sublata.
- Hist. VI. Colica, una cum Dolore Capi-tis, Arthritica plus semel allevata.
- Hist. VII. Arthritis, Intestina sæpe atro-cissimè invadens, toties exturbata.
- Hist. VIII. Colica Arthritica, cum Pa-ralyfi superveniente.

C A P. IV.

De Diarrhœa Arthritica.

Miasma Arthriticum non nun-quam Intestinis infusum, ea sti-mulat, donec Ano exterminatur, ART. I. Diarrhœa ista ut dignoscatur esse Arthritica, II. Causam Continentem, & proximam, tantummodo unam habet; initium, & exitus varios. Quæ per se ac-cidit, non raro Salutaris: Quæ Pharma-cis excitatur, si modum non excedat, utilis;

utilis; *sin nimis pertinax fuerit, dubia, vel lethalis*, III. In priori, Naturæ relinquendum opus, nisi nimium excurrat Diarrhœa; tunc enim Astringentibus; at Cardiacis eget: Reliquiæ verò morbosæ post tempus aliquod Lenientibus exprimendæ. Diarrhœa sistenda, si à Purgatibus fiat: Si à Cruditatibus, Purgatione (altera, vel utraque) opus erit; deinde Restringtonibus. In Dysenterici periculo Emulsum. Ad Prophylaxin Alcohol Martis, cum Aquis Ferratis, IV.

Historia I. Diarrhœa crebra, & Salutaris.

Hist. II. Diarrhœa, à Cathartico, Arthritica, opportune suppressa.

Hist. III. Arthritis vaga Intestina occupans, solo externorum usu evocata, & Artubus infixa.

Hist. IV. Cruditatibus orta Diarrhœa Arthritica, Medicinæ beneficio inhibita.

Hist. V. Diarrhœa Arthritica lethalis.

Hist. VI. Alia ejusmodi.

C A P. V.

De Dysenteria Arthritica.

Transitio, ART. I. Miasma Arthriticum aliquando Intestina mordet, exeditque Vasa eorum exilia, Sanguinem vehentia: Unde Dysenteria, II. Morbi hujus H^{ist}oria, III. Dependet is à Miasmate prædicto in Sanguine renovato, idque constanti norma. IV. Insultus sæpe repetit, Paroxysmis Arthriticis, si spectemus intervalla respondentes. Nunc in Ulcus, nunc in Abscessum degenerat, V. Curatio: Sanguine profluente conquiescat Æger: Cardiacæ non nisi cautè adhibendæ: Lingua Laudano superillinatur. Potioni sit Decoctum album. Dysenteria hæc omnino Critica. Ad eam, si nimia fuerit,

inhibendam Adstringentia. Valet interdum Enema. Vitentur Acida. Quæ conveniat Diæta. A Dysenterici exquisitæ Curatione, quantum hæc differat. In Prophylaxi valent Aquæ Ferro alteratæ.

Historia I. Tenesmus, & Dysenteriam inferens Arthritis, omisso Externorum usu lethalis.

Hist. II. Dysenteria Arthritica in Abscessum migrans.

C A P. VI.

De Abscessu Intestinorum Arthritico.

AD Abscessum inferendum Miasma Arthriticum cum primis aptum. ART. I. Ejus formandi ratio, II. Causæ ejus binæ, quarum altera dictum Miasma è Sanguine expulsum; altera Intestinorum Imbecillitas, III. Hic Abscessus sæpe magnus, in alimentari Fistula, creberrimus; sæpe recidivus, IV. Si in Ano fuerit, eadem fere Curatio, quæ in Abscessu Ani genuino; si in Fistulæ superiori parte, raro ante Puris Evacuationem sentitur. Dysenterici aliquando *ὄνυχισται*. Quæ, rupta Vomica, conveniat Curatura. Evacuato Pure, Balsamica; Venæ sectio interdum prodest. Aqua ferrata, cum è Ferro præparatis, & Restringtonibus, &c. *προφυλάττονται*, V. Veteres Arthritici Vitiis Ani Arthriticis affliguntur, VI. Arthritis in Visceribus, à Luciano belle descripta, VII.

Historia I. Abscessus Intestinorum Arthriticus auspiciato sanatus, recurrendo lethalis.

Hist. II. Abscessus Ani Arthriticus, feliciter curatus.

Hist. III. De Ani Arthritica, propter Aloeticum, Inflammatione, cum in-flante Gangræna.

C A P. VII.

De Melancholia Arthritica.

TRansitio, ART. I. Morbi hujus Mos ;
II. Dyspepsia oritur. Ut ab Ar-
thritide Melancholica distinguatur. III.
Curatio Purgantibus, (sed blandis) &
Podagragogis peragenda : Quæ ratio
Prophylaxeos, IV.

Hist. I. Melancholia, propter Ar-
thritidis Paroxysmos minus idoneos.

Hist. II. Arthritis Melancholico Saluti.

Hist. III. Melancholiam, & Hydropa
Arthriticum sanat, arte comparata,
Arthritis idonea.

C A P. VIII.

De Syncope Arthritica.

TRansitio, ART. I. Morbi ratio, II.
Therapia requirit Cardiaca, ad-
modum generosa ; Frictiones, interdum
Vomitionem, eamque Vino movendam,
III.

Hist. I. Syncope Arthritica, foras
abacta Hoste, curata.

Hist. II. Alia ejusmodi.

Hist. III. Arthritide diu ignava &
inerti, generata Syncope, illius Paro-
xysmo regulari sublata.

C A P. IX.

De Calculo Renum Arthritico.

Raro cuiquam unquam Morborum
frequentius supervenit Calculus,
quàm Arthritidi; Estque vulgari Renum
Calculo, Arthriticus per similis, ART. I.
Huic malo conferunt mala Concoctio, &
Lacteorum Ora nimis debiscencia, II. Est
hic Calculus, Lapidis Calcarii cum Sa-
le suo Calcario, vel Ochreæ cum Sale Vi-

triofico, coitio, III. Ejusdem planè
Naturæ est cum Tofo Arthritico, IV.
Ut à Colica, tam Exquisita, quàm Ar-
thritica distinguatur, V. Si Paroxysmus
simul Arthriticus erit, nullus hic Aci-
dorum Fotuum, aut Cataplasmatum
usus : Profunt interdum Paregorica. Si-
lente verò Arthritide, si quis hoc Cal-
culo agrotet, quæ Curatio. Syrupi Præ-
paratio Balsamici. In Dysuria Calcu-
lo superveniente, juvant Opiata cum
Diureticis juncta. Dorsi Dolor judicium
Calculi æquivocum.

Hist. I. Calculo & Chiragræ una
concurrentibus, facta simul Medicina.

Hist. II. Adversus Calculum Arthriti-
cum Prophylaxis.

Hist. III. Calculus Arthriticus, Verti-
go Arthritica, & Arthritis regularis
se mutuo excipientes.

C A P. X.

De Asthmate Arthritico.

UNum hoc Capite tractatum Asth-
ma, nimirum Ἰσικαθιμὸν, ART. I.
Quænam hoc Affectu Corpora maxime
graventur, II. Causa Continens, Mias-
ma Arthriticum, III. Cause remotio-
res, IV. Asthmatis hujus, & Arthritidis
ratio inter se, naturam illius Arthriti-
cam manifestè probat. V. Est vel Sic-
cum, vel Humidum; utriusque Mos,
VI. Virus Arthriticum Pituita invo-
lutum, Sputatione ejicitur; & quidem
commode, VII. In Asthmate sicco
quodnam Morbi Subjectum? VIII.
Asthma interdum occurrit Arthriticum
sine prævio Arthritidis Paroxysmo, IX.
Quæ in utroque Asthmate, (tam humido,
quàm arido) πρόγνωσις, X. Curatio tol-
lit Impedimentum respirandi, Venæ-
sectione, Purgatione, Clysteribus : Quæ
Sicco

Sicco propria; quæ Humido Therapia: Quid in Paroxysmo faciendum; quid in Prophylaxi. XI.

Hist. I. Adolescens, ab Arthritide Asthmaticus, Empirici Narcotico peremptus.

Hist. II. Asthma siccum, Arthriticum; Venæ sectione & Cardiaco sublatum.

Hist. III. Arthritidis in Paralysin, & Asthma Metamorphosis.

Hist. IV. Arthritis in Asthma, & Hydropa desinens.

Hist. V. Asthma cum Iliade Malorum, Arthritidos defectu Regularis, exortu.

Hist. VI. Asthmatis Vultum induens Arthritis.

Hist. VII. Ab Arthritide reperiussa Pectoris externi Oppressio, Spiritus impeditus.

C A P. XI.

De Catarrho, Tussi, & Peripneumonia Arthritica.

HI Affectus, quoniam ab eadem Causa eundem Locum aggravante fiunt, una hoc Capite tractantur, ART. I. Quænam ii creberrimè invadunt, quæque Corpora potissimè laceffunt, II. Achores, & Catarrhi Puerorum, qui Arthriticis orti sunt Parentibus, haud immerito suspecti, III. Arthritidis in Pulmonem Metastasis omnium certissima. De minus certis quomodo judicandum, IV. Seniores sæpe invadunt hæ Anomalix & quia de causa, V. Sputi consideratio, VI. Si Affectus Arthritidi Regulari apponuntur, VII. Tussis eorum omnium frequentissima, aliquando Regularis Paroxysmi Symptoma prænuntium, VIII. Tussim interdum excipit Hæmoptoe, IX. Tempus horum Affectuum Autumnus; multum ad eos confert Pulmonis Imbecillitas,

X. Ex Algore, vel Cardiacis Peripneumonia nonnunquam accedit, XI. Medendi Indicatio communis est, ut Pulmo quam citissimè levetur: Ubi nihil adversatur, prodest Venæ sectio; maxime verò in Peripneumonia: In plerisque Purgatio, sed peculiari modo facienda: Tum Πόδαγγωγὰ, cum Anacathartics juncta. Horum Formulæ proferuntur. Ad prohibendam Sanguinis Colliquationem valet Decoctum Corticis. His succedunt Externa, Arthritidem evellentia: quibus severis, non nisi urgente necessitate, utendum est, XII. Ad Prophylaxin, aperiantur in Dorso Fonticuli: Aëre aperto fruatur Æger; quibus, aliisque hac in re, idoneis, aut prætermisissis, aut perperam adhibitis, Æger & οὐκ opprimitur, XIII. Peripneumoniæ quæ Arthriticæ Curatio, XIV. Medicina isthæc (alia, quam Clariss. Sydenhami) defenditur. XV.

Hist. I. Tussis Arthritica.

Hist. II. Tussis Paroxysmi Arthritici Symptoma prænuntium.

Hist. III. Sputatio Arthritica, in extrema ætate nimia.

Hist. IV. Anacatharsis Arthritica Salutaris.

Hist. V. Peripneumonia Arthritica.

Hist. VI. Catarrhus, Asthma, Tussis Arthritica, per Humorum in Artus Αρτίωσιν, & deinde Evacuationem mitigata, sublata.

C A P. XII.

De Phthisi Arthritica.

TRansitio, ART. I. Morbi hujus H^o II. Ultimum ejus Stadium, cum Exquisita Phthiseos ultimo concordat. Homines natu provectiores (aliter, quam Exquisita Phthisis) aggreditur; Rebris

ejus *Hæctica*, plerumque *Lenta*, III. Nunc ex *Arthritide* *repercussa*, hæc *Phthisis* brevi tempore fit; alias non nisi spatio annorum aliquot, IV. *Morbi Natura* patet ex ejus *Γενεαλογία*, V. *Curatio* postulat, ut *Pulmo* allevetur. In principio valere potest *Phlebotome*, & *Catharsis*. Postea *Bechicis*, & *Ποδαγραγώγῳ* utendum; & quidem eo usque, quoad siverit à *Febre* periculum, & postulaverit *Arthritidis Expulsio*. Si *Febris* exardeat, quid fieri oporteat. Hisce dies aliquot adhibitis, extra admoveantur *Arthritidem* educientia. *Opiata*, & *Incrassantia* meritò suspecta, VI. *Prophylaxeos* ergo, maxime valent *Aquæ Ferratæ*, & *Aër*, præcipue *Maritimus*. Prosunt *Artuum Fricationes*, *Fonticuli*, *Sorbitio*, *Chocolata Pectoralia*; obsunt *Catarrhi*, VII. *Galenus* mentionem fecit hujusmodi *Ρεύματῶ* (scil. *Arthritici*) in *Pulmonibus*, *Ægros* sæpe suffocantis, VIII.

Historia I. Tussis Arthritica *lethalis*.

Hist. II. Phthisis Arthritica, *Medicamentis Calidioribus* sæpe levata.

Hist. III. Phthisis Arthritica, *incipiens*, curata.

C A P. XIII.

De Angina Arthritica.

Febriacula ad expellendum *Miasma Arthriticum*, in *Sanguine* excitata, non nunquam parit *Anginam*, I. *Natura* ejus *Arthritica*, ut detegatur, II. *Quæ illa Corpora*, & quas ob *ωροφύσεις* invadat usitatissime, III. *Diagnosis*, IV. *Cum Angina exquisita*, ejus convenientia, V. *Curatio* vult, ut *Fauces*, quam primum alleventur, & quidem *Methodo privata*: Prodest interdum *Larigotome*, VI. *Uti non nunquam Acida*: *Externa*, *Arthritidem* educientia, VII.

Historia I. Arthritis Fauces, & *Artus simul semelque occupans*.

Hist. II. Anginæ Arthriticæ, ad *Abscessum* tendentis, in *Arthritida Regulari* *Metamorphosis*.

Hist. III. Materia Arthritica partim *Abscessu Anginoso*, partim per *Articulares Glandulas* expressa.

Hist. IV. Arthritis primum Fauces, deinde *Articulos* invadens.

Hist. V. Anginæ Arthriticæ auspiciato supervenit *Arthritis Regularis*.

Hist. VI. Angina & Abscessus Arthriticus cum *Arthritide* insequenti, recta idonea.

Hist. VII. De Arthritide multos annos Erratica, tunc *Anginam* iterum, & sæpius simulante; postremo *Regulari*, *Fixa*.

C A P. XIV.

De Capitis Doloze, & Vertigine Arthritica.

Obscuri sunt in *Capite Partium* usus, I. Quos sæpissime infestet *Dolor hic Arthriticus*, II. *Ejus Mos*; *Signum est aliquando Paroxysmi Regularis prænuntium*: Ni tale fuerit, etsi in *Capite Materia* remanserit, *Apoplexiam* introducit, III. *Ut de ejus ὁπαρξες* constet; *Dolor hic interdum lenis*, interdum pene ad *Delirium* usque gravis, IV. *Paroxysmum aliquando Perfectum*, aliquando *intercisum* excipit. V. *Vertiginis Arthriticæ Comes* fere individua, & tanquam *Soror gemina* est, VI. *Vertiginis Arthriticæ Subjectum est Cogitandi Officina*: *Cogitationis ratio* probabilis: *Videtur esse quædam Πνευματική*, VII. In *Vertigine Spirituum Fluctuationes* interturbantur, VIII. *Spirituum Εἰληγῶ* à *Cl. Willisio* propositus, in *dubium* vocatur. *Rerum Externarum* *Imagines*

Imagines in Capite veræ, ut & in Vertigine falsæ, per iis Rebus dissimilia fieri possunt, IX. Perturbantur Spiritus, vel ab alieno, à Sanguine accepto, hæc in penetralia se insinuante; vel Externo aliquo Tubulos coarctante, X. Vertigo hæc in plerisque, cum Dolo Capitis Arthritico concordat: Aut in Paroxysmum regularem, aut in Apoplexiam migrare solet. Miasma Arthriticum Epilepsiæ generandæ parum idoneum, XI. Horum Affectuum Curatio communis; tum etiam singulis propria. Balsamum Cephalicum Doctoris Waterhouse: Emulsa, Narcotica, Oxyrrhodina, &c. quæ Materiam Capiti insigant, omnino fugienda. Prophylaxis, XII.

Historia I. Ab gnava Arthritide Vertigo, Sanguinis missione & Alvi ductione victa.

Hist. II. Vertigo Arthritica, Purgatione in Podagram mutata.

Hist. III. Vertiginem, & in Capite Dorem faciens Arthritis; idque usitate, Venæ sectione & Purgatione toties in Articulos acta.

Hist. IV. Capitis Dolor, & Vertigo Arthritica sæpe revertentes, simili Methodo curati.

Hist. V. Cephalalgia Arthritica, Phlebotome & Spiritu Volatili in Podagram versa.

Hist. VI. Miasma Arthriticum in Caput immissum, Vertiginem & Dorem inferens, eo revulsum, & in Artus amandatum.

Hist. VII. Cephalæa, & Vertigo Arthritica, Medicina pari, cum Phœnigmis, sublata.

Hist. VIII. Vertiginis Arthriticæ cum Spirituum depressione gravi, Curatio.

Hist. IX. Ex Arthritide Vertiginosus, Vitæ nimis tenui depressus, interemptus.

CAP. XV.

De Apoplexia Arthritica.

Transitio, I. Apoplexiæ hujus Mos, & Medicina propria, II. Moris istius explicatio, III. Morbi ex Symptomatum Ordine investigatio; IV. Subiectum Cerebri Cortex, V. Causa continens, Vasculorum in Cerebri Cortice Dilatatio; vel Lentor Sanguinis; vel Miasma Tubulos subintrans, Spiritusque cominus aggressum, VI. Causæ remotæ, VII. Ex uno Miasmate pendet Arthritico, VIII. Prognosis, IX. Curatio propria. X. Prophylaxis, XI. Apoplexiæ, à Causa Arthritica, Symptomaticæ Curatio, XII.

Historia I. Vertigo Arthritica, cum impendente Apoplexia.

Hist. II. Arthritidi reperiussæ superveniens Apoplexia.

Hist. III. Somnus, ab Opiato profundus, ipsa propemodum Mors.

Hist. IV. Arthritis, ex Acidorum usu gravior, in Apoplexiam desinens Symptomaticam.

Hist. V. Apoplexia Arthritica feliciter curata.

Hist. VI. Apoplexiæ ut occurratur Arthriticæ.

CAP. XVI.

De Paralyfi Arthritica.

Miasma nunc in Meditullii Tubulis sistit; unde Apoplexia Idiopathica, I. Sæpe ad Tubulos Nervinos propellitur; unde Paralyfis Arthritica, II. Fieri potest, vel à Materia Viscida, vel à Virulenta, III. Causæ ejus remotiores, IV. Morbi istius, pro ratione Partis affectæ, varium, V. Ejus Differentiæ, VI. Typos habet aliquando Paralyfis Hysterica, VII. Prognosis. VIII. Thera-

pia peculiaris; IX. Prophylaxis, X. Historia I. Cephalalgia Arthritica, cum Paralyfi incipiente, curata.

Hist. II. Hemiplegia Arthritica simili modo curata.

Hist. III. Paralyfis Arthritica, cum Spasmo Oris Cynico, lethalis.

Hist. IV. Colica Arthritica in Paralyfin degenerans Arthriticam.

Hist. V. A Materia Colica Biliosa, primum Arthritis, & deinde Paralyfis.

Hist. VI. Ob Arthritidem, in Nervos inversam, Achoria.

Hist. VII. Ex Morsu Canis, Arthritidis rectæ Silentium, Stupiditas, Paralyfis, Arthritide denuo facta Regulari, curata.

Hist. VIII. Convulsiones, ex Arthritide inversa, universales, Arte Medica sublata.

C A P. XVII.

De Doloribus in Corpore vagis, fixis; de Ophthalmia; de Erysipelate, & Achoribus Arthriticis.

TRansitio, ART. I. Horum quis Dolorum Mos: Rheumatismi nomine vulgo delitescunt Vagi. Fixi nunc quasi Nephritici; nunc Oculos, Faciem, Aures occupat Miasma, & Ophthalmian quandam, Erysipelas, Achores inducit. Achores Arthritici vices aliquando tenent Arthritidos summè Regularis, II. Affectus hi, periculo magnam partem exper-

tes, ad regularem Arthritida propius accedunt. A Trunci Ambitu rarius, quàm ab Artubus, ad ea, quæ intus sunt, transfertur Arthritis, III. Harum Anomalarum Medicina communis, propria. Nullus ob Achores excitandus Articularis Dolor: quod de una hoc Anomala proponendum, IV.

Historia. Achores, ab Arthritide, in alio Corpore generati.

C A P. XVIII.

De Epiphora, & Doloze Dentium Arthritico.

DE Doloze Dentium exquisito scripsit Strobelbergerus, ART. I. Ejus Arthritici Mos & Natura, II. Quæ istorum Affectuum Medicina communis, quæ eorum singula propria, III.

Historia. Dentium Dolor Arthriticus.

C A P. XIX.

Corollaria continet, cum Epilogo.

Dissertationis summa, ART. I. Hujusmodi Medicinæ quæ necessitas; Arthritis rarò occidit Regularis, rarò nisi prius degenerans in Anomalam: ita vero creberrimè, II. Si quis hasce Anomalias, Partium affectarum Morbos esse Vernaculos affirmaverit, nostram hac de re Doctrinam minimè convellet, III. Aliæ sunt Arthriticæ minoris Ordinis Anomaliæ, propter obscuritatem prætermisæ, IV. V. Epilogus.

F I N I S.





